

This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books


<https://books.google.com>





#3. C. 17.

MENTEM ALIT ET EXCOLIT



K.K. HOFBIBLIOTHEK
ÖSTERR. NATIONALBIBLIOTHEK

43.C.17



Publ.



INCIPIT HISTORIA RERVM
IN PARTIBVS TRANSMARINIS GESTARVM
A TEMPORE SVCCESSORVM MAHV METH, VS-
QVE AD ANNV DOMINI M. C. LXXXIV.

Edita à venerabilì Willermo Tyrensi Archiepiscopo.

WILLERMVS DEI PATIENTIA SANCTÆ TYRENSIS
ECCLESIAE MINISTER INDIGNVS, VENERABILIBVS IN CHRISO
fratribus, ad quos præsens Opus peruenerit, æternam in Do-
mino salutem.



*D*ericulosum esse, & grandi plenum aleâ, regum gesta
describere, virorum prudentium nemo est qui dubi-
tet. Nam, ut laborem, iuge studium, perennes vigi-
lias, quibus huiusmodi solent indigere negotia, peni-
tus omittamus, duplex historiographis certum est im-
minere præcipitium: quorum vix est, ut alterutrum
declinare valeant. Effugientes enim Charybdim,
Scyllam incurrunt, quæ succincta canibus, non minus
nouit procurare naufragia. Aut enim rerum gesta-
rum veritatem prosequentes, multorum in se conflagrant inuidiam; aut indigna-
tionis gratiâ leniendâ, rerum occultabunt seriem: in quo certum est non deesse de-
lictum. Nam rerum veritatem studiosè præterire, & occultare de industria, con-
tra eorum officium esse dinoscitur. Ab officio autem cadere, procul omni dubio,
culpa est: si tamen verè dicitur officium, congruus actus vniuscuiusq; per-
sonæ, secundum mores & instituta patriæ. Rerum autem incontamina-
tam prosequi gestarum seriem, & veritatis regulam non deferere, res est quæ in-
dignationem solet sapius excitare: iuxta illud quod vetere prouerbio dici solet;
Obsequium amicos, veritas odium parit. Aut igitur à suâ professionis ca-
dent officio, obsequium præstantes indebitum; aut rei veritatem prosequentes, o-
dium, cuius ipsa mater est, eos oportebit sustinere. Hac nimirum frequentius ita
sibi solent aduersari, & se mutuâ importunitate reddere molesta. Nam iuxta
Ciceronis nostri sententiam: Molesta est, veritas, siquidem ex ea nascitur
odium, quod est amicitiae venenum: molestius tamen obsequium,
quod vitiis indulgēs, amicum sinit ire præcipitem: quod in se videtur im-
plere, qui obsequii gratiâ, contra officii debitum suppressit veritatem. Nam eo-
rum qui adulationis studio rerum gestarum articulis inuoluunt impudenter men-
dacia, tam detestabile factum creditur, ut nec scriptorum numero debeant socia-
ri. Si enim rerum veritatem gestarum occultare secus est, & deficiens à scripto-
ris officio, multo fortius peccatum reputabitur, mendacii nauum veris immisce-
re, & quod à vero deficit, credula pro vero posteritati contradere. Ad hæc, ni-
hilominus æquè vel amplius formidabile historiarum scriptoribus solet discrimē

GGG

occurrere, totis viribus fugiendum: videlicet, ne rerum gestarum dignitas, sermonis ariditate, & oratione ieiunâ, sui dispendium patiatur. Verba enim rebus, de quibus agitur, decet esse cognata; nec à materia nobilioris elegantia; scriptoris linguam degenerare. Vnde magnopere cauendum, ne amplitudo materiae tractatus debilitate succumbat: & vitio narrationis exeat macilentum vel debile, quod in sui natura pingue solidumq; subsistit. Nam ut ait Orator eximius in Tusculanarum primo: Mandare quenquam literis cogitationes suas, qui eas nec disponere nec illustrare possit, nec delectatione aliqua lectorē allicere, hominis est intemperanter abutentis & literis & ocio. Hæc igitur dilemma, & multiplicatē periculi, in præsentī nobis videmur incidisse. Nā in opere quod gestamus præ manibus, multa de regū moribus, & vita, & corporū habitudine, siue cōmendabilia, siue nota subiactia, prout rerum gestarum series videbatur deponere, interseruimus: quæ eorum posteri relegētes, impatienter fortasse portabunt, & aduersus Chronographum præter meritum incandescent; aut inuidum aut mendacem reputabunt; quorum utrumq; (viuit Dominus) tanquā rem fugimus agere pestilentē. Nam de reliquo iam non licet ambigere; quod ad impar opus impudenter enitimur, & quod ad rerum dignitatem nostra non satis accedit oratio. Non nihil est tamen quod egimus. Nam & in picturis rudes, & ad artis arcana nondum admissi, luteos primū solent colores substernere, & prima linimenta designare: quibus manus prudentior, fucis nobilioribus decorem consuevit addere consummatum. Primò enim, summo labore iecimus fundamenta, quibus sapiētiōr architectus obseruatâ veritatis regulā, quam in nullo deseruimus, egregio tractatu, artificiosa magis poterit superadficare triclinia. Inter tot igitur periculorum insidias & anceps discrimen, tutiūs fuerat quiescere: silēdumque erat, & ocium calamis indicendum: sed urgentissimus instat amor patriæ; pro qua vir benè dispositus etiam (si id necessitatis articulus exigat) vitā tenetur impendere. Instat inquam, & auctoritate quā præminet, imperiosè præcipit, ut quæ apud se centum penè annorum gesta sunt curricula, silentio sepulta, non patiamur sentire posse obliuionis incommodum: sed styli exarata diligenter officio, posteritatis memoriæ conseruentur. Paruimus igitur, & manus dedimus ei, cui nostram non satis honestè negare poteramus operam: non multum attendentes quid de nobis censura sit posteritas; & quid in tam excellēte materia exanguis nostra mereatur oratio. Paruimus sanè, utinam tam efficaciter, quàm libenter; utinā tam cōmendabiliter, quàm deuotè: natalis soli magis tracti dulcedine, quàm vires cum assumpto labore compensantes; non ingenii ope freti, sed pii seruiore affectus, & caritatis sinceritate. Accessit præterea domini Almarici regis, (cuius anima sanctā requie perfruatur) illustris memoriæ, & inclitæ in Domino recordationis iussio, non faciliè negligenda, & instantia multiplex, quæ ad id ipsum nos maximè impulit: cuius etiam rogatu, ipso Arabica exemplaria ministrante, aliam historiam à tempore seductoris Mahumeth, vsque in hunc annum, qui est nobis ab incarnatione Domini MCLXXXIV. per annos quingentos septuaginta decurrentem conscripsimus: auctorem maximè secuti virum venerabilē Seith, filium Patriicii, Alexandrinum patriarcham. In hac verò, nullā aut Græcam, aut Arabicā habentes præducem scripturam, solis traditionibus instructi, exceptis paucis quæ ipsi oculatâ fide conspeximus, narrationis seriem ordinauimus, exordium sumētes ab exitu virorum fortium, & DEO amabilem Principū, qui à regnis Occidentalibus, vocante Domino, egressi, Terram Promissionis, & penè vniuersam Syriam



Syriam in manu forti sibi vendicauerunt. & inde usq; ad regnum domini Balduini quarti: qui in ordine regum, computato domino duce Godefrido, qui primus regnum obtinuit, locum habuit septimum: per annos LXXXIV. cum multa diligentia protraximus historiam. Et ut ad pleniorum status Orientalium regionis, lectori nihil deesse possit intelligentiam studioso, paucis & succincte præmissimus, quo tempore & quanto, seruitutis iugum passa fuerit: quæ fuit hoc medio tempore fidelibus in ea degentibus inter infideles conditio: & quæ fuerit occasio, ut post tam longa continuæ seruitutis tempora, Occidentalium principes regnorum ad eorum liberationem excitati, tantum sibi peregrinationis onus assumpserint. Quod si quis ad nostras occupationes respiciat, quorum multiplicitate fatigamur plurimum; tum circa egregiam & à DEO custoditam Tyrorum metropolim, cui non de meriti electione, sed solâ Domini patientiâ præsidemus; tum circa domini Regis negotia, in cuius sacro palatio Cancellarii fungimur dignitate, & circa necessitates alias, quæ solito maiores emergunt: ad indulgendum erit procliuor, si forte in opere præsentis occurrerit, unde iustius offendatur. Occupatus enim circa plurima animi motus interior, ad discutienda diligentius singula solet debilior consurgere; & partitus, tantam singulis non potest impendere diligentiam, quantam totus apud se residens, uniformis, consuevit unicis & singularibus aptare studiis. Vnde & facilius meretur veniam. Distinximus autem volumen vniuersum in libros XXIII. eorumque singulos certis designauimus capitulis, quo lectori facilius, quicquid de articulis historiæ sibi viderit necessarium, occurrat: propositum habentes, vitâ comite, quæ deinceps nostris temporibus rerum futurarum depromet varietas, his quæ præmissimus addere, & numerum augere librorum, pro quantitate occurrentis materiæ. Certum porro tenemus, nec nos hæc fallit opinio, quod nostræ imperitiæ testem producimus opus præsens. Et qui latere possumus silentes, nostrum scribendo prodimus defectum, dum officium caritatis amplectimur: magis tamen volumus absque ea quæ inflat inueniri, quàm eâ quæ adificat carere. Nam sine illa plures ingreßi ad nuptias, mensâ regis inuenti sunt digni: qui autem sine hac inuentus est inter conuiuas, audire meruit: Quomodo huc intraßti nõ habens vestem nuptialem? quod ^{Matth. 22,} ne nobis accadat, auertat qui solus potest, miserator & misericors Dominus. ^{11.} Scientes tamen, quoniam multiloquio non solet deesse peccatum; & miseri hominis lingua in lubrico posita, pœnam facile meretur: inuitamus fraternè, & exhortamur in Domino nostrum lectorem, ut cum iustum reprehensionis locum inuenerit, caritate mediâ, utatur eâ licenter, & de nostra correctione, sibi acquirat æternæ vitæ premium: memorque nostri in suis orationibus impetret apud Dominum, ut quicquid in opere præsentis deliquimus, nobis non imputet ad mortem: sed de gratuita bonitate & inolita pietate clementer indulgeat Saluator mundi: cuius tribunal nos miseri & inutiles in domo eius serui, accusantem supra modum verentes conscientiam, non immerito formidamus.



EXPLICIT PROLOGVS.

GGG 2

INCIPIUNT CAPITVLA LIBRI PRIMI.

I. Quod tempore Eraclii Augusti, Homar filius Catab, tertius post Mahumeth, dux Arabum, uniuersam occupauit Syriam.

II. Quae fuit occasio, quod ita subito Orientem occupauit: & quod idem Iherosolymam ueniens, templū Domini readificari praecepit.

III. Quanto tempore sub alternis dominis Syria iugum passa est seruitutis: & quomodo fidelibus, qui sub infidelium ditione degebant, utilis fuit amicitia magnifici Imperatoris Karoli, cum Aarum rege Persarum contracta.

IIII. Quomodo in potestatem deuenit Aegyptii Caliphæ: & quomodo Heque nequissimo regnante, seruitutis iugum super fideles factū sit intolerabilius: & de ruina ecclesiae Iherosolymitanae.

V. Quae erat conditio fidelium per illud tempus inter infideles.

VI. Quomodo patri nequam, filius Daber egregius moderator regni successit: & precibus domini Romani, Constantinopolitani Imperatoris, readificatur ecclesia, cooperante Ioanne Carianite, Constantino monacho necessaria ministrante.

VII. De ortu & prima origine gentis Turcorum.

VIII. Quot & quantis vitiis per illud tempus subiectus esset mundus.

IX. Quomodo peccatis exigentibus, Persae usque ad Hellespontum uniuersas occupauerunt regiones.

X. Quomodo per idem tempus fidelium turba ad Urbem sanctam accedebant, & qua conditione habebatur tam intus quam extra: & quomodo in manus Turcorum iterum restituta est ciuitas.

XI. De aduentu viri DEI, Petri Heremita; & collatione eius, & venerabilis viri Symeonis Patriarchae Iherosolymorum.

XII. Reuelatio quae facta est eidem Petro, in ecclesia sancta Resurrectionis.

XIII. De controuersia inter Imperatorem Henricum, & Gregorium Papam septimum: & quomodo Urbanus eius successor, Petrum ab Hierosolymis reuersum, benigne suscepit.

XIV. De ingressu domini Urbani Papae ad partes ultra montanas, & synodo apud Clarum montem habita.

XV. Exhortatio domini Papae ad populum, pro via Iherosolymitana.

XVI. Qui de principibus ad iter se obtrulerunt: & de signo Crucis, quod ituri vestibus suis in signum voti & futura peregrinationis imprimebant.

XVII. Nomina principum qui de regno Francorum & Theutonicorum iter assumpserunt.

XVIII. Galterus Senfaneir primus viam ingressus, Constantinopolim peruenit.

XIX. Petrus Heremita subsecutus, per Hungariam transiens, Hungarorum sentit perfidiam.

XX. Apud Niz urbem Bulgariae, inter peregrinos & Bulgaros tumultus oritur periculus.

XXI. Petrus fugientem suum reuocat exercitum, & iterum cum Bulgaris querit pacifice conuenire: sed factus est error nonissimus peior priore, & dissipata sunt eius legiones.

XXII. Petrus recollecto profugatarum legionum suarum residuo, Constantinopolim peruenit: & transito Bosphoro, castrametatur in Bythinia.

XXIII. Exercitus eius, eo absente, a finibus Nicenis, pradas agit: & iuxta urbem Nicenam oppidum expugnat.

XXIV. Solimannus Turcorum princeps praedictum recuperat oppidum: & quotquot in eo reperit, gladio perimit.

XXV. Concitatur aduersus eundem Solimannum, ob cadem fratrum uniuersus exercitus, & pugnans aduersus eum consumitur.

XXVI. Solimannus victor nostrorum castra diripit: residuum populi aut captiuum trahit, aut perimit: Castrum Ciuitot obsidet: sed auditā Imperatoris legatione, recedit.

XXVII. Godescalcus sacerdos quidā Theutonicus, iterum exercitum ducens, in Hungariam peruenit: qui turpia in Hungaros operari non veretur.

XXVIII. Epistola regis Hungarorum ad praedictum Godescalcum, & eius exercitum: & interitus eorundem miserabilis.

XXIX. Quomodo praecedentes exercitus subsecuta est insensatorum hominum multitudo infinita, Iudaorum interimens populum, & absque disciplina incedens.

XXX. Quomodo castrum Meeszeburg obsederunt, & septingentos ex Hungaris interfecerunt: & tandem diuinitus in fugam versi, penè omnes ab Hungaris interfecti sunt.

EXPLICIUNT CAPITVLA LIB. I.

INCIPIT



INCIPIT LIBER PRIMVS.

CAP. I.

IRA DVNT veteres historiarum, & idipsum etiam habent Orient-
 alium traditiones, quod tempore quo *Heraclius* Augustus Roma-
 num administrabat imperium, *Mahumeth* primogeniti Satha-
 næ (qui se prophetam à Domino missum mentiendo, Orienta-
 lium regiones, & maximè Arabiam seduxerat) ita inualuerat
 doctrina pestilens, & disseminatus languor ita vniuersas occu-
 10 pauerat prouincias, vt eius successores iam non exhortationi-
 bus vel prædicatione, sed gladiis & violentiâ in suum errorem populus descendere
 compellerent inuitos. Cum enim prædictus Augustus, victor reuersus de Perside
 (vnde Crucem Domini cum gloria reportauerat) adhuc in Syria moram faceret, &
 per *Modestum* virum venerabilem, quem Hierosolymis ordinauerat episcopum, ec-
 clesiarum ruinas, quas *Cosdroe* Persarum satrapa nequissimus hostiliter deiecerat, in
 priorem statum, datis sumptibus necessariis, reformari præcepisset. *Homar* filius *Ca-*
tab à prædicto seductore tertius, erroris & regni successor, cum infinitis Arabum co-
 piis, egregiam Palæstinorum urbem Gazam iam occupauerat violenter. Vnde post-
 modum Damascenorum fines cum suis legionibus & infinita multitudo, quam
 20 secum trahebat, ingressus, Damascum expugnauerat; prædicto Imperatore adhuc
 in Cilicia rei exitum expectante. Quod cum ei nunciaretur, quod Arabes in tantam
 elati superbiam, & de sua multitudine præsumentes, Romanorum fines inuadere,
 & eorum vrbes sibi vindicare non vererentur: videns quod ei vires non suppeterent
 ad occurrendum tantæ multitudini, & vt eorum comprimeret insolentiam, maluit
 ad propria sospes redire, quàm viribus imparibus, bellorum se dubiis committere
 casibus. Sic ergo eo discedente, qui afflictis ciuibus tenebatur patrocinium ministra-
 re, Arabum inualuit violentia, ita vt subito, & infra tempus modicum, à Laodicia Sy-
 riæ usque in Ægyptum, vniuersas occupauerint regiones. Quis autem fuerit prædi-
 ctus *Mahumeth*, & vnde, & quomodo ad hanc proruperit insaniam, vt se prophetam
 30 mentiri, & à DEO missum dicere præsumeret; cuius porro vitæ & conuersationis;
 quâdiu regnauerit, & vbi; & quos demum habuerit successores; & quomodo penè
 orbem vniuersum pestiferis eius repleuerint dogmatibus, qui eum in eodè errore se-
 cuti sunt, alibi disseruimus diligenter; sicut ex subsequētibus datur intelligi manife-
 stè. Cooperabatur sanè ad eorum propòsitum, quod paucis ante annis prædictus
Cosdroe eandem Syriam violenter ingressus, vrbes deiecerat, concenderat suburba-
 na; & ecclesias subuertens, populum captiuauerat: & Vrbe sanctâ effractâ, hostiliter
 in ea triginta sex ciuium millia gladio perimens, crucem Dominicam, & loci eius-
 dem episcopum *Zachariam*, cū residuo populi tam urbis quàm regionis vniuersæ se-
 cum transtulit in Persidem. Hic enim Rex Persarum potētissimus, domini *Mauritii*
 40 *Augusti* (cuius adeò familiaris fuit beatus *Papa Gregorius*, vt vnum de liberis eius de sa-
 cro fonte susciperet) filiam nomine *Mariam* in vxorem duxit: cuius gratiâ coniugii,
 lauacrum regenerationis adeptus est, fuitque Romanorum amicissimus, quamdiu
 prædictus vixit Imperator. Quo demum à *Phoca Cesare*, qui eidem postmodum in
 Imperio successit, proditiosè interfecto; abominatus eorum perfidiam, qui tam ne-
 farium hominem, & adhuc domini sui cæde cruētatum super se regnare passi fue-
 rant, quasi occultæ societatis reos, & illius sceleris habentes conscientiam: Imperii
 fines violenter ingressus est, in res eorum violenter desæuiens, soceri necem, vxore
 stimulante, vltum iri desiderans: subactisq; cæteris regionibus, quæ Romanorum
 suberant ditioni, nouissimè Syriam, vt præmisimus, obtinuit: populis eius aut per-
 50 emptis gladio, aut secum in Persidem deductis. Ingressi ergo Arabes, terram habi-
 tationibus reperientes vacuam, maiorem subiiciendi eam sibi repererunt oppor-
 tunitatem. Sic ergo urbem Deo amabilem, Hierosolymā videlicet, paribus calami-
 tatibus inuolutam comprehēdentes, populo, qui in ea erat modico, vt eis factus tri-
 butarius extremis cōditionibus deseruiret, pepercerunt, permittentes eis suum ha-
 bere episcopum, & ecclesiam, quæ, vt prædictum est, deiecta fuerat, reparare; & re-
 ligionem liberè conseruare Christianam. Dum autem in eadem ciuitate princeps
 supra nominatus moram faceret, cœpit diligētē à ciuibus percunctari, & maximè

à viro venerabili *Sophronio*, eiusdem loci episcopo (qui Modesto piæ memoriæ iam defuncto successerat) vbi nam esset locus in quo Templum Domini fuerat, quod à Tito Romano principe, cum ipsa vrbe dirutum fuisse legitur: qui ostendentes ei locum designauerunt, aliqua vetusti operis exstantia vestigia demonstrantes: vbi sumptibus qui sufficere possent ad impensam designatis, & conuocatis artificibus, subiectâ pro votis materiâ tam ex marmorum diuersitate, quàm ex lignorum differētia multiplici, templum ædificari præcepit. Quo postea infra modicum tempus, iuxta conceptum mentis feliciter consummato, quale hodie Hierosolymis esse dinoscitur, multis & infinitis ditauit possessionibus, vnde suppeterent facultates, ad habenda perpetuò eiusdem facta tecta, & vetera renouanda, & continenda luminaria per
 I O
 manum eorum qui in eodem templo deseruirent. Quæ autem sit illius forma, & quæ operis elegantia; quoniam penè omnibus notum est, non est præsentis tractare negotiū. Extant porrò in eodem templi ædificio, intus & extrâ, ex opere Musai-
 II L
 co, Arabici idiomatis literarum vetustissima monimenta, quæ illius temporis esse creduntur: quibus & auctor, & impensarum quantitas, & quo tempore opus inceptum, quoq; consummatū fuerit, euidenter declaratur. Sic igitur ciuitate Deo
 amabili & sacrosanctâ, peccatis nostris exigentibus, infidelium subiectâ hostium ditioni, iugum indebitæ seruitutis continuis passa est laboribus per annos *quadringētos nonaginta*; conditionibus tamen alternis. Nam frequenti rerum mutatione, dominos mutauit frequentius: secundum quorum dispositionem, plerunque lucida,
 2 O
 plerunque nubila recepit interualla; & ægrotantis more, temporum præsentium, grauabatur, aut respirabat, qualitate. Plenius tamen conualescere non poterat, quæ infidelium principum, & populi sine Deo, dominatione premebatur violētâ. Diebustamen illius admirabilis & prædicandi viri, *Aarum* videlicet, qui cognominatus est *Resith*, qui vniuerso præfuit Orienti (cuius liberalitatem & vrbane præcipuam, & mores singulariter commendabiles, vniuersus etiam vsq; hodie Oriens admiratur, & præconiis attollit immortalibus) interuentu piissimi & immortalis memoriæ viri, domini videlicet Imperatoris *Karoli* (qui mutuam, intercurrentibus
 3 O
 nunciis frequentibus, inter se gratiam & mirabili subnixam fœdere, conciliauerant) plebi Dei tranquillitas præstita est, & fauor principis clementer indultus ad
 multam consolationem; ita vt magis sub imperatore *Karolo*, quàm sub dicto principe degere viderentur. De quo ita legitur in vita prædicti viri gloriosi: *Cum Aarum rege Persarum, qui, exceptâ Indiâ, totum penè Orientem tenebat, talem habuit in amicitia concordiam, vt is gratiam eius, omnium qui in toto orbe terrarum erant regum ac principum amicitia præponeret, solumq; illum honore ac magnificentia sibi colendum iudicaret. Ac proinde cum legati eius, quos cum donariis ad sacratissimum Domini ac Saluatoris nostri Sepulchrum, locumq; resurrectionis miserat, ad eum venissent, & ei domini sui voluntatem indicassent, non solum quæ petebantur fieri permisit, sed etiam sacrum illum & salutarem locum, vt illius potestati ascriberetur, concessit. & reuertentibus legatis suos adiungens, inter vestes & aromata, & ceteras Orientalium terrarū opes, ingētia illi dona direxit: cum ei ante annos paucos,*
 4 O
eum quem tunc solum habebat, roganti mitteret elephātem. Nec solum iis qui Hierosolymis habitabant sub infidelium potestate fidelibus, verum & iis qui in Ægypto & in Africa sub impietate degebant Sarracenorum, suarum largitionū frequenter dirigebat solatia, & pietatis opéra porrigebat; sicut in eius vita legitur, quæ habet ita. *Circa pauperes sustentādos, & gratuitam liberalitatem (quam Græci eleemosynam vocant) deuotissimus, vt non in patria solum & in regno suo id facere curauerit, verum trans maria, in Syria & Ægypto atq; Africa, Hierosolymis, Alexandria, atq; Carthagini, vbi Christianos in paupertate viuere compererat, penuria eorum compatiens, pecuniam mittere solebat. Ob hoc maxime transmarinorum regum amicitias expetens, vt Christianis sub eorum dominatu degentibus, refrigerium aliquod ac releuatio proveniret.* Quod autem & quantis rerum, temporum, & domi-
 5 O
 niorum variis permutationibus hoc medio tempore flagellata fuerit, tam prædicta Dei cultrix ciuitas, quàm vniuersa ei adiacens regio, si quis scire desiderat, eam relegat historiam, quam nos de *Gestis Orientalium principum*, à tempore prædicti seductoris Mahumeth vsque in hunc præsentem diem, qui est nobis ab incarnatione Domini, millesimus centesimus octogesimus secundus, per annos quingentos septuaginta seriem rerum complexam, cum multo labore cōfecimus.

IV. Porro per idem tempus inter Ægyptios & Persas amula nimis & pertinax erat de

de monarchiâ contentio. Ministrabat autem odiorum fomitem & incētium maius, contradictoriarum obseruātia traditionum, qua vsque hodie vterque populus contentionibus reciprocis sacrilegos se appellant, sibi non cōmunicantes inuicem, ita vt etiam in nominibus velint habere differētiam. Qui enim Orientalium superstitionem sequūtur, lingua eorū *Sunni* dicuntur; qui verò Ægyptiorum traditiones præferunt, appellantur *Siba*, qui nostræ fidei magis consentire videtur. Quæ autem sit inter eos erroris differentia, non est præsentis tēporis edocere. Tandē verò Ægyptiorum regno inualecente, & vsque Antiochiam prouincias & regiones occupāte, cum cæteris in eius Vrbs sancta, legibus communibus, descēdit potestatem. Sub

10 quo principatu (sicuti captiuis solent aliquando tempora indulgentiora concedi) à suis anxietatibus cœpit aliquantulum esse remissiū, quousque consummatā hominum nequitia exigente, eidē regno *Hequen Calippha* præfectus est. Hic & prædecessorum suorum & successorum pariter longē vincens malitiam, factus est posteris, & eius infaniam legētibus solennis fabula. Adeo enim in omni impietate & nequitia singularis extitit, vt eius vita Deo & hominibus odibilis, speciales exigat tractatus. Hic inter cætera, quæ perniciosā plurima præceperat, ecclesiam Dominicæ resurrectionis (quæ per venerabilem virum *Maximum*, eiusdem loci episcopum, præcipiente domino Constantino Augusto ædificata fuerat, postea per reuerēdissimum *Modestum* tempore domini Heraclii reparata) funditus deiici mādauit. Cuius præ-

20 cepti rescriptum quidā eius procurator, præses videlicet Ramulensis, *Hyaroe* nomine, ad se directum suscipiens, prædicta ecclesia vsq; ad solum diruta, iussione regiam effectui mancipauit. Præerat verò eā tempestate eidē ecclesiæ vir venerabilis *Orestus* nomine, eiusdem nequissimi regis auunculus, matris eiusdē frater. Hoc autem ideò fecisse dicitur, vt suæ perfidiæ, populis infidelibus daret argumentū. Obiciebatur enim ei Christianitatis titulus, eò quod ex matre Christiana natus esset; quam quasi crimen à se volens depellere, prædictum facinus ausus est perpetrare: nihil arbitratus superesse calumniæ, quod in eius personam impingi posset, quodq; eius æmulis pateret ad morsum, ex quo religionis fontē Christianæ, fidei catholicæ cunabula deiecisset. Ab ea die cœpit fidelium in eadem ciuitate multò deterior esse

30 conditio, tum ex dolore iustissimo, quē ex casu Sanctæ Resurrectionis ecclesiæ cōceperant; tū ex multiplicatis angariis geminata molestia. Nā præter enormitatem tributorum & vectigaliū, quæ ab eis præter morē, & contra priuilegia à suis prædecessoribus indulta exigebātur, solennitates etiā interdixerat, quas vsq; ad illum diē sub aliis Principibus, & in occulto & palām satis liberē celebrauerāt. Quoque dies erat celebrior, eò arctius domiciliorum suorum septis cohibebantur, nec in publicū audebant cōparere. domi etiam non tutum dabatur eis habere refugium, sed iactu lapidum & sordium immissione, & violentis irruptionibus, quantò dies erat solennior, tantò ampliū molestabātur. Ad hæc & pro quolibet verbo leui, ad quamlibet accusatoris alicuius suggestionē, sine causæ cognitione rapiebantur ad cruces

40 & supplicia, bona confiscabantur, auferebantur possessiones, filiiq; eorum & filiæ rapti de domibus parentum, flagellis aliquando, nonnunquā blandimentis & promissionibus apostatare cogebantur, aut patibulis affigi. Qui autem pro tēpore erat illis Patriarcha, is primū iniurias excipiebat & opprobria; tum eos & publicē & secretiūs ad longanimitatem inuitās, pro temporalibus quæ pariebantur malis, coronas promittebat sempiternas. Cuius verbis & exemplo commoniti, transitorias pro CHRISTO contemnentes iniurias, se inuicem mutuā caritate consolabantur. Referre per singula longum esset, quanta in propriis corporibus prædicti serui Dei pertulerint tormēta, vt hæredes fierent in domo Domini, & vt leges æmularentur paternas. Vnum tamen de tot millibus, exempli gratia, producamus in medium, vt

50 per hoc deprehendat vestra dilectio, quam ex friuolis causis ad vltima supplicia rapiebantur. Quidā ciuis ex infidelibus nostros odio persequens infatiabili, vir perfidus & nequā, vt eis aliquid ad mortē moliretur, morticinū canis clam proiecit in atrium Templi, in cuius mundicia conseruanda, eius custodes & vniuersa ciuitas omnē impendebant sollicitudinem. Mane facto, qui orationis gratia accesserūt ad Templū, reperiens immundum cadauer & foetens, penē ad infaniā versi, vniuersam urbem repleuerunt clamoribus. Concurrit subito populus vniuersus, & omnes asserunt pro constanti, Christianos hoc fecisse. Quid plura? Decernitur interitus

vniuersis, & tam piacularè flagitium morte piandum iudicatur. Fideles porrò de sua confidentes innocentia, mortem pro CHRISTO parati erant subire. Dumque adessent spiculatores eductis gladiis vt populum interimerēt, obtulit se adolescens plenus spiritu, dicens: *Periculosum est fratres, si ita perit omnis hac ecclesia. Expedi magis vt vnus moriatur pro populo, & non tota gens pereat. Concedite mihi, vt mei habeatis annum in benedictione memoriam, & generi meo honor in perpetuum debitus conseruetur: ego vero, auctore Domino, hanc à vobis stragem depello.* Susceperunt igitur gratanter verbum, & quod ille petierat, vtrò concedunt. Et vt in ramis Palmarū ad perennem eius memoriam, contribules eius oliuam, quæ Domini nostri IESV CHRISTI significativa est, introducant in ciuitatem, in processione solenni, confirmant. Quo facto, 10 prædictus adolescens primatibus se offert ciuitatis, reum se confitetur, & omnes alios astruit innocentes. Quod audientes iudices, aliis absolutis, illū gladio exposuerunt. Et ita pro fratribus animam ponens, cum pietate dormitionem accepit, optimam in Domino habens repositam gratiam. Affuit tandem diuina clementia, & afflictorum miserta, consolationem intulit non modicam rebus desperatis. Prædicto enim Principe nequam rebus humanis exempto, cessauit ex parte quasatio, filio eius *Daher* regnum obtinente. Hic siquidem ad petitionem domini *Romani* Imperatoris Constantinopolitani (qui cognominatus est *Heliopolitanus*, cum quo etiam fœdus quod pater eius violauerat resarciens, contraxerat amicitiam) prædictam ecclesiam reedificandi fidelibus concessit potestatem. Quâ concessâ, 20 cognoscens plebs fidelium, quæ Hierosolymis habitabat, quòd ad tanti operis restorationem eorum vires non sufficerent, missis nunciis ad prædicti Romani successorem, dominum *Constantinum monomachum*, qui tunc agebat in sceptris, precibus porrectis, humiliter significant in quanto mœrore, & in quanta desolatione post ecclesiam dirutam populus consedisset: orant affectuosissimè, vt ad reedificationem ecclesiæ, Imperialis munificentia liberalem porrigeret manum. Procurabat autem eorum legationem quidam *Ioannes* cognomento *Carianitis*, Constantinopolitanus natione, nobilis quidem secundum carnem, sed moribus multo nobilior. Hic postpositâ seculi dignitate, CHRISTVM secutus, religionis assumpto habitu, Hierosolymis pauper pro Christo habitabat. Missus ergo, debitâ instantiâ, sollicitudine non pigra, apud eundem dominum Imperatorem fideliter elaborans, obtinuit, vt ad opus prædicti ædificii de proprio fisco, idem DEO amabilis Augustus, sumptus necessarios & sufficiens ministrari præciperet. Impetratâ ergo pro voto fidelis populi postulatione, lætus Hierosolymam reuersus est. Vbi nunciato itineris successu, & precum porrectarum exauditione, vniuersum clerum & populum, quasi de graui ægitudine conualescentes recreauit. Præerat autem eidem ecclesiæ tunc vir venerabilis, *Nicephorus* patriarcha. Sic ergo obtentâ licentiâ, & sumptibus de Imperiali thesario ministratis, eam quæ nunc Hierosolymis est, *sancta Resurrectionis* ædificauerunt ecclesiam, anno ab incarnatione Domini M. XLVIII. ante vrbs liberationem annis L I. tricesimo verò septimo postquam diruta fuerat. 40 Quâ constructâ, contra imminentiâ pericula, & mille mortis discrimina consolationem receperunt. Non tamen cessabant aduersus eundem populum fidelem frequentes iniuriæ, & angariarum noua genera; sputa, colaphi, vincula, carceres; ad vltimum, suppliciorum omne genus, quibus populus DEI incessanter affligebatur. Nec solum iis qui in eadem vrbe erant, sed etiam iis qui in Bethleem & Thecua, vbi soli habitabant fideles, idem cauterium imprimebatur. Quoties enim nouus accedebat præses, & missus à Calippha recens dirigebatur procurator, toties cōtra DEI populum nouæ struebantur calumniæ, & varia extorquendi inueniebantur argumenta. Et quoties à domino Patriarcha & populo communiter aliquid volebant violenter exigere, si aliquo casu eorum differebatur postulatio, statim minabantur 50 ecclesiam deiicere. Idque penè annis patiebantur singulis, confingentibus præsidibus se huiusmodi rescriptum à Regia directum celsitudine habere præmanibus, vt si aliquam difficultatem vel moram in præstandis tributis aut vectigalibus præsumerent annectere, eorum statim vsque ad solum dirutæ deponerentur ecclesiæ. Quamdiu tamen Ægyptiorum aut Persarum præualuit regnum, sub eorum imperio fideles melioribus vsi sunt conditionibus. At verò postquam Turcorum inualescere iterum cœpit regnum, & eorum virtus super Ægyptiorum & Persarum fines

A. Dni.
1048.

nes ampliari, & in eorum Vrbs sancta decidit potestatem, *per triginta octo annos*, quibus eam detinuerunt occupatam, maioribus molestiis cœpit populus DEI fatigari; ita vt leue ducerent, quod sub Ægyptiorum vel Persarum iugo pertulerant.

- Et quoniam de gente Turcorum frequenter nobis in opere præsentem erant dicenda quamplurima, quæ ipsi contra nostros, nostriq; aduersus eos viriliter magnificeque sapius gesserunt; & adhuc proteruè nimis in nostrorum impugnatione perseverant: nō videtur alienum à nostro proposito, de ortu & prima origine gentis huius, & processu ad hunc excellentiæ gradum, in quo iam multis annis steterit seleguntur, aliquid præsentem interferere narrationi. Gens igitur *Turcorum*, seu *Turcomannorum* (nam ab eodem habuerunt originem) ab initio Septentrionalis fuit, inculta penitus, & certam non habens sedem. Vagabantur etenim, & passim circumferebantur, pascuorum sectantes commoditatem, non habentes vrbes vel oppida, vel alicubi manentem ciuitatem. Volentes autem proficisci, incedebant simul qui ex eadem tribu erant, aliquem de maioribus contribulium suorum habentes quasi principem, ad quem vniuersæ quæ in eadem tribu simul emergebant, referebantur quæstiones; cuiusque dicto ab vtraque dissonantium parte parebatur; cuiusq; non impunè licebat examen declinare. Migrantes autem, vniuersam secum suam substantiam transferebant, equitiam, greges, & armenta, seruos & ancillas: nam in his eorum omne cōsistebat peculium: nusquam agriculturæ dantes operam; emptio-
- 20 num & venditionum ignorantes contractus, sed solis permutationibus, vitæ sibi comparantes necessaria. Volentes autem alicubi, locorum herbidorum amenitate tracti, tabernacula figere, & ad tempus aliquod moram sine molestia facere, per quosdam ex suis, qui videbantur prudentiores, regionum principes solebant conuenire, & pactis initis sub placitis conditionibus, & certa tributorum præstatione, sub principe qui regioni præerat, moram iuxta conditum habebant in pascuis & nemoribus. Accidit autem quod illius populi multitudo maxima ab aliis seorsum incedens, Persarum ingressi fines, regionem inuenerunt sibi aptissimam. Datoque Regi, qui erat pro tempore, secundum quod inter eos ab initio conuenerat, tributo, per annos aliquot moram ibi habuerunt diuturniorem. Augebatur autem
- 30 eorum populus in immensum, & multiplicationis eorum non erat finis: ita vt Regi & indigenis, mentem quodammodo habentibus præsagam, suspecta nimis esset eorum embola. Vnde factum est, quod habito consilio violenter à regni finibus eos per se propellere decreuerant. Sed mutato consilio visum est eis expedientiùs, vt multiplicatis angariis, & consuetis pressioñibus, nouis irregulariter superadditis eos fatigarent, vsque dum sponte sine coactione discederent. Cumque iam annis pluribus iniuriarum pondus & tributorum enormitatem exactorum sustinentes, diutiùs tolerare nolle, communicato decernerent consilio, & hoc Regi esset compertum, missa voce præconiâ, iussi sunt à regno infra certum tempus discedere vniuerso. Transeuntesque fluuium *Cobar*, qui regnum ex ea parte limitabat, vbi vi-
- 40 dent solito liberiùs & diligentius suorum infinitam multitudinem: nam prius seorsum habitantes, sui nec numerum nouerant, nec potentiam: mirati sunt, quomodo tantus, tamque innumerabilis populus alicuius principum aliquando tolerare potuerit superbiam, & angariarum & tributorum acerbicatem portare. Visumque est eis absque dubio, quod & Persarum populo, & qualibet natione nec numero nec viribus essent impares; nihilque eis ad obtinendas violenter finitimas regiones decisset aliud, quam id, quod more aliorum populorum sibi Regem non haberent. Volentes igitur votis consonis sibi Regem creare, describentes suorum vniuersam multitudinem, reppererunt in eis centum familias cæteris splendidiore: quarum quamlibet sagittam vnam præceperunt afferre, & iuxta numerum familiarum
- 50 centum sagittarum colligauerunt manipulum. Quem operientes, vocauerunt quendam puerulum innocentem, præcipientes ei, vt immissa manu sub velamento, quo prædictarum latebat manipulus sagittarum, eò vnam educeret solam, ea conditione, vt de ea familia Rex assumeretur, cuius forte sagitta exiret. Factumque est casu, quod puer eduxit sagittam familiæ *Selducorum*. Vnde constitit apud omnes, sicuti prius ordinatum fuerat, quod ex ea tribu princeps futurus crearetur. Præceptum est iterum, vt ex eadem tribu centum eligerentur, qui & ætate & moribus, & virtute cæteros anteirent suos contribules; vtque singuli singulas affertrent sagittas, offe-

rentium habentes inscripta nomina. Factoque ex eis iterum manipulo, & diligenter cooperto vocatus est iterum puer, vel idē qui & prius, vel alius fortasse eiūdem innocentiae: cui similiter persuasum est, vt vnā ex eis educeret: eduxitq; vnā cui inscriptum erat nomen *Selduc*. Erat autem is vir speciosus admodum, nobilis, & in sua tribu præclarus, prouectæ ætatis, sed integer viribus; & in re militari multā habens experientiam; quique tota corporis habitudine magni principis prætenderet elegantiam. Hunc ergo de communi decreto sibi præficientes, in throno sublimauerunt regio; eam quæ debetur regibus, ei exhibentes reuerentiam; & ad eius implenda imperia, fœdere complacito & iuramentis corporaliter præstitis se obligantes. Ille autem statim collatā sibi satis pro imperio vtens potestate, missā voce præconiā, edici publicè mandat, vt retrā sito flumine, & trāmissis legionibus vniuersis, Persarum fines, vnde prius exierant, occupent violenter, & adiacentia sibi vendicent regna: ne de cætero compellantur regiones externas errabundi circuire, & aliarum nationum tolerare fastus importabiles. Factumque est, quod infra paucos annos non solum Persarum, verum etiā vniuersa Orientalium regna sibi subiugauerunt, subactā Arabū & aliarum nationū, quæ principatus obtinebant, violentiā. Sicque populus vilis & abiectus ad tantum subito culmen euolauit, quod vniuersum occupauit Orientē. Idque factum est vix triginta aut quadraginta annis, antequam nostri Occidentales Principes Peregrinationis iter, de quo hic agendum est, arriperent. Vtq; aliqua esset differētia saltem nominis inter eos qui sibi Regem creauerant, & per hoc ingentem erant gloriam consecuti; & eos, qui in sua ruditate adhuc permanent, priorem viuendi modum non deferentes, dicuntur isti hodie *Turci*; illi verò prisca appellatione, *Turcomanni*. Subactis itaque regnis Orientalibus, adiecerunt etiam, vt potentissimum Ægyptiorum regnum inuaderent: descendentesque in Syriam, Hierosolymam cum quibusdam aliis finitimis vrbibus, violenter subiugauerunt sibi, fideles quos in ea repperant habitatores, durioribus solito aggrauantes molestiis, & angariarum multiplicitate fatigantes, vt præmissus. Nec solum in Oriente ita fideles ab impiis opprimebantur, verum in Occidente & in omni penē orbe terrarum, maximē inter eos qui fideles dicebantur, fides defecerat, & Domini timor erat de medio sublatus: perierat de rebus iustitia; & æquitate subactā, violentia dominabatur in populis. Fraus, dolus, & circumuentio latē inuoluerant vniuersa. Virtus omnis locum dederat, & cesserat quasi inutilis, malitiā subintrante. Videbatur sanē mundus declinasse ad vespem; & Filii hominis aduentus secundus fore vicinior. Nam multorum refrixerat caritas, & fides non inueniebatur super terram: Confusis ordinibus cuncta ferebantur; & in chaos pristinum mundus videbatur redire velle. Maiores enim Principes, qui subiectos ad pacem tenebantur dirigere, neglecto pacis fœdere, pro causis leuibus contendentes adinuicem, regiones tradebant incendiis, prædas passim exercebant, pauperum bona impiis satellitibus suis exponebant ad rapinam: Non erant tuta alicuius facultates inter tot insidias: Causa sufficiens putabatur, vt ad carceres quis traheretur, aut vincula, & in proprio corpore indignos sustineret cruciatus, quod aliquid habere crederetur. Ecclesiarum & monasteriorum non parcebatur prædiis; nec sanctorum possessionibus conferebant aliquid à piis Principibus indulta priuilegia; sed nec immunitatem solitam, & pristinam sibi vendicabant dignitatem. Effruebatur sanē sanctuarium, & vsibus dedicata cœlestibus vi rapiebantur vtensilia. Non distinguebat sacrum à profano, manus sacrilega; sed sublata differentiā, prædæ patebant altarium vestes, amictus sacerdotum, & vasa Domini. De gremio diuinæ domus, de adytis penitioribus, de basilicarum atriis, qui ad eas confugerant, ad mortem trahebantur & supplicia. Vias quoque publicas accincti gladio grassatores improbi obsidebant, iter agentibus prætendentes insidias, vbi nec peregrinis, nec viris parcebatur religiosis. Sed nec vrbes nec oppida ab iis importunitatibus vacabant, in quibus sicarii vicos omnes & plateas suspectas reddebant innocentibus. Quo quis erat infontior, eo pluribus subiacebat insidiis. Fornicationum etiam genus quodlibet, quasi res licita, passim & sine rubore exercebatur impunē. Sed nec inter affines aut propinquos, tuta erant matrimoniorū fœdera. Amica cœlestibus & Deo placens, quasi res vilis, iussa migrare erat continentia. Nec parsimonix aut sobrietati locus erat, vbi luxus, & ebrietas, & pernox alea præoccupauerant aditus, atque

atque atria possidebant. Nec clerus à populo vita nobiliore differebat; sed sicut in Propheta legitur: *Sicut populus, ita & sacerdos*. Nam episcopi, negligentes facti erant; *Osee 4, 9.* canes muti, non valentes latrare; personarum acceptores, oleo peccatoris impinguentes capita sua, commissa ouilia lupis venientibus, mercenariorum more, deserebant. Et illius verbi immemores Dominici, quo dicitur: *Accepistis gratis, gratis date*; *Matth. 10.* symoniacam non declinabant hæresim: Giezi sordibus & maculâ scædati. *8.* Quid plura? ut in summa dicatur, *Omne in præcipiti vitium stetit: & Omnis caro corrupe- Gen. 6, 12.* rat viam suam. Nec pronos ad malum reuocare poterant Domini comminantis prodigia in cælo sursum, & signa in terra deorsum. Erant enim pestilentia & fames, *Matth. 24.* 10 terroresque de cælo, & terræmotus magni per loca: & cætera quæ Dominus in Euangelio diligenter enumerat. Sed obstinati in operibus mortuis, *quasi sus in volu- 2. Pet. 2, 22.* tabra, & quasi iumenta putrescebant in stercore suo, piâ Domini longanimitate abutentes: quasi quibus à Domino diceretur: *Percussi eos, & non doluerunt; curavi eos, & non sunt sanati.* *1. Cor. 13, 3.* His igitur & huiusmodi ad iracundiam prouocatus Dominus, *IX.* non solum eos, qui in Terra Promissionis erant fideles, prædictæ iugum seruitutis patiebatur portare, & supra vires molestiis fatigari multiplicibus: verum & aliis qui adhuc suâ videbantur libertate gaudere, & quibus certum erat omnia pro votis succedere, suscitauit aduersarium, flagellum populorum, malleum vniuersæ terræ. Regnante enim apud Græcos *Romano*, qui cognominatus est *Diogenes*, & cum 20 omni prosperitate Constantinopolitanum administrante Imperium, egressus est de intimis finibus Orientis, Persarum & Assyriorum satrapa potentissimus, *Belpheh* nomine, infinitam incredularum nationum secum trahens multitudinem, quæ numerum diceretur excedere, & vniuersam terræ superficiem operiret. Ascendens ergo in curribus & equis, in gregibus & armentis, & magnifico nimis apparatu, fines ingressus est Imperii, cuncta sibi subiiciens à suburbanis campestribus, vsque ad vrbes muratas & oppida munitissima. Non erat qui resisteret; non erat qui pro salute, pro liberis & coniugibus, & (quod grauius est) pro libertate contendens, se opponeret. Interea nunciatur Imperatori gladius incumbens, vis maior, & hostilis exercitus Christianum deuastans imperium: qui pro republica sollicitus, expeditiones conuocat equitum, & peditum colligit copias, quantas imminens compellebat necessitas, & quantas vniuersum Imperium poterat ministrare. Quid plura? 30 Congregatis legionibus & equitatu copioso, hostibus procedit obuiam; & Imperii penetralia iam tenenti, & ad interiora iam progresso, in manu forti, sed fauore diuino destitutus occurrit. Certatur vtrinque acerrimè, & copiis penè paribus, sed odiis maioribus, qualia sacrilegii dolor & zelus fidei solet suggerere. Quid multa? Perit Christianus exercitus, fidelium prosternitur acies; sanguis, *CHRISTI* redemptus sanguine, ab impiis effunditur; quodque miserabilius est, capitur Imperator. Redit qui euaserat particulatim exercitus, confusionem quæ acciderat nuncians. Consternati sunt qui hoc audierunt, in graua se dantes lamenta, & de vita & 40 salute desperantes. Interea vir infidelis, sed magnificus, de tanto elatus successu, & de collata victoria factus sublimior, Imperatorem sibi præcepit præsentari; & in contumeliâ nominis & fidei Christianæ sedens in throno regio, eum mandat pedibus subiici; & scabelli vice, coram positus Principibus, ascendens & descendens, corpore vtitur Imperiali: tandemque pro tanto obsequio eum libertati restituens, cum paucis ex suis magnatibus, qui cum eo capti fuerant, abire permisit. Hoc verò audientes Principes Imperii, alium sibi præficiunt: indignum arbitantes, ut qui tam indigna in proprio pertulerat corpore, in sceptris ageret, & dignitate fungeretur Augustali: insuper priuatum oculis, & ignomiosè tractatum, vitam vix indulserunt agere priuatam. Princeps autem supra nominatus, proposito liberè 50 satisfaciens suto, vniuersas à Laodicia Syriæ vsque ad Hellespontum, qui Constantinopoli præterlabitur, itinere dierum triginta in longitudine, decem verò vel quindecim in latitudine, occupauit regiones, cum suis ciuitatibus & municipiis, vniuerso populo captiuato. *Tradidit eos Dominus in manus inimici, & do- Psal. 105, 39.* minati sunt eorum qui oderunt eos. Inter quas nobilis & eximia prouinciarum multarum moderatrix, princeps ciuitas, principis Apostolorum sedes prima, capta est; sed nouissima; & facta est infidelibus *seruiens sub tributo*. Sic igitur *2. Sam. 8, 2.* Cælesyriam, vtramque Ciliciam, Isauriam, Pamphyliam, Lyciam, Pisidiam,

Lycaoniam, Cappadociam, Galatiam, & vtrunque Pōntum, Bithyniam, & Asiā minoris partē, nobiles prouincias, & omni commoditate insignes, plebibus refer-
 tas fidelibus, infra modicum tempus in suam iurisdictionem recepit; captiuans po-
 pulos, ecclesias deficiens, & cultum Christianum furore persequens exterminato.
 Quod si copiam habuisset nauū, ipsam urbem regiam sibi procul omni dubio sub-
 icisset. Tantam enim Græcis incusserat formidinem, ut vix regiæ ciuitatis se cre-
 derent mœnibus; & maris interpositi non satis tutū arbitrarentur præsidium. Hæc
 igitur & similia populo fideli, qui Hierosolymis, & in finibus eius habitabat, mise-
 riarum addebant cumulum, & in desperationis abyssum demergebant. Nam Impe-
 rio prius in prosperis constituto, sicut præmissum est, nō deerat eis ab Imperiali do-
 mo frequens in necessitatibus solatium; & Imperii status integer & incolumis, &
 vicinarum urbium felix successus, & Antiochiæ potissimum, spem aliquam liberta-
 tis aliquando futuræ, in eis confouebant. At nunc tã suam quàm aliorum gerentes
 sollicitudinem, & sinistris rumoribus vsque ad supremum defectum fatigati, mor-
 tem magis quàm vitam optantes, in seipsis liquefcentes tabescebant, de perpetua
 seruitute securi. Inter has tam periculosi temporis insidias, accedebat tam Græ-
 corum quàm Latiorum gratiā deuotionis, ad loca venerabilia multitudo nonnul-
 la, quibus per mille mortis genera, perque hostium regiones ad urbem accedenti-
 bus, negabatur introitus, nisi in porta aureus, qui pro tributo constitutus erat, iani-
 toribus daretur. Sed qui in itinere cuncta perdididerant, & vix cum incolumitate
 membrorum ad loca peruenierant optata, vnde tributum soluerent, non habebant.
 Sic ergo fiebat, ut ante urbem ex talibus, mille vel plures collecti, & expectantes in-
 trocundi licentiam, fame & nuditate consumpti deficerent. Hi tam viuentes quàm
 mortui, miseris ciuibus intolerabili erant oneri. Nam & viuentes alere, & cibo
 quocunque modo sustentare satagebant; & mortuos sepulturæ tradere nitcebantur;
 cum tamen eis suprâ vires sua essent negocia. Quibus autem solito precio, urbem
 dabatur ingredi, hi maiorem ciuibus ingerebant sollicitudinem, timentibus, ne for-
 tē deambulantes incautē, tanquam loca sancta visere volentes, sputis & alapis affi-
 cerentur; ad postremum autem, ne clam suffocati interirent. Vnde hæc mala præ-
 uenire cupientes, Peregrinos ad loca Sancta volentes properare, ciues de eorum
 vita & incolumitate, caritate fraternâ solliciti, eorum sequebantur vestigia, timen-
 tes, ne quid eis sinistri casus accideret. Erat tamen in ciuitate *monasterium Amalfi-
 tanorum*, quod vsque hodie cognominatur *Sancta Maria de Latina*; & iuxta illud xe-
 nodochiū, vbi erat oratorium modicum, in honore beati *Ioannis Eleymon* Alexādri-
 ni patriarchæ, ad curam Abbatis prædicti monasterii respicientis, in quo huiusmodi
 miseris sic aduenientibus, tam de monasterio, quàm de fidelium largitionibus, eis
 utcunque alimonia ministrabatur. Nam de mille vix vnus accedebat, qui sibi suffi-
 cere posset. Amissis enim viaticulis, laborum immensitate consumpti, vix incolu-
 mes euadere poterāt. Igitur nec foris nec domi quies erat ciuibus, quibus mors die-
 bus imminebat singulis; & quolibet mortis genere deterior, seruitus dura & intole-
 rabilis incumbibat. Accedebat etiam ad miseriarum cumulum, quod ecclesias eo-
 rum, quas cum tot & tantis laboribus reparauerant & conseruauerant, reparatas
 violenter ingressi, & dum diuina celebrarentur, cum furore & strepitu terrorem fi-
 delibus incutientes, super altaria sedebant, nullam facientes locorum differētiā;
 subuertebant calices, & vasa diuinis obsequiis m̃cipata pedibus conculcātes, con-
 fringebant marmora, clerum contumeliis & verberibus afficientes. Ipsum quoque
 dominum *Patriarcham*, qui erat pro tempore, quasi vilem & abiectam personam, de
 sede propria per barbam & capillum, in solum dabant præcipitem. Plerunque et-
 iam raptum, & quasi vile mancipium tractum, sine causâ detrudebant in carcerem,
 ut sic populum affligerent patri cōpatientem. Hoc igitur tam diræ seruitutis genus,
 plēbs Deo deuota, per hos quadringentos, ut præmissimus, & nonaginta annos, piā
 longanimitate perferens, gemitibus & lachrymosis suspiriis, & iugi precum instan-
 tiā, clamabat ad Dominum, ut correctis parcens, ab eis iracundiæ suæ flagella cle-
 menter auerteret. In profundum enim malorum descēderant: vnde & *abyssus abyf-
 sum inuocans*, abyssus miseriarum abyssum misericordiarum, ab eo qui *Deus est to-
 tius consolationis*, meruit exaudiri. Hos enim tandem de sede gloriæ suæ Domi-
 nus misericorditer respiciens, finem tantis laboribus volens imponere, consolatio-
 nem

Psalm. 41, 8.

nem eis iuxta eorum desideria, paternâ prouisione, procurare disposuit. Cuius modum & diuinæ dispositionis ordinationem, qua diutinam plebi suæ releuare voluit afflictionem, hoc præsentis opere, ad **CHRISTI** fidelium perpetuam memoriam, scribere proposuimus. Per idem igitur tempus, cum **DEO** placens prædicta XI.

ciuitas tantis, vt præmisimus, subiecta esset molestiis, inter eos qui orationis gratiâ, & causâ deuotionis ad loca accedebant venerabilia, sacerdos quidam, *Petrus* nomine, de regno Francorum, de episcopatu Ambianensi, qui & re & nomine cognominabatur *Heremita*, eodem feruore tractus, Hierosolymam peruenit. Erat autem hic idem staturâ pusillus, & quâ tum ad exteriorem hominem, persona contempti-

10 bilis. Sed *maior in exiguo regnabat corpore virtus*. Viuacis enim ingenii erat; & oculum habens perspicacem, gratumque, & sponte fluens ei non deerat eloquium. Hic, lege communi semelque propositâ Christianis introire volentibus, dato tributo, urbem ingressus, hospitio susceptus est apud quendam fidelem, qui & ipse de numero erat **CHRISTI** confessorum. A quo de eorum conditione diligenter percunctans (sicuti vir industrius erat) ab eo non solum de præsentis periculo temporis, verum etiam & de persecutione, quam eorum passi fuerant progenitores, à multis retrò temporibus, plenius edoctus est: & si quid defuit ad plenam verbo factam eruditionem, id postea fides oculata compleuit. Nā moram faciēs in ciuitate, & ecclesiâs circuiens, didicit ipse plenius, quod prius verbo referentibus aliis comprehenderat. Audiens

20 verò quod eiusdem ciuitatis Patriarcha vir esset religiosus & timens **DEVM**, volens cum eo conferre de præsentis rerum statu, & de quibusdam aliis ab eodem perfectius edoceri, accessit ad eum, præsensque constitutus per fidelem interpretem mutuis sunt confabulationibus recreati. Erat autem nomen Patriarchæ *Symeon*, qui ex verbo *Petri* colligens, quod vir esset circumspectus, & rerum multarum habens experientiam, potens quoque in opere & sermone: familiarius cœpit exponere vniuersa, quæ populum **DEI** in ciuitate commorantem acrius affligebant. Dumq; Petrus fraterno compatiens dolore, lachrymas continere non posset; quæreretque diligentius, vtrum aliqua salutis via contra hæc mala ingruentia reperiri possit: Respondit vir iustus: *Petre, lachrymas nostras, gemitus & suspiria peccatis nostris præpedientibus, exaudire dedignatur iustus & misericors Dominus: nondum enim ad plenum purgata est nostra iniquitas, unde necdum flagella quiescunt. Sed si vester verus DEI cultor populus (cuius per superabundantem Domini misericordiam vires sunt adhuc integrae, & nostris hostibus formidabile, longè lateq; floret imperium) præsentibus fraternâ pietate compati vellet, & remedium procurare his quæ nos premunt calamitatibus; aut saltem pro nobis apud CHRISTVM vellet intercedere: spes esset nobis, afflictionem nostram in proximo finire. Nam de Græcorum Imperio, licet & consanguinitate & loco nobis sint propinquiore, & diuitiis abundant amplius, nulla nobis spes est de cætero, vt inde nobis aliquam habeamus consolationem. Vix enim sibi sufficiunt: omnisq; eorum, vt audiuisse potest vestra fraternitas, virtus emarcuit, ita vt infra paucos annos plus quàm dimidium amiserint Imperii.* Cui Petrus: *Novæ, pater sancte, quod si ecclesia*

40 *Romana, & Occidentis principes, huius calamitatis quam patimini; diligentem & fide dignum habuerint instructorem, procul omni dubio, & verbo quantocys & opere his malis vestris tentarent remedia procurare. Scribe ergo diligentius tam domino Papa & ecclesiæ Romanæ, quàm Regibus & Principibus Occidentis, & scriptum sigilli tui auctoritate corrobora. Ego verò pro remedio animæ meæ, hunc laborem mihi assumere non refugio: sed auctore Domino, paratus sum omnes conuenire, omnes sollicitare, instantius arumnarum vestrarum immensitatem protestari, & ad properandum remedium diligenter singulos inuitare.* Placuit sermo, & vilis est bonus in oculis tam domini Patriarchæ, quàm eorum qui assistebant fidelium; & de pensis ingentibus gratiarum actionibus viro **DEI**, pro sua compassione, tradunt scriptum postulatum. Verè magnus es Domine **DEVS** noster, & misericor-

50 diarum tuarum non est finis. Verè, **IESV** bone, non erit in te sperantibus confusio, Nam vnde huic egeno & inopi, & rerum necessariarum suffragiis destituto peregrinanti, & à patriis finibus longè posito, tanta fiducia; vt supra vires negotium sibi audeat assumere, & de voti consummatione habeat fiduciâ? nisi quod in te, protectorem suum, iactauerat cogitatum; nisi quod caritatis ardore succensus, fratribus compatiens, proximum tanquam seipsum diligens, legem implere satagebat? Vires non suppetunt, suadet tamen caritas. Et licet durum & impossibile videretur, quod fratres iniungebant, amor **DEI** & proximi, leue facit: quia *fortis est, vt mors, dilectio.* Cant. 3, 6; XII.

HHH

Gal. 5, 5.

Fides igitur per dilectionem operans est, quæ apud te meretur: & merita, apud te non sunt ociosa. Vnde nec diu fluctuare permittis seruum tuum; sed teipsum manifestas ei, & tuam eum reuelatione solidas, ne vacillet, apocalypsim insinuans, per quam exurgat fortior ad opus caritatis implendum. Accidit enim quadam die, dum prædictus Dei famulus pro reditu ad propria, & pro implenda legatione assumpta, amplius solito esset sollicitus, ad fontem misericordiarum tota deuotione recurrrens, ecclesiam Dominicæ Resurrectionis ingressus est. Vbi cum pernoctans, orationibus vigiliisque fatigatus esset impendio, labore victus, in pauimento decubuit, ut somno satisfaceret irruenti. Cumque sopor (ut solet) se infudisset altius, visus est ei Dominus noster IESVS CHRISTVS, quasi coram positus astitisse, & eandem iniunxit, ut se legationem dicens: *Surge, Petre, propera; & quæ tibi sunt iniuncta, intrepidus perage*: Ego enim tecum ero. Tempus est enim ut purgentur sancta, & seruis meis subueniatur. Expergetus Petrus, & visione quam viderat confortatus in Domino, factus ad obediendum procliuior, & diuinam admonitionem sequutus, moras rumpit impiger, ad redeundum accinctus. Peractis igitur de more orationibus, sumptaque à domino Patriarcha licentiâ, & impetratâ benedictione ad mare descendit, nauem ibi reprensens mercatorum, qui in Apuliam transfretare proposuerant. Quam ingressus, & prosperâ vsus nauigatione, Barum peruenit. Inde Romam profectus, dominum papam Urbanum circa partes illas reperit: cui domini Patriarchæ & fidelium qui Hierosolymis habitabant, literas porrigit; eorumque exponit miseras, & abominationes quæ in locis sanctis fiebant à gentibus immundis: & iniunctâ sibi tam fideliter, quam prudenter, exequitur legationem. Porro per annos antè aliquot Henricus Theutonicorum rex, & idem Romanorum Imperator, à domino Gregorio papa septimo, huius Urbani prædecessore, passus fuerat quæstionem & controuersiam non modicam, super anulo defunctorum episcoporum, & baculo. Inoleuerat enim consuetudo, præsertim in Imperio, quod defungentibus ecclesiarum prælatis, anulus & virga pastoralis ad dominum Imperatorem dirigebatur. Vnde postmodum vnumquemlibet de familiaribus & capellanis suis inuestiens, ad ecclesiam vacantem dirigebat, ut ibi pastoris fungeretur officio, non expectatâ cleri electione. Quod dominus Papa contra omnem fieri honestatem considerans, & iura in eo facto conculcari ecclesiastica perpēdens, semel, secundo ac tertio eundem Imperatorem commonuit, ut à tam detestabili desisteret præsumptione. Quem præceptis salutaribus commonitum, cum reuocare non posset, vinculo anathematis innodauit. Quod factum nimis indignè ferens Imperator, Romanam cœpit ecclesiam persequi: & domino Papæ Guibertum Rauennatem archiepiscopum, virum literatum & locupletē nimis, suscitauit aduersarium. Qui de viribus Imperatoris præsumens, & de multitudine diuitiarum confusus, exclulo violenter prædicto venerabili viro, sedem inuasit Apostolicam: ita delirus, & ab intellectus sinceritate deficiens, ut id se esse crederet, quod falsò dicebatur. Cumque prius infelix mundus in maligno positus, vias sequeretur periculosas, ut prædiximus, & inutiles, huius schismatis occasione ad deteriora decliuis, omnem Dei & hominum post tergum dederat reuerentiâ, noxia sequens, & declinās salutaria. Capiebantur pontifices; & quilibet ecclesiarum prælati, tanquam homicidiorum rei, mancipabātur carceribus, bonis eorū confiscatis, quicumque Imperatori in hac sua peruersitate nō erant consentientes. Nec solum ad tēpus eis irrogabātur iniuriæ, verum, exclusis in perpetuum, intrudebantur successores. Fugiens igitur dominus papa Gregorius Imperatoris indignationem, in Apuliam secesserat: vbi à domino Roberto Guischaro Apulix duce honestè susceptus est, & benignè tractatus: cuius etiam beneficio prædicti Imperatoris manus euaserat. Tandē Salernum veniens, ibi diē vitæ clausit extremū: vbi & sepultus est. Cui, post dominum Victorem, qui solis duobus mensibus post eū sedem obtinuerat, successit dominus prædictus Urbanus, qui Henrici nihilominus, prædicti Henrici successoris, in eadē malitia obstinati, furorē declinans, locis munitioribus apud suos fideles delitescibat, nusquā plenè securus. Hic in illa sua aduersitate constitutus, prædictum Petrum virū venerabilem ab Hierosolymis reuersum, iam dictæ legationis fungentem officio benignè suscepit; & ei in verbo, cuius baiulus erat, se fidelem cooperatorem tempore accepto repromisit. Petrus autem omnem transcurrens Italiam, zelo diuino succensus, Alpes transiens, Occidentales, Principes omnes

omnes singulatim circuit, instat sollicitus, increpat, arguit; atq; cooperante gratiâ, monendo quibusdam persuadet, vt fratribus in tanta afflictione positis subuenire non differant; & loca sancta, quæ Dominus propriâ dignatus est illustrare præsentia, infidelium spurcitiis diutius prophanari non permittant. Nec visum ei sufficere, quod hoc apud Principes disseminaret, nisi etiam & plebes & inferioris manus homines, ad id ipsum piis exhortationibus animaret. Percurrès ergò nationes, piè sollicitus, & regna, pauperibus & abiectissimis personis, legationi suæ fideliter satisfaciens, id ipsum euangelizabat. Cui tantam gratiam, eius fidei meritum respiciens, contulerat Dominus, vt rarò vnquam sine fructu populos conueniret. Fuitque do-

10 mino Papæ, qui eum vltra montes sine dilatione sequi decreuerat, in eodem verbo plurimū necessarius. Nam præcursoris functus officio, auditorum mentes ad obediendum præparauerat, vt facilius idem persuadere volens, obtineret propositum, & vniuersorum animos ad se compendiosius inclinaret. Anno igitur ab in-

carnatione Domini *millesimo nonagesimo quinto*, indictione quartâ, regnante do- XIV.
A. D.
1095.

mino *Henrico quarto*, Theutonicorum Rege, & eodem Romanorum Imperatore, anno regni eius quadragesimo tertio, Imperii verò duodecimo: illustri quoque Francorum rege domino *Philippo* Henrici filio regnante in Francia, prædictus do-

10 minus *Vrbannus*, videns hominum malitiam modum excessisse, & cuncta ferri deorsum, quasi ad malum prona, post *Concilium* quod ex vniuersa Italia, ad corrigendos excessus hominū necessariū valdè, apud *Placentiam* celebrauerat, Imperatoris præ-

30 dicti indignationem fugiens, discedens ab Italia, Alpes transcendit, regnum Francorum ingressus. Vbi videns, sicut & prius audierat, diuina passim cōculcari monita, doctrinam Euangelii sordere, fidem perisse, caritatem & omnem periclitari virtutem; è cōtrario autē aduersæ potestatis & principis tenebrarū longè lateq; nimis patère imperium: anxius plurimū, sicut ex officii debito tenebatur, quomodo tot vitiorum monstris, tot peccatorum prodigiis posset occurrere, quæ ita miserabiliter pullulabant, & orbem inuoluerant vniuersum: Concilium generale, prius apud *Vigiliacum*, deinde apud *Podium*, cōnuocare disposuit. Sed nouissimè apud *Clarum montem* Aluerniæ ciuitatem, diuinâ comite gratiâ, ex vniuersis transalpinarum partibus

40 prouinciarum, mense Nouembre, episcoporum, & abbatum conuenit facer conuentus, in nomine Domini, præsentibus etiam prædictarum partium nonnullis Principibus. Vbi, ordinatis de prælatorum ecclesiæ & virorum Deum timentium consilio institutionibus, quæ ad erigendum labentis ecclesiæ statum videbâtur respicere; & promulgatis canonibus, qui ad morum ædificationem, & corrigendam delictorum enormitatem poterant proficere; & qui pacem, suggerente Petro heremitâ, quæ de rebus perierat, reformarent, qui verbo sibi iniuncto debitam gerebat sollicitudinem; nouissimè ad hanc exhortationem se conuertit, dicens: *Nostis, fratres dilectissimi, & vestram nosse id expedit caritatem, quomodo humani generis Reparator, pro nostra omnium salute carnem assumens, & homo inter homines conuersatus, Terram Pro-*

missionis, quam pridem patribus promiserat, propriâ illustrauit præsentia; & assumpta dispensationis operibus, & crebrâ simul miraculorum exhibitione reddidit specialiter insignem. Id enim & veteris & noui, penè in omnibus syllabis, docet series Testamenti. Quadam sanè dilectionis prerogatiuâ certum est eam dilexisse, ita, quod eam orbis partem, imò particulam, hereditatem suam dignatus est appellare, cum eius sit omnis terrâ & plenitudo eius. Vnde per *E-* Esa. 19, 25.
& 3, 7.

saïam ait: Hæreditas mea Israël. & item: Vineam Domini Sabaoth, domus Israël est. Et licet totam, in partem præcipuam, sibi dedicauerit ab initio, peculiarius tamen Vrbem sanctam sibi adoptauit in propriam, testâte Prophetâ, qui ait: Diligit Dominus portas Syon su-

50 rum effecit conscia, & cella familiaris mysteriorum. Electa nimirum: quod ipse qui elegit, testatur, dicens: Et de Hierusalem ciuitate quam elegi, veniet vobis Saluator. Quam etsi peccatis inhabitantium id exigentibus, iusto iudicio suo in manus impiorum sæpius tradi permiserit *DEVS*, & dura iugum seruitutis ad tempus eam sustinere passus sit: non tamen arbitrandum est, quod eam quasi a se repudiatam abiecerit. Cum scriptum sit: Flagellat *DEVS* omnem filium quem recipit: Illi vcrò thesaurizat iram, cui dicit: Recessit zelus meus à te, iam amplius non irascar tibi. Diligit ergo eam, nec intepuit erga eam dilectionis seruator, cui dicit: Eris corona gloriæ in manu Domini, & diadema regni in manu *DEI* tui: & nō vo-

HHH 2

caberis amplius desolata, sed vocaberis voluntas mea in ea, quia complacuit Domino in te. Hec igitur salutis nostrae incunabula, Domini patriam, religionis matrem, populus absque DEO, ancilla filius Aegyptiae, possidet violenter: & captiuatis libera filius, extremas imponit conditiones, quibus versa vice merito seruire tenebatur. Sed quid scriptum est? Eice ancillā, & filiū eius. Sarracenorū enim gēs impia, & mundanarum scētrix traditionū, loca sancta, in quibus steterūt pedes Domini, iam à multis retrō tēporibus violētā premit tyrannide, subactis fidelibus, & in seruitutē damnatis. Ingressi sunt canes in Sācta, profanātū est sanctuariū; humiliatus est cultor DEI populus; angarias patitur indignas genus electū; seruit in luto & latere regale sacerdotiū; princeps provinciarū, facta est sub tributo, ciuitas DEI. Cuius nō liquefiat anima? cuius nō tabescant prae cordia, his ad animū recurrētibus? Quis hac siccis oculis audire potest fratres karissimi? Templū Domini, de quo zelans Dominus videntes eiecit & emētes, ne domus patris eius fieret spelūcalatronū, factum est sedes demoniorū. Idipsum enim & Matathia sacerdotem magnū, sanctorum progenitorē Machabaeorum, ad zelū accendit commendabilē, sicut ipse testatur, dicens: Templū Domini quasi vir ignobilis: vasa gloriæ eius abducta sunt captiua. Ciuitas regis regum omnium, quæ aliis regulas intemerat & tradidit fidei, gentium superstitionibus cogitur inuita deservire. Sanctæ resurrectionis ecclesia, requies dormientis Domini, eorum sustinet imperia, sedatur spurcitius, qui resurrectionis nō habebunt participium, sed stipula ignis æterni, perennibus deputantur incendiis. Loca venerabilia diuinis deputata mysteriis, quæ Dominū in carne susceperunt hospitē, signa viderunt, senserunt beneficia, quorum omnium in se plenā fide prætendunt argumenta, facta sunt gregum præsepia, stabula iumentorum. Laudabilis populus, cui benedixit Dominus exercitū, sub angariarū & sordidarū præstationū pondere gemit fatigatus: rapiuntur eorū filii, matris ecclesiæ cara pignora: ut gentium immunditiis deserviant, & nomen DEI viui abnegēt, vel ore blasphemant sacrilego, cōpelluntur: aut impia deservientes imperia, ceduntur gladiis more bidentū, sanctis martyribus sociandi. Non est sacrilegis locorū differentia, nō est personarū respectus: In sanctuariis occidūtur Sacerdotes & Leuitæ, coguntur virgines fornicari, aut per tormenta perire; nec matronis ætas maturior suffragatur. Væ nobis, qui in hac tam periculoso tēporis descendimus miseriā, quam in spiritu præuidens electus à Domino David rex fidelis, deplorat dicens: DEVS, venerunt gentes in hæreditatem tuā, polluerunt templum sanctum tuū. Et item: Populum tuum humiliauerunt, & hæreditatem tuam vexauerunt. Ut quid Domine irasceris in finē, accendetur velut ignis ira tua? Vbi sunt misericordiæ tuæ antiquæ Domine? Verūmne est quod dicitur: Nō obliuiscetur misereri DEVS, nō continebit in ira sua misericordias suas? Recordare quid acciderit nobis; intueri, & vide obprobrium nostrum. Væ nobis, ut quid nati sumus videre corruptionē populi nostri, & contritionem ciuitatis sanctæ; & sedere illic cū dantur in manibus inimicorū sancta? Vos igitur dilectissimi, armamini zelo Dei. Accingimini unusquisque gladio suo super semur suum potentissimè. Accingimini, & estote filii potentis. Melius est enim mori in bello, quàm videre mala gentis nostræ & sanctorum. Si quis zelum legis DEI habet, adiungat se nobis. Subueniamus fratribus nostris. Dirumpamus vincula eorū, & proiciamus à nobis iugum ipsorū. Egre dimini, & Dominus erit vobiscum. Arma quæ cadē mutuā illicite cruentastis, in hostes fidei & nominis Christiani cōuertite. Furti, incendia, rapinas, homicidia, & cetera qualia qui agunt, regnū DEI non possidebunt, hoc DEO beneplacito redimite obsequio; ut delictorum, quibus Dominum ad iracundiā pronocastis, celèrem indulgentiam pro vobis obtineant hæc pietatis opera, & deprecatio collata sanctorum. Monemus igitur & exhortamur in Domino, & in remissionē peccatorum iniungimus, ut fratribus nostris, & cælestis regni

CH RIST I qui Hierosolymis & in sinibus eius habitant, afflictioni & laboribus compatiētes, infidelium insolentiam (qui sibi regna, principatus & potestates subicere cōtendunt) debiti à compescatis animaduersione; & illis totis viribus occurratis, quibus est propositū, nomen delere Christianum. Alioquin futurum est, ut in proximo ecclesia DEI iugum indebitè perferēs seruitutis, fidei sentiat dispendium, prævalente Gentiliū superstitione. In quantā enim positi sunt afflictione, nouerunt ex vobis nonnulli, qui hæc quæ loquimur, oculatā conspexerunt fide, & præsens illorum per manum Petri, viri venerabilis, qui præsens est, ad nos delata docet epistola. Nos autem, de misericordia Domini, & beatorum Petri & Pauli apostolorum auctoritate cōfisi, fidelibus Christianis, qui contra eos arma susceperint, & onus sibi huius Peregrinationis assumpserint, iniunctas sibi pro suis delictis pænitentias relaxamus. Qui autem ibi in vera pænitentia decesserint, & peccatorum indulgentiam & fructum æternæ mercedis se non dubitent habituros. Interim verò eos qui ardore fidei ad expugnandos illos laborem istum assumpserint, sub ecclesiæ defensione, & beato-

- & beatorum Petri & Pauli protectione, tanquam vera obedientia filios recipimus; & ab vniuersis inquietationibus, tam in rebus quam in personis statuimus manere securos. Si verò quisquam molestare eos interim ausu temerario præsumpserit, per episcopum loci excommunicatione feriatur: & tamdiu sententia ab omnibus obseruetur, donec & ablata reddantur, & de illatis damnis congruè satisfiat. Episcopi verò & presbyteri, qui talibus fortiter nō resisterint, officii suspensione mulcentur, donec misericordiam sedis Apostolicæ obtineant.* His dictis, finem dicendi fecit: præcipiens iis qui aderant, ecclesiarum prælatis, vt ad propria reuerfi, cum omni instantiâ & debita sollicitudine plebes suas ad idem hortentur & inuitent diligentius. Iis dictis finem dicendi fecit: & solutâ Synodo valedicentes ad inuicem, ad
- 10 propria sunt reuerfi: ante omnia, iuxta statuta Synodi fideliter laborâtes, vt pax (quæ verbo vulgari *Treuga* dicitur) ab omnibus obseruetur illibata, ne ire volentibus, & ad necessaria discurrere, ullū ministraretur impedimentum. Dedit ergo Domi- xvi.
- nus fidei seruo suo euangelizati virtute multâ, & excelsa in verbo gloriæ, pro fidei meritis verbum efficax, & sermonem omni acceptione dignum in oculis vniuersorū. Et visa est à Domino res egressa, ita vt mandatū eius, licet arduū nimis & difficile videretur, cum omni auiditate tam maiores quam minores amplecterentur. Nec solum præsentēs ex illius verbo succensus huius desiderii feruor ad iter armauerat; verum longè lateq; sermo idē egrediens, absentes etiā pari voto feruētes accendebat ad idē. Episcopi verò prout in mādatis acceperāt, fideles se cooperantes exhibebāt,
- 20 plebes suas ad idipsum inuitâtes, & circueuntes parochias suas, verbū vitæ dī seminabant in populis: nec cadebat vel vnus apex sine fructu super terrā. ita vt verè dici posset, quod verè illud verbum Domini impleretur: *Non veni pacem mittere, sed gladium.* Matth. 10, 34. Diuidebatur enim maritus ab vxore, vxor à marito; patres à filiis, filii à parentibus; nec erat caritatis vinculum, quod huic feruori posset præiudicium facere: ita vt de claustris multi egrederentur monachi; & inclusi de carceribus, in quibus se incluserant spontanei propter Dominū. Nec tamen apud omnes erat in causa Dominus; & virtutū mater discretio votum excitabat: sed quidam ne amicos desererent, quidā ne desides haberentur, quidā solā leuitatis causā, aut vt creditores suos (quibus multorum debitorū pondere tenebantur obligati) declinantes eluderent, aliis
- 30 se adiungebant. Omnes igitur ex causis variis properabant. Nō erat in regnis Occidentalibus, qui aut ætatis aut sexus, aut conditionis, aut status yellet esse memor; aut aliquibus persuationibus deterritus ab incepto desisteret: sed omnes indifferenter manus dabant; omnes vnanimiter corde & ore votum profitebātur. Videbatur ad literam impleri, quod in Thobia scriptum est: *Ierusalem ciuitas DEI, nationes ex longinquo ad te venient, & munera deferentes, adorabunt in te Dominum; & terram tuam in sanctificatione habebunt, nomen magnū inuocantes in te.* Thob. 13, 15. De præsentibus igitur qui Concilio interfuerant, multi cum gaudio susceperunt insitum verbum: quorū primus fuit dominus *Ademarus*, bonæ memorię Podiensis episcopus, vir vitę venerabilis, qui postea Apostolicę sedis legatione funct⁹, in eadē expeditione populo DEI tam fideliter
- 40 quàm prudenter præfuit: Dominus quoq; *Villelmus Aurasicensis* episcopus, vir verè religiosus, ac timēs DEVM. De absentibus verò vtriusq; Regni principibus, eodem feruore succensi, ad iter se accingebāt, mutuo se & frequēter exhortâtes; & certum præfigētes diē, vt collectis necessariis, & viæ confortibus cōuocatis, iter arriperent. Videtur verè diuinitūs procuratū præsens, vnde loquimur, negotiū, & verbum verè egressum à Domino. Nā cateruatim cōcurrebant populi, vnum vbicūq; de principibus iter vouisse audierant, vt se illius comitatui sociarent; cuiusq; super se in toto itinere inuocarent nomen, obsequia promittentes & fidē. Et quia verbum illud publicè diceretur, *Occupet extremum scabies, mihi turpe relinqui.* laborabāt certatim, se necessariis cōmunire, mutuo se præuenire cupientes. Verè diuinitūs procuratū: necessarius enim erat hic ignis purgatorius, quo præterita, quæ nimia erant, diluerentur cōmissa; & occupatio ista utilis, qua declinarēt futura. Non enim erat inter mortales respectus DEI, nec ad homines reuerentia. Conuenerat autē apud omnes & idipsum de mandato Domini Papæ iniunctū fuerat, vt quotquot prædictæ viæ voto se obligarent, viuificæ Crucis salutare signum vestibus imprimerent; & in humeris illius sibi portarent memoriā, cuius passionis locum visitare proposuerant: illum imitantes, cui ad nostrā redemptionem properanti, *factus est principatus eius super humerum eius.* Esai. 9, 6. & 11, 12. De quo etiam non immeritò videtur posse intelligi illud Isaia: *Leuabit*

Math. 16,
24.
XVII.

Dominus signum in nationibus, & congregabit dispersos Israël. Sed & illud mandatum Domini iuxta literam videbatur impleri: *Qui vult venire post me, abneget semetipsum, & tollat crucem suam, & sequatur me.* De utroque itaque regno, in aram futuræ Peregrinationis, signo Crucis se communiuerant, Vir illustris dominus *Hugo magnus*, domini Philippi Francorum regis frater; dominus *Robertus* Flandrensiū comes; dominus item *Robertus*, comes Normannorum, domini Willelmi Anglorum regis filius; dominus *Stephanus* Carnotensiū comes & Blesensiū, senioris Theobaldi comitis pater; dominus *Ademarus* Podiensis episcopus; dominus *VVilhelmus* Auracensis episcopus; dominus *Raimundus* comes Tolosanus, & sancti Ægidii; cum aliis multis inclytis & nobilioribus viris: vir quoque strenuus & insignis, dominus *10 Godefridus* Lotharingæ dux, & cum eo fratres eius, dominus videlicet *Balduinus*, & dominus *Eustachius*: *Balduinus* itidē, qui cognominatus est de Burgo, prædictorum consanguineus, domini Hugonis comitis de Reteſt filius: item comes *Garnerus de Gres*: *Balduinus* comes Hamaucorum; *Isuardus* comes Diensis; *Rainbaldus* comes Auracensis; *VVilhelmus* comes de Foreis; Comes *Stephanus* de Alba marla; *Rosrodus* comes Perticensis; comes *Hugo* de Sancto Paulo. Sed & de viris maioribus, qui tamen Comites non erant, ad idipsum Deo placitum obsequium sponte se obtulerunt inclyti viri & nobiles: *Henricus de Ascha*, *Radulfus de Bagentiaco*, *Hebrardus de Pusa-*
to, *Gentoniſ de Bear*, *VVilhelmus Amanen*, *Gualtus de Beder*, *VVilhelmus de Montepessul-*
no, *Gefardus de Ruffelun*, *Gerardus de Cereſiaco*, *Rogerus de Barnauilla*, *Guido de Poſſeſſa*, & *20 Guido de Garlanda*, Francorū regis dapifer; *Thomas de Fera*, *Galo de Caluo monte*: prædictus quoque *Petrus Heremita* cum ingenti multitudine, quam tum ex Regno, tum ex Imperio multo labore contraxerat. Circa alpes verò dominus *Boamundus* Tarentinorum princeps, domini Roberti Guiscardi Apuliæ ducis filius: dominus quoque *Tancredus*, eius ex sorore nepos; & alii multi, quorum numerum vel nomina non tenemus. Hi omnes tempus expectantes opportunum, cum ingentibus militarium virorum copiis, ad militiam parati Christianam erant accedere; & se tantæ peregrinationis laboribus pro CHRISTI nomine deuotè mancipare. Transcursâ itaque hyeme, cum primâ veris subsequentiſe obtulerunt initia, & frigore depulso, grata tertis reddita est temperies; equos præparant, arma exerunt, componunt sarcinas, & mutuis se, qui simul erant profecturi, inuitant legationibus: diligēter præordinantes, quando oporteat eos iter arripere, vbi cōuenire, & quâ viâ tutiſ com-
modiusque possint incedere. Nec enim poterant tot tamque infinita populorum millia in vna qualibet regione sibi reperire necessaria. Vnde studiosè procuratum est, vt singuli maiorum Principum, seorsim legiones suas traherent, & non eodem tramite proficiscerentur. Sed neque antequam ad urbem Niceam peruenirent, eorum exercitus conuenerunt. Nam, sicut dicitur inferiſ, Dux cum suis legionibus per *Hungariam*; comes Tolosanus, & Episcopus Podiensis, per *Dalmatiam*; reliqui verò principes per *Apuliam*, sed variis temporibus, *Constantinopolim* peruenierunt. Parabatur interim quod ad tantum iter sufficere posse credebatur: & viaticula *40* sua, cum viæ quantitate metiri nitebantur, ignorantes quod *non sunt in manu hominis via illius*. Ignorat enim mortalis infirmitas, quid sibi crastina pariat dies. Non erat vſpam in tot prouinciis, quot habet Occidens, domus ociosa vel vna. Cuique iuxta suam conditionem familiaria suberant, circa quæ sollicitabantur, negocia, dum hic paterfamilias, ibi filius, illuc verò tota domus ad migrandum se componeret. Dirigebantur frequentes epistolæ, quibus qui simul profecturi erant, se mutuò exhortabantur, attentius moram increpantes, & monentes properare celerius. Vocantibusque cæteros his, qui turmarum erant duces designati, cum singultibus & suspiriis diuidebantur ab inuicem carorum amplexus, & supremum sibi valedicentes, separabantur in osculis. Mater filium, *50* parentem filia, soror fratrem, vxor maritum, in vlnis deportantes paruulos, & suggentes vbera, cum lachrymis & eiulatu comitabantur abeuntes: & dicto vale, quos gressu non poterant, defixis obtutibus proſequebantur. Anno igitur ab incarnatione Domini *millesimo nonagesimo sexto*, mense Martio, octauâ die mensis, quidam *Galterus*, cognomento *Sensauoir*, vir nobilis, & in armis strenuus, cum ingenti multitudine pedestrium turmarum (nam paucissimos secum habebat equites) primus iter arripuit, & pertransiens Teuthonicorum regnum, in Hun-

XVIII.
A. D.
1096.

in Hungariam descendit. Est autem *regnum Hungarie* palatibus interiectis, & magnis fluminibus præcinctum, & inaccessibile; ita ut nisi ceteris locis, & iis vehementer angustis, volentibus introire vel egredi, non pateat introitus vel exitus. Eidem autem regno tunc præerat vir Christianissimus, rex *Calemannus*, qui cognito prædicti Galteri aduentu, & de eius edoctus proposito, piam illius commendans intentionem, eum benignè admisit, & transitu suis expeditionibus per Hungariam concessio, publicorum commerciorum gratiā non negauit. Ille verò regno eius cum omni tranquillitate transcurso, usque ad fluuium *Maroe*, qui eiusdem regni limes ab Oriente dinoscitur esse, peruenit incolumis. Quo transito, Bulgarorum fines cum suis legionibus attigit, ad locum perueniens qui dicitur *Bellegravia*. Eo tamen ignorante, trans eundem fluuium in loco cui nomen *Maluilla*, de comitatu eius quidam remanserant, ut cibos emerent, & ad iter colligerent quædam necessaria: quos Hungari comprehendentes, nudatos, & affectos verberibus, ablatis omnibus remiserunt ad suos. Et licet eorum aduersitati vniuersus plenā caritate cōpateretur exercitus, & sinistro, qui acciderat, casui plurimum sociis condoleret; tamen videntes quia durum erat nimis, & penè impossibile fluuium retransire, & occasione emergentium negotiorum iter differre propositum, satius arbitrati sunt *disimulare ad tempus iniuriam, quam ad id quod assequi non possent, temerè aspirare*: spem habentes in eo, cui militare proposuerant, quod CHRISTI seruis illata gratis iniuria non præteriret impunita; sed cōdignam ab eo reciperent mercedē, qui suis fidelibus repromisit dicens: *Et capillus de capite vestro non peribit: in patientia vestra possidebitis animas vestras.* Continuantes igitur iter, *Bellegraviā* peruenierunt, ut præmissimus: vbi *Galterus* à duce Bulgarorum, qui eodem loco præerat, emendi licentiam postulans, & impetrare nō valens, ante urbem castrametatus est; vbi exercitū suum victus inopiā laborantē, cohibere non valens, graue nimis populi sui passus est dispendium. Nā cum à Bulgaris omninō venalium nihil, aliquo precio interueniente, obtinere possent, egressus est eius exercitus, ut sibi modo quocunq; alimenta cōpararet; ne præ necessarii victus deficere cogeretur inopiā. Qui greges Bulgarorum inuenientes, & armēta, violenter ex eis cōperunt abducere, & castris inferre suis. Quod audiētes Bulgari, correptis armis, ad eos qui eorum abducebant animalia, hostiliter egressi, prædam reuocare volentes, bellū raptoribus inferunt. Et facti superiores, centum quadraginta ex eis à præcedentiū comitatu separatos incautiū, in oratorio quodā (quo se gratia cōsequendæ salutis cōtulerant) igne supposito, combusserunt, reliquis in fugā adactis. At verò *Galterus* sciens, quod populū secū traheret duræ ceruicis, & indiscretū, relictis his qui suo proprio spiritu ducebātur, incorrigibiles facti, cū reliquis agminibus Bulgarorum sylvas, longē lateq; diffusas, prudenter circumspecteq; pertransiens, *Straliciā* Daciæ mediterraneæ metropolim egregiā peruenit: vbi eiusdē ciuitatis præsidi de damno & iniuria plebi DEI iniuste à Bulgaris illata cōquestus, plenā super omnibus cōmissis iustitiā cōsecutus est. Insuper ab eodē Duce, viro egregio, & timente DEVM, humanissimè tractatus, commerciorum legē obtinuit cōmunē; ut sibi, & populo suo æquā mensurā, & iusto precio, necessaria venderentur: & ut legibus humanis in eius obsequio nihil videretur deesse, duces etiā itineris, qui eis usque ad Urbem præessent regiam, concessit. Quò perueniens, & in præsentia domini Imperatoris introductus, ab eius obtinuit magnificentia, ut usque ad aduentum *Petri*, de cuius præcepto iter arripuerat, exercitū suū in locis vrbi finitimis, indultā emendi vendendiq; licentiā, habere permetteretur: quod ei concessit Imperator. At verò *Petrus*, post hæc non multo interiecto temporis interuallo, cum innumerabili exercitu transcursā *Lotharingiā, Franconiā, Baviariā*, & eā regione quæ *Austria* dicitur, cū vniuersa multitudine, quā ex omni populo, & tribubus, & linguis, & nationibus collegerat, quasi ad quadraginta millia, fines *Hungarorum* attigerat. Vnde missā legatione ad dominum Regem, impetrauit, ut si pacificum vellet habere introitum, & sine tumultu & scandalis regnum eius pertransire, ei sine difficultate aditus præstetur. Quā susceptā licentiā, & cōditionem approbans interpositā, cum vniuersis legionibus, quæ eū sequebantur, regnum ingressus est. Quod eum omni tranquillitate transcurrens, alimentorum multā copiā, iusto precio, & bonis cōditionibus ab indigenis ministratā, usque ad superius memoratam *Maleuillā* peruenit. Vbi intellecto quod consortibus eorum, qui *Galterum* secuti, eos præcesserant, multam illius loci habitatores intue-

lerant iniuriam, & impietate non modicā in eos exercuerāt: videntes etiam eorum spolia & arma nihilominus in muro ciuitatis, quasi pro trophæo dependentia, iustā irā succensī, protinus arma corripunt, & se inuicem exhortantes, urbem violenter infringūt, incolis penē omnibus aut interemptis gladio, aut in vicino flumine submersis. In quo tumultu, eorum meritis id exigentibus, illā die cecidisse dicuntur de Hungaris quasi ad quatuor millia; de expeditione verō Petri, centū dicuntur occubuisse. Sic igitur vrbe correptā violenter, quinq; diebus continuis manserunt in ea, propter alimentorū, quam in ea repperunt opulentiam. At verō Bulgarorum dux, *Nichita* nomine, qui Galtero & eius legionibus rerum venaliū forū prius interdixerat, intelligens quod Maleuillanis pro eo quod in præcedentes ipse quoq; deliquerat, subsequentes in eum vellēt refundere, relictā *Bellegraua*, cui præerat, de loci diffidens munitione, aufugit. Loci verō incolæ cum sua quisq; familia oppidū nihilominus deferentes, cum gregibus & armentis in opaca sylvarum, & nemorū abdita, longē interiūs se contulerunt. Petrus autē dum adhuc in expugnato præsidio morā faceret, relatione quorundā edoctus, quod rex Hungariæ suorum stragem, quā audierat, nimis agrē ferens, militares ex vniuerso regnō cōuocaret copias, & in suorū ultionē accingeretur animosius, cōgregatis nauibus quotquot ex vtraq; fluminis ripa inuenire potuit, legiones suas sub omni celeritate transferri præcepit, secū trahens greges & armēta, spoliaq; vberima, quæ de loco violenter effracto vsq; ad redundantem copiā eduxerat. Quibus in vteriore ripa collatis, ante *Bellegraua*, quā 20 tamē vacuā repperunt, castrametati sunt. Vnde cū plaustris & vehiculis, cum gregibus & armentis, & vniuerso comitatu, itinere dierū octo, nemorū latē patentium condensā pertransiens, ante urbem *Niz*, turribus & muro valido munitissimā, & viris fortibus refertā, cum suis astitit legionibus; & flumine quod eandē urbē præterfluit, per quendā pontem lapideum trāsmisso, castra ibidē metatus est. Dumq; eius exercitus iā deficiente viatico, victus inopiā laboraret, missā legatione ad præsidem ciuitatis, amicē postulat, vrerū venaliū, & eorum maximē quæ vitæ sunt necessaria, bonis conditionibus, & iusto precio, populo peregrinanti, & obsequiis diuinis mancipato fiat cōmercium. Ille verō id nullatenus posse fieri respōdit, nili prius datis obsidibus se obligaret exercitus, vt indigenis forum ministrantibus nec iniuria, 30 nec vis maior vllā inferatur. Quā conditione vtrinq; placitā, datis obsidibus, egressi sunt ciues secū deferentes venalia. Facta est igitur expeditionibus vniuersis alimentorum plenior abundantia, emendi vendendiq; contractibus mutuā caritate inter vtrunq; populū celebratis: nocteq; illā in omni tranquillitate & mutua caritate transcursā, summo mane receptis obsidibus, ad iter accingūtur. Dumq; essent in proficiscendo, & maior pars præcessisset, imō penē omnis exercitus; quidam turbati capitis homines, & diuinā animaduersione digni, memores satis friuolæ contentionis, quā hesternā nocte cū quodā Bulgaro habuerant occasione vendēdi emendiq; separati aliquantulū à præcedentibus agminibus, septē molendinis, quæ iuxta prædictū pontem in flumine voluebantur, ignē supponentes, subito conuerterunt 40 in fauillā. Erant prædicti filii Belial natione Theutonici, numero quasi centum: qui etiam, cū eorū nō sufficeret furori, quod cōmiserant, adiecerunt etiā, vt quorundā domicilia, quæ extra muri erant ambitū, non dispari nequitia succenderēt. Consummatoq; scelere, turbis innocentibus, tanquā cōmissi maleficii conscientia non habentes, cursu maturato adiungere se sategerunt. At verō dux, qui eos benignē satis nocte tractauerat hesternā, vidēs quod nō satis ei respōderant dignē pro meritis: scilicet pro collato beneficio, suppliciū reportare cogeatur: paucorū commissum, nō æquo satis iudicio, refundens in omnes, vniuersos prædones reputās, & incēdarios: ciues euocat, arma monet corripere; & ipse præuius cum ingenti multitudine, verbo suos exhortatur & exemplo, prædictas insequi expeditiones; & tanquā de sa- 50 crilegis vindictā reposcere persuadet. Egressi ergo vnanimiter, præcedētes insectantur; & partes præcedentis exercitus posteriores inuadunt hostiliter, gladiis instātes atrocius. Prædictos itaq; malefactores, qui necdū castris se adiunxerant, seorsum à turbarū frequentia reperiētes, iustissimā indignatione, morti tradiderunt. Sed siue casu, siue ex industria inuoluentes iustū cum impio, multos de immeritis pari pœnā cōfoderunt. Currus autē & vehiculā, quibus tam alimenta, quā omnimodā corū suppellectilē deferebāt, senes quoq; & valitudinarios, matronas quoq; cū pueris & puellis,

puellis, quæ passibus æquis cæteros subsequi non poterant, comprehendentes, vinculis alligatos secum deduxerunt: consummatâ strage, interemptorum sanguine fatiati, & spoliis onerati, redeunt ad propria. Interea vir venerabilis, *Petrus*, & XXI.
vniuersa quæ præibant agmina, maioresq; cuncti expeditionis viri, huius infortunii, quod suis acciderat, ignari penitus, iter continuabant inceptum. Cùm ecce quidam equo raptus velocissimo, cursu præcipiti festinans, casum nunciat, stragē suorum & captiuitatē ex ordine pandens. Quo cognito, de cōmuni prudentium consilio, viam, quā totâ die venerant, relegentes, reuocatis legionibus, factæ cædis argumenta, & fratrum interemptorū funera non sine lachrymis & gemitu contuentes,
10 ante urbē, vbi hesternâ nocte castra locauerant, constiterunt. Erat autē Petro & his qui secū erant, sensus habētes magis exercitados, in eo factō simplex oculus, & pura intentio. Ideò redierāt, vt causâ mali cognitâ, & scandalorū amputatâ materiâ, inter vtrumq; populū pax plenior reformaretur; & ad propositū tutius purgatâ redirent cōscientiâ. Missis igitur viris prudentibus & honestis ad præsidē, & Maiores ciuitatis, diligenter discutiunt, quænam causâ intercesserit, vt ad tantū tumultū & tantam sanguinis innocētis effusionē ita subitō veniretur. Causâ itaq; cognitâ, intelligētes q̄ missi fuerāt, quod satis iustē indignatione cōceptâ, ad arma cōuolauerāt, & quod non erat tēpus satis idoneum ad hoc, vt super illatis reposceretur vindicta, modis omnibus cōpetentibus, & totâ instant sollicitudine, vt pace reformatâ, prædâ, sarcinas, socios, & vniuersa quæ amiserant, cū integritate reciperent. Dumq; in eo perseverarēt, pactis penē ad placitâ vtrinq; reductis cōsonantiâ, excitatus est casu, inconsulto quorundâ calore & ausu temerario, in castris tumultus: volentibus indiscretis quibusdā iniuriâ, quā sustinuerant, violenter vindicare. Porro Petrus eorū infantiâ volens cōpescere, & causam cædis declinare quærens, missis quibusdam prudentibus & magnæ auctoritatis hominibus, ab impetu & furore, quo ciuib⁹ instabāt hostiliter, eos reuocare nitebatur. Cumq; nō proficeret, neq; eius, licet salutaribus, acquiescere vellent monitis: exercitui missâ voce præconiâ sub promissâ obedientiæ debito, præcepit districtius, vt nemo illis qui suâ temeritate pacem reformatâ ausi fuerant violare, opem ferat, aut ministret auxiliū. Cui verbo acquiescens exercitus,
30 sedebat quasi arbiter, finē inchoati tumultus, & rei exitū præstolantes. Qui autē pro bono pacis missi fuerant ad præsidē, videntes quod excitus in populo tumultus sedari non valeret, sed magis ac magis augebatur, & quod iuxta propositū proficere non poterant, reuersi sunt ad castra infecto negotio, elaborantes cū Petro viro *DEI*, vt turba cōprimeretur. Sed neq; id effectui mancipare dabatur. Erant autem quasi mille, qui ad hanc proruperant temeritatē. Quibus totidē de urbanis egressis obuiâ, bellum ingens ante urbem vtrinq; committitur. Videntes autem qui in urbe erant, quod quali schisma ortum erat in populo exteriori, sperantes, quod quia inuito & contradicente Petro rixam cōcitauerant, reliqua pars exercitus nullatenus eis vellet ministrare subsidia, referatis aditibus, omnes vnanimiter egressi, ex nostris penē
40 quingentos supra pontem occiderunt: reliquis penē omnibus, dum vada nesciunt, tanquā locorum ignari, submersis in flumine. Quod videns exercitus, & tantâ suorum nō ferens iniuriâ, ad arma conuolant vniuersi: & confligentibus inter se agminibus fit strages infinita, ita vt esset error nouissimus peior priore. Populares ergo, & vulgus indocile, Bulgarorum non ferentes instantiam, fugam ineunt: aliosq; qui in certamine viriliter desudabant, exemplo suo, & impetu, terga dare compellunt. Fugit itaq; vniuersus exercitus, & turbatis ordinibus, non erat qui resisteret. In quo tumultu sæpè dictus Petrus vniuersam pecuniam, quam de fideliū largitione principū, vt inde pauperibus & egenis in itinere necessaria ministraret, collegerat, retēto curru in quo vniuersa eius deferebatur substantia, penitus amisit. Bulgari autem
50 instantes animosius, ex eis quasi ad decē millia gladio peremerunt, retētis vehiculis & sarcinis vniuersis; mulierū quoq; & puerorū ingenti multitudine captiuatâ. Qui autē euaserant, sylvarum latebras & deuia secuti, vix tertiâ die, monentibus lituis & strepentibus tubis reuocati, circa Petrum, & illos, qui cum eodem euaserant, & in collem se receperant sublimem aliquantulum, conuenerunt. Die tandē quar- XXII.
tâ, relictis adinuicem eis qui dispersi fuerant, & ex occultis in quibus triduo latuerant prodeuntibus, conglobati iterum quasi ad triginta millia rursus ad iter se accingunt. Et licet plaustra, currusq; , quasi ad duo millia imprudenter amississent,

tamen à proposito deficere ignominiosum reputantes, viam, licet multâ difficultate, continuant. Dumque essent in proficiscendo, alimentorum multam sustinentes inopiam, ecce domini Imperatoris nuncius castris eorum se intulit, qui Petrum, & alios eiusdem exercitus Capitaneos, regiam proferens iussionem, publicè conuenit, dicens: *Sermo grauis, & verbum satis absònum, viri nobiles & inclyti, famâ referente, de vobis ad Imperialem peruenit audientiam, quod in Imperio suo violentiam regionis habitatoribus & eius subditis inferatis enormem, rixas & tumultus concitantes. Quapropter eius auctoritate, si in conspectu Maiestatis eius gratiam aliquando inuenire queritis, vobis iniungimus, quatenus in aliqua urbium eius ultra triduum moram facere non præsumatis, sed continuo itinere congruo, tamen moderamine temperato, versus Constantinopolim expeditiones vestras* 10 *quantocius dirigatis. Nos autem exercitum vestrum præeuntes, victui necessaria iusto precio vobis ministrari faciemus.* Quo audito reuixit spiritus eorum, qui præ victus inopia iam contabuerant: & intellectâ erga se domini Imperatoris clementiam, in spem maiorem erecti, postquam apud eum qui regiones detulerant apices, de sua innocentia, & supportata patienter, quam eis immeritis Bulgari gratis intulerant iniuria, pro tempore sufficienter allegauerunt: ducem prædictum sequentes, ab omni abstinētes enormitate, maturato itinere *Constantinopolim* peruenerunt. Vbi reperto prædicto *Galtero*, qui cum suis legionibus eorundem præstolabatur aduentum, iunctis exercitibus, castra in loco sibi deputato metati sunt. *Petrus* verò à domino Imperatore vocatus, urbē ingressus est: & in eius præsentia constitutus, sicuti vir magna- 20 nimus erat & eloquens, de sua intentione, & tanti laboris causâ interrogatus, plenè disseruit: & quod eum maximi Occidentalium partium & Deo digni principes, in proximo subsequerentur, edocuit: tantâ mentis constantiâ, & verborum vsus ornatu, vt & Palatii principes, viri admirarentur animositatem & prudētiâ, & ipse dominus Imperator cum propensius commendaret. Benignè igitur habitum, & donis cumulatam vberioribus, ad suos redire præcepit Imperator. Vbi cum dies aliquot, eius & victualibus, & requie refocillatus esset exercitus, paratis nauibus ex Imperiali mandato, transito Helleponto, in Bithyniam, quæ prima, de Asiatica diocesi, prauincia eodem mari terminatur, descenderunt: demumq; ad locum supra idem

XXIII. mare situm, cui nomen *Ciuissot*, peruenientes, castrametati sunt. Erat autem idē 30 locus in hostium confinio positus: vbi cum in multa rerum opulentia quasi duobus mensibus continuis confedisset exercitus, non defuit eis penè quotidie rerum venalium copia, & refectio pro tempore necessaria. Quærū vbertate simul & ocio dissolutus miser & duræ ceruicis populus, *prodeuntibus ex adipe stimulis insolentia*, cœpit seorsum inuitis magistratibus turmas agere; & ad decē vel amplius miliaria perlustrare regionem, greges & armenta secum trahentes. Receperant tamen sæpius ex parte domini Imperatoris litteras commonitorias, quatenus ante aduētum maiorum principum, qui subsequi dicebantur, longiùs euagari, aut in se hostes prouocare non præsumerent; sed in loco designato moram facerent, circumspedē se habētes. *Petrus* autem pro plebē sibi commissâ valdè sollicitus, ad Urbem regiam pro- 40 fectus erat, vt rerum venalium, si posset, alleuiaret precium, & humaniorem commerciis obtineret conditionem. Vnde populus cōtumax & calcitrosus, sumptâ occasione ex eius absentia, cœpit insanire vehementiùs; & conglobati seorsum ab exercitu eiusdem factionis complices, quasi ad peditum septem milia, adiunctis sibi equitibus trecentis, aliorum interdictum auribus surdis præeuntes, versus *Niceam* ordinatis agminibus profecti sunt. Vnde de locis prædictâ, urbis conterminis, greges & armenta ad maximum numerū contrahentes, in castra reuersi sunt incolumes. Porro vidētes Theutonici & illius linguæ homines, quod Latinis in eo negotio ad quod exierant, prosperè successerat, rapinarū amore cōcepto, adiiciunt & ipsi simile aliquid attētare, vnde & nomē obtineant, & vires inferant rebus domesticis. Tā- 50 dem verò colligati ex eadē natione quasi ad tria millia cū ducētis equitibus, versus *Niceam* contendunt. Erat autē in eadem regione oppidum ad radicem montis sitū, à *Nicea* quatuor vix miliarium distans spacio: ad quod accedentes, impetu vehemētissimo, & totis viribus oppugnant vndique; & licet plurimū resistētibz oppidanis, expugnatum occupāt violenter: & ibidem, interemptis habitatoribus, & occupatis quæ eorū fuerant vniuersis, loci amœnitate tracti simul & opulentia, castrū communiunt, proponentes vsq; ad aduentum principum in eodē loco cōmanere.

Solimanus

Solimannus verò illius regionis dux & moderator, audito longè ante Christianorum principum aduentu, ex vniuerso interim Orientis tractu, tam prece quàm precio, & modis quibus poterat, infinitas virorum fortium colligens copias, ad easdem partes redierat, vt contra hostiles impetus ciuibus & regioni optata præberet solatia. Qui audiens quod Teuthonicorum prædicta manus oppidū eius expugnasset, & expugnatum detinere præsumeret, illuc sub omni celeritate festinat, & castrum obsidens, violenter expugnat: omnibus quotquot intus reperit, gladio peremptis. Interea rumor in castris personuit, & celebri fama peruulgarū est, Theutonicorum cohortes, quæ recenter de castris exierāt, in manu Solimanni penitus cecidisse. Vnde mente plurimū cōsternati, gemitu & lachrymis, quas præ spiritus angustia cohibere nequeunt, dolorē protestantur. Tandē compertā plenius veritate, exoritur tumultus populariū in castris; vociferante plebe, & id summā exigente precū instantiā, vt illatā fratribus tam enormē non dissimularent iniuriā; sed correptis armis, omnes vnanimiter tam equites quàm pedites, interemptorū fratrum sanguinē vindicaturi procederent. Quod verbū Maiores exercitus, & qui in talibus pleniorē habebant experiētiā, domini Imperatoris consilio parēre volentes, cū vellent cōprimere, & furētis populi indiscretū mitigare feruorē: insurrexit plebs aduersus eos indomita; & cuiusdam *Godefridi*, qui cognominabatur *Burel*, qui princeps erat factionis, vsa patrocinio, Maioribus contumelias cœpit irrogare, timiditati ascribēs, & non prudentiā, quod fratrum interfectores, ultore gladio non persequerentur.

Præualuit tandem deterius affectorum sententia; & arma corripientes vniuersi, relictis debilibus cum mulieribus & paruulis, & his quibus arma nō erant, congregati sunt ad viginti quinque milia peditum armatorum, quingentos equites optimè loricos habentes. Ordinatis ergo agminibus, & in acies digestis, versus montana per syluam prædictam, ad partes Niceas cōtendunt. Vixq; ad tria miliaria processerant, cū ecce *Solimannus* cum innumera suorum multitudine eandē syluam ingressus, vt in castra nostrorū, quæ in loco erant supra nominato, subitus irrueret, accelerabat. Audiensq; per eandem syluam clamores insolitos, vt primū cōperit quod à castris egressæ nostrorū sibi occurrerent legiones, relictis montibus & syluā, ad patentes campos se contulit. Quò etiā nostri peruenientes, aduentus hostiū ignari penitus, postquā eorū in vicino cōstitutum cognouerunt exercitū, mutuis se vocibus exhortantes, in hostes irruunt, gladiis instantes cominus, interemptorum fratrum sanguinem de manu hostium requirētes. Hostes verò votis omnibus & ardente proposito nostros in se irruentes gladiis excipiunt; & compertum habētes, quod res pro capitibus ageretur, resistunt viriliter, iustā indignatione succensi, & de sua multitudine præsumētes. Tandem confligentibus adinuicē hinc inde cohortibus strenuè, satisq; viriliter, oppressi nostrates ab eorū multitudine, & pondus belli nō valentes ferre diutiūs, dissolutis agminibus, in fugam versi sunt: quibus nihilominus Turci gladiis incumbentes, vsq; in eorum castra, stragem operantes infinitā, eos insectati sunt. Ceciderunt in ea congressione de viris nobilibus, qui Petri castra sequebantur, *Galterus Senfauer*, *Rainaldus de Breis*, *Fulcherus Aurelianensis*, & alii innumerabiles. Nā de viginti quinque milibus peditū, qui de castris egressi fuerāt, & de quingentorū numero equitum, vix vel vnus superfuit, qui aut mortem effugerit, aut vincula. Tandē verò hac potitus victoriā, & præsentī successū *Solimannus* factus elatior, in castra violētus irruit; id residuum quod supererat, nemine iam qui resistere posset inuento, gladiis aboler: senes, valitudinarios, monachos, & clerum vniuersum, matronas quoq; grandæuas ferro perimens; solis pueris & puellis, adhuc impuberibus, quorum pro eis ætas intercedebat, & facies, ad hoc parcēs, vt seruituti manciparet. Erat autem iuxta nostrorum castra, in littore maris situm, præsidium vetus, semirutum, habitatoribus vacuum, ita vt nec seras haberet, nec ostia; in quod, necessitate compulsi, salutem in eo posse consequi arbitantes, Peregrinorū quidam se cōtulerunt, quasi ad tria milia. Qui obiectis clypeis, & magnorum aduolutione molarīū aditus obstruūt, & ad sui tuitionem, prout necessitatis articulus imperabat, accinguntur. Dumq; Turcos instantes vehementiūs, spe obtinēdæ salutis, qui obsessi erant, à se repellunt longiūs, pro vita & libertate totis viribus decertantes, nuncius quidā sub omni celeritate ad *Petrum* accedens, stragē suorum indicat; & residuos de populo iā consumpto, in oppido quodam semiruto artissimā.

obsidione vallatos edocet, armorum & victus inopiâ laborâtes. Qui ad dominum Imperatorem accedēs, fufis humiliter precibus obtinet, vt miffâ illuc sub omni velocitate militiâ, reliquias populi ab imminētibus periculis præcipiat liberari: quod & factū est. Turci enim auditâ domini Imperatoris iuffione, ab oppidi protinus deftiterunt impugnatione: & trahentes fecum quos in vincula coniecerant, cum tentoriis & papilionibus, equis, mulis, & omnimoda noſtrorū ſupelleſtile optima ſpolia deferentes, Niceâ reuerſi ſunt. Sic ergo ceruicoſus populus, & intractabilis, dum monitis neſciunt acquieſcere melioribus, ſuo lapſus impetu, totus descendit in interitum: & dum diſciplinæ ſalutaris neſcit iugum portare, ſuarum viarum fructus inutiles collegit, hoſtium gladiis deputatus. Post Petri verò tranſitum in 10 Bithyniam, conſequenter non multo temporis interuallo, quidam ſacerdos *Godeſcalcus* nomine, natione Theutonicus, Petri ſequens veſtigia, eiufdem peregrinationis accenſus deſiderio, exhortationis habens gratiam, multos ex vniuerſo Theutonicorum regno ad idem opus animauerat. Collectisque viæ conſortibus, quaſi ad quindecim millia, Hungariæ fines, ſine difficultate admiſſus, ingreſſus eſt. Vbi cum eius exercitui venalia de mandato regio bonis conditionibus ab Hungaris exhiberentur, alimentorum abutentes opulentiâ & ebrietati vacantes, ad inferendas enormes indigenis ſe contulerunt iniurias: ita vt prædas exercerent; venalia foris illata publicis, violenter diriperent; & ſtragem in populo committerent, neglectis legibus hoſpitalitatis. Quod domino Regi poſtquam innotuit, irâ ſuccenſus, regnum vniuerſum præcipit conuocari; & in ultionem tantarum iniuriarum armari 20 populum imperat, & maiores etiam regionis. Commiſerunt enim graua in locis quampluribus, turpiaque nimis, & relatione indigna, quæ non niſi cum ſubiectorum odio, & timiditatis nota, Rex poterat diſſimulare. Conuocata igitur totius regni militiâ, tanquâ in hoſtes, & ſupremâ dignos animaduerſione, vnanimiter ruunt præcipientes, pro tantis exceſſibus mortem irrogaturi. Tandemque apud locum cui nomen *Bellagraua* eſt, qui locus in vmbilico regni eorum poſitus eſt, prædictorum inſenſatorum confuſam reperiunt multitudinem: qui præcognito Regis aduentu, & de eius indignatione non ignari, verentes quam læſam portabant conſcientiam, arma corripuerant, quaſi vim vi repellere, & a ſe propuſſare iniurias parati. Quos 30 poſtquam Hungari armis incumbentes viderunt, & ad reſiſtendum animatos, perpendentes quòd non ſine ſuorum multa ſtrage poterant eis vim inferre: erât quippe fortes viri, armorum vſum habentes, quique non facile vellent gratis animas ponere: more ſuo dolis tentant peragere, quod viribus nequeunt. Miſſa enim legatione ad prædictum Godeſcalcum, & exercitus primates, verbis pacificis eis loquuti ſunt in dolo, dicentes: *Peruenit ad dominum Regem de veſtro exercitu grauis querimonia, quòd populo ſibi ſubdito graues nimis & enormes intuleritis moleſtias, iniquâ lege veſtros hoſpites, qui vos benignè tractauerunt, remunerantes. Tamen domini Regis plenius nouit prudentia, quòd non eſtis omnes horum commiſſorum rei: ſed certum habet inter vos viros prudentes & timentes DEVM, quibus aliorum diſplicet enormitas, & quibus inuitis & renitentibus commiſſa ſunt, quæ dominum Regem merito ad iracundiam prouocarunt. Vnde aliquorum crimen timens in omnes reſundere, ne iuſtum inuoluat cum impio, decreuit ira ſua modum imponere; & Chriſtiana conſortibus profeſſionis parcere in præſenti. Vnde conſulimus, vt eius omnino quieſcat indignatio, quòd & perſonas veſtras, & omnem, quam hic habetis ſubſtantiam, arma quoque in manus domini Regis ſine aliqua conditione tradatis. Alioqui nec vnus ſolus ex vobis mortem poterit euadere; cum in medio regni eius conſtituti, nec viribus pares ſitis, nec fugiendi habeatis poteſtatem.* Godeſcalcus igitur, & legionum primicerii, quibus ab initio contumacis populi diſplicebat infania, de regia benignitate præſumentes, in ſimplicitate ſpiritus, populum totis viribus renitentem, & pro vita decertare paratum, in eâ quaſi violenter traxerunt ſententiam, vt cum armis & omni eorum ſubſtantia in poteſtatem domini Regis ſe traderent, pro his omnibus quibus eum offenderant, ſatisfacientes. Acqueunt tandem populus vniuerſus, & armis traditis, vniuerſaque eorum ſubſtantia, Regis primiceriis & ſuis procuratoribus reſignatâ, dum veniam expectant, mortem inueniunt. Irruentes enim in populum nil tale verentem, armorum ſolatio deſtitutum, & de Regis clementia non immerito præſumentem, non diſtinguentes iuſtum ab impio, ſtragem immaniſſimam exercuerunt: ita vt intereptoꝝ funeribus, & cruore occiſoꝝ locus pollueretur vniuerſus, & tâta multitudo

multitudinis vix superessent vestigia. Euaserunt tamen aliqui commune periculum; & præuiâ Domini misericordiâ, Hungarorum gladios declinantes, & ad propria reuersi, de suorum strage, & sinistro casu, qui acciderat, eos qui profecturi erant, & eiusdem viâ votis tenebantur obligati, reddiderunt instructiores: mo-
nentes vt prædicti nequam populi suspectam semper habentes maliciam, pruden-
tius incedant, & cautiùs discant negotiari. Per idem tempus, modico inter-
iecto interuallo, conuenerant eodem studio ex Occidentalibus finibus turbæ in-

xxx.

numerabiles, & peditum manus infinita absque duce & rectore, passim & impru-
dēter incedentes. Erant tamen inter eos viri quidā nobiles, *Tomas de Feria, Clarenbal-*
10 dus de Vendoliolo, Willelmus Carpentarius, Comes Hermannus, & alii nonnulli: quibus in
nullo, disciplinæ impatiens, subiiciebatur populus: sed neglectâ prudentium &
melius affectorum doctrinâ, passim, & sine delectu per omnia liberè discurrebant
illicita. Vnde factum est, vt cum in timore Domini iter debuissent inceptum per-
agere, & diuinorum memores mandatorum, obseruatâ Euangelicâ disciplinâ, pro
Christo peregrinari: conuerterunt se ad insanias; & Iudæorum populum in ciui-
tatibus & oppidis, per quæ erat eis transitus, nil tale sibi verentem, & se habentem
incautiùs, crudeliter obtruncabant. Hoc autem maximè factum est in vrbibus
Colonia & Maguncia: vbi etiam vir potens & nobilis *Comes Emico*, in eadem re-
gione præclarus, eorum cœtibus cum multo se adiunxit comitatu, non solum pro-

ut eius decebat generositatem, nec morum censor, nec correptor enormitatis; sed
maleficiorum particeps, & flagitiorum incentor. Qui omnes, transcursâ Franco-
niâ, & Bauariâ, postquam fines attigerunt Hungariæ, peruenientes ad locum cui
nomen Meeszeburg, arbitrati quod liberè, & sine difficultate eis liceret introire:
clausum reperientes aditum, citra pontem substitierunt. Erat autem is locus præsi-
dium, munitum valde fluminibus maximis, *Danubio & Lintace*, & profundis cir-
cumseptum paludibus, ita etiam vt maiori multitudini, inuitis his, qui observa-
bant introitum, non eiset facilè irrogare violentiam. Dicebatur tamen esse eorum,
qui aduenerant, numerus ad ducenta milia peditum; equitum verò, quasi tria mi-
lia. Porrò Rex Hungariæ transire volentibus, aditum prohiberi mandauerat, ti-

30 mens, ne iniuriarum, quas Godescalci legionibus intulerat, memores, in ultionem
armari cuperent intromissi. Recens enim factum, & cruentæ cædis enormitas,
longè lateq; diuulgata, Regem sibi timere compellebant. Obtinuerunt tamen ab
his, qui ad prædicti municipii deputati erant custodiam, & à principibus legio-
num, qui in eâ parte regionem obseruabant, vt legatos ad Regem dirigerent, qui
pro impetranda pace, & obtinenda transeundi libertate Regem suppliciter con-
uenirent. Ipsi verò interim citra paludes in locis pascuis, castrametati sunt, rei præ-
stolantes euentum. Interea, qui missi fuerant ad regem, infecto prorsus ne-
gotio, paucis euolutis diebus, reuersi sunt. Quorum relatione Maiores edocti, qui
erant in exercitu, quod nullam apud Regem gratiam poterant inuenire, propo-

xxx.

40 nunt terras, quas citra fluuios & paludem Rex possidebat, depopulari, & suburba-
na succendere; & in rebus eius hostiliter versari. In quo dum desudarent atten-
tius, accidit die quadam, quò septingenti ex Regis supradicti militia nauigio
transeuntes occulto, Peregrinis ex insperato, vt ab illatis regionem tuerentur iniu-
riis, casu se dederunt obuiam: Quos cum declinare non possent, nec redire ad pro-
pria, aquis impredientibus, penè omnes interfecti sunt: paucis exceptis, qui in ca-
recto & paludibus equis amissis, vitæ consuluerunt & saluti. Quâ erecti victoriâ,
adiiciunt etiam, vt pontibus fabricatis, præsidium expugnent; & iter ferro aperien-
tes, in regnum violenter ingrediantur. Iuxta hoc propositum cohortes excitant,
& per pontes, quos de nouo erexerant, mœnibus applicantes, protecti clypeis, ad
50 muri suffossionem, & violentum introitum animosius se accingunt. Eoque iam
per eorum diligentem instantiam ventum erat, vt muro in locis pluribus perfora-
to, iam iam Peregrinis pateret introitus. Et qui intus erant in municipio, omnino
in desperationem descenderant, de vita penitus diffidentes: cum ecce repente im-
misso diuinitus timore, relicto assultu, & maximâ impedimentorum parte negle-
ctâ, versi sunt in fugam, qui victores videbantur, fugæ causam penitus ignorantes.
Nec aliud in causa dicitur extitisse, nisi quod peccatis multiplicibus Dominum ad
iracundiam prouocauerant, impietatem secuti, quæ suis cultoribus terrorem solet

Prov. 18, 1. incutere. *Fugit enim impius, iuxta verbum Sapientis, nemine persequente.* Hungari verò meliore factâ cōditione, videntes hostium cuncos terga dedisse, iniequuti sunt eos tanquam victores, quos prius habuerant formidini; & quos infra mœnia vallati paludibus vix poterant sustinere, vltro insequuntur, vice versâ, non solum formidinem, verum & mortem irrogantes. Ex quibus *comes Emico* cum maxima parte dissolutarum turmarum fugiens, in patriam suam reuersus est. Alii verò nobiles, quos suprà nominauimus, per Carinthiam declinâtes, in Italiam peruenerunt: qui decursâ Apuliæ se intulerunt finibus: Vnde & eos de principibus, idem iter agentibus, qui Durachiū nauigare proposuerant, secuti, in Græciam se contulerunt. His ergo & huiusmodi motibus penè totus concutiebatur Occidēs: & seorsum turmas agebant penè nationes vniuersæ: & aliæ sub Principibus, aliæ quasi acephalæ iter adgredebantur. Viæ tamen compendium, quod qui per Hungariam descenderât, certum erat reperisse, propter insolentiam eorum, & enormitates nimias, quas frequenter & præter meritum, regionis inferebant habitatoribus, transcûtes qui præcesserant, eis penitus negabatur. Vnde & eos, qui subsequerantur, reddiderunt magis sollicitos, vt regis Hungarorum sibi gratiam conciliarent.

EXPLICIT LIBER PRIMVS.

INCIPIUNT CAPITVLA LIB. II.

I. Quo tempore Dux Godefridus iter arripuerit, & qui nobiles cum eo & quomodo vsque in Hungariam peruenerit.

II. Legatio eiusdem ducis ad Calcmannum regem Hungariae, per Godefridum de Asca: & responsum eiusdem regis ad eundem ducem.

III. Colliguntur adinvicem rex & nostri principes, & datur Balduinus ducis frater regi obses: transcursumq; Hungaria, & fratre recepto dux à rege multis muneribus honoratur.

IV. In terram Imperatoris nostra legiones ingradientur: describitur introitus, & Græcorum miseria significatur.

V. Dux legatos ad Imperatorem dirigit, vt Hugonem Magnum, & alios nobiles soluat, quos detinebat in vinculis: vniuersa regio præda exponitur, & tandem nostri Constantinopolim perueniunt.

VI. Imperator ad se ducem inuitat, ille renuit introire: graues oriuntur inter eos inimicitiae: fraude Imperatoris, ducis exercitus transfertur ad locum angustiores.

VII. Descriptio situs urbis Constantinopolitanae. Dux legatos ad Imperatorem dirigit: exercitus noster à Græcis ex improviso sustinet insidias.

VIII. Ad urbem reuertitur exercitus, & ingens pugna committitur. Græcorum fit strages maxima.

IX. Populus ad arma conuolat, regionem depopulatur vniuersam: ingens fit in castris victualium opulentia.

X. Nuncius Boamundi ad ducem accedit,

ne cum Imperatore conueniat deprecatur: responso ducis.

XI. Imperator misso filio Ioanne Proforo genito & dato obside, ducē ad se inuitat. Dux ad eum ingreditur: cum Imperator adoptat: pax inter eos reformatur.

XII. Dux muneribus cumulatus sumptâ ad tempus licentiâ egreditur: rerum venalium forū exhibetur: ducis legiones Bosphorum transcunt & in pago Chalcedonensi castrametantur.

XIII. Boamundus accelerat: describuntur nobiles, qui eum sequuntur: Imperator occultè ei parat insidias.

XIV. Epistola Imperatoris Alexii ad Boamundum. Irruit clam exercitus Imperatoris in castra Boamundi. Capiuntur quidam, qui malitiam Imperatoris detegunt.

XV. Occurrit Dux domino Boamundo, & inuitum quasi ad Imperatorem introducit: ubi plurimum honoratur. Tancredus interim legiones transfert in Bithyniam, ubi Ducis cohortibus sociantur.

XVI. Comes Flandrensium Robertus cū suis adest: ab Imperatore vocatus introducit, & muneribus ingentibus susceptis mare transit, & prædictis sociatur principibus.

XVII. Comes Tolosanus, & Episcopus Podiensis cum suis agminibus per Dalmatiam properant, multam difficultatem itineris in ea regione perpepsi.

XVIII. Apud Durachium eidem comiti imperialis occurrit legatus: Episcopus Podiensis à Bulgaris capitur: sed Domino miserante libe-

te liberatur. Iterum apud Rodeſtum tam Imperatoris quàm principum noſtrorum eidem occurrit legatio.

XIX. Comes relicto exercitu, ad Imperatorem properat: cum eo non conuenit. Imperator fraudulenter præcipit, ut in eius irruatur exercitum.

XX. Comitibus abſentibus clam à Græcis impugnatur exercitus. Comes indignatur: Imperator facti pœnitens, & ſibi timens, principum interuentionem poſtulat, ſuam allegans innocentiam.

XXI. Comes interuenientibus principi-

bus Imperatori reconciliatur. Inuitat Imperatorem, ut cum reliquis principibus proficiſcatur. Qui mare tranſierant, verſus Niceam cōtendunt. Comes eos protinus inſequitur.

XXII. Robertus Normannorū comes, & dominus Eufſtachius ducis frater, cum ſuis legionibus Conſtantinopolim perueniūt, ab Imperatore ingentibus donis, & multā præuerti honorificentiā. Deinde tranſeuntes Hellespontum, reliquis principibus ſe aſſociant.

XXIII. Tatinus quidam Imperatori familiaris, noſtris aſſociatur principibus, vir ſubdoluſ nimium, & iniquitate notabilis.

EXPLICIUNT CAPITVLA LIBRI II.



INCIPIT LIBER SECVNDVS.

- 20 **E**ODEMQUE anno, qui erat ab incarnatione Domini milleſimus nonageſimus ſextus, menſe Auguſto, quintadecimā die menſis, vir magnificus & illuſtris Godefridus Lotaringiæ Dux: poſt diſceſſum Petri Heremitæ, & eiꝯ exercitus caſum, ut prædiximus, lamentabilem; poſt legionum Godeſcalci, ſtragem præmiſſam; poſt illud etiā infortunii genus, quod ut præmiſimus, ſubſequenti multitudini citra Hungariam accidiſſe dicitur: conuocatis viæ confortibus, & compoſitis de more ſarcinis, iter aggreſſus eſt. Fuerunt autem, qui eiꝯ caſtris ſe adiunxerunt, viri nobiles & inclyti, & perpete digni memoriā, dominus Balduinus, eiꝯ frater vterinus; dominus Balduinus de Montibus, Hamaucorum Comes; dominus Hugo, comes de ſancto Paulo,
- 30 & Engelramus filius eiꝯ, egregiæ indolis adoleſcens; dominus Garnerus comes, cognomento de Gres; dominus Renardus comes Tullenſis, & Petrus frater eiꝯ; dominus Balduinus de Burgo, eiꝯſdem ducis conſanguineus; dominus Henricus de Aſcha, & Godefridus frater eiꝯ; Dodo de Cons; Cono de Monte acuto: & alii plures, quorum nomina non tenemus, vel numerum. Hi omnes vno & indiuiduo comitatu pariter incedentes, viceſima Septembris die in prouinciam quæ dicitur Oſterich, ad locum, qui dicitur Tollenburch, cum omni tranquillitate ſani & incolumes perueniunt. Eſt autem is locus, vbi Lintax fluuius Imperii fines à regno diſterminat Hungariæ. Quò peruenientes, ſolliciti valde ſuper his quæ Godeſcalco & ſuis legionibus dicebantur accidiſſe, deliberant, quomodo cum ſalute in opere incepto poſ-
- 40 ſint incedere. Tandemq; de communi placuit conſilio, ut miſſa legatione ad Regem Hungariæ inſtruantur plenius, quænam cauſa fuerit, quare fratrum præcedentium apud eos ita deperierit exercitus; & ut opportunitate inuenta dominum Regem de pace conueniant, & omiſſis querelis veteribus, elaborent quomodo eis liber per Hungariam indulgeatur tranſitus. Nam alias inire vias, itineris cœpti videbatur diſpendium. Miſſus eſt ergo vir nobilis Godefridus de Aſcha, Henrici frater, eo quod eiꝯſdem regis à multis retro temporibus familiaritatem habuerat, cum quibuſdam honeſtis viris & nobilibus, ut eiꝯſdem legationis fungatur officio: Qui ad Regem perueniens, depoſito debitæ ſalutationis affatu, quod ei fuerat iniunctum fideliter exequens, Regi loquutus eſt in hæc verba: Vir illuſtris & magnificus, dominus Godefridus, Lotaringiæ Dux, & alii DEI cultores, qui cum eo ſunt Principes, diuinis obſequiis mancipati, ad veſtram nos direxerunt eminentiam, ſcire per nos cupientes: quare fidelium populus, quorum reliquias in via reperimus nobis occurrentes, tantam apud vos, qui de numero fidelium dicimini, reppererunt inhumanitatem, ut tutius ad hoſtes quolibet declinare potuiſſent. Quod ſi prædicti populi tanta fuit culpa, ut extremis ſuppliciis digna fuerit flagellari: qui me miſerunt, parati ſunt eorum interitum æquanimiter tolerare. Nam quæcunque ex merito pœna infligitur, minus ad iram prouocat, & maiore ſuſtinenda eſt patientiā. Quod ſi ſecus eſt, & abſque vlla cauſa calumniati eſtis innocentes, ut eos morti traderetis, non poſſunt

Cap. I.
A.Dni.
1096.

II.

illatam seruis DEI dissimulare iniuriam: sed parati sunt fratrum sanguinem vindicare. Super his ergo vestra per nostrum ministerium expectant responsa, pro eorum forma animos habituri. His dictis orandi finem fecit. Cui Rex suorum satellitum stipatus comitatu, in hac verba respondit: Placet, vir amicitiarum Godefride, cui meritis exigentibus iam pridem nostram contulimus gratiam, quod ad nos ingressus es, tum ut veterem renouemus amicitiam, tum ut apud tam discretum iudicem nostram asstruamus innocentiam. Sumus equidem & de numero, ut dicis, fidelium: & utinam opere possimus implere huius nominis virtutem: sed qui nos præcesserunt, tam Petrum heremitam sequentes, quam adherentes Godescalco, quam qui in regni nostri limitibus castrum nostrum expugnare, & ad nos violenter ingredi nitentur, nec re, nec nomine CHRISTI fuerunt sectatores. Nam cum primò Petrum & suos exercitus suscepissemus hospitio, bona quæ apud nos erant tam gratis, quam præcio illis communicantes iusto, more serpentis in gremio, & muris in pera, malè remunerauerunt hospites suos. Nam in extremis regni nostri finibus, cum iam pro collatis beneficiis grates tenerentur rependere, unam de urbibus nostris confringentes, & populum, qui in ea erat, delentes penitus, cum eorum spoliis, gregibus, & armentis, tanquam violenti prædones abierunt. Godescalci vero expeditiones, tanquam à prioribus nihil omnino pertulissemus iniuria, sine molestia & difficultate admisse, in medio regni huius rapinas exercere, inferre violentiam, incendia procurare, & causis leuibus stragem operari non verentes, delictorum suorum enormitate Dominum ad iracundiam prouocauerunt. Nos quoque subditorum ferre non valentes molestias, manum adhibuimus, rei periclitanti remedium prouidentes. Vnde & priorum exemplo deterrii, ne tertio iam detestabilem turmarum experiremur iniurias, consultius fore visum est, à regni nostri limitibus, DEO planè odibiles, arcere huiusmodi impiorum manipulos hominum, quam iniurias ab eis & damna pati enormia, aut cum eis hostiliter decertare. Hæc igitur apud te virum prudentem & industrium, pro nostra excusatione sufficiat allegasse. Nam (vixit Dominus puram, sicut est, edisseruimus veritatem.) His dictis eosdem legatos præcipit hospitaliter, & multâ honestate haberi, quousq; habito cum suis colloquio, ad prædictos principes nuncios dirigat, responsa conuenientia delaturos. Tandem missis de familiaribus suis aliquot cum legatis, qui ad se venerant, Duci & Principibus in hac verba rescripsit: Audiuimus sanè, & famâ referente iam dudum cognouimus, quod Princeps magnus, illustris, & egregius merito apud tuos habearis: & quod fidei tuæ sinceritatem, & commendabilem animi constantiam etiam longè positi viri prudentes admirentur. Nos quoque nominis tui bono odore, & operum tracti flagrantia, te licet absentem, colere proposuimus, & promptius honorare. Sed & viros nobiles, qui tecum sunt, zelo fidei Christiana accensos, credimus pium habere propositum. Vnde & ea merita, quibus solent amici comparari, nolumus in nobis ociosa torpescere; sed omnibus debitam impendere caritatem, & fraternæ dilectionis erga eos operibus abundare parati sumus. Vnde quoniam ita se offert occasio, rogamus ut ad castrum nostrum, Ciperon nomine, præsens adesse velis, ut tecum possimus optata diu miscere colloquia, & tuis desideriis congruum adhibere consensum. Dux igitur auditâ Regis legatione, habitoq; suorum consilio, cum trecentis equitibus ex omni comitatu electis, die præfixâ ad locum peruenit destinatum. Vbi ponte transito, Regem inueniens, ab eo benignissimè, & cum multa susceptus est honorificètia. Tandem post multam hinc inde sibi mutuâ familiaritatem exhibitam, placuit ut datis obsidibus, de numero nobilium electis, omni rancore deposito, & pace plenius reformatâ, regni aditus duci & suis legionibus panderetur. Rex ergo ut tantorum virorum legionibus intro missis fidem haberet plenior, ne fortè occasione qualibet, de virtute sua & numero confisi regnum turbare præsumerent: dominum Balduinum ducis fratrem cum vxore & familia obsidem petit. Cui Dux grato concurrens assensu, fratrem legibus complacitis obsidem tradit; & immixtis legionibus, regnum ingressus est. Porro Rex fideliter adimplens quod promiserat, per vniuersas regiones ad quas peruenturus erat exercitus, lege præcepit edictali, quatenus iusto precio, æquo pondere, victui necessaria legionibus exhibeantur; & rerum venalium turbas proficiscentes forum perpetuò comitetur. Dux verò per castra vniuersa, & seorsum & publicè voce præcepit edici præconiâ, sub pœna mortis & omnium publicationis bonorum, ne quis rapinam, vim, aut iniuriam accedentibus ad exercitum audeat irrogare: sed fraternâ caritate emptionum venditionumq; contractus celebrent, in vinculo pacis. Factumq; est ita, præuiâ Domini misericordiâ, quòd Hungariam transcurrètes vniuer-

vniuersam, nec in leui verbo mutuò se offenderunt. Rex verò proficiscentem exercitum, æquis penè passibus, cum ingentibus suorū copiis, obsides secum deducens, ex latere sinistro comitabatur paratus: vt si quid fortè seditionis emergeret, per eius præsentiam continuò sedaretur. Tandem verò ad *Maleuillam*, de qua superius frequenter fecimus mentionem, peruenientes, in ripa fluminis *Sauoa*, quoulsq; exercitui transitus pararetur, confederunt. Compositis igitur ratibus: quia naues paucas, & ad tantum transferendum populum minus sufficiētes inuenerant: traiectis mille loricatis equitibus, qui contra quaslibet hostium insidias ripam vltiorem communirent, vt translatus populus sedem inueniret quietam, certatim in partem oppositam se transferunt. Vixq; plebs enauigauerat, & de principibus nonnulli; & ecce Rex cum ingenti suorum comitatu subito adfuit, dominum *Balduinum*, & vxorem eius, & alios simul obsides in manu domini Ducis, sicut ab initio conditum fuerat, resignauit; & donis vberibus tam dominum Ducem, quàm reliquos honorans Principes, reuersus est. Dux verò traiectas secutus expeditiones, in vltiorem ripam, cum residuo principum & populi se contulit consequenter; veniensque ad *Bellagruam* Bulgariæ oppidum, de quo superius fecimus mentionem, ibi castrametatus est. Inde compositis sarcinis, & legionibus ad iter expeditis, Bulgariæ syluas, & latè patētia nemora transcurrens, primùm *Niz*, deinde *Straliciam* peruenit. Coniicere est ex his locis, qui aliquando vberiores & omnimodis commoditatibus refertæ fuerunt prouinciæ, quanta sit Græcorum miseria, & eorum debilitas Imperii. Nam postquam deficientibus apud Constantinopolim Latinis principibus, in eorum potestatem sub primo *Nicephoro*, peccatis exigentibus, descendit Imperium, statim barbaræ nationes de Græcorum imbecillitate confisi, in eorum prouincias irruentes, pro arbitrio suo regionis cœperunt tractare habitatores. Inter quas *Bulgarorum gens* inculta, à tractu Septentrionali egressa, à Danubio vsq; ad Vrbem regiam, & iterum ab eodem flumine ad mare Adriaticum, vniuersas occupauerat regiones: ita vt confusis prouinciarum nominibus & terminis, totus iste tractus, qui in longitudine habere dicitur iter dierū triginta, in latitudine verò decem, vel amplius, *Bulgaria* dicatur: miseris Græcis ignorantibus, quod hoc ipsum nomen eorum protestetur ignominiam. Super Adriaticum enim mare erat *vtraq; Epirus*: cuius alterius metropolis est *Durachium*, regnum olim viri strenui & admirabilis, *Pyrri* Epirotarum regis. Vnde autem Dux cum suo comitatu transiturus erat; duæ fuerant *Dacia*, *Ripensis* videlicet, quam à leua super ripas Danubii transeuntes reliquerunt; & *Mediterranea*, per quam iter agentes, & per vrbeis olim eximias, *Niz* & *Straliciam*, transeuntes percurrerunt. Erant & aliæ in eodem tractu prouinciæ, *Arcadia*, *Theffalia*, *Macedonia*, & *Thracia* tres, quæ pari cum aliis inuolutæ sunt calamitate. Nec solum has prædictas prouincias suâ Græci amiserant mollicie; sed etiam postmodum eodem Bulgarorum subiugato populo, per *Basilium*, eorum imperatorem, in vltioribus prouinciis, & maximè quæ regnis exteris collimitant, & per quas ad eos acceditur, in vtraque videlicet *Dacia*, etiam hodie non permittunt habitatores introire, vel excoli regionem; vt syluis & fructibus loca latè occupantibus, nullam præstent introire volentibus habilitatem: maiorem habentes in *viarum difficultate*, & *veprum armatura*, quàm in propriis viribus resistendi fiduciam. Eodem modo & *Epirum primam*, quæ à Durachio habet initium, & vsque ad montem, qui cognominatur *Bagularius*, itinere dierum quatuor protenditur, per quam omnes alii transitum habuerunt Principes, desertam & habitatoribus vacuam relinquunt; vt accedere volentibus, nemora deserta & inuia, & alimentis carentia, repagulorum vice præbeant impedimentum. Prædictam ergo *Daciam mediterraneam*, quæ alio nomine *Mesia* dicitur, dominus Dux cum suis percurrrens legionibus; & exsuperatis *claustris*, quæ vulgo dicuntur *sancti Basilij*, ad loca planiora & alimentorum copiam ministrantia, descendens, *Philippopolim* vsq; ad nobilem & copiosissimam urbem peruehit. Vbi cognito, quod dominus *Hugo magnus*, domini Philippi Francorum regis frater, cum quibusdam aliis nobilibus, ab Imperatore detineretur in vinculis, missis sub omni celeritate nunciis, litteris & viuâ voce monet, & rogat diligētius, quatenus prædictos viros, eiusdem Peregrinationis votum habētes, & sine culpa vinculis mancipatos, solutos abire permittat. Prædictus enim vir illustis, quasi primus omnium iter aggressus, transcurfis Alpibus, in Italiam de-

I V.

scenderat, & inde in Apuliam perueniens, cum exiguo comitatu mare transiens, apud Durachium substiterat, eos qui subsequerentur expectans: non veritus quod in regno Græcorum, qui Christianâ professione censeretur dicebantur, sibi suisq; aliquid sinistri occurreret: ubi à præfide regionis victus & catenatus, Imperatori traderetur pro arbitrio tractandus, translatus est. Sic ergo eum apud se tanquam prædonem, aut homicidii reum Imperator detinebat in carcere, principum qui subsequi dicebantur, expectans aduentum: quatenus si prosperè accederent, eorum gratiâ eum soluisse videretur; sin autem, perpetuis eum compedibus manciparet.

- V. Præerat autem per idem tempus Græcorum Imperio vir nequam & subdolis, *Alexius* nomine, agnomine dictus *Connino*. Qui cum esset in imperiali palatio à domino *Nicephoro*, cognomento *Botaniarh*, qui tunc in sceptris agens principabatur, plurimum honoratus: & *Megadomestici* dignitate, quem nos *maiorum Senescalcum* appellare consueuimus, fungeretur officio, ab Imperatore secundus, contra dominum & benefactorem suum malitiosè recalcitrans, quinto vel sexto anno, antequam populus noster accederet, depulso domino imperium inuaserat; & detinere præsumebat violenter occupatum. Missi ergo domini Ducis legati ad Imperatorem accedentes, prædictum nobilem virum cum sociis suis, sicut eis fuerat iniunctum, instantissimè postulant absolui. Quod cum eis ab eodem Imperatore præcisè negaretur, ad nostras expeditiones, quæ iam *Adrianopolim* pertransierant, ibi residentes in pascuis, reuersi sunt. Postquam verò, eisdem referentibus nunciis, Dux & alii principes, quod nequaquam prædictos nobiles vellet Imperator absolute, cognouerunt, de communi consilio vniuersam illam regionem legionibus suis exponunt ad prædani. Cumque per octo dies ibi moram fecissent continuam, vniuersa depopulati sunt. Quod audiens Imperator, nuncios ad eundem Ducem dirigit, rogans ut à præda desistat eius exercitus, & nobiles quos repetierat, recipiat expeditos. Cui verbo Dux libenter acquiescens, præda suis inhibita, pacatis legionibus, *Constantinopolim* peruenit: ubi ante urbem, in manu robusta & copioso exercitu, fixis tentoriis castrametatus est. Occurrentes autem prædicti nobiles viri, dominus videlicet *Hugo magnus*, *Drogo de Ncella*, *Willelmus Carpentarius*, *Clarembaldus de Vendoliolo*, extra urbem in castra ducis se contulerunt, gratias pro sua liberatione soluturi: Quos cum multa caritate & debita honorificentia susceptos, benignè habuit secum aliquandiu, eorum molestiis, quas pertulerant præter merita, fraternè compatiens. Interea vix mutuos dissoluerant amplexus & alternis erant confabulationibus recreati, cum ecce *Imperatoris* adfuit nuncii, monentes ut ad dominum Imperatorem cum paucis Dux introire festinet. Dux verò habito consilio, illuc ire distulit: unde indignationem plurimam concipiens Imperator, fori rerum venalium legionibus, quæ cum Duce aduenerant interdixit. Porro Principes populi videntes indigentiam & alimentorum defectum, rursus de communi consilio per suburbana longè lateq; cum ingentibus armatorum copiis discurrentes, greges & armenta vndiq; contrahunt; & alimentorum omnimodam in castra referunt opulentiam: ita ut usq; ad satietatem minores etiam abundarent. Videns ergo Imperator regionem vniuersam prædæ & incendiis expositam, timens ne deterius etiam aliquid contingeret, iteratò commercium restitui præcepit. Cumque Natiuitatis Dominicæ dies immineret sollempnis, decreuerunt apud se, religionis intuitu, per illos dies quatuor nostri Principes, ab omni præda & qualibet iniuria manus cohibere. Quibus in omni quiete & tranquillitate peractis, adfuit Imperatoris nuncius, monens verbis pacificis, & tamen in dolo, ut ponte transito, qui est iuxta palatium, quod appellatur *Blaquernas*, legiones suas transferant, in palatiis, quæ super littora Bosphori erant plurima, hospitaturi. Potuit autem faciliè persuadere: nam instantis maxima erat importunitas hyemis, & pluuiarum intemperies inaudita, ita ut eorum papiliones vix possent cohibere stillicidia: unde & victus & suppellex omnimoda de madore iugis aquæ corrumpenterentur, & putrescerent. Sed nec homines, nec iumenta, nec cæterorum qualibet animantium, vim algoris penetrabilem & niuium crebram, imò penè continuam, poterant tolerare diutius asperginem importunam: quibus omnibus supra vires angebantur incessanter. His autem, etsi verbo compati videretur Imperator, longè tamen alia mens eius erat: & eò tota eius properabat intentio, ut legionibus in locis angustioribus collocatis, minorem euagandi

euagandi haberent licentiam; & ipse eas pro arbitrio cohibendi maiorem reciperet potestatem. Quod ut plenius intelligatur, de situ prædictæ urbis aliquid est interferendum.

VII.

Mare Ponticum (quod ab adiacente regione nomen accepit) prædictæ ciuitati à parte Septentrionali positum est, ab eadem triginta distans miliaribus: à quo in modum fluminis, per quasdam angustias in Austrum descendit quædam eius portio: quæ spacio ducentorum triginta miliarium decurrens in directum inter *Seston* & *Abidon* vrbes antiquissimas, quarum altera in Europa est, altera in Asia, in nostrum mare labitur *Mediterraneum*. Quæ influxio à prædicto mari transfusa, postquam triginta miliaribus à primis faucibus, unde habet introitum, continuo tractu descendit, sinum facit in partem Occidentalem, cuius longitudo est ad milia quinque, vel sex; latitudo verò quasi vnius. Hoc autem ita angustum mare, quod à Pontico in *Mediterraneum* per ducenta triginta miliaria protenditur, *Bosphorus Propontidis*, siue *Hellepontus* appellatur. Quod autem ita sit, *Solinus* in septimo decimo de Memorabilibus testatur, ita dicens: *Quartus Europa sinus Helleponto incipit; Mæotis ostio terminatur: Atque omnis hæc latitudo, quæ Europam Asiamque diuidit, in septem stadiorum angustias stringitur.* Hic est *Hellepontus*, quem *Xerxes* pontem nauibus factum permeauit tenus deinde *. *Europus* porrigitur ad Asiæ urbem *Priapum*, qua *Magnus Alexander* potiundi orbis amore transcendit, & pontus est inde diffusus, æquore patentissimo rursus stringitur in *Propontidem*, mox in quingentos passus coartatur, sitque *Bosphorus Thracius*, quæ *Darius* copias transportauit. Horum autem causæ nominum à veteribus poetarum fabulis videntur deductæ. Nam *Bosphorus* ideo dicitur, quod *Iupiter Europam* Agenoris filiam in bouis effigie assumpta, trans illud mare legitur deportasse: *Hellepontus* autem ab *Helle Phryxi* sorore; quæ super arietem cum eodem fratre suo nihilo minus dicitur transfretasse. Verbo autem vulgari dicitur *Brachium Sancti Georgij*, Europæ Asiæque limes: cuius illa est longitudo, quam diximus. Verum latitudinis non est vsquequaque modus idem: Nam pro adiacentium situ & dispositione regionum, nunc ad vnius contrahitur miliarii spacium; nunc per triginta vel amplius diffunditur. Sinus autem prædictus tendens, ut præmisimus, in Occidentem, portus est inter eos quos orbis habet, commodâ statione famosissimus: Infra quem & *Bosphorum*, in angulo quodam, sita est prædicta ciuitas, olim dicta *Byzantium*: locus ignobilis, & inter *Thraciarum* vrbes quasi nouissima: nunc amplioris *Augusti* feliciore insignita vocabulo, princeps prouinciarum facta est, & Imperii familiare domicilium: Romæ senioris & nomen inuidens, & dignitatis prerogatiuam. A *Pausania* Spartiatarum rege prius condita, iuxta id quod in tertio libro *Pauli Orosii* continetur, formam habens trianguli, trium inæqualium laterum: cuius primum latus ab eo angulo, qui inter portum & *Hellepontum* continetur, ubi est *Ecclesia Sancti Georgij*, quæ dicitur *Mangana*, vsque ad palatium nouum, cui nomen *Blagueruas*, secus portum directè protenditur: alterum verò ab eodem *Sancti Georgij* monasterio, vsque ad *Auream portam*, secus *Hellepontum* ducitur: tertium verò ab eadem porta vsque ad prædictum palatium *Blagueruas*, per campestria, muris, turribus, & antemuralibus insigne, protenditur. Portum autem fluuius quidam ingreditur, æstate quidem modicus; sed hyeme aquis pluuiialibus solet fieri torrentior, pontem habens supra se positum: quem pertransiens nostrorum exercitus, inter *Ponticum* mare & *Bosphorum*, & portum in ædificiis, quæ in ipso *Bosphori* littore erant plurima, hospitandi gratiâ se contulerant. Dumque ibi moram facerent, reliquorum Principum expectantes aduentum, Dux frequentibus Imperatoris sollicitabatur legationibus, ut ad eum introiret. Qui suspectam habens eius familiaritatem, & colloquium reformidans, ad eius vocationem accedere verebatur. Videns tamen quod omnino esset indecens, & contra disciplinam honestatis, si non aut in persona propria veniret, aut saltem pro se idoneos mitteret responsales: nobiles viros dominum *Cononem de Monte acuto*, dominum quoque *Baldunum de Burgo*, & *Henricum de Ascha*, ut se excusatum haberent, ad eundem dirigit Imperatorem. Qui videns domini Ducis constantiam, & quod eum ad se nullatenus posset euocare, iterum venalia interdicit. Sed neque sic constantis viri animum potuit emollire: unde manum aggrauans, misit occultè sagittarios, qui nauibus inuecti ad eam partem, in qua Dux castra locauerat, peruenientes, summo mane in ipso diei crepusculo mul-

- VIII. tos ex nostris, qui ad mare exierant, & qui de fenestris speculabantur, sagittis confoderunt, plurimos interficientes. Quod postquam Duci nunciatum est, conuocatis populi principibus, de communi consilio fratri præcepit, ut assumptâ parte militiæ, properet pontem occupare, per quem transierant, ne in illis angustiis intercepti, gentis suæ dispendia patiantur. Ille verò impiger, quingentos sibi assumens loricanos, ad prædictum pontem properans festinat, & occupat violenter. Iam enim non solum illi, qui in nauibus descenderant, hostes se exhibebant, verum vniuersa ciuitas contra eos hostiliter armabatur. Nostri verò cognoscentes studiosè & ex industriâ paratos sibi aduersarios, etiam ciues vniuersos in eorum perniciem ad arma conuolare, igne supposito vniuersâ palatia, in quibus hospitati erant, tractu continuo per sex aut septem miliaria, tam priuatorum quàm Imperialia succenderunt. Deinde strepentibus lituis, cornicinum admonitione ex diuersis partibus, ad quas gratiâ hospitandi se contulerant, conglobati, Ducem, qui iam dispositis aciebus, ad pontem maturabat, armis correptis præcipientes sequebantur. Verebantur enim plurimum, qui rei militaris maiorem habebant experientiam, ne ponte ab hostibus occupato, in locis angustioribus reperti, facilius grauarentur: unde cum tanta instantia vix expectatis peditum manipulis, omnis illuc equitum manus conuenerat. Sed præcurrens dominus Balduinus Ducis frater, ut prædiximus, pontem inuitis hostibus violenter occupauerat; & eis abactis, & in fugam conuersis, vltiorem ripam fluminis nostris vendicauerat. Dux ergo & vniuersus exercitus, cum sarcinis & omnimoda suppellectile sua, sine difficultate transeuntes, rursus ante Urbem in locis liberis & latè patentibus constiterunt. Vbi habito conflictu inter ecclesiam sanctorum martyrum Cosmæ & Damiani, quæ hodie vulgari appellatione dicitur *Castellum Boamundi*; & palatium nouum, quod dicitur *Blaquernas*, quod in angulo ciuitatis iuxta portum situm est, circa horam vespertinam, interfectis innumeris, nostri Græcos pondus belli amplius sustinere non valentes, infra urbem se recipere compulerunt. Nostri verò campo viriliter obtento, tanquam victores, in loco ad id congruo castrametati sunt. Et fortasse rursus irruentibus ciuibus, congressio periculosior, & strages amplior subsequuta foret, odio ministrante feruorem; nisi nox irruens mutuis finem imposuisset certaminibus. Hic primum paruit, & sine hæsitatione factum est manifestum, qua intentione prædictus nequam Imperator castra transferri præceperat: videlicet ut suspectum populum in illa locorum angustia, quasi infra quædam repagula coecerneret. Postea demum luce redditâ, edictum est publicè, ut ad arma populus confurgeret: & pars sub certis ducebus deputatis, vniuersam perlustraret regionem; & alimentorum, quorum Imperator commercium interdixerat, copias, vel violenter, vel cum precio comportaret, gregibus & armentis, frugibus & vniuersis alimentorum generibus non parcentes: Pars verò cum Duce, & quibusdam aliis magnatibus, ad tutelam castrorum in exercitu remaneret. Fraudem enim Imperatoris & suorum compertam habentes, contra eius mulcupulas, quantâ poterant, se armabant cautelâ. Factum est igitur, ut qui pabulatum egressi sunt, sex diebus continuis cum ingenti, tam equitum quàm peditum multitudine, suburbana per circuitum vsq; ad sexaginta miliaria cõfringentes, tantam alimentorum in castra, die octauâ contulerunt copiam, ut amplius cõficeret opinione hominum; & vix gregum & armentorum, vehiculorum quoq; & iumentorum turbas ante se trahere possent.
- IX. Dum hæc verò in castris aguntur, ecce domini Boamundi nuncius præsens ante Ducem astitit, prædicti Principis litteras deferens in hæc verba: Noueris, virorū optime, quod tibi contra feram pessimam, & cum homine nequam incumbit negocium: cuius propositum est semper fallere, & omnem Latinorum nationem vsq; ad mortem modis omnibus persequi: & quod de eo rectè sentiam, tuo quoque aliquando approbabitur iudicio. Noui enim Græcorū malitiam, & odium aduersus Latinorum nomen pertinax & obstinatum. Cede ergo, si placet, Vrbe relicta, ad partes Adrianopolitinas, vel circa Philippopolim: & legiones tibi à Domino commissas, in locis vberibus, alimentis & ocio præcipe recreari. Ego autem, auctore Domino, circa Veris initium festinus adero, consilium & auxilium fraternâ caritate, tanquam Domino meo, contra impium Græcorum principem ministraturus. Perlectis igitur litteris, & earum tenore plenius intellecto, de communi principum consilio litteris & viuâ voce respondit in hæc verba: Non, dilectissime frater, & famâ referente pridem edoctus sum, quod odio inexorabili Græcorum assidue populum nostrum
- X.

nostrum persequi ardentissimè studuerunt: & si quid mihi defuit priùs ad scientiam, cotidie per experimentum addisco plenius: nec dubito, quin iusto zelo aduersus eos mouearis, & de eorum nequitia rectè sentias. Sed DEI timorem habens præ oculis, & propositum meum considerans, arma infidelibus debita in populum conuertere Christianum reformido. Aduentum tamen tuum nobis desiderabilem, & aliorum Principum DEO deuotorum præsentiam audissimè DEO amabilis, qui nobiscum est, expectat exercitus. Imperator ergo cum suis familiaribus & domesticis anxius plurimum, tum quia totam regionem prædæ videt expositam, suorum gemitus & lamenta non perferens; tum quia domini Boamundi adfuisse legationem, eumque in proximo venturum cognouerat, iterum nunciis suis dominum Ducem, vt ad se ingrediatur, sollicitat: timens, ne si conueniat, qui venturi erant Principes, antequam Ducem sibi reddar placabilem, in eius ruinam vnanimiter consentiant. Instat ergò propensius, vt sibi Ducis priùs reconciliet animum: monens & exhortans attentius, vt recepto filio suo *Ioanne Porfiro genito*, quem ei pro obside dirigebat, ad se sine aliquo mentis scrupulo ingrediatur. Placuit ergo verbum Principibus, & recepto per *Cononem de Monteacuto*, & *Balduinum de Burgo*, viros nobilissimos, qui ad hoc missi erant, Imperatoris filio, & diligentè custodiæ in manu fratris deputato, ipse assumptis reliquis Principibus, fratre super exercitum, vt eius curam haberet, relicto, in urbem ingressus, Imperatori diu desideratam suam obtulit præsentiam. Quo cum multa honorificentia, astantibus illustribus, & virum vnde multa audierant, & ex parte cognouerant, intueri volentibus, recepto, & Principibus, qui cum eo aduenerant, prout eorum dignitas deposcebat, & honoratis salutatione, & ad pacis osculum similiter admissis, de eorum incolumitate quærit diligentius; & nomina singulorum percurrrens, vt eorum sibi gratiam comparet, singulis affabilem se præbuit & benignum. Tandem verò Ducem conueniens, his eum verbis alloquitur: *Audiuit Imperium nostrum, Dux dilectissime, quod apud Principes tuos sis potentissimus; & pietatis propositum, quod studiosè persequeris, deuotionis fernore armatus commendabili, non habet incognitum: quodque potius est, constantis animi & synceræ fidei virum te fama celebris longè lateq; prædicat. Vnde & multorum, qui te præsentem non viderunt, morum elegantia id exigente, gratiam meruisti.*

Quapropter nos etiam te totis caritatis visceribus amplecti volentes, & honorare propensius, in filium hodie præsentibus sacri palatii nostri magnatibus, te adoptare decreuimus; Imperium nostrum in tua potestate ponentes, vt per te in facie præsentis & affuturæ multitudinis illesum manere possit & incolume. His dictis, eum vestibus indutum Imperialibus, adhibitâ iuxta morem curiæ sollempnitate quadam, quæ in huiusmodi arrogationibus fieri solet, secûdum regionis morem adoptauit in filium, pace & gratiâ vtrinque plenius reformatâ. Quo factò, apertis thesauris suis tam domino Duci, quam eius confortibus, dona ingentia in auro, gemmis, & holosericis, & vasis preciosis, hominum æstimationem tam operis elegantia, quàm dignitate materiæ penitus excedentia, pro sua liberalitate contulit; ita vt vsque ad supremum muneribus cumulati, & diuitiarum incomparabiles copias, & Principis admirarentur munificentiam: Nec semel tantum erga ducem tantâ functus est liberalitate; sed ab Epiphaniarum die vsq; ad ascensionem Domini, singulis hebdomadibus, quantum duo viri fortes aureæ monetæ poterant humeris sustinere; de æreis verò denariis, decem modii, de Imperiali palatio ei ministrabantur. Qui tamen omnia, nihil sibi facietis residui, nobilibus & populo, prout cuique videbatur necessarium, liberaliter erogabat. Egressi ergò à domino Imperatore, sumptâ ad tempus licentiâ, in castra reuersi sunt. Vnde *Ioannem* Imperatoris filium, quem vsque ad domini Ducis reditum obsidem in castris detinuerant, cum honesto comitatu ad patrem remiserunt. Imperator verò, edicto publicè manifestato, poenâ mortis eius violatoribus infligendâ, præcepit: vt iusto precio & æquo pondere Ducis exercitui quælibet necessaria venderentur. Dux etiam nihilominus in castris voce præconiâ sub poenâ mortis inhibuit, ne hominibus Imperatoris aut vis inferretur, aut iniuria. Sicque satis conuenienter se supportantes adinuicem, mutuis cum omni tranquillitate vsi sunt commerciiis. Tandem verò mense Martio mediante, audiens Dux, quod alii Principes in vicino constituti, cum suis exercitibus aduenirent, suggerente Imperatore; & id ipsum volentibus tam plebe suâ, quàm patribus, parato nauigio transiens *Hellepontum*, exercitum suum in *Bithynia*, quæ prima de Asianis pro-

XI.

XII.

uinciis occurrit, collocauit; inq; pago Calcedonenſi caſtrametatus eſt. Eſt autem *Calcedon* ciuitas in Bithynia, vbi ſexcentorum Patrum & triginta ſex, tempore domini *Leonis* Papæ ſenioris, & domini *Marciani* Auguſti, contra *Eutychetis* monachi & *Dioſcori* Patriarchæ Alexandrini impietates, quarta ſynodus generalis conuenit: locus videlicet Conſtantinopoli proximus, & ſola Boſphori interpoſitione diſtans: vnde & Vrbem in vicino conſtitutam, erat omnibus intueri; & qui negotiis vrgentibus trahebantur, ter vel quater in die ad Vrbem ire regiam, & ad caſtra redire ſine difficultate poterant. Quod autem maturius Ducis exercitum tranſfretare perſuaſionibus ſuis compulerat, non de fidei ſynceritate proceſſit; ſed fraude ſolitâ Ducem circumuenit, ne aliis aduenientibus, eius copiæ poſſent admiſceri. Nā 10

XIII. & reliquos, qui poſtea ſubſecuti ſunt, eodem artificio ſingillatim tranſire compulſit: ita vt nunquam duo ſimul ante urbem fuerint exercitus. Interea dum hæc circa Conſtantinopolim per Imperatorem, & hominum Ducem ſic geruntur, dominus *Boamundus*, Roberti Guiſchardi filius, princeps Tarentinus, qui ante ingruentem hyemem cum ſuo exercitu Adriaticum mare tranſiens, *Durachium* vſq; peruenerat, per deſerta Bulgariæ ſuos, qui eum ſubſequebantur, operiens, pedetentim accedebat. Adhæſerant porro ei, & eius caſtris ſe adiūxerant, tam de Italia, quàm de aliis prouinciis viri nobiles, & potentes plurimi: quorum ad perpetuam memoriam numerum & nomina ex parte comprehendimus. *Tancredus*, Willclmi Marchionis filius; *Richardus de Principatu*, filius Guillelmi Ferrebrachia, fratris Roberti 20

Guiſchart; *Ranulſus* frater eius; *Robertus de Anxa*; *Hermannus de Carni*; *Robertus de Surda valle*; *Robertus* filius Triftani; *Hunſfredus* filius Rodulſi; *Richardus* filius Comitſ Ranulſi; & *Comes de Roſinolo* cum fratribus ſuis; & *Boelus* Carnotenſis; *Alberedus de Cagnano*; *Hunſfredus de Monte ſcabiſo*. Hi ergo omnes domini Boamundi vexilla ſecuti, vſque ad urbem *Caſtoream*; vbi Dominicæ Natiuitatis dies celebres egerunt, peruenerant. Vbi quoniam à ciuibus venalia populo prætereunti non exhibebantur, compulſi ſunt greges & armenta, & cætera victui neceſſaria, rapere violenter; & damna locorum habitatoribus, qui eos tanquam hoſtes abominabantur, inferre. Inde progreſſi, in regione vberriſſima, cui nomen eſt *Pelagonia*, caſtrametati ſunt. Vbi audientes quod in vicino erat municipium ſolis hæreticis habitatoribus reſertum, illuc ſub omni celeritate contendunt; & caſtrum violenter occupantes, ſuccenſis ædificiis, oppidanis quoq; partim gladio, partim cōſumptis incendio, prædā vniuerſam, & opima inde retulerunt ſpolia. Imperator verò prædicti domini Boamundi audiens aduentare legiones, primicerius exercituum ſuorum, quos in iſdem regionibus gratiâ hyemandi collocauerat, clām præcipit, vt vſq; ad *Bardarium* fluuiū cum vniuerſis illarum regionū copiis ex latere ſine intermiſſione proſequantur: vt ſi fortè eis conueniens daretur occaſio, & ita opportunitas ſe offerret nocte vel interdium, clām ſiue aliter, exercitum procedentem tentarent fatigare. Suſpectiſſimum enim domini Boamundi habebat introitum. Nam tam ab eo, quàm ab eius patre, multas & ſæpius paſſus fuerat iniurias. Veruntamen ſicut vir e- 40

XIV. rat ſubdoluſ, potens ſimulare & diſſimulare propoſitum, miſſis quibuſdam nobilibus ex ſuis domeſticis ad eundem virum egregium, verbis pacificis ei locutus eſt in dolo, tentans ſi quo modo cum poſſet decipere. Erat autem verborum quæ tam viuâ voce quàm litteris per nūcios porrexerat prædictos, tenor huiuſmodi. *Comper- 50*

tum habet, & nullatenus dubitat noſtrum Imperium, à D E O proteſtum, quod magnus & potens ſis Princeps, & egregius; magnifici quoque, & præpotentis, & induſtri Principis filius: teq; hæcenus, meritis tuis id exigentibus, carum ſemper habuimus & acceptum, licet te præſentem non inſpexerimus. Et nunc, quoniam ad ſeruitutem D E I & pietatis obſequia accinctum te & eiſdem Peregrinationis cum cæteris D E O deuotis Principibus cōſortium iniiſſe audiuiſmus, fortiùs amare, & honorare propenſiùs, cordi nobis eſt, & in prompta fixum gerimus voluntate. 50

Quapropter, dilectiſſime noſter, populis præcipe, qui te ſequentur, ſubiectis noſtris parcere; violentiam, rapinas, & incendia fac ceſſare, ad noſtram quantocyùs accedens præſentiam, ſecurus de multiplici honore & gratia noſtra, qua multipliciter te propoſuimus præuenire. Præſentiu quoque latoribus dedimus in mandatis, vt exercitibus tuis iuſto precio neceſſaria procurèt, vt ſine intermiſſione, rerum venalium eos copia proſequatur. Hæc Imperatoris verba, etſi in ſuperficie multâ videbantur habere humanitatem, intrinſecus tamen virus occultabant admixtum. Verū *Boamundus*, tanquam vir ſolers & argutus, Imperatoris compertam habens

- habens maliciam, propositum dissimulans, cautiùs se habebat: gratias referens Imperatori, pro eo quod de statu suo dignaretur esse sollicitus. His igitur ducibus vsq; ad *Bardarium* fluuiũ perueniẽs: cùm iam ex parte, enauigato amne in vltiore ripa cõsisteret exercitus, pars verò adhuc transeũdi vrgeret propositũ, ecce Imperatoris satellites, qui cum infinita manu exercitus nostri vestigia sequebantur, ratũ opportunitatẽ se inuenisse, in eam partẽ exercitus, quẽ adhuc in transeũdi erat procinctũ, hostiliter irruunt, quantã poterant importunitate instantes. Quod *Tancredus* intelligens, sicut vir erat expeditissimus, fulmineus aduolat; & fluuiũ, qui medius erat, enatans, partem fluminis attingit vltiorem. Quem secuti equites, quasi ad duo milia, primo eorum statim aduentu, prædictorum cohortes dissoluunt gladiis; & conuersos in fugam, cædendo aliquantulũ sunt persecuti, interfectisq; ex eis quampluribus, nonnullos etiam cõprehendentes, ante dominum Boamundũ eos statuerũt. Qui cùm diligentius interrogarentur, quare Christianũ persequerentur exercitũ: responderunt, quod *homines Imperatoris essent; & merendo stipendia, ad eius præceptũ militare eos oporteret.* Hic demum plenius cunctis innotuit, quod quicquid eis Imperator loquebatur, fraus erat & circumuentio: tamen quia per eum transituri erant, inuitis aliis Boamundus dissimulare potiùs volebat iniurias, quàm eum inutiliter ad iracundiam prouocare. Transcursã igitur Macedoniã & vniuersã Illyrico, cõpetenti moderamine itinere maturato, ad Vrbem cœpit appropinquare. Cumq; in vicino esset cõstitutus, quintã feriã ante Paschalem sollempnitatẽ, susceptã iterum Imperatoris legatione, persuadẽtẽ vt dimisso exercitu ad se cum paucis & familiaribus suis ingrederetur, substitit aliquantulũ; & effectui mancipare quod præcipiebatur, distulit, suspectã illius habens malitiã. Dumq; sic fluctuaret in incerto, ecce vir illustris dux *Godefridus*, ab Imperatore multã precũ victus instantiã, vt domino Boamundo exiret obuiã, & eũ ad se nihil dubitantẽ introduceret, cũ honesto Principũ comitatu prædicto viro occurrat magnificẽ. Vbi mutuis cõplexibus & sincere caritatis osculo se suscipiẽtes ad inuicẽ, post grata colloquia & mutuas de statu singulorũ interrogationes, Boamundus à domino Duce cõmonitus, vt ad Imperatorẽ, sicut vocatus fuerat, ingrederetur: licet primũ se difficilẽ exhiberet, & Duci non satis exaudiret monita, Imperatoris suspecta vt prædiximus habens colloquia, postmodũ tamen honestã euiẽtus persuasione, Duce præuio, ad Imperatorẽ confidẽter ingressus est. Vbi ab eodẽ in osculo pacis & multimoda gratia, & honore præuentus multiplici, post multa familiariter cum vtroq; habita cõsilia, factus est, vt dicitur, dominus *Boamundus* Imperatoris homo, fidelitate manualiter exhibitã, & iuramẽto præstito corporaliter, qualiter solent fideles dominis suis exhibere. Quo factõ, ex Imperialibus vestiariis oblata sunt prædicto viro munera in auro, vestibus, vasis, & preciosis lapidibus, tam precio quàm dignitate incõparabilia. His igitur ita pacificatis, dũ adhuc in palatio moram faceret dominus Boamundus, *Tancredus* vir per omnia cõmendabilis, eiusedẽ ex sorore nepos, Imperatoris præsentiam studiosẽ declinans, & colloquia; vniuersũ interim exercitũ in Bithyniã transtulerat, vltra Bosphorũ in pago Calcedonẽsi, (vbi & domini Ducis translatus dudũ residebat exercitus, subsequentiũ expectans aduentũ) castrametatus. Quod postquã Imperatori plenius innotuit, quod dominus *Tancredus* eius ita declinauerat præsentiam, ægrẽ tulit plurimũ. Sed more prudẽtis, iniuriam dissimulans, præsentem Principes iterũ atq; iterũ muneribus cumulans immẽsis, cum multo honore ad castra trans Bosphorũ remisit propria: vbi iunctis agminibus, & plenã caritate sociatis, in cõspectu Urbis vterq; residebat exercitus, expectantes subsequentiũ aduentum Principũ, vt sociatis legionibus, iter quod assumpserant, vnanimiter prosequerentur. Ministrabatur autem tam ex Vrbe regia, quàm ex adiacentibus suburbanis, populo illieposito, ad sufficientiam, victus necessarius, ita vt pro voto copiosius abundarent.
- Interea vir illustris *Flandrensiũ comes Robertus*; qui à principio ineuntis hyemis cum suo comitatu mare transiens, à *Baro* Apuliẽ ciuitate maritimã *Durachium* descenderat, in locis fertilibus, syluis, pascuis, & omnimodã commoditate refertis, instantis brumæ declinauerat importunitatem: tandemq; circa veris initium iter arripiciens, reliquos Principes, qui iam mare transierant, vt eis adiungeretur, multã persecutus est instantiã. Qui antequam Constantinopolim perueniret, sicuti & aliis acciderat, legatos suscepit Imperiales: per quos ei mandabatur, quatenus reli-

cto exercitu, ad eius præsentiam paucis comitatus, accederet. Ipse autem, quomodo qui eum præcesserant cum domino Imperatore se habuissent, plenius edoctus, *Constantinopolim* perueniens, palatium cum paucis consortibus ingressus est. Vbi ab Imperatore cum multa receptus honorificentia, & benignè tractatus, exactam fidelitatem, aliorum sequens vestigia, corporaliter impendit. Vnde & maiorem consecutus gratiam, dona suscepit ingentia, sociis eius etiam iuxta modum suum pari liberalitate honoratis. Postquam verò diebus aliquot, eius exercitus ibi iuxta urbem & alimentis & ocio recreatus est; ipseque ad Imperatorem sæpius ingressus, de his quæ necessaria videbantur, cum eo sufficienter contulit, sumptu licentiâ, cohortes transferens, ad viæ consortes nauigauit: à quibus benignè & plenâ caritate susceptus, eorum exercitibus cum suo comitatu sociatus est. Vbi cum diebus singulis mutuis confabulationibus de variis rerum euentibus, qui singulis eorum in itinere acciderant, se recrearent ad inuicem; & labores suos gratâ quadam reuoluerent memoriâ, ad id quod instabat nouissimè recurrebat tractatus, ut diligentius inter se quærerent quando & quomodo ad operis cœpti consummationem intenderent. Dumque circa hoc essent solliciti, & moram subsequen-
tium arguerent sociorum, eis imputantes, quod sine fructu tempora præterirent, ecce nuncius *Comitis Tolosani*, & *Episcopi Podiensis*, utrūque adesse, & in proximo urbem ingressuros, edocet. Porro hi duo magni & illustres viri, ab initio suscepti itineris cum suis expeditionibus, comites sibi perpetuò adhæserunt indiuisi. Erantque cum eis viri nobiles & apud suos tam nobilitate, quàm morum elegantia clarissimi: dominus videlicet *Willelmus* Aurasiensis episcopus, & *Rambaldus* eiusdem ciuitatis comes, *Gau-
stus de Bederz*, *Girardus de Rosseilon*, *Guillelmus de Monte pessulano*, *Guillelmus Comes Forensis*, *Raimundus Pelez*, *Centonius de Bear*, *Guillelmus Amaneu*: & alii multi, quorum etiam nomina non tenemus, certum est tamen ea in libro vitæ conscripta esse. Quippe qui patriam cognationem & amicos, & latè diffusa patrimonia relinquentes, Christum secuti sunt, voluntariam amplexi paupertatem. Hi omnes, prædictos venerabiles viros cum omni reuerentia secuti, in Italiam descenderunt, transcursumque *Lombardiâ*, per eam regionem quæ *Forum Iulii* appellatur, iuxta *Aquileiam* transcentes in *Istriam*, inde tandem in *Dalmatiam* descenderunt. Est autem Dalmatia longè patens regio inter Hungariam & Adriaticum mare sita, quatuor habens metropoles, *Iazarum*, & *Salonam*, quæ alio nomine dicitur *Spaletum*, *Antibarum*, & *Ragusam*; populo ferocissimo, rapinis & cædibus assueto inhabitata: montibus & syluis, magnis quoque fluminibus, pascuis etiam longè lateque diffusis occupata penitus, ita ut raram habeat agrorum culturam, locorum incolis in gregibus & armentis omnem viuendi habentibus fiduciam: exceptis paucis, qui in oris maritimis habitant, qui ab aliis & moribus & lingua dissimiles, Latinum habent idioma; reliquis Sclauonico sermone vtentibus, & habitu barbarorum. Hanc igitur ingressi prouinciam, multam inuenerunt itineris difficultatem, maximè propter hyemis instantiam, & locorum nimiam inæqualitatem: Sed & victus, & alimentorum sustinentes grauem defectum, periculosè satis per dies aliquot laborauerunt inedia. Locorum sanè habitatores relictis urbibus & præsiidiis, ad montes & sylvarum condensa cum vxoribus & liberis, & cum omni substantia, quasi agrestes feræ fugientes, nostrorum formidabant aspectum. Occultè tamen, & de remoto, proficiscentis exercitus vestigia sequentes, senes valetudinarios, anus quoque grandætas, quæ lento gradiebantur itinere, seorsum reperientes occidebant. Comes verò totius multitudinis debitam gerens sollicitudinem, præmissis de principibus aliquot, qui agmina præirent, ipse cum maxima loricorum manu postremus semper incedebat, nouissimus hospitabatur. Erat præterea aer caliginosus, & tenebræ continuæ, penè palpabiles, ita ut qui sequebantur, præcedentium vix tenerent vestigia; & qui præibant, vix per iactum lapidis ante se loca possent discernere. Terra enim, ut prædiximus, riuus, fluminibusque abundans, & penè tota palustris, tantam diebus singulis ex se dabat viginem, & tantam crassitudinem nebularum, ut aerem redderent penè suffocatorium. Ad hæc, *Sclaui Dalmatæ*, tanquam indigenæ, locorum habentes peritiam, per abrupta montium, & nemorum condensa, exercitum ex latere sequentes, frequentibus irruptionibus inermem populum, è syluis prodeuntes opprimebant. Comes verò, & alii magnates in ipsos tales sæpius facientes impetus, multos ex

tos ex eis lanceis confossos & obtruncatos gladiis perimebant: pluresq; sæpius occidissent, nisi quia sylvas habentes vicinas, & ad eas confugientes, præsens captabant remedium. Accidit tamen quadam die, quod ex prædictis malefactoribus captis quibusdam, Comes manus & pedes præcepit amputari, ut eorum consortes saltem hac pœnâ deterriti, exercitum persequi formidarent. Cumq; tribus hebdomadibus continuis tam laborioso itinere regionis partem transcurrissent, peruenientes ad locum, cui *Scodra* nomen, Sclauorum regem ibi reppererunt. Cumq; dominus Comes, sicut vir benignus erat, affabilis & misericors, multâ munerum liberalitate amicitiam contrahens, sperabat populo suo indigenarum gratiam optinere, ut saltem commercii & rerum venalium copiam consequeretur: tandem nec hac via prædictæ gentis ferocitatem emollire potuit, quos deinceps multò sæuiiores inuenit. Cumq; per dies quasi quadraginta omnem Dalmatiam multo pertransissent labore, tandem perueniunt *Durachium*. Imperator verò Comitis suspectum xviii. habens aduentum, eò quòd vir prudens & magnificus esset, & maiores secum traheret copias, missâ multò antè legatione honestorum virorum, qui ei apud Durachium occurrerent, præcepit, ut aduenientem ex parte eius officiosissimè salutatum, honestè tractarent. Qui dicto parentes, in eius præsentia constituti, viuâ voce & literis eum blandè allocuti sunt, Imperatoris porrigentes epistolam, cuius hic tenor erat: *Iamdudum, Comes dilectissime, tua prudentia opinio celebris, & probitate late diffusa fragrantia, ad nostri peruenit aures Imperij; & meritis exigentibus, nos ad tui dilectionem inuitauit, propositum habentes personam tuam amare & honorare propensius. Vnde & tuum aduentum cum multo desiderio expectauimus, multa de publicis negotiis cum tua nobilitate Imperio nostro carissima, tractare cupientes. Vnde monemus attentius, ut sine tumultu & scandalis terras nostras pertransiens, ad nos festinus accedas, securus de gratia nostra & honore multiplici, quo te proposuimus praeuenire. Præsentium autem latoribus dedimus in mandatis, ut rerum venalium copiam & iuge commercium populo tuo bonis conditionibus faciant exhiberi.* His literis tam Comes, quàm eius exercitus exhilaratus admodum, rursus iter arripiens, transcurtis syluis & montibus, & vniuersâ Epirotarum regione, multorum labore dierum, demum in pagum, cui *Pelagonia* nomen est, omnibus redundantem copiis descendentes, castrametati sunt. Vbi cum vir vitæ venerabilis dominus *Podiensis Episcopus* longius à castris aliquantulum, hospitandi commoditatem secutus, seorsum locasset tentoria, à Bulgaris irruentibus captus est. Sed quia tantus Pontifex adhuc populo Dei erat necessarius, casu, per eius misericordiam vitæ est reseruatus. Nam dum vnus de prædonibus aurum ab eo quæreret, eum contra cæteros tuebatur: inter quos excito tumultu ad vocem concertantium, exercitus commotus est vniuersus; & armis correptis in prædictos irruentes maleficos, dominum Episcopum cum suis expedierunt. Tandem resumpto itinere *Thessalonicam* transeuntes, & omnem Macedoniam, continuatis per multos dies laboribus, apud *Rodostum* urbem maritimam, super Hellespontum sitam, à Constanti-

40 nopoli itinere dierum quatuor distantem perueniunt. Vbi iterum Imperatoris Comiti occurrit legatio, & Principum etiam, qui præcesserant nuncii nonnulli, monentes & exhortantes obnixius, quatenus exercitu relicto, & paulatim subsequente, ipse cum paucis veniat expeditus, ut peractis apud Imperatorem negotiis, accedente eius exercitu, possit reliquos subsequi maturius; & populis propere volentibus, nullum ministret impedimentum. Præmiserat autem & ipse nuncios, qui & ipsi reuersi, eum ad idem animabant. Euietus igitur Comes tam xix. Imperialium legatorum instantiâ, quàm verbo Principum, qui eum maturare hortabantur: relicto exercitu, sub cura & sollicitudine Episcoporum, & aliorum nobilium, qui in castris erant: ipse cum paucis *Constantinopolim* ingressus, sæpius citatus, præcedentibus eum Imperialibus apocrifariis, suam Imperatori præsentiam exhibuit. Ibi tam ab eo, quàm à suis illustribus & inclytis, qui ei assistebant, honorificè susceptus, & benignè plurimum, plenâ humanitate tractatus est. Vbi postmodum blandis persuasionibus, & multâ instantiâ pulsatus, ut Imperatori fidelitatem & iuramentum secundum formam aliorum principum, qui eum præcesserant, exhiberet, negauit constantissimè. Interea verò dum hæc apud Constantinopolim agerentur, indignatus Imperator, quod ei Comes more aliorum, hominum facere detrectaret, clam præcipit legionum suarum primiceriis, quæ in partibus il-

K K K

lis erant constitutæ, vt repente in exercitum Comitis irruentes, modis quibus possent, molestare attentarent, ita etiam, vt in eis eadem operari non vererentur. Hoc autem attentare ausus est, eâ fretus fiduciâ, quod principes omnes datâ sibi fidelitate obligauerat; quodq; eorum exercitus omnis mare illud transierant, vnde non facillè erat retransire. Nam quotquot illuc naues aut gratiâ commercii, aut transierendæ plebis causâ accedebant, omnes statim vltiorem ripam deserere tenebantur: vt illis nauium deesset copia; & de redeundo frustra cogitarent. Ad hoc enim singillatim eos, vt prædiximus, transire blanditiis & callidis persuasionebus compulerat, ne simul iunctis agminibus ante Urbem possent conuenire. Suspectum enim, vt prædiximus, nostrorum habebat aduentum, & conuentum multo ampliùs formidabilem. Quodq; Principibus quasi liberaliter contulerat, nec liberalitatis erat, nec gratiæ; sed timoris desperati, & fraudulentæ versutiæ. Nostri autem in simplicitate spiritus, & sincera fide incedentibus, vix persuaderi poterat Græcorum malitia, & nequam illorum Principis fraus, & circumuectio pertinax, maximè cum
 xx. erga eos tantâ liberalitate, & simulatâ gratiâ redundaret. Igitur qui Imperatoris mandatum susceperant, centuriones, & quinquagenarii, & numeris militaribus præpositi, Regiam exequentes iussionem, præmonitis agminibus, clam & de nocte in domini Comitis irruunt expeditiones; dum incautos reperiunt, & nihil tale verentes, plurimos ex eis interficiunt: ita vt antequam expergefatti arma corripere, & fuga fœda & strages miserabilis intercederet. Tandem verò honestioribus viris admonentibus ad cor redeunt, resumptis animis ac viribus, prædictæ Imperatoris latrocinanti familiæ multæ suæ gentis intulerunt dispendia. Et licet pro tempore & loco satis viriliter nostri restitissent, viâ tamen cōsiderantes difficultatem, & crebra quæ ex insperato diebus penè singulis occurrebant discrimina, liquebant in seipsis, quasi assumpti pœniteres itinētis; & minus minusque feruebant in eo, quod erant aggressi: tædio laborum fatigati vehementiùs, ita vt multos non solum de plebeis, verum & de Maioribus incepti pœniteret; & diffidentes de consummatione propositi, votorum immemores, redire disponent. Quod nisi monitis & exhortationibus ab episcopis & clero fuissent reuocati, & ad voti prosecutionem reaccensi, parati erant agmina deserere, & ad propria quocunq; tentare reditū periculo. Quod postquam domino Comiti nunciatum est, dolore cordis tactus intrinsecus, proditum se clamat; & missis de fidelibus suis viris aliquot nobilibus, Imperatori prodicionis infamē obiicit titulum: asserens, quod dum per eius vocationē & multiplicatas legationes in eius esset obsequio, contra bonos mores in eius exercitum suos præcepisset armari. Sed & Principibus, quorum prece & instantiâ dimisso exercitu properauerat, casum lamentabilem, qui suis acciderat, & Imperatoris fraudem apertissimam notam facit, super his vltionem tanquam à fratribus reposcens. Quod si Comiti, par affectibus & voluntati esset suorum iniuriam vlsicendi facultas, procul omni dubio à motu animi, quem conceperat, nec minis, nec terroribus, nec aliquorum interuentu Principum potuisset conuelli. Dicebatur enim vir animosus, & iniuriarum perpetuò memor, quiq; in suo sensu plurimum abundaret. Imperator igitur rem videns nimium processisse, & facti pœnitens, Principes, dominum videlicet *Ducem*, dominum *Bohemundum*, dominum *Flandriæ comitem*, qui adhuc in vltiore maris littore cum suis legionibus residebant, ad se facit euocari, vt per eorum interuentum domini Comitis sibi possit animum reconciliare. Qui ad eius vocationem conuenientes, etsi multum displiceret quod acciderat, tamen videntes quod non esset reposcendæ vltionis locus, dominum Comitem seorsum admonent, & honestis persuasionebus hortantur, vt iniuriam, quam communem reputant, dissimulare velit; ne vindictam prosequens, multorum dierum operam adgrediat; & volentibus in via Domini procedere, ministret impedimentum. Factumq; est tandem, vt ad piam Principum intercessionem, Comes tanquam vir discretus, exacerbatum mitigâs animum, Principum cesserit consilio, eorum dispositioni se committens. Illi autem Imperatorem familiariter conuenientes, quam moleste ferant quod acciderat, vnanimiter protestantur. Quorum Imperator intelligens indignationem, & vnanimitatis constantiam, coram Comite & vniuersa tam exterorum, quam suorum domesticorum curia, in excusationē descendit, iurans & obtestans, quod neq; de conscientia eius neque

neq; de mandato, quod accidisse dicebatur, euenerat. Tamen iuxta hanc innocentiam suam, Comiti satisfacere paratum se dicebat. Sicq; quotidie, magis & magis Græcorum dolus, & fraus Imperatoris detegebatur: ita ut iam nemo esset de Principibus cui non esset manifestum, & luce meridianâ clarius, quanto odio populum prosequeretur nostrum, & omne Latinorum genus haberet inuisum. Veruntamen, quoniam ad alia eorum properabat intentio, & ad Deo magis placitum propositum anhelabant, tutius iudicabant illatas dissimulare iniurias, quam se à tam pio reuocare concepto, aut assumpto labori impedimentum ministrare. Comes igitur iuxta Principum exhortationem, Imperatori reconciliatur; & secundum tenorem iuramentorum, quem alii præbuerant, & ipse iuramentum fidelitatis exhibens, in plenam gratiam reuersus, donis ingentibus & cumulata liberalitatis, quæ & numerum & pondus excederet, honoratus est. Accipientes porro & alii principes iterata dona, & fumentes licentiam, ipsumque Comitem specialiter rogantes, ne moram post eos faceret, ad suas in Bithynia, transito Hellesponto se conferunt legiones. Interim quoque & domini Comitis exercitus Constantinopolim peruenit exercitus, qui statim de mandato ipsius, ad eos, qui se præcesserant, transiens, reliquis exercitibus est adiunctus. Comes verò gratiâ rei familiaris in urbe moram faciens, per dies aliquot, simul & domestica tractabat negotia, & pro publicis, more prudentis viri, non desinebat esse sollicitus. Nam sicut ab aliis rogatus erat principibus, Imperatorem frequenter honestis persuasionibus inuitabat, sicut & alii ante eum sigillatim fecerant, ut proficiscentes comitaretur; & exercitus Dominici esse vellet dux & moderator. Commonitus autem sæpe & sapius prædictus Imperator à singulis nostrorum Principum, & maxime à domino comite Tolosano, ut Dominici exercitus dux & comes esse dignaretur, & populorum, qui se diuinis obsequiis mancipauerant, vellet obtinere primatum: excusabat se, dicens, quod hostes circa se haberet ferocissimos, *Bulgaros, Commanos, & Pincnates*, qui fines Imperii sine intermissione circuibant, quærentes opportunitatem, ut subito possent irruere, & eius turbare tranquillitatem. Ideoque, licet votis plurimum conueniret tantæ peregrinationis habere consortium, & futuræ retributionis expectare participium, non posse regni curam deferere, & hostibus circumpositis malignandi præstare occasionem. Quicquid autem loquebatur, dolus erat & circumuentio: nec ob aliud hæc pro se allegabat, nisi quod nostrorum profectibus inuides, sub aliquo quæsito colore, nostris suam subtraheret operam, & processum, quantum ei liceret, modis omnibus impediret. Qui verò mare iam transierant, dominus videlicet *Godefridus*, dominus *Boamundus*, dominus quoque *Robertus* Flandrensiū comes, & dominus *Podiensis* Episcopus, compositis sarcinis, ad iter rursus accinguntur, propositum habentes versus Niceam pedetentim incedere; & ita suos, qui subsequerentur, operiri. Cumque per diem versus *Nicomediam*, quæ illius prouinciæ, Bithyniæ videlicet, metropolis est maxima, processissent, venerabilis sacerdos *Petrus Heremita* de locis illis finitimis, in quibus hyemis asperitatem declinauerat, cum paucis, qui de suo comitatu erant residui, proficiscentibus occurrens legionibus, & Principibus salutatis, eorum cœtibus adiunctus est. Vbi ab omnibus benignè susceptus, & de suorum casu diligenter interrogatus, rem eis seriatim aperuit; quomodo duræ ceruicis, incredulus, & omnino indomabilis esset populus, qui cum eo præcesserat; quodq; magis culpâ propriâ, quam factio alterius, illis occurrens infortunium accidisset. Vnde compatiētes ei & suorum afflictioni Principes, multa illi, & his, qui eum sequebantur, liberaliter contulerunt. Multiplicato igitur exercitu, & ex diuersis copiis in vnum conuenientibus facto per Dei gratiam numerosiore, competenti moderamine iter conficientes, *Niceam* peruenierunt. Vbi castris per gyrum dispositis, loca tamen venturis Principibus deputantes, urbem mense Maio quintadecimâ die mensis, obsederunt. Comes autem *Tolosanus*, pertractatis apud Urbem regiam negotiis, sumptâ ab Imperatore licentiâ, & ingenti rursus munerum liberalitate honoratus, cum suis, quos secum detinuerat, castra cum omni celeritate secutus, ad urbem prædictam velox peruenit. Interea vir illustris dominus *Robertus Normannorum comes*, & alii in eodem comitatu viri clarissimi; dominus videlicet *Stephanus Carnotensium comes* & *Blesensium*, dominus quoque *Eustachius*, domini Godfridi

XXI.

XXII.

ducis frater, missâ iterum legatione, tam domino Imperatori, quàm fratribus, aduentum suum in proximo futurum denunciant. Erat autem cum eis, *Stephanus* comes de Alba marla, *Alanus Fergindus*, & *Conanus*, ambo de Britannia, magni viri: sed & comes *Perchenfis Rotholdus*, Rogerus de Barneuilla. Hi omnes cum aliis multis viris præclaris, & nobilibus, cum Flandrensi comite, & domino Hugone magno, anno præterito, circa hyemis ingruentis initia, in Apuliam descenderant: aliisque Durachium transeuntibus, ipsi temporis abhorrentes asperitatem, tam in Apulia quàm in Calabro finibus in locis commodis hyemem transegerunt. Tandem verò circa veris initium conuocatis viæ consortibus, & compositis ad iter sarcinis ad mare descendentes, aliorum secuti vestigia, *Durachium* peruenerunt. 10
Vnde continuato itinere, moram quam fecerant in Apulia, redimere cupientes, cum omni instantia iter peragunt. Tandemq; Domino opitulante, optatâ vñ tranquillitate, decursis mediis prouinciis, *Illyrico* videlicet, *Macedoniâ*, & vtraq; *Thraciâ*, *Constantinopolim* peruenerunt: Vbi vocati à domino Imperatore, & more aliorum palatium ingressi, ab eodem & suis, qui ei assistebant Illustribus, cum multa honestate suscepti sunt. Tandem post multa consilia, & cum illis tribus communiter, & cum eorum quolibet seorsum habita, id ipsum quod ab aliis obtinuerant, blandis persuasionibus, & multâ pollicitatione ab eis instanter postulant. Hi verò aliorum præ oculis habentes exemplum (nam sufficienter de omnibus, antequam ad Imperatorem accederent, instructi fuerant, dicentes apud se, *nec enim maiores sumus quàm* 20 *patres nostri*) exactam fidelitatem, & secundum formam iuramentorum à præcedentibus exhibitorum sacramenta præstantes, Imperatori se obligauerunt. Vnde in ampliorem recepti gratiam digni habiti sunt, vt maiora munera reportarent. Apertis ergo arariis, in auro, vestibus preciosis, vasis quoq; tam materiâ quàm artificio admiratione dignis, holosericis quoque, miræ & inauditæ æstimationis dona susceperunt, qualia prius non viderant; quæ ipsis etiam in quos transferebatur liberalitas, stuporem mentis inferrent, nostrarum rerum modum & dignitatem excedentia. Tantis igitur muneribus cumulati, ne viæ consortibus moræ causas viderentur innectere, sumptâ ab Imperatore licentiâ, transmissis Helleponto, cum suis legionibus iter accelerantes Niccam, vbi vniuersus Christianorum resistebat 30 exercitus, peruenerunt: à Principibus, qui præcesserant, multo caritatis amplexu, & omnium concurrente suscepti desiderio, locum sibi deputatum obtinentes castrametati sunt. Adiunxerat se etiam nostrorum castris quidam Græcus, *Tatinus* nomine, Imperatoris familiaris admodum, vir nequam & perfidus, nares habens mutilas in signum mentis peruersæ. Hic ex Imperiali iussione, nostris ducem viæ ad ampliorem cautelam postulantibus, designatus fuerat dux itineris & comes futurus. Electus ob hoc quod & locorum plenam habere dicebatur experientiam; & de eius malicia & perplexa dolo sitate plurimum præsumebat Imperator. Hic etiam cum manu suorum nonnulla nostris Principibus adsociatus erat, vt non deesset *anser, qui inter olores perstreperet, & peruersus coluber inter anguillas*. Cuncta enim 40 quæ in expeditione fiebant, cunctaq; quæ à singulis dicebantur, sinistra peruertens interpretatione, Imperatori significabat; ab eo versâ vice commentorum & fraudis per frequentes internuncios formam recipiens. Hic primum ex diuersis exercitibus, qui varios, & per loca diuersa variisq; temporibus secuti fuerunt Principes, vnus factus est DEI viuientis exercitus, ex multiplicitate partium aduenientium ad inuicem, suam recipiens integritatem. Nam ex quo relictis domibus iter aggressi fuerant prædicti DEO amabiles exercituum duces & capitanei, nusquam eis datum est mutuò se videre, & de negociis publicis colloqui ad inuicem & dissetere; nisi postquam ante prædictam urbem conuenientes, castrametati sunt. Vbi recensito legionum numero, inuenti sunt habere *peditum promiscui sexus sexcentamiliu;* 50 *equitum vero loricatorum centum milia*: qui omnes ante prædictam urbem consistentes, ad eius expugnationem omnimodam dabant operam; laborum suorum primitias cum omni deuotione Domino consecrantes.

INCIPIUNT CAPITVLA LIB. III.

I. Descriptio urbis Nicenæ, & eius prerogatiue: quod Solimannus, qui in ea dominabatur, ex uniuerso Oriente Turcorum ingentes contra nostros collegerat copias, latens insidiis, ut nostros irrueret.

II. Nostri urbem acrius impugnant: ciues tamen per lacum liberum habent discursum. Solimannus consolatoriam ciuibus mittit epistolam.

III. Capitur epistola baiulus, & uniuersa principibus hostium reserat secreta. Comes Tolosanus (qui solus aberat) velox accedit, à principibus reliquis citatus.

IV. Solimannus de montibus descendens, in castra violentus irruit: sternitur eius exercitus: signa victoriæ ad Imperatorem diriguntur: ille principes remunerat.

V. Locantur principes deputatis sibi stationibus, & urbs undique obfessa impugnatur: quidam nobiles procumbunt in acie.

VI. Machina quedam muro applicata, à ciuibus obteritur, sub qua multi nostrorum pereunt. Lacus nostrorum obstat conatibus.

VII. Nostri naues à mari deferunt in plaustris: lacum occupant: ciues nostrorum admirantur argumentum, & desperant.

VIII. Iterum ex omni parte ciuitas oppugnatur. Comes Tolosanus contra se positam turrin machinis & omni arte debilitare nititur: sed resistentibus ciuibus opera cõsumitur.

IX. Factum ducis Godefridi memoriale. Ciues in machinas nostras ignem immittunt: casus cuiusdam viri nobilis lamentabilis.

X. Quidam principibus se offert artifex, machinam construit, turrin suffodit, suffossam diruit.

XI. Vxor Solimanni cum duobus filiis fugiens capitur. Desperant ciues: cum Tatino Græco de deditioe tractant: mittuntur ad Imperatorem super eo à Principibus nuncij.

XII. Imperator missis nunciis urbem recipit: principibus gratias agens, munera mittit. Indignatur populus: pacta confracta queritur: captiuos Constantinopolim ductos, Imperator remittit ad propria, muneribus honoratos.

XIII. Soluta obsidione iter arripuit exercitus. Diuiduntur ab inuicem principes. Solimannus cum innumeris copiis iterum occurrit.

XIV. Pugna committitur. Cadit Wilhelmus Tancredi frater, & totus Boamundi in arto nimis constituitur exercitus: Tancredus penè capitur.

XV. Adsunt reliqui principes, fratribus oppressis subueniunt: vertitur in fugam Solimannus; perit eius exercitus: nostri uberrima reportant spolia. Iterum unitur exercitus.

XVI. Pisidiam ingressæ, præ aquarum inopia supra modum laborant legiones. Periclitatur miserabiliter exercitus.

XVII. Diuiduntur ab inuicem quidam de principibus, & circumiacentes oberrant regiones. Dux cum vrsò dimicans penè occiditur.

XVIII. Comes Tolosanus ad mortem infirmatur. Exercitus Lycaoniam pertransiens, Maresiam peruenit. Vxor Balduini moritur.

XIX. Tancredus in Ciliciam descendens, Tarsum obsidet. Balduinum ducis fratrem ad easdem partes venientem honestè suscipit.

XX. Balduinus Tancredi vexillum de arce ciuitatis deiici mandat: suum ibidem locat. Tancredus indignatus recedit. Guelfo Adamam occupat.

XXI. Tancredus Mamistram in eadem regione violenter obtinet.

XXII. Balduinus Tarsum occupat. Trecenti de nostris casu miserabili, ante portam urbis pereunt.

XXIII. Populus cõtra Balduinum arma corripit: sed tandem sedatur. Classis quedam apud Tarsum applicat virorum occidentaliu.

XXIV. Balduinus Tarsò captâ, Mamistram venit. Pugnant inuicem ipse & Tancredus: sed mox reconciliantur.

XXV. Balduinus ad maiorem reuertitur exercitum. Tancredus uniuersam impugnat & obtinet Ciliciam. Finitimi principes oblatiis muneribus, ei se conciliare festinant.

EXPLICIUNT CAPITVLA LIBRI III.

INCIPIT LIBER TERTIVS.

Cap. I.



ST autem *Nicaea* vna de vrbibus Bithyniæ, quæ ad Nicom ediam eiusdem regionis metropolim, more suffraganearum vrbium prius habuit respectum : postea verò à domino *Constantino Augusto* seniore à iurisdictione illius emancipata est, ob reuerentiam sanctæ Synodi primæ, quæ in ea conuenit. In hac enim, temporibus domini *Sylvestri* Papæ, & viri venerabilis *Alexandri Constantinopolitani* patriarchæ, & prædicti *Constantini Augusti* sancta Synodus trecentorum decem & octo patrum aduersus impietates *Arrij*, & sequacium suorum congregata est, quæ eorum pernicioso languore damnato, & sanctorum testimoniis veritate declarata, vniuersæ ecclesiæ DEI, fidei formam intemeratam præbuit. In hac eadem postmodum, tempore domini *Constantini Augusti* piissimi Irenæ filii, iterum conuenit septima synodus generalis aduersus *Iconomachos*, id est, impugnatores sanctarum imaginum, sub domino *Adriano* Romano pontifice, & viro venerabili *Tharsio* Constantinopolitano patriarcha: in qua prædicti hæretici dignam pro meritis ab Orthodoxa ecclesia, contra suam perfidiam, damnationis tulerunt sententiam. Est autem ciuitas situm habens commodissimum, in planicie constituta; non longè tamen à montibus, quos penè ex omni parte habet in circuitu: agrum optimum, glebam vberem, sylvarumque & nemorum nihilominus multas habens commoditates. Sed & lacus multæ latitudinis, & longitudinis maximæ, iuxta prædictam urbem positus, in Occidentalem porrigitur plagam, per quem nauigio ex diuersis partibus, ciuitati maximum præstans munimen, ipsis mœnibus, ventis intumescēs, illiditur. Ex reliquis autem partibus circa murum, vallum erat in circuitu, ex influxione fontium & riuiulorum restagnans: quod plurimum, accedere volentibus ad urbem impugnandi causâ, ministrare poterat impedimentum. Erat autem præterea bellicoso referta populo; muris & turribus sublimibus, & valde densis, opere solido compactis, insignis admodum & munita: ita vt accedentes nostri, & vrbis mirarētur munimen, & operis soliditatem. Huius vrbis, sicut & regionis totius, & adiacentium simul prouinciarum dominus erat quidam Turcorum potentissimus satrapa, *Solimannus* nomine, cognomento *Sa*: quod Persarum lingua *Rex* interpretatur: homo vafer & strenuus. Qui audito nostrorum aduentu, & super hoc valde sollicitus, multò ante in Orientem descenderat, ab illarum regionum Principibus, contra fidelium aduenientes copias, imploraturus auxilium. Effeceratque peruationibus, & multâ precum instantiâ, necnon & stipendiorum interuentu, quod infinitas tum ex Perside, tum ex adiacentibus prouinciis secum adduxerat Turcorum copias: sperans quod eorum fretus auxilio, ab imminentibus periculis urbem prædictam & regionem vniuersam posset etipere. Has tamen vniuersas prouincias (quæ à prædicto Hellesponto vsque in Syriam itinere dierum xxx. & à nostro mari Mediterraneo vsque in Septentrionem totidem dierum itinere protenduntur) modico antè tempore prædicti Solimanni patruus, *Belfetesi* nomine, maximus Persarum Soldanus tempore *Romani*, qui cognominatus est *Diogenes*, Imperatoris Constantinopolitani, qui ante hunc Alexium fuerat tertius, occupauerat violenter; & easdem prædicto ex plurima parte tradiderat Solimanno. Possidebat ergo, & iure proprietatis vendicabat sibi vniuersas prouincias à Tarso Ciliciæ vsque ad Hellespontum: ita vt è conspectu Constantinopolitanæ ciuitatis procuratores suos haberet, qui consuetudines à transeuntibus exigere, tributa & vectigalia regionis vniuersæ ad vtilitatem domini sui colligentes. Ipse autem cum ea, quam tanto labore collegerat, multitudine, in montibus vicinis, vix à nostro exercitu decem distans miliaribus, opportunitatem quærebat, quomodo super nostros cum suorum salute posset irruere, & urbem ab eorum inquietudine liberare.

II.

Peruenientes igitur ante prædictam urbem nostri exercitus, acrius eam impugnare, confusistamen agminibus, nec dum castris certo ordine dispositis, coeperunt. Tamen qui præsentis erant, loca sibi certa deputantes, & his qui venturi erant, congrua designantes, ad id specialiter omnimodam dabant operam, vt ciui-

ciuibus introitum negarent & exitum. Lacus tamen, qui ciuitati (vt prædiximus) erat coniunctus, huic eorum nimis obstabat proposito. Nam & inuecti & egredientes, paratis nauigiis, pro libero arbitrio ad partes varias indempnes ferebantur. Nostri autem cum nauium prorsus nullam haberent copiam, eorum discursus minimè poterant impedire. Tamen id omnimodis procurabant, ne terrestri ad eos accederetur itinere, vias & introitus cum omni sollicitudine obseruantes. Factum est autem quod prædictus *Solimannus*, intelligens urbem suam obsidione molestari, vt ciues consolaretur, & ad resistendum plenius animaret, mittens duos de familiaribus suis, qui ad urbem per lacum nauigio descenderent, verba consolatoria per eosdem ciuibus dirigit in hunc modum: *Aduentum in huius felicitis barbari populi, qui circa urbem nostram obsidionem locare præsumpsit, non est opus vt multum formidetis. Nos enim cum ingenti fortium & nobilium virorum comitatu in vicino sumus constituti, maiores adhuc quæ nos subsequuntur, expectantes copias: eritq; in proximo, vt collectis in unum viribus, in eorum castra repente irruamus. Vnde & vos quoque esote parati; vt nobis exterius irruentibus, vos etiam referatis aditibus egredientes inestetis unanimiter, nobis orem collaturi. Sed neque eorum suspectam vos oportet habere multitudinem: de remotis enim partibus, & à Solis occasu descendentes, longi diuturnitate itineris, & laborum impendio fatigati, neque equos habent, qui belli pondus sustinere valeant; nec ipsi nobis qui recentes venimus, viribus & conatu pares poterunt reperiri. Et vos ipsi tenetis memoriter,*

10 *quàm facile de ingenti eorum triumphauerimus multitudine, vnâ die plus quàm quinquaginta ex eis millia exterminio mandantes. Confortamini igitur, & nolite timere: cras enim ante horam diei septimam, plenam recipietis consolationem, ab hostibus expediti.*

Igitur qui missi fuerant, quærentes vnde commodius enauigare possent, secus ripam applicuerunt. Dumq; lustrantes quærunt aptiorem introitum, alter, nostris in eos irruentibus, subito captus est; alter in tumultu gladio confossus interiiit. Qui verò captus est, incolumis ante Principes deductus, minis & terroribus ad confessionem perductus est, vt planè cuncta edissereret; cuius gratiâ, & à quo missus aduenisset. Constitit autem eius relatione, quod *Solimannus* eos ad denunciandum ciuibus eius aduentum direxerat; quodq; in vicino constitutus,

30 ingentes conuocauerat copias, die alterâ in castra nostra clam irruiturus. Comperit igitur habentes nostrarum legionum capitanei, quod prædictus *Solimannus* maturaret accedere, prædictum hominem præcipiunt custodiæ mancipari: & missis cursoribus, dominum comitem *Tolosanum*, & episcopum *Podiensem*, qui nondum ad eos peruenerant, quantocyus monent properare. Illi verò susceptâ fratrum legatione, sollicitudine non pigri, omnem arguentes moram, & totâ nocte insistentes itineri, valde manè ante solis exortum, cum ingenti multitudine erectis vexillis, in armorum fulgore & maximo strepitu castris se intulerunt. Vixq; sarcinas deposuerant, vt cum aliis in loco sibi deputato se collocarent: cum ecce circa horam tertiam, sicut ille qui in vinculis detinebatur, prædixerat, prædictus

40 *Solimannus* cum ingentibus equitum copiis, qui ad quinquaginta millia aestimabantur, de montibus descendens, ad plana se contulerat, ad urbem accessurus. Quod nostri videntes, protinus ad arma conuolant, monentibus lituis; & clangore cornicinum cohortes excitant, instruunt agmina, instaurant acies: & obseruatâ rei militaris plenius disciplinâ, cuius experientiam habebant omnimodam, & vsum familiarem, nihil de contingentibus omittentes, ad occurrendum hostibus se accingunt.

Solimannus igitur præmissâ quadam acie, in qua erant equitum decem milia, ad portam properabat Meridianam, quæ domino comiti *Tolosano* ad custodiam erat deputata. Ignarus enim de aduentu eiusdem Comitis, sicut heri & nudi

50 penè maiores quàm alibi reperit copias. Horum tamen ignarus omnium, ad locum prædictum festinans, cum multo impetu in domini Comitis irruit legiones, quæ adhuc vix sarcinas deposuerant. A quibus exceptus mirabiliter, confRACTIS conatibus, & priore penitus acie dissolutâ, iam in fugam versi erant: cum ecce *Solimannus* cum maioribus subsequens copiis, eis refundens animos, qui iam erant dissoluti, secum iterum in nostros redire compulit. At verò *Dux*, dominus quoque *Boamundus*, & comes *Flandrensis*, cum suis expeditionibus ad vnguem armati, videntes hostium maiores aduenisse cuneos, & turmas

denfiores, præq; graui multitudine & animofa instantia, Comitum exercitum fupra vires fatigari, irruunt vnanimiter; & hoſtium ſe inferunt legionibus, gladiis & lanceis cominus inſtantes. Cumq; hoſtes quaſi per vnus horæ ſpaciũ reſiſtēdi vires & animum viderentur habuiſſe, interfectis ex eis quaſi ad quatuor millia, & captiuatis nonnullis, in fugam verſi ſunt. Noſtri verò hac prima victoria, opitulante Domino, pōtiti, obſidionem cōtinuant, caſtris per gyrum ſine interuallo diſpoſitis. Ab ea ergo die neq; prædictus Solimannus, neq; infidelium principum aliquis, ſimile aliq̃uid auſus fuit attentare, quamdiu in obſidione perſtiterunt. Optimè porrò in eò conſictu ſe habuerunt prædicti Principes: ſed & dominus *Tancredus*, *Galterus* quoq; de *Garlanda*, Frācorum regis dapifer, *Guido* etiam de *Porceſſa*, & *Rogerus* de *Bar-* 10
nauiſſa, celebrem ſibi in eo negotio comparauerunt famam. Noſtri igitur ad incutiendum terrorem hoſtibus de capitibus occiſorum intra urbem plurima iniici machinis iaculatoriis præceperunt: & ex eis mille, & de captiuis aliquot ad Imperatorem dirigentes, plurimam eius per hoc ſibi gratiam compararunt. Vnde & pecuniam non modicam, & holofericorum diuerſa genera ad remunerandos exercituum Principes, multa cum liberalitate direxit, præcipiens, vt & victui neceſſaria & rerum venalium, cum omni plenitudine, & ſine dilatione ad eos deferatur cōmerciũ.

V. Viſũ eſt igitur Principibus noſtris expediens eſſe ad propoſitum, urbem ex omni parte, vt prædiximus, obſidione vallare; & Principes congruis locare ſtationibus: vt ingruente ciuibz vndiq; moleſtiã, eos ad deditiõem compellerent facilius. De communi igitur concilio, æquis portionibus ambitum diuidũt, ſingulas ſingulis deputãtes Principibus: dominumq; *Ducem* cum duobus fratribz ſuis, & eorum legionibus ab Oriẽtali parte locant. Dominus verò *Boamundus*, cum domino *Tancredo*, & aliis Principibus, qui eum ſecuti fuerant, quorum ſuperius nomina poſuimus, cum ſuo iterum exercitu, partẽ urbis Septentrionalem obtinuit. Comes verò *Flandrenſis* & *Princeps Normannorum*, cum ſuis iterum cohortibus, iuxta prædictos in ordine locati ſunt. Australem verò plagam *Raimundus Toſolanus Comes*, & *Episcopus Podienſis*, cum ſuis confortibus ſibi obtinuerũt deputatam; iuxta quem dominus *Stephanus Blaſenſium Comes* & Carnotenſium, cum domino *Hugone magno*, & aliis quibuſdam inſtytis & nobilibz viris caſtra locauerat. Sic igitur ex omni 30
parte urbe vallatã, placuit Principibus, ex vicina ſylua ſumptã ad eos vſus competẽte materiã, machinas ad ſuffodiendum murum habiles & neceſſarias, quas vulgò *Screphas* appellant; itemq; iaculatorias, quas vulgari appellatione *Mangana* dicunt, & petrarias ſub omni celeritate fabrefieri. Vocatiſq; artificibus omnimodã inſtant diligentiã, vt opere conſummato urbem ſatagant impugnare. Dumq; in eo deſudarent attentius; & urbem frequẽtibz congreſſionibus, ſeptem hebdomadarum curriculo hoſtiliter impugnãſſent, quadam die indiẽto de more conſictu, duos nobiles & magnificos viros & in armis ſtrenuos, dominum videlicet *Balduinum* cognomento *Calderon*, & dominum itidem *Balduinum de Gant*, alterum iactu lapidis, alterum ſagittæ ictu dum in expugnatione urbis decertant animoſius, miſerabili amiſerunt infortunio. 40
Poſt hoc etiam, dum ex conſilio & decreto Principum rurſum exercitus iteraret aſſultum, *Willelmus Comes de Foreis*, & *Galo de Inſula*, dum in eò conſictu nimium feruentes, hoſtes laceſſunt, ſagittis tranſfixi interierunt: *Guido* quoque de *Porceſſa*, vir nobilis de Regno Francorum, validã ibidem correptus ægitudine, carne ſolutus eſt. Super quorum caſu cõſternatus plurimum DE I populus, eos honeſtè tradidit ſepulturæ; exequias, quales viris nobilibz & magnificis exhiberi ſolent, intuitu pietatis caritatiſve, impendentes.

VI. Quadam iterum die dum omnes in circuitu principes, ſuas certatim ad murum applicarent machinas; & modis quibuſcunque poterant, muros debilitare, & ſibi parare introitum niterentur, ocium & deſides ferias, ſtrenuorum more, declinantes, 50
Comes Hermannus, & *Henricus de Aſcha*, de regno Theutonicorum viri nobiles & inſtyti, inſtrumentum quoddam artiſcioſè ſatis compoſitum, familiarium & domesticorum ſuorum conatu & virtute multã, mœnibus applicant. Erat autem machina quercinis trabibus contexta, in cuius ambitu robuſtos intexuerant parietes; ita vt introducti equites viginti, viribus robuſtiſſimi, ab omni telorum inmiſſione, & iactu, etiam maximorũ molarium, qui intromiſſi erant ad ſubfodiendum murum, viderentur conſiſtere poſſe ſecuri. Quæ tandem machina, vt prædiximus, muris

muris applicata, instantibus desuper ad muri defensionem ciuibus, magnorum impulsu lapidum ita penitus contrita est, vt solutis compagibus, eos qui infra se erant comprimeret vniuersos. Condoluit itaq; prædictis nobilibus (eo quod inutiliter, non sine sumptu, consumpta esset multorum dierum opera) populus vniuersus; condoluit & viris fortibus, qui casu tam miserabili occubuerant. Spe tamen potiundæ victoriæ se inuicem consolabantur, eoque maximè, quòd vitam meliorem non diffiderent esse cōsecuturā eos, qui in huiusmodi negotio animas pro CHRISTO ponerent. Instar enim martyrii, non immeritò reputabant, in agone huiusmodi vitam amisisse. Vnde morte contemptā, vitā pro nihilo ducentes præsentem, quibuslibet periculis se obiciebant confidentiùs, eā spe facti animosiores. Instabant igitur Principes ad vrbs expugnationem, per circuitum vnanimiter; & vt quisq; in parte sibi deputata sollicitum se exhiberet, & obsessos molestaret amplius, gloriosum reputabat: feruebat opus impendio, & assiduus congressionibus, & pugnā penè continuā, requies ciuibus negabatur. Lacus tamen ciuitati adiacens, nostrorum maximè præpediebat operam, & studium citra optatam detinebat efficaciam, ciuibus omnimodam præbens consolationem. Nam per eum nauigantes, liberiùs victus & alimentorum inferebant copias; & armentorum nonnunquam, videntibus nostris, & contradicere non valentibus, multitudinem introducebant. Conuenientes igitur DEO amabiles Principes, super eo specia-

10 liter deliberant articulo, qua ratione huic malo commodiùs possint occurrere: & tandem placuit in communi, vt misā populi parte maximā, & equitum etiam cum eis aliquot legionibus ad mare, naues inde siue integras, siue per partes dissolutas, super currus & vehicula, vel alio quocunq; artificii genere, vsq; ad lacum pertrahant: alioqui futurum, vt euacuatis eorum conatibus, consumptis studiis & impensis, res in irritum deducatur. Porro peruenientes ad mare, quibus id muneris erat iniunctum, vias eorum & propositum Domino misericorditer dirigente, naues repertiunt mediæ cuiusdam quantitatis: quas à domino Imperatore faciliùs impetratas educentes de mari, sicco locauerunt in littore. Copulatisq; ad inuicem tribus aut quatuor plaustris, prout nauium longitudo deposcebat, eisq; desuper im-

30 positis, vnus noctis spacio per miliaria septē vel ampliùs, funibus, humeris & ceruicibus hominū & equorū impositis, vsque ad prædictum pertraxerunt lacū. Erant autem & inter eas quædam non ita modicæ, sed quæ centum aut quinquaginta pugnatorum numerum possent recipere. Receptis igitur nauibus, & in lacum depositis, lætatus est supra modum Christianus exercitus: & concurrentibus viris ad lacum primoribus, remiges inducunt, nauigandi habentes peritiam; & simul cum eis viros in armis strenuos, & animositate commendabiles, spem habentes omnino certam, quod auctore Domino vrbe essent in proximo habituri. At verò ciues solito plura in lacu videntes nauigia, admirati sunt; hærentes an suorum esset apparatus, qui eis subsidia ministrare curaret, an hostium. Tandemq; cognito, quod

40 nostri multis laboribus à mari deductas, & terrestri deuectas itinere, eas in lacum immisissent, nostrorum admirati sunt & vires & argumentum; quod rem desperatam, & penè impossibilē effectui mancipassent. Præoccupato itaq; classe immisā, ciuium per lacum discursu, decretū est publicè, & voce indictum præconiā, quatenus legiones singulæ, sicut sub certis Principibus erant constitutæ, ad impugnandam vrbe denuò viriliter armarentur; & maiore solito instantiā, quantas possent ciuibus inferrent molestias. Sicq; singuli Principes suos apimantes exercitus, & armatos ad congressum dirigentes, factus est assultus longè solito asperior. Machinis quoque instantes animosius, alii murum suffodere, alii magnos contorquere molares ad debilitanda moenia satagebant. Erat autem in parte Australi,

50 quæ domino comiti Tolosano ad impugnandum erat deputata, turris quædam, sublimitate simul & grossitie cæteris notabilior, iuxta quam prædicti Solimanni vxor dicebatur habere domicilium: ad hanc deiiciendam Comes omne studium iam per dies aliquot impenderat: sed inutiliter. Nam cum duabus machinis iaculatoriis eam continuis iactibus flagellasset instantiùs, præ operis soliditate lapidem etiam vnum ex ea dissoluere non poterat. Vnde, ne ab incepto quasi victus desisteret, instantiam ingeminans, tormenta etiā multiplicat & contortis maioribus saxorum molibus, & miræ soliditatis cautibus immisissis, rimas cœpit agere, & in pulue-

VI II

VI II

- rem ictibus fatigata resolui. Quod videns exercitus, adunatâ manu se inuicem cohortantes vallum exuperant; & ad murum accedentes, prædictam turrem deiicere, aut saltē perforare nituntur. Ciues autē cōpertū habentes, quod prædicta turris ruinam minaretur, eam interiūs lapidibus & cemento repleuerunt: vt si fortē murus aut suffossus, aut tormentis debilitatus corrueret, opus nouum pro vetusto succederet, & penetrare volentibus præstaret impedimentum. Nostri tamen sub testudine latentes solidissima, quam violenter secus murum appulerant, murum suffodere nitebantur. Tandemque effectum est, vt foramen quo duo armati viri facilius possent introire, ferreis instrumentis & multo labore conficerent. Ciues autem cōuerso, importunē insistentibus omnino resistere, argumenta argumētis, 10 & vires viribus non inferiore spiritu obiectare, vnanimiter parati, arcubus & balistis, & omni armorum genere, lapidum quoque contorsione pugillarum, hostes a se repellere, & illatas propulsare nitebantur iniurias. Erat autem inter eos, qui murum ab impugnantibus tuebantur, quidam cæteris improbius, corpore quoque & viribus notabilior, qui arcu in nostros multâ operabatur stragem. Insuper etiam & de successu, quo diu nimis vsus fuerat, intumescens, nostros probris afficiebat & contumeliis; desides eos vocans, & timiditatis obiiciens titulum. Erat autem hic in ea parte ita importunē defæuens, quæ domino Duci & suis cohortibus ad impugnandum erat deputata; quod vir illustris non perferens dominus *Godefridus*, sumptâ balistâ locum quarens opportunum, manus contra prædictum caussato- 20 rem dirigit & telo per vitalia directo, confossum & exanimem ad terram deiicit: iustam pro his omnibus, quæ nostris intulerat rependens vicissitudinem. quo facto, cæteros eiusdem operis consortes, qui in ea parte illius exemplo animati, resistebant animosius, maximē deterruit; ita vt minus minusque & missilia contorquerent, & iacularentur conuicia. Alii tamen, qui in cæteris partibus pro vrbis defensione defudabant attentius, facti huius ignari, nihilominus de turribus & muris totâ se tuentes diligentia, in nostros & cædem & vulnera totis viribus procurabant exercere: picem quoque, oleum, & aruinam, & cætera quæ incendiis solent fomitem ministrare, & accensas faces in nostras machinas dirigentes, eas ex parte plurima, vbi non obseruabantur diligentius, consumebant. Quibus autem in 30 parte Australi ad expugnandam prædictam turrem erat labor sedulus, curam ad id ipsum continuabant & studium: sed videntes quicquid hesternâ die in muro suffoderant, totum nocte secutâ reparatum, cœperunt fieri remissiores, videntes quod non proficerent. Dumque penē desisterent ab incepto, ecce quidam valde strenuus & nobilis eques de exercitu *comitis Normannorum*, sui exemplo volens alios animare, loricâ indutus & galeâ, & opertus clypeo, vallum transiens, ad murum accessit impeterritus, nouam lapidum structuram, quam eadem nocte ciues opposuerant, volens conuellere; & foramen quod hesternâ die factum fuerat rursus aperire: sed instantibus desuper cum omni importunitate ciuibus, nec aliorum quisquam vt opem ferret ausus fuit accedere, nec ille potuit consumma- 40 re propositum, magnis enim lapidum molibus ibi secus murum contritus, cernentibus nostris, nec subuenire volentibus, interiit: cuius corpus exanime, vncis ad se ferreis subleuantes, infra mœnia suis expositum ludibriis deiecerunt; tandemque loricâ nudatum & galeâ, ad nostros reiecerunt extra mœnia: quo debitis exequiis sepulturæ tradito, fleuit super eum populus, eius plurimum commendans animositatem & mortem eius in conspectu Domini reputans preciosam, per quam eius animam electis spiritibus non dubitabant sociandam: omnium enim, vt prædiximus, vna mens erat, & eadem sententia, eos qui sic in acie procumbebant, vitam mereri perpetuam; & in parte sortis sanctorum, prædestinato collocari in lumine. 50
- x. Interea de more, quem sibi fecerant adinuicem, conuenientes nostrarum legionum Deo deuoti Principes; compertum habentes quod non proficerent, sed potiùs inutiliter operam consumerent & studium, apud se quærunt diligentius, deliberatione propositâ, quo in tanta necessitate opus sit consilio: dumque circa id insisterent, plurimum anxietatis sustinentes, ecce quidam *Longobardus* natione, accedens ad Principes, videns quod omnium artificum eluderentur argumenta, & labor sine fructu deperiret, huius artis professus est se habere peritiam: asserens, quod si ei sumptus de publico ad operis consummationem sufficientes, & neces-

necessarii ministrarentur, ipse auctore Domino, infra paucos dies turrim prædi-
 ctam, sine damno nostrorum ad terram deiiceret; & latè patentem introitum om-
 nibus ingredi volentibus, ministraret. Sumptibus igitur de publico ministratis
 ad omnem sufficientiam, & salario insuper condigno pro eius laboris recompen-
 satione designato, subiectâ pro votis materiâ, machinam miro construit artificio:
 ita, vt qui intus erant, nolentibus hostibus, sine suo periculo secus murum eam
 possent applicare; & interiùs latentes, murum suffodere non timerent, quod ipso
 rerum experimento plenius edocuit ad euidētiam. Nam composito & armato vn-
 diq; pro sua voluntate instrumento, viros fortes & loricatos, armis & ferreis instru-
 10 mentis, ad suffodiendum murum necessariis instructos, sub eadem secum colligit
 machina; quâ etiam cum suis opificibus probè nimis, & argumentosè plurimùm,
 trans vallum positam mœnibus applicat. Ciues autem solitâ instâtes proteruiâ, im-
 missis magnis molaribus, & igne superiniectione, quæ omnia propter culminis ardui-
 tatem, & latera deuexa, quoniam inhærere non poterant, vt damnum subiectis
 irrogarent, de consueto auxilio cœperunt diffidere; & instrumenti, quod nullate-
 nus lædere poterant, robur admirantur, & artificis argumentum. Qui autem sub ea
 latebant testudine, securi penitus ab hostium insidiis ad infringendum murum, &
 turrim subuertendam totis instant viribus; & conuulsorum loco lapidum stipites
 supponunt, & ligneam materiam: ne parte muri inferiore suffossâ, subitò corruat
 20 pars superior, & machinam cōprimat, quæ tantæ pondus magnitudinis, & immen-
 sitatem ruinæ nullatenus ferre poterat. Factâ igitur tantâ suffossione, quæ ad tur-
 ris deiectionem sufficere posse videbatur; & sustentaculis quæ murum casurum
 sustentabant igne supposito, & nutriendis ignibus aptâ subiectâ materiâ, machi-
 nam relinquunt, ad suos cum omni celeritate se conferentes. Factumque est, ita
 vt circa noctis medium, omni fulcimentorum consumptâ materiâ, & ignibus eda-
 cibis in cineres redactâ, turris cum tanto fragore ceciderit, vt etiam remotos quo-
 dam horrore concuteret; & terræmotus instar corda conturbans, & ingerens for-
 midinem: ad quem sonitum excitæ legiones, ad arma conuolant, animos indu-
 unt, tanquam urbem vjolenter ingressuri. *Solimanni* verò vxor, quæ hæcte-
 30 nus vrbs obsessæ molestias multo labore pertulerat, turris casu, femineo more
 perterrita, paratis nauibus vrbe clam egressâ, ad loca tutiora se cum ancillis & fa-
 miliaribus transferre proposuerat: sed nostri, qui per lacum in nauigiis erant, ad
 cohibendos introitus exitusque citium deputati, dum studiosius more pruden-
 tium cuncta perlustrant, abeuntem reperiunt, capiunt repertam; & captam cum
 duobus filiis tenellis admodum, Principibus repræsentant: qui sub arta custo-
 dia cum aliis concaptiuis eam præcipiunt diligentius obseruari. Ciues autem &
 de aditu hostibus patefacto, & de captiuitate tantæ feminæ, mente plurimùm con-
 sternati, prorsus de viribus diffidentes, missâ legatione, à Principibus induciis po-
 stulant, de sua deditioe cum eisdem tractaturi. Taninus autem, de quo superius
 40 mentionem fecimus, præsentens, sicuti vir erat versutissimus, populi a sui tuitione
 deficientis voluntatem: Maiores ciuitatis conuenerat, monens vt in sui deditioe
 dominum Imperatorem honorarent: proponens, quod hic Peregrinorū exercitus,
 qui præsens erat, ad alia properabat negotia; nec ex principali pposito, sed incidē-
 ter, & quasi prætereundo in eam descendissent obsidionem. Dominum autem Im-
 peratorem circa se positum haberent perpetuò: de cuius commendabili plurimùm
 possent clementia præsumere, & semper expectare meliora. Optimum ergo erat, vt
 in eo facto Imperatorem, hominibus ignotis & genti barbaram præponerēt, ita vt in
 eius manu fieret deditio, quam declinare non poterant; & per eos urbem reciperet
 50 Imperator, cuius non multis retrò temporibus, per Turcorum violentiâ, imperium
 iniuste amiserat. His & huiusmodi persuasus ciuium conuētus, in manu Imperatoris
 eligunt urbē, personas quoq; suas & omnē substantiam, saluâ incolumitate, resigna-
 re: nec tamen id nostris molestum fuit Principibus; quippe cum ad alia tota eorum
 properaret intentio, nec his inhærere eorū esset propositum: sperâtes tamen, quod
 iuxta pactorum tenorem, salua essent exercitui in solatium laboris & damnorum
 quæ pertulerant, spolia ciuitatis. Captiuos tamen de fratribus, quos tum sæpe di-
 ctus *Solimannus* tum de exercitu *Petri Heremite*, apud castrum *Ciuitot*, tum et-
 iam quos ciues in obsidione ceperant, libertati restitutos, noster recepit exercitus

xr.

vniversos antequam de eorum deditioe vellent tractari sermonē, & eorum in hac parte votis satisfacere. Factum est igitur, quod de Principum cōiuentia, & populi consensu missi sunt ad Imperatorem nuncii dicentes: *Principes & Christianus exercitus, qui apud urbem Nicenam, in eius obsidione pro CHRISTI nominis amore fideliter laborauerunt, eam auctore Domino, multā sollicitudine & urgente instantiā compulerunt ad deditioem. Vnde nos ad tuam dirigentes serenitatem, monemus & exhortamur attentius, quatenus ad partes illas de tuis principibus cum sufficientibus expeditionibus aliquos mittere non moreris, qui urbem traditam ad honorem tui nominis conservare valeant; & captiuorum multitudinem hinc transferre sint idonei. Nos enim, vrbe vestra celsitudini resignatā, iter quod se-*

XII. *mel assumpsimus, auctore Domino, prosequi non differemus.* His auditis lætabundus 10

Imperator & gaudens, quosdam de familiaribus suis, de quorum fide præsumebat & industria, cum ingentibus copiis, ad partes illas dirigit, qui & urbem suscipiant, & comuniant susceptam; omnem captiuorum substantiam, tam in auro & argento, quàm in quolibet suppellectilis genere sibi vendicantes: singulisque Principibus dona mittens ingentia, eorumque litteris & viuā voce captans beneuolentiam; grates pro tam honesto seruitio, tantoque Imperii, quod per eos accesserat, incremento, refert ingentes. Verùm populus & secundæ manus homines, qui ad hoc in prædictæ vrbis orbis obsidione studiosius defudauerant, vt de spoliis captiuorum ciuium, & de substantia multiplici infra urbem reperta, rerum suarum dispendia quæ pertulerant, refarcire possent: videntes, quod non satis æquā 20 mercedē eorum remuneraret labores; quodq; publicandum erat ex compacto, rebus familiaribus & fisco inferre suo proponeret, ægrè nimis tulerunt, ita vt pœniteret eos & impensi laboris & sumptuum, quos, vt eis videbatur, inutiliter attriuerant. Sed & Principes eundem Imperatorem, circa pactorum tenorem malitiosè versatum constanter asserebant. Nam in pactorum serie quæ inter eos inita fuerant, hæc formula dicebatur interfecta: *Quod si aliquam de vrbibus, quæ eius Imperii fuerant, totā illā eorum profectioe, usque in Syriam, prauia Domini misericordiā, capi contingeret, vrbe cum adiacentibus pertinentiis Imperatori restitutā, prada, manubia, & vniuersa reliqua substantia, exercitibus, in laboris remunerationem & refusionem impensarum omnino cederet sine contradictione.* Et licet nostris satis facile & in expedito esset, Imperatoris fa- 30 miliam longè ab vrbe repellere, & ad dominum suum remittere vacuos, idq; iure fecisse viderentur: *nam iniquum est, ei fidem seruari, qui contra pacta nititur versari:* tamen timorē Domini habētes præ oculis, & ad maiora festinantes, verbum de comuni prouidentia dissimulant; populumque molestè id ferentem, honestis comprimunt persuasionibus, vt expediti proposito valeant satisfacere. Græci verò, qui ad hoc missi fuerant, urbem ingredienti, susceptis armis ciuium, & deditioe completā, exeuntes ad castra, & statuti coram Principibus, pro vita ciuium & incolumitate supplicant, dicentes eos domino Imperatori urbem restituisse, & suas iugo illius potestatis ceruices mancipasse. Sic ergo vrbe captā, & copiis quæ sufficere videbantur ad vrbis tuitionem deputatis, *Solimanni* vxor cum duobus filiis, de 40 quibus prædiximus, & captiuorum ingenti multitudine Constantinopolim translata est: vbi ab Imperatore non solum clementer, verum & liberaliter nimis tractati, infra paucos dies libertati pristinæ sunt restituti. Id autem eā fecisse dicitur intentione, vt & Turcorum sibi reconciliaret gratiam, & in nostram propensiores suis beneficiis excitaret iniuriam; & alios, si quando urbem casu quolibet contingeret obsideri, à deditioe simili non deterreret. Capta est autem vrbs *Nicea* anno ab incarnatione Domini *millesimo nonagesimo septimo*, mense

A. Dni.
1097.

XIII.

Iunio, xx. die mensis. Solutā igitur obsidione, de mandato Principum, iterum ad proficiscendum inuitatur exercitus, & compositis sarcinis, tertio Kalend. Iulii iter arripiunt. Cumq; per biduum iunctis legionibus incessissent, casu nocte 50 illā secus quendam pontem, aquarū commoditatem secuti, castrametari sunt, vnde summo diluculo ante lucis exortum, dum adhuc essent tenebræ, rursus ad iter se accingētes, transito ponte, siue casu, siue ex industria, diuisi sunt Principes abinuicem, cum suis expeditionibus. Dominus enim *Boamundus*, & *Normannorum Comes*, & *Stephanus* comes *Blesensium*, *Tancredus* etiam, & *Hugo* comes de sancto Paulo, læuam secuti, seorsum illā die profecti, in vallem peruenerunt cui nomen *Gorgoni*: ibiq; secus ripam fluiui decurrentis, pascuorum habentes commoditatem & graminis,

nis circa horam nonam castra locauerant. vbi & noctem illam, solliciti tamen, locatis in gyrum excubiis, quietā transegerunt. Reliqui verò omnes, dextram tenentes, illam compleuerunt diætā: & vix à prædictorum castris duobus distantes miliaribus, in locis itidem pascuis, & aquarum habentibus cōmoditatem, castra composuerant. *Solimannus* verò, illatæ memor iniuriæ, & ad animum reuocans sine intermissione, quomodo per illos urbem egregiam, vxorē & filios amisisset, ad id totis viribus anhelabat, vt eis vicem rependeret; & aliquas si posset, eis præstrueret insidias. Conuocatis itaque ingētibus denuò militum copiis, nostrorum à læua, æquis penè passibus, subsequebatur exercitū; in quo etiam exploratores habēs, qui de statu proficiscentium, eum indefinenter redderent doctiorem, præstolabatur assiduē, quomodo sumptā occasione opportunā in eos posset irruere. Cognito autē per eodē quod diuisus esset exercitus, & pars altera quæ viribus & numero minor videbatur, sibi erat vicinior, horam ratus inuenisse competentē, descendit de montibus cum illo suorum infinito comitatu. Vixque aurora Solis subsequētis nunciabat aduentum, & noctis vmbra densior luce propinquā, dissolui cœperat, cum ecce qui in speculis erant constituti, vt hostiū, si quæ essent, de remoto præsentirent insidias, & exercitū admonerent, visis hostibus, lituis cōcinunt, & cursu rapti velocissimo, hostes adesse denunciant. Igitur cornicinum clangore & voce præconiā excitę legiones vniuersæ, ad arma conuolant, equos præparant, tanquam prælium cominus habituri. Erat autem mane, in ipsā die Kalend. Iuliarum. Dispositā igitur vniuersā populi multitudine per acies, & præpositis singulis cohortibus quinquagenariis & cēturionibus, & per alas pedestrium turmarū primiceriis cōstitutis; sarcinas, & impedimenta, omnemq; senum, mulierum, ac debiliū inualidam multitudinem, quo expeditiores ad pugnam possent procedere, secus harundinetū in vicino positum, curribus & vehiculis eos prætexentes, collocant quasi in tuto. Missisque nunciis ad reliquas partes exercitus, à quibus temerē diuisi fuerāt, monent & hortantur attentius, vt accelerare velint, significantes in quantis angustiis positi sint. Postquā verò iuxta rei militaris disciplinam in castris domini Boamundi omnia videntur secundum ordinem disposita, ecce circa horam diei secūdā adest *Solimannus*, infinita secum Turcorum agmina trahens: quodque nostris erat mirabilius, in tantā multitudine, quę ducentorum millium dicebatur excedere quantitatem, nec vnus nisi eques poterat reperiri. Nostri autem, vt prædiximus, promiscuē vtriusque ordinis secum trahebant legiones. Accedente igitur Turcorum exercitu, tantus factus est in castris tumultus, quod vix alicuius sermo poterat exaudiri. Frigor enim armorum & equorum strepitus, tubarum classica, & tympanorum sonus horribilis, ipsorum etiā certatim conclamantium vlulatus vsque ad sidera tolli videbatur, ita vt plurimum inassuetis & minus circa huiusmodi exercitatis legionibus, terrorem incuterent vehementem. Irruentes igitur in nostrum exercitum Turcorum acies, tantam immiserunt sagittarum multitudinem, vt instar grandinis aërem occuparent; & in nostrorum legionibus vix vacuus à vulnere aliquis inueniretur: vixque prior nubes descenderat cum arcubus, sequens emissā non rarior; si quid prior intactum dimiserat, secunda illæsum non præterit. Nostri autem, quibus id pugnæ genus erat incognitum: eoq; minus tolerabile, quo & minus vsu cōpertum, videntes quod equi eorum sine remedio deficerent; ipsiq; subitorum vulnere, & quæ non multum præcauere poterant, confixionibus interirent, gladiis & lancearum acumine in hostes irruendo, eos à se propellere satagebant. Illi autem irruentium pondus ferre non valentes, studiosè diuidebātur ab inuicem, vt eorū impetus eluderent; & neminem sibi obuiam habentes ad suos redirent, conceptā spe delusi. Quibus ad suos infecto negotio redeuntibus, Turci denuò religabātur ad inuicem, & immisā iterum in modum imbrium sagittarū multitudine, neminem penè absque letali vulnere præteribant. Resistebant tamen nostri quantum poterāt loriceis, cassidibus protecti & clypeis: sed equi eorum & inermis populus passim & sine delectu prosternebantur. Ceciderunt in eo confliū viri ex vtroque ordine memorabiles, ad duo penè millia: inter quos egregiæ indolis adolescens *VVilhelmus* Marchionis filius, domini *Tancredi* frater, dum pro suis in agone desudat viriliter, sagittā confossus interiit. *Robertus* quoque Parisiensis, vir in armis strenuus, eodem mortis genere vitam finiuit. Dominus quoque *Tancredus*, dum in mediis fulminat ho-

xv.

stibus, vitæ prodigus, & suæ conditionis immemor, vix à domino Boamundo mortis casibus, nolens & inuitus violenter ereptus est. Inualecebant igitur hostium agmina, & nostris penè deficientibus, arcu ab humeris dependente, & eius neglecto officio, gladiis instant cominus; ita ut dissolutis cohortibus, nostri fugam arriperet, ad sarcinas & impedimenta redeunt: ubi circa currus & vehicula, sub arundineti densitate arbitantes se aliquod inuenire posse refugium, conglobati sunt. Dum igitur sic afficeretur fidelium exercitus, & domini Boamundi virtus prorsus collapsa deficeret, ecce viri illustres & magnifici, dux *Godefridus*, comes *Raymundus*, *Hugo magnus*, *Baldwinus* & *Eustachius* ducis fratres, & alii DEO deuoti Principes, deducentes secum optimè armatorum equitum quadraginta millia, in castris suorū tur- 10
bis pedestribus relictis cum omni genere impedimentorum, veloces aduolant suis opem collaturi. Accedentibus verò eis ad castra domini Boamundi, iterū qui iā penè succubuerāt, resumptis animis, & restitutis in integrum viribus, rursus ad certamen redeunt; & illatam querentes iniuriam vlisci, & priores redimere defectus, in hostes irruunt animosius; & gladiis instantes viriliter, quos prius quasi superiores horruerant, forti prosternunt dexterā, iam resistere nō valentes. Dominus verò *Podiensis* episcopus, cum aliis eiusdem officii coministris populos admonent, hortantur Principes, ne manus remittant: sed certi de victoria diuinitus conferēda, interemptorum sanguinem vliscantur; & de fidelium strage, fidei hostes & nominis Christiani non patiantur diutius gloriari. In his & huiusmodi populum incitabant ad 20
congressum, viri DEI; & vires quantas poterant, eorum animis infundebant. Irruentes igitur nostri solito vehementius, & proteruius instantes gladiis, dissolutis agminibus, non sine strage innumera, eos in fugam vertunt: fugientibus etiam tantā adhærentes instantiā, ut per tria aut quatuor miliaria ultra eorum castra, quæ in valle opima locauerant, continuam ex eis eadem operantes, persequerentur: Unde eis cum multa confusione dispersis, & interfectis quampluribus, reductis etiam captiuis nonnullis, quos ex nostris violenter abductos trahebāt secum, ad hostium castra reuersi sunt: ubi reperientes infinitas auri & argenti copias, alimentorum quoque commoditates amplissimas; greges, armenta, asinorum turbas, & iumen- 30
torum, camelorum quoque phalanges, quales prius nostri non viderant, & equos nonnullos, papiliones quoque & tentoria varii coloris, & formæ inauditæ; transferentes secum omnia, onusti spoliis vberimis, prædam agentes & manubias, in castra reuersi sunt sua. Cecidisse dicuntur illā die de hostium numero viri potentes & inclyti, & apud suos locum maximum obtinentes, ad tria millia: de nostris verò popularibus, & plebe infima promiscui sexus, quatuor millia. nam de Maioribus duos tantum ibi corruisse, veterum tradit memoria. Pugnatum est ibi ab hora diei secunda, vsque in horam octauam, vario euentu, die Kalendarum Iuliarum, viribus longè imparibus, & numero multum dissimili, Nam qui *Solimannum* secuti fuerant, centum quinquaginta millium, solis connumeratis equitibus, dicebantur excede- 40
re numerum. Nostrorum autem qui præsentis illo in tanto certamine desudarunt, vix fuit numerus equitum ad millia quinquaginta. Obtentā igitur diuinitus tantā victoriā, ut saucios, aliquā concessā requie, ad modicum refouerent, reuocatis ad inuicem exercitibus, tribus diebus continuis in locis amœnis & pascuis virentibus corpora curauerunt, & equorum habuerunt sollicitudinem; in omni alimentorum abundantia & infinitis copiis, quas hostes comportauerant, & reliquerant fugientes. Optimè se habuerunt in eo tam periculoso discrimine, nostri maiores Principes: sed & quidam de mediocribus, *Baldwinus* videl. *de Bargo*, *Thomas de Feria*, *Reinaldus de Belasco*, *Galo de Caluomonte*, *Gustus de Beders*, *Chirardus de Cheresi*, perennem sibi gloriā in eodem facto pepererūt. Ab ea igitur die, communi decretum est consilio, quatenus de cætero iunctis agminibus, indissolubili copulā simul incederent; ut & 50
aduersa communicaret, & prosperis couterentur. Postquā ibi per triduum, ut prædiximus, morā sibi & equis suis fecerunt necessariā, iterū monentibus lituis, ad iter se accingunt, viā inceptā cōtinuaturi. Vbi trāscursā vniuersā Bithyniā, *Pisidiam* ingressi sunt: inde viā querētes cōpendia, casu descenderūt in regionē arentem & inaquosam, in qua & caloris immoderati, qualē solet ardens Iulius ministrare, & sitis importunæ geminā fatigati molestiā, cœpit populus penè deficere, ita ut promiscui sexus illā die præ sitis anxietate & caumatis intemperantia, plus quā quingenti spiritū diceretur exhalasse. Accidisse dicitur eā die, q̄ nulla alia tradit historia, quod prægnantes

xvi.

prægnantes præ sitis angustia, & caloris intemperie, ante tempus à natura decre-
tum, foetus edere compellerentur; quos præ anxietate spiritus, quosdam viuos, ex-
tinctos quosdam, alios etiam semineces in castra proiiciebant: aliæ ampliore ab-
undantes humanitate, proles suas circumplexæ, per vias volutabantur, & sexus ob-
litæ feminei, arcana denudabant; magis pro instante mortis periculo sollicitæ,
quàm vt sexui debitam conseruarent reuerentiam. Sed & viris nō multum prode-
rat sexus robustior, qui sudore deficientes & calore, ore patulo, & naribus aëra ca-
ptantes, contra sitis importunitatem quærebant, quod inuenire non poterant, hu-
moris remedium. Nec solum homines his tantis erant subiecti periculis; verum &
10 iumenta deputata sarcinis & alia quælibet animantium genera, arefactis interiori-
bus, & vitalibus interclusis, sua negabant obsequia; sed nec auiibus delicatis, qua-
rum prædâ & volatui solet recreari nobilitas, nisi videlicet, accipitribus & herodiis,
proderat cura dominorum, quibus inter manus flatum vitalem exhalabant. Catu-
li quoque naribus sagaces & apti venatibus, dominorum delitiæ, relictis dominis
quibus fideliter adhærere consueuerant, anhelantes & sitibundi passim per vias de-
ficiebant: quodque his omnibus longè erat periculosius, equi fideles præliorum
confortes, & in quibus de propria salute dominis multa erat fiducia, quique & cal-
ce & dentibus suam prius protestabantur superbiam, vrgente sitis & caloris immo-
derati periculò, quasi vilia deficiebant subiugalia. Tandem omnibus à tanta aqua-
20 rum laborantibus inopia, misericorditer affuit pater misericordiarum, & Deus to-
tius consolationis. Nam diu optatus & quæsitus multum, inuentus est fluuius; ad
quem peruenientes, præ nimio desiderio certatim ad aquas properant: vbi repertâ
aquarum pro votis copiâ, bibendi modum excedentes, in grauius descēderunt pe-
riculum. Nam plures qui sitis discrimen euaserant, sicut in talibus solet accidere, a-
uiditate potus, modum non ponentes, mortem quam euasisse videbantur, in aqua-
rum repperunt opulentia. Nec solum de hominibus, verum & de iumentis multa
eo casu ceciderunt. Tandem verò opitulante Domino, his erepti periculis, in re-
gionē copiosam satis & vberem, riuus, nemoribus & pascuis amœnissimam descen-
derunt; iuxta *Antiochiam minorem*, quæ prædictæ Pisidiæ metropolis esse dinosci-
30 tur, in locis pascuis castrametati. Hic primum quidam de principibus studio- xvi:
sè ab exercitu separati sunt, seorsum particulares trahentes exercitus. Quorum pri-
mus fuit dominus *Baldwinus* Ducis frater, & cum eo *Petrus comes de Stadeneis*, *Rainar-
dus comes Tullenis*, frater eius; *Baldwinus de Burgo*, *Guillebertus de Monte claro*, cum sin-
gentis equitibus, & pedestribus manipulis aliquot. Secundus fuit dominus *Tancre-
dus*, & cum eo *Richardus de principatu*, *Robertus de Ansa*, & quidam alii viri nobiles,
cum quingentis equitibus, & peditibus etiam nonnullis. Horum autem omnium,
vnum atque idem erat propositum, vias prætentare, circumpositas explorare re-
giones, & fortunam experiri; rerumque euentum, qui pro loco & tempore occur-
reret, ad Principum, qui eos miserant, referre notitiam, quò prudentius & magis si-
40 ne discrimine proficisceretur exercitus. Qui à castris egressi, primum viam regiam
non deferentes, vrbes finitimas *Iconium* & *Heracleam* prætergressi, tandè in dextram
declinantes, versus oram maritimam festinare cœperunt. Dux verò & alii prin-
cipes, qui in castris remanserant, locorum in quibus castrametati fuerant, tracti a-
mœnitate, & vicinitate nemorum, vt sibi inter tot laborum difficultates, aliquid re-
creationis indulgerent, & curis edacibus, quibusangebantur continuè, subtrahe-
rent, vel modicum, venandi gratiâ certatim saltus ingrediuntur: vbi variis semitis
ad diuersa rapti desideria, varios inuenerunt rerum euentus. Inter quos Dux etiam,
recreationis gratiâ & exercitii syluas ingressus, in vrsū immanissimi corporis &
horrendi, casu incidit: qui dum pauperem Peregrinum ligna arida comportantem
50 persequeretur atrocius, illeque vix refugium inueniret ante faciem subsequens,
& imminens multo clamore protestaretur periculum, fortè Dux affuit; & sicuti
plurimus erat in compatiendo fratribus, velox irruit, opem laturus patienti. Videns
ergo bellua Ducem instantem gladio, spreto eo quem prius persequabatur, in ho-
stem fortiolem se contulit, dente armatus & vnguibus: tandemque equo Dux pe-
riculosè vulnerato, factus pedes, instat gladio nihilominus. Vrsus autem patulo ri-
ctu, & murmure occurrens horrifono, Ducis instantiam paruipendens, contem-
pto gladio, nititur se cominus ingerere confligenti. Porro Dux irruentem à se pro-

pulsans gladio, totis enitebatur viribus, ut eum mucrone perforaret: verum ille, declinans gladium, & brachiis complexum illigans, in solum nititur deicere, ut sub se positum, dente & vnguibus facilius possit laniare. verè miles egregius gladium non deferens, sicuti vir robustissimus erat, læuâ complexus belluam, dextrâ impingit aciem, & capulotenus immerso gladio, mortem ingerit colluctanti: saucius tamen, & crure læsus periculosissimè, cruentam nimis obtinuit victoriam. Vulnere quippe grauatus, & nimia sanguinis debilitatus effluxione, solo decubans, se non poterat erigere. Tandem verò prædicto paupere, qui eiusdem Ducis beneficio mortem euaserat, proclamante; & casum qui acciderat, denunciante legionibus, cucurrit illuc vniuersus populus, ubi fortis Athleta, exercituum patronus, læsus iacere dicebatur: quem læticâ impositum cum vniuersorum gemitu & lachrymis, reliqui Principes in castra detulerunt, Chirurgicorum adhibita sollicitudine, quorum operâ & studio, conuenientibus remediis, plenam posset salutem recipere.

XVIII.

Per idem tempus vir quoque magnificus & illustris dominus *Raymundus Tolosanus comes*, graui correptus ægritudine, læticâ similiter deferebatur: qui eoque grauatus extitit, ut in terrâ depositus, quasi moriturus, penè spiritum exhalaret. Vnde vir venerabilis dominus *VVilhelmus Aurasicensis episcopus*, quasi iam defuncto, fidelium animabus debita impendit obsequia. Sic ergo tantorum legiones, quasi destitutæ consilio virorum, penè in desperationem conficiendi itineris & consummationis votorum descenderant: vnde pro eorum statu plurimum solliciti omnes vno spiritu fusis lachrymis, ut restituerentur saluti Dominum precabantur. Fiebantque orationes in celebratione diuinorum, pro eis ab vniuersa illa peregrinante ecclesia: quorum supplicationes & desideria, miserator Dominus clementer exaudiens, sospitatieos & plenæ cōualescentiæ, supplicantis populi vota, benigno fauore prosequens restituit. Transcursâ igitur Pisidiâ, *Lycaniam* ingressi, *Iconum* eiusdem regionis metropolim perueniunt: quam vacuam reperientes, alimentorum maximam penuriam passi sunt. *Turci* enim nostrorum aduentu cognito, in nulla urbium suarum resistendi habebant fiduciam; sed expoliatis urbibus, & vastatâ regione vniuersâ, cū vxoribus & liberis, gregibus & armētis, & omnimodâ substantiâ, ad montes confugiebant imperuios; in eo solo spem habentes, quod nostri alimentorum inopiâ fatigati, eorū pertransire regiones maturarent, neque hac suâ sunt opinione delusi, cū nostri regionis sterilitatem fugientes, & victus defectum, quantum poterant iter accelerare properabant. Inde *Heracleam* pertransientes, ad urbem *Marasiam* applicati, castrametati sunt, moram ibi per triduum cōtinuum facientes, Vbi domini Balduini, germani Ducis, longâ & graui fatigatâ ægritudine vxor, quâ ipse abiens fratribus commendauerat, ex præsentī luce vocata, optimo fine quieuit in Domino. Erat autem nobilis matrona, ex Anglia trahēs originem, *Gutnera* nomine, vitâ & moribus commēdabilis: quam cum honestis exsequiis ibidem sepelierunt.

XIX.

Interea vir per omnia commendabilis dominus *Tancredus*, primus in Ciliciam, viarum casu secutus compendia, perueniens, *Tarsum*, eiusdem prouinciæ metropolim, cum iis qui eum secuti fuerant, obsederat. Est autem *Cilicia* vna de prouinciis quæ in Oriente continentur. *Orientem* autem Antiochenam, iuxta veterum auctoritatem vocamus diœcesim. Habetq; Cilicia ab Oriente, *Celestyriam*; ab Occidente verò, *Isauriam*; à Septentrione, *Tauri montis iuga*; ab Austro verò, mare *Cyprium*, siue *Myrtoum*. Continet autem infra se duos metropoles, *Tarsum* videlicet, doctoris gentium patriam, & natale domicilium, de qua nobis in præsentī est sermo; & *Anauarzam*, vtrâque cum suis suffraganeis urbibus: vnde duæ potius dicuntur Ciliciæ, prima & secunda. *Tarsum* autem fundasse dicitur *Tarsis*, secundus filiorum *Iaphan*, filii *Iaphet*, filii *Noë* tertii, sicut veterum habent traditiones; & argumento est, urbis à vocabulo conditoris denominatio. *Solinus* tamen de urbis conditore aliter sentit, dicens ita in quadragesimo tertio capitulo de Memorabilibus: *Cilicia matrem urbium habet Tarsum, quam Danaë proles nobilissimus Perseus locauit*. Hanc urbem intersecat *Cydnus amnis*: hunc alii præcipitari Tauro monte, alii deriuari ex aluco *Hydaspi* tradiderunt. Et potest tamen vtrunque verum esse, & quod *Tharsis* primus eam fundauerit; & quod postmodum eam reparaauerit, vel ampliauerit *Perseus*. Vbi cū dies aliquot dominus *Tancredus* & sui in eodem perseverassent negotio, ciues ad hoc compulerat, & minis & blandis persuas-

suasionibus, quòd introducto eius vexillo, & super turrim eminentiorem locato, signum deditionis futurę fecisse viderentur; ea tamen conditione, vt vsque aduentum domini Boamundi & maioris exercitus, eos conseruaret indemnes; nec à propriis domiciliis interim demigrare, aut sua deferere prædia inuitos cõpelleret; ipsi autem eidem aduenienti, vrbem sine difficultate resignarent: quod verbũ domino Tancredo bonum visum est, & acceptum. Erat autem prædicta ciuitas, sicut & reliqua vniuersa regio, *Christianos* habens habitatores, *Armenos* videlicet & *Gracos*; exceptis paucis, qui vsum & auctoritatem habentes militiæ, munitionibus præerant, populum violentâ dominatione prementes: fidelibus autem militare non permittebatur; sed negotiationibus & agriculturæ dabant operã. Interea dominus *Baldwinus* Ducis frater, cum his qui secum aduenerant, deuia secutus, maximã victus pertulerat inopiam, tandemq; post multos errorum circuitus, in montis verticem casu se contulit: vnde subiectam Ciliciæ regionẽ, cum suis vrbibus vsque ad mare prospectu libero posset, intueri. qui postquam circa Tarsum castra esse cognouit, hostium ratus tabernacula, iter suum cœpit habere suspectum: experiri tamen volens, cuius esset illa regio, & cuius castra, quę de remoto conspexerat, animositate solitã, cum omni suo comitatu ad campestria descenderat. At verò dominus Tancredus præmonitus ab his quos in speculis sublimioribus locauerat, hostium præcauens infidias, socios cõuocans, arma corripit: & hostium ratus agmina, quæ vrbi vellent subsidia ministrare, occurrit eis imperterritus, fiduciam habens in Domino; & erectis vexillis, suos exhortatione corroborans, procedit aduenientibus obuiam. Postquam verò vtrinque mutuò sibi occurrentes, & contemplantes se de vicino, arma cognoscunt non esse hostilia, confidentiùs accedentes, in mutuos ruunt amplexus: & post gratas ad inuicem confabulationes, iunctis agminibus ad vrbem redeunt, obsidionem continuaturi. Vbi à domino Tancredo multum hospitaliter & plenã caritate suscepti, de gregibus & armentis, quæ de adiacente contraxerat regione, honestum eã nocte habuerunt conuiuium. Mane autem factò, videntes dominus *Baldwinus* & qui cum eo erant, domini *Tancredi* vexillum in superiore ciuitatis arce locatũ, inuidiæ stimulis agitati, professionis inmemores, (qua, velut vterini

30 fratres, quanto tempore incesserant, habẽtes vnanimitatem spiritus in vinculo pacis, vsi fuerant, & perpetuò decreuerant vtendum) indignati sunt, quod eis præsentibus, qui multò fortiores & maiores haberent copias, signa sua in vrbem immittere præsumpsisset. Dominus verò Tancredus eorum, sicut modestus erat, indignationem mitigare cupiens, allegabat, quod de eius vexillo factum fuerat, minime in eorum redundare ignominiam: nam ante eorum aduentum & aduentus spem aliquam, eas eum ciuibus in virtute sua obtinuerat conditiones. Dominus autem *Baldwinus* suggerentibus sociis, & ad id pro posse instigantibus, causæ meritum non distinguens; sed præter debitum suo ductus spiritu, verbis procacibus dominum exacerbans Tancredum, rem eò arroganter deduxit, vt penè arma in se conuerterent, stragem mutuam operantes. Factumque est, vt ciuibus ad se vocatis, publicè minaretur; quòd nisi Tancredi vexillum deponerent, & suum loco illius erigerent, inuito eo qui eis securitatem promiserat, vrbem & suburbana in gyrum omnina traderet exterminio. Videntes porrò ciues, quòd Balduini multò maiores essent copię, & virtus longè præstantior, sub eisdem conditionibus & pactorum forma, quam prius domino Tancredo pepigerant, deiecto priore, domini Balduini in eadem arce locauerunt vexillum. Quod videns dominus Tancredus, tantã confusus iniuriã, meritò concepit indignationem: sed saniore consilio, & piã longanimitate, motum animi temperans, timens ne periculosa nimis inter fidelium acies oriretur dissensio, solutis castris, ad vrbem vicinam, cui nomen *Adana*, se contulit:

50 Ad quam perueniens, non est permissus introire. obtinuerat enim eandem ciuitatem quidam *Guelfo*, natione Burgundio, qui cum aliis à maiore diuisus exercitu, turbas seorsum traxerat; & ad ciuitatem illam casu perueniens, eiectis inde Turcorum copiis, eam violenter occupauerat. Audiens igitur dominus Tancredus, quòd in nostrorum potestatem vrbs prædicta, auctore Domino, peruenerat, missis nunciis gratiã hospitandi, & emendi vitæ necessaria, implorat à prædicto domino vrbis aditum sibi & sociis referari: quibus admissis, cuncta vitæ necessaria tam sibi quàm equis, partim gratis, partim interueniente precio, ministrata sunt sufficien-

xx.

ter. Repererat enim Guelfo prædictus, eandem urbem auro & argento, gregibus & armentis, frumento, vino & oleo, & omni commoditate redundantem. At
 XXI. verò dominus *Tancredus* summo diluculo urbem ingressus, viam secutus regiam, & iter accelerans, cum omni suo comitatu *Manisfram* peruenit. Erat autem *Manisfra* vna de nobilibus eiusdem prouinciæ ciuitatibus, turribus & muro, & multorum incolatu insignis; sed & opimo agro, & glebâ vberè, & amœnitate præcipuâ commendabilis. Iuxta quam castrametatus, infra paucos dies continuis assultibus & iugi congressione urbem impugnans, auctore Domino, interemptis infidelibus, qui in ea reperti sunt, occupauit violenter. Vbi etiam infinitas diuitiarum copias, & alimentorum vbertatem reperiens omnimodam, portiones suis congruas pro meritum qualitate distribuens, locupletauit vniuersos: in qua defectus victualium quem pertulerant, gratâ redimentes opulentiam, sibi, equis, & subiugalibus vniuersis pastum benignius indulserunt, otio simul & alimentis corpora recreantes.

XXII. Verum dominus *Balduinus*, post discessum domini *Tancredi*, iterum *Tarsenses* frequentius commonet, & monitis potenter minas permiscens, urbem sibi præcipit aperiri, & suum intromitti comitatum. Non enim honestum ei videbatur, quòd vsque ad aduentum exercitus itateretur ocium, & federet inutiliter occupatus. Videntes autem ciues, quod *Tancredus* ei resistere non potuerat; & quod si id facere detrectarent, cominus urbem esset impugnaturus, *facientes de necessitate virtutem*, & de propriis viribus diffidentes, portas aperiunt, domino *Balduino* cum vniuerso comitatu eius introducto. Designauerunt autem eidem turres geminas quas interim possideret, reliquis eius consortibus per ciuitatem promiscuè in domibus fidelium hospitio susceptis. *Turci* verò qui præerant vrbi, alias adhuc in sua potestate turres detinebant. Et licet plures essent, & maiora ciuitatis munimina tranquillè adhuc possiderent, tamen suspectam habentes nostrorum quos introduxerant, societatem, subsidii quoque spem nullam habentes, opportunitatem quærebant, quomodo cum vxoribus & liberis & omnimoda substantia sua clam possent egredi. Accidit autem, quod eadem nocte viri trecenti de expeditione domini *Boamundi* *Tancredum* sequentes, ad urbem peruenerunt prædictam, quibus de mandato *Balduini*, urbis interdictus est introitus. Illi autem longo fatigati itinere, rebus vacui necessariis, multâ precum instantiâ urbis precabantur hospitalitatem, & alimentorum commercium: pro quibus etiam qui interioribus erant, inferioris manus homines, compatiens fratribus, cum preces porrigerent, non sunt admissi; eo quod de familia dicerentur esse *Boamundi*, & in *Tancredi* festinarent auxilium. Populus tamen interior à fraterna non deficiens compassione, cum egredi non valeret, in sportis panem, in vtribus vinum per murum funibus porrigentes, sufficienter ministrauerunt, vnde noctem illam possent transigere. Ibi ergo ante ciuitatis portam secundum quod poterant, se locantes, quoniam intrare non permittebantur, quieuerunt. Noctè verò eadem, cum setam qui intrinsecus erant, quàm exteriores, sopori dedissent, & circa intempestum silentiū gratâ perfruerentur requie, accidit quòd *Turci*, & alii qui in ciuitate erant infideles cum vxoribus & liberis, seruis & ancillis, & omni supellectile, apertis portis, clam & cum silentio egredientes, urbem deserunt: non enim satis bene cum suis quos receperant hospitibus, poterant conuenire, suspectam habentes eorum cohabitationem. egredi autem eis erat liberum: nam ciuitatis vnam vel duas portas habebant in sua potestate: sed vt cruentam hostibus post se relinquerent victoriam, præmissis sarcinis & impedimentis omnibus, eos quos extra portam reperiunt somno grauatos, penè omnes interficiunt.

XXIII. Mane facto, cum iam se lux adulta infunderet, surgentes qui in ciuitate quieuerant, urbem reperiunt vacuum: & clandestinam admirantes hostium fugam, mœnia perlustrant & aditus, quærentes diligenter, quâ parte fuerint egressi: dumque singula diligenter discutiunt, stragem reperiunt, quam in feruos *CHRISTI*, *Turci* abeuntes exercuerant. Vnde graui dolore percussi, & mœrore consternati debito, in lamenta se dederunt; diuissimæ ab inuicem, secunda classis contra dominum *Balduinum* & Maiores arma corripunt, fratrum eis necem imputâtes & interitum: eo quòd *hospitatis gratiam, quæ ad omnes merito se porrigit indigentes*, viæ consortibus denegassent. vnde facto impetu, in primates suos iustâ indignatione commotus irruit populus: & nisi se in
 turres

turres sublimiores contulissent, satis æquipollente numero stragem exteriorem in suis Maioribus recompensassent. Tandem * turbâ cognitâ, & schismate quod ex iusta causa exortum erat in populo, iam ingrauescēte, sollicitus elaborare cœpit, quomodo sedaretur tumultus, se apud populum excusando. Postquam igitur pace ad tempus impetratâ, & indicto silētio, arma sustinens, quieuit aliquātulum turba pedestris, pro se allegare cœpit, vt se innocentē assereret, iurans & obtestans, quod nō ob aliam causam eos à ciuitate arcuerat, nisi quia neminem se admissurum vsq; ad aduentum Ducis fide promiserat interpositâ. Vnde factum est, quod per quorundam ex nobilibus interuētum, blandis persuasionibus, sed pro tempore & loco necessariis, sedatus ad modicum quieuit populus, ipso plebi reconciliatō. Dumq; ibi sopitis scandalis per dies aliquot in omni tranquillitate sedissent, ecce classis visâ est in pelago, vix tribus miliaribus distans ab vrbe; ad quam ex vtroq; ordine tam equites quam pedites certatim properantes, ad mare descendunt: vbi de littore mutuò sibi colloquentes, cognouerunt per eorundem relationem, quod Christianæ professionis essent homines. Interrogati autem de patria: responderunt, quod à *Fladria, Holandia, Frisonia*: in quibus partibus piraticam annis octo exercuerant; tandem cōpuncti corde, & delictorum suorum pœnitentes, orationis gratiâ, vt ad Hierosolymam proficiscerentur, in hoc mare descenderant. Cognito autem, quod viri fideles essent, eos ad portum inuitant, & datis dextris in osculo pacis susceptos, classe in tuto locatâ, vsque ad Tarsum perduxerunt. Erât autem quidam eorum primicerius *Guinemerus* nomine, de pago Boloniensi, de terra comitis Eustachii, patris domini Godefridi. Hic postquam dominum *Balduinum* cognouit, sciens quia domini sui filius esset, relictâ classe, cum eodem Hierosolymam ire disposuit: erat autē diues admodum, ex illa arte pessima quâ diu exercuerat, factus locupletior; & multos habens in suo obsequio; quos ex parte plurima secum trahēs, eum sequi decreuit. Vnde ordinatâ ex vtriusq; comitatu quingentorum virorum vrbi sufficiente custodiâ, iterum procedere & tentare fortunam disposuerunt. Proficiscentibus ergo illis, & viam regiam non deferentibus contigit peruenire *Mamisfram*, quam paulo antè, vt prædiximus, dominus *Tancredus* violenter occupauerat, & in manu forti detinebat occupatam: quò peruenientes, arbitrati quod in urbem minimè reciperentur, extra in pomœriis hospitati sunt. Tancredus verò audiens, quod *Balduinus* iuxta urbem sua castra locasset, iratus admodum, memor iniuriarū quas ab eodem immeritus pertulerat, infremuit spiritu: & irâ succensus, suos ad arma conuocat, paratus de omnibus quæ ille intulerat, vicem rependere condignam. Præmissis itaq; nonnullis sagittariis, qui eorum equos per pascua dispersos sauciarent; aut secum deducerent comprehensos, ipse subitò cum quingentis loricatis equitibus in eorum castra irruens, antequam possent arma corripere, omnes penè contriuerat. Tandem verò illis arma corripientibus, & ad resistendū paratis, fit conflictus asperior, parte vtraq; decertante proteruius: factumq; est ita, vt confligentibus inter se nithis hostiliter aciebus, plures ceciderint, nonnullis etiam ex vtraque parte retentis. Tandem verò domini Tancredi manus in par viribus & numero, pondus certaminis ferre nō valens diutius, terga dedit fugiens, in urbem se receptura. Erat autem inter urbem prædictam & castra domini Balduini fluuius, super quē pons erat valde angustus: quodum in urbem redire domini Tancredi properaret familia, pontis angustia impedimentum ministrante, interierunt ex vtroq; ordine plures, altis infra urbem se recipientibus. Et fortasse maiora vtrinq; ardentibus odiis passi forēt dispendia, nisi nox conflictum dirimens irruisset. Capti sunt ibi de comitatu domini Tancredi *Richardus de Principatu*, eius cōsanguineus, & *Robertus de Ansa*, viri nobiles & præclari, quorum persuasionibus & stimulis ad prædictam dominus Tancredus conuolauerat ultionem. De familia verò domini Balduini captus est vir præclarus, & nobilis, *Gilleberus de Monte claro*: pro quorum absentia, turbatæ sunt plurimū hinc inde acies, arbitantes quod in hesternis congressionibus vitâ decessissent. Luce demum postera sole oriente restitutâ, de tumescentibus odiis & indignatione aliquantulum mitigatâ, professionis suæ memores, ad cor, respiciente eos diuinâ clementiâ, reuersi sunt: & missâ legatione, rogantes quæ ad pacem sunt, restitutis hinc inde captiuis, & sibi mutuò satisfaciētes, in plenam gratiâ, interueniēte pacis osculo, redierunt.

Inde cum omni illo suorum comitatu dominus *Balduinus* ad maiorem exercitū, xxv.

qui iam *Maresiam*, ut prædiximus, peruenerat, sociis id exigentibus, reuersus est: audierat enim, quanto, quamq; periculoso casu dominus Dux ante Antiochiam Pifidie laborauerat: unde de eius plurimum salute sollicitus, præsens de eius statu plenius volebat edoceri. *Tancredus* verò assumpto sibi populo residuo, qui in classe aduenerat, & ex eo viribus adauctis, vniuersam percurrentes Ciliciam, hostium præsidia, quotquot ibi reperit, expugnat, incendit, hostibus qui in eis reperti sunt, gladio peremptis: perueniensque ad locum cui nomen *Alexandria minor*, violenter expugnatum, nihilominus occupauit, vniuersam regionem sue subiiciens potestati. Audientes verò qui in montibus habitabant, tam Armeniorum quam Turcorum satrapæ, quod prædictus *Tancredus* in manu robusta, & exercitu copioso, vniuersam sibi subiugaret prouinciam, timentes ne forrè ad eos ascendens, eorum quoq; capriuaret populos, subuerteret municipia, missis certatim legationibus, eius sibi satagunt conciliare gratiam, & amicitiam fœderare: unde ut propositum facilius valeret effectui mancipare, missis donis ingentibus in auro, argento, equis, mulis & holosericis, fœdus contrahebant, tanti principis iram & indignationem multâ liberalitate declinantes. Erat itaque vir in cunctis prosperè agens, fuitque Dominus cum eo, & omnia eius opera, tanquam serui fidelis dirigebat.

EXPLICIT LIBER TERTIVS.

20

INCIPIVNT CAPITVLA LIBRI QVARTI.

I. Balduinus Ducis frater ad maiorem reuersus exercitum, instinctu Pancratii iterum assumptâ militiâ, in partem Septentrionalem descendit, & usque ad Euphratem vniuersam occupat regionem.

II. Fama eius longè lateq; diffunditur: à ciuibus Edessanis vocatur: Transito Euphrate, illuc accelerat, insidias in itinere perpeffus: Occurrit ei populus Edessanus, & multâ latitâ in urbem introducit.

III. Dux ciuitatis facti pœnitens, eius successibus inuidet; pœcta rescindere nititur: sed tandè victus à populo, cum fraudulenter adpstat in filium.

IV. Rogatu ciuium Samosatam obsidet. Cines aduersus ducem suum, virum inutilem, cōspirant, recolentes quantas eis intulerat iniurias.

V. Edessani ducem prædictum interficiunt; Balduinum sibi præficiunt in dominum: ipse vero Samosatam prædictam à Balduc, qui ei præerat, multo emit precio.

VI. Sororgiam ciuitatem obsidet. Obseffam violenter occupat, gratiam apud populum suum demerens infinitam.

VII. Directi quidam à maiore exercitu, urbem Artesiam violenter occupant: quo rumore exciti Antiocheni, illuc cum multa properant militia: nostris insidias præstruunt, urbem impugnant; nihil proficientes redeunt, ponte tamen prius communito.

VIII. Maior exercitus Artesiam peruenit: inde præmissis quibusdam, qui prætentarent vias, ad pontem accedunt, & inuitis ho-

stibus fluuium transeunt.

IX. Descriptio urbis Antiochena, & eius dignitatis.

X. In qua prouincia sita est: descriptio quoque situs eius.

XI. Quis erat dominus in ea: & quomodo audito nostrorum aduentu, urbem prius communiuerant, ex vicinis urbibus copiis in ea collectis.

XII. Deliberatio nostrorum principum, & accessus expeditionum ad urbem.

XIII. Disponuntur principes circa urbem stationibus congruis, & urbem vallant obsidione: ciues timore consternantur.

XIV. Nostris super flumen pontem erigunt ligneum, ut liberiùs pabulatum exeant. In castra comitis Tolosani, à ciuibus sunt eruptiones repentinae.

XV. Comes contra eos varia percurrit argumenta: tandem porta obiectis molibus obturatur.

XVI. Nostris pabulatum egressis, hostes occurrerunt, fit conflictus acerrimus: multi ex utroque exercitu cadunt, tum confossi armis, tum submersi flumine.

XVII. Consumptis necessariis, cœpit famines inualescere: populus inopiâ laborare: Plurimarum intemperie putrefieri tentoria: Exercitus deperire.

XVIII. Boamundus & Flandrensis, cum ingenti militia pabulatum exeunt: Cines interrim in castra clam irruunt, nostris damnum & iniuriam irrogantes.

XIX. Qui pabulatum exierant, inuentis hostibus

hostibus & denictis, cum prada redeunt, & spoliis vberibus.

XX. Suenno Danorum regis filius exercitum subsequens, cum suis copiis iuxta urbem Finiminis à Turcis interficitur.

XXI. Tatinus vir subdolan, tanquam vi-
etualium commercia missurus, & Imperatorē
rogaturus, vt subueniat, ab exercitu discedit
non rediturus.

10 XXII. Fame inualeſcente, & lue pestiferā

populum occupante, triduanum ab episcopis in-
dicitur ieiunium. Dux Godefridus plenam
recipit sanitatem, & exercitus de eius salute
consolationem.

XXIII. Exploratorum qui missi erant ab
hostibus importunitas, per quoddam Domini
Boamundi factum memoriale compescitur.

XXIV. Aegyptius Calipha nuncios dirigit
ad principes, fœdus postulans, & eorum gra-
tiam sibi conciliare querens.

EXPLICIUNT CAPITVLA LIBRI QVARTI.

INCIPIT LIBER QVARTVS.

20 **D**VM igitur Tancredus ita in Cilicia viriliter cuncta sibi subiiceret, CAP. I.
& maior exercitus apud Maresiam iam peruenisset, prædictus
Balduinus viso fratre, cuius gratia ad exercitum redierat, eiusque
cognitâ conualeſcentiâ, rursus æstuat; & Tancredi succensus
stimulis, & virtutis eius quæ publicè prædicabatur, æmulus, so-
cios colligit; & rursus egredi & casus experiri recentes propo-
nit. Audientes verò qui ab eo super hoc sollicitabantur, quantâ
aduersus dominum Tancredum apud Tarsum Ciliciæ, de maiore confusus comi-
tatu, intumuisse malitiâ, cum eo proficisci verebantur: abominabilis enim factus
erat penè omnibus, illâ eius culpâ id exigente. Et nisi Domini ducis obstitisset reue-
rentiâ, Boamundus & sui impunitam non reliquissent, quam Tancredo intulerat in-
iuriam. Vnde factum est, vt paucos inueniret illius viæ cōsortes. Super quo à fratre,
seruo DEI, correptus grauiter, reatum cum omni humilitate recognoscens, & con-
30 dignam nobili viro pro commisso satisfactionem promittens; & quoniâ præter mo-
rem, & alterius magis suggestionem, quàm de proprio motu deliquerat, indulgentiâ
consecutus est, & omnium sibi reconciliauit gratiam. Erat enim vir aliàs per omnia
commendabilis, nec auditus fuit amplius sermo huiusmodi de illo. Porro huic eidē
familiaris erat quidam nobilis Armenius, Pancratius nomine, quem à carcere domi-
ni Imperatoris elapsū, apud Niceam sibi fecerat familiarem, viæq; consortē sem-
per habuerat: erat autem idem vir in armis strenuus; sed peruersæ fidei, & subdolan
nimis. Hic dominum Balduinum horis penè singulis sollicitabat instatiū, vt assum-
ptâ militiâ, secum proficisceretur in regionem, quam cum paucis posset occupare
facilius. Tandē verò associatis sibi ducentis equitibus, & populo non modico, duce
40 prædicto Pancratio, in partem Septentrionalem proficiscens, ingressus est regionē
opulentissimam. Erant autem prædictæ regionis habitatores Christianæ professio-
nis, & veri DEI cultores, exceptis paucis, qui in præſidiis morabantur, fidelē popu-
lum, & quibus inhibitum erat militare, pro arbitrio tractâtes. Ingressus igitur regio-
nem, Christianis locorū cultoribus, infidelium abhorrentibus principatum, & eidē
præſidia tradentibus, infra paucos dies vsq; ad Euphratē fluuium magnum, vniuerſam
obtinuit regionem. Factumq; est nomen eius hostibus circumpositis ita formi-
dabile, vt munita etiam sponte deserentes præſidia, fugam inirent nemine perse-
quente. Fidelibus autē, qui eum receperant, tanta de eius præſentia accessit virtus,
& ex virtute fiducia, vt, sicut legitur in Propheta, *Vnus fugaret decem, & duo decem mil-* Dmt. 34, 36.
50 *lia.* Nec solū vulgus ita mente ei adhærebat; sed qui in partibus illis erant Chri-
stiani principes, cum eodem fœderati, ad propositum cooperantes se, communica-
tis viribus, & impensis deuotē obsequiis exhibebant. Post hæc, diebus aliquot
euolutis, egrediēs fama, magnifici viri nomen & opera longè lateq; per adiacentes
diuulgabat prouincias; strenuitatē, fidem & constantiâ animi prædicans commē-
dabilem. Exiit ergo sermo iste ad ciues Edeſſanos, & vniuerſam eorū, rumore cre-
brescente, impleuit urbem; quod talis tantusque princeps de exercitu Christianorū
aduenerat, qui iugum seruitutis eorum penitus posset dissoluere, & eos restituere

libertati. Vnde tam qui ciuitati præerant, quàm maiores natu, penes quos vniuersa ciuitatis illius residebat autoritas, missâ legatione, literis & viuâ voce, eum ad se fatagunt euocari. Est autem *Edeffa* nobilis Mesopotamiæ metropolis, quæ alio nomine *Rhages* appellatur. Hæc est ciuitas, ad quam *Thobias* senior, iuniorem Thobiam filiū suum misit, ut à Gabelo confanguineo suo decem talenta argenti reposceret, quæ ei dum adhuc esset infantulus, commodauerat. Huius ciues statim post Domini passionem per *Thaddæum* Apostolum, salutarem CHRISTI susceperunt doctrinam: digni inuenti per omnia, & tanti prædicatione Apostoli, & epistolâ Saluatoris, quâ ad *Abgarum* regem eorum rescribens misit, sicut in primo Ecclesiasticæ historiæ, quam *Eusebius* Cæsariensis scripsit, reperitur. In qua, sicut ab initio & ætemporibus 10 Apostolorum susceperant, fidei synceritate perseverantes, infidelium iugum catenus patiebantur, quod eis tributa & vectigalia annuatim cogeantur exsoluere; vineas quoque & agros, & quælibet prædia exterius posita, penè continuis exactio- nibus compellebantur redimere. Infra tamē urbem nemo nisi fidelis habitare præsumebat. Hæc enim sola inter omnes illius regionis vrbes, in sua manens ingenuitate illibata ab infidelibus, qui circumpositas iam pridem occupauerat prouincias, nec subiugata fuerat, nec alterius professionis quempiam pertulerat habitatorem: sed exterius in urbibus finitimis & præfidiis confinibus habitantes, tantas prædictis ciuibus inferebant molestias, ut egredi urbem non liceret, nec sua exterius procurare negotia. Huic autem urbi præerat quidam natione Græcus, multo confectus 20 senio, utriusque sexus liberis carens, qui ab eo tempore, quo vniuersa prouincia Constantinopolitano subiecta erat imperio, missus ad eandem urbem, præses fuerat: & Turcis superuenientibus antequam præsidatus sui tempus esset euolutum, de necessitate moram facere compulsus, iurisdictionem continuauerat suam; nec ipso ad propria redire valente, nec populo ab administratione eum cedere compellente. Erat tamen prælatus inutilis, à subditis non valens propulsare molestias, aut quietem aliquam procurare. Conuenientes ergo ciues adinuicem, cum eius tamē conscientia & bona voluntate, legatos, ut prædiximus, ut suis remedium aliquod adhiberet molestiis, ad dominum *Balduinum* dirigunt. Qui populi & Maiorum intellectu postulatione, habito cum suis cōsilio, acquieuit; & ad iter se accingens, cum 30 octoginta tantum equitibus Euphratem transiit, reliquos de comitatu suo per arces & municipia quæ sibi contulerat Dominus, citra Euphratem ad custodiam derelinquens. Porro *Turci* qui trans Euphratem habitabant, præcognito eius aduentu, ei parauerant insidias: erat autem in itinere oppidum, cui præerat quidam Armenius, in quod, ut prætentas sibi declinare posset insidias, se contulit, à domino loci benignè & hospitaliter susceptus. Cum autem ibi per duos quieuisset dies, non ausus procedere, Turci qui per biduum illic latuerant in insidiis, moram fastidientes longiorem, ante prædictum oppidum erectis vexillis, cum turmis validioribus subito astiterunt, prædam quam in pascuis adiacentibus reppererunt, violentè abducētes. Nostri autem quoniam impares & numero erant & viribus, ad eos egredi non 40 præsumentes, infra oppidum se cohibebant. Tandem die tertiâ abeuntibus illis, & reuersis ad propria, Balduinus inceptum iter peragens, Edeffam peruenit: ubi à prædicto ciuitatis duce, occurrente ei vniuerso clero & populo, cum tubis & tympanis, cum hymnis quoque & canticis spiritualibus, & multo præuentus honore, & omnium gratia susceptus est. At verò dux qui eum citari fecerat, apud se tacitus considerans honorem & gratiam, quam aduenienti populus exhibuerat, inuidere cœpit, & à pactorum tenore quæ prius proposuerat, resilire. Cum enim ad hoc eum euocasset, ut vniuersorum bonorum, vectigalium & tributorum, quæ ciuitas habebat, eum in vita sua decreuisset ex æquo fore participem, & post eius obitum cuncta ex integro possessurum, mutato proposito, cœpit offerre: *Quod si urbi & ciui-* 50 *bus suis vellet contra Turcorum importunitates ministrare subsidium, & arcere violentiam, ipse iuxta boni viri arbitrium, honestam annuatim laboris recompensationem designaret.* Quod dominus *Balduinus* omnino respuens, ut tanquam gregarius aliquis apud eum stipendia mereret, ad feditum se parabat: cum ecce ciues, eo cognito, ad eundem ducem properant, monentes & instantes attentius, quatenus tantum principem tamque eorum libertati necessarium, nullatenus abire patiatur; sed iuxta priorem tenorem pactorum eum sibi obliget, ut de cætero tam ipse quam vniuersa ciuitas optatâ quiete

- quiete perfruatur. Videns autem dux vnanimem plebis & Maiorum instantiam, & feruorem dilectionis quam erga eum conceperant, reniti, & eorum obuiare postulationibus periculofum ducens, inuitus licet, & suspectum eius habens introitum, tamen assensum præstitit; & sub quodam colore, cumulatæ recompensationis, eo in filium adoptato, præsentibus ciuibus, quamdiu viueret, omnium bonorum ex æquo, solenniter contulit participium; & post eius obitum, ex integro successionē. Gauisus est autem populus, libertatis suæ omnimodam in eo spem habentes. Ab ea igitur die, de domini Balduini protectione præsumentes, iniurias quas à duce perpessi fuerant, solito liberiùs reuocantes, ad animum, propositum habebant ultù iri,
- 10 si quando locus daretur & tempus opportunum: quod postmodum rei subsequens exitus euidentissimè declarauit. Erat autē iuxta eos antiquissima ciuitas, & munita supra modū, *Samosatū* nomine: cui præerat vir infidelis, natione Turcus, *Baldue* nomine, in armis strenuus, sed subdolos & nequam. Hic prædictos ciues multis afficiebat molestiis, tributa & agrorum vectigalia, & angarias multiplices eis ingeminans; & pro his omnibus eorum liberos habebat obfides, quibus nullam impendēs humanitatem, in luto & latere sibi seruire compellebat. Pro quibus molestiis ciues vniuersi ad domini *Balduini* prouoluti genua, orant vnanimiter, & cum lachrymis implorare saragunt, quatenus ab illius vexatione eos protegere dignetur; & ita efficere, vt liberos suos, qui ab eo detinebantur inuiti, possent recipere. Ille autem
- 20 eorum hanc primam postulationem volens exaudire benigniùs, & per hoc sibi populi gratiam ampliorem promereri, conuocato populo, & armis communito, ad locum prædictum in manu robusta peruenit: vbi cum per dies aliquot frequentibus congressionibus, & multā instantiā urbem impugnasset, Turcis qui intrus erant strenuè resistentibus, & de loci præsumentibus munitione, videns quod non proficeret, relictis militibus septuaginta, in loco vicino & munito aliquantulum, qui Samosatensis sine intermissione requiem negarent, & continuas molirentur insidias, ipse Edeſſam reuersus est. Videntes autem ciues, quod esset dominus Balduinus vir strenuus, & in cunctis prosperè agens: & indignum reputantes, quod quī dignus erat, tanquam liberator urbis, & quietis fundator, vniuersa possidere, & pro
- 30 arbitrio cuncta disponere, parem haberet in ciuitate virum inutilem: accito *Constantino* nobili & potente viro, qui in montibus vicinis munitissima habebat præsidia, de communi proponunt consilio, vt duce eorum interempto, dominum Balduinum sibi ducem constituent, & principem singularem. Ciues enim, eius meritis exigentibus, oderant illum: multis enim calumniis eos dicebatur affligere, aurum & argentum & quælibet præciosa ab eis violenter extorquens; cui si quis tentabat resistere, eidem statim, data pecunia, Turcorum suscitabat inimicitias & odium: ita vt non solum vineis & hortis & satis succendendis, gregibus quoque & armentis abducendis timerent; verum & de vita periclitarentur sæpius. Conuenientes igitur ad inuicem, horum malorum memores, & videntes quod maior
- 40 ad diu desideratam libertatem obtinendam, per hospitem susceptum pateret via, ex condito ad arma conuolant; & turrin in qua domicilium habebat, multā impugnant instantiā, proteruā animositate diruere satagentes. Videns autem plebis feruorem, & pro meritis aduersus se indignationem conceptam, accito domino Balduino, pro vita sollicitus, rogat, vt effusis thesauris, pro eius salute ad populum intercedat. Ille autem, cum bona fide ciuium ab eo vellet propulsare iniurias, & ab illo proposito cohibere, videns quod non proficeret, sed magis & magis irritaretur populus; reuersus ad ducem, monet & hortatur attentius, quatenus quocunque modo vitæ consulat & salutē. Ille autem desperati morē, *querens remedium ubi non erat*, per fenestram fune demisso, seipsum etiam deponebat: vbi antequam
- 50 ad terram perueniret, mille sagittis confossus interiit. Quem defunctum & exanimem per plateam trahentes, amputato capite, vix aduersus eum conceptam indignationem expleuerunt. Die verò alterā dominum *Balduinum* inuitum & renitentem, sibi præfecerunt in dominum, exhibitis corporaliter de conseruanda fidelitate iuramentis: & introducētes eum sollempniter, & cum omni gloria in præsidium ciuitatis, vniuersos thesauros, & infinitas, quas ille à multis retro temporibus congregauerat, ei tradunt diuitias, vniuersa in tranquillo constituta ciuitate. Baldue vero, quem Samosatensæ præesse ciuitati dixeramus, videns quod Balduinus

- de die in diem proficiens, vniuersam sibi subiugabat regionem, prædictam ciuitatem sub precio decem milium aureorum venalem obtulit. Dominus verò Balduinus post multam deliberationem, videns loci munimen, & quod non facile viribus poterat superari, datâ infinitâ pecuniâ, urbem & ciuium obsides, cum multa gloria suscepit. Hic primum tantam ciuium Edeffanorum in se conciliauit gratiam, ut iam non solum dominum, sed & patrem eum haberent, parati pro eius incolumitate & gloria usque ad mortem decertare.
- VI. Erat in eadem prouincia ciuitas, *Sororgia* nomine, infidelibus eodem modo referta habitatoribus, Edeffanis in vicino constituta, cui præerat quidam Turcorum satrapa, *Balac* nomine. Hic etiam prædictis ciuibus, multas inferebat iniurias, & continuis vexabat molestiis: pro quo etiam domino Balduino supplicantes Edeffani, facile obtinent, ut congregato exercitu, urbem prædictam obsideret. Vnde factum est, ut statuta die illuc proficiscens, desiderium populi manciparet effectui, ciuitatem obsidens. Locatis autem in gyrum castris, & machinis congruâ prouisione dispositis, urbem animosius cœpit impugnare. Videntes autem ciues viri constantiam, & de viribus diffidentes, nimiam concussi formidine, missâ ad eum legatione, pacem impetrant eâ conditione, ut vrbe resignatâ, vita eis & incolumitas conseruetur. Susceptâ autem ciuitate, & eius præsidio relictis de suo comitatu ad eius custodiam sufficientibus, præfectoque vno ex illis, qui eius ibidem procuraret negotia, ciuibus quoque annuatim præstando imposito tributo, Edeffam cum ingenti gloria reuersus est. Factumque est, ut per huius vr-
bis impugnationem, liber ab Antiochia usque Edeffam transire volentibus, pateret comiteus. In medio enim itinere, inter prædictam urbem & Euphratem constituta, transire volentibus, præstabat prius impedimentum. His ergo dictis de domino Balduino, ad ea quæ restant de maiore exercitu dicenda, redeamus.
- VII. Interea dum circa partes Edeffanas trans Euphratem dominus ita desudat Balduinus, maior exercitus, ut præmissum est, per abrupta montium & vallium deuexa, *Maresiam* usque peruenerat. Erat autem prædicta ciuitas Christianos habens habitatores, paucis exceptis qui in præsidio ciuitatis morabantur, cæteros pro libero detractantes arbitrio. Hi verò audito nostrorum aduentu, perterriti, clam aufugerant, urbem solis fidelibus relinquentes: Ad quam postquam Deo deuotus peruenit exercitus, ante vrbis mœnia, in pascuis virentibus castrametati sunt, violentiam inferri ciuibus omnino prohibentes. Vnde factum est ut rerum venalium illic, cum omni tranquillitate, ministrata sit abundantia. Compertum autem habentes, ex indigenarum relatione fideli, quod in proximo alia quædam esset ciuitas, bonis redundans omnibus, & cæteris multo fertilior, quæ à Turcis detinebatur, nomine *Artasia*: illuc cum omni celeritate de communi consilio *Comes Flandrensum Robertus*, assumptis sibi quibusdam nobilibus, *Roberto* videlicet de *Roseto*, & *Goscelone* filio Cononis Comitis de Monte acuto, cum mille loricatis proficiscitur: quò perueniens, protinus eam obsidione vallat. Turci autem de loci munimine præsumentes, vrbe relictâ, in præsidium se contulerunt. At verò Armenii, & alii fideles eiusdem vr-
bis habitatores, comperientes quod hi qui in tanto armorum fulgore aduenerant, de exercitu essent, quem diu, & cum multo expectauerant desiderio, in spem libertatis erecti, arma corripunt: & in Turcos, qui eos violentâ dominatione per multa oppresserant tempora, gladios conuertunt. Factumque est, ut subito perimentes vniuersos, eorum capita exterius proiicerent; & portis apertis fideles qui exterius erant, intra urbem deuotissime inuitarent ad hospitium; & plenis hospitalitatis legibus, eis & equis eorum necessaria ministrarent. Est autem hæc ciuitas, quæ alio nomine *Calquis* appellatur, quæ sicut prædicta *Maresia* vna de suffraganeis vr-
bibus, quæ ad *thronum Antiochenum* subiectionis habent respectum. Distat autem ab Antiochena miliaribus quindecim. Hæc ergo fama longè lateque per regionem diffusa, ciues
Antiochenos exciuit, ut arma corriperent; & in perniciem illorum qui ad Artasiam conuenerant, & eius ciues occidendo urbem occupauerant, accingerentur. Electi ergo de his qui apud Antiochiam ad tutelam eiusdem vr-
bis conuenerant, quasi ad decem milia, illuc sub omni festinatione contendunt. Ad quem cum approxima-
rent locum, præmissis armaturæ levis equitibus triginta, qui equos habebant velocissimos, reliqui in loco occulto ad insidias derelicti remanserunt. Hi ergo qui præmissi sunt, quasi excursoræ, ut nostros ad insectandum incautiùs inuitarent, ante
urbem

urbem Artasiam cœperunt liberè nimis, quasi prædas abacturi, discurrere. Nostri autem qui in vrbe erant, eorum ferre non valentes superbiam, & liberos nimis excursus, certatim ad arma conuolant; & eos insectantes incautè aliquantulum, super eas quas studiosè locauerant insidias, descenderunt: qui de latebris egredientes, nostros ab vrbe laborabant excludere, ne ad eam confugientes, contra irruentes maiores copias possent inuenire refugium. Nostri tamen auctore Domino, eos à se viriliter repellentes, sani & incolumes, cum omni suo comitatu infra prædictam urbem se receperunt. Videntes autem, quòd non erat opus facile vt ciuitatem ita subito sibi vendicarent, apponunt eam obsidione vallare. Cumque per diem integrum urbem expugnassent, & illis qui intus erant resistentibus viriliter, non proficerent; audientes etiam quod maior appropinquaret exercitus, cuius periculosum erat nimis aduentum expectare, saniore ducti consilio, Antiochiam reuersi sunt: ponte tamen, qui medius erat, militibus communito. Comes igitur cum his qui secum erant, urbem quam ei contulerat Dominus, vsque ad aduentum maioris exercitus sollicitus cōseruabat. Sed interim egregiæ indolis adolescens prædictus, *Goscelo* domini Cononis comitis de Monte acuto filius, validâ correptus ægritudine, vitâ decessit: ibidem cum honestis exequiis traditus sepulturæ. Vix circa auroram, VIII. Turci qui ab Antiochia venerant, discesserant ab Artasia, cum ecce nunciatur, maiorem exercitum eiusdem ciuitatis fines ingressum, non longè ab vrbe castra locasse. Dumque pro fratribus qui apud Artasiam obsidionem pati dicebantur, debitam gerunt sollicitudinem, de communi consilio, mille & quingentos in subsidium eorum loricanos dirigunt, præcipientes, vt si ad urbem obsidione solutâ, liberum possent accessum habere, relictis custodibus, qui ad vrbis defensionem sufficere possent, dominus comes *Flandrensis*, & alii nobiles, qui cum eo ibidem erant, ad exercitum redeant. Redierat etiam dominus *Tancredus*, eandem mandati formam suscipiens, à Cilicia, vbi regionem vniuersam suæ mancipauerat ditioni. Reuersi erant & alii nihilominus, qui circumquaque dispersi, variis rapti fuerant studiis: excepto domino *Baldvino* Ducis fratre, qui circa partes Edeffanas, de die in diem, præuiâ Domini misericordiâ, magis ac magis proficiebat. Sic igitur reintegrato exercitu, & partibus recollectis, quasi lege præcipiunt edictali, vt de cætero, nemo, nisi iussus, præsumat ab exercitu separari. Solutis igitur castris versus Antiochiam acies dirigunt, viarum compendia secuti. Et quia fluuius in via medius erat, & super fluuium pontem audierant esse munitissimum, timentes ne exercitus aliquod ibi sustineret impedimentum, dominum *Robertum Normannorum ducem* cum suo comitatu iusserunt præcedere, & prætentare itinera; quatinus si quid difficultatis occurreret, id subsequenter legionibus faceret notum, & Principes super eo redderet doctiores. Præcedebant autem eius exercitû quasi legionum primicerii, vexilla baiulantes, viri nobiles & inclyti, & in vsu armorum commendabiles, dominus *Eurardus de Pusato*, *Rogerus de Barnauilla*. Separatus igitur ab exercitu dominus Comes cum suis cohortibus, & maiores præcedens copias, ad prædictum pontem peruenit. Erat autem pons lapideus, in vtraque fronte turres habens munitissimas ex opere solido, sicut & totus pons erat compositus: in quibus centum viri fortes & in armis strenui, arcus vsum habentes familiarem, & sagittandi peritiam, ad earum custodiam erant deputati, & vt transire volentes à vadis & fluminis accessu violenter arcerent. Aduenerant præterea ab Antiochia equites septingenti, qui in vltiore eiusdem fluminis ripa constituti, vada præoccupauerant, transitum nostris omnino pro viribus inhibitori. Fluuius autem, cui pons superpositus est prædictus, *Orontes* appellatur, verbo vulgari *Fer* dictus, qui ab eo loco secus Antiochiam defluens, inde ad mare descendit. De hoc quidam somnare solent, quod sit *Farfar* Damasci fluuius: sed compertum habemus, quod errore trahuntur, qui hoc asserunt. *Farfar* enim & *Albana* à Libano trahentes originem, per agrû Damascenum secus ipsam urbem defluentes, in Orientem properant, vbi in arenosa solitudine deficere dicuntur: *Orontes* verò secus *Heliopolim*, quæ alio nomine appellatur *Malbec*, primum habens exordium, per Cæsaream & prædictam Antiochiam in mare descendit Mediterraneum. Perueniens igitur ad pontem *Normannorum Comes*, cum suis expeditionibus transire prohibitus est, tum ab his qui in turribus erant super pontem, tum ab his etiam, qui fluminis vltiorem occupauerant ripam: factus est itaque

ibidem conflictus asperrimus, dum & nostri violenter fluuium transire nituntur; & hostes transire volentibus omnino contradicere, & à vadis arcere, sagittarum immissa grandine moliuntur. Dumque in hoc utrinque desudarent atrocius, ecce maior aduentabat exercitus. Cognitoque quod circa pontem Comes & qui cum eo præcesserant, bello derinebantur occupati, iter accelerant, ut laborantibus sociis opem ferant, & exclusis hostibus transitum sibi præparent expeditum. Postquam ergo vniuersæ aduenerunt legiones, voce præconiâ & lituis comoniti, arma corripunt, & totis viribus insistentes, pontem, hostibus in fugam versis, violenter occupant. Alii verò qui secus pontem propter locorum angustiam pugnare non poterant, ut interim otiosi non torpescerent, vado reperto fluuium exuperantes, ripam vltiorem, exclusis hostibus, liberam possident. Translato igitur vniuerso exercitu cum curribus & vehiculis & impedimentorum vniuerso genere, citra flumina, sex aut quinque ab vrbe distantes miliaribus, in locis pascuis & late virentibus castrametati sunt. Die verò sequenti iterum procedentes, inter montes & fluuium, viam secuti regiam; ante urbem infra miliare vnum castra locauerunt. Est autem *Antiochia* ciuitas gloriosa & nobilis, tertium, vel potius secundum (nam de hoc maxima quæstio est) post urbem Romam dignitatis gradum sortita: omnium prouinciarum quas tractus continet Orientalis, princeps & moderatrix. Hæc præcis temporibus dicta est *Reblata*, ad quam *Sedechias* rex Iuda cum filiis ante Nabucodonosor Babyloniæ regem deductus est; ubi in patris præsentia filios eius occidi præcepit, & ipsum consequenter oculis priuari. Hanc, post mortem Alexandri Macedonis, *Antiochus*, qui post eum regni eius partem obtinuit, turribus & muro validissimo circumdatam, & in statum reparatam meliorem, de nomine suo vocari præcepit Antiochiam, regni sui caput constituens, & in ea sibi & successoribus eius, in perpetuum, domicilium ordinans familiare. In hac Apostolorum princeps, cathedram obtinuit sacerdotalem, & pontificali primus functus est dignitate: viro venerabili *Theophilo*, qui erat in eadem ciuitate potentissimus, in proprio domate basilicam dedicante. Cui *Lucas*, ex eadem vrbe trahens originem, tam Euangelium suum, quam Actus scribit Apostolorum, qui etiam beato *Petro*, septimus in ordine Pontificum, in eadem Ecclesia successit. In hac etiam primus fidelium habitus est conuentus, in quo & Christianorum nomen dedicatum est. Prius enim, qui *CHRISTI* sequebantur doctrinam, *Nazareni* dicebantur: postmodum verò, a *CHRISTO* deducto nomine, autoritate illius Synodi, *Christiani* dicti sunt fideles vniuersi. Vnde &, quia gratis & sine difficultate prædicantem suscepit Apostolum, ad *CHRISTI* fidem vnanimiter conuersa; & nomen, quod sicut unguentum effusum, longè lateq; redolet, prima inuenit & docuit, nomen ei designatum est nouum, & *Theopolis* est appellata: ut quæ prius hominis nequam & impii nomen pertulerat, eius qui eam ad fidem vocauerat, domicilium & ciuitas deinceps appellaretur, super hoc condignam recipiens à Domino retributionem: Vt quæ prioris erroris inagistra, multis sub se positis regionibus imperauerat, postmodum in via Domini, & honesta morum disciplina, eandem haberet nihilominus suffraganeas. Viginti enim prouincias in sua iurisdictione eiusdem, *Deo* amabilis, ciuitatis dicitur habere Patriarcha: quarum quatuordecim, singulos habent metropolitas, cum suis suffraganeis: sex verò reliquæ, sub duobus primatibus, qui vulgari appellatione dicuntur *Catholici*, quorum alter est *Aniensis*, alter verò *Hirinopolitanus*, qui est *Baldacensis*; cum eorum suffraganeis disponuntur. Quæ omnes vno nomine, *Oriens* videlicet, nuncupantur, sicut ex synodo Constantinopolitana colligitur, quæ sic habet: *Orientis autem Episcopi, solius Orientis curam gerant: seruat honor primatus Ecclesie Antiochena, qui in regulis Nicenæ synodi continetur.* Sita est autem in prouincia, cui nomen *Syriaceles*, quæ maioris Syria pars esse dignoscitur: cominodissimam & amœnam habens positionem. Protenditur vallibus, agrum habens optimum, & glebam vberem, riuis & fontibus tota pene irrigua, amœnitate singularis, inter medium montium ab Oriente in partes decliuis occiduas: longitudinem habens quasi ad miliaria quadraginta; latitudinem verò, pro diuersitate locorum, sex vel quatuor. In superiore sui parte lacum ex adiacentibus collectum fontibus habens, piscosum maximè, à fluuiio, qui

qui vallem percurrit ad mare secus urbem defluens, spacio vnus distans miliarii: vnde riuus egreditur, qui postmodum in eundem fluuium inferius circa urbem deriuatur. Montes verò, qui eam ex latere vallant vtroque, etsi sublimes sint valde, tamen dulces & perspicuas emanant aquas; & vsque ad suprema culmina, in cliuis & lateribus suis, agriculturæ præbent habilitatem præcipuam. Quorum qui ab Austro est, sicut & fluuius, qui eandem urbem præterlabitur, *Orontes* dicitur, teste *Hieronymo*, qui Antiochiam inter Orontem fluuium, & Orontem promontorium dicit consistere: cuius pars inferius secus mare in immensam se porrigens altitudinem, nomen sibi vendicat speciale, & vulgari appellatione dicitur mons *Parlier*: hunc quidam *Parnassum* reputant, Baccho dedicatum & Apollini; quorum opinioni suffragari videtur *fons Daphnidis*, quem quidam *Castalium* reputant, iuxta veterum tenorem fabularum, Musis sacrum, & gymnasiis celebrem philosophorum: qui ad radices eiusdem montis, in eo loco qui dicitur *Scala Boamundi*, iuxta urbem prædictam habere dicitur exordium. Sed à vero secus est hæc opinio. Nam Aoniæ regionis, quæ pars est Theßaliæ, *Parnassum* constat esse promontorium; secundum quod *Naso* in primo *Metamorph.* describit ita:

*Separat Aonios Actais Phocis ab aruis
Terra ferax, dum terra fuit; sed tempore in illo
Pars maris, & latus subitarum campus aquarum.
Mons ibi verticibus petit arduus astra duobus,
Nomine Parnassus, superatq; cacumine nubes.*

Hic autem iuxta *Solinum*, *Cassius* appellatur, de quo in *Polyhistoris* sui capitulo quadragesimo primo, sic ait: *Iuxta Seleuciam Cassius mons est, Antiochia proximus; cuius è vertice vigiliâ noctis adhuc quartâ, globus solis conspicitur, & breui corporis circumactû, radiis caliginem dissipantibus, illinc nox, illinc dies cernitur.* Sed ne te Seleuciæ nomen decipiat æquiuocum, noueris duas esse vrbes, quarum vtraque dicitur *Seleucia*. Prima, quæ *Isauriæ* metropolis est, quæ ab Antiochia plus quàm dierum quinque distat itinere: & altera quæ Antiochiæ proxima, vix ab ea miliaribus distat decem, iuxta fauces Orontis fluminis; qui locus hodie *Portus Sancti Simeonis* dicitur.

30 Fons autem supradictus, *Daphnis* dicitur, & *Castalius*, vbi fanum fuisse dicitur Apollini dedicatum: quod gentilis superstitio frequentare consueuerat, vt inde reportaret oracula, & super ambiguis quæstionibus responsa. Quem locum *Iulianus* apostata, postquam à *CHRISTO*, & à pietatis doctrina desciuit, dum in partibus Antiochenis moram faceret, ad Persas iturus, vt Apollinem super eo facto consuleret, adibat frequens; secundum quod *Theodoritus* in trigesimo primo capitulo *Tripartitæ* historiæ asserit ita: *Cum igitur Iulianus apud Pythonem Daphneum responsa peteret, de Parthici belli victoria; & ille de vicinitate corporis Babylæ martyris eum accusaret, iussit eius corpus auferri.* Idipsum etiam euidentius aliquantulum in decimo *Ecclesiasticæ* historiæ dicitur, hoc modo: *Dedit & aliud Iulianus recordiæ suæ ac leuitatis indicium. nam cum Daphnis, in suburbano Antiochiæ iuxta fontem Castalium litaret Apollini, & nulla quæ quærebat responsa reciperet; causasq; silentii percunctaretur à sacerdotibus Demoni: aiunt, Babylæ martyris sepulchrum propè assistere, & ideo responsa non reddi.* Quia licet fons prædictus dicatur Castalius, non tamen intelligendus est esse ille Castalius, qui alio nomine *Pegaseus*, *Caballinus*, & *Aganippe* dicitur: ille enim in prædicta esse legitur Aonia, iuxta verbum *Solini*, quod sic se habet: *Thebis Helicon locus est, Cytheron saltus, amnis Ismenus, fontes Arethusa & Hypodia, Salmace, Dirce; sed ante alios Aganippe & Hippocrene.* Quos quoniam *literarum primus repertor, equestri ordinatione deprehendit, dum rimatur quæ nam insideret loca, incensa est licentia poetarum, vt utrumque pariter disseminaret, & quod aperta foret alitis equi ungula; & quod potus, inspiratione faceret literaturam.* Qui verò à Septentrione, verbo vulgari & consueto *Montana nigra* dicitur; mons videtur pinguis & vber fontibus, & riuis irriguus, in syluis & pascuis multas suis habitatoribus præbens commoditates: vbi & priscis temporibus multa traduntur fuisse virorum religiosorum monasteria; & vsque in præsens, *DEVM* timentium loca plura fouet & nutrit venerabilia. Per medium autem huius vallis, fluuius, de quo supra fecimus mentionem, fluenta deducit vsque ad mare. In eum tamen montem qui ab Austro est magis vicinus & procliuior, inter montem & fluuium ciuitas constituta est; ita vt à sublimioribus montis partibus muri

fumentes initium, per deuexum montis vsque ad flumen deducti, maximum infra se spacium, tam de montis decliuo latere, quàm de plano, quod à radice montis vsque ad fluuium protenditur, ambientes. Clauduntur autem infra muri ambitum, miræ celsitudinis montes duo; in quorum alterius vertice, qui videtur eminentior, situm est præsidium munitissimum, & insuperabile: qui duo ab inuicem profundissimâ, sed angustâ separantur valle, per quam torrens demissus à montibus, ingreditur, & urbem per mediam defluens, multas ciuibus præstat commoditates. Sunt præterea in eadem ciuitate fontes nonnulli, inter quos præcipuus est, qui in porta Orientali est, quæ dicitur *Sancti Pauli*: sed & fons Daphnidis, ab vrbe tribus aut quatuor distans miliaribus, formulis & aquæductu artificialiter immissus, in 10 locis pluribus multo argumento aquas ministrat horis constitutis. Sunt autem tam qui in montibus, quàm qui in deuexo, quàm qui in planicie ex opere solidissimo muri, densi plurimum, & proportionabilem habentes altitudinem, turribus frequentibus, & ad defensionem aptissimis, æquis spaciis circumsepti. In parte autem Occidentali inferius, circa partes ciuitatis nouissimas, ita mœnibus & monti fit vicinus fluuius, ut pons quo transitur, portæ ciuitatis & muro continetur. Longitudinem autem ciuitatis quidam ad duo, quidam verò ad tria reputant miliaria. Distat autem à mari miliaribus decem, aut duodecim. Huius autem tam egregiæ ciuitatis dominus erat quidam, *Acxianus* nomine, natione Turcus, qui de familia fuerat magni & potentissimi principis Soldani Persarum, de quo superius fecimus mentionem, *Belfetoh* videlicet, qui vniuersas illas prouincias suo violenter subiugauerat imperio: tandem verò subactis populis & nationibus, volens ad propria redire, nepotibus suis ac vernaculis, vniuersas quas sibi vendicauerat, distribuit prouincias, ut tantorum beneficiorum memores, perpetuo sibi fidelitatis nexu tenerentur obligati. In qua distributione, *Solimanno* eius nepoti, ut prædiximus, *Nicea* cum adiacentibus prouinciis collata est. Cuidam verò alteri eius nepoti, *Ducac* nomine, urbem contulit *Damascenam* cum vrbibus suffraganeis & adiacentibus regionibus: quorum vtrique *Soldanatus* & nomen contulit & dignitatem: *Solimanno*, quia cum Græcis limitans, Imperii Constantinopolitani, perpetua, & sine intermissione patiebatur certamina; *Ducac* verò, cum *Ægyptiis*, 30 quorum prædicto Soldano suspectum erat incrementum, & vires formidabiles, iugem & penè continuum habebat conflictum, & guerram pertinacem. Cuidam verò seruo eius, *Assungur* nomine, qui fuit Sanguini pater, & auus *Noradini*, famosissimam contulit ciuitatem *Alapiam*. Huic quoque, de quo sermo est in præsentem, *Acxiano*, urbem eadem liberalitate concessit *Antiochenam*, cum finibus modicis. Nam vsque *Laodiciam* *Syriæ*, *Calipha* *Ægyptius* vniuersas possidebat regiones. Hic ergò, audiens quod tantus fidelium Principum adueniret exercitus, missis frequentibus nunciis, & viuâ voce & epistolarum officio, omnes Principes vniuersi sollicitabat Orientis; maximè autem & *Calipham* *Baldacensem*, & eximium & cæteris omnibus potentiorum *Soldanum* *Persarum*. Erat 40 quæ ei satis facile, & in expedito, persuadere quod postulabat. nam de nostrorum aduentu erant multò ante præmoniti: de quorum numerositate & virtute insuperabili *Solimannus*, qui ipso rerum experimento & fide oculatâ conspexerat, eos reddiderat fidâ relatione doctiores. Instat ergò vterque multâ precum instantiâ, & profusis opem postulant lachrymis: hic, ut illatam vlcersi possit iniuriam; ille verò, ut patriam ab eorum possit impugnatione tutam reddere, & eorum à se propulsare violentiam. Promittunt igitur illi manus, & subsidium pollicentur imploratum: quod postmodum, sicut res ipsa docuit, fideli interpretatione impleuerunt. *Acxianus* tamen interea de nostrorum aduentu sollicitus, quantâ potest diligentiam, ex adiacentibus prouinciis, & finitimis vrbibus vires corrogat 50 & inducit; & obsidionem de die in diem præstolans, victus & alimentorum colligit copias, arma congregat: materiam ad contexendas varii generis machinas, ferrum, chalybem, & cætera quæ in huiusmodi solent vsum præstare necessarium, ardentibus studiis ciues hortatur inducere; qui certatim pro statu publico & vrbis tutela solliciti, quantâ possunt, insistent diligentiam, ut nulla eis desit rerum, quæ ciuibus obsessis solent ministrare solatium. Circumeuntes itaque regionem, suburbana spoliunt; frumentum, vinum, oleum, & cætera vitæ necessaria, greges

greges quoq; & armenta inde secum trahentes, urbem necessariis cumulant: contra aduenientium importunitatem hostium, multâ prouidentia, & labore non paruo, se communientes. Conuenerant autem de vniuersis regionibus, quos idem exercitus pertransierat, multi nobiles & magni viri, ante faciem nostrorum fugientes, qui ob loci munimen & robur, quod videbatur insuperabile sine alicuius uocatione, solâ spe obtinendæ salutis, in eandem urbem se contulerant. Vnde ampliato numero, dicebantur in ciuitate esse tam ex ciuibus, quàm ex congregatis auxiliis, equitum sex vel septem millia; peditum autem ad pugnam expeditorum copiar, quindecim aut viginti millium summam dicebantur excedere. Videntes ergo XII.

- 10 nostri ciuitatem in vicino constitutam, antequam ad ciuitatem accederent, conuenerunt adinuicem, super instanti facto deliberationem habituri. Erant enim de Principibus nonnulli, qui propter instantem hyemem, urbis differre obsidionem, usque ad veris initium periuadere conabantur; allegantes, *quod exercitus per vrbes & castella diuisus erat, qui non facîle ante veris initium posset reuocari.* Dicebatur præterea, *quod Imperator Constantinopolitanus eis infinitas mitteret copias in subsidium; & quod etiam de partibus Transalpinis recens iterum adueniret exercitus: quorum utrumque oportere expectare, ut multiplicatis viribus, facilius possent obtinere propositum.* Interim verò per partes diuisum, per loca opulentiora hyemandi gratia dirigendum exercitum, ut vere redeunte, & reparatis viribus, & equis pabulo refocillatis, fortiores iterum ad debita possent opera consurgere. Aliis verò longè videbatur expedientiùs, ut statim & subito urbs obsidione vallaretur, ne datis induciis eam ciues communitate possent diligentius; & vocati ad eorum subsidium, colligendi maiores copias, ferias haberent ampliores. In hac igitur tanta deliberatione ea pars obtinuit, quæ operi protinus insistendum, moram esse periculofam, & expeditionis vires non esse abinuicem separandas allegabant. Placuit igitur de communi consilio, ut ad urbem vnanimiter accederent, & eam vallarent obsidione: vnde factum est, ut solutis castris, vrbi appropinquantes, mense Octobri, octauâ decimâ die mensis, ante urbem consisterent, castrametati. Et licet nostrorum qui gladium poterant educere, ad trecenta millia diceretur numerus, exceptis mulieribus & paruulis, tamen ciuitatem non potuerunt vndique castris circumpositis vallare. nam exceptis montibus, qui (ut prædiximus) mœnibus eorum clauderantur, circa quos nec attentatum fuit castra locare, ciuitatis partem, quæ à montis radice usque ad fluuium loco protenditur planiore, non potuit obsidio continuata vniuersam cohibere. In hoc igitur nostrorum aduentu, & castrorum positione; licet cum multo strepitu & cornicinum stridore, equorumque hinnitu, & armorum fragore, & confusa vociferatione, quæ usque ad sidera tolli videretur, noster accederet exercitus; tamen totâ illâ die, & per subsequentes aliquot, tanto silentio conquieuit ciuitas, ut neque ex ea sonus aut strepitus audiretur; & ut meritò crederetur defensoribus vacua, quæ tamen multis tam alimentorum, quàm optimè armatorum copiis militum redundabat. Erant ita- XIII.

- 40 que in ea ciuitatis parte, quæ in plano sita est, portarum aditus quinque. In plaga enim superiore, quæ ad Orientem respicit, erat porta vna, quæ hodie dicitur *Sancti Pauli*; eo quod monasterio eiusdem Apostoli, in cliuo montis posito, sit subiecta. Secunda verò eidem è regione opposita, tantum ab ea distans, quantum in longum ciuitas porrigitur vniuersa, porta est Occidentalis, quæ hodie *S. Georgii* dicitur; eò quòd eiusdem martyris basilicæ sit vicina. In latere autem Septentrionali, tres erant portæ, quæ ad flumen habebant exitum: quarum superior *porta Canis* dicitur, pontem habens ante se, per quem palus, muris contermina transitur: Secunda verò, hodie *porta Ducis* appellatur: quarum vtræque, quasi spacio vnius miliarii distat fluuius. Tertia verò porta, *Pontis* dicitur, eo quod ibi pons est, quo fluuius transi-
50 tur. nam inter prædictam Ducis portam, quæ media est, usque ad hanc, quæ est in eo latere nouissima, ita muris applicatur fluuius, ut de cætero muris continuus, à ciuitate non recedat. Hanc igitur, & eam quæ dicitur *S. Georgii*, quoniam ad vtramque illarum, non nisi flumine transmissò, peruenire poterat exercitus, inobscultas dimiserunt, reliquis tribus superioribus obsidione vallatis. Superiorem igitur dominus *Boamundus* obsedit, cum his qui ab initio eius castra secuti fuerant: circa eum, à parte inferiore, *Robertus comes Normannorum, Flandrensiū co-*

mes Robertus, Stephanus quoque *Blesensium comes*, dominus *Hugo Magnus*: hi à castris domini Boamundi, vsque ad portam Canis, castra cum suis Normannis, Francis, & Britannis continuauerant sua. Circa portam verò eandem dominus *Raimundus comes Tolosanus*, & *Episcopus Podiensis*, cum aliis nobilibus, qui eorum castra secuti fuerant; cumque omni Gualconum, Prouincialium, & Burgundionum infinita multitudine, castra locauerant, vsque ad sequentem portam omne spacium occupantes. Circa verò eandem portam, dux *Godefridus* cum fratre suo *Eustachio*, & *Balduino Hemacorum*, *Rainardo Tullensium*, *Conone de Monte acuto*, comitibus præclaris & illustribus viris, & aliis nobilibus qui ab initio eius castra secuti fuerant, Lotharingis, Frisonibus, Sueuis, Saxonibus, Franconibus & Bauaris, castra locauit sua, reliquas partes, penè vsque ad portam pontis occupans: inter ciuitatem, & ei iam co-
hærentem fluuium, & reliquorum castra principum, quasi in triangulo constitutus. Erant autem in prædicta regione pomeria, quæ nostri succidentes vniuersa, claustra sibi, & equis eorum inde contexebant repagula. Admirabantur itaque qui de turribus & muris per cancellos castra contemplantur ciues, armorum fulgorem, operum diligentem instantiam, hospitandi modum, castrorum positionem, & suspectam tam viribus quàm numero multitudinem; dumque præsentia cum præteritis comparant tempora, præsentem molestiam cum tranquillo qui præcesserat rerum statu conferentes, vxoribus & liberis, paternis quoque laribus, & quod præcipuum est mortalibus, libertati timentes, felices eos reputant, quos
tantis mors amica subtraxerat periculis; quibusque dederat obitus, ne tot inuoluerentur calamitatibus. Suspensi igitur de die in diem suorum cladem, & vr-
bis expectabant impugnationem: quasi certum habentes, quod absque ruina ciuitatis, & libertatis eius naufragio, tanta obsidio solui non posset, quæ ad id to-
tis viribus anhelabat.

XIV. Igitur qui in castris erant, vt equis pabulum, sibi que necessariam procurarent alimoniam, trans fluuium de necessitate egredi consueuerant, & procedere longius aliquantulum. Cumque sæpe ac sapius illuc properantes cum omni incolumitate reuerterentur indemnes; ciuibus adhuc infra urbem se cohibentibus, nec præsumptibus adhuc exteriùs euagari; pro consuetudine sibi fecerant, fluuium sæpius in die transire: idque cum multa fiebat difficultate: nam inuadabilis erat fluuius, & natando transire oportebat. Quod comper-
tum habentes qui in ciuitate erant, plerumque palàm, sed clàm frequentius, per pontem flumine transmissio, nostris incautè discurrentibus, & gratià querendi necessaria, dispersis ab inuicem, eandem inferebant & vulnera: eà maxime freti fiducià, quod non poterant facilem habere ad castra reditum, fluuiio impedimentum ministrante. Eodemque pacto & qui in castris erant, quamuis suos coram se matè tractari cernerent, non facile poterant optatum suis præbere subsidium: Vnde visum est Principibus omnino esse expediens, vt pontem ibi ex quacunque erigerent materia, per quem faciliùs hostium insidiis possent occurrere; & suos recipere compendiosius, ad castra redire cupientes: utque non
deesset etiam peditibus eorum, ad suas necessitates euocatis, maximeque vsque ad mare volentibus descendere, via compendiosior, & sine difficultate. Inuentis igitur aliquot nauibus, tam in flumine quàm in lacu superiori, eisque ad inuicem competenti nexu colligatis; superpositis etiam trabibus, & lignèa ad id conueniente materià, vimineis desuper contexuerunt cratibus, ita vt pluribus vnâ fronte transire volentibus, solidam in se præberet habilitatem. Vnde ex eo facto maiorem populus consecutus est commoditatem. Distabat autem pons iste ligneus, à ponte lapideo qui vrbi erat contiguus, quasi vnus spacium miliarii; eratque positus iuxta domini Ducis castra, è regione contra portam quæ eidem Duci erat ad custodiam deputata; quæ etiam vsque hodie ab eo cui commissæ fuerat, *porta Ducis* appellatur: ita vt eius castra intra prædictam portam & pontem de nouo constitutum, essent sine interuallo media. Nec solum per pontem superiùs dictum, & portam ei coherentem nostris procurabant pericula; verùm & per superiorem, quæ ab illa erat tertia, quæ *porta Camis* etiam hodie dicitur, multa nostris occurrebant discrimina. Erant enim, vt prædiximus, pons ibi lapideus super paludem quandam vrbi conterminam, quæ sum ex eius fontis, qui est in Orientali *porta Sancti Pauli*, tum ex aliorum deri-
uatione

uatione iugi, & riuulorum continuo processu conficitur. Per hunc igitur pontem in castra domini *comitis Tolosani*, cui ad custodiam porta illa casu contigerat, nocturnæ fiebant eruptiones; & per diem etiam, repentini nonnunquam assultus. Appetâ enim portâ, subitâ sagittarum immittebant grandinem; & pluribus ex eius comitatu faucibus vel interemptis, in eo spem habentes, quod non nisi per pontem eos insectari poterât, factio impetu, & cæde perpetrâtâ, ilicò per pontem ad portam redeunt, infra urbem se recipiebant indemnes, vnde fiebat, vt prædictus Comes & episcopus Podiensis, & alii nobiles, qui in parte illa castra locauerant, maiorem equorum iacturam, & plura multò amplius in equis & mulis paterentur dispendia, quâ aliorum Principum legiones. Comes igitur & reuerendus *Episcopus*, tanta suorum non ferentes æquanimiter dispendia, cōuocantes suos, præcipiunt, vt mal-
 10 leis & instrumentis repertis ferreis, omnes vnanimiter ad prædicti pontis dissolutionem se præpararent: factumque est ita, vt die quadam loricati, cassidibus recti & clypeis, ad pontem conuenientes, prædictum cum multa instantia pontem dissoluere conarētur; sed resistente plurimum operis soliditate omni ferro durior, & ciuibus sagittarum immissione, & contorsione lapidum, eorum laborem impedi-
 20 entibus, videntes quod non proficerent, ab incepto destiterunt. Mutato igitur consilio, machinam decernunt è regione contra pontem erigendam, de qua per introductorum sollicitudinem & instantiam armatorum, ciuium irruptiones cohiberētur. Comportatâ igitur competente & pro votis materiâ, & artificibus conuocatis, sub-
 30 itò, & infra paucos dies, suis absoluta partibus & diligentius completa, cum multo labore, & eam trahentium periculo, ante pontem in modum excelsæ turris erecta est, & domino Comiti ad custodiam deputata. Ciues autem videntes machinâ muro proximâ, illuc sub omni celeritate contendunt; & directis ad machinam iaculatoriis iterum tormentis, crebrâ molarium contorsione eam debilitare festinât. Ipsi quoque in turribus & muro constituti, sagittis & omni iaculorum genere his qui in machina erant, & circa eâ, instantes animosius, eos à pōte arcere satagebât. Dumq; qui supra murum erant, ex omni latere instarent & iacularentur frequentius, ita vt præ sagittarum immissione, & iaculorū frequētia nostro à se aliquantulum propu-
 40 lissent: alii apertâ portâ, cum multo exeuntes impetu, pontem violenter occupant: & rem gladiis cominus peragentes, ad machinam accedunt, & exclusis inde qui ad eius erant deputati custodiam, machinam succendunt, & subitò redigunt in fauillam. Videntes autem nostri Principes, quod neque sic contra eas, quæ per eam portam inferebantur, molestias plenè proficerent, sequenti die tres iaculatorias erigunt machinas: vt saltem eorum iactu continuo, & saxorum contorsione, muros & portam debilitare, & ciuibus per eam exitum possent impedire. Fiebat itaque vt quamdiu se in iaculando continuarent machinæ, nemo per eam portam auderet egredi: remittentibus verò illis operam, iterum ciues ad solitas recurrebant irruptiones, castris vicinis multas inferentes molestias. Videntes igitur nostri, quod neque
 50 sic proficerent, de quorundam consilio, rupes ingentis magnitudinis, quæ vix centum deuolui possent manibus, & robora prægrandia, in virtute loricorum mille, protegente eos vniuerso exercitu, ultra pontem deferētes, portæ obiciunt: tantam ex eis præstruentes cōgeriem, vt porta de cætero ciuibus inutiliter aperiretur, molarium aggere conatus eorum præpediente. Sicque factū est, vt tali argumento per eandem portam, ciuium frangeretur imperus, & eruptiones quiescerēt repentinæ.

Factum est autem die quadam, quod de nostro exercitu viri, tam ex equi-
 60 bus quàm ex peditibus, numero trecenti, nostrum pontem pabulandi gratiâ trans-
 euntes, cœperunt per regionem, more suo, vt sibi quærerent necessaria, dispergi. Morem autem fecerat, & pro consuetudine induxerat, tum necessitas importuna, tum id etiam quod frequentius ab illis partibus, licet secum plura comportarent
 70 necessaria, redierant indemnes: vnde sibi quandam incautam nimis polliceban-
 tur securitatem, arbitantes, quod se perpetuò in huiusmodi continuarent suc-
 cessus; nec se, sicut in bellicis solet fieri negotiis, casus sinister interponeret. Quos ex vrbe cōtuentes, egressi in maiore multitudine ciues, per pontem transeuntes la-
 pideum, ad eos quos incautiùs deambulâtes viderant, sub omni celeritate contenden-
 80 unt: in quos irruentes subitò, pluribus ex eis interfectis, reliquos in fugam ver-
 tunt: qui dum ad pontem nauium tanquam in castra se collaturi properarent,

primis pontem occupantibus, plures ex eis vado transire cupientes, mortem inue-
 nerunt in vndis, in quibus arbitrabantur reperire salutem. Alii quoque nihilominus
 de ponte, licet inuiti, turbis comprimentibus ferebantur in alueum præcipites;
 quos ex parte plurima aquarum opprimebat violentia, & inuolutos pariter trahe-
 bat in profundum, absorbens avidè, quod postmodum reddere denegabat. Quod
 postquam nostris innotuit, concurrentes ad arma loricatorum aliquot millia, flu-
 mine transmissio, hostes à nostrorum redeuntes cæde, & de spoliis exultantes ha-
 bent obuiam: quos usque ad pontem ciuitatis, grauissimam in eis stragem operan-
 tes, multâ prosecuti sunt instantiâ. At verò ciues videntes suorum stragem & vul-
 nera, & deficientibus compatientes, referatâ portâ in graui multitudine, & audaciâ
 solito ampliore, pontem transeunt lapideum; & ut suis necessarium procurarent
 auxilium, in nostros irruentes animosius, primùm validè resistentes, demum vi op-
 pressos multitudinis, in fugam vertunt; & usque ad pontem contextum nauibus
 persequi non desistunt: in quo factò plurimi, ex nostris peditibus gladio cecide-
 runt, pluribus etiam submersis in flumine. De equitibus verò, dum super pontem
 arctius se comprimunt, hostes fugiendo insectantes, de ponte in fluuium dati præ-
 cipites, cum equis, loricis, galeis & clypeis, postmodum comparere desierunt, fluen-
 torum voragine præfocati. Sic ergo noster exercitus non leuiorem quàm qui in vr-
 be erant, patiebatur obsidionem: nam cohibentibus eos tam ciuibus, quos latere
 non poterat nostrorum exitus, quàm hostibus exteris, qui in syluis & montibus de-
 litebant, nostris insidias prætendentes, & de nostris triumphantes sæpius, non
 erant ausi extra castra procedere, aut victus quæritandi gratiâ longius euagari; nec
 in ipsis etiam castris tuta satis erat mora, timentibus vniuersis, ne hostium ingens,
 quæ ex locis plurimis congregari dicebatur, super eos repente irrueret multitudo:
 ita ut prudenti viro meritò posset venire in ambiguum, vtrius magis timèdum esset,
 quorumue melior esset conditio, an obsidentiũ, an eorum qui obsidione in pari vi-
 debantur. Referre casus singulos, qui in tanta obsidione, & tanto continuo
 tempore per loca varia diebus penè singulis accidebant, longum esset enumerare;
 & historiæ compendio, quod studiosè quærimus, valdè contrarium: vnde omiſſis
 specialibus, generalia prosequamur. Inter hos igitur assidui Martis euentus varios,
 cum iam quasi in mensem tertium protracta esset obsidio, cœpit in castris victus
 deficere, & præ alimentorum inopia exercitus laborare. Cum enim ab initio ma-
 ximam rerum necessariarum habuissent opulentiam, & equis eorum non deessent
 pabula, more imprudentium arbitrati sunt, quod se in eodem statu deberent conti-
 nuare tempora, nihil sibi facientes reliquum; sed concessâ abutentes vbertate, in-
 fra paucos dies, quæ ad multos sufficere poterant, si congruo dispensarentur mo-
 deramine, profligabant victualia. Non erat in castris modus, nec prudentibus amica
 parsimonia; sed vbique luxus, vbique superfluitas: nec solum in his quæ ad homi-
 num pertinebant alimoniam, verum & in cibus iumentorum, & in equorum pabu-
 lis, omnis omnino modus defecerat: vnde factum est, ut exercitus ad tantam redi-
 getetur inopiam, quod fame inualeſcente, penè populus deperiret vniuersus. Col-
 ligebantur ergo adinuicem, præbitis inter se iuramentis, quod æquis portionibus,
 & bonâ fide, cuncta quæ lucro cederent, diuiderentur: trecentorum aut quadrin-
 gentorum simul egrediebantur agmina, vniuersam perlustrantia regionem, ut sibi
 victũ quacunque ratione procurarent. Hi tale propositum habentes, in principio,
 antequam ciues ad eos egredi, & insidias moliri consueuissent, dumque suburbana
 longè lateque gregibus & armentis, frumento, vino, & aliis redundarent alimentis,
 cum multa præda, & vberibus spoliis, & victu plurimo reuertebantur: vnde prædi-
 cta in castris fuerat opulentia. At nunc exhaustis locis conterminis, & Turcis, qui
 prius timore contabuerant, resumptis viribus, & animositate receptâ, sua loca de-
 fendentibus, aut vacui penitus reuertebantur; aut, quod sæpius contingebat, inter-
 emptis omnibus, non supererat, qui vel de eorum interitu castra certificaret. Inua-
 leſcebat igitur per singulos dies fames & inedia; ita ut vix pro duobus solidis, qui
 vni personæ semel in die sumpto cibo, sufficeret, panis inueniretur. Bos vel iuuen-
 ca, quæ ab initio quinque dabatur solidis, duabus marcis vendebatur: Agnus vel
 hædulus, qui pro tribus aut quatuor denariis dari consueuerat, quinque aut sex so-
 lidis vix repertus vendebatur. Equo autem pro cibo necessario per noctem octo
 vix

XVII.

- vix poterant solidi sufficere; vnde factum erat, vt qui aduenientes equorum secum deduxerant plus quàm septuaginta millia, vix in castris haberent duo millia, cæteris fame & algore consumptis: quiq; superesse videbatur, inediâ tabescentes quotidie, & frigoris attenuati violentiâ, paulatim deficiebant. Computruerant præterea castrorum papiliones & tentoria, ita vt multi quibus adhuc victus supererat, consumpti frigoris inclementiâ, vitâ expirare cogerentur. Tanta enim erat aquarum inundantia, & pluuiarum intemperies, vt & victus & vestes computrescerent; & non esset locus, vbi aut capita, aut necessariam possent in sicco locare suppellectilem. Tanta igitur lues legiones in castris oppresserat, vt iam locus deesset sepultura; iam funeribus exequiarum negarentur officia. Si qui autem adhuc vigoris aliquid in se videbantur habere, ne ipsi quoque pari consumerentur periculo, aut in fines *Edeffanos* ad dominum *Balduinum*, aut in *Ciliciam* ad eos qui urbibus ibi præerant, aut ad alia loca quælibet, quæ in nostrorum iam deuenerant potestatem, occultè se conferebant. Sic ergo his abeuntibus, aliis verò languore & fame consumptis, aliis etiam peremptis gladio, adeò cominutus erat exercitus, vt vix eius diuidium videretur superesse. Videntes igitur Deo deuoti Principes afflictionem populi, & molestias, quibus incessanter premebantur, compassione liquefcentes, & pereuntis exercitus doloret abidi, conuenerunt adinuicem, sicut & frequenter facere consueuerant, deliberationem habituri, quomodo & quale tantis malis possent adhibere remedium. Tandemque post multas diuersi generis opiniones, visum est expedientiùs, vt quidam de magnatibus, assumptâ secum exercitus parte, hostium terras ingrederentur, vt inde sibi prædam, & victui deferrent necessaria; alii verò medio tempore in castris residentes, cum omni sollicitudine exercitum tuerentur. Factumque est ita, vt domino *Boamundo*, & comiti *Flandrensi* id muneris iniungeretur: domino comite *Tolosano*, & episcopo *Podiensi*, ad custodiam castrorum derelictis. Comes enim *Normannorum* aberat, & dux *Lotharingæ* dominus *Godefridus* lecto decubans, graui molestabatur ægritudine. Assumptis ergo tum exequitibus, tum de numero peditum cõuenientibus copiis, & quales fatigatus exercitus poterat ministrare, in terras hostium profectus est. Audientes ergo ciues, quòd
- Boamundus & Flandrensis comes abierant, comes *Normannorum* aberat, Dux verò infirmabatur, occasionem sumentes ex tempore, & ex utroque solito maiorem audaciam, proponunt de communi consilio in nostrorum castra irruere; & oportunitatem non negligere, quam principum absentia videbatur ministrare. Conuocatâ igitur ex vniuersa ciuitate omnimodâ multitudine, ad portum *Pontis* cõueniunt; & referato aditu, quidam per pontem, quidam per vadum quod erat inferiùs, certatim transeuntes in castra moliebantur irruere. Comes autem cum quadam equitatus manu illis occurrens, duobus ex eis interemptis, reliquos infra urbem se recipere compulit. Acciderat autem in eo conflictu, quòd nostri equites equum quendam vacuum, cuius dominum ad terram deiecerant, persequerentur, vt eum caperent. quod videns populus infelix & indiscretus, arbitrati quòd nostri equites timoris causâ fugerent, in fugam quoque se dederunt: & præ timore se coangustantes ad inuicem, ipsi sibi mortis causam ministrabant. Videntes igitur ciues, quòd nostri fugerent nemine persequente, rursus per pontem egressi, fugientibus instant cominus: à ponte lapideo vsque ad naualem pontem nostros insectantes, cædem in eis plurimam operati sunt: nostris enim se ad inuicem comprimantibus, & præpedientibus iter, partim gladio, partim flumine, de equitibus quindecim, de numero peditum viginti consumpti sunt. Quo successu hostes plurimùm erecti, in urbem cum gloria se receperunt. At verò prædicti principes, dominus *Boamundus*, & *Flandrensis* comes, qui de communi consilio pabulatum exierant, vt castrorum, victu lato, releuarent inopiam, cum suis cohortibus hostium regionem iugressi, hunc nostrorum casum quocunque modo, factis felicioribus re compensauerunt: nam expugnatâ hostium villâ quadam bonis omnibus refertâ, Boamundus ad partes varias exploratores direxerat, vt de statu regionis eum redeuntes instruerent, & prædam si possent, congregarent ampliorē. Factum est autē, vt quidam ex eis reuertentes, Turcorum multitudinem in proximo constitutam renunciarent, contra quam dominum *Flandrensem* cum honesto dirigens comitatu, ipse cum maioribus copiis subsequebatur, quasi opē si deficeret collaturus. Ille

xviii.

xix.

verò, sicut vir strenuus erat & magnificus, in hostes animosius irruens, non prius ad Boamundum rediit, quam cæteris in fugam versis, centum ex eis gladio peremit. dūq; victor ad maiores reuerteretur copias, ecce exploratores alii, multò fortiores ex alio latere nunciant acies aduenire; contra quas multiplicatis viribus, & adaucto comitatu, eundem Flandrensem dirigit: ipse verò cum reliqua parte copiarum ponè subsequēbatur in subsidium cū opus foret, descensurus. Factum est itaque præuiâ Domini misericordiâ, vt hostibus in locis quibusdam angustioribus deprehensis, cū videret, quod neque sagittis, neque arcu, sed gladiis cominus res cum eis ageretur, pugne huiusmodi vsum non habentes familiarem, in fugam versi sunt: quos quasi per duo miliaria insectantes, stragem plurimam in eis exercuerunt. Vnde cum trophæo redeuntes, cum equis & mulis & vberibus spoliis, & præda multimoda, quàm de vniuersa contraxerant regione, in castra sani & incolumes se contulerunt. Latatus est exercitus de fratrū successu, & cœpit à laboribus suis aliquantulum respirare: quoniam tamen præda pauca fuerat, & quæ tantæ multitudini vix ad paucos dies poterat sufficere, non multum releuata est exercitus inopia.

xx. Interea de partibus Romanæ, rumor quidam incertus plenus & anxietate, vniuersorum corda perculerat; & præsentibus miseriis adiecerat cumulum tristiorum. Dicebatur enim, & verè sic erat, quod quidam homo nobilis & potens, Danorum regis filius, *Sueno* nomine, vir genere, moribus & formâ conspicuus & illustris, eiusdem peregrinationis accensus desiderio, mille quingētos optimè armatos eiusdem nationis iuuenes secum trahens, in subsidium nostris, & ad præsentem properabat obsidionem. Hic de regno patris tardior egressus, plurimum accelerauerat, vt se præcedentibus cum omni suo comitatu adiungeret legionibus: sed causis præpeditis familiaribus, non potuit assequi quod optauerat. Seorsum igitur trahens agmina, solus absque alicuius aliorum consortio Principum, iter arripuerat, & viam aliorum secutus, peruenerat Constantinopolim, vbi ab Imperatore satis honestè tractatus fuerat: & cum incolumitate Niceam perueniens, in partes Romanæ ad exercitum properans, cum omni suo comitatu descenderat. Dumque inter vrbes *Finiminis* & *Termam* castrametatus esset, & minus providè se haberet aliquantulum; irruentibus super eum clam & de nocte Turcorum ingentibus copiis, in ipsis castris gladio perempti sunt: tamen aduenientium strepitu præcognito, sed nimis è vicino, ad arma conuolant; vbi antequam plenius instructi hostes possent excipere, ab improvisa oppressi multitudine, penè omnes ceciderunt; sed tamen diu & viriliter resistentes, ne gratis animas viderentur impendisse, cruentam post se hostibus reliquerunt victoriam.

xxi. *Tatinus* etiam, de quo & suprà fecimus mentionem, Imperatoris apocrisarius, qui quasi pro duce itineris ab eodem Imperatore nostrorum exercitui fuerat adiunctus, & vsque in præsentem diem nostras secutus fuerat legiones, videns molestias quibus premebatur exercitus; timensque, sicuti & timidus erat, ne Principes possent in proposito perseuerare, & populus vnâ die sub hostium gladiis contereretur vniuersus: ad conuentum accedens Principum, persuadere cœpit cum multa instantia, vt salutâ obsidione ad vrbes & finitima præsidia, vniuersus se transferret exercitus, vbi & vitæ necessaria possent abundantius reperire, & Antiochenis frequentes inferre molestias, quousque domini Imperatoris exercitus, quem ex diuersis nationibus, ad infinita contraxerat millia, vt eis subsidium ministraret, circa veris adueniret initium. Adiciebat etiam, quod quia laboribus eorum ab initio communicare decreuerat, & tam prosperitatis quàm aduersorum se optabat habere consortium, maiorem se ob communem gratiam & publicam utilitatem velle laborem assumere; videlicet vt ad Imperatorem directo festinet itinere, exercitum maturare compellat, & de vniuersis citra urbem finibus, victui necessaria faciat comportari. Cuius mentem, licet nostri Principes extunc & ab initio subdolum cognouissent & fallacem, tamen illius verbo, nemo se obuium dedit, nec fuit quisquam qui eius se moliminibus opponeret. Tunc, vt quocunque colore fraudem suam palliaret & commentum, tentoria reliquit, & ex plurima parte familiam; aut eorum negligens salutem, aut in occulto significans, vt ad locum destinatum die statutâ eum sequerentur. Abiit ergò, quasi in proximo rediturus, qui postea non comparuit: vir infidelis & nequam, morti perpetuæ tradendus. Reliquit ergò post se perniciosum exemplum: nam ab ea die, quicunque à castris clam se potuerunt subducere, fugam occultam inierunt, iuramentorum immemores, & publicæ professio-

professionis, quam ab initio votis conceperant ardentibus. Fames tamen interim inualefcebat, nec poterant Principes huic tanto malo præsens aliquod remedium adhibere. Nam licet bini & bini de electis Principibus, cum ingentibus alternatim copiis, hostium regiones sæpe ingrederentur, & sæpius victoresq; redirent ad propria; tamen nec prædas, nec victui secum defererebant necessaria. Hostes nimirum compertâ exercitus eorû qui deprædandi gratiâ exire consueuerât famâ, greges & armenta, & si qua alia in peculiis habebant animalia, ad montes imperuios & loca transferebant penitiora; vbi nec nostris pateret accessus, & peruenientibus etiam non esset faciliè prædas abducere. Per idem tempus, cum circa exercitum de
10 die in diem fames, & ex fame lues, & alia increbresceret pericula, videntes seniores populi, & qui sensus habebant magis exercitatos, peccata hominum id exigere; & Dominum ad iracundiam prouocatum, meritò hæc flagella populo duræ ceruicis infligere; conuenientes adinuicem, & Domini timorem habentes præ oculis, anxie deliberare cœperunt, quomodo commissâ celeri pœnitudine diluentes, & pro culpis præteritis condignè satisfaciennes, & similia in posterum præcauentes, indignationem Domini sibi possent reddere placabilem. Factum est igitur de mandato & auctoritate domini *Pediensis episcopi*, qui legatione sedis Apostolicæ fungebatur, & aliorum DEO amabiliū pontificum; consentientibus, & id ipsum fieri summo-
20 perè postulantibus Principibus laicis, & vniuerso exercitu: indictum est triduum *ieiunium*, ut afflictis corporibus, animæ ad orationem possent consurgere fortiores. Quocum omni deuotione expleto, decernunt pariter, fatuas ac leues mulierculas ab exercitu sequestrare, adulteria, & omne fornicationis genus sub pœna mortis inhibentes: comessationes & ebrietates, & *periculosum aleæ ludum*, incauta iuramenta, in pondere & mensura fraudem, & omnem circumuentionem, furtum & rapinam interdicentes. Quibus decretis, & vniuersorum, corroboratis conuiuentia, iudices etiam super horum omnium cognitione certos constituunt, quibus & cognoscendi & animaduersionis plenam conferunt auctoritatem. Inuenti sunt tamen
30 postea quidam harum sanctionum violatores, quibus per prædictos iudices, accusatis & conuictis solemniter, iuxta legum seueritatem pœnâ pro modo culpæ inflictâ, alios à similibus deterruerunt commissis. Factumq; est per Domini superabundantem gratiâ, ut populo ad frugem melioris vitæ reuocato, ex parte quiesceret ira Domini seuior. Statim enim dominus *Godefridus*, qui totius exercitus quasi singularis erat columna, de valida ægritudine, quâ diu molestatus fuerat, occasione vulneris, quod ei apud Antiochiam Pisidiæ vsus intulerat, plenè cœpit conualescere: unde totus exercitus plurimam suæ afflictionis recepit consolationem. Ru-
mor interea, & fama celebris iam vniuersum repleuerat Orientem, sed nec etiam Austri regna & exterarum nationes intactas reliquerat, tantas Christianorum aduenisse copias, & urbem in manu valida obsedisse Antiochenam. Vnde Regum quisque pro suo statu sollicitus, exploratores ad nostrum dirigebant exercitum; ut per
40 eos de moribus & virtute & proposito tantæ multitudinis redderentur prudentiores: eratque tanta in castris eorum copia, ut penè singulis diebus, aliis abeuntibus, his qui eos miserant, statim exercitus nunciaturi, recentes eisdem conditionibus aduenirent. Nec erat difficile huiusmodi hominibus inter nostros latere, cum linguarum habentes commercium, alii *Græcos*, alii *Surianos*, alii *Armenios* se esse confingerent, & verborum idiomate, & moribus & habitu talium personas exprimerent. Super eo quoque, ut Reipub. consuleretur, conuenientes adinuicem, deliberare cœperunt Principes, quid fieri oporteret. Videntesque quod huiusmodi exploratores non faciliè erat à castris expellere, quoniam à prædictis nationibus, lingua, moribus & habitu penitus erant indifferentes: interim donec plenius deliberetur, quid contra illos statuendum sit, optimum iudicant, *consilia sua*
50 *communicare paucioribus*: ne per plures diffusa, vsque etiam ad illos peruenirent, qui in læsionem Christianæ plebis, ea essent hostibus propalaturi. Cumque nihil aliud contra talium improbitatem excogitare possent ampliùs, dominus *Boamundus*, sicuti perspicacis erat ingenii, & mentis acumine pollebat, fertur dixisse Principibus: *Fratres & domini, omnem istam sollicitudinem proicite super nos. Nam nos, auctore Domino, conueniens huic morbo inueniemus remedium.* Sic itaque soluto Principum cōsistorio, quisq; ad castra sua reuersus est. Boamundus verò promissi memor, circa

primum noctis crepusculum, cum alii per castra pro cœnæ apparatu more solito essent solliciti, educi præcipit Turcos aliquot, quos habebat in vinculis, & tradens eos carnificibus, iugulari mādāt; & igne copioso supposito, quasi ad opus cœnæ, diligenter assari præcipit, & studiosius preparari; præcipientis sui, quod si ab aliquibus interrogati essent, quidnam sibi talis cœna vellet? responderent: *Quod inter Principes conuenerat, ut quotquot deinceps de hostibus, aut eorum exploratoribus caperentur, omnes prandiis & principum & populi ex seipsis escas, viâ simili cogerentur persoluerent.* Audientes igitur, qui in expeditione erant, quod talia in castris domini Boamundi tractarentur, facti admirantes nouitarē illuc concurrunt vniuersi. Quo factō, qui in exercitu erant exploratores deterriti, totum esse serium, & sine simulatione, quod decretum dicebatur, arbitantes, ex eo quod acciderat euidenter trahebant argumentum: timentesque ne simile quid eis contingeret, à castris egressi, redibant ad propria, his qui eos miserant dicentes: *Quoniam populus hic, quarumlibet nationum, sed & ferarum exuperat seuitiam: cui non sufficiat vrbes, castella, & omnimodam hostium diripere substantiam; & eos vinculis mancipare, aut more hostium torquere inclementius, aut saltem occidere, nisi etiam & de carnibus eorum ventrem suum impleat, & adipe saginentur inimicorum.* Exiit ergo sermo iste, ad partes Orientis remotissimas; & non solum finitimas, verum longè positas exterruit nationes. Ciuitas quoque tota contremuit, verbi nouitate & acerbitate facti conterrita. Sicque factum est per studium & operam domini Boamundi, ut hæc exploratorum pestis ex parte quiesceret; minusque nostra hostibus diuulgarentur consilia. Porro *Ægyptius Calypha*, inter cæteros infidelium Principes, diuitiis & militiâ potentissimus, nuncios suos ad nostros direxerat Principes: cuius legationis causa hæc erat. A multis retro temporibus vetus odium, & graues inimicitie inter Orientales & Ægyptios ex dissimilitudine superstitionis eorum, & contrariis dogmatibus ortæ fuerant, & vsque in præsens, tractu continuo, inexorabiliter deductæ: ita ut prædicta regna mutuis congressionibus plerumque collisa, fines suos contra se porrigere, & terminos alternatim protelare certatim cōtenderent: sicut in primo huius operis libro dictum est diligētius. Factis vero nunc his, nunc illis, pro temporum differentia, & successuum varietate superioribus, regna quoque suscipiebant incrementa, ita ut quicquid vni accideret, toti alterū decessisse videretur. Possidebat autem per idem tempus *Princeps Ægyptius*, à finibus Ægypti vsque Laodiciam Syriæ vniuersas itinere dierum triginta regiones. *Persarum* verò *Soldanus*, Antiochiam, regni Ægyptiorum finibus conterminam, modico ante nostrorum aduentum sibi vendicauerat tempore; & vniuersas vsque ad Hellepontum, ut prædiximus, occupauerat regiones. *Suspectum igitur habens Ægyptius Persarum vel Turcorum incrementum*, super eo plurimum cōgratulabatur, quod amissa Niccâ, Solimannus cum suis malè tractatus diceretur, & quod circa Antiochiam nostri locassent obsidionem: Turcorum damnum sibi pro lucro reputans; & eorum molestias, pro summa sibi & suis tranquillitate. Timens ergo ne nostri ab incepto deficerent, & laboris superati diuturnitate fatigarentur, nuncios dirigit familiares, assumptos ex domesticis, qui nostros Principes ad continuandam obsidionem sollicitent; & eius opem & auxilium promittentes, Principum sibi corda concilient & gratiam, fœderent cum eis pacta & amicitiam. Qui mandatum domini fideliter exequentes, nauigio vecti, in nostrorum castra peruenerunt, pro his omnibus quæ iniuncta fuerant, valde solliciti. Hi licet à nostris Principibus satis hospitaliter & honestè suscepti fuissent, & ad eorum colloquium, ut iniuncta nunciarent, frequenter admissi; nostrorum tamen tolerantiam, vires & armorum genus admirantes, & laboris patientiam, suspectas habebant tantæ multitudinis copias, quod futurum erat, animo præfagientes: nam quod ille fraudulenter in aliorum supplantationem tractabat, id in se postmodum coactus est experiri. Nam Antiochenâ vrbe deuictâ, & Christiane restitutâ fidei, & pristinæ libertati, quicquid ab eadem ciuitate, vsque ad *riuum Ægypti*, qui *Gazæ* conterminus est, itinere dierum quindecim, fidelis hodie detinet populus, totum ab eius violenta dominatione per Omnipotentis DEI gratiam, ab eo sibi potenter vendicauit.

EXPLICIT LIBER QVARTVS.

INCI-

INCIPIVNT CAPITVLA LIBRI QVINTI.

- I. *Ciues Antiocheni à finitimis subsidia vocant & obtinent : eorum auxilia circa castrum Harenc tentoria locant.*
- II. *Nostri Principes, peditibus ad castrorum tuitionem relictis, cum equestri manu hostibus praeceunt obuiā, victores in castra redeunt.*
- 10 III. *Ciues cognito auxilium suorum casu grauiter consternantur.*
- IV. *Nostri castrum adificant. Naues Ianuensium in portu applicant. Populus ad mare descendit, & insidias passus, ex parte corrumpit.*
- V. *Consilium Ducis, & opus admirabile, contra sinistrum casum qui acciderat.*
- VI. *Hostes redeunt cum victoria, ante portam ciuitatis nostrorum gladiis obtruncantur : cadunt ex eis duo millia. Dux loriceatum per medium diuidit.*
- 20 VII. *Nostri in capite pontis praesidium construunt : Victoria signum ad naues dirigunt.*
- VIII. *Ciuitas subito amplius angustatur, munitione nouā super portam Occidentalem constitutā.*
- IX. *Dispersi ad exercitū redeunt. Balduinus ab Edessa singulis principibus munera dirigit.*
- X. *Nunciatur in castris, hostilium copiarum aduentus. Stephanus Blefensium comes, simulatā agitudine, ad mare descendit, non rediturus.*
- 30 XI. *De statu ciuitatis dicitur. Boamundi cum quodam fidele de ciuitate, gratia contracta describitur.*
- XII. *Consilium per internuncios inter Boamundum, & praedictum fidelem virum.*
- XIII. *Laborat Boamundus ut ei ciuitas concedatur : solus Tolosanus comes contradicit.*
- XIV. *Qui in subsidium Antiochenis properabant, Edessam obsident : sed resistente viriliter Balduino, vacui recedentes Euphratem transiunt.*
- XV. *Nostri exploratores dirigunt, de aduentu hostium solliciti.*
- XVI. *Conuenientes adinuicem deliberant. Boamundus secretum reseat, quod ei commiserat amicus.*
- XVII. *Gauisi principes Boamundo urbem concedunt : ipse cum amico de urbe tradenda tractat secretius.*
- XVIII. *Ciues praedictum virum suspectū habent : ipse coram Principe suam declarat innocentiam.*
- XIX. *Quantis angustiis fidelium populus, qui in urbe erat, premeretur : & quomodo strages eis destinata quieuit.*
- XX. *Iuxta consilium praedicti viri, exercitus de castris egreditur, circa noctem reuersurus.*
- XXI. *Boamundus amicum sollicitat, ut opus compleatur : Ille fratrem non consentientem perimit : Christianos per scalam demissam, in urbem recipit.*
- XXII. *Intromissi aperiuunt portam : Exercitus, iam facti conscius, in urbem irrumpit : Ciuitas expugnatur.*
- XXIII. *Ciues in praesidium se receptant : Acxianus extra urbem fugiens occiditur : Multi de monte precipites prosternuntur.*

EXPLICIUNT CAPITVLA LIBRI QVINTI.

INCIPIT LIBER QVINTVS.

- 40 **N**TEREA ciues *Antiocheni*, simul & eorum dominus, pro statu suo valde solliciti, vidētes nostrorum longanimitatē, & in laboribus perseuerantiam, quodq; nec fame, nec frigoris inclementia ab incepto poterant reuocari; sed inter tot molestias propositum continuare satagebant: missis epistolis, & crebris legationibus, Principes finitimos in sui subsidium euocare contendunt, orantes, & persuadere nitētes attētiū, quatinus fratrum compassione moti, eis opem maturare non differant. Modum etiam, quo sibi subueniri possit commodius, insinuant talem; ut ad urbem accedentes, occulte in insidiis lateant, expectantes ut ciues more solito cum hostibus, secus pontem cōgrediantur, & circa eos detineantur occupati: dumque circa id tam interiores quā exteriores plurimum fuerint negotiosi, tunc irruant subito, & incautos opprimant; futurumq; esse, ut & antē & retrō eis occurrentibus, nec vni ex eis liceat mortem euadere. Factum est igitur per eorum iugem instantiam, quod ab *Halapia*, *Cesarea*, *Hama*, *Emissa*, *Hierapoli*, & aliis conterminis ciuitatibus ad ingentem numerum cōgregata militia, clam & sine tumultu, sicut in mandatis acceperant, accedentes, circa castrum cui
- 50

NNN

nomen *Harenc*, quod ab Antiochia vix quatuordecim distat miliaribus, castra tacitè locauerant: propositum habentes, sicut ab Antiochenis formam receperant, nostris circa vrbis assultū occupatis, ex improviso irrūere. Verum fidelibus locorum incolis, qui nostris multo vsui sæpius fuisse noscuntur, statum eorum & aduentum significantibus, Principes præmoniti conueniunt ad inuicem, super eo negotio deliberaturi. Placuit itaque demū, vt omnes quotquot in exercitu erāt equites, equos quibus vri possent habentes, circa primum noctis crepusculū armis instructi, clam, & sine tumultu vexilla suorum sequentes Principum, in silentio castris egrediantur: pedites autem in castris remaneant, pro tuitione castrorum solliciti; quousque

II. Maiores proficiscentes, auctore Domino, reuertantur. Sub primo igitur noctis crepusculo, sicuti cōdictum fuerat, à castris egressi per pontem nauium, vix septingentos secum eduxerunt equites; ad eum proficiscentes locum, qui medius inter lacum, de quo superius fecimus mentionē, dum de vrbis situ loqueremur, & *Orontem* fluuium, qui à se quasi vnus miliarii distat spacio: ibi eā nocte quieuerunt. Hostes verò nihilominus eadem nocte, eundem fluuium per pontem superiorem transierant, de nostrorum aduentu ignari penitus. Mane autem facto, vbi lux prima terris se intulit, nostri cum omni celeritate arma corripientes, in sex acies suum ordinant exercitum, certis ducibus præsignatis. *Turci* verò, iam in vicino cōstituti, habentes compertum per exploratores, quod nostri eis occurrebant, ipsi etiam de suis copiis duas acies præmiserant, reliquarum copiarum maiore turba subsequēte. Factum est autem diuinitus, vt nostri, qui vix erāt, vt prædiximus, septingenti, per turmas, iuxta rei militaris disciplinā dispositi, quasi suscepto de supernis incremento, infinita millia viderentur. Procedētibz itaq; paulatim cōtra se legionibus, cœperunt eorū primæ acies in nostros cū impetu irruere maximo; & immissa sagittarum grandine, ad suos habere recursum. Nostri autē eorum neglecto impetu, sed cominus accedentes, vibratis solito vigore lanceis, & gladiis incumbentes, eos in vnā compellunt turbam solidari: cōprimētibz autem eos locorum angustis, hinc lacu, inde fluuii euagandi licentiam inibente; videntes quod ad consuetas discurrendi artes & sagittandi habilitatem recurrere non dabatur, nostrorum non valentes sustinere instantiā, & se præ timore gladiatorum comprimētes, in sola fuga spem salutis cōstituunt: dātes ergo terga, fugam arripiunt. Nostri verò certatim insectantes, vsq; ad prædictum eorum castrum, *Harenc* nomine, quod à loco pugne decem distabat miliaribus, eos occidēdo, & stragem infinitā operando, persecuti sunt. Videntes autem oppidani, suos in fugā verſos, hostium gladiis penē omnes occubuisse; timētes post eorū casum in præsidio remanere, succēso oppido, ipsi quoque in fugam verſi sunt. At verò regionis incolæ *Armenii*, & alii fideles, quorū illic multa erat copia, prædictum occupant municipium, illud statim nostris Principibus antequam redirent ad castra, resignātes. Ceciderunt illā die de hostibus quasi ad duo millia: ex quibus quingenta capita reportātes, erecti in spem bonam, & de gemino qui eis acciderat triumpho, lætantes, cum mille validis equis, qui eis plurimū erant necessarii, & spoliis ingentibus ad castra reuerſi sunt, Domino maximas persoluentes gratiarum actiones.

III. At verò ciues interim totā nocte p̄missum expectantes subsidium, votis ardentibus lucem affore præoptabant; vt videlicet hostibus exterius irruentibus, ipsi quoque nihilominus ab intēris prodeuntes, nostros harum rerum ignaros & repertos incautos, possent opprimere. Videntes autē circa noctis nouissimā iam illucescente aurorā, quod aduentus illorum nulla comparebant argumenta; & cognito per exploratōres, quod nostri Principes eis obuiam processissent, congregati ad inuicem, & per portas ciuitatis certatim egredientes, penē totā die nostris grauissima intulerunt certamina, quousque de superioribus ciuitatis significantibus excubiis nostrorum aduentum, in vrbem se receperunt: vbi super turres & mœnia, & loca eminentiora cōstituti, aduentare quidē considerant legiones, ignari tamen nostrorū an suorum essent castra, quæ accederent. Tandem verò nostris propius accedētibz, vbi eorum cœperunt arma cognoscere, eosque prædam & manubias trahere conspexerunt; & eos redire victores, attritis suorum copiis compertum habuerunt, in grauiā se dederunt, tanta spe frustrati, lamenta. Nostri verò ad vrbem accedentes, & castris illati, in victoriæ signum, & doloris eorū incrementum, ducenta Turcorum capita machinis iaculatoriis

iaculatoriis in urbem contorqueri fecerunt; reliqua verò ante urbem in palis præceperunt conseruari suspensa: vt tam hæc quàm illa, *tamquam spina in oculo*, eorum augerent & multiplicarent molestias. Dicitur autem numerus fuisse eorū qui ad prædictum Antiochenorum subsidium venire decreuerāt, ad viginti octo millia, sicut ex relatione captiuorum plenius compertum est. Factum est autem hoc mense Februario, septimā die mensis, anno ab incarnatione Domini *M. XCVII.* Eodem tempore visum est nostris Principibus, vt in colle quodam qui supra domini Boamundi erat tentoria, castrum ædificaretur; vt si aliquādo in nostras expeditiones Turci tentarent irrumperē, eis noua munitio impedimentum præstaret, & nostrorum castris esset quāsi antemurale. Quod postquam factum est, & diligenti custodia deputatum, totus exercitus ita collocatus est in tuto, tāquam si urbis mœnibus essent per circuitū vallati. Erat enim eis ab Orientē hæc noua munitio; ab Austro murus ciuitatis, & palus muris adiacens; ab Occasu verò Solis & Septentrione, fluuius in ciuitatem se obliquans. Cumque iam in mensem quintum se protraxisset obsidio, naues quædam *Ianiensium*, Peregrinos & victualia deferentes, infra fauces fluminis egressæ à pelago, se contulerant; expectantes, & idipsum nunciis frequentibus exigentes, vt missis de Principibus aliquot, qui eos securē conducerent, ad castra proficiscerentur. Hostes enim scientes, quod eorum qui in expeditione erant, frequens erat ad mare discursus, & eorum iterum qui in nauibus erant, recurrendi ad castra votum non remissiū, vias obsidebant & itinera; & frequentes trans-euntibus porrigebant insidias, & stragem in eis operabantur: vnde non nisi in maximo comitatu ad castra præsumebāt accedere. Decreuerant autem per eosdē dies in capite pontis, vbi erat quoddā eorum superstitionis oratoriū, munitionem quādam nostri Principes erigere: vt minus liber hostibus per pontē pateret exitus. Sed quoniam infiniti de exercitu ad mare descenderant, qui peractis negotiis, ad castra redire proposuerant: eliguntur de Principibus dominus *Boamundus*, & *Comes Tolosanus*, & cum eis dominus *Eurardus de Pufato*, & comes *Garnerus de Gres*, qui Ægyptiorum nuncios redire cupientes, vsque ad mare prosequerentur; & eos qui in portu erant, tam qui recentes aduenerant, quàm qui de castris ad eos descenderāt, ad castra reducerent. Audientes verò Antiocheni, quod prædicti Principes ad mare descenderant, missis quatuor millibus expeditorum militum illis obuiam, præcipiunt vt eis parent insidias; & incautē redeuntibus, si ita contigerit, viriliter occurrere non formident. Factum est autem, vt post diem quartum, cum in redeundo essent; secum traherent inermis populi, & iumentorum victualibus, & omnimoda suppellectile onustorum multitudinem, hostes eis in quibusdam locorum angustiis repente ex insidiis occurrerent. Præibat autem dominus comes Tolosanus, dominus verò Boamundus posteriora tuebatur, agmina: qui licet viri strenui essent, & per omnia commendabiles, plebem tamen inconsultam pro voluntate regere non valentes, nec vires addere, vel alios, quibus natura negabat, postquam diu, tum pro sua honestate, tum pro illorum arcendo periculo restiterunt, videntes quod mora ad se traheret periculum, nec eos amplius inutiliter laborare oporteret; sibi prouidentes, imparē nimis conflictum reliquerunt, ad castra cum suis qui eos sequi poterant, se conferentes. At verò vulgus relictis sarcinis & impedimentis, partim ad sylvas, partim ad montes fugit: qui verò fugere nequiverunt, hostium gladiis ceciderunt interempri. Facta est ibi nostrorū strages maxima: sed de numero occisorū quidam aliter & aliter nobis retulerunt: tamen plurimum opinio est promiscui sexus & ætatis vsque ad trecentos cecidisse. Rumor interea ad castra peruenerat, eos qui à mari ascendebant, omnes in via hostium insidiis & congressione improuisa, penitus corruisse: de Principum autem vita vel morte, non erat quispiam, qui pro certo aliquid nunciaret. Interea verò dominus *Godefridus*, sicuti vir erat impiger, & ad arma promptissimus, tantam pro DEI populo, quantam pro liberis gerens sollicitudinem, conuocatis Principibus, & legionibus vniuersis, arma eos incunctanter iubet arripere: & emissā voce præconiā, sub pœna mortis interdicitur, ne quis tantæ necessitatis articulo se audeat subtrahere; sed omnes ad arma conuolent, fratrum sanguinem vindicaturi. Nec morā, quasi vir vnus conuenerunt vniuersæ legiones: quibus in vnum redactis, pontem transit nauium; & per acies diuiso exercitu, Principes ei præficit, dominum *Robertum Normanniæ comitem*, domi-

A. D.
1097.
IV.

V.

num quoque *Flandrensem*, dominum *Hugonem Magnum*, dominumque *Eustachium* fratrem suum; singulis singulas acies distribuens, congruis locat stationibus; verbis infundens animos, ad virtutem inuitat, & tanquam viris prudentibus propositum aperit, dicens: *Si ita, ut nobis nunciatum est, peccatis nostris exigentibus, Domino permittente, de dominis & fratribus nostris hostes nominis & fidei Christiana triumphauerunt, nihil aliud restare video, viri illustres, quam ut cum eis moriamur; aut tantā Domino IHESV CHRISTO illatam ulciscamur iniuriam. Mihi, credite, quia nec vita, nec salus, morte, vel quolibet agritudinis genere, carior est, si tantorum Principum sanguis impune effusus est super terram; aut tanta DEO deuoti populi strages, maturam non inuenerit ultionē. Videtur ergo mihi, quod hostes de presenti aliquantulum elati victoria, imprudentius se habebunt: & de sua virtute praesumentes, per nos ad urbem redire, praedam & manubias inferre non verebuntur. Solet enim prosperitas eos, quibus praesens arridet, reddere incautiores; sicuti versa vice, miseris & afflictis rebus, solet solertia maior accedere. Nos ergo, si tamen ita vobis videtur, hic simus parati; & iustam causam fouentes, de obtinenda victoria, in eo cui militare nos credimus, spem certam habeamus: & hostes, si per nos redire voluerint, in ore gladii, hostium more suscipiamus, iniuriae memores illatae, & a paternis virtutibus non degeneres.* Placuit itaque sermo iste, & in oculis omnium visus est bonus; dumque in eo adhuc consisterent verbo, ecce dominus *Boamundus* à mari rediens, in castra se contulit; & post modicum interuallum, Comes est subsecutus: quos reuertentes, cum lachrymis, & plena caritate suscepit populus, tantorum Principum penè solatio destitutus. Intellecto itaque domini Ducis consilio, verbum approbant, & ita fieri oportere protestantur. *Axcianus* itaque cognoscens quia sui vicerant, timensque redeuntibus, maximè propter egressas de castris praeter solitum legiones, quotquot erant in ciuitate armorum vsus habentes, sub edicto publico ad portam *Pontis*, praecipit conuenire, ut suis redeuntibus, opem impendere, si opus fuerit, non morentur. Nostri verò missis exploratoribus, diligenter percunctari faciunt, quo accedant itinere, de obtinenda victoria spem habentes in Domino. Nec mora, dum ordinatis aciebus, & erectis vexillis, hostium praestolantur aduentum, ecce aduolat, qui eos in vicino constitutos denunciât; & nostros armari, & hostibus exire obuiam, multâ vociferatione hortantur. Illis verò appropinquantibus, & eatenus vicinis, quo nostris progrediendum esse videretur, inuocato de supernis auxilio, mutuò se exhortantes, vibratis hastis, pristinae virtutis memores, in eos vnanimiter irruunt, gladiis instantes cominus. Dumque solita eis incumbunt instantia, & iniuriae memores, quam pertulerant, nec respirandi permittunt ferias, emarcuit virtus eorum, & praeterea timoris angustia renibus dissolutis, in fugam versi, versus pontem ciuitatis certatim contedunt. Sed praeuenerat eorum molimina, in huiusmodi assuetus negotiis, *Lotharingie Dux* illustris: & locum, qui ante pontem eorum erat aliquantulum eminentior, cum suis occupat; & eos quos venerabiles Principes gladiis insectabatur, ad pontem volentes effugere, aut gladiis obtruncat, aut in agonem unde fugerant violenter redire compellit perituros. Instat Comes *Flandrensiū*, tanquam vir strenuus; & armorum vsus habens familiarem, cum suis sequacibus hostium prosternt agmina, obiciēs animosius & frequenter quæ in nostros mala comiserat, exaggerat. *Normannorum* verò nihilominus Comes, à paterna virtute non degener, strenuè nimis in eodem desudat opere. Comes quoque *Tolosanus*, zelo DEI succensus; *Hugo* etiam *Magnus*, regii memor sanguinis, & à tantæ dignitatis culmine non recedens; Comes *Eustachius*, domini Ducis frater. *Balduinus* quoque, *Hermanicorum* Comes; & *Hugo de sancto Paulo*, cum aliis nobilibus, tantâ hostes animositate insequuntur, tantâ in eos virtute desæuiunt, ut contritis eorum viribus, more pecudum impune cæderentur. *Axcianus* autem urbis portas post suos quos inde ad pugnam emiserat, claudi praecipiens, ut eis animos ampliores infunderet, & pro desperatione reditus, magis animaret ad prælia, dum sibi credit consulere, suos inconsultè trahit in ruinam: dum enim nostrorum impetus, & armorum instantiam sustinere non valerent diutius, salutis vnicum erat fuga remedium: cuius spe frustrati penitus, passim gladiis cæduntur & pereunt, qui eâ viâ mortem poterat euasisse. Erat autem in castris tantus armorum fragor, & gladiatorum tinnitus & coruscatio, equorum fremitus, & populi vociferantis clamor, quod nisi armorum genus manifestam inter eos præberet differentiam, multos potuisset error indiscretus imminentibus subiecisse periculis,

culis, aut sinistris casibus exemisse. Matronę autem ciuitatis cum filiabus, & paruulis, senes quoque & imbellis populus, de turribus & muro suorum stragem contruentes, gemitibus & lachrymis suorum deplorant exterminium: *felicia iudicantes quę pręterierant tempora; eos felices nihilominus, quibus mors amica pridem contulerat, ne istis inuoluerentur calamitatibus. Quęcumque fecundas, beatas prius matres reputauerant; nunc mutato cantico, faustas esse steriles, & matribus multo prædicant feliciores.* Acxianus interea populum suum videns penitus defecisse, quodque residuum erat gladiis expositum, strage vicinā consumendum, portas præcipit sub omni celeritate aperiri, ut populi reliquias in tuto permitteret collocari. Referato autem aditu tanta per pontem fugientium facta est turba & tumultus, ut hostibus insectantibus, & præ timore se inuicem comprimentibus, infiniti præcipitarentur in fluuium. Dux verò *Lotharingia*, etsi in toto conflictu optimè se habuerat, tamen circa pontem iam aduersperascēte die, tantum tamq; insigne virtutis, quā singulariter præminebat, dedit argumētum, ut perpetuā dignum iudicaretur memoriā factum eius celebre, quo se vniuerso exercitui reddidit insignem. Nam postquam multorum capita loricatorū, sine ictus repetitione, solitā virtute amputauit, vnū de hostibus proteruius instantē, licet lorica indutum, per medium diuisit, ita ut pars ab umbilico superior, ad terram decideret; reliquā parte super equum cui infederat, infra urbem introductā. Obstupuit populus, visā facti nouitate: nec latere patitur, quod vbique prædicat, factum tam mirabile. Cecidisse eā die dicuntur de hostibus, quasi ad duo millia: quod nisi nox importuna, nostrorum titulis & palmę inuidens, se intulisset immatura, finem eā die proculdubio Antiochenorum habuisset negotium. Tanta autem circa pontem & in flumine perpetrata cædis extabāt vestigia, ut mutato colore fluuius totus ad mare sanguineus descenderet. Fama est etiam, & ita per quosdam fideles, qui ab vrbe egressi ad nostros se contulerunt, plenius innotuit, quod duodecim de maioribus eorum satrapis, in ea cōgressione gladiis obruncari, irreparabile ciuitati damnum intulerunt. Luce demum posterā solito cursu terris restitutā, iterum conueniunt Principes adinuicem, gratias Omnipotenti pro collata exhibentes victoria, ut de instantibus deliberarent negotiis. Visumq; est omnibus expedire, ut ad id, quod prius conceperant redeuntes, munitionē quandam in capite pontis erigerent: ut & ciuibus præpediretur exitus, & nostris securior discurrendi ministraretur facultas. Erat autem ibi, ut prædixisse nos meminimus, superstitionis eorū oratoriū; vbi etiā sepulturę suorum, locum deputauerant. Illuc ergo tam nocte præteritā, quā dici parte sequentis iā exactā, defunctorum suorum transtulerant & sepelierant corpora. Quod ut plebi nostrę plenius, & pro certo compertum est, illuc violēter irruentes, occasione spoliolum, quę cum ipsis tradita fuerant sepulturę, sepulchra violāt; sepultos effodiunt, aurum & argentum, & vestes preciosas cū ipsorum funeribus de monumentis extrahētes. Factū est autem, ut qui prius de numero interemptorum, eò quod de nocte consummatū erat præliū, dubitarent, per hanc talē reuelationem facti doctiores, pleniorē de hesternō negotio lætitiā conceperint. Nam præter eos qui in flumine variis casibus submersi sunt, & qui in vrbe sepulti, quiq; leraliter faucii, mortem adhuc præstolabantur imminētem, mille quingēti in prædicto loco reperti sunt. Ex quibus trecenta vel ampliora capita ad portum dirigentes, nostros qui illuc ab hesterno conflictu redierant, lætificauerunt admodum: *Ægyptiorum* quoque legatos, qui nondum à portu discesserant, plurimū in eo facto deterrentes: Vnde factum est, ut qui in mōtibus & speluncis, & syluis & fructibus, ab hesterno elapii periculo, latebāt, audita nostrorū victoriā, ad castra se cōtulerunt: multiq; milites, quos in prælio cecidisse crediderant, sani & incolumes, auctore Domino, reuersi sunt. Vnde recepto populo, qui ad varia loca se cōtulerant, castrum circa pontis initū, ex ipsis lapidibus, quos de monumentis effoderant, vnanimiter & feruenti studio muro erigunt solido, & erectum vallo profundo communiunt. Dumq; inter Principes de eius custodia esset deliberatio, & nemo esset eorum, qui tanto oneri se vellet subiicere; & causas quisq; pro sua excusatione varias allegaret, vir *Deo* amabilis dominus *comes Tolosanus* ultro se obtulit; & publicę vtilitatis gratiā nouum præsidium in suam suscepit curā. Vnde & vniuersarum expeditionum gratiā, quam toto anno valde demeruisse videbatur, sibi reconciliauit in integrum. Nam ab estate præterita, per totam insequentem hyemem, occasione cuiusdam ægritudinis, ita

VII.

remissus iacuerat, & penè inutilis, vt curam exercitus, quam Principum aliorum quisque pro viribus & studio supportabāt indefesso, ipse solus videretur negligere, nemini se exhibens munificum, nemini affabilitatis gratiā indulgens: eratque id in eo notabilius, eo quòd omnibus aliis amplius posse & habere plura diceretur. Vt igitur & desidiā simul & auaritiā excusaret, onus prædictū gratanter assumpsit. Præterea in manu domini Podiensis, & quorundā nobiliū quingentas dicitur marcas argenti examinati, ad restaurationē equorum, quos in conflictu amisisse contigerat, dedisse. Vnde eius facti animosiores domestici, de damno equorū refarciendo habentes fiduciam, hostibus solito fortius instabant; & domini Comitis, quam passus fuerat, lenita est inuidia, ita vt ab omnibus pater & conseruator exercitus ap- 10

VIII. pellaretur. Porta igitur pontis per prædictum nouum præsidium, in quo quingentos viros fortes dominus Comes locauerat, sic obfessa, vt ciuibz per eam non nisi cum maximo periculo patēret exitus, nostri ad necessaria prosequenda discurrebant liberiū. Hostes verò iā non nisi per portā Occidentālē, quæ inter radicem montis & fluuiū erat, exire poterāt. Et licet nostris, quorū castra omnia trans fluuiū posita erant, non multum eorum exitus per eam portā posset esse periculosus: quia tamen nimis liberā euagandi videbantur habere licentiā; & vitæ necessaria per eam solā adhuc inferebātur obsessis: cōuenientes iterum, vt super huiusmodi necessariū haberent tractatū, viri virtutū, & immortalis memoriæ Principes, decernunt præsentī plurimū expedire negotio, vt trās fluuiū in loco ad id idoneo 20 aliqua constitueretur munitio, vbi aliquo ex Principibus locato, illa talis euagandi amputaretur licentia. Cumque de constituenda munitione apud omnes cōllaret, nemo tamen se obtulit, qui eius præsumeret tuitionem sibi assumere. Dumque sic hēterent, & factum non procederet, dominus *Tancredus*, vir insignis & industrius, ad id muneris eligitur: sed cum de rei familiaris tenuitate excusationem vellet intexte, prædictus comes *Tolosanus* ad opus ædificii centum ei marcas argenti contulit: & vt laboris confortibus honestum non deesset salarium, quadraginta eis marcat per menses singulos ex publico sunt deputatæ. Sicque factum est, vt in colle quodam eidem portæ contermino, vbi pridem monasterium fuerat, præsidio locato, & viris 30 prudentibus & robustis ad eius deputatis custodiam, dominus *Tancredus* tam strenuē, quā feliciter, vsque ad consummationem negotii, debitā sollicitudine conseruauit illæsum. Erat autem inferiū, secus fluminis decursū, recessus quidam inter montes & eundem amnem, herbidus, & pascuorū amenitate simul & vberitate cōmendabilis, tribus aut quatuor vix ab vrbe distans miliaribus: in hūc ob defectū in vrbe pabulorū, Antiocheni equos ex parte plurima transtulerāt suos: quod vbi nostris compertum est, clam conuocatis equitū cohortibus, quadam securi viarum dispendia, vt propositum occultarent, ad locum prædictum cōueniunt: vbi occisis qui armentis præerant nonnullis equitibus, exceptis mulis & mulabus, duo millia nobilium ad castra deduxerunt equorum. Nec erat præda vel manubi- 40 rum genus aliud eo tempore, quod magis exercitui foret necessarium: nā suos tum in acie, tum fame, tum frigore, aliisque casibus innumeris penè omnes amiserant.

IX. Sic igitur ciuitate ex omni parte obsidione vallatā, vt iam ciuibz ad procuranda exteriū negotia, nec liber exitus, nec sine difficultate daretur introitus, ceperunt multā difficultate laborare, & multis aggruari molestiis. Victus enim deficiens & subito exorta inopia, ciues plurimum molestabat: imminuta quoque equorum vsibus alimonia, eos inediā tabescere, & omninò sua negare officia compellebat. Nostris autem solito liberior tum ad mare, tum ad alia loca ad quæ eos sua traherat necessitas, progrediendi data erat facultas: vnde & in castris ex parte plurima releuata erat illa victus inopia, qua periculose nimis per totā hyemem laborauerat exercitus. Nam decursā hyemis asperitate, & veris iam adulti temperie restitutā, se- 50 dato pelago, classis quæ in portu erat, ire & redire poterat tranquillius; & viarū difficultate temporis incalescentis beneficio deposita exire poterant, qui curā domesticā & familiari sollicitudinē ad procuranda negotia trahebantur. Et iam etiam qui in castris & in vrbibus finitimis, castrorum fugientes asperitatem, latuerant, reddito fauore temporis clementioris, iterum ad castra reuertebantur, arma reparantes; & redintegratis viribus iterū se accingebant ad prælia. Sed & dominus *Baldunus*, Ducis frater, de quo supra fecimus mentionem, de suarum cumulo diuitiarū, quas ei, vt

- ei, vt prædiximus, multâ liberalitate contulerat Dominus, audiens quod tantâ inopiâ laboraret exercitus, illorum decreuit de sua plenitudine piæ compassionis affectu, releuare paupertatem: & missis ingentibus donis, in auro, argento, sericis, equis nobilibus & preciosis, singulorum Principum rem domesticam reddidit ampliorē. Nec solum maioribus, verum & multis de plebe munificum se exhibens & liberalem, propensius omnium sibi reconciliauit gratiam, vniuersos in suâ excitans caritatem. Insuper autē ne domino suo & fratri primogenito aliquid minus fecisse videretur, in terra quā citra Euphratem possidebat, omnes redditus quos circa *Turbessē*, & in suburbanis ei adiacentibus, in frumento, hordeo, vino & oleo habebat; nec
- 10 non & aureorum quinquaginta millia fratri designauit persoluenda. Præterea quidam Armeniorū potens satrapa, domini Balduini familiaris, *Nichossus* nomine, tentorium miri operis, maximæ capacitatis, gratiâ domini Balduini, per nuncios suos direxit ad dominum Ducem: sed positus in itinere à *Pancratio* insidiis, ablatū est prædictum tentorium à pueris deferentibus; & ex parte prædicti Pancratii, ad dominum Boamundum dono delatum est: quod postquam domino Duci innotuit, & per pueros prædicti Nichossii ita rem processisse cognouit, adiuncto sibi Flandrensi comite, cuius amicitia specialiter in tota expeditione vsus fuerat, dominum Boamundum conuenit, vt munus sibi destinatum & ablatum violenter, restitueret: ille verò licet donationis nobilis viri Pancratii titulum prætenderet, seq̃ iustè pos-
- 20 sidere, quod Dux perebat, allegaret: tamen ne tumultus fieret in populo, aut inter Principes scandalum oriretur, multâ precum reliquorum Principum victus instantiâ, munus quod sibi oblatum fuerat, restituit, gratia inter eos plenius reformata. Vnde miramur plurimum, quod vir tantâ modestiâ insignis, tantaque morum dignitate conspicuus, non modicam & contemnendam facili, tantâ importunitate repetiit: nec aliquid nobis pro solutione occurrit, nisi quia scriptum est: *Nihil ex omni parte beatum.* & illud: *Quandoque bonus dormitat Homerus.* illud quoque tertium: *Opere in longo fas est obrepere somnum.* Vt enim in nobis sapius à bono sentiamus defectum, humanæ leges conditionis habent. Interea famâ celebri vulgabatur,
- 30 *Persarum principem* potentissimum, ad Antiochenorum instantiam, & suorum etiam postulationes assiduas, ex vniuerso imperio suo, in eorum subsidium, innumera- biles dirigere copias; & infinitam Turcorum multitudinem in Syriam ascendere, sub deputatis magistratibus, lege edictali præcepisse. Nec solum ab exterioribus rumor hic originem habebat & incrementum; verum etiam qui de vrbe egrediebantur, ad castra nostra habentes refugium, id ipsum consonè protestabantur. Cumq̃, per dies singulos magis & magis rumor hic ampliaretur, & iam pro foribus dicerentur imminere, timor nostrum cōcussit exercitum; ita etiam vt dominus *Stephanus Carnotensium comes*, vir potentissimus & princeps illustris, quem ob meritum singularis prudentiæ principes suis consiliis quasi patrem præfecerant, simulatâ ægritudine, sumptâ à fratribus licentiâ, cum domesticis & familiaribus vniuersis, &
- 40 omnimodâ quâ plurimum abundabat substantiâ, ad mare descenderet, dicens se apud *Alexandriam minorem*, quæ non longè à portu in littore maris sita, initium præstabat Ciliciæ, moram velle facere, quousque receptâ plenâ conualescentiâ, & viribus resumptis, iterum redire valeat: quo discedente, secuti sunt eum, qui in eius comitatu aduenerant, viri quasi ad quatuor millia, qui ad mare perueniens, ad prædictam secessit Alexandriam, rei euentum præstolans: habens apud se propositum, quod si nostris in bello, quod sperabatur futurum, prosperè succederet, rediret ad exercitum, quasi de ægritudine conualescens; sin autem, in nauibus quas sibi parauerat, cum probro perpetuo & existimationis iactura, redire in patriam tentaret. Quo facto tam notabili, & perennem irrogante infamiam, Principes qui
- 50 in castris erant consternati, nobili viro compatientes, qui & decus generis, & honestatem propriam tantâ culpâ funestauerat, cœperunt anxie deliberare, quomodo huic tanto malo possent occurrere: ne qui residui erant, pernicioso illius prouocati exemplo, simile aliquid auderent attentare. Placuitq̃ tandem de communi consilio, vt missâ voce præconiâ, omnibus generaliter ab exercitu discessus interdiceretur: adhibitâ pœnâ, quod si aliquis, cuiuscunq̃ conditionis officio fungeretur, aut cuiuscunq̃ dignitatis cingulo præmineret, furtim, & sine Principum licentiâ, se à castris subtraheret, tanquā sacrilegus aut homicida, perpetuæ subiaceret

- infamiae, & vltimum præterea supplicium cogeretur subire. Factumq; est ita, vt *sum* virtutis amore, *sum* pœna formidine, nemo iam de cætero, nisi à Principibus impetratâ licentiâ, vel ad modicum auderet se à castris subtrahere; sed omnes vnanimiter tanquam viri claustrales, Principibus suis sine difficultate & molestia se obediētes exhibebant.
- x i. Porro hæc ciuitas Deo amabilis, à tempore Apostolorum, vt prædiximus, C H R I S T I doctrinam, & iugum suauē, prædicante ei Apostolorum principe, suscepit, & vsque in præsentem diem fideliter & deuotè portauit. Dumq; totus concuteretur Oriens, *successoribus Mahomet* ad impietatem superstitionis & peruersorum dogmatum vniuersas violenter subiugantibus prouincias, hæc & eorum languorem respuit; & gentis incredulæ dominationem, quàm diu potuit, ferre *directauit*. Nam cum omnes à sinu Persico vsque ad Hellespontum, & ab India vsq; ad Hispanias, hereses illius seductoris, vniuersas occupassent regiones, hæc in medio peruersarum nationum, quasi sola & singularis, fidei conseruauit integritatem, & pro sua stetit viriliter libertate. Nam vix annorum quatuordecim elapsa erāt curricula, ex quo perurgente eam intolerabili hostium procella, longis obsidionibus fatigati eius ciues inclyti, & iam diutius resistere non valentes, urbem hostibus nominis & fidei Christianæ resignare coacti sunt. Vnde factum est, quod etiam adueniente nostrorum exercitu, penè omnes ciuitatis habitatores fideles erant, sed nullam in ciuitate habentes potestatem: Nam eis negotiationi, & aliis mechanicarum artium officiis vacantibus, solis Turcis & infidelibus militare licebat, & maiores ciuitatis administrare dignitates: vnde nec arma eis licebat tractare, nec ad curam rei militaris admittebantur: & maximè postquam de aduentu Occidentalium Christianorum rumor ad Principem ciuitatis peruenerat, ita suspecti habebantur, & præsertim postquam urbem vallauerat obsidio, vt etiam non nisi certis horis de domibus exire, & prodire in publicum liceret. Erant autem ex eis in ciuitate familiæ valde nobiles, antiquam ducentes ex generosis proauis sanguinis dignitatem: inter quas erat tribus vna generositate insignis, quæ dicebatur *Beni Zerra*, quod in lingua Latina interpretatur, *Filius loricatoris*. Hi enim siue à primo eorum parente, qui hanc artem exercuit; siue ab eo quod ipsi hanc professionem exercerent, vt loricas intexerent, dicebantur *Filii loricatoris*. Probabilius tamen est, & videtur, quod quidam ex eis adhuc eidem arti darent operam; vt sicut nomen habebant hereditarium, ita & per successionem traditam artem non desererent. Vnde & in parte ciuitatis Occidentali secus portam, quæ hodie dicitur *S. Georgii*, turris vna, quæ vulgari appellatione dicitur *Duarum sororum*, vt in ea artis suæ, quæ domino & ciuitati plurimum videbatur utilis, quieti conuacarent, erat eis deputata. Erantq; in ea familia duo fratres, quorum maior, & qui contribulium suorum & familiæ princeps erat, dicebatur *Emirfeirus*, vir potens plurimum, & vrbis domino multâ familiaritate coniunctus, ita vt in eius palatio Notarii fungeretur officio, & plurimâ esset insignis dignitate. Hic autem, quoniam vir erat valde industrius & vaser; audiens quod dominus *Boamundus* princeps magnificus esset & illustris, & in omnibus quæ exterius gerebantur, primas haberet partes: statim post urbem obsidione vallatam, per fideles internuncios eius sibi conciliauit gratiam; totoq; obsidionis tempore, fideliter & deuotè se continuauerat in proposito; ita vt diebus penè singulis de statu ciuitatis, & *Aexiani* proposito eum redderet doctiorem. Dissimulabat enim quantum poterat, sicuti vir discretus erat & prudens, hanc quam cum domino Boamundo contraxerat familiaritatem, ne fortè aliis cognita, sibi & suis posset esse in periculum. Dominus quoque Boamundus versâ vice, hanc boni viri occultabat amicitiam, & arcanum penes se quasi sepultum comprimebat; ita vt nec eorum familiaritatis & discurrentis internuncii, etiam vtriusque domestici & contextales, nullum vel leue possent intelligere argumentum.
- x i i. Dumq; iam quasi mensibus septem hæc inter eos se continuasset gratia, ita occultè, vt diximus, plerunq; de eo, quomodo ciuitas Christianæ restitueretur libertati, sermo inter eos habitus est familiaris: cumq; super eo à domino *Boamundo* sæpius esset commonitus, semel eidem per filium, qui secretorum erat baiulus, respondisse dicitur: *Nosti, virorum optime, & meâ mihi lucetior, quàm sincere te dilexerim, ex quo auctore Domino, in hanc communem gratiam descendimus: teneoq; nihilominus memoriter, quod in verbo tuo, firmam, & bono viro condignam reperi vsquequaque stabilitatem: vnde factum est, vt per dies singulos mihi magis & magis inueneris, & multo*

- & multo carior occurras. Super eo autem, unde me commonuisti sapius, nonnunquam sollicitus deliberavi, partes congruo pensans libramine. Nam si patriam pristina restituere libertati; & exclusis immundis canibus, quorum violentâ dominatione premimur, DEI cultorem populum possem introducere, certus sum, aeterna mihi non defutura premia; & cum sanctis animabus aeternae beatitudinis non defuturum consortium. Si verò rem semel aggressus, difficilem & arduam, consummare nequiuero, certum est, & nulli venit in dubium, quin domus mea, & praeclara nomen familiae penitus deleatur, ita ut non memoretur nomen illius ultra. Veruntamen, quoniam consuevit emolumentorum spes, mortalium mentes ad familia saepius inuitare: si hoc posses apud tuos consortes obrinere, quod nostro studio traditam tibi, propriam
- 10 vendicares ciuitatem: ego tui gratiâ, (cui omne bonum, tanquam liberis meis cupio) ad praedictum opus, licet difficile videatur, auctore Domino, cuius glutino mihi coniunctus es, me accingam; & turrim hanc munitissimam, ut vides, cuius plenam habeo potestatem, sine difficultate tibi tradam, unde vestris omnibus liber in ciuitatem esse poterit introitus. Si verò, sicut pares es, ita urbem captam, equis inter vos portionibus proposuisti diuidere: ego gratiâ illorum, ad quos nulla mihi est proportio, in hoc periculum non descendo. Vnde tu diligenter elabora & enitere, publicae utilitatis & salutis gratiâ, ut apud tuos conprincipes id obtineas: sciturus procul omni dubio, quod quacunque die te id obtinuisset cognouero, urbis tibi additum, sicut persuadere niteris, aperire non differam. Ad hac noueris, quod nisi hoc in proximo fiat, differetur fortasse in perpetuum: nam diebus penè singulis ciuitatis domino, & nuncii diriguntur & epistola, quod
- 20 qui in subsidium eius ex omni Oriente conuenerunt, circa Euphratem castrametati sunt, equitum ducenta trahentes secum millia. Quod si vos extra urbem reppererint, difficile est, ut & ciuium & aduenientium multitudinem hostium, tolerare possitis. Ab ea igitur die dominus Boamundus praetentare coepit sollicitus, & singulorum Principum corda percunctari diligenter, quid nam haberent in animo; & quid si vrbs obsessa caperetur, de ea disponderent: celans tamen propositum, nisi apud eos de quibus certum habebat, suis grato assensu obtemperaturos desideriiis. Cumq; intelligeret se apud quosdam illorum non multum posse proficere, rem distulit usque in tempus magis opportunum. Dux tamen Godefridus, & Normannorum comes, & comes simul Flandrensum, nec non & dominus Hugo magnus, eius acquieuerant postulationi, & grato concurrebant assensu; secretum nobilis viri approbantes, & admirantes prudentiam, & apud se occultum, & nemini vnquam publicandum comprimentes. Solus verò Tolosanus comes in eo ab aliis erat dissonus. Vnde factum est, quod res in periculosam penè descendit dilationem: nam nec ille, domini Boamundi familiaris, tantum sibi aliorum gratiâ laborem volebat assumere, nec tantis se mancipare periculis; nec ipse dominus Boamundus tantâ pro utilitate communi, quantâ pro domesticâ & familiari laborabat instantiâ: familiaritatem tamen cum viro praedicto, muneribus & obsequiis prosequabatur, legibus syncerae impletis amicitiae: missisque frequentibus, & receptis pariter nunciis, utrimque semel concepto vires & fomitem ministrabant amor.
- Interea qui ab Acxiano & ciuibus subsidium postulaturi
- 30 missi fuerant in Persidem, consummato pro votis negotio, & impetratâ postulatione, quam praetulerant, reuertebantur ad propria. Princeps enim ille magnificus, Antiochenorum molestiis, quas audierat compatiens, & occurrere volens nostrorum conatibus, & vires praecidere, ne regnorum eius aliquas partes suâ violentiâ possent comprimere; infinitas Persarum, Turcorum, Curdinorumq; copias in Syriam dirigit, quendam familiarem suum, de cuius virtute, fide & industria plurimû praesumebat, illis praeficiens; & sub eo centuriones, quinquagenarios, & inferiores constituens magistratus, qui omnes eius & parerent & regerentur imperio. Epistolas praeterea ad vniuersarum sibi subiectarum praesides regionum, vim legis obtinentes, ei delegat, praecipiens populis & nationibus, tribubus, & linguis, ut omnes
- 40 sine excusatione dilectum filium suum Corbagath, quem exercitibus suis de meriti electione praefecerat, sequantur; & eius omnes subiiciantur potestati, parentes in omnibus quacunque pro libera voluntatis arbitrio ipse imperare decreuisset. Assumptis igitur de mandato domini, praedictis legionibus, & quae toto itinere occurrebant, cum ducentis millibus Mesopotamiam ingressus, circaque partes Edeffanorum castrametatus est. Hic cum eidem multorum relatione cognitum esset, quod vnus de Francorû Principibus, contra quos dirigebatur, tam ciuitatem, quam vniuersam adiacentem obtineret

XIII.

XIV.

prouinciam, decreuit antequam Euphraten pertransiret, prædictam impugnare & violenter occupare ciuitatem. Dominus autem *Baldwinus* præcognito eius aduentu, urbem suam victualibus, armis & viris strenuis vndique corrogatis, diligenter communierat, ita quod de eius minis & terroribus modicum quid erat sollicitus. Cumque voce præconiâ publicè mandatum esset cohortibus, ut urbem obsidione vallarent, & obsessam totâ impugnarent instantiâ; videntes quod resistentibus strenuè ciuibus, non multum in eo facto possent proficere: qui sensus habebant magis exercitatos, ad illum accedentes Principem suum, post multa tandem persuaferunt, ut relictis incidentibus causis, principale propositum exequeretur; & Euphrate transmissio, Antiochiam, quò principaliter dirigebatur, obsidionem dissoluturus maturaret. Nam in reditu suo, obtentâ victoriâ, vix vnus opus esset diei, & prædictâ occupare ciuitatem, & *Balduinum* vinculis mancipare. Cumq; per tres septimanas continuas ibi operam consumpsisset & impensans, præcepit legionibus ut transiret fluuium: & ipse nihilominus transiens, proposito cœpit instare diligentius. Hęc autem eius circa partes *Edeffanas* mora, causa fuit quod dominus *Baldwinus* prædictæ obsidioni se præsentem dare non potuit: causa fuit etiam & nostrorum salutis. Nā si directo ad eos peruenisset itinere, sicuti & domino *Boamundo* ab eius amico prædictum fuerat, antequam urbem obtinerent, in graui esset res eorum constituta discrimine: nam etiam vrbe prius per Dei gratiam obtentâ, vix eius potuerunt aduentum sustinere. Rumor interea aduentum tantorum exercituum præcurrens, 20 castra repleuerat, & multis id ipsum referentibus, quasi pro certo habebatur, quod in vicino essent constituti. Super quo Principes valde solliciti, viros experientissimos, de quorum fide & industria meritò possent præsumere, ad loca dirigunt diuersa; ut quantâ possint diligentia, per suos, de quibus dubitare non erat licitum, percontarentur & fierent prudentiores, an ita foret sicuti vulgò dicebatur. Eliguntur ergo ad id muneris viri nobiles & in armis strenui, *Drogo de Neella*, *Clarenbaldus de Vendoul*, *Girardus de Cerisiaco*, *Rainardus Comes Tullensis*, & alii nonnulli, quorum nomina non tenemus: qui ad varias partes dispersi cum suis comitatibus, sedulitate quantâ possunt diligenter inuestigant; & missis iterum suis exploratoribus ad loca vltiora, ex omni parte expeditiones confluere & conuenire in vnum exercitus, sicut solent 30 flumina in mare decurrere, pro certo colligunt: tandemque maturè reuersi, Principes qui eos miserant, super eo plenius instruunt, iam non de cætero dubitantes. Septem itaque diebus, antequam prædictus Princeps cum suis adueniret legionibus, præmoniti sunt nostri Maiores exercitus, exploratoribus iniungentes, ne id populo notum fieret; ne fortè plebs famis angustia & laboris diuturnitate fatigata, timore concuteretur nimio, & de fuga cogitaret; quod quibusdam etiam de Maioribus nupèr acciderat. Conuenientes igitur adinuicem super facto in quo totius negotii videbatur summa consistere, in spiritu humilitatis & in animo contrito cœperunt adinuicem deliberare, quid in tanta necessitate fieri oporteret; tandemq; placuit quibusdam, ut omnes quotquot erant in obsidione, exterius aduenienti multitudini vrbe relictâ procedant obuiam ad duo vel tria miliaria: ibique cum superbo Principe, & de viribus suis nimium præsumente, inuocato de cœlis auxilio, belli fortunam experiantur. Aliis autem videbatur expedientiùs, ut partem exercitus in castris deserant, qui ciues egredi & hostibus admisceri volentes, infra mœnia cohibeant: pars verò potior & armis magis instructa, iuxta consilium priorum, aduenientibus hostibus in virtute Omnipotentis occurrant ad tria miliaria: ibiq; si ita est à Domino prouisum, congregiantur. Dumq; in hac deliberatione studiosius disceptarent adinuicem, & quisq; suam pro arbitrio daret sententiam, dominus *Boamundus* maiores Principes, dominum *Ducem Godefridum*, & dominum *Flandrensem Comitem Robertum*, dominum item *Robertum Comitem Normannorum*, dominum quoq; 50 *Raymundum Comitem Tolosanum*, seorsum à turba secretiùs conuocat, & in loco familiariter constitutos alloquitur, dicens: *Video vos, fratres dilectissimi, & diuinæ seruitutis consortes, de aduentu istius Principis qui venturus esse dicitur, multâ sollicitudine macerari; & in deliberatione præmissa variis affectos desiderijs, varia sensisse: sed tamen neutram partium illuc se dirigere, ubi totius negotii summa consistit. Nam siue omnes egrediamur, ut volunt ex vobis quidam, siue pars in castris remaneat; videmur operam & studium, & impensas per tam longa tempora inutiliter expendisse: nam egredientibus vniuersis soluetur obsidio, & nostrum euacua-*

bitur

- bitur propositum, ciuibus in suam se libertatem recipientibus, aut dum hostibus egressu libero se adiungent, aut dum urbi auxiliares introducunt cohortes. Si vero pars legionum in castris remanserit, id ipsum video de necessitate contingere. Nam quomodo poterit pars una, presente eorum subsidio, ciues infra urbem cohibere, cum nos omnes, viribus communibus & indanisis, absque ulla spe subsidii deiectos, vix poteramus cohibere? Alterutrum horum mihi videor videre profecto futurum, ut vel suis coniuncti auxiliis, mixtis viribus in nos irruant fortiores; aut saltem introductis auxiliariis copiis, urbem victu, & armis diligenter communiunt: ita ut citius auctore Domino exteriores vicerimus, de obtinenda tamen urbe nulla nobis fiducia reſeruetur. Vnde mihi videtur, Patres reuerendissimi, quod illuc omnis nostra deberet festinare intentio, & circa id sollicitudo versari, ut ante huius tanti Principis aduentum ciuitas in nostram prius descenderet ditionem. Quod si modum quæritis, quo hoc nostrum tale consilium effectui valeat mancipari, ne impossibilia videamur suggerere, in promptu est nobis viam aperire compendiosam, & qua facile ad finem perueniatur optatum. Amicum habeo in ciuitate fidelem, quantum humanus diiudicare valet oculus, & prudentem plurimum: hic secundum quod aliquibus ex vobis iam me retulisse memini, turrim habet in sua potestate munitissimam, quam sub certis conditionibus, quotiens id ab eo exegero, fide mediâ obligatus, mihi resignare tenetur. Pro quo factum multam illi pactus sum dare pecuniam; sibiq; & heredibus eius in perpetuum non modica prædia, & libertatem omnimodam, quasi pro labore salarium, si res optatum fortiri poterit euentum, fide interpositâ, compromissi. Si ergo vestra videtur Amplitudini, ut nostrâ sollicitudine & studio
- capta ciuitas in nostram iure hereditario possidenda transeat iurisdictionem, paratus sum, cum prædicto familiari meo pacta complere. Sin autem, elaboret vestrum quilibet & quocunque studio urbem poterit obtinere, habeat eam sibi in omni pace quietam: ego illi in præsentiarum meas cedo actiones, & iuri meo renuncio. His dictis, Principes gauisi sunt gaudio magno; & petitioni oblata grato concurrentes assensu (excepto Comite Tolosano, qui partes suas se nemini cedere, proteruè nimis asseuerabat) urbem cum suis pertinentiis iure hæreditario possidendam concedunt in perpetuum; & compromittentes adinuicem, & datis dextris se obligantes, quod sibi creditum nemini reuelarent arcanum: dominumque Boamundum monent & hortantur attentius, quatinus ad rei consummationem totâ incumbat sollicitudine, ne periculosa intercedere patiatur
- moram. Soluta itaque conuertu, ille sicut vir erat moræ impatiens, & ardens vrgens propositum, amicum solitis conuenit internunciis; & significans quod apud Principes cuncta pro votis impetrauerat, amici animum solito reddidit lætiorem. Monet ergo & per fidem inuitat mediani, ut nocte proximè subsequente, auctore Domino, res effectui mancipetur. Acciderat autem medio, ut dicitur, tempore quiddam, quod ad conceptum prius opus eum nihilominus animauerat. Nam dum circa frequens ministerium & curam, quam in domo domini sui & urbe vniuersa habebat amplissimam, detineretur occupatus, casu filium quem habebat iam puberem, ex causa vrgentē, sed nobis occulta domum direxisse dicitur, qui illuc perueniens rem inuenit detestabilem. Vnum enim de Maioribus Turcorum principibus, cum matre reperit puer, illicitâ carnis copulâ commisceri; quod abhorrens & dolore cordis tactus intrinsecus, ad patrem properus rediit, rem nefandam, seriatim pandens. Ille verò facti acerbitate permotus, & zelo maritali succensus, dixisse fertur: *Non sufficit canibus immundis, quod nos indebitè iugo premunt seruitutis, & nostra cottidianis exactionibus debilitant patrimonium; nisi & thori leges violent, & iura dissoluant coniugalium.* Ego, si vixero, hanc eorum, auctore Domino, abbreviabo insolentiam, dignam pro meritis compensationem retribuens. His dictis, iniuriam dissimulans, filium secreti conscium, & de illata matri turpitudine confusum, solito itinere ad dominum dirigit Boamundum, monens attentius, ut ad opus prædictum vniuersa præpararet necessaria; in se verò nullam
- esse moram, quo minus nocte proximâ promissum impleatur. Significat nihilominus, ut circa horam nonam omnes Principes, singuli cum suo comitatu, tanquam hostibus obuiam profecturi de castris egrediantur: circa primam verò noctis vigiliam, clam & cum silentio reuertentes, parati sint circa noctis medium, iuxta cius monita se habere. Susceptum ergo adolescentem, ad Principes secreti conficios occultè secum deducit; & consilii formam, quam per eundem à patre susceperat ordinatam, pandit ex ordine. Illi verò viri argumentum, & fidei stupentes synceritatem, consilium approbant; & ita fieri oportere consentiunt.

XVIII.

Accidit autem per eisdem dies quiddam, quod in maioribus negotiis solet contingere frequentius. Ciuium enim & eorum maximè qui curam vrbis gerebant propensio-rem, cœpit animus prælagire, non ex aliquibus euidentibus indicis; sed magis ex suspitione, quod de vrbe tradenda occultè haberetur tractatus; cœpitque sermo iste in omnium ore penè versari. Vnde conuenientes adinuicem Maiores ciuitatis, Principem adeunt, super eo verbo consilium habituri: videbatur enim verisimile, & multæ ad id concurrebant præsumptiones. Erant enim in eadem ciuitate, vt prædiximus, multi fideles, qui etsi omnino huius reatus erant immunes, tamen suspecti habebantur: inter quos prædictus nobilis homo, & si de eius fidei synceritate *Aexianus* non modicè præsumeret, à reliquis magnatibus in eadem habebatur suspitione. Verùm & coram Aexiano positi, dum super eo facto deliberationem haberent sollicitam, inter alios qui videbantur suspecti, huius habuerunt mentionem: ideoque maiorem videbantur de eius suspitione habere rationem; quod & vir erat industrius, & præ cæteris fidelibus in vrbe potentior. Quibus prædictus Princeps quodammodo persuasus, eum ad se præcipit euocari: quo in eius præsentia constituto, de eodem verbo coram eo cœpit studiosè idem continuari tractatus, vt eius super hoc consilium audiretur; & deprehenderetur ex eius verbo manifestè, vtrum meritò suspectus esset vel non. Cōtiguit autem, sicut vir industrius erat, & celeris valde perspicacitatis, quod protinus cognouit, quod eius gratiâ ille talis haberetur conuentus, quod apud eos suspectus haberetur: vnde, vt artificiosè celaret propositum, & se apud eos assereret innocentem, fertur dixisse his qui conuenerant vt tentarent eum: *Sollicitudinem geritis, viri venerabiles, & huius ciuitatis Principes maximi, valde commendabilem, & quæ non nisi in prudente locum potest habere. Prudentem enim timetur, quod accidere potest; & abundans in re capitali cautela, non nocet. Vnde non leui motu inducti esse videmini, vt pro libertate, vita, uxoris & liberis hæc geratis sollicitudinem. Est tamen, si nostro vultis acquiescere consilio, via compendiosa satis, quæ huic morbo quem venturum formidatis, possit conueniens aptari remedium, & cura competens adhiberi. Hoc negotium tam detestabile, quod ita prudenter veremini posse accidere, nullatenus potest effectui mancipari, nisi per eorum operam, qui turribus & muris sunt præfecti, & ad portarum deputati custodiam. Quod si de eorum synceritate diffiditis, mutantur frequentius, ne in aliquo certo loco moram facientes diuturnam, perniciosam cum hostibus possint contrahere familiaritatem. Huiusmodi enim negotium non facile absoluitur; sed temporis indiget diuturnitate; nec penes priuatam personam tanta rei potest consistere momentum; nisi & de Maioribus ciuitatis, pari factionis scelere corrupti muneribus, inuoluantur. Mutatio verò hac repentina & frequens, omnem huiusmodi periculosa negotiationis amputabit opportunitatem.* Hæc cum dixisset, innocentiam visus est astruxisse suam; & suspicionem quam de eo conceperant, aliquatenus mitigasse. Placuit itaque eius sermo, & in oculis omnium visus est bonus; fuisseque statim effectui mancipatum eius consilium, nisi quia nocte irruente dies iam declinauerat; ita vt nequaquam circa vrbis statum tanta posset fieri mutatio. Curâ tamen vigili & exactâ diligentia vrbem præcipiunt custodiri, eorum quæ à prædicto viro tractabantur occultè, penitus ignari. Ipse autem sciens quod in proximo res esset maximam mutationem subitura, sedulū se gerit quomodo interim propositum impleretur, antequam aliquid occurreret impedimēti.

XIX.

Porrò ciues ab ipso primo nostrorum introitu, ex quo circa urbem locata est obfidio, suspectos habuerunt Græcos, Syros, & Armenios, & alios cuiuscunque generis, Christianæ fidei professores. Vnde statim eos qui tenuiores erant, nec sibi & familiolis suis poterant sufficere, victum penes se habentes necessarium, extra urbem fecerant, ne vrbi essent oneri: solis diuitibus, & qui ampla habebant patrimonia, & alimenta penes se domibus suis sufficientia, retentis. Hos etiam tantis angariis affligebant, & parangariis, vt melius esse videretur his, quos ab vrbe depulerat, quàm quibus pro summo beneficio vrbis indulserant habitationem. Nam & pecuniaras eis sæpius infligebant multas, id quod habere videbantur violenter extorquentes; & ad quælibet fordida munera & onera ciuilia rapiebant inuitos. Nam si erigendæ erant machinæ, aut immensi ponderis transferendæ trabes, statim id eis muneris iniungebatur. Hi lapides & cœmenta, & quamcunque materiam ad opus ædificiorum necessariam circumferre compellebantur: hi iaculatoriis etiam machinis, molares qui extra mitterentur tenebantur ministrare; & funibus quibus extra contor-

contorquebantur inferuire, pro arbitrio præfectorum sine intermissione, nullâ datâ requie, cogeantur. Demum verò postquam iniuncta sibi obsequia fideliter & deuotè compleuerant, colaphos & verbera reportabant, pro mercede indignis affecti contumeliis. Nec sufficiebat hoc immundis canibus, quorum violentâ dominatione premebantur: sed vt inauditam complerent malitiam, octo diebus, antequam supradictum virum, vt prædiximus, tanquam suspectum conuenirent, consilio secretiùs habito, vniuersos quotquot in vrbe habitabant fideles, subitò, & de nocte occidere decreuerunt: Quod nisi per quendam magnum & prudentem ciuitatis principem, qui semper Christianis se amicum exhibuerat, octo dierum ad id complendum, inuitis aliis, datæ fuissent induciæ, procul omni dubiò, missis spiculatoribus, illius tam perniciosi executoribus consilii, eâdem nocte vniuersa fidelium turba gladio cecidisset. Recepta autem fuerat eo intuitu octo dierum prædicta dilatio, vt interim considerarent, vtrum solueretur obsidio: quod si nostri in obsidendo perseuerassent, tunc quod decretum fuerat, executioni mandaretur; sin autem, parceretur ciuibus, qui ad mortem erant deputati. Effluxerant porrò feriæ, eaque nox erat nouissima; iamque secretiùs exierat edictum, vt prædicta executioni mandaretur sententia: cum de complendo eâdem nocte nostris proposito, inter dominum *Boamundum* & prædictum *Emirferum* conuenerat; & pro fixo fuerat statutum, vt quod multum antè inter eos conceptum fuerat, adimpleretur: quod auctore Domino factum est. Vnde accidit, quod eâdem nocte nostris urbem occupantibus, pro excito tumultu, Maiores ciuitatis minus facti sunt solliciti; nihil aliud arbitantes vrbis strepitum significare, quàm id quod in Christianos conciuēs præceperant exerceri. Vnde & vrbe violèter effractâ, in domibus fidelium reperti sunt de hostibus quamplures, qui ad hoc conuenerant, vt sicuti eis iniunctum fuerat, incautos repente occiderent. Igitur circa horam nonam, missâ voce præconiâ per castrorum ambitum, edicitur publicè vniuersis de equestri ordine, quatenus armati omnes, maiores sequantur Principes, id quod eis iniunctum fuerit, sine mora executuri. Erat autem non solum plebs huius ignara secreti; verùm etiam paucis ex Maioribus réuelatum erat hoc mysterium. Factum est igitur, vt iuxta prudentis viri consilium, egressæ à castris vniuersæ equitum copiæ, Principum secutæ vexilla, longiùs se abire sinxerunt, quousque nox irruens, terris solitam induxit caliginem: quâ occultati, clam & in silentio ad castra sunt reuersi. Huic autem viro *DEI*, qui tantum nostris fauorem contulerat, frater erat vterinus; longè alterius mentis, & disparis propositi: cui frater, quoniam de eius non multum præsumebat synceritate, nihil secreti sui communicauerat; sed suspectum habens eum, quâ tum poterat propositum, occultabat suum. Accidit autem eâdem die, dum nostræ circa horam nonam egrederentur legiones, quod ambo fratres iuncti adinuicem per cæcellos murorum, castra prospicerent, & egredientia contuerentur agmina: laborabat autem frater senior, iunioris nosse propositum, & eius voluntatem diligenter indagare: vnde exorsus, ad fratrem dixit: *Misereor, frater mi, populo huic nostræ professionis gratiam & fidem consecuto, cui tam subitus paratur interitus: ignarus enim quid crastina pariat dies, securus egreditur, & quasi rebus in tuto locatis, nihil timere videtur: verùm si sciret quantæ illi præstruantur insidiæ, & quantâ in proximo eorum paretur ruina, fortè aliter sibi prouideret.* Cui frater: *Stultâ, inquit, solitudine consumeris, & indiscretâ compassione fatigaris: utinam Turcorum gladiis iam occubuisissent vniuersi: à die enim introitus eorum primo, multo deterior facta est nostra conditio: vixq; esse poterit, vt tantum nobis per eos utilitatis accedat, quantum molestiarum eorum occasione passi sumus.* Sic ergo qui priùs dubitauerat, an fratri suo communicaret propositum, nunc tanquam pestem declinans, abhorret animo, execratur in conscientia; & ne *CHRIST*i obsequium per eum præpediretur, de eius cœpit morte (caritati fraternæ publicam fidelium præponens salutem) tractare. Interea dominus *Boamundus* totâ mente anhelus, quomodo votis satisfaceret, ne de eius desidia res optata susciperet dilationem, Principes circuit, totâ instantiâ monet esse sollicitos, scalam in funibus cannabinis satis artificiosè intextam, paratam habens præ manibus, quæ vncis inferiùs ferreis, superiùs verò ad murorum propugnacula debeat alligari. Iam verò nocte mediâ, cum se vniuersa quieti dedisset ciuitas, continuis vigiliis, & labore immenso vires sopori ministrantibus, interpretem domesticum & valde familiarem ad prædictum amicum dirigit, vt ab

○○○

eodem sciscitetur diligentius, vtrum adhuc sibi velit adesse domini sui familiam. Adueniens autem ille, virum in cancellis reperit vigilantem. Cumque ei interpretis voce submissa, verba domini sui exposuisset, respondit ei: *Sede quietus & tace, quousque prefectus vigilum, qui cum multo accedit comitatu, & fulgore lampadarum, locum istum pertranscat.* Erat enim in ciuitate consuetudo, quod præter vigiles, qui singulis turribus erant deputati, eorum superior magistratus, ter vel quater in nocte, muros cum ingenti circuiret comitatu, faculas ardentes gestando præ manibus, vt si quos inueniret aut somno grauatos, aut negligentius se habentes, debite animaduersioni subiiceret. Pertransiens autem hic, cuius tanta erat iurisdictio, & prædictum virum vigilantem reperiens, eius commendauit diligentiam, ad vltiora deprope- 10
rans loca securus. Videns autem vir prædictus horam se obtulisse rebus agendis opportunam, interpretem sepositum alloquitur, dicens: *Vade citius; & dic domino tuo, vt cum viris electis festinus adueniat.* Qui dicto citius recurrens ad dominum, & paratum reperiens, conuocatis clam aliis Principibus, & in ictu oculi, sicuti præmoniti erant subsequenter, quisque cum suo domestico comitatu, subito ante turrim diu antè prænotatam, quasi vir vnus astiterunt, ita vt nec clamor, nec strepitus ex eis audiretur. Interea ille vir prædictus turrim eandem ingressus, fratrem reperit somno grauatum, cuius quia mentem nouerat alienam à suo proposito, timens ne per eum rei iam penè consummate ministraretur impedimentum, gladio transuerberat, *facto pius & sceleratus eodem.* Post hæc rediens ad cancellos, & quos euocari præ- 20
ceperat præsentem conspiciens, dato & resumpto mutæ saluationis affatu, funem demittit inferius, quo scalam ad se pertrahat subleuatam. Erecta igitur scala, & tam à superiore parte, quàm ab inferiore firmiter annexa, nemo repertus est, qui ad vocem superioris, vel domini Boamundi mandatum præsumeret ascendere, & in se huiusmodi experimentum facere. Quod dominus Boamundus videns, conscendit ipse prior intrepidus. Cumque iam muri propugnaculo, transcursa scala, manum adhibuisset, comprehendens eam qui erat interior, sciens quia Boamundi esset manus, dixisse fertur: *Viuat hæc manus.* Et vt eius & omnium fidelium sibi maiorem conciliaret gratiam, eò quod fratrem vterinum, in opere tam sancto non consentientem transuerberauerat, inducit eum in turrim; & fratrem ostendit exanimem; 30
proprio sanguine cruentatum. Deosculatus igitur dominus Boamundus viri constantiam, & fidei sinceritatem, ad murum rediens, emissio paulisper per cancellum capite, voce suppressa suos ad ascensum cœpit inuitare: cumque adhuc dubitarent; nec erat aliquis ausus ascendere, totum reputantes sophisticum, quicquid de muro dicebatur: quo cognito, ad suos per eandem scalam rediens, suæ incolumitatis euidenter dedit argumentum. Vnde factum est, vt certatim ascendentes, in momento murum replerent; & non solum turrim illam, verum & de collateralibus nonnullas occuparent. Audiuit quod inter alios dominus *Flandrensiū Comes*, & dominus *Tancredus* ascenderint, quorum doctrinam ceteri regebantur.

XXII. Videntes verò Principes, quod sufficiebat numerus & prudentia eorum qui 40
iam ascenderant, vt vna vel plures portæ aperirentur, sub omni velocitate reuersi sunt ad castra, vt suas præparent copias; & dato signo ab interioribus, urbem ingredi non morentur. Qui verò supra murum ascenderant, virtute induti ex alto, duce prædicto viro qui eos introduxerat, iam decem turres, in eodem sine interpolatione tractu, occisis earum custodibus occupauerant: & tamen adhuc vniuersa quiescebat ciuitas, ita vt nec rumor aliquis audiretur. Erat autem secus eam partem muri, vnde nostri ascenderant, porta adulterina: ad quam descendentes, fractis eius vestibus & seris, eam violenter aperiunt; & admit-
tentes eos qui de foris expectabant, creuit eorum numerus qui intus erant in im-
mensum: ita vt ad portam, quæ Pontis dicitur, facto impetu concurrentes, ca- 50
sibus gladio eius custodibus, eam violenter aperirent. Interea quidam de familia domini Boamundi, eius vexillum super eam contulerant montem qui vrbi præminabat; & iuxta præsidium superius in arce quadam, loco eminentissimo collocauerant. Cognoscentes autem quod aurora rutilans Solis ortum nunciaret, dato signo cornibus & lituis, cœperunt perstreperè ad vrbis ingressum, eos qui in castris erant, animantes. Principes verò, signi quod condixerant intelligentes argumentum, raptis armis, subito sua secum trahentes agmina, in urbem irruunt, aditus

aditus & portas occupantes. Interea populares exciti, quos hactenus secretum la-
tuerat, videntes iam castra pene vacua, alios secuti, in urbem certatim se ingerunt.
Ciues autem tanto tumultu expergefacti, primùm dubitant, quidnam sibi velit cla-
mor iste insolitus: deinde vidētes discursus per urbem loricatorum insuetos, & stra-
gem quæ passim per vicos fiebat & plateas, rem pro vt erat, arbitrati sunt. Relictis er-
go domibus, cum vxoribus & liberis tentabant effugere: dumq; armatorum decli-
nant acies, latebras quærentes, & salutis viam, attoniti quid faciant, armatis se inge-
runt imprudenter. Qui autem erant urbis habitatores, Syri, Armenii & aliarum na-
tionum fideles, hi de euentu qui acciderat congratulantes plurimùm, correptis ar-
10 mis, nostrorum se adiungebant cœtibus: & sicuti maiorum habebant locorum pe-
ritiam, ita alios post se trahentes urbis docebant diuerticula; & portas, si quæ adhuc
clausæ tenebantur, obtruncatis eorum custodibus, confractis seris aperientes, re-
liquum exercitus intromittebant. Videbatur eis hæc à Domino egressa vicissitu-
do, vt qui canibus immundis, indebitæ seruitutis iugo subiecti fuerant, angariis &
parangariis & cruciatibus immisericorditer fatigati, nunc versâ vice, æquipollen-
tes refunderent calumnias, & eis procurarent interitum. Et iam vniuersus nostro-
rum introductus erat exercitus; iam liberè portas turrestque sibi vindicauerant, &
mœnia; iam principum vexilla, & omnibus nota in locis sublimioribus constituta
insignia, victoriæ dabant argumentum. Erant ergo vbique strages, vbique luctus, v-
20 bique mulierum eiulatus: & interfectis patribus familiâs, passim obtruncabatur fa-
milia; & effractis domibus, vasa diripiebantur; & vniuersa illarum substantia his qui
primi accedebant, concedebatur ad prædam. Discurrebant victores per loca prius
inaccessa; & tracti cædis cupidine, & lucri desiderio, nec sexui parcunt, nec condi-
tioni; ætatis etiam apud eos nulla erat differentia. Occurrentes autem sibi per vicos
& plateas ciuitatis, quærunt diligentius vbi potentum sint domicilia, & vbi habita-
uerant locupletiores: illucq; iunctis concurrentes agminibus, interfectisq; dome-
sticis, effringentes penetralia, nobilium liberos, matres quoq; familiâs gladiis trans-
uerberantes, domus suppellectilem, aurum, argentum, & vestes preciosas æquâ
forte inuicem partientes. Cesa fuisse dicuntur eâ die, de ciuium numero plus quam
30 decem millia, quorum corpora passim & sine delectu per vias iacebant insepulta.

Acxianus verò videns, quod hostibus erat tradita ciuitas, & quod turrest & mœ-
nia & urbem sibi vindicauerant vniuersam; vidensq; quod populus, qui stragem e-
uaferat, in præsidium certatim se conferebat, timens ne Christianus exercitus illuc
eos prosequens, præsidium vellet obsidione vallare, solus absque comite per posti-
cum egressus, amens, vitæ tamen & salutis quærens compendium, fugâ iniit: dum-
que solus præ doloris angustia, sine certo proposito errabundus vagaretur, casu ha-
buit obuiam quosdam Armenios, qui statim eum cognoscentes, acceperunt, quasi
solitam exhibitori reuerentiam: dumq; ille, quasi extra se factus, hos passus esset ad
se peruenire, cognoscentes ex eo, quod solus ita aufugerat, urbem esse deuictam,
40 violenter eum ad terram deiecerunt; & educto eiusdem gladio, caput ei præciden-
tes, in urbem intulerant, coram vniuerso populo illud Principibus offerentes. E-
rant autem in ciuitate quidam nobiles, qui de remotis partibus ad Antiocheno-
rum, gratiâ exercendæ virtutis, venerant subsidium: hi locorum ignari, cognito
quod ciuitas in nostrorum deuenerat ditionem, dubii quid facerent, & pro vita so-
liciti, in præsidium superius se recipere decreuerant: dumque illuc totâ properarent
intentione, casu accidit, quod nostros à parte superiori habentes obuiam; & inter
locorum intercepti angustias, ita vt neque ascendere, neque descendere, propter
montis deuexitatem liceret, instantibus nostris desuper, dum quocunque modo
fugere nituntur, præcipitati sunt cum equis & armis, quibus erant insigniti, quasi
50 trecenti: qui confractis ceruicibus, & membris contritis, vix de seipsis reliquerunt
aliquam memoriam. Qui autem aut de vrbe, aut de adiacente prouincia locorum
habentes peritiam, inuenti sunt expeditiores; hi summo diluculo, postquâ cogno-
uerunt urbem effractam, per portas, quæ iam incipiebant referari, iunctis agmini-
bus egrediebantur, vt confugerent ad montana: quos nostri cominus insectantes,
partem reduxerunt, violenter eos compedibus alligantes; pars equorum erepta be-
neficio, ad montana confugiens, vitæ consuluit & salutis. Circa horam verò diei
quintam, redeuntibus nostris, qui egressi fuerant; & qui per urbem dispersi fue-

A. D.
1098.

rant relictis adinuicem, quæsitum est diligentius, & pro certo cognitum, quod nihil prorsus alimentorum in vrbe repertum fuerat: nec mirum, cum iam penè mē-
sibus nouem continuâ obsidione vallata fuisset. Sed tamen in auro, argento, gem-
mis, vasis preciosis, tapetibus & holosericis, tot & tantæ repertæ sunt copiæ, vt qui
prius mendicabat esuriens, nunc factus locupletior, omnibus affluenter abunda-
ret. Reperti sunt autem in tota vrbe qui ad arma facerent, equi vix quingenti; & hi
etiam confecti macie, & inediâ tabescentes. Capta est ergo *Antiochia*, anno ab in-
carnatione Domini, *Millesimo nonagesimo octauo*, mense Iunio, tertiâ die mensis.

EXPLICIT LIBER QUINTVS.

INCIPIUNT CAPITVLA LIBRI SEXTI.

I. Describitur mons, & pars eius ab hosti-
bus occupatur, custodibus illuc locatis. Emittū-
tur ad mare qui populum tucent; & illatis vi-
ctualibus ciuitas communitur.

II. Trecenti à maiore hostium præmissi ex-
ercitu, ante urbem discurrūt. Rogerius de Bar-
nauilla incautiùs occurrens occiditur.

III. Princeps maior accedit, castra locat in
montibus supra præsidium. Dux in porta Ori-
entali prostermitur: ducenti pereunt de nostris.

IV. Nostris infra urbem secus radicē mon-
tis, vallum ducunt: Pugnatur ibi; vincuntur
hostes. Princeps hostium de monte descendit,
urbem obsidet à parte inferiori.

V. Populus infra urbem multâ laborat in-
ediâ. Quidam nobiles clam inde aufugiunt:
Boamundus vniuersis præficitur.

VI. Comes Flandrensis præsidium ante
pontis portam, quoniam conseruare nō poterat
vtrò deserit & incendit. Princeps hostiū quos-
dam de nostris captos in Persidem dirigit.

VII. Fame inualecente, populus ad immū-
dos inuitus conuertitur cibos.

VIII. Hostes clam vnâ penè de turribus
occupant; Henricus de Ascha resistit viriliter,
& pluribus occisis arcem obtinet violenter.

IX. Hostes ad mare descendunt, incendunt
naues, & in via multos de nostris perimunt.

X. Stephanus Comes Carnotensiū ad Im-
peratorem Constantinopolitanum proficiscitur.

XI. Oratio eius ad eundem Imperatorem,
mendacio plena, perniciofa fidelibus.

XII. Reuertitur Imperator ad propria: ex-

peditiones quas in nostrorum subsidium colle-
gerat, dissoluit, verbo credēs prædicti Comitis.

XIII. Hostes cognito Imperatoris recessu,
instant amplius. Desperant nostri, obsequia ne-
gant. Boamundus urbem incendit, vt eos de la-
sebris eliciat, Principes fugâ meditantur, Dux
resistit.

XIV. Petro cuidam fit reuelatio: Læcea Do-
mini reperitur. Iterum confortatur populus.

XV. De communi Principum consilio mis-
situr Petrus Heremita legatus ad hostes: intre-
pidus peragit legationem.

XVI. Reuertitur Petrus ad proceres; hostiū
superbiam nostris insinuat, bellum indicitur.

XVII. Ordinatis aciebus, urbem egredunt-
tur, Tolosano comite ad urbis tutelâ derelicto.

XVIII. Hostium Princeps exitum parat
impedire, sed nostri viriliter erumpunt.

XIX. Nostris egredientibus ros de super-
nis infunditur, in quo cōsolationem receperunt
vniuersi.

XX. Curbagath suas instruit acies: pugna-
tur cominus. Solimannus à tergo irruens, aciem
Boamundi grauiter opprimit: subueniūt prin-
cipes. Turci deficientes ignem subiiciunt, vt su-
mum exstent.

XXI. Fugit hostium Princeps: Legionēs eorū
perimuntur: qui euaserunt, versi sunt in fugâ.

XXII. Redeuntēs à cade hostium nostri, de
castris eorum infinita reportant spolia.

XXIII. Ciuitate compositâ, Ecclesias mū-
dant & reparant; Clerum in eis ordinant stu-
diosè.

EXPLICIT CAPITVLA LIBRI SEXTI.

INCIPIT LIBER SEXTVS.

CAP. I.



EDATO autem tumultu, & gladiis inebriatis sanguine, fessis à
cæde continua victoribus, cum iam ciuitas quieuisset: conueni-
entes adinuicem Principes, multum adhuc superesse laboris, &
nondum consummatum negotium intelligentes, per portas &
mœnia designatis custodibus, in montem ascendere decreue-
runt, & oppugnare præsidium. Et missâ voce præconiâ, cohör-
tes vniuersas, in montem prædictum ascendere certatim com-
pellunt:

pellunt: quò peruenientes, cum præsidii constaret munitione, quod omnino esset insuperabilis, & quò solà fame poterat expugnari; videntes quò inutiliter consumerent operam & studium, & res multorum dierum ferias exigeret, ad alia se conuertunt argumenta. Mons enim iste, qui vrbi præminet, valle quadam profundissimâ, & deuexo plurimum præcipitio diuisus est, ita vt eius pars quæ in Orientem respicit, sit humilior, largam in sui vertice habens planitiem, vinetis aptam & agriculturæ: tanta tamen est profundæ intercapedinis distantia, vt potius montes duo, quàm vnus in duo diuisus videatur. Qui verò in Occidentem protenditur, longè sublimior est, & cacuminatus, in cuius parte sublimiore situm est præsidium, muro solido, & turribus validioribus; ab Oriente & à Septentrione prædictum habens immane & in modum barathri præcipitium; ita vt nec excogitari possit, quomodo ex illis duabus partibus præsidio noceatur. Ab occidēte verò collis erat depressior; inter quem & præsidium vallis erat, sed modica, nec latitudine diffusa, nec profunditate præceps, per quam volentibus à præsidio in urbem descendere, iter vnicum & singulare, satis per se nemine impugnante periculosum. Hunc ergo collem nostris visum est Principibus occupare, ne fortè per portam præsidii hostibus immis-
 sis, in nostrorum læsionem, in urbem pateret descensus. Locatis ergo ibi viris prudentibus & strenuis, & relictis tam in armis, quàm in victu necessariis; factoque muro cum propugnaculis ex opere solido; & locatis super eum ordine cōgruo machinis, quibus à se hostium possent repellere molestias: Principes de maioribus deliberaturi, in urbem descenderunt, ad eundem locum cōpletis negotiis redituri. Omnes enim illic moram facere, quousq; expugnaretur præsidium, decreuerant: excepto domino *Duce*, qui de communi Principum consilio, portam Orientalem in suam receperat custodiam; simul & præsidium, quod nostri extra urbem firman-
 tes, domino Boamundo commiserant. Audientes igitur, quò magnus princeps, de quo suprà dictum est, *Corbagath* videlicet, in proximo venturus esset, & iam fines Antiochenos ingressus, innumerabiles infuderat copias: decernunt vsque ad mare aliquem de Principibus dirigere, vt eos de fratribus, qui illuc gratiâ alimentorum & colligendi victus se contulerant, reuocent; & quicquid necessariorum illic repererint, totum ad urbem quantocius præcipiant comportari. Factum est autem, vt per illud biduum, quod vsque ad aduentum maiorum copiarum superesse videbatur, in omni solitudine discurrentes, quicquid victus & pabulorum vnde-
 cunque contrahere potuerunt, in urbem introducentes, ad eius conductionem toto studio laborarent. Sed & suburbanorum incolæ, & agrorum cultores, scientes Christianis urbem esse redditam, quæcunque inferre poterant, diligenti studio cōportabant. Sed modicum erat, & penè nihil quod vndique inferebatur: nam diutina obsidio, quæ mensibus nouem continuis vniuersam exhauserat regionem, nihil reliqui fecerat, vnde vel ad paucos dies nostris posset subueniri. Alterâ verò die post urbem captam, cum nostri circa vrbis custodiam, & pro inferendis alimentis essent valde solliciti, ecce trecenti equites de exercitu *Corbagath* studiosè præmissi, si fortè ex nostris aliquos extra urbem incautè se habentes reperire possent, armati ad vnguem, & equis inuecti celeribus, iuxta urbem se locant in insidiis. Ex quibus triginta, qui equos videbantur habere velociore, vsque ad urbem cœperunt discurrere, ex industria ignorantiam prætendentes, & discurrentes incautiùs. Hos cum nostri qui in ciuitate erant, ita viderunt discurrere, ægrè tulerunt, indignum omnino reputantes, nisi eis obuiam procederetur. Vnde vir in armis strenuus, cuius multa in eodem exercitu egregia fuerunt opera, *Rogerus* videlicet de *Barnauilla*, de comitatu domini Roberti Normannorum comitis, assumptis secum cōfortibus quindecim, eis in occursum ab vrbe properat, more suo aliquid insigne gesturus. Qui dum laxis habenis in prædictos excursus irrueret animosius, subito, sed fraudulenter, in fugam versi sunt, tamdiu fugam continuantes, quousque ad suorum peruenerunt insidias. Vnde consurgentibus his qui latuerant, reintegrato suorum numero, in eos qui socios insectabantur, calle reciproco irruentes, in fugam adegerunt: dumque *Rogerus* & sui, viribus impares & numero, in urbem se contendunt recipere, hostilium equorum, velocitate præuentus, ictu sagittæ trans præcordia letaliter confossus, equo lapsus interiit: vir suis perpetuò laudendus, expeditionis Christianæ quantum in se erat, fidelissimus procurator. Cæ-

- teris autem in urbem se recipientibus, in præsentia omnium qui in muro erant & turribus, nemine ex eis opem ferente, viri memorabilis capite amputato, hostes reuersi sunt indemnes. Quibus abeuntibus, nostri corpus eius cum honestis exequiis, non sine lachrymis & vniuersorum gemitu in urbem introducentes, in porticu basilicæ Apostolorum principis, supremo humanitatis officio, præsentibus
- III. Principibus & vniuerso populo, sepulturæ dederunt magnificè. At verò sequenti die, quæ ab urbis liberatione erat lux tertia, summo diluculo, circa Solis exortum sæpe dictus Princeps potentissimus, cum infinitis, & maioribus etiam quàm prius diceretur copiis, regionem quantum ex sublimiore ciuitatis parte poterat quis intueri, suorum multitudine occupauerat vniuersam: & ponte superiore trās- 10 to, inter lacum & fluuium, qui inter se quasi spacio vnius miliarii distare videntur, castrametatus est. Erat autem tanta expeditionum eius multitudo & militiarum numerus, ut etiam illa tam insignis planities, in qua sitam esse prædiximus Antiochiam, vix eorum castris sufficeret, ut de collibus etiam vicinis locando tabernacula, nonnullos occuparent. Die demum tertiâ postquam ante urbem castrametatus est, videns quia nimis esset ab urbe remotus, habito cum suis cōsilio; ut his qui præsidium tuebantur, de loco viciniore conferret solatium; & ut per eam portam, quæ castro, suberat suos in ciuitatem posset immittere, solutis castris, ad montana conscendit, à porta Orientali vsque ad Occidentalem vniuersum Australe latus continuâ vallans obsidione. Erat autem secus eandem Orientalem portam præsidium 20 quoddam in colle aliquantulum edito situm, quod ab initio ad castrorum tuitionem fundatum, domino *Boamundo* prius tradiderant conseruandum: vrbe verò captâ, postquam generalem cœpit gerere administrationem, prædictam inuentionem, simul cum vicina porta, *domini Ducis* custodiæ deputauerunt. Circa quod præsidium, dum castra hostes locassent sua, & his qui erant in præsidio assultus darent cum multa instantia frequentissimos, *Dux* eorum non ferens insolentiam, cum suo egressus est comitatu, ut his qui in præsidio erant penè deficientibus ministraret subsidium, & castra quæ ante portam erant locata dissolueret: sed egredienti Duci, & suis volenti subuenire, occurrit Turcorum multitudo ingens, quam & viribus & numero longè superiorem *Dux* sustinere non valens, vix eorum ereptus gladiis, 30 fugâ initâ, in urbem se recepit: vbi hostibus proteruè nimis insistentibus, dum plebs indiscreta comprimeretur acrius, & mutuò sibi præ turba negarent introitum, ducenti penè partim oppressi, partim vulneribus saucii, nonnullis etiam captis, miserabiliter perierunt. Sic igitur Duce confuso, qui quasi omnium præcipuus videbatur, Turci in tantam elati sunt audaciam, ut per portam superioris præsidii, quibusdam notis compendiis, in urbem descendentes, in nostros subito irruerent; & reperientes improuidos, sagittis & gladiis plerunque multos interficerent: nostris autem eos insequentibus, subito montem corripientes, in arcem se recipiebant superiorem; aliunde vias habentes, quàm per eum collem, quem nostri occupauerant & communierant diligentius. Dumque sæpius ita contingeret, & multi 40 de populo in ciuitate, hac fraude deperirent, conuenerunt in vnum Principes, ut huic tanto malo remedium procurarent. Factumque est, quod de communi cōsilio, dominus *Boamundus*, & dominus *Comes Tolosanus*, inter partem urbis inferiorem & cliuum montis, vallum duxerunt profundum admodum, & latitudinis competentis; quo impetus eorum qui descendere de monte consueuerant, retardaretur, & populus infra urbem posset tranquillius quiescere. Et ut etiam vallum ad sui tuitionem redderent habilius, munitionem ibi construunt, fidelem & deuotam operam impendentibus, tanquam pro salute propria, vniuersis legionibus. Turci verò, qui superius adhuc obtinebant præsidium, & qui exterius erant in obsidione, per superiorem portam admissi, per occultas semitas descendentes, huic nouæ muni- 50 tioni frequentes dabant assultus; & quantâ poterant instantiâ, ut eam deiicerent, elaborabant. Accidit autem die quadam, quod erumpens à superioribus partibus, per solita compendia Turcorum manus solito numerosior, circa prædictum, & de nouo conditum præsidium, tantâ cœpit eos qui intus erant oppugnare instantiâ, quod nisi Principes qui aliis urbis partibus erant ad custodiam deputati, & vniuersus qui per urbem dispersus erat populus, maturius subuenisset, penè dominum *Boamundum* & *Eurardum de Pufato*, *Radolphum de Fontanis*, *Reibaldum*

Reibaldum Creton, Petrum filium Gilæ, Albericum & Iuonem, viros strenuos & nobiles, qui ad eius tuitionem intrò se contulerant, expugnassent: sed aduenientes cum multo impetu *Dux, & Comes Flandrensis, & Princeps Normannorum*, eorum adeò represserunt insolentiam, vt interemptis pluribus, & captiuatis nonnullis, non solum à præsidio, verum ab vrbe vniuersa, conuersos in fugam, & malè tractatos, sub omni celeritate fugere compellerent: qui ad dominum suum reuersi, nostrorum vires, & admirabilem animorum constantiam prædicabant. ita vt in eis videretur completum illud vaticinium: *Lingua canum tuorum ex inimicis*: nam fidelis populi extollebant præconium, qui erant eius persecutores. *Gorbagath* verò, cum per dies quatuor

10 in montanis, vt prædiximus, moram fecisset continuam, videns quòd non proficeret, & quòd equis pabula deficerent, solutis castris, iterum cū vniuersis legionibus suis denuò descēdit ad campestria; & transito flumine, per vadum inferius, partitis agminibus æquipollētibus spaciis, & locatis in gyrum principibus suis, urbem vallat obsidione: vbi dum die sequente, quidam ab exercitu diuisi, nostros ad conflictum prouocarent, contigit vt de equis descendentes, & his qui in muro erant instantes proteruius suorum iacturam incurrerent. Dominus enim *Tancredus* per portam egressus Orientalem, in hos tales irruit subitus; & antequam ad equos posset habere recursum, sex ex eis interimens, reliquos in fugam adegit: quorum amputans capita, in urbem intulit ad consolationem populi, qui pro defectu *Rogeri de*

20 *Barnauilla*, qui ibidem occisus fuerat, graui mœrore concutiebatur. Interea *Y.* populus, qui paucis ante diebus eandem urbem obsederat, & obsessam sibi vendicauerat violenter, nunc versà vice, sicut & rerum solet esse vicissitudo, obsidionem sustinens, graui supra modum molestatur inediâ, & immensis supra vires fatigabatur laboribus. Foris erat gladius, & intus pavor. Nam, præter eam, quam de numerosis expeditionibus quæ ab exterioribus urbem obsederant, meritò conceperant formidinem, hostibus adhuc præsidium detinentibus, vnde fiebant sepius, vt dictum est, irruptiones, non erat illis tranquillitas. Fiebat igitur, peccatis eorum exigentibus, quòd multi in desperationem lapsi, professionis immemores, & iuramentorum quæ exhibuerant prodigi, clam funibus & in sportis per murum demissi, derelictis locis, aufugerant ad mare: ex quibus nonnulli in manus hostiū deuenientes, perpetuæ mancipati sunt seruituti; alii verò ad mare peruenientes, eos qui in nauibus erant, præcis anchoris, in fugam compulerunt, dicentes: *Princeps hic magnus, qui cum innumerabilibus aduenit copiis, urbem quam nos expugnaueramus, extincto vniuerso nostrorum numero & Principibus interemptis, violenter recepit: nos autem opitulante Domino, gladios eorum euasimus. Vos igitur funes pracidite, & maturate fugam, ne ad mare descendentes, pari vos inuoluant periculo.* Ipsi autē cum eis conscendentes, fugā inierunt. Erāt autem qui sic aufugerant, non solum de popularibus & plebeiis, verum etiam viri nobiles, & multā generositate insignes: *Vilhelmus* videlicet *de Grantemaisnil*, vir inclytus de *Apulia*, qui sororē domini *Boamundi* habebat uxorem, & *Albericus* frater eius; *Vilhelmus Carpentarius, Guido Trussellus, & Lambertus Pauper*, & alii multi, quorū nomina non tenemus: quia deleta de libro vitæ, præsentī operi non sunt inferenda. Nonnulli etiā, quod multo erat abominabilius, futuri timore periculi, famis & laborum impatientiā, ad hostes se conferebant, *CHRISTI* doctrinā & eius fidem cum impietate abnegantes. Hi de statu nostro certificantes aduersarios, supremū eodem modo penē nostris intulerunt periculū. Alii verò qui in ciuitate remanserant, spem diffugii nihilominus ex parte plurima cōceperant. Sed vir vitæ venerabilis, *Podiensis episcopus*, & dominus *Boamundus* Princeps illustris, eorū præuenerunt molimina. Nā designatis per portas singulas viris prudentibus, & de quorum experientia simul & fide meritò præsumerent; turribus quoq; per singulos nobiles collocatis, ita

50 nocte & die studio indefesso seruabāt excubias, vt nemini penitus, quantumcumq; properanti & arguto, vlla pateret via subterfugii. Et vt liberius generalem, quæ eis concessa fuerat, exercere possent iurisdictionem, iurauerunt omnes, à maiore usque ad minimum, quod usque consummationem negotii *Antiocheni*, & bellum quod sperabatur futurum, completum, domini *Boamundi* mandatis deuotē & fideliter obedirēt: vnde ille incessanter nocte ac die, suis comitatus domesticis & familiaribus, & de his quibus ampliōrē habebat fidem, vicos & plateas, muros & turres ciuitatis cū multa circuibat sollicitudine, diligēter inuestigās, ne quis incautē se ha-

beret, ne quis hostium introitus pateret insidiis. Erant autem præsidia quatuor, in quibus maior exigebatur custodię diligentia: Superius videlicet, quod cōtra arcem superiorem ē regione positum erat: Secundum item, quod inferius, infra urbem supra vallum erat constitutum, cōtra eorum irruptiones, qui à porta castrī superioris in urbem consueuerant descendere: Tertium extra portam Orientalem positum, quod ad castrorum custodiam ante urbem captam fuerat fabricatum: Quartum quoque, quod in capite pontis constructum fuerat, per quod porta pontis nouissimē fuerat obsessa: cuius curā dominus *Comes Tolosanus*, ex quo ciuitas capta fuerat, cum aliis in urbem se conferens, dereliquerat. Vrbe autem captā, *Flandrensiū comes* prædictum ingressus castrum, cum quingentis viris fortibus & strenuis diligenter 10 communierat, timens, ne si in manus fortē hostium deueniret, nostris per pontem introitus negaretur & exitus; in quo fieret obsessorum deterior multò conditio.

VI.

Contigit autem die quadā, quod videns *Corbagath*, nostros nimiam egredien- di & ingrediendi habere licētiā; & prædictum iuxta pontem præsidium, multum suis obstare conatibus: præcipit de suis ad duo millia loricatorum armari, & prædictum cum omni instantia impugnare præsidium. Illi autem dicto citius parentes, circa prædictæ munitionis vallum congruis locatis stationibus, quantā possunt instantiā, immisā sagittarum grandine, prædictum locum, ab hora diei prima vsque in vndecimam continuis infestant assultibus, & congressionibus impugnant: Comite cum suis resistēte viriliter, & locum, cuius tuitionem assumpserat, totis viribus 20 protegente. Cumq; circa Solē iam occiduum, & vespēram imminētem viderent impugnatores, quod nō multum proficerēt, soluto assultu in castra reuersi sunt. At verò Comes timens ne multiplicatis viribus, in crastino ad opus simile accingerentur; sciensq; quod nullatenus posset contra tātum exercitum, prædictam tueri munitionem, intempestē noctis silentio ignem adhibens, & incendio tradens vniuersa, in urbem cum suis eiusdem rei consortibus se contulit. Mane autē factō redeuntes in idipsum qui hesternā die castrum impugnaverant, assumptis sibi duobus aliis millibus, iterum ad idem opus se accingunt; & ad prædictum locum properantes, vbi desertum reperiunt, & ex parte plurima dirutum, infecto negotio reuersi sunt ad propria. Per eosdem dies accidit, quod quidam de hostium exercitu latenter e- 30 gressi, quosdam de nostris casu obuiā habentes, viros egenos & inopes, proficiscentes incautiū, ceperunt: quos ante Principem suum deductos statuerunt, vt ei tanquam domino, successus sui & manubiarum dedicarent primitias. Ille autem in captiuis & armorum, & habitus contemnens vilitatem (erant enim eis arcus lignei, enses quoque sordebant operti rubigine; vestes etiam præ continuis laboribus laceræ, & assiduitate vtendi prætendentes vetustatem: non enim erant populo peregrinanti, diuersa, quibus alternatim vterentur, mutatoria) dixisse fertur: *Ecce populus qui regna debeat sollicitare aliena; cui pro multis diuitiis deberet sufficere, vt in quocunque terrarum angulo panis eis quasi vilibus daretur mercenariis. Ecce arma, quibus Orientalium ingenuitas debeat flagellari, quibus vix passer ictus periret. Alligate eos, & compeditos cum armis 40 suis, & isto suo habitu, domino meo qui me misit representate, vt ex istis colligat quā nullius momenti sit de talibus triumphare; qualesq; habendi sint, quos tam miserabilis populus se gloriatur subegisse. Abiciat ergo à se curam, & omnem istam super me proiciat sollicitudinem: in proximo enim erit, quod canes ea immunda comparere desinant, & consumpta penitus nequeant in populis numerari.* His dictis tradi præcipit quibusdam ad hoc deputatis, qui eos iuxta eius definitionem ad maiorem Soldanum victos deducerēt in Persidem. Leuissimum enim iudicabat, eos sibi posse subiicere, quorum virtutem nondum expertus fuerat: quod quia sibi pro gloria putauerat adscribendum, vt eos apud dominum suum vilipenderet, id in eius postea confusionem retorsum est: quanto sanē à contēptibilioribus, suo iudicio, victus abiit & confusus, tanto illi maior est inflicta con- 50 tumelia; tantoq; maior irrogata confusio. *Solet enim esse victis quasi pro solatio & casum reddere leuiorem, si à viris fortibus & strenuis dicantur superati: sicut ē diuerso, ruborem ingeminat, & adauget ignominiam, ab indignis & vilibus obtenta victoria.* Vrbe igitur sic ex omni parte obsidione vallatā; cū iam populo egredi vel ingredi, & sua exterius procurare negocia non liceret, facta est nostrorum multò deterior conditio: Nam cū nihil inferretur alimentorum, exorta est fames in ciuitate solito vehementior, ita vt præ defectu victualium, & famis importunē vrgentis acerbitate, ie-

VII.

iuna

iuna plebs propagandi cibi gratiâ, ad turpia nimis declinaret compendia. Non erat in eis, etiam apud delictos, differentia; non erat mundorum ab immundis legalis illa distinctio: sed quod casus offerebat, siue gratis siue cum precio, id in cibum vertebatur: inde venter rugiens & famelicus, si tamen ad hoc sufficiebat quod assumptum fuerat, implebatur. Non erat rubor nobilibus, non ingenuis verecundia, mens alienis importunos se conuiuas ingerere, auidè manibus alienis inhiare, importunè petere quod sæpius negabatur. Fugerat à matronis, quibus aliquando familiaris fuerat pudor, à virginibus reuerentia: & suorum oblita nataliū, exhaustâ facie, vocibus flebilibus, & quæ saxa possent mouere pectora, nō timētes repulsam, passim victum quæritabant: quas autem famis acerbitas expugnare non poterat, ut rubore deposito, fronte induratâ ad mendicandum descenderent, hæ in abditis delitescētes, in seipsis tabescebant; mori magis eligentes quàm se dare in publicum ut aliquid postularent. Erat denique intueri viros robustiores prius, quos virtus præcipua & nobilitas præclara cunctis reddiderant conspicuos & insignes, innixos præ nimia debilitate baculis, per vicos & plateas artus circumferre semineces; vultu deiecto, etsi non voce, eleemosynam petere à transeuntibus. Intueri erat nihilominus pueros vagientes & adhuc lactis egentes alimoniâ, per compita passim expositos: quibus quæ eos genuerant, materna denegabant obsequia, dum sibi non sufficerent ad hoc saltem, ut sibi aliquid peterent necessarium. Vix erat in tanto populo qui sibi sufficeret: vniuersis penè sumptus defecerant; omnibusque, quasi in usum venerat mendicare. Aut si cui res adhuc domestica suppetebat, dum non occurrebat venale quod erat necessarium, nihilominus indigebat: quique apud suos in largiendis dapibus prius liberales iudicabantur, & profusi, hi secessus quærentes abditissimos, & loca inaccessa cæteris, qualem qualem sumentes refectio-nem, his quæ vndeunque collegerant incumbēbant auidius, nemini quod eis erat pro cibo communicantes. Quid plura? Camelos, equos, asinos, mulos, & immunda quælibet & indigna relatu, suffocata & morticina, quotiēs dabatur ex his aliquid habere, pro summis reputabant deliciis: & ex his importunam repellentes esuriem, miseram quocunq; modo sustentabant vitam. Nec solum plebeios & mediæ ma-nus homines huius tam miserabilis inediæ calamitas inuoluerat, verum & maioribus nimis importunè se ingesserat Principibus: eratque eis tanto molestior, quanto pluribus prouidentes, indigebant amplioribus; & suam, petentibus, negare non poterant munificentiam. Referre verò quid singulis acciderit Maioribus, licet hoc habeant adhuc veterum traditiones; & quantâ egestate pii pro CHRISTO laborauerint Principes, longè esset ab historiæ compendio, & speciales tractatus exigeret. Sed ut in summa dicatur, vix est quod aliqua contineat historia, tantos Principes, tantumque exercitum, tantas alibi sine defectu & tam patienter pertulisse molestias.

Interea dum ita ciuitas per studium & operam *Corbagath* & suorum, ex omni parte circumdata esset obsidione; & populus inclusus nunquam egredi, nullusque ad eos introire posset; insuper & cōgressionibus penè continuis, tam in vrbe quàm extrâ supra vires fatigati essent, accidit ut præ laboris diuturnitate & famis angustia in seipsis deficientes, minus vigiles, minusque solliciti urbem custodirēt. quibus cura circa corporis alimentum penè tota versabatur, necesse erat, ut ad cætera tractanda consurgerent remissiores. Vnde factum est, ut die quadâ turris vna, iuxta eam per quam nostris datus fuerat in ciuitate introitus, custodita negligentius, hostibus paulò minus ad urbem iterum impugnandam occasionem præstitisset. Quidam enim de hostibus sperantes, quòd in noctis silentio potuissent eam occupare, ut inde sibi, sicuti & nostris prius in urbem pateret descensus, ad eam obtinendam scalas muro clām adhibuerunt, quibus iam circa noctis crepusculum, quasi triginta super murum ascenderant, turrim vacuum ingressuri: in quo negotio dum feruentius desudarent, casu contigit, quod qui vigilum administrabat præfecturam, mœnia perlustrans, ad eam partem peruenit, ubi hæc talia gerebantur. Cognitisque eorum moliminibus, multâ vociferatione eos qui in vicinis erant turribus excitauit, turrim denunciāns, fraudulenter ab hostibus occupatam. Ad quem tumultum excitati sunt, qui in ea regione obseruabant excubias: inter quos vir strenuus & insignis *Henricus de Ascha* cum duobus aliis, *Francone* videlicet, & *Sigemaro*, cognatis, de villa quæ dicitur *Machela*, super Mosam fluuium, ad partes illas impiger conuolat: timens ne fortè

VIII.

- ab aliquibus pecuniâ corruptis, ciuitas proditiosè tradita esset hostibus. Quò perueniens cum confluentibus ad eum qui in vicinis erant turribus, hostes inuadit viriliter; & strenuitate solitâ, in momento, licet per plurimum resistentes, à prædictâ turri depulit, quatuor ex eis peremptis gladio: reliqui viginti sex, (triginta enim iam ascenderant, alios postmodum introducturi) fractis cruribus & brachiis & ceruicibus, de muro præcipitati sunt. Amisit tamen vir strenuus socium suum *Sigemarum*, transuerberatum gladio; Franconem verò letaliter faucium, quasi seminecem, domum fecit reportari.
- IX. Perurgente igitur obsessos singulis diebus maiore inedia, & fame periculosius inualecente, affligebatur populus vehementius: vnde præ angustiarum multitudine & quotidianæ afflictionis pondere intermisso, quidam vitæ negligentes & salutis, vrbe clam egressi, per medias hostium acies, per mille discrimina, ad mare, vbi adhuc aliquot tam Græcorum quàm Latinorum erant naues, deicendebant, vt cibos emerent, & iterum referrent in urbem venales: alii verò, vt se tantorum eximerent casibus periculorum, abibant nō redituri; nullam spem habentes, quòd eorum qui in vrbe relictī fuerāt, in melius possent procedere negotium, aut hostium saltem gladios declinare. Quod postquam Turcis compertū est, clandestinis itineribus & nocturnis causâ quarendi victus nostros ad mare descendere, & circa urbem euagari; missis nonnullis locorum habentibus peritiā, qui eis prætenderent insidias, sapissimas ex eis operati sunt strages. Et quoniam sæpius eis in eo successerat factō, duo millia electorum equitum ad oram maritimam dirigit, qui peremptis nautis & institoribus, & classe succensa, omne de cætero commerciorū genus amputaret; vt & eā præcisā negotiandi semitā, omnis omnino Christianis deficeret alimonia, & salutis spes intercluderetur: quod & factum est. Nā mandatum exequentes, succensis ex parte nauibus, & earum nautis, quos incautos repperant, ex plurima parte interfectis, reliquos in fugam adegerunt: quo rumore, qui à Cypro, Rhodo, & aliis insulis; quiq̃ue de Cilicia, Isauria & Pamphilia, & aliis maritimis regionibus gratiā commerciorum solebant accedere, plurimum deterriti, iā illuc redire & merces inferre formidabant, nec audebant accedere; vnde nostris, etsi nimis periculosa prius, periculosior tamen facta est conditio, rerum venalium penitus cessante commercio. Nam dum institoribus liber per mare patebat; accessus, etsi modicum erat quod per eos inferebatur, nec tanto poterat sufficere populo; tamen ad nonnullam nostris erat cōsolationem, & eorum aliquatenus releuabat inopiam. Hostes verò redeuntes ab ora maritima, de nostris etiam in via quosdam reperiunt, quos omnes gladiis interimunt, exceptis paucis, qui per dumos & frutecta & speluncarum latebras delitescere potuerunt: quæ fama mali nuncia, nostros non minus, quàm ipsa famis enormitas molestaui: quotiens enim suorum casum audiebant, totiens eorum dolor renouabatur. Vnde tot molestiis & laboris immensitate, & quotidianâ suorum ruinâ, & infortuniorum acerbitate supra vires fatigati, iam de vita desperare; iamq̃ue minus pro sua tuitione sollicitari, minusq̃ue obedire Principibus incipiebant.
- X. Interea *Willelmus de Grentemaisnil*, & alii qui cum eo aufugerant, peruenientes Alexandriam minorem; vbi dominus *Stephanus Carnotensium & Blesensium Comes*, cuius redditum tam Principes, quàm vniuersus populus, per dies singulos ardentibus præstolabantur desideriis, adhuc suam simulabat ægritudinem: quæ apud Antiochiam gerebantur, exponunt; & ne ipsi etiam ob leuem & friuolâ causam, & tanquam timidi socios deseruisse viderentur, ærumnarum & afflictionis modum qui erat, amplificant. Et licet magnus esset & incomparabilis, tamen studiosâ relatione maiorem efficiunt; & de magnis, maiora loquuntur. Nec erat difficile ei persuadere quicquid timiditatem augere poterat, cum ipse prius eiusdem rei gratiâ socios deseruerat, & fugerat à cōsortibus, ægritudine simulatâ. Factum est itaque, quòd communicato adinuicem consilio, naues habentes paratas, mare ingressi sunt: qui dum aliquādiu nauigassent, peruenientes in vnam ex urbibus maritimis, sicuti solliciti erat, vt vbi nam Imperator esset diligenter inuestigarent, didicerunt per quorundam dissonam relationem, & veridicam, quòd Imperator cum infinitis legionibus tam Græcorum quàm Latinorum, apud urbem *Fimminis* castra locauerat, Antiochiam proficiscens, quasi nostris subsidium collaturus, sicuti ex compromisso tenebatur. Exceptis autem exercitibus quos ipse ex vniuersis nationibus collegerat, erant ei adiuncti, quasi ad quadraginta millia Latinorum:

- norum: qui à legionibus quæ præcesserant, aut paupertatis causâ, aut suâ suorumque valitudine, aut ex quibusdam aliis vrgentibus causis, per terram Imperatoris derelicti fuerant: nunc verò resumptis viribus & animo de Imperatoris præsentia, & eius innumerabilibus copiis, transeundi fiduciam habentes, ad viæ consortes toto spiri- u, totâque mente festinare satagebant. Audiens ergo prædictus comes *Stephanus*, quod illic residens Imperator, vires maiores præstolaretur, & ad proficiscendum se accingeret, assumpto cum his qui secum erant, itineris compendio, versus Imperatoris exercitum cum omni celeritate contendit. quò perueniens, ab Imperatore honestè satis, sed cum admiratione susceptus est: nouerat enim eum Imperator; & ab initio dum cum aliis transiret, eius sibi contraxerat amicitiam. Interrogans igitur ab eo Imperator diligenter de vita & salute & statu Principum; & quænam esset causâ, quòd ab aliis rediret separatus, respondit: *Fideles tui, Imperator inu-* XI.
etissime, qui paulo antè per tuam habuerant transitum eminentiam, & de tua plenitudine, se largiente, facti sunt locupletiores, captâ Niceâ, usque Antiochiam satis prospero cursu perue-
nerunt, urbemque ipsam iugi obsidione quasi per nouem continuos menses expugnatam, præuiâ
Domini misericordiâ, violenter sibi, excepto urbis præsidio, quod in monte sublimiori situm, urbi
præminet nullis superabile viribus, vendicauerunt. Cumque crederent rem esse consummatam,
quodque se periculis exemissent vniuersis, urbe iam receptâ, factus est error nouissimus peior prio-
re, & in multo maiora quàm passi fuerant, inciderunt discrimina. Vix enim ab urbe captâ tertia
dies elapsa fuerat, cum ecce Corbagath Persarum Princeps potentissimus, cum infinitis Orien-
talium copiis, & in multitudine omnem numerum excedente, eandem obsidione vallauit urbem;
& ex omni parte obsessis introitum negans & exitum, Principes & omnem populum tot & tan-
tis molestiis affligit, quòd nec etiam de eorum vita sperare liceat. Multitudinis autem eos obs-
identium non est facile numerum comprehendere: nam ut in summa dicatur, omnem adiacen-
tem urbi regionem, locustarum more operuerunt eorum agmina, ita ut etiam tabernaculis videat-
ur locus deesse. Noster autem populus, fame, frigore simul & aestu, cadibus & clade, ita com-
minutus est, quòd totus infra urbem se collegerit; & vix ad eius tuitionem sufficere posse videat-
tur. Præterea & id solatii, quod de regno tuo, tam de insulis quàm de aliis urbibus maritimis,
naugio inferri consueuerat, noueris funditus esse præcisum. Nam emissâ copiarum parte, omnem
inter Antiochiam & mare regionem, ita occupauerunt, ut classe penitus consumptâ, nautis &
institutoribus gladio peremptis, omnem commerciorum spem & obtinendi victus fiduciam nostris
amputauerint. Sed nec in ciuitate tantum alimentorum dicitur superesse, ut vel unius dici sub-
uenire possit necessitati. Ad hæc, ad maiorem ærumnarum cumulum, nec in urbe etiam tutum
habent refugium. nam irruentibus iis qui per castrum superius in urbem clam & sæpius immittun-
tur, in ipso ciuitatis medio per vicos & plateas periculosa fiunt congressiones; nec minorem curam
intestinarum habentes conflictuum, quàm eorum quæ ab exterioribus inferebantur. Vnde nos, &
qui hic nobiscum sunt præsentis Capitanei & nobiles viri, videntes confratrum negotia non posse
procedere, eos conuenimus, sapius & fraternè monentes, ut sibi consulerent; & inuitâ diuinitate
rem impossibilem comprehendere velle desisterent: quos cum à suo non possemus reuocare, propo-
to, nos, ne paribus imprudenter inuolueremur calamitatibus, nostra curauimus salutis provide-
re. Et nunc, si placet, & tuis ita visum fuerit Illustribus, desiste procedere, ne tuæ felices quas
tecum trahis expeditiones, paribus inuoluantur periculis. nam à facie tantæ multitudinis, quàm
uniuersus ministravit Oriens, consultius est intentato negotio, re adhuc integrâ, discedere; quàm
temere, casu fortuito, cum tot & tantis experiri. Testes sunt eorum quæ loquimur præsentis in-
clyti viri, eiusdem sortis participes; sed etiam & Tatinus vir prudens & vaser, quem nobiscum
sua direxit amplexu, quod nostrorum cognoscens defectum, prudenter nimis ab eorum se subtra-
xit collegio, ut hæc nota faceret maiestati. Erat autem in prædicto Imperatoris exer-
citu, quidam comes Boamundi frater, Guido nomine: qui hoc audiens, penè ad in-
saniam motus, fratris & amicorum casum deplorans. Hic licet primùm Co-
mitis narrationem audiui se daret, timoris causâ obliuiscens, quòd à tatorum cœtu
Principum se fuisse exisset imprudenter: compescuit eum prædictus vir, secundum
carnem inclytus, & moribus nō ita, Vilhelmus de Grenemaisnil, qui suam & domi-
ni Boamundi sortem habebat uxorem. Hiis igitur auditis, conuocato Prin- XII.
cipum suorum consistorio, deliberat, vtrum procedendum sit ei, an domum exer-
citus oporteat reuocare: habitaque pro tempore & negotio deliberatione argu-
mentosâ, tandem de communi consilio visum est expedire, tutius esse, incolumes
domum exercitus reuocare, quàm vniuersi in se excitare Orientis regna; & se du-

biis inconsideratè committere fortunæ casibus, & præliorum. Tantam igitur Imperator verbis prædicti Comitris fidem adhibuit, vt non solùm ita fore, prout asseruerat; verùm etiam vt timeret apud se, ne Princeps prædictus, nostris, vt dicebatur, interemptis, cum vniuersa multitudine quam secū trahere dicebatur, in regnum eius introiret: & quam, de opera & studio peregrinantium Principum, Niceam cum vniuersa Bithinia receperat, iterū cogeretur amittere. Vnde huic prouidēs articulo, vniuersas prouincias ab Iconio vsq; Niceam, rediens, à dextra læuaq; incēdiis & rapina mandari præcipit; vt si casu quolibet suas aduersus eius Imperiū hostes vellent expeditiones dirigere, regio vastata alimentis carens, & habitatoribus viduata, aliquod saltē ministraret impedimentū. Sicq; factum est, vt per operā prædicti Comitris, subsidium, quod ex compromisso conferre paratus erat Imperator, Christianus eo plurimum indigens non haberet exercitus. Considerantibus tamen interius, & rem perscrutantibus diligenter, videri potest, etsi prædicti Comitris opus nullatenus valeat excusari, vtpote viciosam habens originem, & causam primam ab honestate dissentientē: tamē quod ex eo subsequitū est, *eo procurante qui solus potest & nouit ad meliores exitus, etiam quæ malo sunt inchoata principio pertrahere*, in eorundem Principum & plebis DE I, quæ ita cecidisse videbatur, certum est gloriam redundasse. Nam qui portauerant pondus diei & æstus, & relictis vxoribus & liberis, peregrinantes Domino decreuerant militare, dignum erat, vt gloriam pro suis laboribus reportarēt: quam si præsens fuisset Imperator, cæteris omnibus inuidisset. Videretur enim, si cū suis expeditionibus abfuisset, ob præcipuam sui auctoritatē & copiarum maiorem numerum, negotium consummasse; & ita sibi meritò palmā competere. Vnde creditur à Domino procuratum, vt qui fideliter, & deuotē & cum innumerabilibus defudauerant periculis, laboris fructum & victoriæ titulum reportarent. Rumor interea de recessu Imperatoris, multorum relationibus urbem repleuerat; qui & molestiis quibus premebantur incessanter, adiecit cumulum, & in desperationis barathrum omnes penē dedit præcipites. Abominantur prædicti Comitris & in perpetuum damnant memoriam; execrantur *Vilhelmum de Grentemaisnil*, & omnes illius impietatis participes, imprecantes vt cum proditore Iuda in æternis incendiis habeant portionem: qui non solùm communibus se subtraxerunt laboribus, verùm etiam tanto, quod eis videbatur Dominus præparasse, DE I populum defraudauerunt subsidio. At verò *Corbagat*, & qui in castris eius erant principes maximi, sicuti cognito per exploratores Imperatoris aduentū, suspensi meritò tenebantur, viresque eius suspectas habentes, robur Imperii non immeritò formidabant; ita nunc notum per eosdem eius habentes discessum, in maiorem se erigunt insolentiam: & quasi de victoria certā spe conceptā, nostros animosiùs comprimebant, & coangustabant attentius. Vnde fiebat, vt in tanta essent, fideles qui in urbe erant, calamitate, & multiplicis miseriæ nouissimo constituti, vt iam nec salutis spes, nec consolationis via vlla superesse videretur. Adeoque inualuerat, & omnes occupauerat desperatio, vt circumeunte domino *Boamundo* ciuitatem, cui super omnes vniuersi exercitus cura cōmissa erat generalis, nec verbo, nec verberibus quicquam proficeret, vt vel vnum de domibus in quibus latitabant, posset auellere; & ad peragendas excubias, vel ad occurrēdum hostibus, siue intus siue extra, quorum multiplices pariebantur insidias, destinare. Vnde die quadam, defatigatis vociferando præconibus & apparitoribus, infecto negotio reuersis, cū videret quod inutiliter operam consumerent, nec aliquem de latebris posset educere, in locis plurimis incendia per ministros suos procurari iubet, & urbem succendi: vt saltē incendiorum metu prodirent in publicum, qui congelatis visceribus, obsequio diuino studium negabant & operam: vnde factum est, vt quorum prius non poterat habere copiam, eos postmodum ad prosequenda munera certatim inueniret præcipites. Dicitur etiam, quod Principes de vita desperantes & salute, habito inuicem familiari consilio occultē decreuerant, vt relicto populo & plebe vniuersa, ipsi clam de nocte aufugerent, ad mare properantes. Quod postquam *Duci* innotuit, & viro venerabili *Podiensis Episcopo*, conuocantes eos ad se, iustis in eos increpationibus inuecti sunt, ponentes præ oculis, quā perennem infamiæ notam sibi & posteritati suæ in perpetuum meruerint prædicti nobiles viri, qui contra honestatem morum, generositatis suæ titulos denigrantes, tanto fidelium CHRISTI se collegio subtraxerant. Erat

ratum erat igitur in populo DEI tantus alimentorum defectus, tanta famis angustia; tot & tantæ tam exterius quàm interius hostium importunitates, vt nusquam contra ea solatium, nusquam contrà remedium inueniretur. Maiores & minores, paribus inuoluti calamitatibus, nullam sibi adinuicem consolationis gratiam impendebant: memores vxorum & liberorum quos domi reliquerant, amplissima quæ ob CHRISTI caritatem dimiserant patrimonia, mente recolunt: & de Domini quasi conqueruntur ingratitude, eo quod labores eorum, & deuotionis synceritatē non respiciat: sed quasi à DEO alienum populū, in manus hostiū tradi patiatur.

- Dum ergo sic affligeretur DEI populū, respexit eum Dominus, & gemitus eorum audiuit, mittens eis consolationem de sede Maiestatis suæ. xiv. Quidam enim *Petrus* clericus, vt dicitur, de regione quæ dicitur *Prouincia*, ad episcopum Podiensem, & dominum Comitē accessit Tolosanum, asserens, quod ei beatus *Andreas* apostolus in somnis apparuerat; & eum ter vel quater commonuerat diligentissimè: quatinus ad Principes loqueretur, & nuntiaret, vt Lanceam, qua Domini nostri IESV CHRISTI latus fuerat perforatum, in ecclesia principis Apostolorum occultè repositam, cum omni studio perquireret: ei que locum certis designauerat indiciiis. Qui accedens ad prædictos DEO amabiles viros, verbum sicut ei iniunctum fuisse testabatur, ex ordine pandit, asserens se ab eodem Apostolo multis terroribus ad hoc compulsū. Nam cum sæpe legationem hanc sibi assumere, quoniam pauper & nullius prudētiæ erat, detrectasset, vrgentissimam Apostoli iussione, nisi cum mortis periculo, declinare se non posse profitebatur. Hi autem reliquis Principibus verbum secretius communicantes, eundem Clericū præsentem constituunt, vt ab eodem modum & formam iussionis acciperent: quibus verbis fidem habentes, ad locum quem eis infra septa prædictæ ecclesiæ designauerat, conueniunt: vbi effossā terrā in altum aliquatini, Lanceam, sicuti prædixerat, reperiunt. Quod audiens populus, tanquam immisā de supernis consolatione, ad ecclesiam cucurrit vnanimis; & donis muneribus tam preciosum multo honore præuenientes inuentum, cœperunt quodammodo à suis anxietatibus respirare, & in obsequiis diuinis reparari fortiores. Fuerunt & alii nonnulli, qui se dicebant visiones angelorum & sanctorum Apostolorum vidisse, quibus quasi in inuicem consonantibus fides habebatur ampliōr; & populus à sua deiectione resurgebat in immensum. Factum est igitur ad suggestionem venerabilium, & DEVM timentium virorum, quod Principes vniuersi iterum voto conceptō, & iuramentis corporaliter præstitis, se obligauerunt mutuo, vt si Dominus eos de præsentī casu clementer eriperet, & de hostibus suis optatam indulgeret victoriam, quod ipsi ab inuicem non discederent, quousque auctore Domino Urbem Sanctam, & gloriosum eius Sepulchrum, Christianæ fidei & pristinæ restituerent libertati. xv: Cum autem diebus viginti sex continuis hac tā intolerabili afflictione laborassent, cœpit iterū populus, ad cor rediēs, fortitudine lumbos suos accingere; & longanimitate plus solito abundare, quadam spe immisā diuinitus se confortans: ita vt omnes vnanimiter à maiore vsque ad minimum his molestiis finem imponendum consonarēt, & cum hostibus pugnandum; vt subitō, per diuinæ virtutis auxilium, eos de suis viribus præsumentes, à se possent repellere, & urbem quam eis contulerat Dominus, liberam vindicare. Vtilius enim iudicabant belli semel fortunam experiri, quàm perpetuā tabescere inedia, & ingruentium molestiarū iugi sarcinā torqueri. Hic igitur erat, & in omnium ore sermo vertebatur, vt extra urbem egredientes, cum hostibus decertarent: nec erat ea mens nobilium tantum; sed etiā populares eodem desiderio succensi, Principum arguebant desidiam, & mores increpabant. Conuenientes igitur Principes in vnum, & populi immisum diuinitus cognoscentes feruorem, de communi decernunt consilio, vt misā legatione ad Principem hostium, alterutrum duū proponant: *Quod aut cedat, urbem nostris perpetuò possidendam derelinquens, sicut iuris eorum ab initio fuerat, & nunc, auctore Domino, in idipsum est reuersa; aut ad pugnam se præparet, gladii iudicium subiturus.* Electus est igitur ad id muneris prosequendum, *Petrus Heremita*, vir vitæ venerabilis, de quo in superioribus multa diximus: adiunctusque est ei socius & comes quidam *Herluinus*, Persarum idiomatis, & Parthicæ linguæ aliquam habens peritiā, vir itidem prudens & discretus: quibus datum est in mandatis id quod præmisimus, cum subdiuisione tamen hac: vt. *si pugnam præligere*

inueniretur, esset in eius optione, utrum singulariter ipse cum uno ex Principibus experiri vellet; an certum numerum suorum, nostrorum totidem opponere; an simul hinc inde uniuersos confligere exercitus, & legiones unanimiter ad pugnam conuenire. Impetrato igitur ad tempus foedere, & gratiâ mittendæ legationis pace petita, profecti sunt duo prædicti viri, cum sibi destinatis consortibus, usque ad tentorium Principis: ubi eum reperientes cum suis ducibus & satrapis, Petrus Heremita, sicuti vir magnanimus erat, licet staturâ pusillus esset, munus iniunctæ legationis strenuè & fideliter procurauit. Accedens enim ad præfatum Persarum satrapam, nullamque ei omninò exhibens reuerentiam, constanter & imperterritè verba proposuit, dicens: *Direxit nos ad tuam nobilitatem, DEO amabilem, qui in Antiochia sunt Principum sacer conuentus, monens ut ab eorum infestatione, & ab urbis, quam eis restituit diuina clementia, impugnatione desistas. hanc enim Apostolorum Princeps Petrus, nostra fidei fidelis & prudens dispensator, verbi sui virtute, & exhortationis, quâ præminebat, gratiâ, sed & signorum magnitudine ab idololatriâ reuocans, ad fidem CHRISTI conuertit, nobis eam reddens peculiarem. Nunc verò eam à vobis violenter, sed indebitè occupatam, nobis restituit fortis & potens Dominus: unde pro austa hereditate, & CHRISTI domicilio familiari, debitam gerentes sollicitudinem, unum tibi ex pluribus proponunt: ut aut ab urbis obsidione, & eorum molestatione quiescas; aut tertiâ ab hac die cum eis gladiis decernentibus experiaris. Ac ne forte oblatum certamen causeris, & subterfugii causam iustam inuenias, optionem tibi proponunt, ut unum è pluribus eligere possis: an solus cum uno ex Principibus tantum congregiaris, & victor totum obtineas, aut victus con-* 10

quiescas; aut plures cum totidem eisdem conditionibus decertent; aut uniuersæ hinc inde legiones bellicis euentibus experiantur. Ille verò spretâ eius legatione, respondisse dicitur: Non videtur, mi Petre, quod Principum, qui te huc miserunt, res sit in eo statu collocata, quod mihi debeant optiones proponere; vel quod ego teneam, pro eorum arbitrio, aliquid eligere: cum ad hoc per nostrum deuenerint gladiū, ut neque sibi liberam habeant optandi facultatem, sed pro nostro arbitrio eos oporteat sumere, & deponere voluntatem. Vade ergo, & dic imprudentibus, qui suam adhuc non intelligunt conditionem, qui te huc ad nos direxerunt, quod omnes quotquot integra ætatis ex utroque sexu reperire potero, domini mei obsequiis deputatos, vitæ reservabo; omnes verò alios, tanquam arbores inutiles, gladio succidam, ita ut neque eorum aliqua supersit memoria. Quod nisi satius duxissem, eos famis acerbitate consumi, quam gladiis interire, iam pridem effractis muribus, & urbe violenter occupatâ, viarum suarum fructus collegissent, gladiis ultioribus subiecti. 20

At verò Petrus intellectâ Principis, ad quem missus fuerat, mente; & superbiâ cognitâ, quam ex multitudine suorum & incomparabilibus diuitiis collegerat, sumptâ licentiâ, ad suos reuertitur. Quem infra urbem receptum, & quæ secum defererebat responsa volentem edere, & significare his qui cum miserant Principibus, affuit uniuersa tam patrum, quam plebis multitudo, cum summa auiditate audire gestièntes responsi formam, & legationis finem. Dumque Petrus secundum verborum seriem, Principis, ad quem missus fuerat, superbiam, minas, & immoderatum fastum, præsentè populo uniuerso, seriatim proponere decreuisset: timens vir illustris Dux Godofridus, ne si cuncta ex ordine populo continuis aff- 30

licto laboribus, & iam præ ærumnarum immensitate deficienti panderetur, plebs nimis deterreretur, & timore deficeret, volentem in narratione procedere compescuit, seorsum ducens eum à turba frequentiore; & suggerens, ut omiſſis aliis, id solum breuiter & in summa significetur, quod bellum exigant hostes, & ad id omninò se præparent. Populus ergo iuxta Petri verbum intelligens, quod hostes pugnam deposcerent, unanimiter omnes à maiore usque ad minimum, paribus accensi desideriis, id ipsum votis expetunt ardentibus, cum tanta hilaritate verbum suscipientes, ut iam omninò pressurarum quas pertulerant viderentur immemores, & de victoriâ securi. Acclamantibus ergo uniuersis, & tam voce quam signis consonantiam, & omnium conuiuentiam significantibus, bellum crastinâ die futu- 40

turum indicitur. Gaudius igitur, reuersus est populus ad propria, totamque illam noctem præ pugnæ desiderio ducunt in somnem: dum arma exerunt, dum equos præparant, loricas detergunt & galeas, aptant clypeos, gladios acuunt, somno locus non datur, nec indulgetur sopori. Edicitur præterea publicè, & voce præconiâ nunciatur, quatinus summo mane, ante Solis exortum, unusquisque armis correptis, & instructus ad prælium, suis associetur legionibus, & proprii Principis vexillum sequatur. Mane autem factò, circa primum dici crepusculum, sacerdotes & 50

ministri

XVI.

- ministri Domini, per ecclesias diuina celebrantes, & consummantes sacrificium, plebes monent, vt peractis de more confessionibus in spiritu humilitatis, & animo contrito, contra mundi pericula, Corpore & Sanguine Domini se communiant; & indultis offensis, & rancore deposito, si quis erat, reformatâ plenius caritate, cū maiore fiducia ad prælium egrediantur: & eius verè sint auditores & membra, qui dixit: *In hoc cognoscent omnes quia mei estis discipuli, si dilectionem habueritis ad inuicem.* Celebratis ergò diuinis, & legionibus vniuersis cœlesti munere satiatis, tanta est eis diuinitus infusa gratia: vt qui heri & nudius tertius quasi segnes & abiecti, macilenti & exangues, præ defectu virium vix poterant attollere lumina, frōtes erigere, &
- 10 ieiuniis attenuati, victi laboribus quærebant latibula, pristinæ honestatis immemores: nunc vltro in publicum prodeunt, abiectâ ignauîâ, quasi resumptis viribus, arma baiulât viriliter; & de bellicis tractare animositatem præsumunt solitâ, palmam sibi promittentes. Vix reperiebatur in tantò populo conditionis aut ætatis cuiuspiam, qui non meditaretur fortia; qui ad arma non consurgeret; qui non sibi præfagiret victoriam. Sacerdotes verò sacris induti vestibus turmas circumeunt, & conuentus, cruces deferebant in manibus, & sanctorum patrocinia, peccaminum promittentes indulgentiam, & plenam delictorum remissionem his qui fortiter in acie defudarent, & paternarum traditionum, & Christianæ fidei vellent esse defensores. Episcopi nihilo minus, Principes, & exercitus primicerios tã seorsum, quàm
- 20 in publico exhortantes, quantâ eis diuinitus dabatur exhortationis gratiâ instabant, benedicentes populum, & Domino commendantes: inter quos præcipuus CHRISTI cultor dominus *Podiensis Episcopus*, exhortationibus iugiter insistens; ieiuniis & orationibus, & largâ eleemosynarum liberalitatē seipsum Domino dabat in holocaustum. Conuenientes igitur summo diluculo, quarto Kalendas Iulii, ante portam quæ ponti erat contermina, inuocato de supernis auxilio, omnes vnanimiter quasi vir vnus antequam urbem egrediantur, acies instruunt; & instruitis, ordinem & modum assignant procedendi. In prima igitur acie, *Hugonem Magnum*, fratrem Regis Franciæ, ducem & signiferum constituunt; ei quæ associant virum per omnia commendabilem, *Anselmum de Riburgismonte*, cum aliis nobilibus,
- 30 quorum numerum vel nomina non tenemus. Secundæ præficiunt Dominum *Robertum*, qui cognominatus est *Friso*, Flandrensiū Comitem, cum his qui ab initio castra eius secuti fuerant. Tertiā iussus est regere dominus *Robertus Normannorum dux*, & cum eo vir inclytus, nepos eius, Comes *Stephanus de Albamarla*, & alii nobiles, qui in eius aduenerant comitatu. Episcopus verò *Podiensis*, dominus *Ademarus*, bonæ memoriæ, cum sua & domini *Comitis Tolosani* familia, quartæ præerat aciei, Dominicam secum deferens Lanceam. Quintam verò *Rainardus* Comes Tullésis, & *Petrus de Stadeneis* frater eius, Comes *Garnerus de Gres*, *Heinricus de Ascha*, *Rainardus de Ammerbac*, *Galterus de Dommedart*, suo moderamine iussi sunt producere. Sextæ verò aciei de mandato Principum præfecti sunt *Rainboldus* Comes de O-
- 40 ringis, *Ludouicus de Moncons*, *Lambertus* filius Cononis de Montecacuto. Septimam verò vir illustris & magnificus, dominus Lotharingiæ *Dux Godefridus*, cum viro venerabili fratre suo *Eustachio*, iuxta militarem disciplinam disposuit. Octauæ verò vir in armis strenuus & morum generositate insignis præfuit *Tancredus*. Nonam verò Comes *Hugo de Sancto Paulo*, & *Engelrandus* filius eius, *Thomas de Feria*, *Baldwinus de Burgo*, *Robertus* filius Gerardi, *Rainoldus Beluacensis*, *Galo de Caluomonte* disponere iussi sunt. Decimæ verò præfecti sunt *Rotoldus* Comes Percensis, *Euerardus de Pusato*, *Drogo de Monci*, *Radulphus* filius Godefridi, *Conanus Brito*. Vndecimam verò *Isardus* Comes Diensis, *Raimundus Piletus*, *Gastus Biterensis*, *Girardus de Roseilon*, *Vilhelmus de monte Pessulano*, *Guilhermus Amaneus* tenuerunt. In duodecima verò, quæ erat nouissima, & cæteris refertior, constitutus est princeps & moderator dominus *Boamundus*, iussusque est postremus incedere, vt præcedentibus tempore oportuno ministraret subsidium; & pro his qui ampliùs ab hostibus grauarentur prouidam gereret sollicitudinem. Dominum autem *Comitem Tolosanum* ægritudine validâ periculosius laborantem, in vrbe dimiserunt ad eius custodiâ, contra illos qui adhuc rebelles erant in præsidio, ne fortè in absentia Principum, urbem arbitantes vacuam, super debiles & infirmos, senes & mulierculas & imbellē populum, irruptiones molirentur. Fecerunt autem & in colle qui præsidio erat oppositus, murum

XVIII.

ex calce & lapidibus cum propugnaculis solidissimum, super quem machinas iaculatorias constituerunt nonnullas, ducentos viros, robustos viribus, & armis instructos, qui locum tuerentur, ibi relinquentes. Sic ergo dispositis suorum ordinibus, & in aciem reductis, de cōmuni decernunt consilio, quod dominus *Hugo Magnus*, dominus quoque *Comes Flandrensis*, & *Dux Normannorum* reliqua præcedant agmina: vniuersisque præcipiunt hunc obseruare proficiscendi ordinem, vt præmissis peditibus equites subsequerentur, & eis diligentem adhiberent custodiam. Cautum est etiam edicto publico, & lege cōmuni promulgatum, *ne quis hostium spoliis inhare præsumat; sed omnes hostium cadi unanimiter incumbant, quousque obtentâ victoriâ & prostratis hostibus, licitè possint ad spolia colligenda redire*. Porro *Corbath* suspectum habebat ab initio, & maxime postquam ad eum *Petrus* missus fuerat, nostrorum subitum in castra sua egressum: vnde & cum iis, qui in præsidio erant, conuenerat, vt si quando nostri de exitu cogitarent, & se præpararet ad egressum, oppidani dato signo, castris id significare properarent. Factum est igitur circa horam diei primam, dum nostri acies suas disponerent, qui in præsidio erant, id compertum habentes, signo dato de quo inter eos conuenerat, id castris cominus significauerunt. Vnde nostrorum volentes præpedire propositum, præmiserunt de suis quasi ad duo milia, qui circa pontem nostris occurrerent, & eos egredi non paterentur: qui vt instarent proteruius, & ad sagittandum essent habiliores, descendentes de equis pedites se constituerunt, pontis partem vltiorem occupantes. At verò nostri compositis aciebus, & iuxta rei militaris disciplinam ordine congruo digestis, referatâ portâ, obseruatis stationibus & legionibus impermixtis seriatim egrediuntur. Dumque prædicti hostes qui ad cohibendum nostris exitum conuenerant, in eo proposito fortiùs desudarent, dominus *Hugo Magnus*, qui primæ præerat, vt præmissus, cohorti, præmissis turbis pedestribus & sagittariis, in eos irruens animosiùs, primò tentantes resistere, sed tandem nostrorum impetum ferre non valentes, violenter dissolutos adegit in fugam, tantâ instans animositate, vt vix equos ex quibus descenderant, recipere possent: quibus fugam ingressis, vir memoriâ dignus *Anselmus de Riburgismonte*, qui in prima constitutus erat acie, protinus irruens, seculis memorabile virtutis suæ dedit experimentum: nam in mediis eorum, cuneis salutis immemor, audaciter inuolutus, dum hos deiicit, illos perforat, & in eorum strage desudat animosiùs, vniuersorum ordinum in se prouocauit & oculos & fauorem. Quod videntes *Hugo Magnus*, & *Robertus Comes Flandrensiū*, *Robertus* quoque *Normannorū Comes*, & *Balduinus Comes Hemicorū*, & *Eustachius Ducis frater*, prædicto nobili viro vt subsidium administrēt, aduolant celerius, viri strenuitatem admirantes; & collatis viribus irruentes, si quid adhuc erat robotis, potenter confringunt: & stragem ex eis operantes innumeram, penè vsque ad eorum castra insectati sunt fugientes. Accidit autem in exitu nostrorum ab vrbe quiddam memoriâ dignum: quod dum essent in procinctu, & iam extra portam acies dirigerent, hostibus qui aditum præpedire proposuerant, partim interemptis, partim in fugam versis, ros quidam suauissimus immixtus de supernis, modicus, sed gratissimus, super nostrum exercitum descendit ita placidus, vt quasi in eo benedictionem & gratiam suam videretur Dominus infudisse. Quicunque enim eo imbre cœlitus immisso conspersus est, ita plenam mentis & corporis, suscepit hilaritatem & integritatem sospitatis, tanquam nihil laboris, nihil molestiæ totâ illâ expeditione passus esset: nec solum hominib⁹, verum etiâ equis vigor pristinus à Deo restitutus est in integrum, vt qui per multos ante dies non nisi folia & cortices arborum habuerāt pro pabulo, hostium equos & hordeo pastos & paleâ, totâ illâ die & celeritate vincerent, & laboris patientiâ. Tanta ergo ex illius benedictionis rore nostris legionibus victoriæ spes & fortitudinis gratia videbatur accessisse, vt de eis videretur esse dictum: *Pluuiam voluntariam segregabit DEVS hereditati sue*: & Spiritus sancti gratiam manifestè se non dubitarent accepisse. Eductis autem extra urbem legionibus, decernunt esse vtilius versus montana acies dirigere, quæ ab eadem vrbe quasi distabant duabus miliaribus; & ita vniuersam occupare planitiem; ne fortè hostes infinitas habentes copias inter eos & urbem clam vel violenter transeuntes, sicuti facere consueuerant in præliis, nostros possent ex omni parte vallare, & aditum ad urbem intercludere fugientibus.

XIX.

Psal. 67, 10.

tibus. Procedebant autem gradulento, ita tamen ut non permiscerentur acies, neque ordines confunderentur: factumque est diuinæ virtutis operatione, ut qui intra urbem hostibus pauciores, imò penè nulli eorum comparatione crederentur, tot & tanti, quot & quanti extra urbem, aut plures, aut non pauciores esse viderentur. Qui enim quinque panes post quinque millium refectam esuriem in tantâ fragmentorum quantitatē nouit prius multiplicare; idem populum sibi acceptabilem & sectatorē bonorum operū, ad nominis sui gloriam, non inferiori miraculo voluit augere. Erāt autem immixti procedentibus ad præliū, DEO deuoti sacerdotes & Leuitæ stolis amicti albis, signum Crucis mirabile deferentes in manibus. Qui verò in

10 vrberemanserāt super muros ascendentes, vestibus induti sacerdotalibus, in lacrymis & oratione perseverantes, expansis manibus pro fideli populo sine intermissione orabant ad Dominum, ut parceret populo suo; & ne daret Gentibus in opprobrium hæreditatem suam. Interea Princeps hostium intellecto nostrorum cgressu, tum ex signo quod in præsidio urbis conspexerat, tum ex eorum relatione qui ab egredientibus deuicti aufugerant, conuocatis Senioribus & expeditionum primiceriis, iā incipit habere pro seriis, quæ prius quasi ludicra reputauerat; & quorum prius arma & tenuitatem negligere videbatur, iam incipit habere suspecta. De communi igitur consilio, Antiochenorum tamen maximè usus experientiā, acies instruit, disponit agmina; & qui præcedere, qui subsequi debeant, diligenti studio

20 distinguit, & debitā digerit sollicitudine. Inter cætera verò antequam nostri vniuersa inter urbem & montes occupassent campestria, aciem vnā viris prudentibus, & robustis insignem, cui præesse dicebatur vir illustris *Solimannus* Nicenorum Princeps, de quo superius mentionem fecimus sæpissimā, versus mare dirigit, eo intuitu ut nostris deuictis & conuersis in fugam, volentibus ad mare descendere, vel in urbem ingredi, illi occurrerent: & ita inter molares duos, videlicet inter subsequentes & occurrentes à fronte, DEI populus cōtereretur. Reliquas autē à dextris locans & à sinistris, sub singulis Principibus, sub obtentu gratiæ suæ, districtè præcipit, *quatinus pristina virtutis memores, strenuè & viriliter decertare contendant: friuolum reputantes, quicquid tam imbellis populus, vulgus famelicum, plebs inermis & inconsulta, nite-*

30 *retur moliri.* Occupatā igitur vniuersā planitiæ, & prouiso diligentius ne ab hostibus possent circumdari, monentibus lituis, & præcedentibus legionum vexilliferis, nostri versus acies hostium gradatim prodeunt: quibus cum appropinquaissent, adeo ut iam in eos, hostes sagittas suas cōtorquere possent, facto impetu, tres primæ acies vnanimiter in eos irruunt, lanceis & gladiis instantes cominus. Sed & nostri pedites qui arcubus utebantur & balistis, equitum præcedentes manipulos, votis ardentibus vtrò & certatim se ingerebant; quibus subsequentes equitum turmæ, quantum poterant adhibebant custodiæ diligentiam. Dumque primæ acies viriliter in agone desudant, ecce subsequentes eis, adiunctæ & illatæ impetu non inferiore, eos qui se præcesserant reddunt tam audaciā quā viribus præstantiores. Cumque iam

40 omnes, exceptā nouissimā, cui præerat dominus *Boamundus*, ad hostes peruenissent acies, & cum eis decertarent viriliter, ita ut pluribus interfectis, iam penè dissolutis agminibus hostes in fugam verterentur, Duxque cum suo comitatu validiorem & densissimā hostium cohortem iam penitus in fugam adegisset: ecce *Solimannus*, cum ea legione quā suprā diximus eum versus loca maritima deduxisse, rediens, in aciem domini Boamundi audacter & cum multo impetu à tergo irruit, tantam immittens sagittarum multitudinem, ut instar grandinis totam aciem operiret; moxque depositis arcubus, & eorum neglecto officio, clauā instans & gladiis, ita ut importunam eorum instantiam dominus Boamundus vix sustineret: dumque iis premeretur atrocius, & penè dissolueretur legio cui præerat, licet ipse strenui more & fortis viri, in hostes medios cum paucis consortibus decertaret, Dux

50 subito cum suis copiis euocatus, vnaque cum eo vir spectabilis dominus *Tancredus*, impiger aduolat; domino Boamundo subsidium ministraturi: quorum opportuno aduentu, statim hostium eneruatæ sunt vires, & omnis eorum virtus emarcuit, instantibus nostris animosius, vulneraque & mortem ministrantibus. Dumque vident se viribus impares, irruentium pondus se non posse sustinere diutius, ad alia se conuertunt argumenta; & ignem solito excutientes artificio, subiiciunt in stipulam. erat enim fenum multum in loco aridum valde, & stipula apta

prorsus incendio, quæ subiectum ignem suscipientia gratum ministrauerunt fomitibus: & licet flammam quidem modicam, tetram tamen atque densam fumi dederunt caliginem: quâ inuolutæ acies, minus quidem instabant hostibus, fumo plurimum officiente luminibus, & puluere nihilominus, qui equorum & peditum excitabatur frequentia. In hac igitur tanta fumi-caligine studiosius excitata, hostes nostros insecuti, de peditibus, nonnullos occiderunt: equites autem equorum rapti beneficio periculosam illam declinantes nebulam, redeunt in idipsum, & diuino freti adminiculo agonem continuantes, reintegratis diuino munere viribus, hostes in fugam gladiis persecutoribus conuertunt; nec desistunt insequi, quousque ad suorum iam dissoluta agmina, eos recurrere violenter compulerunt. 10

XXI.

Erat autem in eadem regione vallis modica, per quam horis hyemalibus torrens de monte defluens descendere consueuerat, cursuq; præcipiti alueum in vallem subegerat: ultra quam cum hostes confugere noster compulisset exercitus, in colle quodam eminentiori aliquantulum, dum tentarent resistere, & tubarum sonitu & strepitu tympanorum dissolutas iterum reuocare conarentur legiones, sine intermissione eos subsecuti, nostri Principes aduolant celerius: tam qui in postremis, ubi maius exercebatur negocium, cum Solimanno laborauerat, dominus *Dux Godefridus*, dominus *Boamundus*, *Tancredus* quoque, & alii quidem nobiles, auctore Domino victoriâ potiti; quàm qui in prima fronte, obuias sibi iam contriuerant acies, *Hugo Magnus* videlicet, & vterque *Robertus*, tam Flandrensiùm quàm Norman- 20 norum Comes, & alii multi perpete digni memoriâ: vallo transmissio hostes à prædicto colle deiiciunt violenter; & iterum ab inuicem dissolutos, nostrorum constantiam sustinere non valentes, fugam inire compulerunt. *Corbagath* autem ab initio turbam declinans, in colle quodam constitutus frequentes dirigebat nuncios, qui ad eum recurrentes sæpius, de belli euentu eum edocebant. Hic dum præstolaretur anxius, quo fine tantum terminaretur negocium, repente suas dissipatas penitus & in nullo sibi cohærentes, diffluere cõspicit legiones: quo facto perterritus, momentibus suis qui eum comitabantur, ut saluti consuleret; relictis castris & suorum immemor, fugam iniit quantocius, tantâ correptus formidine, ut neminem expectans, & equos permutans alternatim, ut fugæ possent sufficere, transito Euphrate 30 vix tutum se reputaret. Relictæ verò acies, Principis destitutæ solatio, resistendi animo simul & viribus vacui, quibus equi sufficere poterant, eadem viâ saluti consulentes, fugâ elapsi, insequentium gladios euaserunt. Nostri autem equorum timentes defectum, non multum insequi præsumperunt, excepto domino *Tancredo*, & paucis aliis, qui usque ad occasum Solis, tribus aut quatuor miliaribus eos sternendo prosequuti sunt. Tantum siquidem diuina virtus eis timorem immiserat, ut vel resistere, vel à se insectantium propulsare iniurias nec attentarent. decem enim ex nostris videbantur eis quasi multa milia; nec erat qui à facie nostrorum fugientibus ministrare posset consolatiõnem. Hic planè innotuit, quia *non est consilium contra Dominum*: quamque verè dicatur quod *non deserit Dominus sperantes in se*, i- 40 pso rerum experimento factum est euident & manifestum: cum populus inops & famelicus tantam virorum fortium multitudinem, Deo fretus auxilio, potuit superare; & præter spem propriam, in vno prælio vniuersum à Deo destitutum Orientem confundere.

XXII.

Consummato igitur prælio, & diuinitus concessâ nostri Principes potiti victoriâ, in castra hostium redeunt: ubi tantam rerum necessariorum reperiunt opulentiam, tantas Orientalium diuitiarum copias, ut iam auri, argenti, gemmarum, holosericorum & preciosarum vestium, necnon & vasorum tam artificio quàm materiâ commendabilium, neque numerus esset, neque mensura: equorum etiam, sed & gregum & armentorum, annonæ quoque nihilominus, & victualium tanta ibi reperta est abundantia, ut iam nescirent quid eligerent, etiam qui supremâ prius laborauerant inopiâ. Colligentes itaque hostium papiliones & tentoria, quibus plurimum indigebant (sua quippe, vetustas & imbrium quos sæpe pertulerant intemperies corruperant, ut iam essent inutilia) gazas in eis reperiiebant multiplices; sed & ancillas & paruulos quos fugientes dimiserant, secum in urbem detulerunt. Inter cætera autem, & maioris eorum Principis admirabile reperiunt tabernaculum, in modum ciuitatis, turribus, propugnaculis & mœnibus, ex optimo serico & variis coloribus contextum: à cuius medio, 50

dio, quasi à triclinio principali, in partes plures adnexa defluebant diuersoria, quæ quasi per vicos distinguebantur, quibus duo hominum milia spaciosè confidere posse dicebantur. Onerati igitur spoliis, & manubiis ditati, cuncta in urbem deferunt, diem agentes solennem in lætitia & exultatione; gratias illi exhibentes de cuius munere venerat, vt tot casibus superatis, tot decursis laboribus, optatam consecuti essent victoriam. Qui autem erant in præsidio, videntes quod sui defecerant, & necessariam subsidii spem haberent nullam, interpositis conditionibus, quod cū salute liceret egredi, vxoresq; ac liberos simul & omnem eorum substantiam liberè possent educere, arcem nostris resignant Principibus, eorum vexillis in summis
10 turribus collocatis. Sic igitur factum est per Domini superabundantem gratiam, vt recepto vrbis præsidio, & obtentâ victoriâ, qui heri & nudius tertius tenues erant & pene famelici, bonis inciperent omnibus abundare. Ad hoc enim iam deuenerant etiam qui inter eos erant potentissimi, & eximii nominis, vt etiam mendicare compellerentur: Nam vt de gregariis taceamus, *Comes Hermannus* vir nobilis de regno Teuthonico, ad eam deductus est paupertatem, vt ei de mēsa Ducis, panis pro quotidiano stipendio, quasi magnum, deputeretur. *Henricus* quoq; de *Ascha* vir probitate singularis, inediâ penitus consumptus esset, nisi ab eodem domino Duce assumptus esset in conuiuiam. Sed & ipse etiam *Dux*, dum ciuitas obsideretur, antequam egrederentur ad prælium, tantâ laborabat inopiâ, vt equos non habens, eum cui in-
20 sedit in prælio à *Comite Tolosano* multis precibus vix extorserit. Iam enim tam ipse quàm alii Principes quicquid pecuniarum secum detulerant, in larga eleemosynarum liberalitate & pietatis operibus, & his maximè quæ ad communem respiciebant vtilitatem, pronâ deuotione cōsumperant. Vnde factum est, quod multi nobiles, & apud suos tam genere quàm strenuitate præclari, eâ die quâ bellum indictū est, consumptis opibus inopes facti, & equos non habentes, partim pedites, partim super asinos & vilia iumenta, egressi sunt ad pugnam: quorum inopiam benignè respiciens consolator Dominus, antequam Sol vergeret ad occasum, deuictis hostibus opes contulit redundantes. Renouatum est ibi euidentiùs illud *Samarie* antiquum & vetus negotium, de mensura similaginis & ordeï, quæ statere vno ac-
30 cipiebatur. Nam qui mane vix sibi sufficere poterat, vespere habuit vnde multos aleret. Factum est autem hoc, Anno ab incarnatione Domini M. XCVIII. mense A. D.
1098. Iunio, vicesimâ octauâ die mensis. Reuersis igitur Principibus de prælio, & vrbe iam in omni tranquillitate compositâ, curæ fuit omnibus, & præcipuè patrono exercitus, viro venerabili domino *Podiensi Episcopo*, cooperantibus aliis qui in eodem exercitu erant pontificibus, & plebe suffragia ministrante, tam maiorem vrbis Ecclesiam, quæ in honore principis Apostolorum dedicata erat; quàm reliquas, quæ per urbem erant constitutæ, in pristinum decorem reformare basilicas; & in eis clerum restituere, qui diuinis iugiter se manciparet obsequiis. Gens enim Turcorum impia, loca profanauerat venerabilia; & eiectis inde cultuum diuinorū mini-
40 stris, vsibus prophanis ea deputauerant: in aliis equos & iumenta, quasi in stabulis collocantes; in aliis verò indigna locis exercentes negotia. Venerabiles quoque sanctorum imagines, (quibus simplex populus, & *plebs DEI cultrix piâ ruditate commendabilis*, quasi pro libris vtitur, quæ vice lectionis simpliciores ad deuotionem excitant,) ex ipsis corraferant parietibus; & quasi in viuentes personas desæuientes, oculos effoderant, mutilauerant nares, & luto sumpto de immundis obdixerant; deiecerant altaria, & nefandis operibus inquinauerant Domini Sanctuarium. Placuit igitur de communi consilio, vt statim sine dilatione in eis Clerus restitueretur, & pristina reformaretur dignitas, designatis stipendiis vnde possent sustentari qui in eis Domino militarent. Obrulerunt itaque de spoliis hostium, aurum & argentum, vnde fierent candelabra, cruces, calices, & textus Euāgeliorum, & cætera Ecclesiasticis necessaria vsibus vtensilia. OlosERICA quoque ad opus sacerdotalium indumentorum, & altarium operimenta. Dominum quoq; *Patriarcham, Ioannem* nomine, qui tanquam verus CHRISTI confessor, post nostrorum aduentū, infinita ab infidelibus pertulerat supplicia, in sede propria cum multo honore locauerunt: per vrbes finitimas, quæ Cathedralem consueuerant habere dignitatem, constituentes Episcopos. Nostræ verò latinitatis Patriarcham, eo viuente qui pridem ibi ordinatus fuerat, eligere vel consecrare non præsumpserunt, ne duo vnum

& eundem obtinere thronum viderentur: quod manifestè contra sacros Canones & contra Sanctorum constituta Patrum esse dignoscitur. Sed tamen postmodum vix euoluto biennio, videns ipse quod non satis vtiliter præesset Græcus Latinis, vrbe cedens, Constantinopolim abiit. Post cuius discessum conuenientes eiusdem ciuitatis clerus & populus, Artasiensem Episcopum *Bernardum* nomine, natione Valentinum, qui in eadem expeditione dominum Podiensem Episcopum secutus, fuerat Capellanus eius, sibi præfecerunt Patriarcham. Urbis autem potestatem & dominium sicuti ab initio promiserant, omnes vnanimiter domino *Boamundo* concesserunt, excepto *Comite Tolosano*, qui portam ponti conterminam cum adiacentibus turribus, suis munitam satellitibus detinebat: quas postmodum post discessum *Comitis* ex vrbe, eiectis inde militibus, sicuti inferius dicitur, recepit. Quoniam autem apud suos nomine dignitatis *Princeps* dictus fuerat, obtinuit consuetudo, vt de cætero Antiochia dominus, Princeps appelletur.

EXPLICIT LIBER SEXTVS.



INCIPIVNT CAPITVLA LIBRI SEPTIMI.

I. Diriguntur nuncii ad Imperatorem *Hugo Magnus* & Comes *Heumacorum*: *Balduinus* Comes in via defecit: *Hugo Magnus* non reuertitur. Podiēsis Episcopus moritur: Lues oritur.

II. Vociferatur populus vt Hierosolymam eat: differtur iter vsq; ad Kal. Octobris. *Boamundus*, in Ciliciam descendit, & regionem recepit vniuersam.

III. Dominus *Hasarth* contra dominum suum *Rodohan*, à Duce petit auxilium. Dux euocato fratre *Balduino*, illuc properat.

IV. *Balduinus* fratri occurrat cum ingentibus copiis. Reliqui Principes ministrant auxilium. Fugit *Rodohā*. Quidam ex nostris in via pereunt: occiduntur hostium ad decem milia.

V. Dux cladem declinans, in terram fratris secedit: quorundam proditorum illic oppida diruit. Properant illuc & alii quidam principes, vt *Balduini* munificentiam consequantur.

VI. Ciues *Edeffani*, indignati quod Comes eorum, solis vteretur Latinis, aduersus eum conspirant: super quo *Balduinus* commonitus, conspiratores interficit.

VII. Balas prodicionem aduersus Comitē molitur: Comes sibi præcauet: capiuntur ex eius sociis quidam. *Fulcherus Carnotēsis* casum reddit leuiorem. *Balduc* proditor occiditur.

VIII. Comes *Tolosanus* *Albaram* occupat; Episcopum in ea constituit. Classis Theutonicorum applicat in portu. Clades non cessat.

IX. Ciuitatē *Marrā* obsidet: obsessam capiunt. Dominus *Vilhelmus Aurasicensis* Episcopus moritur. *Gulferus de Turribus* insignis habetur.

X. Dux ad fratrem reuertitur; licentiam impetrat: rediens ad exercitum, insidias patitur in via, sed illæsus euadit.

XI. Apud *Marram* oritur contentio inter Comitē *Tolosanum*, & *Boamundū*. *Boamundus* partes Comitē apud *Antiochiam* occupat.

Principes apud *Rugiam* conueniunt, nihil utile statuentes. Populus fame laborat.

20

XII. Comes in terras hostium ingressus, prædas inde ducit: populum vociferantem non perferens, iter arripit. Iunguntur ei *Normanorum* Comes & *Tancredus*.

XIII. Prædonum incursus in itinere, Comitē sustinet exercitus: contra quos Comes prudenter irruit. Castrum repugnans effringitur. Ante Archis castra locantur; & finitimorum nuncii ad principes accedunt.

XIV. Describitur Archis. Captiui ex nostris qui in vrbe *Tripolitana* detinebantur, urbem obsidendam significant.

30

XV. A castris egressi quidam, urbem *Antaradon* occupant viriliter; unde cum spoliis vberibus ad castra redeunt, & continuant obsidionē.

XVI. Dux *Godefridus* cum *Flandrensi* Comitē & expeditionū residuo *Laodiciam* peruenit, & in numerum à vinculis expedit, classē ei restituens. *Boamundus* vsq; ad prædictam urbem abeuntes prosequitur.

40

XVII. Dux & qui cum eo erat exercitus *Gabulum* obsidet. *Tolosani* fraus intercedit. Archis properantes reliquis associantur Principibus; obsidio non proficit.

XVIII. Renouatur questio de *Lancea Domini*: Inuentor rogum intrat accensum: paucis post diebus moritur.

XIX. Nuncii qui à nostris principibus missi fuerant in *Ægyptum*, reuertuntur.

XX. Imperatoris legati adsunt, de *Boamundo* conquerentes. Imperatorē nūciat venter. Principes discesserunt. Pugnatur cum *Tripolitanis*, & vincuntur hostes: nostri victores in castra redeunt.

50

XXI. Præses *Tripolitanus* multā pecuniā & muneribus à nostris pacem impetrat. Principes de fidelium consilio, qui in illis partibus habitabant, viam eligunt maritimam.

XXII. Pro-

XXII. Proficiscentes vrbes praterunt in littore maris sitas; Liddamq; & Ramulā perueniunt.

XXIII. Hierosolymita viris fortibus, armis & victualibus, urbē cōmuniūt diligēter. Cives fideles ex plurima parte extra urbē proiciunt.

XXIV. Bethleemita ad principes legatos dirigunt: dirigitur illuc Tancredus, qui Ecclesiam & locum occupat.

XXV. Proficiscens exercitus Hierosolymam peruenit; sed interim excitatur tumultus, in quo cadunt nonnulli de hostibus.

EXPLICIUNT CAPITVLA LIBRI SEPTIMI.

INCIPIT LIBER SEPTIMVS.



Rebus igitur in vrbe sic dispositis, de communi decernunt consilio, vt dominum Constantinopolitanū Imperatorem per nuncios suos sollicitent, quatinus iuxta pacta quæ cum eis inierat, eis auxilium in propria persona nō differat ministrare; sed proficiscentes Hierosolymam, sicut tenebatur ex promisso, mature subsequatur: alioquin pactorum seriem negligenti, ipsi nullatenus vellent se obligatos teneri. Electi autem sunt ad id muneri prosequendum viri nobiles & clarissimi, dominus videlicet *Hugo Magnus*, domini Philippi Francorū regis frater, & dominus *Baldwinus Heumaucorum Comes*: quorum alter irruentibus in itinere hostibus, comparere desiit, cuius vsq; hodie dubius est exitus, aliis dicentibus eum in acie cecidisse; aliis, ab hostibus captum & mancipatum vinculis, in vltiora deductum Orientis, asseuerantibus. Dominus verò *Hugo Magnus* irruentium insidias declinans hostium, ad Imperatorem peruenit incolomis: vbi insignibus gestis eius multam nubem induxit, & titulo generis derogauit non modicum. Nam cū in expeditione multa gessisset egregie, vnde sibi famam pepererat immortalem, in ea legatione meritum denigrauit, dum expleto negotio, ad eos qui eum miserant, nec responsa detulit, nec curauit redire. Fuitque in eo delictum hoc, tanto notabilius, quanto ipse genere erat præclarior: nam iuxta verbum nostri *Iuuenalis*:

Omne animi vitium, tanto conspectius in se
Crimen habet, quanto qui peccat maior habetur.

Suscitata est itaque, ex causis occultis, statim vrbe captā & consummatā victoriā, postquam res iam erant in tranquillo collocatæ, tanta clades in populo, vt vix aliqua præteriret dies, in qua triginta vel quadraginta non efferrentur funera; ita quod de populo supererat, iam quasi penitus deleberetur. Quā lue pestiferā & contagione, cunctos longē lateque indifferenter inuolunte, vir vitæ venerabilis & immortalis memoriæ, dominus *Ademarus Podiensis Episcopus* viam vniuersæ carnis ingressus est, atque cum gemitu & lachrymis & intimis omnium suspiriis, tanquam pater & præcipuus plebis vniuersæ moderator, in basilica beati Petri, in eo loco vbi Lancea Domini reperta fuisse dicebatur, cum multa sepultus est honorificentia. Eiusdem cladis acerbitate *Henricus de Ascha*, vir & generis titulo, & strenuitate commendabilis, apud castrum Turbessel consumptus est, ibiq; sepultus. Sed & *Rainardus de Amesbach*, miles pariter & manu & sanguine clarissimus, eodem occubuit casu, sepultus in vestibulo basilicæ principis Apostolorum. Sexus quoque foemineus ibi penē vniuersus eadem lue deperit, ita vt infra paucos dies penē quinquaginta milia deficerent. Cuius tanti mali, quidam circa hoc curiosi, causas assignare cupientes, dissentiebant ab inuicem: dicentibus aliis quod ex occultis quibusdam aëris passionibus hoc accideret; aliis verò id pro causā assignantibus, quod populus longo tempore famis acerbitate vexatus, postquam alimentorum attigit abundantiam, cibos cum auaritia sumens nimia, præteritos defectus quærens redimere, sibi ipsi causam mortis immoderatā gulositate inferebat. Idque pro suæ opinionis assertionem in euidentibus trahebant argumentum, quod sobriis & iis qui sibi parcē sumebant alimenta, multò melius erat, & rediebant ad conualescentiam. Interea verò tum cladis effugiendæ gratiā, tum assumptæ peregrinationis intuitu cœpit vociferari populus, & instanter acclamare, vt ad iter versus Hierosolymam, cuius causā venerant, iterum Principes se accingerent; & Domini præirent exercitui, causæ principalis, quæ omnes de regio-

nibus suis exciuerat, satisfacientes. Qua ex causa Principes conuenientes in vnum, super hac populi postulatione tam fauorabili & exauditione digna, deliberationē ingressi sunt, in qua alius sic, aliū aliter afficiebatur: quibusdam enim id videbatur expedientiū, vt statim sine dilatione iter arriperent, & populi satisfacerent desideriis; quibusdam verò ob instantis feruorem æstatis & aquarum penuriam, & populi famis acerbitate diutius afflicti debilitatem, & equorum defectum, vsque ad clementioris initium temporis & Kal. Octobr. iter differendum videbatur; vt hoc medio tempore, equis de nouo acquisitis, & refocillatis veteribus, populo quoque alimentis & requie in statum pristinum reformato, & omnium viribus reparatis, ad laborem itineris possent resurgere fortiores. Placuit tandem omnibus posterior sententia; & vsque ad tempus prætaxatum de communi conuientia receptæ sunt feriæ. Vt verò interim, & cladis declinarent imminētis periculum, & necessariorum maiorem alibi reperirent abundantiam, diuisi sunt Principes ab inuicem, eā conditione, vt sine dilatione, tempore redirent condito. *Boamundus* enim in Ciliciam descendens, *Tharsum*, *Adanum*, *Mamisfram*, *Anauarzam* vrbes recepit; & custodibus deputatis, regionem sibi vendicauit vniuersam. Alii quoque per vrbes dispersi finitimas, seorsum à turbis, equis & sibi, curam agentes, indulgebant. Multi etiam tam de plebe, quàm de nobilioribus, ad dominū *Balduinum* Ducis fratrem, vt ab eo aliquid accipere mererentur, *Edeffam*, cui præerat, transito Euphrate, certatim properabant. Quos ille cum multa honestate suscipiens, & apud se commo-

II. Accidit autem per eodē dies, quod *Rodohan Halapiensium* princeps, cum quodam de suis satrapis, qui castello *Hasarth* præerat, contraxerat inimicitias; eoque odium inter eos peruenerat, quod cōuocata ex vniuersis sibi subditis regionibus militia, castrum prædictum obsederat. Videns autem præsidii dominus, quia non facile nisi per auxilium Francorum, domino potenti & irato posset resistere, missā legatione ad Ducem *Godefridum* per quendam Christianum fidelem suum, missis muneribus, vt eius sibi facilius conciliaret gratiam, eius amicitiam postulat; seruitium suum cum deuotione spondet, indissolubili nexu fœderis ei se cupiens obligare: & vt verbis eius pleniorē haberet fidem, & nulla ex parte de eius promisso dubitaret, filium suum ei destinat obsidem, orans & petens, vt à præsentī eum soluat periculo, condignam pro meritis tempore opportuno retributionem percepturus. His & huiusmodi vir venerabilis persuasus, prædicto nobili amicitia fœderatur, in suam eum gratiam recipiens: missoque nuncio, fratrem suum *Edeffanum comitem* cum militaribus copiis ad se præcipit euocari, vt amicum obsidione solutā expediat. Vixque prædictus *Rodohan* circa castrum *Hasarth* per quinque dies cum suis expeditionibus confederat; cū ecce dux *Godefridus* in magna multitudine tam fidelium suorum, quàm amicorum, quos ad persequendum propositum inuitauerat, ab Antiochia egressus in manu forti, ad partes illas vt amico subueniret, impiger properabat. Qui autem à prædicto nobili viro ad dominum Ducem missi fuerant, videntes quia prosperè & pro votis cuncta compleuerant, in conspectu Ducis domino suo gratiam obtinentes cumulatiorem, quoniam ipsi in persona propria dominum suum super eo nullatenus poterant reddere doctiorem (exercitus quippe hostilis ita vndique castrum vallauerat, vt nec introitus alicui patēret, vel exitus) duas emiserunt columbas, ad id muneris prosequendum instructas apprimē, quibus literulas legationis suæ seriem continentes, ad caudas religauerunt, quibus dominum suum super his omnibus quæ obtinuerant, instruerent diligentius. Quæ suæ libertati restitutæ, in momento ad locum vnde eductæ fuerant redeuntes, ab earum custode pariter & alumno captæ sunt; & dissolutæ paginulæ præsentatæ sunt domino: quibus perlectis, in tantam spem erectus est, vt qui prius obsidentem veritus multitudinem, de resistendo diutius desperauerat, eodē sponte lacessere non vereretur.

IV. Interea cū iam diē vnus itinere Dux cum suo comitatu processisset, occurrit ei frater eius cum tribus milibus virorum fortium, & armatorum optime: quo cum plenā caritate & pietatis affectu benignè suscepto, propositi pandit seriem, & gratiam quam cum prædicto nobili viro contraxerat, aperit diligenter: quæ omnia frater approbans, ante omnia monet, vt quoniam eius vires, ad tantam obsidionem violenter dissoluendam, non videbantur posse sufficere:

cere: antequam procedat, Principes qui apud Antiochiam remanserant, in suum e-
 uocet auxilium, vt confidentius valeat in facto procedere. Acquiescens ergò Dux
 fraternis monitis, missa legatione, dominum *Boamundum*, dominumque *Tolosanum*
comitem, multâ precum exorat instantiâ, & sub obtentu fraternitatis inuitat humi-
 liter, vt sibi pro amico laboranti, opem ferre non differant, vicem condignam tem-
 pore accepto recepturi. Inuitauerat autem eos & prius, antequam urbem egredere-
 retur, & multum amicè illorum sibi postulauerat suffragium: sed inuidiæ stimulis a-
 gitati, eò quòd prædictus vir nobilis, Ducis prius quàm suum expectierat adminicu-
 lum, cum sequi detrectauerat: at nunc iteratâ vocatione commoniti, vidētes quòd
 10 non possent cum sua honestate Ducis preces non admittere, conuocatis copiis do-
 minum Ducem secuti, eius se expeditioni sociauerunt. Qui postquam conuene-
 rant adinuicem, facti sunt omnes quasi ad triginta millia pugnatorum. *Rodoan* verò,
 licet Turcorum quadraginta diceretur habere millia, tamen diffidens de viribus, &
 nostrorum timens aduentum, quos in proximo affuturos per suos nouerat explo-
 ratores, solutâ expeditione, reuersus est Halapiam. Dum autem nostrorum exerci-
 tus fugæ *Rodoan* ignarus, cœptum adhuc continuant iter, multiq̃ue ab Antiochia
 vtriusque ordinis viri de remoto sequerentur, vt proficiscentibus se associarent le-
 gionibus, in quasdam hostium, quas illi studiosè prætenderant, non pauci, casu de-
 scenderunt insidias, longè à præcedenti, vt diximus, agmine separati: quos longè &
 20 industriâ & viribus impares exuperantes Turci, captiuatis nonnullis, plurimos ex
 eis occiderunt. Quod postquam Duci, cæterisque Principibus innotuit, à cœpto
 desistentes itinere, prædictos malefactores vnanimiter insecuti, antequam in suos
 se possent secessus recipere, & solita reperire diuerticula, eos casu habuerunt ob-
 uitam: quos gladiis excipientes, & irruentes in eos animosius, dissoluerunt in mo-
 mento; & retentis nostris, quos captiuos abducebant in compedibus, interem-
 ptisque ex eis quampluribus, & captiuatis innumeris, in fugam verterunt, pe-
 nē ad supremam deletos internecionem. Erant autem hi ex electa sæpe dicti *Ro-*
doan militia, ex familiaribus & domesticis eius quasi decem milia. Quo per-
 actō, iterum rediens in vnum noster exercitus, ad locum destinatum cum victo-
 30 ria peruenerunt: quibus cum trecentis equitibus præsidii dominus occurrens, in
 conspectu vniuersarum legionum, prono capite, defixis in terram genibus, pri-
 mō Duci, dein Principibus aliis in multa deuotione magnas agens gratiarum a-
 ctiones, se coram omni populo præbitis corporaliter iuramentis, Christianis
 Principibus fidelem obligauit & tradidit: asserens, quod ab eorum gratia & ob-
 sequiis, nulla dies, casus nullus, illum auelleret in perpetuum. Sic igitur felici-
 ter consummato negotio, & amico pro votis expedito, exercitus reuersus est
 Antiochiam, domino *Balduino* fratre Ducis Edeffam redeunte. *Dux* ergo vi-
 dens adhuc prædictam in vrbe regnare pestilentiam, & cladem magis ac ma-
 gis in populo dominari, fratris acquiescens petitionibus, qui eum præsens quàm
 40 intimè rogauerat, vt in suam descenderet regionem, ibique Augusti feruorem, &
 pestilentis aëris declinaret malitiam: assumpto familiari comitatu, & indigen-
 tium maximâ manu, vt eis in necessariis caritatiuè prouideret, in terram fratris
 descendit, in finibus *Turbesset*, *Hatab* & *Rauandel* habitans, regione totâ pro suo v-
 tens arbitrio, & fratris sæpius habens præsentiam. Accidit autem, dum moram i-
 bi faceret, quod regionis incolæ, & maximè viri religiosi, qui in monasteriis,
 quæ illinc erant plurima, habitabant, graues de *Pancratio*, & *Conasilio* eius fra-
 tre, in eius præsentia fundebant quæstiones. Erant autem hi duo fratres, Arme-
 nii natione, viri præclari, sed subdoli supra modum; habentes in ea regione
 municipia, de quorum munimine præsumentes, regionis habitatores, & maxi-
 50 mē monasteria, grauibz & indebitis molestabant exactionibus; processeratque
 eò vsque eorum temeritas, quòd etiam domini comitis Edeffani nuncios cum mu-
 neribus ad fratrem directos, dum adhuc obsidio circa Antiochiam perseuera-
 ret, in itinere spoliare præsumerent; & destinata domino Duci munera, domino
 dirigerent Boamundo, vt eius sibi aduersus comitem Edeffanum conciliarent
 gratiam. Auditis ergò querimoniis, & iustâ motus indignatione, missis quin-
 quaginta de numero suorum equitibus, cum populo regionis, eorum præsidia ef-
 fregit violenter, & effracta solotenus deiecit, vt eorum intolerabilem aliquatenus

- comprimeret insolentiam. Duce igitur in partibus illis commorante, vniuersi penè Maiores nostri exercitus, sed de popularibus infiniti, vt contra imminètes paupertatis angustias aliquod reperirèt solarium, ad dominum Comitem prædictum certatim confluebant: & maximè ex quo præsidium *Hafarth*, quod in medio itinere constitutum erat, in nostrorum deuenerat gratiã. Quos omnes in tanta suscipiebat honorificetiã, & tantã remunerabat liberalitate, vt ipsi etiam qui ad hoc venerant, mirarentur.
- VI. Factum est itaque, quod nostrorum turbis ad urbem sæpe dictam confluentibus, tanta erat in ea Latinorum multitudo, quod ciuibus iam inciperet esse molestum: frequentes enim eis, in hospitio suscepti, inferebant molestias, supra modum in populo dominari volentes. Iamque ciuium consilio nobilium, quorum beneficio tantam urbem acquisierat, minus & minus utebatur. Vnde vehementi indignatione aduersus eum suosque succensi sunt, pœnitentes admodum, quòd eum sibi præfecissent: timentes, vnã die, ab eo cui nihil sufficere videbatur, bonis omnibus spoliari. Factã ergo conspiratione cum principibus Turcorum finitimis, tractare cœperunt, quomodo dominus *Baldwinus* aut casu occideretur repentino, aut vrbe saltē pelleretur. Vt autem ad hoc propositum inuenirentur paratiores, thesauros suos, & omnem substantiam per castella & vrbes finitimas apud suos deposuerant familiares. Dumque circa id plenã sollicitudine tractarent frequentius, factum est, vt relatione cuiusdam, qui erga eundem plurimã fidei & dilectionis synceritate abundabat, huiusmodi ad eum sermo perueniret: cui rei plurima & digna fide reperiens argumenta, missã satellitum suorum numerosã manu, omnes homicidas illos teneri præcepit, & vinculis alligari. Tandem re per eorundem confessionem plenius intellectã, factionis illius principes excæcari præcipiens; alios verò, qui minus deliquerant, confiscatis eorum bonis, vrbe fecit extorres; aliorum autem substantiam, suo applicans ærario, vrbis habitatione clementer indultã, pecunialiter tantum multauit. Vnde susceptã ad viginti aureorum milia quantitate, his qui ad se venerant, quorumque ope vrbes & finitima sibi subiciebat municipia, multã liberalitate erogabat stipendia: & tam ciuibus quàm populis adiacentibus, solo nomine inferebat formidinem. Vnde & de eius exterminio multi cum omni sollicitudine cogitabant; ita vt focer eius timens, ne pro dotis residuo, quam cum filia promiserat, nec dum persoluerat, graues quæstiones pateretur, in montes, vbi sua habebat præsidia, clam aufugit.
- VII. Erat porro in eadem regione nobilis quidam, genere Turcus, *Balas* nomine, eidem Comiti confœderatus, qui aliquando *Sororgie* dominus fuerat, ante illum Latinorum frequentem accessum Comiti plurimum familiaris. Hic videns, quòd circa eum Comitissæ amor intepuerat, siue rogatu ciuium, siue propriã ductus malitiã, accessit ad eum orans & petens, vt vnicum quod ei supererat præsidium, veniens ipse in propria persona, suscipere: asserebat enim, sibi eius gratiam sufficere, & pro multa hereditate reputari. Vxorem autem ac liberos, & omnem substantiam suam in urbem *Edeßam* asserebat se velle introducere: multum enim contribulium suorum indignationem fingeat se vereri, eo quòd Christianis factus esset familiaris. Quibus verbis Comes persuasus, diem condixit, vt ad locum perueniens, eius satisfaceret voluntati. Statutã autem die, assumptis secum ducentis equitibus, ad locum præuio *Bala* destinatum peruenit. *Balas* autem oppidum occultè præmunierat, Turcos centum, fortes viribus, & armis optimè instructos introducens, qui ita latebant in præsidio, vt nullus ex eis compateret. Cùm ergo ante oppidum constitissent, rogauit Comitem, vt cum paucis & familiaribus castrum ingrederetur, ne fortè omni illã intromissã multitudine, ipse in substantia sua aliquam iacturam sustineret. Et iam pro voto cuncta penè persuaserat, cùm prodicionem quodammodo præfagientes quidam, qui circa eum erant nobiles & viri circumspecti, ingredi volentem quasi violenter detinuerunt, hominis suspectam meritò habentes malitiã; & tutius iudicantes per alias personas hoc primum fieri experimentum: quorum prudenti Comes acquiescens consilio, duodecim de suis viros robustissimos, & armatos egregiè, in præsidium iussit introire: ipse autem exteriùs in loco satis vicino cum reliqua militia subsedit quietus, donec rei exitum fide conspiceret oculatã. Qui autem ingressi sunt, fraudem & malitiam iniqui proditoris in seipso experti sunt: nam egressi de latibulis armati ad vnguem Turci, de quibus

quibus prædiximus centum, seductos equites; resistere volentes, sed in cassum, violenter comprehenderunt, vinculis eos mancipantes. Quo cognito, Comes pro suis fidelibus, quos ita fraudulenter amiserat, tristis admodum, & maxime sollicitus, accedens propius ad præsidium, cœpit Balas diligenter commonere; & sub obtentu iuramentorum, quæ illi de obseruanda fidelitate exhibuerat, attentius conuenire, ut sumptâ immensitate pecuniæ, quos proditiosè ceperat, restitueret: negauit penitus, nisi ei Sororgia redderetur. Comes autem videns quod non proficeret: erat enim præsidium in excelsis rupibus situm, arte & viribus insuperabile, reuersus est Edessam, suorum ægrè ferens captiuitatem, & fraudem quam pertrulerat animo reuoluens anxietate nimia. Præerat autem prædictæ vrbi Sororgia, quidam *Fulbertus Carnotensis*, vir in militaribus negotiis expertissimus, centum expeditissimos sub se habens equites. Hic dolum comperiens quem dominus eius passus fuerat, totâ mente compassus, æstuabat animo, quomodo tantam vlcersceretur iniuriam. Vnde die quadam positus in loco ad id opportuno insidiis, ante sæpius memoratû oppidum, quasi prædam abacturus, cum paucis studiosè, ut eum insequerentur, accessit: qui autem erant in municipio, videntes quod ex pascuis prædam abigeret, armis correptis, certatim illum ultra quas idem posuerat insidias, insectati sunt fugientem. Vnde resumptis viribus, & erumpentibus his qui latuerant, in eos irruentes, quibusdam interfectis, aliis in oppidum vix refugium habentibus, ex eis sex viuos comprehendit: pro quibus totidem de suis, modico temporis interuallo, factâ compensatione, recepit; quatuor verò ex eisdem, deceptis custodibus elapsi, in suam se receperunt libertatem; duos verò, qui de illorum supererant numero, vir nequam & impius decollari præcepit. Vnde factum est, ut ab ea die dominus *Baldwinus* Turcorum declinaret amicitiam, & suspectam penitus haberet fidem: quod statim euidenti docuit argumento. Erat enim in eadem regione quidam eiusdem generis, *Baldus* nomine, qui urbem Samosatam veterem & munitissimam, precio interueniente, eidem Comiti vendiderat. Hic uxorem & liberos, & vniuersam familiam in urbem Edessanam traducere tenebatur ex pacto: sed caluas quærens occasiones, propositum adimplere differebat, malignandi quærens opportunitatem: hunc ad se more ingressum solito, & moræ causas allegantem friuolas, ne simile aliquid ab eo pateretur, decapitari iussit. Interea verò dum circa Turbessel dux moram faceret, & hæc circa partes Edessanas agerentur, comes *Tolosanus* cum suo comitatu & multo pauperum populo egressus Antiochiâ, ne interim ociosus torpesceret, *Albaram* urbem munitissimam in Appamiensi prouincia constitutam, ab Antiochia quasi duorum dierum itinere distantem, obsedit, & obsessos in ea ciues violenter compulit ad deditionem. Vrbe verò captâ, & adiacente sibi cum vniuersis suburbanis subiectâ regione, quendam *Petrum* Narbonensem genere, de suo comitatu, virum honestæ conuersationis, & valde religiosum, in eiusdem loci elegit Episcopum: cui statim dimidium ciuitatis & vniuersi contulit territorii, Deo gratias exhibens, quod per eius operam & studium Oriens Episcopum haberet Latinum: qui Antiochiam ut suæ cōsecrationis munus susciperet, de mandato Comitis profectus, pontificalis adeptus est plenitudinem potestatis. Postmodum verò Antiochena ordinata Ecclesia, per dominum *Bernardum* eiusdem ciuitatis patriarcham Latinorum primum, suæ Metropolis in eandem Ecclesiam transtulit dignitatem, suscepto ab eodem pallii genio, factus Archiepiscopus. Erat per idem tempus cum domino comite Tolosano quidam nobilis *Willelmus* nomine: hic effractâ vrbe Antiochenâ, casu fortuito uxorem *Aciani*, Antiochenorum principis, cum duobus nepotibus ex filio *Samsadolo* paruulis ceperat, & apud se detinebat in vinculis: pro quorum redemptione, prædictus *Samsadolo*, supra nominato nobili viro infinitam dedit pecuniæ summam, matrem cum liberis pristinæ restitutis libertati. Eodem quoque tempore ingens virorû multitudo de regno Theutonico, de partibus *Ratisponensibus*, numero quasi mille quingenti prospero vecti nauigio, in portu *sancti Symeonis* applicauerant: qui omnes infra modicum tempus eadem clade consumpti sunt. Tribus enim mensibus continuis vsque ad Kalend. Decembris, morbus ille pestilens, ita populum afflixerat, ut infra hoc temporis spacium, de equestri ordine ceciderint viri nobiles plus quam quingenti; de plebe verò infinitus erat numerus. Kalendis autem

VIII.

IX.

QQQ

Nouembribus, cum iam sicut ex compaeto tenebantur omnes Principes, qui cladem euitantes ab vrbe secesserant, essent reuersi, captâ iam vt præmisimus, Albariensi vrbe, de communi consilio, *Marram* urbem munitissimam, ab Albara octo distantem miliaribus, ne nil interim ageretur, expugnare proponunt: non enim poterant vociferantis populi, & iter versus Hierosolimam expetentis clamorem tolerare. Præparatis igitur necessariis, die constitutâ profecti sunt, vt proposito satisfacerent, *Comes Tolosanus & Flandrensis, Comesq; Normannorum; Dux* etiam & dominus *Eustachius* eiusdem frater, & *Tancredus*, vnâ cum illis supranominatam urbem obsidione vallauerunt. Erant autem ciues eiusdē loci superbi admodum, & præ multitudine diuitiarum arrogantes: eoq; maximè, quod semel in quodam conflictu, multos de nostris occiderant; vnde adhuc apud se gloriabantur, nostrum contemnentes exercitum, & Principibus irrogantes conuicia. Sed & cruces etiam super turretes & mœnia figentes, sputis & aliis modis quibusdam probrosis nimium, in nostrorū contumeliā afficiebant. Vnde motu maiore & indignatione vehementi, quantam poterat incendere sacrilegii dolor, urbem aggredientes, continuis assultibus, si scalarum habuissent copiam, die secundâ, quâ ad eandē applicuerant, urbem violenter effregissent. Tertiâ demum die, adueniens *Boamundus* cum maioribus copiis, urbem ex ea parte quâ inobessâ remanserat, obsidionem continuauit: post cuius aduentum diebus aliquot, indignâtes nostri, quod ibi tam diu detinerentur inutiliter, crates contexunt, & turretes erigunt, ligneas machinasq; componunt iaculatorias: & impatientes moræ, urbem proteruius impugnare satagunt. Complanato igitur multo labore vallo, nostri murum suffodere nitebantur, qui verò intus erant totis viribus resistentes, lapides, ignem, & plena apibus alucaria, calcem quoq; viuam, quantâ poterant iaculabantur instantiâ, vt eos à muro propellerent; sed Dei virtute & misericordiâ, de nostris nullos, aut paucos lædere poterāt: tantoq; nostri instabant vehementius vndiq; urbem impugnantes, quanto ciues deficere & eorū euacuari conatus conspiciebant. Cum autē à primo diei crepusculo, vsq; ad Solem occiduū continuatus esset assultus, defatigatis labore continuo ciuibus, & iam minore resistentibus curâ, applicatis ad murum scalis, violenter nostri muros conscendunt. Inter quos vir nobilis de Episcopatu Lemouicensi *Guilferis*, cognomento de *Turribus*, murum primus conscendit: quem plures subsecuti, quasdam ciuitatis turretes occupauerunt: sed in eodem facto procedere, & urbem sibi vindicare vniuersam, nox irruens intempesta prohibuit. Differētes autem vsq; in sequentem diem, nostri equites & maiorum manus, negocium, vt summo mane redirent in idipsum, totâ nocte circa urbem, ne hostibus pateret exitus, custodierunt vigilas. At verò plebs indomita longis fatigata laboribus, & diutinæ famis acerbitate vexata, vidēs quod hostiū nemo cōpareret in mœnibus, quod ciuitas sine strepitu tota quiesceret, absq; maiorum conscientia in urbem ingressa est; & eam reperientes vacuam, clam & sine strepitu vniuersa eius obtinuerunt spolia. Ciues enim in speluncas se contulerant subterraneas, vt salutem consulerent vel ad tempus. Mane autem facto, exurgentes Principes, & urbem obtinentes sine prælio, pauca inde sustulerunt spolia: cognoscentes tamen, quod in latibulis subterraneis se ciues occultauerant, appositis ignibus, & fumo copiosius immisso, eos ad ditionē compulerunt; & inde violenter abstractos partim obtruncauerunt gladiis, partim compedibus mancipauerunt. Mortuus est ibi dominus *Wilelmus*, bonæ memoriæ, *Aurasiacensis Episcopus*, vir religiosus ac timens Deum. Dux autem cum per dies, cum aliis, ibi moram fecisset, quindecim, cum *Flandrensi Comite* familiaribus tractus negotiis, Antiochiam reuersus est. Per idē tempus videns dominus *Godefridus* Lotharingie Dux, quod populus ad proficiscendum se accingeret, & Principes ad idipsum inuitaret instantius, proposuit, priusquàm à regione illa discederet, fratrē videre, & eius colloquio recreari. Profectus ergo cum familiari comitatu, in fratris regionem descendit: quo viso, completisque pro quibus ierat negotiis, & sumptâ licentiâ, Antiochiam, ad ceteros Principes, qui cum expectabant, reuertebatur. Cumq; iam vrbi per sex vel quinq; miliaria esset proximus, accidit quod in loco herbido & amœno fatis, secus fontem, qui dulces & perspicuas emanabat aquas, ipsâ loci facie ad id inuitante, descendit vt cibum sumeret: dumq; in eo sociorum ferueret intentio, & aptus pro loco & tempore prandii fieret apparatus, ecce repentē de carecto paludis, quæ

quæ loco illi erat contermina, hostium equites ad vnguem armati, super conuiuantibus irruunt. Dux tamen & sui, antequam ad eos Turci accederent, arma corripuerant equis infidentes: vnde factum est, vt habito inter eos conflictu, præuiâ Domini gratiâ, Dux fieret superior, ita vt interfectis pluribus, reliquos in fugam adigeret: & inde cum gloria in urbem se recepit. Captâ ergo ciuitate prædictâ, orta est inter dominum *Boamundum & Tolosanum Comitem* grandis controuersia. Comes enim Albariensi Episcopo eam dare proposuerat; Boamundus verò eam ciuitatis partem quam occupauerat, pro comitis arbitrio Episcopo nolebat concedere, nisi Comes eas quas ipse apud Antiochiam possidebat, prius ei resignaret tures. Tandem verò neglecto negotio quod apud Marram gerebatur, dominus Boamundus cum indignatione reuersus est Antiochiam, vbi expugnatis turribus quas Tolosani Comitis munitas detinebant satellites, eius inde violenter deiecit familiam: & sic vniuersam absq; consorte possedit ciuitatem. Comes verò videns quod eius recesserat æmulus, & pro libero arbitrio de vrbe capta posset disponere, Episcopo eâ sicut & prius proposuerat, contulit Albariensi. Dum autem cum eodem ordinaret Episcopo, quomodo deputatis ex utroq; ordine custodibus, urbem possent ab hostibus conseruare indemnem, sentiens hoc populus, molestè nimium cœpit ferre; & apud se conqueri, quod moras innēterent Principes, & pro singulis captis vrbibus lites inter se suscitarent & iurgia, ita vt principale eorum propositū omnino neglectum videretur. Vnde conuenientes adinuicem ordinauerunt apud se, vt quacunq; ex causâ absente Comite, urbem diruerent, ne de cætero eorū votis aliquod præstaret impedimentum. Contigit verò interea, quod conuenientibus apud *Rugiam*, quæ quasi in medio inter Antiochiam & prædictam Marram sita est, Principibus, vt ad vociferationes populi, super itinere deliberationem haberēt, Comes vocatus illuc peruenit. Vbi dissentientibus ab inuicem, nihil consonum, nihilq; vtile de proposito constitutum est: vbi dum Comes moram faceret, populus qui apud Marram relictus fuerat, noctâ occasione ex Comitis absentia, multum prohibēte & renitente plurimū prædicto Episcopo, tures & mœnia deiecerant funditus, vt Comes rediens, vltius innēctendi moram ex eo causas non haberet. Redeunte verò Comite, tristis admodum pro casu, qui acciderat, videns tamen populi volūtatē, factum prudenter dissimulauit. Populus verò nihilominus proteruius instabat, orans & petens, vt populo Dei ad peragendum iter inceptum ducem se præberet: alioquin ipsi vnum quēlibet de militibus sibi præficerent, qui eorum præesset exercitui, & eos in via Domini præcederet. Erat præterea in eodem exercitu tanta famis acerbitas, vt deficientibus alimentis, multi contra morem, ferarū animos induti, ad esum immundorum se conuerterent animalium. Dicitur etiam, si tamen fas est credere, quòd multi præ alimentorū inopia, ad hoc vt carnes humanas ederent, prolapsi sunt: sed neq; clades deerat in populo, nec meritò deesse poterat, vbi tam immundis & pestilentibus cibis (si tamen cibi dicendi sunt, qui contra naturam sumuntur) misera plebs alebatur. Nec enim momentaneum fuerat, nec ad tempus modicum, illa tanta talisq; quæ populum affligerat, inopia: sed quasi hebdomadibus quinq; vel amplius, circa illam quam expugnare nitebantur urbem, moram fecerant cum hoc periculo. Defecerant autem ibidem nō solum bellicis casibus, verum etiam valetudinibus variis, viri præclari & nobiles: inter quos perfectissimæ indolis adolescēs *Engelrandus*, filius domini Hugonis Comitis sancti Pauli, ægritudine correptus validâ, diem clausit extremū. His omnibus vir inclytus & insignis dominus *Comes Tolosanus*, mente anxius & spiritu, infra seipsum fluctuabat dubius: nam & periclitantis populi eum affligebat molestia, & fatigabat necessitas; & itineris desiderium, quo tam maiores quam minores succensi erant, ita vt etiam cum clamoribus assiduis & frequenti contestatione id importunius exigerent, requiem penitus denegabant. Volens igitur vtriq; morbo cōgruum aptare remediū, certus tamen quod alii Principes eum in hac parte sequi nollent, vt populo vociferanti & suæ satisfaceret conscientiæ, diem ad iter aggrediendum populo præfixit quintumdecimum, & ne medio tempore fame, quæ nimis inualuerat, populus periclitaretur, assumptâ parte militiæ, & de turbis pedestribus his, qui videbantur validiores, parte reliquâ infra urbem relictâ, in terras hostium descendit, vt vitæ necessaria plebi quocunq; periculo procuraret. Ingressus igitur cum maximo comitatu,

regionem hostium opulentissimam, effractis municipiis pluribus, & succensis suburbanis aliquot, greges inde retulit & armēta, seruosq; & ancillas & alimentorum ingentes copias, ita ut vsq; ad satietatem plenam, ieiunus & esuriens reficeretur populus; & focis qui apud Marram urbem tuentes remanserant, portiones pro sorte virili deputarent. Regressus igitur cœpit Comes æstare, quid faceret, populo iterum clamante, quod ad iter aggrediendum præfixa iam instaret dies, & dilationes omnes respueret. Videns autem quod causam foueret populus honestam, & quod eorum non posset amplius sustinere instantiam, licet solus esset, nec eum de principibus aliquis sequi decreuisset, cum suo tantum comitatu, successa vrbe, & in fauillam redacta, iter aggressus est. Videns autē quia non multos haberet equites, Episcopum rogauit Albariensem, ut secum proficisceretur: qui benignè preces admit-¹⁰ tens Comitē, quendam nobilē virum, *Willhelmum* videlicet de *Cumliaco*, super res suas cum septem equitibus & peditibus triginta præfecit: qui bonâ fide & plenâ deuotione res suas conseruans commēdatus, infra paucos dies, pro septem equitibus habuit quadraginta, & pro triginta peditibus octoginta vel amplius recepit, res domini multiplicans in immensum. Igitur statuta die iter arripiens profectus est, neminem aliorum operiens. Erant autem in eius comitatu quasi decem virorum millia, ex quibus vix trecenti quinquaginta erant equites. Cui proficiscenti, *Normannorum* Comes, & dominus *Tancredus*, vterque cum quadraginta equitibus, & numero-²⁰ sa peditum manu se aggregauerunt, comites in itinere se præstantes indiuisos. Profecti autem, tantam in itinere rerum inuenerunt opulentiam, ut populo nihil amplius esset necessarium. Transeuntes enim per *Casaream*, *Hamam*, & *Emissam*, quæ vulgari appellatione *Camela* dicitur, à Principibus earum & ducatum merebantur habere, & rerum venalium forum optimis conditionibus; insuper & dona plurima in auro, argento, gregibus & armentis, & victualibus omnimodis, à municipali-³⁰ bus & oppidanis, per quorum fines transibant, ut eorum parcerent regioni. Sicque per dies singulos eorum augebatur exercitus, & in meliorem proficiebat statum, rebus ad omnem sufficientiam abundans necessariis. Equorum etiam, quorum maximam passi fuerant indigentiam, tam gratis quàm precio ingentem sibi comparauerunt multitudinem, ita ut antequam cum reliquis conuenirent Principi-⁴⁰ bus, mille & ampliores, exceptis prioribus, in suo haberent exercitu. Tandem cum per dies processissent aliquot, iter agentes mediterraneum, de communi decretum est consilio, ut ad oram redirent maritimam, ut de statu reliquorum Principum, quos in finibus Antiochenis post se dimiserant, facilius instruerentur; & à nauibus quæ ab Antiochia & Laodicea per mare ascendebant, rerum necessariarū⁵⁰ assequerentur commercium. Fuerant sanè toto illo itinere, ex quo à Marra discesserant, eis cuncta satis prospera: nisi quod sæpius circa expeditionis nouissima, prædones quidam occultè consueuerant irruere; & de senibus & valetudinariis, qui exercitum non poterat aquis subsequi passibus, nonnullos interimebant, aut captiuabant: quorum fraudibus Comes argutè obuians, præeuntibus exercitum do-⁶⁰ mino *Tancredo*, domino quoque *Normannorum* duce *Roberto*, vnâ cum Albariensi Episcopo, ipse cum quibusdam viris insignibus & egregiis post exercitum remansit in insidiis, ut prædictis malefactoribus, qui proficiscētem exercitum ponē sequebantur, ut incautos opprimerēt, tempore occurreret opportuno. Factumque est ut more solito irruentibus maleficis, Comes è latebris egrediens, eis se daret obuiam; & repente irruens prosterneret vniuersos, equos eorum & spolia, & de captiuis aliquot, cum multa lætitia in expeditionem referens. Ab ea die tutē & sine difficultate incedebat populus, rebus necessariis affluētē abundans: nec fuit in omni regione quā præterierunt proficiscentes, à dexteris vel à sinistris ciuitas vlla, vel municipium, cuius ciues exercitui & eius ducibus non dirigerent munera; fœdus non impetra-⁷⁰ rent à transeuntibus & amicitiam: excepto vno, cuius habitatores de sua multitudine & loci præsumentes munimine, nec forum eis obtulerunt rerum venalium, nec impetrato fœdere, ducibus miserunt exenia; sed iunctis agminibus nostrorum expeditioni conati sunt impedimentum præstare. Quod videntes nostri, iustâ indignatione succensi, in eos irruerunt vnanimiter; & in momento dissolutis eorum manipulis, & captiuatis nonnullis, eorum oppidum effregerunt violenter; gregesque eorum & armenta, equos etiam, qui in subiectis pascuis alebantur, & omnem eo-⁸⁰ rum

XIII.

rum substantiam diripientes, abduxerunt secum. Erant autem in eodem exercitu finitimorum Principum nuncii, ad hoc ut pacem impetrarent missi. Hi nostrorum videntes vires & audaciam, ut plenam pacem suis obtinerent dominis, ad propria reuertebantur, ut qui eos miserant, de nostrorum muribus & fortitudine plenius instruerent; sed mox cum equis & aliis muneribus reuertebantur. Post dies autem aliquot, regione mediâ cum omni tranquillitate decursâ, in campestria urbis antiquæ & loci situ munitissimæ, haud longè à mari, quæ *Archis* appellatur, descendunt, satis in vicino iuxta urbem castrametantes. Est autem *Archis* vna de vr-

xiv.

- 10 aut quinq; à mari distans miliaribus, longè lateq; diffusa, optimi soli, & glebæ vberis habens planiciem: cui etiam & lætissima non desunt pascua, & aquarum commoditates viuentium. Hanc, ut veterum habent traditiones, *Arachens* septimus filiorum Chanaan fundasse dicitur, & de suo nomine *Arachis* dixisse: sed postea corrupto nomine, *Archis* dictam fuisse. Circa hanc, ut præmisimus, nostri castra locauerunt sua, non casu fortuito; sed quorundam ex nostris, qui in vinculis hostium detinebantur, literis & exhortatione commoniti. Erant enim in ciuitate *Tripolitana*, quæ est ciuitas nobilissima in littore maris sita, ab *Archis* sex aut quinq; distans miliaribus, de nostris aliquot, qui in ea violenter detinebatur. Ab initio enim obsidionis Antiochenæ, & maximè post urbem debellatam, cœperunt nostri ut sibi victum propagarent, compellente inopiâ, imprudenter circuire regiones, & se hostibus circumiacentibus vltro ad prædam exponere. Vnde factum erat, ut vix esset ciuitas vel oppidum, quod de populo nostro non haberet captiuos: iuxta quem modum in urbe Tripolitana, de qua præmisimus, de nostris plus quam ducenti eadem detinebantur conditione. Qui nostrorum intelligentes aduentum, significauerunt Principibus, ut nullatenus ab *Archis* discederent, sed eam vallarent obsidione: sic enim aut urbem infra paucos dies possent recipere; aut à rege Tripolitano, ut ab obsidione desisterent, infinitam extorquere pecuniam, & captiuorum fratrum obtinere liberationem. Quod & factum est: nam statim accedentes ad urbem, propius castris circumpositis obsidione vallauerunt: tum ut id tentarent, quod eis intinatum fuerat; tum ut reliquos Principes operirentur, qui eos in proximo subsequuturi credebantur.

xv.

- 30 Egressi autem de castris eisdem equites centum, cum peditum ducentorum duobus manipulis; & *Raimundum Pelet* secuti, usque ad urbem *Antaradon*, quæ vulgari appellatione *Tortosa* dicitur, ab obsidione viginti vel amplius distantem miliaribus, ut experirentur si quid sibi necessarium & vsui futurum reperirent, peruenerunt. Est autem *Antarados* ciuitas in littore maris sita, iuxta se insulam habens modicam, quasi per duo distantem miliaria, vbi antiqua & per multa secula insignis ciuitas, *Arados* nomine fuit. Huius *Iezechiel* propheta memoriam facit, ad Principem Tyri dirigens sermonem, ita: *Habitatores Sydonij & Aradij fuerunt remiges tui.* Et idem infra: *Filij Aradij cum exercitu tuo erant super muros tuos, in circuitu*

Ezech. 27, 8, 11.

- 40 tuo. A cuius nomine & prædicta ciuitas nomen accepit, ut *Antarados* diceretur, eo quod prædicta *Arado* esset opposita. Harum utraq; sita est in Phœnice prouincia: & eiusdem ciuitatis vnus & idem auctor fuit, *Aradius* videlicet, nouissimus natus filiorum Chanaan, filii Cham, filii Noe. Ad hæc itaq; urbem accedentes domini Toloſani exercitus pars prædicta, urbem cœperunt acrius impugnare: sed cum resistentibus ciuibus animosè satis, in eius expugnatione non possent multum proficere, nocte irruente, in diem crastinam distulerunt negocium: ut receptis consortibus, qui eos subsequi decreuerant, facto mane ad idem opus fortiores resurgerent. At verò ciues timentes ne maiores eâ nocte accederent copiarum, quibus tandem resistere non valerent, cum vxoribus & liberis & familia urbem egressi, ad montes vicinos, ut fugâ saluti consulerent, se contulerunt. Nostri porro summo mane se adhortantes adinuicem, casus qui de nocte illa acciderat ignari, ut opus continuarent hesternum, & ad urbem impugnandam se armarent, accedentes cominus, & eam reperientes vacuam, intrepidè & constanter ingressi sunt, victualibus & spoliis eam inuenientes redundantem. Vnde onerati usque ad supremam satietatem, ad castra reuersi sunt: eis quæ interim acciderant, cuncta per ordinem edocentes, & de successu proprio vniuersum lætificantes exercitum. Interea

xvi.

circiter Kalendas Martias, populus, qui Antiochiæ remanserat, videns præfixam

QQQ 3

ad iter aggrediendum imminere diem, dominum Lotharingæ ducem *Godofridum*, dominum quoq; *Robertum* Flandrēſium Comitem, & alios Principes multā cœpit vrgerē instantiā, vt iter arriperent; & eis volentibus voti conſummationem adimplere, ducatū præberent. Præſtendebant & domini Comit̃s Tolofani, Ducis quoq; Normannorum, & domini Tancredi fidem & conſtantiam, & admirabilem gratiam quam plebi Dei exhibuerant, eos iam per dies multos in via Domini fideliter præcedentes. His & huiusmodi perſuaſi Principes amefati, compositis ſarcinijs & neceſſarijs ad iter præparatis, aſſumptā ſecum vniuerſā tam equitum quā pedum multitudinem, quibus cordi erat & in propoſito verſus Hieroſolymam profiſci, in Kalendis Martiis apud *Laodiciam* Syriæ quāſi ad viginti quinque milia virorum fortium & armatorum conuenerunt, prædictos principes ſecuti. Sed & dominus *Boamundus* cum ſue comitatu illuc uſq; eos proſecutus eſt: non tamen aut cum eis proſiſci, aut ibi moram facere longiorem poterat, ne fortè recens captam Antiochiam hoſtibus circumpoſitis, temerè vel ad tempus in obſeruata negligere videretur: tamen vt ſocietatis memor & gratiæ, quam in via Domini cum alijs contraxerat proceribus, eos uſque ad locum proſequutus eſt ſupradictum, quicquid officij & humanitatis poterat promptā exhibens deuotione, vt ſui memoriam altius imprimeret abeuntibus. Reuerſus eſt ergo ſalutatis Principibus, & ſumptā cum multo gemitu & ſuſpirijs licentiā, vt ciuitatis ſibi creditæ curam ageret diligentem, populo apud Laodiciam dereliſto. Eſt autem *Laodicia*, ciuitas nobilis & antiqua, ſita in maris littore, quæ fideles habens habitatores, ſola de urbibus Syriæ, Imperatoris Græcorum iuriſdictioni erat ſuppoſita. Ad hanc *Guinimerus* quidam Bolo-nienſis, quem ſuperius cum claſſe apud Tharſum Ciliciæ, dum dominus ducis frater *Baldwinus* eam occupaffet, applicuiſſe meminimus, cum eadem claſſe ſua peruenerat. Et dum eam imprudenter, non comparatis viribus aggredereſſet impugnare, & ſuæ mancipare ditioni, captus erat à ciuibus, & carceri cum omni ſuo plenè comitatu mancipatus. Hunc quia de terra patris ſui aduenerat, & apud Tharſum prædictam, fratri ſuo vtilitati fuerat & honori, dominus Dux à præſide ciuitatis & loci primatibus ſibi petiit reſtitui: qui verbo Ducis non audentes in quopiam contraire, prædictum Guinimerum cum ſocijs vniuerſis & claſſe quam induxerant, Duci reſtituerunt: quem ſuæ claſſi Dux præficiens, æquis cum paſſibus per terras gradientem ſubſequi præcipit: quod & factum eſt. Egreſſus igitur *Laodicia* Syriæ prædictus exercitus, receptis his quos in eadem vrbe repperant, & qui ab Antiochia & Cilicia & urbibus finitimis, cauſis familiaribus & occupationibus domeſticis detenti, tardiùs egreſſi fuerant, oram legentes maritimam, ad urbem *Gabulenſem*, quam vulgari appellatione *Gibellum* dicunt, quæ à prædicta Laodicia duodecim diſtat miliaribus, peruenerunt. Vbi cum per aliquod temporis interval-lum caſtris in gyrum locatis urbem obſediſſent, is qui ciuitati præerat, principis Ægyptii procurator (nam hæc prima de urbibus maritimis, Ægyptiorum erat ſubiecta poteſtati) aureorum ſex millia Duci obtulerat, in ſuper ingentia munera, ſi ab obſidione deſiſteret: quem, tanquam ſordidorum contemptorem munerum, cum ſteſtere nequiuſſet, ad alia ſe cōuertens ſtudia, legatos de quorum fide præſumebat & induſtria, ad comitem direxit *Toloſanum*, prædictam pollicens pecuniam, ſi eum à Dacis manibus poſſet expedire. Ille autem, vt dicitur, clam oblata ſumptā pecuniā, conſinxiffe dicitur, quòd infinita hoſtium multitudo à tractu deſcenderet Perſico, propoſitum habens eas iniurias ultum ire, quas Perſarum populus ſub duce *Corbagath* paſſus fuerat apud Antiochiam, & quòd nō inferius priore bellum parabatur redituuum: & ſuper his omnibus nuncios ſe dicebat recepiffe fide dignos, de quorum verbo nullatenus eſſet ambigendum. Miſſa igitur legatione per virum venerabilem, dominum *Albarienſem* Episcopum, & directis epiſtolis, dominum Ducem, & comitem Flandrenſium anxie nimis ſollicitat, vt obſidione ſolutā, properare non differant; ſed communibus periculis fraternā compaſſione occurrāt. Illi verò auditā fratrum neceſſitate, & quòd imminere dicebatur periculo, in ſimplicitate ſpiritus gradientes, ſolutā ſtatim obſidione, & itinere maturato, tranſeuntes urbem *Valeniam*, quæ ſub oppido *Margat*, in littore maris ſita eſt; deinde *Marecleam*, quæ prima de urbibus Phœnicis à Septentrione venientibus occurrat, *Antaradum*, quæ vulgari appellatione *Torroſa* dicitur, quæ ſimiliter vna eſt de vrbi-

urbibus suprà nominatæ prouinciæ, in littore maris similiter constituta, peruenerunt. Quam reperientes habitatoribus vacuum, insulæ quæ ab Occidente eidem obiecta est ciuitati, vbi & nostrorum naues aliquot opportunâ statione locatas inuenerant, vicinitatem admirati sunt. Vnde compendia secuti, infra paucos dies ante urbem *Arsensem* cum omni sua multitudine constiterunt. Quibus dominus *Tancredus* occurrens, fraudem Comitum vniuersam seriatim edocuit: vnde & seorsum longè à tabernaculis eorum, qui præcesserant castrametati sunt. Videns autem Comes, quòd ab eo aliorum principum esset alienatus animus, missis muneribus, eos sibi reconciliare satagebat. Vnde factum est, vt post modicum temporis interval-

10 lum, reconciliatis sibi Principibus, excepto domino *Tancredo*, qui aduersus eum graues suscitabat quæstiones, in vnum corpus circa urbem conuenerint expeditiones. Cumq; Comes ante Ducis aduentum multis iam diebus inutiliter ibi consumisset operam, spes erat quod in aduentu reliquorum Principum, vrbs facilè superari posset, & obsidentium labor optato fine consummari: sed contra spem accidit. Nam neque priùs neque posteriùs propitium in eo facto habuit populus Dominum: quotiens enim urbem nitebantur impugnare, & ad varia se attollebant nocendi argumenta, vt vel * agerent ad deiiciendum murum, vel contra eum assultus committerent, toties noua occurrebant impedimèta, & omnis eorum euacuabatur conatus; frustrabantur opera, impensa deperibat: ita vt manifestè daretur

20 intelligi, quòd in eo opere, eorum conatibus fauor se subtraxisset Diuinus. Quippe occidebatur populus; & viri nobiles & præclari inutiliter decumbebant. Ceciderunt ibi viri nobiles & præclari, casu miserabili, vterq; iactu lapidis, *Anselmus de Riburgismonte*, vir in armis strenuus, & perpete dignus memoriâ; & *Pontius de Baladanne*, vir nobilis & familiaris domino comiti Tolosano. Propterea & populus inuitus ibi detinebatur, cui erat in proposito, iter inceptum consummare: vnde nec operam dabat cum studio, nec multam in facto impendebat sollicitudinem, maxime autem post Ducis aduentum: etiam qui cum comite Tolosano aduenerant, eius familiares & domestici, se subtrahebant ex industria, vt Comes affectus tædio, aliorum Principum vias sequeretur, qui etiam inuiti & compellente Comite contra conscientias detinebantur.

30 Renouata est ibi quæstio de Lancea, quæ apud XVII. Antiochiam reperta fuerat: vtrum ea esset, qua de latere Domini sanguis & vnda profluxit; an res esset commenticia. Dubitabat enim valde super hoc populus: sed & Maiores penitus fluctuabant incerti: aliis dicentibus, quod verè ipsa esset, quæ Domini Cruce maduerat, eius latus aperiens, & per inspirationem diuinam in consolationem plebis reuelatâ; aliis asseuerantibus, quòd versutiarum Tolosani comitis esset argumentum, & gratiâ quæstus adinuentio ficta. Huius autem dissentionis auctor erat præcipuus, quidam *Arnulphus*, Domini Normannorum comitis familiaris & capellanus; vir quidem literatus, sed immundæ conuersationis, & scandalorum procurator: de quo in sequentibus multa dicenda occurrent. Cumq; diu super hoc

40 in populo sermo hic discurreret contradictorius, hic qui eam reuelationem sibi factam fuisse asserbat, vt populo fidem faceret, & omnem tolleret ambiguitatē, rogum copiosum præcepit accēdi, pollicens se auctore Domino, certo per ignem experimento fidem se facturum incredulis, quòd nihil confictum, nihil cōmento adumbratum in eo facto intercessisset; sed solâ reuelatione diuinâ, ad notitiam hominum & eorū consolationem, totum esset procuratum. Accenso igitur rogo copioso admodum, cuius incendii feruor etiam circumpositos terrere poterat: conuenit vniuersus populus à maiore vsq; ad minorem, in ea sexta feria, quæ sanctū Domini Pascha præcedit, in qua & mundi Saluator pro nostra salute passus esse legitur, vt tantæ rei plenū haberet experimentum. Qui verò tam periculosum examen spontè subiturus erat dicebatur *Petrus Bartholomei*, clericus quidē, sed modicè literatus, & quantum ad humanū * diem diiudicare pertinet, homo simplex videbatur: Qui oratione factâ in conspectu circumpositarum legionum, assumptâ secum prædictâ Lanceâ, per ignem transiuit, quantum populo videbatur, illæsus. Verum hoc eius factum non solum non amputauit quæstionē, sed maiore suscitauit: nam infra paucos dies vitæ decessit, cuius accelerati obitus occasionem, cum homo sanus & vitalis priùs videretur, quidam asserbant tentatum incendium: dicentes, quòd in eo tanquam fraudis patronus, mortis causam collegisset. Alii verò dicebant, quòd ab incendio

fanus euaserat, & incolumis; sed egressum ab igne, turbæ, causâ deuotionis irruentes, oppresserant & contriuerant catenus, ut vitæ finem ministrarent. Sicque res quæ in dubium venerat, nullam recipiens decisionem, maius induxit ambiguum.

xix.

Per idem tempus legati nostri, qui inuitantibus Ægyptiis, qui ad obsidionem Antiochenam missi à *Calipha Ægyptio*, venerant, ut pramissimus, descenderant in Ægyptum, post annum quo tam violenter quàm dolose derenti fuerant, ad Principes, qui eos miserant, sunt reuersi: venerantq; cum eis Ægyptiorum principis legati, verba deferentes multum ab his quæ prius attulerant, dissimilia. Cum enim multâ prius obtinere laborassent precum instantiâ, ut nostrorum Principum contra insolentiam Turcorum & Persarum haberent gratiam & auxilium: nunc mutato cantico, pro summo beneficio se arbitrabantur nostris indulgere, si Hierosolymam ducentos aut trecentos simul permetteret inermes accedere, & completis orationibus redire incolumes. Quod verbum nostri Principes pro ludibrio habentes, prædictos nuncios redire compulerunt, significantes, quod *non secundum propositas conditiones particulatim illuc accederet exercitus; sed iunctis agminibus Hierosolymam profiscerentur unanimes, regno eius periculum illaturi*. Huius autem mutationis causa fuerat quiddam, quod ex nostra victoria, quæ apud Antiochiam acciderat, habuerat ortum. Nam Turcis ita ibi periclitantibus, ita per omnem Orientem eorum contractus est gladius; & sublimis quæ fuerat gloria, verâ est in confusionem, ut ubicunq; cum aliis nationibus erat eis negotium, in omni loco succumberent, & calculum reportarent in omni conflictu deteriore. Iuxta quam eorum conditionem, inualescentē super eos Ægyptiorum regno, per manum cuiusdam, cui erat nomen *Emireus*, principis militiæ regis Ægyptiorum, Hierosolymam amiserant, quam triginta & octo annis antè ab eisdem Turci eripuerant violenter. Vnde factum est, ut hostes quos prius quasi fortiores horruerant, nunc per nostrorum operam deiectos, & contractis viribus, in imo videntes constitutos, nostrorum auxilium, quod prius instanter nimis expetierant, contemnebant.

xx.

Aduenerant præterea Constantinopolitani Imperatoris legati, multum conquerentes de domino Boamundo, qui contra legem pactorum & exhibiti tenorem iuramenti Antiochiam præsumebat detinere: allegantes in conspectu Principum, *quod domino suo præbitis corporaliter iuramentis; omnes qui per eum transferant, tactis sacrosanctis Evangelis promiserat, quod neq; de oppidis, neq; de ciuitatibus aliquâ, quæ de Imperio eius fuerat, usq; Hierosolymâ, detinere præsumerent, sed eâ captâ, eius Imperio resignarent*: de reliquis verò habitæ conuersionis partibus, nullâ omnino habebant memoriam. Certum est autē, quod id inter eum & Principes, apud Constantinopolim conuenerat: sed in fine conuentorum fuerat annexum, quod ipse cum omni suo comitatu, & ingentibus copiis eos deberet sine dilatione subsequi, & auxilium in suis necessitatibus ministrare. Quibus de communi Principum consilio responsum est, quod *Imperator pacta conuenta prior violauerat: unde merito & ab his quæ iuxta legem pactorum sibi poterant competere, casum patiebatur. Iniquum enim est ei fidem seruari, qui contra pactum nititur versari*. Nam cum nostris Principibus ex pacto teneretur obligatus, quod conuocatis exercitibus, statim eos sequeretur; & per mare nauibus continuum eis ministrari faceret commercium, & rerum venalium toto itinere exhiberi præciperet opulentiam, utrumq; neglexit fraudulenter adimplere, cum sine difficultate utrumq; posset effectui mancipare. Vnde quod de Antiochia factum fuerat, quoniam id iure fecisse videbantur, ratum volebant permanere, & inconuulsum: ut is eam iure hæreditario possideret in perpetuum, cui de communi liberalitate concessa fuerat. Instabant præterea eiusdem Imperatoris legati, persuadere cupientes, ut eiusdem Imperatoris aduētum, quem in Kal. Iulii affuturum promittebant, præstolaretur exercitus, pollicentes quod singulis Principibus ingentia daturus esset munera; sed & plebeis cum multa liberalitate stipendia, unde honestè sustentari possent, esset largiturus. Super quo deliberationem habentes, dissentiebant ab inuicem. Nam *Tolosanus comes* expectandum esse tanti principis aduentum utile iudicabat, siue ex eo quod ita futurum arbitraretur; siue ex eo quod eâ occasione Principes & populum detinere laboraret: quousq; urbem quam obsederat, sibi posset vëdicare. Turpe enim & ignominiosum reputabat, si à proposito ita manifestè deficeret, desiderium non valens adimplere. Aliis autem opposita longè melior videbatur sententia,

tia, videlicet ut cœpro instarent itineri, & votum pro quo tot labores pertulerāt, feliciter cōsummarent: fraudes enim Imperatoris, & eius versutias, quas sæpius experti fuerant, declinare iudicabant commodiùs, ne eius labyrinthis & eius ambagibus iterum se inuoluerent, à quibus non satis faciliè postmodum possent expediri. Effusa est igitur inter Principes cōtentio, & eorum penè in nullo consonabant desideria. Vnde & is, qui vrbi præerat *Tripolitanae*, cum priùs infinitam obtulisset pecuniæ summam, ut obsidione solutâ, ab eius finibus nostræ migrarent expeditiones, cognito schismate, quod inter Principes erat exortum, non solum dare pecuniam priùs oblatam renuit; verum nostris spōtè occurrere, & cum eis experiri proposuit. Factum est autem, quod de communi consilio, relicto *Albariensi Episcopo*, & aliis nonnullis viris potentibus in obsidione, qui castra tuerētur, Principes indicto prælio, instructis aciebus, & ordine congruo dispositis, versus Tripolim agmina dirigunt: quò peruenientes, eiusdem loci præsidem, cum vniuersâ ciuium multitudine tam equitum quàm peditum extra urbem reperiunt: vbi ordinatis pari modo agminibus, nostrorum aduentum præstolabantur intrepidi. Cùm enim duobus mensibus, & ampliùs aliquid, Comes Tolosanus in prædictâ obsidione operam consumpsisset inutiliter; nec profecisset quippiam, cœperant eos Tripolitani contemnere; & nostrum exercitum minus & minus habere suspectum, quasi ab ea virtute quam prius audierant, facti degeneres, in seipsis strenuitatis consuetæ paterentur defectum. Postquam ergò ad urbem ventum est, & hostium contra se positas nostris datum est intueri legiones, in eos statim irruerunt animosiùs, & primo impetu dissolutis eorum cohortibus hostes in fugam versos, infra urbem certatim se recipere proteruâ compulerunt instantiâ, septingentis ex eorū numero gladio peremptis: de nostris verò tres aut quatuor cecidisse dicuntur. Ibi celebrauerunt Pascha, quarto idus Aprilis. Obtentâ igitur victoriâ, in castra iterum reuersi sunt, vbi nihilominus vociferari & acclamare cœpit populus vniuersus, ut illâ perniciosâ obsidione dimissâ, versus Hierosolymam, quò eorum omnino festinabat desiderium, iter arriperent: obtinuitq; proteruâ instantiâ populus, ut incensis castris, *Dux & Flandrensum comes*, necnon & *Normannorum comes*, sed & *Tancredus*, populo satisfaciētes, inuito & plurimum renitente *Comite Tolosano*, obsidionem deferentes, versus Tripolim, tanquam iter continuaturi, expeditiones direxerunt. Erantque in eo facto procliuiiores, qui ab initio prædicti Comitibus ab initio castra fuerant secuti ita ut eum deferentes, prædictos Principes certatim sequerentur: quo intellecto, videns quod neque precibus neque pollicitis eos reuocare poterat, *faciens de necessitate virtutem*, alios secutus est, licet inuitus. Cumq; vix quinque miliaribus progressi, ante urbē *Tripolitani* castrametati essent, eius loci præses, qui *Ægyptii Caliphæ* in ea regione procurabat negotia, depositâ illâ tali arrogantia, quâ prius cum nostris Principibus de pari posse contendere arbitratus fuerat, cognoscens seipsum, missâ legatione à Principibus obtinuit, ut datis quindecim milibus aureorū, insuper etiâ muneribus in equis, mulis, sericis, & vasīs preciosis, & restitutis vniuersis quos de nostro populo detinebat captiuus, à sibi commissâ discederent prouincia; ac tribus quibus præerat ciuitatibus, *Archis* videlicet, *Tripolis* ac *Biblio* cum suis pertinentiis parcerent transeuntes. Misit insuper greges & armenta, & alimentorum vberē copiam, ne præ victualium inopia, suburbana spoliare cōpellerentur, & agrorū cultoribus inferre molestiam. Accitis etiam quibusdâ fidelibus *Syris*, montis *Libani* habitatoribus, qui urbibus illis à parte supereminet Orientali, excelsus admodum & in sublime iuga porrigens, tanquam à viris prudentibus & locorum gnaris, qui ad eos gratulabundi descenderant, ut fraternæ caritatis dependerent affectum, consilium ab eis petierunt, quâ viâ versus Hierosolymam tutiùs possent incedere, & commodiùs. Illi tandem cōpensatis bonâ fide vniuersarū viarum, quæ illuc ducebant tam cōmoditatibus quàm compendiis, nouissimè viam eis cōmendauerunt maritimâ: ut & directiorem sequerentur, & nauium suarum quæ proficiscentem subsequerentur exercitum, eis solatium non deesset. Erant autem in nostrorū classe, non solum *Guinimeri*, sociorumq; eius, qui à Flandria, Normannia, & Anglia, ut præmisimus, descenderant; verum & *Ianuensum*, *Venetorū*, *Gracorumq;* naues, quæ à Cipro, Rhodo, & aliis insulis rebus onustæ venalibus frequenter accedebant, quæ nostris legionibus multâ inferebant consolationē. Assumptis ergo ducibus itineris, tum ex prædi-

xxi.

Etis fidelibus, tum ex Tripolitani principis familia, oram legentes maritimam, iuga Libani à sinistris habentes, *Biblum* pertranseuntes, supra ripam fluminis secus locū cui nomen est *Maus*, castrametati sunt: vbi per diem vulgus debile, & eos, qui non
 XXII. ita celeriter subsequi poterant, operientes, habuerunt requiem. Die demum tertiā ante urbem *Beritensium*, secus fluuiū, qui iuxta urbem labitur, castrametati sunt: vbi, à præside loci, vt satis parcerent & arboribus, datā pecuniā, & victualibus ad sufficientiam ministratis, nocte quieuerunt vnā. Sequenti verò die *Sydonem* peruenientes, secus fluenta, aquarum commoditatem secuti, locauerunt tabernacula. Vbi, nescimus quā fiduciā, qui vrbi præerat, nostris Principibus nullam exhibuit humanitatis gratiam; sed de viribus præsumens suis, exercitum nostrum aggressus
 10 est molestare: in quo facto non multum successit ei prosperè. Nam quibusdam ex nostris in eos irruentibus, qui eorum discursionibus prouocati, diutius dissimulare non poterant, interfectis ex eis aliquot, reliquos infra urbem se recipere compulerunt: vnde factum est, vt noctem illam in castris, cessantibus eorum molestiis, cum omni tranquillitate peragerent. Mane autem facto, vt aliquantisper recrearetur populus, moram ibi facere decreuerunt, mittentes de exercitu expeditiores quosdam, qui de urbanis adiacentibus victui necessaria contraherent: qui comportatis gregibus & armentis & victualium ingente copiā, cum sospitate regressi sunt omnes: excepto quodam nobili viro, *Galtero* videlicet de *Verra*, qui redeuntibus aliis, ad
 20 vltiora progrediens, vt maiorem prædam contraheret, dubiā sorte sublatu, comparere desiit, vniuersis eius dubium exitum nimis molestè ferentibus. Sequenti postmodum die transcursis scopulosis ex parte plurima locis, per loca planiora, à dextris relictā antiquā urbem *Sareptā* Sydoniorum, viri DEI *Helie* nutricia, trāsmisso flumine, qui medius discurrit egregiam illius regionis metropolim *Tyrum*, vetustissimum Agenoris & Cadmi domicilium, perueniunt, vbi circa illum egregium & seculis admirabilem fontem *hortorum*, & puteum aquarum viuientium castrametati, in pomeriis latè patentibus & multā commoditate refertis, nocte quieuerunt vnā: dehinc die restitutā iterum ad iter se accingentes, exsuperatis angustis, quæ inter montes prominentes & mare periculosè nimis iacent mediæ, iterum in plana descendunt, quæ vrbi *Acconensium* subiecta sunt. Vbi iuxta ciuitatem, secus fluuium,
 30 qui eandem urbem præterlabitur, castrametati, à procuratore & ciuibus munera suscipientes, rerum venalium bonis conditionibus habuerunt commercium: factus est insuper nostris Principibus familiaris & amicus, spondens, quod si post captam Hierosolymam, viginti dierum spacio, absq; contradictione in regno possent consistere, aut Ægyptiorum vires superare, ipse urbem *Acconensem* absq; difficultate vlla eis resignaret. Inde verò progressi *Galileam* à læua deferentes, inter *Carmelum* & mare, *Cæsaream* secundæ Palestinæ metropolim, quæ prisco nomine *Turris Stratonis* appellata est, peruenientes, secus fluuium, qui de paludibus eidem vrbi adiacentibus defluit, castrametati sunt: vbi & sanctum Pentecostes diem, quarto Kal. Iunias celebrauerunt, à prædicta vrbe, vix duobus distantes miliaribus. Inde
 40 post diem tertium, itineris resumentes laborem, relictis à dextra locis maritimis, *Antipatrida* & *Ioppe*, per latè patentem planiciem, *Eleutheriam* pertranseuntes, *Liddam* quæ est *Diospolis*, vbi & egregii martyris *Georgij* gloriosum vsque hodie sepulchrum ostenditur, in quo secundum exteriorem hominem in Domino creditur requiescere, perueniunt. Cuius ecclesiam, quam ad honorem eiusdem martyris, pius & orthodoxus Princeps Romanorum Augustus, illustris memoriæ dominus *Iustinianus*, multo studio & deuotione promptā ædificari præceperat, audito nostrorum aduentu, solotenus hostes deiecerant paulò ante, timentes ne trabes ecclesiæ, quæ multæ proceritatis erant, in machinas & tormenta ad expugnandam urbem vellent conuertere. Compertum autē habentes, quod in vicino nobilis quædā esset
 50 ciuitas *Ramula* nomine, cum quingentis equitibus dominū *Flandrensiū Comitem* præmiserunt, qui ciuium prætentarent animos, & quidnam haberent propositi, experirentur: qui accedentes ad urbem propius, videntes quod nemo ad eos egrederetur, portas, quas patentes reppererunt, ingressi sunt, urbem penitus reperientes vacuam. Nocte enim quæ præcesserat, cognito nostrorum aduentu, abeuntes cum vxoribus & liberis, & vniuersa eorum familia, urbem vacuam reliquerant: quod statim remisso nuncio, Comes legionibus significans, ad urbem eos accedere maturare

turare consuluit. Illi verò completis de more orationibus ad urbem accedentes, in omni commoditate frumenti, vini & olei, ibi continuum exegerunt triduum, Episcopum eidem Ecclesiæ præficientes quendam Robertum Normannum genere, de episcopatu Rothomagensi, cui utramque urbem, *Liddam* videlicet & *Ramulam* cum adiacentibus suburbanis, iure perpetuo possidendas contulerunt, primitias laborum suorum cum omni deuotione egregio Martyri dedicantes. Interea *Hierosolymite* de nostrorum aduentu nunciis edocti frequentibus, scientes quod omnis que aduenire dicebatur multitudo, speciale & præcipuum haberet ciuitatem illam obtinendi propositum: quantâ possunt diligentiam, quantâ valent sollicitudine, urbem
10 communire satagunt; victui necessaria, armorum genera quælibet, ligna, ferrum & chalybem, & quæcunque; obsessis solent præstare præsidium, corrogare, & in urbem inferre, studiis se inuicem præuenientibus, contendunt. Sed & princeps *Aegyptius*, qui multo labore eodem anno, Turcorum expulso principatu, prædictam urbem receperat, comperto quod ab Antiochia noster discesserat exercitus, quâto poterat studio, turre reparari præceperat, & mœnia, Ciuibus ut eorum sibi & fidem conciliaret, & gratiam, de proprio ærario cum multa liberalitate ministrari præcipiens stipendia, tributorum & vectigalium præstationes remittens in perpetuum: qui tum ut vitæ consularent, & saluti, tum ut tantæ libertatis sublimaretur priuilegio, Regiæ satagentes parere voluntati, conuocatis vicinarum urbium ciuibus, viris fortibus &
20 industriis, & armatis optimè, urbem communierant diligenter. Insuper etiam conuenientes omnes vnanimiter in atrio Templi, quod erat spaciosissimum, ut nostrorum præuenire possent aduentum & præcidere, decreuerunt, ut interfectis vniuersis fidelibus, qui eius urbis erant habitatores, Ecclesiam Dominicæ resurrectionis deiicerent funditus, & Sepulchrum Domini ab eadem radicitus conuellerent, ne illorum occasione, aut orationis gratiâ, fidelium populus deinceps accedere, aut urbem frequentare proponerent. Sed tandem cognito, quod per hoc maiora populorum nostrorum in se conflarent odia, & in suum vehementius irritarent interitum, mutato consilio, extortâ ab eis violenter vniuersâ pecuniâ, & quicquid habere videbantur, quatuordecim aureorum milia, tum à Patriarcha, qui tunc urbi præerat,
30 tum à populo ciuitatis, tum ex adiacentibus Monasteriis abstulerunt: unde oportuit eundem virum venerabilem, ut haberet unde tantam summam extortæ pecuniæ soluere posset (nam ad id vniuersorum non sufficiebant patrimonia) & ut inopiam suam, & plebis quocunque modo consolaretur tenuitatem, in Cyprum insulam navigare, ut ibi à fidelibus elemosinarum, & piæ largitionis mendicaret suffragia, quæ attrita & esurienti plebi DEI, quæ Hierosolymis & in eius finibus habitabat, mitteret ad vitæ sustentationem. Nec etiam hoc eis visum est sufficere, sed extortis à plebe per quæstiones & grauius tormenta bonis omnibus, exceptis solis senibus & valitudinariis mulieribus & paruulis, omnes alios vrbe depulerunt: qui usque ad nostrorum aduentum in viculis suburbanis delitescerent, quotidie mortem expectabant, non
40 audentes urbem introire: sed nec exterius inter persequentem populum, tuta eis dabatur requies, habentibus locorum incolis omnem eorum suspectam operam, & eos usque ad immundas & intolerabiles perurgentibus angarias. Erat præterea eodem tempore, in eadem deo amabili ciuitate, vir vitæ venerabilis & fide insignis, *Geraldus* nomine, qui ei de quo supra diximus, præerat xenodochio, in quo pauperes, qui orationis gratiâ ad urbem accedebant, hospitabantur, & aliqualem pro loco & tempore sumebant refectioem. Hunc credentes pecuniarum aliquam habere repositionem, & suspectum habentes, ne in nostrorum aduentu aliquid eis moliretur damnosum, vinculis subiecerunt & verberibus, ita ut manuum ac pedum, torquendo, eius confringerent articulos, & membrorum partem maximam redderent inuilem. Con-
50 summato igitur ibi triduo, custodibus ibi aliquot deputatis, qui munitiorē eiusdem ciuitatis partem ab hostium ruerentur insidiis, summo diluculo ad exequendum se accingunt propositum. Unde assumptis itineris ducibus, viris prudentibus, & locorum peritis, perueniunt *Nicopolim*. Est autem Nicopolis ciuitas Palestinæ: hanc dum vicus adhuc esset, sacer Euangeliorum liber appellauit *Emaus*; beatusque *Lucas* Evangelista hanc dicit ab Hierosolymis distare stadiis sexaginta. De hac *Sozomenus* in sexto Tripartitæ historiæ ita ait: *Hanc Romani post vastationem Hierosolymorum, Iudeamque victoriam, Nicopolim ex euentu victoria vocauerunt. Ante hanc urbem in tri-*

XXIII.

XXIV.

aio, ubi CHRISTVS cum Cleopha post resurrectionem nescitur ambulasse, tamquam ad alium vicum iturus, fons quidam est salutaris, in quo passiones hominum diluuntur, & alia pariter animalia diuersis detenta languoribus emundantur: quod vti contingat, traditur ex quodam itinere apparuisse CHRISTVM ad fontem cum discipulis suis, & lauasse pedes: ex quo aqua facta est diuersarum medicamen passionum. Hæc prædictus Historiographus de castello Emaus ita differit: Vbi noctem illam in aquarum abundantia; & rerum copia victui necessariorum egerunt tranquillam: vbi circa noctis medium, fidelium qui in ciuitate Bethleem habitabant, legatio adfuit ad Ducem Godefridum, orans & petens, cum multa instantia, vt illuc aliquam militiæ partem dirigeret. Conuenientibus enim ex vniuersis finitimis oppidis & locis suburbanis hostibus, Hierosolymam properabant, tam vt urbem tuerentur, quàm vt ipsi etiam in vrbe salutis sibi inuenirent consilium. Timebant autem prædicti fideles, ne ad partes eorum accedentes, ecclesiam deiicerent, quam multo precio sapiùs ab eisdem hostibus, ne deiiceretur, redemerant. Audita igitur & cum pietatis affectu susceptâ fratrum fidelium postulatione, electis ex suorum numero centum expeditis equitibus, ad locum prædictum, vt fidelibus opem ferrent, Dux præcipit contendere: quibus dominus Tancredus datus est primicerius, & confors itineris: qui ducibus eiusdem loci habitatoribus, ad locum summo diluculo perueniunt destinatum: vbi à ciuibz cum hymnis & canticis spiritualibus honorificè suscepti, introducente eos populo & clero, ingressi ecclesiam, fœlicis puerperæ diuerforium, & Saluatoris præsepe, in quo fœlicium cibus animalium requieuit, beatis oculis conspexerunt. Vbi etiam & ciues eiusdem loci, præ gaudii & exultationis immensitate, votiua Domino cantica psallentes, in signum victoriæ, domini Tancredi vexillum super ecclesiam statuerunt. At verò, qui in exercitu remanserant, præ itineris desiderio, loca venerabilia scientes in proximo constituta, pro quorum amore & reuerentia tot labores, tot pericula tertio iam anno sustinuerant, noctem ducebant insomnem, votis ardentibus auroram deposcentes, vt itinerarii sui fœlicem conspicerent clausulam; & tam longæ peregrinationis beatam consummationem possent intueri. Videbatur eis nox ultra solitū vices suas producere, partemq; lucis futuræ sibi vsurpare indebitè, omnisq; mora animis ardētibus periculosa videbatur, eratq; abominabilis, iuxta id quod prouerbialiter dici solet: *Animo cupienti nihil satis festinatur*: & item illud, *Dilatione votum creuerat*. Postquam autem in castris cognitum fuit, quòd Bechleemitarum nuncios, Dux nocte illâ susceperat, & de suis in eorum subsidium præmiserat quosdam: non expectatâ procedendi licentiâ, vel opportunitate, qualem lux exoriens iter agentibus solet ministrare, intempestæ noctis silentio, excitantibus se mutuò plebeis & moram arguentibus, inuitis Principibus surrexerunt, iter arripientes. Cumq; processissent aliquantulum, vir quidam nobilis & strenuus, *Gastus Biterrensis*, assumpto sibi triginta expeditorum equitum comitatu, ab exercitu separatus versus Hierosolymam aurorâ iam illucescente cœpit contendere, vt si quas extra urbem gregum aut armentorum reperiret copias, eas secum in expeditionem deduceret. Cumq; iam Vrbi esset proximus, iuxta votum occurrerunt ei animalia, quibus pauci præerant pastores, qui visâ nostrorum militiâ in urbem perterriti aufugerunt. Gastus verò interim relicta absq; custodibus secum trahens animalia, ad exercitum reuertebatur: cùm ecce ad pastorum vocem exciti Hierosolymitæ, correptis armis, prædam abactam violenter reuocare cupientes, certatim insecuti sunt abeuntem. Vir verò insignis, insectantium veritus multitudinem, relicta prædâ saluti fugiendo consulens, in collis cuiusdam culmine cum suo substitit comitatu: dumq; ibi rei præstolaretur euentum, ecce per vallem eidem loco subiectam, dominus Tancredus cum prædictis centum equitibus, à Bethleem rediens ad exercitum maturabat, quibus prædictus vir nobilis occurrens, casum qui ei acciderat, ex ordine pandit: coniunctis itaque agminibus, eos qui prædam reducebant verso secuti sunt itinere; & antequam in urbem se reciperent, subito in eos irruentes, interfectis pluribus, reliquisque in fugam versis, prædam iterum receptam violenter abducentes, ad exercitum cum multa lætitia sunt reuersi: à quibus cùm quæreretur, vnde prædam illam contraxerant; respondentes, quod de agro Hierosolymitano eam abduxissent: audito nomine ciuitatis, pro qua tot & tantos labores pertulerant, præ feruore deuotionis lachrymas & suspiria cohibere non valentes, pro-

pronos in terram se dederunt, adorantes & glorificantes DEVM, de cuius munere venit, vt sibi à fidelibus suis, dignè & laudabiliter seruiatur; quiq; populi sui vota benignè exaudire dignatus est, vt iuxta eorum desideria, ad loca optata mererentur peruenire. Vnde progressi pusillum, è vicino Vrbem sanctam contemplantes, cum gemitu & suspiriis præ gaudio fuis spirituali, pedites, & nudis ex plurima parte vestigiis, cœpto feruentius insistentes itineri, subitò ante Vrbem constituerunt, castra circumponentes eo ordine, quò à maioribus Principibus singulis designabatur. Videbatur impletum esse, quod per Prophetam præmissum fuerat vaticinium, & exhibitum historialiter verbum Domini; *Leua Hierusalem oculos, & vide potentiam Regis. Esi. 51, 17.*
 10 *gis. Ecce Saluator tuus venit soluere te à vinculo. Et illud: Elcuare, eleuare, consurge Hierusalem; solue vincla colli tui, captiua filia Syon.* 52, 2.

EXPLICIT LIBER SEPTIMVS.

INCIPIVNT CAPITVLA LIBRI OCTAVI.

- I. Descriptio situs urbis sanctæ, in qua ostenditur quas regiones & quæ habeat loca per circuitum.
- II. Quibus nominibus & quot appelletur
 20 ciuitas, & quod Dauid eam regni solum constituerit. Quomodo Ælius Adrianus, de cliuo, in montis verticem transtulerit. Et quadam iterum de situ eius.
- III. Quod partem duorum montium intra muri ambitum contineat, & quod sit Dominica Resurrectionis, in alto vero Templum Domini, & quæ sit forma vtriusq; Ecclesie.
- IV. Quod in loco arido & in aquo sita sit ciuitas. De fonte Siloë. Et quomodo ciues audi-
 30 to nostrorum aduentu, lacus dissipauerint, & obstruxerint fontes.
- V. Quo tempore noster exercitus ante urbem aduenerit: & quis fuerit nostrorum, hostiumve numerus: & quo ordine castra sunt locata.
- VI. Quintâ post obsidionem die, urbem impugnant: ductu cuiusdam fidelis in sylvas descendunt, trabes deferunt, erigunt machinas.
- VII. Siti populus fatigatur: dumq; aquas
 40 querunt, longè positas, & reliqua vitæ necessaria, ab hostibus perimuntur frequenter.
- VIII. Ciues machinas construunt; ad resistendum se preparant: fideles, qui cum eis erant angariis afficiunt.
- IX. Classis Ianuensium apud Ioppen applicat; mittuntur de exercitu, qui eos ad obsidionem deducant: patiuntur in itinere, qui missi fuerant, hostium insidias.
- X. Qui in classe aduenerant, ad exercitum
 50 se conferunt, & in erigendis machinis plurimas præstant commoditates. Pacificantur ad inuicem Tolosanus & Tancredus.
- XI. Inducuntur populo Latania. In montem Oliueti ascendit vniuersus populus.
- XII. Dux, & duo Maiores Comites de noctu castra sua transferunt: per gyrum ante urbem eriguntur machina.
- XIII. Oppugnatur ciuitas, & vehementissimus hinc inde fit confictus, sed nox interposita litem dirimit.
- XIV. Nocte illâ, in multa anxietate tam obsidentes quàm obsesti permanent.
- XV. Sequenti die redeunt in idipsum, & solito vehementius impugnatur ciuitas. Per-
 eunt venefica, quæ nostram machinam fascinatam venerant.
- XVI. Datur signum à monte Oliueti diuinitus: & populus qui fatigatus erat, redit in pugnam acrius.
- XVII. In parte Australi Tolosanus cum suis urbem nihilo segnè impugnat.
- XVIII. Dux & qui cum eo erant, à castello ligneo pontem super murum deponunt: suos immittunt. Vrbs capitur, porta aperitur, & noster introducit exercitus.
- XIX. Dux cum suis per ciuitatem discurrens, stragem operatur innumeram. Tolosanus à parte Australi violenter ingreditur, & suas introducit legiones. Ciuium pars in presidium ciuitatis se recipiunt.
- XX. Ciues in atrium templi se conferunt. Tancredus illuc eos persequitur. Fit strages innumera, & sanguis ibidem funditur infinitus.
- XXI. Vrbe composita sedatur tumultus: & armis depositis orationis gratiâ, loca circumcunt venerabilia, diem agentes solennem.
- XXII. Podiensis Episcopus, & alii quidam qui in itinere dormitionem acceperant, visi sunt in ciuitate, & apparuerunt multis.
- XXIII. Viri fideles qui in vrbe habitabant, Petro Heremita, cui suam commiserant legationem, ingentes gratias exsoluunt, & honore debito prosequuntur.
- XXIV. Ciuitas mundatur de interemptorum cadaueribus. Qui in arcem se contulerant, Tolosano Comiti se dedunt. Dies illa in perpetuum celebris constituitur.

EXPLICIT CAPITVLA LIBRI OCTAVI.

RRR

INCIPIT LIBER OCTAVVS.

CAP. I.



VRBEM sanctam & DE o amabilem *Hierosolymam*, in sublimibus sitam esse montibus certum est; & in tribu Benjamin positam veterum tradit auctoritas; habetque ab Occidente tribum Symeon, & Philistiim regionem, & mare Mediterraneum: à quo vbi propius est, iuxta vetustissimum oppidum *Ioppen*, viginti quatuor distat miliaribus, inter se & prædictum mare habens castellum *Emaus*, quæ postea dicta est *Nicopolis*, vt præmisimus, vbi post resurrectionem suam Dominus duobus discipulis apparuit: *Modim* etiam, sanctorum Machabæorum felix præsidium: *Nobe* quoque vicum sacerdotalem, vbi Dauid esuriens cum pueris suis, tradente Abimelech sacerdote panes propositionis comedit: & *Dispolim*, quæ est *Lidda*, vbi Petrus Æneam virum paralyticum ab annis octo in grabato iacentem saluti restituit: & *Ioppen* prædictam, vbi idem Petrus, discipulam nomine Tabitham, plenam operibus bonis & eleemosynis, defunctâ suscitauit, & sanctis ac viduis resignauit viuam: vbi & apud Symonem coriarium hospitatus, *Cornelii* nuncium suscepit, sicut in Actibus Apostolorum continetur. Ab Oriente verò *Jordanis* habens fluentia, & ei adiacentem solitudinem, filiis prophetarum familiarem, quasi ad millaria quatuordecim: & *vallem syluestrem*, vbi nunc est *mare salis*, quod & *lacus Asfaltis*, & *Mare Mortuum* nuncupatur: quæ omnis regio antequam Dominus subuerteret Sodomam, vt in Genesi legitur, quasi paradysus DEI irrigabatur. Citra verò Iordanem, urbem *Hiericho*, quam Moyse successor Iosue, magis orando quàm pugnando subegit; vbi postea Dominus præteriens, cæco lumen restituit: *Galgala* quoque Helisei receptaculum. Ultra Iordanem verò *Galiad*, *Basan*, *Ammon* & *Moab*, quæ postmodum Ruben, Gad, & dimidia tribus Manasse susceperunt in sortem, quæ omnis hodie regio generali appellatione dicitur *Arabia*. Ab Austro verò, habens sortem Iuda, in qua est *Bethleem*, familiare Domini reclinatorium, & felix natiuitatis Dominicæ & cunarum locus: & *Thecua* vrbs, prophetarum Abacuc & Amos domicilium: & *Ebron*, quæ alio nomine dicitur *Cariat-tharbe*, sanctorum Patriarcharum sepulchrum venerabile. A Septentrione verò urbem habens *Gabaon*, Iosue, filii Nun, insignem victoriâ, & defixi solis miraculo præclaram: Tribum quoque habens Ephraim, in qua est *Silo*, tabernaculi Domini custos aliquando: *Sichar*, confabulatricis Domini Samaritanæ patria: *Bethel*, aureorum cultrix vitulorum, & peccati Hieroboam testis. Sed & *Sebastea* Ioannis Baptistæ, Helisei quoque; & *Abdia* tumulus; quæ olim dicta est à monte Somer, in qua sita est, *Samarita*, regum Israël thronus sublimior, vnde & tota prædicta regio vsque in præsentem diem dicitur *Samarita*. *Neapolis* quoque, quæ olim dicta est *Sichen*, conditoris nomen habens: in qua, secundum lectionem libri Geneseos, filii Iacob Symeon & Levi, in ultionem stupri, quod filius Sichen, *Hemor*, sorori eorum *Dina*, amore illius captus, intulerat, tam ipsum quàm filios eius in ore gladii percusserunt, urbem eorum succendentes. Est autem *Hierusalem*, Iudææ metropolis, in loco riuis, syluis, fontibus & pascuis penitus carente, sita. Hæc iuxta veteres historias, & Orientalium populorum traditiones, primùm dicta est *Salem*: deinde *Iebus*: postmodum tempore Dauid, qui eiecto inde Iebuseo eius habitatore, postquam septem annis regnauerat in Ebron, eam ampliauit, & regni constituit solum, dicta est *Hierusalem*. Vnde ita legitur in Paralipomenon: *Abiit ergo Dauid & omnis Israël in Hierusalem, hoc est Iebus, vbi erant Iebusæi habitatores terræ: dixeruntque qui habitabant Iebus ad Dauid, Non ingredieris huc. Porro Dauid cepit arcem Syon, quæ est ciuitas Dauid: dixitque: Omnis qui percusserit Iebusæum in primis erit princeps & dux. Ascendit igitur primus, Ioab filius Saruia, & factus est princeps. Habitauit autem Dauid in arce, & iccirco appellata est ciuitas Dauid, edificauitque urbem in circuitu à Mello vsque ad gyrum; Ioab autem reliqua urbis extruxit. Postea verò regnante filio eius Salomone, dicta est *Hierosoly-ma*, quasi Hierusalē Salomonis. Hanc verò, vt referunt egregii scriptores, & illustres historiographi, *Egesippus* & *Iosephus*, Iudæorum id exigentibus meritis, quadragesimo secundo post passionem Domini anno, *Titus Vespasiani* filius, Romanorum princeps*

Gen. 12, 10.

Marth. 20, 29.

Gen. 34, 25.

II.

1. Paral. II, 48, 56.

princeps

princeps magnificus, obsedit; obsessam expugnauit; & expugnatam deiecit funditus, ita ut iuxta verbum Domini, *non remaneret in ea lapis super lapidem*. Hanc eandem postea *Aelius Adrianus* quartus ab eo Romanorum Augustus, reparauit, unde & ab eodem dicta est *Aelia*, sicut in Nicea Synodo legitur: *Episcopus Aelia ab omnibus honoretur; & cætera*. Cumque prius in cliuo sita esset præcipiti, ita ut in Orientem partim, partim in Austrum tota deuexa respiceret, in latere tam montis Syon, quam Moria constituta, ut solum Templum, & præsidium, cui nomen *Antonia* erat, in sui haberet fastigio, & parte superiore; ab eodem Imperatore in montis verticem tota translata est, ita ut Dominicæ passionis & resurrectionis locus, qui prius extra urbem fuerat, urbe reedificatâ infra murorum ambitum clauderetur. Est autem ciuitas & minor maximis, & mediocribus maior; formâ quidem oblongâ, & parte alterâ longiore, tetragona tamen vallibus profundis admodum, ex tribus partibus circumseptâ. Nam ab Oriente vallem habet *Iosaphat*; huius mentionem facit propheta Ioël, dicens: *Cum conuertero captiuitatem Iuda & Hierusalem, congregabo omnes gentes, & deducam eas in vallem Iosaphat; & disceptabo ibi cum eis super populo meo, & hereditate mea Israël*. Cuius in imo, constructa est nobilis Ecclesia in honore DE I genitricis, ubi & sepulta creditur; & gloriosum eius usque hodie, accedentibus populis, monstratur sepulchrum. Sub qua etiam torrens *Cedron*, aquis pluuiialibus factus tumidior, hybernis mensibus defluere consuevit. cuius mentionem beatus Ioannes

10 Euangelista facit dicens: *Egressus IESVS trans torrentem Cedron, ubi erat hortus, & cætera*. Ab Austro verò vallem habet prædictæ contiguam, cui nomen *Ennon*, quæ fortis Benjamin & Iuda, in funiculo distributionis limes fuit. sicuti in Iosue scribitur: *Ascenditque per conuallem filii Ennon, ex latere Iebusæi ad meridiem, hoc est Hierusalem; & inde se erigens ad verticem montis qui est contra Gehennon ad Occidentem*: in qua hodie de precio Saluatoris, pro quo Iudas mercator pessimus Dominum Iudæis tradidit, ager emptus ostenditur, in sepulturam Peregrinorum deputatus, cui nomen *Acheldemac*. De hac etiam valle in Paralipomenon scribitur ita: fitque sermo de Achaz. *Ipse est qui adoleuit incensum in valle Ennon, & lustrauit filios suos in igne iuxta ritum gentium, quas interfecit Dominus in aduentu filiorum Israël*. Ab Occidente verò, eiusdem vallis partem, in qua vetus piscina, quæ tempore regum Iuda celebris fuit, designatur: Indeque protenditur ad superiorem piscinam, quæ hodie vulgari appellatione dicitur *Lacus Patriarchæ*, quod est iuxta vetus cæmeterium, in spelunca quæ cognominatur *Leonis*. A Septentrione verò plano itinere ad urbem acceditur, ubi usque hodie locus in quo protomartyr Stephanus à Iudæis lapidatus, & pro persecutoribus orans positus genibus, emisit spiritum, designatur. Sita est

30 autem in montibus duobus, sicut Dauid commemorat dicens: *Fundamenta eius in montibus sanctis*: quorum fastigia infra muri ambitum ex parte plurima continet, modicâ valle distincta, quæ etiam urbem per medium diuidit. Horum alter qui ab Occidente est, *Syon* appellatur, unde plerunque & tota denominatur ciuitas, ut ibi:

40 *Diligit Dominus portas Syon, super omnia tabernacula Iacob*. Alter verò qui ab Oriente est, mons *Moria* dicitur, cuius mentio fit in Paralipomenon secundo, hoc modo: *Et cepit edificare Salomon domum Domini in Hierusalem in monte Moria, qui demonstratus fuerat Dauid patri eius, in loco quem parauerat Dauid in area Orna Iebusæi*. In Occidentali ergo quasi in supremo montis vertice Ecclesia est, quæ nomine montis dicitur *Syon*: & non longè ab ea *turris Dauid*, opere constructa solidissimo quæ quasi præsidium ciuitatis cum turribus, muris & antemuralibus sibi annexis, vniuersæ sub se positæ præeminet ciuitati. In eodem quoque, sed in deuexo quod ad Orientem respicit, sita est *sanctæ Resurrectionis Ecclesia*, formâ quidem rotunda: quæ quoniam in decliuo prædicti montis sita est, ut cliuus eidem eminens & contiguus, Ecclesie penè superet altitudinem, & eam reddit obscuram. tectum habet, erectis in sublime trabibus, & miro artificio in modum coronæ contextis, apertum & perpetuo patens, unde lumen Ecclesie infunditur necessarium: sub quo hiatu patulo Saluatoris positum est monumentum. Porro ante nostrorum Latinorum introitum, locus Dominicæ passionis qui dicitur *Caluarie*, siue *Golgotha*; & ubi etiam viuificæ Crucis lignum repertum fuisse dicitur; & ubi etiam de Cruce depositum Saluatoris corpus, vnguentis & aromatibus dicitur delibutum & syndone inuolutum, sicut mos erat Iudæis sepelire, extra prædictæ ambitum erant Ecclesie, oratoria

2. Reg. 24.
24.

valdè modica. Sed postquam nostri opitulante diuinà clementià, urbem obtinuerunt in manu forti, visum est eis prædictum nimis angustum ædificium: & ampliata ex opere solidissimo & sublimi admodum Ecclesia priore, intra nouum ædificium veteri continuo & inserto, mirabiliter loca comprehenderunt prædicta. In altero verò monte, qui in parte est Orientali, in decliuo eius, quod in Austrum respicit, *Templum Domini* est, in eo loco, vbi iuxta lectionem libri Regum & Paralipomenon, *Dauid* rex, ab Aureuma siue Orna homine Iebusæo aream emit. Vbi & præceptum est ei altare Domino ædificare, in quo postmodum obtulit holocausta & pacifica; & inuocauit Dominum, & exaudiuit eum in igne de cælo, super altare holocausti. Vbi etiam de mandato Domini, filius eius *Salomon*, post patris obitum templum ædificauit: cuius quæ forma fuerit; & quomodo sub *Nabuchodonosor* Babyloniorum rege ceciderit; iterumq; sub *Cyro* rege Persarum à *Zorobabel* & *Iesu* sacerdote magno reædificatum fuerit; & quomodo illud idem cum vniuersa vrbe postmodum sub *Tito* Romanorum principe deletum fuerit, veteres tradunt historiæ. Huius autem quis auctor fuerit, & quæ compositionis sit forma, in præsentis sufficit edocere. Porro in principio huius voluminis, ædificii huius auctorem diximus *Homar* filium Catab, qui tertius à seductore Mahometh, erroris & regni successor extitit: & ita esse, antiqua literarum monimenta in eodem edificio intus scripta, & de foris, manifestè declarant. Forma verò huiusmodi est: Platea quædam, quantum arcus vix iacere potest habens longitudinis, & latitudinis tantundem, quadrangula & æquidistantibus contenta lateribus, muro circumdata est valido, altitudinis moderatæ: in quam ab Occidente, duabus portis introitur, quarum altera dicitur *Speciosa*; vbi secundum quod in Actibus Apostolorum continetur, claudum ex utero matris suæ, eleemosynam à transeuntibus petentem, consolidatis basibus erexit Petrus: alterius verò certum nomen non tenemus. A Septentrione verò vna; ab Oriente quoque alia, quæ vsq; hodie *Porta Aurea* dicitur. Ab Austro verò domum habet Regiã, quæ vulgari appellatione *Templum Salomonis* appellatur. Super singulas autem portas, quæ vrbi sunt conterminæ, & per angulos prædictæ superficiei turres erant sublimes admodum, in quibus certis horis superstitionis Sarracenorum sacerdotes, vt populū adorationem inuitarent, ascendere consueuerant: quarum quædam adhuc supersunt, quædam verò variis casibus sunt depositæ. Infra hæc igitur septa nemini habitare, nemini etiam introire, nisi nudis & lotis pedibus permittebatur, ianitoribus per singulas portas constitutis, qui huius rei curam haberent diligentem. Porro in medio huius sic circumseptæ areæ, planities iterum quædam est eminentior, eodem modo quadrilatera à lateribus subiectæ ex omnibus partibus æquidistans: ad quam à parte Occidentali, duobus locis per gradus, & ab Austro totidem, ab Oriente verò vno tantum ascenditur: In cuius singulis angulis, singula erant oratoriola: quorum quædam adhuc extant, quædam verò vt alia ibi construerentur, deposita sunt. In huius superioris areæ medio Templum ædificatum est, formā quidē octogonum, & laterum totidem; intus & de foris marmoreis tabulis & opere Musæico decoratum; tectum habens sphæricum, plumbo artificiosè coopertum. Harum utraque platearum tam continens & inferior, quam superior & contenta, albo strata est lapide, ita vt hybernis temporibus aquæ pluuiæ, quæ plurimæ de Templi descendunt ædificio, quasq; aliunde non pauciores excipiunt, limpidissimæ, & absq; cæno in cisternas defluant, quæ plurimæ infra septa prædicta continentur. Intus verò in medio Templi, infra interiorem columnarum ordinem, rupes est aliquantulum eminentior, cum subiecta ex eodem saxo spelunca, supra quam sedisse Angelus dicitur, qui propter dinumerationem populi à *Dauid* incautè factam, percussit populum, quousque præceptum est ei à Domino, vt parcens populo gladium suum conuerteret in vaginam. Vbi postmodum emp̃a sexcentis siclis auri iustissimi ponderis arcæ, altare, vt præmisimus construxit. Hæc autem ante nostrorum introitum, & postmodum annis quindecim nuda paruit & aperta: postea verò, qui eidem præfuerunt loco, albo eum cooperientes marmore, altare desuper & chorum, in quo clerus diuina celebrat, construxerunt. Dicitur autem regio, in qua prædicta *DEI* cultrix ciuitas sita est, *Iudæa*: dicitur nihilominus & *Palestina prima*. *Iudæa* sanè ab eo, ex quo decem tribus Hieroboam filium Nabath secutæ, à Roboam filio Salomonis discesserunt; solæq; duæ tribus, Benjamin videlicet & Iudæa, adhæserunt ei.

Vnde

Vnde a cognomento Iudæ, vtriusque tribus regio, *Iudæa* dicta est. Vnde & illud est de Euangelio: *Revertere in terram Iuda*. Vnde etiam tam ipse Roboam, quam eius successores, *reges Iuda* dicti sunt, cum reliquarum decem tribuum reges, *reges Israël* vel *Samarie* dicerentur. *Palestina* autem quasi Philistina à Philistiim deducto nomine dicitur. Dicuntur autem tres esse Palæstinæ, quarum prima est quæ propriè *Iudæa* dicitur, cuius metropolis est *Hierosolyma*. Secunda, cuius metropolis est *Cæsarea maritima*. Tertia, cuius metropolis est *Bethsan*, siue *Scythopolis*, cuius hodie dignitatem obtinet *Nazæra* Ecclesia. Siue autem sic, siue sic dicatur, certum est, Terræ Promissionis & Syriæ portionem esse, quod ex ea Homelia datur intelligi, qua dicitur: *Familiares est Syris, & maxime Palestina regioni, quæ pars Syriæ est, in qua Dominus corporaliter apparere dignatus est, ad omnem penè sermonem suum parabolas iungere*. Sed & quasi in umbilico Terræ Promissionis eadem posita est regio, secundum hoc quod in Iosue 10. 1. 4. Terræ Promissionis termini describuntur, in quo ita legitur: *A deserto & Libano, & flumine magno Euphrate, usque ad mare Occidentale, erunt termini vestri*. Est autem locus in quo ciuitas sita est, aridus & inaquosus, riuos, fontes, ac flumina non habens penitus, cuius habitatores aquis tantum vtuntur pluuiialibus. Mensibus enim hybernis, in cisternis quas in ciuitate habent plurimas, imbres solent sibi colligere, & per totum annum ad vsus necessarios conseruare. Vnde miramur plurimum, quod *Solinus* Iudæam aquis dicit esse illustrem: ait enim in suo Polyhistore: *Iudæa illustris est aquis, sed natura non eadem aquarum*. Nec aliquid nobis pro solutione occurrit, nisi dicamus: aut eum rei veritatem non esse assecutum; aut terræ pristinam faciè postmodum immutatam. Certum est tamen, quod amicus Domini, *Ezechias* rex Iuda, cognito aduentu *Sennacherib*, filii *Salmanassar* regis *Assyriorum*, fontes qui erant extra Urbem, obturauit. De quo ita legitur in secundo Paralipomenon: *Quod cum audisset Ezechias, venisse scilicet Sennacherib, & totum belli impetum verti contra Hierusalem, inito cum principibus consilio virisq; fortissimis, ut obturarent capita fontium quæ erant extra urbem, & hoc omnium decernente sententiâ; congregauit plurimam multitudinem, & obturauerunt cunctos fontes, & riuum qui fluebat in medio terre, dicentes: Ne veniant reges Assyriorum, & inueniant aquarum abundantiam*. Inter quos præcipuus erat qui dicebatur fons *Gion*, de quo in eodem legitur: *Hic est Ezechias, qui obturauit superiorem fontem aquarum Gion, & auertit eas subter ad Occidentem urbis David*. *Gion* autem locus est ab Austro, in valle Ennon media Hierusalem positus, vbi hodie est in honore beati *Procopii* martyris Ecclesia; vbi *Salomon* in regem inunctus fuisse dicitur, iuxta quod in tertio Regum libro legitur ita: *Tollite vobiscum seruos Domini vestri, & imponite Salomonem filium meum super mulam meam, & ducite eum in Gion, & ungat eum ibi Sadoch sacerdos & Nathan Propheta, in regem super Israël & Iudam, & canetis buccinâ, atque dicetis: Viuat rex Salomon*. Id tamen ante prædicti *Solini* tempora fuisse certum est: nam eum & post *Titum Romanorum* principem, qui urbem deleuit, & ante *Ælium Adrianum*, qui eandem reparauit, fuisse, euidenter ex eiusdem Polyhistoris lectione colligitur, in cuius quadagesimo capitulo ita legitur: *Iudæa caput fuit Hierosolyma, sed excisa est: successit Hiericus, & hæc caput esse desuit, bello Artaxerxis subactâ*. Extra urbem ad duo vel tria miliaria, fontes sunt nonnulli; sed & pauci numero, & modicam nimis ministrantes aquarum commoditatem: iuxta urbem tamen à parte Australi, vbi duæ valles prædictæ se continuant, quasi miliario distans ab vrbe, fons est quidam famosissimus, *Siloë*: ad quem, eum qui à natiuitate cæcus fuerat, Dominus misit, ut ibi lauaretur & videret: Fons quidem modicus, in imo vallis scaturiens, & qui nec sapidas, nec perpetuas habet aquas: interpolatum enim habens fluxum, die tantum tertiâ aquas dicitur ministrare. Porro ciues præcognito nostrorum aduentu, ora fontium & cisternarum quæ in circuitu urbis erant, usque ad quinq; vel sex miliaria, ut populus siti fatigatus, ab urbis obsidione desisteret, obstruxerant: vnde postmodum in eius obsidione, infinitas molestias noster passus est exercitus, sicut in sequentibus dicitur. Qui autem intus erant, præter aquarum pluuiialium, quam habebant, vbertatem maximam, fontes etiam à partibus deductos exterioribus, & aquæductis inuectos, in piscinas duas maximæ quantitatis, quæ circa Templi ambitum, exterius tamen, sed infra urbem continentur, recipiebant: quarum altera usq; hodie *Probatrica piscina* reputatur, in qua olim immolatiæ lauabantur hostiæ, quæ in Euangelio quinque porticus dicitur habere; & in quam Angelus dicebatur de-

V.
A. Dn.
II. v.

scēdere, & aquā mōuere, illo effectū, ut qui primus post motionem aque descenderet in piscinam, sanaretur: in qua & Dominus paralyticum curatum, grabatum iussit tollere. Anno igitur ab incarnatione Domini *millesimo nonagesimo nono*, mense Iunio, septimā die mensis, nostrorum ante prædictam urbem castrametate sunt legiones: diciturque fuisse aduenientium numerus promiscui sexus, ætatis & conditionis, quasi ad quadraginta milia, inter quos expeditorum vix poterant esse viginti milia peditum; equites autem mille quingenti; reliqui autem omnes, aut inermes vulgus, aut valitudinarij & debiles. In Vrbe autem dicebantur esse virorum fortium & optimè armatorum quadraginta milia: conuenerat enim ex vicinis oppidis, & suburbanis adiacentibus in urbem maxima multitudo, tum ut à facie exercitus in urbem se conferentes, propriæ salutis consulerent; tum ut urbem regiam ab imminentibus protegerent periculis, eam armis & victualibus communientes. Postquam ad Urbem accesserunt, habito diligenti tractatu, unde facilius & commodius urbem possent impugnare, cum his qui locorum habebant peritiam, videntes quod neque ab Oriente, neque ab Austro propter vallium prædictarum profunditatem possent proficere, à Septentrione eam obsidere decreuerunt. Ab ea igitur porta, quæ hodie dicitur *Sancti Stephani*, quæ ad Aquilonem respicit, usque ad eam quæ *turri David* subiecta est, & ab eodem Rege cognominabatur, sicuti & turris quæ in parte eiusdem ciuitatis sita est Occidentali, nostri Principes castrametati sunt. In quorum ordine dominus Lotharingæ dux *Godefridus* primus fuit; 20 post eum, dominus *Flandrensiū Comes Robertus*; tertium verò locum dominus item *Robertus Normannorum Comes*: quartum verò locum circa turrem angularem, quæ ab eodem cognominata est, dominus *Tancredus*, & alii quidam nobiles obtinuerunt: ab eadem verò turri usque ad portam Occidentalem, *Comes Tolosanus* cum suo comitatu urbem obsedit: verum postea, tum propter turrem, quæ castris eius imminebat, prædictam portam quasi sub se positam potenter tuebatur; & propter vallem nihilominus quæ inter urbem & castra eius erat media, videns quod in ea parte urbem impugnando non multum posset proficere, de consilio quorundam prudentium, & qui locorum habebant peritiam, super montem in quo ciuitas ædificata est, inter urbem & *Ecclesiam*, quæ dicitur *Sion*, quæ ab vrbe distat quantum; 30 arcus semel potest iacere, in parte Septentrionali, castrorum partem transtulit; parte etiam ibidem, vbi prius fuerat derelicta. Hoc autem eā dicitur intentione fecisse, ut & facilius ad urbem expugnandam sui possent accedere, & prædictam Ecclesiam ab hostium iniuria tueri. Is enim locus erat, in quo Saluator cum discipulis cœnasse, & eorum lauisse pedes dicitur; ibidem etiam & Spiritus Sanctus super discipulos in linguis igneis die sancto Pentecostes descendisse: ibi etiam & piam DEI genitricem mortis soluisse debitum, veterum habent traditiones: vbi 40 etiam protomartyris Stephani sepulchrum usque hodie designatur. Locatis igitur, ut prædiximus, castris à porta Septentrionali, quæ vulgò dicitur *Sancti Stephani*, usque ad turrem angularem, quæ valli Iosaphat præminet, & inde usque ad 50 oppositum eiusdem ciuitatis angulum, qui super cliuum eiusdem vallis ab Australi situs est parte, & inde usque ad portam Australem, quæ hodie dicitur *montis Sion*, ciuitas remansit inobsessa, vix eius dimidium obsidione claudente. Quintā igitur die, postquam ante Urbem noster constitit exercitus, indictum est generaliter, & voce significatum præconiā, quatinus omnes vnanimiter à maiore usque ad minimum armis instructi, & protecti clypeis, ad urbem impugnandam se accingerēt: quod & factum est. Consurgentes enim omnes vnanimis, tantā circa partes vrbs obsessas irruerunt instantiā, tantaque curā & virtute continuantes congressum, ciues impugnabant, ut effractis antemuralibus, infra muros interiores eos se cum timore recipere compellerent, & de resistendo diffidere cogerentur: quod si illā die, in eo 50 urbem impugnandi feruore, scalas habuissent, aut ad occupanda micenia machinas apraissent, procul omni dubio ciuitatem sibi poterant vendicasse. Cumque à summo mane circa horam diei septimam in eo facto desudassent, videntes quod absque machinis non multum possent proficere, propositum ad tempus distulerunt, opus auctore Domino, consummatis machinis, felicius repetituri. Dumque circa id Principes plenā deliberarent sollicitudine, vbi apta instrumentis ligneis posset reperiri materia (nā adiacens vniuersa regio nullam huiusmodi videbatur opportunitatem ministra-

ministrare) caſu affuit quidam fidelis indigena, natione Syrus, qui in valles quaſdā ſecretiores, ſex aut ſeptem ab vrbe diſtantes miliaribus, quosdam de Principibus direxit, vbi arbores, etſi non ad conceptum opus aptas penitus, tamen ad aliquem modum proceras inuenerunt plures. Vbi habentes artifices & lignorum caſores, quantum ad opus prædictum neceſſarium videbatur, camelis & plauſtris impoſitis, ad vrbeſ detulerunt. Conuocatis ergo artificibus, & qui in huiuſmodi exercitio maiorem habebant peritiam, omnem operam adhibent & ſtudium indefeſſum, in ſecuri & aſcia, & in huiuſmodi omnimodo inſtrumentorum genere, ex ſubiecta materia, caſtella & machinas iaculatorias, quas *mangana* vel *petrarias* vocant, arietes
10 quoque ſimul & ſcrophas ad ſuffodiendum murum, certatim & ſummā contexunt diligentia. Dabatur autem artificibus, quibus propria non ſupperebant facultates, vt gratis operam poſſent impendere, merces, de ſymbolis quos populi offerebat deuotio. Nam nullius Principum ad hoc ſufficiebant copia, vt architectis poſſent miniſtrare ſalarium, excepto *comite Tolofano*, qui perpetuò plus cæteris abundabat. Ipſe enim de proprio ærario abſque collatione populi, ſuis artificibus impenſas miniſtrabat neceſſarias: ſed & multis nobilibus, quibus ſua deſecceſſerant viatica, ſtipendia miniſtrabat. Dumque ſic circa maiora negotia maiores Principes eſſent ſolliciti, alii nobiles & præclari viri erectis vexillis, populum educebant ad loca vbi aliquid fructuorum & ſyluæ humilis eſſe, per indigenas compererant: vt equis, aſinis,
20 & omnium iumentorum genere virgulta deferrent inde, & vimina, vt inde crates contexerentur, & maiora ſupplerentur opera. Feruebat igitur opus, & omniū inuigilabat ſtudium, nec erat in tanto populo deſes quiſpiam, aut qui ocio torpeſcere permitteretur: ſed quiſque aliquid muneris impendebatur, ſublata differentiâ, quid quæque ſecundū ſuam deceret conditionē. Quicquid enim vſui eſſe poterat, id totum tractare reputabatur honeſtum. Inſtabant operi ſimul in vñum diues & pauper, nec conditionis reputabatur imparitas, vbi par erat ſtudium, & in exequēdo opere feruor non diſſimilis. qui maior erat meritis, magis ſollicitus erat circa frequens miniſterium: qui verò inferior, ad aliquod tamen obſequium admittebatur. Pro nihilo reputabant quicquid in toto itinere pertulerant, niſi tanti laboris fructum liceret
30 capere, & vrbeſ introire, pro qua tot caſus ſuſtinuerant aduerſos: leue iudicabant quicquid mandari poterat, dum ad id tantummodo cooperari crederetur, vt voti compotes fieri mererentur. Interea ſiti fatigabatur exercitus vehementiſſimâ. Nam, vt prædiximus, locus ciuitati adiacens aridus eſt, & in aquoſus, riuos aut fontes, vel etiam puteos aquarum viuentium niſi remotos, non habens aliquos: eosque ipſos audito noſtrorum aduentu, vt locus ad continuandam obſidionem redderetur ineptior, iactu pulueris & modis aliis quibus poterant, oppilauerant, vniuerſos: ſed & cisternas & pluuiarum aquarum receptacula diſſipauerant, vt aquas non valerent cohibere; aut de malitia occultauerant, ne indigentibus & populo ſitienti, remedium miniſtrarent. Ciues tamen Bethleemitarum & qui apud The-
40 cuam prophetarum vrbeſ habitabant viri fideles, frequentes erant in exercitiis, quorum ducatu utebatur populus egrediens ad fontes, qui per quatuor vel quinque ab obſidione diſtabant miliaria: vnde cum difficultate nimia, inuicem ſe comprimentibus & vndas haurire prohibentibus, poſt moras longiſſimas, quas ſibi mutuis improbitatibus innectebant, aquas in ytribus deferrebant lutulentas, quarum hauſtu, quo vix ſitiens ſemel reſocillari poſſet anima, multo precio vendebatur. Sed & *Siloë* fons vrbi conterminus, de quo ſuprà fecimus mentionem, cum neque perpetuas aquas haberet, & eaſdem certo tempore funderet inſipidas, populo non poterat laboranti ſufficere. Augebat denique ſitis importunitatem, & angoris geminabat moleſtiâ, æſtatis inclementia & ardēs Iunius: labor quoque & excitatus pulvis,
50 oris & pectoris ariditatem prouocabat. Diſperſi ergo & ſeorſim egredientes, aquas diligenti perſcrutabantur indagine: & dum cum paucis ſe arbitrentur quæſitos inueniſſe latices, ſubitò ingens occurrebat turba, idem habens propoſitum: ita vt inuentis fontibus inter eos nonnunquam oriretur ſeditio; & dum mutiò ſe præpedirēt, plerunque ad pugnam veniretur. Qui tamen pedites erāt, hi ſibi quocunque modo aquis inuentis parcere vtentes, poterant procurare remedium: verum hi quibus equorum ingens erat numerus, cum difficultate maxima, ſitibundos equos per tria vel quatuor miliaria educentes, ad aquare poterant. Neglecta porro animalia,

& quibus domini sui prouidere non poterant, per campos lento gradu & deficientibus viribus vagantia, equi videlicet, muli, asini, sed & greges & armenta, siti & ariditate consumpta, in seipsis deficiebant, tabescentia; & liquefacta interiorius moriebantur: unde in castris fœtor erat maximus, & pestilens, & periculosa nimis aeris corruptela. Non videbatur in hac obsidione, improbæ sitis molestia minus populum fatigare, quam circa Antiochiam victus inopia macerauerat eundem. Porro victum & ad opus equorum pabula per adiacentia suburbana disquirentes, incaute dispersi, securè nimis per regionem vagabantur; unde cognitio eorum discursionibus, urbani per partes inobseffas clam egredientes, his talibus occurrebant aliquoties, multosque ex eis interficiebant, sæpius equos secum deducentes: nonnullos etiam plerunque faucios, fugâ lapsos, casus eripiebat prosperior. Imminuebatur diebus singulis nostrorum numerus; & ei quod *hesterna dies habere videbatur, sequens aliquid detrahebat*, dum casibus variis, quibus mortalis subiaceret infirmitas, penè quotidie multi deperirent: nec accederent aliunde, qui loca deficientium supplerent, vel officia. Hostium verò versâ vice augebatur vires, multiplicabantur auxilia, quæ per partes inobseffas liberum in urbem habebant introitum, & in nostrorum perniciem ciuibus adiungebantur. Cùm igitur circa construendas machinas, contexendas crates, scalas connectendas, vniuersus noster defudaret exercitus, & circa id plurimum sollicitaretur, ciues nihilominus, ut argumentis argumenta repellerent, omnem impendebant vigilantiam; & totâ curâ se erigebant, ut viam inuenirent, per quam possent resistere. Habentes itaque sufficientem lignorum & arborum procerarum materiam, quam cum multa diligentia ante nostrorum aduentum, ad urbem communiendam satis abundante cautelâ comportauerant, machinas interiorius nostris æquipollentes, sed meliore compactas materiâ, certatim erigebant: id toto studio procurantes, ne in huiusmodi instrumentorum genere, vel arte vel materiâ reperirentur inferiores: sed & continuas super murum & in turribus habentes excubias, vniuersa penè quæ fiebant in exercitu, maximè quæ ad huiusmodi instrumentorum spectabant artificia, diligentissimè considerantes, Maioribus pandebant ciuitatis, ut *arte amulâ & cuncta imitari sat agente*, ipsi nostrorum moliminibus ex æquo responderent: eratque satis facile. Nam & artificium & instrumentorum fabrilium, ferri quoque & æris & funium & cæterorum, quæ ad huiusmodi solent esse necessaria, multo maiores habebant intus, quam nostri deforis copias: nec solum in eo ciues, edicto publico, compellebantur laborare, verum etiam fidelibus qui cum eis habitabant, seruilem & extremam conditionem sustinentibus, angarias infligebant insolitas, & grauibus affligebant parangariis. Nec solum præstationibus eos macerebant violentis; verum ad vincula trahebant & carceres, suspectos eos habentes tanquam nostris fauerent, & eis statum & secreta referarent ciuitatis: nec erat de fidelium numero ausus quispiam murum ascendere, aut comparere in publico, nisi aliquibus onustus necessariis, quasi iumentum traheretur: hi enim cogebantur & onera portare; & qui alicuius artificii habebat experientiam, operas compellebantur impendere fabriles. Ad leuem etiam cuiuslibet delatoris calumniam, rapiebantur ad supplicia: & eos qui ex vicinis oppidis & finitimis ciuitatibus se in urbem contulerant, hospitio cogebantur recipere, & eis ministrare necessaria: cumque domesticis & familiaribus, eorum substantia ad victum tenuem & miserum non sufficeret, angariabantur tamen exteris bona communicare sua, ita ut ipsi indigerent primi. Ad hoc, etsi ad opera publica aliquid erat necessarium, primum ante omnia fidelium domus effringebantur, ut si in eis tale quid reperiretur, violenter extorqueretur ab eo cuius erat domicilium. Vocati porro quocunque loco vel tempore, siue nocte siue interdiu, siue quocumque ex casu moram innecterent, ut primam citationem sine temporis intervallo minus sequerentur, rapiebantur ignominiosè per barbam & capillum, ita ut etiam hostium eorum misera conditio posset lachrymas excitare: miseriarum denique & laborum ponderis immensi, neque numerus erat, neque finis. Unde & supra modum fatigati, in supremum iam deuenerant defectum: ita ut magis mori optarent in Domino, quam vitam continuare temporalem: vita enim eorum miserabilis nimium distabat a morte, cùm nec sumendæ refectioi semel in die tempus indulgeretur, nec sopori necessario vel ad modicum requies præstaretur: quicquid sinistri accidebat, id illis

VIII.

id illis imputabatur totum : non erat illis à propriis penatibus in publicū exitus, aut introitus in propria, à suspicione liber : quorumlibet patebāt calumniis, & cuilibet dabatur ad eorum accusationem locus. Interea dum hæc circa Hierosolymam in obsidione geruntur, affuit nuncius qui naues *Ianuenſium* in portu Ioppenſi applicuisse nunciaret, petens à Principibus, vt de exercitu aliqua dirigeretur militia, cuius ducatu & viribus ii, qui appulerant, ad urbem possent accedere. Est autem *Ioppe* ciuitas maritima, de qua Solinus in xxxix. de Memorabilibus mundi capitulo, sic ait: *Ioppe oppidum antiquissimum orbe toto, utpote ante terrarum inundationem conditum. Id oppidum saxum ostendit, quod vinculorum Andromeda vestigia adhuc retinet, quam expositam bellue non irritus rumor circumtulit. Quippe ossa monstri illius M. Scaurus inter alia miracula, in adilitate sua Romæ publicauit. Annalibus nota res est. Mensura quoque veracibus libris continentur, scilicet, quod costarum longitudo exceſſerit pedes quadraginta, sublimitas autem elephantis Indicis eminentior fuerit: porro verticuli spinæ ipsius, latitudine semipedē sunt supergressi.* Id ipsum & Hieronymus in epitaphio sanctæ Paulæ testatur his verbis: *Viſit & Ioppen, fugientis portum Iona: & ut aliquid perstringam de fabulis Poëtarum, religata ad saxum Andromeda spectatricem.* Accidit autem, vt iuxta eorum postulationem, de communi consilio, dominus *Comes Tolosanus*, qui cæteris ampliùs abundabat, quendam nobilem de suo comitatu, cui nomen *Galdemarus*, cognomento *Carpinelle*, cum triginta equitibus, & peditibus quinquaginta illuc dirigeret: qui postquam profecti sunt, videntes Principes, quòd qui missi erant, ad tantum onus non sufficerēt, iterum eundem Comitem rogauerunt, vt illuc dirigeret plures: qui eorum monitis acquiescens, viros egregios & insignes, *Raymundum Pelet*, & *Vilelmum de Sabran*, cum quinquaginta equitibus post eos qui priùs egressi fuerant, iterum ad opus prædictum destinauit. *Galdemaro* verò, qui priùs egressus fuerat, postquam in campeſtria, quæ circa *Liddam* & *Ramulam* sunt, descenderat, occurrerunt hostiū sexcenti: qui in eos prouinus irruentes, de eius equitibus interemerunt quatuor, & de peditibus multò plures: dumque nostri quocunque modo resisterent, & se, licet pauci essent, ad conflictum hortarentur mutuò, accidit vt qui subsequerentur prædicti duo nobiles viri, cum omni celeritate adessent, & antequam eorum dissolueretur congressus prædicto se inferrent negotio: vnde factum est, vt coniunctis nostris adinuicem, affuerit virtus diuina, & hostibus insistentes, cæsis ex eorum numero ducentis, reliquos in fugam adegerunt. Ceciderunt tamen in eo conflictu viri nobiles *Gillebertus de Treua*, & *Aiscardus de Montmerla*: quorum casus postquam innotuit nostris expeditionibus, non mediocrem intulit mœſtitiā. Nostri verò palmā sibi concessā diuinitus, Ioppen iuxta eorum propositum, perueniunt incolumes: vbi à prædictis nautis cum ingenti suscepti lætitiā, mutuā caritate & gratis confabulationibus recreati sunt adinuicem. Dumque ibi moram facerent aliquam, quousque illi qui in nauibus aduenerant, sarcinas composuissent, & se aptassent ad iter, subito & de nocte, *Ægyptiorum* classis, quæ apud *Ascalonam* deliteſcebat, nocendi locum operiens, circa eandem urbem affuit: quod cum nostris comperit, est, ad mare accedentes, naues priùs tentauerunt ab hostium insidiis protegere: sed cognoscentes postmodum, quòd eorum multitudini non valerēt resistere, sumptis velis & funibus & cæteris earum armamentis, & cum omni suppellectili sua egressi, in præsidium loci se contulerunt. Vna autem ex eis, quæ prædatum abierat, dum onusta spoliis in locum rediret eundem, cognoscentes quia classis hostium portum Ioppenſem occupauerat, flatibus acta prosperis *Laodiciam* peruenit. Erat autem *Ioppe* per idem tempus versa in solitudinem, & habitatoribus vacua: eius enim ciues modico ante nostrorum aduentum tempore, de eius munimine diffidentes, locum deseruerant; nostri verò non nisi arcem tantum conseruabant. Rebus igitur compositis ad iter succincti, præuia militia quæ ad eum vsum descenderat, vt eius ducatum impenderet, cum omni substantia sua Hierosolymam profecti sunt: vbi à legionibus gaudenter excepti, maximam castris consolationem attulerunt. Erant enim viri prudentes, & nautarum more architectoriæ habētes artis peritiā, in cædendis, dolandis, & copulandis trabibus, erigēdisque machinis, expeditissimi. Sed & alia multa, his qui in expeditione erant modis omnibus profutura, secum attulerant argumenta: ita vt quod ante eorum aduentum, vix & cum difficultate sperabatur effectui posse mæcipari, per eorum operam facile compleretur.

x.

At verò qui expeditione remanserant, cœpto fideliter instantes operi, & in erigendarum studio machinarum se totâ diligentia continuantes, opus iam ex parte maxima peregerant. *Dux enim & duo Comites*, Normannorum videlicet & Flandrensis, quendam egregium & magnificum virum, dominum videlicet *Gastonem de Beart*, operi præfecerunt; & super artifices ne se haberent negligentius circa propositum, curam eum rogauerant impendere diligentem. Ipse verò egrediebantur sapius populum educentes in manu forti, ut ligna caderent, & cæsa ad opus ædificiorum comportarent. Alii verò virgulta, frutices, & vimina, & minorum ramos arborum cædentes, ut ex eis crates fierent, ex quibus machinæ operirentur exterius, certatim congerebant: alii animalium tam occisorum, quam præ sitis ariditate deficientium detrahebant coria, mundorum siue immundorum indifferenter, ut ex eis super crates protegerentur machinæ, ne fortè ab hostibus ignis immissus ædificia posset consumere. Nec solum circa partem Septentrionalem Ducis studio, & prædictorum Comitum duorum opus ita feruebat, verum etiam & à turri angulari usque ad portam Occidentalem, quæ est sub arce David, dominus *Tancredus*, & alii nobiles plurimi, qui in ea parte castra locauerant, non inferiore sollicitudine eidem instabant operi, curam impendentes diligentissimam. Sed in parte Australi domini *Comitis Tolosani* exercitus, & cuncta familia, indefesso studio, & cum omni diligentia circa idem sollicitabatur negotium: eoque feruentius, quò & ditior erat, & maiores ei de nouo tam hominum quam rerum necessariarum accesserant copiarum: 10 quotquot enim de nauibus aduenerant, eius se adiunxerant castris, & suppellectilem intrulerant ad opus ædificiorum valde necessariam. Funes enim & malleos & alia instrumenta ferrea secum habentes; sed & optimos artifices qui in construendis erigendisq; machinis, ut prædiximus, multam habebant experientiam, ad consummationem operis plurima præstiterunt compendia. Præerat autem Ianuensis qui aduenerant, quidam nobilis *Wilhelmus* nomine, cognomento *Ebriacus*, cuius in operis artificio, multa pollebat industria. Cumque iam per quatuor hebdomadas circa id vniuersus desudasset exercitus, multo labore ad consummationem iam peruenerat negotium. Vnde & communicato consilio, Principes urbis oppugnationi diem præfixerant; sed quia inter dominum *Tolosanum* Comitem, & do- 30 minum *Tancredum* grauis intercesserat similtas, & inter ceteros etiam nonnullos, ex causis quibusdam exortæ erant inimicitia, placuit episcopis, Principibus quoque, & vniuerso populo, ut prius reformatâ inter eos plenius caritate, diuinum sinceris mentibus implorare possent auxilium. Die igitur statuta, de publico decreto indictæ sunt vniuerso populo Letania, & assumptis crucibus & Sanctorum patrociniis, episcopi & clerus vniuersus induti sacerdotalibus & leuiticis indumentis, nudis pedibus & cum multa deuotione populum subsequentes, usque ad montem *Oliueti* præcesserunt. Vbi vir venerabilis *Petrus Heremita*, & *Arnulphus Comitis Normannorum* familiaris, vir literatus, exhortationis sermonem habentes ad populum, in quantum poterant ad longanimitatem animabant. Est autem *mons Oliueti* 40 urbi ab Oriente oppositus, ab vrbe quasi miliario distans, *valle Iosaphat* interiectâ:

xi.

Act. 1, 12.

vnde est, quod à beato Luca dicitur: *Ab Hierosolymis iter habens Sabbathi*: Vnde & Saluator noster, cernentibus discipulis, quadragesimo resurrectionis suæ die est eleuatus in cœlum, & nubes suscepit eum ex oculis eorum. Ad quem locum cum peruenisset plebs fidelis, in spiritu humilitatis & in animo contrito, implorato cum gemitu & lachrymis de supernis auxilio, reconciliatis ad inuicem Principibus predictis, & omni populo in mutuam caritatem reuocato, de monte descendentes, ad ecclesiam montis *Sion*, quæ in Australem eiusdem ciuitatis partem, secus urbem, ut prædiximus, in montis fastigio sita est, ascenderunt. Ciues autem in turribus & muro positi admirantes, quid sibi vellent huiusmodi populi circuitus, arcubus & balistis 50 tela in turmas iaculabantur: vnde nonnulli ex nostris, incautius se habentes, vulnera susceperunt. Sed & cruce in nostrorum opprobrium & contumeliam, quas super murum locauerant, sputis & aliis immundis actionibus ignominiosè tractantes, in Dominum nostrum IESVM CHRISTVM, & eius salutiferam doctrinam conuicia, & verba blasphemiae impudenter congerebant. Populus tamen cum omni deuotione votum prosequens, irâ succensus, qualem sacrilegii dolor poterat ministrare, ad prædictam peruenit ecclesiam. Vbi completis iterum orationibus,

nibus, & indictâ die qua urbē vnanimiter impugnarent, circumdatâ vrbe, in castra reuerſi ſunt. Si quid autem operis conſummationi deerat, cum multa celeritate id maturari præcipitur, ne quid impedimēti ex aliqua imperfectione, urbē impugnare volentibus, occurreret. Adueniente igitur die ad impugnandâ urbem præfixâ, câ nocte quæ diem proximâ præcedebat, *Dux* & duo ſapēdicti *maiores Comites*, videntes quòd ea pars ciuitatis quam ipſi obſederant, à ciuibus eſſet machinis, armis, & viris fortibus maximè communita, eoquē fortiùs quo magis ex ea parte timendum arbitrabantur; & quòd in ea parte die ſequenti, ob loci munimen, non multum ſperarent ſe poſſe proficere, mirabili prouidentia & ſtupēdo labore machinas & caſtellum antequam connecterētur ad inuicem membra, ad eam regionem, quæ eſt inter portam S. Stephani, & turrem angulārē, quæ à Septentrione ſuper vallem Iofaphat poſita eſt, particulatim tranſtulerunt, caſtris etiâ illuc delatis. Videbatur enim eis, & verè ſic erat, quòd quia ex illa parte ciuitas remanſerat inobſeſſa, idcirco & à ciuibus minore diligentia ſeruaretur: factumq; eſt, vt translata machine, continuatis totâ nocte vigiliis, ante Solis exortum cum multo labore cōpactæ ſunt, & congruis ſtationibus collocatæ. Sed & caſtellū in ea parte, qua murus videbatur humilior, & deſoris planior & cōmodior acceſſus, mœnibus ita eſt applicatū, vt qui erāt in turribus, & qui in machina penè poſſe pugnare cōminus viderētur: nec fuit ſanè labor modicus. Nā penè per dimidiū miliare ab eo loco, in quo prius caſtra locauerāt, prædicta tranſtulerant inſtrumenta, & ibidē ea antequā Sol exoriretur, cōpactis adinuicem mēbris, erexerant. Sole autē exorto, accedentes ad murū ciues, vt quid extra molirentur noſtri conſpicerent, partē caſtrorum, & omnē apparatū bellicū, qui heri & nudiuſtertius ibi viſus fuerat, abeſſe cum ſtupore admirati ſunt, & circūſpicientes cum diligentia adiacentem regionē, & muri ambitū perlustrantes, cognouerūt caſtra Ducis translata eſſe, & erectas in parte, quā prædiximus, machinas ſpeculati ſunt. Eadē quoq; nocte, & circa alias vbis partes, prout in diuerſis, (vt prædiximus) locis caſtra poſuerant, vigilias & laborē continuantes, machinas ſuas erexerant: Nam penè eodē momento, & *Comes Toſolanus* caſtellū, quod cum multo ſtudio fabricauerat, inter prædictâ eccleſiâ mōtis Sion & urbē, muro applicauerat: & reliqui Principes qui ſecus *turrim* angulārē, quæ hodie *Tancredi* dicitur, eadē diligentia & pari laboris pōdere, eiufdē penè altitudinis & ſoliditatis ligneam turrim iuxta murū locauerant. Erat autē par prædictarū machinarum effectus, & non diſſimile artificium: cum enim quadrilatera eſſent ædificia, latus quod urbi erat oppoſitum, duplici erat texturâ munitū, & exterior arte quadā deponi poterat, ita vt muro ſuperpoſitum, vicem pontis introire volentibus poſſet exhibere. Nec tamen ex ea parte immunita erat machina: ſed quod ſuberat, anteriore depoſito, caſtellum non minus quàm latera reliqua communiebat. Adoleſcente igitur die, iuxta con-

dictum ad urbem impugnandam affuit noſtrorum vniuerſa armis accincta multitudo, omnes vnum & idem habentes propoſitum, aut animas pro CHRISTO depugnare, aut Urbem Chriſtianæ reſtituere libertati. Non erat in tanto populo ſenex aut valitudinarius aut ætate minor, quem non moueret zelus, & deuotionis feruor non accenderet ad pugnam: ſed & mulieres oblitæ ſexus, & inolitæ fragilitatis immemores, tractantes virilia, ſupra vires, armorum vſum apprehēdere præſumebant. Accedentes igitur ad pugnam vnanimis, præparatas machinas muro nitebantur propiùs adiungere, vt faciliùs eos qui à turribus & muro reſiſtebant, animoſius poſſent impugnare. At verò ciues propoſitum habētes aduerſantibus omnino reſiſtere, telorū ictu, ſagittarum immiſſione innumerabilium, contorſione lapidum, tam de manibus emiſſarum, quàm qui ex machinis iaculatoriis cum horrēdo impetu torquebantur, noſtros ab acceſſu muti propellere ſatagebant. Noſtri verò nihilo ſegniùs protecti clypeis, & obiectis cratibus, tam arcubus quàm balis tis tela immittentes frequentia, & pugillaria contorquentes ſaxa, ad murum accedere nitebantur imperterriti, hiſ qui in turribus erant requiē denegantes, & reſiſtendi audaciam. Alii verò infra machinas conſtituti, aut caſtellum contis promouere nitebantur, aut iaculatoriis molares maximos ad mœnia dirigentes, ipſa, collifione frequenti & ictibus continuis, debilitare, & ad caſum impellere nitebantur. Alii verò minoribus tormentis, quæ *mangana* vocantur, minores immittendo lapides, eos qui erāt in propugnaculis à noſtrorū inſeſtatione compeſcere ſatagebant. Verum neq;

hi, qui ad promouendum castrum dabant operam, iuxta votum satis poterant proficere, cum vallum ingens & profundum quod antemurali erat suppositum, accessum machinæ plurimum impediret; nec qui tormentis mœnia perforare nitebantur, satis eorum labor proderat: Nam ciues à propugnaculis, stramine plenos & paleâ saccos suspenderant, restes quoque & tapetia, trabes ingentis magnitudinis, & culcitras resectas bombice, à turribus & muro aliquantulum dimiserant, ut per eorum molliciem & mobilitatem, contortorum molarium ictus eluderent, & laborantium euacuarent conatum. Præterea & ipsi interiùs machinas erexerant nostris multo plures, quibus sagittando & immittendo lapides, nostros ab opere deterrebant incepto. Instantibus igitur totâ animositate hincinde partibus & omni decertantibus conatu, horrendus & supra hominum opinionem, proteruius à mane usque ad vesperam se continuauit conflictus, & congressio pertinax, ita ut instar grandinis super vtrumque populum telorum & sagittarum descenderet multitudo, & emissi cautes in ipso aëre mutuo se colliderent, & causas mortis varias & multiplices irrogarent pugnantibus. Porro par labor & idem periculum erat, tam iis, qui sub *Duce*, quam qui sub *Tolosano*, & sub aliis etiam militabant Principibus. Nam in locis tribus, ut præmissum est, pari studio & feruore non dissimili ciuitas impugnabatur. Nostri verò ut vallum iactu ruderum, lapidum quoque & terræ implere possent; & iter dirigere, ut procedere possent machinæ, cura erat propensior. Ciuibus è conuerso, ut eorum impedirent propositum, labor erat præcipuus, & magis vrgens sollicitudo. Vnde & his qui ad prædictum opus accingebantur, quantâ poterant resistebant instantiâ; & in ipsas machinas, torres incensos, tela ignita sulphure, pice, pasta & oleo, & iis quæ incendio solent fomitem ministrare, ut eas exurerent, certatim iaculabantur. Præterea & ingentium quæ intus parauerant tormentorum ictus in castella nostra tantâ dirigebant arte, ut machinarum penè crura confringerent, perforarent latera, & eos qui in cœnaculis, ut inde urbem impugnarent, ascenderant, penè ad terram deiicerent attonitos. Nostri verò iniectis ignibus occurrentes, aquas desuper fundebant copiosius, ut incendiorum comprimerent importunitatem.

xiv.

Hunc igitur tam periculosum procacemque nimis, & adhuc ancipitem vtriusque partis conflictum, nox diremit interueniens. Et licet corpora qualem qualem per noctis intempestum viderentur habere requiem, animi tamen curâ immoderatâ peruiigiles, nihilo remissiùs laborabant. Fatigabantur interiùs mordaci mentes sollicitudine, & propositi memores æstuabant, lucem expectantes audivissimè, ut iterum redirent ad certamen, & præliorum experirentur fortunam; spem habentes in Domino, quòd palmam & meliorem essent reportaturi calculum. Angebantur tamen plurimum, timentes ne clam in eorum machinas hostes quocunque pacto procurarent incendia: vnde continuas exegerunt vigilias, noctem illam penitus trahentes insomnem. Ciues autem nihilominus curis torquebantur edacibus, formidantes plurimum, ne quos pridie tantâ viderant proteruitate instantes, sumptâ occasione ex noctis intempestæ silentio, effracto muro, vel scalis adhibitis, clam urbem ingrederentur. Vnde sollicitudine non pigri, & diligenti vigilantia, tanquam quibus res erat pro capite, feruentes, totâ nocte muri circumibat peribolon, præfectis vigilum in singulis turribus constitutis. Præterea & qui maiores erant natu, & quibus reipublicæ erat cura propensior, plateas ciuitatis circuibant, alios admonentes, *pro vxoribus & liberis, pro rebus domesticis, & statu publico se exhiberent peruiigiles; portas & vicos perlustrarent, ne qua hostium via pateret in insidiis.* His igitur curis pars angebatur vtraque, nec quietis locum sollicitudo peruiigil patiebatur adesse. Deterius erat partibus cessante conflictu, animis æstuantibus,

xv.

nec habentibus requiem, quam pridie fuerat, dum in prælio desudaretur. Nocte igitur circa diem procliuiore, cum iam aspirâtis diei aurora nunciaret exortum, excitus est cum omni auuiditate populus iterum ad certamen. Reuertebatur porro quisque ad officium, cui hesternâ die fuerat deputatus. Quidam enim infra machinas positi iaculatorias, ingentis molares magnitudinis, & soliditatis exquisitæ, in mœnia contorquebant: alii in castello inferiùs positi, ad ipsum promouendum tam arte quam viribus operam dabant omnimodam: alii in supremo constituti cœnaculo, arcubus & balistis, & quolibet missilium genere eos qui erant in turribus laceffentes, quanto poterant studio, & indefessâ instantiâ, ut nec manum auderent

derent exerere, infra propugnacula coercebant: Alii verò, vt vallo complanato, & effracto antemurali, castellum mœnibus propius posset applicari, omnem adhibebant sollicitudinem. Alii porrò, quorū erat turba plurima, sagittis & iactu lapidū ciues arcebant à propugnaculis, ne per eos his qui in producenda machina desudabant, ministraretur impedimentum. Ciues autem, quò maiorem nostrorum videbant instantiā, eò diligentius in cōtraria se attollebant argumēta, vt & vim viribus, & artem simili repellerent artificio. Nam & impugnantibus æquipollenter tela remittebant & lapides; & his qui castellū promouere satagebant, admirabili strenuitate præstabant impedimentum. Et vt semel omnium nostrorū eluderent molimina, ignē incessanter in ollis fragilibus, & quibuscunque modis poterāt, cum sulphure, & pice, aruina, & adipe, stupa, cæra, lignis aridis, & stipula, & quæcunque solent incendium irritare, & ignibus ministrare fomitem, iaculabantur. Fiebat igitur in vtroque populo strages maxima, & de vtraque classe, variis casibus & euentibus inopinatis plurimi sternebantur. Alii enim machinarū iactu in frustra conterebantur munitissima: alii trans loricas & clypeos, sagittis & telorum multiplicitate confossi, subito deficiebant corruentes: alii pugillaribus, manu missis vel funda, cautibus elisi, aut moriebātur protinus; aut attritis membris, per multos dies, aut in perpetuum reddebantur inutiles. Nec tamen his omnibus periculis ab opere deterrebantur incepto, nec congregiendi feruor his omnibus in eis poterat mitigari: nec erat facile

discernere, vter cū maiore studio decertaret populus. Sed nec silentio prætereundum credimus, quod eadem die relatione dignum dicitur accidisse. Erat sane nostris exterius vna inter ceteras machina, quæ saxa miri pōderis in urbem multā violentiā, & impetu immittebat horribili, quæ stragem in populo ciuium operabatur multiplicem: contra quam cū nullā arte possent proficere, duas adduxerunt maleficas, vt eam fascinarent, & magicis carminibus redderent impotētem: quæ dum suis præstigiis instarent super murum, & incantationibus, repenti ex eadem machina molaris immissus, vtramq; illarum cum tribus puellis, quæ illarum gressum fuerant comitatæ, obtruiuit, & excussis animabus, de muro inferius deiecit exanimis: Vnde in castris factus est plausus, & ingens exultatio; ciuibus autem ingens exaduerso accreuit mœstitia.

Cū igitur vsque in horam diei septimam, sine certa

viçtoria anceps & dubium satis protractum esset negotium, desperantes nostri, & immensitate laboris defatigati supra vires, cœperunt instare remissiùs: ita vt iā propositum haberent castellum continuis penè ictibus confractum, & alias machinas igne recepto iam fumantes, reducere pusillum, & conflictum vsque in diē differre crastinam: & iam paulatim diffidens dilabebatur populus, animis penè dissolutis, & hostibus insultantibus & prouocantibus vltro ad prælia nimis procaciter & amplius solito: cū ecce adfuit virtus Diuina, quæ rebus desperatis necessariā, & pro votis fidelium intulit cōsolationem. Nam de monte Oliueti miles quidam, qui tamen postea non comparuit, splendidum & refulgentem ventilando clypeum, signum

dabat nostris legionibus, vt redirent in idipsum, & congressionem iterarent. Quo signo exhilaratus animo dux *Godofridus*, qui cum fratre suo *Eustachio*, in superiori castelli nostri cœnaculo ad urbem impugnandam, & ad cautius tuendum ædificium erat constitutus, populum & Maiores cœpit ingentibus reuocare clamoribus. Factumque est, præuiā Domini misericordiā, quòd vniuersus cum exultatione ad pugnam reuersus est populus, cum tanto feruore, vt tanquam viribus integris de nouo videretur incipere prælium. Denique qui prius aut fessi, aut læsi vulneribus, operā subtraxerant, nunc receptis animis, & viribus geminatis vltro se offerebant, instantes animosius. Porro Principes, & qui columnæ videbātur exercitus, hi alios præcedebant, & suo exemplo reddebant animosiores. Sed & mulieres, ne tanti expertes laboris esse viderentur, viris in agone desudantibus, potum, ne deficerēt, ministrabant in vasculis, & verbis efficacibus eos ad certamen animabant. Porro tāta erat in castris lætitia, vt iam quasi certi de viçtoria, infra horæ spaciū vallo complanato, & effracto antemurali, castellum muro violenter applicarent. Ciues autem, vt prædiximus, trabes proceræ longitudinis, & soliditatis multæ à muro suspenderant, vt machinarū ictus eliderent, quarum duas nostri qui erant in castello, præcisus funibus, quibus erant religatæ, deiecerunt in terram: quas, qui erant inferius, cum multo periculo suscipientes, infra machinam detulerunt, easque demū ponti,

XVII.

quem statim, ut dicitur in sequentibus, de castello super murum erexerunt, ad maiorem subiecerunt soliditatem. Ex fragilibus enim pons contextus erat lignis: nec nisi horum subiecto adminiculo, populum transeuntem sustinere potuisset. Interea verò, dum hæc in Septentrionali plaga tanto studio tractarentur, *Comes Tolosanus*, & qui cum eo erant in parte Australi, quantâ poterant instantiâ, eodem zelo feruentes, urbem impugnabant: completoq; vallo, circa quod opus per continuum desudauerant triduum, castellum in manu forti, iuxta murum locauerant, ita ut qui in turribus erant & in machina, penè possent se muro lanceis vulnerare. Erat ergo par utrobique populi feruor, & instantia non dissimilis; eoq; diligentius instabant operi, quod ea esset dies, quâ quidâ CHRISTI seruus, qui in mōte Oliueti habitabat, confidēter promiserat urbē esse capiendā. Sed & signū, quod & ipsi agitati clypei ab eodē monte Oliueti viderant, eos vehementer accenderat & reddiderat de obtinenda victoria securiores. Videbatur porrò vtriusque exercitus aquis passibus procedere negotiū, tanquā quod ab eodē auctore pari diligentia procurabatur, qui mercede condignâ, seruorum suorum deuotionem remunerare decreuerat. Tempus enim erat, ut tanti laboris fructum, & militiæ fideliter exhibitæ stipendia reportarent.

XVIII.

Igitur *Ducis* & *Comitum* legiones, quæ ut prædiximus, in parte Septentrionali urbem impugnabant, eousque opitulante Domino profecerāt, quod hostibus defatigatis, & iam resistere non valentibus, effractis antemuralibus, & vallo penitus complanato, ad murum impunè poterant accedere, rarò audentibus aduersariis eis per cancellos aliquid irrogare iniuriæ. Qui verò in castello erant, hortante Duce, in culcitram bombice plenam, & saccos plenos stramine ignem iniecerant, qui flante Boreâ accēsus, fumum infra urbem intorquebat caliginosum: quo instante proteruius, qui murum defendere tenebantur, ora vel oculos non valentes aperire, stupidi & fumidę caliginis turbati voragine, muri deseruere custodiā. Quo cognito Dux, sub omni celeritate trabes, quas ab hostibus, eripuerant, sursum ferri præcepit, quibus ex vna parte in machina, ex altera super murū locatis, latus castelli quod moueri poterat, deponi præcepit: quo super trabes prædictas collocato, vicem pontis præbuit congruâ soliditate subnixum. Sic ergo quod hostes pro se introduxerāt, in eorum versum est læsionem. Ponte igitur sic ordinato, primus omnium vir inclytus & illustris *Dux Godefridus*, reliquos ut subsequatur exhortans, cum fratre suo *Eustachio* urbem ingressus est: quem continuo subsequuti sunt *Ludolfus* & *Gislebertus* vterini fratres, viri nobiles, & perpete digni memoriâ, ortum habentes de ciuitate Tornaco; consequenter verò infinita tam equitum quàm peditum manus: ita ut nec machina, nec pons prædictus plures posset sustinere. Videntes ergo hostes, quòd nostri murum iam occupauerant, & Dux suum iam introduxerat exercitum, turres deserunt & mœnia, ad vicorum angustias se conferentes. Porro nostri videntes, quòd Dux, & maxima pars nobilium turres sibi vindicauerant, iam non expectato per machinam ascensu, scalas certatim ad murum applicant, quorum illis maxima erat copia: nam bini & bini equites ex edicto publico singulas sibi præparauerant, per quas ascendentes vnanimiter, aliis qui supra murum erant, Ducis mandatum præstolantes, se adiungebant. Ingressi sanè statim post Ducem sunt, *Flandrensum comes*, & *dux Normannorum*; vir strenuus, & per omnia commendabilis, dominus *Tancredus*, *Hugo senior*, *Comes de sancto Paulo*, *Baldunus de Burgo*, *Gasto de Beart*, *Gastus de Beders*, *Girardus de Rosseillon*, *Thomas de Feria*, *Conanus Brito*, *Comes Raimboldus* de ciuitate Oringis, *Ludouicus de Morson*, *Conon de Monte acuto*, & *Lambertus* filius eius, & alii plures, quorum numerum & nomina non tenemus. Quos omnes, postquam Dux cognouit se infra urbem recepisse incolumes, quosdam ex eis ad portam Septentrionalem, quæ hodie dicitur *Sancti Stephani*, cum honesto dirigit comitatu, ut portam aperiant, & populum introducant, de foris expectantem: quâ sub omni celeritate referatâ, ingressus est passim, & sine delectu vniuersus exercitus. Erat autem feria sexta, & hora nona. Videturque procuratum diuinitus, ut quâ die & quâ horâ pro mundi salute in eadem vrbe passus est Dominus, eadem & pro Saluatoris gloria fidelis decertans populus, desiderii sui felicem impetraret consummationem. Eadem enim die & primus homo conditus & secundus pro primi salute morti traditus esse dicitur. Vnde & decuit, ut eius membra & imitatores, in ipsius nomine de hostibus eiusdem triumpharent.

Porro

Porro *Dux* & qui cum eo erant per vicos ciuitatis & plateas, strictis gladiis, clypeis tecti & galeis, iuncto agmine discurrentes, quotquot de hostibus reperire poterant, etati non parcentes, aut conditioni, in ore gladii indifferenter prosternebant. Tantaq; erat vbique interemptorum strages, & præcisorum aceruus capitum, vt iam nemini via pateret aut transitus, nisi per funera defunctorum. Iamque penè ad vr-
 10 bis medium diuersis itineribus stragem operâtes innumeram, nostri Principes per-
 uenerant; & subsequens populi infinita multitudo, infidelium cruorem sitiens, & ad cædem omnino procliuus: cum *Comes* adhuc *Tolosanus* & Principes alii, qui cum eo erant, circa montem Sion decertantes, urbem captam, & nostrorum victoriam
 20 *Tolosanus Comes*, & *Ysoardus Comes Diensis*, *Raimundus Pelez*, *Vilhelmus de Sabran*, *Episcopus Albariensis*, & alii multi nobiles, quorum numerum vel nomina nulla nobis tradit historia. Hi omnes vnanimiter, iunctis agminibus, ad vnguem armati, per mediam urbem discurrentes, stragem operati sunt horrendâ: nam qui Ducem & suos effugerant, putantes se mortem quocunq; modo declinasse, si ad alias se conferrent fugiendo partes, hos sibi habentes obuiam, occumbebant periculosius: & Scyllam euitantes, incurrebant Charybdim. Tanta autem per urbem erat strages hostium, tantaq; sanguinis effusio, vt etiam victoribus posset tædium & horrorem ingerere.

Confugerat porro in atrium Templi populi pars maxima, eò quod locus in
 parte vrbs esse videretur secretior, muro quoque & turribus, & portis validioribus
 30 apprimè communitus: verum eis nihil fuga talis contulit ad salutem. Nam statim cum parte maxima exercitus vniuersi, illuc dominus *Tancredus* se contulit, & Templum violenter ingressus, post stragem innumeram, infinitas auri & argenti, & gemmarum copias inde secum dicitur abstulisse: quæ tamen postmodum, sedato tumultu, restituisse creditur in integrum. Porro reliqui Principes, interemptis his, quos sibi per reliquas vrbs partes repererant obuiam, audientes quod infra septa Templi populus fugiens se contulerat, illuc descendunt vnanimiter, & intromissâ tam equitum quam peditum multitudine, quotquot ibi reperiunt, nemini parcere obtruncant gladiis, sanguine replentes vniuersa: iustoque DEI iudicio id certum est accidisse, vt qui superstitionis ritibus Domini sanctuarium prophanauerant, & fidelibus popu-
 40 lis reddiderant alienum, id proprii cruoris lueret dispendio, & morte interueniente piaculare soluerent flagitium. Horror erat denique cæcorum intueri multitudinem, & humanorum artuum passim fragmenta cospicere, & effusi sanguinis aspergine cunctâ redundare superficiem. Nec solum defunctorum corpora membris posterioribus lacera & abscisis mutilata capitibus, intuentibus erat angustia; verum & ipsos victores à planta pedis usque ad verticem cruore madentes periculosum erat conspicere, & horrorem quendam inferebant occurrentibus. Cecidisse dicuntur infra Templi ambitum ex hostibus ad decem millia, exceptis aliis qui passim per urbem obtruncati, vicos replebant & plateas, quorum non minor dicebatur esse numerus. At verò exercitus pars reliqua per Urbem discurrens, per angustias & viarum diuerticulâ latentes miseros, & mortis periculum declinare cupientes, pecudum more raptos in publicum, detruncabant. Alii diuisi per manipulos ingrediebantur domicilia, raptumque patremfamilias cum vxoribus & liberis, & vniuersa familia, aut gladiis transuerberabant, aut de locis superioribus in terram dabant præcipites, ita vt contractis ceruicibus interirent: quam verò quisque domum effregerat, eam sibi cum vniuersa eius substantia iure perpetuo vendicabat: id enim prius ante urbem captam inter eos conuenerat, vt vrbe violenter impugnatâ, quod sibi quisque acquireret, id iure proprietatis sine molestia possideret in perpetuum. Vnde urbem perlustrant

XXI.

res diligentius, & stragi ciuium proteruius instantes, vrbis diuerticula, secessus quoque & secretiora ciuium effringebant penetralia, clypeos vel quodlibet armorum genus in introitu defigentes, vt esset signum accedentibus, ne gressum ibi figerent; sed loca præterirent, quasi iam ab aliis occupata. Subiugatâ igitur penitus ciuitate, & interemptis ciuibus, tumultu aliquantulum sedato, conuenerunt Principes ad inuicem, antequam arma deponerent, ordinantes, vt perturres singulas ad maiorem cautelam custodes deputarentur; & per portas vrbis singulas viri honesti constituerentur ianitores, quousque de communi conuiuentia & publico decreto Principû, aliquis vrbi præficeretur, qui eius curam gereret; & pro libero cuncta dispensaret arbitrio. Hostium enim circumpositorum meritò suspectas habebant insidias, & impetus non imprudenter formidabant repentinos. Tandem verò vrbe ad hunc modum ordinatâ, armis depositis, in spiritu humilitatis & in animo verè contrito, nudis vestigiis, lotis manibus, & sumptis mundioribus indumentis, cum gemitu & lachrymis loca venerabilia, quæ Saluator propriâ voluit illustrare & sanctificare præsentia, cœperunt cum omni deuotione circuire, & cum intimis deosculari suspiriis: specialiter autem Dominicæ passionis & resurrectionis Ecclesiam, vbi clerus & populus fidelium, qui per tot annos duræ nimis & indebitæ seruitutis iugum portauerant, de restituta libertate, Redemptori gratias exhibentes, cum crucibus & sanctorum patrociniis, Principibus occurrētes, eos in prædictam cum hymnis & canticis spiritualibus introduxerunt Ecclesiam. Intueri erat amœnissimum, & spirituali plenum iucunditate, quantâ deuotione, quantò pii feruore desiderii, ad loca sancta fidelis accederet populus; quantâ mentis exultatione & spirituali gaudio Dominicæ dispensationis deosculabantur memoriam. Vbique lachrymæ, ubique suspiria, non qualia mœror & anxietas solet extorquere, sed qualia feruens deuotio & interioris hominis consummata lætitia, solet Domino in holocaustum incendere. Erat porro tã in ecclesia, quàm per Vrbem vniuersam, tãtus populi, gratias Domino exhibentis, clamor, vt iã quasi vsq; ad sidera tolli sonus videretur, & de eis meritò dictū crederetur: *Vox lætitiæ & exultationis in tabernaculis istorum.* Feruebant sanè pio succensa desiderio, per vrbem vniuersam opera misericordiæ. Hi Domino confitebantur deffenda quæ commiserant, voto se obligantes ne de cætero deffenda cõmitterent: illi in senes valitudinarios & egentes profusâ liberalitate cunctam erogabant substantiam; pro summis & sufficientibus reputātes diuitiis, quod hunc vidisse diem sibi fuerat concessum diuinitus: illi flexis nudisq; genibus, cum singul-
 20
 30
 40
 50
 60
 70
 80
 90
 100
 110
 120
 130
 140
 150
 160
 170
 180
 190
 200
 210
 220
 230
 240
 250
 260
 270
 280
 290
 300
 310
 320
 330
 340
 350
 360
 370
 380
 390
 400
 410
 420
 430
 440
 450
 460
 470
 480
 490
 500
 510
 520
 530
 540
 550
 560
 570
 580
 590
 600
 610
 620
 630
 640
 650
 660
 670
 680
 690
 700
 710
 720
 730
 740
 750
 760
 770
 780
 790
 800
 810
 820
 830
 840
 850
 860
 870
 880
 890
 900
 910
 920
 930
 940
 950
 960
 970
 980
 990
 1000
 1010
 1020
 1030
 1040
 1050
 1060
 1070
 1080
 1090
 1100
 1110
 1120
 1130
 1140
 1150
 1160
 1170
 1180
 1190
 1200
 1210
 1220
 1230
 1240
 1250
 1260
 1270
 1280
 1290
 1300
 1310
 1320
 1330
 1340
 1350
 1360
 1370
 1380
 1390
 1400
 1410
 1420
 1430
 1440
 1450
 1460
 1470
 1480
 1490
 1500
 1510
 1520
 1530
 1540
 1550
 1560
 1570
 1580
 1590
 1600
 1610
 1620
 1630
 1640
 1650
 1660
 1670
 1680
 1690
 1700
 1710
 1720
 1730
 1740
 1750
 1760
 1770
 1780
 1790
 1800
 1810
 1820
 1830
 1840
 1850
 1860
 1870
 1880
 1890
 1900
 1910
 1920
 1930
 1940
 1950
 1960
 1970
 1980
 1990
 2000
 2010
 2020
 2030
 2040
 2050
 2060
 2070
 2080
 2090
 2100
 2110
 2120
 2130
 2140
 2150
 2160
 2170
 2180
 2190
 2200
 2210
 2220
 2230
 2240
 2250
 2260
 2270
 2280
 2290
 2300
 2310
 2320
 2330
 2340
 2350
 2360
 2370
 2380
 2390
 2400
 2410
 2420
 2430
 2440
 2450
 2460
 2470
 2480
 2490
 2500
 2510
 2520
 2530
 2540
 2550
 2560
 2570
 2580
 2590
 2600
 2610
 2620
 2630
 2640
 2650
 2660
 2670
 2680
 2690
 2700
 2710
 2720
 2730
 2740
 2750
 2760
 2770
 2780
 2790
 2800
 2810
 2820
 2830
 2840
 2850
 2860
 2870
 2880
 2890
 2900
 2910
 2920
 2930
 2940
 2950
 2960
 2970
 2980
 2990
 3000
 3010
 3020
 3030
 3040
 3050
 3060
 3070
 3080
 3090
 3100
 3110
 3120
 3130
 3140
 3150
 3160
 3170
 3180
 3190
 3200
 3210
 3220
 3230
 3240
 3250
 3260
 3270
 3280
 3290
 3300
 3310
 3320
 3330
 3340
 3350
 3360
 3370
 3380
 3390
 3400
 3410
 3420
 3430
 3440
 3450
 3460
 3470
 3480
 3490
 3500
 3510
 3520
 3530
 3540
 3550
 3560
 3570
 3580
 3590
 3600
 3610
 3620
 3630
 3640
 3650
 3660
 3670
 3680
 3690
 3700
 3710
 3720
 3730
 3740
 3750
 3760
 3770
 3780
 3790
 3800
 3810
 3820
 3830
 3840
 3850
 3860
 3870
 3880
 3890
 3900
 3910
 3920
 3930
 3940
 3950
 3960
 3970
 3980
 3990
 4000
 4010
 4020
 4030
 4040
 4050
 4060
 4070
 4080
 4090
 4100
 4110
 4120
 4130
 4140
 4150
 4160
 4170
 4180
 4190
 4200
 4210
 4220
 4230
 4240
 4250
 4260
 4270
 4280
 4290
 4300
 4310
 4320
 4330
 4340
 4350
 4360
 4370
 4380
 4390
 4400
 4410
 4420
 4430
 4440
 4450
 4460
 4470
 4480
 4490
 4500
 4510
 4520
 4530
 4540
 4550
 4560
 4570
 4580
 4590
 4600
 4610
 4620
 4630
 4640
 4650
 4660
 4670
 4680
 4690
 4700
 4710
 4720
 4730
 4740
 4750
 4760
 4770
 4780
 4790
 4800
 4810
 4820
 4830
 4840
 4850
 4860
 4870
 4880
 4890
 4900
 4910
 4920
 4930
 4940
 4950
 4960
 4970
 4980
 4990
 5000
 5010
 5020
 5030
 5040
 5050
 5060
 5070
 5080
 5090
 5100
 5110
 5120
 5130
 5140
 5150
 5160
 5170
 5180
 5190
 5200
 5210
 5220
 5230
 5240
 5250
 5260
 5270
 5280
 5290
 5300
 5310
 5320
 5330
 5340
 5350
 5360
 5370
 5380
 5390
 5400
 5410
 5420
 5430
 5440
 5450
 5460
 5470
 5480
 5490
 5500
 5510
 5520
 5530
 5540
 5550
 5560
 5570
 5580
 5590
 5600
 5610
 5620
 5630
 5640
 5650
 5660
 5670
 5680
 5690
 5700
 5710
 5720
 5730
 5740
 5750
 5760
 5770
 5780
 5790
 5800
 5810
 5820
 5830
 5840
 5850
 5860
 5870
 5880
 5890
 5900
 5910
 5920
 5930
 5940
 5950
 5960
 5970
 5980
 5990
 6000
 6010
 6020
 6030
 6040
 6050
 6060
 6070
 6080
 6090
 6100
 6110
 6120
 6130
 6140
 6150
 6160
 6170
 6180
 6190
 6200
 6210
 6220
 6230
 6240
 6250
 6260
 6270
 6280
 6290
 6300
 6310
 6320
 6330
 6340
 6350
 6360
 6370
 6380
 6390
 6400
 6410
 6420
 6430
 6440
 6450
 6460
 6470
 6480
 6490
 6500
 6510
 6520
 6530
 6540
 6550
 6560
 6570
 6580
 6590
 6600
 6610
 6620
 6630
 6640
 6650
 6660
 6670
 6680
 6690
 6700
 6710
 6720
 6730
 6740
 6750
 6760
 6770
 6780
 6790
 6800
 6810
 6820
 6830
 6840
 6850
 6860
 6870
 6880
 6890
 6900
 6910
 6920
 6930
 6940
 6950
 6960
 6970
 6980
 6990
 7000
 7010
 7020
 7030
 7040
 7050
 7060
 7070
 7080
 7090
 7100
 7110
 7120
 7130
 7140
 7150
 7160
 7170
 7180
 7190
 7200
 7210
 7220
 7230
 7240
 7250
 7260
 7270
 7280
 7290
 7300
 7310
 7320
 7330
 7340
 7350
 7360
 7370
 7380
 7390
 7400
 7410
 7420
 7430
 7440
 7450
 7460
 7470
 7480
 7490
 7500
 7510
 7520
 7530
 7540
 7550
 7560
 7570
 7580
 7590
 7600
 7610
 7620
 7630
 7640
 7650
 7660
 7670
 7680
 7690
 7700
 7710
 7720
 7730
 7740
 7750
 7760
 7770
 7780
 7790
 7800
 7810
 7820
 7830
 7840
 7850
 7860
 7870
 7880
 7890
 7900
 7910
 7920
 7930
 7940
 7950
 7960
 7970
 7980
 7990
 8000
 8010
 8020
 8030
 8040
 8050
 8060
 8070
 8080
 8090
 8100
 8110
 8120
 8130
 8140
 8150
 8160
 8170
 8180
 8190
 8200
 8210
 8220
 8230
 8240
 8250
 8260
 8270
 8280
 8290
 8300
 8310
 8320
 8330
 8340
 8350
 8360
 8370
 8380
 8390
 8400
 8410
 8420
 8430
 8440
 8450
 8460
 8470
 8480
 8490
 8500
 8510
 8520
 8530
 8540
 8550
 8560
 8570
 8580
 8590
 8600
 8610
 8620
 8630
 8640
 8650
 8660
 8670
 8680
 8690
 8700
 8710
 8720
 8730
 8740
 8750
 8760
 8770
 8780
 8790
 8800
 8810
 8820
 8830
 8840
 8850
 8860
 8870
 8880
 8890
 8900
 8910
 8920
 8930
 8940
 8950
 8960
 8970
 8980
 8990
 9000
 9010
 9020
 9030
 9040
 9050
 9060
 9070
 9080
 9090
 9100
 9110
 9120
 9130
 9140
 9150
 9160
 9170
 9180
 9190
 9200
 9210
 9220
 9230
 9240
 9250
 9260
 9270
 9280
 9290
 9300
 9310
 9320
 9330
 9340
 9350
 9360
 9370
 9380
 9390
 9400
 9410
 9420
 9430
 9440
 9450
 9460
 9470
 9480
 9490
 9500
 9510
 9520
 9530
 9540
 9550
 9560
 9570
 9580
 9590
 9600
 9610
 9620
 9630
 9640
 9650
 9660
 9670
 9680
 9690
 9700
 9710
 9720
 9730
 9740
 9750
 9760
 9770
 9780
 9790
 9800
 9810
 9820
 9830
 9840
 9850
 9860
 9870
 9880
 9890
 9900
 9910
 9920
 9930
 9940
 9950
 9960
 9970
 9980
 9990
 10000

prætendentes. Dignumque erat, vt sicut resurgente Domino multa corpora San-
 ctorum qui dormierant surrexerunt, & in ciuitate sancta apparuerunt multis; ita fi-
 delibus populis sanctæ Resurrectionis locum, à Gentili superstitione mundatibus,
 priscum renouaretur miraculum, vt & ipsi in spiritu resurrexisse crederentur, qui re-
 surgentis Domini tam piis se manciparant obsequiis. His igitur & huiusmodi per
 superabundantem cœlestem gratiam, plebi D E I in ciuitate sancta, miraculosè ma-
 gis quàm mirabiliter exhibitis, tanta erat in populo mentis hilaritas, & interna cor-
 dis exultatio, vt laborum immemores, quos pertulerant infinitos, felices se dice-
 rent, quibus id diuini muneris datum erat intueri. Clamor erat spiritaliter exul-
 10 tantis ciuitatis ad Dominum, & quasi præcipiente Domino, solemnitas agebatur
 celebris: ita vt illud Prophetæ impletum ad literam videretur oraculum, *Latamini Esai. 66, 10.*
cum Hierusalem, & exultate in ea, omnes qui diligitis eam. Denique fideles, qui virum X X I I I.
 venerabilem *Petrum Heremitam*, quarto vel quinto prius anno in eadem ciuitate vi-
 derant; & cui tam dominus Patriarcha, quàm alii, tam de clero quàm de populo
 Maiores, pro excitandis Occidentalium regnorum Principibus epistolas suas tra-
 diderant, iterum cognoscentes, flexis genibus cum omni humilitate veneraban-
 tur, referentes ad memoriam priorem eius aduentum, & familiaritatis gratiam,
 quam cum ipsis contrahere dignatus fuerat; gratias exsoluentes, quòd tam sedulè
 tamque fideliter solo pietatis intuitu eorum procurauerat legationem: Dominum
 20 etiam super omnia collaudantes, qui in seruis suis gloriosus est: qui ita præter spem
 hominum, prædicti viri vias direxerat, & sermonem in manu eius dederat effica-
 cem, vt & gentes & regna ad tantos labores pro C H R I S T I nomine tolerandos, si-
 ne difficultate conuerteret. Verè namque videbatur sermo hic egressus à Domino,
 qui ait: *Verbum quod egredietur de ore meo, non reuertetur ad me vacuum, sed prosperabitur in Esai. 55, 11.*
omnibus ad quæ mittam illud. Itaque singillatim & in communi, multiplici niteban-
 tur eum honore præuenire, ei soli post Dominum adscribentes, quòd duræ serui-
 tutis, quam per tot annos passi fuerant, soluta erat conditio, & ciuitas sancta pristi-
 næ restituta libertati. Dominus autem *Patriarcha*, vt prædiximus, pro Reipub. sta-
 tu, & salute ciuium, multo precio comparanda in Cyprum nauigauerat, eleemosy-
 30 nas à fidelibus illius regionis mendicaturus, vnde tributa, & imposita extraordina-
 riè & supra vires vectigalia persolueret, ne pro eorum defectu aut ecclesias deiice-
 rent tributorum exactores, aut populum gladiis manciparent, sicut anterioribus
 consueuerant temporibus. Nam omnium eorum quæ circa urbem gercebantur,
 prorsus erat ignarus, & ad consueta quasi rediturus pericula timebat: cui Dominus
 interim, præter spem, quietem procurauerat tranquillam. Completis igitur X X I V.
 orationibus, & locis venerabilibus cum omni deuotione visitatis, visum est expe-
 dire Principibus, ne ex interemptorum cadaueribus, aëris pestilētis generetur cor-
 ruptela, Urbem & maximè Templi ambitum ante omnia mundari: vnde ciuibz
 qui casu mortem euaserant, compedibus alligatis id muneris iniungitur: sed quia
 40 ad tantum onus non videbatur posse sufficere, pauperibus etiam de exercitu, mer-
 ces cottidiana proponitur, vt prædictæ rei dent operam, & sine dilatione urbem ex-
 pediant. Quo disposito Principes ad propria reuersi, domos quales interim fami-
 lia discurrens præparauerat, pro hospitibus habuerunt. Urbem autem reperientes
 commoditatibus plenam, & bonis omnibus redundantem, omnes à maiore vsque
 ad minimum cœperunt copiosius abundare. Reperiebantur enim in effractis do-
 mibus, auri & argenti, gemmarum & preciosarum vestium, frumenti, vini & olei,
 sed & aquæ, cuius maximam in obsidione passi fuerant penuriam, ingentes copię:
 vnde & ipsi qui domos sibi vendicauerant, poterant habere ad omnem sufficien-
 tiam, & indigentibus fratribus caritatiuè ministrare. Factumque est, vt secundâ &
 50 tertiâ & deinceps die, in foro publico, rerum venalium optimis conditionibus ex-
 hiberetur commercium, ita etiam, vt plebs inferior, necessariis omnibus abunda-
 ret. Dies igitur solemnes & dies agentes lætitiæ, cibum & requiem, quibus maximè
 indigebant, corporibus indulgentes, recreati sunt aliquantulum; Diuinæ muneris
 largitatem admirâtes, & cœlestis gratiæ, quâ erga eos dignatus est Dominus abun-
 dare perpetem præ oculis habentes memoriam. Ad maiorem autem tanti facti me-
 moriam, ex communi decreto sancitum, & communi omnium voto susceptum
 & approbatum est, vt hic dies apud omnes solemnus, & inter celebres celebrior

perpetuò habeatur, in qua ad laudem & gloriam nominis Christiani, quicquid in prophetis de hoc facto quasi vaticinium prædictum fuerat, referatur; & pro eorum animabus fiat ad Dominum intercessio, quorum labore commendabili, & fauorabili apud omnes, prædicta Deo amabilis ciuitas, & fidei Christianæ & pristinæ est restituta libertati. Interea verò pars hostium ea quæ in arce Dauid, à facie gladii fugiens se contulerat, videntes quòd urbem vniuersam sibi populus noster vendicauerat, & quòd ipsi diutius obsidionem tolerare non possent, petita & impetrata à domino Comite Tolosano fiducià, qui circa partes illas turri vicinior hospitatus erat, quòd cum vxoribus & liberis & omni substantia quam secum intulerat, liberum haberent exitum, & securum usque Ascalonam conductum, arcem ei resignauerunt. Qui verò urbi purgandæ curam susceperant, adhibita diligentia, & feruentes in opere, partim igne consumptis cadaueribus, partim sepulturæ traditis, prout temporis patiebatur angustia, subito & infra paucos dies, urbem reddiderunt expeditam, ad solitam eam redigentes munditiam. Unde confidentius locorum venerabilium populus frequentabat limina; & per vicos & plateas ciuitatis conuenire, & confabulari poterat liberiùs. Capta est autem prædicta ciuitas, anno ab incarnatione Domini *millesimo nonagesimo nono*, mense Iulio, quinta decima die mensis, feria sexta, circa horam diei nonam: anno tertio, ex quo fidelis populus, tantæ peregrinationis sibi onus assumpserat: præsidente S. Romanæ ecclesiæ domino *Urbanus Papa secundo*; Romanorum verò imperiû administrante domino *Henrico IV.* In Francia verò regnante domino *Philippo*: apud Græcos autem in sceptris agente domino *Alexio*: præuiâ Domini misericordiâ, cui honor & gloria per infinita seculorum secula: Amen.

A. D.
1099.

EXPLICIT LIBER OCTAVVS.



INCIPIUNT CAPITVLA LIBRI NONI.

I. Octauâ die, post urbem captam, Principes conueniunt, ut ex se unum eligendo urbi & regioni præficiant. clerus indiscretè nititur contraire.

II. Principes neglectâ cleri contradictione, dominum Ducem eligunt, & electum cum hymnis & canticis Sepulchro Domini representat.

III. Dux promotus, à Comite Tolosano turrin Dauid quam ab hostibus susceperat, reposcit: Dissentiunt Principes, sed tandem turrin obtinet postulatam.

IV. Episcopus Marturanensis, vir subdulus & nequam, quendam Arnulphum sibi similem, in Patriarcham nititur promouere: sed non proficit. Crux Dominica reperitur.

V. Quis & unde fuerit, & quibus maioribus progenitus Dux Godefridus, aperitur.

VI. Matris presagium de futuro statu filiorum.

VII. Recensetur factum eius memorabile in quadam monomachia.

VIII. Factum eiusdem egregium in victoria Imperatoris Henrici, contra Radulphum Pseudoregem Saxonum.

IX. Quam piâ liberalitate erga ecclesias quæ sunt Hierosolymis, abundauerit: & quòd humilitatis intuitu, regio diademate noluit insigniri.

X. Princeps Aegyptius militiam & vires suas omnimodas, contra nostros excitat, & in Syriam dirigit.

XI. Dux è diuerso completis apud Hierosolymam letantiis & orationibus, circa Ramulam congregatis Principibus, expeditiones colligit.

XII. Committitur prælium, & nostris diuinitus confertur victoria, receptis diuitiis innumerabilibus.

XIII. Discedunt Principes ab inuicem: Normannus & Flandrensis repatriant: Tolanus redit Constantinopolim: Tancredus urbi præficitur Tiberiadensi.

XIV. Boamundus Antiochenorum Princeps, & Balduinus Comes Edeffanorum, Hierosolymam veniunt, natiuitatem Dominicam ibi celebrantes.

XV. Daimbertus ecclesiæ Pisane Archiepiscopus, Hierosolymitana præficitur ecclesiæ Patriarcha.

XVI. Studio malignorum inter Ducem & Patriarcham graues cum similitate suscitantur quæstiones, super turri Dauid, & quarta parte ciuitatis.

XVII. Qua ratione quarta pars ciuitatis in ius & potestatem domini Patriarchæ cesserit.

XVIII. Item de eodem: & quæ loca venerabilia sæpe dicta pars infra se contineat.

XIX. Quis

XIX. Quis fuerit regni status per illa tēpora: & quomodo Dux urbem maritimā Assur obsedit: & qua de causa eāde soluerit obsidionē.

XX. Factum memoria dignum, quod eadem in eadem obsidione accidit.

XXI. Boamundus Antiochenorum princeps apud urbem Meleteniam capitur.

XXII. Factum Ducis dignum memoriā in regione Arabum.

XXIII. Obitus Ducis, & sepultura.

EXPLICIUNT CAPITULA LIBRI NONI.

INCIPIT LIBER NONVS.



Sanc'ta igitur ciuitate per Domini superabundantem gratiam CAP. I.

Christiano populo restitutā, & rebus ad aliquem modum in tranquillo collocatis, decursis in multa lætitia, in timore tamen Domini & gaudio spiritali, diebus septem, octauā die conuenerunt Principes, habituri tractatum, inuocatā sancti Spiritus gratiā, ut aliquem de suo eligant collegio, qui regioni præsit, & regiam prouinciæ impendat sollicitudinem. Dumq; essent in eo,

congregati sunt quidam de clero, spiritu superbix tumidi, quærentes quæ sua sunt,

20 non quæ CHRISTI ES V, dicentes se habere verba secretiora, quæ perferri velint ad Principes, intus in conclauī residentes; & intromissi dixerunt: *Nunciatum est clero, quod ad hoc, ut de vobis vnum eligatis in Regem, conuenistis. Videtur autem nobis propositum vestrum sanctum, & utile, & omni curā executioni mandandum, si tamen ad id ordine congruo veniatur. Certum est porro spiritualia temporalibus digniora esse. quæ verò digniora sunt, merito debere præcedere. Vnde videtur nobis, nisi ordo præposterus studiosè queratur, quod prius eligenda sit DE O placens & religiosa persona, quæ Ecclesiæ DE I præesse sciat & prodesse, quàm de secularis potestatis electione agatur. Si hoc ordine velitis incedere, placet nobis admodum: vobiscum sumus corpore & spiritus; si verò secus, inualidum censemus, & viribus carere decernimus, quicquid extra nostram conuiuentiam ordinaueritis.* Hæc autem eorum postulatio, etsi in

30 superficie videretur aliquid honestatis habere, tamen intrinsecus habebat malitiæ plurimum, ut docebunt sequentia. Huius autem factionis primicerius erat quidam Episcopus de Calabria, Marturanensis videlicet, qui Arnulpho cuidam, de quo superius satis dictum est, nimia familiaritate coniunctus erat; & ipsum infra sacros ordines constitutum, & sacerdotis filium, & nimia notatum incontinentiā, ita ut in expeditione canticum populis se exhiberet, & esset materia fatuis & lasciuīs hominibus in choro canentibus, contra sacros canones, & contra omnium honestorum voluntatem, in Patriarchalem nitebatur locare sedem. Erat enim peruersæ mentis homo, pro nihilo ducens honestatem: vnde & cum suprascripto Arnulpho facile poterat conuenire, iuxta illud: *Qualis quisque est, talium consortio delectatur. Pares enim paribus,*

40 veteri proverbio, facile iunguntur. Inuaserat autem hic idem Bethleemiticam Ecclesiam, pactus cum prædicto Arnulpho, quod si eius studio in Patriarcham promoueretur, iam dictam Ecclesiam sine quæstione & molestia, perpetuò sibi liceret possidere: sed eius omnia hæc molimina, mors vicina præuenit, sicut in sequentibus dicitur. Defecerat sanè in Clero religionis & honestatis vigor; & dissolutus passim & sine delectu per illicita defluebat, postquam Dominus Ademarūs piæ in Domino recordationis Podiensis Episcopus, Apostolicæ sedis Legatus, in fata concessit. Dominus tamen Wilelmus Aurasienſis Episcopus, vir religiosus ac timens DEVM, post prædicti beati viri transitum, eandem curam suscepit, & quàm diu vixit, administravit fideliter: sed modico elapso tempore apud Marram quieuit in Domino. His autem

50 defunctis, factum est sicut in Propheta dicitur: *Sicut populus, ita & sacerdos: excepto* ose. 4. 9.

domino Albariensi Episcopo, & paucis aliis, qui timorem Domini habebant præ oculis. Principes tamen leue & friuolum reputantes prædictorum verbum, cœpto insistentes operi, nihilominus tractabant de proposito. Tradunt quidam eos, ut magis secundum DEVM & secundum merita personarum in electione procederent, de familiaribus cuiusque magnorum Principum assumpsisse quosdam seorsum, & eos ad iurisiurandi religionem præstandam compulisse, quatenus de moribus & conuersatione dominorum suorum interrogati, verum sine admixtione falsitatis

dicerent: hoc autem eâ fiebat intentione, vt sic de meritis eligendorum, plenius & fidelius instruerentur electores. Qui postmodum ab electoribus, sub debito præstiti iuramenti, diligentius interrogati, multa dominorum suorum vitia coacti sunt secretius confiteri, virtutesque nihilominus enumerare; vt nudo apertoque iudicio constaret, qualis quisque esset eligendorum. Inter quos domini *Ducis* familiares interrogati, respõderunt, quòd in omnibus domini Ducis actibus, id magis absonum domesticis suis videbatur, quòd ecclesiam ingressus, etiam post Diuinorum consummatam celebrationem, inde separari non poterat; sed de singulis imaginibus & picturis rationem exigebat à sacerdotibus, & iis qui horum videbatur aliquâ habere peritiam; ita quòd sociis suis affectis aliter, in tædium verteretur, & nausæa; 10 & prandia quæ certo & opportuno tempore parata erant, diutinâ & importunâ nimis expectatione, minus tempestiuè, magisque insipida fumerentur. Quod audientes qui electorum gerebant officium, beatum dixerunt virum cui hæc sunt; & cui inter defectus computatur, quod alius sibi adscriberet ad virtutem: tandemque consonantes adinuicem, post multas deliberationum partes dominum *Ducem* vnanimitè eligunt, electumque Sepulchro Domini, cū hymnis & canticis, deuotissimè obtulerunt. Dicitur tamè, quod in dominum *Comitem Tolosanum Raimundum*, procerum

* pars maxima conueniret: sed hoc * intelligentes, quòd nisi regnum consequeretur, domum esset statim rediturus, natalis soli dulcedine ducti, etiam contra conscientiam suam, multa de domino Comite confinxerunt, vt reprobis haberetur. Ille ta- 20 men nihilominus patriam spernens, *CHRISTVM* deuotissimè secutus, non abiit retrorsum; sed in anteriora se extendens, peregrinationem, quam semel ingressus est, & voluntariam paupertatem vsque in finem profecutus est: sciens quia *qui persecutus fuerit vsque in finem, hic saluus erit*. Et illud: *Nemo mittens manum ad aratrum, & respiciens retrò, aptus est regno DEI*. Domino igitur *Duce*, de communi voto, concurrente omnium consensu, regni apicem obtinente, *Comes sancti Egidii* ciuitatis præsidium, arcem videlicet *Dauid*, quam sibi ab initio, vt præmisimus, hostes tradiderant, possidebat. Erat autem in eminentiore ciuitatis parte, versus Occidentem sita, & ingentibus quadris constructa lapidibus, vnde totam urbem inferius positam erat intueri. Hanc, quasi totius ciuitatis nouissimum refugium, videns *Dux* si- 30 bi deesse, curtatum nisi illam haberet, arbitratus se habere principatum, cœpit à domino Comite in auditorio Principum reposcere. Comes verò eam, tanquam sibi ab hostibus traditam, vsque in Pascha, quo transire & domum redire proposuerat, eam sibi velle habere, vt interim cum suis honestius in Regno morâ facere posset, allegabat. *Dux* verò nisi turrin habeat, vniuersa se velle deserere, dicebat: allegans omnino inhonestum esse, vt eo domino designato alter ciuitatis haberet præsidium, quem quasi parem aut superiorem conspiceret. *Comes autem Normannia, & Flandrensis* Comes domini Ducis partes fouebant; qui verò cum domino Comite sancti Egidii, eius etiam familiares erant, vt domino suo, saltem hac viâ, occasionem præberent abeundi, partem iuuabant aduersam. Factum est autem, vt 40 quousque de iure decerneretur, cui cedere deberet, turrin in manu domini *Albaniensis Episcopi*, quasi apud sequestrum de communi consilio commiserit. Ille verò non expectato iudicio, ante litis contestationem domino *Duci* dicitur eam tradidisse: cumque id sibi postmodum à nonnullis imputaretur, vim sibi illatam publicè asseribat. Dominus igitur Comes, exacerbatus plurimum, & indignatione plenus, quod turrin ita ignominiosè, vt sibi videbatur, amiserat, & quod cæteri Principes, non satis beneficiorum eius memores, quæ in via sæpius eis contulerat, secus * eum minus agerent amicè, descendens ad Iordanem, & aquis eius lotus, ad propria redire, suorum satisfaciens desideriis, disponebat. At verò prædictus *Marturanensis Episcopus*, vir subdolan & nequam, non cessabat interea plebem 50 indoctam contra pios concitare Principes; & in vulgus serere, quod inuidiæ causâ, vt eâ liberius possent sine pastore conculcare, Principes nollēt Ecclesiæ prouidere. Assumensque secum eiusdem factionis complices, prædictum *Arnulphum*, aliis contradicentibus, elegit: & auxilio fretus Comitum Normannorum, cuius erat & fuerat in tota expeditione familiaris & conuiuia, in sedem Patriarchalem, fatuo populo suffragia consulta ministrante, intronizauit: sed neuter suis adinventionibus lætatus est diu. Nam *Arnulphus* temerè assumptam coactus est deponere dignitatem; & eius

Matth. 24.

13.

Luc. 9, 62.

III.

IV.

& eius turpitudinis impudens patronus, viarum suarum fructus recollegit in proximo. Per idem tempus, inuenta est in parte sanctæ Resurrectionis Ecclesiæ, seorsum, portio vna *Crucis Dominicæ*: quam ob metum Gentilium, quorum iugum patiebantur, fideles ad ampliorem cautelam, multo ante, paucis admissis, occultaauerant. Hanc studio & operâ cuiusdam hominis Syri, qui eius tam preciosi depositi fuerat conscius, repertam, thecâ recôditam argenteâ, primùm ad *Domini Sepulchrū*, deinde ad *Templum* Domini, cum hymnis & canticis spiritualibus deportantes, prosequente eam vniuerso clero & populo, consolationem quasi de cœlo missam omnes in commune acceperunt; arbitantes se laborum & molestiarum suarum mercedem condignam recepisse. Sæpedito igitur domino *Duce*, per DE I gratiam in regni culmine confirmato, scandalisque omnibus, si qua emergerant, amputatis, regnum diebus eius conualescere, & confirmari cœpit. Regnavit autem anno vno; peccatis hominum id exigentibus, ne diuturniore tanti Principis solatio, regni nouella plantatio recrearetur, & aduersus ingruentes molestias reciperet consolationem. Raptus est de medio, ne malitia immutaret eor eius: sicut scriptum est; *Viri misericordia colliguntur, & non est qui reputet.* Oriūsus verò fuit de regnō Francorum, de Remensi prouincia, ciuitate Boloniensi quæ est secus mare Anglicum sita; ab illustribus & religiosis originem ducens progenitoribus. Pater eius fuit dominus *Eustachius* senior, illustris & magnificus eiusdem regionis Comes; cuius multa & memorabilia fuerunt opera, quorum adhuc apud seniores finitimarū regionum, memoria est in benedictione, & in pia recordatione viri religiosi & timētis DEVM. Mater vero inclyta, & inter Occidentis nobiles matronas, tum morum prærogatiuâ, tum generositatis titulo præclara, *Ida* nomine, Lotharingiæ Ducis eximii *Godefridi*, qui cognominatus est *Struma*, soror. Qui postmodum cum sine liberis esset, nepotem æqui uocum, in filium suum adoptauit; eumque vniuersi patrimonii sui heredem constituit: vnde eidem defuncto, in eodem Ducatu successit. Fuerunt porro huic tres ex utroque parente fratres, quibus & morum dignitas & virtutum præstantia, tanti principis verè dabat esse germanos: dominus videlicet *Balduinus* Comes Edessanus, qui eidem postea successit in regno; dominus quoque *Eustachius* Comes Boloniensis, patri synonymus, qui in bonis succedens paternis, post patrem obtinuit Comitatum: cuius filiam illustris & magnificus Anglorum rex Stephanus, *Mahaldem* nomine, vxorē duxit. Hic etiam, vt domino Balduino fratri absque liberis defuncto in regno succederet, à principibus Orientalibus citatus, venire noluit; timens, ne sine scandalo eius promotio celebrari non posset. Tertius fuit Dominus *Wilhelmus*, vir inclytus, à paterna & fratrum simul honestate, & strenuitate non degener. Duo primi dominum & fratrem suum in expeditione secuti sunt, tertio domi remanente. Fuit autem, sicut & secundum carnem primogenitus, ita & secundum interiorem hominem, morum gerens prærogatiuam, & cui meritò prinitia competerent, dominus *Godefridus* vir religiosus, clemens, pius, ac timens DEVM, iustus, recedens ab omni malo; serius & stabilis in verbo; *seculi vanitates contemnens, quod in illa ætate, & militari præsertim professione rarum est*; in orationibus iugis, in operibus pietatis assiduus; liberalitate insignis, affabilitate graciosus; mansuerus & misericors; in omni via sua commendabilis, & DEO placens. Fuit autem & corpore procerus, ita vt & maximis minor, & mediocribus maior haberetur: robustus sine exemplo, membris solidioribus, thorace virili, facie venustâ, capillo & barbâ flauus mediocriter; in usu armorum & exercitio militari omnium iudicio quasi singularis. Horum tantorum Principum mater, sancta, religiosa, & DEO placens fœmina, dum adhuc essent in ætate tenera, spiritu plena diuino, futuras præuidit condiciones; & statū qui præparabatur adultis, quasi quodam prædixit oraculo. Nam dum semel circa matrem, sicut mos est puerulis, luderent adinuicem, & sese lascentes, ad matris gremium frequentem haberent recursum, accidit quod eis sub eius chlamyde latentibus, vir venterabilis comes *Eustachius*, eorum pater, ingressus est. Vbi cum mutuo se prouocarent, pedes & manus agitantēs, matris, qua induta erat, operti chlamyde, quæ fuit Comes, quidnam esset quod ibi tam crebrò moueretur: cui illa respondisse dicitur: *Tres magni principes, quorum primus Dux, secundus Rex, tertius Comes esset futurus.* Quod postmodū benignâ dispensatione diuina impleuit clemētia;

& verum prædixisse matrem, rerum euentus subsequens declarauit. Primus enim dominus *Godefridus*, vt præmissum est, defuncto succedens auunculo, eius ducatum obtinuit, regnum etiam Hierosolymorum postmodum, vniuersorum principum electione, consecutus: in quo secundus natus, dominus ei *Baldwinus* successit: tertius, dominus *Eustachius*, qui defuncto patre, succedens in vniuersum, auitam eorum, vt præmissum est, obtinuit hæreditatem. Præterimus denique studiosè, licet id verum fuisse plurimorum astruat narratio, *Cygni fabulam*, vnde vulgò dicitur, sementiuam eis fuisse originem: eò quòd à vero videatur deficere talis assertio. Vnde his prætermisissis, ad id quod cœperamus de domino Duce, proseguendum redeamus. Huic autem inter cætera quæ more suo gessit egregiè, accidisse dicitur quiddam memo-
VII. riâ dignum, quod præsentî dignum duximus inserere narrationi. In singulari namque quodam certamine, quod ipse multum inuitus subiit, sed tamen iuxta regionis consuetudinem, saluâ opinionis suæ integritate declinare nō poterat, exstat factum eius memorabile, & præsentî narratione dignum. Passus est vir insignis à quodam nobili & potente viro (qui de numero erat Principū, eiusq; dicebatur consanguineus) in curia domini Imperatoris, super quibusdam ingentibus prædiis, & latè diffuso patrimonio quæstionem: super qua, cum vtrique parti, experiendi gratiâ dies esset præfixus, eo adueniēte, præsentēs se exhibuerunt tam reus quàm actor in curia. Vbi lite contestatâ, cum prædictus vir nobilis rei proponeret vendicationem; Dux autem quantum poterat reniteretur; secundum leges patriæ, adiudicata
est inter eos *monomachia*, & pugna singularis. Cumq; Imperii maiores Principes ad hoc tantis elaborarent viribus, ne tam insignes viri spectaculum de se populo præstarent indignum; seq; tanto vellent subiicere discrimini, in quo alterutrius opinionis integritas posset periclitari, & non proficerent: mandata est executioni Imperiali sententia, & vulgi stante coronâ, Principibus de more circumpositis, locum ingressi sunt, futuro certamini deputatum, Martem dubium experturi. Dumque in eo conflictu à viris illustribus & magnificis, strenuè nimis decertaretur & viriliter, casu contigit, quòd vibrato in aduersarii clypeum ictu, Ducis cōfractus est gladius, ita vt supra capulum vix ad semipedalem quātitatem in manu eius fieret residuum. Quod videntes qui astabant Principes, quòd Ducis conditio facta esset multò de-
terior, indictâ pace, Imperatorem adeunt, & supplicantes impetrant, vt de compositione inter tam egregios Principes tractare liceat. Vnde dum inter eos tractaretur diligentius, eos quæ ad pacem erant rogantes, Dux omnino repulit; & irreuocabiliter perseuerans, agonem reiterat, rediens in id ipsum. Dumq; eius aduersarius propter integritatem gladii sui, sibi quasi superior factus videtur, instat proteruius, Duci negans requiem, quousque Dux ad solitam recurrens virtutem, quâ singulariter præminebat, & irâ succensus, irruens capulo quem gestabat in manu, tantâ circa tempus læuum virtute percussit aduersarium, quòd eum quasi seminecem, solo deiecit prostratū, vt penè vitâ videretur omnino destitutus, & eiecto proprii fragmento gladii, & hostis prostrati gladium manu tenens, Principes ad se vocat, qui eum
prius de compositione conuenerant; & rogat attentius, monens vt de pace tractantes, virum insignem, qui iam defecerat tam ignominiosæ morti subtraherent. Qui admirantes Ducis virtutē egregiam, & misericordiā incomparabilem, pace impetratâ, controuersiam tam honesto fine sopierunt, vt tamen Dux victor, & immorta-
VIII. li dignus gloriâ apud omnes haberetur. Illud quoque factum, haud inferioris gloriæ, in frequenti versatur hominum memoria, quod præsentî lectioni nihilominus dignum duximus inserere. *Saxonum* populus, inter Germanicas nationes ferocissimus, Romani imperii iuga ferre detrectans, & liberioribus habenis, excussa disciplinæ regulâ, vagari cupiens, à domino Imperatore *Henrico* defecerat: inq; sua ad eò erat obstinatus proteruia, vt contra prædictum Augustum, regem sibi crearet
quendam comitem, *Radulphum* nomine, virum nobilem de eodem populo. Hac iniuriâ permotus Imperator, vniuersos Imperii Principes ad se generaliter fecit euocari. Quibus ante se constitutis, iniuriam omnibus tamen, notam, pandit, ad ultionem inuitat. Illi verò omnes Imperii gloriam æmulantes, & Saxonum enorme delictum nimis ægrè ferentes, certatim seipsos exponunt: vires compromittunt; non esse dissimulandam tantam contra Romanum imperium asserunt iniuriâ, sed plæctendum morte tam piaculare flagitium; & læsæ crimen maiestatis, ultore gladio feriendum

ferendum decernunt. Ex condito igitur, & domini Imperatoris mandato, ad locum destinatum, die præfixâ, infinita millia secum trahentes, adfunt, de vniuersis Imperii finibus tam Ecclesiastici, quàm cæteri Principes, Saxonum regionem violenter ingressuri, & exacturi de tantis iniuriis vindictam. Cumq; cōgressionis dies immineret, & ordinatis legionibus vterque exercitus in procinctu se haberet præliandi, conuocatis ad se Principibus Imperator, quærit cui tutè possit Imperiale committere vexillum, & tantorum exercituum constituere primicerium: Cui de communi consilio datum est responsum: *Dominum ducem Lotharingia Godefridum, præ omnibus ad id oneris idoneum & sufficientem esse.* Cui, tanquam viro à tot milibus electo, & singulariter omnium iudicio excellenti, tradidit Aquilam, multum inuito, & renitenti. Contigit autem illâ die, quod confligentibus inter se hinc inde exercitibus, & hostiliter nimis adinuicem gladiis instantibus, Dux cum Aquila præcedens Imperatorem, versus aciem, cui præerat pseudorex *Radulphus*, contendens, illuc aciem, cui præerat Imperator, direxit: ad quam perueniens, contractâ & dissolutâ acie Regis, præsentem Imperatorem & de Principibus aliquot, vexillum quod gestabat, Regi per vitalia pectoris immerfit; & eo transfuerberato, ad terram deiecit exanimem: denuò signum, licet cruentatum, erigens Imperiale. Videntes autem Saxones, regem suum defecisse, defecerunt & ipsi, domino Imperatori se dedentes; & satisfactione iniunctâ pro delicti modo, receptis munitionibus & obsidibus, quorum interuentu se obligauerunt, ne aliquando simile attentarent, in gratiam reuersi sunt. Hæc autem idcirco inseruimus, ut quantus esset apud maximos orbis terrarum Principes, hic de quo agimus, vir inclytus, insinuetur. Maximum enim esse, nemo est qui dubitet, a tantis Principibus, qui pares in orbe non dicuntur habere, vnum omnium iudicio optimum designari; præsertim cum ipse eorum iudicium opere tam insigni approbauerit; & præsentem argumento, quod verè de illo sensissent, edocuerit. Fuerunt & alia multa eiusdem inclyti viri magnifica & admiratione digna opera, quæ vsque in præsens in ore omnium, pro celebri vertuntur historia. Inter cætera quoq; propositum iam habens peregrinationem ineundi, castrum, vnde ei cognomen erat, *Bulionem* videlicet, agro, situ, munitione, commoditatibus, & longè lateque diffuso territorio, celebre ac nominatissimum, *Ecclesie Leodiensis*, piâ liberalitate in perpetuam eleemosynam concessit habendum. Sed nos qui ea tantum quæ apud nos gessit, describere sumus aggressi, ad propositum redeamus. Postquam igitur Regnum obtinuit, paucis diebus interpositis, sicut vir religiosus erat, in his quæ ad decorem domus DEI habebant respectum, sollicitudinis suæ Domino cœpit offerre primitias. Nam protinus in Ecclesia Domini Sepulchri, & Templi Domini, *Canonicos* instituit, eisq; ampla beneficia, quæ *Præbendas* vocant, simulq; & honesta domicilia circa prædictas DEO amabiles Ecclesias, assignauit: ordinem & institutionem seruans, quas magnæ & amplissimæ à piis Principibus fundatæ ultra montes seruant Ecclesiæ: plura etiam, nisi mors eum præuenisset, collaturus. Adduxerat etiam prædictus vir DEO amabilis peregrinationem ingressurus, de claustris bene disciplinatis monachos, viros religiosos, & sanctâ conuersatione insignes, qui toto itinere, horis diurnis & nocturnis, Ecclesiastico more, diuina illi ministrabant officia. Quos, postquam Regnum adeptus est, iuxta eorum postulationem, in *valle Iosaphat* locauit; amplissimumque loco, eorum gratiâ, contulit patrimonium. Quæ autem, & quanta sint, quæ Ecclesiis DEI pia liberalitate concessit, longum esset enumerare: ex tenore tamen priuilegiorum Ecclesiis indultorum, colligere est, quot & quanta sunt, quæ vir DEO plenus, pro animæ suæ remedio locis venerabilibus erogauit. Promotus autem, humilitatis causâ, coronâ aureâ, regum more, in sancta ciuitate noluit insigniri: eâ contentus, & illi reuerentiam exhibens, quam humani generis reparator, in eodem loco vsque ad Crucis patibulum pro nostra salute spineam deportauit. Vnde quidam in Catalogo Regum, non distinguentes merita, eum dubitant connumerare: magis attendentes quæ exterius geruntur in corpore, quam quæ fidelis & DEO placens anima mereatur. Nobis autem non solum Rex, sed Regum optimus, lumen & speculum videtur aliorum. Non enim consecrationis munus, & Ecclesiastica spreuisse credendus est Princeps fidelis sacramenta: sed pompam seculi, & cui omnis creatura subiecta est, vanitatem; & perituram humiliter declinasse coronam, ut immar-

- x. cessibilem alibi consequeretur. Per idem tempus, vrbe recens captâ, dum adhuc Principes, qui eam diuino mancipauerant cultui, nondum essent diuisi abinuicem, rumor insonuit; & verè sic erat; quòd *Princeps Ægyptius*, inter Orientales potentissimus, ex vniuersis regionibus suæ ditioni subiectis militares conuocauerat copias, & exercitus collegerat infinitos, indignè ferens, quod populus barbarus, de vltimis egressus terrarum finibus, in regnum suum introierat, & prouinciam imperio suo subditam, occupauerat violenter. Vocatoq; ad se militiæ suæ principe *Elaf-dalio*, qui alio nomine dicebatur *Emireus*, præcipit vt vniuersum Ægypti robur, & omnes imperii vires colligēs, in Syriam ascendat; & populum præsumptuosum deleat de superficie terræ, ita vt non memoretur nomen illius vltra. Erat autem hic 10
- * idem Emireus Armenius * nomine, à Christianis originem habens parentibus: sed *diuiniarum immensitate suffocatus, apostatauerat à creatore suo, fide neglectâ, ex qua iustus viuit*. Hic idem, etiam eodem anno, quo à fideli populo est obsessa, & fidei restituta Christianæ, eadem à Domino protectam ciuitatem, à Turcorum potestate domino suo vendicauerat: vixq; eam mensibus vndecim obtinuerat quietam, cum Christianus exercitus eam, propitio Domino, ab indebitæ iugo seruitutis eripuit. Indignatus ergo, quòd tam reciso tempore suâ potitus erat victoriâ; & quòd momentanea videbatur, & erat per eum domino suo acquisita possessio, laborem sibi grater affumit iniunctum, sperans de his qui factum eius denigrauerant, posse facilius triumphare. Assumpto igitur sibi vniuerso exercitu, & vniuersis Ægypti viribus, quales 20 Ægyptiaca diocesis in optimo statu constituta tunc poterat ministrare, ascendit in Syriam, in spiritu vehementi, & intolerabili fastu, propositum habēs populum nostrum delere, ne etiam eius extaret memoria. Sed Domino visum est aliter, qui est
- Psalm. 65, 4. terribilis in consiliis super filios hominum*. Veniens igitur cum equitatu magnifico, & ingentibus copiis, ante Ascalonam castrametatus est. Denique associauerant se eorum expeditionibus, ex vniuersa Arabia, & finibus Damascenis, ingentes copia. Et licet Turci prius non satis bene cum Ægyptiis conuenirent, sed suspectas mutuò suas haberent vires, & æmulum contra se alternatim dilatare satagerent imperium: tamen nostrorum metu, etsi non ob gratiam, quam haberent mutuam, conuenerunt adinuicem, vt in nostrorum qui de nouo aduenerant supplantationem molirentur 30 aliquid: *satiùs arbitrati, suorum pati fastus æmulatorum, & iugum suum portare, quàm barbarorum duos & feroces nimium gladios experiri*. Sic igitur Ægyptiorum, Arabum, & Turcorum congregatis in vnum innumerabilibus copiis, in agro, vt prædiximus, Ascalonitano castra contulerant, inde Hierosolymam profecturi: nec enim arbitrabantur, quòd tantæ multitudini noster occurrere præsumeret exercitus. Quo
- xii. audito, congregati adinuicem nostri Principes, Episcopi, clerus, & populus vniuersus, arma baiulantes spiritualia, & ante Sepulchrum Domini cum gemitu & lachrymis, corde contrito & humiliato prostrati orabant, postulantes à Domino vt populum suum clementer ab imminetibus liberaret periculis, quem usque in præsens misericorditer sibi conseruauerat victorem: & qui locum sanctificationis suæ mū- 40 dari voluerat, eum vltius contaminari propter gloriam nominis sui non pateretur. Inde etiam nudis pedibus cum hymnis & canticis spiritualibus ad Templum Domini eodem deuotionis feruore accedentes, effusis coram Domino precordiis, orabant dicentes: *Parce Domine, parce populo tuo, & ne des hereditatem tuam gentibus in perditionem*. Quibus de more completis, perceptâ ab episcopis benedictione, & ordinatis qui medio tempore vrbi præessent ad custodiam viris prudentibus, *Dux cū Comite Flandrensi* ex vrbe profectus, in campestria descendit Ramulensia, ceteris Principibus in vrbe relictis. Porro viri illustres, dominus *Eustachius*, Ducis frater, & dominus *Tancredus*, euocati à ciuibus *Neapolitanis*, vt urbem sine molestia reciperent, illuc de mandato Ducis erant profecti: vbi moram facientes, tum propter loci 50 opulentiam, tum vt vrbi sufficientem designarent custodiam, horum quæ sic dicebantur erant ignari: sed euocati à domino Duce, sine dilatione redierunt, reliquis Principibus associati. Dux verò & Flandrensis Comes, peruenientes *Ramulum*, vbi de facto plenius sunt edocti, certum habentes quod prædictus *Emireus* cū suis copiis ante Ascalonam confedisset, misso sub omni celeritate nuncio, reliquos Principes, qui rei expectantes certitudinem in vrbe remanserant, præcipit euocari.
- xii. At verò *Comes Tolosanus*, & alii Deo deuoti Principes, cognito per Ducis nunciū, quòd

quòd in tam graui multitudine hostes aduenerant, quodq; tam in vicino castra locauerant, inuocato de supernis auxilio, collectis quas pro tempore & loco habere poterant viribus, in campestria Philistiim ad eum locum qui hodie dicitur *Ibelim*, vbi dominum Ducem esse cognouerant, descenderunt. Erant autem eis equitum mille ducenti, peditum verò circa nouem millia. Cumq; ibi per diem noster quieuisset exercitus, circa horam vndecimam apparuit eis in campestribus, quasi de remoto, multitudo ingens: quam rati hostilem esse exercitum, præmissis ducentis leuioris armaturæ equitibus, qui de eorum statu & numero reliquos instruerent, ipsi ad arma se præparant: cumq; accederent propius qui præmissi fuerant, cognouerunt
10 armenta esse bouum, equorum, camelorumq; phalanges. Erant tamen ibi animalibus curam præstantes equites, pastorum vice armentis custodiam intendentes. Ad quos cum peruenisset noster exercitus, non expectato congressu, fugerunt tam pastores, quàm qui pastoribus præerant equites, gregibus & armentis sine custode relictis. Capti tamen sunt quidam ex eis, quorum relatione de hostium statu, & proposito plenius edocti, cognouerunt quod prædictus Princeps iuxta eos, quasi ad miliaria septem castra locauerat, propositum habens post biduum accedere, & nostrum delere exercitum. At verò nostri certi de prælio, acies instruunt noueni; quarum tres præponunt, tres locant in medio, tres præcipiunt subsequi; vt vndecunque ad eos hostium fiat accessus, triplicem ibi reperiant acierum ordinem sibi ob
20 iectum. De hostium verò numero, nullus poterat habere certitudinem: nam & infinita erat eorum multitudo, & singulis diebus incrementi aliquid eorum accedebat viribus. Sic igitur obtentâ sine contradicatore prædâ, quæ præ nimia multitudine numerum excedebat, noctem illam ibi transegerunt gaudentes; more tamē prudentum, & quibus disciplinæ militaris plenior erat experientia, curam circa se peruiilem, & debitas obseruantes excubias. Mane autem factò, voce præconiâ bellum indicitur, & instructis ordinibus, Domino rei commendantes exitum, in hostes vnanimiter properant, victoriæ spem in eo collocantes, cui facile est cum paucis multos superare. Porro Ægyptii, & qui eis adhæserant de partibus Syriæ, nostrorum videntes instantiam, & animositatem importunam, longè aliter sapientes
30 quàm prius, cœperunt de viribus diffidere; & in sua numerositate spei minus, & minus habere fiduciæ, arbitantes omnem illam quæ occurrebat multitudinē, hominum esse cohortes. Nostrorum sanè, vt dictum est, modicus erat numerus; sed prædâ, de qua superius fecimus mentionem, casu, nemine ducente, nostris legionibus se applicauerat, ita vt nostris iter figentibus non procederet; & eisdem proficiscentibus continuò sine duce sequeretur. Arbitrati ergò nostrorum infinitum esse numerum, viresque incomparabiles, fugerunt nemine persequente, vix etiam fugâ salutem inuenire posse sperantes. Amissus est ergo illâ die, casu incognito, scandalorum fomes, auctor seditionum, *Marturanensis Episcopus*, ignorantibus cunctis eius exitum: quocunque tamen casu id acciderit, rebus humanis exemptus, desinit
40 comparere. Dicitur tamen quòd à domino Duce ad vocandos Principes qui in vrbe remanserant missus, dum rediret, captus sit ab hostibus, & occisus; aut carceri perpetuo mancipatus. Collatâ igitur de supernis victoriâ, in hostium castra noster peruenit exercitus. Vbi tantam variæ suppellectilis & peregrinarum copiam inuenit diuitiarum, vt vsque ad nauseam satiati, mella fastidirent, & placentas: & pusillus & abiectionior dicere posset, *Inopem me copia fecit*. Sic igitur fugientibus aduersariis, palmâ nobis sine labore concessâ, cum ingentibus gratiarum actionibus reuersi sunt Hierosolymam, tam Principes quàm vniuersus Christianus exercitus, onerati manubiis, & prædâ inauditam secum trahentes; gaudentes & exultantes in Domino, tanquam victores, captâ prædâ, quando diuidunt spolia. His
50 ita gestis Deo amabiles, Deoque deuoti Principes, domini *Normannorum & Flandrensum Comites*, consummato sceleriter assumptæ sibi peregrinationis itinerario, ad propria redire disponunt: inde iter arripientes, nauigio Constantinopolim ad dominum Imperatorem *Alexium* peruenerunt: à quo benignè tractati, & cum honestis dimissi muneribus, auctore Domino, sani & incolumes in suam se patriam receperunt. Quorum alter, Normannorum videlicet Comes, domum rediens, rerum statum, ab eo quem reliquerat, peregrè proficiscens, secus à voto, longè inuenit mutatum: nam dum in expeditione Domino militaret, frater eius primogeni-

XIII.

TTT

tus *Wilelmus*, qui cognominatur *Ruffus*, rex Anglorum, vitâ sine liberis decessit: cumque ei successionis ius & regni primitiua meritò competerent, frater eius *Henricus* natu se posterior, persuadens regni Principibus, quòd frater suus Hierosolymis rex constitutus, redeundi animum non haberet, regnum Angliæ hac fraude obtinuit. Reuersus ergo frater, ab eo cœpit, sicut & de iure poterat, regnum instanter reposcere. Cumque ille id negaret penitus, classe paratâ, & conuocatis copiis in Angliam ingressus est violenter: vbi cum omni regni illius robore frater occurrens, paratus erat cum fratre congredi; sed intercedentibus pacis mediatoribus, pax inter eos reformata eâ conditione, quòd Rex fratri suo primogenito certam pecuniæ summam singulis annis daret nomine census. Quo factò, Dux in terram suam reuersus est pacificus: postmodum verò, cum quædam castella, quæ Rex in Normannia etiam antequam in regem promoueretur, possidebat, Dux ab eo reposceret, & ille reddere negaret, obsedit ea vt violenter comprehenderet. Quo audito, Rex in Normanniam cum ingentibus copiis transfretauit: & cum fratre dimicans, cœpit eum, & perpetuo carceri mancipauit: vbi & defunctus est, fratre postmodum eidem in vniuersum succedente. Dominus quoque *Comes sancti Ægidii* vsque Laodiciam Syriæ reuersus, vxore ibi dimissâ, ad eam in proximo rediturus, iterum Constantinopolim, ad eundem dominum Imperatorem, cum honesto comitatu profectus est: vbi ab Imperatore susceptus magnificè, benignè tractatus, & ingentibus donis & amplâ remissus munificentia, in Syriam ad vxorem & familiam post biennium, vt in sequentibus dicitur, sospes reuersus est. Dominus verò Dux detento secum inclyto & nobili viro domino *Tancredo*, Comite quoque *Garnerio de Gres*, & aliis quibusdam nobilibus, commissum sibi a Domino regnum prudenter strenueque administrabat. Concessit autem, & solitâ liberalitate donauit iure hereditario in perpetuum possidendam, urbem *Tiberiadensem* super lacum Genesar sitam, cum vniuerso principatu *Galilea*, simul & *Caypham*, quæ alio nomine dicitur *Porfiria*, urbem maritimam cum suis pertinentiis prædicto domino *Tancredo*. In quo principatu ita Deo placidè & laudabiliter se habuit, quod vsq; in præsentem diem memoria eius in benedictione est apud illius homines provincie. Sed & Ecclesias eiusdem dioceseos ingenti fundauit sollicitudine, & amplis dotauit patrimoniis, Nazarenam videlicet & *Tiberiadensem*, sed & montis *Thabor*; & insuper ecclesiastica contulit ornamenta. Quorum portionem non modicam, per fraudem & calumnias subsequen-
30
tium Principum prædicta amiserunt loca venerabilia. Tamen vsque hodie de residuo necessaria sibi procurant, pro illius orantes anima, qui tam piâ liberalitate, & tantæ caritatis visceribus erga Dei Ecclesias abundauit. Et quia in modico fuit fidelis, supra multa constitutus est a Domino; & intrauit in gaudium patrisfamilias, pro vniuersis quæ dederat centuplum accipiens. Nam mox infra biennium meritis exigentibus, ad principatum vocatus Antiochenum, illam quoque, a temporibus Apostolorum gloriosam & nobilem, magis & magis, plurima largiendo, nobilitauit Ecclesiam. Sed & principatum pluribus subiugatis urbibus, & præfidiis mancipatis, longè lateque promotis finibus ampliauit,
40
xiv. sicut in sequentibus dicitur. Dum hæc in regno sic aguntur, dominus *Commodus* Antiochiæ princeps, dominus quoque *Baldwinus* prædicti domini Ducis frater, Comes Edeffanus, multorum relatione habentes compertum, quòd reliqui eorum fratres, & tantæ confortes peregrinationis, prosequente eos fauore Diuino, Urbem sanctam sibi vendicauerant, & viæ causam consummauerant feliciter, condicunt inter se diem certum, quo paratis ad iter necessariis, illuc auctore Domino profiscantur, vt laborum suorum causam, vota Domino soluentes, compleant; & vt domino *Duci*, domino quoque *Tancredo*, & aliis principibus fratrum impendant solatium. Remanserant enim hi duo illustres & magnifici viri, alter apud Antiochiam, vt principatum conseruaret; alter apud Edeffam, vt ab irruentibus hostibus protegeret Comitatum. Ita enim ab initio statim post captam Antiochiam, de communi prouidentia fuerat ordinatum, vt vterque concessas sibi diuinitus, Dei cultrices vrbes, non desererent; sed curam ad earum tuitionem impenderent peruiabilem; ne fortè recurrentibus hostibus, & reparatis copiis, rediuiua pararentur bella, & sic in vacuum cucurrissent. Licet ergo yterque negotiosus esset plurimum, tamen consummandæ peregrinationis gratiâ propositum vrgent, & die præfixâ
50

præfixâ iter arripiunt. Dominus itaque *Boamundus*, assumptis secum eis qui eiusdem peregrinationis desiderio trahebantur, & ingentibus tam equitum quam peditum copiis, iam usque *Valeniam* urbem maritimam, quæ est sub castrum *Margat*, peruenerat, ubi fixerat inuitis ciuibus sua tentoria. Porro dominus *Baldwinus*, eum è vestigio sequens, apud prædictam urbem eundem repperit, ubi coniunctis adinuicem agminibus cœpto insistent itineri. Applicauerant autem per eosdem dies, apud *Laodiciam* Syriæ, homines de Italia: inter quos erat vir literatus & prudens, religiosus quoque valde & honestatis amicus, dominus *Daimbertus* Pisanorum Archiepiscopus; quidam quoque de *Apulia* Episcopus, *Arianensis*: hi etiam castris prædictorum Principum se adiunxerant: unde & numerus factus est maior, ita ut sexus promiscui, tam equitum quam peditum, diceretur esse multitudo ad viginti quinque milia. Iter ergo aggressi, & oram secuti maritimam, non nisi hostium reperiunt vrbes, unde cum maxima difficultate, & alimentorum inopia, viam poterant inceptam conficere: cum enim non haberent commercia, & venalia non reperiunt, defecerat viaticulum in eorum cistariis. Sed & algoris vehementia, & imbrium intemperies, multos ad supremum compulit defectu: hyems enim erat, mensis December. Soli enim *Tripolitani* & *Cæsarienses*, in tam prolixo itinere, transcurrentibus obtulerunt venalia: & tamen cum multo alimentorum defectu, & famis angustia procedebant, non habentes iumenta, & apta sarcinis deuehendis animalia. Tandem protegente eos Diuinâ clementiâ, peruenerunt *Hierosolymam*, ubi à domino Duce, & ab vniuerso clero & populo deuotè suscepti, loca Sancta corde contrito & in spiritu humilitatis perlustrantes, fide discunt oculatâ, quod verbo & doctrinâ prius comprehenderant. Celebrato sanè in sancta Bethleem Dominicæ natiuitatis die, præsepe vident, & spelûcam admirabilem, ubi pia DEI genitrix, salutis porta, mundi reparatorem pannis inuoluit, & lacte pauit vagientem. Cum igitur usque ad illum diem, quasi per menses quinque Hierosolymitana vacasset Ecclesia, proprium non habens antistitem, conuenerunt qui præsentibus erant Principes, ut in ea parte, Ecclesiæ DEI prouiderent. Demumque post multa deliberationum libramina, prædictum venerabilem virum dominum *Daimbertum*, de comuni omnium consilio in sedem collocant Patriarchalem: nam quod de *Arnulpho* prius factum fuisse diximus, sicut imprudenter factum fuerat, ita & subito & facile dissolutum est. Prædicto ergo viro DEI in sede collocato, tam dominus *Godefridus*, quam dominus princeps *Boamundus*, hic regni, ille principatus humiliter ab eo susceperunt inuestituram, ei arbitantes se honorem impendere, cuius tanquam minister ille in terris vicem gerere credebatur. Quo facto, assignatæ sunt domino Patriarchæ possessiones, tam illæ quas tempore Gentilium, à diebus Græcorum, Græcus habuerat Patriarcha, quam quædam erogatæ de nouo; ut haberet unde honestè sustentari posset domus Patriarchalis. His ita ritè completis, sumptâ à domino Duce licentiâ, dominus *Boamundus*, dominus quoque *Baldwinus*, in fines suos reuersuri, ad Iordanem descenderunt: inde per *vallem Illustrem*, eiusdem fluminis ripam sequentes, *Scytopolim* transeuntes, usque *Tiberiadem* peruenerunt. Vbi assumptis sibi necessariis ad iter alimentis, secus mare Galileæ viam carpentes, Phœnicem Lybanicam ingressi, *Panæadem*, quæ est *Cæsarea Philippi*, à dextris prætereuntes, Itureamque ingredientibus, usque ad locum cui nomen *Heliopolis*, quæ alio nomine dicitur *Malbec*, accesserunt. Inde ad oram maritimam redeuntes, *Antiochiam*, protegente eos Diuinâ clementiâ, sancti & incolumes attigerunt. Inter ea Hierosolymis, studio & operâ quorundam malignorum, quibus semper cordi est scandalum ferere, & aliorum inuidere tranquillitati, suscitata est quæstio, inter dominum *Patriarcham*, & dominum *Ducem*, domino Patriarcha reposcente ab eo ciuitatem sanctam DEO ascriptam, & eiusdem ciuitatis præsidium: simulque urbem Ioppensem, cum suis pertinentiis. Cumque aliquandiu agitata esset præsens quæstio, Dux, sicuti vir humilis erat, & mansuetus, ac timens sermones Domini, in die Purificationis beatæ Mariæ, præsentibus clero & populo vniuerso, Ecclesiæ sanctæ Resurrectionis, quartam partem Ioppe resignauit. Postea die sancto subsequentis Paschæ, in præsentia cleri & populi, qui ad diem festum conuenerant, urbem Hierosolymam cum turri David, & vniuersis eius pertinentiis, in manu domini Patriarchæ resignauit: eâ tamen conditione, ut prædictis urbibus cum terri-

toriis suis ipse interim frueretur vteretur, quousque captis ex aliis urbibus una vel duabus, Regnum Dominus permetteret ampliari. Quod si medio tempore Dux absque legitimo defungeretur hærede, prædicta omnia absque difficultate, omni contradictione remota, in ditionem domini cederent Patriarchæ. Hæc omnia et si aliorum relatione comperta, & etiam quorundam operâ scripto mandata, præsentanti interseruimus narrationi: miramur tamen, quibus rationibus motus dominus Patriarcha, hanc aduersus Ducem suscitauerit quaestionem, cum nec vspiam legerimus, aut à viris fide dignis audierimus, eâ conditione domino Duci, regnum à victoribus Principibus fuisse traditum, vt alicui personæ, alicuius præstationis annuæ, vel perpetuæ vinculo se sciret obligatum. Nec pro crassa & supina nostra 10
ducenda est ignorantia, cum quolibet mortalium amplius harum rerum veritatem, diligenter inuestigauerimus, ad hoc specialiter studiosè, vt ea præsentanti scripto mandarem, sicuti in nostro longè ante fuerat proposito. Veruntamen quartam partem ciuitatis ab introitu Latinorum, & etiam à multis retro temporibus, Hierosolymorum Patriarcham certum est tanquam propriam possedisse. Quod qualiter acciderit, & vnde initium possidendi habuerit & causam, breuiter aperendum est: nam nos studiosius hæc inuestigantes, frequenti inquisitione tandem ad huius rei peruenimus indaginem. Habent veterum traditiones, dum ciuitas illa ab infidelibus detineretur, nunquam pacem continuam, vel ad tempus modicum, habuisse; sed frequentibus bellis, & crebris obsidionibus, finitimis Prin- 20
cipibus eam sibi vendicare volentibus, perpetuò fuisse fatigatam: vnde eius & turres & mœnia, tum vetustate, tum obsidentium operâ, in ruinam collapsa, hostium insidiis locum latè patère cogeant. Cum igitur ea tempestate Ægyptiorum regnum viribus & diuitiis, sed & prudentia seculari, cæteris quæ vel in Oriente vel in Austro erant regnis esset præstantius, volens Ægyptius Calipha imperii sui fines porrigere, & suam longè lateque propagare ditionem, missis exercitibus, vniuersam Syriam vsque *Laodiciam*, quæ Antiochiæ contermina, Cœles Syriæ limes est, violenter occupauit: designatisque præsidibus, qui urbibus tam maritimis quam mediterraneis præessent, vectigalia constituit, & vniuersam regionem fecit tributariam: præcipiens singulorum ciuibz locorum, ciuitatis suæ muros reedificare, & 30
turres validas per circuitum erigere. Hac communi lege, procurator qui Hierosolymis præerat, eiusdem loci compulsi habitatores legibus parere communibus, & mœnia cum turribus in statum reformare priorem. Quibus cum partes futuri designarentur operis, contigit ex malitia magis quam ex opum comparatione, quod quarta pars structuræ illius, miseris Christianis, qui in vrbe degebant, designaretur. Erant autem prædicti fideles, tot angariis & parangariis, tributis, vectigalibus, & aliorum sordidorum munerum præstatione attenuati adeò, quod omnium opes vix sufficerent, vt vna vel duæ de prædictis turribus refarcirentur. Videntes ergo quod occasiones quærent aduersus eos, non habentes aliud refugium, ad Præsidem accedunt, cum lachrymis supplicant, orantes, vt iuxta eo- 40
rum possibilitatem onus eis imponatur; nam quod iniunctum eis fuerat, omnino insufficientes erant portare. Qui cum à sua præsentia eos excludi præcepisset sub graui interminatione, dixit: *Edicta summi Principis, sacrilegium est violare: aut ergo opus iniunctum consummabitis, aut ultoribus gladiis, tanquam læsæ maiestatis reos, vos oportet succumbere.* Tandem multiplicatis intercessoribus, & munerum interuentu, apud Præsidem ferias obtinent, quousque missis legationibus, ad Dominum Constantinopolitanum Imperatorem, eius ad peragendum opus prædictum, implorent eleemosynam. Destinati ergo nuncii ad prædictum Principem accedentes, gemitus & lachrymas fidelis populi, non sine suspiriis audientium, quantum possunt exprimunt diligentius: pandentes ex ordine, sputa, colaphos, vincula, car- 50
ceres, bonorum direptiones, cruces, supplicia, quæ miser ille populus pro CHRISTI nomine incessanter pateretur; & nunc quas de nouo aduersus eandem plebeculam ad perdendum eos quærent occasiones. Porro tunc agebat in sceptris, vir prudens & magnificus dominus *Constantinus*, qui cognominatus est *Monomachus*, Constantinopolitanum Imperium strenuè & viriliter administrans. Is lachrymosis CHRISTI fidelium petitionibus gratuitum impendens assensum, pecuniam promittit, vnde opus iniunctum possit absolui, eorum molestiis & continuis afflictioni-

fictionibus plenâ caritate compatiens. Adiicit tamén conditionem, quòd ea lege prædictam sit eis pecuniam largiturus, si apud regionis dominum id obtinere possint, ut infra prædictum muri ambitum, quem de Imperialibus eleemosynis erigere proposuissent, nulli nisi Christiano habitare liceret. Scribit igitur ad Cyprios, ut si Hierosolymitæ fideles id possent impetrare, de vectigalibus & fisco debitis, tantam eis pecuniam ministrarent, quæ prædicto operi sufficere posset. Illi verò ad propria reuersi, domino Patriarchæ & plebi Dei quomodo egerint, pandunt seriatim: qui gaudentes verbum amplexi sunt, & ad implendam legem pactorum, quam dominus adiecerat Imperator, omni studio fideliter elaborant. Missis igitur nunciis ad magnum & supremum eorum principem, Ægyptium videlicet Calypham, prosequente eos diuino fauore, apud eundem, prædictam impetrant postulationem: & munimentum, eius subscriptione & sigillo corroboratum, insuper obtinent. Tandem feliciter consummato negotio, ad propria reuersi, designatam muri partem auctore Domino, cõpleuerunt: anno ab incarnatione Domini M.LXIII. Regnante apud Ægyptios, & id fieri permittente *Bomenfor Elmofensab*, anno tricesimo sexto ante vrbs liberationem. Habitauerant sanè vsque in illum diem, promiscuè cum fidelibus, Sarraceni: sed ab ea hora, auditâ iussione Principali, ad alias ciuitatis partes de necessitate se contulerunt, quartâ prædictâ fidelibus sine contradictione relicta. In quo serui CHRISTI conditionē suam videntur fecisse

20 longè meliorem: nam de cohabitatione virorum Belial, multò sæpiùs oriebantur scandala, & multiplices eis accedebant molestiæ: tandem seorsum habitantes, sine admixtione zizaniorum, degebant quietiùs: si quas habebant quæstiones, ad cognitionem referebant Ecclesiæ, & mediante domini Patriarchæ, qui pro tempore erat, arbitrio, controuersias inter se decidebant. Sic ergo ab ea die, & eâ ratione qua prædiximus, prædicta pars ciuitatis quarta, alium non habuit iudicem vel dominum nisi Patriarcham; & eam quasi propriam, Ecclesia sibi perpetuò vendicauit. Distinguitur autem quarta prædicta hoc modo: à porta Occidentali, quæ dicitur *Dauid*, per *turrim* angularem, quæ cognominatur *Tancredi*, vsque ad portam Septentrionalem, quæ dicitur *Protomartyris Stephani*, est ambitus muri exterioris: In-

30 teriùs verò limes est via publica, quæ ab eadem porta vsque ad mensas numulariorum directè protenditur, & inde iterum ad portam Occidentalem. Continet autem intra se venerabilem locum Dominicæ passionis & resurrectionis, Domum hospitalis, vtrunq; monasterium, virorum videlicet & sanctimonialium, quorum vtrunque cognominatur *de Latina*; domum etiam Patriarchalem, & Canonicorum Dominici Sepulchri claustrum, cum suis pertinentiis. Eodem tempore, cum iam ferè omnes Principes qui in expeditione venerant, essent ad propria reuersi, ita quòd Dux solus, cui regnum erat commissum, & dominus *Tancredus*, qui in partem sollicitudinis à domino Duce tanquam vir prudens, strenuus & felix, erat detentus: tam modicæ erant nostrorum facultates, & militantium copiar, ut o-

40 mnibus conuocatis, & certatim concurrentibus, vix inuenirentur equites trecen-
ti, & peditum duo millia. Vrbes autem, quæ in nostram venerant ditionem, paucæ admodum erant; & locis hostilibus interiectis, interpolatæ, ita ut summo periculo, cum necessitas id exposcebat, de vna ad alteram veniretur. Suburbana autem, etiam in nostrorum finibus vniuersa ab infidelibus & Saracenis incolebantur: quibus sæuiiores hostes nostro non erant populo; eoque peiores quòd & domestici: *nulla enim pestis efficacior ad nocendum, quàm familiaris inimicus*. Hi non solum nostros incautè gradients viis publicis obtruncabant, & hostium mancipabant seruituti; verum etiam & agrorum culturæ operam denegabant, ut fame nostros affligerēt; malentes ipsi esuriem pati, quàm nostris, quos hostes reputabant, aliquam ministrare

50 commoditatem. Nec solum vrbibus egressi, suspectas habebant semitas; verum & in domibus, infra vrbium mœnia constitutis, propter inhabitantium raritatem, & patulas hostibus murorum ruinas, vix tutus inueniebatur ad quiescendum locus. Nocturni enim fures, vrbes vacuas, & raro habitatore cultas, clandestinis irruptionibus effringebant, in propriis domiciliis multos opprimentes: vnde nonnulli clam, multi etiam manifestè possessiones quas acquisierant deserentes, reuertebantur ad propria; arbitantes quòd vnâ die hi qui patriam tueri nitebantur, opprimerentur ab hostibus, & nō esset qui eos ab imminentibus cladibus posset eruere.

Hi causam edicto dederunt, *ut annua praescriptio locum haberet; & eorum foueret partes, qui in tribulatione perseverantes per annum & diem tranquille & sine quaestione aliquid possederant.* Quod introductum est, ut praediximus, odio illorum qui timoris causa suas reliquerant possessiones, ne post annum redeuntes, ad eorum admitterentur vendicationem. Cumque tantum regnum laboraret inopia, adiecit tamen vir DEVM timens, DEOq; amabilis, auctore Domino, regni fines ampliare: conuocatisque militaribus auxiliis, & populo regionis, urbem maritimam, Ioppen si conterminam, quae olim dicta est *Antipatrida*, nunc vero vulgari appellatione dicitur *Arsur*, obsedit. Sed cum in ea essent viri fortes, & strenui, armis, victualibus & caeteris ad hos usus necessariis abundantes; Dux vero exterius grauem sustineret inopiam, & maxime quia naues non habebat, quibus obsessis introitum negaret & exitum; necessitate compulsus, praedictam soluit obsidionem, expectans ut tempore procedente, magis opportuna sibi ad id complendum concessa, diuinitus eidem se offerret occasio: sed morte praeventus immatura, ad operatum propositum non peruenit.

xx. Accidit autem in eadem obsidione dignum memoriâ quiddam, quod praesentem curauimus lectioni inferere. De montibus Samariae, in quibus urbs Neapolitana sita est, quorundam suburbanorum reguli, deferentes secum exenia panis & vini, caricarum quoque, & vuae passae, ad praedictam descenderunt obsidionem, magis, ut credimus, ut nostrorum explorarent vires & multitudinem, & de statu eorum plenius edocerentur, quam ut Duci deferret munera. Hi postquam in exercitum peruenierunt, ut ante Ducem introducerentur, coeperunt instanter postulare: in cuius constituti praesentia, obtulerunt donaria quae secum detulerant. Dux autem, sicut vir humilis erat, & seculi pompam omnino declinans, super saccum stramine plenum, humi positum, residebat, suos expectans quos pabulatum emiserat. Quod intuentes illi, admiratione stupidi, quae fieri viderent, *cur tantus Princeps, & tam admirabilis dominus, qui ab Occidente veniens, totum concusserat Orientem, & Regnum maximum in manu valida occupauerat, ita sederet inglorius, ut neq; tapetia, neq; holoserica circa se more haberet Regio; nec stipatus satellitibus armatis, formidabilem se praeberet accedentibus.* Quibus ita percunctantibus, quae fuit Dux quid loqueretur: quo cognito, respondit: *Quod homini mortali sufficere merito terra pro se de temporali poterat, cui post mortem perpetuum domicilium est praestitura.* Quod audientes qui gratia tentandi accesserant, admirantes viri responsum, humilitatem & prudentiam, abierunt dicentes: *Quia verè hic est, qui uniuersas regiones debeat expugnare; & cui repositum est de vita merito, populis & nationibus principari.* Mirabantur & timebant pariter finitimarum habitatores regionum, peregrini virtutem & successum populi; eoq; in maiorem rapiebatur & admirationem & metum, quo haec suorum relatione, quibus amplius credere tenebantur, cognouerant; & usq; ad

xxi. Orientis vltiora factum hoc, tam mirabile, diuulgabatur. Dum haec ita in regno Hierosolymorum aguntur, accidit quod quidam Gabriel nomine, Armenius natione, qui urbi *Meletenia*, trans Euphratem in Mesopotamia sitae praerat, Persarum timens incursum, & eorum non valens sustinere molestias, legatos misit ad dominum Boamundum Antiochenorum principem, inuitans ut ad se venire non differat, praedictam urbem quibusdam interpositis conditionibus, ilico recepturus. Quod audiens vir magnificus dominus Boamundus, vocationem viri impigre secutus, assumpto sibi solito comitatu, transito Euphrate, Mesopotamiam ingressus, penè iam ad urbem praedictam peruenerat, cum ecce Turcorum quidam potentissimus satrapa, *Danisman* nomine, eius aduentu praecognito, ex improviso in eius comitatu irruit: & incautos opprimens, quosdam in ore gladii peremit; reliquos vero multitudinem hostium ferre non valentes, adiecit in fugam. Ipse vero dominus Boamundus, peccatis exigentibus, captus est ab hostibus, & eorum vinculis mancipatus. Quo successu elatus, de multitudine exercitus, quem secum trahebat copiosum, praesumens, eandem urbem obsidione vallat, in proximo sperans eam se habiturum. At vero qui de praedicto euaserant periculo, *Edeffam* peruenientes, Comiti ex ordine pandunt casum, qui domino Principi & eis acciderat. Quod intelligens vir strenuus, domino Principi tanquam fratri vterino compatiens, & periculoso rei euentu commotus interius, militares cum omni celeritate conuocat copias: & sumptis ad iter necessariis, ad partes velox accelerat. Distare autem dicitur praedicta ciuitas ab Edeffa, itinere dierum trium; quod subito & mature conficiens, iam proximus urbi aderat: sed

sed audiens prædictus *Danisman* Comitis aduentum, obsidione solutâ, secum deducens dominum Boamundum, quem tenebat in vinculis, in partes regni sui, prælium declinans, secessit vltiores. At verò Comes audiens, quòd prædictus *Danisman* eius formidans aduētum, ab obsidione discesserat, insectatus est per triduum fugientem: videns quòd non proficeret, Meleteniam reuersus est, vbi à prædicto Gabriele magnificè, cum ingenti gloria susceptus, tractatus optimè, ciuitatem eisdem conditionibus, quibus domino Boamundo prædictus Gabriel obrulerat habendam, recepit. Hisque peractis, ad propria reuersus est. Interea dum vir insignis dominus *Dux*, & sui, qui cum eo, aliis discedentibus, vt regnum conseruarent, Hierosolymis remanserant, tantâ laborarent inopiâ, tantâ affligerentur paupertate, quantam vix aliquis verbo possit exprimere: accidit, quòd per exploratores, quibus meritò fides erat adhibenda, nunciatum est, quòd in partibus Arabiæ trans Iordanem, in regione Ammonitarum, quidam *Arabes* incautiùs se haberent: vnde si super eos repentè irrueretur, ingentia possent lucra reportari. Quibus vir illustris persuasus, conuocatis secretiùs tam equitum quàm pedum copiis, quales Regnum recens ministrare poterat, transito Iordane, hostium fines ingressus est: vbi feliciter consummatò negotio, dum cum ingenti præda gregum & armentorum, & infinitis mancipiis reuerteretur, nobilis quidam, & in populo suo præclarus Princeps, de gente Arabum, industrius, & disciplinæ militaris feruentissimus amator, impetratâ pace per internuncios, ad eum cum honesto nobilium eiusdem gentis accessit comitatû. Audierat enim multorum relatione, de populi huius viribus, & gloria, qui ab Occidente descēdētis, per tot terrarum spacia, & tantam laborum multitudinem, vniuersum sibi Orientem subiecerat; & præcipuè de Ducis virtute singulari, & strenuitate præcipua: vnde, studio feruentissimo, eū videre gestiebat. Accedens igitur, & exhibitâ reuerentiâ, cum debitæ salutationis affatu, multâ precum Ducem rogauit instantiâ, vt in conspectu eius, gladio suo, camelum maximum, quem præsentem ad eū vsum exhibuerat, ferire dignaretur, vt & ipse posset virtutis eius aliis testimonium perhibere. Cui *Dux*, quoniam ad videndum eum de remoto venerat, acquieuit: & euaginato gladio, cameli præsentis caput amputauit ita facili, tanquam si rem fragilem iussus esset præcidere: quo viso, obstupuit *Arabs* virtutis immensitatem; sed in mente sua, multum id adscribebat ensis acuminis. Vnde impetratâ licentiâ, vt confidentiùs loqueretur, quasiuit, *utrum cum alterius gladio simile quid posset operari?* *Dux* verò subridens, eiusdem nobilis viri sibi dari præcepit gladium: quo arrepto, aliud sibi eiusdem generis animal iussit præsentari: quo percusso, caput eius vno ictu sine difficultate præcidit. Hic verò primùm sæpe dictus vir nobilis admirari cœpit, cum stupore vehementi; & ictus vehemenciam, non ex ferri acie, sed ex robore viri cognouit procedere. Quodque de viri virtute audierat, verum, esse comperit: vnde oblati muneribus in auro, argento, & equis, domini Ducis sibi conciliauit gratiam; & reuersus ad propria, virtutis, quam in Duce viderat, præco factus est, ad quoscunque loquebatur. *Dux* verò cum præda & manubiis Hierosolymam reuersus est. Eodem mense, Iulio videlicet, Idem dominus *Godefridus*, regni Hierosolymorum egregius moderator, validâ & incurabili correptus ægitudine, ægrotare cœpit ad mortem. Tandem inualecente morbo, nec exaudiente remedia, assumpto salutis nostræ viatico, deuotè pœnitens, & verus CHRISTI confessor, viam vniuersæ carnis ingressus est, centuplum accepturus, & cum beatis spiritibus vitam possessurus æternam. Obiit autem quinto-decimo Kalend. Augusti: anno ab incarnatione Domini millesimo centesimo. *Se-* A. Dn.
1106.
pultus est verò in ecclesia Dominici Sepulchri, sub loco Caluariæ, vbi passus est Dominus: vbi & successoribus eius, vsque in præsentem diem, pro sepultura deputatus est locus.

EXPLICIT LIBER NONVS.



CAPITVLA LIBRI DECIMI.

I. Dominus Balduinus Edessarorum comes, defuncto fratri succedit in regno.

II. De corporis habitudine, & qualitate morum eiusdem domini Balduini.

III. Comes Garnerus, defuncto Duce, turrim occupat: predictum Balduinum occultis citat internunciis.

IV. Epistola domini Daimberti, ad principem Antiochenum.

V. Accedit Balduinus, Hierosolymam, & circa fluvium Canis hostium reperit insidias.

VI. Vincuntur hostes, & expedito itinere Balduinus peruenit Hierosolymam.

VII. Patriarcha Daimbertus, Balduini timens aduentum, in ecclesiam montis Sion, relictâ domo Patriarchali, se confert.

VIII. Comes versus Ascalonam expeditiones dirigit: Iordanem transit: terras hostium ingreditur: tandem Hierosolymam redit.

IX. Reconciliatis adinuicem Patriarcha & Comite, Comes in Regem inungitur.

X. Tancredus veteris memor iniuria, ab eo discedit, ab Antiochenis vocatus.

XI. Rex Iordane transito, de hostium finibus prædam trahit innumeram: & factum eius commendabile describitur.

XII. Principes Occidentales iterum ad iter se accingunt, & cum ingentibus copiis perueniunt Constantinopolim.

XIII. Imperator Alexius nomine, more solito, eis per Turcos molitur insidias: prosteruntur ex parte plurima peregrini: & qui residui sunt, Hierosolimam perueniunt, Comitem Tholosanum secuti.

XIV. Rex Antiopatriadam obsidet, & obsessam occupat violenter.

XV. Idem Rex Casaream obsidet, urbem maritimam, & obsessam impugnat.

XVI. In oratorio ciuitatis, ciuium multitudo perimitur infinita: & urbi capta assignatur Archiepiscopus.

XVII. Rex Ramulam veniens, hostium qui aduenire dicebatur, expectat exercitum:

& cum eis pugnans, obtinet victoriam.

XVIII. Inde Ioppem transit, & consternatos eiusdem ciues confortat.

XIX. Principes qui de nouo aduenerant Tortosam capiunt, & captam Comiti tradunt Tolosano: deinde Hierosolymam properat: Rex eis usque Berithum obuium egreditur. 10

XX. Aegyptii cum infinitis copiis fines ingrediuntur nostros. Rex illis occurrit: incautus pugnatur cum eis, & vincitur.

XXI. Rex fugiens de prælio, in castrum Ramulense se recipit: cuiusdam Arabis beneficio eripitur, aliis ibidem peremptis.

XXII. Rex per diuerticulum fugiens, Arsur, inde Ioppem peruenit. Conueniunt de regno uniuersi, ut Regi subueniant: pugnatur cum hostibus: nostri victores enadunt. 20

XXIII. Tancredus interim vrbes nobilissimas, Apamiâ & Laodiceam, in suam recipit ditionem.

XXIV. Balduinus de Burgo Comes Edessanus, Gabrielis Ducis filiam uxorem ducit.

XXV. Boamundus à vinculis hostium solutus redit Antiochiam, & Daimbertum patriarcham ad se confugientem benignè suscipit. 30

XXVI. Expulso Daimberto, quidam Ebreus, Hierosolymis inordinate præficitur. Rex Ptolemaidam obsidet, nec proficit: rediens inde, letaliter sauciatur.

XXVII. Comes Tolosanus ante urbem Tripolim castrum adificat, cui nomen est mons Peregrini.

XXVIII. Rex iterum Ptolemaidam obsidet: & Ianuensium fretus auxilio, obsessam urbem occupat violenter. 40

XXIX. Carra Mesopotamiæ à Tancredo, Balduino, & aliis obsidetur. Ciues fame compulsi, de tradenda urbe consilium inueniunt.

XXX. Nostri disceptantes de imperio urbis, eâ excidunt: Ciues subsidia recipiunt: pugnatur ibi cominus: vincuntur nostri: sitq; casus nostris valde periculosus.

EXPLICIUNT CAPITVLA LIBRI DECIMI.



INCIPIT LIBER DECIMVS.

CAP. I.



ECEDENTE ab hac luce, sed tamen lucem meliorem consecuto, inclytæ & piæ in Domino recordationis, domino Duce Godefrido, primo ex Latinis regni Hierosolymorum moderatore insigni, vacauit regnum mensibus tribus. Tandem verò, siue de supremo domini Ducis iudicio, siue de communi Principum, qui pauci erant, consilio, citatus est domi-

est dominus *Balduinus* Edeffanus comes, domini prædicti Ducis ex utroque parente frater, ut in regnum accederet, iure sibi debitum hæreditario, & fratri succederet in eadem cura. Hic in adolescentia sua liberalibus disciplinis conuenienter imbutus, clericus, ut dicitur, factus est, & in Remensi, Cameracensi, Leodiensi ecclesiis beneficia, quæ vulgò *Præbendæ* dicuntur, gratiâ generositatis, qua singulariter præminebat, obtinuit: tandem ex causis nobis occultis, arma capeffens militaria, deposito clerici habitu, miles effectus est. Demumque procedente tempore, uxorem ex Anglia duxit illustrem & nobilem, dominam *Gutueram* nomine, quam secum deducens, dominum ducem Godefridum, dominumque Eustachium fratres suos, viros virtutum & immortalis memoriæ, in expeditionem illam primam, faustâ & felicem per omnia secutus est. Prædicta verò eius vxor, antequam Antiochiam fidelis perueniret exercitus, longo fatigata dolore, apud Maresiam optimo fine vitâ decessit, ibique sepulta est, ut prædiximus. Ipse autem postmodum ab Edeffano duce vocatus, & ab eo adoptatus in filium, & post eius mortem Comitatum cum suis pertinentiis consecutus, sicut diligenter præmissum est, uxorem duxit filiam cuiusdam nobilis & egregii Armeniorum Principis, *Tasroc* nomine, qui cum fratre *Constantino* circa Taurum montem præsidia habebant inexpugnabilia, multasque virorum fortium copias: unde & propter diuitiarum & virium immensitatem, gentis illius reges habebantur. De sementiua autem eius secundum carnem origine, & de progenitorum excellentia, vel natiuitatis loco non multum est necessarium repetitos edere tractatus: nam dum superius domini Ducis gesta conscriberemus, sufficienter de illa quæ communis est ambobus, edisseruimus ingenuitate. Dicitur autem fuisse corpore valde procerus, & fratre multo maior, ita ut, sicut de Saul dicitur, *altior esset uniuerso populo, ab humeris supra*: capillo & barba fuscus, carne tamen mediocriter niueus: naso aquilino, & prominente pusillū labro superiore, cum subiecto dentium ordine aliquantulum depresso: non tamen eatenus, quod usque ad viciū ei posset imputari. Grauis in incessu, habitu & verbo serius; chlamydem semper deportans ab humeris, ita ut ignotis grauitate, quam verbo prætendebat, & habitu, episcopus magis quam secularis persona videretur. Veruntamen ut vitiatæ propaginis & primæ maledictionis hæredem se non dubitaret, carnis dicitur lubrico impatienter laborasse: ita tamen cautè quæ ad illum defectum respiciunt, negotia procurare satagebat, ut nemini scandalum, nulli vis maior, nulli enormis inflingeretur iniuria: quodque rarum est in huiusmodi, vix ad paucos ex cubiculariis eius, huius rei poterat peruenire notitia: tamen si more peccatorum ad excusandas excusationes in peccatis, eius fautor quærit descendere, videtur aliquam apud homines, & si non apud districtum iudicem, excusationem habere de peccato, sicut in sequentibus dicitur. Fuit autem nec multâ distentus pinguedine, nec immoderatâ macie tenuis; sed mediâ quadam corporis habitudine; promptus ad arma, ad equum agilis; impiger & sollicitus, quotiens eum regni vocabant negotia. Porro magnificentiam, animositatem, & disciplinæ militaris experientiam, & cæteras animi bene dispositi dotes egregias, quas velut iure hæreditario à progenitoribus in se transfusas, tam ipse quam fratres eius perpetuò possederunt, superfluum videtur in eo commendare, præsertim cum domini Ducis ita extiterit expressus æmulator, ut crimen sibi reputaret ab eius vestigiis declinare: eo minus, quo cuiusdam *Arnulfi*, hominis nequam & pessimi, qui Hierosolymis erat Archidiaconus, cuius ad malum omne opus & intentio prona dicebatur, de quo superius fecimus mentionem, quod sedem inuaserat Patriarchalem, nimiam utebatur familiaritate, & regebatur consilio, quod ei ad notam imputabatur. Defuncto igitur domino Duce, & sepulturæ tradito, ut præmisimus: hi, quibus de suprema voluntate mandauerat testamenti sui executionem, arbitrium deferentes defuncti, suam illius iudicio prætulerunt voluntatem; nam neque *arcem David* domino Patriarchæ *Daimberto* tradiderunt; nec ciuitatem, eius resignauerunt ditioni, sicut testamenti tabulis continebatur, & sicut in die sancto Paschæ, quod proximè præterierat, præsentem clero & populo, in ecclesia Dominicæ resurrectionis, Dux in Domino piæ recordationis, pactis inter eum & dominum Patriarcham initis, interseuerat. Huius autem contumaciæ princeps erat quidam Comes *Garnerus* cognomento *de Gres*, miles acerrimus, dominorum Ducis & Comitis consanguineus: hic

II.

1. Reg. 10.

23.

III.

confestim mortuo Duce, prædictam turrin inuadens, diligenter communierat; miseratque ad dominum comitem Balduinum occultè nuncios, ignorantibus aliis, ut velocissimus, & sine dilatione veniret: dumque super eo facta a domino Patriarcha sollicitaretur frequentius, ut supremæ Ducis voluntati satisfaciens, ecclesiæ ius resignaret, innectebat ambages, moras contexens, & tempus quocunque modo quærens redimere, ut comes citatus, iure adhuc suo illibato posset accedere: sperans; plurimum gratiæ apud sæpe dictum Comitem, pro huiusmodi fidelitate exhibita, se inuenturum: à qua spe delusus decidit, præter omnium opinionem. Accidit enim, quòd infra quinque dies, idem Comes, casu vitæ decessit, omnibus ducentibus pro miraculo, & domini Patriarchæ meritis ascribentibus, quòd hostis & persecutor ecclesiæ ita subitâ morte defecerat. Sed neque in eius defectu Ecclesiæ melior facta est cōditio. Nam qui in præsidio erant, quod acciderat non magnificientes, in eodem usque ad aduentum Comitis Edeffani perstiterunt. Porro dominus Patriarcha sciens Comitem vocatum esse, & eius formidans aduentum, volens eius promotionem quocunque modo impedire, domino Boamundo Antiochenorū Principi, epistolam rei seriè plenius continentem dirigit. Cuius recriptum ad maiorem rei euidèntiam, præsentī inferere curauimus lectioni. Scis, fili carissime, quoniam me ignorantem & inuitum, bonæ tamen ac sanctæ intentionis affectu, in eam quæ omnium Ecclesiarum singularis est mater & gentium domina, Rectorem & Patriarcham elegeris, electumque, communi tam cleri ac plebis, quàm Principum assensu, in huius summa dignitatis sedem, licet indignum, DE I præcunte gratiâ, locaueris. In quo ego culmine constitutus, quanta pericula, quot labores, quot persecutiones sustineam, iniuriis offensus mille, mens cognoscit animus; & ipse omnium inspector CHRISTVS. Vix enim dux Godefridus dum adhuc viueret, non tam propriæ voluntatis arbitrio, quàm malorum persuasione seductus, ea reliquit ecclesiæ tenenda, quæ Turcorum temporibus, qui tunc fuerat Patriarcha, tenuerat; & sancta Ecclesiæ, cum amplius honorari, & exaltari debuit, tunc maiora desolationis atque confusionis sue opprobria sustinuit. Respuit tamen ille, per misericordiam DE I, & ab impietatis desistens proposito, in die purificationis beatæ Mariæ virginis, de Ioppe quartam partem ecclesiæ sancti Sepulchri dedit: & post in die Paschalis solennitatis, iam ultra superbe sapere, aut in seculari pompa considerare respuens, diuino nutu compunctus, cuncta quæ iuris erant Ecclesiæ, libere reddidit: & homo sancti Sepulchri ac noster effectus, fideliter se DE O, & nobis, amodo militaturum spondit. Reddidit itaque nostræ potestati turrin David, cum tota Hierosolymitana urbe, eiusque pertinentiis, & quod in Ioppe ipse tenebat: sic tamen, ut ob rerum temporalium insufficièntiam, nostrâ concessione, ipse hæc tam diu teneret, donec illum DEV S in captione Babylonis, aut aliarum urbium amplificasset. Si autem absque hæc de masculo moreretur, hæc omnia absque ulla contradicção ecclesiæ redderentur. Hæc omnia cum in præsentia totius cleri ac populi, in die solemni Paschæ, ante sacrosanctum Sepulchrum confirmasset, etiam in lecto ægritudinis de qua mortuus est, coram multis & probatis testibus ipse constituit: quo defuncto, Comes Garnerius, ut hostis contra ecclesiæ DE I insurgens, fidem pactumque iustitiæ nihili pendens, turrin David contra nos munivit: & legatis suis ad Balduinum directis, mandat, ut ecclesiā DE I direpturus, resque eius violenter occupaturus, quantocius veniat: unde iudicio DE I percussus, quarto post obitum Ducis die obiit. Hoc ipso autem mortuo, viri ignobiles, ac de plebe, adhuc eandem turrin cum tota urbe occupantes tenent, aduentum Balduini, ad ruinam ecclesiæ & totius Christianitatis interitum præstolantes. At ego, qui solius DE I clementiæ, tuæque dilectioni, fili karissime, sum relictus, miseriis omnibus calumniis, insidiantium mihi malignorum circumuentus, tibi soli: (qui in te solo post DEV M confido, & spei meæ anchoram in tuæ dilectionis soliditate figo) tibi (inquam) soli, quas patior arumnas, imo quas Ecclesiæ patitur, voce flebili & anxiiâ cogitatione refero. Tu autem, si quid pietatis habes, & nisi paternæ gloriæ vis esse degener filius: qui tyrannicâ crudelitate, clausum ab impia manu domnum Apostolicum Gregorium de urbe Roma eripuit, unde memorabile seculis omnibus nomē emeruit: omni occasione remotâ, festina venire; & terræ regni, cui curâ in militibus tuis prudentioribus sapièter dispositâ, sanctæ Ecclesiæ miserabiliter laboranti, misericorditer succurre. Et certè scis ipse, quoniam auxilium tuum, consiliumque, promiseris, & debitorem te sanctæ Ecclesiæ ac mihi, sponte tuâ feceris. Scribe igitur ad Balduinum literas, interdicens ei, ne sine licentia nostra & legatione (cum ille tecum in Patriarcham & Rectorem ecclesiæ Hierosolymitanæ me elegerit) sanctam Ecclesiā deuastaturus, & res eius occupaturus, ullo modo veniat: monstrans ei, quoniam irrationabile est, tot pro eadem Ecclesiâ labores sustinuisse, totque pericula, ut illi libera fieret, si nunc vilis & abiecta seruire cogatur

cogatur illis, quibus dominari & præesse materno iure debet. Quod si ille iniustitia resistens, rationabilibus acquiescere noluerit, per eam quam beato Petro obedientiam debes, te contestor, ut quibuscunque modis vales, aut etiam si necesse sit, vi aduentum eius impedas. Quicquid autem super iis quæ mando, tu facturus sis, galea tuâ ad me sub festinatione missâ, per hunc eundem, quem ad te mitto nuncium, mihi carissime, manifesta. Hanc tamen epistolam, ad dominum Boamundum minimè credimus peruenisse. Nam eodem mense quo dominus bonæ memoriæ Dux carne dissolutus, migrauerat ad dominum, modico ante vel postea captus erat ab hostibus, sicut diligenter præmissum est. Dominus verò *Baldwinus* Edeßanorum Comes, redditâ sibi egregiâ Medorum metropoli, *Meliteniâ*, faustâ felicitate fruebatur; & perdomitis hostibus in circuitu admodum, aliquam sibi pacem & populo suo, per DEI gratiam obtinebat: cum ecce nuncius ab Hierosolymis properans, dominum Ducem vitâ decessisse nunciat: cognitoque quod amici & fideles fratris defuncti cum instanter vocabant, ut ad regni maturaret successionem, cōgregato sibi ducentorum equitū, & quætingentorum peditum comitatu, resignatâ terrâ in manus cuiusdam consanguinei sui, viri prudentis & egregii, domini videlicet *Balduni de Burgo*, qui sicuti in illo comitatu, ita postmodum & in regno successit, v. i. Nonas Octobris versus Hierosolymam iter arripuit, mirantibus nonnullis, quòd cum tam exiguo apparatu, tantum iter per medios hostium fines aggredi proposuisset. Cum autem peruenisset *Antiochiam*, uxorem cum ancillis quæ ei famulabantur, cum onerosâ suppellectile, & plurima parte sarcinarum præcepit ad mare descendere, ubi & nauigium iusserat præparari, quò illa honestè usque Ioppen deuehi posset: nam hæc sola ex maritimis urbibus, in nostram venerat ditionem, reliquis omnibus adhuc ab infidelibus detentis. Hoc autem eo videtur fecisse intuitu, ut hostium regiones transiturus, expeditior esset ad ea quæ occurrerent negotia, atque ad casus repentinos omnino paratior. Inde *Laodiceam* *Syrie* perueniens, oram maritimam secutus, per *Gabulum*, *Valeniam*, *Maracleam*, *Antaradon*, *Archis*, usque *Tripolim* peruenit: ubi ab eiusdem ciuitatis rege, in castris extra urbem, muneribus & honore præuentus, didicit eodem insinuante rege, quòd *Ducab* Damascenorum rex, proficiscenti ei in via præstruxerat insidias. Et procedens inde & *Biblum* pertransiens, ad fluiuium peruenerat, qui cognominatur *Canis*. Est autem in eodem loco transitus periculosissimus, inter montes excelsos, rupium asperitate & ascensu arduo nimis imperuios, & fretosum mare; vix habens latitudinis cubitos duos, longitudinis autem stadia quatuor. Has locorum angustias & callem periculosam obsederant, ut transitum impedirent, regionis incolæ, & de Turcis nonnulli, qui ut iter domini Comititis præpedirent, ad hoc de remotis conuenerant partibus. Ad quem locum cum peruenisset dominus Comes, præmissis aliquot de suis qui rem prætentarent, cognouerunt quosdam de iis qui locum muneriant, transito flumine descendisse in planum: quod videntes nostri, timentes ne post se maiores reliquissent insidias, rei statû domino Comiti per unū ex ipsis indicauerunt. Qui sine mora aciebus instructis eis occurrens, ad congregiendū paratos reperit: in quos animosò irruens impetu, primo conflictu eorum soluit manipulum, pluribus ex eis interemptis, reliquis autem in fugam conuersis; sarcinisque depositis, ibi castra metari præcipit: ubi cum locus esset arctus aliquantulum inter montes & mare, noctem duxerunt in multo discrimine peruiabilem; molestias eis irrogantibus, tam iis qui in montibus aditus præoccupauerant, quam qui in nauibus ab urbe Beritensi & Biblio descenderat, sagittarum totâ nocte multitudinem immittebant, & circa extrema castrorum multa nostris inferentes pericula; & tantis exacerbantes angustias, ut equos fessos ex itinere, & præ caloris immensitate sitibundos, eâ nocte quamuis propè esset fluuius, non possent adquare. Postea autem illucescente die, communicato cum suis consilio, præcipit Comes, ut compositis ad iter sarcinis redire incipiant: & præmissis debilioribus, & qui ad arma non multum poterant, ipse cum robustis sequebatur, non solum à tergo, verum ex utroque latere irruentium sustinens impetus. Id autem prudenter nimis & callidè, more suo, ut hostes deciperet, adinuenerat; non de suo diffidens comitatu: sed ut cum fugientem insequentes, in locis patentibus hostes reperiret, cum eisq; liberius congregi posset: plurimum enim angustias metuebat. Dumq; sic in redeundo eius laboraret exercitus, hostes arbitrati

caussa formidinis eos reditum maturare, tantò instant proteruius, quantò eos amplius timore deiectos arbitrantur. Descendentes igitur de locorum angustiis certatim, per loca liberiora nostros vrgentissimè cœperunt insectari: ita vt qui in nauibus erant, prædam affectantes, in terram desilirent, sperantes sine difficultate, tanquam deuictis hostibus, trophæum reportare. Videns autem Comes quòd montes deseruerant, & iam plana tenentes, nostris instabāt vrgentibus, indicto suis reditu, erectis vexillis, in hostes acrius instantes regreditur; eumque insecutæ acies, domini præeuntis exemplo irruunt animosius: & antequam in montes, more solito se possent recipere, gladiis in eos vibratis desæuiunt, vsque ad supremam interniciem non parcentes. Illi verò nostrorum non ferentes impetum, & cædentium robur 10 admirantes & stupentes instantiam, nullam defensionem dant operam; sed in sola fuga spem habentes, eā viā saluti consulunt: ita vt nec qui de nauibus exierant, ad mare redire præsumerent, & qui ad montes se contulerant, dum incautè fugiunt, periculosa incurrentes præcipitia, improuisæ mortis mille vias inuenirent. Hostibus igitur ita prostratis, nostri victores ad locum vbi sarcinas & impedimenta dimiserant cum exultatione redeunt: vbi nocte quiescentes, benedixerunt Dominum, qui potentes deponit, & exaltat humiles. At verò die sequenti retrocedentes, vsque ad locum qui dicitur *Iunia*, curam sibi, & equis debitam impendentes sollicitudinem, prædam inter se more militari diuiserunt, & capta mancipia. Manè verò sequente, volens dominus Comes, comitatui suo prudenter fideliterque prouide- 20 dere, assumptis sibi de expeditioribus equitibus nonnullis, ad locum vbi pridie conflictus fuerat, accessit intrepidus, perscrutari volens, vtrum adhuc angustias detinerent aduersarii, an locus transire volentibus liberè pateret. Vidensque transitum hostibus vacuum, & sine difficultate permeabilem, suos facit euocari: qui audità oprabili legatione, ad locum peruenientes, sine molestia dominum Comitem consecuti, locum transeunt, quem diu habuerant suspectum, & meritò formidabilem: & accedentes ad pagum *Beritensium*, ante urbem castrametati sunt: inde oram sectantes maritimam, transeunt *Sydonem*, *Tyrum* & *Ptolomaidam*, vsque ad locum cui nomen *Cayphas*, peruenerunt. Comes verò suspectum habens dominum *Tancredum*, propter illam enormem nimis & indebitam, quam in eum apud Tharsum Ci- 30 licæ commiserat, iniuriam, neminem suorum in urbem prædictam permisit introire, timens ne vir magnificus, offensæ memor, vellet ei vicem rependere. Porro dominus Tancredus aberat; ciues tamen eius, domino Comiti exeuntes obuiam, benignè multum & fraterno caritatis affectu, rerum venaliū, & maximè eorum quæ ad victum erant necessaria, bonis conditionibus obtulerunt commercium. Inde per *Cæsaream*, deinde *Arsur* viam legentes maritimam, vsq; *Ioppen* peruenerunt; vbi ab vniuerso clero ac populo solenniter exceptus, fauentibus vniuersis, pro Domino se gessit. Inde profectus *Hierosolymam*, occurrente sibi vniuerso clero & populo, tam Latinorum quàm aliarum nationum, cum hymnis & canticis spiritualibus,

VII. tanquam Regem & dominum suum introduxerunt gaudentes. Per idem 40 tempus, *Arnulfus*, de quo superius fecimus mentionem, primogenitus Sathanæ, filius perditionis, videns quòd à cathedra Iacobi, quam ausu temerario inuaserat, meritis exigentibus decidisset, molestare cœpit & turbare quietem domini *Daimberti*, quem eadem ecclesia de communi omnium conniuentia sibi præfecerat. Statim enim post Ducis obitum, apud dominum Balduinum Comitem, eum super multis accusauerat; cleri quoque partem concitauerat aduersus eum, sicuti malitiosissimus erat, & scandalorum sator. Erat etiam potens, & in diuitiis superabundans, archidiaconatum habens eiusdem ciuitatis, & pro stipendiis Templum Domini & Caluariæ locum. Sic ergo quoniam & diues erat & prudens vt faceret malum, plurimum in clero, magis autem apud seculares poterat personas. Videns itaque 50 dominus Patriarcha, & prædicti Arnulphi malitiam, qui ei datus erat pro stimulo; & Comitis credulitatem, suspectum habens eius aduentum, descendens de domo Patriarchali, in ecclesiam montis Sion se contulerat; ibiq; scandala fugiens, priuatus lectioni & orationi vacabat: vnde prædictæ domini Comitis receptioni

VIII. & honori eidem à ciuib; impenso, suam non exhibuerat præsentiam. Cùm autem per dies aliquot, Comes moram fecisset in vrbe, vt sibi & equis aliquam indulgeret requiem, ordinatis regni negotiis, quantum ad illud præsens videbatur sufficere,

sufficere, sicuti homo laboriosus erat, & ocia fugiens, congregatâ expeditione, tam ex iis quos secum deduxerat, quàm quos in regno repererat subitus & ex improviso ante urbem astitit *Ascalonam*. Vbi cum egredi ciues contra eum formidarent, videns quòd non multum proficeret, campestria secutus, quæ inter montes & mare media interiacent, suburbana inuenit: quorum habitatores relictis domibus, in specus subterraneas cum vxoribus & liberis, cum gregibus & armentis se contulerant. Erant autem latrunculi & prædones, viarum effractores publicarum, qui crebris irruptionibus inter Ramulam & Hierusalem, iter reddiderant valde periculosum, in viatores incautos ferro sæpiùs hostiliter sæuientes: quo cognito, Comes instari præcipit vehementiùs, & igni ad ostia speluncarum adhibito, fumidam docet adhibere materiam, vt fumo inclusos molestante, ad deditionē cogeret, vel aëre suffocatorio, spiritus cōpelleret exhalare. Factum itaq; est, quòd qui intus erant, incendiorum cauma, fauillam, fumiq; importunitatē non ferentes, sine conditione in manus se dederunt Comitris. Quibus non parcens, iuxta id quod eorū videbatur exigere merita, centū ex eis decollari præcepit: sumptisq; victualibus, quæ tam ad vsus hominum quàm iumentorum apud eos reperta sunt necessaria, tribu Simeon decursâ, ad montanâ inde conscendit: vbi locum sepulturâ Patriarcharum Abraham, Isaac, & Iacob celebrē, *Hebron* videlicet, qui alio nomine dicitur *Cariathiarbe*, prætereuntes, per vineas Engaddi, ad *vallem* descēdit *illustrem*, vbi est mare salissimum. Deinde *Segor*, paruulam quidem, sed tamen quæ Loth de Sodomis fugientem nouit saluare, transeuntes, fines Moabitarum ingressi, Syriam Sobal perlustrauerunt vniuersam, tentantes si quid eis occurreret, in quo gentem perfidam damnificare possent, suas verò conditiones reddere meliores: nihil tamen toto illo itinere profecerunt, nisi quòd de bonis hostium se, equos & iumenta exhibebant. Præcognito enim eorum aduentu regionis incolæ, ad montes imperuios & adscuerat confugerant præsidia, ita vt vniuersam nostri deambulantes regionem vacuam & sine cultore reperirent. Tandem videns dominus Comes quòd non proficeret, & quòd Natiuitatis Dominicæ immineret solemnitas, eandem viam, quâ venerat, remensus, XII. Kal. Ian. die festo sancti Thomæ Apostoli, Hierosolymam ingressus.

30 est. Anno igitur ab incarnatione Domini *millesimo centesimo primo*, reconciliatis adinuicē domino Daimberto Patriarcha, & domino comite Balduino, per quorū dā prudentū commendabilem interuentum, in die sancto Natiuitatis Dominicæ, in ecclesia Bethleemitica, astantibus clero & populo, ecclesiarum quoque prælatis & regni principibus, consecratus est, & in Regem inunctus, per manum domini *Daimberti* memorati Patriarchæ, dominus *Balduinus*, & regio diademate solenniter laureatus. Domino itaque Balduino, vt prædictum est, regni solium obtinente, & in regno confirmato, dominus *Tancredus*, inclytæ recordationis, & piæ in CHRISTO memoriæ, iniuriæ memor, quam ab eodem domino Balduino apud Tarsum Cilicię, præter merita passus fuerat, sicut vir religiosus erat, & propriæ amator conscientię, timens ei aliquo fidelitatis obligari vinculo, quem non poterat purâ caritate diligere, urbem Tiberiadensem simul & Caypham, quæ illustris memoriæ dominus Godefridus ob insignia eius merita ei liberaliter concesserat, in manus domini Regis resignauit: sumptaque licentiâ, discessum eius molestè ferētibus vniuersis, ad partes secessit Antiochenas. Sæpe enim & sæpius ab eiusdem regionis principibus euocatus fuerat, vt vsque ad reditum domini *Boamundi*, si quando cum Dominus de carcere educere dignaretur, principatus curam gereret & sollicitudinem, tanquam is ad quem de iure hereditario, si domino Boamundo redire non daretur, vniuersa deuolueretur hereditas. Perueniente igitur Antiochiam, populus & Maiores generalem & liberam statim ei contulerunt administrationem.

50 Rex verò resignatam sibi Tiberiadem cuidam *Hugoni de sancto Aldemaro*, viro nobili & in armis strenuo, iure concessit hereditario possidendam. Quieuitque regnum mensibus quatuor. Contigit autem per eosdem dies, suggerentibus viris quibusdam, quibus id ipsum officii erat, regionum finitimarum statum, & hostium explorare infirma, quòd *Rex*, conuocatâ secretiùs ingenti militiâ, Iordanem transiens, fines Arabum ingressus est; & pertransiens vsque ad interiora solitudinis, quam prædictus populus solet inhabitare, ad locum peruenit destinatum: vbi noctu & subito super incautos irruens, in ipsis eorum tabernaculis de viris nōnullos,

vxores verò cum paruulis vniuersis, & omnem eorum substantiam sibi fecerunt in
 prædam; trahentes secum spolia infinita, camelorum quoque & asinorum multi-
 tudinem inauditam. Viri autem ex plurima parte, de remoto sentientes nostrorum
 aduentum, equorum velocitate rapti, ad vltiora deserti fugâ salutem quærentes
 se contulerunt: tentoria, vxores, & liberos, simul & omnem substantiam suam ho-
 stibus exponentes. Accidit autem quòd dum in redeundo armenta & mancipia an-
 te se trahentes proficiscerentur, quædam illustris fœmina, cuiusdam magni & po-
 tentis Principis vxor, in eadem transmigratione, casibus inuoluta communibus,
 inciderat. Huic pragnanti partus imminebat dies, ita vt in ipso itinere, præ doloris
 deficiens angustia, qualis solet esse parturientis, partum edidit. Quod audiens 10
 Rex, præcepit eam de camelo cui insidebat deponi, & de spoliis in terra lectum pa-
 rari commodum pro tempore, datoque cibo & vtribus aquæ duobus; datâ etiam
 ei, secundum quod optauit, ancillâ, & duabus camelis, de quarum lacte nutritetur,
 designatis, mantello suo, quo erat indutus, eam inuoluens, dimisit; & cum exercitu
 suo profectus est. Eadem verò die, vel sequenti, magnus ille Arabum satrapa, cum
 multo suorum comitatu, exercitus nostri de more gentis suæ sequens vestigia, do-
 lens & tristis admodum, quòd vxorem, nobilem matronam, & in proximo paritu-
 ram amiserat, reliqua omnia quasi pro nihilo ducens, casu in vxorem sic iacentem
 incidit: vidensque & stupens humanitatem, qua erga eam dominus Rex abunda-
 uerat, cœpit vsque ad sidera Latinorum nomen, & maximè domini Regis clemen- 20
 tiam extollere; & eidem de cætero, quantum poterat, esse fidelis; sicut postmodum
 in multo necessitatis articulo, euidenti significauit argumento. Dum hæc in
 Oriente geruntur, audientes Occidentales principes mirabilia magna, quæ per
 seruos suos, qui peregrinationem ingressi fuerant, operatus est Dominus: quomo-
 do per tot terrarum spacia, per tot varios multiplicesque casus exercitum suum in
 Terram traduxerat Promissionis, & quomodo ante faciem eorum subiecerat gen-
 tes, regna humiliauerat: læti de fratrum successu; sed hoc ægrè ferentes, quòd eorum
 felicibus actibus digni non fuerunt interesse: apponunt qui relictæ fuerant, & ex
 compromisso apud se firmiter concipiunt, expeditionem innouare. Horum maxi-
 mus erat vir illustris & magnificus *Pictauesium Comes Wilhelmus*, idemque Aquita- 30
 taniæ Dux: dominus quoque *Hugo Magnus* Philippi regis Francorum frater, Co-
 mes Viromandensium, qui primam expeditionem secutus, captâ Antiochiâ, inopi-
 piâ rei familiaris tractus, in patriam redierat: dominus quoque *Stephanus Carnoten-*
sium, & *Blesensium Comes*, vir prudens & magni consilii, qui captâ Antiochiâ, fu-
 turum prælium reformidans, cum probro & ignominia consortes deseruit, & turpi
 fugâ perpetuam infamiam emit: hic priorem quæres defectum redimere, & abo-
 lere meritam prius infamiam, ad iter se præparat, honestum sibi asciscens comita-
 tum. Dominus quoque *Stephanus Burgundie Comes*, vir inclytus, & multâ nobilitate
 insignis, ad idem iter accingitur; & multi alii nobiles, qui suis regionibus, vitâ, ge-
 nere & armis præclari, eodem accensi desiderio, ad proficiscendum se præparant, 40
 expectantes, vt die constitutâ, maiores Principes iter arripiant, seque eorum affo-
 cient legionibus. Factum est autem, vt die præfixâ, tempore opportuno, ordinatis
 ad iter necessariis, consortibus accitis, iter arripuerint; primæque expeditionis ve-
 stigia, etsi non deuotionem secuti, *Constantinopolim* peruenerunt: vbi à domino Im-
 peratore Alexio satis honorificè suscepti, dominum *Comitem Tolosanum*, qui in pri-
 ma expeditione tantus Princeps, tamque commendabilis extiterat, reppererunt. Hic,
 vt prædiximus, vxore & familiâ ex plura parte, apud Laodiciam relictâ, ad domi-
 num Imperatorem redierat, opem imploraturus, quatinus in Syriam redire, & v-
 nam vel plures ex vrbibus eius sibi vendicare posset. Proposuerat enim inceptâ se-
 mel peregrinatione perseverare perpetuò, & nunquam ad propria redire. Hunc er- 50
 go tanquam virum industrium & prudentem gaudentes se reperisse, sumptâ à do-
 mino Imperatore licentiâ, donis ab eo cumulati vberioribus, dominum Comitem
 quasi pro duce habentes, transito Hellesponto, cum suis legionibus apud *Niceam Bi-*
thinia, prioris exercitus vestigia legentes, peruenerunt. At verò idem Impera-
 tor, vetusto Græcorum more, nostrorum successibus inuidens, quamuis eos, vt
 prædiximus, apud se satis benignè habuisset, occultè tamen per internuncios fre-
 quentes, in eorum perniciem hostes sollicitabat; & de eorum aduentu crebris
 epistolis,

epistolis & nunciorum discursibus reddebat instructiores, eos præmonens, ne tantum populum suo periculo liberè transire patiantur. *Vicem scorpionis agens, cui cum non sit in facie quod formides, prudenter feceris, si cauda posterioris declinare poteris maleficium.* Per eum igitur & suos, nostrorum aduentu præcognito, ex vniuerso Orientali tractu vires conuocant, & tam precibus quàm prætio militaria colligunt auxilia, eorum iter præpedire volentes, quos transeundi propositum habere cognouerant. Nostri autem siue ex industria, siue casu, diuisi sunt ab inuicem; & variis cœperunt partibus incedere, facti quasi ex industria *arena sine calce*; nullum inter se habentes vinculum caritatis; & illam quam prior exercitus obseruauerat disciplinam, omnino
10 contemnentes. Suscitatus est eis ergo, exigentibus meritis, potens aduersarius, & dati sunt in manus hostium, ita quod ex eis vnâ die in ore gladii promiscui sexus ceciderunt plus quàm quinquaginta millia. Quibus autem concessum est diuinitus hostium manus effugere, hi nudi vacuique, amissis farcinis, & omnimodâ suppellectile perditâ, salutem quocunque modo inuenerunt; tandemque casu magis quam industriâ, in Ciliciam peruenientes, apud *Tharsum* eiusdem prouinciæ metropolim, dominum *Hugonem Magnum*, fatali sublatum necessitate amiserunt: quo in ecclesia doctoris Gentium, qui ex eadem fuit oriundus ciuitate, magnificè sepulto, refocillati per dies aliquot resumpto itinere, *Antiochiam* peruenierunt. Quibus dominus *Tancredus*, prædictæ ciuitatis principatum administrans, omnem mo-
20 re suo humanitatis gratiam exhibuit: maximè autem domino *Pictauiensium* Comiti; quia & cæteris nobilior, & longè potentior, & ampliùs cæteris in prædicta infauusta expeditione damnificatus fuerat, amissis penitus vniuersis. Tandem videndi loca sacra tracti desiderio, quibus equi defecerant, nauigio; quibus autem adhuc supererant, terrestri itinere Hierosolymam festinantes, apud *Antaradon* urbem maritimam, quæ vulgari appellatione *Torsofa* dicitur, conuenerunt. Vbi de consilio domini *Raymundi Comitis Tolosani*, ciuitatem impugnantes, quoniam eis expugnabilis videbatur, auctore Domino, infra paucos dies violenter occupauerunt, ciuibus eius aut peremptis gladio, aut perpetuæ mancipatis seruituti. Urbem igitur domino Comiti resignantes, spoliisque iure belli inuicem diuisis, cœpto insistunt o-
30 perari: prædicto Comite ad tuendam prædictam urbem, inuitis cæteris, & eum secum trahere nitentibus, remanente. Interea dum prædictus exercitus, vt præ-
XIV. diximus, circa partes Romanæ infelicitè laboraret, dominus *Rex Hierosolymorum*, nolens ocio torpescere, sed regni fines ampliare sollicitus, omnem dabat operam, quomodo regni angustias posset dilatare. Applicuerat porro circa veris initium, in portu Ioppeni, classis *Ianuensium*, qui à domino Rege & eiusdem urbis ciuibus cum multa suscepti sunt honorificentia. Et quoniam in proximo erat Paschalis solemnitas, subductis ad terram nauibus, Hierosolymam ad diem festum ascenderunt. Completâ igitur, de more, celebritate Paschali, Rex per viros prudentes & exhortationis habentes gratiam, classis prædictæ consules, simul & maiores natu, & tur-
40 marum capita, conuenire facit, interrogans: *Vtrum redeundi haberent propositum; aut seruitio Diuino ad incrementum Regni per tempus aliquod, honesto deputato salario, se velint mancipare.* Qui communicato cum suis consilio, responderunt: *Quòd si honestis conditionibus in regno possent moram facere, propositum eis erat, & fuerat ab initio, in DEI seruitio ad incrementum Regni fideliter per tempus aliquod desudare.* Pactis ergo hinc inde, ad congruam consonantiam reductis, statutum inter eos, & iuramentis interpositis confirmatum, quòd *quamdium cū prædicta classe in Regno vellent moram facere, si quampiam de urbibus hostium, vel oppidis per eorum auxilium violenter capi contingeret, tertiam partem manubiarū & pecuniæ ab hostibus ablata, sine omni molestia haberent suorum consortibus diuidendâ, reliquis duabus domino Regi conseruatis. Insuper & in qualibet ciuitatum, quæ eodem te-*
50 *nore vendicarentur ab hostibus, vicum unum, qui proprius esset ciuium Ianuensium, ex compa-*
cto reciperent. Hac igitur spe crectus dominus Rex, & de cœlesti præsumens auxilio, congregatis de ciuitatibus, quas habebat, tam equitum, quàm peditum militariibus copiis, *Arfur* oppidum maritimum, mari & terrâ obsidione vallat. Est autem hic locus, qui alio nomine *Antipatrida* appellatur, ab Herodis genitore Antipatro sic appellatus, locus vber, sylvarum & palcuorum multas habens commoditates. Hunc locum anno præterito dux Godefridus bonæ memoriæ, obsidione clauserat: sed videns quòd non proficeret, non enim nauigiis abundabat, vt marinum obsessis

posset accessum impedire, infecto reuersus est negotio. Cum igitur præsidium, locatis in gyrum agminibus, circūdedissent, castellum præcipit, ex magnis trabibus fabricari: quo cōposito, & artificum sollicitudine mœnibus applicato, præ ascendentiū multitudinē, cū minū quam expediret, in se haberet soliditatis, ad terram contractum decedit. Quo casu de nostris quasi centum grauitè læsi sunt: quidam etiā capti ab hostibus, quos in nostrorum præsentia affixerunt patibulis: quā indignatione noster vehementer est motus exercitus; & instantes animosiū, hostes infra urbē cohibent, tantā captos formidine, vt iam de sui defensione, nec etiam cogitare videretur. Nostri verò applicatis ad murū scalis, iam turres & mœnia videbantur occupasse: cū ecce oppidani de vita desperātes, per intercessores apud dominum Regem obtinēt, vt resignato municipio, ipsi cum liberis & vxoribus, mobilia sua deferentes, liberum & tranquillū habeant exitum, & vsque Ascalonam securum ducatum. Captum ergo præsidium relictis ibi custodibus, qui locum prouidē tuerentur, Cæsaream confestim adiit, eam sine dilatione obsessurus. Est autem *Cæsarea* vrbs in maritimis constituta, cuius priscum nomen est *Turris Stratonis*. Hanc, vt veteres habent historiarū, Herodes senior ampliavit, & nobilibus ædificiis insignitam, in honorem Cæsaris Augusti, *Cæsaream* appellauit, secundæ Palæstinæ, Romani Principis autoritate, metropolim constituens. Est autem locus, aquarum fluentium, & hortorum irriguorum habens plurimam commoditatem; portu carens: quamuis de eodem Herode legatur, quod multis sumptibus, & curā diligentiore, inutiliter tamen elaborauerit, vt tutam ibi aliquam nauibus præberet stationem. Ad quā cū peruenisset Rex cum suo exercitu, classe eū per mare æquis passibus prosequente, obsidionem locant in circuitu, & machinis iaculatoriis congruis stationibus dispositis, urbem impugnant animosiū, & crebris congressionibus circa portas ciuitatis ciuibus irrogant formidinem; magnorumque molarium immisionibus turres & mœnia debilitant, & domicilia interiūs confringentes, obsessis requiem negant. Paratur interea ~~inter~~ altitudinis machina, turribus multò sublimior, vnde nostris esset facultas amplior urbē impugnādi liberiūs. Cū ergo quasi diebus quindecim tam ciues quā noster exercitus in eo perseverassent negotio, vt hi totis viribus inferre, illi non dissimili studio propulsare conarentur molestias, & in cōflictibus assiduīs animosiū decertarent: intelligentes nostri, ciues molles ocio, & longā quiete delicatos, armorum vsum non habentes, tantis impares laboribus, singulis diebus agere remissiū, & bellorum ponderibus fatigari; moram inuicem arguunt; & se mutuò cohortantes, non expectant vt erigatur quæ fiebat machina, sed factō vnanimiter impetu, solito acerbīus instant; & ciuibus infra mœnia violenter illatis, tantum ingerunt terrorem, vt de vita diffidentes, nec muros ad tuitionem communirent, nec defensionē vllam darent operam. Quod intelligentes nostri, scalas ad muros applicant, & subitō certatim ascendentes, turres occupant & mœnia: quorundam quoque studio reſeratis aditibus, Rex cum suis ingreditur, ciuitate violenter effractā. Hi iam passim discurrentes armati, & quæ sibi ciues tuta putabant præsidia, domos effringētes, patribus familiās occisīs, vasa, domus & quælibet eius desiderabilia rapientes, cæsa familiā, atria possidebant. Nam de his qui per vicos & plateas ciuitatis casu nostris obuiā se dabant, superfluum est differere: cum hi etiam, qui diuerticula studiosè querebant & latebras, stragem declinare non poterant. Multi autem ipsi sibi, quibus fortasse aliās indultum esset, mortis causas ascuerunt, qui aureos & lapides preciosos deglutientes, in suum exitum talium cupidos prouocabant catenus, vt sectis eis per medium, intus in visceribus deposita rimarentur.

XVI. Erat autem in parte ciuitatis, in loco edito, vbi olim ab Herode ad honorem Augusti Cæsaris, miro opere dicitur fabricatum templum, publicum ciuitatis Oratorium: illuc vniuersus penē ciuitatis populus, quoniam orationis locus erat, spe consequendæ salutis confugerat: quo effracto, tanta eorum qui intro se contulerant, facta est strages, vt occidentium de cruore occisorum bales tingerentur; & horror esset, funerum multitudinem intueri. In hoc eodem Oratorio, repertum est vas coloris viridissimi, in modum parapsidis formatum, quod prædicti Ianuenses smaragdinum reputantes, pro multa summa pecuniæ in sortem recipientes, ecclesiæ suæ pro excellenti obtulerunt ornatu. Vnde & vsque hodie transcurrentibus per eos magnatibus, vas idem quasi pro miraculo solent ostēdere, persuadentes

dentes quòd verè sit, id quod color esse indicat, smaragdus. Occisus autem per loca
 varia omnibus penè ciuibus adultis, virgunculis vix parcitur, & pueris impuberi-
 bus. Hic dabatur verè ad literam intueri quod scriptum est in Propheta: *Tradidit* *Psalm. 77, 67.*
Dominus in captiuitatem virtutem eorum, & fortitudinē eorum in manus inimici. Igitur ces-
 sante gladio, & strage populi cōsummatā, comportatis in vnū spoliis & supellectile
 vniuersā iuxta tenorem pactōrum tertia pars designatur Ianuensibus, reliquis dua-
 bus domino Regi & suis in sortem cedentibus. Hic primū noster populus, qui at-
 tritis in expeditione reculis, pauper & inops ingressus fuerat, & eadem tenuitate
 vsque ad illum laborauerat diem, onerati spoliis, & ditati pecuniā cōeperunt fieri
 10 locupletiores, pinguiore sibi supellectile constitutā. Adducti sunt autem coram
 domino Rege, sedente pro tribunali, procurator ciuitatis, qui linguā eorum dici-
 tur *Emir*; & Iuridicus, qui iuridicando præerat, qui etiam linguā eorum *Cadius* ap-
 pellatur. His duobus, spe futuræ redemptionis, studiosè indulta est vita; compedi-
 bus tamen mancipati, traditi sunt custodibus deputatis. Porro non habens Rex
 moram ibi faciendi diuturniorem ferias liberas, reuocantibus eum aliis negotiis,
 electo ibi Archiepiscopo quodam *Balduino*, qui cum domino duce Godefrido in
 expeditione venerat, relictis ad custodiam ciuitatis de exercitu nonnullis, ipse cum
 cæteris Ramulam festinat. Est autem *Ramula* ciuitas in campestribus sita, iuxta **XVII.**
Liddam, quæ est *Diospolis*, huius antiquum nomen non reperi; sed neque ipsam pri-
 20 scis fuisse temporibus, frequens habet opinio; quam post tempora seductoris Ma-
 humeth, eius successores Arabum principes, veteres tradunt historiæ, fundasse. Er-
 rat autem quādo Christianorum exercitus in partes Syriæ primitus appulit, ciuitas
 celebris, quæ multo populorum frequentabatur accessu, turribus & muro circum-
 data valido. Verū, postquam nostrorū partibus illis se infuderunt legiones, quia
 nec antemurali cingebatur, aut vallo, vrbe relictā, Ascalonam fugerūt omnes, pro-
 pter ampliorem illius vrbis munitionem, eius habitatores. Nostri verò, vrbe, vt præ-
 diximus, repertā vacuā, in quadam parte eius, castrum muris & vallo cōmunierunt,
 difficile arbitantes, tantum murorum ambitum, cum paucis habitatoribus occu-
 pare. Rumor itaq; insonuerat, non multū à vero discrepans, quod *Ægyptius Calypha*,
 30 quendam militiæ suæ principē, cum ingenti multitudine, ad partes direxerat Asca-
 lonitanas: more suo præcipiens, vt absq; dilatione proficiscens, populum illum ino-
 pem & mendicū, qui fines eius ingredi præsumpserat, & quietem eius turbare non
 verebatur, aut gladiis deleret funditus, aut vinctum ad se perduceret in *Ægyptum*.
 Dicebātur autem esse qui aduenerāt, prædictum Principem secuti, vndecim equi-
 tum millia; peditum verò in viginti millibus dicebatur summa consistere. Hæc do-
 minum Regem fama à Cæsarea maturare compulerat, timentem ne de multitudine
 sua præsumentes, periculosas in Regnū irruptiones molirentur: quòd perueniens,
 quasi per mensem expectans, videns quòd non procederent, Ioppen reuersus est.
 Tandem mense tertio *Ægyptiorum* legiones, de quibus præmisimus, timentes do-
 40 mini sui præterire mandatum; & super eo quod distulerant, indignationē metuen-
 tes & offensam, *de necessitate facientes virtutem*, animos erigunt, reparant vires; & or-
 dinatis agminibus fines nostros ingredi, & nobiscum pugnare contendunt. Quod
 vbi domino Regi nunciatum est, collectis regni modicis copiis: quia maiores, pos-
 sessionum angustia ministrare non poterant; exercitum circa *Liddā* & *Ramulam*
 colligit quantum potest. Erat autem ei equitum numerus ducenti sexaginta; pedi-
 tes verò nongenti. Vbi autem constitit quòd hostes accederēt, Rex illis procedens
 obuiā, acies sex numero præcepit ordinari: quibus ordine dispositis, præuio ligno
 Crucis Dominicæ, quod quidam Abbas religiosus cum multo **DEI** timore gesta-
 bat in manibus, hostium acies cōtuentur: quibus intuitis, inuocato de supernis au-
 50 xilio, erectis in cælum luminibus, eorum multitudinem non verentes, hostibus a-
 nimosè se ingerunt, gladiis instantes viriliter, scientes quia res pro capite ageretur.
 Hostes nihilominus è diuerso, vxoribus & liberis, possessionibus & prædiis, quas in
Ægypto dimiserant, nisi victores redeant metuentes, resistunt totis viribus; & pro
 modo suo laborant iniurias propulsare. Factum est autem, vt primæ hostium acies
 in vnā ex nostris irruentes, & ingenti multitudine illam dissoluentes, adegerunt
 in fugam: quam insectantes & perurgentes atrociūs, penè vsque ad supremum in-
 teritum deleuerunt. At verò reliquæ nostræ acies hostibus resistentes & instantes

atrocius stragem mirabilem & inauditam exercebant, domino Rege, prout decebat tantum principē, nunc hos, nūc illos verbo & exemplo animante; & cum acie, cui præerat, oppressis & deficientibus ministrante vires, & animositatem suggerente. Accidit autem, ut post diu ancipitem belli euentum, nostris diuinitus concessā victoriā, hostes in fugam versi sunt, eorum Principe destituti, qui in agone decertans viriliter, gladiis confossus interierat. Videns ergo dominus Rex hostium agmina dissoluta, cohortes partim gladio cecidisse, partim irreuocabiler inisse fugam, præcipit sub mortis periculo, ut occupandis spoliis nemo prorsus audeat inhiare; sed hostes insectando non parcant gladiis, sed omnes interimant, quousque vel vnus possit inueniri. Ipse quoque primus hostes insectatus, tam equitum quàm agiliū peditum turmas trahens secum, vsque Ascalonam, quasi per miliaria octo, hostes cedere, & stragem operari multam, non destitit, quousque nocte irruente, confortibus cornu admonitis, in campum rediit certaminis: vbi tanquam victor, nocte illā quieuit, spoliis iuxta militarem disciplinā inter suos diuisis. Dicuntur de hostibus cæsa ibi quasi quinque millia: de nostris verò recensito numero, inuenti sunt abesse equites septuaginta; de peditibus verò multo plures, quorum tamen certus

XVIII. non habetur numerus. At verò qui nostram hesterno conflictu fugauerant aciem, vsq; Ioppen fugientes insectati, deficientium arma, loricas, scuta simul & galeas sibi aptantes, ante urbem intrepidi astiterunt, ciuibz intonantes, dominum Regem simul & vniuersum Christianum exercitum in prælio corruisse: & hoc eis pro euidenti esse argumento significabant, quod familiarium & domesticorum arma notissima, intueri poterant & agnoscere. Quo audito, ciues & Regina quæ in vrbe erat, verum esse quod dicebatur arbitantes, in lamenta se tradiderunt, initoque consilio cum senioribus natu, & qui sensus habebāt magis exercitatos, vnicum credunt esse remedium, ut missā legatione ad dominum Tancredum Antiochenorum principem, ut regno periclitanti & rectore destituto, subuenire festinet: quia vniuersa fidelis populi, post D E M, spes in eo sit constituta. Rex autem nocte illā in campestribus transactā, luce terris restitutā, victrices reuocans acies, versus Ioppen iter dirigit. Accidit autem quòd dum essent in proficiscendo hi, nostros habuerunt obuiam, qui nocte proximè præteritā relatione infaustā urbem deterruerāt. hi; nostros cōtuentes, arbitrati sunt suorum esse agmina: nam nostrum exercitum hesternā die cecidisse penitus, quasi certum habebant: quò fiducialius accedētes, nostris penè se infuderant agminibus, cum dominus Rex suos exhortās, & primus in eos irruens, secum præcipitem equitum traxit numerum. Qui omnes vnanimiter pro animabus decertātes, hostibus instāt viriliter, & artius deprehensos, gladiis cominus rem agentes, nusquam permittunt euadere. Interfectis igitur ex eis quampluribus, reliquis etiam præ timore mortis conuersis in fugam, læti, & gratias Domino persoluentes, onerati spoliis, & de rebus hostium facti locupletiores, iter cœptum cōficiunt, Ioppen versus contendētes. At verò Ioppitæ cōsternati animo, pro his quæ audierāt, vbi nostra redire respiciunt agmina, quasi de graui somno expergefacti, fusis præ gaudio lachrymis, portas aperiunt; eis exeunt obuiam, significantes quàm tristitia de ipsis audierant, & in quantum deciderant desperationis profundum. Ingressi igitur in urbem, lætum & celebrem egerunt diem, recensentes adinuicem quantam fecerat cum illis Dominus misericordiam. Ut verò dominus Rex cognouit, quomodo Regina & qui circa eam erant in illo mentis excessu, quem præ timoris angustia passi fuerant, domino Tancredo scripserant, misso celerimē nuncio, eundem egregium Principem pro regni casu sollicitum, & iam accinctum ad iter, de suo mirabili successu literis certificat. Qui suscepto nuncio, & de victoria domini Regis lætabundus & gaudēs, gratias creatori persoluit immensas.

XIX. Interim principes illi, de quibus prius feceramus mentionem, qui in partibus Romanicæ, miserabili casu tantum amiserant exercitum, ut prædiximus, Antiochiam peruenerant; & inde progressi, urbem *Tortosam*, sicuti præmissum est, ab hostibus expeditam, domino *Raymundo* Comiti Tolosano tradiderant. Quibus Hierosolymam properantibus, ne forrē ad fluuium *Canis* eorum iter præpediretur, Rex assumptā secum occurrens militiā, transitus angustias præoccupauit: Nec fuit leue quod eorum gratiā tentauit: nam iuxta hostium vrbes quatuor, nobiles & populosas, Ptolomaidam videlicet, Tyrum, Sydonem & Berytum, eum oportuit

tuit pertransire, priusquam ad locum perueniret prædictum. Domino igitur Rege cum suis transitus difficultatem obtinente, adfunt illustres viri, dominus videlicet *Wilhelmus* Comes *Pictaviensium*, *Aquitaniæ* dux idem: dominus *Stephanus* Comes *Blesensium*: dominus *Stephanus* Comes *Burgundiæ*: dominus *Gaufridus* Comes *Vindocinensium*: dominus *Hugo* *Lisiniacensis* domini *Raimundi* Comitis *Tolosani* frater, & alii nobiles multi, læti plurimum & gaudentes, tum quia transitum, quem tamquam periculosum nimis diu ante suspectum habuerant, inuenerunt expeditum; tum quia dominum Regem sibi obuiam reppererunt. Conuenientes igitur adinuicem, in mutuos irruunt amplexus, & alternæ salutationis affatu depresso, pacis iungunt
 10 oscula, vicariis confabulationibus se recreantes: adeo ut iam & laborum & damnorum viderentur immemores, tanquam sinistram nihil pertulissent: quibus secum assumptis, & legibus humanitatis, & plenâ caritate benignè tractatis, Rex *Hierosolymam* perduxit. Et quoniam propè erat Paschalis solemnitas, transcurfis ibi diebus festis, *Ioppen* quasi in patriam redituri peruenierunt: ubi dominus Comes *Pictaviensium*, qui multâ premebatur indigentia, nauem ingressus, prosperè satis ad suam peruenit regionem. Vterque verò *Stephanus* nauem similiter ingressi, postquam diu & multum fatigati sunt in æquore, contrariis acti flatibus, *Ioppen* redire coacti sunt.

Cumq; omnes isti pariter moram ibi facerent, *Ascalonitæ* adiunctis sibi ex iis qui de prædicto prælio euaserant *Ægyptiis*, & ingenti militiâ congregatâ, quæ ad numerum viginti milium dicebatur accedere, fines nostros circa *Liddam*, *Sauronam* &
 20 *Ramulam* ingressi sunt: quod ut domino Regi nunciatum est, præter morem se habens nimis prouidè, non conuocatis ex finitimis urbibus militaribus copiis; sed de sua virtute præsumens, non expectatis etiam iis qui secum erant in vrbe, properus nimis, imò præceps, vix secum ducentos habens equites, urbem egressus est. Porro illi nobiles, sumptis equis mutuo ab amicis & cognatis, ignominiosum sibi reputantes, si tantâ ingruente necessitate ipsi fruerentur ocio, nec fratrum laboribus communicarent, egressi sunt pariter, Dominum Regem sequentes. Rex verò qui alios nimis incautè præcesserat, ubi hostium contemplatus est legiones, admirans multitudinem, facti cœpit poenitere, reputans apud se verè dictum: *Malè cuncta mini-*
 30 *strat impetus*; optaret non venisse se: verum adeo hostium cohortibus se immerferat, ut iam nec pudor, nec mortis periculum reditum suaderent. At verò qui in exercitu hostium erant prudentiores, & in re militari maiorem habebant experientiam, videntes nostros præter morem absq; peditum manipulis, equitum quoq; turmas, prætermisso ordine militari confusas accedere, cœperunt apud se maiore de victoria spem habere; unde facti animosiores, digestis in ordinem aciebus, vno impetu in nostros irruunt, tantò instantes animosius, quantò eos ordinem solitum magis neglexisse conspexerant. Oppressi itaq; irruentium vehementius ingenti multitudine, & belli pondus ferre non valentes, cæsis pluribus in fugam versi sunt: qui tamen in cōflictu ceciderunt, cruentâ hostibus de se reliquerunt victoriâ: nam vsq; ad supremum defectum decertantes viriliter, ex hostibus plurimos gladiis cominus obtruncantes, reliquos dissolutis agminibus penè in fugam conuerterant, cum ecce resumptis animis, nostrorum paucitatem, suorum verò attendentes multitudinem, exhortantes se adinuicem, iteratò se ingerunt vehementius; & nostros, ut prædiximus, adegerunt in fugam: qui autem sani euaserunt, in oppidum *Ramulam* se conferentes, salutem se sperabant inuenisse. Ceciderunt in ea acie vterq; Comes *Stephanus*, & alii nobiles, quorum numerum vel nomina non tenemus. Congratulandum est, ut nobis videtur, huic viro nobili, & apud suos & sanguinis generositate & operum magnificentiam præclaro, Comiti videlicet *Carnotensium*, domino *Stephano*. Certum est enim, quod iuxta
 50 magnam misericordiam suam egit cum eo Dominus: cui veterem infamiam notam, quam ab expeditione fugiens *Antiochena*, miserabiliter contraxerat, optimo fine abolere concessit: nec enim meritò ei ad nœuum imputabitur de cætero, quod tam fausto fine redemit. Nam qui pro *CHRIST* nomine decertantes, in acie fidelium & Christiana militia dicuntur occumbere, non solum infamiam, verum & peccaminum & delictorum omnimodam credimus abolitionem promereri. Rex
 verò, etsi de oppidi munitione non multum præsumeret, tamen ut mortis imminens declinaret dispendium, videns quod circumfusus hostium agminibus alias non dabatur ei euadendi locus, cum aliis intus in municipium se recepit: dumq; de vita &

salute totâ nocte sollicitus, curis grauibus vreretur, ecce intempestæ noctis silentio, ab hostium se subtrahens exercitu, adfuit oppido vicinus, solus absque comitatu, prædictus ille nobilis de Arabia princeps: cuius vxori dominus Rex, vt præmissimus, modico antè tempore, tantam exhibuerat humanitatem; memor sanè collati beneficii, & ingratitude declinans peccatum, suppressâ voce, iis qui in muro erant, locutus est, dicens: *Verba habeo ad dominum Regem secretiora, quæ perfero; facite vt ad eum introducar: expedit enim.* quod postquam domino Regi nunciatum est, verbum adinstit, & illum præcepit introduci: qui admissus, Regem quis ipse sit, edocet: Beneficium quod ab eo in vxore sua receperat, ad memoriam reuocans; & eius se intuitu illi obligatum perpetuò ad refundendam vicem non dissimilem, asserens: Regem instruit, vt de præsidio egrediatur, consilium pandens hostium, quod summo mane castrum debeant obsidione vallare, & omnes intus comprehensos in mortis præcipitare sententiam: iuxta quod dominum Regem monet, vt secum egrediatur, spondens se, auctore Domino, tanquam locorum peritum, eum in tuto sine difficultate repositurum. Tandemq; Rex egressus cum eo, paucissimis comitatus, ne fortè si maiores turbas traheret, hostium in se concitaret exercitum, illum sequens ad montana conscendit: vbi prædictus nobilis ab eo digrediens, ad hostium expeditiones reuersus est, obsequium suum & promptam tempore opportuno promittens deuotionem. At verò hostes victoriâ potiti, eos qui intra oppidum se contulerant, obsidione vallantes, & vndique impugnant es hostiliter, violenter comprehēderunt, comprehensosq; pro libero tractantes arbitrio, partim neci tradiderunt, partim compedibus alligantes, perpetuæ mancipauerunt seruituti. Tanta quidem nobilium virorum & fortium strages, vsque ad illum diem in Regno non legitur accidisse. Confusum est penè Regnum, & omnium vires eneruatæ, cordibus prudentium interius liquefactis: ita vt nisi maturè visitasset eos misericorditer *Oriens ex alto*, in desperationis decedentes abyssum, regnum parati erant deferere. Erat quippe nostrorum populus exiguus; nec de partibus transmarinis turè poterant in Orientem accedere, timentes hostium vrbes maritimas, quæ à dextra læuaq; erant plurimæ. Nam vt prædiximus, à Laodicia Syriæ, vsque ad Egypti fines nouissimos, non nisi duas de vrbibus maritimis noster obtinebat populus, *Ioppen* videlicet, & de nouo captam *Casaream*. Qui autem accedebant, completis orationibus ilicò reuertebantur, nostrorum videntes debilitatem, & penè defectum, timentes communibus cum eis calamitatibus inuolui. Rex ergo ad montes, vt prædiximus, fugiēs, amissis viæ confortibus, velocis equi ereptus beneficio, & prædicti nobilis viri ducatu, totâ nocte in locis desertis trepidus latuit: manè factò, duobus sociis, quos casus obtulerat, comitatus, viarum secutus dispendia, per medias hostium insidias, *Arsur* vsque peruenit. Vbi à suis qui in eodem oppido erant, gaudenter exceptus, sumpto cibo, confortatus est: nam præ famis sitisq; angustia, dum veniret, penè defecerat. Videtur autem & diuinitus procuratum quiddam, quod ei dicitur accidisse. Nam eadem die, vix vnus horæ interiecto spacio ab eodē oppido maximus hostiū discesserat numerus, qui sine intermissione oppidanis totâ die pro foribus bellum intulerant: quos si in eodem loco perseverantes Rex accedens reperisset, vix eorum manus potuisset effugere. Rumor interim de Rege varius habebatur: nam qui de prælio euaserant pauci, Hierosolymam venientes, Regem inter cæteros cecidisse asserabant. *Episcopus* verò *Liddensis*, qui auditâ & prope conspectâ eorum qui in Ramulensi præsidio capti fuerant strage, relictâ Ecclesiâ suâ *Ioppen* confugerat, de Rege interrogatus, se nihil omnino scire fatebatur: eos tamen qui in præsidium se receperant, vitam miserabiliter finiisse, constanter asserabat; se quoque fugâ latenter elapsus, vt vitæ consuleret, dicere non verebatur. Erat ergo per totum regnum, ad quos sermo iste peruenerat, vbique luctus, vbique gemitus & lachrymæ, diffidentibus de vita singulis, & mortem optantibus celerem, ne viderent mala gentis suæ, & regni desolationem aspicerent. Cùm ergo mœror & luctus & suspiria, Regnum occupassent vniuersum, ecce Rex, quasi stella matutina in medio refulgens nebulae, ab Antipatrida egressus, *Ioppe* nauigio subitum se intulit. Vbi à ciuibus cum gaudio susceptus, ex inperato depulsis tenebris serenum intulit, suâ delens præsentia quicquid sinistrum acciderat. Exiit ergo sermo iste per vniuersos Regni fines, & quos rumor primus animo deiecerat, secundus in spem bonam erexit. Interea dominus

minus *Hugo de Sancto Aldemaro*, Tyberiadensis dominus, à Hierosolymitanis cōmonitus vt domino Regi subueniret, cum octoginta equitibus, vsq; Arsur peruenerat, Regi auxilium ministraturus. Quod rex audiens, assumptis secum quos apud Ioppen inuenire poterat, ei procedit obuiam, timēs ne hostes per regionem liberē diffusi, eis aduenientibus insidias molirentur, aut cōgregatis copiis, eorum manifestē iter impedire niterentur. Occurrens ergo illis, iunctis cum multa hilaritate cōplexibus, & agminibus sociatis, Ioppen cum multa ciuium exultatione ingressi sunt. Missis igitur nunciis, eos qui in montibus erant, ad subueniendum ei sollicitat: qui maturē conuenientes, propter hostes qui media liberiūs obtinebant, viarum secuti
10 dispendia, infra paucos dies, apud Arsur peruenerūt: Vnde cum difficultate & vitæ periculo, hostibus inter eundum occurrentibus, *Ioppen*, auctore Domino, peruenerunt. Erant autē qui de nouo accesserāt equites promiscui meriti, quasi nonaginta, Quibus receptis, dominus Rex in bonā spem erectus, quærens quas intulerant, hostibus recompenfare iniurias, & mala quę irrogauerant refundere cū vsuris, instructis & iuxta rei militaris disciplinam ordinatis cōgruē tam equitum aciebus, quàm peditum manipulis, hostibus obuiam egreditur, eorum multitudinem de Domini fretus auxilio paruipendens. Erant autem hostes in proximo quasi ad miliaria tria, crates, scalas, & varii generis machinas ex electa lignorum materia cōtexentes; quibus erat propositum, & id ipsum leue videbatur, urbem inimicam impugnare; Regemq;
20 obsessum interiūs, cū ciuibz vniuersis, quasi vilia captiuare mācipia. Dumque in hoc essent opere solliciti, ecce Rex cum suo iam præsens aderat exercitu. Quod videntes aduersarii, quod ab iis quos victos reputabant, vltro prouocarētur ad prælia, correptis armis accingunt se vt occurrāt; nihil timentes eos, quos iam penitus defectisse arbitrabantur. Nostris tamen irruentibus, & pro omnibus quæ acceperant paratis recompenfare duplicia, more leonum, quibus raptis catulis est ira propensior, & pro vxoribus & liberis, pro libertate & patria totis viribus decertantes, infusā desuperis virtute, & diuinā præeunte gratiā, hostium gladiis dissoluunt agmina; & interfectis ex eorum numero quāmpluribus, reliquos turpiter fugam inire compellunt. Insequi autem diutiūs propter eorum paucitatem, nostris non
30 est visum expediens: sed in castra hostium redeunt, spolia colligunt plurima; asinos, camelos, papiliones & tentoria, victusq; & alimentorum diuersa genera secum deferentes, Ioppen cum victoria, populo applaudente vniuerso, reuersus est. Quieuitque regnum quasi mensibus septem. Igitur dum hæc in Regno variē multipliciterq; sic aguntur, dominus *Tancredus* vir illustris, congregatā de vniuersis suis militiā, & tam equitum quàm peditum copiis cōuocatis, nobilē sedem, Cælesyriæ metropolim, obsidet *Apamiam*. Vbi cū aliquandiu more optimi principis, debitā perseuerasset instantiā, singula percurrentes argumenta, quibus hostium solēt expugnari præsidia; nihil omittens eorum quæ obsessis molestias solent inferre grauiores, operoso studio, & sollicitudine non pigrā, præueniente eum Diuinā clementiā,
40 ciuitatem obtinuit, principatus fines ampliāns in immensum. Inde eadem, vt dicitur die, *Laodiciam* perueniens, quæ à Græcis possidebatur, eam in suam recepit ditionem; veteribus conditionibus interpositis inter se & eosdē Laodicensēs, quod quacunq; die *Apamiam* sibi vendicaret, eadem die ei sine difficultate resignarent *Laodiciam*. Harum vtrunque nobilissimarum vrbiū, *Antiochus* Seleuci filius fundasse legitur, & de nominibus filiarum, quarum altera *Apamia*, altera verò *Laodicia* dicebatur, ciuitatibus dedisse nomina. Hic autem de *Laodicia* Syriæ nobis est sermo: nam est & alia *Laodicia* quæ inter septem vrbes Asiæ minoris numeratur, iuxta id quod in Apocalypsi *Ioannis* scribitur, ita: *Quod vides scribe in libro, & mitte septem Eccle-*
50 *siis, Ephesum, Smyrnam, Pergamum, Tyatiram, Sardis, Philadelphiam, & Laodiciam.* Harum alteram, *Laodiciam* videlicet, diuus *Seuerus* coloniam fecit, teste *Vlpiano*, qui de ea in Digestis, titulo de censibus, ita ait: *Est & Laodicia in Syria, cui diuus Seuerus ius Italicum, ob belli ciuilis merita concessit.* Domino igitur eius promouente negotia, opus multorum dierum vno perfecit itinere, duas simul vrbes recipiens, quarum ampla lateque diffusa cum multis oppidis & suburbanis iacebant territoria. Erat quippe vir *DEVM* amans, Deoque amabilis, fide insignis, strenuitate conspicuus, exigentibus meritis populo acceptus, & in cunctis prosperē agens. Dominus etiam *Balduinus* Edeffanorum comes, vir magnificus, & per omnia commendabilis,

XXII.

Apo. I, II.

XXIV.

qui domino Regi, vt prædictum est, in Comitatu Edeffano successerat, strenue & feliciter terram sibi subditam administrabat, hostibus circumpositis suspectus plurimum & formidabilis. Cumq; sine vxore esset & liberis, cuiusdam *Gabrielis* Meleteniæ Ducis, de quo superius fecimus mentionem, filiam *Morsiam* nomine, vxorem duxit, magnam & valde necessariam cum ea, dotis nomine, suscipiens pecuniam. Erat autem prædictus *Gabriel*, natione, linguâ, & habitu Armenius; fide tamen Græcus. Accidit autem, quod dum in optimo esset statu, & optimâ tranquillitate frueretur, quidam consobrinus eius, *Ioscelinus* videlicet *de Cortenay*, vir nobilis de Francia, de regione quæ dicitur *Gastineis*, accessit ad eum: qui cum non haberet terram vel possessiones aliquas, ne ad alium ignotum, gratiâ promerendi beneficii cogere-
 10
 tur declinare, possessiones ei maximas contulit; omnem illam videlicet suæ regionis partem, quæ circa Euphratem fluuium magnum sita est, in qua erant vrbes *Coritium* & *Tulupa*; oppida verò ampla & munitissima *Turbessel*, *Hamtab* & *Rauendel*, & quædam alia. Sibi verò regionem trans Euphratem, hostibus magis vicinam, detulit, vnâ solâ vrbe de interioribus, Samosato videlicet, retentâ. Erat autem vir prudentiâ præditus seculari, in agendis circumspectus; in cura & dispositione rei familiaris prouidus valde; optimus paterfamiliâs, vtilium prouisor; vbi necessitas exigebat liberalis, sed modicè aliâs parcus, domesticorum bonorum solertissimus conseruator; in sumendis alimentis sobrius, de habitu & ornatu proprii corporis non multum habens curam. Vnde & prædictam regionis portionem, sibi à domino Co-
 20
 mite liberaliter cōcessam, multâ rexit industriâ, bonis omnibus abundans. Eodem tempore dominus *Boamundus* Antiochenorū princeps, vir magnificus, & per omnia commendabilis, Diuinâ eum respiciente gratiâ, post annos quatuor, quibus vinculis hostium mancipatus fuerat, precio interueniente redemptus, Antiochiam reuersus est. Vbi à domino Patriarcha, clero & populo vniuerso, gratâter susceptus, vniuersam prouinciam, & Regnum nihilominus, desiderio eius lætificauit aduentu. Cognitoq; quàm prudenter fideliterq; dominus *Tancredus*, eius cōsanguineus, commissum sibi in eius absentia administrauerat principatum, captisq; duabus eximiiis vrbebus eius fines strenue dilatauerat, gratias illi agens immensas, benignè habuit; plurimam partem regionis, sicut eius videbantur exigere merita, sibi & here-
 30
 dibus suis iure perpetuo tradidit possidendam. Nec multo post, vniuersum ei, sicut in sequentibus dicitur, commisit principatum. Interea verò *Arnulfo*, de quo superius diximus, Hierosolymitano Archidiacono more suo inter Regem & dominum Patriarcham *Daimbertum* scandala ferente, & ministrante odium, cœpit repullulare quæ prius sopita videbatur inter eos inimicitia; adeoque creuerat inter eos indignatio, vt suscitato aduersus eum per eiusdem seductoris operam & studium clero, vir religiosus & pacis amator, iuges molestias ferre non valens, ecclesiâ simul & vrbe relictâ, inops & pauper, consilii simul & auxilii indigens, ad dominum confugit Boamundum: Qui aduenientem honestè suscipiens, tanto erga eum maiore motus misericordiâ, quò eius sollicitudine & operâ ad Hierosolymitanam ecclesiâ no-
 40
 uerat esse promotum: & ne apud se aliter quàm tantum virum haberi oportebat, moram faceret, ecclesiâ sancti Georgii, quæ infra Antiochenam urbem sita est, cum ingentibus prædiis & multis redditibus, consentiente domino *Bernardo*, eiusdem loci Patriarchâ, liberaliter assignauit: ibique cum eo vsque ad eius in Apuliam transitum, sicut in sequentibus dicitur, morâ habuit continuam. At verò Rex, prædicti Arnulfi seductus malitiâ, prætermisso Dei timore, expulso domino Patriarchâ *Daimberto*, adiecit etiam vt peius faceret. Quendam enim simplicem & religiosum circumueniens sacerdotem, *Ebremarum* nomine, in sedem intrusit Patriarchalem. Hic autem simplex homo, in prima venerat expeditione, honestæ conuersationis merito cunctis acceptus: sed in hoc crassam nimis & supinam inuentus
 50
 est ignorantiam habuisse, quod viuente domino Patriarchâ, sedem eius licere sibi credebatur vsurpare. Eodem etiam anno, qui erat ab incarnatione Domini *millesimus centesimus tertius*, circa veris initium, celebratâ Hierosolymis Dominicæ resurrectionis solemnitatem, conuocatis de Regno vniuerso militaribus copiis, dominus Rex obsidet *Ptolomaidam*. Est autem *Ptolomaida*, ciuitas maritima, prouinciæ Phœnicis, vna de vrbebus suffraganeis, quæ ad Tyrensem metropolim habet respectum: portum habens infra mœnia & exterius, vbi tranquillam possit nauibus præbere stationem.

A. Dn.
1102.

- tionem. Est autem & satis commodè sita inter montes & mare, pingue & optimum habens latifundium, *Belo* flumine præterfluente ciuitatem. Hanc frequens fama est geminos fratres fundasse *Ptolomaum* & *Acconem* & muris vallasse solidioribus; eamq; quasi per mediū diuisam, suis nominibus appellasse: vnde & hodie binomia est, vt *Ptolemaida* dicatur & *Accon*, sicut pene omnes Syriae ciuitates duo vel tria habent nomina. Ad hanc igitur cum suis legionibus dominus Rex perueniēs, quoniam naualem non habebat exercitum, non multū potuit quoad deditiōem artare; sed cæsis in circuitu pomeriis, interemptis ex ciuibus nonnullis; abductâ etiam prædâ, gregibus & armentis, quæ extra ciuitatem repererunt, solutâ obsidione, ad propria reuertebatur. Volensq; per Cæsaream redire, accidit quod in loco, qui dicitur *Petraincisa*, iuxta antiquam Tyrum, inter Capharnaum & Doram oppida maritima, qui locus hodie *Distriktum* appellatur, prædones & viarum publicarum effractores inuenit. In quos in insidiis latentes vehementer irruens, pluribus interemptis, aliis elapsis fugâ, vnus casu in Regem vibrâs iaculum, à parte posteriore per cratem costarum, cordi vicinum immisit telum, quo ictu eum penè morti tradidit; sed tandem medicorum adhibitâ sollicitudine, post incisiones & cauteria, salutem recepit aliqualem; eiusdem vulneris, certis temporibus recrudescente dolore, perpetuò fatigatus. Per idem tempus dominus *Raimundus* bonæ memoriæ, XXVII.
- Tolosanus comes, obtentâ ciuitate quæ vulgò dicitur *Tortosa*, vt præmisimus, fines suos tanquam vir egregius, magnificus, & verus DEI cultor, strenuè nimis & viriliter dilatabat circumquaque: anxiusq; quo modo Christiani nominis aduersarios à finibus illis propulsaret, in colle quodam ante urbem Tripolitanam, vix ab ea miliaribus distante duobus, fundauerat præsidium: cui, quoniam a Peregrinis constituebatur, nomen ex re dedit, vt perpetuò diceretur *Mons Peregrinus*: & ita vsque hodie à fundatore nomē seruat impositum, naturali situ, & artificum industriâ satis munitum. Vnde Tripolitanis ciuibus incessanter diebus penè singulis inferebat molestias; ita vt vniuersæ regionis incolæ, & etiam ipsius ciuitatis habitatores annua eidem persoluerent tributa; nec minus ei obedirent in omnibus, quam si urbem ipsam sine contradictore possideret. Natus est etiam ei in eodem loco, ex propria vxore, *Deo* deuota fœmina, filius de nomine maiorum dictus *Amphossus*, qui eidem postea in comitatu Tolosano successit. Anno ab incarnatione Domini XXVIII.
- millesimo centesimo quarto*, mense Maio, idem dominus Rex conuocatis viribus & populo vniuerso, à minimo vsque ad maximum, eandem de qua suprâ diximus, *Ptolemaidam* obsidere contendit: inde potissimum occasione sumptâ, quod per eosdem dies, *Ianuensum* in partes Syriae classis applicuerat, nauium rostratarum, quæ vulgò dicuntur *Galæ*, septuaginta. Quo cognito, missâ statim ad consules legatione, verbis amicis inuitat eos, vt antequam ad propria redeant, *CHRISTO* velint militare: exemplum etiam familiare proponens de eorum ciuibus, quorum studio & operâ, urbem Cæsaream regno vendicauerat, non sine perpetua ciuium Ianuensium gloria, A. D. 1104.
- & emolumento non modico. Tandemq; prudentibus interpositis viris, & rem effectui fideliter mancipare quærentibus, responsum dederunt: *Quod si reddituum & obuentionum quæ ex marino accessu in portu colligerentur, tertia pars illis in perpetuum concederetur; & in ciuitate ecclesia, & in vico iurisdictio plena daretur, ad capiendam prædictam urbem fideliter elaborarent.* Placuerunt itaque domino Regi & principibus eius cōditiones prædictæ, & fidei nexu corroboratas, vtrinq; scripti beneficio, perpetuæ memoriæ mandauerunt. Sic igitur die præfixâ illi per mare, dominus Rex cum suis per terram urbem prædictam, locatis in gyrum castris, obsidione vallant; ciuibusque introitu negato & exitu, molestias inferunt quales quantasq; solent obsessis irrogari. Machinis etiam circumpositis, quales solēt argutorum hominum reperire ingenia, in hostium erigunt perniciem, turres ex eis flagellantes & mœnia; & ædificia etiam interiora magnorum molarium immissione confringentes. Præterea crebris cōgressionibus tam à classe per oram maritimam, quàm ex opposita parte per regium exercitum fatigatis; plurimis ex ciuibus casibus variis interemptis, obsidentium instantiam, & frequentes impetus, durum videbatur portare. Cumque per dies viginti continuos, tam nostri oppugnando, quàm illi à se repellendo iniurias, desudassent, interpositis conditionibus, quod *qui egredi optarent, cum vxoribus & liberis, & corū mobilibus, ad quas vellent partes, liberum haberent exitum; qui verò in domibus suis manere,*

& nat. al. solum eligerent non deferere, datâ singulis annis domino Regi certâ præstatione, bonis conditionibus uterentur; Regi ciuitatem tradiderunt: quâ obtentâ, Ianuensibus iuxta singulorum merita, possessiones & domicilia assignauit. Hic primum per mare accedentibus paruit secuta tranquillitas, & portu commodiore recepto, & littore ab
 XXXIX. hostibus aliquantulum expedito. Eodem anno, dominus *Boamundus*, cum vniuersis eiusdem prouinciæ magnatibus, dominus quoque *Tancredus*, dominus etiam nihilominus *Balduinus*, Edessanorum comes, vnâ cum domino *Ioscelino* eiusdem cōsanguineo, conuenientes ad inuicem, fide mediâ compromiserunt, quod Euphraten transeuntes, *Carran* urbem, Edessæ vicinam, ab infidelibus detentam, obsiderent. Iuxta quod conceptum, euocantes certatim ex suis regionibus militares co- 10
 pias, & auxilia vndecunque conrogantes, die præfixâ Euphraten transeuntes, apud Edessam peruenerunt. Interfuerunt autem eidem infaustæ expeditioni viri venerabiles, & ecclesiæ præclara lumina, dominus *Bernardus*, Antiochenorum patriarcha; dominus *Daimbertus*, Hierosolymorum patriarcha, qui tunc vagus, exul, & profugus apud Antiochiam demorabatur: dominus quoque *Benedictus*, Edessanorum archiepiscopus. Hi omnes apud prædictam urbem congregati, propositum effectui mancipare satagentes, cum suis legionibus ad locum perueniunt destinatum. Est autem *Carran*, vt veteres tradunt hystoriæ, is locus, ad quem *Thare*, filium Abraham, & ex filio Haran nepotem *Loth*, de Vr Chaldæorum fugiens, & in terram Chanaan
 Gen. II, 31. properans, eduxit, & habitauit ibi, secundum quod in libro Geneseos continetur; 20
 vbi & idem mortuus est: vbi & *Abraham* responsum accepit à Domino, vt egrediens de terra sua, & de cognatione sua, Domini sequeretur promissiones. Idemq; est locus, in quo & Romanorum dictator *Crassus*, aurum quod sitierat, Parthis propinantibus, bibit. Quò cum peruenissent, sicuti ab initio proposuerant, urbem claudunt obsidione: nec multum erat necessarium urbem aliter impugnare, quàm ingressus exitusque ciuibus prohibere; modicum enim, & penè nihil intus habebant alimentorum. Causa autem huius erat inopiæ: Dominus *Balduinus* longè antè multam dabat operam, quomodo inopiâ illius loci fatigarentur ciues, vt fame aliquando molestati, urbem ei traderent. Modus autem, quo propositum effectui mancipare satagebat, hic ei visus erat idoneus. Inter Edessam porrò, & prædictam 30
 illam ciuitatem, quæ vix quatuordecim à se distant miliaribus, fluuius quidam discurrit medius, qui suâ irrigatione, canalibus deriuatus, circumadiacentem planiciem vberem reddebat, & frugibus fecundam. A priscis autem temporibus solum prædictum hanc habuerat limitationem, vt quod citra fluuium erat, Edessanis sine molestia cederet; quod verò trans fluuium, Carrenses proprium possiderent. Videns autem dominus *Balduinus*, quòd hostium ciuitati omnino exterius nihil alimentorum accederet, sed de locis illis communibus omnem sibi victum propagarent; maluit ipse hac commoditate defraudari, quàm vt hostes, qui non satis commodè aliunde poterant, de locis mediis alerentur. Frequentibus igitur irruptionibus diu antè prohibuerat in locis suis agriculturam exerceri, sperans quod de re- 40
 gione trans Euphratem, & de ea quæ inter Edessam & eundem fluuium iacebat media, alimentorum posset suis ciuibus ministrare sufficientiam; Carrenses autem eâ subtractâ commoditate, quam de prædictis locis communibus habere consueuerant, ad intolerabilem compellerentur inopiam, sicut verè rei exitus manifestum dabat; idq; iam annis ante pluribus inhibuerat. Obsidentes igitur prædictam urbem, vt præmisimus, multâ victus inopiâ eam inuenerunt laborantem. Ciues tamen nostrorum aduentu longè antè præcognito, per nuncios & literas principes Orientis sollicitauerant, significantes, quòd nisi maturè subuenirent, parati erant deficere. Videntes autem, quòd eis inde nullum ministrabatur subsidium, & famis angustia singulis diebus eos amplius molestaret, communicato consilio, potiùs eli- 50
 gunt urbem resignare, quàm intus fame tabescere, & præ alimentorum defectu liquesceri. Excuntes ergo, tradunt se in manus obsidentium, sine conditione aliqua. Sed stimulante inuidiâ, effusa est contentio inter principes: & dum contēdunt ad inuicem dominus princeps *Boamundus*, & dominus comes *Balduinus*, vtri illorum tradatur ciuitas, vtrius illorum priùs in urbem inducatur vexillum; differunt vsque mane urbem traditam occupare, quousque de illa friuola quæstione plenius deliberarent. Didicerunt itaque per rerum experientiam, quàm verum sit illud: *Mora secum*

secum periculum trahit: & illud iterum; Nocuit differre paratis. Nam antequam dies illuc-
 cesceret crastina, tam ingens hostium affuit multitudo, tamq̃; numerosus & formi-
 dabilis Turcorum exercitus, vt nostri etiam de vita diffiderent. Qui autem adue-
 nerant, alimentorum infinitas secum trahebant copias: condixerantq̃; adinuicem
 prudenter satis & callidè, vt se in duas diuiderent turmas, vt dum altera cum nostris
 quocunque euentu, siue prospero siue sinistro, dimicaret, altera ciuibus inferret vi-
 ctualia. Factumq̃; est ita. Nam statim die iam aliquantulum adultâ, aduersæ partis
 Principes instruunt agmina, ordinant acies, tanquam protinus pugnaturi, seorsum
 illis constitutis, quibus sarcinarum cura fuerat commissa. Neque his tamen, qui se
 10 aprabant ad prælia, spes erat vlla, aut obtinendi victoriam, aut resistendi diutius: sed
 id solum eis videbatur sufficere ad propositum, si nostris circa eos occupatis, obse-
 si ciues allatum sibi possent victum recipere. Videntes igitur nostri Principes ho-
 stes præparari ad prælium, ipsi quoque aciebus & agminibus congruo digestis or-
 dine, vtroque Patriarcha sermonibus exhortatoriis, addere militibus nituntur ani-
 mos: sed Domini gratiâ destituti, nec verbis iuuantur, nec admonitionibus. Nam
 statim primo conflictu facti sunt hostes eorum in capite; & ipsi ignominiosè cedē-
 tes terga decesserunt hostibus: castra deserentes & sarcinas, fugâ salutem quærebant,
 quam non potuerunt inuenire. Nam hostes reiectis arcubus, & eorum officio ne-
 glecto, gladiis instantes cominus, penè omnes interficiendo deleuerunt. Capti sunt
 20 ibi Comes *Edeffanus*, & dominus *Ioscelinus* eius consanguineus; & vinculis alligati, in
 terras hostium tracti sunt remotiores. Dominus autem *Boamundus*, cum domino
Tancredo, & vtroque Patriarcha, tumultui se subducentes bellico, viarum studio-
 sè declinantes compendia, Edessam peruenerunt incolumes. At verò eiusdè lo-
 ci Archiepiscopus, sicut vir simplex erat, turbis inuolutus præliaribus, victus &
 cathenatus, numerum auxit captiuorum. Accidit autem, quod cuiusdam Christia-
 ni deputatus custodiæ, super eum, ex quo Episcopum nouit esse, motus visceribus
 caritatis, animam suam pro illius ponens anima, illæsum abire permisit: qui tan-
 dem, protegente eum Domino, infra paucos dies Edessam reuersus est, cum multa
 ciuium hilaritate susceptus. At verò dominus Princeps, dum adhuc Edessæ mo-
 30 ram faceret, audiens quod peccatis exigentibus, Comes captus esset, consentienti-
 bus ciuibus, urbem domino Tancredo seruandam credidit, & regionē vniuersam,
 eâ conditione, vt redeunti de carcere domino Comiti, ei statim sine difficultate re-
 signaret: Ipse autem domini Ioscelini terram in suam recepit sollicitudinem. Porro
 nec prius nec postmodum in vniuerso Oriente, tempore Latinorum, vspiam legi-
 tur tam periculosum fuisse prælium, tantaq̃; strages virorum fortium, gentisq̃; no-
 stræ tam ignominiosa fuga.

EXPLICIT LIBER DECIMVS.

40

CAPITVLA LIBRI VNDECIMI.

I. *Boamundus*, Antiochenorum princeps, commisso principatu *Tancredo*, transfretans in Franciam properat: Francorumq̃; regis filiâ ducit uxorem. Hierosolymorum patriarcha Romam petit. Rex uxorem legitimam absque cause cognitione deserit.

50 II. Dominus *Raimundus Tolosanus* Comes moritur. *Wilelmus Iordanis* eius nepos, ei succedit. *Rodoan* Turcorum princeps magnus, fines nostros ingreditur, cui *Tancredus* occurrit, & confusum vertit in fugam.

III. *Egyptii* cum ingentibus copiis regno se infundunt: quibus Rex occurrens, captis nonnullis, pluribus interemptis, reliquos in fugam adegit.

IV. *Daimbertus* Patriarcha cum prosecutione Apostolicarum rediens litterarum, apud *Messanam* urbem *Siciliæ* moritur. *Ebremarus* sedis illius incubator, Romam contendit. Legatus *Arelatensis* Archiepiscopus *Gibelinus* mittitur, qui postmodum in Patriarchâ substituitur.

V. Vir nobilis *Hugo de sancto Aldemaro*, *Tiberiadensem* dominus, in montibus qui urbi præminent *Tyrensi*, castrum locat, cui nomen est *Toron*: idemq̃; nò multo post cum *Damascenis* confligens, letaliter confossus, sed tamen victor, occubuit. *Ascalonita* quoq̃; nostris volentes prætereire insidias, in laqueum quem parauerant incidunt.

VI. *Boamundus de Francia in Apuliam.*

XXX

reuersus, cum ingentibus copiis Gracorum fines eos depopulaturus ingreditur: demumq; in Syriam volens redire, relicto Boamundo filio, vitâ decedit.

VII. A finibus Orientalibus isem ingentes Turcorum copie, partes Edessanas occupare nituntur: sed Tancredus una cum Rege resistunt viriliter.

VIII. Balduinus Comes Edessanus redit de vinculis hostium, & Ioscelinus cum eo; & aduersus Tancredum guerram excitant.

IX. Bertramus comitis Tolosani filius, cum classe Iannensium in Syriam descendit, patri querens succedere: Wilhelmus Iordanis contradicit. Capitur Biblium.

X. Rex Balduinus Tripolim properat: feruet obsidio, & capitur ciuitas.

XI. Balduinus Comes Edessanus, ad Iosephum Gabrielem Meleteniam descendit, ubi factum eius extat satis memorabile.

XII. Beshleemtica ecclesia, per regis studium ad cathedralem erigitur dignitatem.

XIII. Obsidetur terra mariq; ciuitas Berithensium, & secundo capitur mense.

XIV. Danorum & Norogiorum classis descendit in Syriam: quorum ope Rex Sydonem obsidet, & capit; narraturq; casus circa regem mirabilis.

XV. Moritur Gibelinus Hierosolymorum Patriarcha: succedit ei vir impius & nequam Arnulphus.

XVI. Ab Oriente Turcorum ingens manus, & innumerabiles copie finibus se infundunt Antiochenis: sed Tancredus una cum Tripolitano Comite Bertramo, resistit viriliter.

XVII. Tyrus obsidetur: sed resistentibus potenter ciuibus, obsidentium deluditur intentio.

XVIII. Moritur dominus Tancredus, relicto principatu Rogero, Ricardi filio.

XIX. Menduc Turcorum princeps potentissimus, iterum cum ingentibus copiis regnum ingreditur: Rex ei occurrere, conficitur: supra vires vniuersa regio fatigatur.

XX. Ascalonita impugnant Hierosolymam: sed tandem hostium dissoluantur acies, & redeunt ad propria.

XXI. Comitissa Sicilia, regis uxor futura, in portu applicat Acconensem.

XXII. In regione Edessana factus oritur ualida. Balduinus Ioscelinum consanguineum suum capit, & ab vniuersa regione violenter exire compellit.

XXIII. Terramotus ingens partes concutit Antiochenas. Borsequinus quoque Turcorum Sarapa potentissimus, in eadem desauit regione.

XXIV. Ascalonita urbem Ioppensem obsident: sed regis aduentum formidantes, infecto negotio recedunt ad propria.

XXV. Borsequinus iterum Antiochenorum vexat fines: sed occurrente sibi principe Rogero cum suis auxiliis, confusus, in fugam vertitur, legionibus dissolutis.

XXVI. Arnulphus Hierosolymorum Patriarcha super multis accusatus Romam proficiscitur. Rex in Syria Sobal trans Iordanem castrum, cui nomen Mons Regalis est, edificat.

XXVII. Rex videns urbem sanctam habitatoribus vacuam, Syros fideles ex Arabia deducit: quibus cõferens domicilia, urbis eos constituit habitatores.

XXVIII. Rex cleri suggestionem à domino Papa postulat, ut quascunq; urbes subegerit, Hierosolymitana subdantur Ecclesia. Subiiciunturq; variarum epistolarum rescripta.

XXIX. Rex ad Mare Rubrum descendit, regionem perlustrat: Comitissam Sicilia, quam uxorem deduxerat, remittit ad propria, egritudine fatigatus.

XXX. Ante urbem Tyrensem castrum Alexandrium, quod vulgari appellatione Scandalium dicitur, edificatur.

XXXI. Rex in Egyptum descendit: Phariam occupat: in egritudinem incidit, qua fatigatus in eodem itinere vitâ decedit: Hierosolymis iuxta fratrem sepelitur.

EXPLICIUNT CAPITVLA LIBRI VNDECIMI.

INCIPIT LIBER VNDECIMVS.

CAP. I.



ESTATE verò transcursâ, dominus Boamundus, multo æris alieni pondere fatigatus, ut ad debiti solutionem se pararet, & ut de partibus vltimarum maiore militum secum traheret copias, principatus sui curâ & administratione generali, cum plena iurisdictione dilecto suo consanguineo domino Tancredo commissa, in Apuliam nauigauit: & cum eo dominus Daybertus, Hierosolymorum patriarcha. Qui postquam in Apuliam peruenit, modico tempore in sua regione moram faciens, assumpto de suis fidelibus honesto comitatu,

tatu, alpes transiens, ad dominum *Philippum* illustrem Francorum regem peruenit. A quo inter cætera duas eius obtinuit filias, vnam de legitimo natam matrimonio, *Constantiam* nomine, quam sibi fœdere coniugali copulauit in vxorem; alteram nomine *Ceciliam*, quam ei Andegauensium Comitissa, (quæ spreto marito, ad eundem dominum regem se contulerat) vxore adhuc viuente, pepererat, quam domino Tâcredo nepoti suo, ex Apulia missam, destinauit vxorem. Completis ergo negociis tam apud eundem dominum Regem, quam in aliis vltimontanis partibus, cum ingenti equitum peditumq; transfretare volētium multitudinem, in Apuliâ iterum reuersus est. At verò dominus *Daybertus*, ad Ecclesiâ Romanâ accedens; & iniuriarum
10 quas patiebatur, modū aperiens; simul & Arnulfi nimis efficacem malitiam ordinē pandens; necnon domini Regis sinistram intentionem, quâ ecclesiâ Dei humiliare nitebatur, omnes ad sui mouit compassionem, gratiam obtinēs vniuersorum. Nec solum id enorme, quod de domino patriarcha *Dayberto* suprâ memorauimus factum esse, cōtra disciplinam Ecclesiasticam, Rex commiserat; verum etiam vxorem legitimam, quam apud Edeßam, dum ibi Comes esset, duxerat, absq; causæ cognitione, non conuictam, non confessam, lege matrimoniorum neglectâ, dimisit: eamque in *monasterio sanctæ Annæ*, matris Dei genitricis & semper virginis Mariæ; monacham fieri compulit violenter. Est autem idem locus Hierosolymis in parte Orientali, iuxta portam quæ dicitur *Iosaphat*, secus lacum qui tempore antiquo *Pro-*
20 *batica* dicebatur piscina: vbi ostenditur cripta, in qua Ioachim & prædictæ Annæ, traditiones habent veterum, domicilia fuisse; vbi & virgo perpetua, nata esse perhibetur. Erant autem ibi tres vel quatuor pauperes mulierculæ vitam sanctimoniale professæ, quibus gratiâ vxoris introductæ ampliauit possessiones & patrimonium dilatauit. Causa autem cur ab vxore diuenterit, apud diuersos varia ferebatur: dicentibus aliis, dominum Regem ideo dimisisse vxorem, vt ditiores & nobiliorem ducendo, conditionem suam faceret meliorem; & paupertati, quâ plurimum premebatur, sumptâ dotis nomine aliunde opulentia, consuleret: aliis verò asserentibus, Reginam improvidam, minusq; prudētem, thori maritalis minus cautē obseruasse fœdera. Cumq; prius, quasi gaudens, religionis habitum videretur assumpsisse,
30 se, & primo conuersionis suæ tempore, satis honestè videretur in eodem monasterio conuersata, tandem occasione sumptâ ex commentis fraudibus, ad dominum Regem accedens, licentiam obtinet vt pro necessitate monasterii sui, ad subleuandam eius inopiam liceret ei consanguineos suos, qui Constantinopoli erant, visitare: sub quo prætextu de Regno exiens, sordibus & immunditiis omnem cœpit dare operam; depositoq; religionis habitu, diuaticans se ad omnem transeuntē, nec propriæ parcens estimationi, nec Regiam quam habuit reuerita dignitatem. An-
no sequenti, qui erat ab incarnatione Domini *millesimus centesimus quintus*, dominus
Raimundus bonæ memoriæ Comes Tolosanus, vir religiosus & timens DEVM, vir
per omnia commendabilis, cuius actus admirabiles, & vitæ virtutibus insignis, spe-
40 ciales desiderant tractatus, in oppido suo, quod ipse fundauerat ante urbem Tripolitanam, cui nomen *Mons Peregrinus*, viam vniuersæ carnis; verus CHRISTI confessor, ingressus est, pridie Kal. Martii: cui successit nepos eius *Wilhelmus Iordanus*, in eadem obsidionis sollicitudine: in quo opere vsq; ad aduentum Comitis *Bertrami*, satis strenuè viriliterq; desudauit, quousq; super eadem re quæstionem passus, aliquantulum ab opere destitit, vt in sequentibus dicitur. Admirandam sanè huius venerabilis viri, & tam præsentibus quàm futuris commendabilem insignis animi credimus constantiam, qui semel pro CHRISTO initam, vsq; ad supremum exitum vitæ, non fastidiuit patienter portare peregrinationem. Et cum in patria tanquam vir illustris & præpotens, & amplissimum habens patrimonium, potuisset bonis omnibus abundare pro votis, elegit potius abiectus esse in obsequiis Domini, egressus de terra & de cognatione sua, quàm in tabernaculis apud suos abundare peccatorum. Cæteri enim Principes eiusdem peregrinationis professores, Vrbe Sanctâ restitutâ libertati, quasi votorum potiti consummatione, reuersi sunt ad propria: hic autem semel assumptam crucem veritus est deponere. Cumq; à suis familiaribus & domesticis illi cum multo suggereretur studio, vt voti compos, desideranti se patriæ restitueret, maluit se in holocaustum dare Domino, quàm illecebris se reddere secularibus: magistrum imitatus, cui cum diceretur, *Descende de cruce*, maluit con-

II.
A. Dn.
1105.

Matth. 27.
40.

summatâ passione, alienis deponi manibus, quàm ab incepto nostræ salutis defecere proposito. Eodē etiam anno, *Rodoan*, quidam vir præpotens, Halapiæ dominus, de adiacentibus regionibus tam prece quàm precio, conuocatis auxiliis, in graui multitudine Antiochenorum fines ingressus, regionem totâ incurfionibus deterrebat, & incendiis molestabat frequentibus. Quod audiens dominus *Tancredus*, conuocatis viribus, & tam equitum quàm peditum militatibus copiis, illuc procedit ei obuiam, vbi eum suas habere copias famâ celebriore cōpererat. Egressus igitur ab Antiochia, versus *Artajon* exercitus dirigit: quò perueniens, hostium ingentem multitudinem, vt ei nunciatū fuerat, reperit: in quos inuocato de supernis auxilio, & pro meritis impetrato, viriliter irruens, primò resistere tentantes, sed mox in dissolutionem datos, in fugam adegit. Cæsis autem innumeris, captiuati sunt ex eis plurimi, retento vexillo prædicti *Rodoan*: qui vt vitæ consuleret, fugam primus iniecit: quodq; nostris multo fuit solatio, in recompensationem eorum quos in similibus negotiis amiserant sæpius, equos optimos, quos ab hostibus deiectis eorum scissoribus abstulerant violenter, sibi multos vendicauerunt. Eodem anno, accesserunt ad *Egyptium Calypham* quidam de principibus eius, dicentes: *Populus ille Peregrinorum, qui hoc nouissimo tempore regnum tuum violenter ingressi sunt; & animarum prodigi suarum, hætenus principibus à te missis resisterūt, de multitudine confisi quam prior introduxerat exercitus, hanc sibi comparauerāt audaciam. Nunc autem illis ex maxima parte reuersis ad propria, & aduentantium Peregrinorum solatio destituti, facti sunt rariores, frequentibus expeditionibus facultatibus eorum omnino consumptis. Vnde nobis videtur opportunum, si tua id ipsum visum fuerit Maieitati, vt electum unum de magnatibus tuis, ad partes illas dirigas, qui regionem illam ab illo infælici populo occupatam, expediat.* Placuit sermo, & optimus visus est in conspectu Calyphæ: & præcipiens ingentem conuocari exercitum, & classem parari maximam, designatis principibus vtrique seorsum exercitui, eos in Syriam dirigit: qui peruenientes *Ascalonam*, magnam Regno vniuerso intulerunt formidinem. Quod audiens Rex, *Ioppen* cum vniuersis regni viribus celer peruenit, lege edictali præcipiens, vt omnes illuc de singulis vrbibus, sine mora conueniant. Adfuerunt igitur sub omni celeritate qui euocati fuerant; inter quos & dominus *Ebrenmarus* Hierosolymorum patriarcha, viuificæ Crucis lignum salutare secum deferēs, nihilominus adfuit. Quibus receptis, recensito nostrorum numero, inuēti sunt habere equites quingentos, peditum duo milia. Hostium verò dicebatur esse numerus ad quindecim milia, exceptis illis qui in classe militabant. Qui ab Ascalona discedentes, classem præceperunt versus Ioppen properare: ipsi autem *Azotum* transeunt, in duas se turmas diuidunt, ordinātes, vt altera illarum versus *Ramulam* procedat, dominum Regem ad pugnam prouocans; altera *Ioppen* properet, vt Rege contra alteram occupato, illam urbem impugnet, conuocatis iis qui in classe illuc iam aduenerant. Iuxta ergo prædictum consilium, bipertito agmine, pars altera *Ramulenses* fines ingressa, instructis aciebus, aduentus sui, tubarum crepitu, & strepitu tympanorū, euident dederunt argumentum. Hoc autē de industria fiebat, vt dominum Regem cum suis expeditionibus in se prouocantes, pars altera oram maritimam secuta, Ioppen tuta posset peruenire: sed euauerunt in cogitationibus suis. Nam cum Regem cum suis expeditionibus appropinquantem intuerentur, contabuerunt corda eorum præ timoris angustia: & alteram partem reuocantes, vix adhuc putabant se sufficiētem habere multitudinem, vt eius possent manus euadere. Factum est ergo, quòd conuenientibus contra se mutuo legionibus, Rex cum suis in hostes irruens instat animosius; verbo simul & exemplo suorum exhortans acies, vires ingeminat. Dominus quoq; Patriarcha, viuificæ Crucis lignū præliaturis ingerens, & percurrans agmina, monet & hortatur *vt eius meminerint, qui pro nobis peccatoribus in eodem ligno salutem operari voluit: præcipit etiam, in remissionem peccatorum vt contra hostes nominis & fidei Christiana decertent viriliter, ab eodem mercedem expectantes, qui suis solet centuplum retribuere.* Sic ergo nostri facti animosiores, hostibus vehementius instant; & implorato de cælis auxilio, peremptā ex eis infinitâ multitudine, reliquos in fugam conuertunt. Cecidit autem in eodē conflictu, præses Ascalonitanus; sed vniuersi exercitus procurator euasit fugiens. Dicuntur cæsa illâ die, de hostibus quasi quatuor milia; de nostris verò sexaginta inter mortuos reperiuntur. Obtinuerunt ergo, præuiâ Domini clemētiâ, hostium castra, & infinitas camelo-

camelorum phalanges: sed & asinos & equos innumerabiles, cum optimis spoliis & pluribus mancipiis secum trahentes, Ioppen cum lætitia & exultatione peruenerunt. Captus est etiam illâ die quidam nobilis, qui aliquando fuerat procurator in ciuitate Acconensi, pro quo Rex postmodum viginti millia dicitur habuisse aureorum. Classis tamen hostiū nihilominus adhuc in portu Ioppensi morabatur: sed cognito suorum interitu, Austro flatu ministrante necessarios, in portum se Tyrensem receperunt. Vnde postmodum in Ægyptum redire cupientes, ortâ repente in mari procellâ, vi turbinis ab inuicem diuisi, viginti quinque naues ex eis fretum sustinere non valentes, in nostra littora impegerunt: ex quarum remigibus & nautis, 10 exceptis mortuis, nostri in vincula coniecerunt plus quàm duo millia. Interea 17. dominus *Daimbertus* Hierosolymorum patriarcha, post longam expectatîonē, quâ eum detinuerat dominus *Paschalis* Papa, & ecclesia Romana, volens plenius edoceri, vtrum Rex Hierosolymorum, & qui eum expulerant, vellent contra eū aliquid allegare, vnde hoc videri possent de iure fecisse: postquam nemo cōparuit, qui contra eum aliquid obiiceret; nec in eius factō aliquid aliud notari poterat, nisi quod Regiâ expulsus erat violentiâ, cum plenitudine gratiæ, & Apostolicarum prosecutione literarum, iussus est ad propria redire, & sedem recipere, ex qua indebitè fuerat deturbatus. Qui tandem in Siciliam veniens, apud Messanam moram faciēs necessariam, transitum expectans, graui correptus ægritudine, sextodecimo Kal. Iulii, viam vniuersæ carnis ingressus est. Sedit autem in pace annis quatuor, in exilio verò, tribus. *Ebreminus* verò eiusdem sedis incubator, audiens quòd prædictus dominus *Daimbertus*, cum plenitudine gratiæ reuertebatur, sedem suam recepturus, antequam de obitu eius instrueretur, ad eandem Romanam transfretare decreuit Ecclesiam, allegaturus de sua innocentia, quomodo inuitum & renitentem in eandem sedem eum locauerant. Quò perueniens nihil impetrare potuit, quàm vt cum eo dirigeretur legatus, qui de causâ eius, Hierosolymis constitutus, plenius posset cognoscere. Designatus est autem ad id munus prosequendum dominus *Gibelinus*, vir senior & grandæuus, Arelatensis Archiepiscopus, qui de mandato domini Papæ, Hierosolymam profectus, conuocato Episcoporum regni concilio, de 30 causâ domini *Ebremini* cognouit plenius. Cumque ei constitisset per testes idoneos sufficientes, & maiores omni exceptione, quòd dominus *Daybertus* absque causâ legitima, Arnulfi factionibus & Regiâ violentiâ fuerat expulsus; & quòd *Ebreminus* adhuc viuentis Pontificis, & Ecclesiæ Romanæ habentis communionem, sedem occupauerat, auctoritate quâ præminebat, eum à patriarchatu deposuit. Sed considerans multam viri religionem, & simplicitatem miram, *Casariensem*, quæ tunc vacabat, Ecclesiam, ei concessit habendam. Postmodum verò dum de substituendo Ecclesiæ Hierosolymitanæ Patriarcha, clerus & populus disceptaret, constitutâ ad hoc specialiter die, vt super eo negotio de more tractaretur, post multas hinc inde deliberationum partes, in dominum *Gibelinum* Apostolicæ sedis Legatum vnanimiter conueniunt, & eum in sedem locant Patriarchalem. Hoc etiam prædictus *Arnulfus* malitiosè dicitur construxisse, vt homo senex & decrepitus, in illa sede diu viuere non posset. Eodem anno, qui erat ab incarnatione Domini *millesimus centesimus septimus*, Ascalonitæ, solitâ vsi malitiâ, in via publica, qua 40 ab Hierosolymis ad mare descenditur, in locis opportunis insidias locauerant, equi um quingentorum & peditum mille. Audierant enim quòd nostrorum cæterua, ab vrbe Ioppensi egrediēs, Hierosolymam esset profectura: volentesq; quod viribus non poterant, dolis procurare, in prædictis latebant insidiis: cū ecce nostri omnium horum ignari, iter cœptum conficientes, in eorum offenderunt insidias. Cumq; plurimūm anxiarentur, dubitantes vtrum cederent, aut contenderēt, 50 instantibus hostibus deliberandi spaciū abstulerunt. Videntes ergo nostri quòd aut ignominiosè occumbere, aut cum eis viriliter pugnare oporteret, facientes de necessitate virtutem, animos induunt; & quos prius habuerant formidabiles, resumptâ audaciâ, & spiritu vehementi instantes, in mentis conuertunt stuporem: & iam nostrorum impetus ferre non valentes, multis interemptis, captiuatis etiam nonnullis, eos in fugam versos aliquandiu persecuti sunt. Tandem diuinâ opitulante gratiâ, victoriâ potiti, tribus tantūm de suo numero perditis, Hierosolymam profecti sunt. Eodem etiam tempore, cū *Tyrensiū* ciuitas adhuc ab hosti-

A. Dn.
1107.

bus detineretur, & nostrorum modis omnibus impediret processum: vir nobilis & potens, & inclytæ in Domino recordationis, dominus *Hugo de sancto Aldemaro*, qui post dominum Tancredum vrbi præfuit Tiberiadenſi, quantum locorum distantia permittebat, (distant enim à se prædictæ duæ ciuitates, quasi miliaribus triginta) frequentibus & occultis irruptionibus ciues moleſtabat Tyrenſes. Cumque in eundo & redeundo sæpius eius periclitaretur militia, eò quòd in medio prædictarum vrbiũ nec præſidium inueniretur, nec munitionis aliquod genus, in quo se ſui poſſent recipere, & ſubſequentium hoſtium declinare importunitatem: adiecit vir præclarus, in ſummis montibus vrbi Tyrenſi prominentibus, & ab eadem quaſi per decem diſtantibus miliaria, in loco cui nomen priſcum *Tibenin*, caſtrum ædificare, cui quoniam in monte erat excelſo admodum & cacuminato, nomẽ indidit *Toronam*. Eſt autem locus is inter mare & Libanum, quaſi in medio conſtitutus, à Tyro & Pancade æquẽ diſtans, in tribu Aſar, ſalubritate & aëris gratiã tẽperie commendabilis; ſolum habens opimum, vineis & arboribus proſus habile; ſed & frugibus & agriculturæ commodiſſimum. Præſtitit ergo non ſolũ fundatori diebus illis, ad opus prædictum commoditatem optatam; verũ uſque hodie & vbertate quam porrgit, & multã munitione quã præminet, & Tyrẽſium vrbi, & Regno vniuerſo vtilitates incomparabiles. Nec mora, poſt prædicti foundationem præſidii, idem nobilis homo cum equitibus ſeptuaginta hoſtiũ fines ingreſſus, cum quatuor milibus Damascenorum prælium committens ſemel, & ſecundo eodem die ab hoſtibus repulſus grauiter; tertio melioribus irruens auſpiciis & animoſitate diuinitus collatã, ſimul & viribus, auctore Domino, fortioribus receptis, hoſtes in fugam cõuertit. Ipſe tamen ictu ſagittæ letaliter conſoſſus, interiit, vir prudens & ſtrenuus, & exigentibus meritis Regi & regno plurimũ cõmendabilis & acceptus. Cæſi ſunt in eo conſpectu, de hoſtibus ducenti, & equi totidem à noſtris recepti. Poſt eoſdem etiam dies viſa ſunt in Oriente ſigna & prodigia multa in cœleſtibus. Nam per quadraginta dies, & eo ampliũ, *Cometa* circa noctis initium viſus eſt longẽ comam trahere: & iterum ab ortu ſolis, uſq; ad horam tertiam viſus eſt Sol duos habere collaterales, paris magnitudinis, ſed inferiores ſplendore ſolis. Viſa eſt & Iris circa ſolem, ſuis diſtincta coloribus. Quæ omnia, certum erat mortalibus noua portendere.

VI.

Per idem tempus, *Alexius* Conſtãtinopolitanus Imperator, vir malitioſus & nequam, volẽtibus per eius regiones Hieroſolymam proficiſci, multa miniſtrabat impedimenta. Nam & contra primam expeditionem, quæ ei multo fuerat emolumentum, vt præmiſſum eſt, *Solimannum* potentiſſimum Turcorum principem, & Barbaras ex vniuerſo Oriente ſollicitauerat nationes: & contra ſecundam, cui *Pictaenſium* præerat Comes, eaſdem nihilominus nationes, & infideles populos frequentibus concitauerat legationibus; vnde eius efficiente malitiã, poſterior expeditio penẽ tota deperiit. Nec ſolũ ſemel & ſecundò ita in noſtros malignatus fuerat; ſed quotiens ſe offerebat oportunitas eis damna moliri, parare præcipitia, pro lucro ſibi reputabat: præſentibus tamẽ, & coram poſitis benigna dabat reſponſa & munera largiebatur, vt eò falleret commodiũs, Græcorum obſeruans morem de quibus dicitur: *Timeo Danaos & dona ferentes*. Suſpectum enim habens omnium Latinorum generaliter proceſſum, nec eorum vires multiplicari, nec dilatari poteſtatem, vbicunque miniſtrare poterat impedimentum, patiebatur. Harum igitur dominus *Boamundus* memor iniuriarum, à tranſmontanis reuerſus partibus, vniuerſorum Latinorum cauſſam proſequens, equitum habens quinq; milia, peditum verò quadraginta milia, ſeptimo Idus Octobris in terram prædicti Imperatoris nauigio peruenit; & conſractis penẽ vniuerſis maritimis vrbus, & in direptionem datis, vniuerſam Epirum, tam primam quàm ſecundam depopulatus eſt; tandemq; Durrachiũ obſidens, Epiri primæ metropolim, regionem circumquaque incendiis & depopulationibus tradens, circumiacentibus regionibus, pro libero arbitrio vtẽbatur, parans ad delendas Latinorum iniurias, auctore Domino, ad vltèriora Imperii violenter procedere. Audiens igitur Imperator dominum Boamundum, cum ingenti militia Latinorum, intra fines ſuos ingreſſum, ipſe ſuos nihilominus colligit exercitus, & ei procedens obuiam, copias ſuas in vicino conſtituit: vbi communibus interuenientibus amicis, Imperator fœdus iniit cum eo, interpoſitis iuramentis, quod de cætero *CHRISTI* fidelibus in Orientem tranſire volentibus, bonã fide, ſine fraude & malo ingenio,

ingenio, consilium ministraret & auxilium: nec eorum iter ab iis quos ipse cohibere posset, impedire pateretur. His ita compactis & fidei nexu interposito confirmatis, dominus quoque *Boamundus* iuramento corporaliter præstito, amicitiam & fidelitatem perpetuò conseruandam promisit. Inde in Apuliam reuersus, dimissâ peregrinorum turbâ, quæ votis obligata, tenebatur iter Hierosolymitanum perficere, ipse domi, familiaribus adhuc detentus curis, remansit. Æstate verò sequente, præparatis iam ex parte ad iter necessariis, & congregato nauigio, dum ad iter accingeretur, copiis vndeunque conuocatis, validâ correptus ægitudine, in fata concessit: vnico filio principatus & nominis herede relicto, ex domina *Constantia* domini *Philippi*, illustris

10 Francorum regis, filia suscepto. Mortuus est etiam eodem anno dominus *Philippus* Francorum rex illustris, focer eius. Accidit etiam per eosdem dies, dum adhuc prædicti nobiles, dominus videlicet Comes *Balduinus* & *Ioscelinus*, eius consanguineus, apud hostes detinerentur in vinculis, occasione sumptâ ex eorum absentia, collecta est ex Orientali sinu *Turcorum* infinita multitudo, & innumerabiles copiar; atque in Mesopotamiam descendentes, circa partes Edeffenas cœperunt hostiliter degrassari, præsidia quædam violenter occupantes, suburbana tradentes incendiis, colonos captiuantes & agriculturæ dantes operam: ita vt extra ambitum vrbiū muratarum, tutus non reperiretur locus; & deficiente agriculturâ, victus omninò deficeret. Dominus autem *Tancredus*, cui regionis commissâ erat sollicitudo, circa partes Antiochenas detinebatur occupatus: cuius curam etiam, vt præmisimus, domino *Boamundo* discedente, suscepit. Audiens tamē, quòd tanta hostium in partibus illis esset importunitas, vocato domino Hierosolymorum Rege, & causâ vocarionis manifestatâ, ipse quoque quantas potest ex vniuersis vr-
20 bibus & præsidiis conuocat copias. Cui sic acceleranti, & pro regione sollicito infra paucos dies Rex affuit, iunctisque simul agminibus Euphratem transierunt: quòd peruenientes hostes reperiunt, vt eis fuerat nunciatum, per vniuersam regionem liberis discursibus euagantes: qui cognito nostrorum aduentu, cœperunt se adinuicem recolligere; & illam quam prius habuerant, discurrendo minus experiri licentiam. Compertas iterum habentes sæpius nostrorum vires, cum eis pugnare
30 formidant; nec tamen ad propria redire disposuerant; sed scientes vtrumque Principem liberas ferias non habere, vt moram diuturnam in ea possent facere regione, ita diu nitebantur eos protrahere, vt tædio affecti maturarent reditum, & ipsi ad consuetas recurrerent infestationes. Cognoscentes igitur nostri eorum propositum, cōsilium ineunt quale pro temporis angustia poterant inuenire commodius: congregari enim præcipiunt, ex ea regione quæ est circa Euphratem, quæ frugibus copiosissimè abundabat, vniuersi generis alimentorum copias: & flumine transmissis, oneratis equis, camelis, asinis, & burdonibus victum copiosissimum, & ad multa tempora sufficientem vr-
40 bibus inferunt & præsidiis: maximè autem urbem Edeffanam vsque ad redundantem sufficientiam communientes. Postmodum verò de corporibus ciuitatum & præsidiorum, non multam gerentes sollicitudinem, quoniam admodum armis, viris, & victu erant munita, reuocantibus eos maioribus rerum articulis, ad Euphraten reuersi sunt. Vbi dum modicis & corpore & numero fluuium transeunt nauculis, quosdam de inferiore manu qui adhuc transitum expectabant, vltiorem ripam tenentes, hostes nostrorum vestigia sequuti, ir-
50 runt; & ex eis quosdam interficientes, reliquos csptiuos trahunt, præsentibus domino Rege, dominoque *Tancredo*, & eis subsidium ministrare non valentibus: amnis enim medius erat, quem vadis transire non poterant; neque erat facile, paucis paruisque nauculis, tantum exercitum reportare. Nostri verò dolentes admodum super illis pauperibus, quos se præsentibus occidi viderant, & ex parte capti-
uari, reuersi sunt ad propria: regionem etiam cis Euphratem, præcipientes magnatibus, qui ei præerant, diligētius communiri. Erant autem qui supra ripam Euphratis capti fuerant & interfecti, pauperes Armenii, qui *Turcorum* fugientes importunitatem, in loca tutiora se conferre proposuerant. Sequenti anno, qui erat ab
VIII. incarnatione Domini *millesimus centesimus nonus*, dominus *Balduinus* Comes Edeffa-
A. D. nus, cū annis quinque cōtinuis fuisset apud hostes detentus in vinculis, vnâ cum
1109. *Ioscelino* cognato suo, datis obsidibus pro certa summa pecuniæ, quam pro sua redemptione pepigerant, in suam se libertatem receperunt, redeuntes ad propria: cum

quibus etiam satis misericorditer fecit Dominus. Nam obsides eorum in quodam presidio, custodibus deputatis commissi, casu, siue somno siue mero grauatis, mortem intulerunt, unde postmodum ad propria clam, & per diuerticula de nocte errabundi peruenierunt. Accedenti ergo predicto comiti ad Edessanam urbem, dominus *Tancredus* dicitur ei introitum denegasse: sed tandem memor iuramentorum, quæ interposita fuerant, cum eodem Comite capto, domino Tancredo ciuitas tradita fuerat, ad eor rediens, tam ipsam urbem, quam regionem vniuersam eidem præcepit resignari. Quâ iniuriâ moti, postmodum bellum eidem Tancredo ambo pariter indixerunt. Ioscelinus autem specialiter, qui citra Euphraten sua habebat præsidia, & Antiochenis vicinior erat partibus, Principem magis infestabat. 10
 Accidit autem quadam die, ut Turcorum multitudinem in suum couocans auxilium, in terram Principis irruptiones moliretur, quod Princeps præsentiens, ei occurrit: commissoque inter eos prælio, primâ fronte de exercitu domini Tancredi ceciderunt viri quasi quingenti: sed tandem resumptis animis, & aciebus instauratis, Turcorum magnam strauerunt multitudinem, Ioscelinum & suos in fugam conuerientes. Porro videntes maiores regionis, & qui sensus habebant magis exercitatos, quod tantorum virorum periculosa nimis erant odia, & quod in multum poterant Christiano populo detrimentum cedere, interpositis partibus suis, eos adinuicem reconciliauerunt. Eodem tempore *Bertramus*, domini Raimundi bonæ memoriæ comitis Tolosani filius, cum classe Ianuensium circa urbem appli- 20
 cuit Tripolitanam, ubi *Wilhelmus Iordanis* eius cōsanguineus urbem obsidione vallabat eandem, sicut & continuè fecerat à die obitus prædicti venerabilis viri, qui in eodem negotio moriens defecerat. Statim autem in eius aduentu orta est contentio inter eos, Bertramo de patris successione allegante: *Wilhelmus* autem, proprii laboris, & impensæ per quatuor annos continuos sollicitudinis merita prætendebat. Ille in bona paterna tanquam hæres legitimus volebat succedere: iste locum, suâ expugnatum instantiâ, sibi nitebatur vindicare. Dumque ista diu esset agitata controuersia, interuenientibus amicis communibus, ut de pace tractarent, conuenit inter mediatores, quod pro bono pacis, *Wilhelmo Iordanis* ciuitates Archis & Tor- 30
 rosa cum suis pertinentiis concederentur; *Bertramo* verò Tripolis, & Biblium, & Mons peregrinus, item cum suis pertinentiis. Factumque est ita, & ratum habitum partis vtriusque concessu. Vnde *Wilhelmus* pro parte sibi designata, factus est homo Principis Antiocheni, fidelitate ei manualiter exhibitâ: *Bertramus* partis sibi designatæ, à domino rege Hierosolymorum inuestituram suscepit, ei solemniter exhibens fidelitatem. Additum est etiam in compositionis forma, quod si alter sine liberis vitâ decederet, alter ei succederet in vniuersum. Quæstione verò prædictâ per huiusmodi sopitâ transactionem, accidit quod inter armigeros vtriusque familiæ, ex causâ leui, orta est contentio: pro qua pacificanda, cum velox in equo sæpe dictus comes *Wilhelmus* occurreret, sagittâ casu percussus, interiit. Dicebatur à nonnullis, quod comitis Bertrami dolis & machinationibus comes *Wilhelmus* interie- 40
 rit; sed tamen usque hodie illius vulneris non comparuit certus auctor: sic igitur sublato æmulo, & prædictæ vrbis competitore, *Bertramus* solus in expeditione mansit. Erat autem classis *Ianuensium*, cum qua venerat, galearum septuaginta: cui præfecti erant duo nobiles viri Ianuenses, *Anfaldus* & *Hugo Ebriacus*. Videntes ergo quod circa urbem Tripolitanam, per idem tempus operam consumerent, utile iudicant interim aliquid memoriâ dignum aggredi; commonitoque familiaribus comite Bertramo, ut cum eis præsens velit esse per terras, ipsi classem versus Biblium dirigunt. Est autem *Biblum* vrbs maritima, in Phœnice cōstituta, vna de suffraganeis vrbibus, quæ Tyrensi metropoli iure metropolitico intelliguntur esse
 Ezesh 17, 9. subiectæ, cuius memoriâ *Iezechiel* Propheta facit, dicens: *Senes Biblii, & prudentes eius, 50*
ô Tyre, præbuerunt nautas ad ministeriū variæ suppellectilis tuæ. Item in secundo libro Regū
 3. Reg. 5, 18. de eadem scribitur ita: Porro *Biblii præparauerunt ligna & lapides ad edificandum domum Domini.* Dicta est autem prisco vocabulo *Eue*: eamque fundasse creditur *Eueus*, sextus filiorum Chanaan. Ad hanc peruenientes, & eam mari terraque circumuallantes, ciuibus admodum territis, & de sui tuitione diffidentibus, classis præfectos prædictum Anfaldum & Hugonem Ebriacum missâ legatione conueniunt, significantes, quod si volentibus egredi liberum cum vxoribus & liberis vellent dare exitum;

exitum; nolentibus autem sua deferere domicilia, in vrbeliceret bonis conditionibus immorari, parati essent referatis aditibus, eos tanquam dominos admittere. Quibus conditionibus iuxta vota eorum admissis, vrbe[m] prædictâ duobus traderunt viris: quorum alter, *Hugo* videlicet *Ebriacus*, sub annua certi census præstatione fisco Ianuensium inferenda, vsque ad certum tempus eam recepit. Hic idem, huius Hugonis, qui eidem hodie præest ciuitati, auus fuit, qui eius nomen obtinet & agnomen. Captâ ergo prædictâ ciuitate, classis iterum Tripolim est reuersa.

- Audiens igitur dominus Rex prædictam *Ianuensium classem*, captâ Biblio, circa x.
- 10 Tripolitanas partes moram adhuc facere, illuc properus accedit, tentaturus si eodem Ianuenses aliquibus conditionibus secum posset detinere, quatinus eorum fretus auxilio, vnam de vrbebus maritimis sibi vendicaret. Restabant enim adhuc in nostro littore quatuor rebelles, *Berythum* videlicet, *Sydon*, *Tyrus* & *Ascalona*, quæ nostrorum nouellæ plantationi multum oberant, ad obtinendum incrementum. Illuc ergo veniēs, omnes qui in obsidione erant, tam per mare, quàm per terras, suâ exhilarauit præsentia, & in opere cœpto reddidit feruentiores. Statim enim in eius aduentu visi sunt, qui exterius in obsidendo laborabant, maximum reperisse solatium; ita vt & maior eis audacia accessisse videretur, & vires non dubitarent incrementum accepisse: obsessis autem è conuerso, & desolatio se intulit solito amplior, & spes resistendi omnino succubuit eneruata: quoque hostes vident solito fortiores, eò se debiliores reputant; quodq; illis accederet, totum sibi decedere reputantes. Innouant ergo nostri quasi noui recentesque, assultus; & hostibus omnino ubique; locus est, solito instant proteruius: tanquam obsidionē, quam continuo penè septennio multo labore protraxerant, tunc primitus inchoassent. Videntes ergo ciues nostrorum singulis diebus vires inualescere, eorum verò è conuerso minui, diuturnis laboribus fatigati, spem subsidij nullam habentes, communicato inter se cōsilio, tractant quomodo tantis malis possent finem imponere. Missis igitur legationibus tam ad dominū Regem, quàm ad dominū Comitē, sub conditione spondent eis vrbe[m] se resignaturos, si egredi volentibus, liberè, & sine difficultate liceret, & familias suas cum omni supellectile ad loca optata transferre possent; nolētib; autem exire, si sub certa pensione domino Comiti annuatim persoluenda, tutè & tranquillè in domibus suis manere, & possessiones suas colere concedatur. Auditis igitur ciuium postulationibus, Rex cum Comite & aliis magnatibus, cōsilio communicato, vrbe[m] iudicat, eorum admissis desideriis, vrbe[m] sine dilatione recipere. Placuit igitur sermo iste omnibus, & præstitâ conuiuentia, euocatis ante se ciuib; eorum admittunt petitiones. Præstitisque iuramentis, quod prædictæ conuentiones eis *sine fraude & malo ingenio, bonâ fide* conseruarentur, vrbe[m] recipiunt, introire volentibus aditibus referatis. Capta est prædicta ciuitas, anno ab incarnatione Domini *millesimo centesimo nono*, mense Iunio, decimâ die mensis. Factus est autem ibi-
- 40 vnde & eius successores, vsq; in præsentem diem, Regi Hierosolymorum idipsum tenentur exhibere. x i. Accidit autem per eosdem dies, quod à vinculis hostium absolutus dominus *Baldwinus* Edessanorum Comes, cum multos haberet equites, nec haberet vnde eis exhibitæ militiæ & impensi fideliter officii persolueret stipendia, arguto habito satis & acuto consilio, destinat cum eisdem suis commilitonibus, socerum, qui valdè pecuniosus erat, apud *Meleteniam* visitare, præstructo & præordinato solerter, vt postquam ad eius ventum esset præsentiam, quid fieri oporteret. Compositis igitur ad iter necessariis, illuc peruenit, vbi ex more depenso mutuæ salutationis affatu, & pacis signo cum mutuis amplexibus & plenâ charitate alternatim præbito, magnificè nimis & supra hospitalitatis leges, tanquam domesticus, & affectione filius, susceptus est à socero. Cum igitur per
- 50 dies aliquot ibi dominus Comes moram fecisset, & semel confabulationibus fortasse necessariis, hinc socer, inde gener diei partem aliquam protraxissent, accesserunt, (sicut inter eos prius conditum fuerat) & eis colloquentibus ingesserunt se milites eius. Tunc vnus ex eis, quasi omnium autoritate factus verbi patronus, Comitē alloquitur dicens: *Nosti, Comes, & nemo te melius, quàm fideliter, & quàm strenuè, turba hæc militum, quæ præsens est, tibi iam multo tempore, fidem tuam & promissionem secuta, militauerit: quantos labores, quantasq; in vigiliis, siti, fame, frigore, simul & æstus importuni-*

A. Dn.
1109.

tate pertulerit molestias, ut te & regionem tibi diuinitus commissam, ab hostium iniuriis redderet securam; & à ciuibus & reliquo populo in ea commorante, infidelium & inimicorum Crucis CHRISTI auerterent impetus, & molestias propulsarent. Te introducit pro se testem, hoc collegium, tibi aliquando necessarium. Compertum habes, quantum iam effluxerit temporis, ex quo sine stipendiis tibi militauerimus: quotiens nobis solui necessitate compulsi postulauerimus: quotiens petitis inducias, tibi compatiētes, indulserimus, de die in diem equanimiter sustinentes: & nunc res eò deductæ sunt nostræ, quod diutius præstolari non possumus. Paupertas inuincibilis est, quæ diuturniores serias, & tempus auctius tibi iterum dari negat. Elige tibi unum: aut debitum solue, inopiæ nostræ subueniens; aut pignus quod obligasti, iuxta pactum exhibe. Miratus est Gabriel, quidnam sibi vellet hæc concio, & sermo ita solennis quid portenderet. Tandemque edoctus per interpretes, rem tenuit: sed quærit, cuiusmodi pignus, pro pactis stipendiis, dominus comes obligasset. Cui, cum quasi pudore prohibitus, dominus Comes responsum non daret, respondit eorum aduocatus: Quia barbam suam hypothecauerat eis, ut nisi statuta die pacta militibus solueretur stipendia, eidem barba sine contradictione raderetur. Quod audiens Gabriel, stupidus præ facti nouitate, & comploris manibus supra modum admirans, anhelare cœpit, & præ angustia nimis æstare. Mos enim est Orientalibus, tam Græcis quam aliis nationibus, barbas totâ curâ & omni sollicitudine nutrire; pro summoque probro & maiori quæ vnquam irrogari possit ignominia reputare, si vel vnus pilus quocunque sibi de casu barba cum iniuria detrahat. Interrogansque dominum Comitem, si ita esset sicut dicebatur? Respondit: Ita. Iterum fortius admirans, penè extra se factus, quærit iterum: Quare rem tantâ diligentia conseruandam, argumentum viri, vultus gloriam, hominis præcipuam auctoritatem, ita obligasset, tanquam rem mediocrem, & ab homine sine confusione separabilem? Cui Comes: Quia non erat mihi res alia dignior, cuius interpositione, militibus proteruè instantibus, possem plenius satisfacere. Sed nec oportet dominum & patrem meum, multum super hoc esse sollicitum: nam spero de misericordia Domini, quod impetratis à militibus induciis, postquam Edeßam rediero, militum instantia satisfaciens, cum mea honestate pignus luam obligatum. Milites è diuerso: statim se diuersiferos ab eo, iminasque intentare, sicut edocti erant, nisi soluatur maturius, vnanimiter asserebant. Quod audiens Gabriel, vir simplex, & collusionis eorum ignarus, apud se fluctuans quid faceret, elegit potius de suo soluere militibus id in quo tenebatur gener obligatus, quam eius pati, qui reputabatur filius, tantam ignominiam. Quærit quæ sit debiti summa. Cui responsum est, Triginta millium Michaëlarum: quod genus aureorū, tunc in publicis commerciis erat celebre, à quodam Imperatore Constantinopolitano, qui eam monetam suâ fecerat insignem imagine, Michaële nomine, sic nuncupatum. Soluere igitur spondet pro genere, conditione tali, pactam pecuniam: ut mediâ dominus Comes fide firmiter promittat, quod de cætero nullo casu, nullo necessitatis articulo, ita quibuslibet personis se velit obligare. Solutâ igitur pecuniâ, sumptaque à focero licentiâ, dominus Comes cum suis, tumentibus oculis, & depulsâ inopiâ, diuites ad propria reuersus est. Anno sequenti, qui erat ab incarnatione Domini millesimus centesimus decimus, sollicitus Rex, & curam gerens peruigilem, quomodo sibi Regnum à DEO commissum posset honorare, & DEO protectori suo aliquid acceptione dignum offerre, proposuit de pio mentis feruore, ecclesiam Bethleemiticam, quæ usque ad illum diem prioratus tantum fuerat, ad cathedralem sublimare dignitatem. Quod qualiter gestum fuerit, ex rescripto eiusdem piissimi regis super hoc edicto, amplius & perfectius erit manifestum, quod sic habet: Diuinâ inspirante gratiâ gens Francorum admonita, Hierusalem ciuitatem sanctam, diuig. oppressione Paganorum fatigatam, ubi mors, quæ primo præuāricante parente genus humanum inuaserat, morte Saluatoris est destructa, à spurcitiâ prædicta liberauit. Obsessa est namq. ciuitas hac cultu diuino digna, septimo Idus Iunii, à gente præfata; & idibus Iulii, DEO pro ea pugnante, est capta. Capta autem ciuitate anno Domini millesimo centesimo, dispositione diuinâ suggerente, placuit clero atque Raimundo sancti Egidii, Roberto Normannia, & Roberto Flandrensi Comitibus, Tancredo, & cæteris primatibus, cum vniuersa Francorum multitudine, ut piissimus & misericordissimus dux Godefridus, carissimus frater meus eidem præsideret: ipse verò, vir DEO dignus, sanctæ ciuitatis gubernator, primo principatus sui anno peracto, DEO propitio, tertiâ die sequētis, in pace quieuit. Cui ego Balduinus ab exultante clero, principibus & populo, primus rex Francorum, nutu diuino, excellentiam Bethleemiticæ ecclesiæ, natiuitatem Domini nostri IESU CHRISTI præ-

XII.
A. Dn.
1110.

- ST* I praefulgidâ mente pertractans, in qua primum venerabiliter caput meum diademate ornatum effulserat, ut episcopali dignitate donaretur, mihi per omnia placuit. Igitur quod corde castè conceperam, indesinenter excogitans, tandem ad aures Arnulfi archidiaconi, viri clarissimi, & Hierosolymitani capituli usque perduxi, eumq; & idem Capitulum, ut super hac re mihi consulerent, obnixè rogavi. Qui tam iusta petitioni meae obsequentes, tum pro Hierosolymitana sede, quæ postea quasi orbata parente videbatur, tum pro hoc negotio Romam peti decreuerant. Hanc itaque legationem Arnulfus archidiaconus, & Aichardus eodem tempore decanus suscipientes, Romam perrexerunt: & Sancto Spiritu cooperante, apud dominum Paschalem secundum, uniuersalis ecclesie Pontificem, de utroque negotio honestum inuenientes consilium, Hierusalem remearunt. Dominus verò Paschalis Papa, Gibellinum Arelatensem Archiepiscopum, virum sapientie radiis choruscum, omniq; morum honestate fulgidum, cui id legationis Arnulfo atque Aichardo presentibus iniunxerat, post eos Hierusalem direxit. Propterea à me, clero simul & populo gaudenter susceptus, pro praecepto domni Paschalis Papæ & mea bona voluntate, & assensu Hierosolymitani capituli, ac totius fauore consilii, & propriâ deliberatione omnia dispensans, in Bethleemnitica ecclesia, Aschetinum, virum illustrem eandem gubernantem, quem Hierosolymitanum capitulum eiusdem ecclesie cantorem, me cum meis proceribus & populo volente Ascalonæ elegerat atque statuerat episcopum, obtinere primatum episcopalem decreuit; Bethleemniticâq; sedi, pro praecepto & consideratione nostra, Ascalonæ ecclesiam parochiali iure subiugauit. Tandem ego Balduinus, *DEI* gratiâ rex Hierusalem, Latinorum primus, iam dicta letus obnixè firmavi.
- 20 Villam etiam Bethleem, quam ecclesie concesseram, pro salute animæ meæ, & misericordissimè ducis fratris mei Godefridi, atque omnium parentum meorum: & unum casale, quod est in territorio Accon, nomine Bedar: aliud etiam quod est in territorio Neapolitano, nomine Seylon: aliud quoque adiacens Bethleem, quod dicitur Bethbezan: & duo casalia in territorio Ascalonitiano, unum videlicet Zeophir, & aliud nomine Caicapha, cum suis pertinentiis episcopo, eiusq; successoribus firmiter ac liberè tenere ac possidere præcepi, dedi atque concessi. Præfatam quoque ecclesiam à calumnia quâ Hierosolymitana ecclesia eam vexabat, commutatione terrarum ac vinearum quæ in circuitu Hierusalem in meo dominio erant, absolutissimam reddidi. Statuimus autem, quòd si quis clericus, vel laicus, nefandissimâ cupiditate ductus, illud quod pro petitione mea de Bethleemnitica ecclesia, nativitate Domini ac Saluatoris nostri præclara, Spiritu Sancto iuuante, à domno Paschale, Romana sedis summo ac venerando Pontifice, per Gibellinum eiusdem legatum, Arelatensem Archiepiscopum roboratum est, post decessum meum violare præsumpserit, inuasionis crimine, nisi communitus resipuerit, obligetur, ac totius regni nostri expers effectus, grauiter iudicetur. Præterea concedo, quod quicumque meorum optatum, vel aliquis militum seu burgensium, *DEI* afflatus spiritu de suis redditibus, pro sua suorumq; animabus, dare eidem ecclesie voluerit, libera sit sibi pia voluntatis executio, & in perpetuum valeat facultatum suarum legitime facta donatio. Facta est autem hac concessionis, vel confirmationis nostræ inscriptio, rerumq; gestarum designatio, anno ab incarnatione Domini millesimo centesimo decimo, indictione tertiâ. Presidente Romana ecclesie Papâ, domno Paschale secundo: Hierosolymis verò Gibelino Arelatensi Archiepiscopo, sedis Apostolicæ vicario, in Patriarcham electo. Sunt ergo istius assertionis testes, Arnulfus Archidiaconus, Aichardus Decanus, Eustachius Garnerius, Anselmus turris David custos, Radulfus de Foritaneto, Pisellus vicecomes, Symon ducis filius, Ansfredus vir religiosus, Gerardus camerarius: & alii quamplures. Eodem anno prædictus *DEI* cultor, & magnificus triumphator, idem dominus Rex curam gerens indefessam, quomodo Regnum sibi à *DEO* commissum posset ampliare, sumptâ occasione ex galeis quibusdam quæ in regno hyemauerant, mense Februario, congregatâ pro viribus Christiani populi, ex vniuersi regni finibus multitudine, urbem obsidet Berythen-sium. Est autem Berythum ciuitas maritima, inter Biblum, & Sydonem in Phœnice sita, vna de suffraganeis vrbibus, quæ Tyrensi metropoli intelliguntur subiectæ,
- 30 Romanis quondam acceptissima, ita ut iure Quiritium ciuibus concesso, inter colonias reputaretur: de qua ita *Vlpianus* testatur in Digestis, titulo de Censibus, loquens de Phœnice prouincia: Est & Berythen-sis colonia, in eadem prouincia, Augusti beneficiis gratiosa. Et ut diuus Hadrianus in quadam oratione ait, Augustiana colonia, quæ ius Italicum habet. Nec solùm ius Italicum, verùm etiam & docendi ius, quod raris concessum fuit vrbibus, ab eodem Augusto obtinuit potestatem, sicut in primo Codicis, eâ constitutione quæ sic incipit, *Cordi nobis est*, in qua ita legitur: Et

Berytensium Doctorem Dorotheum. Dicta autem creditur priscâ appellatione *Gerse*, quam *Gerjeus* quintus filiorum Chanaan fundasse legitur. Ad hanc perueniens, accito sibi domino *Bertramo* Tripolitano Comite, urbem cœpit studio vehementi artare. Aduenerant autem, ut eidem vrbi ministrarent subsidium, ex Tyro & Sydone naues quædam, viris fortibus, & bellicosis refertæ. Quod si liberum introitum & exitum habere potuissent, inutiliter operam consumerent, qui obsidioni eius incubuerant. Sed adueniente classe, de quarum ope confusus Rex, opus præsens assumpserat, timentes se mari committere, protinus intra portum se receperunt; ita ut ciuibz omnino per mare & introitus negaretur & exitus. Erat autem eidem ciuitati pinea syluâ vicinior, quæ multam & idoneam obsidentibus, ad componendum scalas & quaslibet machinas, abundè præstabat materiam. Ex hac igitur erigentes sibi turres ligneas, & machinas iaculatorias componentes, & quæ aduersus huiusmodi solent esse necessaria fabricantes argumenta, urbem continuis impugnant assultibus, ita ut nec horæ spacio, interdiu vel de nocte, obsessis requiem indulgerent: alternatim enim & per vices mutuas, sibi succedentes adinuicem, labore intolerabili ciues fatigabant. Cum autem per menses duos continuos incepto opere viriliter desudassent, arguentes moram adinuicem, quadam die dum solito vehementius urbem in pluribus locis, congressionibus molestant, quidam de turribz ligneis, quæ mœnibus fuerant violenter applicatæ, saltu super murum se intulerunt: quos alii tum eodem modo, tum per scalas ascendentes, secuti, in urbem descendentes, portam ciuitatis violenter aperuerunt. Ingressus igitur sine difficultate noster exercitus, ciuibz ad mare confugientibus, urbem occupauit vniuersam. Qui autem in nauibus erant, audientes quod Rex cum suis urbem effregerat, proficientes & ipsi de nauibus portum occupant; & ciues qui gratiâ salutis illuc confugerant, gladiis repellentes, in hostes redire compulerunt: sicque ciues miseri, inter hostium cohortes geminas infelicitè angustiat, nunc his, nunc illis instatibus, gladiis in medio depereunt: quousque Rex stragem immoderatam cōspiciens, eis qui residui erant, misericordiam implorantibus, voce præconiâ finem cædis indicit, & victis vitam indulgeri præcipit. Capta est autem prædicta ciuitas, anno ab incarnatione Domini *millesimo centesimo & undecimo*, mense Aprili, vicesimâ septimâ die mensis. Eodem anno quidam populus de insulis Occidentalibus egressus, maximeque de ea Occidentis parte quæ *Noroëgia* dicitur, audientes quod à CHRISTI fidelibus capta esset ciuitas sancta Hierosolyma, volentes illuc deuotionis gratiâ properare, classē sibi parauerant opportunam. Quam ascendentes, aurâ flante secundâ, mare Britannicum nauigantes, dein *Calpen* & *Athlanta*, angustias huius mediterraneæ influxionis ingressi, nostrum hoc mare pertranseunt, apud *Ioppen* applicuerunt. Erat autem prædictæ classis primicerius, & præceptor supremus, quidam iuuenis, procerus corpore, & formâ decorus, *Noroëgia* regis frater. Qui postquam portum Ioppensem attigerunt, propositum iter aggredientes, Hierosolimam, cuius gratiâ venerant, adierunt. Rex igitur cognito eorum aduentu, illuc cum omni celeritate properat: & cum illo prædicto nobili viro, benignè & familiariter locutus, tentare cœpit & diligenter inquirere, vtrum naualis ille exercitus, moram vellet in regno facere, & operas suas ad tempus CHRISTO dedicare, ut vnâ de infidelium vrbibus per eorum studium, fidei populo posset accrescere. Qui communicato consilio ad inuicem, responderunt, quod ad id venerant, & eâ intentione ferebantur, ut CHRISTI seruitio se manciparent. Iuxta quod propositum parati erant, ut quamcunq; de vrbibus maritimis Rex cum suo exercitu, obsidere vellet, illuc itinere marino cum omni celeritate contendere, nihil præter victum pro stipendiis exigentes. Rex igitur deuotissimè verbum amplectens, congregans Regni robur vniuersum, & militiam quantam potuit, Sydonem peruenit. Classis quoque nihilominus à portu Acconensi egressa, illuc directè properauerat, ita ut penè eodem momento vterque exercitus ante urbem conueniret. Est autem *Sydon* ciuitas maritima inter Berythum & Tyrensem metropolim sita, prouinciæ Phœnicis portio non modica, commodissimū habens situm, cuius tã Veteris quàm Noui textus instrumenti frequentem habet memoriam. De ea quippe in secundo Regum libro, ita *Salomon* ad *Hiram*, Tyriorum regem: *Præcipe igitur, ut præcidant mihi cedros de Libano, & serui mei sint cum tuis; mercedem autem seruorum tuorum dabo tibi quamcunq;*

An. D.
1111.

XIV.

3. Reg. 5. 6.

cunque petieris. Scis enim quoniam non est in populo meo, qui nouit ligna cadere sicut Sydonii. In *Matth. 11.*
 Euangelio quoque eius facit Dominus mentionem, dicens: *Amen dico vobis, si hæc* *21.*
facta essent in Tyro & Sydone, & cætera. & alibi: Egressus IESVS, secessit in partes Tyri & *Matth. 7, 24.*
Sydonis. Hæc Sydon Chanaan fundasse legitur: vnde & vsq; in præsentē diē nomen

tenet auctoris. Est autem vna de vrbibus suffraganeis Tyrensis metropolis. Hæc igitur noster exercitus, ex vtraque parte obsidione vallans, ciuibus magnam intulere formidinem: videntesque quod viribus nequaquam possent resistere, & ab imminentibus se rueri periculis, dolis perficere quod virtute nequeunt, machinantur. Erat porro in domini Regis comitatu, eius familiaris & quasi cubicularius, quidam

10 *Balduinus*, aliquando gentilis, quem dominus Rex pietatis intuitu accedentem ad Baptismatis lauacrum, de sacro fonte susceperat; & ei nomen imponens suum, in numero domesticorum receperat: hunc nobiles de ciuitate viri, quocunque modo se volentes expedire, clam per internuncios conueniunt, infinitam promittentes pecuniam, & in ciuitate possessiones amplissimas, si à tantis calamitatibus eos, Regem interficiendo, absoluat. Erat autem hic idem domino Regi adeo familiaris & carus, vt etiam ad loca secretiora quibus naturæ, se purgare volentis, satisfecit necessitatibus, Regem solus plerunque comitaretur. Verbum itaque oblatum ille gaudens suscepit, & eorum postulationes effectui mancipare promittens, totus in hoc erat, vt tempus ad complendum facinus expectaret opportunum. Interea quidam

20 fideles de ciuitate, ad quos verbi huius peruenerat notitia, timentes, ne per domini Regis incuriam verbum hoc tam detestabile posset effectum sortiri, literas scribunt sine certi auctoris titulo, easque cum sagitta in exercitum nostrorum dirigunt, rei seriem ordine pandentes: quæ casu ad dominum Regem peruenientes, animum eius, nec immerito plurimum affecerunt. Qui conuocans principes, & quid eum facere oporteret deliberatione habitâ, vocatus est ille; & crimen confessus, principibus in eum dictantibus sententiam, suspendio vitam finiuit. Videntes ergo ciues commenta sua felices non habere successus, aliâ viâ cœperunt ingredi; & misâ legatione petunt, vt nobilibus concedatur exitus; plebi verò, sicuti & prius, agriculturæ operam dare liceat, bonis conditionibus. Quo concesso urbem resignant,

30 cum vxoribus & liberis ad loca desiderata, sine contradicte tendentes. Quam protinus & sine dilatione, cuidam de magnatibus suis, *Eustachio* videlicet *Grener*, iure hæreditatio possidendam liberaliter concessit. Classis verò receptis à domino Rege donariis, & acceptâ silienciâ, prosequente eos vniuersorum benedictione, *A. Dd.*
 ad propria reuersi sunt. Capta est autem prædicta ciuitas, anno ab incarnatione *1111.*
 Domini *M C X I.* mense Decembri, decimâ nonâ die mensis. Per idem tem- *X V.*

pus mortuus est dominus *Gibelinus*, bonæ memoriæ, Hierosolymorum Patriarcha: cui substitutus est inuitâ (vt credimus) diuinitate, *Arnulfus*, de quo sæpissimam in superioribus mentionem habuimus, Hierosolymitanus Archidiaconus, qui vulgò cognominatus est *Mala corona*. Sed propter peccata populi patitur *DEVS* regnare hypocri- *106. 34. 30.*

40 *tam.* Hic, sicuti & prius, seipsum continuans, multa pessima gessit opera. Nam inter cætera neptem suam, apud dominum *Eustachium Grener*, vnum de maioribus regni principibus, nobilium duarum vrbium dominum, Sydonis videlicet & Cæsareæ, nuptui collocauit, cum ea conferens Ecclesiastici patrimonii optimas portiones, Hiericho videlicet, cum omnibus pertinentiis suis, cuius hodie redditus annualis quinq; millium dicitur esse aureorum. Fuit autem & in suo pontificatu conuersationis immundæ, ita vt eius vulgò pateret ignominia. Cui rei colorem quærens, ordinem quem primi principes studiosè & cum multa deliberatione in ecclesia Hierosolymitana instituerant, *Regulares Canonicos* introducendo commutauit. Regem etiâ ad hoc impulit, vt viuente adhuc vxore suâ aliam duceret, sicut in se-

50 quentibus dicitur. Nec morâ interpositâ diuturniore, post Sydonem captam, *XVI.*
 collecta est in *Perside* equitum manus infinita: qui vt proprias experirentur vires, vt super eo aliquando possent gloriari, in regiones nostras ascenderunt. A primo enim Latinorum introitu, vsque ad annum regni eorum quasi quadragesimum, non defuit nostris pestis illa, sæuior hydra, recens, & damno caput facta locupletior. Annis quippe penè singulis de illo sinu Persico, tanta erumpebat illius populi detestabilis multitudo, vt penè vniuersam terræ superficiem sua numerositate opirent. Sed miserante nostros labores Diuinâ clementiâ, suscitauit Persarum

YYY

insolentia, & regno nimis de se præsumenti, æmulum imperium gentis *Hiberorum*: quo per gratiam DEI incrementum suscipiente, & vires acquirente, per successus continuos contrita est Persarum superbia: & qui prius prædicto populo suspecti erant & formidabiles, facti sunt versa vice, eis & viribus & armorum experiētiā longè inferiores: quiq; regnis exteris etiam remotioribus, consueuerant inferre sollicitudinem, nunc sibi sufficere reputant, si intra fines suos tranquillitatē reperiunt vel ad tempus. Est autem *Hiberia* regio in plaga Septentrionali constituta, quæ alio nomine dicitur *Auesguia*, Persis contermina, homines habēs corpore proceros, robustos viribus, multā strenuitate commendabiles. Hi frequentibus bellis & congressionibus assiduis Persarum adeò copias attriuerunt, vt iam se nec pares reputent, & 10 pro suo statu solliciti aliorum provincias vexare destiterint. Prædicta ergo multitudo à finibus illis egressa, Mesopotamiam transcurrens, transmissa Euphrate fluuio magno, regionem citra fluuium pro arbitrio tractantes, optimum regionis præsidium *Turbessel* obsident: cumq; per mensem continuum ibidem operam cōsumpsissent, videntes quod non proficerent, ad partes Halapienses se contulerunt, de sua multitudine confisi, machinantes vt dominum *Tancredum* incautē & cum impetu prouocarent ad prælium. Dominus autem Tancredus, sicut vir prudens erat, & in agendis circumspēctus, dominum Regem litteris euocat & nunciis, vt maturē subsidium conferat. Qui sine mora conuocatā ingenti militiā, assumpto sibi domino *Bertramno* Comite Tripolitano, cum suis iterum copiis ad partes illas se 20 contulit. Qui cum peruenissent ad oppidum *Rugiam*, ibi dominum Tancredum cum suis expeditionibus inuenerunt: vnde in hostes progressi, ante urbem *Cæsaream*, quæ vulgò appellatur *Cæsarea*, vbi hostes castrametati fuerant, ordinatis agminibus perueniunt. Vbi cum se mutuò vterque conspexisset exercitus, Turcis declinantibus prælium, à regione discesserunt, nostris ab inuicem sumptā licentiā, ad propria reuerfis. Consequenter autem eodem anno, cum *Tyrus* sola de vrbibus maritimis, quæ sunt à Laodicia Syriæ vsque ad Ascalonam, quæ est nouissima Regni ciuitas, infidelitatis iugum pateretur: adiecit dominus Rex, qui alias auctore Domino expedierat, illam regno vindicare. Congregatis ergo ex vniuersa ora maritima nauibus quotquot inuenire potuit, classem ordinat qualem qualem: cui 30 præcipit, vt illuc sub omni celeritate maturarent: & ipse conuocatis Regni viribus, & populo vndique accito vniuerso, prædictam urbem, locatis in gyrum copiis, obsidione vallat. Est autem *Tyrus* ciuitas in corde maris sita, in modum insulæ circumsepta pelago, caput & metropolis prouinciæ Phœnicis: quæ à riuo Valeniensi, vsque ad Petram incisam, Doræ conterminam, protenditur, infra sui ambitum, vrbes suffraganeas continens quatuordecim. De situ & commoditatibus huius ciuitatis, in inferioribus dicitur latius: vbi de eius obsidione nouissima, & captione concessa diuinitus, auctore Domino, tractabitur. Obsessā itaque ciuitate prædictā, sicut princeps erat valde sollicitus, omnem dabat operam, omne studium impēdebat, quomodo multipliciter grauatis ciuibus, eos ad deditionem compelleret: 40 percurrēsq; argumenta singula, quibus obsessis vrbibus solent irrogari molestiæ, omnia diligenter impendebat, vt ciuitas in suam transiret ditionem. Nam crebris assultibus, continuis penē congressionibus, murorum & turrium flagellatione, & violentis ictibus, telorum quoque & sagittarum immisione perpetuā, affligebat obsessos. Tandemq; ad malorum cumulum duas præcepit erigi ex lignea materia turres, lapideis ædificiis multò sublimiores; vnde & urbē esset quasi subiectam inspicere; & bellum ciuibus quasi de superioribus inuitabiliter inferre. Ciues autem è conuerso viri prudentes & strenui, & huiusmodi versutiarum non omnino expertes, argumentis obiiciunt argumenta; & modis paribus quibus eis inferebantur iniuriæ, repellere satagebant. Duas siquidem turres, comportatis lapidibus, & 50 congesto ad multam quantitatem cemento, quæ machinis nostrorum rectē videbantur oppositæ, ascendentes, superædificare cœperunt: ita vt subito & intra paucos dies ligneis machinis, quæ exteriùs erant oppositæ, multò altiores inuenerentur. Vnde in subiectas machinas ignem iaculantes, omnia sine difficultate parati erant incendere: videns ergo Rex, quod ars arte deluderetur, longis laboribus, & expensis non modicis, quas per quatuor menses & eo amplius ibidem consumpserat, grauatus plurimum, ab incepto destitit, spe frustratus: solutaq; obsidione,

fidione, ipso Ptolomaidam reuerso, reliqui certatim ad propria redierunt. Per xviii.
idem tempus dominus *Tancredus*, illustris memoria, & pia in Domino recordationis, cuius eleemosynas & pietatis opera, in perpetuum enarrabit omnis ecclesia sanctorum, letale debitum persoluit. Hic dum in supremæ lectæ agitudinis decubaret, circa se in sui obsequio a dolescētem *Pontium*, domini Bertrami Comitis Tripolitani filiū habebat: vidensque sibi mortis imminere diem, vxore sua corā se posita, *Cecilia*, quæ vt superius præmisimus, domini Philippi Francorum regis filia erat, & prædicto iuvene, consuluisse dicitur ambobus, vt post eius obitum iure conuenirent maritali. Factumque est ita, vt post eius ex hac luce decessum, mortuo etiam
10 domino Bertramno Comite Tripolitano, eiusdem patre, prædictus *Portius*, eandem dominam, prædicti domini Tancredi viduam, vxorem duxerit. Successit autem ei in eodem principatu, de eius supremo iudicio, quidam eius consanguineus, *Rogerius* Richardi filius, eā conditione, vt quandocunque dominus *Boamundus* iunior, domini Boamundi senioris filius, Antiochiam cum suis pertinentiis, quasi hæreditatem propriam reposceret, eam sibi sine molestia & contradictione restitueret. Sepultus est autem idem vir illustris, in porticu ecclesiæ principis Apostolorum, anno ab incarnatione Domini *millesimo centesimo duodecimo*. Anno quoque ab incarnatione Domini *millesimo centesimo decimo tertio*, ætate subsecutâ, iterum de *Perjide*, quæ mala semper consuevit effundere germina, ex qua tanquam ex fonte per-
20 niciofo, aquæ solent pestilentes deriuare, multitudo infanda prorupit sub principe potentissimo, & titulis generositatis præclaro, *Menduc* nomine: tantam secum trahens numerositatem, vt eorum neque numerus certus esset, neque finis. Hi mediis transcurfis regionibus, ad Euphratem peruenerunt, nouis vtentes consiliis. Nam qui eos de eodem populo præcesserant, sæpius circa partes Antiochenas vires suas consueuerant primū experiri; his autem sicut ex postfacto patuit, longè alia mens, & propositum erat dissimile: nam omnem Cœlesyriam pertranseuntes, relictâ à sinistris Damasco, inter Libanum & oram maritimam, Tiberiadem prætercuntes, circa pontem sub quo Iordanis defluit, castrametati sunt. Quod audiens Rex, cognito quod de infinita multitudine præsumerent, dominum *Rogerum* Antiochenorum principem, Comitemque *Tripolitanum* in suum euocat subsidium; ta-
30 men antequam illi conuenirent, ipse cum suis expeditionibus in vicino eis loco castra posuerat: quod hostibus vt innotuit, emissis de exercitū equitum duobus milibus, intelligentes magis opus esse industriâ quàm viribus, mille quingentos ex eis præcipiunt latere in insidiis; quingentos verò reliquos procedere iubent longiùs, & quasi se habentes incautiùs, Regem cum suis insequendo irritare. Quod nō longè ab eorum proposito, certum est accidisse. Nam prædictos quingentos, quasi incautiùs se habentes, & progressos longiùs, Rex considerans, & impetuosè suos conuocans, illis procedit obuiam, & verlos in fugam prosequens, imprudentiùs in eorum decedit insidias: quibus ex suis latebris egredientibus, facta est hostium ingens
40 multitudo, collectisque & ad se reuocatis quingentis prioribus, in nostros irruunt impetu vehementi. Quibus, cum nostri tentarent resistere, & gladiis à se propulsare, præteruius instantes, oppressi multitudine, fugam inire compelluntur, quam nec etiam tutam reperiunt: nam fugientium facta est strages maxima, ita vt Rex ipse relictō vexillo quod gestabat in manibus, & *Arnulfus* patriarcha, qui cum eo erat, & alii Regni principes, relictis castris & impedimentis omnibus vix euaserint. Obtinuerunt ergo hostes nostrorum castra; & facta est, peccatis nostris exigentibus, confusio multa in populo DE I. idque totum domino Regi ascribebatur, quod impetuosè nimis, & de sua virtute plus æquo confidens, conuocata noluit auxilia præstolari. Nam dominus Rogerus princeps Antiochenus, & Tripolitanus Comes in
50 proximo erant, die sequente vel tertiâ procul omni dubio venturi. Ceciderunt illâ die, de equitibus nostris triginta; de peditibus verò, mille ducenti. His ita gestis, affuerunt prædicti duo magni potentesque viri: cognitoque casu qui acciderat, Regem arguunt tanquam nimis præcipitem; tandemque redeuntes in vnum, in montibus vicinis castra locant, vnde erat inferiùs in valle, hostium exercitus contueri. Illi autem scientes reliquas Regni partes militiâ vacare, missis de suo exercitu ad varias partes, terram vniuersam cœperunt percurritare, cedes passim per vias publicas operari, incendia procurare, effringere suburbana, captiuare colonos, ita libere

per vniuersam se habere regionem, tanquam sibi omnia subiecissent. Recesserant etiam à nobis per illos dies, nostri domestici, & suburbanorum nostrorum, quæ *casalia* dicuntur, habitatores, Sarraceni: & hostium adiuncti cohortibus, alios erudiebant in nostram perniciem; qui tanto id melius facere poterant, quanto status nostri plenior habebant scientiam. *Nulla enim pestis efficacior ad nocendum quam familiaris inimicus.* His ergo ducibus hostes freti & eorum fortiores facti solatio, villas circuibant & castella, prædas, & mancipia secum trahentes. Tantisque horror Regnum occupauerat vniuersum, ut extra mœnia nemo prorsus auderet comparere.

xx. Accesserat præterea ad timoris & ærumnæ cumulum, quod *Ascalonitæ*, tanquam vermes inquieti, scientes quod Rex cum omnibus regni viribus, circa partes Tiberiades detineretur occupatus, hostes quoque regionem penè totam obtinerent, egressi cum ingenti multitudine, ad montana conscendunt, & Hierosolymam, militaribus destitutam copiis, obsident: nonnullos, quos extra urbem reperiunt, aut captiuant, aut interficiunt: messes aridas, quas agricolæ in areas cõgesserant, tradunt incendiis. Tandem cum per aliquot dies ibi confedissent, videntes quod nullus ad eos egrederetur, sed omnes intra mœnia cautiùs se haberet, timentes Regis aduentum, reuersi sunt ad propria. At verò æstate iam in autumnum declinante, iuxta consuetudinem, Peregrinorum cœperunt applicare naues. Qui verò in eis aduecti erant, audientes quod Rex & populus Christianus tantis laboraret angustis, illuc cum omni celeritate tam equites quàm pedites certatim properant: ita ut euidentibus incrementis noster per singulos dies multiplicaretur exercitus. Quod intelligentes hostium Principes, timentes ne multiplicatis viribus, ad vlciscendum suas se pararent iniurias, in fines Damascenorum se receperunt; nostri verò ab inuicem discedentes, reuersi sunt ad propria. At verò hostilium exercituum Princeps, qui regnum ita potenter afflixerat, *Damascum* perueniens, consentiente, ut dicitur, Damascenorum rege *Doldequino*, à quibusdam sicariis interfectus est. suspectam enim eius dicebatur habere potentiam, ne eum regno priuaret.

xxi. Diuiso igitur ab inuicem exercitu, & singulis ad propria remeantibus, affuit nuncius, domino Regi significans, quod *Comitissa Sicilia*, apud urbem *Acconensem* applicuerat. Fuerat prædicta Comitissa, domini *Rogeri* Comititis, qui cognominatus est *Bur-* 30
sa, qui frater fuit domini *Roberti* Guischari, vxor: nobilis, & potens & diues matrona. Ad hanc anno proximè præterito, quodam nobiles de regno suo Rex direxerat, inuitans eam, & cum instantia postulans, ut cum eo lege coniugali vellet conuenire. Quæ verbum filio communicans, domino videlicet *Rogero*, qui postea fuit rex *Siciliæ*, cœpit cum eodem de verbo illo deliberare: & tandem visum est ambo- 40
bus quod si dominus Rex sub certis conditionibus prædictum verbum vellet confirmare, ipsi petitioni eius parati erant acquiescere. Forma autem conditionum hæc erat: Quod si Rex ex prædicta Comitissa prolem susciperet, ei post regis obitum sine contradictione & molestia regnum concederetur: quod si absque herede ex eadem Comitissa suscepto defungeretur, Comes *Rogerus* filius eius, hæres existeret; & in regno, sine contradictione & molestia 50
Rex futurus, succederet. Rex autem abeuntibus legatis in mandatis dederat, ut quibuscunque petitionibus parentes, eam secum modis omnibus deducere laborarent. Audierat enim, & verè scierat, quod mulier locuples erat; & filio accepta, bonis omnibus abundabat. Ipse verò è conuerso, pauper erat & tenuis, vix ad necessitates quotidianas & equitum stipendia sibi poterat sufficere: unde & de illius redundantiâ, suæ sitiebat inopiæ subueniri. Missi igitur legati, conditiones prædictas gratatè suscipiunt: & interpositis iuramentis, prout exigebantur, quod his pactis à domino Rege & suis Principibus, bonâ fide, sine fraude & dolo malo staretur, Comitissa, filio vniuersa necessaria suggerente, se accingit ad iter, & oneratis nauibus frumento, vino & oleo, & falsis carnibus, armis præterea & equitaturis egregiis, assumens secum infinitam pecuniam, omnibus eâ prosequantibus copiis, in nostram, ut prædictum est, appulit regionem. Hæc autem ut prædictum est, *Arnulfi* patriarchæ machinabatur malicia, ut illa nobilis & honesta deciperetur femina. deceptam quippe negare non possumus eam, quæ in simplicitate viarum suarum, Regem putabat idoneâ gerere personâ, ad hoc ut ei nuberet legitimè. Erat autè longè secus: nã vxor quam ipse apud *Edesam* legitimè duxerat, adhuc in rebus agebat humanis. Postquam ergò applicuit dicta Comitissa, præsentem domino Rege, Patriarcha, & regni principibus innouata sunt iuramenta,

iuramenta, iuxta eandem formam, qua prius in Sicilia fuerant exhibita. Et quia intentione sinistrâ, & oculo non simplici hæc fuerant inchoata, respiciens Dominus ad eorum intentionem; nec solitam mulieri, licet innocenti, in regno concessit fecunditatem, & extrema huius gaudii luctus occupavit, ut in sequentibus dicitur. *Difficile est enim, ut bono claudantur exitu, quæ malo sunt inchoata principio.* Interim tamen tot tantasque adueniens Regno intulit commoditates, ut merito minimus dicere posset: *Et nos de plenitudine eius accepimus.* Accidit autem illis diebus, quod in finibus *Edeffanis*, suborta est fames validissima, tum propter terræ & aeris intemperiem; tum quia in medio hostium regio illa sita erat, & inimicis undique vallata, nec locorum incolæ hostilitatis metu liberam agriculturæ poterant operam dare: ita, quod ciues illius urbis simul & suburbani nihilo minus ordeaceum panem, & etiam glande mixtum, edere præ inopia cogerentur. Terra autem domini *Ioscelini* in tuto cis Euphratem collocata, frugibus & alimentorum copiâ plenius abundabat. Verum licet ita bonis omnibus afflueret eius provincia, prædictus *Ioscelinus*, in hac parte minus sapiens, & ingrato similis, domino & consanguineo suo, qui ei hæc eadem vniuersa contulerat, de sua plenitudine & vbertate stupenda, nihil omnino porrigebat, licet dominum Comitem, suosque extremam pati non dubitaret inopiam. Factum est autem, ut pro quibusdam negotiis dominus Comes *Balduinus* ad dominum Rogerum, filiū Richardi Antiochenorum Principem, cui etiam quandam sororem suā in uxorem contulerat, nuncios destinaret. Hi abeuntes, Euphrate transito, per terrā domini *Ioscelini* iter habentes, euntes redeuntesque ab eo sunt satis hospitaliter & humanè tractati. Tandē, sicut mos est imprudentibus, quidam de familia domini *Ioscelini*, nuncios domini Comitis verbis lacessentes, exprobrare cœperunt domini Comitis paupertatem; domini verò sui immensas e conuerso extollere copias; frumenti, vini, & olei, & alimentorum redundantiam, auri argenti que immensa pondera; militum, peditumque numerositatem: adiicientes etiam, sicut *lingua pruriens, incautè plerumque loquitur*, quod non erat Comes illi regioni, cui præerat commodus: consultius faceret, si comitatum suum domino *Ioscelino* venderet; & receptâ innumerâ pecuniâ, remearet in Franciam. Quæ verba in petus nunciorum (etsi dissimulare viderentur) altius descenderunt: & licet à leuibus personis essent dicta, tamen domini mentem redolere videbantur: sumptaque licentiâ, ad dominum Comitem redierunt. Quò peruenientes, omnia quæ in via acciderant, simul & verba, quæ in domo domini *Ioscelini* audierant, ordine pandunt. Quibus auditis iratus dominus Comes, & multo libramine ponderans apud se verba quæ audierat, intellexit, quod à domino *Ioscelino* hæc omnia ortum habuerāt: & indignatus plurimum, quod ille, cui tantas contulerat copias, cum de sua opulentia merito teneretur suam releuare inopiam, contra bonos mores paupertatem, tanquam vitium, exprobraret: in quam tamen non leuibus actibus, sed necessitate descendere inuitabili; sibi que id ipsum vnde ille gloriabatur; liberaliter detraxerat, ut in eum cōferret: cœpit æstuare indignatione plenus. Simulat ergo ægritudinem, & lecto decubans, mādāt domino *Ioscelino*, ut absque mora ad se venire properet: quo comperto, festinat dominus *Ioscelinus*, nihil veritus, in nullo viam habens suspectam: tandem *Edeffam* perueniens, inuenit Comitem in præsidio ciuitatis, & in ea eius partē, quæ *Rangulath* dicitur, in interiore conclauī decubantem: ad quem ingrediens, depenso debita salutationis affatu, quæsiuit à domino Comite, quomodo ei esset? Cui ille respondit: *Multo melius per gratiam DEI, quam tu velis.* Et iterum verbum continuans, intulit: *Iosceline, habēsne aliquid, quod ego tibi non dederim?* Cui ille: *Domine, nihil. Vnde est ergo, quod ingratus, & meorum beneficiorum immemor, de meo super abundas & dilatatus, & mihi benefactori tuo indigenti, nō ex temeritate, sed ex causa, quam nullus sapiens, nullus peritus declinare posset* (quia non est consilium contra Dominum) *non compateris? portionem eius quod totum dedi, non retribuīs? Insuper & tenuitatem diminutis collatam, quasi pro vitio exprobras & pro crimine obiticiis. Summe ego tam inutilis, ut vendam tibi quod mihi contulit Dominus, & fugiam, ut dicis? Resigna quod dedi, & redde vniuersa quæ tibi contuli, quia indignum te fecisti.* His verbis dictis, præcepit eum captum vinculis mancipari, afflixitque eum mirabiliter, & miserabiliter, nō minus & multimodis quæstionibus & tormentis: quousque abiuratâ vniuersâ regione, cuncta quæ ab eodē Comite dono susceperat, resignaret. Exiens ergo de finibus illis, bonus

omnibus spoliatus, ad dominum *Baldunum* Hierosolymorum regem primum accessit, cunctisque quæ ei acciderant ordine manifestatis, propositum aperit, quod in patriam redire proposuerat. Quo audito, dominus Rex videns eum regno maxime necessarium, dedit ei urbem *Tiberiensem*, cum finibus suis iure perpetuo possidendam, ut tanti viri solatio se muniret. Quam urbem strenuè & prudenter cum omnibus suis pertinētis, quam diu in ea mansit, rexisse, & fini ampliassse dicitur præstantissimè: cumq; adhuc *Tyrus* ab infidelibus detineretur, exemplo prædecessoris sui, multas eius ciuibus dicitur intulisse molestias. Et licet aliquantulum montibus interpositis ab eis videretur esse remotior, sæpe tamen eorum fines ingrediebatur, eis damna collaturus. Anno ab incarnatione Domini *millesimo centesimo decimo*

XXIII.

A. D.

1114.

quarto, tātus vniuersam Syriā terræmotus cōcussit, ut multas vrbes & oppida infinita dirueret funditus: maximè autem circa Ciliciam, Isauriam, & Cœlesyriam. Nam in Cilicia *Mamistram* cum multis oppidis solotenus prostrauit; *Maresiam* quoque deiecit cum suburbanis suis, ita ut quorundam vix etiam exstarent vestigia: quatiēbātur turres & mœnia, maioribusque ædificiis periculosius ruentibus, fiebat populorum strages infinita; & ciuitates amplissimæ quasi agger lapidum constitutæ, tumulus erant oppressorum, & contritis habitatoribus vicem præstabant sepulchri. Fugiebat plebs mente consternatā habitationem urbium, domiciliorum ruinam formidantes: & dum sub dio requiem inuenire sperant, timore concussi, somnos interrumpunt, oppressiones quas vigilantes timuerant, in somnis perpeffi. Nec erat hoc, tam ingens, in vna tantum regione, periculū: sed vsque ad extremos Orientis fines, hæc pestis latè se diffuderat. Anno quoque sequenti, iuxta morem solitum, *Bursequinus* Turcorum potentissimus, congregatā gentis eiusdem multitudine infinitā, regioni Antiochenæ hostiliter se infudit, pertransiensque totam illam provinciam, inter Halapiam & Damascum castrametatus est, expectans ut opportunitate concessā, inde in partes nostras has vel illas, irruptiones molirentur. Porro *Doldequinus* Damascenorum rex, illorū expeditiones habens nimis suspectas: timensque, ne magis eā intentione illuc cōuenissent, ut sibi & regno suo detrimenta moliretur; quam ut cōtra Christianos quorū vires sæpius erant experti, dimicaturi aduenissent; factus est sollicitus. Imputabatur enim ei mors prædicti nobilis viri, qui apud

A. D.

1115.

Damascum fuerat interemptus, quasi de eius cōscientia talis illius interitus processisset. Audito ergo Turcorū aduētū, & eorū intentione plenius cognitā, missis legationibus cū ingenti munere magnificentiā, tād ad dominum Regē, quam ad dominū Principem Antiochenum, pacē petit ad certum tempus, & implorat: iuramenta præstās & obsides, quod toto concessi temporis fœdere, Christianis tam ex Regno quam ex Principatu fidelē debeat societate obseruare. Interea Princeps *Antiochenus* videns eos suis partibus viciniore; & quorundam edoctus relatione, quod in terram suam impetus molirentur, dominum Regem in sui subsidium euocat: *Doldequinus* quoque nihilominus iure fœderis obligatum, ut cum suis adesse procuraret copiis, inuitat. Rex autem pro salute regionis sollicitus plurimum, congregatā militiā, & honesto stipatus comitatu, illuc impiger contendit: assumptoque secum *Tripolitano* comite *Pontio*, intra paucos dies ad eum locū, vbi dominus Princeps suas collegerat copias, peruenit. Porro *Doldequinus*, sicut & vicinior erat, ita & domini Regis præuenerat exercitum, nostrorum castris, tanquam socius se adiungens. Collectis ergo omnibus in vnum copiis, ante urbem *Cæsaream*, vbi hostes adesse prius audierant, vnanimiter constituerunt: quo hostibus cognito, videntes quod nisi cum graui periculo non possent nostros sustinere, simulant recessum, tanquam de cætero non redituri. Vnde nostri ab inuicem separati, reuersi sunt ad propria.

XXIV.

Interea dum Rex ita circa partes Antiochenas detineretur occupatus, *Ascalonica* eā freti fiducia, quod Rex absens erat, secumq; maiores regni vires cōtraxerat, sumptā opportunitate ex tempore, urbem *Ioppensem* obsident. Modico siquidem antè tempore, septuaginta nauium classis in eorum subsidium ex *Ægypto* ascendebat, quam ante se præire, & Ioppensium littus occupare præcipiunt. ipsi verò subsecuti in multis millibus, erectis vexillis, subito ante urbem constiterunt. Qui verò in classe erant, cognito suorum per terras aduentu, è nauibus certatim profiliunt, ciuitatem cominus impugnaturi. Sic ergo dispositis in gyrum ordinibus, urbem ex omni parte ambiunt, & signo dato impugnant, vndique instantes animosius. Ciues autem,

autem, etsi pauci essent numero, & viribus longè impares, pro vxoribus & liberis, pro libertate & patria, pro qua quiuus egregius honestum mori reputat, resistunt viriliter; turrestq; ac mœnia pro viribus communientes, arcubus & balistis, iactu quoq; pugillarum lapidum hostes à se propellunt longiùs, nec ad murum patiuntur accedere. Contigit autem Ascalonitis longè secus à spe quàm conceperât: nam urbem arbitantes vacuum reperire, scalas fabricauerant & altitudine & numero sufficere, per quas statim sine contradicatore intra mœnia irrumpere posse non diffidebât. Resistentibus igitur viriliter obsessis, non dabatur eis scalas mœnibus applicare: quibus vix licitum erat ad eos, qui in turribus erant, aliquid iaculari. Tantam enim ciuibus

10 Dominus contulerat gratiâ, vt circumstantē multitudinem, diuino freti auxilio, nō formidarent. Erant autē portæ ciuitatis lignæ, nullum ex ære vel ferro habentes operimentū. Has, ignē artificiosè contorquendo ex parte combusserunt, nō tamē eatenus, vt per eas maior vis ciuibus, aut maior inferri posset molestia. Videntes ergo post dies aliquot Ascalonitæ, quod non proficerent, timentesque ne regionis populus ad obsessorum conueniret subsidium, solutâ obsidione, domum reuersi sunt. Classis verò secundis vsa flatibus, in portum Tyrensiū se recepit. Euoluto autem decem dierum spacio, tentare volentes, vtrum Ioppitas incautos aliquando reperire possent, Ascalonâ secretiùs egressi, congregatâ suorum ingenti multitudine, subito & sine strepitu, iteratò ante Ioppen astiterunt. Ciues autem, in talibus as-

20 sueti, semper erant in excubiis, continuas noctibus per successiones agentes vigiliis, vt semper ad resistendum inuenirentur parati. Videntes ergo hostium reuersas legiones, & bella sibi recidiua parari, certatim turrest conscendunt & mœnia; tātoque acrius contendunt resistere, quanto vires hostium minores conspiciunt, & numerum vident imminutum. Nam classē quæ aliâ vice multa ciuibus intulerat discrimina, abesse conspiciunt, non facilè redituram. Augebat & nihilominus obsessorum fiduciam, quod Rex in proximo dicebatur venturus. Vnde facti animosiores, & resistentes confidentiùs, variis casibus, multos de hostium exercitu proteruius instantes peremerunt. Cū ergo quasi per septem horas continuas urbem impugnassent, videntes quod inutiliter cōsumerent operam, reuocatis agminibus hostes Ascalonam reuersi sunt. Dum igitur hæc in regno geruntur, *Bursequinus* (de quo superiùs diximus) qui ad aduentum Domini Regis & aliorum nobilium, qui contra eum conuenerant, fugam & discessum à partibus Antiochenis simulauerat, videns quod Rex & Princeps Antiochenus, *Doldequinus* quoq; discesserant abinuicem, & curis tracti domesticis redierant ad propria, arbitratus quod non facilè de-

30 nuò possent conuenire, rursum partes infestat Antiochenas: & percurrē regionē vniuersam, villas incendit, concremat suburbana; & quicquid extra munita præsidia reperire poterant, sibi dabant in direptionem & prædam: diuisis etiam cæteruatim agminibus ad varias dirigebant partes, vt stragem passim operarentur; & incautis occurrentes, siue per agros, siue iter agentes, aut captiuos secū traherent, aut gladiis obruncarent. Nec solum villas absq; muro, suis effringebant irruptionibus; verum etiam & murata municipia violenter occupabant. *Marram* siquidem, & *Casardam*, comprehensis intus habitatoribus, partim peremptis gladio, partim compedibus mancipatis, ad solum vsq; deiecerant; & obtinentes regionem totam, vndique prædam, vndique Christiana mancipia singulis diebus contrahebant. Quod vt Principi nunciatum est, accito sibi domino Comite Edessano, duodecimâ mensis Septembris, Antiochiâ egressus, ante oppidum *Rugiam* cum suis expeditionibus impiger astitit. Missisq; statim exploratoribus qui de hostium statu cum certificarent & proposito, ipse acies instruit, componit agmina, ad pugnam viriliter se accingēs: circa quæ, dum iuxta rei militaris disciplinam à domino Comite fideliter adiutus

40 desudaret, ecce nuncius cum omni celeritate properans, hostes in valle *Sarmati* castrametatos asserit. Quo audito, exhilaratus est admodum vniuersus exercitus, quasi spe victoriæ iam conceptâ. Ipse etiam *Bursequinus*, audito nostrorum aduentu, suos armari præcipit, & instructis agminibus ad agendum strenuè commilitones inuitat. Volens tamen suæ prouidere salutis, cum fratre & quibusdam familiaribus, montem vicinum nomine *Danim*, antequam nostri accedant, occupat: vnde suos possit præliantes intueri, & de belli ordine necessario suos plenius instruere. Factum est ergo, vt dum circa hæc esset occupatus, ecce nostrorum acies,

xxv.

erectis vexillis cœperunt comparere; visisque hostibus, spretâ eorum multitudine,
 dominus *Baldwinus* Edessanus Comes, qui cum sua cohorte cæteros præcedebat, in
 eos animosius irruens, impetu vehemēti totum eorum concussit exercitum. Quē
 pari exemplo reliquæ acies consecutæ, in medios hostium cuneos se immergunt,
 ensibus, & gladiis instantes cominus; iniurias parati refundere, quas villanis & pau-
 peribus nimis licenter intulerant. Hostes itaque primis congressionibus resistendi
 spem habentes, proteruē nimis à se nostros tentabant propulsare: sed tandem no-
 strorum vires, impetus, & admirabilem stupentes constantiam, dissolutis penitus
 eorum agminibus, in fugam versi sunt. *Bursequinus* verò de montis culmine suorum
 videns defectum, nostros verò inualescere, cum fratre & familiaribus quos in mō- 10
 te cōllegerat, relicto vexillo, castris & sarcinis omnibus, fugâ elapsus, vitæ consu-
 luit. Dissolutas itaq; acies & in fugam versas, nostri persequuntur instantius; & gla-
 diis obtruncantes fugitivos, quasi per duo miliaria stragem infinitam operati sunt.
 Princeps autem cum parte suorum, tanquam victor, in campo certaminis biduo
 moram faciens, suos operiebatur, qui ad partes diuersas hostes fuerant insecuti.
 Quibus receptis, & comportatis ante se spoliis omnibus, portiones congruas victo-
 riæ præstat consortibus. Castra enim deferentes omnibus referta commoditatibus,
 & ingentibus diuitiis redundantia vsque ad supremum, omnium eorum immemo-
 res fugam inierant. Sed & prædā & manubias, quas de locis diuersis contraxerāt;
 simul & captiuos nostros, quos in vincula coniecerant, receperunt nostri; & gau- 20
 dentes cum suis animalibus, vxoribus, & liberis remisertunt ad propria. Dicuntur
 autem in eo conflictu cecidisse de hostibus plusquam tria milia. His peractis, Prin-
 ceps equis, mulis, & captiuorum ante se præmissâ multitudine, diuitiarum quoque
 omnimodâ varietate antecedente, Antiochiam cum ingenti plausu & populorum
 xxvi. latitia victor ingressus est. Eodem tempore Dominus Papa auditis enormita-
 tibus *Arnulfi* patriarchæ, & de eius immunda conuersatione plenius edoctus, lega-
 rum dirigit ad partes Syriæ, quendam virum venerabilem, & multâ religione con-
 spicuum, *Aurascensem* Episcopum; qui ad partes nostras perueniens, conuocato v-
 niuersi Regni Episcoporum concilio, prædictum Arnulfum coram se astare præce-
 pit: tandemq; meritis exigentibus, auctoritate sedis Apostolicæ ab officio pontifi- 30
 cali deposuit. Ille verò adhuc fiduciam habens in suis præstigiis, quibus penè vni-
 uersorum subuertebat animos, transfretare coactus, ad Romanam perrexit Eccle-
 siam: vbi domini Papæ & totius Ecclesiæ, blandis verbis, & largâ munerum profu-
 sione, religionem circumueniēs, cum gratia sedis Apostolicæ remeauit ad propria,
 sedem obtinens Hierosolymitanam eadem viuendi licentiâ, quâ prius meruerat
 depositionem. Per idem tempus, cum adhuc Christianus populus vltra Iordanē
 non haberet vllum præsidium, cupiens Rex in partibus illis Regni fines dilatare,
 proposuit auctore Domino, in *tertia Arabia*, quæ alio nomine dicitur *Syria Sobal*, ca-
 strum ædificare, cuius habitatores terram subiectam, & Regno tributariam ab ho-
 stium irruptionibus possent protegere. Volens igitur proposito satisfacere, conuo- 40
 catis regni viribus. Mare transit Mortuum: & transcursâ *Arabiam secundâ*, cuius me-
 tropolis est *Petra*, ad tertiam peruenit. Vbi in colle, ad eius propositū loco satis ido-
 neo, præsidium fundat, situ naturali & artificio valde munitum, in quo post operis
 consummationem tam equites quàm pedites, ampla illis conferens prædia, habita-
 tores locat; oppidoq; muro, turribus, antemurali & vallo, armis, victu & machinis
 diligenter communito, nomen ex regia dignitate deductum ei imposuit, *Montemq;
 Regalem*, eò quòd Regem haberet fundatorem, appellari præcepit. Est autem prædi-
 ctus locus commoditates habens fœcundi soli, frumenti, vini & olei copias vberes
 ministrantis; salubritate simul & amœnitate præcipuâ singulariter commendabi-
 xxvii. lis, totam adiacentem regionem suæ vendicans ditioni. Eo temporū articulo 50
 videns Rex, & super eo valde sollicitus, Urbem sanctam & Deo amabilem habita-
 toribus vacuam, ita vt eo ad cætera Regni negocia de necessitate * populus, qui sal-
 tem ad protegēdos ciuitatis introitus, & turres & mœnia, contra repentinas ho-
 stium irruptiones munienda sufficeret; anxius cogitabat, apud se deliberans, & ab
 aliis percunctabatur frequentius, quomodo fidelibus populis, & Dei cultoribus
 incolis eam posset replere. *Gentiles* enim qui fuerant eius habitatores, vrbe violen-
 ter effractâ, penè omnes in gladio ceciderant; si qui autem casu euaserant, iis non
 est da-

- est datus locus intra urbem ad manēdum. Instar enim sacrilegii videbatur Deo deuotis Principibus, si aliquos, qui in Christiana non censerentur professione, in tam venerabili loco esse permitterent habitatores. *Nostrates* verò adeò pauci erant & inopes, ut vix vnum de vicis possent incolere. *Suriani* autem, qui ab initio urbis ciues extiterant, tempore hostilitatis per multas tribulationes, & infinitas molestias adeò rari erant, ut quasi nullus eorum esset numerus. Ab introitu siquidem Latinorum in Syriam, maximè autem postquā Antiochia capta, versus Hierosolymā tendere cœpit exercitus, adeò prædictos Dei famulos conciuēs eorum cœperunt affligere, ut pro quolibet leui verbo multos ex eis occiderent, ætati non parcentes, aut cōditioni: suspectos eos habentes, quod Occidentales Principes, qui dicebantur aduenire, in eorum perniciem ipsi literis & nunciis euocassent. Sic ergo pro eius desolatione curam gerens debitam, sciscitabatur diligentius, vnde illic ciues posset euocare, tandemq; didicit, quod trans Iordanem in Arabia multi fideles in villis habitarent, qui sub grauib; conditionibus hostibus seruebant in tributo. Hos euocans dominus Rex, & meliores promittens conditiones, tractos tum locorum reuerētiā, tum nostrorum dilectione, & amore libertatis, intra modicum tempus multos cum vxoribus & liberis, cum gregibus & armētis & vniuersa familia recepit. Multi etiam sine vocatione, duræ seruitutis iugū declinantes, ut urbem Deo dignam incolerent, cōuenerunt. Quibus Rex eas ciuitatis partes, quæ magis hoc solatio videbantur indigere, conferens, eis domicilia repleuit. Interea decidit in mentē domino Regi, xxviii.
- (& fortassē cleri suggestionē ad hoc deuenit) ut missis nunciis ad ecclesiam Romanam, domino Papæ petitiones porrigeret: quarum tenor erat, ut *quascunq; urbes, quacumq; prouinciā sudoribus bellicis & regiā sollicitudine, auctore Domino, sibi posset vindicare, & de potestate hostium violenter eripere, omnes ditioni & regimini Hierosolymitanæ Ecclesiæ subiacerent.* Super quo rescriptum à sede Apostolica impetrauit, cuius tenorem præsentī interserere narrationi dignum duximus: *PASCHALIS seruus seruorum DEI, glorioso Hierosolymitano regi BALDVINO salutem & Apostolicam benedictionem. Ecclesiarū quæ in vestris partibus fuerunt, vel sunt, terminos atque possessiones, diutinā infidelium possessio tyrannisq; confudit: cum itaque certos eius fines assignare deliberatione nequeamus, tuis precibus,*
- non immerito duximus annuendum, ut, quia pro Hierosolymitanæ ecclesiæ sublimatione personā tuam extremis periculis exponere deuouisti, quascunq; infidelium urbes ceperis, vel cepisti, eiusdem Ecclesiæ regimini dignitatēq; subiaceant. Porro earundem ciuitatum episcopi, Patriarcha, tanquam proprio metropolitano, obedientiam exhibere procurent; quatinus & ipse illorum sultus suffragiis, & ipsi adinuicem ipsius vnanimitatis auxilio vegetati, sic in Hierosolymitanæ Ecclesiæ exaltatione proficiant, ut de illorum profectibus Omnipotens DEVS glorietur. Data Laterani V. Idus Iulii.* Ad petitionem quoque eiusdem domini Regis, idem dominus Paschalis, domino Patriarchæ Gibelino, & successoribus eius in perpetuum super eodē articulo priuilegium indulserat, cuius rescriptū huic præsentī narrationi interserere curauimus; cuius verba sunt hæc: *PASCHALIS Episcopus, seruus seruorum DEI, reuerēdisti-*
- mo fratri, Hierosolymitano Patriarchæ GIBELINO, & successoribus eius in perpetuum canonicè promouendis. Secundum mutationes temporum transferuntur etiam regna terrarū: vnde etiā Ecclesiasticarū Parrochiarum fines, in plerisq; prouinciis mutari expedit, & transferri. Asianarū siquidem Ecclesiarum fines, antiquis fuerunt definitionibus distributi: quas distributiones, diuersarum diuersæ fidei gentium confudit irruptio. Gratiā autem DEO, quod nostris temporibus, & Antiochiæ & Hierosolymæ ciuitates cum suburbanis suis, & adiacentibus prouinciis, in Christianorum Principum redactæ sunt potestate. Vnde oportet nos diuinæ mutationi & translationi manum apponere, & secundum tempus, quæ sunt disponenda, disponere, ut Hierosolymitanæ Ecclesiæ, urbes illas & prouincias concedamus, quæ gloriosi regis Balduini, ac exercituum eum sequentium sanguine, per DEI gratiam acquisitæ sunt. Præsentis itaque Decreti pagina tibi fra-*
- ter karissime, & coepiscopo Gibelino, tuisq; successoribus, & per vos sanctæ Hierosolymitanæ Ecclesiæ, Patriarchali, siue Metropolitano iure regendas disponendasq; sancimus ciuitates omnes atque prouincias, quas supradicti Regis ditioni aut iam restituit, aut in futurum restituere gratia diuina dignabitur. Dignum est enim, ut Sepulchri Dominici Ecclesiæ, secundum fidelium militum desideria, competentem honorem obtineat; & Turcorum seu Saracenorum ingo libera in Christianorum manu abundantius exaltetur. Super qua exauditione, dominus Bernardus, vir vitæ venerabilis, Antiochenorum Patriarcha, quoniam in læsionē Ecclesiæ suæ redundare videbatur, indignatus est plurimum, ita ut missis*

nunciis ad Romanam ecclesiam, super eo facto plurimum conquereretur; & de illata sibi & ecclesie suae manifesta iniuria, dominum Papam & ecclesiam totam literis suis argueret. Cuius dominus Papa indignationem mitigare cupiens, in hæc verba rescripsit: *PASCHALIS* Episcopus, *Seruus seruorum DEI*, venerabili fratri *BERNARDO*, *Antiocheno Patriarchæ*, salutem & Apostolicam benedictionem. Quamuis inter ceteras Apostolica sedes illa emineat, quam Petri Apostoli morte in corpore dignatio superna clarificauit, inter Romanum tamen & Antiochenum Episcopos tanta quondam legitur caritas extitisse, ut nulla inter eos diuersitas videretur. Eadem enim Petri persona utraq; illustrauit ecclesias: Multa post hæc tempora transierunt, quibus infidelium dominatio unitatem hanc in personis presidentium impediuit. Gratias autem *DEO*, quod temporibus nostris Christianorum principatum in Antiochena ciuitate restituit. Dignum est igitur, karissime frater, ut eiusdem caritatis in nobis unitas firma permaneat, nec de nobis menti tue opinio ulla surrepat, quod Antiochenam ecclesiam deprimere, aut inhonorare velimus. Si quid ergo vel Antiochena, vel Hierosolymitana ecclesia aliter fortasse quam oportuit de Parrochiarum finibus scripsimus, nec leuitati est nec malitiæ ascribendum, nec propter hoc apud nos est scandalum concitandum; quoniam & locorum prolixa longinquitas, & antiquorum nominum commutatio, quæ ciuitatibus vel prouinciis accidit, magnam nobis ambiguitatem vel ignorantiam intulerunt. Ceterum & optauimus & optamus non scandalum, sed pacis fomitem fratribus ministrare; suum ius & honorem quibusque ecclesiis conseruare. Data Laterani VII. Idus Augusti. Volens autem dominus Papa mentem suam interpretari, & quâ intentione domino Regi, & ecclesie Hierosolymorum id concesserat, quod in eius rescriptis continebatur, eidem Patriarchæ Bernardo in hunc modum rescripsit: *PASCHALIS* Episcopus, *Seruus seruorum DEI*, coepiscopo *BERNARDO*, *Antiocheno Patriarchæ*, salutem, & Apostolicam benedictionem. Sicut aliis literis fraternitati tue scripsimus, nos & personam tuam, & ecclesiam tibi commissam plenâ caritate diligimus; nec ullo modo volumus honorem vestre dignitatis imminui, quin Antiocheni Patriarchatus prælatio, sicut præteritis temporibus conseruata est, ita etiam in futurum integra, præstante Domino, conseruetur. Illud autem quod filio nostro Balduino, Hierosolymitanorum regi, per nuncios suos intercedenti, concessimus, caritatem vestram omnino conturbare non debet, si litterarum nostrarum sensum interius perscruteris. Sic enim in eis scriptum est: Ecclesiarum quæ illis in partibus fuerunt, vel sunt, terminos atque possessiones diutina infidelium possessio tyrannisque confudit. Cum itaque certos eis fines assignare præsentis deliberatione nequeamus, tuis non immerito precibus duximus annuendum, ut quia pro Hierosolymitana ecclesie sublimatione personam tuam extremis periculis exponere deuouisti, quascunque infidelium vrbes cœperis, vel cœpisti, eiusdem ecclesie regimini dignitatiq; subiaceant. Eodem sensu illa etiam verba discutienda sunt, quæ felicis memorie Gibelino Hierosolymitano Patriarchæ, de ciuitatibus atque prouinciis scripsimus, quæ supradicti Balduini regis prudentiâ, & exercituum eum sequentium sanguine, per *DEI* gratiam, acquisitæ sunt. Si quidem ecclesias illas, quibus certi fines assignari possunt, quarum termini ac possessiones diutina possessione ac tyrannide confusi non sunt, & ipsarum ecclesiarum vrbes, illi volumus ecclesie subiaccere, ad quam ex antiqua sciuntur iustitia pertinere. Non enim volumus aut pro Principum potentia, ecclesiasticam minui dignitatem; aut pro ecclesiastica dignitate Principum potentiam mutilari. Data Beneuenti, decimo quinto Kalend. Aprilis. Sed & domino Regi eodem modo scripsit, exponens qua intentione prædictis illius petitionibus assensum præbuerat; & significans quod ecclesiam Antiochenâ in nullo velit indebitè grauari. In hæc verba: *PASCHALIS* Episcopus, *Seruus seruorum DEI*, karissimo *BALDUINO*, illustri Hierosolymitanorum regi salutem, & Apostolicam benedictionem. Concessio illa quam nos petitioni tue accommodauimus, ut quascunque infidelium vrbes cœperis, vel cœpisti, Hierosolymitana Ecclesie regimini dignitatiq; subiaceant, non parum cum fratrem nostrum Bernardum Patriarcham, tum uniuersam Antiochenam turbauit Ecclesiam. Cum enim nos concessionem illam super illis Ecclesiis indulsimus, quarum terminos atque possessiones, diutina infidelium possessio tyrannisque confudit, illi eas Ecclesias à Hierosolymitano Patriarcha, te conueniente transis, conqueruntur, de quibus ambiguitas nulla sit, quin eas etiam Turcorum vel Saracenorum temporibus sedes Antiochena possederit: quia earum episcopi, etiam infidelium oppressi tyrannide, Antiocheno Patriarchæ obedientiam exhibebant. Porro nos literis ad supradictum Patriarcham missis, Antiocheni Patriarchatus prælationem, sicut ab antiquis patribus distributa, & præteritis temporibus conseruata est, ita etiam in futurum integram conseruari iussuimus. Tuam igitur strenuitatem monemus, & monentes præcipimus, ne à te inuasionis huius-

res huiusmodi fieri (ubi manifesta est veritas) permittantur; sed unaquæque Ecclesia, iustitiæ suæ limitibus perfrenatur. Nec enim possumus manifestè sanctis patrum nostrorum constitutionibus obviare: nec omnino volumus, aut pro Principum potentia, ecclesiasticam minui dignitatem, aut pro ecclesiastica dignitate Principum potentiam mutilari; ne apud vos occasione alterutrâ pax (quod absit) turbetur ecclesia. Clericus quoque Hierosolymitanis per præsentia scripta præcipimus, quandoquidem paternas possessiones, & patriam pro ecclesia (ut creditur) exaltatione, pro religionis obseruantia reliquerunt, ut Hierosolymitana ecclesia sint iure contenti; nec iniuste aut, procaciter usurpare ea contendant, quæ certo sciuntur ad ius Antiochena Ecclesia pertinere.

Omnipotens Dominus, suâ te in omnibus dexterâ protegat, & de hostibus Ecclesiæ triumphare concedat. Data Laterani, decimo quinto Kal. Aprilis. Anno sequente, ut adiacen-

XXIX.

A. D.

1116.

10 tium regionum Rex pleniorẽ haberet experiẽtiam, & de situ prouinciarum magis edoceret, assumptis secum locorum peritis, & comitatu, qui sibi ad propositũ sufficere videbatur, transiẽs Iordanem, & transcursã Syriã Sobal, per vastitatem solitudinis ad Mare Rubrum descendit, ingressus Helim ciuitatem antiquissimam, populo Israëlitico aliquando familiarem: ubi leguntur fontes duodecim fuisse, & Palmæ septuaginta. Ad quã cum peruenisset, loci illius incolæ domini Regis aduentu præcognito, nauculas ingredientiẽs, in mare vicinum, mortem effugere cupiẽtes, se cõtulerunt. Vbi dominus Rex locis notatis & cõsideratis diligentius, eandẽ qua venerat remensus viã, ad Montem Regalem, castrũ videlicet, quod de nouo fundauerat, re-

20 uersus est. Inde Hierosolymam rediẽs, graui ex insperato correptus est egritudine. quã cum supra vires fatigaretur, & timeret deficere, læsam habens conscientiam, super eo quod legitimã vxore iniuste abiectã, aliam superduxerat: corde punctus & facti poenitens, viris religiosis & DEVM timentibus aperiens conscientiã, reatũ confessus est, satisfactionem promittens: cui cum pro consilio daretur, ut Reginã quam superduxerat, à se demitteret; abiectã verò, ad regiam vnde deciderat reuocaret dignitatem; acquieuit: & quod ita facturũ esset, si vita ei cõcederetur productior, voto se obligauit. Vnde factum est, ut euocatã ad se Reginã ordine rẽ aperuerit: quæ, licet super eodem facto aliquantulum esset instructa, nã idipsum aliquando à pluribus audierat; tamẽ visã est egrẽ ferre, quod ita temerẽ fũerit euocata, & fraude Prin-

30 cipum regionis, qui ad eã citandam missi fuerant, circumuenta. Dolens igitur & tristis tam de illata contumelia, quã de opibus inutiliter consumptis, ad reditum se præparat; post tertium annum, quo ad dominum Regem venerat, in patriã reuersura. Quã redeunte ad propria, turbatus est supra modum filius; & apud se odiũ cõcepit aduersus Regnũ & eius habitatores, immortale. Nam cum reliqui fideles diuersi orbis Principes, aut in propriis personis, aut immensis liberalitatibus Regnum nostrum, quasi plantam recentem promouere & ampliare sategerint, hic & eius hæredes vsque in præsentem diem, nec etiam verbo amico nos sibi conciliauerunt: cum tamen quouis alio Principe longẽ commodius, faciliusq; nostris necessitatibus cõsilia possent & auxilia ministrare. Videntur ergo iniuriæ perpetuò memores; & de-

40 lictum personæ, iniuste in populum refundũt vniuersum. Eodem anno postquã Rex de prædicta conualuit ægritudine, anxius quomodo urbem Tyrensiũ, quæ sola de vrbibus maritimis ab hostibus detinebatur, suo mancipare posset imperio, inter Ptolomaidam & prædictam Tyrum, castrum ædificat: in eodem loco ubi Alexander Macedo, ad expugnandam eandem urbem, olim dicitur fundasse idem præsidium, & de suo nomine Alexandriũ vocasse. Est autem locus fontibus irriguus, vix quinque miliaribus à Tyro distans, in littore maris constitutus. Hoc autem eã reædificauit intentione, ut Tyrensiũ esset pro stimulo, & vnde eis frequentes irrogarentur iniuriæ. Hunc locum hodie appellatione corruptã populares appellat Scandalium. Arabicẽ enim Alexander, Scandar dicitur, & Alexandriũ, Scandariũ: vulga-

XXX.

50 res verò R in L conuersa, dicunt Scandalium. Anno sequente, ut Ægyptiis vicem refunderet pro iis quæ in regno sæpius commiserant, cum ingentibus copiis descendit Rex in Ægyptum, & urbem antiquissimam, Pharamiam nomine, confregit violenter; & contractæ copias suis commilitonibus dedit in prædam. Est autem Pharamia vrbs antiqua, ut diximus, in littore maris sita, non longẽ ab ostio Nili, quod Carabeix dicitur: supra quod iterum Tampnis, vrbs antiquissima; & signorum, quæ Dominus per Moysen seruum suum coram Pharaone operatus est, familiaris. Captã igitur vrbe, egressus Rex ad prædictũ ostium Nili, admiratus est aquarum quas

XXXI.

An. D.

1117.

prius non viderat fluentia; eoque maxime, quod Nilus, cuius portione in alueus ille, usque in mare deducit, unum de quatuor Paradisi fluminibus dicitur esse, & creditur. Captis igitur de piscibus, quorum illic maxima est copia, in urbem quam occupauerant redeunt, & parato prandio refecti sunt ex eis: cumque Rex surrexisset à coena, sensit se dolore plurimo interius prægrauari; & recrudescente antiqui vulneris molestia, coepit laborare vehementius, ita ut de vita periclitans desperaret. Inducto igitur legionibus per vocem præconiam reditu, domino Rege, ægritudine inualecente, eatenus debilitato, ut equitare non posset, lecticam instruunt, eumque in ea, anxie laborantem collocant. Sicque continuatis itineribus, transcursâ ex parte solitudine, quæ inter Ægyptum & Syriam media diffunditur, *Laris* antiquam eiusdem solitudinis urbem perueniunt maritimam. Vbi morbo superatus Rex, ad extremum veniens, in fata concessit: unde lugentibus, & præ doloris angustia deficientibus legionibus, Hierosolymam deportatus est. Et eâ dominicâ quæ dicitur in *Ramis palmarum*, per vallem Iosaphat, ubi de more populus ad diem festum conue-
nerat, in urbem introductus, & iuxta fratrem sub Caluaria, in loco qui *Golgortha* dicitur, regiâ magnificentia sepultus est. Mortuus est autem anno ab incarnatione Domini M. C. XVIII. Regni eius octauo decimo.

A. D.
1118.

EXPLICIT LIBER VNDECIMVS.

20



CAPITVLA LIBRI DVODECIMI.

I. Balduinus Comes Edeffanus, sublimatur ad regnū: Describitur quis, & unde fuerit.

II. Qua de causa profectus est Hierosolymam, quando electus est in regem.

III. Modus electionis aperitur: & memorabile factum Comitis Boloniensium Eustachii describitur.

IV. De habitudine corporis, moribus, & conuersatione eiusdem regis.

V. Alexius Constantinopolitanus Imperator, dominus quoque Paschalis Papa, sed & Comitissa Sicilia, quæ Hierosolymorum Regina fuerat, moriuntur.

VI. Ægyptiorum exercitus tam naualis quam terrestris, in regnum ingrediuntur: Rex cum suis occurrit, sed non conueniunt. Arnulphus Hierosolymorum Patriarcha moritur; substituitur ei Gormundus.

VII. Ordo militiae Templi Hierosolymis instituitur.

VIII. Papa Gelasius defungitur: cui Calixtus succedit.

IX. Gazi quidam Turcorum satrapa potentissimus, partibus Antiochenis, cum ingentibus se infundit copiis, vniuersa depopulans.

X. Princeps Rogerus occumbit in acie; & noster prostermitur exercitus.

XI. Rex & Comes Tripolitanus Antiochiâ properant, ut prædicto Gazi resistent.

XII. Rex cum eodem Comite, cum prædicto Gazi congregiuntur: & eo in fugam verso, acies eius prosterunt, pluribus interemptis: Regiâ principatus cura committitur.

XIII. Apud Neapolim, urbem Samaria, Concilium celebratur.

XIV. Rursum Gazi prædictus, renouatis expeditionibus: fines ingreditur Antiochenos, cui Rex occurrit. Gazi verò apoplexiâ tactus moritur.

XV. Rex ciuib⁹ Hierosolymitanis omnimodâ donat libertatē, & suo comuni privilegio.

XVI. Boldequinus Damascenorum Rex, Tyberiadenſium fines depopulatur: Rex occurrit, urbem diruit Gerazam.

XVII. Balac Turcorū potentissimus princeps, fines Antiochenos violenter ingreditur: Comes Ioscelinus ab eodem capitur: Rex quoque in eius vincula decedit, captus ab eodem.

XVIII. Quidam Armenii, ut regem expediant, graui se exponunt periculo: castrū in quo detinebantur captiui, occupāt: liberatur Comes Ioscelinus.

XIX. Baldaciterum idem castrum violenter recipit, prædictis Armenii gladio interemptis.

XX. Comes Ioscelinus congregatâ ingenti militia, ut dominum Regem expediat, Antiochiam peruenit: sed facti quod acciderat nouitate motus, acies dissolutas remittit ad propria.

XXI. Iterum Ægyptii cum ingentibus copiis regnum ingreſsi sunt: sed occurrentibus nostris manu validâ, mirabiliter prosteruntur.

XXII. Dux Venetiæ cū classe numerosa descendit in Syriam.

XXIII. Clas-

30

40

50

XXIII. Classē hostium circa Ioppen re- ce conueniunt; & Tyrus obsidetur.

XXV. Rescriptum priuilegii, continētis cō-
sonantiā pactorum inter Venetos, & principes

XXIV. Regni Principes cum eodem Du- regni Hierosolymorum pro Tyrensi obsidione.

EXPLICIUNT CAPITVLA LIBRI DVODECIMI.

INCIPIT LIBER DVODECIMVS

10



ECVNDVS Hierosolymorum rex, ex Latinis fuit dominus *Bal-* CAP. I.

duinus de Burgo, qui cognominatus est *Aculeus*; vir religiosus, ac
timens DEVM, fide conspicuus, in re militari exercitatus pluri-
mum. Hic fuit natione Francus, de Episcopatu Remensi, filius
domini *Hugonis* comitis de Reteft, & *Milifendis* præclaræ comi-
tissæ, quæ tot dicitur sorores habuisse, vnde tanta multitudo fi-
liorum & filiarum dicitur procreata, quantam ii nouerunt qui

Principum genealogias sollicitâ inuestigant diligentiam. Hic viuente adhuc patre
cum aliis nobilibus, qui iter Hierosolymitanum arripuerant, in comitatu domini

20 Ducis *Godefridi*, cuius erat consanguineus, eandem viam, eâ deuotione quâ alii in-
gressus est, relinquens domi apud patrem iam grandævum, fratres duos, & sorores

totidem, quorum ipse omnium primogenitus erat. Nomen alterius fratrum *Gerua-*
sius, qui postea fuit electus ad Ecclesiam Remensem; alterius *Manasses*. Sororum

autem alteram habuit Castellanus de Vitriaco, nomine *Mahaldam*: alteram domi-
nus *Herbrandus de Herges*, vir nobilis & potens, nomine *Hodiernam*: ex qua natus est

Manasse de Herges, quem nos postmodum tempore dominæ *Milifendis* reginæ, re-
gium vidimus Constabularium. Porro patre huius domini *Balduini* regis defun-

cto, *Manasses* filius eius, quia dominum *Balduinum*, qui primogenitus erat, regni
occupatio detinebat, successit: quo etiam sine liberis decedente, *Geruasius* frater eo-

30 rum, dimisso Remensi Archiepiscopatu, vxorē contra instituta ecclesiastica du-
cens, eundem Comitatum iure possedit hæreditario. Susceptam autem ex vxore

unicam filiam cuidam nobili viro in Normannia, matrimonio copulauit. Quo de-
functo fororis illorum filius, *Mahaldis* videlicet, quæ Castellano Vitriacensi nu-

pserat, *Iterius* nomine, in eodem Comitatu successit. Sed de his hætenus. Do-
mino igitur *Balduino*, domini ducis piæ & illustis memoriæ *Godefridi* fratre, post

fratris obitum ad regnum Hierosolymorum vocato, & in Regni folio solenniter
collocato, hic (de quo nobis est in præsentia sermo) tradere domino Rege qui con-

sanguineus eius erat, in comitatu Edeffano successit, quem annis decem & octo, &
aliquid amplius, strenuē & feliciter administravit. Anno igitur sui Comitatus o-

40 ctavo decimo, regione suâ in optata tranquillitate locatâ, proposuit Hierosolymo-
rum regem, dominum, consanguineum & benefactorem suum, & loca sancta, de-

uotionis gratiâ visitare. Ordinatis igitur ad iter necessariis, commissâque fidelibus
suis, de quorum fide & industria plenius confidebat, regione, municipiis in tuto

dispositis, tanquam vir prouidus & plenè circumspectus, viam destinatam, adiun-
cto sibi honesto comitatu, aggreditur. Dumq; iter prosequeretur inceptum, ecce

nuncius occurrit, denunciâns quòd dominus Rex in Ægypto, sicut & verum erat,
vltimum fato clauserat diem. Quo audito, plurimum de morte domini & consan-

guinei sui, sicut nec mirum erat, consternatus, nihil tamen ab incepto destitit itine-
re, sed Hierosolimam maturatis gressibus contendit. Ad quam cum peruenisset,

50 accidit casu, quod in die festo, qui dicitur *Ramisspalmarum*, cum de more populus v-
niuersus in vallem *Iosaphat* conuenisset, ad solemnem & celebrem tantæ diei pro-

cessionem, subito ex vna parte Comes cum suis ingrederetur: & è regione, domini
Regis funus, cum exequiis importaretur, vniuersâ militiâ, quæ cum eo in Ægy-

ptum descenderat, domini sui funus de more prosequente. Introducto igitur
funere regio in sanctam ciuitatem, & in Ecclesia Dominici Sepulchri iuxta fra-

trem, ante locum qui dicitur *Golgotha*, sub monte Caluariæ, honorificè sepulto, con-
uenerunt qui aderant de Maioribus regni, Episcopi, Archiepiscopi, & alii ecclesia-

ZZZ

11.

111.

rum prælati cum domino Arnulfo Patriarcha; & de laicis principibus nonnulli; inter quos erat vir industrius, unde sæpius supra fecimus mentionem, *Ioscelinus*, potens in opere & sermone, Tyberiadenſis dominus. Habitaque deliberatione de instanti negotio, varias promunt sententias: dicentibus aliis, *Expectandum esse dominum Eustachium comitem, nec interrompendam hereditaria successionis antiquissimam legem: specialiter, cum bonæ memoriæ fratres eius congruo, & cunctis placato moderamine regnum feliciter administrassent.* Aliis dicentibus, *Negocia regni, & continuam necessitatem non posse pati has dilationes, nec indulgere tantas ferias; sed maturandum esse, ut regioni citius consularur, ne forte si incubuerit necessitas, non sit qui exercitus educat & reducat, & Regni procurent negocia; & pro ducis inopia Regni status periclitetur.* Hanc partium fluctuationem & votorum repugnantiam, prætentatâ domini Patriarchæ, & ad se inclinatâ mente, prædictus *Ioscelinus*, qui maximæ erat in Regno auctoritatis, illorum iuuans partem, qui dicebant Regem statim esse ordinandum, diremit, dicens: *Præsentem esse dominum comitem Edeſſanum, virum iustum & timoratum, domini Regis consanguineum, armis strenuum, per omnia commendabilem, quo meliorem nulla nobis regio, nulla prouincia posset ministrare. Commodius esse ipsum in Regem assumere, quàm casus periculosiores expectare.* Erant itaque multi, qui de sinceritate fidei arbitrabantur domini Ioscelini verba procedere, scientes quomodo non multo antè dominus Comes, ut prædiximus, tractasset eum; & illud reputantes, quod prouerbialiter dici solet, *Omnis laus vera est ab hoste*: nescientes quod alias eius properaret intentio, fidè verbis eius habentes, præstabant cõnuiuentiam. Ipse autem, ut dicebatur, aliter affectus erat: nam spe futuræ in Comitatum successionis, dominum Comitè in Regnum introducere nitebatur. Domino igitur *Arnulfo* patriarchâ, & domino *Ioscelino* hanc opinionem amplectentibus, reliqui faciliè in eandem inducti sunt: & pari voto, & vnanimi consensu, eum in Regem eligentes, in die sanctæ Resurrectionis, qui proximè secutus est, sollemniter, & ex more inunctus & consecratus est; & diadematis insigne regium suscepit. Quæcunque autem domini Patriarchæ, aut domini Ioscelini in eo factò fuerit intentio, Dominus rei euertum misericorditer conuertit in bonum. Nam virum iustum, piũ, ac timentem DEVM, Diuinâ eum præueniente gratiâ, se exhibuit: eratq; vir in cunctis prosperè agens. Videtur tamen minus regularem habuisse introitũ; legitimumque regni hæredem certum est à debita successionē fraudulenter exclusisse, illos qui eum promouerunt. Mortuo namq; domino Rege, siue de eius supremo iudicio, siue de communi Principum regni cõsilio (quia neutrum pro certo compertum habemus) missi erant quidam nobiles & magni viri, qui ad regni successionem cõmuni edicto citarent comitem Boloniensium dominum *Eustachium*, minorũ Godefridi ducis eximii, domini Balduini regis fratrem. Qui ad eum peruenientes, inuitum & renitẽtem, causas honestissimas prætendentes, quare eum venire oporteret; vsque in Apuliam traxerunt. Vbi audiens prædictus vir venerabilis, religiosus, ac timentens DEVM, verè tantorum virorum imitator & frater, & in virtutibus & honestis meritis successor, quòd Hierosolymis medio tempore dominus *Balduinus*, Edeſſanus comes eius consanguineus, Rex fuerat ordinatus, instatibus nunciis qui pro eo missi fuerant, & allegantibus ut nihilominus procederet, quia quod factũ erat, contra ius & fas, & contra hereditariæ successionis legem antiquissimam, nullo modo stare posset, respondisse dicitur vir DEO plenus: *Abſit hoc à me, ut per me in Regnum Domini ingrediatur scandalum, per cuius sanguinem pacem CHRISTI recepit; & pro cuius tranquillitate viri virtutum & immortalis memoriæ, egregias animas cælis intulerunt.* Compositisq; iterum sarcinis, & comitatu recollecto, inuitis iis qui eum ad regnum trahere nitebantur, ad propria remeauit. Dicitur autè formâ fuisse conspicuus, corpore procerus, facie venustâ, capillo raro, flauo, canis mixto; barbam habens raram, sed tamen vsque in pectus demissam; colore viuido, & quantum ætas illa patiebatur, roseo. Habilis ad vsum armorum, & equis regendis aptissimus: rei militaris multam habens experientiam: in agendis suis prouidus; in expeditionibus fœlix; in operibus pius, clemens & misericors; religiosus & timentens DEVM; in orationibus iugis, ita ut callos in manibus haberet & genibus, pro afflictionis & genuflexionis frequentia: impiger, licet senior, quotiens eum vocabat Regni negocia. Adeptus ergo Regni soliũ, sollicitus de comitatu Edeſſano, quem sine duce dimiserat, *Ioscelinum* consanguineum suũ vocat, ut quod in eum prius deliquerat, gratuitâ plenâq; satisfactione

factione corrigeret; eique tanquam qui regionem illam plenius nouerat, comitatū donat: sumptaq; fidelitate, per vexillum inuestit, & inducit in possessionem: & conuocans inde vxorem, & filias, & familiam, per operam & studium eiusdem domini Ioscelini, in proximo cum sospitate recepit vniuersa. Erat autem ei vxor *Morsia* nomine, cuiusdam nobilis Græci, *Gabrielis* nomine, de quo supradiximus, filia: quam dum Comes esset cū pecunia infinita, quæ dotis nomine donabatur, duxit in vxorem; ex qua susceperat tres filias, Milissendam videlicet, Haalim, & Hodiernam: nā quartam, cui Iueta nomen fuit, postquam Regnum adeptus est, vxor ei peperit. Coronatus autem & consecratus est, anno ab incarnatione Domini *millesimo centesimo octauo decimo*, *A. Dn. 1118.* mense Aprili, secundā die mensis; præsidēte sanctæ Romanæ Ecclesiæ domino *Gelasio* Papā secundo; Antiochenæ verò, *Bernardo*, Latinorum in eadē ciuitate Patriarchā primo; Sanctæ Hierosolymitanæ Ecclesiæ domino *Arnulfo*, ex Latinis in eadem ciuitate Patriarchā quarto. Per idem tempus Constantinopolitanus Imperator *Alexius*, Latinorū maximus persecutor, rebus humanis exemptus est: cui successit *Ioannes* filius eius, patre multò humanior, & meritis exigentibus, populo nostro patre longè acceptior: qui etiam non omnino syncerus erga Latinos Orientales extitit, sicut docebunt sequentia. Dominus quoque *Paschalis* Romanus Pontifex viam vniuersæ carnis ingressus est, Pontificatus eius anno sexto decimo: cui successit dominus *Gelasius*, qui & *Ioannes Gaietanus* dictus est, sanctæ Romanæ ecclesiæ Cancellarius. Mortua est nihilominus & domina *Adelasia*, Siciliæ Comitissa, quæ prædicti domini regis Balduini, de factò, etsi non de iure, vxor fuerat. Eodē anno ætate proximè subsecutā, princeps *Ægyptius*, qui tunc erat pro tempore, congregatā ex vniuersis *Ægypti* finibus tam equitum quàm peditum multitudine infinitā, tam per terras quàm nauali exercitu, in Regnum nostrum proponit violenter introire, facile putans, tam modicum populum aut consumere gladio; aut à cunctis Syriæ finibus fugientes eliminare. Transcursā igitur solitudinis vastitate, quæ inter nos & *Ægyptum* media interiacet, cum equitatu numerofo, & peditum iaculis instructorum infinita multitudine, ante *Ascalonam* castrametatus est. At verò *Doldequinus*, Damascenorum rex, cognito *Ægyptiorum* aduentu, siue sponte ab eis inuitatus, congregatā iterum ingenti militiā, deuia secutus, ne fortè noster ei obuiaret exercitus, transito Iordane, castris se eorum associat, & vires augere nititur, in nostram læsionem. Nauium autem, quædam apud *Ascalonam* applicuerunt; quædā verò vsque *Tyrum*, quoniā ciuitas erat munitissima, & portum habens commodū, profectæ sunt: expectātes vt de domini arbitrio, & de voluntate eius qui classi præerat, eis aliquid præcipiatur. Rex autem multo ante tempore eorum aduentu præcognito, tam ex Antiochenis quàm ex Tripolitanis partibus, conuocatis militaribus auxiliis, suisq; in vnum congregatis, in *campestria Philistiim*, illis descendit in occursum: transitoq; eo loco, qui olim *Azotus* dictus est, vbi vna de quinque ciuitatibus Philistinorum fuisse dinoscitur, de vicino *Ægyptiorum* castrametatus est, ita vt vtrisque partibus daretur mutuò hostium castra singulis diebus intueri. Cumq; iam per menses quasi tres, se inuicem laceßere formidarent; nostris, tantam multitudinem in se temerè irritare timentibus; illis verò, nostrorum vires, audaciam, & in præliis experientiā formidantibus; placuit *Ægyptio* principi tutius esse, cū incolumitate domū redire, quàm in se & in suos imprudenter bellorum insidias experiri: sicq; redeuntibus in *Ægyptum* expeditionib⁹, postquā de eorū subito regressu nulla nostros mouebat suspicio, nostri quoq; sumptā à domino Rege licentiā, ad propria cum gaudio reuersi sunt. Per eosdē dies, mortuo *Arnulfo* Hierosolymorū patriarchā, viro inquitissimo & officii sui sanctimoniā negligente, substitutus est ei vir simplex, ac timens DEVM: dominus *Gormundus*, natione Francus, de episcopatu Ambianensi, de oppido Pinqueniaco. Huius diebus & meritis etiam, vt creditur, multa magnificè ad regni consolationem & incrementum operari dignatus est Dominus: sicut in sequētib⁹ præsens enarrabit historia. Eodem anno, quidam nobiles viri de equestri ordine, DEO deuoti, religiosi, & timentes DEVM, in manu domini Patriarchæ, CHRISTI seruitio se mancipientes, more Canonorum regularium, in castitate, & obedientia, & sine proprio velle perpetuò viuere professi sunt. Inter quos primi & præcipui fuerunt, viri venerabiles, *Hugo de Paganis*, & *Gaufredus de sancto Aldemaro*. Quibus, quoniam neq; ecclesia erat, neq; certum habebant domicilium, Rex in palatio

quod secus templum Domini, ad Australem habet partem, eis ad tempus concessit habitaculum. *Canonici* verò *Templi* Domini, plateam quam circa prædictum habebant palatium, ad opus officinarum, certis quibusdam conditionibus cōcesserunt. Dominus autem Rex cum suis proceribus, dominus quoq; Patriarcha cū prælatis ecclesiarum, de propriis dominicalibus certa eis pro victu & amictu beneficia quædam ad tempus, quædā in perpetuum contulerunt. Prima autem eorum professio, quodq; eis à domino Patriarcha, & reliquis episcopis, in remissionem peccatorum iniunctum est; *ut vias & itinera, maxime ad salutem Peregrinorum, contra latronum & incurfantium insidias, pro viribus conseruarent.* Nouem autem annis post eorū institutionem in habitu fuerunt seculari, talibus vtentes vestimētis, quales pro remediis animarum suarum populus largiebatur. Tandem nono anno, Concilio in Frācia apud *Trecas* habito, cui interfuerunt dominus *Remensis*, & dominus *Senonensis* Archiepiscopi, cū suffraganeis suis, *Albanensis* quoq; Episcopus, Apostolicæ sedis legatus; Abbates quoq; *Cisterciensis*, & *Clareuallensis*, & *Pontiniacensis*, cum aliis pluribus, instituta est eis regula, & habitus assignatus, albus videlicet, de mandato domini *Honorii* Papæ, & domini *Stephani* Hierosolymitani patriarchæ. Cumq; iam annis nouem in eodem fuissent proposito, non nisi nouem erant: ex tunc cœpit eorum numerus augeri, & possessiones multiplicabantur. Postmodum verò, tempore domini *Eugenii* Papæ, vt dicitur, cruces de panno rubeo, vt inter cæteros essent notabiliores, mâtellis suis cœperunt assuere, tam equites quàm eorum fratres inferiores, qui dicuntur *Seruientes*. Quorum res adeò creuit in immensum, vt hodie trecentos plus minusve in conuentu habeant equites, albis chlamydibus indutos: exceptis fratribus, quorū penè infinitus est numerus. Possessiones autem tam vltra, quàm citrà mare adeò dicuntur immensas habere, vt iam non sit in orbe Christiano prouincia, quæ prædictis fratribus bonorum suorum portionem non contulerit; & regiis opulentiis pares hodie dicantur habere copias. Qui, quoniam iuxta Templum Domini, vt prædiximus, in palatio regio mansionem habent, *Fratres militia Templi* dicuntur. Qui cum diu in honesto se conseruassent proposito, professioni suæ satis prudenter satisfacientes, neglectâ *humilitate* (*quæ omnium virtutum custos esse dinoscitur; & in improprie sedens, non habet unde casum patiatur*) domino Patriarchæ Hierosolymitano, à quo & ordinis institutionem, & prima beneficia susceperant, se subtraxerunt, obedientiam ei, quam eorum prædecessores eidem exhibuerant, denegantes: sed & Ecclesiis *DEI*, eis decimas & primitias subtrahentes, & eorum indebitè turbando possessiones, facti sunt valde molesti. Anno sequenti mortuus est dominus *Gelasius* Papa secundus, domini *Paschalis* successor, qui & *Ioannes Gaietanus* dictus, vir literatus: qui fugiens domini *Henrici* Imperatoris persecutionem; & æmuli sui antipapæ, qui cognominatus est *Burdinus*, declinans violentiam, in regnum Francorum se conferens, apud *Cluniacum* diem clausit extremum, ibidem etiam sepultus. Cui successit dominus *Guido*, secundum carnem nobilis, *Viennensis* Archiepiscopus, qui postea in papatum assumptus, *Calixtus* appellatus est. Hic postmodum domini Imperatoris *Henrici*, cuius consanguineus erat, consecutus gratiam, & eius fretus auxilio, in Italiam cum Cardinalibus, & vniuersa curia descendens, apud *Sutrium*, urbem Romæ conterminam, æmulum & hæresiarcham *Burdinum* violenter cepit: ius super & camelo impositum, cute indutum vsinâ, ad Canense cœnobium, quod iuxta Salernum situm esse dinoscitur, cū multa misit ignominia: vbi vsque in supremum senium, vitam compulsus est, lege loci, ducere cœnobiticam. Et ita sopitum est schisma, quod à tempore domini *Gregorii* septimi, per tempora domini *Vrbani*, domini *Paschalis*, domini quoque *Gelasii*, prædecessorum eius, quasi per triginta annos ecclesiam incessanter fatigauerat: domino Imperatore *Henrico* ad ouile Ecclesiæ post multa tempora, quibus per excommunicationis sententiam à cœtu fidelium præcisus fuerat, reuocato. Eodem anno, quidam infidelium potentissimus princeps, & apud suos valde formidabilis, infelicis populi & perfidæ plebis, videlicet *Turcomannorum* dominus, *Gazzi* nomine, cui se adiunxerant *Doldequinus* *Damascenorum* Rex, & *Debeis* *Arabum* satrapa potentissimus, cum ingentibus copiis partes *Antiochenas*, in graui suorum multitudine ingressus erat, citrà *Halapiam* castrametatus. Cuius aduentu præcognito dominus *Rogerus* *Antiochenus* Princeps, domini Regis sororius, circumpositis mandat principibus, domino videlicet

Ioscelino

VIII.
A. Dn.
1199.

IX.

Ioscelino Edeffanorum Comiti, domino quoque *Pontio* Comiti Tripolitano, domino nihilominus etiam Regi, & significat instantem necessitatem; monens & obnixius postulans, ut cum omni celeritate, contra instantia pericula, opem laturos venire non morentur. Rex ergo assumptis sibi, quas tam subito de Regno colligere potuit, militaribus copiis, *Tripolim* usque maturatis itineribus peruenit, ubi dominum Comitem, ad iter per æque succinctum, secum associans, cæpto instat itineri. At verò dominus Princeps, interim moræ impatiens de communi lege mortalium, futurorum nescius, egressus ab Antiochia, circa *Artasum* oppidum castrametatus fuerat. Erat autem is locus alendis exercitibus satis commodus: nam ex nostris finibus erat, volentibus ad exercitum accedere, liber & facilis accessus; unde in expeditione necessariorum erat vbertas maxima, & quanta in urbibus solet, optata commoditas. Vbi cum per dies aliquot domini Regis & Comitis expectasset aduentum, prohibente domino Patriarchâ, qui illuc vique eum fuerat persecutus, renitentibus etiam de proceribus nonnullis, exercitum iubet iter arripere, fortiter contestans, se nullius deinceps præstolaturum aduentum. Erant autem quidam de nobilibus regionis, qui ad hoc eum impellebant; non ut conditiones exercitus facerent meliores, sed ut terras suas, quas hostium castris vicinas habebant, præsentem exercitum, in tuto collocarent. Horum ergo consilium secutus, in suam suorumque cladem præcepit, ab eo loco ubi prius fuerat discedens, in eum qui dicebatur *Campus sanguinis* castra iubet locari: recensitoque eius exercitu, inuenti sunt equites septingenti, & peditum instructorum tria milia, exceptis negociatoribus, qui emendi vendendiq; gratia castra solent sequi. Hostes verò cognoscentes castra Principis in proximo locata, ut dissimulantes propositum, conceptum commodius possent effectui mancipare, solutis castris fingunt se versus *Cerepum* oppidum acies dirigere: quò peruenientes, cum eâ nocte nihil proficerent, circa partes castrametati sunt. Mane factò, Princeps exploratores dirigit, nosse volens utrum ad obsidendum oppidum hostes se dirigant; aut ad committendum cum nostris ad castra contendant: dumque ipse cum suis, armis se instruerent, quasi iam bellum præsens expectantes, ecce nuntii recurrentes, vno verbo asserunt, hostes tribus turmis ordinatis, habentibus singulis equitum vicena milia, citatis gressibus, ad nostrum exercitum accedere. Quo cognito, Princeps quatuor instaurat acies; & equo circumuolans, circuit diligenter, & verbis competentibus animat instauratas: dumque in his daret operam, ecce hostium acies, erectis vexillis nostro exercitui penè iungebantur. Commissum est itaque prælium, utrisque animosè instantibus: sed peccatis nostris exigentibus, facta est pars aduersa superior. Nam acies quibus præerant viri nobiles & in armis strenui, *Gaufridus Monachus*, & *Guido Fremellus*, quæ primæ fuerant ad irruendum in hostes deputatæ, optimè & secundum rei militaris disciplinam progressæ, maiores hostium cuneos & densiores cohortes, violenter dissolutas, penè in fugam adegerant: sed acies cui præerat *Robertus de Sancto Laudo*, cum exemplo aliarum quæ præcesserant, animosius debuisset in hostes irruere, hostibus vires resumentibus, substitit improbè: demumque in fugam lapsa, Principis aciem, quæ aliis erat ministratura, soluit per medium, & partem secum in fugam vertit, ita ut de cætero reuocari non posset. Accidit etiam in eodem prælio quiddam relatione dignum. Nam dum in ipso præliandi agone, hinc inde feruentius defudarent, ecce turbo ab Aquilone prodiens immanissimus, in medio belli campo, cunctis cernentibus hæsit humi; serpendoque longiùs tantum congesti pulueris secum detulit, quod utriusque partis oculos pulueris immensitate, ne pugnare possent, perstrinxit; seque per gyrum extollendo, in modum dolii sulphureis ignibus combusti in sublime se contulit. Facti sunt itaque hostes eo casu superiores; & pars nostra corruit, nostris penè omnibus gladio interemptis. Princeps autem, tanquam vir in armis strenuus, cum paucis in medio hostium viriliter dimicans, dum suos incassum reuocare contendit, contra hostium maiores se dirigens impetum, gladiis confossus interiit. Qui autem sarcinas & impedimenta secuti erant, in montem vicinum se contulerant: qui verò hostium arma videbatur effugisse, bellicis se tumultibus eximentes, videntes nostros in montis culmine conglobatos, opinantes eos vires ad resistendum habere, & cum eis posse saluari, ad illos certatim accedebant: quò cum peruenissent vniuersi, hostes eis qui in campis erant, penitus

gladio interemptis, ad illos se cōuertunt: & directis illuc cohortibus, omnes in momento horæ trahunt ad exterminium. *Rainaudus* autem *Mansuerus*, quidam de maioribus illius regionis principibus, cum quibusdam aliis nobilibus, in turrim cuiusdam vicini oppidi, cui *Sarmatan* nomen, gratiâ salutis se contulerat. Quod postquam prædicto Turcorum principi compertum est, illuc sub omni celeritate conuolans, prædictos nobiles viros, qui intus se collegerant, ad deditionem violenter compellit: sicque factum est illâ die, quod de tot millibus qui dominum Principem secuti fuerant, culpis nostris id merentibus, vix vel vnus qui nunciaret, euasit: de hostibus verò, vel paucis, vel nemine interfectis. Dicitur autem hic idem princeps *Rogerus*, homo fuisse perditissimus, incontinens, paucus, & publicus adulter. Insu- 10 per etiam dominum suum iuniorem *Boamundum*, senioris Boamundi filium, in Apulia cum matre morantem, ab Antiochia, quæ paterna ei hereditas erat, omni eo tempore quo principatum tenuit, fecerat alienum. Nam eâ conditione dominus *Tancredus*, bonæ memoriæ, moriens ei principatum commiserat, vt reposcenti domino Boamundo, vel eius hæredibus, non negaret. Dicitur tamen quod in ea expeditione quâ confossus interiit, apud dominum *Petrum*, venerabilem virum, Apamiensem Archiepiscopum, qui eidem necessitatis articulo præsens interfuerat, corde contrito & humiliato delicta sua coram Deo cōfessus fuerat, promittens auctore Domino, pœnitentiæ fructus condignos: & sic verè pœnitens, prælii discrimen 20 ingressus est. Interea Rex & Comes Tripolitanus accedentes, ad eum locum qui dicitur *Mons Nigronis*, peruenerant: quod prædictus *Gazzi* comperiens, decem milia equitum electorum eis obuiam dirigit, qui eorum si possent, impediant accessum. Hi verò abeuntes, in tres turmas se diuidunt, vnâ ad mare versus sancti Symeonis portum dirigentes, alias duas diuersis itineribus Regi obuiam destinantes. Contigit autem quod vnâ ex duabus turmis obuiam habuit, quam præuia Domini misericordia, pluribus interfectis & captiuatis nonnullis, violenter dissolutam, in fugam conuertit. Inde per *Latorum* & *Casambellam* Antiochiam perueniens, à domino Patriarcha, clero quoque & populo vniuerso cum summis desideriis est susceptus: vbi tam cum suis, quam cum iis qui de prædicto prælio fuerant residui, deliberationem ingressus, quærit, quid in eo tâta necessitatis imminente articulo ma- 30 gis expediat. Interea *Gazzi* dimissis oppidis Emâ & Artasio, *Cerepum* obsidet, eâ magis fiduciâ, quod *Alanum* eiusdem loci dominum cum comitatu suo à domino Rege audierat Antiochiam euocatum; quod & verum erat. Accedens ergo ad præsidium, & locū imparatum reperiens, ex diuersis partibus fossores immittit, qui collē cui prædictum insidebat municipium suffoderent, trabibusq; subnexam, igni postea supposito consumendis, turres superpositas & mœnia, cedente aggere, ad terram deiiceret. Timentes ergo oppidani, ne suffosso aggere totum præsidium in præceps rueret, interpositis conditionibus de vita & incolumitate, & libero ad suos reditu, locum tradunt. *Gazzi* verò inde ad castrum *Sardonas* acies dirigens, obsidione locū vallat, quem etiam intra paucos dies, tradentibus eum loci eiusdem habitatoribus, 40 eodem modo recepit: moræq; impatiens, eoque maximè, quod neminem sibi resistere posse arbitratur, cunctam pro arbitrio tractabat regionē, ita quod nulla spes esset finitimorum locorum incolis, iugum tâti principis euadendi. Rex autem cum Comite, & militia quantam habere poterat, egressus Antiochiâ, putans se apud *Cerepū* hostes inuenire, versus *Rugiam* dirigit expeditiones: inde *Hab* pertransiens, in monte qui dicitur *Danim* castrametatus est. Quod audiens *Gazzi*, conuocatis principibus suis, sub interminatione mortis præcipit, vt noctem illam ducētes insomnem, armis & equis cum summa diligentia procurandis totâ impendāt; summo diluculo ante lucis exortum attentius præparati, in castra Regis irruant, & eos somnolentos adhuc inuenientes, gladiis confodiant; ita vt nec vel vni mortē liceat 50 effugere. At verò Diuina longè aliter ordinauerat clementia. Rex autem cum suis non remissiore curâ sollicitus, noctem eandem, vt de futuro bello tractaret necessaria, ducit peruigilem; monente & exhortante populum viro venerabili * signo Crucis Dominicæ, dominū Regem vsq; ad partes illas fuerat profecutus. Armati igitur, & ad bellum suscipiendum accincti viriliter, summo mane hostium expectabāt futuros impetus. Dispositis igitur de mandato Regis, iuxta rei militaris disciplinam, aciebus nouem (nam septingentos in eo conflictu dicitur habuisse milites) & ordine congruo

congruo collocatis, Domini præstolantur misericordiam. Præmissis igitur tribus aciebus quæ agmina vniuersa præcederent, domino quoque Comite Tripolitano, cum suis dextrum cornu tenente, principibus verò Antiochenis in sinistro collocatis, pedestres manipulos in medio locat. Rex autem, aliis subsidium ministraturus, cum quatuor sequitur aciebus. Dumque sic instructi hostium aduentum expectant, ecce adfunt cum ingenti clamore, & cum stridore rubarum & tympanorum strepitu, atrocissime in nostros irruentes. Erat autem eorum maior in infinita multitudine fiducia; nostris autem in præsentia victoriosissimæ Crucis, & in confessione veræ fidei spes amplior & indeficiens. Conferitis igitur aciebus, & immixtis hostiliter

10 legionibus, gladiis cominus agitur; & spretis humanitatis legibus, tanquam in feras immanissimas ardentibus studiis, & odio insatiabili vtrinque decertatur. Cumque manipulorum nostrorum pedestrium proteruam & periculosam nimis cognoscerent instantiam, totis viribus ad exterminandas pedestrium turmas elaborabant. Factumque est, Domino permittente, ut ex plurima parte eâ die, hostium gladiis deperirent. Rex autem videns pedestres manipulos supra vires aggrauari, aciesque præmissas subsidio indigere, cum suis qui ei adhærebant, pronus inter media ruit agmina, & gladio instans animosius, densissimos hostium dissipat cuneos: adhærentibusque ei fideliter earundem acierum consortibus; & aliis iam destitutis, vires & animos verbis & exemplo conferentibus, vnanimiter in hostes irruunt: & inuocato de cœ-

20 lis auxilio, affuit Diuina clementia, & factâ hostium strage infinitâ, reliquos resistere non valentes in fugam vertunt. Dicuntur ibi de nostris peditibus quasi septingenti cecidisse, de equitibus verò centum. At verò de hostium numero usque ad quatuor millia, exceptis faucibus letaliter, & compedibus incipatis. *Gazzi* verò fugiens cum *Doldequino* rege Damascenorum, & *Debeis* Arabum principe, suos morti expositos dereliquit. Nostris autem insectantibus, & ad loca varia progressis, Rex cum paucis campum obtinens, usque ad primas noctis partes in eo perseuerauit. Tandem victualium vrgente defectu, in vicinum oppidum, *Hab* nomine, gratiâ refectio-

30 nis sumendæ se contulit. Vnde mane facto, ad prædictum rediens campum nuntios, cum annulo proprio, in certum signum victoriæ, ad sororem suam, & ad dominum Patriarcham dirigit, significans, Diuinâ opitulante gratiâ, victoriæ munus sibi diuinitus collatum. Eâ tamen die usque ad supremam vespeream campum non deseruit, quoad usque rumore certo de hostibus habito, quod in dispersionem dari, redituri non erant. Tandem verò, coadunatis sibi quotquot de suis in præsentia habere potuit, Antiochiam palma insignis, occurrente ei vniuersæ ciuitatis clero & populo, cum domino Patriarcha, victor ingressus est. Concessa est autem nostris diuinitus hæc victoria, anno ab incarnatione Domini *MCXX*. Regni quoque domini *Baldvini* regis secundi, anno secundo, mense Augusto, in vigilia assumptionis sanctæ DE I genitricis Mariæ. Rex verò cum domino *Cæsariensi* archiepiscopo, & honesto comitatu, lignum viuificæ Crucis remisit Hierosolymam, ita ut in die Ex-

40 altationis eiusdem, a clero & populo cum hymnis & canticis spiritualibus sit honorificè recepta. Ipse autem propter ingruentes regionis necessitates, in eadem prouincia moram facere compulsus est: vbi tam dominus Patriarcha, quam vniuersi proceres vnâ cum clero & populo, cõsonis desideriis & gratuito assensu principatus Antiocheni curam, & omnimodam potestatem Regi tradunt, ita ut liberam, sicut in Regno habebat, in Principatu habeat instituendi, destituendi, & omnia pro arbitrio tractandi facultatē. Collatis igitur liberis, vel aliorum graduum consanguineis, eorum qui in acie ceciderant possessionibus, prout ratio vel regionis consuetudo deposcebat; viduis quoque apud compares & competentis meriti viros, nuptui collocatis; præ-

50 sidiis quoque, quibus videbatur necessarium, viris, victu, armis diligentius communitis, sumptâ ad tempus ab eis licentiâ, in Regnum reuersus est. Vbi in ecclesia Bethleemitica solemnî natiuitatis Dominicæ cum vxore coronatus est. Eodem anno, qui erat ab incarnatione Domini *millesimus centesimus vicesimus*, cum peccatis nostris exigentibus regnum Hierosolymorum multis vexationibus fatigaretur, & præter eas quæ ab hostibus inferebantur molestias, locustarum intemperie & edacibus muribus, iam quasi quadriennio continuo fruges ita penitus deperissent, ut omne firmamentum panis defecisse videretur; dominus *Gormundus* Hierosolymorum Patriarcha, vir religiosus ac timens DEVM, vnâ cum domino

An. Do.
1120. *

XIII.

Ezech. 33.
11.XIV.
An. Do.
1121.

XV.

Rege *Balduino*, prælatis quoque Ecclesiarum, & Regni principibus, apud *Neapolim* urbem Samariæ conuenientes, conuentum publicum & curiam generalem ordinauerunt. Vbi sermone ad populum habito; exhortationis gratiâ; cum apud omnes constare videretur, quod populi peccata Dominum ad iracundiam prouocassent: de communi statuunt consilio *errata corrigere; & excessus redigere in modum: ut tandem ad frugem melioris vitæ redeunt, & pro commissis digne satisfacientes, eum sibi redderent placabilem, qui peccatoris non vult mortem, sed magis ut conuertatur & viuat.* Deterriti ergo signis de cœlo minacibus, & terremotu frequenti, clade quoque, simul & famis angustiâ, & hostium proteruâ nimis & pene cottidianâ instantiâ, per opera pietatis Dominum sibi reconciliare quærentes, ad morum erigendam conseruandamque disciplinam, vigintiquinque capitula, quasi vim legis obtinentia, de communi sanxerunt arbitrio. Quæ si quis legendi studio, videre quærit, in multarum Archiuus ecclesiarum, ea facile reperire potest. Interfuerunt autem huic Concilio: dominus *Gormundus*, Hierosolymorum Patriarcha; dominus *Balduinus*, Hierosolymorum ex Latinis Rex secundus; *Ebremarus* Cæsariensis Archiepiscopus; *Bernardus*, Nazarenus episcopus; *Asquitillus*, Bethleemita episcopus; *Rogerus*, Lindensis episcopus; *Gildonus*, electus Abbas sanctæ Mariæ de valle Iosaphat; *Petrus*, Abbas de mōte Thabor; *Achardus*, Prior Templi; *Arnaldus*, Prior montis Sion; *Gerardus*, Prior Sepulchri Domini; *Paganus*, regis Cancellarius; *Eustachius Graniers*, *Wilelmus de Buris*, *Barisanus*, Ioppe Cōstabularius, *Balduinus de Rames*, & alii multi vtriusque ordinis, quorum numerum, vel nomina non tenemus. Anno sequenti, prædictus fidei & nominis Christiani pertinax & indefessus persecutor *Gazzi*, tanquam vermis inquietus, semper quærens quem lædere possit, sumptâ occasione ex regis absentia, conuocatis militaribus copiis, apponit etiam quædam nostrorum præsidia obsidere: quo præcognito dominum Regem vrgentissimè vocant. Ille verò impiger, assumpto sibi salutiferæ Crucis ligno, equitumque honesto comitatu, ad partes illas properat: vocato etiam domino *Ioscelino* Edeffano Comite, sociatisque sibi Antiochenis proceribus, contra prædictum potētem castra dirigit, quò cum peruenisset, sperantes in proximo bellum se habiturum, contigit quòd morbo, qui *apoplexia* appellatur, tetigit eum manus Domini. Vnde magnates qui in eius erant exercitu, Principis sui destituti solatio, bellum prudenter sanoque consilio declinauerunt: dominumque suum in lectica semiuiuum deferentes, Halapiam properabant. Ad quam priusquam peruenirent, ille æternis tradendus incendiis, infelicem dicitur animam exhalasse. Rex quoque factâ apud Antiochiam morâ, quæ videbatur pro tempore necessaria, in Regnum, auctore Domino, sospes reuerius est: apud utrosque tam in Regno, quàm in Principatu, meritis suis id exigētibus, carus admodum & acceptus: vtramque nimirum administrationem fideliter deuoteque implebat, Regni videlicet & Principatus, licet multum distarent ab inuicem. Nec erat facile discernere, vtrius sollicitudine magis angebatur: licet Regnum eius esset proprietas, quam etiam ad successores suos iure posset trāsmittere; Principatus verò, commissus. Maioremque etiam videbatur pro statu Antiochenorum exhibere diligentiam: in eoque se continuauit bonâ fide, vsque ad aduentum domini *Boamundi* iunioris, sicut in subsequētib; dicitur. Per idem tempus, rege Hierosolymis existente, piâ liberalitate & largitione principali, ciuib; contulit Hierosolymitanis, & sigillo Regio communitam eis præcepit paginam fieri, in perpetuum valituram, libertatem *consuetudinum*, quæ à ciuib; merces inferentibus vel efferentibus solebat exigi: ita vt de cætero, omnis Latinus ingrediens vel egrediens, siue mercimonia inferens siue educens, omnino nihil sub prætextu alicuius consuetudinis aliquid cogatur præstare, sed liberam prorsus vendendi & emendi habeat potestatem. Dedit etiam Surianis, Græcis, Armenis, & harum cuiuslibet nationum hominibus, Sarracenis etiam nihilominus liberam potestatem, sine exactione aliqua inferendi in Sanctam Ciuitatem, triticum, hordeum, & quodlibet genus leguminis. Modii etiam & ponderis remisit mercedem consuetudinariam: in quo prædicti populi sibi conciliauit animos, & gratiam publicam sibi promeruit. In utroque enim, regio more & affectu plurimum commendabili, ciuib; videtur prouidisse, vt & ciuitas, sine exactione illatis alimentis, abundaret amplius; & quòd tam ipse quam eius prædecessor totâ diligentia procurabat, vt vrbs Deo amabilis multiplicatis

- catis & frequentioribus habitatoribus incoletur. Anno sequente, *Doldequimus*, perfidus & impius Damascenorum Rex, fœderato sibi Arabum principe, & eius sibi sociatâ militiâ, vidensque dominum Regem pro vtrâque regione, viribus suis imparē portare sollicitudinem, de eius præsumens occupationibus, regionem nostram Tyberiadi proximam, immisissis legionibus, hostiliter nimis vastare cœpit. Quo audito, dominus Rex congregatâ de vniuersi Regni finibus militiâ illic more suo impiger contendit. *Doldequimus* verò Regis præcognito aduentu, videns eo præsentē, se non posse proficere, nec cum eo conferre tutum reputans, in vltiora regni se contulit. Rex autem cum suis agminibus in Austrum declinans, 10 *Gerasam* peruenit. Fuit autem *Gerasa* vna de nobilibus prouinciæ Decapoleos ciuitatibus, ab Iordane paucis distans miliaribus, monte Galaad contermina, in tribu Manasse sita. In huius parte munitiore, quoniâ reliqua ciuitas hostilitatis metu diu iacuerat desolata, castrū ex quadris & magnis lapidibus, cum multis sumptibus erigi sibi fecerat anno præterito *Doldequimus*; victuque & armis communitum, quibusdam fidelibus suis conseruandum tradiderat: quò perueniens Rex, impugnato vehementiùs præsidio, quadraginta milites, qui in eo ad custodiam relictī fuerant, interpositis conditionibus, quòd cum salute ad suos haberent reditum, castro recepto, permisit abire incolumes; habitaque cum suis deliberatione, vtrum magis expediret dirui funditus præsidium, aut Christianitati reseruari, placuit de vniuersorū assensu municipium eueri funditus: nam sine multis sumptibus, & labore continuo, & multo periculo transeuntium, non videbatur à nostris posse conseruari.
- Cum ita ergo, per gratiam DEI, se Regni prosperè satis haberent negotia, inuidens pacis inimicus tranquillitati, quam sperabat, scandalum molitus est iniicere. *Pontius* enim Tripolitanorum Comes secundus, nescimus cuius instinctu, Regi Hierosolymorum suum denegabat hominum; & seruitium, quod de iure fidelitatis tenebatur impendere, impudenter negabat. Rex autem tantam non ferens iniuriam, collectis ex vniuerso Regno tam equitum quàm peditum copiis, ad partes illas peruenit, super tanta iniuria vltionem petiturus: vbi antequam aliquid damni passa esset pars alterutra, interuenientibus viris honestis & DEO amabilibus, pax 30 inter eos conueniens reformata est. Inde procedens, propter illorū necessitates ab Antiochenis vocatus, ad partes illas descendit. *Balac* enim Turcorum princeps, magnificus & potens, regionem totam frequentibus irruptionibus molestabat, idque confidentiùs, quia paulo ante dominum *Ioscelinum*, Edessanum Comitem, & dominum *Galerannum* eius consanguineum, ex improviso in eos irruens, ceperat, & captos vinculis mancipauerat. Sciens ergo dominum Regem aduenisse, cœpit à suis incursionibus aliquantulum retardari, & eius declinare conflictus: audierat enim quòd in præliis esset fortunatior, & de eo cuiuslibet difficile esset triumphare. Circuibat tamē cū expeditiore militia, quasi de remoto, si ei daretur locus, vt nostris inferre damna posset, & circa id erat sollicitus. Rex igitur cum sua, quam secum de- 40 duxerat militia, in terram Comitis Edessani descendit, vt populo rectore carenti, aliquod impertiret solatium: circumiensque regionem, diligenter quærebat, vtrum munita essent præsidia, & sufficientes equitum peditumque, armorum quoque & alimentorum haberēt copias: & vt defectus suppleret, debitam gerebat sollicitudinem. Cōtigat autem, dum eadem curâ sollicitus Edessam properaret, ab oppido *Turbeffel* egressus, vt eadem diligentia de statu regionis trans Euphratem esset instructior; & cuncta pro posse in melius reformaret: nocte quadam iter conficiens inceptum, cum suo domestico proficiscebatur comitatu: vbi dum aliquantulum incautiùs, dissoluto agmine, & dormitantibus penē vniuersis, iter agerent securi: *Balac* prædictus, qui Regis iter præsenferat, in insidiis positus, subito irruit, Regisq; comitatum imparatum repertiens, & somno grauatum, casu in ipsum Regem incidit, manus iniecit, secumque deduxit captum, tam iis qui præibant, quàm qui sequebantur, ad partes varias fugâ dilapsis, & quid regi accidisset ignorantibus. Captum ergo sæpeditus *Balac* Regem, trans Euphraten in præsidio, cui *Quartapiert* nomen, vinculis fecit mancipari, vbi erant etiam *Ioscelinus* Comes, & *Galerannus*, de quibus supra dictum est. Nostri autem Principes qui in regno erant, audito casu miserabili, qui domino Regi acciderat, vnâ cum domino Patriarcha de statu Regni valdē solliciti, apud urbem Acconensem, cum ecclesiarum prælatis, quasi vir

vnus conueniunt; & ducem atque præceptorem sibi de communi voto constituunt dominum *Eustachium Grener*, virum prouidum & discretum, & rei militaris plenam habentem experientiam: qui duas in Regno, iure hereditario, suffragantibus meritis, possidebat ciuitates, Sydonem videlicet & Cæsarcam, vtramque cum suis pertinentiis. Tradunt ergò ei Regni curam, & administrationem generalem, quoadusque dominum Regem visitet oriens ex alto, & suæ libertati restituens, negotiis regiis possit superesse. Sed interim ad ea, quæ de domino Rege cœperamus, retorqueamus historiam.

XVIII. Domino ergò Rege apud castrum prænominatum, cum domino Comite in vinculis constituto, notum habentes quidam *Armenii* de terra Comitum, quòd tanti principes, Christiani nominis in eo municipio capitiui tenerentur, pro nihilo ducentes periculum, si etiam eorum artes prosperum non haberent exitum, nouas ineunt inauditi moliminis vias. Quidam tamen asserunt, hos eisdem domini *Ioscelini* diligentia vocatos, & spe remunerationis amplissimæ, huic se exposuisse discrimini. Quinquaginta enim ex eis, qui robustiores videbantur, fide interposita, & mutuis obligati iuramentis, apud se constituunt, ut illuc euntes, prædictos viros magnificos, quocunque periculo, liberare contendant. Habitu ergò se simulant monachos; sicas sub laxis vestibus portantes, ad prædictum tendunt oppidum, tanquam de negotiis monasteriorum acturi aliquid; simulant verbo & gemitu, & faciei modificatione se à quibusdam vim iniuriamque passos: Præfecto loci, ad cuius sollicitudinem spectabat, ne quid in locis adiacentibus enormiter, & contra disciplinam temporum fieret, id se velle cum lachrymis protestari, asserunt. Alii dicunt eos quasi mercatores, vilium mercium portatores, oppidum ingressos. Admittuntur tandem, & municipium ingressi, exerunt gladios, & occurrentes sibi perimunt vniuersos. Quid plura? Obtentio castro, Regem soluunt & Comitem; & castrum muniunt quantum possunt. Rex interim Comitem *Ioscelinum* emittere disponit, ut sibi & focis, quorum operâ expediti videbantur, auxilium congreget, & velocius mittere non moretur. Cognoscentes autem, qui in suburbanis habitabant Turci, quòd hac fraude Rex, & qui cum eo intus erant, castrum obtinuerant, arma corripiunt: & ad locum accedentes, procurant diligentius, ut saltem vsque ad aduentum Balac domini sui, his qui in oppido erant, introitus negent & exitus. Comes tamen *Ioscelinus*, assumptis sibi tribus focis, quorum duos itineris haberet comites, tertium ad dominum Regem de statu suo significans, statim remitteret, hostium se exponens insidiis, egressus est: & Domini protectus misericordia, ignorantibus his qui castrum obederant, cum duobus confortibus, ut præordinatum fuerat, viam arripit, tertium remittens in oppidum: cui & annulum suum tradidit in signum, quòd cum salute, hostium cuneos euaserat. Rex autem cum his quorum ope solutus erat, præsidium munire totis viribus satagebat, tentans, si quo pacto vsque ad aduentum subsidii, quod in proximo sperabat, illud sibi conseruare posset.

XIX. At verò *Balac* terribili visione eadem nocte turbatus, in somnis videbatur sibi videre, quòd Comes *Ioscelinus* cum propriis manibus, luminibus orbaret. Quo visu territus, summo mane ad prædictum oppidum nuncios dirigit, qui dominum *Ioscelinum* absque mora decollarent. Qui accedentes ad castrum propius, cognoscentes quòd eo casu in manus hostium deuenisset, remenso itinere cum omni velocitate ad dominum redeunt, omnia quæ illic gesta fuerant, ordine pandentes. Ipse verò conuocatis vndique militaribus copiis, ad partes illas impiger contendit, & locatis in gyrum expeditionibus, obsidione vallat eos, qui in oppidum se contulerant. Vbi per internuncios habito sermone cum domino Rege, spondet & promittit firmitus, quòd si absque difficultate præsidium ei restituat, ipse sibi & suis omnibus liberum exitum & securum vsque ad urbem *Edeffanam* præstaret conductum. Rex autem de oppidi munitione confusus, sperans cum adminiculo eorum, qui ad eum ingressi fuerant, castrum posse ad aduentum subsidii violenter detinere, condiciones respuit oblatas, & in defensione municipii instantius perseuerat. *Balac* verò, spretis conditionibus iratus admodum, artifices conuocat, & machinas ordinat multiplices, quibus solent hostium præsidia impugnari: & instans proteruius, in omne argumentum, quo nocere possit obsessis, subtiliter se attollit. Erat autem collis, supra quem situm erat oppidum, cretaceus, & ad sustodiendum facilis. Videns ergò eâ parte facilius posse

posse locum aggruari, immixtis fossoribus, scrobes præcipit ingentes intus colle suffodi, trabibusq; & lignea materiâ sustentari: Deinde receptis artificibus, igne immisso, succensâ quæ intus erat materiâ, collis subsedit; & turri quæ superposita erat, cum ingenti fragore collapsâ, timuit Rex ne casu simili vniuersum præsidium in præceps rueret, castrum Balac nullis interpositis conditionibus resignauit. Qui obtento castro, domino Regi, & cuidâ nepoti suo, domino quoq; Galeranno vitâ indulgit: eosque in *Carram*, ciuitatem Edeßæ vicinam victos cõpedibus præcipi deportari, & eos ibidem sub arcta conseruari custodia. Prædictos autem Armenios, viros strenuos & fideles, qui vt Regem & dominum suum à vinculis soluerent, tantis se
10 exposuerant periculis, variis affecit cruciatibus. Alios enim viuos decorari fecit, alios ferrâ diuidi per medium, alios viuentes sepeliri, alios pueris suis quasi signum ad sagittandum tradi: qui etsi coram illis tormenta passi sunt, spes tamen illorum immortalitate plena est; & in paucis tentati, in multis benè disponentur. At
verò Comes *Ioscelinus*, cum iis quos assumpserat viæ consortes, cum multa sollicitudine & timore continuo iter incœptum peragens, cum victu modico & duobus vtribus, quos secum casu detulerat, vsque ad fluuium magnum *Euphratem* peruenit. Vbi habitâ cum periculorum consortibus, quomodo fluuium transire posset, deliberatione, impletis vento vtribus, eisque fune sibi circumpositis, regentibus eum à
dextra læuaque sociis, quibus multum erat in natando exercitium, auctore Domi-
20 no, vltiorem ripam sanus & incolumis attigit. Inde non minore periculo, nudis pedibus, labore pressus insolito, fame & siti, & lassitudine fatigatus, tandem præuiâ Domini misericordiâ, apud insigne oppidum eius *Turbessel* peruenit: inde iniuncti verbi plenam gerens sollicitudinem, aptato sibi necessario pro tempore comitatu, Antiochiam, deinde cum consilio domini Patriarchæ Bernardi, Hierosolymam profectus, rem domino Patriarchæ, & Regni Principibus ordine pandit, casum qui acciderat, seriatim aperit, ad subsidium sine dilatione inuitat: asserens Regis negotium dilationes non posse capere, sed opus esse maturo cõsilio & indilato. Factumque est ita, vt ad eius exhortationem congregatus sit Regni vniuersi populus, quasi vir vnus; & assumptâ sibi Cruce Dominicâ de singulis vrbibus, quæ erant mediæ,
30 auxilia sibi coniungentes, Antiochiâ peruenerunt: vbi adiunctis sibi eiusdem ciuitatis tam plebe quàm patribus, præuio Comite, *Turbessel* peruenerunt. Vbi quid circa dominum Regem medio tempore accidisset, plenius cognito, comperto quòd vltius procedere non esset fructuosum, de communi consilio ordinatum est, vt singuli redirent ad propria: tamen ne omninò nihil fecisse viderentur, ordinant apud se, vt apud *Halapiam* transeuntes experiantur, verum aliquid damni aut iniuriæ hostibus inferre possint: quod secundum propositum factum est. Nam ante urbem prædictam habentes transitum, ciues eiusdem loci, contra eos quasi ad pugnandum egressos, in urbem regredi violenter compulerunt: diebus quatuor cõtinuis, inuitis ciuibus morâ ibi facientes. Qui autè de Regno erant, ab aliis diuisi, in Regnū redeun-
40 tes, circa partes *Scythopolitanas*, transito Iordane, terras hostium subito ingrediuntur, & imparatos reperientes, irrunt super eos, pluribusq; ex eis gladio interemptis, captiuatis etiam infinitis tam viris quàm mulieribus, cum ingenti præda & opimis spoliis læti ouantesq; ad propria reuersi sunt. Interea princeps *Ægyptius* de Regis
captiuitate arbitrans sibi multam opportunitatem emerxisse, vt regnum Hierosolymorum sibi meritò suspectissimum, aliqua ex parte posset opprimere, ex omnibus *Ægypti* finibus militaria præcipit auxilia conuocari: vrbibusque maritimis mādāt, præfectis operum specialiter ad hoc deputatis, galeas præparari, armari classem; & cætera quæ ad vsum naualis exercitus possunt esse necessaria, sine dilatione præcipit ordinari. Paratis igitur septuaginta galeis, cū infinita pedestris exercitus multi-
50 tudine, trāscurfâ solitudine, apud *Ascalonam* castrametatus, cum suis resedit legionibus, classis autem vsq; *Ioppen* progressâ, ibi ante urbem se locauit; egressiq; de nauibus in graui multitudine, urbem cœperunt ex omni parte per gyrum, continuatis cōgressionibus, hostiliter molestare, ita vt præ inopia defendentiū, securi ad murum suffodiendum accederēt, & in locis pluribus debilitarent. Quòd si liberas ferias urbem impugnandi per diem sequentem habuissent, effractis mœnibus, procul omni dubio, violenter occupassent ciuitatem; pauci enim erant intus, qui eorū congressionibus repugnaret. Interea dominus Patriarcha, dominus quoque *Eustachius Grener*,

regni constabularius, cum aliis Regni Principibus, congregatâ omni eâ quam tunc habere potuerunt militiâ, in campestribus Cæsareæ, in loco cui *Caco* nomen, conuenerunt: inde versus *Ioppen*, ordinatis agminibus descendentes, dirigunt legiones. Quo audito, qui urbem impugnabant, in classem se certatim recipiunt, nostrorum aduentum formidantes. Classe autem instructâ, remis incumbunt, expectantes quid suis; quos hostibus vicinos esse cognouerant, accideret. Nostri verò interea, præuiâ Cruce Dominicâ, fide armati, & cooperatè DE I gratiâ, in victoriæ spem erecti, compositis aciebus, & in congruum redactis ordinem, iuxta eum locum qui dicitur *Ibelim*, hostes reperiunt. Qui etiam, iuxta morem eorum, cohortibus dispositis, affecti ut cum nostris proculdubio pugnarent, aduenerant: sed viso nostrorum apparatu, & animositate certis argumentis intellectâ, qui quasi leones accesserant, lepores, & leporibus timidiore, bellum detrectare cupiunt, magis tamen cupientes non incepisse. Nostri porro populi promiscui, & plebis omnimodæ, dicebantur esse quasi septem millia: Hostium verò, expeditorum ad prælium, sedecim millium dicebatur esse numerus, exceptis his qui classi deseruientes, dicebantur esse in nauibus. Irruentes igitur nostri super eos in spiritu vehementi, corde contrito, & in timore Domini, auxilio de supernis inuocato, instant gladiis atrocius, & cominus irrogato mortis periculo, respirandi etiam negant facultatem. Mirantur tandem Ægyptii nostrorum vires & audaciam; & quod sermone audierant, plagis sentiunt impositis, & oculatâ fide contruenter. Parant tamen, & contendunt illatis resistere iniuriis, & nostris æquâ lance respondere: sed longè impares & animis & viribus, in proposito deficiunt, fugam ineuntes. Relictis igitur castris, omni diuitiarum genere & commoditate refertis, fugâ vitæ consulunt. Nostri tamen insectantes instantius, quotquot ex eis consequi possunt, gladiis obtruncant, ita ut de tanta multitudine pauci vel vincula vel mortem euaserint. Dicuntur eâ die septem ex eis millia cecidisse. Nostri autem victores in castra reuersi, gazas Ægyptias, immensa auri argentique pondera, supellectilem varii generis preciosissimam, papiliones & tentoria, equos, loricas, gladios copiosè reperiens, iure bellorum diuidentes spolia, supra modum locupletati, reuersi sunt ad propria. Classis verò intellecto quid suis acciderat, ut securam sibi stationem eligerent, apud Ascalonam, quæ adhuc in eorum potestate erat, declinantes, de suorum ruina plenius edocti sunt. Per idem tempus dominus *Eustachius Grener*, regni procurator, vir prouidus & discretus, vitâ decessit: in cuius loco substitutus est dominus *Wilhelmus de Buris*, vir magnificus, & per omnia commendabilis, Tyberiadensis dominus. Eodem tempore, auditâ regni Orientalis necessitate, dux Venetiæ, *Dominicus Michaëlis*, cum maioribus eiusdem prouinciæ, compositâ classe, cum quadraginta galeis, gatis viginti octo, quatuor maioribus ad deuchenda onera aptatis nauibus, iter in Syriam arripiunt: cumque in *Cyprum* insulam peruenissent, denunciatur eis, eorum iam præcognito aduentu, quod Ægyptiorum classis circa partes Syriæ in maritima Ioppensi applicuisset, & circa partes illas moram faceret, urbibus maritimis valde suspectam. Quo audito, dux præfatus suis egressum indicit, & ordinato exercitu, versus littora *Ioppensia* cursum accelerat. Nunciatur eis interea, quod prædicta classis Ægyptia, Ioppe relictâ, in partes se contulerat *Ascalonitanas*: audierant enim de suis, qui cum nostris in terra pugnauerant, rumores sinistros; eaque occasione ad suam se contulerant ciuitatem. Quo etiam Veneti per internuncios cognito, illuc classem dirigunt, optantes intimè hostium classem inuenire, & cum eis tentare congressum. Porro sicut viri prouidi, & in eo negotio exercitati, classem ordinant, secundum quod eis vtilius visum est. Erant sanè in eadem classe quædam naues rostratæ, quas gatos vocant, galeis maiores, habentes singulæ remos cetenos, quibus singulis duo erant remiges necessarij. Erant autem & quatuor naues maiores, ut prædiximus, ad deportanda onera, machinas, arma, & victui necessaria deputatæ. Has cum gatis priores ordinant, eâ intentione, ut si ab hostibus fortè de remoto conspicerentur, non putaretur hostium exercitus, sed mercatorum naues. Galeæ verò subsequerantur. Sic ergo ordinato exercitu, versus littora proficiscuntur. Erat autem eis & auræ fauor optabilis, & maris grata tranquillitas, & hostium classis in vicino. Cumque iam esset circa crepusculum matutinum, & aurora lucis orientis nunciaret aduentum, hostes classem sentiunt aduenire; die quoque luminis amplius ministrante, eam

XXII.

eam conspiciunt viciniorem. Stupefacti ergo, & plurimùm timentes, remos corripunt, & clamore & nutibus suos hortantur, vt funes rescindant, ancoras erigant, reiniges ordinent, & de pugna securi arma corripiant. Interea dum hæc apud **xxiii.** hostes turbato ordine & confuso tumultu, *metu confusionem inducente*, aguntur, ecce ex Veneticis galeis vna, cui Dux inerat, alias velocitate præcurrens, eam casu fortuito, cui partis Dux aduersæ insidebat, tanto concussit impetu, vt penè totam cum suis remigibus fluctibus inuolueret: aliæ tandem multâ velocitate sequentes, singulæ singulas penè fretis inuoluunt. Fit igitur pugna grauis, & congressus vtrique valde hostilis, tantaque strages hominum, vt etiam (etsi fide videatur carere) qui in-
10 terfuerunt, constanter asserant, victorū pedes, occisorum sanguine vsque ad summum eorum, cruentatos sorduisse: Mare verò adiacens de præcipitatis corporibus, & effluente de nauibus interemptorum sanguine, vsque ad passuum in circuitu duo millia, colorem sanguineum contraxisse: littora verò cadaueribus à salo proiectis ita repleta fuisse, vt de foetore putrescentium funerum, circumposita regio & luem contraheret, & aeris corruptelam. Continuatür cominus pugna, & ardentibus studiis impugnant hi, illi tentant resistere: sed tandem auctore Domino, facti superiores Veneti, hostes vertunt in fugam; retentis galeis quatuor, cum totidem gatis, & naue vnâ maximâ, duce eorum interempto, victoriam obtinuerunt seculis memorabilem. Collatâ igitur nostris diuinitus prædictâ victoriâ, nolentes tempus
20 inutiliter consumere, præcipiente Duce, versus Ægyptias partes vsque *Laris* antiquissimam solitudinis vrbem maritimam, peruenerunt, explorantes vtrum hostium naues aliquas sibi casu haberent obuias: quod ita factum est, & ita eis successit ad votum, tanquam si aliquo certo huncio vniuersa quæ postea acciderunt, ex ordine didicissent: nam illis in eo pelago laborantibus, decem naues hostium haud longè ab eis visæ sunt, ad quas cum omni celeritate contendentes, primis congressionibus eas violenter occupant, viris quos in eis reperiunt partim occisis, partim compedibus mancipatis. Erant autem naues eadem, Orientalibus onerata mercimoniis, speciebus videlicet, & pannis sericis: quæ omnia secundum consuetudinem suam diuidentes, facti locupletiores, deductis secum prædictis nauibus, apud
30 vrbem Acconensem applicuerunt. Dominus verò Patriarcha Hierosolymorum *Gormundus*; dominus quoque *Wilhelmus de Buris*, regni Constabularius & Procurator, *Paganus* quoque regius Cancellarius, vnâ cum Archiepiscopis, Episcopis, & cæteris Regni proceribus audientes, quòd Dux Venetiæ, cum nauali exercitu, nostris applicuisset littoribus, & de hostibus ita gloriosè triumphasset, miserunt nuncios ad eum, viros prudentes & honestos, qui *eum & populi Venetorum primores, exercitusque capitaneos, ex parte domini Patriarchæ, principum & populi salutarent, & conceptam de eorum aduentu lætitiâ significarent: inuitantes eos, vt Regni commoditatibus indifferenter, tanquam ciues & domestici, vt: frui non dubitarent: paratos se esse asserentes, humanitatis legibus & plenâ hospitalitatis gratiâ se eos velle tractare, prout decebat, habere propositum.*
40 Dux ergo, vt & loca Sancta, diu antè conceptâ deuotione videret, & principibus qui se tam benignè inuitauerant loqueretur, relictis qui classi præessent viris prudentibus, ipse cum Maioribus eiusdem populi Hierosolymam venit. Vbi honestè susceptus, & cum multa tractatus honorificentia, Natale Domini celebrauit. Vbi etiam à Regni principibus diligenter commonitus, vt CHRISTI seruitio & incremento Regni, se ad tempus aliquod manciparet, respondit: *Quod ad hoc specialiter venerat, & ad hoc tota eius dirigebatur intentio.* Factum est ergo de cōmuni consilio, quòd præsentē domino Patriarcha, & reliquis eiusdem Regni principibus, conuenit inter eos quibusdam pactis interuenientibus, vt alteram de maritimis vrbibus, *Tyrum* videlicet, vel *Ascalonam* obsiderent: nam aliæ, per DEI gratiam, à torrēte Ægypti, vsque Antiochiam, omnes in nostram peruenerant ditionem. Verum hic dum nostrorum voluntates ad varia rapiuntur desideria, res in periculosam penè descendit altercationem. Nam *Hierosolomitæ, Ramatenses, Ioppenses, Neapolitani*, & qui in finibus horum erant, magnopere nitebantur, vt ad obsidendam *Ascalonam* proficisceretur: eratenim vicinior, & minus laboris & sumptuum videbatur exigere. At verò *Acconenses, Nazareni, Sydonii, Berytenses, Tyberiadeses, Biblii*, & cæterarum maritimarum vrbium habitatores, versus *Tyrum* dirigendos esse contendebant exercitus: allegantes, quòd cū ciuitas esset nobilis & munitissima, totis viribus elaborandum

AAAA

erat, ut in nostram cederet potestatem, ne aliquando hostibus posset esse occasio, ut ad nos, gratiâ recuperandæ regionis & totius prouinciæ, per eam haberent ingressum. Sic ergo per hanc votorum dissonantiam res in periculosas, ut diximus, penè peruenit inducias. Placuit tandem, quibusdam mediantibus, sorte definiti huiusmodi controuersiam: fortis autem forma, non multum ab honestate abhorrebat. Conscripserunt enim in membranis codicillos duos, alterum *Tyrimentionem*, alterum *Ascalonæ* continentes, & super altare chartulas illas locauerunt, assumptis vnum de pueris innocentibus, & parentes non habentem, cui data est optio, ut quam velit illorum assumat: & vtrius illarum urbium nomen secum attulerit, ad illum vterque exercitus sine quæstione dirigatur. Cecidit ergo sors super Ty- 10
rum. Hæc à senioribus quibusdam audiuius, qui constanter asserabant, se prædictis omnibus interfuisse. Confirmato ergo hoc consilio, dominus Patriarcha, & inclyti regionis illius, simul cum populo vniuerso in ciuitatem conueniunt *Acconensem*: nam Veneticorum classis in eiusdem portu ciuitatis, tutâ statione locata erat. Præbitis ergo corporaliter iuramentis, quòd in finibus pactorum fideliter ab vtraque parte staretur, præordinatis quæ ad huiusmodi opus solent esse necessaria, decimo quinto Kal. Martii urbem prædictam geminâ vallant obsidione. Sed ut

xxv.

nihil antiquitatis eorum quæ interim occurrunt prætereamus, libet rescriptum priuilegii, consonantiam pactorū inter Venetos & principes regni Hierosolymorum continentis, ad maiorum rerum gestarum euidentiam ponere, quod sic habet: 20
IN NOMINE SANCTÆ ET INDIVIDUÆ TRINITATIS, PATRIS ET FILII ET SPIRITVS SANCTI. *Tempore quo Calixtus Papa secundus, & quartus Henricus Romanorum Imperator Augustus, pace eodem anno inter Regnum & Sacerdotium super annuli & baculi controuersia, celebrato Romæ concilio, DEO auxiliante, peractâ, alter Romanam ecclesiâ, alterq; regnum regebat, DOMINICVS Michaelis Venetia Dux, Dalmatiæ, atq; Croatia regni Princeps, innumerâ clasium militiâq; multitudine, prius tamen ante importuosas Ascalonis ripas, paganorum clasium regis Babyloniæ grauissimâ strage factâ, demum in Hierusalem partes, ad necessarium Christianorum patrociniū victoriosus aduenit. Rex quippe Balduinus Hierusalem secundus, tunc temporis, peccatis nostris exigentibus, sub Balac principe Parthorū, paganorum laqueo cum pluribus aliis captiuus tenebatur. Propterea nos quidem Gormundus, 30
DEI gratiâ sanctæ ciuitatis Hierusalem Patriarcha, cum nostra ecclesiæ fratribus suffraganeis, domino Wilhelmo de Buris Constabulario, & Pagaño Cancellario, nobis cum totius regni Hierosolymitani sociâ Baronum militiâ coniunctâ, Achone, in Ecclesia sanctæ Crucis conuenientes: eiusdem regis Balduini promissiones, secundum literarum suarum & nunciorum prolocutiones, quas eidem Veneticorum Duci suos per nuncios, vsque Venetiam, Rex ipse mandauerat, propria manu, & Episcoporum siue Cancellarii manu pacisq; osculo, prout ordo noster exigit, datis: Omnes verò Barones, quorum nomina subscripta sunt, super sancta Euangelia subscriptas depactionum conuentiones, sanctissimo Euangelistæ Marco, prædicto Duci suisq; successoribus, atque genti Veneticorum simul statuentes affirmauimus, quatinus sine aliqua contradictione, qua dicta & quemadmodum inferius subscripta sunt, ita & rata, & in futurū illibata, sibi suaq; genti 40
in perpetuum permancant. Amen. In omnibus scilicet supradicti Regis, eiusq; successorum sub dominio, atque omnium suorū Baronum ciuitatibus, ipsi Venetici ecclesiā & integram rugam, unamq; plateam siue balneum, nec nō & furnum habeant, iure hereditario in perpetuum possidenda, ab omni exactione libera, sicut sunt Regis propria. Verū in platea Hierusalem tantum ad proprium habeant, quantum Rex habere solitus est. Quòd si apud Accon, furnum, molendinum, balneum, stateram, modios & buzas ad vinum, oleum, vel mel mensurandum in vico suo Veneti facere voluerint, omnibus inibi habitantibus absque contradictione quicunq; voluerit coquere, molere, balneare, sicut ad propria Regis liberè liceat. Sed modiorum, stateræ atque buza mensuris, hoc modo uti liceat. Nam quando Venetici inter se negotiantur, cum propriis, id est, Veneticorum mensuris mēsurare debēt: cum verò Venetici res suas aliis gentibus vendunt, cū suis, 50
id est, Veneticorum mensuris propriis vēdere debent. Quando autem Venetici ab aliquibus gentibus extraneis quā Veneticis, commercio aliquid accipientes comparant, cum Regis mensuris datoq; precio accipere licet. Ad hæc Venetici nullam dationē, vel secundum usum, vel secundum ullam rationem, nullo modo, intrando, stando, vēdendo, comparando vel morando, aut exeundo, de nulla penitus causa aliquam dationē persolvere debent, nisi solū quando veniunt, aut exeunt cum suis nauibus Peregrinos portantes: tunc quippe secundum Regis consuetudinem, tertiam partem ipsi Regi dare debent. Vnde ipse Rex Hierusalem, & nos omnes, Duci Veneticorum de
funda*

fundat Tyri, ex parte Regis, festo Apostolorum Petri & Pauli, trecentos in unoquoque anno bizantios Sarracenos, ex debiti conditione persolvere debemus. Vobis quoque, Duci Venetia, & vestra genti promittimus, quod nihil plus accipiemus ab illis gentibus, quæ vobiscum negotiantur, nisi quantum soliti sunt dare, & quanta accipimus ab illis qui cum aliis negotiantur gentibus. Præterea illam eiusdem plateæ, rugæq; Achon partem unum caput in mansione Petri Zanni, aliud verò in sancti Dimitri monasterio firmantem; & eiusdem rugæ aliam partem, unam materiariam & duas lapideas mansiones habentes, quæ quondam casula de cannis esse solebant, quam Rex Balduinus Hierusalem primitus beato Marco, dominoq; Duci Ordolafo, suisq; successoribus in Sydonis acquisitione dedit; ipsas inquam partes, beato Marco, vobisq; Dominico Mi-
 10 chaëli, Venetia Duci, vestris quoque successoribus per præsentem paginam confirmamus: vobisq; potestatem concedimus, tenendi, possidendi, & quicquid vobis inde placuerit, in perpetuum faciendi. Super eiusdem autem rugæ alia parte, à domo Bernardi de nouo Castello, quæ quondam Iohannis fuerat Iuliani, usque domum Guiberti de Ioppen generis Lauda, recto tramite procedente, vobis eandem quam Rex habuerit potestatem penitus damus. Quin etiam nullus Veneticorum in totius terræ Regis, suorumq; Baronum dominio, aliquam dationē in ingrediendo, vel ibi morando, aut exeundo per ullum ingenium dare debeat: sed sic liber sicut in ipsa Venetia sit. Si verò aliquod placitum, vel alicuius negotii litigationem, Veneticus erga Veneticum habuerit, in curia Veneticorum diffiniatur. Vel si aliquis aduersus Veneticum querelam aut litigationem se habere crediderit, in eadem curia Veneticorum determinetur. Verum si Veneticus super quemlibet
 20 alium hominem, quam Veneticum, clamorem fecerit, in curia Regis emendetur. Insuper ubi Veneticus ordinatus vel inordinatus, quod nos sine lingua dicimus, obierit, res sue in potestatem Veneticorum reducantur. Si verò aliquis Veneticorum naufragium passus fuerit, nullum de suis rebus patiatur damnum. Si naufragio mortuus fuerit, suis heredibus aut aliis Veneticis res sue remanentes reddantur. Præterea super cuius gentis burgenfes in vico & domibus Veneticorum habitantes, eandem iustitiam & consuetudines quas Rex super suos, Venetici habeant. Denique duarum ciuitatum Tyri & Ascalonis tertiam partem, cum suis pertinentiis, & tertiam partē terrarum omnium sibi pertinentium, à die sancti Petri, Sarracenis tantum seruientium, quæ nō sunt in Francorum manibus, alteram quarum, vel si, DEO auxiliante, utranque per eorum auxilium, aut aliquod ingenium in Christianorum potestatem Spiritus sanctus tradere voluerit: illam, in-
 30 quam, tertiam partem, sicut dictum est, liberè & regaliter, sicut Rex duas, Venetici habituri in perpetuum, sine alicuius contradictionis impeditione, iure hereditario possideant. Vniuersaliter igitur supradictas conuentiones ipsum Regem, DEO auxiliante, si aliquando egressurus de captiuitate est, nos Gormundus Hierusalem Patriarcha confirmare per Euangelium faciemus. Si verò alter ad Hierosolymitanum regnum, in Regem promouendus aduenerit, aut superius ordinatas promissiones antequam promoueat, sicut antè dictum est, ipsum confirmare faciemus; alioquin ipsum nullo modo ad regnum prouehi assentiamus. Similiter easdem & eodem modo confirmationes, Baronum successores, & noui futuri Barones facient. De causâ verò Antiochena, quam vobis Regem Balduinum secundum, sub eadem constitutionis depactione promississe bene scimus, in Antiocheno principatu se vobis Veneticis daturum: videlicet sic in Antiochia, sicut in cæ-
 40 teris Regis ciuitatibus, si quidem Antiocheni Regalia promissionum fœdera vobis attendere voluerint: nos idem Gormundus Hierusalem Patriarcha, cum nostris Episcopis, Clero, Baronibus, populoq; Hierusalem, consilium & auxilium vobis dantes, quod nobis dominus Papa inde scripserit, bonâ fide totum adimplere, & hæc omnia superiora, ad honorem Veneticorum promittimus.

Ego GORMVNDVS DEI gratiâ Hierosolymorum Patriarcha, propriâ nostrâ manu supradicta confirmo.

Ego EBREMARVS Casariensis Archiepiscopus, hæc eadem similiter confirmo.

Ego BERNARDVS Nazarenus Episcopus similiter confirmo.

Ego ASQVITINVS Bethleemita Episcopus similiter confirmo.

Ego ROGERIVS Liddenis sancti Georgii Episcopus similiter confirmo.

50 Ego GILDOINVS Abbas sanctæ Mariæ vallis Iosaphat similiter confirmo.

Ego GERARDVS Prior sancti Sepulchri similiter confirmo.

Ego AICARDVS Prior templi Domini similiter affirmo.

Ego ARNALDVS Prior montis Sion similiter affirmo.


Ego WILELMVS, de BURIS, Regis Constabularius, similiter affirmo.

Datâ apud Achon, per manus Pagani, Regis Hierusalem Cancellarii, anno mil-
 lesimo centesimo vicesimo tertio, Indictione secundâ.

An. D.
 1123.

EXPPLICIT LIBER DVODECIMVS.

AAAA 2



CAPITVLA LIBRI TERTIIDECIMI.

I. Describitur Tyri antiquitas & nobilitas simul.

II. Quantum protenditur, & quas partes habeat Syria.

III. Descriptio regionis eiusdem urbi adiacentis, & commoditatum quas prestat.

IV. Quod sapius priscis temporibus obsessa fuerit.

V. Describitur ciuitas: & status ciuium & conditio aperitur.

VI. Locatur obsessio, & principibus in ea partes designantur: & ciuitas hostiliter impugnatur.

VII. Damasceni qui in ciuitate erant, resistunt animosi: ciuibus aliquantulum remissis.

VIII. Ascalonita Hierosolymam accedunt, ut urbem impugnent: sed in reditu à ciuibus male tractantur.

IX. Rex Damascenorum Doldequinnus, ut soluat obsidionem accedit: nostri occurrunt: ille territus, à proposito discedit.

X. Ciues in nostras machinas ignem adhibent, nostri resistunt viriliter. Ab Antiochia quidam iaculandi habens peritiam, à nostris euocat.

XI. Balac apud Hierapolim occiditur: quo rumore audito, noster exercitus fit hilarior, & ad impugnandam urbem insistent animosi.

XII. Ascalonita iterum, dum noster in obsidione adhuc detinetur exercitus, partes vastant Hierosolymitanas.

XIII. Ciues famis importunitate laborant: ad deditionem se preparant. Doldequinnus in eorum subsidium properat, sed incassum: nostris ciuitas resignatur.

XIV. Vrbe captâ, in castra ciues egrediuntur: nostri quoque urbem occupant.

XV. Rex à vinculis soluitur: Halapiam obsidet: sed occurrentibus hostibus soluitur obsidio: Rex Hierosolymam reuertitur. Calixtus Papa moritur: Substituitur ei Honorius.

XVI. Borsequinnus Turcorum Princeps fines Antiochenos depopulatur: Rex occurrat, & cum eo congreditur: hostium prostermitur exercitus.

XVII. Rex Ascalonitas prostermit, & simul Ægyptios, qui ad eorum subsidium conuenerant.

XVIII. Rex fines Damascenorum ingreditur: occurrit ei Doldequinnus: pugna committitur: victor redit noster exercitus. ¹⁰

XIX. Comes Tripolitanus urbem Raphaniam occupat. Henricus Romanorum Imperator moritur: Lotharius ei substituitur.

XX. Iterum Borsequinnus fines Antiochenos ingreditur: tandem à suis confossus interiit. Classis Ægyptia in Syriam ascendit: sed infecto negotio, damnum perpeffa, reuertitur.

XXI. Boamundus iunior Antiochiam peruenit: Rex ei terram suam restituit: filia sua Haaliz nomine, in uxorem data. ²⁰

XXII. Inter eundem Boamundum & Io-scelinum comitem Edessanum, graues oriuntur inimicitie: sed Rex celer aduolat, & componit. Africani urbem Sicilia Syracusam violenter effringunt.

XXIII. Tyri, primus Latinorum constituitur Archiepiscopus.

XXIV. Fulco Andegauensium Comes, vocatus accedit: eiq; Milisendis primogenita Regis filia in uxorem datur. ³⁰

XXV. Gormundus Hierosolymorum Patriarcha moritur: Stephanus ei substituitur. Inter Regem & Patriarcham quæstiones oriuntur difficiles.

XXVI. Rex, Princeps Antiochenus, Comes Tripolitanus, Comes Edessanus, fines Damascenorum ingrediuntur: sed confusi, exercitus parte amissa, redeunt. Moritur Stephanus Patriarcha: Wilelmus ei substituitur. ⁴⁰

XXVII. Boamundus Antiochenorum Princeps, in Cilicia circa Mamistram occiditur. Rex Antiochiam properat. Boamundi uxor patrem aduenientem tentat repellere: sed ciuium operâ Regi traditur ciuitas, exclusâ Principissâ.

XXVIII. Rex Hierosolymam reuertitur: validâ correptus egrotudine moritur: cum aliis regibus in ecclesia Domini Sepulchri tumulatur. ⁵⁰

EXPLICIUNT CAPITVLA LIBRI TERTIIDECIMI.

I N C I P I T

INCIPIT LIBER TERTIVS DECIMVS.



ST autem Tyrus ciuitas antiquissima, secundum quod Vlpianus vir prudentissimus Iurisconsultus, ex eadem vrbe trahens originem, in Digestis, titulo de Censibus, asserit, dicens: *Scendum est, esse quasdam colonias iuris Italici, ut est in Syria Phœnice splendidissima Tyriorum colonia, unde mihi origo est, nobilis regionibus, serie seculorum antiquissima, armipotens, fœderis quodcum Romanis percussit tenacissima. Huic enim Diuus Seuerus & Imperator noster, ob egregiam in Remp. Imperiumq; Romanum insignem fidem, ius Italicum concessit.* Ex hac vrbe, si ad veteres recurramus historias, *Agenor* Rex fuit, & filii eius, *Europa*, *Cadmus* & *Phœnix*, à quorum altero tota regio, ut *Phœnicis* diceretur, nomen accepit. Alter verò Thebanæ conditor vrbs, & Græcarum inuentor literarum, celebrem posteris de se reliquit memoriam. Tertia verò eiusdem regis filia, Orbis terrarum parti tertiæ nomen dedit, ut *Europa* diceretur. Huius quoque ciues excellenti mentis acumine, & ingenii viuacitate præclari, indiuidua vocum elementa, conuenientibus designare apicibus, primi tentauerunt, & memoriæ thesauros ædificantes, mortaliū primi scribendi prudentiam, & mentis interpretem sermonem, characteribus designandi formam posteris tradiderunt: id & veterum habent historiæ, & belli ciuilis egregius prosecutor *Lucanus* designat, dicens:

*Phœnices primi, famæ si creditur, ausi
Mansuram rudibus vocem signasse figuris.*

Hæc & triti conchilii, & preciosi muricis, egregio purpuram colore prima insigniuit: vnde & præcipua inter eos, etiam hodie, vrbs trahens nuncupationem, *Tyria* dicitur. Ex hac etiam *Sychæus*, & vxor eius *Elisa Dido* fuisse leguntur: qui in Africana diocesi, ciuitatem illam admirabilem & Romani æmulam Imperii, *Carthaginem* videlicet, condiderunt; regnumque illud *Punicum* quasi *Phœnicum*, à regione vnde exierant denominantes, appellauerunt: sed etiam & originis memores, perpetuò se *Tyrios*, *Carthaginenses* voluerunt appellari. Vnde illud *Maronis* in primo:

*Vrbs antiqua fuit, Tyrii tenuere coloni. Et illud:
Tros Tyriusq; mihi nullo discrimine habetur.*

Fuit autem ab initio binomia: nam & *Sor* Hebraicè dicitur, quod nomen tenet vsitatiùs & *Tyrus*: quod posterius, licet & Græcam videatur redolere eloquentiâ (interpretatur enim *Angustia*) tamen à cōditore certum est, eam huiusmodi contraxisse vocabulum. Certum est enim iuxta veterum traditiones, quod *Tyrus* septimus filiorum Iaphet, filii Noë, hanc vrbem condiderit, & à suo sumptum vocabulo nomen eidem indiderit. Quanta huius ciuitatis priscis temporibus gloria fuerit, ex verbis Ezechielis prophetæ manifestè est colligere, cui a Domino dicitur: *Ezech. 27, 2. Et tu, fili hominis, assume super Tyrum planctum: & dices Tyro quæ habitat in circuitu maris, negotiatio populorum, ad insulas multas. Tu dixisti, perfecti decoris ego sum, & in corde maris sita: finitimi tui, qui te edificauerunt, impleuerunt decorem tuum, abietibus de Sanir, & exstruxerunt te cum omnibus tabulatis maris. Cedrum de Libano tulerunt, ut facerent tibi malum: quercus de Basan dolauerunt in remos tuos, transstra tua fecerunt ex ebore Indico, & pratoriola de Insulis Italiae. Byssus varia de Ægypto texta est tibi in velum, ut poneretur in malo. Iacynthus & purpura de insulis Elisæ facta sunt operimentum tuum.* Et *Esaias*: *Transite maria, E. 2, 23, 6. ululate qui habitat in Insula. Nunquid non hæc vestra est, quæ gloriabatur à diebus pristinis in antiquitate sua? Ducent eam pedes sui longè ad peregrinandum. Quis cogitauit hoc super Tyrum, quondam coronatam, cuius negotiatores principes, insitatores eius inclyti terræ?* Ex hac etiam & *Hyram*, Salomonis cooperador ad ædificium tēpli Domini, Rex fuit: & *Appollonius*, gesta cuius celebrem & latè vulgatam habent historiā. Ex hac nihilominus vrbe fuit *Abdimus* adolescēs, *Abdæmonis* filius, qui Salomonis omnia sophismata & verba parabolarum ænigmatica, quæ *Hyram* regi Tyriorum soluenda mittebat, mirā soluebat subtilitate: de quo ita legitur in Iosepho Antiquitatum libro octauo: *Ateminuit horum duorum Regum, Menander, qui ex Phœnica lingua Antiquitates Tyriorum in vocem conuertit Hella dicam, ita dicens: Moriente Abibalo, successit in eius regnum filius eius*

AAAA 3

*Hiram, qui cum vixisset annis quinquaginta tribus, regnavit triginta quatuor. Huius temporibus erat Abdimus, Abdeemonis filius in vinculis, qui semper propositiones quas imperasset Hierosolymorum Rex, euincebat. Et iterum infra: Adiecit ad hoc, Regem Hierosolymorum Salomonem misisse ad Hiram Tyri Regem figuras quasdam, & petuisse ab eo solutionem, ita ut si non posset discernere, soluenti pecunias daret: cumq; fateretur Hiram, se non posse illas soluere, multaq; foret pecuniarum detrimenta passurus, per Abdimum quendam Tyrium, quæ proposita fuerant, sunt absoluta; & alia ab eo proposita, quæ si Salomon non solueret regi Hiram, multas pecunias daret. Et hic fortasse est quem fabulosè popularium narrationes Marcolsum vocant, de quo dicitur quòd Salomonis soluebat ænigmata, & ei respòdebat, æquipollenter iterum soluenda proponens. Hæc eadem & Origenis corpus occultat, sicut oculatâ fide etiam hodie licet inspicere. Et Hieronymus Pammachio & Oceazarano scribens in ea epistola quæ sic incipit, *Scedula quas misistis*, hoc ipsum asserit dicens: *Centum & quinquaginta præpè anni sunt hodie, ex quo Origenes Tyri mortuus est.* Sed & si ad Euangelicam recurramus historiam, hæc eadem nihilominus & illam admirabilem genuit *Chananeam*, cuius pro filia, quæ malè à dæmonio vexabatur, supplicantis magnitudinem fidei commendat Saluator dicens: *Mulier, magna est fides tua:* quæ conciuium filiabus admirandæ fidei, & commendabilis patientiæ monumenta relinquens, prima docuit, ut in numeribus fidei, charitatis & spei, *CHRISTVM* Salvatorem deprecarentur, iuxta verbum Prophetæ dicentis: *Filia Tyri in muneribus cultum tuum deprecabuntur.* Est autem & Phœnicis vniuersæ metropolis, quæ inter Syriæ provincias & bonorum penè omnium commoditate, & incolarum frequentia primum semper obtinuit locum. Porro aduertendum est, quòd hoc nomen *Syria*, aliquando largiùs, ut sit nomen totius; aliquando strictiùs, ut parti tantùm conueniat, accipitur: sed aliquando cum adiectione dicitur, & notat partes, sicuti manifestiùs dicitur. *Syria* ergo maior multas provincias infra suum continet ambitum: à Tygride enim habens initium, vsque in Ægyptum protenditur, & à Cilicia vsque in mare Rubrum: cuius ab inferiori parte, quæ est inter Tygridem & Euphratem, prima eius partium *Mesopotamia* est, quæ quia inter duo flumina sita est, *Mesopotamia* dicitur: quasi quæ inter duo flumina iaceat: *potamos* enim Græcè, Latine *fluvius* dicitur: quæ quia Syriæ pars est, iccirco frequèter in Scripturis *Mesopotamia Syria* dicitur. Post hæc verò eiusdem Syriæ, *Cælessyria* regio, maxima portio est, in qua *Antiochia*, ciuitas illa nobilis, cum suis suffraganeis vrbibus sita est: Cui, quasi à septentrione, vtrique *Cilicia* contermina est, quæ eiusdem Syriæ sunt partes. Ab Austro verò *Phœnicis* statim coniungitur, inter partes eius præcipua, quæ olim, per multa tempora, simplex fuit & vniiformis; nunc autem in duas diuisa est: quarum prima *maritima* dicitur, cuius metropolis est *Tyrus*, vnde nobis est sermo; vrbes habens quatuordecim suffraganeas; à riuo Valaniæ, qui est sub castro Margath, habens initium, finem autem ad Lapidem incisum, qui hodie dicitur *Districum*, iuxta vetustissimam vrbem quæ dicitur *Tyrus antiqua*. Vrbes autem quæ infra hanc provinciam continentur, sunt hæ: ab Austro nouissima *Porfyria*, quæ alio nomine dicitur *Heffa*, vulgari verò appellatione *Caisas*; secunda *Ptolomaida*, quæ alio etiam nomine dicitur *Accon*; tertia ab Oriente *Pancas*, quæ est *Cæsarea Philippi*; quarta à Septentrione *Sarepta*, quinta *Sydon*, sexta *Berythum*, septima *Biblum*, octaua *Botrium*, nona *Tripolis*, decima *Artusia*, vndecima *Archis*, duodecima *Arados*, tertiadecima *Antarados*, quartadecima *Maraclea*. Altera verò Phœnicis dicitur *Libanica*, cuius metropolis est *Damascus*, quæ etiâ aliquando dicitur *Syria*: ut ibi, *Caput Syria Damascus*: Hæc iterum Phœnicis postea diuisa est in duas portiones; quarum altera dicitur *Damascena*; altera verò, *Emisena*. Sunt etiam & Syriæ partes vtrique *Arabia*: prima, cuius metropolis est *Bostrum*; secunda, cuius metropolis est *Petra deserti*. Sed & *Syria Sobal*, eiusdem Syriæ maioris pars est, cuius est metropolis *Sobal*. Nihilominus & tres *Palestina*, eiusdem Syriæ partes sunt: prima, cuius est metropolis *Hierosolyma*, quæ propriè appellatur *Iudæa*; secunda, cuius metropolis est *Cæsarea maritima*; tertia, cuius metropolis est *Scythopolis*, quæ alio nomine dicitur *Bethsam*, cuius hodie locum tenet *Nazareth*. *Idumæa* quoque huius eiusdem Syriæ maioris, pars est nouissima, ad Ægyptum respiciens. Erat autem prædicta ciuitas non solum munitissima, ut prædiximus, sed etiam fertilitate præcipuâ, & amœnitate quasi singularis: nam licet in ipso mari sita sit, & in modum insulæ*

tota

Matth. 15.
28.

Psalm. 44, 14.

II.

Zsai. 7, 8.

III.

tota fluctibus ambiatur; habet tamen pro foribus latifundium per omnia commen-
 dabile, & planiciem sibi continuam diuinitis glebæ & opimi soli, multas ciuibus mi-
 nistrans commoditates: quæ licet modica videatur, respectu aliarum regionū, exi-
 guitatem suam multâ redimit vbertate; & infinita iugera multiplici fecunditate
 compensat. Nec tamen tantis artatur angustiis: protenditur enim in Austrū versus
 Ptolemaidam, vsque ad eum locum qui hodie vulgò dicitur *Districum Scandarionis*,
 miliaribus quatuor aut quinque; è regione in Septentrionem, versus Sareptam &
 Sydonem iterum porrigitur totidem miliaribus: in latitudinem verò, vbi minimū,
 ad duo; vbi plurimum, ad tria habēs miliaria. In hac eadem fontes sunt plurimi, qui
 10 perspicuas & salubres emanant aquas; & gratâ temperie cōtra immoderatos æstus
 præstant refrigerium. Inter quos præstantissimus, & famæ titulis celeberrimus, de
 quo etiam & Salomon in canticis cecinisse dicitur: *Fons ortorum, puteus aquarum viuen-* Cant. 4, 15.
tium, quæ fluunt impetu de Libano. Hic licet in humiliore totius regionis parte, fluento-
 rum suorum habeat originem; & non ex montibus, sicut alii plerunq; fontes, sed ex
 20 ipsis abyssi cataractis scaturire videatur: tamen curâ & manu artifice in superas elar-
 tus auras, totam circumquaq; regionem affluenter irrigat, & suæ visitationis bene-
 ficio ad vsus multiplices reddit fecundam. Erectus est ergò, & in sublime deductus
 miro opere lapideo, ferri duritiem imitante, ad altitudinem cubitorū decem; & qui
 in imo situ naturali, non multum poterat esse vtilis, artificio contra naturam obti-
 nente factus sublimior, vniuersæ regioni se gratum præstat, & ad prouentus fi-
 ctuarios aquas porrigit affluenter. Accedentibus, & facti miraculum volentibus
 intueri, turris exterius videtur eminentior, nec fontis aliquam prætendit effigiem:
 vbi verò ad eius peruentum est fastigium, collectarum est videre quasi cumulum
 aquarum, quæ inde per aquæductus eiusdem altitudinis, sed & miræ soliditatis, ad
 circumiacentem se transferunt regionem. Præparata sunt nihilominus ad eius sum-
 mum ascendere cupientibus, ascensoria per gradus eadem soliditate lapideâ, qui-
 bus etiam equites sine difficultate possint ad eius prouchi superiora. Procuratur au-
 tem adiacenti regioni ex eius beneficio miranda commoditas; ita vt non solū or-
 30 tos, & lignis fructiferis insita, & amœnitate præcipuâ nutriat pomeria; verū & ca-
 namellas, vnde præciosissima vsibus & salutis mortalium necessaria maximè, confi-
 citur zachara: vnde per institores ad vltimas orbis partes deportatur. Sed & virri ge-
 nus elegantissimum, & in eodem rerum genere facilè obtinens principatum, de a-
 rena quæ in eadem planicie colligitur, mirabiliter conficitur, quod inde ad remotas
 etiam delatum prouincias, aptam vasis mirabilibus, & perspicuâ sinceritate præci-
 puis materiam præbet: vnde & nomen vrbis longè ad exteras nationes porrigitur
 celebre, & multiplici fœnore lucrum accrescit institoribus. Nec solū his cōmo-
 ditatibus, verū & munitione incōparabili prædita erat ciuitas, sicut in sequētib;
 40 dicetur: vnde ob id quòd munitissima erat, tantisq; cōmoditatibus abundas, Ægy-
 ptiorum principi, omnium ferè potentissimo, qui omnē regionē à Laodicia Syriæ
 vsq; in arentem Lybiâ libero possidebat imperio, grata erat & accepta, & eam quasi
 regnorū suorum robur & domiciliū suum reputans, victu, armis, & viris armipotē-
 tibus diligenter cōmunierat, arbitrans *reliqui corporis in tuto partes consistere, si capitis sa-*
lutem inuitolatam possēt cōseruare. Igitur quinto decimo Kal. Martii, vt prædiximus, IV.
 vterq; noster exercitus ad prædictam applicuit ciuitatem, & eam quantum potuit,
 obsidione vallauit. Sita autem est hæc eadem ciuitas; iuxta verbum Prophetæ, in *Ezech. 27, 3,*
corde maris, ita vt pelago vndique ambiatur, nisi in modico spaciò, quārum arcus sa-
 gittam iaculari possit. Tradunt seniores, eam aliquando insulam, & à solida terra o-
 mnino separatā fuisse: sed obsidens eam aliquando Assyriorum potentissimus prin-
 cept *Nabuchodonosor*, voluit eam solo continuare, sed opus non consummauit: huius
 50 quoque obsidionis *Ezechiel* Propheta memoriam facit, dicens: *Ecce ego adducā ad Ty-* Ezech. 26, 7.
rum Nabugodonosor, regem Babylonis ab Aquilone, regem regum, cum equis & curribus
& equitibus, & cœtu populoq; magno: filias tuas quæ sunt in agro, gladio interficiet, & circum-
dabit te munitionibus, & comportabit in gyro, & leuabit contra te clypeum & lanceam, & cæ-
tera. Huius obsidionis in decimo Antiquitatum *Iosephus* memoriam facit, dicens:
Sed etiam Diocles in secundo Coloniarum libro meminit huius regis. Et Philostratus in In-
dicis & Phœnicibus historiis dicit: Quia Rex iste obsedit Tyrum annis tribus, & mensi-
bus decem, cum illo tempore in Tyro regnabat Ioatabalus. Post eum verò *Alexander*

Macedo, continuauit eam solo; & continuatam violenter occupauit. Cuius obsidionis idem *Iosephus* in vndecimo libro Antiquitatum memoriam facit, dicens: *Alexander autem ad Syriam veniens, Damascus cepit, & subiugata Sydone, Tyrum obsidebat.* Et infra: *Quapropter in obsidione intentius perseuerans, expugnauit: cumq; eam cepisset, ad ciuitatem Gazam peruenit.* Et infra: *Septem autem mensibus in obsidione transactis, & duobus in Gaza, Sanabala mortuus est.* Obsederat autem & eam prius *Salmanassar*, & inuaserat Phœnicen vniuersam. De hoc autem memoriam facit *Iosephus* in nono libro Antiquitatum, dicens: *Pugnauit enim aduersus Tyrum, cum in ea regnaret Helisæus: de quibus testatur & Menander, qui temporum facta conscripsit, & Tyriorum antiquitatem in Græcam linguam conuertens, sic ait: Helisæus nomine, regnauit annis triginta sex: hic recedentibus Cuthæis nauigans reduxit eos, contra quos denuò Salmanassar Assyriorum rex insurgens, cunctam Phœnicem bellis inuasit: qui factâ pace cum omnibus, post terga sua reuersus est. Recessit autem à Tyro ciuitas Sydon, & Arche, & antiqua Tyrus, & multæ aliæ vrbes, quæ semetipsas Assyriorum regi tradiderunt: quapropter Tyriis non subiectis, denuò Rex aduersus eos egressus est, Phœnicibus exhibentibus ei naues sexaginta, & remiges* octoginta: contra quos Tyrii nauigantes in duodecim nauibus, dispersis hostium nauibus, capere captiuos viros quingentos, vnde honor Tyriorum propter hoc creuit eximiè. Reuertens autem Assyriorum Rex, disposuit custodias super fluiuium & aquaductus ciuium, ut Tyrios haurire pocula prohiberet: & dum hoc quinq; annis fuisset factum, tulerunt de effosis puteis bibentes aquam. Hæc in archiuis Tyriorum de Salmanassar Assyriorum rege scripta sunt.* Sic ergo, ut diximus, quasi insula est præfata ciuitas, 20 procellosum circa se habens mare, latentibus scopulis & nimia inæqualitate periculofum: ita ut peregrinis & ignaris locorum, ad urbem nauigantibus periculofum sit accedere; & nisi ducem habeant, qui adiacentis maris habeat notitiam, non nisi cum naufragio vrbi possunt appropinquare. Erat autem ex parte maritima per circuitum muro clausa gemino, turres habens altitudinis congruæ proportionaliter distantes. Ab Oriente verò, vnde est per terras accessus, muro clausa triplici, cum turribus miræ altitudinis, densis admodum, & propè se contingentibus: Præterea & vallum latè patens, per quod facilè eius ciues possent mare introducere in alterutrum. A parte verò Septentrionali portus ciuitatis interior, inter turres geminas habet ostium, infra mœnia tamen receptus: nam exterius insula fluctibus obiecta, 30 æstuantis pelagi primos frangens impetus, inter se & solum tutam nauibus præbet stationem, ventis inaccessam, soli tamen obnoxiam Aquiloni. Classe ergo in eam partem inductâ, & in tranquillo locatâ, exercituq; pomeria vrbi vicina tenente, castris quoq; per circuitum collocatis, exitus introitusq; ciuibz negant, & solis mœnibus cogunt esse contentos. Erat autem prædicta ciuitas duos habens dominos: nã *Ægyptius Calypha* tanquam maior dominus, duas habebat eius portiones: *Damascenorum* verò regi, quia vicinior erat, ne eam molestaret; immo etiam ut in necessitatibus ciuium, eis auxilii sui ministraret suffragia, tertiam concessit. Erant autem in ea ciues nobiles & pecuniosi valdè, quippè qui continuis nauigationibus vniuersas penè mediterraneo mari adiacentes prouincias, gratiâ commerciorum, peregrinis 40 mercibus & multiplicibus diuitiis urbem repleuerant. Confugerant ad eam præterea, intuitu munitiois eius, de Cæsarea, Ptolemaida, Sydone, Biblio, Tripoli, & aliis maritimis vrbibus, quæ in nostram iam deuenierant potestatem, ciues inclyti & locupletes, ibiq; domicilia multa sibi precio comparauerant: impossibile penitus arbitantes, quòd vrbs tam munita in nostrorum ditionem, aliquo casu posset descendere. Vnicum enim & singulare totius regionis, sicuti etiam est hodie, videbatur esse præsidium, & robur incomparabile. Compositis ergo sarcinis, & rebus ad quandam commoditatem locatis, iuxta portum naues vniuersas educunt ad sicum, exceptâ vnâ galeâ, quæ semper ad suspectos casus, qui emergere poterant, erat parata: quo factò, ducto vallo profundo conuenienter à mari superiori ad inferius, 50 vniuersum claudunt exercitum. Tunc sumptâ de nauibus conueniente materiâ, vnde secum Veneti multam detulerant copiam, conuocatis artificibus, varii generis erigunt machinas. Dominus sane *Patriarcha* cum Regni Principibus, vicem domini Regis obtinens, lignorum cæsores, & architecturæ peritos conuocans, subiectâ pro votis materiâ, castellum ædificari præcipit multæ altitudinis: vnde cum his qui in turribus erant, pugnari posset quasi cominus, & urbem totam liceret intueri. Machinas nihilominus iaculatorias fabricari præcepit, quibus magnis molaribus turres

- turres & mœnia concutiantur, & ciuibus terror inferatur. Dux etiam cum suis partem regiam æmulantes, eiusdem generis erigunt machinas, locisq; competentibus componunt erectas. Instant ergo cœpto, cum omni sollicitudine, operi, & proposito urgent non deficientes ab incepto; sed magis ac magis accensi, ciues artant, & de machinis vrbi molestias inferunt incessanter. Assultibus quoque & congressionibus assiduis, obsessis requiem negant. Ciues nihilominus vt se tueantur solliciti, cuncta discutiunt, vt à se nostrorum propulsent iniurias, & hostibus damna inferant. Erigunt ergo ipsi de intus è regione machinas, & saxis ingentibus earum iactu libratis, castella nostra sine intermissione cedunt; & circa ea regionem, timore molarium emissorum, ita sibi vendicant propriam, vt nemo de nostris ibi auderet immorari; sed & eos quibus conseruandi machinas fors dederat necessitatem, vt non nisi cum cursu celerrimo ad eas auderent accedere, nec in eis nisi cum maximo discrimine commorari. Qui autem in excelsis turribus erant constituti, arcubus & ballistis tantam inferebant his, qui in castellis & circa machinas eos impugnabant, iaculorum & sagittarum multitudinem, tantoq; instabāt saxorum pugillarum iactu, vt vix etiam manus auderent exerere. Nostris etiā qui in castellis erant, æquipollenter nimis ictus ictibus recōpensantes, vim vi repellentes, tantam his qui in turribus & supra muros erant positi, ingerebant laboris necessitatē, vt sapius in die permutari, belli pondus sustinere non possent. Qui autem in machinis erant, docentibus his
- 10 qui iaculandi peritiam erant assecuti, tantis viribus, tantoq; conamine ingentia torquebant saxa, vt muris illis, vel turribus, vniuersa cōcuterent, & penè traherent in ruinam. Excitabatur de collis lapidibus & cemento dissoluto puluistam immensus, vt his qui in mœnibus & supra turres erant, quasi nubes interposita, nostrorum negaret aspectum. Si qui autem de missis lapidibus turres aut mœnia prateribant, in urbem cum impetu lapsi, ædificia magna cum habitatoribus in minuta redigebant fragmenta. Qui autem in campo, tam pedites quàm equites præliabantur, animosè viriliterq; singulis penè diebus cum his, qui de vrbe ad pugnam egrediebantur, conferebant; nostris plerunque, interiores ad cōmittendum irritātib; ciuibus nonnunquam, spontē etiam, in obsidentes facientibus irruptiones. Cum igitur
- 20 ita diebus singulis, ancipiti Marte, nostri nunc de machinis, nunc circa portā cum ciuibus experirentur, & quantā poterant instantiā sese mutuò prouocarent: vocatus à Regni principibus cū honesto comitatu affuit, dominus *Pontius* Tripolitanus comes; in cuius aduētu nostrorum visæ sunt vires quasi geminatæ, multiplicata audacia; hostibus verò è conuerso illata formido, & quasi desperatio resistendi. Erant autē in eadem ciuitate de Damascenis equites septingenti, qui ciuibus nobilibus, mollibus & delicatis, & in re militari non multum exercitatis, sui exemplo animos ad resistendum ministrabant, & in seipsis prompto animo suffragia debita largiebantur. Tamen hi etiā vidētes nostrorum vires & conatus singulis diebus in melius proficere, opes verò ciuium sensim comminui, vires quotidie periclitari, fieri cœ-
- 30 perunt tepidiores, & *onus quod portare non poterant, sapienter declinare*: ita tamen, vt nec ciuibus deditionem persuaderent, nec multum de viribus præsumendum esse hortarentur. Porro in ciuitatem, sicut hodie etiā est, vnicus erat introitus, & porta singularis: nam, vt prædiximus, ciuitas tota quasi insula, fretis vndiq; ambitur, excepto loco quodam angusto, per quē est accessus ad portam, in quo sine intermissione tā equitum quàm peditum erant conflictus vari, sicut in huiusmodi solet contingere plerunque euentu. Interea dum hæc apud Tyrum aguntur, *Ascalonitæ* videntes
- 40 regnum militiæ viribus desolatum, omneq; robur regionis apud Tyrum in obsidione detineri, sumptā occasione ex tempore cum vniuersa militia, trāscursā planicie, quæ media iacet, ad montes, in quibus Hierosolyma sita est, festinanter properant; arbitantes prædictam urbem felicissimam, vacuum reperire; & de eius habitatoribus aliquos incautiùs egredientes, secum posse trahere captiuos. Accedentes ergo ex improviso nimis, quosdam de ciuibus per agros & vineas improvidè se habentes, occiderunt, circiter octo. Ciues autem, etsi pauci numero, tamen fide feruentes, zelo iustissimo pro patria, pro liberis & vxoribus succensi, armis correptis, urbem egrediuntur, vnanimiter hostibus occurrentes. Et cum trium horarū spacio se mutuo conspexissent, nostris non audentibus in eos irruere, cum nō nisi pedites haberent: videntes *Ascalonitæ*, quod ibi non possent absq; periculo moram facere;

VII.

VIII.

nec erat tutum cum gente obstinata, atque ad resistendum animosius præparata, iuxta urbem congregari, parant reditum cum velocitate. Nostri autem eos cautiùs aliquantulum insecuti, retentis ex hostium equis decem & septem, de militibus quatuor, quadraginta duos ex eis interficiunt: consummatoque feliciter negocio, cum plena sospitate domum reuersi sunt. At Tyrenses interea crebris vigiliis, assiduus conflictibus, & labore continuo fatigati, rariùs accedunt ad prælia, remissiùs occurrunt officiis sibi deputatis: stupentes supra modum, quod ciuitas, quæ singulis penè diebus cum terrestri tum marino populorum frequentabatur accessu; omnibusque commodis utroque accessu consueuerat cumulari, in tam arto sederet posita, ut neque ciuibus, neque exteris introitus pateret aut exitus; quodque victus deficeret, & alimoniarum iam penè nullum esset residuum: habito consilio ad Ægyptium Calypham, & Damascenorum regem scribunt epistolas, monentes & deprecantes anxie, quatinus rebus eorum iam penè desperatis, maturè subueniant: instantiam significant hostium, & vires & animos singulis diebus ampliores; suorum defectum, alimentorum inopiam, angustias importabiles. Quo facto, in spem erecti aliquantulum, prædictorum Principum prætolantes subsidia, ad resistendum pro more solito se inuitant. Et licet ex eis plures letaliter saucii, pugnare ipsi non possent, alios tamen verbis quibus possunt ad resistendum hortantur. Nunciatur interea, quod Damascenorum Rex *Doldequinus* obsessorum epistolis & legatione motus, cum innumera Turcorum manu, & copiosissimo equitatu à finibus Damascenis egressus, in diocesi Tyria, secus fluuium castrametatus fuerat. Erat autem idem fluuius à ciuitate Tyrensi, vix quatuor distans miliaribus. Dicebatur etiam, quod classis Ægyptia, maior solito, & armatis instructior, ciuibus deferens & subsidia militum, & victui necessaria, intra triduum esset affutura. Asserebatur nihilominus, Damascenorum regem, & militum maiora præstolari suffragia; & ad hoc fluminis transitum, & cum nostris congressum prudenter differre, donec classis veniat, ut eo nobiscum dimicante, classis liberum & sine difficultate ad urbem habeat accessum. Quo audito, nostri communicato consilio & partibus prouidâ deliberatione libratis, optimum ducunt, vniuersum exercitum in tres partes diuidere, ita ut equites omnes & stipendiarii pedites, vnâ cum domino Comite Tripolitano, & domino *Wilelmo de Buris*, regio Constabulario, & regni negotiorum procuratore, de castris egrediantur; & cum opus fuerit Damasceno occurrant, cum eo auctore Domino pugnaturi: Dux autem cum suis galeas conscendant, & classi aduenienti occurrentes, cum eis belli tentent fortunam, & tanquam viri strenui, gladiis viriliter experiantur: Ciuēs autem, qui de vniuersis regni urbibus ad eandem obsidionem conuenerant, cum parte Venetorum maxima, machinas & castella vigilanter seruent; & ita efficiant, ut & de castellis non remittatur manus pugnantium, nec machinæ desinant solitos impulsus importuniùs inferre, & ante portam indeficiens habeatur conflictus. Placuit verbum vniuersis, & statim sicuti videbatur expedire, effectui mancipatur. Egrediuntur enim *Comes Tripolitanus*, & *Regius Constabularius*, cum vniuersa militia hostibus obuiâ: & cum processissent quasi ad duo miliaria, hostes nullatenus ausi sunt comparere. Certum tamen erat, quod secus fluuium prædictum castra locauerat *Doldequinus*, ab initio cor gerens & animum transeundi: sed audiens nostros, quorundam relatione, tam prudenti usus consilio, periculosum ducit cum viris tam prudentibus, tamque strenuis temerè dimicare; sed tubis clangentibus suos conuocat, imperat ad propria regressum. Dux autem classe instructâ & paratâ, usque *Alexandrium* descendit; qui locus à prædicta ciuitate quasi sex distat miliaribus, qui hodie vulgari appellatione dicitur *Scandarium*. Cognoscentes autem, quod Rex Damascenorum ad propria remeasset, & quod classis expectatæ nullum comparebat signum, iterum repositis in littore galeis, omnes in castra se recipiunt, & ciuium impugnationi vehementiùs instant. Factum est autem vnâ die, quod quidam iuuenes de ciuitate, ut se in populo suo commendabiliores redderent, & perennem sibi acquirerent apud posteros gloriam, mutuò se obligantes compromiserunt, quod clam ad nostra castra egredientes, machinas & nostra castella succenderent. Quod verbum effectui mancipantes, clam ab urbe egredientes, incendium machinæ, quæ nobis utilior erat, supposuerunt. Quod videntes nostri, ad arma conuolant, & aquis copiosè ministratis, ignibus tentant resistere. Factumque est ibi quiddam admiranda-

admiratione & relatione dignum. Quidam enim iuuenis probitatis eximiae & admirandae virtutis, videns machinam succensam, constanter ascendit super eam, & aquas porrectas desuper infundebat. Quod videntes qui in turribus erant, arcus habentes & balistas, omnes in eum manus dirigunt; iacentesque certatim in eum, qui positus erat quasi signum ad sagittam, operam consumpserunt: nam tota illa die in propria carne nullam sensit penitus laesionem. Qui autem ignem subiecerant, à nostris comprehensi, omnes ultore gladio confossi, suis cernentibus interierunt. Porro videtes nostri, quod machina interior lapides magnae quantitatis, in castella nostra ita directe iacularetur; & quod vtrunq; ex magna parte laeserat; quodq; non esset in castris qui dirigendi machinas, & torquendi lapides, plenam haberet peritiā, vocātes quendam de Antiochia, Armenium natione, *Haumedic* nomine, qui in ea facultate dicebatur instructissimus, subito receperunt eum: qui tantā arte in dirigendo machinas, & ex eis missos molares contorquendo utebatur, ut quicquid ei pro signo deputaretur, id statim sine difficultate contereret. Qui postquam ad exercitum peruenit, designatum est ei honestum de publico salarium, unde se pro modo suo magnifice poterat exhibere: tantaq; deinceps operi ad quod vocatus est instituit diligentiam, tantaq; arte usus est in facto, ut non solum ciuibus continuatum, sed de nouo videretur bellum illatum, & molestiae duplicatae in eius aduentu. Dum hæc Tyri aguntur, *Balac*, potentissimus Turcorum satrapa, in cuius vinculis dominus Rex tenebatur, ciuitatem *Hierapolim* obsidet: dumq; in obsidione perseueraret, vocauit ad se eiusdem ciuitatis dominum, verbis pacificis in dolo: qui simplex & nimium credulus, verbis illius fidem habens, suam statim exhibuit praesentiam: quem ante se constitutum, *Balac* statim praecipit decollari. Audiens ergo *Ioscelinus* senior, Comes Edessanus, quod *Balac* ciuitatem sibi vicinam obsideret, timensque ne priore domino expulso, durior ei pararetur aduersarius, conuocatā tum ex partibus Antiochenis, tum ex suis ingenti militiā, ei obuiam ire festinat: inuentoque eius exercitu, agminibus suis in acies ordinatis, repente irruit super eum; conuersoque in fugam eius exercitu, ipsum casu obuium habuit: quem gladio transuerberans, ad terram deiecit, deiectoque caput amputauit, nesciens tamen quod hic esset Princeps exercitus. Hic planè manifestam habuit eiusdem *Balac* somnii interpretationem: nam verè oculos dici potest quis illi eruisse, cuius caput amputans, videndi viuendiq; finem indicit. Statimque sicut vir circumspectissimus erat, & cui nihil ad plenam deerat experientiam, eiusdem Principis caput, ut nostros de sua prosperitate exhalaresceret & victoria, per quendam adolescentem dirigit, & per Antiochiam, ut nec hos nec illos tanti successus sineret esse expertes, ad nostrum praecipit exercitum festinare: qui adueniens corda satiauit vniuersorum, & in supremam erexit lætitiā. Dominus verò Comes Tripolitanus *Pontius*, qui in ea expeditione cum suis domino Patriarchæ, & aliis principibus, tanquam vnus de vernaculis, obediens semper extitit, & ad publica negotia humiliter expeditus, ob reuerentiam domini Comitis, qui eum miserat, & tantæ legationis dignitatem, ad equestrem promouit ordinem, arma ei conferens militaria. Hæc postquam nostris qui in expeditione erant, comperta sunt, erectis in cælum manibus, cœperunt laudare, benedicere & glorificare *DEVM*, qui *terribilis est in consiliis super filios hominum*. Tunc demum zelo maiore accensus noster exercitus, quasi reparatis viribus, receptoque denuò spiritu, ad opus inceptum feruentius accingitur, crebrisque cōgressionibus omnem obsessis negant requiem. Ciues autem, alimentis iam penitus consumptis, fame periculosissime laborantes, cum iam nullā spe subsidii fouerentur, remissius se habebant. Accidit autem semel, quod quidam iuuenes de ciuitate, natandi habilitatem habentes multam, de portu egressi interiore, in exteriorem nando peruenientes ad galeam illam, quam superius diximus in mari semper esse paratam, fune quem secum deportauerant, eidem firmiter alligato, eisque incis, quibus galea tenebatur defixa, redeuntes in urbem secum cœperunt trahere quam firmiter alligauerant: quod videntes qui in castellis erant ad speculam deputati, clamare cœperunt, quo excitati nostri, ad littus conuolant: sed antequam de remedio plenius deliberarent, præfati iuuenes eam infra urbem iam receperant: cum autem in ea quinque viri essent, qui ad eius erant custodiam deputati, vno occiso, reliqui quatuor se in mare præcipites dederunt, unde enatando, ad

XI.

Psalm. 124.

- XII. littus peruenerunt incolumes. Porro *Ascalonia* velut culices inquieti, in nocendi proposito perseverantes, videntes Regni robur circa Tyrum in obsidione detineri; regionem autem vniuersam militiâ vacuam, irruptionibus expositam; collectis viribus iterum ad montana Iudææ vnanimiter conscendunt; ibiq; iuxta Hierosolymam locum à Septentrione positum ab eadem Hierosolyma quinque aut sex miliaribus distantem, *Bilin* dictum, qui hodie celebriori vocabulo *Mahomeria* appellatur, subito inuadunt, & occupant violenter: eiusque incolis ex maxima parte interemptis gladio, senes cū mulieribus & paruulis in turrim se recipientes, mortis euaserunt discrimen. Illi verò totam adiacentem regionem liberis discursibus peragrantes, nemine contradicente, quocunque obuiam reperiunt, aut vinculis 10 mancipant, aut obtruncant gladiis, in prouinciales pro libero arbitrio debacchantes.
- XIII. Interea *Tyrus* famis importunitate solito vehementius laborantes, alias ingrediuntur vias; & iam per conuenticula coeuntes, tractare incipiunt, quomodo his molestiis quas patiuntur, finem imponant: commodius esse dicentes, vrbe hostibus traditâ, ad alias, liberos, suæ gentis ciuitates posse transire, quàm fame tabescere; quàm vxores cum liberis, ipsis cernentibus, nec opem ferre valentibus, inopiâ liqueferi. Tandem post huiusmodi perturbas tractatus, verbum de communi consensu ad maiores natu, & vrbis moderatores & ad publicum defertur. Congregataque ciuitate vniuersâ, verbum in publico auditorio proponitur & tractatur diligentiùs. Stat omnibus sententia, tantis malis finem imponere; & quocunque ca- 20 sù, quibuscunque conditionibus ad obtinendam pacem perueniendum. Porro *Damascenorum Rex*, ciuium calamitate permotus, & quòd supremo defectu laborarent audiens, eorum compassus molestiis, conuocatis vndique militaribus copiis, ad mare descendit, vbi & priùs fuerat; circa fluuium vrbi prædictæ vicinum castrametatur. Quod audientes nostri, suspectum habentes eius aduentum, iterum se instruunt, quasi prælium pro foribus expectantes: vrbi tamen, propositum nihilominus non deferentes, instant incessanter. Rex interim *Damascenorum* legatos, cum verbis pacificis, ad nostri capitaneos exercitus, ad dominum videlicet *Patriarcham*, ad dominum *Ducem Venetiæ*, ad dominum *Comitem Tripolitanum*, ad dominum 30 *Wilelmum de Buris*, & ad reliquos regni procères, dirigit viros prudentes & discretos, qui viam pacis prætentarent. Tandem post multas altercationes, parti placuit vtrique, vt concessio ciuibus cum vxoribus & liberis, & omni substantia egressu libero, ciuitas Christianis tradatur. Si qui autem de ciuibus in eadem ciuitate magis optarent commorari, iis, saluis possessionibus & domiciliis, libera commorandi licentia concedatur. Populus sanè & secundæ classis homines, intelligentes quòd his ciuitas conditionibus traderetur, quòd de hoc verbo inter Principes tractaretur agrè ferentes, quodque violenter effracta eis ad manubias & prædam non pateret, operas vnanimiter bellicis necessitatibus subtrahere decreuerunt, parati à Principibus omnino dissentire: præualuit tamen maiorum mens sanior; & vrbe receptâ, data est ciuibus libera egrediendi, sicut pactis conuenerat, facultas. In signû 40 ergo victoriæ super eam turrim, quæ portæ ciuitatis imminet, positum est domini Regis vexillum: super eam autem quæ dicitur *viridis*, domini Ducis Venetiæ; super eam autem quæ dicitur turris *Tanaria*, domini Comitis Tripolitani, cum multa gloria sunt collocata vexilla. Porro prius quàm ciuitas aut caperetur, aut obsideretur, maxima pars eius dioceseos in nostrorum deuenerat potestatem: ita quòd omnia montana quæ vrbi adiacent, tam in castris quàm in suburbiis, penè vsque ad Libanum quidam nobilis & potens homo, qui in montibus habitabat, *Henfredus* videlicet *de Torono*, iunioris Henfredi, qui postea factus est regius Cōstabularius, pater, vsque penè ad quartum vel quintum ab vrbe lapidem, quietè possidebat, castrum habens in eisdem montibus naturali situ & artificio munitissimum, vnde prædictis ci- 50 uibus frequentes & subitas inferebat molestias: sed & dominus Tyberiadensis, dominus *Wilelmus de Buris*, regius Cōstabularius, & ante eum dominus *Ioscelinus* Comes Edessanus, qui prædictæ ciuitatis dominus fuerat, in eisdem montibus possessiones habebant amplissimas, vnde etiam frequentius, & ex improviso vrbi prædictæ periculosas moliebantur insidias: nihilominus & ab Austro dominus Rex *Balduinus*, bonæ memoriæ, prædecessor istius, in littore maris iuxta fontem salubrem & perspicuum, castrum fundauerat, *Alexandrium* nomine, ab vrbe Tyrensi sex aut septem

septem distās miliaribus. Quibus molestiis vrbs prædicta, multo ante tempore crebrius fatigata, maiorem in se oppugnandi, eam obsidentibus præstitit facultatem. Dicitur autem in eadē expeditione vitā decessisse, vir venerabilis *Odo* nomine, qui ad titulum eiusdem ecclesiæ, vrbe adhuc ab hostibus detentā, ordinatus fuerat Metropolitānus, & à Patriarcha Hierosolymitano consecratus dicebatur. Egressi XIV. ergo ciues longā obsidione fatigati, subleuandi gratiā tædii ad castra nostra deproperant, considerantes diligentius, quisnam esset populus iste tam ferreus, tam laboris patiens, tam in vsu armorum edoctus, qui tam egregiam ciuitatē, & tam munitam urbem intra menses paucos, ad supremam redegisset inopiam, & extremas
10 subire conditiones compulisset: intueri libet machinarum formam, castellorum proceritatem, armorum genus, castrorum positionem, Principum etiam nomina diligentius inuestigare, cunctaq; cum sollicitudine percunctari, vt inde posteris fide plenas, certā relatione texere possint historias. Nostri quoq; ciuitatem ingressi, vrbs munionem, ædificiorum robur, turrium eminētiam, murorum soliditatem, portus elegantiam, introitus difficultatem admitantes, ciuium etiam commendant constantiam, qui in tanta famis necessitate positi, & tantā laborantes inediā, deditionem eō vsq; protraxerāt: nā ciuitate à nostris receptā, non nisi quinq; modii frumenti in ciuitate reperti sunt. Et licet primā facie durum plebeis visum foret, quod prædictis conuentionibus ciuitas in nostram deueniret potestatem, consequenter
20 tamen placere incipit: cōmendatur labor impensus; & perpete dignum memoriā opus credunt, quod eorum laboribus & sumptibus est consummatum. Tripartitā ergo ciuitate, duabus domino Regi, tertiā Venetis secundum quod pactis prius fuerat insertum, assignatā, cum multa lætitia & plena iocūditate, singuli ad propria remeant. Capta est autem eadē ciuitas, & nomini restituta Christiano, tertio Kal. Iulii, A. D.
anno ab incarnatione Domini M. C. XXIV. Regni verò domini *Balduini*, regis Hierosolymorum, secundi, anno sexto. 1124.
Eodem anno, quarto Kal. Septembris, dominus Rex Hierosolymorū *Balduinus*, cū quasi mēsis decē & octo, vel amplius aliquid, apud hostes detentus fuisset in vinculis, pactā pro se pecuniā, obsidibus datis, libertatem precio interueniente cōsecutus, Domino auctore, *Antiochiam* reuer-
30 sus est. Dicitur autem summa pro se pactæ pecuniæ fuisse centum milia Michaelitarum, quæ moneta, in regionibus illis, in publicis commerciis & rerum venalium foro, principatū tenebat. Reuersus igitur Antiochiā, anxius quomodo pactā soluere posset pecuniā, & suos ad se reuocare obsides, cum prudētioribus deliberat, quid ad suum expeditum facere possit. Igitur persuasum est ei, vt *Halapiā*, alimentorum inopiā laborantem & quasi penē vacuam, obsideat; eaq; viā faciliē obtinere posse, vt ciuibz obsidione angustiatz, aut obsides sibi restituant, aut pecuniam cōferentes tantam summam tribuant, quantā pro sui liberatione ab initio pepigerat. Conuenit ergo apud eum, publicē conuocatā vniuersā de toto principatu militiā; urbem prædictam obsidet, & legionibus vt mos est per gyrum collocatis, ciuibz introitus ne-
40 gat & exitus, modicosq; cibos secum ponere ciues violenter compellit. Illi verò Orientalibus, & maximē qui trans Euphraten erant, crebris de suā necessitate epistolis significant, nisi maturē subueniant, urbem in proximo ruituram. Habentes ergo Principes illi pro vrbe amica sollicitudinē, certatim vires cōuocant, & de communi ministrato auxilio militares congregant copias; tandemq; Euphrate transmissio accelerant, omnem dantes operā, vt prædictam urbem obsidionis liberēt molestiā. Erant autē qui in subsidium venerant obsessorū, equitum septem milia, exceptis iis qui & sarcinarum & impedimentorum curam gerebant, & vernaculis, qui maioribus dominis debitum impendebant obsequium. Rex verò, & qui in expeditione secum erant, intelligentes, quod tanta esset hostium multitudo aduenientium, arbitratz, commodiūs esse retrocedendo, in tuto se & suas expeditiones locare, quàm
50 temerē cum hostium turbis validioribus congredi: antequā venirent ad urbem eorum expeditiones, nostri in quoddam castrum suum munitum, *Ceperum* nomine, se receperant, vnde Antiochiam pariter conuenientes, diuisi sunt ab inuicem, domino Rege cum familiari comitatu Hierosolymam reuerso: vbi ab vniuerso clero & populo, tanquam diu desideratus, cum multa susceptus honorificentia, plebi & patribz, quasi post actum biennium, acceptabilem suam intulit præsentiam. Eodem anno dominus *Calixtus*, bonæ memoriæ Papa secundus, vitā decessit, cui substitu-

BBB

xvi.

rus est quidam *Lambertus*, patriâ Bononiensis, Hostiensis Episcopus, qui dictus est *Honorius*. Hic electus est sub contentione, cum quodam *Theobaldo* presbytero Cardinali, tituli sanctæ Anastasiæ: & quia electio ipsius Honorii minus canonicè processerat, post duodecim dies in conspectu fratrum, mitram & mantum spontè refutavit, atque deposuit. Fratres verò tam Episcopi, quàm presbyteri & diaconi cardinales, vidètes ipsius humilitatem, & prospicientes in posterum, ne in Romanam Ecclesiam aliquam induceret novitatem, quod perperam factum fuerat, in melius reformarunt, & eundem Honorium denuò auctorizantes, ad eius vestigia prociderunt, & tanquam pastori suo & vniuersali Papæ, consuetam obedientiam sibi exhibere. Interea domino Rege Hierosolymis existente, crebris nunciatur legationibus, quendam inter Orientales principes potentissimum, *Bursequinum* nomine, congregatâ ex finibus Orientalibus ingenti militiâ, transito Euphrate, in partes peruenisse Antiochenas. Hic regionem pro arbitrio, nemine prohibente, discurrens, quicquid extra vrbes & munita poterat reperire præsidia, tradebat incendiis, & suis ad prædam exposuerat vniuersa. Huic cum procures Antiocheni resistere, sæpius frustra vires experti, attentassent, videntes quòd non proficerent, domino Regi, cui multo antè Principatus curam commiserant, id ipsum significant, orantes instantius, vt dilatione postpositâ, ad se venire procuraret. Rex autem geminâ fatigatus curâ, Regni videlicet & Principatus, in Regno, cui multo ampliùs obligatus fuerat, minus impèdebat sollicitudinis. Principatus enim molestiis sæpius euocatus, omnè penè iam per decennium ibi & operam & opes consumpserat, ita quòd in negotiis eorum versatus, in propria persona captus fuerat, per biennium ferè continuum indignè satis hostium vincula passus, & carceres: nam in Regno, protegente eum manu diuinâ, nihil ei prorsus sinistri acciderat; sed omnia prosperè & fœliciter in manu eius dirigebar electorum *Regum consolator Dominus*: tamen propositum cum omni reuerentia volens obseruare, collectâ quantam habere potuit militiâ, ad partes illas festinus accessit. Prædictus verò *Bursequinus*, sicuti vir potens erat, & in armis multam habens experientiam, adiuncto sibi Damascenorum rege *Doldequino*, ante Regis aduentum, quem ab Antiochenis citatum nouerat, castrum obsidet nomine *Caphardan*, & obsessos interiùs, multis compulsos molestiis, ad deditionem, conditionibus de salute conseruanda interpositis, compulit. Inde minorem Syriam pertrâsiens, sperans similibus abundare successibus, *Sardanum* oppidum obsidione vallat. Sed cum per dies aliquot operam ibi consumpsisset, videns se non posse proficere, insigne oppidum *Hafard* nomine, minus tamen munitum, apponit obsidere: dumque ibi machinas erigit & bellicos instruit apparatus, vires in damnum obsessorum experiens, ecce Rex, & Comes cum eo Tripolitanus, nec non & Edessanus, cum ingentibus copiis adsunt, obsessis opem, auctore Domino, in proximo collaturi. Qui postquâ ad hostes incepterunt accedere, tres ex se ordinauerunt acies; quarû in prima, quæ in dextro erat cornu, Antiochenos locant procures; in secunda verò quæ in sinistro erat ordinata latere, vtrunq; cum suis cõstituunt Comitem; in medio verò, dominum Regem. Erant autem eis, equites mille & centum; peditum autem duo millia. *Bursequinus* verò nostrorum videns aduentum, & pro certo sciens, quod ad congregiendum statim more prudentum erant parati, videns quod honestè bellum declinare non posset, instituit & ipse acies viginti: dicebantur enim equitum esse quindecim milia. Ordinatis ergo hinc inde cohortibus, & in ordinem dispositis, & contra se mutuò accedentibus, irruunt in se, hostium more, vehementius; & armis proteruo studio vicissim illatis stragem inferunt, mortem modis pluribus irrogantes: *solet enim in huiusmodi conflictibus odiorum incentiuum & inimicitiarum semitem dare maiorem, sacrilegii & legis contemptæ dolor: aliter enim & demissius solet inter consortes eiusdem legis & fidei pugna committi; aliter inter discipulos & contradictores habentes traditiones: hic enim sufficit ad materiam iugis scandali, & perpetuorum iurgiorum, quod in eiusdem fidei articulis non communicant, & si nulla alia sit odiorum materia.* Congredientes ergo prædictæ acies instant proteruius in alterutrû: sed diuinâ præsentem clementiâ, (cui non est difficile cum paucis multos superare; cuius sermo est de suis: *Vnus mille, & duo fugabunt decem millia*;) præualuit pars nostra; & hostibus in fugam conuersis victoriâ de cœlis concessâ, gloriosissimè potiti sunt. Dicuntur autem in eo conflictu hostium cecidisse duo milia, de nostris verò viginti quatuor. *Bursequinus autem*

Deut. 32, 30.

autem videns, quod longè aliter quàm ratus fuerat, ei accidisset, cōfusione indutus & reuerentiā transito Euphrate, non iam ambulans in mirabilibus super se, ad propria reuersus est. Rex autem tum ex hostium spoliis, tum ex fidelium & amicorum suorum liberalitate, ingenti collectā pecuniā, filiam suam quinquennem, quā pro se obsidem dederat, solutā pecuniā recepit; sumptaq; ab Antiochenis ad tempus licentiā, sospes victorq; Hierosolymam reuersus est. Eodem anno Rex super urbem *Berytensem* in montanis castrum vnum, cui *mons Glauianus* nomen, fundauit. Per xvii. idem tempus elapso pacis temporalis, & inīti fœderis spacio, quod inter dominum Regem & *Doldequinum*, interuentu pecuniæ prius conuenerat, sociatā sibi de vniuerso Regno militiā, in terram *Damascenorum* Rex ingreditur: vbi regionem liberis peragrans discursibus, suburbana quēdam diruit; eorumque habitatores secum deducens, prædam maximam & spolia de hostibus referens vberima, sospes & incolumis in sua se recepit. Necdumq; dissolutis cohortibus vix elapso triduo, nunciatur, Ægyptiorum exercitum cum ingenti apparatu ad urbem *Ascalonam* accessisse: erat enim Ægyptiis consuetudo per annos singulos quater ad eandem ciuitatem nouas expeditiones dirigere; vt viribus continuè reparatis, sustinere possent assiduos nostrorum conflictus, & penè continuas quæ sæpius irrogabantur iniurias. His autem qui noui recentesque venerant, mos erat & consuetudo; vt nostrorum plurimum affectarent cōgressus, experiri cupientes nostrorum vires, & de sua probitate certa ciuibus dare argumenta: vnde & frequentius in bellicis congressionibus ex eis plures, & capi consueuerant, & gladiis interire sæpius, tanquam regionis ignari, & armorum plenam non assecuti experientiam; veteranis ciuibus, nostrorū prudentius declinantibus occursum, & remissius insectantibus aliquando fugientes. Quod postquam domino Regi nunciatum est, magis continuata quàm renouata expeditione, illuc celerrimè contendit: quò cū peruenisset, ipse cum fortioribus & magis strenuis loco ad id congruo se locat in insidiis, leuis armaturæ præmissis militibus, qui discursionibus vagis vrbanoꝝ irritent animos, & prouocent ad insectandum. At verò ciues videntes liberis discursionibus per loca vrbi contermina nostros euagari, indignè ferentes nimium eorum tantam audaciam, certatim arma corripiunt; & egressi imprudēter seorsum per manipulos, nostros spontè terga dantes, in fugam vertunt. Fugientes quoq; sequentes imprudentius, vsque ad locum, vbi Rex cū electa militia latebat in insidiis, peruenerunt. Rex autem opportunitatem non respuens oblatam, & qui cum eo erant, ei fideliter adherentes, hostes ad urbem redire volentes præueniunt, cum eisque cominus conferentes, gladiis instant animosius; & antequā in urbem se recipiāt, quadraginta ex eis passim obtruncant, cæteris in urbem confugientibus, & vix intra mœnia saluari se credentibus. Qui autem ceciderunt, strenuos fuisse, & de nobilioribus, ciuium lamenta & eiulatus in ciuitate solito amplior, docuerunt. Rex autem tubis clangentibus, & tympanorum strepitu suis ad se reuocatis, cum ingenti latitia prope urbem castrametatus, totā nocte ibidem victor quieuit; inde sospes Hierosolymā reuersus est. Se-
 40^o quenti verò anno, qui erat ab incarnatione Domini *millesimus centesimus vicesimus sextus*, regni verò eiusdem domini *Baldvini* octauus, mense Ianuario, congregatus est de mandato domini Regis & Principum, vniuersi regni populus, à maximo vsque ad minimum, voce præconiā, per vrbes singulas: & infra paucos dies, collectū est vniuersi Regni robur, quasi vir vnus, iuxta urbem *Tyberiadensem*, quasi in fines *Damascenorum* ex condicō ingressuri. Quò peruenientes, signis commoti militaribus, compolitis sarcinis, & agminibus ordine incedentibus, peragrata *Decapolis* regione, terras hostium ingrediuntur: inde vallem angustam, quæ dicitur *Cauea Roob*, vsque ad campestria *Medan* transierunt. Est autem planicies longè lateque
 50^o patens, prospectibus libera, per quam fluuius, *Dan* nomine, transiens, inter *Tyberiadem* & *Scythopolim*, quæ olim dicta est *Bethsan*, *Jordanem* influit. Arbitrantur autem quidam, qui & nominis iuuantur argumento, quòd iste sit fluuius, qui Iordani præstat vltimam nominis partem: nam quicquid in mare descendit Galileæ, & inde egreditur, vsque ad istius fluminis influentiam, *Ior* dicunt: reliquum verò quod exinde defluit, *Jordanem* esse dicunt, quasi *Ior* & *Dan* commixtis. *Beda* tamen, & quidam alii nostri doctores, auctoritatis præcipuæ, vtrunque fontem iuxta Casaream *Philippi*, ad radices *Libani* sitam, originem dicunt habere: quorum alter *Ior*, alter

dicitur *Dan*: ex quibus Iordanis fluentia contrahens, totus inde in stagnum *Genesar*, quod est *mare Galilea*, descendit; & inde totus egrediens, per miliaria penè centum, in lacum *Asphaltites*, qui alio nomine dicitur *Mare salissimum*, vallem sulcans *Illustrum*, se infundit. Prædicta ergo campestria noster pertransiens exercitus, vsque ad vicum, cui nomen *Salome*, peruenit. Erat autem locus is, sicut & hodie, Christianis deputatus habitatoribus: vnde nostri loco parcentes, habitatoribus eius quasi fratribus vsi, ad locum cui nomen *Mergisafar*, ordinatis cohortibus, & militiâ locis congruis deputatâ, contendunt. Dicitur autem idem esse locus, in quo *Saulus*, lupus rapax, ecclesiæ Dei persecutor, vocem audiuit dicentis: *Saule, Saule, quid me persequeris?* & cætera. Videtur autem diuinitus procuratum, vt in eo loco, in quo hæc acciderant, eadem die quâ hæc eadem accidisse dicebantur, vt ex persecutore fieret vas electionis, fidelium exercitus illuc perueniret. Illic ergo congregati, per biduum sustinentes, castra Damascenorum contra se posita non longius intuentur. Tertiâ demum die conuenientes adinuicem, ordinato hinc inde & diligentius instructo præliandi apparatu, arma conferunt ex vtraq; parte nimis hostiliter; & paribus quasi congressibus incedentes, ancipitem diu de victoria protraxerunt sententiam. Rex tamen more solito hostibus instans atrocius, strenuorum quem vocat ex nomine; & verbis simul & exemplo commonens, ad stragem inuitat, & victoriam pollicetur. Illi verò stricto gladio hostibus incumbentes, Regem quoad posunt, strenuè nimis imitari nituntur; & fidei zelum habentes, diuinam simul & suas vlcisci nituntur iniurias. At verò *Doldequinus* suos nihilominus dictis animat, & ad pugnam promissis incendit, asserens eos *iustum bellum gerere pro vxoribus & liberis; & pro libertate, quod maius est, proq; solo patrio cum pradonibus decertare*. His & similibus insistunt non inferiore spiritu, viribus non imparibus. Porro pedestres manipuli, domini Regis & equitum exemplis edocti, in ipsas hostium acies acrius se ingerunt, & insistunt animosius; si quos de hostibus lapsos vel faucios reperiunt, gladiis obtruncant, euadendi vias intercludunt; nostros verò deiectos erigunt, & restitunt ad conflictum; faucios verò remittunt ad sarcinas, vt sui curam possint habere: quodq; amplius hostilibus turbis illâ die damnosum fuisse creditur, quidam equis hostium fauciandis omnem dabant operam, eorumq; sessorum subsequētibus sociis parabant ad victimam. Rex verò in condensis hostium cuneis, strenuis quibusdam, & illustribus comitatus, quasi leo fulminat, & à dextris & à læua stragem operans ipsis victoribus miserabilem. Non legitur apud nos vsque ad illum diem, tam periculoso & ancipiti certamine desudatum esse: nam cum ab hora diei tertia, vsque in decimam protractum esset prælium, vix horâ vndenâ discerni poterat, vtra pars meliorem esset reportatura calculum. Tandem, opitulante diuinâ clementiâ, & intercedente pro eis Doctore gentium egregio, hostes in fugam versi sunt, suorum stragem perpeffi seculis memorabilem. Dicuntur ex eis cecidisse illâ die plusquam duo milia: de nostris verò recensito tam equitum quàm peditum numero, inuentum est, de equitibus viginti quatuor cecidisse; de pedestribus verò, octoginta. Sic ergo nostris diuinitus collatâ victoriâ, Rex victor agonis campum obtinuit. Vnde cum lætitia & gratiarum actionibus educens exercitum, ad propria cœpit habere regressum. Dumq; in itinere esset, turrim habens obuiam, in qua nonaginta sex de hostibus, gratiâ salutis, se receperant, eam violenter impugnant, & hostes comprehensos gladiis vitam finire compellunt. Inde etiam procedentes, aliam nihilominus turrim occupant violenter, viginti de hostibus, qui ad eam conseruandam erant deputati, indulgentes vitam, eò quòd nostris turrim prædictam sine difficultate tradiderant: quam celerius suffodientes, cum ingenti strepitu ad terram deiiciunt penitus dissolutam. Vnde multiplici & seculis memorandâ potiti victoriâ, ad propria cum gaudio remearunt. Per idem tempus dominus *Pontius Tripolitanus* Comes, urbem *Rasaneam* finibus suis conterminam, videns propositum effectui mancipabile, obsidere proponit: sed vt facilius conceptum assequatur, dominum Regem Hierosolymorum, vt & præsentiam suam exhibeat, & opem conferat, & literis sollicitat, & frequentibus nunciis hortatur. Rex autem vt impiger erat, & populi Christiani communibus fideliter obtemperans negotiis, assumpto sibi honesto comitatu, illuc sine dilatione properat: quò perueniens, Comitē ad prædictum opus reperit succinctum: vnde machinas & quæ ad impugnandam urbem poterant

poterant esse necessaria, viaticumq; ad dies aliquot sufficientem assumentes, præmissis pedestribus alis, ad partes destinatas expeditiones suas dirigunt. Quò peruenientes, urbem iuxta propositum obsidione vallant, primo statim eorum aduentu ciuibus introitum negantes & exitum. Erat autem ciuitas, tum situ naturali, tum etiam inhabitantium paupertate munita modicum; multisque fatigata molestiis, diu resistere non poterat. Nam idem Comes in monte quodam illi contermino præsidium ædificauerat; cuius incolæ urbē prædictam, continuis opprimentes angustiis, usque ad supremum penè defectum eos compulerant. Cùm ergo diebus decem & octo eam vehementius impugnassent, ciues ad deditionem compulerunt, indulto
10 prius sibi & vxoribus & liberis libero exitu, & indemnitate promissâ. Est autē prædicta *Rapfanea* in prouincia Apamiensi, vna de suffraganeis eius: capta est autē vltimo Martii die. Rex verò Hierosolymam reuersus, ibi Paschales cum multa deuotione celebrauit dies. Per idem tempus Dominus *Henricus* Romanorum imperator vltimum fato clausit diem: cui substitutus est vir per omnia commendabilis, Saxonix dux dominus *Lotharius*, qui postmodum in Apuliam cum infinito descendens exercitu, vniuersam usque ad Farum regionē violenter occupauit, ducem in Apulia constituens, prouidū virum & discretū, *Reinonem* nomine: *Rogerum* autē comitem, qui terram illam violēter occupauerat, in Siciliam fugere cōpulit, quam postmodum discedente Imperatore recuperans, pugnavit cum prædicto *Reinone*, eoque
20 defuncto ducatum obtinuit; postmodum etiam Siciliæ & vniuersæ prouinciæ Rex effectus est. Porro domino Rege apud Tyrum moram faciēte, ecce nuncius ab
xx. Antiochia properans, literis & viuâ voce astruit, immanissimum nostræ fidei persecutorem *Bursequinum* cum ingenti apparatu in partes Cœlesyriæ descendisse; oppida obsidere, suburbana nemine prohibente, passim & sine delectu incendere, eorum habitatores trahere captiuos, vxores verò & liberos mācipare seruituti. Quod Rex audiens, quamuis Ægyptios suspectos haberet, & cum ingenti classe quam parauerant, in proximo venturos non dubitaret: tamen *more prudētis medici, qui ubi violentiorem morbi sentit instantiam, illic properat aptare remedia*: neglectis aliis, maiori occurrens necessitati, ad partes illas celerius contendit. Quod audiens *Bursequinus*,
30 obsidionem quam circa *Cerepum* nobile oppidum cum ingenti cura locauerat, cōtinuò soluit, in vltiores fines hostium retrocedens. Priusquam tamen Rex adueniret, municipium quoddam nō magni nominis violenter ceperat, in quo mulierculas quasdā cum liberis suis captiuauerat: nam viri qui in eodem obsessi fuerant, cum multa difficultate & periculis, eorum manus euaserant, malentes soli salutem fugā reperire, quàm cum vxoribus & liberis eodem captiuitatis iugo miserabiliter inuolui. Postmodum autem prædictus impius & maledictionis hæres *Bursequinus* à domesticis & familiaribus suis gladiis cōfossus, interiit, nequitiarum suarum femina simul & fructus impietatis, opere suo recolligens. At verò dum hæc geruntur in partibus Antiochenis, *classis Ægyptia*, sicut & prænunciatum fuerat, galeis viginti
40 quatuor vniuersam oram maritimā perlustrantes, usque ad urbem *Berytensem* descenderunt, explorantes sollicitè, si quid in aliquâ nostrarū urbium damni possent irrogare; aut si quos fortè incautè prætereuntes, vel accedentes in Syriā, ex improviso, quasi de insidiis egressi, possent occupare: tandē verò potus inopiā laborantes, sitis necessitate cōpulsi, vt aquas hauriant, ad terrā secus fluenta descenderunt: quibus occurrens populus ciuitatis cū quibusdā aliis, qui de finitimis urbibus ad eorū conuenerant subsidium, ab aquis eos violenter repulerunt, aquæ vsum omnino cōtradigentes: sed & armis instantes animosius, in naues eos violēter compulerunt redire, centū & triginta ex eis gladio peremptis. Autumno sequente, dominus *Boamundus* iunior, domini Boamundi senioris filius, princeps Tarentinus, inito pacto,
50 & cōposito fœdere cum domino *Guilermo* duce Apulię patruo suo, de futura successionē, videlicet tali, vt *uter eorum prior vitâ decederet, alter ei succederet in vniuersum*: paratis nauibus, galeis videlicet decem, & duodecim aliis ad sarcinas & impedimenta deuehenda, & arma simul & victualia transferenda opportunis, iter in Syriam dirigit, de domini Regis fide præsumens, vt ei aduenienti, & paternam reposcenti hereditatem nō negaret. Aduenienti igitur, & infra fauces *Orontis* fluminis classe iam in tuto receptâ, postquam domino Regi compertum est, cum magnatibus regionis ei processit obuiam; & Antiochiam ingressō, urbem & regionē benignè ei restituit

vniuersam, cuius cura peruigil & anxia nimis sollicitudo eum per annos macerauerat octo. Restituto igitur Principatu, vniuersi proceres & magnates regionis præsentem domino Rege, & monente, fidelitatem ligiam in palatio suo illi exhibuerunt. Postmodum interuentu quorundam utrique parti familiarium factum est, quod dominus Rex vnam de filiabus suis *Halim* nomine, natu secundam, placitis utrinque conditionibus, ei concederet vxorē, ut amplior inter eos gratia & amica magis portio intercederet. Erat autem dominus *Boamundus* adolescē, quasi annorum decem & octo, formæ venustate conspicuus, procerus admodum, crine flauo vultu fauorabili, & qui verè Principem, etiam ignorantibus, indicaret: sermone gratus, & qui verbo audientium animos facili sibi conciliaret: liberalis plurimum, & more patris verè magnificus; secundum carnem nulli mortalium nobilitate secundus; quippe cui *Boamundus senior*, domini Roberti Guischari illustris & per secula viri memorabilis filius pater erat; mater verò, spectabilis & nobilissima inter illustres *Constantia*, excellentis regis Francorum Philippi filia. Celebratis igitur de more nuptiis, & filiā apud dominum Principem lege coniugali solemniter collocatā, Rex Hierosolymam, oneris maiore parte depositā, sospes & incolumis reuersus est. Dominus verò *Boamundus* vere sequenti oppidum *Casardan*, quod aliquot antè annis, hostes in manu forti sibi violenter subiugauerant, cōuocatis ex vniuerso Principatu militaribus copiis, & machinis ad impugnationem præsidiorum necessariis per operam artificum fabrefactis, castrum obsidet; & modico temporis interuallo violenter expugnatum recepit, nulli parcens eorum quos intus comprehendit, quamuis multo precio vitam tentarent emere, & pecuniæ interuentu obtinere salutem. Has dedit primitias, inclytus & nobilis, suæ adolescentiæ, princeps, & bonæ indolis argumenta prima. Nec morā, causis interuenientibus occultis, quātum ad nos, Deo tamen odibilibus, ortæ sunt graues inimicitiae inter eundem dominum Principem, & comitem Edeßanum *Ioscelinum* seniore: ita quod *contra bonos mores, & nostrorum disciplinam temporum, perniciosum posteris relinques exemplum, Turcos & infidelium turmas in suum conuocaret subsidium*; & eorum fretus auxilio, regionem *Antiochenam* incendiis traderet, & eius habitatoribus, CHRISTI seruis, indebitæ iugum induceret seruitutis: quodq; notabilius, & diuinā animaduersione dignius creditur, absente Principe, & hoc penitus ignorante, dum in seruitio CHRISTI hostes impugnando defudat, hæc omnia cōmissa dicuntur. Vnde prædictus *Ioscelinus* eorum omnium, ad quos sermo iste peruenit odium incurrens & indignationē, omnium maledictiones merebatur. Rex verò, famā deferente hæc audiens, sollicitus primum, ne illius occasione scissuræ, maior in nostrā confusionē hostibus pateret introitus, quia

Luc. II, 17. *Regnum in seipsum diuisum*, iuxta verbum Domini, *desolabitur*; consequenter autem, quia secundum carnem vterq; illi erat proximus: alter enim cōsobrinus materteræ filius; alter verò gener, & cui recenter desponsauerat filiam: velox ad partes illas pacem cōpositurus, aduolat; dominoq; Antiochenorum Patriarchā *Bernardo*, fidelem & deuotum cooperatorem se exhibente, pacem optimam inter eos reformauit: eò maximè opportunitatem præstante, quod medio tempore Comes grauem incurrit ægritudinem, quā periculosissimè laborans, & facti pœnitens, Domino se votis obligauit, quod si vitam indulgeret & salutem, domino Principi satisfaceret, & ei debitam fidelitatem impendens reconciliaretur: quod & factum est. Nam postquā plenam adeptus est conualescentiam, præsentibus domino Rege, domino quoque Patriarchā, reconciliatis eis adinuicem, & plenā intercedente gratiā, fidelitatem ei manualiter exhibuit, eam deinceps debito tenore, conseruans. Rex autem pace compositā, Hierosolymam reuersus est. Per idem tempus, Comes Siciliæ *Rogerus* classem galearum quadraginta multo studio paratam, ad partes Africæ dicitur direxisse: vbi earum aduentu præcognito, prouinciales præmoniti, prouidē se habentes, nullam hostibus nocendi sibi præbuerunt opportunitatem: imò è conuerso Galeas quas penes se habebant, studio non inferiore armantes, prædictos malefactores suos, infecto negotio redeuntes, cursu celerrimo persequentes, vsque in Siciliam deuecti sunt: quò peruenientes cum galeis octoginta, urbem *Syracusanam* nobilē & antiquā, longā pace desidem, securam, & nihil tale verentem, aggrediuntur subito, & prorinus occupant violenter. Impugnatā etiam vrbe, ciues obtruncant gladiis, nemini parcentes sexus intuitu vel ætatis; quibus autem parcebatur, omni

omni morte durior seruitus parabatur. Porro Episcopus loci cū paucis ecclesiæ clericis ad suburbana fugiens, vix euasit. Vere demū proximè subsecuto, quarto anno postquam ciuitas fidei restituta est Christianæ, Rex cum domino Patriarcha, & maioribus regni principibus apud *Tyrum* conuenientes, de pontifice eidem ecclesiæ ordinando cœperunt habere tractatum: tandemque dominum *Wilelmum*, virum venerabilem, ecclesiæ Dominici Sepulchri Priorem, natione Anglicum, vitâ & moribus commendabilem, eidem vrbi præficiunt. Hic iam nouit Dominus, non possumus satis gemitus cohibere: nam sicut prouerbialiter dici solet, *vbi amor, ibi oculus; vbi dolor, ibi manus*: hæc nos premunt altius, & inflicto dolore, præcordia non sinunt quiescere. Admirantes enim illius tēporis prudentiā, hæremus in nobis 10 ipsis quasi temeritatem reputantes. Nam qui biennio antequam prædicta ciuitas Christianæ restitueretur libertati, Episcopum ibi consecrauerant sibi, post modū supinā & crassā prudentiā vsque in quartum annum distulerunt eidem Antistitem prouidere: vt interim distractis ecclesiis, & cathedrali ecclesiā membris mutilatâ propriis, qui primus accederet curam habens regiminis, cum maledicto homine partem deteriorem acciperet: scriptum est enim: *Maledictus homo, qui partem suam deteriorem facit*. Prædecessor tamen ille noster, & qui postea vsque ad nos subsecuti sunt, illius maledicti meritò declinamus effectum, qui nō ipsi nobis partes fecimus deteriores; sed deteriores factas ab aliis, de necessitate suscepimus cōditiones. Par- 20 cat eis Dominus, & ad gehennā non imputet, qui ecclesiam ita tractauerunt. Porro prædictus bonæ memoriæ prædecessor noster dominus *Wilelmus*, suscepto consecrationis suę munere, à domino Hierosolymitano Patriarcha, vt pallium reciperet, inuito & renitente eodē suo consecratore, Romā profectus est: vbi a domino Papa *Honorio* secundo benignè susceptus, quod petebat obtinuit: cū multa honorificētia, & de Apostolicarum prosecutione literarum, remissus ad propria; quarum hic erat tenor: *HONORIVS Episcopus, seruus seruorū DEI, venerabilibus fratribus suffraganeis EPISCOPIS, clero & populo TYRI, salutem & Apostolicam benedictionem. Venientem ad nos karissimum fratrem nostrum Wilelmum, Archiepiscopū vestrum, debitā caritate recepimus: & quem canonicè electum, & à venerabili fratre nostro Gormundo, Hierosolymitano* 30 *Patriarcha consecratum accepimus, pallii dignitate, plenitudine videlicet pontificalis officii decorauimus. Quia verò de persona sua maximum fructum matri ecclesiæ vestræ Tyri, Diuinā suffragante misericordiā, credimus prouenturum, ipsum cum gratia sedis Apostolicæ, & nostrarum literarum prosecutione, ad vos duximus remittendum. Vniuersitati ergo vestræ mandando præcipimus, quatinus eum benignè recipiatis, & tanquā proprio Metropolitano, & animarū vestrarum episcopo, subiectionē, obedientiam & reuerentiam humiliter deferatis. HONORIVS episcopus, seruus seruorum DEI, venerabili fratri GORMVND O Hierosolymitano Patriarchæ, salutē & Apostolicam benedictionē. Susceptis fraternitatis tuæ literis, fratrē nostrum Guilelmum, quem in ecclesia Tyri cōsecrasti Archiepiscopum, benignè suscepimus, & eum dignitate pallii, plenitudine videlicet pontificalis officii, decorauimus. Suffraganeis etiam ecclesiæ suæ man-* 40 *dando præcipimus, quatinus ei tanquam proprio Metropolitano, subiectionem, obedientiam & reuerentiam deferant. Data in territorio Barenfi, octauo Idus Iulii. Misit etiam & cum eodem Archiepiscopo, dominum Egidium Tusculanum episcopum, Apostolicę sedis legatum, virum eloquentē & literatum admodum, cuius vsque hodie extant ad Antiochenos epistolæ valde celebres: per quem Antiocheno Patriarchę Bernardo epistolam scripsit, monens vt domino Tyrensi suos, quos detinebat, restitueret suffraganeos. ait enim inter cætera: Vnde per Apostolica scripta, & venerabilem fratrem nostrum Egidium, Tusculanum Episcopum, Apostolicę sedis legatum tibi mandamus, quatinus suffraganeos Tyrensis ecclesiæ sibi restituas: quod nisi infra quadraginta dies, post earum inspectionem literarum, quas ad eos direximus, debitam ei subiectionem exhibuerint, nos ex tunc eos ab officio* 50 *episcopi suspendimus. Quid autem in caussa extiterit quod à Hierosolymitano Patriarcha cōsecratus & ei obediens fuerit, cū à tempore Apostolorum vsque ad eum diem Tyrensis ecclesia Antiochenæ sedi subdita fuisse dinoscatur, sequens competentī loco subiunctus edocebit tractatus.* Anno sequenti circa Veris medium, vir illustis & magnificus, dominus *Fulco* Andegauenſium Comes, pro quo Rex de communi omnium tam ecclesiasticorum quā secularium Principum cōsilio miserat, ad hoc vt ei dominā *Milifendam* primogenitam suā, vxorem daret, apud Acco-nensem urbē applicuit cū honesto nobiliū comitatu, & apparatu opes regias exce-

dente. Venit etiam & cum eo dominus *Wilhelmus de Buris*, Regius Constabularius, qui statim à domino Rege, de hostium vinculis educto, ad citandum prædictum Comitem, cum quibusdam aliis nobilibus directus fuerat. Fuerat autem abeundi datum in mandatis, ut in anima Regis & regni Principum confidenter iuraret, quod ex quo Regnum sospes attingeret, infra quinquaginta dies, ei primogenita Regis filia cum spe regni post Regis obitum, traderetur: cui postquam applicuit, statim sine dilatione, iuxta legem pactorum, antequam adueniret sanctæ Pêrecostes in proximo futuræ celebritas, prædictam filiam suam lege tradidit maritali, eisque vrbes geminas, Tyrum videlicet & Ptolomaidam, in vita sua tradidit possidendas, quas usque ad eiusdem Regis obitum possederunt. Astitit autem prædictus Comes tan- 10
 quam vir prouidus, & discretus, domino Regi totâ vitâ suâ, fideliter in negotiis regni ingrediens & egrediens, filii deuotè implens officium: & ea quibus solent amici comparari merita, in obsequiis domini Regis, in eo non fuerunt ociosa. Eo-
 dem anno dominus *Gormundus*, bonæ memoriæ Hierosolymitanus Patriarcha, dum in pago Sydoniensi præsidium quoddam, cui *Belhasem* nomen, obsideret, quod à quibusdam detinebatur prædonibus, mortis causâ collectâ, ægritudine correptus validâ, Sydonem deportatus est: ubi inualecente ægritudine, cōditioni mortalium satisfaciens, viam vniuersæ carnis ingressus est, cum Hierosolymitanæ quasi per annos decem præfuisset ecclesiæ. Cui substitutus est vir quidam secundum carnem nobilis, sed vitâ & moribus multò nobilior, *Stephanus* nomine, Abbas sancti 20
 Ioannis de Vallea, qui locus in vrbe Carnotensi habetur. Erat autem ipse Carnotensis genere, domini Regis Balduini consanguineus. Hic eiusdem ciuitatis, ante conuersionem suam, in equestri ordine & habitu fuerat *Vicedominus*: postmodum seculo renunciâns, habitum religionis in prædicto claustro suscepit, demum suffragantibus meritis, ad regimen eiusdē ecclesiæ promotus est: in adolescentia sua liberalibus disciplinis conuenienter instructus. Qui cum orationis gratiâ & deuotionis intuitu Hierosolymam venisset, ibique transitum expectans, moram faceret, contigit quod post exequias domini Gormundi Patriarchæ, dum clerus & populus de substituendo pastore tractarent, communi omnium voto electus est. Postquam ergo consecratus est, cœpit aduersus dominum Regem quæstiones mouere 30
 difficiles, allegans, *Ioppensem* ciuitatem ad ius suum & ecclesiæ Dominicæ resurrectionis pertinere: ipsamque Sanctam ciuitatem post captam Ascalonam eodem modo ecclesiæ cessuram, de iure confirmans. Erat autem homo magnificus, in proposito constans, honestæ conuersationis, iuris sui sollicitus prosecutor. Vnde inter eum & dominum Regem graues exortæ sunt inimicitie: quarum tamen, mors immatura finem dicitur fecisse. Nam non completo biennio, in fata concessit. Opinantur nonnulli, eum veneno dato interiisse: sed nos pro certo id compertum non habemus. Traditur tamen, quod dum in lecto supremæ decubaret ægritudinis, & Rex ad eum visitandum esset ingressus, & ab eodem de eius statu quæreret, ita responderit: *Sic est nobis in presenti, domine Rex, sicuti vultis.* Anno sequenti 40
Hugo de Paganis, Magister militiæ Templi primus, & quidam alii viri religiosi, qui à domino Rege, & aliis Regni principibus ad Occidentales missi fuerant principes, ut nostrorum subsidium populos excitarent, & ad obsidionem Damascenæ vrbis, potentes specialiter inuitarent, reuersi sunt: plurimaque nobilium virorum turba, verborum illorum fidem secuti, in Regnum venerant. Vnde de eorum confisi viribus & opera, ex condicito conuenerunt omnes Orientis Christiani principes: dominus videlicet Rex *Balduinus*, dominus *Fulco* Comes Andegauenfium, dominus *Pontius* Comes Tripolitanus, dominus *Boamundus* iunior princeps Antiochenus, dominus *Ioscelinus* senior, Comes Edessanus: hi omnes communicato consilio, collectis vndique copiis militaribus, & subsidiis conuocatis, instructis agminibus certatim properant, ut egregiam & nobilem *Damascenorum* ciuitatem obsideant, obses- 50
 samque aut violenter ad deditionem compellant, aut armis cominus expugnent. Sed tantis conatibus, ex occulto, iusto tamen, iudicio Diuina occurrit prouidentia: nam cum fines Damascenorum prosperis, Deo duce, adhuc successibus attigissent, peruenientes ad locum, qui dicitur *Mergesaphar*, separauerunt se ab exercitu inferioris manus homines, quibus in castris id solet esse officii, ut pro victualibus necessariisque tam ad vsum hominum quam iumentorum alimentis per suburbana longè

longè lateq; vagantes se porrigerent. Quibus ad custodiam datus est dominus *Wilhelmus de Buris*, cum equitibus mille. Porro illi, sicut talibus solet esset consuetudo, separati ab inuicem, omnem cœperunt regionem temerè perlustrare, studiosè seorsum & sine consortibus incedentes, vt quod quisque reperiret ceteris non communicans, sibi proprium vendicaret: dumque circa hæc derinerentur occupati, & suburbana effringentes, spolia ad suos comportare nituntur, imprudenter nimis cœperunt se habere, & militarem transgredi disciplinam. Quod audiens Damascenorum princeps *Doldequinnus*, sperans sicuti accidit, incautos eos, & locorum ignaros, si subito cum suis irrueret, posse cōficere, assumptis sibi ex omni numero suorum expeditissimis, & remilitari prudentioribus, subitâ congressione nostros qui pabulatum, vt prædiximus, incautè processerant, adoritur; & imparatos, aliisque studiis dantes operam, facile vertit in fugam; dispersos passim per agros, obtruncat: nec insequi delistit, donec tam vulgus quàm robur egregiorum, qui eis ad custodiam deputati fuerant, in fugam conuertit, pluribus ex eis interemptis. Quo comperto, nostri qui in exercitu erant, ad tantam propulsandam iniuriam, & ad ultionem prosequendam parati, arma corripunt; hostibus obuiam, viriliter obstinatis animis & indignatione nimia accensis, ire parant: cum subito *virtus Diuina, quâ inuitâ, hominum non satis promouentur negotia*, tantam imbrium immisit intemperiem, tantam aëris caliginem, tantam viarum, propter aquarum abundantiam difficultatem, vt vix de vita nemine, nisi solâ aëris inclementiâ perurgente, sperare liceret. Caliginosus enim aër, & nubium densitas, ventorum etiam irregularis concursus, tonitrua & coruscationes sæpiissimæ, idipsum multo antè significauerant. *Sed ignara futuri mens hominum ceca, reuocantem non exaudiuit Diuinam longanimitatem: sed eâ inuitâ, quod impossibile est, procedere nititur.* Videntesque pro peccatis eorum immissam aëris intemperiem, reuocant de necessitate propositum: & mutatis conditionibus qui hostibus primùm terribiles, nimiumque suspecti aduenerant, nunc hoste quieto & etiam superiore facto, sibiipfis oneri erant; & ad propria redire victoriam reputabant imensam. Igitur octauo Idus Decembris, anno ab incarnatione Domini *millesimo centesimo tricesimo*, regni domini *Baldvini* duodecimo, accidit hoc, in eodem ferè loco, vbi quadriennio prius insignem & cunctis memorabilem de eisdem hostibus idem Rex obtinuerat palmam. *Mirabile est, & verè mirabile, & supra opiniones hominū, quod de sua virtute præsumentes humilias, æterne Saluator: & qui in homine confidunt, & carnem ponunt brachium suum, iaculo tuâ maledictionis, meritis exigentibus, confodis: adiutorem non querens, nec gloria cōparticipem.* Tu enim dixisti, benedicte Domine: *Gloriam meam alteri non dabo. Mihi vindictam, & ego retribuam. Percutiam, & sanabo; & ego viuere faciam; & non est qui de manu mea possit eruere.* Et verè Domine. *Nam dum Rex solis regni sui viribus, & propriâ usus militiâ, superhabundanti Diuina gratiæ se commisit totum, de hostibus sæpius insperatos reportauit triūphos; vbi verò de multitudine confidēs, hominis operâ se sublimari posse præsumpsit, & multiplicatis auxiliis de mortalium cœpit virtute confidere, gratiam subtrahens, eum suis conditionibus reliquisti. Abiit enim in multitudine confusus, qui in paucitate, Domini fretus auxilio, de hostibus faciliè consueuerat triumphare.* Sic ergo temporis diuinitus immisâ abacti intemperie, & cœlis contra eos impugnātibus, nec de suis qui hostium gladiis ceciderant sumpta est ultio, nec propositum effectui mancipare potuerunt. His ita gestis, nostri Principes ab alterutro diuisi, impossibile credentes quod inceptum prius opus, facile posset de cætero continuari, ad propria sunt reuersi. Mortuus est interim piæ memoriæ dominus *Stephanus* Patriarcha Hierosolymorum: cui successit dominus *Wilelmus*, Prior ecclesiæ Dominici Sepulchri: vir simplex, modicè literatus, formâ decorus, moralitate commendabilis; Flaminius natione, de eo loco qui dicitur *Mecine*; Regi, regni que principibus & populo vniuerso plurimùm acceptus. Postquam igitur dominus *Boamundus* Regis **XXVII.** gener, princeps Antiochenus, ab ea expeditione rediens in suam se recepit prouinciam, *Rodoan* maledictionis filius, Halapiæ princeps, Turcorum dominator potentissimus, fines Antiochenorum ingressus est. Cui cum dominus Princeps volens eum à suis arcere finibus, obuiam properasset, in Ciliciam descendit, aliis etiam tractus caussis, quæ domesticam & familiarem habebant rationem. Vbi cum in eo loco qui dicitur *Pratum palliorum*, in campestribus latè patentibus castrametatus est, hostium irruente subito multitudine, suis eum destituentibus, gladiis con-

An. D.
1130.Esai. 48. 11.
Rom. 12. 19.
Deut. 32. 39.

fossus interiit. Magnus Princeps, & DEO si vixisset amabilis, nisi mors immatura
 & fors inuida humanis eū rebus subtraxisset: quo casu populus Antiochenus men-
 te plurimum consternatus, qui sub illius regimine tutum per longa tempora se ar-
 bitrabatur posse conseruari, & de eius adolescentia supra id quā expediret præsu-
 mebat, in recidiuas iterum incidentes querimonias, vt sine Principis officio iterum
 hostibus præda fierent, communicato consilio dominum Hierosolymorum regem
 euocant. Quod postquam domino Regi nunciatum est, facti nouitate permotus,
 timens, ne pro Ducis defectu prædictæ regioni deterius aliquid contingeret, omi-
 sis propriis, cœpit aliena curare, nil reputans alienum, quod Christianis principi-
 bus accidisset; dignum etiam suâ existimans sollicitudine, quicquid populo Chri-
 stiano per labores suos posse videbat accedere, citatis gressibus Antiochiam pro-
 perat. Interea eius filia, morte mariti cognita, nequam agitata spiritu, rem concipit
 nefariam, antequam de aduentu patris quicquam perlentisceret. Vt statum sibi
 præpararet tranquilliorē, & effectui manciparet propositum, ad quendam Turco-
 rum potentissimum Ducem, nomine *Sanguinum*, nuncios dirigit, eius ope sperās, in-
 uitis patribus & vniuersâ plebe, Antiochiam sibi in perpetuum vindicare posse. Er-
 rat autem eidem ex domino Boamundo bonæ memoriæ, vnica filia, cuius nō mul-
 ta apud matrem videbatur esse gratiâ: illuc enim tota matris videbatur properare
 intentio, vt vel in viduitate consistens, vel ad secunda vota demigrans, Principa-
 tum sibi exhæredatâ filiâ, perpetuò possideret. Miserat autem & prædicto nobili vi-
 ro, per quendam familiarem suum, palefredum albissimum, argento ferratum, fre-
 no & cæteris argenteis faleris redimitum, *exameto* coopertum albissimo, vt in omni-
 bus candor niueus consonaret. Qui nuncius in itinere casu interceptus, & in do-
 mini Regis constitutus præsentia, facti seriem confessus, viarum suarum fructus
 colligens, supremo supplicio vitam finiuit. Rex itaque Antiochiam ob prædicta
 quæ acciderant infortunia properans, illucque perueniens in ciuitatem, filiâ pro-
 hibente non est admissus, cauteriatâ quæ timens conscientiam, etiam patris arbi-
 trium verebatur: suis ergo complicibus & quos pecuniâ corruerat ciuitatem tra-
 dens, omninò resistere moliebatur, & tyrannidem suam liberiùs exercere. Sed ac-
 cidit ei longè secus à proposito. Nam in eadem ciuitate erant viri timentes DEVM, 30
 infanientis foeminæ contemnentes proteruiam: quorum vnus erat *Petrus Latinator*,
 monachus sancti Pauli, & *Wilelmus de Aduersa*. Hi consentientibus aliis, dominum
 Regem occultis vocant internunciis, & ex condicito dominum *Fulconem*, Andega-
 uensium Comitem, in porta Ducis locant; dominum verò Comitem *Ioscelinum*, in
 porta sancti Pauli: deinde aditus referāt, Regem introducunt. Quo cognito, Prin-
 cipissa in arcem contendit: vnde postmodum à prudentioribus, & quibus plenam
 fidem habebat, euocata, ante patris præsentiam se constituit, eius arbitrio paritu-
 ra. Pater verò, licet pro commisso grauiorem aduersus eam indignationis motum
 conceperat, tamen interuenientium prece deuictus, & paterno non destitutus af-
 fectu, réceptâ Antiochiâ, ne filia simile aliquando attentaret, *Laodiciam* & *Gabulum* 40
 vrbes maritimas ei concessit, quas tamen maritus supremo iudicio ei ob donatio-
 nem propter nuptias destinauerat. Ordinatis igitur illius ciuitatis negotiis, & curâ
 Principibus concessâ, reuocante eum domesticâ sollicitudine, Hierosolymam re-
 uersus est: sumptis tamen priùs, tam maiorum quàm minorum fidelitatibus, & cor-
 poraliter iuramentis: quòd vel eo viuentē, vel post eius obitum Antiochiam cum
 suis pertinentiis, *Constantiæ* pupillæ, domini Boamundi iunioris filiæ, fideliter con-
 seruarent. Verebatur enim propriæ filiæ suæ malitiam, ne prædictam pupillam
 xxix. tentaret, sicut & priùs fecerat, exhæredem facere. Reuersus ergo Hierosoly-
 mam, decidit in grauē nimis ægritudinē: vidensque sibi mortis imminere diem,
 egressus de proprio palatio, supplex & humilis in conspectu Domini, Regio statu 50
 deposito, in domū domini Patriarchæ, quia loco Dominicæ resurrectionis erat vi-
 cinior, se transferri præcepit: spem habens in eo, qui mortem ibi deuicerat, quòd
 suæ resurrectionis faceret eum participem. Ibi que accitis filiâ & genero, pueroque
 Balduino iâ bimulo, coram positis domino Patriarcha, & ecclesiârū prælatis, & de
 Principibus nonnullis, qui fortè aderant, Regni curam & plenam eis tradidit pote-
 statem, more pii Principis paternâ eis benedictione indultâ. Ipse verò CHRISTI
 verus confessor, habitum religionis assumens, & vitam regularem professus, si vi-
 ueret,

ueret, ei qui spirituū pater est, tradidit spiritum, cum piis principibus, auctore Domino, præmia percepturus. Mortuus est autem anno ab incarnatione Domini, *millesimo centesimo tricesimo primo*, regni verò eius tertio decimo, mense Augusto, vice-^{A. Dn.} simâ primâ die mensis: sepultus est autem inter prædecessores suos piæ recordatio-^{1131.} nis Reges, sub monte Caluariæ, ante locum qui dicitur *Golgotha*, multâ suorum curâ & solemnibus obsequiis, regiâ dignis magnificentiâ. Cuius vsque in præsentem diē ob egregiâ fidem & opera insignia, memoria est in benedictione apud omnes.

EXPLICIT LIBER TERTIVSDECIMVS.

10



INCIPIVNT CAPITVLA LIBRI XIV.

- I. *Quis moribus, & quibus mādribus editus fuerit dominus Fulco, tertius Hierosolymorum Rex.*
- II. *Quòd antequam vocaretur à domino*
20 *Baldwino Rege, causâ peregrinationis Hierosolymam venerat: & de eius in Regem promotione.*
- III. *Senior Ioscelinus Edeffanus Comes, aeger in lētica hostibus occurrit: & obtentâ victoriâ carne soluitur: & de filio eius Ioscelino.*
- IV. *Rex vocatur ab Antiochenis: & malicia Principissæ aperitur.*
- V. *Properanti Antiochiam, Comes Tri-*
30 *politanius se opponit: sed à Rege deuincitur. Res Antiochena in tuto collocatur.*
- VI. *Iterum ab Antiochenis reuocatur. Sanguinus in finibus Tripolitanis castrum quoddam obsidet: Rex sororis interuentu, obsidionem soluit.*
- VII. *Rex Antiochiam properat: hostes qui conuenerant in fugam vertit: hostium spoliis ditantur Antiocheni.*
- VIII. *Hierosolymitanus Patriarcha &*
40 *Regni principes præsidium fundant valde necessarium, cui nomen Castrum Arnaldi.*
- IX. *De Regis consilio mittitur ad Raimundum Pictauiensium Comititis filium, qui Constantiam Boamudi filiam ducat uxorem.*
- X. *Bernardus Antiochenus Patriarcha moritur: Radulphus Mamistanus archiepiscopus ei succedit, cum tumultu.*
- XI. *Papa Honorius vitâ decessit: substituitur ei Innocentius: oritur schisma pericu-*
50 *losum. Wilhelmus Tyrensis Archiepiscopus carne migrat: Fulcherius ei substituitur: Romam proficiscitur: pallium petit & obtinet.*
- XII. *Præcipit Romana ecclesia, ut idem obediat Hierosolymitano Pontifici: & eum locum obtineat apud eum, quem prius obtinuerat apud Antiochenos.*
- XIII. *Mandatur eius suffraganeis, ut ei obediant: & ad hoc plures diriguntur epistolæ.*
- XIV. *Aperitur unde & ex qua causa hac inter duos Patriarchas orta sit controuersia: & quâ ratione se quisque tueatur.*
- XV. *Comes Ioppensis apud Regem accusatur: & grandis in regno excitatur tumultus.*
- XVI. *Galterius Casariensis Comitem ad duellum prouocat: ille se ad hostes confert: à suis destituitur.*
- XVII. *Ciuitas Ioppensis obsidetur: Regni Principes de pace tractant: Belinas interim ab hostibus capitur.*
- XVIII. *Comes Ioppensis apud Hierosolymam malitiosè vulneratur: fit tumultus iterum: sed receptâ conualescentiâ, ex condic-
to mare transit.*
- XIX. *Fit treuga cum Damasценis: Restituuntur captiui, qui apud Belinas capti fuerāt.*
- XX. *Raimundus Pictauiensium Comititis filius occultus accedit, & Antiochiam perueniens, Boamundi filiam Constantiam uxorem ducit, inuitâ & renitente Principissâ, eiusdem puellæ matre: & obtinet principatum.*
- XXI. *Quis, & qualis, & ex qua maiorum prosapia fuerit Raimundus, describitur.*
- XXII. *Ad comprimendam Ascalonitarum insolentiam Rex castrum adificat, cui nomen Gybelin, quod alio nomine Bersabee dicitur.*
- XXIII. *Comes Tripolitanus proditione quorundam ex suis iuxta Montem Peregrinum occiditur: successit ei filius Raimundus: necem paternam ulciscitur.*
- XXIV. *Ioannes Imperator Constantinopolitanus, versus Antiochiam properans, Ciliciam occupat vniuersam.*
- XXV. *Sanguinus castrū cui nomē Montferantus, obsidet: Rex cum Comite Tripolitano obsidionem querit soluere: sed deficiunt: & victi, Comes capitur, Rex in castrum se recipit.*

XXVI. Sanguinus iterum castrū obsidet :
obseſſi finitimos ad ſubſidium undiq; euocant.

XXVII. Bezzenge Damascenorum pro-
curator, Neapolim incendit, & depopulatur.

XXVIII. Feſtinatur ad Regis ſubſidium;
ſed obſeſſis maiores interim inferuntur mole-
ſtie.

XXIX. Adeſt ſubſidium : ſed interim
Rex ad deditionem inclinatur: & paſtis initis,
ſoſpes ad propria regreditur.

XXX. Princeps Antiochiam reuerſus, vr-
bem obſeſſam reperit : Imperatori totis viribus
contradicat: ſed tandem quorundam internen-
tu, eidem reconciliatur.

EXPLICIUNT CAPITVLA LIBRI QVARTIDECIMI.

10.



LIBER QVARTVSDECIMVS.

CAP. I.



VOCATO igitur ex hac luce domino *Balduino*, Hierosolymorum
ex Latinis rege secundo, qui cognominatus est *de Burgo*, succes-
sit in regno dominus *Fulco* gener eius, Comes Turonensium,
Cenomanensium & Andegauensium, cui prædictus dominus
Rex filiam suam primogenitam *Milifendam* nomine, dederat v-
xorem, ut præmisimus. Erat autem idem *Fulco* vir rufus, sed in- 20
star *Dauid*, quem inuenit Dominus iuxta cor suum; fidelis, mā-
fuetus, & contra leges illius coloris affabilis, benignus, & misericors; in operibus
pietatis & eleemosynarum largitione liberalis admodum; secundum carnem prin-
ceps potens, & apud suos felicissimus, priusquam etiam ad regni vocaretur guber-
nacula; rei militaris experientissimus, & in bellicis sudoribus patiens & prouidus
plurimum; staturā mediocri, sed iā grandæuus, & plus quā sexagesimū agens an-
nū. Inter alios verò, quos lege mortalitatis patiebatur defectus, fluidam & labile eā-
tenus habebat memoriam, ut suorum domesticorū etiam non teneret nomina, nec
vultus nisi paucorū agnosceret: ita ut de eo cui paulò antè supremū impenderat ho-
norem, & familiaritatis gratiā, diligenter postmodū quæreret, quis nā esset, si ex im- 30
prouiso se præsentem daret. Vnde multos de eius familiaritate præsumētes, ad con-
fusionem compulit, cū ipsi aliis se defensores dare proposuerant, & ipsi patrono
apud eum indigerent. Pater huius, Turonensium & Andegauensium Comes, *Fulco*
etiam dictus est, & cognominatus *Rechin*, qui vxorem duxit sororem domini *Amal-
rici* de Monfort, nomine *Bertelem*: vnde duos suscepit filios: *Fulconem* istum, vnde
nobis est sermo; & *Gaufridum Martel*; & filiam ynam, *Hermingerdam* nomine, quæ
prius vxor fuit Pictauiensium comitis *Wilelmi*: a quo spreta, & contra matrimonii
leges abiecta, ad comitem Britannię se contulit, eiq; affectione adhæsit maritali: ex
quibus natus est *Conanus*, eiusdem Britannię comes, qui cognominatus est *Grossus*.
His ergo tribus liberis apud prædictum *Fulconem* seniore editis, mater spreto ma- 40
rito, ad regem Francorum *Philippum* se contulit: qui etiam, abiectā vxore suā legiti-
mā, eam suscepit thori participem, curarum sociā, & affectione postea tractans ma-
ritali, contra leges ecclesiasticas, inuitis, & multum renitentibus Regni eius episco-
pis, simul & Principibus, apud se detinuit: ex eaque suscepit filios, *Florum*, *Philippum*,
& *Ceciliam*, de qua superius fecimus mentionem, quæ prius *Tancredi* Antiocheno-
rum principis vxor fuit, postmodum eo defuncto, domino *Pontio*, Tripolitano Co-
miti, votis vſa secundis, adhæsit. Præfatus verò *Fulco*, senioris *Fulconis* filius, patre
iam defuncto, vxorem duxit filiam comitis Cenomanensium *Helyæ*, *Guiburgem* no-
mine, ex qua duos suscepit filios, & filias totidem. Huius autem matrimonii causa
fuit mater: Nam dum idem adolescens in curia comitis Pictauiensium domini sui, 50
pincernæ fungeretur officio, auditā fratris primogeniti morte, ab eodem Comite
captus est, & vinculis mancipatus, occasione quorundam castellorum, quæ ab eo
contendebat violenter eripere, quæ pater eius & frater in finibus prædicti Comitis
iure hereditario, sed de feodo prædicti Comitis diu possederant. Quod audiens
mater, quæ iam ab eius patre multo ante diuerſerat, & ad dominum regem Fran-
corum se contulerat, maternis mota visceribus, apud dominum Regem supplex
implorauit & obtinuit, quòd filius eius a vinculis absolutus, paternæ restitueretur
hereditati:

hereditari: insuper etiam effecit, ut supra nominati Comitis Helicæ unicam filiam, cum eis omni hereditate, dominus Rex eius filio uxorem concederet: ex qua, ut prædiximus, duos filios genuit, & filias in eodem numero. Primogeniti nomen fuit *Gaufridus*, qui patri successit in eodem Comitatu, cui senior *Henricus*, rex Anglorum potentissimus, filiam unicam *Mahaldam* nomine, domini Henrici Romanorum imperatoris viduam, uxorem dedit: ex qua idem *Gaufridus* tres suscepit filios: *Henricum* videlicet, qui nunc Angliæ regnum strenuè & prudenter administrat; & *Gaufridum*, qui cognominatus est *Plantagenest*; & *Wilelmum*, qui dictus est cognomento *Longaspata*. Nomen verò secundi, eiusdem domini Fulconis filii, materni aui nomen referentis, *Helyas*: cui *Rotoldus* Comes Perchenfis filiam suam unicam uxorem dedit, spondens, quòd de cætero uxorem non duceret, sed omnem hereditatem suam cum omni integritate in eum moriens transferret. Pactorum tamen immemor, & promissorum prodigus, uxorem duxit, sororem Comitis *Patriiti*, nobilis de Anglia viri: ex qua plures suscepit liberos: vnde prædictus *Helyas* ab eius hæreditate contra spem factus est alienus. Nomina autem filiarum, alterius *Sibylla*, quæ inclyto & nobili viro domino *Theoderico* Flandrensi Comiti nupsit, ex quibus ortus est *Philippus*, qui hodie Flandrensi procurat comitatum: nomen secundæ *Mahaldis*, quæ prædicti Anglorum regis Henrici filio desponsata fuerat: sed antequam convenirent, sponsus in Angliam nauigans, naufragium passus, pelago submersus est: eius verò sponsa, perpetuum vouens cœlibatum, in claustro puellarum religioso admodum, apud *Fontem Ebraudi*, sanctimoniam perpetuam vitam duxit. Prædictus igitur *Fulco* uxore defunctâ, Hierosolymam orationis gratiâ, priusquam à domino Rege vocaretur, petierat: ubi magnificè plurimum in Dei seruitio se habens, populi vniuersi gratiam & domini Regis, & vniuersorum principum familiaritatem plurimam, meritis exigentibus acquisiuit: quippe qui centum equites per annum integrum in regno suis habuit impensis: tandemque sospes ad propria regressus, filias nuptui, filios autem matrimonio collocans, Comitatum suum optimo statu composuit: dumque strenuè & prudenter annos aliquot post suum reditum suis incumbit negotiis, ecce dominus Rex Hierosolymorum de successione sollicitus, videlicet apud quem primogenitam suam nuptui collocaret, post multam deliberationem, de communi vniuersorum principum consilio, sed & de populi fauore, quosdam de Principibus suis, dominum videlicet *Wilelmum de Buris*, dominum *Guidonem Brisebarre*, ad prædictum dirigit Comitem, inuitans eum ad filiarum nuptias, & Regni successionem: qui compositis rebus, & ordinato Comitatu, datâ benedictione liberis suis, assumens sibi de honestis proceribus suis, iter veniendi ad domini Regis vocationem arripuit: cui postquam in Regnū ingressus est, statim infra paucos dies, sicut ex pacto tenebatur, primogenitam suam, ei matrimonio copulauit: conferens eidem dotis nomine, duas ciuitates maritimas, *Tyrum* & *Ptolomaidam*: quas quasi triennio possidens, continuò Comes sicut ante quasi vocabatur. Defuncto igitur domino Rege vndecimo Kal. Septemb. anno ab incarnatione Domini, *millesimo cētesimo tricesimo primo*, idem Comes cū prædicta uxore, octauo decimo Kal. Octob. in die exaltationis sanctæ Crucis, in ecclesia Dominici Sepulchri, à domino *Wilelmo*, bonæ memoriæ Hierosolymorum Patriarcha, solenniter & ex more coronatus & consecratus est. Per idem tempus dominus *Ioscelinus* Comes Edessanus, longâ ægritudine fatigatus, lecto decubans, mortis imminentem expectabat diem. Ceciderat enim anno proximè præterito circa partes *Halapie*, super eum turris ex crudis lateribus compacta: quam cum hostibus in ea inclusis ut facilius caperet, suffodi fecerat: subfossa subito corruens, incautum oppresserat: vnde eum sui cum multo labore, quasi sepultum & contritis artibus, vix eruerunt: quo languore multo tempore maceratus, adhuc egredi nitentem detinebat animam; cū ecce nuncius aduolans, *Soldanum Iconiensem* obsedis se quoddam eius castrum, cui nomen *Cressum*, nunciat. Quo audito, vir magnanimus, sicut erat corpore debilis & prorsus impotens, sed mente validus, filium præcepit ad se euocari, iniungens, ut assumptâ secum vniuersâ regionis illius militiâ, hosti supra nominato viriliter occurreret, & locum patris suppleret impotentis. Ille verò obiciens, quòd prædictus Soldanus in graui multitudine diceretur aduenire, respectu tantarum virium paucos se habere, cœpit se excusare: vnde

CCCC

pater, pensatâ pusillanimitate filii, & ex eo verbo qualis futurus esset, colligens, militares præcipit conuocari copias, & populum regionis vniuersum. Quibus paratis, sibi aptari lecticam mandat: & in eam ascendens, hostibus occurrit, doloris oblitus & impotentiz: in quo cum aliquantulum cum exercitu processisset, nunciat ei vnus de Magnatibus regionis *Gaufridus*, cognomento *Monachus*, Soldanum audito eius aduentu, obsidionem à castro dimouisse prædicto, & iter ad reditum maturasse. Quo cognito Comes lecticam quâ gestabatur, ad terram deponi iussit; & erectis in cœlum manibus, & deuoto spiritu, Domino cum suspiriis & fletu gratias agens, quod in nouissimis suis eum benignus & misericors Dominus tantâ gratiâ visitasset: quod seminecis, & in ipsis mortis vestibulis constitutus adhuc hostibus Christianæ fidei esset formidabilis, in gratiarum actionibus vltimum cœlo tradidit spiritum, relicto filio æquiuioco suo, sed à paterna gloria degenerare plurimum, & eodem vniuersorum bonorum ex asse herede instituto. Fuit autem idem *Ioscelinus* iunior, ex sorore *Leuonis* Armeni, viri inter suos potentissimi, natus: pusillus staturâ, sed membris plenioribus, robustus valde, carne & capillo niger, faciem habens latam, sed morbi, qui vulgò *variola* dicitur, cicatricibus respersam; oculis tumentibus, naso prominente; vir liberalis, & militaribus actionibus conspicuus; sed comessationibus & ebrietatibus supra modum deditus, Veneris operibus, & carnis deferuiens immunditiis, vsque ad infamiæ notam. Hic nobilem corpore, sed moribus nobiliorem, *Wilelmi de Saona* viduam, nomine *Beatricem*, vxorem duxit: ex qua filium, tertium *Ioscelinum* suscepit; & filiam, quæ prius vxor fuit *Rainaldi de Mares*, postea domini *Almarici* Comitis Ioppenfis, qui postea fuit Hierosolymorum Rex: vnde natus est *Balduinus* Hierosolymorum Rex sextus, & *Sibilla* soror eius. Hic autem, vt in inferioribus dicitur, ignauia, & peccatis suis exigentibus, vniuersam regionem, quam pater suus congruo rexerat moderamine, perdidit.

xv. Anno igitur primo Regni domini *Fulconis*, cum esset tam ciuitas, quam tota regio Antiochena Principis destituta solatio: mortuus enim fuerat ante dominum Regem dominus *Boamundus* iunior, vnicâ filiâ hærede relicta, timentes Magnates illius regionis, ne protectoris defectu prouincia illa hostium pateret insidiis, dominum Regem ad se vocant, vt partium illarum curam gereret, & omnia ad suam reuocaret sollicitudinem. Vxor enim Principis prædefuncti, domini Regis *Balduni* filia, dominæ *Miliscendis* soror, mulier callida supra modum, & malitiosa nimis, quosdâ habebat suorum commentorū fautores, quibus cooperantibus, circa Principatum malignari studebat: volens sibi vniuersam regionem, filiâ quam ex marito susceperat, exherede factâ, vendicare; & sic demum obtento Principatu, pro arbitrio suo ad secunda vota migrare. Pater autem eius, dum viueret, statim defuncto marito, hæc eadem machinantem industriè satis præuenerat; & eam vi eiectam ab Antiochia, iusserat esse contentam eo, quod maritus nomine donationis propter nuptias in eam contulerat, duabus videlicet vrbibus maritimis, *Gabulo* & *Laudiciâ*. Illa porro, patre defuncto, putans congruam inuenisse opportunitatem, ad prius conceptum iterum aspirabat propositum. Horum autem studiorum complices munerum largitione, & promissis superamplioribus, quosdam potentiores effecerat, *Wilelmum* videlicet de *Sehanna*, *Guarentonis* fratrem, & *Pontium* Comitem Tripolitanum, necnon & *Ioscelinum* iuniorem Edessanum Comitem. Quod timentes regionis illius Magnates, quanto poterant studio, eius impiis moliminibus obuiam se dare nitebantur. Vnde & dominum Regem, vt præmisimus, eo citauerant intuitu, vt in his eum haberent adiutorem, & regioni rectoris solatium non deesset.

y. Auditâ igitur Antiochenorum legatione; & super regionis illius turba quàm periculosa nimis metuebat, motus dominus Rex vehementer, ad illorum vocationem properans, vsque *Berythum* peruenit. Sed Comite Tripolitano per terras suas illi transitum prohibente, assumpto sibi *Anselino de Bria*, nobili viro, & fideli suo, vsque ad portum *sancti Symeonis* nauigio peruenit: vbi ei occurrentes nobiles & potentes Antiochenorum procures, in urbem eum introduxerunt, eius imperio subiicientes vniuersam regionem. Comes autem Tripolitanus, licet domini Regis sororem haberet vxorem, vt sæpe dictum est, tamen festinus post Regem, ad partes se contulit Antiochenas, vt gratiâ Principissæ, cuius muneribus corruptus dicebatur, eius actibus

actibus se opponeret. Habebat autem idē Comes in partibus illis duo castra, *Arcicanum* videlicet, & *Rugiam*, quæ pro vxore possidebat. Dederat enim ea dominus Tācredus, piæ in CHRISTO recordationis, moriens vxori, causâ donationis propter nuptias. Hæc Comes armis communiens & militiâ, dominum Regem & suos inde cœpit molestare. Quod Antiocheni agrè nimis ferentes, Regem persuasionibus impellunt, vt illi occurrens, eius præsumptuosos refrenaret impetus. Qui eorum verbis acquiescens, memor iniuriarum quas veniens, eo transitum prohibente, pertulerat, illuc cum omnibus quas habere potuit copiis, contendit. Factum est autem, quòd circa prænominatam *Rugiam* conuenientes, instructis vtrique aciebus, 10 hostiliter committerent, & diu ancipiti euentu congrederentur adinuicem. Tandem Rex factus superior, Comitem cum suis in fugâ vertit; & confectis agminibus multos de eius cœpit militia quos in vincula coniectos, Antiochiâ perduxit: tandē per viros industrios, & fideles pacis interpretes, reconciliatis adinuicē Rege & Comite, resignatis Comiti quos Rex ceperat de suis militibus, regionis status in meliorem videtur deuenisse conditionem. Timentes tamen illius prouinciæ prudentiores, ne domino Rege ad propria reuerso, intestinis regio concuteretur seditio- nibus, & sic hostibus amplior ad nocendum pateret occasio, Regem profusis exo- rant precibus, quatinus moram apud eos faciat longiorem. Rex autem confide- rans per Domini misericordiam Regnum suum in tuto collocatum; plenâ tran- 20 quillitate gaudere; & eam in qua erat, rectoris plurimum indigere patrocinio re- gionem, benignè annuit; & tam vrbem, quàm adiacentia communi procerum consilio congruo moderamine disponens, quantam rebus propriis & exactam ma- gis, vt ad optimum statum cuncta prouheret, impendebat sollicitudinem. Vnde omnium gratiam ciuium, & etiam Principum, qui in fidelitatis perseuerabant de- bito, sibi comparauerat cumulatiorem. Collocatis itaque eorum in tuto rebus, & negociis ordine congruo dispositis, cum iam per tempus aliquod, prout necessitas eorum videbatur exigere, moram fecisset necessariam, reuocante cum domesticorum curâ, reuersus est in Regnum; curâ Principatus nobili & industrio viro *Raimal- do*, cognomento *Manfuer*, commissâ. Procedente autem tempore, dum i- 30 dem Rex in regni a DEO sibi commissi viriliter desudaret necessitatibus, & *Mar- tha* more, circa frequens ministerium eius negotia sedulâ prouisione procuraret, adest nuncius ex parte Antiochenorum, referens infinitam Turcorum manum è sinu Persico, & vniuerso Orientali tractu, flumine magno Euphrate transito, circa partes Antiochenas in multitudine graui confedisse. Quo audito, de statu sibi commissi Principatus, & salute in eo degentium, plurimum anxius: eoquē maxi- mē, quia omnem spem suam in eum proiecerant: nihilo minus etiam & inde solli- citus, quod prouerbialiter dici solet: *tua res agitur, partes dum proximus ardet*: in- telligens finitimorum defectum in suum redundare periculum: decernens, fratri- bus auxilio indigentibus subsidia ministrare, opus esse honestum: accitis sibi de 40 Regno vniuerso equitum peditumque auxiliis, ad iter accingitur, illuc cum omni celeritate contendens. Dumque in proficiscendo cum suis agminibus Sydonem vsque peruenisset, ecce soror eius, domina *Cecilia*, Comitissa, *Pontii* Tripolitani Co- mitis vxor, flebilis nunciat, dicens: *Sanguinum* Halapiæ Principem, Turcorum po- tentissimum satrapam, in multitudine virtutis suæ in praesidio quodam suo, cui *Mons Ferrandus* nomen, maritum suum obsedisse. Orat ergo, & vrgentissimâ, fœ- mineo more, rogat instantiâ, quatinus cæteris ad tempus dilatis, quæ non tantam exigent diligentiam, negociis, marito in augustiis posito maturè subueniat. Cu- ius nimîa Rex motus instantiâ, dilato ad modicum priore cœpto, illic dirigit a- cies, assumptis de comitatu nonnullis, qui relictî fuerant de Comitîs expeditio- 50 ne, militibus. Audiens igitur *Sanguinus*, dominum Regem ad soluendam obsidio- nem properare: habito cum suis consilio, quid vtilius videretur, obsidionem gra- tis soluit, cum suis legionibus, ad propria reuersus. Hinc itaque, domino Comite interim expedito, Rex istâ sollicitudine liber, ad cœptum redit opus, & *Antiochiam*, sicut prius proposuerat, maturatis festinat itineribus. Audito eius ad- uentu, Antiocheni ei obuiam exeuntes, cum omni gaudio tantum hospitem suscipiunt, spem habentes, quòd per eius industriam, hostium, qui aduenire dice- bantur, violētiam tolerare possent sine periculo. *Non multum enim proficere consuevit,*

licet ingens fuerit sine duce multitudo; & cohortes numeroſe ſine rectore, quaſi arena ſine calce, vix ſolent ſibi coherere. Nunciatur interea conſonantibus rumoribus & famâ celeberrimâ, quòd hi qui Euphraten tranſiſſe in manu robuſta, & apparatu copioſo nimis dicebantur, adiunctis ſibi quos circa fluuium, locorum peritis, inuenerant, in finibus *Halapiae* caſtra locauerant, regionem totam improuiſis incurſionibus depopulaturi. Conuenerant porrò ex omnibus conterminis finibus, in locum vnum, cui nomen eſt *Caneſtrium*; inde collectâ omni multitudine, conſilio eorum qui locorum habebant peritiâ, ex improuiſo per omnem prouinciâ irruptiones factururi: quo comperto, dominus Rex conuocatis ex omni Principatu militaribus copiis, cum ſuis quos ſecum habebat familiaribus, egreſſus Antiochiâ, circa caſtrum *Harene* caſtrametatus, ſubſtitit prudentis more (*quia male cuncta miniſtrat impetus*) per dies aliquot, vt hoſtes, qui maiores dicebantur habere copias, ſuos pugnâ laceſſerent, aut alio quouis modo conceptum aperirent propoſitum. Videns autem quòd nihil tale molirentur, ſed ſecuri in caſtris moram quietam agerent, adhuc fortasſe maiora præſtolantes ſuffragia, irruit ſuper eos repente; & incautos reperiens, anrequam arma poſſent corripere, gladiis inſtat, perforat lanceis: vix paucis conceditur equorum beneficio, cæteris interemptis, fugâ mortem euadere. Relictis igitur caſtris omni commoditate, & variâ ſupellectile repletis, cæſisquæ ex eis innumeris, & quaſi ad tria millia, victores noſtri, hoſtium ſpoliis uſque ad faſtidium onuſti, & iam plura nolentes, equos, mancipia, armenta, greges, tentoria, omne genus prædæ & manubiarum omnimodâ varietatem ſecum trahentes, Antiochiam cum ſumma lætitiâ & trophæorum inſignibus reuerſi ſunt. Ex tunc cœpit dominus Rex, omnium Antiochenorum indifferenter, tam procerum quàm popularium corda plenius reconciliata, & omnium habere fauorem. Nam prius occasione Principiſſæ, cui domini Regis ingrata & ſuſpecta erat præſentia, quidam de Maioribus ei fuerant aduerſi, fauentes Principiſſæ intuitu munerum, quæ illa profuſâ largiebatur munificentia. Interea dum dominus Rex in partibus Antiochenis ita detineretur occupatus, & illius regionis negotia ad ſuam reuocaret ſollicitudinem, tanquàm propria, quouſque ibi de communi conſilio Princeps ordinaretur, noſtri qui in Regno remanſerant, dominus videlicet *Patriarcha*, & ciues Hieroſolymitæ, in domino habentes fiduciam, collectis in vnum viribus, iuxta locum antiquiſſimum, *Nobe*, qui hodie vulgari appellatione dicitur *Betennubel*, in deſcenſu montium, in primis auſpiciis campeſtrium, viâ quâ itur Liddam, & quâ peruenitur ad mare, præſidium ſolido fundant opere, ad tutelam tranſeuntium Peregrinorum: ibi enim in faucibus montium inter anguſtias ineuitabiles, maximum iter agentibus ſolebat imminere periculum, Aſcalonitis ſubitas irruptiones illic facere conſueſtis. Conſummato itaque ſœliciter opere, nomen indicunt, *Caſtellum Arnaldi*, locum dicentes: factumque eſt per gratiam Domini, etiam prædicti caſtelli beneficium, quod adire volentibus Hieroſolymam, aut ab ea redire, minus periculofus factus eſt tranſitus, & via multò ſecurior. Adeptâ itaque dominus Rex tam inſigni victoriâ, *Antiocheni* Principatus pro libero arbitrio diſponens negotia, clarus habebatur admodum, duorum regnorum moderamina, Diuinâ prouiſione fortitus, in vtroque proſperis affluens, populum cum plena tranquillitate tuebatur. Accedentes porrò ad eum illius regionis primores, ſpecialiter autem quibus domino *Boamundo*, Principi iam deſuncto, & filiæ eius adhuc pupillæ fidelitatem obſeruare cordi erat, dominum Regem familiariter adeunt, orantes intimè, vt qui plenius nobilium virorum & illuſtrium adoleſcentium, in partibus vltromontanis habebat notitiâ, eos edoceret, quem de tot Principibus euocarent, apud quem domini ſui filiam, bonorum paternorum heredem, nuptui commodius collocarent. Qui gratanter ſuſcipientes verbum, & fidem ſimul & ſollicitudinem commendans, in partes cum eis huius deliberationis ingreſſus, tranſcurſis plurimis, de communi omnium conſilio placuit, vt nobilis quidam & præcipuè indolis adoleſcens, *Raimundus* nomine, domini *Wilelmi* Piſtauienſium Comitis filius, ad hoc vocaretur. Is in Curia domini *Henrici* ſenioris, Anglorum regis, apud quem arma ſumpſerat militaria, moram facere dicebatur, domino *Wilelmo*, fratre eius primogenito, Aquitaniam iure hereditario gubernante. Libratis ergo deliberationis partibus, id expedientius eſſe arbitrati, legatos occultè dirigunt, *Geraldum* quendam

VIII

IX.

quendam cognomento *Ieberrum*, fratrem Hospitalis, cum literis domini Patriarchæ, & procerum vniuersorum: timentes ne si solemniter & per maiores citaretur personas, Principissa, sicut erat mulier malitiosa nimis, impedimenta moliretur. Erat enim cuius impedire aduentum facile: nam *Rogerus* tunc Apuliæ Dux, postmodum autem Rex, Antiochiam cum omnibus pertinentiis suis, quasi iure sibi debitam hereditario, tanquam domino *Boamundo* consanguineo suo volens succedere, vendicabat. *Robertus* enim *Guiscardus*, Boamundi senioris pater, & *Rogerus* Siciliæ Comes, qui cognominatus est *Bursa*, huius Rogeri Regis pater, fratres fuerunt ex utroque parente. Iunior autem *Boamundus*, senioris filius, fuit pater istius adolescentulæ, ad cuius nuptias prædictus adolescens *Raimundus* inuitabatur. Oportebat igitur cautè illum euocari, ne comperto eius aduentu, aut vi, aut insidiis, eius æmuli præpedirent accessum. His igitur ita dispositis, dominus Rex, prosequente cum vniuersorum gratiâ, ad partes Hierosolymitanas se contulit. Per idem tempus, *Bernardus* vir grandæuus plurimum bonæ memoriæ, simplex ac timens DEVM, primus Latinorum apud Antiochiam Patriarcha, tricesimosexto sui pontificatus anno, viam vniuersæ carnis ingressus est. Post cuius obitum, cum vniuersi illius amplissimæ sedis suffraganei, tam Archiepiscopi quàm Episcopi, de more conuenissent, vt ecclesiæ pastores destitutæ solatio, vtiliter prouiderent; & super eo ipso tam salubri negotio in palatio Patriarchali, diligentiores, mutuo (sicut in talibus fieri solet) haberentur tractatus, *Radulfus* quidam Mamistanus Archiepiscopus, de castro *Danfrunt* oriundus, quod in confinio Normanniæ & Cœnomannensis diocesis situm est, vir militaris, magnificus, & liberalis plurimum, plebi & equestri admodum acceptus ordini, absque fratrum & Coepiscoporum conscientia, solo populi, vt dicitur, suffragio electus est, & in cathedram Principis Apostolorum inthronisatus. Quod audientes qui ad hoc, vt sibi Patriarcham, auctore Domino, præficerent, conuenerant, timentes furentis & vociferantis populi indiscretos impetus, diuisi sunt ab inuicem, ei quem non elegerant, obedientiam exhibere recusantes. Ille tamen nihilominus ecclesiam & palatium occupans, statim sine mora pallium de altari beati Petri, nullâ ad ecclesiam Romanam habitâ reuerentiâ, sibi assumpsit. Processu quoque temporis nonnullos de suffraganeis ecclesiæ in suam attraxit communionem. Et vt multorum relatione cognouimus, si Canonorum ecclesiæ pacem amplexus fuisset, nec eorum turbare possessiones spiritu superbiæ ductus præsumpsisset, potuisset tranquillo statu vitam ibi transigisse. Sed quia verum est, quod prouerbialiter dici solet: *Difficile est vt homo claudantur sine, quâ malo sunt inchoata principio*: peccatis suis exigentibus, præ multitudine diuitiarum ita factus est insolens, & neminem præ se ducens hominem, vt potius *Antiochi*, quàm *Petri*, vel *Ignatii* successorem se exhiberet. Maiores enim ecclesiæ, alios violenter eiecit; alios vinculis & carceri, quasi capitalium reos mancipauit. Inter quos quendam *Arnulfum* nomine, Calabrum natione, virum utique nobilem & literatum, item *Lambertum* miræ simplicitatis hominem & honestæ conuersationis, literatum etiam, eiusdem ecclesiæ Archidiaconum, in quodam præsidio tanquam viros sanguinum, in diuersoriū calce plenū detruxit in carcerē, & per multos afflixit dies, dicens eos in mortem suam conspirasse. Hæc & iis similia, in subditos efferâ mente pertractâs, vniuersorum in se prouocabat odium. Vixque inter familiares & domesticos, prauæ stimulis conscientiæ agitated, tutus ei videbatur locus. Sed de his hæcenus. nam in sequentibus, tempore opportuno, de eius exitu, suo loco dicemus. Dum hæc in Oriente geruntur, dominus *Honorius* Papa, extremum diem claudens, fatale debitum soluit: dumque de substituendo ei successore inter Cardinales tractaretur, diuisa sunt eorum desideria: ita quod, non valentes in idem consonare, sub contentione duos elegerunt, *Gregorium* videlicet, Diaconum Cardinalem sancti Angeli, quem consecrantes vocauerunt *Innocentium*; & *Petrum*, qui cognominatus est *Leonis*, presbiterum Cardinalem, tituli sanctæ Mariæ Transtiberim, quæ dicitur *Fundens oleum*, quem etiam consecrantes, qui eum elegerant, *Anacletum* vocauerunt. Ortum est igitur schisma periculosum nimis, ita vt non solum quæ infra Urbem erant periclitarentur ecclesiæ, & populus mutuâ cæde periret; verum etiâ penè orbis concuteretur vniuersus, regnaque diuersis aecesa studiis inter se colliderentur. Obtinuit tandem, post multos la-

borea & immensa pericula, dominus *Innocentius*, prædicto Petro, papatus æmulo, prius vitâ defungente. Per eisdem dies migravit ad Dominum carnis onere depositus, prædictus noster prædecessor *Wilelmus*, primus Latinorum, Tyrensi archiepiscopus, post urbis liberationem. Nam dum adhuc ab hostibus detineretur, ordinatus fuerat ad titulum eiusdem ecclesiæ quidam *Odo*, qui ante eiusdem urbis liberatione vitâ decesserat, ut præmissum est: cui substitutus est dominus *Fulcherus* bonæ memoriæ, Aquitanicus natione, patria Engolimensis, vir religiosus ac timens Deum, modicè literatus, sed confusus ex amator disciplinæ. Hic apud suos Abbas extiterat Canonicorum regularium in quodam claustrum cui *Cella* nomen: sed postmodum tempore prædicti *Innocentii* papa, & *Petrus* Petri Leonis filius ex *Engolismensis* episcopus, Apostolica sedis legatione præstantes assensum molestiis quam pluribus fatigabat. Quædam tamen rebus non ferens, tamptâ licentiâ à fratribus, orationis gratia Hierosolymitanam ecclesiam, eundemq; in claustrum ecclesiæ Dominici Sepulchri regularem vitam & disciplinam professus, ad ecclesiam Tyrensem vocatus est. Rexit autem eandem ecclesiam strenuè, & feliciter annis duodecim, quartus ante nos, qui nunc eiusdem ecclesiæ, non electione meriti, sed solâ Domini dignatione & patientiâ præsidemus. Qui postquam à domino Hierosolymitano Patriarcha *Wilelmo*, suæ munus consecrationis accepit, exemplo prædecessoris sui volens ad ecclesiam Romanam pro obtinendo pallio properare, ab eodem Patriarcha & eius complicibus passus est insidias & violentiam, ita ut vix & cū multa difficultate manus eorum posset effugere, & ad ecclesiam Romanam pro causa prædicta peruenire: sicut ex tenore literarum domini papæ *Innocentii* manifestè deprehenditur. Ait enim: *INNOCENTIVS Episcopus, servus servorum DEI, Venerabili fratri GVILELMO Hierosolymitano Patriarcha, salutem & Apostolicam benedictionem. Magisterium totius ecclesiæ & ecclesiasticæ institutionis beato Petro Apostolorum principi, celesti privilegio esse collatum, euangelica declarat auctoritas. Et infra: Miramur autem, quoniam cum Romana ecclesia pro liberatione Orientalis ecclesiæ tantopere laboraverit, & filiorum multorum sanguinem effundendo, corda tam ecclesiasticorum quam secularium ad eius servitium excitaverit, nequaquam, prout conuenit, eidem matri suæ hac vice respondere curasti: parum enim tibi visum fuerat, quod venerabilem fratrem nostrum Fulcherum Tyrensem Archiepiscopum, more prædecessorum suorum pro susceptione pallii ad Romanam ecclesiam venientem, disturbare præsumperas, nisi & erga eum à nobis redeuntem te inhumanum difficilemq;, & nimis asperum exhiberes: adeo quod nec antiquam dignitatem Tyrensis ecclesiæ sibi restituere; nec de damnis sibi illatis, aut etiam de Caypha, siue Porphyria, iuxta mandatum nostrum infra tres menses, post arceptionem nostrarum literarum ei iustitiam facere volueris: cum utique satis indignū sit, ut honor qui sibi, si ei obediret, ab Antiochena exhiberetur ecclesiæ, à te vel tuis successoribus subtrahatur. Præterea in subiectos illius nimis potestatiue diceris te habere. Quocirca auctoritate Apostolicâ mādando tibi præcipimus, sicut eiusdem matris tuæ piis optas studiis atq; solatiis consoueri, sicut in tuis necessitatibus, eius patrocinii desideras adiuuari, iam dictum Archiepiscopum diligas & honores, & in nullo perturbare præsumas: quin potius de omnibus, de quibus apud te querimoniam deposuerit, sibi plenam iustitiā infra quadraginta dies, post quam præsentia scripta susceperis, exhibere non differas, nec aliquid in subditos suos contra statuta Canonum præsumas. Alioquin timendum tibi est, ne tam ipsum quam suffraganeos suos à tua obedientia subtrahamus, eosq; in manu nostra retineamus. Data Later. XVI. Kal. Ian.* Reversus ab ecclesia Rom. mandatum accepit, ut quousque deliberaretur, utri duorum Patriarcharum perpetuò cederet, interim sicuti & prædecessori eius dictum fuerat, Hierosolymitano obediret: eamque dignitatem in Hierosolymitana obtineret ecclesia, quam eius prædecessores in Antiochena, quamdiū ei obedierunt, obtinuerant. Certum est autem, quod inter tredecim Archiepiscopos qui à diebus Apostolorum sedi Antiochenæ subditi fuerunt, Tyrensis quidem primum locum obtinuit, ita ut in Oriente *Prothothronos* appelletur: sicuti in catalogo Pontificum suffraganeorum, qui ad ecclesiam Antiochenam respiciunt, continetur. In quo sic legitur: *Sedes prima, Tyrus: sub qua sunt episcopatus XIII. Sedes secunda, Tarsus: sub qua sunt episcopatus V. Sedes tertia, Edessa: sub qua sunt episcopatus X. Sedes quarta, Apamia: sub qua sunt episcopatus VII. Sedes quinta, Hierapolis: sub qua sunt episcopatus VIII. Sedes sexta, Bostrum: sub qua sunt Episcopatus XIX. Sedes septima, Anauarza: sub qua sunt episcopatus*

XII.

episcopatus IX. Sedes octaua, Seleucia: sub qua sunt episcopatus XXIV. Sedes nona, Damas-
cus: sub qua sunt episcopatus X. Sedes decima, Amida: sub qua sunt episcopatus VII. Sedes
undecima, Sergiopolis: sub qua sunt episcopatus IV. Sedes duodecima, Theodosiopolis: sub qua
sunt episcopatus VII. Sedes tridecima, Emissa: sub qua sunt episcopatus IV. Metropoli-
tani per se sustinentes VIII. Archiepiscopi duodecim. Quod ergo primum locum in-
ter suffraganeos Hierosolymitanæ ecclesiæ [obtineret] quodq; de solo domini Pa-
pæ mandato eidem obediat ecclesia Tyrensis, ex rescripto literarum domini Inno-
centii, ad eundem Wilelmum Hierosolymitanum directarum, manifestè colligitur:
quod sic habet: *INNOCENTIVS* Episcopus, seruus seruorum *DEI*, *WILELMO* Hie-
10 rosolymitano Patriarchæ, salutem & Apostolicam benedictionem. Quanto munificentie super-
na benignitas, Hierosolymitanam Ecclesiam tuis temporibus altius sublimauit, tanto magis ex-
pedit personam tuam erga fratres suos humaniorem existere, & eos qui tibi obedientiam exhibet,
caritate mutuâ honorare. Proinde fraternitati tue mandamus, quatinus venerabilem fratrem
nostrum Fulcheritum Tyrensem Archiepiscopum qui ex mandato sanctæ Romanæ Ecclesiæ
tibi obedit, fraterni amoris intuitu diligas, & honorem sollicitè provides, ne sibi grauamen aliquod
inferas; vel sub obtentu huiusmodi subiectionis, quæ utique ex beneficentia Apostolicæ sedis, ti-
bi & Ecclesiæ Hierosolymitanæ impenditur, Tyrensis Ecclesiæ, nobilis & famosa, suæ iustitiæ aut
dignitatis patiatur aliquod detrimentum. Indignum est enim, ut honor quisque, si ei obediret, ab
Antiochia exhiberetur, à te vel tuis successoribus subtrahatur. Data Aibani, decimo sexto Kal.
20 Augusti. Redeunti igitur, licet cum molestia restituti sunt ei de suffraganeis eius, XIII.
qui in manu Hierosolimitani Patriarchæ usque ad illam diem fuerant, Acconensis,
Sydoniensis, & Berythenensis: reliquos autem, id est, Biblitano, Tripolitano, An-
taradensem, qui alios Episcopatus eiusdè Ecclesiæ, in manu sua velut proprios pos-
sidebant, Antiochenus Patriarcha violenter detinebat, eam solam prætendens oc-
casionem, quod ei non obediret, non quod ad eius iurisdictionem eos respicere de-
negaret: quod ne fieret, sed ad matrem suam Tyrensem Ecclesiam redirent, idem
dominus Innocentius Papa præceperat, scribens tam prædictis Episcopis, quam An-
tiocheno Patriarchæ, in hunc modum: *INNOCENTIVS* Episcopus, seruus seruorum
DEI, venerabilibus fratribus *GERARDO* TRIPOLITANO, *R. TORTOSANO*, &
30 *H. BIBLITANO* Episcopis salutem, & Apostolicam benedictionem. Scire debet vestra fra-
ternitas, quoniam status Ecclesiæ tunc clariùs elucescit, cum gradus in ea constituti illesi seruan-
tur; & quæ debetur prælatis singulis, absque contentione seu contradictione, reuerentia exhibe-
tur. Vnumquemque etenim ex his qui sibi subiecti sunt, considerare conuenit, quanta suos præla-
tos si quos habeat, reuerentiâ & honorificentia debeat honorare: quæ si iniuste & immerito sub-
trahantur, unitatis status profecto nutabit, ad quem Ecclesiastica doctrina, ob maiorem firmita-
tem, diligenti consideratione omnia in se ordinando reduxit. Ne igitur Ecclesiarum vestrarum
honor vel dignitas ob contentionem seu rebellionem indebitam minuat, vel annulletur, per A-
postolica vobis scripta mandamus atq; præcipimus, quatinus venerabili fratri nostro Fulche-
rio, Tyrensi Archiepiscopo, tanquam metropolitano vestro debitam obedientiam & reueren-
40 tiam deferatis. Nos enim vos & Ecclesias vestras, Tyrensi Ecclesiæ, quæ vestra metropolis est,
autoritate Apostolicâ restitimus, & à iuramento vel fidelitate, quâ Patriarchæ Antiocheno estis
astrikti, eodem modo absoluimus. Si verò nostris mandatis obedire, & intra tres menses post ha-
rum acceptionem literarum, ad obedientiam prædicti fratris nostri redire neglexeritis, sententiâ
quam ipse in vos canonicè promulgabit, nos autore *DEO*, ratam habebimus. Datum Laterani,
decimo sexto Kal. Februarii. Ne autem ab Antiocheno Patriarcha, qui eos diu deti-
nuerat, & vir erat potentior, præpedirentur domini Papæ iussionem exequi, scripsit
eidem Patriarchæ, in hæc verba: *INNOCENTIVS* Episcopus, seruus seruorum *DEI*,
venerabili fratri *RADVLPHO* Antiocheno Patriarchæ, salutem & Apostolicam benedictio-
nem. Sanctorum Canonum institutionibus continetur, ut unusquisque suis terminis con-
50 tus existat, nec in aliena iura irrepat. Ea etiam quæ nobis fieri nolumus, tam diuinis quam huma-
nis legibus, proximis nostris facere prohibemur. Quæ cum ita sint, fraternitati tue mandamus,
quatinus suffraganeos Tyrensis Ecclesiæ non impedias, quin venerabili fratri nostro Fulche-
rio Archiepiscopo, metropolitano suo, debitam obedientiam & reuerentiam deferant: alioquin
Canonicis sanctionibus contrahitur, si metropolitanis à suis suffraganeis obedientia subtrahatur.
Optamus enim, ut circa prælatos & subditos suum ius, & proprius ordo absque contradictione ser-
uetur. Datum Laterani, decimo sexto Kal. Februarii. Nec solum his ita scripsit dominus
Papa, verum etiâ & illis qui à Patriarcha Hierosolymitano detenti fuerant: qui eius

timore, mandatis Apostolicis obedire detrectabant, eodem modo præcipiens inii-
xit, ut omni occasione postpositâ, domino Tyrensi obedientiam exhiberent, in hunc
modum: *INNOCENTIVS* Episcopus, seruus seruorum DEI, venerabilibus fratribus *BAL-*
DVINO Berycensi, *BERNARDO* Sydoniensi, *IOANNI* Ptolomaidensi Episcopis salutem
& Apostolicam benedictionem. Ad hoc sancti patres diuersos esse in Ecclesia gradus & ordi-
nes voluerunt, ut dum subiectionem & reuerentiam minores maioribus exhibent, una fieret ex
diuersitate connexio, & recte officiorum gereretur administratio singulorum. Grauat autem
nos, & valde miramur, quod cum vobis iam pridem literis Apostolicis præceperimus, ut venera-
bili fratri nostro Fulcherio Tyrensi Archiepiscopo, metropolitano vestro, obedientiam & reue-
rentiam exhiberetis, quasdam occasiones & interpretationes minus idoneas prætendendo, id fa-
cere contempsistis: cum utique quasi peccatum ariolandi, sit repugnare; & quasi scelus idolola-
trie, nolle acquiescere. Mandamus itaque vobis, & auctoritate Apostolicâ iteratò præcipimus,
quatinus omni occasione submotâ eidem fratri nostro de cætero pareatis: nec sub obtentu obe-
dientie, quam alicui primati dependitis, sibi subiectionem & reuerentiam metropolitano ve-
stro debitam aliquatenus subtrahitis. Quod si contemptores ulterius extiteritis, sententiam
quam idem Archiepiscopus in vos canonicè protulit, aut protulerit, nos auctore Domino, ra-
tam habebimus. Si vero pro eo quod eidem fratri nostro obedieritis, à Patriarcha Hierosolymi-
tano aliquid contra vos fuerit constitutum, nos eandem sententiam viribus carere decerni-
mus, & nullius momenti esse censemus. Data Laterani, decimosexto Kal. Februarii. Ne
autem in admirationem cuiquam veniat, quod cum prius Tyrensem Archiepisco-
pum quatuordecim de iure suffraganeos habere diximus, dominus autem Papa nō
nisi sex scribit: sciendum est, quod *Paneadensis* ciuitas, quæ est *Cæsarea Philippi*, non-
dum habebat Episcopum, & isti sex reliquos detinebant episcopatus. *Sydoniensis* e-
nim detinebat, sicut & nunc etiam detinet, *Sareptanum*: *Tripolitanus* verò *Botrien-*
sem, *Archensem*, *Artuscensem*: *Antaradensis* verò, qui & *Tortosanus* dicitur, *Aradi-*
ensem, & *Maracleensem*. Ex his autem sex, *Antiochenus* Patriarcha tres sibi habe-
bat obedientes, *Antaradensem*, videlicet, *Tripolitanum*, & *Bibliensem*. Captis e-
nim prædictis vrbibus, in eis consecrauit Episcopos, eâ intentione, ut Tyrensi me-
tropoli expeditâ, & Archiepiscopo iuxta prisca constituta sibi debitam exhibente
obedientiam, ipse eos sine difficultate ei, sicut & de iure tenebatur, restitueret. E-
rant autē hæc prædictæ ciuitates in comitatu Tripolitano, vnde, domino Rege non
impediente, liberius hoc poterat facere *Antiochenus* Patriarcha: in reliquis autem
tribus, *Berytho*, *Sydone* & *Ptolomaida*, quæ est *Accon*, dominus Hierosolymita-
nus Patriarcha consecrauit Episcopos tali intentione, ut captâ vrbe Tyrensi, &
ibi per eundem Archiepiscopo consecrato, eos sibi restitueret; præsumebat enim,
ut contra prisca consuetudinem *Tyrensis* aliquando ei deberet obedire, fiduciam
habens in literis domini Papæ *Paschalis*, quibus domino *Balduino*, primo Hierosoly-
morum regi, & domino *Gibelino*, tertio Hierosolymorum Patriarchæ, concessisse vi-
debatur, quod quascunque ciuitates dominus Rex aut eius exercitus acquisierant
iam, vel acquisituri erant, omnium earum Episcopi Hierosolymitano Patriarchæ
subiacerent: sicut præmissum est, cum de regno domini *Balduini*, Hierosolymorum
Regis primi, tractaremus. Sic igitur vniuersâ Tyrensi provinciâ, antequam ipsa
metropolis expeditur, expeditâ, prædicti duo Patriarchæ diocesim inter se diui-
serunt: & quod extra regnum erat, ab eo loco qui dicitur *Passus pagani*, inferius, *Ant-*
iochena habuit & habet Ecclesia; quod verò citra est & intra regni fines continetur,
Hierosolymitanus possedit Patriarcha. Tandem verò vrbe Tyrensi per Do-
mini misericordiam liberatâ, post annum ab eius liberatione quartum, Hierosoly-
mitanus ibi, ut prædiximus, consecrauit Archiepiscopum, & eos quos detinebat
sibi restituit suffraganeos. Cum medio tempore, dum eam in propria cura Hiero-
solymitanus haberet Patriarcha, ita attenuata est, & ad nihilum redacta, ut etiam de
Ecclesiis quæ infra ambitum eiusdem ciuitatis erant, non nisi vnam futuro refer-
uarent Archiepiscopo. Factumque est, sicuti vulgari prouerbio dici solet, ut pe-
tentibus & immeritis, *de alieno corio fierent larga corrigia*: contendunt etiam vsque ho-
die, de nostris visceribus prædicti duo domini, in nostram iniuriam fortes, de no-
stra paupertate facti locupletiores; & distractis membris, quorum integritate à
diebus antiquis, à temporibus Apostolorum, consentientibus sanctis & vniuersa-
libus septem Synodis, longè lateque floruerat, lacera iacet, & suis potioribus mu-
tilata

I. Sam. 15,
23.

XIV.

10

20

30

40

50

tilata membris expectat consolationem, & non est qui consoletur eam; porrigit manum, & non est qui adiuuet: facti sumus similes illis de quibus dicitur:

Quicquid delirant Reges, plectuntur Achiui.

Satiantur de nostris carnibus; quibus utinam aliquando id contingat ad vomitum. Huius tamen tanti causam mali Romanæ non immeritò imputamus ecclesiæ: quæ dum Hierosolymitano nos præcipit obedire, ab Antiocheno indebitè nos patitur decurtari: nos enim, si nostra nobis restitueretur integritas, prono animo, sicut sumus filii obedientiæ, alterutri illorum parati essemus sine contradictione, sine molestia, subesse. Nemini autem alienum videatur à nostro proposito, qui professi sumus historiam conscribere, quod de nostræ statu ecclesiæ hæc interseruimus: nec enim decet nos aliena tractare, & nostrorum immemores fieri negotiorum. Sicut enim prouerbialiter dici solet: *Malè orat, qui sui obliuiscitur.* Sed nunc ad historiam redeamus. Reuerso itaque domino Rege à partibus, ut præmisimus, Antiochenis, ecce iterum turba periculosa nimis suboritur. Nam ex causis quibusdam, quidam in dominum Regem, de maioribus Regni principibus coniurasse dicuntur, *Hugo* videlicet comes Ioppen, & *Romanus de Podio*, dominus regionis illius quæ est trans Iordanem. Quod ut euidentius pateat, altius aliquantulum repetenda est historia. Tempore domini *Balduini de Burgo*, qui hunc *Fulconem* in regno præcesserat, nobilis quidam vir, & apud suos potens, *Hugo de Pusato*, de episcopatu Aurelianensi, cum vxore *Mamilia*, filia domini *Hugonis Cholet*, comitis de Ruci, orationis gratiâ Hierosolymam petens, filium habuit in Apulia. Vxor enim eius grauida, iter arripuerat: quem, quoniam tenellus erat nimium, & cum salute non poterat deportari, ibi dimisit apud dominum *Boamundum* consanguineum suum; & transfretans, ad dominum regem *Balduinum*, item secundum carnem propinquum, venit. Cui Rex statim post introitum suum, ciuitatem Ioppen, cum pertinentiis suis, sibi & heredibus suis, iure hereditario dedit habendam: ubi non multò post, prædictus nobilis homo, vitam morte finiuit. Cuius vxorem cum prædicta vrbe dominus Rex cuidam iterum nobili viro, comiti videlicet *Alberto*, fratri comitis de Namura, viri potentissimi de Imperio, de episcopatu Leodicensi, concessit. Cum autem vterque intra modicum tempus decessisset vitâ, tam comes prædictus, quam vxor eius: *Hugo* prædictus, qui puer in Apulia remanserat, iam pubes factus, patris hereditatē, more parentum, ad se iure hereditario deuolutam, à domino Rege petiit, & impetrauit: quâ obtentâ, dominam *Emelotam*, Arnulfi patriarchæ neptem, & magnifici viri domini *Eustachii Grener* viduam, duxit vxorem: ex qua prædictus dominus Eustachius filios suscepit geminos, *Eustachium* iuniorem, vrbis Sidoniensis dominum, & *Galterum*, qui Cæsareæ præfuit. Defuncto autem domino *Balduino*, dominoque *Fulcone* in regni solio sublimato, contigit inter eundem dominum Regem, Comitemque prænominatum, ex causis occultis graues oriri simultates. Dicebatur à nonnullis, quod dominus Rex suspectum nimis haberet Comitem, nec cum domina Regina familiaria nimis misceret colloquia: cuius rei multa videbantur extare argumenta. Vnde & maritali zelo succensus, inexorabile odium aduersus eum dicebatur concepisse. Erat autem idē Comes adolescens, corpore procerus, decorus formâ, actibus insignis militaribus, grätiosus in oculis omniū, in quem videbantur naturæ dona plenâ liberalitate conuenisse: ita ut in Regno vel corporis elegantia, vel generositatis titulo, vel rei militaris experienciâ, nullum proculdubio haberet parem: dominæ quoque Reginæ ex parte patris valde proximus: eorum enim patres consobrini fuerant, id est, duarum sororum filii. Quidam verò verbum huiusmodi palliare volentes, dicebant id solum odiorum fuisse fomitem, quod Comes quasi arrogans, & de se plus æquo præsumens, domino Regi nolebat, more aliorū Regni principum, subiici; & eius detrectabat ceruicosè nimis imperiis obedire. Exurgens interea *Galternus* Cæsariensis, eiusdē Comitis priuignus, vir toto corpore elegantissimus, viribus insignis, ætate integer, à domino Rege, ut dicitur, subornatus, in cœtu procerum, præsentem domino Rege, ubi curia erat frequentissima, publicè, & more accusatoris obiicit Comiti, quod maiestatis crimine reus erat: & quod cōtra domini Regis salutem, cum quibusdam factionis eiusdem complicitibus, contra bonos mores, & contra nostrorum disciplinam temporum conspirasset. Comes verò inficiatus crimen, seipsum obrulit, quod iudicium Curia super obiectis, tanquam in

xv.

xvi.

hac parte innocens, paratus erat subire. His ita se habentibus verbis, de consuetudine Francorum, decernitur inter eos pugna singularis, & ad exequendam pugnam dies competens designatur. Comes verò solutâ curiâ, Ioppen reuersus, dubium est an veritus conscientiam, & obiecti criminis reum se cognoscens, an curiam habens suspectam, ad præfixam diem præsentem se nō exhibuit: vnde maiorem obiecti criminis meritò incurrat, etiam apud fautores suos, suspicionem. Curia verò, & procerum conuentus, eius attendentes contumaciam, eum licet absentem, tanquam obiecti criminis reum cōdemnauerunt. Quod Comes intelligēs, rem est aggressus vsque ad illam diem inauditâ, odio populi & omni indignatione dignam: Ascalonâ enim urbem, nemini Christiano inuisam, & hostibus familiarem nostris, nauigio 10 properans cōtra dominum Regem ab hostibus opem postulaturus, ingressus est. Illi verò videntes nostrorum intestina prælia, & domesticas seditiones, suis incrementis accedere, & nostrorum esse causam periculorum, gratuitū impēdunt assensum: sumptisq; ab eo obsidibus, & pactis hincinde redactis ad consonantiâ, Ioppen reuersus est. Porro *Ascalonite* pertinaci in nos & obstinato odio ducti, & de Comitibus scdere & gratia facti securiores, solito proteruius, & magis confidenter fines nostros inuadentes, liberis discursibus, nemine prohibente, prædam agentes vsq; *Arfur*, quæ alio nomine dicitur *Antipatrida*, currere non timuerunt. Quod audiens Rex, cōuocatis de vniuerso Regno militaribus copiis, & populi immētate multâ, Ioppen obfidet. Hæc vidētes quidam de fidelibus eius, qui cum eo erant in eadem vrbe, *Balia-* 20 *nus* videlicet senior, & quidā alii DEVM timentes, quòd ita in præceps totus ire decreuerat Comes; & quòd fidelium & amicorum salutaribus suorum monitis, ab incepto pernicioso reuocari nō poterat, sed causas pertinaciter amplioris tractare periculi nō vereretur, relinquentes quæ ab eo habebant beneficia, meliores partes secuti, ad dominum Regem se contulerunt. Interea dominus Patriarcha *Wille-* *lmus*, vir mitissimus, & pacis amator, & quidam de Regni Principibus, videntes intestina hæc prælia, Regno nimis esse periculosa, attendentes illud Euangelicū: *Omne regnum in seipsum diuisum desolabitur, & domus supra domum cadet*: timentes, sicut & meritò timere poterant, ne hac occasione hostibus Christiani nominis damni inferēdi maior pateret occasio & opportunitas, medios se constituunt, & de bono pacis in- 30 ter dominum Regem, & sepe dictum Comitem conantur vtilis inuenire tractatus. Tandē verò post multas altercationes, sicut in huiusmodi fieri solet, placet pacis cōpositoribus, vt pro bono pacis, & vt domino Regi aliquid amplioris impenderetur honoris, Comes per triennium extra regnum fieret: quo peracto, cū domini Regis gratia in Regnum iterum, sine calumnia quâ pro eodem negotio de cætero pateretur, cum suis quos eduxerat ei liceret introire: interim verò de redditibus possessionum suarum, omne eius debitum, & quod vndecunq; contraxerat es alienum, persolueretur. Per idem tempus, dum dominus Rex circa Ioppē ita esset occupatus, & dominus *Rainerius* cognomine *Brus*, cum aliis Regni Principibus ibidem morâ faceret, ciuitas *Pancidenfis*, à *Teghemeluch* Damascenorum rege obsessâ, antequam Rex 40 obsessis ministrare posset, quod cum multa instantia procurabat, subsidium, violēter effracta, in manus deuenit hostium. Captis quoq; ciuibus, & qui in ea erant stipendiariis vtriusq; tã equitum quàm peditū ordinibus, vxor prædicti nobilis & strenui viri cum aliis transmigrationem passa est captiua. Interea Comes Iopensis transitum expectans, dum Hierosolymis prout consueuerat moram faceret, accidit quòd in eo vico, qui dicitur *Pellipariorum*, ante meritorium vnius negociatorū, *Alfani* nomine, dum super mensam eius aleâ luderet, quidam miles natione Brito, super Comitem nihil tale verentem, sed pro ludo sollicitum, ex improviso educens gladiū, multis eum, & hostiliter nimis confodit vulneribus, in facie vniuersorum astatium. Fit ergo repentinus statim populorum concursus, & ciuitas omnis, auditâ fa- 50 cti acerbitate immanissimi, concussa est & infremuit vehementer. Sermo publicè vnus in omnium ore vertebatur, non sine Regis conscientia hoc fieri potuisse; nec maleficū, nisi de Regis fauore confisum, talia præsumpisse moliri: spargitur per vulgus vniuersum, Comitem innocentem, iniustas pati calumnias; & Regem odii quod aduersus eum gratis, & præter merita Comitibus, conceperat, nimis euidentis argumentū dedisse. Accedit itaq; Comiti plebis fauor, & gratia popularis: & quicquid ei obiectum fuerat, totum de malitia processisse videbatur. Quod sanè postquā domino Regi

XVII.

Matth. 12.
45.

XVIII.

Regi compertum innotuit, volens factum purgare, & se constituere manifestis indicis innocentem, maleficum iubet iudicio sisti, & pro commisso flagitio, omnibus notorio, nec accusatore nec testibus indigente, vbi iuris ordo non erat necessarius, dignam pro meritis præcipit reportare sententiam. Conuocatâ igitur Curiâ, de communi consensu, prædictus sicarius, mutilationis membrorum iudicatur subire discrimen. Quod postquam Regi nunciatum est, executioni præcipit mandari sententiam, eo solo excepto, ne lingua inter mutilanda membra computetur: illam excepit, ne forte diceretur studiosè factum, vt illi amputaretur lingua, ne se missum à Rege, & rei veritatem posset confiteri. In quo planè factò, prudenter nimis suæ

10 Rex præuidit existimationi, multumque conceptam aduersus se compescuit indignationem: nam ab illo, neque secretò neq; publicè, vel ante vel post membrorum dispendium potuit extorqueri, quòd de domini Regis mandato vel conscientia ad illud tã enorme factû processisset; sed de proprio motu: & sperans in eo se domini Regis gratiam promereri posse, id tunc præsumpsisse fatebatur. Comes autem curæ proprii corporis habendæ gratiâ, & causâ procurandæ salutis moram faciens, receptâ ad plenum conualescentiâ, mœstus plurimum, tum pro illata recēter iniuria, tum quia per loca incognita mendicare, propriâ hereditate extorris, compellere-
 20 tur, iuxta conditum Regno egressus, in Apuliam se contulit: vbi dominus *Rogerus*, qui vniuersam illam iam sibi subiugauerat regionem, eum benignè recepit, putans quòd causâ inuidiæ virum strenuum & nobilem eius æmuli Regno depulissent: & ei compassus, Comitatum contulit *Garganensem*: vbi morte præuentus immaturâ; vir lugendus posteris, in Regnum deinceps non est reuersus. Ab ea die quicunque Comitris apud dominum Regem fuerant delatores, & incentores odii, dominæ *Milisendis* Reginæ, quam etiam obiecti criminis quodammodo respergere videbatur infamia, & dolor immanissimus, expulsi Comitris macerabat præcordia, indignationem incurrentes, exactam pro tutela proprii corporis oportebat habere diligentiam. Maximè autem *Roardum* seniore, qui postmodum dictus *de Neapoli*, qui dominum Regem præcipuè in eam induxerat odiorum materiam, domina Regina quibus poterat persequeretur modis. Nō erat eis tutum, ante eius accedere præ-
 30 sentiam; sed & publicorum conuentuum se subtrahere cœtib; erat consultius: sed nec domino Regi, inter fautores & consanguineos Reginæ, tutus omnino erat locus. Tandem placatâ eius indignatione per quorundam eorum familiarium interuentionem, Rex alios quoque eiusdem rancoris participes, multâ vix reconciliauit instantiâ, eatenus tantum, vt ante eius præsentiam, eis liceret cum aliis introire. Rex autem ab ea die ita factus est vxorius, vt eius quam prius exacerbauerat, mitigaret indignationem, quod nec in causis leuibus, absq; eius conscientia attentaret aliquatenus procedere. Per idem tempus petentibus *Damascenis* à domino Rege pacem temporalem, præter aliâ quæ gratiâ obtinendi fœderis contulerunt, omnes captiuos, quos in vrbe Paneadense ceperant, simulque & prædicti strenui vi-
 40 ri, cuius erat ciuitas, domini videlicet *Rainerii Brus* vxorem ex compacto restituerunt. Quam vir egregius & insignis post biennio reuersam, ad maritalis amplexus participium deuotus admisit. Cognoscens autem postmodum, quòd non satis prudenter se apud hostes habuerat, & maritalis thori reuerentiam non satis cautè, matronarum more nobilium, obseruauerat, abiectam à se: illa verò culpam non inficiens, claustrum sacrarum virginum Hierosolymis ingressa, voto se obligans perpetuæ continentiæ, sanctimonialis effecta est. Eâ demum defunctâ, prædictus vir inclytus *Agnetem* duxit, domini *Wilelmi de Buris* neptem: quam postmodum eodem defuncto, *Girardus* Sydoniensis accepit vxorem: vnde natus est *Rainaldus*, qui nunc eidem Sydoniorum præest ciuitati. Prædictam verò Paneadensium urbem,
 50 quam ita diximus domini sui absentiam superatam, quidam *Assisiorum* magistratus, *Emir Ali* nomine, à populo suo diu possessam, susceptâ pro ea compensatione placitâ, nostris non multo antè tempore resignauerat & tradiderat habendam, quam sine interuallo Rex prædicto viro, iure hereditario concesserat possidendam. Quis autem sit *Assisiorum* populus, & quàm friuolas & Deo odibiles sequatur traditiones, in sequentibus loco & tempore docebimus: interim autem id de eis nouisse sufficiat, quia populus est Christianis, & aliarum sectarum nationibus, & maximè Principibus suspectus admodum, & meritò formidabilis.

xx.

Interea qui ab Antiochenis pro domino *Raimundo*, Pictaviensium Comitum filio missi erant, ut primum, prout eis iniunctum fuerat sollicitè inuestigantes, ubi compendiosius eum inuenire possent, certis didicerunt relationibus, eum apud dominum *Henricum* seniore Anglorum Regem, à quo & arma sumpserrat militaria, moram facere. Vnde recto itinere in Angliam abeuntes, prædictum ibi reperiunt adolescentem: cui causâ viæ secretius patefactâ, de consilio domini Regis benefactoris sui, verbum oblatum deuotus amplectitur, & viæ necessaria præparans, iter nemini notus ingreditur. Præsenferat porro Dux Apuliæ *Rogerus*, quæ de illius uocatione apud Antiochiam concepta fuerant; vnde in singulis Apuliæ urbibus maritimis prætenderat insidias, ut eum comprehenderet, sperans quod si eius posset transitum præpedire, facilius ad petitam hæreditatem, redemptis pecuniâ illius regionis magnatibus, posset obtinere compedium. Verum dominus *Raimundus* prudenter celans propositum, omni fastu deposito, tãquam vnus de popularibus, nunc pedes, nunc vilibus insidens iumentis, inter plebeios iter carpebat inceptum, nulli vnquam vel leue generositatis aut copiarum prætendens argumentum. Socii autem eius per turmas diuisi, simul & familia, quidam per diætas tres aut quatuor præcedebant, quidam verò sequebantur, tanquam ad eum nullum habentes respectum. Sic ergo peregrino & vili amictus habitu, & seruorum plerunque subiens officia, specie fallens vniuersos, hostis prudentis & potentissimi declinauit tendiculas. Perueniens itaque *Antiochiam*, amicos suo exhilarauit aduentu: quibusdam verò non modicam intulit formidinem, qui Principissæ fautores, huius promotioni resistere nitebantur. Porro modico antè tempore, postquam tamen prædicti missi fuerant, ut dominum *Raimundum* citarent, *Aaliza* principissâ domini *Boamundi* vidua, dominæ quoque *Miliscendis* Reginæ soror, quam pater eius à ciuitate exclusam Antiochena, *Laodiciâ* & *Gabulo* iusserat esse contentam, interueniente apud Regem sorore suâ, ne actibus eius obuiaret, quorundam procerum fulta patrocinio, iterum Antiochiam ingressa est, pro domina se gerens; & vniuersa ad suam reuocabat sollicitudinem. Inter hæc *Radolphus* Antiochenorum Patriarcha subdolanus, & in omni via sua multiplex, Principissæ persuaferat, ut eius interim aduersus clericos suos, qui eum persequerentur, gratiâ fungeretur & obsequiis, quod is qui vocatus erat, & venisse dicebatur, dominus *Raimundus*, ei esset destinatus, & futurus maritus; credulamque nimis, hac vanâ spe deludebat. *Raimundus* autem præsentiens, quod absque domini Patriarchæ gratia & consilio ad optatum pertingere non posset, per interpretes utrique familiares, aditum quærit, quomodo domini Patriarchæ sibi fauorem compareret, & plenius conciliaret affectum. Exigitur ergo à domino *Raimundo*, ut iuramento corporaliter præstito, domino Patriarchæ fidelitatem exhibeat: versâ vice, suscepturus sine difficultate puellam in uxorem, & cum omni quiete principatum: interseritur etiam pactis, quod si domini *Raimundi* frater, *Henricus* nomine, in partes descenderet Antiochenas, dominus Patriarcha fideliter elaboraret, quomodo puellæ matrem, domini *Boamundi* viduam, cum duabus urbibus maritimis & earum finibus, haberet uxorem. Sic ergo pactis interpositis & iureiurando roboratis, admissus est in urbem, adhuc expectante matre, ut sibi omnis ille nuptiarum fieret apparatus: & confestim ad Basilicam Apostolorum principis deductus, dominam *Constantiam* adhuc intra nubilem degentem annos tradente domino Patriarchâ, & id fieri postulantibus magnatibus vniuersis, duxit uxorem. Principissâ verò audiens quod delusa esset, Antiochiâ subito egressâ, in suam se contulit regionem, principem postea inexorabili odio persecuta. Ab ea igitur die de elato factus elatior, solidas nimium se sperans in domino Principe bases recepisse dominus Patriarcha, solito se exhibebat arrogantior, de domino Principe plus æquo præsumens, & planè deceptus: nam Princeps pro magna ducens ignominia, quod ab eo fidelitatem extorserat, beneficii immemor, cœpit eum hostiliter persequi; & iuramenti prodigus, aduersariis eius adiunctus est. Erat autem idem dominus *Raimundus*, egregii sanguinis prisca generositate insignis, corporis eximiâ proceritate, & totâ eiusdem gratissimâ compositione præstâtissimus; adolescens, vix primâ malis vestitus lanugine, speciosus formâ præ regibus & principibus orbis terræ, verbo & affabilitate commendabilis, totâ sui habitudine venustam Principis eximii prætendens elegantiam; armorum vsu & rei militaris experienciâ, omnibus qui eum præcesse-

xxi.

præcesserunt, vel secuti sunt, anteposendus; literatorum, licet ipse illiteratus esset, cultor; in diuinis assiduus, Ecclesiasticorum officiorum & maximè in diebus solemnibus audis auditor: cōiugalitatis integritatis, postquam duxit vxorē, sollicitus cultos & seruator; in cibo & potu sobrius, munificus & liberalis supra modum; sed parum prouidus, aleæ & damnosis talorum ludis plus æquo insistens. Erat præterea inter cæteros quos patiebatur defectus, animo præceps, in agendis impetuosus, in ira modi nescius, rationis expers, parum fœlix; in ea fidelitate quam domino Patriarchæ promiserat iuramenti immemor, & fidei interpositæ prodigus. Porro *Ascalonitæ* illis diebus insolentiores solito, & successibus facti animosiores, vniuersam regionem liberis nimium discursibus percurrerant. Erat autem eadem ciuitas Principi Ægyptiorum subiecta potentissimo: qui timens, ne eâ subactâ, Christianorum exercitus in Ægyptum irrumperent, & eius turbarent quietem, omni sollicitudine & sumptibus infinitis dabat operam, vt eam quasi pro muro inter se & nostram haberet regionem: formidansque ne continuis laboribus & bellorum indeficientibus periculis, suorum virtus succumberet, singulis trium mensium spatiis, novos populos, recentesque legiones in subsidium ciuium, cum victu necessario, & armorum copia, sollicitus dirigebat. Hi autem qui de nouo accedebant, volentes tyrocini sui vires experiri, & animositatis certa dare insignia, plerumque inuitis veteranis, discursus & expeditiones, experimenti frequenter moliebantur gratiâ. Nostri verò videntes præsumptionem eorum non cessare, & vires indeficienter reparari, & morte ciuium, Hydræ more, ciues amplius & indefinenter suscipere incrementum: post multa consilia, optimum iudicant, contra hanc hydram immanissimam, damno capitum factâ locupletiore, & totiens attritam, grauitè in nostra pericula renascētē, municipia in circuitu per gyrum ædificari, vnde collectâ facilius militiâ, & de vicino commodius hostium discurrentium refrenari posset impetus, & ciuitas frequētius impugnari. Prouiso igitur loco ad hoc idoneo, circa radices montium, in campestrium initio, quæ inter montes & urbem prædictam cōtinuo interiecta sunt tractu, in ea parte Iudææ, quæ tribui Symeon sorte exiit in funiculo distributionis, urbem veterem & dirutam, *Bersabee* nomine reædificare parant. Cōuocato itaque vniuersi Regni populo, domino quoque Patriarchâ *Guilelmo* & magnatibus, opus conceptum aggrediuntur, & inceptum bonis auibus, consummatum, auctore Domino felicius præsidium ædificantes muro insuperabili, antemuralibus & vallo, turtibus quoque munitissimum, miliaribus duodecim à prædicta distans Ascalona. Hic locus tempore filiorum Israël, Terræ Promissionis ab Austro, sicut & *Dan*, quæ hodie dicitur *Paneas*, vel *Cæsarea Philippi* à Septentrione erat terminus, sicuti in veteri testamēto sæpius inuenitur, à *Dan vsque Bersabee*. Hic *Abraham*, sicut & alibi in ple-

Ind. 20, 1.
Abundantia. 2. Sam. 3, 10.

De his etiam & Iosephus in libro Antiquitatum meminit dicens: *Abimelech itaque & terram ei distribuit, & pecuniam, constitueruntque, vt inter se sine dolo conuersarentur, facientes ad quandam puteum fœdus quem Bersabee vocant, quod fœdus Putei dici potest: sic autē hæcenus à comprouincialibus nominatur.* Dicitur autem & Puteus septimus, Arabicè autem *Bethgebrim*, quod interpretatur domus *Gabrielis*. Consummato igitur præsidio, & partibus omnibus absoluto, de communi consilio traditur fratribus domus Hospitalis quæ est Hierosolymis, qui vsque in præsens depositum debitâ custodierunt diligentia, factique sunt impetus hostium in ea parte debiliores. Post hæc nō multo temporis intervallo, dominus *Pontius* Comes Tripolitanus, *Bezeuge* Damascenorum principe militiæ in fines Tripolitanos ingressus, sub castro quod *Mons Peregrinus* dicitur, hostibus cum omni suorum manu viriliter occurrens, dissolutis agminibus suis, & in fugam versis, captus est; & prodentibus eum Surianis, qui in Libaniceis super eadem ciuitatem habitant iugis, occisus est, *Raimundo* filio herede relicto, & in eodem Comitatu successore. Captus est ibidem nihilominus dominus *Giraldus*, eiusdem ciuitatis Episcopus: sed postquam apud hostes aliquādiu ignotus detentus est, dato pro se captiuo vno, qui apud nostros detinebatur in vinculis, libertati pristina restitutus est. Cecidit in eodē prælio nobilium prædictæ urbis, sed & mediæ manus hominum maxima multitudo. *Raimundus* autē patre defuncto, collectis de residuo militiæ auxiliis, & pedestriū manu valida cōgregata, subito Libanum in virtute magna cōscendens, omnes illos viros sanguinum, qui prædictū potentem virum in agrum

DDDD

Tripolitanum, suis persuasionibus induxerant, & quos paternæ necis & publicæ stragis reos esse deprehendere potuit, cum vxoribus & liberis, vinculis mancipatos Tripolim deduxit: vbi in præsentia populi, in vltionem sanguinis eorum qui in acie ceciderant, eos variis affecit suppliciis, & durissima mortis genera, tamē pro immanitate commissi sceleris debita, compulit experiri. Hæc prima virtutis suæ rudimenta prædictus adolescens Comes, omnium in se prouocās affectum, & fauorem concilians, dedit. Nunciatur interea, & multorum relatione diuulgatur, quòd dominus *Iohannes*, Constantinopolitanus Imperator, domini *Alexii* filius, conuocatis de vniuersi Imperii finibus, populis, tribubus & linguis, in multitudine currum & quadrigarum, & inauditis copiis equitum congregatis, in Syriam descendere immaturabat: nec erat sermo fide vacuus. Statim enim ex quo famā comperit certiore, quod *Raimundo* vocato ciues ei *Antiochiam* tradidissent, & domini *Boamundi* filiam ei contulissent vxorem, disposuerat Antiochiam venire, multum indignans quod absque eius conscientia & mandato, aut domini sui filiam nuptui collocare præsumpserant; aut ciuitatem alterius ditioni, eo inconsulto, ausi fuerant mancipare. Eam enim cum vniuersis adiacentibus prouinciis ad sui iurisdictionem reuocans, sibi vindicare contendebat: asserens, magnos illos Principes, viros virtutum, & immortalis memoriæ, & à Domino missos, qui in prima venerunt expeditione, quos longum nimis esset enumerare per singulos, cum patre suo & in Imperio antecessore domino *Alexio* conuenisse, multā munerum & obsequiorum interuentione, quòd quascunque vrbes vel castella in tota illa profectione quocunque casu comprehenderent, eius sine cōtradictione subiicerent Imperio, & mancipatas pro posse & viribus quousque ipse cum suis adesset copiis, fideliter conseruarēt. Et hoc allegabat gestis insertum, & prædictorum Principum iuramentis corporaliter præstitis confirmatum. Certum est autem prædictos Principes cum domino Imperatore pacta iniisse, ipsumque versā vice conditionibus quibusdam se Principibus obligasse, à quibus ipsum prius certum est defecisse: vnde ei tanquam pactorum violatori se non teneri constanter asserabant, qui prædictis conditionibus interfuerant; eosque qui iam vita decesserant, nihilominus reddebant excusatos, dicentes eum prius tanquam varium & inconstantem hominem, & cum eis fraudulenter versatum, aduersus sua pacta venisse. Vnde & meritò lege pactorum se dicebant absolutos: *Iniquum est enim ei fidem seruari, qui contra pacta nititur versari.* Facto igitur per annum continuum, missis procuratoribus per vniuersum regnum, ad iter apparatu pro Imperiali magnificentia necessario, in curribus & equis, thesauris numerum & pondus & mensuram uescientibus, & copiis infinitis, superato nauigiis Hellesponto, qui vulgari appellatione dicitur *Brachium sancti Georgii*, viam versus Antiochiam dirigit, in multitudine graui. Transcursis igitur mediis prouinciis in *Ciliciam* peruenit, vbi moram faciens, *Tarsum* primæ Ciliciæ metropolim egregiam obsidens, occupauit eam violenter; & eiectis ex ea domini Principis Antiocheni fidelibus, quorum fidei urbem prædictam commiserat, suos induxit. Ipsum autem & de *Adama*, & *Mamistra* & *Anazarza* secundæ Ciliciæ metropoli celeberrima, & cunctis eiusdem prouinciæ ciuitatibus, & municipiis & oppidis quibuslibet, facere non distulit. Sicque vniuersam Ciliciam per annos quadraginta, à principe Antiocheno sine calumnia possessam, ex quo prædicta *Tarsus*, per manum domini *Balduini*, fratris domini Ducis; *Mamistra* verò cum omni reliqua regione, per manum domini *Tancredi* viri clarissimi, antequam Antiochia, in nostram deuenisset potestatem, Christianæ libertati restitutæ sunt, suo contra ius & pium vendicans Imperio: inde etiam cum vniuersis exercitibus suis in multitudine virtutis suæ progrediens, *Antiochiam* accelerat, ad eamque perueniēs, statim more hostili circumuallat obsidione. Ordinatis itaque per gyrum machinis, & ingentibus tormentis congruis stationibus collocatis, urbem cœpit vehementiùs artare. Dum hæc circa Antiochiā aguntur, *Sanguinus* vir sceleratissimus, & Christiani nominis immanissimus persecutor, videns Comitem Tripolitanum cum multa suorum manu paulò antè corruisse, regionem quoque vniuersam militaribus destitutam auxiliis, in finibus Tripolitanis supra ciuitatem *Raphaniam*, in monte situm præsidium, cui nomen *Mons-Ferrandus*, de quo etiam superiùs præmisimus, potenter obsidet; & oppidanos intus obsecfos acriter impugnat, vrget indefinenter, & multā molestat instantiā. Hoc audiens Comes

Comes Tripolitanus *Raimundus*, adolescens, Pontii prædefuncti filius, domini Regis ex sorore nepos, missis sub omni celeritate nunciis, dominum Regem profusus anxie precibus rogat, ut in tanta necessitate, rebus penè desperatis nō moretur subuenire, sed opem laturus acceleret. Dominus itaq; Rex paterno more pro vniuersis Christiani populi necessitatibus debitam gerens sollicitudinem, cōuocatis subito vniuersis Regni Principibus, & militaribus tam equitum quàm peditum auxiliis conglobatis, impiger aduolat, & Tripolitanis se ex improviso exhibet finibus. Occurrunt ibidem nihilominus & domini Principis *Antiocheni*, sinistra deferentes, nuncii, scriptis & viuâ voce asserētes, quod & verum erat, dominum Imperatorem

10 Antiochiam obsedisse: monentes & multâ rogantes instantiâ, quatinus illuc cum omnibus copiis descendat, & fratribus in graui anxietate positis, maturè subueniat. Habitâ itaque deliberatione, quid in tam ancipiti facto fieri oporteret: placuit vniuersis, ut prius Christianis in vicino castro vallatis, ministretur auxilium, quod satis leue videbatur; dehinc omnes vnanimiter Antiochenis subuenturi, progrediantur. Coniunctis igitur ad inuicem, tam domini Regis, quàm Comitis viribus, & robore collato, hostibus obuiam, gratiâ destituti diuinâ, progredi nituntur. Vbi ad locum cœperunt appropriare destinatum, *Sanguinus* audiens nostrorum aduentum, obsidionem soluens, ordinatis agminibus, eis occurrit. Nostri quoque instructis aciebus & iuxta militarem disciplinam dispositis, nihilo segnius vnanimiter procedentes, versus oppidum, obsessis opem laturi, contendunt; & ut municipium alimentis vacuum, comportatis repleant necessariis. Qui autem duces erant itineris, nostrum præcedentes exercitum, errore an malitiâ dubium est, commodiorem & planam à leua declinantes viam, montis ardua secuti, per loca inuia, & angusta nimis, nostras inducunt acies, vbi Martiis congressibus locus non erat idoneus, nec habilis ad resistendum, neque ad impugnandum opportunus. Quod videns *Sanguinus*, sicut erat vir sagacissimus, & rei militaris multam habens experientiam, videns meliorem se habere calculum, animo feruens, suos conuocans, & inter milia suorum primus, verbo suos erigens, prouocans exemplo, in medias nostrorum irruit acies; & viriliter dimicās, ad nostrorum stragem animat, & agmina nostra prima in fugā conuersa prostermit. Videntes autem nostri Maiores exercitus, primas acies defecisse, & in nullo resistendi spem habere, seq; in angusto positos, subueniendi afflictis copiam non habere, monent dominū Regem, ut salutem consulens, in vicinū se cōferat præsidium. Quod vidēs dominus Rex esse pro tempore expedientius, in præsidium se cum paucis recipit, pedestribus copiis penè omnibus, aut neci traditis aut in vincula cōiectis. Captus est ibi egregiæ indolis adolescens comes Tripolitanus, & de equestri ordine cum eo capti sunt nōnulli. Pars autē dominum Regem secuta, in municipiū ingressi, vitæ consuluerunt quocunq; modo, & salutem. Amiserunt ergo illā die impedimentorum vniuersam multitudinē, equos, & ad sarcinas deputata animalia, quibus prædictum oppidum instaurare fuerat propositum. Nā qui in castrum fugientes ingressi sunt, vacui, & sola secum arma, quibus muniti erant, habentes, nihil victus intulerant. Cecidit illā die inter ceteros vir magnificus, nobilitate & armorum usu insignis *Gaufridus Charpalus*, domini Ioscelini senioris Edeffani comitis frater, cuius interitus tanquā strenui viri, multis extitit doloris causa amplioris, & vniuersum concussit exercitum casus eius lugubris. *Sanguinus* interea videns nostros nihil

20 prorsus alimentorum intulisse in castrum, se eorum copias habere vniuersas, & omnes Regni vires attriuisse, Comitem quoq; se habere in vinculis, Regem etiam in castro semiruto, & alimentis vacuo, cum Regni maioribus inclusum: apposuit iterū municipium obsidione claudere; sperans non esse qui possit obsessis subsidium ministrare; idq; præsidium infra paucos dies non dubitans se posse euincere. Conuocatis igitur in vnum cuneis, redeunt nostrorum spoliis onusti, ampliorem prædam præ collectorum multitudine fastidientes; & castrū ordinatis in gyrum legionibus, obsidione vallat vrgentissimā. Porro intus cum domino Rege se cōtulerant, de regni proceribus, *Wilhelmus de Buris* constabularius, *Rainerus Brus* miles insignis, *Guido Brisefbarre*, *Baldwinus de Ramis*, *Hemfredus de Torono*, tyro & nimium adolescens: & alii plures, cum quibus Rex habens consilium, deliberat quid in tanta, tamque angusta & vrgente necessitate fieri oporteat. Decernunt ergo pariter, ut principem Antiochenum, & Edeffanum Comitem Ioscelinum iuniorem in suum sollicitent sub-

XXVI.

dium; dominumque Hierosolymorum Patriarcham cum vniuersis regni populis inuitent; & interim eorum quocunq; modo præstolentur aduentum. Per idem tempus, dum hæc circa *Montem Ferrandum* aguntur, *Rainaldus*, qui cognominatus est *Episcopus*, nepos domini *Rogerii* Episcopi Liddensis, militiæ sancti Georgii primicerius, miles in armis strenuus, & actibus militaribus insignis, dum Ascalonitas more solito, sed incautè prosequitur, in prætentas casu decidens hostium insidias, captus est. Interea non cessant nuncii, sed sub omni celeritate properant. Hic dominum Principem debitâ stimulat instantiâ; & Regis & suorum necessitates edocens, moras arguit, festinare monet attentius: Ille, dominum Edessanum Comitem continuis incendit hortatibus. Tertius Hierosolymam festinus accelerat, & populum cominouet vniuersum. Verum princeps Antiochenus dubius quid faciat, hæret aliquantulum: nam pro foribus habens Imperatorem, vrbi timet, si tentet abscedere: iterum domino Regi in tanta necessitate posito, durum nimis & inhumanum reputat non subuenire. Tandem domini Regis & Christiani populi molestiis & anxietatibus cõpatiens, ciuitatē suam Domino cõmittens, satius iudicat cum fratribus quantulibet aduersa sustinere, quàm eis sic deficientibus, abundare prosperis, & qualibet tranquillitate gaudere. Cõuocat igitur procures, & populi Maiores; reuelatq; cunctis propriam conscientiam, inuitat omnes ad Regis subsidium, & faciliè persuadet. Sponte enim in eadem Deo gratissima concurrunt omnes desideria; & subito paratos se offerentes, ab vrbe egressi, dominum Imperatorem circa eandem ciuitatem relinquētes, vnanimiter ad domini Regis subsidium proficiunt. Comes quoq; Edessanus, cū vniuersis viribus suis pari voto accingitur, & ad idem opus mirā festinat celeritate. Dominus quoque Hierosolymorum Patriarcha *Wilelmus*, collectis vniuersis copiis, quas in Regno potuit inuenire, assumpto sibi Dominicæ crucis venerabili ligno, illuc impiger accelerat; & vndique suffragia corrogans, in eorum subsidium maturè contendit. His ita circa dominum Regem se habentibus, *Bezeuge* regni Damascenorum procurator, & Princeps militiæ quo de etiam superius fecimus mentionem, audiens Regnum solito robore vacuum, Regem in extremis regionibus obsidione clausum, Principes & vniuersum populum circa eius liberationem sollicitū, ad illas partes vnanimiter conuolare: ratus ex tempore nocendi occasionem inuenisse optatā, cum multa militia in Regnum ingreditur; & *Neapolim* ciuitatem immunitam, muro & antemuralibus, & etiam vallo carētem, aggreditur ex improviso; & subito irruens, tanquā fur in nocte, in ciues incautos gladiis, & toto defæuit spiritu, atati non parcens, aut sexui: tādē ferius admoniti, qui inuenti sunt residui, in præsidium quod in medio ciuitatis est, cum vxoribus & liberis, se cum multo labore recipientes, vix à cæde & incendiis elapsi sunt. Ille autē nemine prohibente, discursibus liberis vniuersam urbem obambulās, incendiis cuncta subiiciens, prædā & manubias, & quacunq; desiderabilia in vrbe depopulatus, indemnus recessit. *Sanguinus* interea obsessos continuis vrgens molestiis, mœnia tormentis quatiens, machinis molares & saxa ingentia iaculatoriis in medium cõtortuens præsidium, domos prosternt interius, nō sine multa inclusorum formidine: tantis enim eos cautes violenter immissi, contorta omnimodorum telorum genera, opprimebant angustiis, vt iam intra muros nullus tutus ad occultandos saucios & debiles inueniretur locus. Vbique periculum, vbique discrimen, & mortis imago tremendæ eorum se ingerebat oculis; & mentibus non deerat repentini timor interitus, & casuum præsentia sinistrorum. Ad hoc vir sæuissimus, assultus ingeminat, & destinatis per vices agminibus, successionis quodam ordine vires reparat; & prioribus defatigatis, recentes subrogat, vt continuatum potius quàm renouatum videretur præliorum negotium. Nostri verò, non habentes ad hanc vicissitudinis recreationem inducendam sufficientes copias, ipsi primos, ipsi nouissimos continuatis laboribus sustinent impetus. Diminuebatur præterea eorum diebus singulis numerus, aliis vulnorum acerbitate, aliis ægritudinum varietate decumbentibus; omnibus autem vnus idemque defectus, & tolerandæ perpetis molestiæ par impotentia. Noctes enim, excubiis deputati trahebant in omnes; diebus verò, continuis congressionibus fatigati, nullas percipiendæ quietis ad restaurandam corporum exinanitionem, hostes ferias indulgebant. Accedebat & ad malorum cumulum, quod nec ingredientiæ alimentorum aliquid intulerant; nec in castro, ex priore obsessione,

- sessione, erat aliquod victus residuum: nam quod ipsi inferre decreuerāt, in manus
 hostium cum omni peruenerat integritate. Vnde statim post ingressum, suos, nil a-
 liud habentes, equos comederant, quibus deficientibus, omnis omnino defecerat
 alimonia. Attenuabantur itaq; præ ieiunio, etiam fortium & robustorum corpora;
 & inducta per inedia macies, strenuis etiam vires furabatur. Tanta præterea erat
 inclusorum multitudo, vt nec ciborum sufficerent copiae ad hoc, vt vnusquisq; mo-
 dicum quid acciperet: ita sanè obsessorum multitudine vniuersa municipii refer-
 ta erant diuersoria, vt vicus & plateæ iacentium frequentia, quasi iuncis strata vi-
 derentur: emissa quoque incautè iacula, casu & sine studio dirigentis letalia infere-
 10 bant vulnera. Hæc omnia *Sanguinus* nouerat plenius, eoq; proteruius suos ad in-
 standum impellebat, quod nostros hæc molestius pati posse non dubitabat. Ad hæc
 & circa oppidum tam frequentes hostium erant dispositæ cohortes, & tantâ dili-
 gentiâ omnes obseruabant aditus, vt nec ad nos accedere quispiam, nec de nostris
 egredi aliquis, quasi rem desperatam attentaret. Augebatur obsessis in dies mole-
 stia singulos, & victu penitus deficiente, nullum erat spei residuum; & rebus ipsis e-
 docebantur, quàm violentum sit famis imperium, & quàm verè dictum sit illud:
Asserit vrbes sola fames. Id tamen pereuntem quocunque modo adhuc fouebat po-
 pulum, quod principis & Comitis Edeffani, necnon & Hierosolymorum præstola-
 batur subsidium: & quia *animo cupienti nihil satis festinatur*, omnis habebatur mora
 20 suspectior; dilatione votum creuerat, & hora pro anno computabatur. Interea XXIX.
 dum hæc circa obsidionem sic aguntur, princeps *Raimundus* cum suis iam aderat le-
 gionibus, Comes quoq; Edeffanus ingentia trahens agmina non longè aberat; sed
 & Hierosolymorum exercitus salutiferæ Lignum Crucis sequētes vnanimiter, ma-
 turato itinere accelerabant. Quo per nuncios fideles comperto, *Sanguinus* timens
 tantorū aduentum Principum; idq; specialiùs reformidans, ne auditis obsessorum
 molestiis, eisq; compatiens dominus Imperator, quē circa Antiochiam esse cogno-
 uerat, cū suis intolerabilibus copiis super se iratus irruat, antequā ad obsessos hic ru-
 mor perueniat, de pace primus missis internunciis dominū Regē, & Principes suos
 alloquitur, dicens: *Castrum iam semirutum, ante se diu non posse stare; populū ieiunum & fa-*
 30 *me laborantem, resistendi vires & animos amisisse; suum verò è contra exercitum, necessariis ab-*
undare: tamen domini Regis intuitu, qui magnus & eximius esset Princeps in populo Christiano,
dicit se vniuersos captiuos quos paulo antè ceperat, tam Comitem quàm alios restitutum, & do-
mino Regi cum omnibus suis liberum & tranquillum exitum, & ad propria reditum, indulturū,
si ei castrum omnibus vacuum restituere voluerint. Nostri porro nescientes tã præsens esse
 subsidium, præterea fante, vigiliis, laboribus, angore attriti, vulneribus confossi leta-
 libus, imbelles facti & exhausti viribus, verbum oblatum cum omni auiditate susci-
 piunt, admirantes, vnde tanta hominis tam inclemētis processerit humanitas: qua-
 cunq; tamen occasione, porrectas gratanter suscipiunt cōditiones. Pactis ergo hinc
 inde ad placitam vtrinq; redactis consonantiam, comes Tripolitanus restituitur, &
 40 cum eo captiuorum maxima multitudo; statimq; dominus Rex cum suis egressus,
 ab hoste satis humanè tractatus, præsidio Turcis resignato, confusus quidem, sed ta-
 men de periculorum nimia perplexitate erutus, gaudens, de montibus descendit in
 campestria *Archis* contermina; vbi audito domini Principis & domini Comitis ad-
 uentu, approbans eorum sollicitudinem, & fraternam caritatem, sed serò oblatam
 conquerens, eis occurrit deuotus; solutisq; ingentibus gratiarum actionibus, quod
 pro eius negotio tam sollicitos se exhibuerant, & quantum in eis erat, optatum mi-
 nistrauerant subsidium; & mutuis colloctionibus recreati, diuisi sunt ab inuicem,
 ad propria redeunt. Dominus autem Princeps, cuius res in artō videbantur XXX.
 constitutæ, quia potentissimum orbis terræ principem ante suam ciuitatem hosti-
 50 lia meditantem dimiserat, *Antiochiam* sub omni celeritate rediens, per portam su-
 periores, quæ præsidio ciuitatis, & arci contermina est, ingressus, Imperatorem
 adhuc in eodem perseuerantem proposito repetit: vbi per dies aliquot habitis con-
 gressibus, nonnullis Antiochenis in Imperatoris exercitum clam sæpè, palam sæpius
 irruptiones faciendo, damna eis frequenter intulerunt enormia; & cū eis more ho-
 stili, non attentâ fidei professione, versabantur. Imperator quoque verà vice tor-
 mentis ingētib; & machinis iaculatoriis, cautes immaniissimos, & immensī pōde-
 ris cōtorquendo, à porta pontis mcenia cædendo & turre, vrbis claustra debilitare

& effringere nitebatur. Dispositisq; per gyrum legionibus, sagittis, & omnium missilium genere, necnon & fundibulariorum manu proteruâ, ciues à muri propugnatione arcebanteminus; & ad suffodienda mœnia aditum & opportunitatem nitebantur vendicare. His igitur ita se habentibus, timori erat prudentioribus vtriusq; exercitus, quod nisi maturo rei subueniretur cōsilio, res in eum casum esset deuentura, in quo non facillè, periculis emergentibus, remedia possent aptari conuenientia. Interponunt se itaq; viri timorati, partium arbitri, pacis portantes manipulos: & domini Imperatoris ingressi castra, eius verbis pacificis, & omni humilitate prætētâ, mitigare satagebant indignationē. Rursum dominum Principem adeuntes, prudenter & circumspēctē nimis, prout opus erat, viam pacis student inuenire. Tandē 10 visum est arbitris, & quæsitī fœderis moderatoribus, quod dominus Princeps ad Imperialem accedens magnificentiam, in præsentia illustrium & inclitorum Imperialis palatii, cum vniuersorum cætu procerum suorum, cum debita sollempnitate ei ligiam exhibeat fidelitatem; iuretq; præstito corporaliter sacramēto, quod domino Imperatori Antiochiā ingredi volenti, vel eius præsidium, siue irato siue pacato, liberum & tranquillum non neget introitum. Et si dominus Imperator ei Halapiam, Casaream, Hamā, Emīssam, sicut pactis erat insertum, Principi restitueret quietas, quod his & aliis circumadiacentibus cōtentus urbibus, Antiochiam domino Imperatori sine difficultate restituat iure proprietatis habendam: dominus verò Imperator in recōpensationē exhibita fidelitatis, Principi concedat, quod si auctore Domino eum contigerit Halapiam, Casaream, & omnem circumadiacentem regionem sibi acquirere, totum Principi sine molestia & di- 20 minutione accrescat; & iure perpetuo sibi & heredibus suis, tamē in beneficio, quod feodum vulgò dicitur, tranquille possideat. Egressus est igitur dominus Princeps, iuxta conditum, cum omni suorum nobilium comitatu, ad castra Imperialia: vbi cum debita honorificentia à domino susceptus Imperatore, recensitis ad placitum hincinde pactis cōsensum, fidelitatem suam domino Imperatori manualiter exhibuit: sed & statim prædictarum urbium cum omnibus pertinentiis suis, dominus Imperator inuestituram ei concessit, spondens firmissimè, quod ætate proximè futurâ, eas auctore Domino, comprehensas corporaliter tradat. Sic itaque fœdere completo, pace plenius restitutâ, vexillo Imperiali super principalem præsidii arcem collocato, donis ingentibus cumulatus, cum suis Princeps in ciuitatem est regressus. Dominus autē 30 Imperator, propter instātem hyemis asperitatem, cum vniuersis exercitibus suis in Ciliciam reuersus, circa Tarsum in regione maritima, hyemandi gratiā se contulit.

EXPLICIT LIBER QUARTVSDECIMVS.

CAPITVLA LIBRI QVINTIDECIMI.

I. Imperator Casaream obsidet: Principe & Edessano Comite in eius obsequio constitutis.

II. Indignatus idem, imperfecto negotio obsidionem soluit Antiochiam reuersus.

III. Imperator à Principe ciuitatis repetit præsidium, quasi moram in regione facturus.

IV. Excitatur in ciuitate tumultus; timet Imperator, & petitionem remittit: & sedatur scandalum, eodem ab urbe egresso.

V. Mittuntur legati, qui indignationem Imperatoris mitigent; & obtinent: Imperator ab propria redit.

VI. Hierosolymorum Rex ultra Iordanem præsidium obsidet, & occupat violenter. Apud Thecuam nostri miserabiliter prosternuntur.

VII. Sanguinus regnum Damascenorum inquietat: Damasceni à nostris auxilium postu-

lant, & interpositis obtinent conditionibus: Sanguinus ad propria reuertitur.

49

VIII. Obsidetur ciuitas Paneadensis, Damascenis præbentibus auxilium.

IX. Princeps Antiochenus, & Tripolitani Comes, ad eandem accedunt obsidionem: & urgentissimè impugnatur ciuitas.

X. Principe & Comite præsentibus, machina ad oppugnandam urbem erigitur: ciuibus spe subsidii strenuè se defendentibus.

XI. Legatus Ecclesie Romanæ applicat; ad obsidionem accedit; capitur ciuitas: ibiq; ordinato Episcopo, Hierosolymam Principes omnes profisciscuntur.

XII. Princeps Antiochenus cum aduersariis Antiochemi Patriarcha conspirat: Patriarcha Romam profisciscitur. Capitur à duce Apulia Rogerio: sed tandem cum eo pacificatus, Romam peruenit.

XIII. Ac-

XIII. *Accusatur ab aduersariis: tandem cum plenitudine gratia, ad propria reuertitur.*

XIV. *Rediens, à clero suo, instinctu Principis non recipitur: in terram secedit Comitis Edeffani: tandem cum Principe pacificatus, Antiochiam ingreditur.*

XV. *Lugdunensis Archiepiscopus, Apostolica sedis Legatus, apud Acon defungitur: dirigitur ad idem Albericus, episcopus Hastiensis.*

10 *Synodus apud Antiochiam indicitur.*

XVI. *In cætu episcoporum aduersus Patriarcham accusatio proponitur: citatur: sed venire differt. Serlo Appamiensis Archiepiscopus, eius fautor, deponitur.*

XVII. *Patriarcha quasi contumax absens deponitur: ignominiose tractatus; vinculis mancipatur: Romam iterum profectus, ex parte gratiam obtinet: sed rediens veneno interit.*

XVIII. *Legatus Hierosolymam redit: Synodum celebrat: templū dedicat Dominicum.*

XIX. *Rursus Imperator in Syriam descendit: ad pacta prius inita Principem inuitat.*

XX. *Ciues missa legatione ad Imperatorem*

pactis contradicunt, & ingressum inhibent.

XXI. *Imperator ad Regem Hierosolymorum nuncios dirigit, simulans se habere propositum loca visitandi venerabilia; & super eodem recipit à Rege responsum.*

XXII. *In Cilicia moram faciens, letaliter sauciatur Imperator, dū venationi dat operam.*

XXIII. *Sublimato ad Imperium iunioris filio, defungitur Imperator. Exercitus, duce Manuele Imperatore substituto, domum reuertitur.*

XXIV. *Rex & regni principes, ante Ascalonam castrum fundant, cui nomen Ibelin.*

XXV. *Iterum ante eandem Ascalonam de communi Principum consilio castrum edificatur, cui nomen est Blanca guarda.*

XXVI. *Regina in loco cui Bethania nomen, monasterium edificat; & amplissimo dedit patrimonio, sororem ibi præsiciens.*

XXVII. *Rex in campatribus Aconensibus leporem agitans, de equo ruit præceps: moritur: Hierosolymis inter suos prædecessores sepelitur.*

EXPLICIT CAPITVLVS LIBRI QVINTVS DECIMI.



INCIPIT LIBER QVINTVS DECIMVS.

30 **T**RANSCVRSIS igitur circa partes Ciliciæ mensibus hybernis, CA P. I.
vere iam reducto, & gratam exercitibus referente temperiem,
missa voce præconiâ, & edicto Imperiali publicè mandatur primiceriis, cæturonibus, quinquagenariis legionum, iterum cohortes instrui, instrumenta bellica reparari, armis accingi populum vniuersum. Præmissis ergo legationibus dominus Princeps, dominus quoque Comes Edeffanus, aliique illarum partium primores inuitantur, ut cū domino Imperatore profiscantur ad prælia. Quibus vndique conglobatis, quasi circa Kal. Aprilis, tubarum stridore, clangore tympanorum, exercitus vniuersus, ut pactis inter se & Principē prius initis, satisfaciant, versus *Casariam* acies dirigi præcipit; & fines hostium ingressus, paucis euolutis die-
40 bus, ante prædictam urbem castra metatus est. His auditis, Princeps & Comes, conuocatis ex vniuersa regione suorum copiis, Imperatorem sub omni celeritate sequentes, subito cum suis ante suprâ nominatam ciuitatem, paribus accensi desideriiis adfuerunt. Est autē prædicta ciuitas, inter montem & fluuium, qui Antiochiam præterfluit, ferè in modum Antiochiæ sita, partem sui maximam in plano vsque ad flumen habens: partē quoque in decliuo montis; præfidiū verò in montis fastigio imminens, humanis inexpugnabile viribus est cōstitutum. Vnde à læua & à dextra demissis vsque in fluuium mœnibus, ciuitas ambitur cum suburbio sibi adiacente. Transito itaque fluuio, dispositisque in gyrum agminibus, ex ea parte vnde ciuitas suburbio ante se posito habilior ad impugnandum videbatur, urbem vallat obsidio-
50 ne. Hic demum machinis congruâ prouisione dispositis, turres ac mœnia, & infra muros ciuium domicilia grauium immissione molarium, incessanter cōcutiunt, & crebris ibctibus & vicariâ immissorum cautium repetitione, non sine multa inhabitationis strage funditus deiiciunt, in quibus erat defensionis spes maxima, ædificiorū munimina. Urgebat dominus Imperator, sicut erat vir magnanimus, studio feruente propositum, & propositis brauiis, adolescentium gloriæ cupidos, ad certamina & congressus Martios accendebat animos: loricâ quoque indutus, & accinctus gladio, casside caput tectus aureâ, medius immixtus agminibus, nūc hos nunc

DDDD 4

- illos sermonibus hortatur congruis; nunc exemplo tanquam vnus è popularibus prouocat, & instat viriliter, vt alios ad instandum reddat animosiores. Sic igitur vir egregiâ animositate insignis, sine intermissione discurrens, æstus belli à prima diei hora vsque ad nouissimam sustinens, nihil sibi quietis, vt vel cibum sumeret indulgebat: sed aut hos qui machinis deseruiebant, vt frequentius & directius iacularentur, admonebat; aut iis qui in conflictibus desudabant, addebat animos, per vicarias successiones vires reparans, & pro deficientibus recentes surrogans, & integris conatibus validos. Princeps autem & Comes, vt dicitur, adolescentes ambo, & illius ætatis læuioribus nimium tracti studiis, cæteris in prælio & re militari desudantibus, aleam ludebant, non sine damno rei familiaris, assidue; & circa bellorum studia remissius se habentes, cæteros quoque à feruore instatiæ, suo reuocabant exemplo. Quod audiens Imperator, & facto eorum pernicioso nimis motus, interius eos semel & secundo, familiari & secreta commonitione, reuocare studuit, exemplum sui proponens, qui cum Regum terræ & Principum omnium esset potentissimus, nec labori proprii parcebat corporis, nec immensis sumptibus. Tandem cum per dies aliquot in huiusmodi congressionibus & assiduis conflictibus perseverasset exercitus, indignatus Imperator, quòd incomparabilibus eius copiis vrbs pusilla tam diu posset resistere, affectus tædio, moram arguens, suorum accusans desidi-
 10
 20
 30
 40
 50
 60
 70
 80
 90
 100
 110
 120
 130
 140
 150
 160
 170
 180
 190
 200
 210
 220
 230
 240
 250
 260
 270
 280
 290
 300
 310
 320
 330
 340
 350
 360
 370
 380
 390
 400
 410
 420
 430
 440
 450
 460
 470
 480
 490
 500
 510
 520
 530
 540
 550
 560
 570
 580
 590
 600
 610
 620
 630
 640
 650
 660
 670
 680
 690
 700
 710
 720
 730
 740
 750
 760
 770
 780
 790
 800
 810
 820
 830
 840
 850
 860
 870
 880
 890
 900
 910
 920
 930
 940
 950
 960
 970
 980
 990
 1000
 1010
 1020
 1030
 1040
 1050
 1060
 1070
 1080
 1090
 1100
 1110
 1120
 1130
 1140
 1150
 1160
 1170
 1180
 1190
 1200
 1210
 1220
 1230
 1240
 1250
 1260
 1270
 1280
 1290
 1300
 1310
 1320
 1330
 1340
 1350
 1360
 1370
 1380
 1390
 1400
 1410
 1420
 1430
 1440
 1450
 1460
 1470
 1480
 1490
 1500
 1510
 1520
 1530
 1540
 1550
 1560
 1570
 1580
 1590
 1600
 1610
 1620
 1630
 1640
 1650
 1660
 1670
 1680
 1690
 1700
 1710
 1720
 1730
 1740
 1750
 1760
 1770
 1780
 1790
 1800
 1810
 1820
 1830
 1840
 1850
 1860
 1870
 1880
 1890
 1900
 1910
 1920
 1930
 1940
 1950
 1960
 1970
 1980
 1990
 2000
 2010
 2020
 2030
 2040
 2050
 2060
 2070
 2080
 2090
 2100
 2110
 2120
 2130
 2140
 2150
 2160
 2170
 2180
 2190
 2200
 2210
 2220
 2230
 2240
 2250
 2260
 2270
 2280
 2290
 2300
 2310
 2320
 2330
 2340
 2350
 2360
 2370
 2380
 2390
 2400
 2410
 2420
 2430
 2440
 2450
 2460
 2470
 2480
 2490
 2500
 2510
 2520
 2530
 2540
 2550
 2560
 2570
 2580
 2590
 2600
 2610
 2620
 2630
 2640
 2650
 2660
 2670
 2680
 2690
 2700
 2710
 2720
 2730
 2740
 2750
 2760
 2770
 2780
 2790
 2800
 2810
 2820
 2830
 2840
 2850
 2860
 2870
 2880
 2890
 2900
 2910
 2920
 2930
 2940
 2950
 2960
 2970
 2980
 2990
 3000
 3010
 3020
 3030
 3040
 3050
 3060
 3070
 3080
 3090
 3100
 3110
 3120
 3130
 3140
 3150
 3160
 3170
 3180
 3190
 3200
 3210
 3220
 3230
 3240
 3250
 3260
 3270
 3280
 3290
 3300
 3310
 3320
 3330
 3340
 3350
 3360
 3370
 3380
 3390
 3400
 3410
 3420
 3430
 3440
 3450
 3460
 3470
 3480
 3490
 3500
 3510
 3520
 3530
 3540
 3550
 3560
 3570
 3580
 3590
 3600
 3610
 3620
 3630
 3640
 3650
 3660
 3670
 3680
 3690
 3700
 3710
 3720
 3730
 3740
 3750
 3760
 3770
 3780
 3790
 3800
 3810
 3820
 3830
 3840
 3850
 3860
 3870
 3880
 3890
 3900
 3910
 3920
 3930
 3940
 3950
 3960
 3970
 3980
 3990
 4000
 4010
 4020
 4030
 4040
 4050
 4060
 4070
 4080
 4090
 4100
 4110
 4120
 4130
 4140
 4150
 4160
 4170
 4180
 4190
 4200
 4210
 4220
 4230
 4240
 4250
 4260
 4270
 4280
 4290
 4300
 4310
 4320
 4330
 4340
 4350
 4360
 4370
 4380
 4390
 4400
 4410
 4420
 4430
 4440
 4450
 4460
 4470
 4480
 4490
 4500
 4510
 4520
 4530
 4540
 4550
 4560
 4570
 4580
 4590
 4600
 4610
 4620
 4630
 4640
 4650
 4660
 4670
 4680
 4690
 4700
 4710
 4720
 4730
 4740
 4750
 4760
 4770
 4780
 4790
 4800
 4810
 4820
 4830
 4840
 4850
 4860
 4870
 4880
 4890
 4900
 4910
 4920
 4930
 4940
 4950
 4960
 4970
 4980
 4990
 5000
 5010
 5020
 5030
 5040
 5050
 5060
 5070
 5080
 5090
 5100
 5110
 5120
 5130
 5140
 5150
 5160
 5170
 5180
 5190
 5200
 5210
 5220
 5230
 5240
 5250
 5260
 5270
 5280
 5290
 5300
 5310
 5320
 5330
 5340
 5350
 5360
 5370
 5380
 5390
 5400
 5410
 5420
 5430
 5440
 5450
 5460
 5470
 5480
 5490
 5500
 5510
 5520
 5530
 5540
 5550
 5560
 5570
 5580
 5590
 5600
 5610
 5620
 5630
 5640
 5650
 5660
 5670
 5680
 5690
 5700
 5710
 5720
 5730
 5740
 5750
 5760
 5770
 5780
 5790
 5800
 5810
 5820
 5830
 5840
 5850
 5860
 5870
 5880
 5890
 5900
 5910
 5920
 5930
 5940
 5950
 5960
 5970
 5980
 5990
 6000
 6010
 6020
 6030
 6040
 6050
 6060
 6070
 6080
 6090
 6100
 6110
 6120
 6130
 6140
 6150
 6160
 6170
 6180
 6190
 6200
 6210
 6220
 6230
 6240
 6250
 6260
 6270
 6280
 6290
 6300
 6310
 6320
 6330
 6340
 6350
 6360
 6370
 6380
 6390
 6400
 6410
 6420
 6430
 6440
 6450
 6460
 6470
 6480
 6490
 6500
 6510
 6520
 6530
 6540
 6550
 6560
 6570
 6580
 6590
 6600
 6610
 6620
 6630
 6640
 6650
 6660
 6670
 6680
 6690
 6700
 6710
 6720
 6730
 6740
 6750
 6760
 6770
 6780
 6790
 6800
 6810
 6820
 6830
 6840
 6850
 6860
 6870
 6880
 6890
 6900
 6910
 6920
 6930
 6940
 6950
 6960
 6970
 6980
 6990
 7000
 7010
 7020
 7030
 7040
 7050
 7060
 7070
 7080
 7090
 7100
 7110
 7120
 7130
 7140
 7150
 7160
 7170
 7180
 7190
 7200
 7210
 7220
 7230
 7240
 7250
 7260
 7270
 7280
 7290
 7300
 7310
 7320
 7330
 7340
 7350
 7360
 7370
 7380
 7390
 7400
 7410
 7420
 7430
 7440
 7450
 7460
 7470
 7480
 7490
 7500
 7510
 7520
 7530
 7540
 7550
 7560
 7570
 7580
 7590
 7600
 7610
 7620
 7630
 7640
 7650
 7660
 7670
 7680
 7690
 7700
 7710
 7720
 7730
 7740
 7750
 7760
 7770
 7780
 7790
 7800
 7810
 7820
 7830
 7840
 7850
 7860
 7870
 7880
 7890
 7900
 7910
 7920
 7930
 7940
 7950
 7960
 7970
 7980
 7990
 8000
 8010
 8020
 8030
 8040
 8050
 8060
 8070
 8080
 8090
 8100
 8110
 8120
 8130
 8140
 8150
 8160
 8170
 8180
 8190
 8200
 8210
 8220
 8230
 8240
 8250
 8260
 8270
 8280
 8290
 8300
 8310
 8320
 8330
 8340
 8350
 8360
 8370
 8380
 8390
 8400
 8410
 8420
 8430
 8440
 8450
 8460
 8470
 8480
 8490
 8500
 8510
 8520
 8530
 8540
 8550
 8560
 8570
 8580
 8590
 8600
 8610
 8620
 8630
 8640
 8650
 8660
 8670
 8680
 8690
 8700
 8710
 8720
 8730
 8740
 8750
 8760
 8770
 8780
 8790
 8800
 8810
 8820
 8830
 8840
 8850
 8860
 8870
 8880
 8890
 8900
 8910
 8920
 8930
 8940
 8950
 8960
 8970
 8980
 8990
 9000
 9010
 9020
 9030
 9040
 9050
 9060
 9070
 9080
 9090
 9100
 9110
 9120
 9130
 9140
 9150
 9160
 9170
 9180
 9190
 9200
 9210
 9220
 9230
 9240
 9250
 9260
 9270
 9280
 9290
 9300
 9310
 9320
 9330
 9340
 9350
 9360
 9370
 9380
 9390
 9400
 9410
 9420
 9430
 9440
 9450
 9460
 9470
 9480
 9490
 9500
 9510
 9520
 9530
 9540
 9550
 9560
 9570
 9580
 9590
 9600
 9610
 9620
 9630
 9640
 9650
 9660
 9670
 9680
 9690
 9700
 9710
 9720
 9730
 9740
 9750
 9760
 9770
 9780
 9790
 9800
 9810
 9820
 9830
 9840
 9850
 9860
 9870
 9880
 9890
 9900
 9910
 9920
 9930
 9940
 9950
 9960
 9970
 9980
 9990
 10000

dominum Principem & Comitem, quàm in eorum Magnates, necnon & in ciues indifferentes vsus esset Imperiali munificentiâ, Principem simul & Comitem & omnes prouinciæ primores, ad se fecit euocari: quibus in præsentia sua constitutis, Principem alloquitur, dicens: *Nosti, dilectissime fili Raimunde, quomodo ob gratiam tui, ut iuxta conuentiones inter nostrum D E O amabile Imperium, & fidelitatem tuam prius per prudentum virorum mediationem initas, tuum augeam principatum, & dilatē super hostes fidei nostræ possessiones tuas, diu iam in ista regione conuersatus sum: & ecce opportunitate ingruente, tempus est ut promissa soluam, & omnem circumadiacentem regionem tua subiiciam ditioni, sicut pactorum tenor manifestius edocet. Sed nosti optimè, nouerūt & isti, qui tecum in nostra assistunt præsentia, quod non est, quod tibi soluere tenemur, opus temporis modici; sed moram tua negotia videntur exigere diuturniorem & impensas ampliores deprecere. Oportet igitur ut ciuitatis huius præsidium, sicut ex pacto teneris, nostræ deputes custodia, ut in eo nostri tutius reponantur thesauri: urbem quoque nostris exercitibus peruiam facias, ut liberam omnino intrandi egrediendiq; habeant sine difficultate licentiam. Nam de Tarso, vel Anauarza, vel aliis Ciliciæ urbibus, non ita commodè bellica parari possunt instrumenta, ad angustias & obsidionem Halapiæ inferendâ; aliâq; præstat hæc ciuitas iis vsibus opportunitatē, longeq; meliorem quàm alia quæuis posset ministrare. Imple ergo promissum, & iuxta tenorem exhibitæ fidelitatis, prosequere quod tuum est: nam nostræ erit eminentiæ, id quod tibi tenemur exsoluere, largâ interpretatione & superfluente mensurâ largiri.* His dictis, Princeps & sui, verbi acerbitate perterriti, diu hæretes quid super his respōderent, cum multa anxietate secū voluebāt, quid ad hoc referrent. Durū enim videbatur & graue nimis, quod ciuitas tanto nostræ gentis acquisita periculo, tantoque sanguinis feliciū Principum dispendio Christianæ fidei restituta, quæ tantarū semper fuerat caput & moderatrix prouinciarum, in manus effeminati Græcorum populi descenderet. nā sine ea reliquæ regionis portiones nobis stare posse non videbantur. Iterum, id pactis domini Principis insertū, nemo erat qui dubitaret; præterea tot de suis intromiserat, quod non facile videbatur ei, vim inferre volēti, resistere posse. Sic igitur res in arcto posita erat, cum ecce Comes Edeffanus pro omnibus respondens, ita orsus est: *Domine, sermo quē perorauit Imperialis sublimitas vestra, diuinā redolet eloquentiā, & omni acceptione dignus est: in nostrum enim totum illius tenorem videmus respicere penitus incrementum. sed res noua, nouo indiget consilio, nec est in domino Principe solum hoc effectui mancipare. Oportet enim, ut cum suorum, mei videlicet, & aliorum suorum fidelium consilio super hoc plenius deliberet, quomodo facilius verbum vestrum & postulatio debitum sortiatur effectum, ne tumultu plebis intercurrente, executioni petitionum vestrarum futura præstetur impedimentum; Placuit itaque domino Imperatori Comitibus responsum: & datis ad modicum induciis, ut dictæ satisfaceret deliberationi, Comes domum regreditur, Principe in palatio remanente, & sui ipsius (ut dicebatur) non habente potestatem.* Comite igitur domum reuerso, missis occultè nunciis, qui populum vniuersum, patefactâ Imperatoris postulatione, ad arma sollicitent, fit tumultus cum immoderato strepitu per urbem; & turbis vndique conuenientibus, clamor attollitur in immensum. Hæc audiens Comes, accepto equo velociter ad palatium festinans, tanquā popularium incurfus fugiens, ante pedes Imperatoris se dedit exanimem. Subito igitur Comitibus ingressu, imperator attonitus, quærit diligenter, *quanam sit causa, quod ita inordinatè, præter morem & disciplinam sacri palatii, ante maiestatem irruerit Imperialem.* Respondit: *necessitatem legem non habere; seg, populi furentis insectatione coactum, ut mortis euitaret discrimen, contra morum regulas aduenisse.* Item sæpius sciscitanti, ut causam diligentius aperiret, respondit: *se gratiā percipiendâ quietis in hospitium declinasse, & ad id operam dare proposuisse, cum ecce subito vniuersus ciuitatis populus, quasi vir unus ante domus ianuam cum gladiis & armis qualia furor ministrabat assistens, virum sanguinarium, proditorē patriæ, plebis homicidam, cepit clamare: qui ciuitatem Imperatori, sumptâ inde pecuniâ vult vendere: Comitem Edeffanum sibi dari obuiam velle: vixq; eos iam effractâ domo, cum mille periculis effugiss.* Interea clamor per ciuitatem excitatur ingens, tumultus immoderatus, rumor celeberrimus omnium aures circumstrepit, ciuitatem Græcis veditam, præsidium iam eis traditum; ciues, relictis auitis domibus & fundis paternis, migrare oportere. His itaque rumoribus ciues accēsi, quoscunque de Imperatoris reperiunt familia, de equis deiciunt, vi spoliunt, verberibus afficiunt, resistere volentes, gladiis obtruncant; & vsque in palatium Principis, iniurias & mortē fugientes, strictis gladiis

insequuntur. Hoc strepitu ciuium, & suorum conclamantium vociferatione vehementi motus Imperator, Principem & Magnates accersiri iubet, & mitigatâ pro tēpore indignatione, timens ne contra se durius aliquid oriretur, sermonem, quem eodem die corā omnibus aliquātulum liberiùs dixerat, tãgens ait: *Memini me vobiscū hodie super vno verbo habuisse tractatum, unde fortasse scandalum hoc in populo dicitur obortum. Nunc autem nouerit tam patrum, quàm plebis vniuersitas, quòd ex quo ita durum & difficile vobis videtur quod dixi, renoco sententiam, retracto quod proposui. Habetote vobis tam urbem totam, quàm præsidium: sufficit Imperio meo, statum temporum hæcenus obseruatum continuare. Noui quòd verè fideles mei sitis, nec à fidelitate promissa & præstita vlla dies unquam vos conuellere poterit. Egremini igitur & populum furentem compescite. Quòd si mora in ciuitate mea eis aliquatinus suspecta est, ne super hac moueantur: cras enim, auctore Domino, egrediemur.* His dictis laudant omnes domini Imperatoris propositum; & extollunt vsque ad sidera mentem prouidam, consilii altitudinem, consulti pectoris iudicium. Et egredientes Princeps & Comes, & alii procerum primores, voce, manu, nutibus & signis tumultum sedare tentant: tandemque indicto silentio, & plebe verbis amicis ad aliquam tranquillitatem redactâ, domum eos redire, & armis depositis quietè degere rogant propensius. Quod & factum est. Dominus autem Imperator, die sequente cum filiis & consanguineis & familiaribus egressus, ante urbem castra locari præcipit. 10

V. Scientes ergo hi quibus mens erat sanior, dominum Imperatorem, licet more prudentis dissimulauerit, rancorem aduersus Principem & nobilium primores mente concepisse, tanquam eorum instinctu & occultâ operâ popularium tumultus & plebis scandalum esset excitatum: dirigunt reformatæ pacis gratiâ idoneos ad hoc, & sensus habentes exercitatos, ad Imperialem excellentiam nuncios, qui dominum Principem & Magnates regionis apud dominum Imperatorem satagant excusatos habere; & super eo qui in populo excreuit tumultu, prorsus asserant innocentes. Qui ergo missi fuerant, in auditorium Imperatoris intromissi, pro iniuncto negotio verba facientes, allegare student & persuadere Principis innocentiam, in hunc modum: *Nouit Augustalis apex, & Imperialis eminentia nobis multo melius, quòd in quolibet collegio, nedum in ciuitatibus, & magnis hominum cœtibus, non omnes pari splendēt prudentiâ, nec pari sunt præditi disciplinâ: sed aliter & aliter affectis ciuibus, dispares mores, disparia sequuntur studia: ita ut iuxta prudentis verbum, verum sit quod dicitur,* 20

Tres mihi conuiuæ propè dissentire videntur. Et illud:

Quot homines, tot sententiæ.

Sed in hac tanta varietate morum dissimilium, prudentis est, qualitatem distinguere meritum, & congrua meritis præmia deputare. Iuxta hanc rationem plebis indiscreta calor inconsultus, in damnum non debet redundare melius affectorum. Vsu enim inter homines solet euenire, ut plebs confusa, modum nesciens, rixas & tumultus consueuerit incautiùs suscitare: idq̃ in omnibus benè moratis urbibus, vetustam & usu approbatam longæuo consuetudinem obtinuisse certum est, ut patrum modestiâ populares comprimantur impetus, & ignara modi reseruentur audacia. Aliter, vulgi multo meliorem quàm nobilium esse conditionem; turba imprudentis confussionem, quàm discretorum experientiam, nisi Maioribus colligere liceat peccata plebis inconsultæ. Ignorante sanè domino Principe, nescientibus iis ad quorum nutum maiora tractantur negotia, deliquit plebs indiscreta. Pœnas ergo toleret quas meruit, domino Principe cum Maioribus indemnibus conseruatis: paratus est denique in argumentum suæ innocentie in sinibus stare patetorum; & si liceat, urbem cum præsidio in manus Imperii transferre. His & similibus persuasus Imperator, motum indignationis nimie, quem de sola suspitione conceperat, humaniore sententiâ reuocauit: accersitoque domino Principe, nec non & Comite cum proceribus, ad se familiariter præcipit introire; & detergâ omni interiecti rancoris nebulâ, mutuæ salutationis benignè suscipit & impendit affatum. 40

Tandem eis innotescens quòd caussas haberet vrgentissimas, quibus impellentibus eum domum redire oporteret; sumptâ licentiâ, promissoque firmissimè, quòd iterum auctore Domino, pacta completurus, in manu valida esset rediturus, in Ciliciam vniuersos dirigit exercitus. Vnde completis negociis circa Ciliciam & Syriam, præparatisque ad iter agminibus, ad propria reuersus est. Interea dum hæc circa Antiochiam geruntur, subsequente æstate, non post multum temporis interuallum, vir inclytus & magnus apud Occidentales Principes, dominus Theodoricus 50

VI.

doricus Flandrensiū Comes, domini Regis gener, orationis & deuotæ peregrinationis gratiâ cum honesto nobilium virorum comitatu Hierosolymam venit, cuius aduentum Rex & populus vniuersus multa cum hilaritate suscipientes, cōfisi de insigni & robusta, quam secum adduxerat militia, apponunt vnanimiter cum domini Patriarchæ, & aliorum Regni Principū consilio, trans Iordanem in finibus Ammonitarum iuxta montem Galaad obsidere præsidium vnum, nostris regionibus perniciosum valde. Erat autem prædictum municipium spelunca quædam in latere montis eminentis maximè decliuo sita, aditum habens penè inaccessibilem. Desuper verò immanissimum imminere præcipitium, vsque in infima subiacētis vallis, à vertice supereminentis promontorii contiguum. Ex latere verò altrinsecus ad eandem speluncam erat inter clium superincumbentis altitudinis, & dictum præcipitium, * artus & formidabilis. In hanc se collegerat furum manipulus nocens, & prædonum turba de finibus Moab, & Ammon, & Galaad, qui præmissis exploratoribus locorum peritis, & per eos de statu regionum nostrarum plenius edocti, sumptâ opportunitate frequētes irruptiones, clam, & plerunque periculosas nimis, nostris finibus inferebāt. Quibus malis nostri volentes occurrere, proponunt, vt præmisimus, speluncam obsidere. Conuocato igitur vniuerso Regni populo, & copiis militaribus congregatis, transito Iordane, illuc perueniunt: & sicut regionis patiebatur inequalitas, simul & angustia, aditus occupant, castra per circuitum locantes; 20 & dispositis agminibus per gyrum, locum obsidione vallant. Legem itaque castrorum exequentes, ad quælibet nocendi se conuertunt argumenta, obsessos modis quibus possunt artantes, vt ad deditionem impellant: illi versâ vice quicquid miseris rebus solet venire sollertiæ colligentes, in sui tuitiōe vigilanter armantur. Dumque ibi penè omnis Christianus vnanimiter desudaret exercitus, Turci quidam ex tempore opportunitatem nacti, videntes trans Iordanem vniuersam regionem militiâ destitutam, hostilibus patere insidiis, Iordane trāsmissō, Hiericuntinam regionem relinquentes, à dextris, secus *Asphaltē* lacum, qui & *Mare Mortuum* dicitur, incedentes, inde se ad montana conferentes, in eam prouinciæ partem irruperunt, quæ tribu Iudæ olim cessit in sortem; & peruenientes ad ciuitatem prophetarum 30 Amos & Abacuc, *Tecum* nomine, incolis vacuam, violenter occupauerunt, paucis quos ibi repperunt occisis: fugerant enim loci illius habitatores, hostium aduentu præcognito; & cum vxoribus & liberis, armentis & gregibus in speluncam *Odollam*, illis vicinam se contulerant. Vicum ergo prædictum inuenientes vacuum, domicilia eorum qui fugerant ingressi, quod residuum erat, asportabant. Erat autem casu Hierosolymis illis diebus ab Antiochia veniens, vir piæ in domino recodationis, miles eximius, & in armis strenuus, nobilis carne & moribus, dominus *Robertus*, cognomine *Burgundio*, natione Aquitanicus, magister militiæ Templi. Hic cum quibusdam de fratribus suis, & cum iis qui Hierosolymis remanserant, paucis & promiscui generis equitibus, vexillum regium baiulante quodam domini Regis familiari, *Bernardo Vacher*, subsequente populo, ad locum prædictum certatim 40 & sub omni celeritate contendunt. Audientes itaque Turci nostrorum aduentum, locum deferentes *Habehim*, Iohelis prophetæ domum, versus *Ebron* patriarcharum sepulchrum, fugam inierant: volentes inde in plana Ascalonam versus descendere. Nostri autem, scientes hostium acies in fugam versas, non eisdem vestigiis inhærentes, tanquam de trophæo certi, sed ad diuersa incautè nimis tendentes, fugientium spoliis magis quàm stragi hostium insiscebant imprudenter. Quod intelligentes qui fugam inierant, iterum more solito conglobati, resumentes animos, dispersas acies, quantum possunt, reuocare nituntur: nostrisque ex improviso & nimis cōfidenter irruentes, passim vagantes & securos inuadunt, gladiis obtruncant: 50 paucis tamen resistentibus, & collectis adinuicem, pugna committitur. Inter hæc qui diuersa fuerant secuti tubarum clangore, stridore cornuum, equorum fremitu, armorum fulgore corruscātium, vocibus suos adhortantium, simul & pulueris equorum pedibus agitati nebulâ in sublimē raptâ, commoniti, ad locum properant certaminis. Sed antequam eorum qui restiterant cateruis se coniungerent, deficientibus primis, & in fugam actis, facti sunt hostes, nostris deuictis, superiores. Conuersos itaque in fugam nostros, per loca saxi asperrima & prorsus inuia, & omnino fuga non admittētia sagittis & strictis gladiis more hostiū insectantes, alios

ferro perimunt, alios prosternunt præcipites; & à prædicta *Hebron*, quæ est *Caria-tharbe*, usque in fines Thecuzæ persequentes, stragem multam nimis operati sunt in populo. Ceciderunt autem illâ die multi nobiles & inclyti viri, inter quos vir eximius frater militiæ Templi, *Odo de Monte Falconis*, omnes morte suâ mærore & gemitu conficiens, occisus est. Hostes verò victoriâ potiti, cæde nostrorum & spoliis lætantes, Ascalonam reuersi sunt. Nostri autē qui in expeditione erant, cognito quod apud nos acciderat infortunio, animo nimirum sunt vehementer consternati. Sed tamen intelligentes hanc esse *bellorum legem*, vt nunc hi, nunc illi variis euentibus fiant superiores, iterum consolationem recipientes, cœpto instant operi feruentius solito, & auctore Domino, infra paucos dies prædictum obtinent præsidium, inde 10 cum gloria & triumpho ad propria reuersi.

VII.

Interea dum hæc in partibus geruntur Hierosolymitanis, *Sanguinus* tanquam vermis inquietus, successibus in immensum elatus, præsumit etiam Damascenorum regnum sibi vendicare. Quod intelligens *Ainardus* illius regni procurator, militiæ princeps, socer quoque regis Damascenorum, quod in fines suos violenter esset ingressus, nuncios ad dominum Regem, cum verbis pacificis dtrigit, petens & obnixè postulans ab eo & populo Christiano *auxilium & consilium* contra hostem vtriusque regni crudelissimum. Et ne præsumptuosè, gratis & sine multorum spe emolumentorum, dominum Regem & eius Principes in sui subsidium videretur sollicitare, spondet pro impensis ad hoc opus necessariis, mensibus singulis persoluenda aureorum vicena millia: insuper 20 & hoste à finibus suis violenter abactò, urbem Paneadensem, paucis ante annis à nobis violenter ablatam, pactis inserit, nostris absque contradictione restituendam: & super iis omnibus conuentionum articulis, vt eis fides amplior habeatur, nobilium filios, quantos expedit, obsides se daturos pollicetur. His auditis dominus Rex, conuocans vniuersos Regni principes, legationis modum & verborum seriem eis diligentius aperit; consilium postulat, quid eis super huiusmodi petitionibus respondendum videatur. Tandemque communicato adinuicem consilio, & deliberationis prouido libramine, partibus pensatis, optimum iudicant, *Ainardo* & Damascenis, contra hostem immaniissimum, & vtrique suspectum regno, opem esse ferendam: ministranda etiam gratis subsidia, *ne hostis potentior, per nostram desi-* 30 *diam, in nostram perniciem, regno acquisito, Regni suscipiat incrementum.* Præterea & additæ conditiones, causam reddunt amplius fauorabilem: idque potissimum omnes trahit in hanc partem procliuiiores, quod de vrbe Paneadense in fine verborum est adiunctum.

VIII.

Approbato ergo generali consilio, susceptisque iam dictis obsidibus, & in tuto collocatis, confestim ex omnibus regni finibus apud Tyberiadem præcipitur, tam equitum quàm peditum innumera manus conuenire. *Sanguinus* autem in multitudine virtutis suæ, cum immensis equitum copiis eiusdem prouinciæ fines ingressus, relictâ post se Damasco, usque ad eum locum qui dicitur *Rasaline*, peruenerat: ibique per aliquot temporis interuallum, dubitans de nostrorum aduentu, cum suis legionibus confederat. Certus enim esse videbatur, quod nisi no- 40 strorum vires eius propositum impedirent, facile ad optatum posset pertingere. Nunciatur ergo nostris, Sanguinum in prædicto loco consistere; Damascenos quoque vrbe iam egressos, domini Regis, & nostrorum apud *Nearam* præstolari aduentum: quo cognito, nostræ quoque acies castris solutis, vexillis præcedentibus, ad prædictum locum vnanimiter contendunt. Quod audiens Sanguinus, timens, sicut vir erat industrius, in terra hostium cum gemino committere exercitu, priusquam nostri cum Damascenis conuenirent, locum prædictum deferens, declinatis nostris & Damascenorum ad læuam copiis, fugam accelerat; & in eam regionem quæ dicitur vulgo *Vallis Baccar*, maturatis se confert itineribus. Nostri autem nihilominus ad locum prædictum peruenientes, Damascenis permixti, 50 de discessu Sanguini edocti plenius, de communi consilio, sicut pactis continebatur, contra Paneadem vniuersos dirigunt exercitus. Hanc urbem (vt prædiximus) *Doldequinus* Damascenorum rex, paucis ante annis violenter occupauerat: sed postmodum magistratus, cui eam commiserat, à Damascenis deficiens, contra Damascenos, Sanguino adhæserat: vnde erat, quod ad hoc, vt domino Regi traderetur, fidelius elaborabant; malentes eâ Christianis restitui, quorum gratia fruebantur, quam vt hostis eorum tam suspectus, tamque formidabilis, eam possideret: vnde grauius,

- grauius, eis & quasi de vicino nocere poterat, & maiores inferre molestias. Ista 1 x.
 est *Paneas*, quæ vulgari appellatione *Belinas* dicitur, olim ante introitum filiorum Is-
 rael in Terram Promissionis, dicta *Lesen*: quam postea filii Dan acceperunt in for-
 tem, & vocauerunt *Lesen Dan*: sicut legitur in *Iosue*, vbi scriptum est: *Ascenderuntq;* 10f. 19, 47.
filii Dan, & pugnaverunt contra Lesen, ceperuntq; eam, & percusserunt eam in ore gladii, ac
possederunt, & habitauerunt in ea, vocantes nomen eius Lesen Dan, ex nomine Dan patris
sui: Consequenter autem dicta est eadem *Cæsarea Philippi*, eò quod *Philippus* tetrar-
 cha, senioris Herodis filius, in honorem Tiberii Cæsaris eam ampliauerit, & ædifi-
 ciis admirabilibus reddiderit insigne, ita vt ad nomen Cæsaris & ampliatis vo-
 cabulum, vnam prætenderet appellationem. Conuersis igitur ad urbem agmini-
 bus, & ad eam peruenientes Kal. Maii, ciuitatem vndique vallant obsidione. *An-*
nardus cum suis ab Oriente, inter urbem & siluam suorum locat expeditiones, in
 eo loco qui dicitur *Cohaqar*: Rex autem & noster exercitus ab Occidente, versus
 campestria suas locant legiones. Sic igitur ordinatis in gyrum stationibus studiosè
 procuratur, vt inclusis generalitèr omnis interdicator aditus, nec ingredi vel egre-
 di volentibus libera pateat euagandi potestas. Placet præterea, & de communi san-
 citur consilio, quatinus missis nunciis fidelibus, dominum *Raimundum* Antioche-
 norum Principem, & dominum Comitem Tripolitanum conuocent ad præsentis
 operis subsidium: quod & factum est. Ipsi nihilominus interea cum Turcis æquè
 20 feruentibus, ad congressus quotidianos accinctis, obsessos assultibus vrgent ass-
 duis; & machinis iaculatoriis, quas *petrarias* vocant, immixtis magnæ quantitatis
 molaribus, mœnia concutiunt, & infra urbem conterunt domicilia: ad hoc & re-
 lorum immixtionibus, & multâ sagittarum grandine, adeò fatigant oppidanos, vt
 nullus intra muros tutus ad latendum inueniretur locus; vixque muro & propu-
 gnaculis recti, contorquentes saxa, aut arcubus vrentes, eos qui deforis impugna-
 bant auderent conspiciere. Intueri erat ibi præter solitum hostes ab hostibus Marte
 sæuissimo prouocari; & fictione depositâ, seriò nimis in eorum armari perniciem:
 nec facile erat discernere, vtrâ proteruius cõtra communes aduersarios arma corri-
 peret manus, aut in congressionibus instaret acrius, aut diuturniore longanimitate
 30 in belli pondere perseveraret: erat nãq; nostris militibus cum Damascenis coh-
 ortibus animorum par affectus, & consonans desiderium. Experientia quidem & v-
 sus armorum longè dissimilis, sed voluntas nocendi non inferior. At verò obsessi, li-
 cet cõtinuis assultibus fatigati, vigiliis & nimis laboris pòdere essent attriti, tamen
 resistunt viriliter; & pro viribus libertatem, vxores, & liberos tueri satagentes, vr-
 gente molestiâ solertiores effecti, ad omnia resistendi se conuertunt argumeta. His
 ita per dies aliquot tractatis, videntur omninò non proficere, nisi castello ligneo
 mœnibus applicato, obsessis desuper bellum inferatur. Cumq; in tota illa regione
 ad vsus huiusmodi, conueniens non inueniretur materia, mittuntur Damascum de
 mandato domini *Ainardi*, qui trabes proceras, & ingentis magnitudinis, ad hoc spe-
 40 cialiter multo ante deputatas, deportari faciant, & cum omni redeant celeritate.
 Interea princeps *Antiochenus*, & comes *Tripolitanus* nostris excitil legationibus, x.
 cum ingentibus copiis, & valida manu, optatò aduenientes, castris se adiungunt no-
 stris: quorum aduentu geminatus est obsessis timor, & resistendi spes omnis visa est
 cecidisse. Dumque hi qui recentes aduenerant, certatim vires experiuntur, & lau-
 dis cupidi, & gloriæ consequendæ gratiâ congregatis seorsum urbem impugnant
 agminibus: obsessis ingeritur formido amplior, & diffidentia; nostris verò spes de
 obtinenda victoria iam certior, animos erigens, minuebat tædium, & ad impu-
 gnandum singulis diebus reddebat fortiores. Nec morâ, dum hæc circa urbem fiunt,
 ecce qui Damascum ierant redeunt, trabes secum miræ magnitudinis afferunt,
 50 & soliditatis optatæ. Quibus per artifices & lignorum cæsores sub omni celeritate
 læuigatis, & clauis ferreis debitâ soliditate coniunctis erigitur subito immensæ al-
 titudinis machina, quâ desuper vniuersa prospicitur ciuitas; & vnde sagittis omni-
 que telorum genere, pugillariū quoq; iactu lapidum arcent oppidanos: quâ erectâ,
 complanatis quæ inter machinam & murum erant mœdia, mœnibus applicatur,
 urbem despiciens vniuersam, tanquam turris in urbis medio subito appareret ædi-
 ficata. Hic primùm dura nimis, & ad supremum compellens defectum, facta est
 obsessorum conditio: nam ad contorsiones lapidū, & telorum immixtiones, qui-

bus eos instanter vrgebant, qui in castello erant, non erat omninò remedium inuenire: non inueniebatur interiùs locus, qui tutas fauciis aut debilibus posset laterbras ministrare; vel ad quas confugerent post labores, qui adhuc solidi, & viribus integri, aliis se poterant præstare defensores; & iam per murum discurrere negabatur: & deficientibus sociis, absque moris periculo non licebat opem ferre: nam quæ ab inferioribus inferebantur bellorum pondera, & nocendi argumenta, factâ relatione, ad ea quæ de superioribus imminuebant diuersi generis pericula, nulla aut modica poterant iudicari: ita vt bellum non tam cum hominibus, quàm cum superis videretur. Fuerat autem ab initio spes obsessis, eâdemque vsque in præsentem articulum fouebantur, quòd *Sanguinus* eis esset ministraturus, sicut & fide interpositâ firmauerat, subsidium: sed vrgente iam periculo, nec subsidium, nec defensionis locus videbatur relictus. Dum hæc in expeditione geruntur, Legatus quidam Romanæ ecclesiæ, *Albericus* nomine, episcopus Hostiensis, natione Francus, de episcopatu Beluacensi, apud Sydonem applicuit. Venerat autem specialiter ob illud missus negocium, quod in ecclesia Antiochena, inter dominum Patriarcham & eius Canonicos erat obortum: cuius etiam gratiâ, vir vitæ venerabilis, dominus *Petrus* Lugdunensis Archiepiscopus, paucis antè diebus, legationis fungens officio, in Syriam venerat; sed morte præuentus, finem iniuncto non potuit dare negotio: vnde hic, vt tantæ controuersie debitum finem imponeret, prædicto venerabili viro substitutus est, sicut in sequentibus dicitur. Hic audito, quòd vniuersus Christianus exercitus in obsidione apud Pancadem detineretur, & quòd ibi dominus Patriarcha Hierosolymorum *Wilelmus*, dominus *Fulcherius*, Tyrensis Archiepiscopus, cum cæteris Regni Principibus moram facerent, illuc sub omni celeritate contendit: adueniensque licet in cœpto non torperent opere, sed instarent feruenter, qui & urbem obsederant, tamen prudentis viri studio & auctoritate subnixus Apostolicâ, ad propositum inuitat; & exhortatorii sermonis eis addens stimulos, ad impugnandam urbem accendit vehementius. Interea qui in machina ad hoc deputati erant, ciues continuis vrget assultibus; & negatâ requie, desuper iniectâ terroris & periculi causâ multiplici, fatigationibus assiduis molestias ingeminant: iamque quibusdam ex eis consumptis gladio, quibusdam verò letaliter fauciis, aliis verò præ lassitudine deficientibus, eorum minuebatur numerus, nec instantes more solito à sui poterant impugnatione repellere. Quod intelligens Damascenorum procurator, & militiæ Princeps *Ainardus*, vir prouidus admodum, & fœderis quod nobiscum pepigerat tenacissimus, & fidelissimus persecutor, sciens quia *vexatio dat viam auditui, & ad conditiones extremas consummata miseria impellere solet*, missis occultè quibusdam de familiaribus suis, qui obsecillos cum spe salutis ad deditionem inuitarent, verbum prætentauit fideliter: illi autem primum abhorrentes, & fingentes se longius ire, tanquam adhuc resistendi ipem viderentur habere aliquam, nouissimè tamen cum auditate multa, gratanter suscipiunt oblatum verbum. Magistratus tamen, quem ipsi vocant *Emir*, nobilis homo & potens, oblati adiicit conditionibus, vt pro urbis deditione, habitâ consideratione, ne egeret, aliqua boni viri arbitratu fieret ei recompensatio: turpe enim videretur & indecens, vt vir nobilis & tam famosæ urbis dominus, propriâ pulsus hereditate, mendicare compelleretur. *Ainardus* verò, videns nobilis viri petitionem iuri satis conuenire, & æquitati, totaque mentis properans intentione, vt ciuitas in nostram veniret potestatem, iuxta illorum desiderium se obligat: quòd vsque ad certam summam, quæ inter eos conuenit in balneis & pomeriis ei redditus annuatim soluēdos assignaret; & populo exire cupienti, liberum cum omnibus rebus suis exitum procuraret. Iis verò qui urbem & prædia sua tam urbana quàm rustica incolere, & nusquam abire vellent, vel ad tempus, vel in perpetuum, bonis conditionibus tranquillam, fide interpositâ, moram pollicetur. Quod verbum tam dominus Rex, quàm reliqua populi pars, placitè suscipientes, urbem sine mora parati sunt tradere. *Ainardus* itaque videns, conuentiones ad optatam peruenisse consonantiam; & iam in nullo vacillare sermonem, dominum Regem, Patriarcham, Principem, & Comitem familiariùs conuenit, & rei seriem secretiùs pertractatæ, diligenter apperit, & ad consensum modis quibus potest hortatur: illi porrò viri prudentiam, & fidei sinceritatem attendentes, conditiones approbant,

approbant, & consensum impartientes gratuitum, omnia se facturos iuxta illius ordinationem firmissimè compromittunt. Sic ergò ciuitate traditâ ciues cum omni suppellectile sua, cum vxoribus & liberis, liberum habentes exitum, ad loca optata se contulerunt. Nostri verò ciuitate receptâ, domino Patriarchâ id procurante, dominoque *Fulchero* Tyrensi archiepiscopo, ad cuius iurisdictionem Paneadensis Ecclesia iure metropolitico certum erat pertinere, id concedente & electionem approbante, dominum *Adam*, archidiaconum Acconensem, in episcopum eiusdem loci eligunt; & curam fidelium illic commorari volentium, committunt spirituales: temporalem verò iurisdictionem domino *Rainerio* cognomine *Brus*, cui
10 paucis ante annis violenter ereptâ fuerat, restitunt. Inde Deo gratias & hostias solemnes exhiburi, Hierosolymam dominus Rex, cū domino principe Antiocheno, cum domino Patriarcha, & domino Legato contendunt. Completis igitur de more orationibus, & morâ per dies aliquot Hierosolymis habitâ, dominus Princeps, prætentatâ domini Legati mente, quid propositi aduersus Patriarcham suum haberet, & inuitans eum, vt non pigritaretur venire, sed fortis & de eius auxilio certus veniret, Antiochiam reuersus est. Missus enim erat (vt prædiximus) idem Legatus, vt super quibusdam criminibus, eidem Patriarchæ, à quibusdam canonicis ecclesiæ suæ obiectis cognosceret, & causam sine debito terminaret. Nunc tempus est, vt quod superius de prædicto Patriarcha præmisimus, exoluamus: quod vt fa-
20 ciliùs intelligatur, à superioribus aliquantulum repetenda est historia. XII. Domino igitur *Raimundo*, primùm Antiochiam (vt præmisimus) accedente, antequàm vxorem destinatam haberet, domino *Radulpho*, qui tunc ecclesiæ præerat Antiochenæ, vt faciliùs ad optatum perueniret, fidelitatem manualiter exhibuit, spondens fide interpositâ, quòd *ab ea die in antea, * non esset in consilio, vel in facto, quòd honorem, vitam, aut membrum perderet, aut caperetur malacaptione*; sicut in forma exhibendæ fidelitatis continetur. In qua fidelitate nec modico quidem tempore perseuerauit: statim enim vxore ductâ, & totâ regione receptâ, per eius studium & operam, adiunctus est eius aduersariis, opem conferens, & omne consilium, contra fidelitatis debitum, in eius læsionem. Habentes igitur eius æmuli tantum studiorum suo-
30 rum cooperatorem, animosius eius impugnationibus insistentes, Romam profiscuntur. Erant autem eius aduersarii, *Lambertius* quidam, eiusdem ecclesiæ archidiaconus, vir quidem litteratus, & conuersationis honestæ, sed secularium modicam, aut nullam habens experientiam; & *Arnulfus* quidam, Calaber natione, nobilis genere, litteratus, & in secularibus circumspèctus. Hi interpositis appellationis vocibus, cōsentiente & fauente domino Principe, Romam profecti, eū etiam inuitum, sed per Principē vi compulsū, eandē arripere viam coegerunt. Factum est itaque quòd *Arnulfus* præcesserat, & in Siciliam compendioso itinere profectus, coniunctis sibi de amicis & cōsanguineis, quia de Calabria erat oriundus, vbi postmodum fuit Consentinus archiepiscopus (erat enim nobilis valdè, vt diximus) dominum
40 *Rogero* Apuliæ ducem, cui notus erat, conuenerat, dicens: *Ecce, Princeps egregie, in manus tibi, optatò, sed & gratis, datur hostium tuorum immanissimus, Antiochenorum patriarcha, qui tibi & heredibus tuis in perpetuum Antiochiam abstulit, sublimato in eâ, viro ignoto, contra iuris ordinem. Ecce tibi eum obtulit Dominus, & cōsummata eius peccata dederunt præsentē. Eia expergiscere, tracta quomodo eum habeas: certus, quia per eum ad hereditatē iure tibi legitima successionis debitâ, iterū tibi patēre poterit introitus, qui tibi per eundem negatus est indebitē.* His verbis motus Apuliæ dux, sicut vir erat solertissimus, in singulis maritimis vrribus, locari præcipit insidias, vt adueniens statim captus, & vinculis mācipatus, in Siciliā protinus dirigatur. Ille verò prosperâ vsus nauigatione, nihil tale veritus, Brundisium applicans, iuxta Ducis mandatum, sublati omnibus quæ secum tan-
50 quam Princeps potentissimus detulerat; sed & dispersâ cunctâ familiâ, vinctus traditur eidem *Arnulfo*, in Siciliam ante Ducem pertrahendus. Hic primùm Arnulfo iuxta desideria datum est in hostem & impium persecutorem suum, pro libero desuare arbitrio, & vices equâ lance reddere, pro his quæ de manu eius acceperat duplicia. Tandem in præsentia Ducis constitutus, habitisq; cum eo familiaribus colloquiis & conuentionibus interpositis, sicuti erat vir prudens & facundissimus, & honestissimam habens personam, receptis vniuersis cum omni integritate quæ amiserat, sed & familiâ restitutâ, spondens quòd in reditu per eundem Ducem sit ha-

- biturus regressum, cum omni honestate Romam pergens, dimittitur. Romam verò perueniens, primâ facie difficiles habuit ad dominum *Papam* introitus, tanquam Romanæ persecutor ecclesiæ, & qui singularem sedis Apostolicæ primatum comminuere & infringere voluerit, sedem æmulam contra Romanam erigens, & parificans ecclesiâ, tanquam læsæ maiestatis reus, ab ingressu sacri arcetur palatii, & à domini Papæ colloquio suspenditur. Porro tam dominus *Papa*, quàm vniuersa ecclesiâ, procliuiiores erant ad hoc, vt dominum Patriarcham, sumptâ qualibet honestâ occasione grauarent; eiusque aduersariis plurimum exhibebant fauorem: suspectus enim eis habebatur admodum, eò quòd vir diues esset, & magnificus, & sedem cui præerat, Antiochenam videlicet, Romanæ subiacere dedignabatur; sed ei eandem in omnibus parificare contendebat, dicens: *Viramque* 10 *Petri esse cathedram, eamq̃, quasi primogenita insignem prerogatiuâ*: vnde multipliciter ad eius grauamen nitebantur. Tandem quorundam amicorum vsus officio, interuenientibus tam domini Papæ, quàm suis familiaribus, & semitas dirigentibus, admissus est ad domini Papæ & curiæ solemniter congregatæ præsentiam, & cum multa susceptus est magnificentia. Porro semel & secundo eo in consistorium ingressu, sumptâ opportunitate, eius aduersarii prodeunt in publicum; & oblati libellis acusatoriis, parati erant, cum omni iuris solemnitate, ad accusandum procedere. Verùm cognoscens tota curia, quòd qui ad accusandum prodierant, non erant eatenus instructi, vt domino Papæ & eius assessoribus plenâ de obiectis pos-
- sent ibi fidem facere, significatur ambabus partibus, quòd interim quiescant, quo- 20 usque dominus *Papa* aliquem de latere suo, ad partes dirigat Antiochenas, qui ibi habitâ testium & instrumentorû copiâ, de causâ plenius possit cognoscere. Interea resignato pallio, quod idem Patriarcha de altari Antiochenæ ecclesiæ, suâ sibi sumptâ auctoritate, in iniuriam, vt dicebatur, sedis Apostolicæ, & cardinalibus tradito: aliud ei, sumptum de corpore beati Petri, more solemniter per priorem Diaconorum traditur. Sic itaque morâ, quantum negotium eius videbatur exigere, Romæ habitâ, cum plenitudine gratiæ, saluâ tamen quæstione, sumptâ licentia, ad ducem *Rogerum* in Siciliam reuersus est: qui redeuntem honorificè suscipiens, postquam mutuis colloquiis sæpè & multum ad inuicem plura & quæ sufficere videbantur, 30 familiariter contulerunt, datis eidem à domino Duce galeis, quotquot ad iter remetiendum habuit necessarias, secundis vsus statibus, in Syriam deuectus, fauces *Orontis* attigit, qui fluuius Antiochiam præterfluit: qui locus vulgari appellatione *Portus sancti Symeonis* dicitur, ab Antiochia decem plus minúsue modicum distans miliaribus.
- XIV. Postquam ergo, sicut dictum est, dominus Patriarcha Cœlesyriam aduenit, & suæ ita vicinus factus est ciuitati, scribit Ecclesiæ suæ, vt die statutâ, ei extra ciuitatem, in loco prænominato cum processione solemniter occurrant. Qui Principis fauore freti, qui eum, vt prædiximus, odio inexorabili contra fidelitatis debitum, quo eidem tenebatur alstrictus, persequebatur, omnino facere, vel eidem obedire negant; sed & introitum ciuitatis, per Principis violentiam 40 penitus interdicunt. Ille verò intelligēs cleri sui malitiam, & eorum de quibus lōgè aliter meruerat, auersionem, Principis quoque obstinatam indignationem, secessit in montana, quæ vrbi conterminata sunt, quæ vulgò dicuntur *Nigra*; ibi in Monasteriis, quibus locus ille abundat, moram faciens præstolabatur, vt rancore deposito, humaniore sententiâ tã dominus Princeps, quàm clerus suus, eū in urbē reuocarēt. Princeps sanè solito amplius & manifestius ipsi oppositū se dabat: auxerat enim odium & maiora dederat incendia *Arnulfus*, qui de Sicilia eidem Principi scripserat, quòd idē Patriarcha cum Duce *Rogero*, eius æmulo, contra eum pactis secretioribus conuenerat: & in argumentum assertioris suæ prætendebat, quòd eum per Siciliam redeuntē, muneribus & multâ præuenierat honorificentia, & galeas ad iter contule- 50 rat necessarias: quæ omnia ad persuationē meritò videbantur operari. Dum itaque in locis prædictis moraretur, Comes Edessanus, *Ioscelinus* iunior, tū odio Principis, tū fauore Patriarchæ, eum, missis ad hoc specialiter nūciis, vt in terram suam securè & confidenter cum omni suo descendat comitatu, diligēter inuitat. Fauebāt enim prædicto Patriarchæ, illius regionis episcopi, & tanquā dominum & patrē deuorè venerabantur, *Edessanus* videl. *Coriciensis* & *Hierapolitanus* Archiepiscopi. Illorū ergo vocatione tract⁹, ad eos descēdit, honorificè nimis ab omnib⁹ illius regionis tractatus Præ-

tus Prælati: sed & Comes iuxta id quod ei promiserat, humanissimè & deuotè multum, eius suscepit aduentum, & moram gratanter amplexus est. Princeps verò, pecuniâ, vt dicitur, redemptus, ore, non corde, eidem gratiam suam, per quorundam vtriusque familiarium interuentionem, restituit, & nuncios dirigēs ad ingressum ciuitatis & reditū ad propria verbis pacificis in dolo, familiarius inuitat. Quod audiens Patriarcha, maturat reditum; & assumens sibi vicinos illos episcopos, quorum sibi deuotionem in illa sua aduersitate certis indiciis expertus fuerat necessariam, Antiochiam peruenit: vbi occurrēs ei vniuersa ecclesia & populus vniuersus, sed & equestris ordinis cum Principe maxima multitudo, cum hymnis & canticis, pontificalibus indutus, solemniter in ciuitatem & in maiorem ecclesiam, dehinc in palatium suum introductus est. Interea Legatus quidam ecclesiæ Romanæ, *Petrus* nomine, natione Burgundio, Lugdunensis Archiepiscopus, missus à domino Innocentio Papa, vt causæ prædictæ debitum finem imponat, venit in Syriam, apud Accon applicans. Erat autem vir vitæ venerabilis, simplex, ac timens DEVM, longæuus, & iam in senium vergens. Qui statim, ex quo Syriam ingressus est, Hierosolymam orationis gratiâ profectus est: vnde sub compendio digressus, vrgentibus eum prædictis *Lamberto* & *Arnulfo*, vt Antiochiam, vti finem impositurus, acceleraret, Accon iterum peruenit: vbi graui correptus ægitudine, antequam procederet, veneno, vt dicitur, in potu ministrato, subitò deficiens, in fata concessit.

Prænominati autem Patriarchæ aduersarii, Antiochiam properantes, omnimodo destituti auxilio, spe quoque quam de aduentu Legati conceperant, frustrati, viæ & laborum, quæ per tot pertulerant tempora, tædio fatigati, per interuentores, quos ad hoc reputabant idoneos, pacem supplices postulant, restitutionem beneficiorum suorum implorant, accusationi renunciare parati, & fidelitatē exhibere. *Lambertus* in Archidiaconatum restituitur: *Arnulfus* verò nihil humanitatis inueniens, Principis iterum fretus auxilio, solitâ longanimitate iterum ad labores & iter accingitur; Romamque proficiscens, iterum opportunè & importunè pulsatur: tandemque precibus proteruè insistens, obtinet, vt prædictus Legatus, de quo nobis in præsentī sermo est, in Syriam dirigatur. Qui Hierosolymam, vt præmisimus, adueniens, completis orationibus, dominum Patriarcham & vniuersos Regni pontifices ad Synodum conuocans, apud Antiochiam pridie Kal. Decembris celebrandam, illuc cum omni celeritate contendit. Die igitur statuta affuerunt de diocesi Hierosolymitana, dominus *Wilelmus* Patriarcha, *Gaudentius* Cæsariensis Archiepiscopus, *Anshelmus* Bethleemita episcopus: affuit & dominus *Fulcherus* Tyrensis Archiepiscopus, sanctæ Romanæ ecclesiæ multum deuotus, & fidelis, in quo tota Legato spes erat consummationis negotii: erat autem vir magnanimus, & discretus plurimum; adfuit cum duobus de suffraganeis suis, *Bernardo* videlicet Sydoniense, & *Balduino* Berythense. De prouincia autem Antiochena, quoniâ viciniore erant, adfuerunt vniuersi, quorum varia nimis & ab inuicē dissona erant desideria.

Nā *Stephanus* Tarsensis Archiepiscopus, *Gerardus* Laodicensis, *Hugo* Gabulensis episcopi, Canonorum cōtra dominum Patriarchā fouebant causam. *Franco* autem Hieropolitanus, & *Gerardus* Coriciensis, *Serlo* quoque Apamiensis, licet ei ab initio aduersarius fuisset, conuersus ad eum, domino Patriarchæ, suum manifestè præstabant patrociniū. Alii, in neutram partem manifestè videbantur declinare. Die ergo præfixâ, residentibus Archiepiscopis, Episcopis, Abbatibus, ex more in ecclesia principis Apostolorum, & pontificalibus indutis, præsidente domino Legato, & vices domini Papæ obtinente, lectus ibi est in publico mandatorum domini Papæ tenor. Quo perlecto diligentius, & plenius cognito, prodierunt in publicum accusatores, *Arnulfus* sæpe dictus, & *Lambertus* Archidiaconus: qui licet prius cum domino Patriarcha conuenisset in dolo, & beneficii sui obtinuisset restitutionem, tamen conuersus in arcum prauum, denuò se constituit accusatorem. Adiunctique sunt eis alii etiam complures, videntes non satis prosperè tempora domino Patriarchæ respondere. Hic etiam erat illud manifestè verum deprehendere, quod *Naso* noster prouerbialiter dicendum tradidit,

Cum fueris felix, multos numerabis amicos:

Tempora si fuerint nubila, solus eris.

Procedentes igitur in publicum auditorium accusatores, paratos se dicunt, secun-

EEEE 3

dum iuris regulas, porrectis libellis accusatoriis, ad accusandum procedere; & subire, si deficiant, talionem. Erant autem capitula, super quibus proposuerat eum impetere, schedulis inscripta. Quædam de enormi & indisciplinato, & contra regulas sanctorum Patrum, eius introitu: quædam de eius incontinentia, & operibus Symoniacis. His instanter postulantibus, ut se præsentem exhiberet, mittuntur qui eum ad Synodum solemniter inuitent; & ut ad obiecta veniat responsurus, moneant: qui omnino venire refutauit. Eâ itaque die nihil amplius processum est in verbo illo, nisi quod exhortatorios habuerunt sermones ad inuicem, sicut moris est in talibus. Secundâ iterum die, conuenientes denuò, & ex ordine residentes, iterum citatorio edicto dominum Patriarcham sollemniter vocant: qui sicut & pri- 10: die, omnino venire noluit. Interim *Serlo* Apamienſi Archiepiſcopus, in choro pontificum sine veste reſidens nuptiali; non enim more aliorum indutus erat pontificalibus: à domino legato conuenitur, quare reliquis fratribus non cõſonaret; & quare ad accusandum, ſicut aliquando fecerat, non procederet? Reſpondit: *Quod aliquando feci, inconfulto calore & contra ſalutem animæ meæ, detrahens patri meo, & more male dicti Cham, verendæ patris diſcooperiens, operatus ſum, & nunc ab errore deuio me, auctore Domino, reuocans, nec enim accuſare, nec iudicare præſumptuoſè, tentabo: ſed pro eius ſtatû & incolunitate, paratus ſum uſque ad mortem decertare.* Præcipitur ergo exire: & datâ in eum ſententiâ excommunicationis ſimul & degradationis, ſiue iuſtè, ſiue aliter, ab omni officio ſacerdotali & pontificali depoſitus eſt. Tantus enim timor domini Principis, in partem Legati nimium procliuiſ, omnes inuaſerat, ut iam nulla contradicendi libertas alicui præſtaretur. Incẽdebat eundem Principem, minus prouidum & indiſcretum, quidam *Petrus* Armoinus, præſidii ciuitatis cuſtos, vir malitioſus ſupra modum, ſperans, quod ſi Patriarcham deponi contingeret, quendam nepotem ſuum *Americum* nomine (quem dominus Patriarcha in ſuam perniciem, eiſdem eccleſiæ Decanum fecerat) poſſet per ſeducum Principem, in ſedem illam prouehere: quod & factum eſt. *Serlo* igitur, ſiue de facto, ſiue de iure depoſitus, Antiochiâ egrediens, in ſuam dioceſim ſe contulit; perueniensque ad caſtrum *Harenc*, ægritudine præuentus, & curarum anxius pondere, lecto decubuit: & conuerſus ad patriam, iniuriarum enormitatem non ferens, exſpirauit. Tertiâ demum die; & iterum conuenientes, & reſidentes ex ordine, tertio dirigunt, qui dominum Patriarcham peremptorio citent edicto, & ut veniat obiectis reſponſurus, moneant. Qui, utrum conſcientiam veritus, an contra ſe Synodum inuidioſè collectam ſciens, & Principis violentiam timens, pro certo compertum non habemus, venire, ſicut & prius, omnino negauit. Erat autem in palatio ſuo cum ſuis familiaribus, multo ſtipatus equitum & popularium comitatu: confluxerant enim ad eius ſubſidium vniuerſi de ciuitate, qui niſi Principis timuiſſent potentiam, Legatum cum vniuerſis qui in eius depoſitionem conuenerant, vrbe cum ignominia parati erant depellere. Videns ergo Legatus quod ad ſe venire nolebat Patriarcha, de domini Principis conſiſus patrociniò & viribus, in palatium aſcendit, ibique datâ in eum 40: depoſitionis ſententiâ, *annulum & crucem* compulſit violentè reſignare: inde iubente Legato, Principi traditus, & vinculis miſerabiliter alligatus, tanquam vir ſanguinum ignominioſè tractatus, apud monaſterium *ſancti Symeonis*, iuxta mare, in monte eminentiſſimo ſitum, carceri mancipatus eſt. Fuit autem idem dominus *Radulphus* (nam noſ ipſi in noſtra pueritia vidimus eum) vir ſpecie decorus, procerus corpore, oculis aliquantulum obliquis, non tamen ad indecentem modum; literatus mediocriter, ſed facundus plurimum, & iucundiſſimi ſermonis, multam habens gratiam; liberalis admodum, militarium virorum, ſed & ſecundæ claſſis fauorem non modicum aſſecutus; promiſſorum & pactorum facile immemor; in verbo ſuo varius & inconfans, ſubdolus, ac nimium in omni via ſua multiplex, prouidus & 50: diſcretus: in eo ſolo repertus imprudentior, quod aduerſarios quos ſibi merito ſuſcitauerat, in gratiam ſuam redire volentes, non admiferat. Dicebatur etenim, & verè ſic erat, arrogans, & de ſe plus æquo præſumens: vnde in eum deuenit caſum, quem ſi aliquantulum circumſpectius ſe habuiſſet, facile potuiſſet declinare. Captus ergo & cathenatus in monaſterio diu detentus, tandem elapſus, Romam profectus eſt. Ibi aliquatinus gratiam ſedis Apoſtolicæ aſſecutus, dum redire maturaret, veneno hauſto, ſcleris miniſtro porrigente, neſcimus quo, miſerabilitet interiit:

interiit: in seipso, quicquid vtraque fortuna facere poterat, alter *Marius*, plenius expertus. Legatus igitur deposito Patriarchâ, & consummatis apud Antiochiam XVIII. pro quibus venerat negotiis, Hierosolymam reuersus est: vbi vsque ad sollennitatem Paschalem moram faciens, habito prius consilio cum prælatis Ecclesiarû, tertiâ post sanctum Pascha die, vnâ cum domino Patriarcha & Episcoporum nonnullis, Templum Domini solenniter dedicauit. Affuerunt ibi dedicationis die, multi tam de partibus vltamôtanis, quàm de cismarinis regionibus, magni & nobiles viri. Inter quos adfuit & dominus *Ioscelinus* iunior, Comes Edessanus, qui tunc in solennibus sancti Paschæ diebus, magnificè nimis in ciuitate moram faciebat. Quâ celebritate completâ, conuocatis Archiepiscopis, Episcopis, & aliis Ecclesiarum prælatis, vnâ cum domino Patriarcha, concilium celebrauit, in primitiua & Ecclesiarum matre sancta Syon, tractans ibi cum eis de his quæ instanti tempore videbantur cõuenire. Cui Synodo interfuit *Maximus* Armeniorum Pontifex, imò omniû Episcoporum Cappadociæ, Mediæ, Persidis, & vtriusq; Armeniæ Princeps, & doctor eximius, qui *Catholicus* dicitur. Cû hoc etiâ de fidei articulis, in quibus à nobis dissentire videretur populus eius, habitus est tractatus; & ex parte eius, promissa est in multis correctio. Quibus ritè peractis, prædictus Legatus ad Acconensem rediens ciuitatem, inde parato nauigio, Romam reuersus est. Clerus verò Antiochenus, & maximè qui in depositione domini Radulphi conspirauerant, instinctu & suggestione 20 Principis & maximorum, vt dicitur, interuētu munerum, elegerunt sibi quendam eiusdem Ecclesiæ subdiaconû, *Aimericum* nomine, Lemouicensi natione, hominem absq; literis, & conuersationis nō satis honestæ: quem prædictus dominus *Radulphus*, arbitrâs eum sibi reddere obligatiorem & fidiorem ampliùs, in Decanum eiusdem Ecclesiæ promouerat, spe frustratus. Nam ab ea die cum eius aduersariis dicitur conuenisse; & in benefactoris sui, fidelitatis immemor, conspirasse depositionem. Quod autem de eius promotione factum est, *Petrus* quidam cognomine Armoinus, eiusdem ciuitatis Castellanus, artibus suis & multâ munerum profusione dicitur effecisse, & tam clerum quàm Principem ad id impulsisse, eò quòd eius esset consanguineus. Per idem tempus, quatuor vix euoluris plenè annis, ex XIX. 30 quo à Tarso Ciliciæ & vniuersa Syria discesserat, dominus *Ioannes* Constantinopolitanus Imperator, reparatis viribus, & legionibus reuocatis, crebris domini Principis & Antiochenorum nunciis excitus, iterum expeditiones, iterum exercitus in Syriam dirigens, in multitudine virtutis suæ, in curribus & equis, in thesauris infinitis, & innumerabilibus copiis, iter versus Antiochenas dirigit partes. Enauigatore igitur *Bosphoro*, qui limes Europæ, Asiæque intelligitur, transcursis mediis prouinciis, *Attaliam* vsque peruenit, quæ est vrbs maxima, in littore maris sita, prouinciæ Pamphylia metropolis: In hac dum moram faceret dominus Imperator, duo de filiis eius, *Alexius* videlicet primogenitus, & natu secundus *Andronicus*, languore correpti grauissimo, extremum morientes clauferunt diem. Vocansque Imperator natu tertium, *Isacium* nomine, cum fratrum funeribus defunctorum, vt cā humanitaris gratiâ procurans & exequiarum nouissimam exhibere faciens reuerentiam, tumulis mandaret, prout Imperialem decebat magnificentiam, Constantinopolim remisit: vbi sepultis fratribus, iuxta patris imperium in vrbe, vsque ad patris obitum moram fecit continuam. Pater verò natu nouissimum sibi assumens *Manuelem*, inceptum prosequens iter, transcursâ Isauriâ, in Ciliciam peruenit: inde peragrata Ciliciâ subito, vix cum famâ sui aduentus præueniente, in terram Comitis Edessani, cum omnibus copiis suis ingressus, ex insperato ante *Turbeffel* consedit. Est autem prædictus locus, castrum opulentissimum, circa Euphraten, ab eo distans miliaribus viginti quatuor, vel modicum amplius. Ad quem 40 locum postquam peruenit Imperator, petit à Comite *Ioscelino* iuniore obsides, qui de subito eius attonitus & admirans ingressu, videns eius incomparabiles copias, & quas nemo Regum terræ sustinere posse videretur, seque imparatum, & omnino ad resistendum non posse sufficere, de necessitate faciens virtutem, vnam ex filiabus suis, *Isabellam* nomine, tradidit ei obsidem. Hoc autem ad nihil aliud exigebat, nisi vt Comitem hoc vinculo arctius sibi deuinctum, ad prosequenda mandata sua haberet fidiorem. Inde verius *Antiochiam* vniuersos dirigens exercitus, illucque sub omni celeritate contendens, secus oppidum quoddam, nomi-

ne *Gastun*, exercitus collocauit mense Septembre, vigesimâ quintâ die mensis. Inde nuncios ad Principem dirigens mandat, vt iuxta pactorum legem, inter se prius initam, vrbem ei cum vrbis præsidio & omnibus indifferenter ciuitatis munitionibus, resignet; vt inde finitimis hostium ciuitatibus guerram posset inferre, quasi de vicino commodius: & ipse verâ vice, quantum in se erat, paratum se constanter asseuerat, pacta quæ scriptis indita prius fuerant, largâ interpretatione complere, & insuper addere mensuram bonam & confertam, secundum qualitatem meritorum.

xx. Princeps verò Antiochenus, dominus *Raimandus*, qui prius eum tam frequentibus citauerat nunciis, videns se in arto constitutum, seq; pactorum lege obligatum sciens, hæret dubius quid faciat; conuocatisq; Maioribus & primoribus tam ciuitatis, quàm regionis vniuersæ, partes ingreditur deliberationis, consilium postulans, quid facto sit opus in re tam periculosa. Illi verò post multam deliberationem vnamiter conuenientes, nullatenus arbitrantur expedire statui regionis, quodd vrbis tam nobilis, tam potens, tam munita, in manus aliquo pacto tradatur Imperatoris: futurum enim esse, vt per ignauiam Græcorum, sicut non semel ante contigit, ciuitas in manus hostium deueniret, simul cum vniuersa regione. Sed ne Princeps fidei violatæ meritò possit argui, colorem quærūt, quo velari possit Principis factum minus commendabile: id enim pactis priore eius aduentu, inter eos conuenerat, vt præmiserat, vt ei ciuitatem sine difficultate traderet; idq; postmodum frequentibus nunciis ad veniendum in Syriam eum inuitans, promiserat se bonâ fide seruaturum. Vt ergo Principem in hac parte quocunque modo habeant excusatum, legatos dirigunt ad Imperatorem, de nobilioribus regionis, qui ei ex parte beati Petri, domini quoque Patriarchæ, & ciuium vniuersorum ingressum ciuitatis inhibeant, significantque: *Se Principis facta quæ præcesserant, rata omnino non habituros, neque eundem Principem sic paciscendi in uxoris hereditate, de iure habuisse facultatem: sed neque eandem, absque conuentia ciuium & procerum, transferendi dominium in aliam personam habuisse, vel habere omnino potestatem, aut auctoritatem, in iniuriam ciuium vel Principum regionis transigendi, vllam aliquo iure, alterutri illorum concessam. Quod si in hoc vel uterque, vel alter, obstinate perseverare præsumerent, futurum esse, vt vrbe & vniuersis finibus illorum eiectos, extorres faciant eius, quam cum detrimento fidelium suorum contra ius venalem proposuerant, hereditatis.* 30

His verbis motus Imperator, & corda ciuium & prouincialium omnium prænotens, indignatus admodum, in Ciliciam iterum exercitus redire præcipit, vt ingruente hyemis inclementiâ, oræ maritimæ committeret temperiei: solet enim esse circa maritimas regiones hybernis diebus aura suauior, & fouendis legionibus commoditas aptior inueniri.

xxi. Videns itaque Imperator, ciuitatis optatum omnino sibi & suis negatum esse introitum, sperans hyeme transcursâ, gratâ veris redeunte clementiâ, circa Antiochiam etiam inuitis ciuibus, aliquid pro votis obtinere: dissimulat mentis conceptum, & occultandi gratiâ propositi, ad dominum *Fulconem* Hierosolymorum Regem, magnæ nobilitatis viros dirigit, significans, quodd deuotionis & orationis gratiâ, & vt cōtra hostes in partibus illis opem ferat, libenter, si ita Christianis videretur, veniret. Rex autem, habito consilio, ad eius petitionem responsa ferentes nuncios remittit, dominum *Anselmum* Bethleemitam Episcopum; dominum *Gaufridum*, Abbatem Templi Domini, Græcâ linguâ peritum; *Roardum* arcis Hierosolymitanæ Castellatum, dicens: *Regnum arētissimum esse, nec ad sufficientiam tanta multitudinis, alimentorum copiis abundare; nec tantos, nisi cum famis & rerum necessariarum periculo, sustinere posse exercitus. Veruntamen, si cum decem milibus, eius D E O amabili placeret Imperio, vsq; ad Vrbem Beatam, & loca nostra salutis venerabilia peruenire, & aliquid pro votis disponere, omnes cum summis desideriis ei obuiam exirent; & cum omni letitia & mētis exultatione, eius susciperent aduentum; & tanquam domino, & maximo Principi orbis terrarum obedirent.* Quod audiens Imperator, & contra Imperialem gloriam reputans, cum tam modica manu proficisci, qui tot milibus semper stipatus incedere consueuerat, verbo superfedit: remissisq; nunciis, multâ liberalitate, honore & gratiâ præuentis, ver operiens futurum, hyberna in Cilicia circa Tarsum tempora peregit: æstate proximè futurâ promittens, & animo gerens, magnum aliquid, & perenni dignum memoriâ, in Syriæ partibus se facturum. Interea quidam nobilis homo *Paganus* nomine, qui prius fuerat regius pincerna, postmodum habuit terram trans Iordanem, postquam *Romanus de Podio*, & filius eius *Radulphus*, meritis suis exigentibus, ab

bus, ab ea facti sunt exheredes & alieni: in finibus Arabiæ secundæ, castrum ædificauit cui nomen *Crabc*, naturâ loci, simul & opere manufacto, munitum valde, iuxta urbem antiquissimam eiusdem Arabiæ metropolim, prius dictam *Raba*, in cuius obsidione mandato Dauid, & Ioab studio, *Vrias* innocens legitur occisus: postea verò dicta est *Petra deserti*, vnde & secunda Arabia hodie dicitur *Petræensis*.

Interea circa veris initium, antequam soleant reges exercitus ad bella producere, Imperator Constantinopolitanus, sylvarum & nemorum, venandi gratiâ, vehementissimus amator, tollendi studio fastidii, & longâ id exigente consuetudine, salus cum solito & ad hoc deputato comitatu ingreditur: dumq; feras solitâ persequitur diligentia, arcum manu baiulans, & sagittis grauidam de more gestans pharetram, ecce aper, canum deprehensus industriâ, & importunitate fatigatus, latratibus actus acerbis, ante dominum Imperatorē in insidiis positum, necessariò habuit transitum: qui correptâ mirâ celeritate sagittâ, arcum implet nimis, & sagittæ acie toxicatâ, seipsum in ea manu vulnerat, qua regebat arcum. Sumpto itaq; ex tam leui causa in proprio corpore mortis responso, syluas, morbi compellente molestia, deserens, in castra se contulit: accitaq; medicorum frequentia, rem aperit, & sui ipsius mortis causam se existere, dicere non veretur. Illi autem pro domini sui salute valde solliciti, curam adhibent: sed recepta interiùs pestis mortifera, remedia nō audit, & serpens interiùs & ad interiora progrediens, salutis vias intercludit: vnum tamen dicunt & singulare, sed tanto indignum Principe, posse adhiberi remedium; si læsa manus, in qua vis tota mali adhuc contineretur, antequam reliquas corporis partes adhuc illæsas inficiat, præcidatur. Hoc vir audiens magnanimus, licet doloris angeretur immensitate, & mortem non dubitaret adesse præ foribus, Imperiali tamen maiestate constanter obseruatâ, spreuit: & respondisse dicitur: *Indignum esse, ut Romanum imperium una manu regatur!* Sinistro igitur euentu, & quo periculofior interuenire nullus poterat, attonitus concutitur exercitus omnis; & pro tanti principis defectu, dolor vniuersas occupat legiones; mœror & anxietas corda sibi vèdicant singulorū, & castra omnino insperatâ replent amaritudine. Videns interea

XXII.

dominus Imperator, tãquam vir prouidus & discretus, sibi certum imminere mortis diem, vocatis ad se consanguineis & affinibus, quorum multa eum turba semper sequi consueuerat, primoribus sacri palatii, & exercituum primiceriis, de successore Imperii inter eos suscitât quæstionem: plurimū dubius quid faciat, an maiori natu filiorum suorum *Isaacio*, quem cum funeribus fratrum suorum ab Attalia (vt præmisimus) remisit Constantinopolim, cui de iure regni primitiua videbantur cōpetere: an iuniori filio, qui secum erat, qui optimæ & præcipuæ erat indolis adolescens, & futurus magnus ab omnibus dicebatur, Imperii committeret gubernacula. Subiungit etiam & dubitationis causam, dicens: *Si huic sceptrum Imperii concesserimus, legibus humanitatis, quæ primogenitum merito faciunt potius, videbimur contrariæ: Si vero illi, communibus obseruatis iudiciis, moderamen Imperii contulerimus, non erit qui has exercitus, & totius robur & gloriam Romani imperii domum reducat incolumes.* Hostibus enim interiectis, insidias molientibus, & vndique corrogantibus suffragia, non nisi cum periculo, sine rectore posse pertransire legiones, certum videbatur. Erat autem inter Principes vir magnificus, Megadomesticus *Ioannes* nomine, qui cum suis *Isaacio* multum affectabat imperium conseruari; & de incolumi legionum ad propria reditu, dubitantem Imperatorem nitebatur confirmare. Porro *Manuel* iunior filius, qui ibidem cum patre præsens erat, vniuersi exercitus, & maximè Latinorum fauore & præconiis extollebatur. De principibus quoque nōnulli ad eius promotionem omnimodam dabant operam. Patris quoq; in eundem, quia prudētior, & in armis magis strenuus, & omnino affabilior videbatur, affectus

magis & gratia erat procliuior: Angebat eum etiam maximè exercitus cura propensior. Sic igitur post multam deliberationem, auctore Domino, obtinuit iunior filius, & exhibitâ sibi in patris præsentia, & eo mandante Imperiali reuerentiâ, *ocreis*, vt mos est in illo Imperio, insignitus *purpureis*, ab vniuersis legionibus certatim *Augustus* est appellatus. Sic domino *Manuele* ad apicem promotò Imperialem, pater eius inclytæ recordationis, vir inclytus, liberalis, pius, clemens & misericors, in fata concessit. Fuit autem staturâ mediocris, carne & capillo niger: vnde & cognomento dicitur etiam hodie *Maurus*; facie despiciabili, sed moribus conspicuus, &

XXIII.

A. D.

1137.

actibus insignis militaribus. Defunctus est itaq; sub *Anazarza*, vrbe antiquissima, quæ est secundæ Ciliciæ metropolis, in eo loco qui dicitur *Pratum Palliorum*, Anno ab incarnatione Domini *millesimo centesimo trigesimo septimo*, mense Aprili; Imperii verò vigesimo septimo; vitæ verò *. Tandem verò cōpositis in ea regione negotiis, dominus Imperator cum omni sospitate Constantinopolim suos reduxit exercitus: vbi fratrem natu se priorem, palatium, auditâ patris morte, iam obtinentem, per Misticonem suum, qui palatio & thesauris præerat vniuersis, missis occultè literis, ex improviso captum, & nihil tale veritum, in vincula coniecit. Sed postmodum, postquam Urbem regiam solemniter ingressus est, per interuentionem communium consanguineorum, & principum sacri palatii fidelem operam, fratri reconciliatus est: sicq; cum tranquillitate debita, iuxta patris supremum iudicium, obtinuit dominus *Manuel* monarchiam, fratrem suum tanquam primogenitum, multiplici non cessans, quàm diu vixit, honore præuenire, & gratiâ protequi cumulatione.

XXIV.

Interea dominus rex Hierosolymorum *Fulco*, & alii regni principes, vnà cum domino Patriarcha, & aliis Ecclesiarum prælatis, volentes Ascalonarum insolenter nimis desæuientium impetus refrenare; & discurrendi per regionem, nimiam aliquatenus artare licentiam: constituunt de communi voto, in campestribus iuxta urbem *Ramulam*, non longè à *Lidda*, quæ est *Diospolis*, castrum ædificare. Erat autem in eadem regione collis aliquantulum editus, supra quem vnâ de vrbibus Philistinorum, traditiones habent fuisse constitutam, *Geth* nomine, iuxta illam aliam eorum ciuitatem, quæ dicta est *Azotum*, ab Ascalona distans miliaribus decem, non longè ab ora maritima. Conuenientes igitur vnanimiter ex cōdicto, in præfato colle, firmissimo opere, iactis in altum fundamētis, ædificant præsidium, cum turribus quatuor, veteribus ædificiis, quorum multa adhuc supererant vestigia, lapidum ministrantibus copiam; puteis quoque vetusti temporis, qui in ambitu vrbis dirutæ frequentes apparebant, aquarum abundantiam, tum ad operis necessitatem, tum ad vsus hominum largientibus. Perfecto igitur castro, & partibus omnibus absoluto, cuidam nobili viro & prudenti, de communi traditur consilio, dōmino videlicet *Baliano* seniori, Patri Hugonis, Balduini, & Baliani iunioris, qui omnes ab eodē loco cognominati sunt de *Hibelin*: hoc enim nomen illi erat loco, antequam etiam 30 castrum illic ædificaretur. In cuius custodia & hostium persecutione, cuius gratia municipium erat conditum, diligentem habuit vir prædictus vigilantiam; & post eius obitum prædicti eius filii, viri nobiles & in armis strenui, in nullo segnus, quousque prædicta ciuitas nomini restituta est Christiano, diligentissimâ tenuerunt custodia.

XXV.

An. D.

1138.

Anno proximè subsecuto, videntes Regni Principes, & ipso rerum experimento plenius cognoscentes, in fundatione duorum præsidiorum, *Bersabee* videlicet, & *Hibelin*, contra Ascalonarum superbiam se plurimum profecisse, & eorum ex maxima parte repressam insolentiam, impetus tardiores, debilitatos conatus, adiiciunt tertium ædificare; vt amplioribus molestiis, & multiplicatis in gyrum municipiis, urbem affligant, & quasi obsessis, frequentius terrorem, & cum terrore 40 pericula incutiant magis repentina. Erat autem in ea Iudeæ parte, quæ à montibus declinans, campestribus incipit esse contermina, secus Philistiim fines, in tribu Symeon, ab Ascalona octo distans miliaribus, locus quidam, qui ad montana comparatus, collis; ad planiorem verò regionem collatus, mons sublimis poterat appellari, & loco nomen Arabicè *Tellesaphi*, quod apud nos iuterpretatur *Mons* siue *collis clarus*. Hic complacuit prudentioribus, præsidium fundari, eò quòd aliis quæ ad vsus similes factæ erant municipiis, & ciuitati vicinior, & loco situque munitiore videretur. Proposito igitur satisfaciens, dominus Rex & Principes eius, vnà cum domino Patriarcha & prælatis Ecclesiarum, circa Veris initium, hyeme transcurrà, ad locum vnanimiter conueniunt, & vocatis artificibus, simul & populo vniuerso necessaria ministrante, ædificant solidis fundamentis & lapidibus quadris oppidum, cum turribus quatuor, congruæ altitudinis. Vnde vsque in urbem hostium liber esset prospectus, hostibus prædatum exire volentibus valde inuisum & formidabile: nomenq; ei vulgari indicunt appellatione, *Blancha guarda*, quod Latine dicitur *Alba specula*. Castrum ergo perfectum & omnibus suis partibus absolutum, dominus Rex in suam suscepit custodiam, & tam victu quàm armis sufficienter munitum, viris prudentibus & rei militaris habentibus experientiam, quorum nota est fides & probata

bata deuotio, seruandum commisit. Qui frequenter per se, frequentius adinnatis sibi ex aliis municipiis ad vsus similes ædificatis, militibus, egrediētibz hostibus occurrebant, eorum euacuantes molimina; nonnunquam verò ipsi Ascalonitas la-
cessentes, grauia inferebant eis discrimina, & de eis sæpius triumphabant. Porro
qui circumcirca possidebant regionem, prædicto confisi munimine, & vicinitate
castrorum, suburbana loca ædificauerunt quàm plurima, habentes in eis familias
multas, & agrorum cultores; de quorum inhabitatione facta est regio tota securior,
& alimentorum multa locis finitimis accessit copia. Inter hæc *Ascalonitæ* videntes
urbem per gyrum præsidii inexpugnabilibus vallatam, cœperunt de statu suo soli-
to amplius diffidere; & principem *Ægypti* potentissimum, cui nihil amplius residui
de vniuersa regione factum erat, dominum suum, nunciis frequentibus commo-
nere, vt pro vrbe, quæ Imperii sui robur erat, gereret sollicitudinem. Interea per
Domini superabundantem gratiam, Regno ad aliquam tranquillitatem redacto,
concepit domina *Milifendis*, piæ recordationis regina, pro remedio animæ suæ, &
parentum suorum; pro salute quoque mariti & liberorum, si locum inueniret iuxta
cor suum, monasterium sacrarum virginum fundare. Erat autem ei soror, inter cæ-
teras iunior, *Iueta* nomine, quæ in monasterio sanctæ Annæ matris sanctæ *DEIGE-*
nitricis, vitam sanctimoniam erat professa. Huius etiã intuitu, plurimum ad præ-
dictum propositum, domina mouebatur Regina: indignum enim videbatur ei vt
Regis filia, tanquã vna ex popularibus in claustro alicui subesset matri. Transcursã
igitur mente vniuersã regione, & diligenter inuestigato, quis nã inueniretur aptior
ad fundandum monasterium locus: tandem post multam deliberationem, placuit
Barbania, castellum Mariæ & Martha, & Lazari fratris earum, quem dilexit *Iesus*,
familiare Domini diuersorium & domicilium Saluatoris. Is autem locus ab *Hie-*
rosolymis distat stadiis quindecim, iuxta verbum Euangelistæ, ultra montem Oli-
ueti, ad Orientem situs, in decliuo eius montis. Erat autem idem locus Ecclesiæ
Dominici Sepulchri proprius: pro quo domina Regina tradens Canonicis urbem
Prophetarum *Thecnam*, locum in proprium recepit. Vbi quoniam quasi in solitu-
dine erat, & hostium patere poterat insidiis, turrim munitissimam quadris & poli-
tis lapidibus, officinis distinctam necessariis, multis sumptibus ædificari præcepit,
vt *DEO* dicatis virginibus contra subitos incurfus non deesset præsidii inexpugna-
bilis solatium. Turri igitur constructâ, loco ad aliquem modum ad cultum reli-
gionis præparato, sanctimoniales induxit fœminas, matrem eis constituens anno-
sam quandam, & in religione probatam, venerabilem matronam, multa Ecclesiæ
conferens prædia: ita, vt in bonis temporalibus, nulli monasteriorum, virorum aut
mulierum inferior haberetur; imò, vt dicitur, plus aliarum qualibet Ecclesiarum
abundaret. Inter cæteras enim possessiones, quas prædicto venerabili loco contu-
lerat, locum famosissimum, & omnium commoditatum abundantiam simul refer-
tum, in campestribus Iordanis situm, *Hiericho*, cum suis pertinentiis liberaliter assi-
gnauit. Contulit etiam eidem monasterio sacra vtenilia, ex auro & gemmis, & ar-
gento, ad multam quantitatem, simul & holoserica ad decorem domus *DEI*; sed &
indumenta tam Sacerdotalia quàm Leuitica, & omnis generis, prout disciplina
exigebat ecclesiastica. Defuncta quoque illa venerabili matrona, quam eidem
præfecerat loco, ad intentionem rediens, sororem suam, de consensu domini Pa-
triarchæ, & sororum sanctimonialium coniuentia, eidem præfecit monasterio: cum
qua etiam adiecit plura in calicibus, libris, & cæteris quæ ad Ecclesiasticos respi-
ciunt vsus, ornamenta, locum non cessans, quàm diu vixit, intuitu animæ suæ &
sororis, quam vnicè diligebat, gratiã, ampliare. Accidit autem illis diebus, quod
cum dominus Rex, vna cum domina Regina transcursu autumnu, in ciuitate *Ac-*
conense moram faceret, voluit Regina, subleuandi gratiã fastidii, extra urbem ad
loca quædam suburbana, fontibus irrigua, causã recreationis exire: quò domi-
nus Rex, vt solatium Reginæ non deesset, adiecit etiam ipse, cum solito comitatu
proficisci. Dumque inter eundum esset, accidit casu vt qui agmina & comitatum
præbant pueri, leporem in sulcis iacentem excitarent, quem fugientem clamor
prosecutus est vniuersorum. Rex autem arreptâ lanceã, vt eundem leporem inse-
quaretur, sinistro actus casu, equum ad illas cœpit vrgere partes, & cursui vehemē-
ter instare. Tandem inconsultè festinãs, equus in præceps agitur; corruensq; in ter-

XXVI.

XXVII.

ram, Regem dedit præcipitem: iacentique præ casus dolore attonito, sella caput obtriuit, ita ut cerebrum tam per aures, quam per nares etiam emitteretur. Ad hunc casum, vniuersus qui præibat & qui sequebatur, facti acerbitate perterritus, conuersus est comitatus; & iacenti opem ferre volentes, exanimem reperiunt, cui neque vox erat, neque sensus. Regina verò compertâ mariti morte tam inopinatâ, & sinistro saucia casu, veste & capillo lacera ciulans, & doloris immensitatem suspiriis contestans & lamentis, in terram corruens, corpus amplectitur exanime. Non sufficit humor oculis, præ fletus vbertate continui; & vox, doloris interpres, crebris interrumpitur singultibus; nec dolori satis fit, licet nihil aliud sit sollicita quam dolori satisfacere. Familia quoque lachrymis, voce & habitu mœrorem contestans, anxietatis nimie lugubria prætendit argumenta. Nunciatur interea, & famâ circumuolante diuulgatur per urbem Acconensem, Regis miserabilis interitus; & ad partes illas certatim turbæ confluunt, intueri volentes factum inauditum quod acciderat. Inde cum lachrymis in prædictam urbem deportatus, triduo, sine sensu, tamen adhuc palpitans, protraxit vitam: quartâ demum die, idibus videlicet Nouembris, anno ab incarnatione Domini *millesimo centesimo quadragesimo secundo*, Regni verò eius anno vndecimo, deficiens, in senectute bona vltimum clausit diem. Inde Hierosolymam cum debita delatus honorificentia, occurrente vniuerso clero & populo, in Ecclesia Dominici Sepulchri, sub monte Caluarie introeuntibus ad dextrâ, secus portam, inter alios felicitis memoriæ Reges, eius prædecessores, per manum domini *Willemi*, venerabilis Hierosolymorum & piæ recordationis Patriarchæ, regiâ magnificentiâ sepultus est: duobus superstitibus liberis, adhuc impuberibus relictis, *Balduino* videlicet primogenito annorum tredecim, & *Amalrico* annorum septem: Reseditq; regni potestas penes dominam *Milisendam*, Deo amabilem reginam, cui iure hereditario competebat.

A. D.

1142.

EXPLICIT LIBER QUINTVSDECIMVS.

CAPITVLA LIBRI SEXTIDECIMI.

I. Præmittitur præfatiuncula breuis. De functo Fulcone, succedit filius eius, Balduinus tertius: & qualis corpore fuerit, describitur.

II. De moribus & conuersatione eius.

III. De promotione eius in regno; & quâ diu sub matris tutela regnauerit.

IV. Sanguinus Edeßam obsidet; & describitur eiusdem ciuitatis situs.

V. Capitur ciuitas, & populus eius occiditur.

VI. Trans Iordanem castrum, cui nomen Vallis Moyfi, per regem acquiritur.

VII. Sanguinus moritur, diu obsidet Calagembar: Succedit eius filius Noradinus.

VIII. Nobilis quidam ex Damascenis, Bostrensis ciuitatis procurator, cum Rege paciscitur: & exercitus regni versus Bostrum properat: Ainarus Damascenorum procurator factum nititur impedire.

IX. Procedens exercitus, infinita sustinet pericula.

X. Ad locum peruenientes destinatum, ciuitatem reperiunt ab hostibus occupatam; & infecto negotio reditus indicitur.

XI. Rediens exercitus, intolerabilia pati-

tur pericula: stupent hostes nostrorum perseuerantiam.

XII. Mittitur ad hostes pro pace legatus: quidam nobilis de hostibus cadit: dissoluitur hostium exercitus: noster liberior proficiscitur.

XIII. Perueniunt Gadaram nostra Legionis: describitur locus; & ad propria reuertitur exercitus.

XIV. Ciues Edeßani Comitem vocant: Comes accelerat; & urbem ignorantibus recipit hostibus.

XV. Noradinus occurrit; urbem obsidens, nostros angit miserabiliter.

XVI. Comes cum suis egrediens, ad propria redire cõtendit: insequitur Noradinus; obtruncat exercitus: Comes fugâ elabitur.

XVII. Moritur Hierosolymitanus Patriarcha *Wilhelmus*; *Fulcherus Tyrensis Archiepiscopus* ei substituitur: *Tyrësi Ecclesia* per Regiam violentiam intruditur *Radulphus*, regius Cancellarius.

XVIII. Excitatur populus Occidentalis; & ad subueniendū Orientilibus Christianis iter arripiunt Romanorū Imperator *Cōradus*, & *Ludouicus Rex Frācorū*, cū aliis multis principibus.

XIX. Transi-

XIX. Imperator procedens cum expeditionibus suis, Constantinopolim peruenit. Soldanus Iconiensis contra eum insidias praestruit.

XX. Transito Hellesponto seducitur Imperator Conradus, Graecorum malitiâ: & ad loca periculosa nimis eius trahitur exercitus.

XXI. Absentant se malitiosè, qui eius exercitui, à Græco Imperatore duces erant dati: & periclitatur Imperatoris exercitus.

XXII. Irruunt è repente super Theutonicorum legiones Turci, & eas obtruncant: euadit tamen Imperator.

XXIII. Rex Francorum transito Hellesponto, apud Niceam Bithynia, cum suis peruenit legionibus: colloquuntur sibi adinuicem: Imperator Constantinopolim reuertitur.

XXIV. Rex Francorum aliâ procedens viâ, Ephesum peruenit: Guido Comes de Pontiuo

ibi moritur. Franci Meandrum fluvium transcunt, inuitis hostibus.

XXV. Francorum, casu miserabili, proster nitur exercitus: pars quæ præcesserat, euadit.

XXVI. Rex casu euadens, ad eos qui præcesserant, se colligit: residuum exercitus apud Ataliam peruenit, inde in Syriam transfretans.

XXVII. Raymundus Princeps Antiochenus, Regem Francorum apud portum sancti Symeonis honestè recipit: deducit Antiochiam: sed tandem malè diuiduntur ab inuicem.

XXVIII. Hyeme transcursâ, Conradus Imperator, usus nauigio, in Syriam peruenit: Comes quoque Ansoffus apud Accomensē applicat ciuitatem, moriturq; apud Casaream.

XXIX. Rex Francorum ab Antiochia digressus, Hierosolymam properat: mittitur ei obuiam Hierosolymitanus patriarcha.

EXPLICIUNT CAPITVLA LIBRI SEXTIDECIMI.

INCIPIT LIBER SEXTVSDECIMVS.

Qua de præsentī hactenus contexuimus Historia, aliorum tantum quibus præsciti temporis plenior adhuc famulabatur memoria, collegimus relatione: vnde cū maiore difficultate, quasi aliena mendicantes suffragia, & rei veritatem, & gestorum seriem, & annorum numerum sumus consecuti: licet fideli, quantum potuimus, hæc eadem recitatione, scripto mandauimus. Quæ autem sequuntur deinceps, partim nos ipsi fide conspeximus oculatâ, partim eorum, qui rebus gestis præsentēs interfuerunt, fidâ nobis patuit relatione. Vnde gemino freti adminiculo, ea quæ restant, auctore Domino, facilius fideliusq; posterorum mandabimus lectioni. Nam & recentium temporum solidior solet occurrere memoria: & quæ visus menti obtulit, non ita facile obliuionis sentiunt incommodū, sicut quæ solo sunt auditu collecta. Vt enim Flacci nostri utamur verbo, huic nostro consonante:

Segnius irritant animum, demissa per aurem,
Quàm quæ sunt oculis subiecta fidelibus: & quæ
Ipse sibi tradit spectator, &c.

DE FUNCTO dominq; Fulcone, Hierosolymorum ex Latinis regē tertio, successit ei dominus Balduinus tertius, ex domina Milisende Regina filius eius, fratrem habens vnum puerulum, Amalricum nomine, annorum septem, vt præmisimus: qui postmodum eidem sine liberis defuncto, successit in regno, sicut in sequentibus aperietur. Tredecim annorum erat dominus Balduinus, cū regnare cœpit: regnauit autem annis viginti. Fuit autem adolescens optimæ indolis, id de se certis promittens indiciis, quod postea in virilem euadens ætatem pleno rerum persoluit experimento. Nam vir factus, sicut facie, & totâ corporis habitudine, præ cæteris * differenti formæ præminebat elegantia; ita & mentis viuacitate & eloquentiæ flore, omnes reliquos regni Principes facilè anteibat. Erat autem corpore procerus, mediocribus maior; ad corporis proceritatem membrorum habens consonam, & quasi proportionaliter respondentem vniuersaliter dispositionem, ita vt nec in modico, à ratione

FFFF

CAP. I.

rotius, in eo pars aliqua dissentiret. Fuit sanè facie decorus elegantissimâ, colore viuido, & innatum designante vigorem: à quibus planè in ea parte matrem referens, & ab auo non degener materno; oculis mediâ quantitatis, modicè prominentibus, fulgoris temperatis; capillo plano, non flauo penitus; barbâ mentum genasque, grata quadam plenitudine, fauorabiliter vestitus; carnositatis mediâ quadam habitudine modificatus, ita vt nec fratris more pinguior, nec matris exemplo dici posset macilentus. Tanta autem, vt in summa dicatur, formæ præibat eminentia, vt ignaris etiam eximiâ quadam in eo refulgente dignitate, certum in se de Regia maiestatem daret indicium.

II.

Huic autem tantæ corporis venustati, mentis quoque bene constitutæ æquipollenter respondebat habitus. Nam ingenii summè velocis erat, & sponte fluentis eloquii ei non deerat prærogatiua quadam singularis, nec morum dignitate commendabilium quolibet principe videbatur inferior. Affabilis enim & misericors erat admodum; & licet supra vires se penè omnibus exhiberet liberalem, alieni tamen minimè cupidus, nec Ecclesiarum vexabat patrimonia, nec subiectorum, more prodigi, insidiabatur opulentiis. Quodque in ea ætate rarissimè solet contingere, etiam in adolescētia sua erat DEVM timens, & ad ecclesiasticas institutiones, & ecclesiarum prælatos omnimodam habens reuerentiam: ingenii etiam viuacitate præditus, fidelis etiam memoriæ erat assecutus beneficium: erat autem & commodè literatus, & fratre suo domino Amalrico, qui ei successit, multò ampliùs: cum verò quid orti ex occupationibus publicis decerpere poterat, libenter in eumbebant lectioni; historiarum præcipuè auditor, antiquorum regum & optimorum principum gesta moresque diligenter inuestigabat: literatorum maximè, sed & prudentum laicorum confabulationibus plurimùm recreabatur. Tantâ autem affabilitatis gratiâ præminebat, vt etiam contemptibilibus personis, ex improviso & nominatim salutationibus dependeret affatum; & ad se ingredi volentibus, vel occurrentibus passim mutua colloctionis aut offerret vltro commercium, aut postulantibus non negaret. Vnde tantam sibi plebis & patrum conciliauerat gratiam, vt prædecessorum suorum quolibet ampliùs, vtrique classi haberetur acceptus. Erat autem & laboris patiens, & in dubiis bellorum euentibus, more optimi principis maximè prouidus: in summis necessitatibus, quas pro Regni incremento pertulit sæpiùs, regiam præferens constantiam, & fortis viri nusquam deferens securitatem. Iuris etiam consuetudinarii, quo Regnum regebatur Orientale, plenam habens experientiam: ita vt in rebus dubiis, etiam seniores Regni principes eius consulerent experientiam, & consulti pectoris eruditionem mirarentur. Erat præterea iucundi sermonis, facerique; & personis quibuscumque fauorabili quadam compositione se conformem tribuens, omni ætati & conditioni gratissimè se contemperabat. Urbanitatis quoque præcipua; eò minus, quòd dicendi nimia utebatur libertate, ita vt quæ in amicis erant notabilia, & reprehensioni obnoxia, sublatâ differentiâ, vtrum placeret an læderet, eis in faciem publicè iacularetur: quæ tamè, quoniam non nocendi animo, sed quadam mentis hilaritate, vel potiùs leuitate dicebat, non multùm inde etiam eorum quos sermone liberiore lacescebat, gratiam demerebatur: eoque ampliùs veniale videbatur, quòd in se versâ vice contritâ, æquanimiter dicta supportabat mordacia. Ad hæc & alearum, & damnicos talorum ludos, plusquam Regiam deceret maiestatem sequebatur: & carnis curam perficiens in desideriis, iniuriam alienis dicebatur inferre matrimoniis. Sed hoc in

III. 13, II.

adolescētia: nam vir factus, secundum Apostolum, *euacuauit quæ erant paruuli*. Insignibus enim virtutibus secutis, vitia prioris compensauit ætatis: vxore enim susceptâ, cum ea vixisse continentissimè dictus est. Et quæ in adolescētia minus DEO placita, & notæ subiacentia, lubrico ætatis impellente, contraxerat, postmodum prudentiore consilio deterfit, & studio in melius reformauit saniore. In sum-

III.

A. D.

1142.

Defuncto igitur patre, quarto Idus Nouembris, proximè subsecuto Dominici natalis die, anno incarnationis Dominicæ millesimo cētesimo quadragesimo secundo, præsidēte sanctæ Romanæ ecclesiæ domino Eugenio Papâ tercio, Antiochenæ domino Aimerico, Hierosolymitanæ domino Wilelmo, Tyrēsi verò ecclesiæ præsidēte domino Fulchero, cōueniētibz de more Principibz, simul &

vniversis

vniuersis Ecclesiarū Prælatiſ, in Eccleſia Dominiſi Sepulchri, per manus domini
Willemi, bonæ memoriæ Hieroſolymorum Patriarchæ, ſolemniter inunctus, con-
 ſecratus, & cum matre coronatus eſt. Erat autem mater, mulier prudentiſſima, ple-
 nam penè in omnibus ſecularibus negotiis habens experiētiā, ſexus ſœminci pla-
 nè vincens conditionem, ita vt manum mitteret ad fortia; & optimorum Principū
 magnificentiam niteretur æmulari, & eorum ſtudia paſſu non inferiore ſectari. Re-
 gnum enim, filio adhuc intra puberes annos conſtituto, tantā rexit indiſtriā, tanto
 procurauit moderamine, vt progenitores ſuos in ea parte æquare meritò diceretur:
 cuius quā diu regi voluit conſilio filius, optatā tranquillitate gauiſus eſt populus,
 10 & proſpero curſu Regni procedebant negotia. Verū attendentes quibus mēs erat
 leuior, quòd eorum ſtudiis, quibus dominum Regem inuoluere nitebātur, domi-
 næ Reginæ multū obuiabat prudentia, dominum Regem more aliorum eiſdem
 ætatis, cereum *in vitia ſecti, monitoribus aſperum*, ſuis inducunt perſuaſionibus, vt à
 matris tutela ſe ſubtrahens, Regnum ipſe moderaretur auitum. Indignum eſſe di-
 centes, Regem, quem omnibus aliis præſſe conuenit, quaſi priuati filium, ſemper
 ad matris vbera dependere. Quæ res ſicut ex inconfulta leuitate, vel ex quorun-
 dam malitia habuit initium, ita Regnum vniuerſum paulò minus habuit cōterere:
 ſicut inferiùs, cum de his tractabitur, diligentius docebitur. Eodem anno, illo
 medio temporis interuallo, quod inter patris obitum, & eiſdem domini Balduni
 20 in regnum promotionem fuit, *Sanguinus* vir ſcleratus; Turcorum inter Orientales
 potentiſſimus, eiſdem ciuitatis quæ olim *Nimue* dicta eſt, nunc autem mutato nomina
Muſula dicitur, & eſt metropolis eiſdem regionis, quæ olim dicta eſt *Aſſur*, dominus
 & moderator, maximam & egregiam Medorum metropolim, *Edoſſam* nomine,
 quæ aliā magis vſitatā appellatione *Rages* dicitur, in multitudine magna obſedit,
 multū præſumēs tum de gentis ſuæ numeroſitate, & viribus; tum de ſimultatibus
 quæ inter Principem Antiochenum *Raimundum*, & eiſdem Comitē ciuitatis *Jo-
 ſcelinum*, exortæ fuerant nimis periculoſæ. Erat autem eadem ciuitas trans Euphra-
 tem ſita, ab eodem flumine diſtans itinere diei vnius. Prædictus autem Comes ci-
 uitatis illius, contra prædeceſſorum ſuorum morem, illius dimiſſā vrbis habitatio-
 30 ne, circa Euphraten, in loco qui dicitur *Turbefſel*, iugem & aſſiduam conſtituerat
 conuerſationem, tum propter loci vbertatem, tum propter ocium: erat enim lon-
 gè ab hoſtium tumultu; deliciis vacās, nec debitam gerens pro tam nobili vrbe ſol-
 licitudinem. Prædicta verò vrbs Chaldaeos, & ex Armeniis imbelles viros, & armo-
 rum vſum penitus neſcientes, ſolam negotiandi artem familiarem habentes, habebat
 domeſticos; raroq; Latinorū frequentabatur accēſſu, pauciſſimos ex eiſdem habens
 ciues. Erat autem ſolis mercenariis tradita eiſdem cura, neque iis etiam pro tempore,
 vel pro modo exhibitæ militiæ, præſtabantur ſtipendia; ſed plerunque in annū vel
 ampliùs, pactam petentes pecuniam protrahebantur. At verò vterque *Baldunus* &
 40 *Joſcelinus* ſenior, poſtquam eundem Comitatum adepti ſunt, illie iugem & manen-
 tem cōſtituerant habitationem, ex locis finitimis illuc tam victus quā armorum,
 & aliorum quæ pro tempore erant neceſſaria, copiam, ad omnem ſufficientiam di-
 ligenter inferentes: vnde non ſolū in ſe tuta poterat conſiſtere, ſed & aliis vicinis
 vrbibus meritò erat formidabilis. Erant autem, vt præmiſimus, inter principem
 Antiochenum & Comitē inimicitia, non iam occultæ, ſed quæ iam vſque ad o-
 dium proceſſerant manifeſtum: vnde vterque, pro alterius moleſtiis aut ſiniſtris o-
 uentibus, modicam aut nullam gerebat ſollicitudinem; imò etiam detrimētis gau-
 debat, & ſiniſtris caſibus lætabatur. Ex his omnibus prædictus princeps magnus *Sā-
 guinus* occaſionem colligens, ſecumq; ab vniuerſo Orientali tractu infinitas equi-
 tum copias deducens, conuocatis etiam finitimarum vrbium populis, urbem præ-
 50 dictam obſidione claudit; & obſeſſis omnem præſtruit aditum, ita vt nec obſeſſis ci-
 uibus egredi, nec ad eos introire, volentibus vlla daretur facultas. Sed & victus &
 alimentorum quorumlibet, plurimū angebantur inopiā qui obſeſſi erant. Erat
 autem ciuitas muro circumdata ſolido, & turrium excelſarum vallata [præſidio] ci-
 uitatis parte [ſuperiore] alterum inferius, ad quæ ciuibz etiam expugnata vrbe, ſe-
 cundum poterat eſſe refugium: ſed & *hec omnia, ſicut vſui ſolent eſſe contra hoſtes, ſi ſint qui
 pro libertate velint contendere, & ſe viriliter hoſtibus opponere; ſic ſine vtilitate iacent, ubi non
 reperitur in obſeſſis qui vicē velit gerere deſenſoris. Parū eſt enim in ciuitatibus turres, muros eſſe*

& antemuralia, nisi sint qui hac omnia tueantur. Vacuam ergo urbem reperiens, & ex eo
obtinendi maiorem habens fiduciam, locatis in gyrum legionibus, & legionum
primiceriis congruâ statione dispositis, urbem vallar: deinde tormentis & machi-
nis iaculatoriis moenia debilitat; & crebris sagittarum immisionibus ciues incessan-
ter affligens, obsessis requiem negat. Nunciatur interea, & famâ discurrente vulga-
tur, quod prædicta Dei cultrix ciuitas, has obsidionis ab hostibus fidei & nominis
Christiani pariebatur angustias: vnde ad hunc sermonem, fidelium longè lateque,
hæc audientium, liquefacta sunt corda, & zelus armari cœpit, ad vltionem iniquo-
rum. Comes verò hoc audiens, & facti acerbitate percussus, copias impiger conuo-
cat militares; & serò memor urbis eximæ, *quasi iam defuncta parat exequias, qui e- 10*
protantis, & remedia postulantis, curam habere noluit: circuit fideles, amicos sollicitat,
Antiochenum Principem dominum suum suppliciter monet, & attentius per num-
cios hortatur, vt eius compatiatur laboribus, & urbem prædictam à iugo futuræ li-
beret seruitutis. Peruenerunt etiam huius tam sinistri casus nuncii ad Regem
Hierosolymorum, obsidionis circa prædictam urbem & angustiarum, quas ciues
eius patiebantur, certitudinem attestantes. Domina autem Regina, quæ regni
moderabatur imperium, communicato cum proceribus consilio, *Manassæ* regium
constabularium, consanguineum suum, *Philippum* Neapolitanum, *Elinandum* Ty-
beriademsem, vna cum militari multitudo, illuc sub omni celeritate dirigit, vt o-
peatum domino Comiti, & afflictis ciuibus ministrent solatium. Princeps verò 20
Antiochenus, de Comitibus gaudens aduersitatibus, non multum attendens, quan-
tum communibus debeat vtilitatibus, & quod *personale odium in publicam non debet*
redundare læsionem, occasiones colligit, dum petitum differt subsidium ministrare.

At *Sanguinus* interea obsessos continuis vrgens assultibus, omnia nocendi per-
currit argumenta; nil intentatum relinquit eorum quæ ciuibus possint augere
molestiam, & sibi ad obtinendum locum possint tribuere facultatem. Immissis igitur
fossoribus per scrobes & subterraneos meatus, secus murum ducit cuniculum,
suffossumque opus stipitibus sustentat appositis: quibus igne consumptis, decidit
ex magna parte murus, & hiatus hostibus peruium plusquam centum dedit cubi-
torum. Hostes igitur aditum pro votis habentes, confluentibus vndique in urbem;
ingrediuntur legionibus, & quos de ciuibus habent obuiam gladiis perimunt, con-
ditioni, ætati aut sexui non parcentes: ita vt de iis dictum videretur: *Vidua & ad- 30*
uonem interfecerunt, & pupillos occiderunt, iuuenem simul ac virginem lactentem, cum homi-
ne fene. Captâ igitur urbe, & hostium gladiis traditâ, qui prudentiores erant ex ci-
uibus, vel magis expediti, in præsidia, quæ in urbe esse diximus, cum liberis & vxoribus,
vt vitæ saltem, licet tempore consulerent modico, se contulerunt: vbi tantus
in introitu concurrentium populorum factus est tumultus, vt præ turba compri-
mente, multi miserabiliter suffocati interirent: inter quos & reuerendissimus vir,
Mago, eiusdem ciuitatis Archiepiscopus, cum quibusdam clericis suis eodem dici-
tur modo occubuisse. Huius tamen miserabilis euentus culpam nonnullam in præ- 40
dictum refundunt Antistitem, qui prædicto interfuerunt negotio. Nam cum pecu-
niam collegisse diceretur infinitâ, quam erogans militibus, urbi posset esse auxilio,
maluit opibus auarus incumbere, quam populo consulere pereunti: ynde factum
est, vt auaritiæ fructus colligens, mortem cum popularibus sortiretur indifferen-
tem, ab auditu etiam malo, nisi misericorditer dominus subueniat, non multum se-
curus. Talibus enim terribiles loquuntur Scripturæ, dicentes: *Pecunia tua tecum sit in 50*
perditionem. Sic igitur dū Princeps Antiochenus, odio victus indiscreto, differt fra-
tribus debitum auxilium ministrare; dumque Comes aliena præstolatur suffragia,
urbs antiquissima, & nomini Christiano à temporibus Apostolorum deuota, verbo
& prædicatione Apostoli *Thaddæi*, ab infidelium superstitionibus eruta, indebitum
passa est seruitutis. Dicitur in eadem urbe & corpus beati Thomæ Apostoli, vna
cum prædicti Apostoli, & beati Abgari regis corporibus esse sepultum. Hic est *Ab-*
gurus, toparcha illustris, cuius epistolam ad Dominum IESVM CHRISTVM missam,
Eusebius Cæsariensis, in historia sua quam ecclesiasticam nominat, asserit: quem &
Domini dignum rescripto docet, vtriusque ponens epistolam, & in fine ita subiun-
gens: *Hæc in Archivis publicis Edessana urbis, in qua tunc supradictus Abgurus regnavit,*
ut descripta reperimus in iis chartis, qua gesta Abgari Regis seruata antiquitus continebant.

Sed

Sed hæc hæcenus, nunc ad historiam redeamus. Huius domini *Balduini*, anno VI. primo quo regnare cepit, Turci, quibusdam fauentibus & vocantibus locorum incolis, castrum quoddam nostrum, cui nomen *Vallis Moyss*, in Syria Sobal, quæ est trans Iordanem, occupauerant. Est autem prædictum oppidum, iuxta aquas contradictionis, vbi Moyse populo Israëlítico vociferante & deficiente præ siti, ex filice fluenta produxit, & bibit populus vniuersus & iumenta eius. Cognito itaque quod prædictum municipium hostes, nostris qui in eo erant occisis, detinerent, congregatis vndiq; militaribus copiis, dominus Rex, licet tener adhuc nimium, illuc proficiscitur: & transiens cum suis expeditionibus, *Vallem illustrem*, vbi nunc *Mare Mor-*
 10 *tuum*, quod & *Lacus Asphaltis* dicitur, interiacet, secundæ Arabiæ, quæ est *Petræensis*, in finibus Moab, montana conscendit. Inde Syriam Sobal, quæ est tertia Arabia, quæ hodie vulgò dicitur *Terra Montis regalis*, percurrentes, ad locum perueniunt destinatum. Indigenæ autem regionis, comperto nostrorum aduentu, cum vxoribus & liberis in præsidium se contulerant, præsumentes de loci munitione, eò quod inexpugnabilis videretur. Vbi nostri, loci videntes difficultatem & inoperabile munimen, postquam aliquot diebus saxa contorquendo, crebris sagittarum immissionibus, & aliis nocendi argumentis, inutiliter operam consumpserant, ad alia se dirigunt consilia. Erat autem tota illa regio oliuis cõsita pinguibus, ita vt instar nemorum condensorum, vniuersam terræ superficiem obumbrarent: vnde
 10 de regionis habitatores, sicut & eorum progenitores, sibi victum omnimodum propagabant; quibus deficientibus, omnino viuendi spes eos destitueret. Hasigitur extirpare & dare incendiis decretum est, vt saltem hoc damno deterriti, & succis oliueris desperarent, & Turcis qui in municipium se contulerant traditis vel exclusis, nostris castrum restituerent: quod conceptum, fructuoso non caruit euentu. Nam protinus vbi succidi amicas viderunt arbores, mutato consilio, ad alia se conuertunt studia: & conditionibus interpositis, quod Turcis quos introduxerant, liber & sine periculo pateret exitus; quodque eis & eorum vxoribus & liberis non imputaretur ad mortem, quod deliquerant, castrum domino Regi restituerunt. Recepto itaque municipio, & custodibus in eo locatis, alimentorum quoque im-

missa copiâ, simulque & armorum, dominus Rex cum suis, consummato negotio, quod ei in primis Regni sui auspiciis occurrerat, victor, & sospes cum vniuerso exercitu, ad propria reuersus est. *Sanguinus* interea, vnde supra fecimus mentionem, subiugata vrbe Edessanâ, tanto in immensum elatus successu, apposuit & ciuitatem munitam, supra Euphratis fluenta sitam, *Calogenbar* nomine, obsidere: in cuius obsidione dum perseueraret, tractante & disponente prædictæ vrbs domino, cum quibusdam cubiculariis & familiaribus eius eunuchis, nocte vnâ vino æstuans, & præ nimia crapula supinus iacens in tabernaculis suis ab eisdem domesticis suis, gladiis confoditur. De quo quidam nostrorum, nunciato eius interitu, sic ait:

40 *Quàm bonus euentus! fit sanguine sanguinolentus,
 Vir homicida, reus; nomine Sanguineus.*

Qui autem eum interfecerant, à domino vrbs obsessæ, ex condicto intra mœnia recepti, vltices consanguineorum extincti manus effugerunt. Fugit autem & vniuersus eius exercitus, domini solatio & prouisione destitutus: cui defuncto successerunt eius filii, alter apud *Mussulam*, introrsum in Oriente; alter apud *Halapiam*, natu posterior, nomine *Noradinus*, vir prouidus & discretus, & iuxta traditiones illius populi superstitionas, timens D E V M; felix quoque, & paternæ ampliatur hereditatis. Non multo post tempore, anno secundo regni domini *Balduini*, nobilis quidam Turcorum satrapa, ex causis quibusdam, *Meieredin* regis Damascenorum indignationem sustinens, & procuratoris eius *Me benedin*, qui alio nomine *Ainardus* dicebatur, gratiâ destitutus, cuius multo maior quàm ipsius Regis in vniuersis Damascenorum finibus erat auctoritas: ad dominum Regem & matrem eius, cum honesto comitatu venit Hierosolymam, asserens, quod si dominus Rex honestam, & pro boni viri arbitratu sufficientem ei vellent assignare compensationem, ipse *Bostrensem* urbem, cui præerat, vnâ cum oppido *Selcath*, Christianis resignaret. Est autem *Bostrium* primæ Arabiæ metropolis, quæ hodie vulgari appellatione *Bussereth* dicitur. Erat porro idem nobilis homo, vt dicebatur, Arme-

nus genere, corpore procerus, facie venusta, virilem totâ corporis habitudine animositatem prætendens, eratq; nomen ei *Tantais*. Conuocatis igitur huius rei gratiâ vniuersis regni Principibus, & deliberationis partibus congruo libramine pensatis, auditâ tanti viri aduentus causâ, placuit omnibus de cômuni consilio, vt de honesta & competente recompensatione, supradictô satisfiat viro; & conuocatis exercitibus, ad Bostrenses partes dirigantur expeditiones: maximum enim & Deo acceptum Regni iudicant incrementum, si Christianæ fidei & nostræ iurisdictioni, per huius operam, iure perpetuo possit accrescere ciuitas prænominata. Pactis igitur hinc inde ad congruam consonantiam reductis, vniuersus regni populus voce præconiâ congregatur, & implorato de supernis auxilio, viuifica Crucis ligno secum assumpto saluari, tam dominus Rex, quam Principes omnes, *Tyberius* idem vique perueniunt: vbi circa pontem, vnde ex mari Iordanis fluuenta se diuidant, castrametantur. Porro prædictus *Ainardus*, cum domino Rege, sicut & cum patre eius fœdus prius inierat, & pacem temporalem: vnde oportebat eum præmoneri solenniter, vt ad resistendum præparandumque se, & conuocandum exercitum legitimas pro more regionis haberet ferias; ne si repente & ante sollemnem commotionem, infra suos fines, hostiliter dominus Rex ingrederetur, contra legem pactorum videretur versatus. Missis igitur nunciis, ad eundem procuratorem, dum ille tanquam vir sagacissimus ex industria differt responsa dare, iam penè mentis præterierat: quo medio tempore non cessauit, tam prece quam precio, omnes finitimos suæ gentis proceres, longè lateque in sui subsidium conuocare: quibus vndique ad infinitatem nimiam congregatis, domino Regi & principibus mandat, dicens: *Contra legem iniiti fœderis, in terram domini mei paratis intrare, & seruum eius consummationem, & contra debita fidelitatis iura versantem, indebito protegere laboris patrocinio: rogatus humiliato in preces animo, quatinus ab iniusto dominus Rex desistat proposito; pactorum prius initorum terrorem conseruet ilibatum. Nos parati sumus, domino Regi vniuersas cum omni integritate impensas, quas pro hac expeditione fecit, refundere.* Ad hæc dominus Rex de communi consilio responsum dedit, dicens: *Nos pactorum & fœderis concepti, nullatenus intendimus violare terrorem: sed quia prædictus nobilis homo ad nos venit, vt nobiscum familiariter loqueretur, non possumus homini in Regno nostro spem habenti, cum nostra honestate ita penitus deesse. Sufficiet autem nobis, vt in urbem quam nostro descriuit intuitu, eum introducere sine difficultate liceat: postquam autem in suum se receperit municipium, tractet eum dominus suus patriis legibus, & secundum merita sua eidem præmia largiatur: nos enim siue in eundo, siue in redeundo, regi Damasceno amico nostro, omnino auctore Domino, sicut tenemur, declinabimus iniuriam irrogare.* Erat autem hic idem *Ainardus*, vir prudentissimus, & populi nostri amator: qui cum haberet tres filias, vnâ illarum dederat prædicto Damascenorum Regi, alteram *Noradino* Sanguini filio: tertiam cuidam egregio militi, *Manguarth* nomine. Habebat ergo regni curam, tum quia Regis erat socer, tum quia vir circumspectus erat plurimum. Rex autem deses, ebriosus, & epulo, solis vacabat delitiis, & libidine totus effluebat dissolutus. Is (vt diximus) gentis nostræ gratiam, quibuscumque poterat obsequiis mereri, satagebat: & quibus solent amici comparari, merita in eo non erant ociosa. Quod vtrum ex animo & ex dilectionis sinceritate procederet, an inuitum impelleret necessitas, inter prudentes querebatur. Poterat sanè vtrunq; esse in causa: nam generum suum *Noradinum*, sicut & patrem eius prius, suspectum habebat non modicum, ne Regem, iterum generum suum, virum prorsus inutile, & crassâ supinum ignorantia, regno, & se ab administratione detruderet. Inde erat maximè, quod nostrorum sibi necessariam reputans gratiam, omni viâ quâ poterat ad eam obtinendam aspirabat. Videbatur vir discretus prælagientem habere spiritum: nam quod verebatur accidit. Statim enim eo mortuo, prædictus *Noradinus*, consentientibus sibi Damascenis, illo qui regnabat violentè excluso, regnum occupauit. Elaborabat ergo fideliter, vt dominus Rex, refusis sibi expensis, quæ pro vocanda fecerat expeditione, ad propria rediret indemnus: & proculdubio minus hostiliter in eo factò, contra dominum Regem & Christianum exercitum se habuisset, si conuocatas exterâs nationes, pro suo potuisset arbitrio cohibere. Multa enim fidei, sinceritatis, & constantiæ illius in plerisque negociis, certo rerum experimento cognouimus argumenta. Verum dum hæc nunciarent legati, inter quos erat præcipuus quidam domini Regis familiaris,

Bernardus

Bernardus Vacher : populus cœpit acclamare, eundem Bernardum proditorem esse : non esse populo Christiano fidelem, quicumque dissuasionibus huic negotio velit dare impedimentum. Magnis etiam vocibus cœpit plebs indiscreta clamare, procedendum esse, urbem tam nobilem nō facile esse deferendam : grates habendas nobili viro, & eius per omnia propositum amplectendum fideliter & deuotè, qui tantum Christianitati obrulisset seculis memorabile beneficium, & pro eo usque ad mortem decertandum. In hoc itaq; tanto tumultu, præualuit vulgi sententia, spreto consilio sanius affectorum. Compositis igitur sarcinis, & solutis cassis, versus prædictum oppidum iter dirigunt : transitaque caueâ *Roob*, in planiciem perueniunt, quæ dicitur *Medan*, vbi singulis annis Arabum & aliorum Orientalium populorum solent nundinæ cōuenire solennes. vbi tanta hostium nostris cœpit occurrere multitudo, vt qui prius cœpto insistendum, & in negotio procedendum acclamauerāt, redire si fieri posset, præoptarent, & iudicarent vtilius. Visis tamen hostium cuneis, & stupentes multitudinem, nostri accingunt se tanquam statim præliaturi. Rex vero de consilio eorum qui rei militaris habebant experientiam, castra protinus iubet locari : quibus compositis, curam corporis, prout in arto positi poterant, agentes, noctem illam duxerunt insomnem. At verò hostes multiplicati supra numerum, legiones nostras vndique vallantes, quasi manubias & vilia mancipia, nostros proculdubio habituros in crastino compeditos non dubitabant. Nostri verò

continuis excubiis se obseruantes prudenter, & virorum fortium circa se totâ sollicitudine impleuerunt officia. Mane factò, communicato cōsilio, nostri procedendum esse decernunt : nam redire, cum ignominia plenum, tum penè videbatur impossibile. Verum hostes circumpositi vtrumque impedire videntur. Tandem nostri animosius insistentes, per medias hostium acies, viam ferro aperiunt, & ad destinatum vnanimiter locum contendunt : sed loriceis, cassidibus, simul clypeis onusti, lento incedebant gradu ; hostium etiam circumpositâ multitudine præpediebantur. At verò equites, licet expedientiùs possent incedere, peditum tamen oportebat in incessu conformes fieri manipulis ne dissolueretur agmen, & irruendi super cuneos hostibus daretur occasio. Compatiebantur itaque sibi inuicem cohortes, & quasi vir vnus affectus erat populus vniuersus. Tanta enim equitibus erat pedestrium turmarum cura, vt ipsi de equis descendentes, communicato cum eis labore, fessis pro vehiculo se exhibentes, itineris molestiam redderent leuiorē. Hostes tamē interea crebris sagittarum immissionibus exercitū fatigantes, multiplicatis molestiis, nostrorum cohortes dissoluere nitebantur. Nostri autem è diuerso, quantò ad hoc magis eos vident instare & importuniùs, tantò sibi inuicem coherere magis, & cœpto insistere feruentiùs itineri non formidant. Accedebat ad maiorem molestiarum cumulū, sitis aspera, ex laboris difficultate, & a statis caumate geminata. Erat quoque eis iter per loca arida & inaquosa : tota enim illa regio fontes nescit ; verum hyeme solent aquas colligere lacunis tam naturalibus quam manufactis, pluuiiales. Acciderat autem illis diebus, vnde & hæ ipsæ factæ erant inutilles : nā tanta fuerat paulò antè locustarū in ea prouincia præter morē intemperies, quòd omnes huiusmodi piscinas tabo infecerant, & aquæ vsum reddiderant abominabilem putredine, quam morientes intulerant. Hæc autē, quæ nostris iter erat, regio dicitur *Traconitis* : cuius in Euangelio *Lucas* facit mentionem, dicens : *Philippus autem Itureæ & Traconitidis regionis tetrarcha.* Videretur autem nobis à Traconibus dicta. *Tracones* enim dicuntur occulti & subterranei meatus, quibus illa regio abundat : nā penè vniuersus illius regionis populus in speluncis & cauernis habitat, & in traconibus habet domicilia. Transcursâ igitur cum summo periculo regionis illius parte, circa horam diei nouissimam ad locum perueniunt, qui antiquo

Adratum dicitur vocabulo, nunc autem vulgari appellatione dicitur ciuitas *Bernardi de Stampis*. Est autem vna de urbibus suffraganeis, quæ ad Bostrentem metropolim habet respectum : vbi adiunctis illius loci incolis, ad hostium numerum, maior nostris accessit molestia : vbi etiam de cisternis, quarum ora videbant patentia, & sine difficultate haurire aquas se possē nostri arbitrarentur, demissas situlas non sine damno amittebant : nam qui intus latebant in cauernis subterraneis funes præcidentes quibus hauriendi adligata erant instrumenta, funes remittebant decurtatos : & spe potus elutos, ad maius compellebant sitis

dispendium, dum in hauriendis aquis frustra diutius laborabant. Sic igitur quatuor diebus cōtinuis, nunquam indultā requie, nostri afflicti sunt incessanter, vix noctibus habentes ocium ut necessitatibus corporis quocunque modo satisfacerēt. Augebatur præterea per singulos dies hostium numerus; nostrorum verò decreſcebāt agmina, aliis interemptis, aliis faucibus letaliter: alii verò de vita desperātes, & nimia percussi formidine sarcinarum & impedimentorum augebant turbam, infra equos & iumenta delitescētes, & simulantes impotentiam, ne ad sustinenda hostilis impetus onera, egredi compellerentur. Tāta enim sagittarum & missilium penē continua supra nostrum exercitum erat densitas, ut grandinis aut imbrium instar descenderent, & vniuersa tam homines quam iumenta telis confita viderentur. Mirari poterant intuentes, aut hostes in inculādo tantum posse, aut nostros tantum patientiæ inuincibilis continuare laborem. Instabant & nostri, telis & sagittarum immissione nihilo minus: sed hostium exercitus, discursus habens liberiores, rariis sagittis lædebantur nostris. Quartā demum die continuatis cum tanto periculo itineribus, ad locum destinatum appropiantes, urbem eminus contuentur: ubi cum multa difficultate, hostibus violenter exclusis, aquas intra rupes modicē scaturientes, occupant, & circa eas castra metantur: ubi refectiōni vacantes aliquantulum, corporibus quantum permittebatur indulgent. Eā nocte ibi qualem qualem nostri habentes requiem, diem expectabant cum summo desiderio sequentem: cum ecce intempestē noctis silentio, ex vrbe prædicta quidam latenter egressus, per medias hostium acies ad nostrum se contulit exercitum, infaustæ legationis baiulus. Qui statim veniens, ad Regem se postulat introduci, verba dicens se habere secretiora quæ perferat. Admissus ergo, conuocatisque Principibus, simul quoque & ille nobili viro, qui eiūdem ciuitatis magistratum administrauerat, & nos in præsentia duxerat pericula, nunciat, urbem vxore eiūdem nobilis viri prodēte, hostibus traditam; & eorum introductos satellites, arces & præsidium, exclusis aliis, obtinere vniuersum. Hoc infelici rumore, nostri mente plurimum consternati, quid factū opus sit deliberant: tandemque visum est expedientiū, reditum ad propria, cum quocunque periculo, maturare. Fuerunt tamen nonnulli de maioribus Regni Principibus, qui domino Regi secretiū & in aurem consulerent, quatinus assumpto sibi viuificæ Crucis ligno, equum domini *Ioannis Gomani*, qui omnes alios eiūdem exercitus equos celeritate & laboris patientiā longē superare dicebatur, conscenderet, & solus suæ consuleret salutem. Hoc autem dicebant, omninō de reditu desperantes, & omnium stragem tinentes in proximo futuram. Quod verbum Rex, licet infra annos puberes constitutus (significans qualis in maiore ætate futurus esset) regiā spreuit magnificentiā, dicens: *Propriam se omninō contemnere salutem, si tam deo deuotus populus casu tam flebili deperiret.* Videntes ergo Regem eorum monitis, licet ex affectu pio prodeuntibus, nō acquiescere, ad alia se conuertunt studia; & de reditu tractare incipiūt, vidētes nō sine vniuersorū strage ad vltiora se posse procedere. Tunc primum cœpit spe tantā deiectis, & euacuatos videntibus omnes suos conatus, labor duplo exurgere molestior. Nam etsi prius dura nimis, & penē intolerabilia, & quibuslibet quæ postmodū accidere possent non inferiora passi erant, spes ramen & fiducia obtinendi ciuitatem, laborantium animos confouens, ad tolerantiam gratis quibusdam stimulis accendebant. Videntes ergo se prorsus spe delusos, fixum firmumque quod proposuerant decernentes, ad iter se accingunt, voce præconiā reditu cunctis significato. Redditā igitur terris die, ecce *Noradinus* in auxilium foceri vocatus, infinita secum trahens Turcorum agmina, ab vrbe prædicta veniens, ad hostium se adiungit cohortes. Nostri verò ad redeundum, secundum propositū, iter arripiunt. Quod videntes aduersarii, clamoribus perstreptentes obuiam se dare cōtendunt, ut impediant regressum. At nostri ipsā difficultate, quæ vndique premebat, facti animosiores, obuias acies gladiis & ferro dissoluētes, viam sibi cum summo periculo & strage suorum violenter aperiunt. Erat autem nostris indictum publicē, ut defunctorum corpora camelis & aliis animalibus ad sarcinas deputatis imponent, ne nostrorum considerata strage, redderentur fortiores inimici: debiles quoque & saucios, iumentis imponi mandatur, ne omninō nostrorum aliquis aut mortuus aut debilis crederetur. His & datum erat in mandatis, ut gladios educentes, saltem speciem validorum exprimerent. Mirabantur itaque hostium

hostium prudentiores, quòd de tanta immissione sagittarum, de crebris conflictibus, de tanta sitis, pulueris, æstus immoderata molestia nullus vnquam mortuus aut deficiens inueniretur; populum iudicant ferreum, qui tot, tamque continua possint tam perseueranter sustinere dispendia. Videntes porrò hostes, quòd sic nō proficerent, ad alia se conuertunt molimina: erat sanè regio tota vepribus & fructibus humilibus, carduis aridis, & synapis syluâ, veteribus stipulis & frugibus iam maturis, obsita: his omnibus ignem subiiciunt, vento nostris obuiò fomitem & vires ministrante. Hic incendii viciniore afflatu, fumique occurrentis nube densissimâ, nostris ingeminatur molestia: cùm ecce ad venerabilem virum dominum *Robertum* Nazarenum archiepiscopum, qui Crucem Dominicam baiulabat, omnis populus cum clamore & eiulatu conuersus, postulabat cum lachrymis, dicens: *Ora pro nobis pater: & per hoc viuifica Crucis lignum, quod manibus gestas, in quo nostra salutis auctorem credimus pendisse, erue nos ab his malis, nam diutius sustinere non possumus.* Erat autem populus, in modum fabrorum officinas exercetium, vento agitante fuliginem, tam facie quàm toto corporis habitu, nigredine factus decolor; & tam æstatis quàm inoediōrum caumate duplicato, ad supremum afflictus siti, supra vires laborabat. Ad has itaque gementis populi voces, vir *Deo* amabilis, contritus corde, & animo valde compatiens, salutare lignum erigit contra incendia, quæ illi totis viribus procurabant: & inuocato de supernis auxilio, statim adfuit virtus diuina, & in momento conuersis in oppositum flatibus, incendia simul cum tetra fumi caligine in hostes, qui nostrum præcedebant exercitum, se dirigunt: & quæ in nostram parauerant læsionem, in suam vident retorta perniciem. Stupent hostes nouitate miraculi, & singularem reputant Christianorum fidem, quæ tam præsens possit à domino *Deo* suo pro votis impetrare beneficium. Suis ergò occupati necessitatibus, nostris aliquam indulgent requiem, & ad tempus respirare concedunt. Dum verò his tam intolerabilibus noster exercitus premeretur malis, diffidentes de vulgi patientia Maiores, & qui sensus habebant magis exercitatos, Regem adeunt, persuadens vt legatio ad *Aimardum* dirigatur, pacem postulans sub conditione qualibet, dum solummodo ad propria possit redire exercitus. Eligitur quidam qui suspectus habebatur, quòd aliâ vice in legatione simili contra *CHRISTI* populum malitiosè versatus fuisset: tamē propter linguæ commercium, quod habere dicebatur familiare plurimum, iterum id ei muneris iniungitur. Dumque ei persuaderetur, vt fideliter iniunctum exequatur officium, dixisse perhibetur: *Iniuste & præter meritum suspectus habeor: vado tamen. quòd si obiecti reus sum criminis, nunquam mihi redire concedatur, quin hostium gladiis confossus inteream.* Datam ergo in se mortis sententiam miser homo, diuino iudicio expertus est statim: nam antequam ad hostes perueniret, & legationis functus esset munere, armis hostium confossus interiit. Conuenerant ad eandem expeditionem quatuor inclyti Arabum principes fratres, illustres & eximii Arabum satrapæ filii, qui dictus est *Merel*, cum innumera suorum manu: hi dum nostros ex latere proceruis nimis assultibus vexarent instantius; nostri autem propositâ lege ad eos erumpere non auderent, ne si contra rei militaris disciplinam ordines soluerent, durior in se tanquam locorum desertores experirentur sententiam: vnus de familia Turci illius, qui nobiscum erat, non ferens illorum factum, & à nostris iniuriam propulsare cupiens, vitæ prodigus, & legis immemor propositæ, equum viriliter admittens, in vnum ex illis quatuor hastam, quam manu gerebat, dirigens, gladio transuerberatum in medio suorum agmine, ad terram deiecit exanimem; seque statim, sanum & incolumem in nostrum reoepit exercitum. Factus est ergò circa corpus defuncti, populi concursus innumerebilis: & cognito quòd iam infelicem exhalauerat animam, in vocem erumpit flebilem, & doloris immensitatem fletus vbertate testantur. Nostri verò lætantes, diligenter quærunť quis nam esset, qui tanto se obiecerit periculo, cuius tam insigne factum gloriam meruerit perennem: cognitoque quòd vir alienigena, & cui legem propositam licebat ignorare, eò maximè quòd linguæ commercium non habens, edictum publicum non intellexerat, licet contra rei militaris disciplinam egisse non dubitaretur, tamen iuris ignaro clementer indulgens, viri factum amplectentes, non tam ratione quàm euentu commendabile. Soluitur ergo ex ea parte hostium cuneus; & liberiora habens noster exercitus spacia, angustias

quas pariebatur, locis redimit patentioribus. & iam continuato per aliquot dies itinere, ventum erat iterum ad *Caueam Roob*: quem locum, quoniam angustus erat, & periculosus poterat esse transeuntibus, Principes consulto iusserunt declinari. Prædictus verò Damascenorum procurator *Sinardus*, videns quòd Rex cum suis exercitibus versus prædictam vallem properabat, missis nunciis offert, quòd si ei bonum videretur, trans Caueam ei faceret honestè prandium præparari: nouerat enim iam per dies aliquot exercitum alimètorum inopià laborasse. Quod verbum vtrum ex dilectionis sinceritate processerit, an ex dolo, volens nostras expeditiones in periculofarum vallium angustias immergere, pro certo non habemus compertum. Regulariter tamen creditur esse traditum, quòd *hostium munera merito etiam habebantur suspecta*. Generali ergo decreto, decernunt viâ superiore, quoniam planior & minus periculosa erat, incedere. Cumque ducem non haberet qui agmina præiret, & locorum per quæ trāsituri erant haberet peritiam, ecce subito cohortes præcedens miles quidam ignotus, albi fessor equi, rubei coloris vexillum baiulās, lorica indutus, curtis vsque ad cubitos manicis antecedebat exercitum. Hic tanquam angelus Domini exercituum, viarum sequens compendia, & ad aquas ducēs prius incognitas, congruis & commodis stationibus castrametari docebat. Sic igitur eum quinque diebus, vsque ad prædictam Caueam vix peruenissent expeditiones, tribus postea sub iam dicto duce & itineris præambulo, iter agentes, *Gadaram* vsque perueniunt.

XIII. Sita est *Gadara* in ea regione quæ *Decapolis* dicitur, de qua in Evangelio Marci legitur: *Exiens IESVS de finibus Tyri, venit per Sydonem ad mare Galilee, inter medios fines Decapoleos*. In hac, sicut & nomen indicat, sunt ciuitates decem: *Hippus, Pella, Gadara*, de qua hic nobis est sermo, cum aliis septem. Ad quam, quoniam in confinio hostiū & nostræ regionis sita est, cum peruenissent primæ nostrorum legiones, tunc denuò quasi rediuiuo malo & recrudescente infaniā, furere cœperunt hostes circa postrema agmina: sed videntes quòd non proficerent, & quòd nostri in sua iam se contulerant, fumo, caloris intemperie, tædioque fatigati, solutis agminibus gregatim ad propria redire cœperunt. Nostri quoque nihilominus, transcurfâ nocte illâ maiore solito tranquillitate, exhaustis præ labore debitam corporibus exhibentes indulgentiam, die sequente ad urbem *Tyberiadensem* perueniunt. Asserunt autem vnanimiter, quibus illius facti adhuc plenior famulatur memoria, quòd hunc, vnde diximus, ducem itineris nemo nouerit: nam cum ventum erat, vt castrametaretur exercitus, subito disparebat, nec vspiam in castris videbatur; manè verò iterum exercitum anteibat. Non habet præsentium hominum memoria, quòd Latinorum tempore, in toto Oriente, absq; manifesta hostium victoria, tam periculosa fuerit expeditio. Domino igitur Rege in Regnum reuerso, *Cruce* quoque Dominicâ Hierosolymis restituta, gaudius est populus qui remanserat, reuerso ad se populo, dicens: *Mortuus fuerat, & renixit; perierat, & inuentus est*. Postmodum verò idem nobilis homo, ab *Sinardo* vocatus verbis pacificis in dolo, quasi sub specie reconciliationis, malè nimis tractatus est: nam oculis erutis, in summa egestate & miseria, vitam miserabiliter infelicem finire coactus est.

XIV. Dum hæc circa nos geruntur, in partibus Edeffanis factum miserabile, scriptis innodari dignum accidit: quod vt plenius intelligatur, altius aliquantulum repetenda est historia. Mortuo Sanguino, maximo nominis Christiani persecutore: *Noradinus* filius eius, dum de successione in patris principatum, apud Mussulam sustinet questionem, & circa id in partibus illis detinetur occupatus, videntes Edeffani ciues, quòd pauci de familia eius in ciuitate essent residui, qui ad tuenda præsidia erant deputati, reliqua autem populi pars vniuersa fide polleret Christianâ, occultè dirigunt nuncios ad prædictum Comitem *Isacelinum*, significantes, urbem Turcis vacuam, exceptis paucis qui præsidia seruabant, solis ciuibus relictam. Erant autem, & à diebus Apostolorum fuerant, illius ciues urbis in CHRISTI fide radicati, & fundati, ita vt, sicut aliàs dictum est, aut rarissimus, aut nullus alterius professionis homo inter eos habitaret. Orant etiam & cum omni monent instantia, vt militibus copiis sine mora congregatis, ad urbem acceleret; eamque tradentibus ciuibus, sine periculo & sine difficultate recipiat. Ille verò cum omni celeritate, assumens sibi dominum *Baldwinum de Mares* nobilem & potentem virum, & vniuersam regionis illius tam equitum quàm peditum militiam, transito repente fluuio ad prædictam

prædictam urbem, cum omni comitatu suo de nocte repentinus accessit: ubi à ciuibus intempestæ noctis silentio, dormientibus iis qui ad vigiliæ erant deputati, funibus & scalis sunt intromissi, qui cæteris de foris expectantibus portas aperirent. Quibus apertis, immixtis omnibus indifferenter, statim per urbem discurrentes, quotquot habuerunt de hostibus obuiam, in ore gladii peremerunt. Fugit tamen eorum pars quædam, & mortis declinans periculum, in præsidia se recepit. Obtinuit ergo Comes, & Christianus qui cum eo erat exercitus, urbem eo modo per dies aliquot: Præsidia tamen, quoniam victualibus, armis & militiâ instructa erant, & munita diligentius, comprehendere non valuit: maximè cum neque machinas, **neque** unde fieri possent materiam aut secum detulisset, aut in tota urbe reperisset.

Diriguntur igitur, qui de successu qui acciderat, nostros longè lateque positos certificent nuntii, & ad subsidium inuitent finitimos, quatinus eorum suffragio, urbem quam sic Domino fauente receperat, perpetuè obtinere, & cultui conferuare Christiano possint. Quibus auditis lætatus est ubique populus Christianus; & secundum multitudinem doloris, quam de illius urbis captiuitate conceperat, videntur in ea mensura recepisse consolationem. Sed, *extrema gaudii luctus occupat*; & subito versa est in mœrorem cithara, & dolor natus rediuius peior priore. *Noradinus* enim audiens, quod Comes prædictam urbem tradentibus ciuibus receperat, corrogatis undique ex omni Orientali tractu militaribus copiis, & populis vicinarum urbium, voce præconiâ in vnum congregatis, adest subito, & urbem in circuitu dispositis legionibus vallat obsidione. Erat itaque nostris, sicut scriptum est, *Foris gladius, & intus pavor*. Nam hostiles exterius acies, exitum negant, parat prælia, mortem intentant; interius, qui in præsidiis intra urbem erant, terrorem incutiunt, & assiduis molestant vexationibus. Nostri porro inter tot angustias ignari quid faciant, voluunt apud se, & frequenter mutant consilia; sed ad quâlibet deliberationis partem se, conuertentes nihil tutum reperiunt, nullum sine mortis discrimine rei exitum inuenientes. Tandem pro loci & temporis conditione, visum est vniuersis expedire, quod quocunque periculo, quocunque mortis discrimine, urbe sit egrediendum. Nā satius esse non dubitant, cum hostibus tentare congregari, & gladiis iter aperire, ut saluti consulatur, quàm obsidionem sustinere: qua urgente, aut omnes indifferenter gladio pereant; aut inopiâ alimentorum compulsi, hostium vinculis mancipentur, & durâ & omni mortis genere deteriore subire cogantur seruitutē. Placuit omnibus hæc sententia: & licet periculosa sit nimis, habito tamē respectu ad alia quæ accidere poterant deteriora, compendiosior iudicatur. Audientes hæc ciues, quorum opera & studio Comes cum suis introductus erat, quod omnis resistendi spes & via salutis defecerat, timētes, ne si in urbe post Comitum exitum remanerēt, morte grauissimâ punirētur, eò quod huius facinoris viderētur esse auctores, assumptis vxoribus & liberis cum Christiano exercitu egredi, & dubiam cum fratribus fortunam experiri, eligunt potius, quàm morte certissimâ occumbere; aut iugum sub infidelibus hostibus durissimâ pati seruitutis, omni genere mortis amplius formidabile. Patefactis igitur portis, quasi id singulare remedium, & vnica via sit salutis, omnes certatim egredi contendunt: & licet per medios hostium cuneos ferro iter aperiendum esse non dubitent, leue tamē iudicant, quicquid accidere potest, urbem egressis. Interea de hostibus nonnulli, referantibus eis aditum qui erant in præsidiis, in urbem recepti, à tergo instant acrius, & exitum maturare cōpellunt: qui verò exterius erant, audito quod sui ex parte intra ciuitatem introducti essent, & iā cum nostris pugnam committerent, suis volentes adiungi, portam quam nostri aperuerant, ut exirent, violenter occupant: & cōuocatâ ex vniuersis ordinibus ingenti multitudine, egressum inhibēt, sed & in urbem introire cōtendunt. Commissa est igitur ibi inter partes pugna, quantum loci patiebatur angustia, periculosa nimis vtrique parti. Tandem vi cōpellentibus eis qui ab intus instabant cominus, & in hac parte nostris vires & animū ministrantibus, inuitis & plurimum renitentibus exterioribus, viâ ferro, multâ vtriusque partis strage aperiant, capis se patentibus infundētes. Intueri erat ibi quod & visu miserabile, & recitatione gemitu plenum, inerme vulgus, imbellē ciuium populum, tenes, valitudinarios, matronas cum virginibus tenellis, gradatuzas matres cum paruulis & iuuenibus vbera; in ipsis portarum angustis, partim equorum pedibus conculcari; partim turba cōprimentiū interclusis respirandi meatibus, miserabiliter suffocari, par-

tim gladiis hostium non parcentibus interire. Porro interfecti sunt ibi de ciuib; sexus promiscui penè omnes, qui nostrum exercitum egredientem sequi decreuerant, paucis euadentibus, qui aut proprii vigore corporis, aut equorum beneficio, abeuntem exercitum poterant comitari. Videns ergo *Noradinus*, nostros ad redeundum succinctos, cohortes conuocat ad insectandum abeuntes, acies instruit, componit agmina; & procedentes continuis vrgens à tergo congressionibus, insequitur. Erat autem nostris iter versus Euphratem, qui à prædicta vrbe miliaribus distabat quasi quatuordecim: quo toto itinere non defuit domino Comiti, & exercitui eius, pugna iugis, periculum indeficiens: singulis enim penè passibus confli-
ctus erant, tum multorum, tum singulares, quibus ex vtraque parte plures occum-
bebant: mortuus est ibi vir nobilis, vnde supra fecimus mentionem, & militaribus insignis operibus, dominus *Baldunus de Mares*: ceciderunt quoque & alii plures vi-
ri commendabiles, & digni memoriâ, quorum animæ sanctâ requie perfruantur, quorum nomina non tenemus: quæ tamèn certum est in cœlis esse cōscripta, quia pro causâ fidei, & Christiani populi libertate, glorioſo fine quieuerunt. Comes tã-
dem impar viribus, suis ex parte plurima deficientibus, assiduos hostium non fe-
rens imperus, fugâ vitæ consulens, transito Euphrate, in *Samosatum* se recepit. Alii v-
rò ad diuersa se conferentes, prout vnicuique visum erat expedientiùs, sarcinas &
impedimenta deferentes, vitæ consuluerunt, & salutem. Exiit ergo sermo iste per om-
nes fines latè adiacentium regionum: & quos priùs de recepta vrbe Edeſſano-
rum rumor fecerat latiores, nunc de reamissa, & strage nobilium & populi confu-
sione Christiani, casus contristauit asperior. Per idem tempus dominus *Wil-*
elmus bonæ memoriæ Hierosolymorum Patriarcha, vir simplex ac timens DEVM,
viam vniuersæ carnis ingressus est. Obiit autem quinto Kal. Octobris, Pontifica-
tus eius anno quintodecimo: cui postmodum subsequente Ianuario, octauo Kal.
Februarii, substitutus est dominus *Fulcherus* Tyrensis Archiepiscopus, in prædeces-
sorum nostrorum numero tertius. Eodem tempore, circa Epiphaniorum diem,
fulmen diuinitus immisſum, ecclesiam Dominici Sepulchri & montis Syon, ictu
perculit periculoso: omen, vt credimus, portendens infaustum, & vniuersam de-
terrens ciuitatem. Visus est & Cometa per dies multos: & alia quædã præter morẽ,
apparuerunt signa, futurorũ designatiua. Illis etiam diebus, cum Tyrensis vacaret
ecclesia, contigit tam dominum Regem quàm matrem eius, penes quam Regni
cura, & vniuersum residebat moderamen; dominum quoque Patriarcham, qui
ab eadem ecclesia fuerat assumptus; Episcopos quoque eiusdem ecclesiæ suffraga-
neos, apud prædictam urbem, vt ecclesiæ prouiderent, conuenisse: vbi dum de
more, de eligendo pontifice tractaretur, sicut solet in huiusmodi accidere, diuisa
sunt eligetium, in duo desideria. Pars enim dari sibi deposcebat dominũ *Radulphum*,
Regis Cancellarium, virum utique literatum, sed nimis secularem, Anglicum na-
tione, formâ decorum, Regi & Regina, cunctisque curialibus valde acceptum: &
hi dominum Regem, & eius matrem habebat propitios & fautores. Alii verò, quo-
rum princeps erat *Ioannes Pisanus*, eiusdem ecclesiæ Archidiaconus, qui postea fuit
Cardinalis Romanæ ecclesiæ, sanctorum Syluestri & Martini, & *Bernardus* Sydo-
niensis, & *Ioannes* Berytensis episcopi: hi dominum Patriarcham sequentes, præ-
dictum Radulphum promouere nolebant; sed interpositâ appellationis voce, con-
tra alios de Regia violentia præsumentes, patronum habentes dominum Patriar-
cham, modis omnibus prohibebant. Factum est autem, quòd per violentiam obti-
nens prædictus Cancellarius, ecclesiam & eius bona inuasit, posseditque per bien-
nium: quousque per Romanum Pontificem, præsentibus partibus lis decisa, di-
ctante domino *Eugenio*, factum prædicti Cancellarii in irritum est deductum. Post-
modum autem idem *Radulphus*, fauente sibi domino *Hadriano* Papâ, qui eius com-
patriota erat, ad ecclesiam assumptus Bethleemiticam, episcopus eius ordinatus
est loci. In prædicta autem metropoli, de communi omnium consensu, concur-
rente vniuersorum conuientiâ, substitutus est vir miræ simplicitatis & mansuetu-
dinis, timens DEVM, & recedens à malo, cuius memoria in benedictione est a-
pud Dominum & homines, dominus *Petrus*, ecclesiæ Dominici Sepulchri
Prior, de citeriore natus Hispania, ciuitate Barchinona, nobilis secundum car-
nem, sed spiritu nobilior: cuius vita & conuersatio, longiores & diligentiores
postulant

postulant tractatus: sed nos historia reuocet, ut omiffis specialibus, de publicis edisseramus. Captâ igitur vrbe, ut præmisimus, Edeffanâ, rumor letalis me-

XVIII.

moræ plenius personuit, & crebrò fama diuulgabatur per Occidentem vniuersum, quòd impia gens Turcorum, non solum vrbe prædictam, sed omnem omnino Orientis tractum, licentiâ liberiore percurrrens, nostrorum vrbes, villas, municipia depopularentur; sed populum amplius solito Christianum præliis & crebris nimium inuasionibus affligerent. Erant qui verba huiusmodi longè lateq; in populis & nationibus disseminarent; & desides, & longâ pace dissolutas, ad tantarum vltionem iniuriarum sollicitarent prouincias: dominus quoque *Eugenius* Papa tertius, vir Deo plenus, paternam gerens pro filiorum Orientalium, quæ dicebatur, afflictione sollicitudinem, & eis affectu pleniore compatiens, viros religiosos, & exhortatorii sermonis habentes gratiam, potentes in opere & sermone, ad diuersas Occidentis partes dirigit, qui populis, & tribubus & linguis, Orientalium fratrum denuncient pressuras intolerabiles; & ad tantas vltum iri fraterni sanguinis iniurias, eos debeant animare. Inter quos vir immortalis memoriæ & honestæ conuersationis speculum, dominus *Bernardus*, Clareuallensis Abbas, piæ in Domino, & per omnia amplectendæ recordationis, ad prædicti Deo placiti muneris executionem, præcipuus eligitur: qui iniunctæ sibi dispensationis sedulus executor, eiusdem operis secum Deo amabiles trahens comministros, impiger, indefessus, licet corporis esset inualidi, tum propter senium imminens, tum propter ieiunia penè continua & subtilem nimis dietam, regna circuit, regiones obambulat, euangelizans vbiq; regnum Dei: afflictionem populi, qui est in Oriente, simul & molestias, quibus incessanter opprimuntur, aperit diligenter; urbes fidelium, prius fidei Christianæ deuotas, in gaudio persecutorum nominis Christiani, & seruitutem durissimam, proponit euidentius. Fratres quoque pro quibus Christus mori voluit, vinculis mancipatos & compedibus, fame attritos, horrendis carcerum clausos ergastulis, squalore sordidos, indutos amaritudine, sedere in mendicitate & ferro, plenius edocet. Ad hoc ad eorum liberationem inuitat; ad propulsandas fratrum iniurias oppressorum accendit; non desuturum de supernis auxilium, volentibus hunc tam pium laborem assumere, spondet; præmia etiam pro iis sempiterna, cum electis pollicetur. Hæc ei pergentes, principatus & regna piâ longanimitate disserenti, affuit tam patrum quam plebis fauor gratuitus: & exhortationibus eius spontaneum præbentes assensum, iter versus Hierosolymam compromittunt; & viuificæ Crucis signum humeris aptantes, ad iter accinguntur. Nec solum in plebeis & popularibus turmis hic persuadentium sermo ita se præbuit efficacem, verum vsque ad supremos orbis moderatores, & eos qui præcipua regnorum videbantur dispensare fastigia, sermo iste cum effectu non inferiore peruenit. Illustres enim & potentissimi regum terræ, dominus videlicet *Conradus* Romanorum Imperator, & dominus *Lodovicus* Rex Francorum, cum multis vtriusque regni principibus, consono voto & paribus desideriis amplexi sunt verbum; & salutare viuificæ Crucis signum in arram futuræ profectionis eum omni deuotione, ceruicibus imprimunt & indumentis. Composito igitur congruo moderamine regnorum statu suorum, assumptis etiam iis qui eiusdem desiderii feruore concepto, votis salutaribus tenebantur obligati, paratis ad iter necessariis, prout Regiam decebat dignitatem, Deo placitæ peregrinationis, mense Maio, iter arripiunt vnanimiter. sed auib; infauistis & omine sinistro. Nam tanquam inuitâ Diuinitate, & eis iratâ, iter assumpserunt; in tota illa profectione nihil Deo placitum, peccatis nostris exigentibus, operati sunt: sed nostrum, quibus opem se laturos arbitrabantur, statum, in deteriorem mutauerunt conditionem. Segregatim igitur proposuerunt incedere, & separatos abinuicem exercitus ducere eâ videlicet ratione, ne populis inter se dissentientibus, contentiones inter eos orirentur, & ut commodius vitæ necessaria suis procurarent legionibus; sed etiam ut equis & iumentis, ad onera deputatis, pabula non deessent. Transcursa igitur Bawariâ, & flumine magno *Danubio* apud *Ratisbonam* transmissis, à læuacundem fluium habentes, in *Austriam* descenderunt, inde *Hungarorum* fines ingressi, vbi à domino Rege illius prouinciæ honorificè tractati sunt. Decurso igitur regno & vtraque clementia Pannoniâ, *Bulgarorum* prouincias, Mæsiâ videlicet & Daciâ mediterraneam, Ripensem à læua dimittentes, prætereunt. Inde *Thraciam* attingentes, & vrbes famosissimas *Philippolim* & *Hadrianopolim* transeuntes, ad vrbe Regiam perue-

XIX.

GGGG

nerunt. Inde cum domino *Manuele Constantinopolitano* Imperatore habito familiaris colloquio, transcurfis feriis quæ ad recreationē exercitiū, & quietem potior labores videbantur necessariæ, transito *Helleponto*, qui eandem urbem alluit, & *Europæ terminus*, *Asiæ præbet initiū*, in *Bithyniâ*, quæ prima de *Asianis* occurrit provinciis, castrametantur legiones vniuersæ in pago *Chalcedonensi*, vnde relictam urbem è vicino erat conspiciere. Hæc est *Chalcedon*, vrbs antiqua, vbi quarta sexcentorum triginta sex Patrū conuenit sancta Synodus, domini *Martiani Augusti*, & domini *Leonis* Romani pontificis, contra *Euthyceten* monachum & Abbatem, qui vnam tantum in domino Iesu Christo assererebat naturam. *Soldanus* interea *Iconiensi*, audito tantorum Principum aduentu, & suspectum habens eorum introitū à multo retro tempore, ex vltimis Orientis finibus militaria conuocat auxilia; & sollicitum se gerit, quomodo ab imminetibus hostium tantorum periculis se possit eximere. Urbes igitur munit, ruinas erigit, finitimorum implorat suffragia populorū; & cum anxietate continua, eorum quos pro foribus audierat, præstolatur aduentum, de die in diem expectans suorum interitū, patriæ desolationem. Dicebatur enim, à seculis inaudita aduenire multitudo, & vniuersam terræ superficiem eorum dicebatur equitatus operire; maxima eis ad potum non sufficere flumina, & regiones vberes cibos eis non posse ministrare ad sufficiētiam. Et licet maior vero fama præcurrens hoc nunciaret, rei tamen veritas magnis principibus à fide alienis Christiana, multum poterat & meritò terrorem incutere. Nam vt constanter asserunt qui in eadem expeditione præsentēs fuerunt, in solo domini Imperatoris comitatu, ad septuaginta milia fuerunt loricatorum, exceptis peditibus, paruulis & mulieribus, & equitibus leuis armaturæ. In exercitu verò domini *Regis Francorum*, virorum fortium loricis videntiū numerus ad septuaginta millia, excepta classe secundā, æstimabatur: quibus si clemens & propitia comesq; fuisset Domini gratia, & eos in bene placito suo visitare dignatus esset Dominus, non solum *Soldanum*, verum vniuersas Orientis provincias, nomini potuissent Christiano subiecisse, sed eorum ex occulto, iusto tamen iudicio, spreuit famulatum Dominus; nec habuit acceptum munus, quod indignis fortasse offerebant manibus. Interea dominus Imperator *Cœrardus*, transiectis vniuersis trans *Bosphorum* legionibus, cum paucis & familiaribus admodum principibus, sumpta à domino Imperatore licentiā, nauigio eundem *Bosphorum* superans, exercitus iter iubet arripere, constitutis super singulas legiones singulis principibus: inde relinquens à læua *Galatiam* & *Paphlagoniam*, & vtrunq; *Pontum*, à dextris verò *Phrygiā*, *Lydiam*, & *Asiam* minorem, per mediam iter agēs *Bithyniam*, iuxta eiusdem regionis metropolim *Nicomediā*, *Niceam*, vbi trecetorum decem & octo sanctorum Patrum, temporibus domini *Constantini*, aduersus infelicis *Arrii* impia dogmata, cōuenit Synodus, à dextris deferens, totam illam transcurrit regionem. Inde *Licaoniam*, cuius metropolis est *Iconium*, viam compendiosorem secuti, instructis agminibus, vniuersus attigit exercitus. Vbi prædictus *Soldanus* congregatis militaribus copiis, & maximā *Turcorum* multitudine ex finitimis collecta regionibus, sustinens expectabat, vt loco & tempore opportuno occurrere posset transeuntibus; & ne procederent, procurare posset impedimentum. Omnes enim vsq; in vltimos Orientis fines illarum prouinciarum reges, duces, & cuiuscunque generis principes tam prece quàm precio, in nostram sollicitauerat læsionem: asserens, & frequentibus contestans nunciis, quòd si tantæ, tamq; armatæ multitudini liber transitus indulgeretur, futurum esse, vt suæ ditioni vniuersum violenter subiiciant Orientem. Ex vtraque igitur *Armenia*, *Cappadocia*, *Isauria*, *Cilicia*, *Media*, *Parthia*, ad eius vocationem conuolat gentium infinitus numerus, & colligitur numerositas inaudita: quorum omnium fretus auxilio, spem concipit, vt paribus possit resistere copiis, immensæ quam audierat aduenire multitudini. Tradiderat autem *Constantinopolitanus* discedenti ab eo, & idipsum petenti, domino Imperatori, viæ duces, locorum peritos, prouinciarum finitimarum omnem habentes prudentiam; sed fidei modicæ. Hi ad hoc dati credebantur, vt bonâ fide præirent exercitus, ne periculosè incautis occurrerent locorū angustis; aut inuia secutis, victus deesset legionibus. Hi, postquam in terram hostium introduxerunt cohortes, primiceriis exercitus præceperunt, vt ad certos dies, quibus per loca deserta gratiā compendii eos trāsire oportebat, necessariam sumerent ciborū alimoniam, sponden-

spontentes firmissimè, quòd prætaxato paucorū dierū effluxo numero, ad *Iconium* urbem nominatissimā peruenturus esset exercitus, & in regionem optimā, & commoditatibus redundantem consensurus. Illi autē dicto parentes, currus, iumenta, & quælibet vehicula victualibus onerātes, eis habentes fidem, in simplicitate spiritus sui secuti sunt præcedentes. Verū Græci innatā vñ malitiā, & consuetō in nostros ducti odio, siue de mandato domini sui, siue hostiū corrupti pecuniā, studiosè & ex industria per deuia cœperūt trahere legiones: & in ea introducere loca, quibus populum simplicem maior fieret hostibus opprimendi & expugnandi copia, & longè amplior ministraretur opportunitas. Imperator verò videns dierum prætaxa-

- 10 tum iam effluxisse numerū, & expeditiones nōdum ad optatum & promissum peruenisse locum, viarū duces Græcos accersiri iubet, & coram principibus suis interrogare cœpit diligentius: *Quid nam sit, quod amplioribus iam diebus, quam ipsi ab initio deputassent, viam captam tenuisset exercitus, nec ad locum peruenisset constituti?* Illi autē ad solita recurrentes figmenta, futurum esse dicunt, & constanter affirmant, opitulante Domino, infra triduū vniuersas *Iconium* peruentum iri legiones. Quibus verbis Imperator, sicut vir simplex erat, persuasus, adiecit, vt etiam hoc triduum patienter sustineret, fidem habens eorum promissionibus. Noctē ergò insequente, castris more locatis solito, cæteris præ labore quieti membra concedentibus, prædicti pestilētes viri, intēpestæ noctis silentio, clām ab exercitu diffugiunt, relicto sine duce populo,
- 20 qui eorum fidei fuerat cōmendatus. Relatā demū luce, cū iam tempus immineret, vt proficisceretur exercitus, non sunt inuenti qui de consuetudine præbant agmina: tandemq; ad Imperatorem & principes exercitus, fugitiuorum fraus relata est, & ab omnibus cōperta malitia. Illi autem vt prolongarēt iniquitatē sibi, & peccatum peccato adderent, viri Belial, ad Francorum regis, qui in proximo dicebatur esse, operant exercitū, mentientes Dn. Imperatorem, qui præcesserat eorum fretū ducati, omnia egisse p̄sperè; *Iconium* violenter expugnatam, funditus deiecisse, & de hostibus triūphasse solemniter. Hęc autē vt credimus, eā videbātur intentione asserere, vel vt dominū Regem in idem præcipitarent periculū, & eadem incedere via p̄suaderent; aut fortasse, vt periclitantibus fratribus nō subuenirent, dum illis omnia succedere crederent ad votū: aut fortasse illud cōfinxerunt, ne si exercitū deperisse dicerent, ipsi tanq̄ proditores, quorū maleficio corruisset populus, raperentur ad pœnas. Quacunq; tamen intentione illud dixerint, certū est illorum perfidiā seductū exercitū, in ea vnde corruit descendisse mortis discrimina. Videns ergò Imperator ducibus itineris destitutū exercitum, conuocato vniuersorum principum cœtu, quid factū opus sit deliberat. Aliis itaq; redeundū, aliis verò procedendū esse dicentibus, fit votorum tanta dissonantia, vt verè dici posset: *Effusa est contentio super Ps. 106. 40. Principes, & errare fecit eos Dominus in inuio, & non in via.* Dumq; sic locorum ignari, & pro alimentorū defectu solliciti fluctuarent (defecerat enim penitus tā equis & iumentis pabulum, quā hominibus quodlibet ciborum genus) nunciatur,
- 40 à verò longius, in vicino hostium cōsistere acies, & Turcorum innumeram adesse multitudinē: Erat autem in solitudine sterili, longè à culto solo cōstitutus exercitus: sicut studiosè, vt præmisimus, à prædictis seductoribus fuerat introductus. Nam declinantes à dextra *Lycaoniā*, per q̄ iter eis esse debuerat, cū tēpore recisiore illuc facile potuissent peruenisse, & omnibus abundasse copiis, loca culta sequentes; læuam tenuerunt, & in *Cappadociæ* solitudines, longè ab *Iconio*, vniuersum deuicare cōpulerunt exercitum. Dicebatur publicè, nec à verisimili multū abhorrebat q̄ de conscientia & mandato Imperatoris Græcorū, nostrorum prouectibus inuidētis, cōstructa fuerunt hæc tam periculosa molimina: suspectū enim semper & habuisse & habere Græci dicuntur nostrū, maximè Theutonicorum, tanquā Imperiū æmulantium, incrementū omne. Molestè siquidem fuerunt, q̄ eorum rex, Romanorū se dicit Imperatorē: in hoc enim suo nimium detrahi videtur Imperatori, quē ipsi monarchā, id est, singulariter principari omnibus dicunt, tanquā Romanorum vnicum & solū Imperatorem. Sic igitur, dum fame & locorū ignorantia, laboris quoq;
- 50 diuturnitate, difficultate viarū, equorū defectu, sarcinarū pondere, domini Imperatoris laboraret exercitus, Turcorū satrapæ, & diuersi generis magistratus, conuocatis prius ad id ipsum militaribus auxiliis, repentē supra eorum castra hostiliter irruunt; & irruptione subitā, nihil tale verentes, conturbant legiones. Freti autem e-

quis velocibus, quibus non defuerant necessaria, & armorum leuitate, arcuum videlicet & pharetarum, castra magnis vociferationibus circumstrepunt, & agilitate solita, in nostros lentos, & armis onustos grauib, impetus exercet periculosos. At verò nostri loriceis, ocreis, & clypeis onerati, habentes equos fame & itineris longitudine fatigatos, & ad sustinendos discursus insufficiētes, licet viribus & armorum vſu præminerent, longiùs tamen à castris, nec hostes inſequi, nec cum eis committere volebant. Hostes è conuerſo cateruatim irruentes, eminus ſagittarū, inſtar grādinis, immiſſa multitudine infinita, equos eorumq; ſeſſores vulnerantes, & cauſas mortis de remoto inferentes, equorū velocitate, noſtrorū perſequi volentium gladiis, fugientes, eripiebantur. Sic ergo in gyrū noſtrorum vallatus exercitus, telorū & ſagittarū immiſſionibus anxie nimis, & vſq; ad mortē premebatur: nec dabatur referendi vicē, & cum hoſtibus cominus conſerendi copia: quippe quibus comprehendendi aduerſarios nulla erat facultas. Quoties n. in hoſtes noſtrorū acies impetitus facere nitebātur, illi diſſolutis agminibus, noſtrorū eludentes conatus, ad diuerſa ferebantur. Iterū noſtris in caſtra ſe recipientibus, illi agmina reuocantes ſua, noſtrū cingebant exercitū, & inſtantes acrius, quaſi obſeſſis requiē negabant. Factum eſt autē, occulto Dei iudicio, iuſto tamen, quòd omnis illa tantorū Principū virtus, quæ prius armis, viribus, animis, & numero videbatur incōparabilis, ſubitò contrita, languido laceſſita Marte, corruit, ita vt vix remanerent illorū veſtigia gloriæ, & tantarū vix ſupereſſet reſiduū copiarum. Nam de ſeptuaginta milibus loricatorum equitū, & de tanta peſtium turbarum manu, quorū infinitus erat numerus, vix, vt aſſerūt qui præſentes fuerunt, decima pars euafit, aliis fame, aliis gladio interemptis, nonnullis etiam vinculis hoſtium mancipatis. Euafit tamen Dn. Imperator cū paucis ex principibus ſuis; & cū reſiduo ſuorū, licet cum difficultate nimia, poſt dies aliquot in partes Niceæ ſe cōtulit. Hoſtes verò victoriā potiti, onuſti ſpoliis, & gazā multiplici facti locupletiores, equis, armis vſq; ad nauſeam ditati, in ſua ſe contulerunt, tanquam locorū periti, præſidia, expectantes auidē Francorum regis aduentum, qui ad eaſdē prope partes adueniſſe dicebatur. Sperabant enim, quòd ex quo domini Imperatoris maiores fuderant copias, & de comitatu domini regis Franciæ multo facilius poſſent obtinere: q. & factum eſt. Huic tamen tanto negotio Soldanus Iconienſis non interfuit: ſed quidam nobilis militiæ ſuæ primicerius Turcorū magnus ſatrapa, *Paramum* dictus, hanc plagam, Domino permittente, contra ſperam exercuit. Accidit autem anno ab incarnatione Domini *milleſimo centeſimo quadrageſimo ſexto*, menſe Nouembri. Interea rex Francorum penē eiſdem ſubſecutus veſtigiis cum ſuo exercitu peruenerat Conſtantinopolim: vbi modico tempore ſecretioribus cum Imperatore vſus colloquiis, & ab eo honorificentiffimè, & multā munerum proſecutione diſmiſſus, principibus quoq; ſuis plurimum honoratis, inter urbem Regiam & mare Ponticum, quod ab ea triginta diſtat miliaribus, vbi Helleſpontus anguſtiſſimus, vix ad vnum miliare habet latitudinis, cum vniuerſis legionibus tranſito mari, in Bithyniam deſcenderat: gyratoque ſinu maris, qui ab adiacente vrbe eiſdem Bithyniæ metropoli, *Nicomediensis* dicitur, qui etiam Boſphori, ſiue Helleſponti pars eſt, in pago Niceo, non multum à Nicea remotus, caſtra locauerat, deliberans quā viā incedendum eſſet; & de domino Imperatore, qui cum præceſſerat, noua diligentius inueſtigans: & ecce nunciatur dominum Imperatorem amiſſo exercitu, vagum & profugum, cum paucis principibus euafiffe. Primum itaq; ſermo dubius, & ſine certo auctore ortus eſt; ſed proceſſu tēporis factus eſt certior: nam modico interiecto interuallo, Dn. *Fredericus* Sueuorū Dux, adoleſcens admirandæ indolis, Dn. Imperatoris ex fratre primogenito nepos, qui eidem domino Conrado, patruo ſuo ſuccedens, Romanum hodie ſtrenuè & foeliciter adminiſtrat Imperium, à caſtris domini Imperatoris egreſſus, ad exercitum Dn. Regis Francorū properans, hæc eadem quæ prius incerto auctore ſuſceperant, plenius & certiùs edocuit. Venerat autem, vt dominum Regem cum prædicto domino Imperatore ad colloquium inuitaret, vt communiconſilio, licet ſerò, de itinere tractaretur. Factum eſt autem, vt audito periculo fratrum & interitu, & domini Imperatoris ſiniſtro caſu qui acciderat, vniuerſas Francorum meritò turbaretur exercitus, & mente compateretur: tandem verbo domini Ducis Rex motus habitā cum ſuis deliberatione, vt cum eo loqueretur, cū paucis ex Principibus ſuis progreſſus

Duce

A. Dni.

1146.

XXIII.

Duce præuio, vsq; ad Imperatoris castra, quæ in vicino idē locauerat, peruenit. Dato itaq; & accepto debitæ salutationis affatu, simul & osculo pacis interueniente, familiaribus vñ colloquiis, ordinant proposito insistere, & simul iūctis agminibus proficisci. Multi tamen de utroq; exercitu, sed maximè de castris Theutonicorū, amissis viaticis, & expensis ad iter necessariis, laboris quoq; immensitate deterriti, votorum immemores, Cōstantinopolim sunt reuersi. Cōmunicato igitur cum vtriusq; exercitus primoribus consilio, viā quā prius inceserat Imperator, ad læuā, relinquentes versus Asiā minorē, relictā à dextris vtraq; Phrygiā, post tergū verò Bithyniā, dirigūt acies: & nunc mediterraneo, nūc maritimo gradientes itinere, Philadelphiā à læua
 10 declinantes, *Smyrnā*, & inde *Ephesum* eiusdē Asiæ metropolim, Ioannis Euangelistæ cōuersatione, prædicatione, simul & sepulchro clarā, peruenērūt. Hic demū Imperator, seu quia cū paucioribus erat, qui multo plures prius secū habuerat, verecūdiā sustinens, aut Francorū fastus non ferēs, seu aliis latentibus causis, remissis quæ supererant per terrā legionibus, ipse ab Epheso vsus nauigio, Cōstantinopolim reuersus est. Vbi à domino Imperatore, multò quā primo aduētū, susceptus honestiūs, morā apud eū vsq; ad veris initium sequentis, cū suis habuit principibus: erat enim inter eos affinitatis vinculum: nam eorū vxores, sorores erant, filiz *Berengarij* senioris, Comitis de Sulcepach, magni & egregij principis, & in regno Theutonicorum potentissimi: vnde ampliori erga eū abundabat gratiā, & liberalitatē in eum & suos
 20 tenebatur, maximè interueniente Imperatrice, effundere cumulationem. In- xxv.terea Rex Francorum de itinere cum suis principibus valde sollicitus, dum apud Ephesum gratiā recreandi exercitus, moram faceret, *Guido* Comes de Pontiuo, vir militaribus præclarus & insignis actionibus, morbo grauarus in fata concessit, ibiq; in vestibulo ecclesiæ honorificè sepultus est. Rex autem inde profectus cum suo exercitu, iter in Orientem pro viribus maturabat. profectus enim inde, post paucos dies, ad vada *Neandri*, oloribus amica, peruenit. Hic est ille fluuius, de quo *Naso* non-
 ster in libro dicit Heroicum:

Sic ubi fata vocant, vadis abiectus in herbis,

Ad vada Meandri concinit albus olor.

Supra cuius ripas in pascuis gratē virētibus castrametatus est. Hic primūm Fran-
 30 cis hostes, iuxta eorum desiderium datū est intueri: nam accedere volentibus ad aquas, ex opposita fluminis ripa, hostes in magna multitudine ripas contingere, & aquæ vsum nostris interdicebant. Tandem verò inuentis vadis, flumine, hostibus inuitis, transmissis, irruentes nostrorū acies, pluribus ex eis neci traditis, multisq; vinculis mancipatis, eos in fugam vertunt: & obtinentes eorum castra simul & opima spolia, & supellectilem vniuersam, vltiorem fluminis ripam viriliter sibi vendicant. Habitā itaq; huiusmodi victoriā, & de hostium manubiis & præda facti lætiores, nocte illā cum tranquillitate transcurrā, rursūm dato mane, ad iter se accingunt; inde *Laodiciam*, eiusdem regionis urbem peruenientes, sumptis viaticis ad dies ali-
 40 quot, more solito proficiscuntur vnanimēs. Erat autem exercitui mons obuius, xxv.arduus admodum, & ad ascendendū difficilis: illum eā die, iuxta legem profectio-
 nis transire oportebat. Porro in expeditione consuetudo erat, singulis diebus quosdam de illustribus, qui agmina præirent, quosdam qui subsequerentur ad custodiā imbellis populi, & maximè turmarum pedestrium deputare: & cum principibus de modo viæ, de profectio-
 nis quantitate, de loco castrorum in die sequenti, ordinare. Præibat autem illā die cum vexillo regio sorte vocatus, in ordine vicis suæ, nobilis quidam de Aquitania vir, nomine *Gaufridus* de Rancun. hic cū prædictū montem ascendisset, cū agminibus quæ præcedebant, in montis fastigio positus: licet præordinatum fuisset, quod in montis vertice castrametarentur qui præibant, contra legem dispositam, proposuit adhuc aliquantulum procedere: nam videbatur ei,
 50 quod modicum nimis illā die profectus esset exercitus, & multa diei pars adhuc superesset: cœpit, ducibus præeuntibus, & locum cōmodiorem in vicino promittentibus, adhuc vltà proficisci. Qui autem sequebantur, arbitrati quod in montis prædicti vertice essent castrametaturi, modicumq; rati superesse itineris ad diem deputati, lenē nimis & remissiū sequi cœperunt præcedētes: ita quod monte à quibusdam transcurso, quibusdam verò circa montem adhuc moram facientibus, diuisus est exercitus. Quod videntes qui à longē exercitum ex latere cōtuebantur hostium

GGGG

cunei, parati semper, si occasione inuenirent, irruere, & ad hoc specialiter sequentes sine intermissione exercitū: sumptā occasione, cum ex locorum angustiis, tū quia maior & fortior expeditionis portio præcedens, separata erat; nec facile subsequens aut conditionē nosse, aut eis laborantibus subuenire posse arbitrabantur: cliui mōtis occupant, ut maius inter præcedentes & subsequentes chaos firmaretur: instructisq; aciebus, super nostros irruunt, & antequā arma possint corripere, nostras violenter dissoluunt acies: nec iā sagittis vel arcu, sed gladiis instantes cominus, Martem & mortē ingerunt, & diffugere paratos, vrgent atrocius. Nostreis autē oberant locorū angustia; equi quoq; ob diuturnitatem & difficultatē itineris facti debiliores, sarcinarū etiam multiplex numerositas, nonnullū præstabant impedimentū: resistunt tamen vnanimiter, & paribus animis, pro vita, pro libertate, pro confortibus itineris decertāt viriliter; gladiis ac lanceis rē peragunt, sese mutuis sermonibus exhortantes & exēplis. Hostes è cōuerso spe fruendi victoriā, suos animant, ad memoriam reuocantes, quod paucis ante diebus maiores multo copias minore fudissent periculo, & de pluribus & lōgē fortioribus facile triūphassent. Pugnant igitur Marte diu ancipiti, & dubio euentu: verū in fine, peccatis nostris exigentibus, infidelium præualuit manus; & noster vsq; modicū numerū, plurimis interemptis, captiuatis innumeris, reductus est exercitus. Occubuerūt illa die viri nobiles & illustres, rebus militaribus singulariter insignes, piā digni recordatione, Comes de Guarēna, vir inter Maiores eximius, *Galeherus de Montjay, Euardus de Bretol, Iterus de Magnac*, & alii multi quorum nomina non tenemus, quæ tamen scripta esse in cœlis credendum est, quorum memoria in benedictione erit in seculum seculi. Occidit illā die, nostris infauitā, & casu nimis aduerso, ingens Francorum gloria; & virtus gentibus hætenus formidabilis, contrita corrui, immundis & Deum nescientibus, quibus prius terrori fuerat, facta ludibrio. *Quid est, benedicte domine IESU, quod populus iste, tibi tam deuotus, pedum tuorum volens adorare vestigia, loca venerabilia, qua tuā corporali consecrasti præsentia, deosculari cupiens, per manus eorum qui te oderunt, ruinam passus est? verè iudicia tua abyssus multa, & non est qui possit ad ea. Tu enim solus es Domine, qui cuncta potes, & non est qui possit resistere voluntati tue.* Rex interea, casu magis quam industriā, tanto tamq; confuso exemptus periculo, sæpe dicti, qui vicinus erat, montis cliuium ascendens, cum paucis eius fugæ confortibus, sine duce, noctis intempestæ silentio ad suorum castra, aliquantulum locata remotius, se contulit. Hi autem qui præcesserant, vexillum Regium secuti, ut præmisimus, & montis angustias sine difficultate transierant, & castra, nemine prohibente, loco satis commodo, locauerant, ignari prorsus & expertes omnium, quæ iis qui sequebantur acciderant. Præiagiebat tamen animus eorum qui præcesserant, ex quo viderunt acies interruptas & tantam subsequentium moram, quod aliquid sinistri obtigerat, nec erant eis pro voto vniuersa. Ex quo autem per eos qui euaserant, & cum Rege in castra se contulerant, de infauito, qui acciderat, facti sunt certiores euentu, statim luctus occupat vniuersa, mœror & anxietas corda sibi vendicat singulorum. Dumq; sibi quisque, quem amiserat, proximum querulis vocibus, & lachrymosis quærit suspiriis, & dolore multiplicato quæsitum non inuenit, eiulatu resonant agmina, & gemitu cohortes macerantur, non erat in castris locus quem dolor familiaris, & domestica iactura non premeret: hic patrem, ille dominum; illa filium, hæc maritum cuncta lustrando perquirunt: dumq; non inueniunt quod quærunt, noctem percurrunt pondere curarū peruigile, quicquid absentibus potest accidere deterius suspicantes. Reuersi sunt tamen nocte illā de vtraq; classe nonnulli, qui fructibus & rupibus & cauernis terre, mortis declinantes discrimen, noctis protecti beneficio, casu magis quam prudentiā se adiungebant, ad castra peruenientes. Factum est autem hoc anno ab incarnatione domini, M. C. XLVI. mense Ianuario. Cœpit autem ab ea die panis, & omnis penitus alimonia in castris deficere; sed nec alterius generis deinceps per multos dies, habuerunt commercium: sed etiam, quod deterius erat, sine duce, sine præambulo, passim nunc hac, nunc illac errabundi, locorum nullam omnino habentes peritiam, vagabantur. Tandem verò *Pamphiliam* ingressi, per abrupta montium, per deuexa vallium, cum difficultate nimia, sine tamen hostium conflictu, vsq; *Assatiam* eiusdem regionis metropolim peruenierunt. Est autem *Assatia* ciuitas in litore maris sita, Imperatoris Constantinopolitani [subiecta] imperio, agrum habens opimum

2^a sal. 35, 6.

XXVI.

A. D.

1146.

optimum, & tamen ciuibus suis inutilem: nam angustiantibus eos vndiq; hostibus, nec permittentibus agrorum cultui vacare, iacet ager infructuosus, dum nō est qui exercendo fecunditatem possit procurare: alias tamen multas habens commoditates, gratum se solet præbere hospitibus. nam aquas emanans perspicuas & salubres, pomeriis est obsita fructiferis, situ placens amœnissimo: traiectionum tamen frugum & per mare deuectionū solet habere copias, & transeuntibus sufficientē ciborū commoditatem ministrare. Quia verò hostibus nimis est contermina, eorum non valens indefinenter sustinere molestias, facta est eis tributaria, per hoc necessariorum cum hostibus habens commercium. Hanc nostri, idiomatis Græci non habentes peritiam, corrupto vocabulo *Sataliam* appellant. vnde & totus ille maris sinus, à promuntorio *Lissidona*, vsq; in insulam Cyprum, *Attalicus* dicitur, qui vulgari appellatione *Gulphus Satalie* nuncupatur. Ad hanc perueniens Rex Francorum cum suis, ob multitudinem concurrentium tantam passus est alimentorum penuriam, quod penè residuum exercitus, & maximè pauperes ibi consumerentur inedia. Ipse verò cum suis Principibus, relictis pedestribus turmis maturato nauigio, Isauriam Ciliciamq; à læua deferens, à dextris autem Cypro relictā, prosperis actus flatibus fauces *Orontis* fluminis, quod Antiochiam præterlabitur, qui locus hodie dicitur *Sancti Symeonis portus*, iuxta antiquam urbem *Seleuciam*, & ab Antiochia decem distat miliaribus, ingreditur. Audiens igitur princeps Antiochenus *Raimundus*, Regem Francorum in partibus suis applicuisse, cuius aduentū multis diebus antè expectauerat, cum desiderio sustinens, conuocatis nobilibus totius regionis, & populi primoribus, cum electo comitatu ei occurrens, in urbem Antiochenam, omnem ei exhibens reuerentiam, occurrente ei vniuerso clero & populo, magnificentissimè introduxit: conceperat autem multò ante, audito eius aduentu, quod per eius auxilium Antiochenum principatum ampliare posset: vnde & eidem in Franciam, antequam etiam iter arriperet, honesta præmiserat donaria, & exenia multi precii, vt eius sibi conciliaret gratiam, largitus fuerat. Præsumebat nihilominus & de Regina apud dominum Regem interuentu, quæ eiusdem peregrinationis Regi adhæserat comes indiuisa: quæ eiusdem domini principis neptis erat, domini videlicet *Wilhelmi* Pictauiensium Comitum, fratris eius primogenita filia. Aduenienti igitur, vt diximus, omnem exhibuit humanitatem: sed & circa nobiles & principes, qui eius secuti sunt comitatum, eius simile non defuit studium, nec eximia liberalitatis opera, sed omnes honore præueniens, prout cuiusq; exigebat merita, plenā tractabat munificentia. Erat ei sanè spes maxima, quod vrbes finitimas, *Halapiam* videlicet, & *Casaream*, aliasq; nonnullas eius fretus auxilio, & copiis adiutus sibi posset subiugare. Nec eā spe delusus esset, si Regem cum suis ad hoc potuisset induxisse proceribus. nam tantus de aduentu Regis hostibus nostris timor incubuerat, vt iam non solum de viribus suis diffiderent, sed de vita etiam viderentur desperare. Conueniens igitur solēniter, & in præsentia tam principum domini Regis quam suorum Princeps dominū Regem, iuxta id quod mente conceperat, & secretius nonnunquā conuenerat, & petitiones suas effectui sine difficultate mancipabiles, honestatq; simul & vtilitati conuenire ostēdens: vbi videt se nō proficere, cum Rex Hierosolymam votis ardentibus irrevocabiliter ire proposuisset, spe frustratus, mutato studio, Regis vias abominari, & ei præstruere patenter insidias & in eius læsionē armari cœpit. Vxorē enim eius in idipsum consentientē, quæ vna erat de fatuis mulieribus, aut violenter aut occultis machinationibus, ab eo rapere proposuit: Erat, vt præmisimus, sicut & prius & postmodū manifestis edocuit indiciis, mulier imprudēs, & cōtra dignitatem Regiam legē negligens maritalē, thori conjugalis fidem oblita: quod postquā Regi cōpertum est, Principis præueniens molimina, vitæ quoq; & salutis cōsulens, de consilio magnatū suorū iter accelerans, urbem Antiochenā cū suis clam egressus est. Mutatus est igitur color optimus, & dissimilia facta sunt postrema prioribus; & qui cū tanta gloria susceptus fuerat adueniēs, egrediens sorte mutatā, recessit inglorius. Sunt qui Regi hæc ad nimia imputant malitia & ei dicūt dignè pro meritis accidisse, quod tanti viri, & de se & de suis ita benemeriti preces non admiserit: præsertim cum constanter asseuerent, quod facile vnam vel plures ex prænominatis urbibus, si ad id dare operā voluisset, obtinere potuisset.

Interea dom. Imperator, transcurfā hyeme, apud urbem Regiam, vbi à domino

Constantinopolitano, humanitatis legibus diligenter, prout tantū decebat principē, tractatus, & donis in decessu largissimis cumulatus, classe quam eidē Imperialis magnificentia deputauerat, vectus, cum quibusdam ex principibus suis in Oriētem perueniēs, portum attigit Acconensem. Inde Hierosolymam proficiscēs, à domino Rege *Balduino*, & domino *Fulchero* bonæ memoriæ Patriarcha, occurrente ei extra ciuitatē vniuerso clero & populo, cū hymnis & canticis, in sanctam introductus est ciuitatem. Applicuit etiam eisdē diebus in portu quoq; Acconēsi, vir magnificus & illustris, Comes Tolosanus, *Anfossus* nomine, domini Raymundi senioris Comitis filius (qui tantus princeps, tanti fuit meriti in prima expeditione:) vir suis egregius titulis; sed patris piā clarior memoriā, dum inde Hierosolymā, vt Domino pro peracta feliciter peregrinatione gratias ageret, p̄ficisceretur, apud Cæsareā urbē maritimam, paucis postquam appulit diebus, porrecto (vt dicitur) veneno, sed auctore tanti sceleris incerto, vitā finiuit. Huius viri inclytæ recordationis, vniuersus populus cum summo desiderio præstolabatur aduentum: sperans quod faustum & felix omen patris, adueniens, Regno esset illaturus. Nunciatur interea Hierosolymis, regem Francorum ab Antiochia digressum, ad partes accedere Tripolitanas, vnde de communi omnium principum consilio dirigitur ei obuiam Dn. *Fulcherus*, bonæ memoriæ Hierosolymorum Patriarcha, vt exhortationibus congruis, & monitis salutaribus eum in Regnum euocaret: ne fortē vel à domino Principe, restitutā in integrum gratiā reuocatus, vel à domino Comite Tripolitano, eius confanguineo, detentus Hierosolymorum differret desideria. Orientalis enim Latinorum tota regio quatuor Principatibus erat distincta. Primus enim ab Austro, erat *Regnum Hierosolymorum*, initium habens à riuo qui est inter Byblium & Berythum vrbes maritimas prouinciæ Phœnicis, & finem in solitudine quæ est vltra Darum, quæ respicit Ægyptū. Secundus erat versus Septentrionem, *Comitatus Tripolitanus*, à riuo supradicto habēs initium, finem verò in riuo qui est inter Maracleam & Valeniam, vrbes similiter maritimas. Tertius erat *principatus Antiochenus*, qui ab eodem riuo habens initium, vsq; in Tarsum Ciliciæ, versus Occidentem protendebatur. Quartus erat *Comitatus Edessanus*, qui ab ea sylua quæ dicitur *Marrim*, in Orientem vltra Euphratem protēdebatur. Hi omnes magni viri & potentes ab initio spem conceperant, quod in aduentu prædictorum Regum, per eorū operam & auxiliū possent fines suos dilatare, & porrigere terminos in immensum. Omnes enim hostes immanissimos, & vrbes hostiū inuisas, plurimum habebant conterminas, quas sibi adiungere cupiebant. Erant ergo de cura domestica, & familiari incrementō valde solliciti. Vnde Reges nunciis & muneribus ad se quisq; inuitabant, alios præuenire cupientes. Inter hos Dn. Rex, & qui in Regno erant, sp̄s sibi videbātur fouere maiore, tum ob reuerentiā locorum venerabiliū, quorum amor & deuotio omnes trahebat amplius; tum quia dominū Imperatorem apud se habebāt, ad quē credibile erat dominum Regem Francorū accessurum, cum cōplendæ orationis & peregrinationis gratiā, tum vt de cōmuni consilio in opere aliquo ad incrementum Christianitatis procederetur. Missus est ergo dominus Patriarcha, vt prædiximus, à Regni principibus, metuentibus plurimum, ne à Dn. Principe, cuius affinis erat, & ei artiore caritatis vinculo iungi videbatur, & maximē interuētū Reginæ, circa partes Halapiz detineretur, sicut & probabile videbatur. Cognito verò, q̄ minus amicē ab inuicē discesserant, spes eis accessit amplior, quod sine dilatione inde digrediens, Hierosolymam esset peruenturus. Contra tamen fortunæ insidias, & quia *prudenter timeatur*, quicquid accidere potest, virū venerabilem prædictum Patriarcham, cuius auctoritate moueretur, præmiserunt: nec spe conceptā frustrati sunt: nam eius verbum secutus, Hierosolymā incunctanter aduenit. Quò perueniens, occurrente ei vniuerso clero & populo, cū hymnis & canticis vnā cum principibus suis, honorificē, & cū debita gloria, in urbē receptus est, & ad loca venerabilia deductus. Tandem completis de more orationibus, indicitur apud urbem Acconensem Curia generalis, vt de fructu tantæ peregrinationis, & de tantorum sine laborum, & de Regni desiderato tractaretur incremento. Tandem die statutā ad destinatum conuenientes locum sicut & præordinauerant, quid facto esset expedientius, cum Regni nostri magnatibus, quibus plenior rerum & locorum erat cognitio, diligentius deliberare cœperunt.

EXPLICIT LIBER SEXTVS DECIMVS.

CAPL

CARITVLA LIBRI SEPTIMIDECIMI.

- I. Apud Ptolomaidā urbem maritimam Curia celebrabatur generalis: nominanturq; principes qui ad eam conuenerunt.
- II. Urbem Damascanam proponunt obsidere: & condicto ad eam accedunt.
- 10 III. Describitur situs Damascanæ urbis.
- IV. Nostri pomeria ciuitatis violenter effringunt: & fluium inuitis hostibus occupant in manu forti. Factum Imperatoris excimium & admirabile describitur.
- V. Desperant ciues, & de fuga cogitant: ex nostris Principibus quosdam datā corrumpūt pecuniā, quorum perſaſione in oppositam ciuitatis partem transfertur exercitus.
- VI. In nostrorum castris victus deficit: de-
20 tegitur proditorum malicia: & solutā nostri redeunt obsidione.
- VII. Diuersa ponuntur opiniones, quis tāte prodicionis auctor fuerit. Iterum Ascalonam proponunt obsidere sed non proficiunt.
- VIII. Imperator Conradus ad propria regreditur, Rege Francorum in Syria moram faciente.
- IX. Noradinus ingreditur fines Antiochenos: Princeps Raimundus occurrit: pugna-
30 tur inter eos. Princeps Raimundus occiditur.
- X. Noradinus vniuersam regionē pro suo tractat arbitrio. Rex illuc properat solatium ministraturus. Soldanus Iconiensis terram Comitum ingreditur Edeſſani.
- XI. Comes Edeſſanus, post regis ab Antiochia discessum ab hostibus capitur, ubi & ignominiose moritur.
- XII. Rex cum regni principibus iuxta Ascalonam, Gazam readificat.
- 40 XIII. Inter Regem & matrem eius graues oriuntur simultates: Et matre ignorante Rex coronatur.
- XIV. Regnum inter se diuidunt Filius & Mater. Rex Hierosolymam ingreditur violenter, & matrem in arce obsidet Dauidica: tandem pax cum tranquillitate reformatur.
- XV. Soldanus Iconiensis, Comitatum Edeſſanum rursum ingreditur: Rex illuc cum omni celeritate properat.
- 50 XVI. Imperator Constantinopolitanus exercitum ad partes dirigit Antiochenas: Comitatum Edeſſanum sibi resignari postulat: obtinet postulatū: Gracis castella resignantur: Rex inde Latinos educit.
- XVII. Noradinus regi occurrit: exitū impedire procurat. Rex, licet cum difficultate, Antiochiam redit. Noradinus eiectus Gracis, vniuersam occupat regionem.
- XVIII. Rex principissam monet, ut vnum de principibus in maritum accipiat, qui regioni possit præesse: sed non proficit. Rex inde Tripolim accedit, ad propria reuersurus.
- XIX. Rex & mater eius apud Tripolim conueniunt, ut Comitem uxori reconcilient: sed non proficiunt. Comes ab Asisſinis in porta ciuitatis occiditur.
- XX. Turcorum ingens multitudo Hierosolymam venit, ut eam occupet: sed egredientes nostri, eos in virtute magna prosterunt.
- XXI. Rex, regniq; principes Ascalonā properant, ut pomeria circa urbem depopulentur: sed promoti ad amplius proposito, urbem obsident.
- XXII. Describitur situs ciuitatis, & commoditas aperitur.
- XXIII. Ordinatur obsidio, & præſciuntur qui clasſi præſint, & qui legiones per terram moderentur.
- XXIV. Secundo obsidionis mense, adest peregrinorum transitus, multas deferens ad opus obsidionis commoditates.
- XXV. Quinto mense clasſis Aegyptiorum ad urbem accessit, multam obsesſis ciuibus affrens consolationem.
- XXVI. Constantia Antiochenorum Principissa Rainaldō de Castellione nubit. Noradinus quoq; regnum Damascanorum occupat violenter. Amalricus Sydoniensi præſcitur ecclesia.
- XXVII. Qui in obsidione sunt, urbem instanter impugnant. Ciues machinam exterio-rem nituntur exurere. Murus ciuitatis ex parte corrui, nostri volentes ingredi, ex parte per-eunt: noster desperat exercitus.
- XXVIII. Iterum confortantur nostri, & ad continuandam obsidionem animantur, insistentes animosius.
- XXIX. Ascalonitæ desperant, & de communi consilio ad deditionem inclinantur.
- XXX. Misſis de maioribus ciuitatis, apud regem, obtinent liberum cum vxoribus & liberis & omni substantia exitum, & urbem resignant.

EXPLICIUNT CAPITVLA LIB. SEPTIMIDECIMI.

INCI-

INCIPIT LIBER SEPTIMVS-
DECIMVS.



Dignum credimus, & præfenti fatis conuenire videtur historiæ, vt posteritatis mandetur memoriæ, qui Principes prædictæ interfuerunt Curia, qui ex tantis conuenerant regionibus. Interfuit ergo primus Dn. *Conradus* inclytæ recordationis Theutonorum Rex, & Romanorum Imperator: & de principibus eius ecclesiasticis, Dn. *Otto* Frisingensis episcopus, vir literatus frater eius; Dn. *Stephanus* Metensis episcopus; Dn. *Henricus*, domini Theodoricus Flandrensiū Comitis frater, Tullensis episcopus: Dn. *Theotinus* natione Theutonicus, episcopus Portuensis, Apostolicæ sedis Legatus, qui de mandato Dn. Eugenii Papæ, eiusdem Dn. Imperatoris castra fuerat secutus. De laicis verò Dn. *Henricus* dux Austriæ, eiusdem Imperatoris frater; Dn. dux *Guelpho*, vir illustris & potens: dominus *Federicus*, inclytus Sueuorum & Vindelicorum Dux, eiusdem domini Imperatoris ex fratre primogenito nepos, eximie indolis adolescens, qui ei postmodum succedens, Romanum hodie strenue & viriliter administrat imperium; dominus *Hermannus*, prouinciæ Veronensis Marchio; dominus *Bertholdus de Andes*, qui postea fuit Bauariæ dux; dominus *Wilhelmus* Marchio de Monteferrato, eiusdem domini Imperatoris sororius; *Guido* Comes de Blandrada, qui prædicti Marchionis sororem habebat vxorem, ambo de Lombardia erant, magni & egregii principes. Interfuerunt & alii nonnulli, nobiles & spectabiles viri, quorum nomina vel titulos non tenemus. Interfuit dominus *Ludovicus* Francorum Rex piissimus, inclytæ in Domino memoriæ, & cum eo dominus *Goalefridus*, Lingonensis episcopus; Dn. *Arnulphus*, Lexouiensis episcopus; dominus *Guido* de Florentia, ecclesiæ Romanæ presbyter Cardinalis, tituli sancti Chrysogoni, apostolicæ sedis Legatus; dominus *Robertus*, Comes Perchenfis, eiusdem domini Regis frater; dominus *Henricus*, domini Theobaldi senioris Comitis filius, Comes Trecentis, eiusdem domini Regis gener, egregie indolis adolescens; Dn. *Theodoricus*, Flandrensiū magnificus Comes, Domini Regis Hierosolymorum sororius; Dn. *Iuo de Neella* Sueffionensis, vir fidelis & prudens. Interfuerunt & alii multi, nobiles, & potentes, & digni memoriâ viri: quorum nomina, prolixitatem declinantes, studiose præterimus. De nostris autem regionibus, affuit dominus *Baldwinus*, Hierosolymorum Rex, inclytæ indolis adolescens: & cum eo mater eius, prudens & circumspecta mulier, cor habens virile, & quolibet consulto principe nihil inferius sapiens: Et cum eis, dominus *Fulcherus* Patriarcha; dominus *Baldwinus* Cæsariensis Archiepiscopus; Dn. *Robertus*, Nazarenus Archiepiscopus; Dn. *Rorgo*, Acconensis episcopus; dominus *Bernhardus*, Sidoniensis episcopus: dominus *Wilhelmus*, Berytensis episcopus; Dn. *Adam*, Pancadensis episcopus; Dn. *Geraldus*, Bethleemita episcopus; *Robertus* magister militiæ Templi; *Raimundus* magister domus hospitalis. De laicis verò, *Manasses* Regis constabularius, *Philippus* Neapolitanus, *Helinandus* Tiberiadensis, *Gerardus* Sydoniensis, *Galterius* Cæsariensis, *Paganus* dominus regionis quæ est trans Iordanem, *Balianus* senior, *Hunfredus de Torono*, *Guido Beritensis*: & alii multi, de quibus per singula longum nimis esset enumerare. Hi omnes, vt diximus, in urbem conuenerant Acconensem, tractaturi quod optimum, & loco & tempori magis conueniens videretur; quod primum, auctore Domino, ad incrementum regni & Christiani gloriam nominis attentarent. Tractatis igitur continuo libramine deliberationis partibus, post subiecta, sicut in talibus fieri solet, diuersarum partium diuersa consilia, de communi consilio visum est tempori expedientius, Damascum urbem nostris damnosam obsidere: vnde firmato circa id consilio, voce præconiâ præcipitur publicari, quatinus die statutâ omnes vnanimiter parati sint, copias suas ad partes illas dirigere. Mense igitur Maio, vigesima quintâ die mensis, anno ab incarnatione Domini M.C.XLVII. congregatis ex vniuerso Regno militaribus tam equitû quàm peditû copiis, tã ex indigenis quã ex peregrinis, præuio

prælio viuificæ Crucis salutari ligno, prædicti Deo amabiles Reges, vñ cum suis expeditionibus, ad urbē *Tiberiadem*, ex condito perueniunt. Indē viarum compendia secuti, secus mare Galilee vsq; *Panæadem*, quæ est *Cæsarea Philippi*, vniuersos dederunt exercitus. Vbi deliberatione habitâ cum iis qui situs vrbis *Damascenæ* & adjacentis regionis habebant peritiâ, cōmunicato cum maioribus principibus consilio, vtilius iudicant prædictam urbē eatenus obsidione vallare, vt prius occupentur pomeria, quæ ex maxima parte urbem ambiunt eandem, & plurimam videntur conferre munitionem: arbitantes quod occupatis pomeriis urbem deinceps obtinere satis esset in expedito. Sic igitur iuxta initum consiliū iter aggressi, transiunt **10** famosissimo monte *Libano*, qui in mediis inter *Cæsaream Philippi*, & eandem *Damascum* interiacet, apud vicum cui nomen *Daria* est, in agrū descenderunt *Damascenum*, ab urbe quatuor aut quinque distantes miliaribus: vnde & rotam ciuitatem cum adiacente regione, de plano dabatur intueri. Est autem *Damascus*, ciuitas **11** maxima minoris Syriæ, quæ alio nomine *Phœnicis Libanica* nuncupatur, metropolis: sicut ibi legitur, *Caput Syriæ Damascus*; à quodam Abrahæ seruo denominata, qui eam **12** creditur fundasse. Interpretatur autē *sanguinea*, vel *sanguinolenta*. Est a. in campestribus sita, in agro sterili & arido, nili quantū aquarū antiquis meatibus deductarum irrigatur beneficio. Fluuius enim à promuntorio descendēs vicino, in superioribus illius regionis partibus, canalibus exceptus, vt inde liberius per plana possit deduci, **13** per diuersas subiectæ regionis partes ad agrorum sterilitatē fecundandam dirigitur; q; verò residuū est, quia copiosas habet aquas, ex vtraq; ripa pomeria nutrit, arboribus consita fructiferis, iuxtaq; ciuitatis murū Orientem versus labitur. Peruenientes igitur prædicti Reges ad locum prænominatum, videlicet *Dariam*, urbē habentes iam vicinam, instruunt acies, & ordinem incedendi assignant legionibus ne promiscuē incedentes, contentiones suscitent adinuicē, & operi futuro ministrent impedimentum. Primus itaq; cum suis *Hierosolymorum Rex*, eò maximè quod locorum peritiâ eius cohortes dicebantur habere, de communi principum statuto ire præcipitur, & ceteris subsequētib; iter aperire. Secundum & medium locū *Rex Francorum* cum suis expeditionibus tenere iubetur, vt præcedētib; si necessitas **14** emergerit, opem ferat. Tertium & nouissimum *Imperator*, eodem decreto, conseruare mandatur, vt hostibus si forte à parte irruant posteriore, resistere sit paratus, & præcedentes copias à parte relicta reddat securiores. His ergo tribus exercitibus ordine congruo dispositis, ad urbē castra promouent, accedere contententes. Est a. ciuitas ab Occidentali parte, vnde nostris erat accessus, & à septentrionali pomeriis obsita longè lateq;, instar cōdensorum nemorū & opacarum sylvarū, ita vt vltra quinq; aut amplius miliaria versus Libanū protendantur. Et hæc eadē, ne dominia fortasse sint in incerto, & ne volentibus passim introire liceat, clausa sunt muro, licet luteo: nā lapidibus regio illa non abundat. Clausa sunt itaq;, & secundum hoc q; cuiq; designatæ sunt possessiones, muro huiusmodi vallata, relictis semitis, & viis publicis, **15** licet angustis, quibus hortulanis & curâ pomeriorum habentibus ad urbē cum iumentis fructus deferentib; pertineant. Sunt a. hæc pomeria vrbī pro summo munimine: nā præ densitate & arborum frequentia, & viarum angustis, videbatur durū & penè impossibile, vt ab ea parte esset transitus urbē adire volētibus. Per hæc tamen loca decretū erat nostris principibus ab initio exercitus introducere, & ad urbē pariter accessū: ex causa gemina; tū vt occupatis munitioribus locis, & in quibus populo *Damasceno* maior erat fiducia, quod superesset, leue videretur, & cōpleretur **16** facilius; tū vt expeditionibus, fructuum & æquæ non deesset commoditas. Immittit ergo primus *Hierosolymorū Rex*, per illas pomeriorū angustiores semitas, suas acies: sed vix & cū multa difficultate procedere poterat exercitus, tum viarū impeditus angustis; tum eorū qui in virgultis latebant, insidiis laceffitus; tum etiam manifesto hostiū qui aditus obsederant, & viarū præoccupauerant anfractus, conflictu. Egrediens n. erat vnanimiter ciuitatis populus, & in prædicta descenderat pomeria, vñ occultis quàm manifestis congressionibus exercitū transire prohiberet. Erant præterea intra ipsa pomeriorū septa, domus eminentes & excelsæ, quas viris pugnaturis cōmunierant, quorū possessiones erant vicinæ: vnde sagittis & aliorū immissione telorum, hortorum septa ruebantur, neminem accedere permittentes; sed & publicam volentibus transire viam, reddebant eminus sagittis valde periculosam.

Nec erant tamen ex vna tantū parte nostris præ dictorum formidabiles insidiæ; sed ex omni latere par erat incautis periculum, & suspectum æquè improvisæ mortis discrimen. Erant nihilominus & secus muros interiūs latentes viri cum lanceis, qui per specularia modica, in muris ad hoc studiosius ordinata, vnde videre transeuntes poterant, minimè vero ipsi videri, prætereuntes confodiebant ex latere: quo casu plurimi dicuntur illā die miserabiliter occubuisse. Sed & aliæ innumerabiles non defuerunt inter illas angustias periculorum transire volentibus species.

Hoc igitur intelligentes nostri, instant acerbius & effractis horroribus violenter claustris, pomeria certatim occupant: & quos intra septa vel in huiusmodi domibus reperiunt, gladiis transuerberant, aut in uincula captos coniiciunt. Quod audientes qui ad simile opus exierant, aliorum exemplo timentes interire, relictis hortis, cateruatim in urbem se recipiunt: sicq; illis in fugam versis, aut peremptis gladio, liber nostris ad anteriora patuit aditus. Equestres porro tam ciuium, quam eorum qui eis in subsidiū venerant, copiar, intelligentes quod ad obsidendum urbem per illas partes noster venturus esset exercitus, ad amnem qui urbem præterlabitur, accesserant, ut arcubus & balistis expeditiones ex itinere fatigatas, & præ sitis angustia laborantes, arcerent à flumine, & aquarum maximè necessariam negarent sitientibus commoditatem. Nostri verò ad releuandam sitim, quam ex laboris difficultate & ex pulueris nube densa, equorum hominumq; pedibus agitati, collegerant, ad fluuium quem vicinum audierant properantes, vbi secus ripam viderunt tantam hostium multitudinem, substiterunt ad modicum: tandemque collectis viribus, necessitate vires & audaciam ministrante, semel & secundò, sed frustra aquas sibi vendicare nituntur. Dumque circa id Hierosolymorum Rex cum suis plurimum defudat, & frustra laborat, nunciatur domino Imperatori qui posterioribus præerat agminibus, sciscitanti: *Quenam esset causa, quare non procederet exercitus?* quod hostes fluuium obtinentes, nostros non permittebant accedere. Quo cognito, irā succensus, per medias Regis Francorum acies vsque ad conflictum eorum, qui pro flumine contendebant, cum suis principibus celer peruenit. Vbi tam ipse quam sui de equis descendentes, & facti pedites (sicut mos est Theutonicis, in summis necessitatibus bellica tractare negocia) obiectis clypeis, gladiis cominus cum hostibus experiuntur: quorum impetus, qui prius fortiter restiterant, sustinere non valentes, in fugam versi, flumina deserunt, in urbem cum summa velocitate se conferentes. In quo congressu, domini Imperatoris factum seculis memorabile dicitur accidisse: nam vni de resistentibus, viriliter & strenuè dimicanti, quamuis loricato, vno ictu caput, collum, cum sinistro humero & brachio coherente, simulque partem subiecti lateris dicitur amputasse. Quod factum ciues, tum qui hoc viderant, tum eos qui ex aliorum relatione id ipsum cognouerant, in tantam deiecit formidinem, ut & de resistendo & de vita penitus desperaret. Obtento igitur flumine, & ripa liberiùs concessa, longè lateque secus urbem castrametantur; & tam pomeriis violenter expugnatis, quam fluminis liberè pro arbitrio vsi sunt commoditate. Attoniti ergo ciues, & exercitus nostri & numerū stupentes & virtutē, de viribus suis cœperunt diffidere, quasi resistere non valentes; timentesq; subitas nostrorum irruptiones, nihil tutum reputant, dum ad mentem reducunt, quales eos hosternis congressionibus sint experti. Habitā igitur deliberatione, vsi eā *qua miseria & afflictis rebus solet adesse, solertia,* & ad vltima recurrentes argumenta, omnes vicos ciuitatis, ex ea parte, in qua nostri castra locauerant, magnis & proceris contexunt trabibus: in eo solo spem habentes, ut dum nostri circa effringenda repagula huiusmodi laborarent, ipsi per partem oppositam, cum vxoribus & liberis egredierentur fugientes. Videbatur satis in expedito, si propitia nobis esset Diuinitas, quod urbem in vicino obtenturus esset populus Christianus: sed aliter visum est ei, qui *terribilis est in consiliis super filios hominum.* Nam dum, ut diximus, ciuitas in arto constituta esset, nec eius ciues resistendi aut salutis spem haberent vllam, sed compositis sarcinis migrare à loco disponderent, peccatis nostris exigentibus, cœperunt de nostrorum præsumere cupiditate; & *pecuniarum interuentu, eorum expugnare animos sunt aggressi, quorum corpora posse vicini dissidebant:* totā enim sollicitudine in argumenta varia se attollentes, quibusdam de principibus promissa & collata infinitæ quantitatis pecuniā, ut eorum studio & operā obsidio solueretur, ut ludæ proditoris officio

ficio fungerentur persuaserunt. Hi ergo datis & pollicitis corrupti, & *viciorū omnium fomitem, cupiditatem* secuti, in id sceleris descēderunt, ut Regibus & peregrinis Principibus, de eorum fide & industria confidentibus, impiis suggestionibus persuaderent, ut relictis pomeriis, in oppositam ciuitatis partem transferrent expeditiones: & ut dolū quocunque colore regerent, allegant, in opposita ciuitatis parte, quæ Austrum respicit, & quæ ad Orientem, nec pomeria esse, quæ vrbi sint pro robore; nec ad murum expugnandum, vallo vel flumine impediri accessum. Murum quoque asserunt humilem, & ex crudis compactum lateribus, primos vix posse impetus sustinere. Ibi nec machinis, nec multo opus esse conamine dicunt, sed statim primis

10 congressionibus manibus murum deiici, & in ciuitatē irrumpere non esse difficile. Horum autem ad hoc solum properabat intentio, ut exercitus ab ea parte, qua locatus erat, quaq; ciuitas maximè premebatur, & diu tolerare nō poterat, amouerent, scientes quod in opposita parte perseuerare, & obsidionem continuare nō possent. Crediderunt ergo tam ipsi Reges, quàm totius primores exercitus, & loca quæ prius cum multo sudore, & multa suorum strage occupauerant, deferentes, vniuersas transferunt legiones; & in opposita ciuitatis parte præuiis seductoribus castrametati sunt. Vbi videntes se ab aquarum commoditate longè positos, fructuum quoque vberitate carere, & iam deficere penitus alimētā, dolum intercessisse; & malitiosè à locis

VI. vberibus se translatos, licet serò, conqueruntur. Deficiebat ergo victus in castris: nam spe subito obtinendi ciuitatem, sicut eis persuadebatur antequam iter arriperent, ad paucos dies sufficientia detulerant alimenta; & maximè peregrini, quibus non multum poterat imputari, tanquam locorum ignaris. Persuasum namque illis fuerat, quod primis congressionibus statim, & sine difficultate urbem essent obtenturi: interimq; fructuum alimonia, qui gratis occurrerēt, etsi alius omnino deesset victus, magnum posse ali exercitum aslerebant. Quid ergo faciant dubii, & in secreto & in publico deliberant. Redire enim ad loca vnde exierant, durum videbatur & impossibile: nam nostris egredientibus, statim hostes, ut viderunt effectui mancipatum quod cupierant, multò fortius quàm antè eadem loca ingressi, communierant vias, quibus nostri prius introierant; obiectis trabibus & molibus

30 magnis præstruxerant, sagittariorum immittentes manum infinitam, qui ab ingressibus arcerent ingredi cupientes. Rursus ex ea parte in qua castra locauerant, urbem impugnare, moram videbatur exigere: sed ferias longiores, victus inopia non indulgebat. Colloquētes itaque Peregrini Principes ad inuicem, videntesq; manifestam illorum, quorum fidei animas suas & negotia commiserant, malitiam, scientes quod non proficerent, redeundum esse decernunt, fraudes eorum qui eos seduxerant detestantes. Sic igitur Reges & Principes, quantos à seculis non legimus conuenisse, confusione induti & reuerentiā, peccatis nostris exigentibus, infecto negotio, redire compulsi, eadem viā quā venerāt, in Regnum sunt reuersi. Qui deinceps, non solum quā diu in Oriente moram egerūt, nostrorum Principum vias

40 omnes suspectas habebant; & eorum meritò, tanquam malitiosa nimis declinabant consilia, circa Regni negocia tepidos se exhibentes: verum postquam ad eorum regiones, eis datum est reuerti, susceptarum perpetuò memores iniuriarum, eorundem Principum abominati sunt maliciam. Nec se solos, verum etiam & alios, qui non interfuerant, circa amorem Regni efficiebant remissiores: ita ut iam de cætero, neque tot, neque feruentes adeò, huius peregrinationis viam arriperent; & aduenientes etiam nolentes eorum illaqueari fraudibus, domum citius redire etiam hodie contendant. Memini me frequenter interrogasse & sapius, prudentes

VII. viros, & quibus illius temporis solidior adhuc suberat memoria, & eā maximè intentione, ut compertum historiæ mandarem præsentī: Quænam tanti mali causa fuerit, & qui tanti sceleris fuerint auctores; & quomodo tam detestabilis conceptus effectui potuit mancipari. In assignatione autem causæ dissōnas inueni relationes: nam quorundam erat opinio, quod *Comitis Flandrensis* factum quoddam occasionem præstiterat huic malo: is nanque, ut præmisimus, in eo fuit exercitu. Qui postquam nostræ legiones ad urbem prædictam accesserunt, & iam violenter obtentis pomeriis & flumine, obseila est ciuitas, ad singulos Regum dicitur singillatim & seorsum accessisse, & profusis precibus postulasse, ut capta ciuitas ei daretur: & hoc etiam dicitur impetrasse. quod audiētes Regni nostri quidam pro-

HHHH

ceres, consentientibus etiam aliorum nonnullis, indignati sunt, quòd tantus Princeps, & cui sua poterant sufficere, & qui gratis Domino militare videbatur, Regni tantam portionē sibi dari postulabat: sperabant enim sibi accrescere, quicquid per istorum principum operam & laborem Regno incrementi accederet. Vnde indignati, in hoc tam piaculare descenderunt flagitium, ut mallet eam hostibus conferuare, quam ut Comiti prædicto cederet in sortem. Indignū enim eis admodum videbatur, ut qui totā vitā suā Regno militantes, infinitos labores pertulerant * aliis qui recentes aduenerant, tantorum fructus laborum colligentibus, ipsis neglectis & absque remunerationis spe, quam diu & ex meritis videbantur collegisse. Alii dicunt principem *Antiochenum* indignatum, quòd Rex Franciæ ita ab eo diuertisset, 10 & beneficiorum suorum immemor, in nullo eum iuuisset, quibusdam mandasse in exercitu principibus, & obtinuisse, quatinus eius gratia efficeret, ne conatus eius finem sortiretur optatum; & ut ita procurarent, ut infecto negotio redire cogere- tur inglorius. Alii dicunt omninò nihil aliud intercessisse, nisi quòd ab hostibus infinita sint redempti pecuniā, qui hoc tam ingens procurauerunt malū: & pro summo solent recitare miraculo, quòd postmodum tota illa *male sumpta pecunia, inuenta est reprobā & penitus inutilis*. Qui autem fuerint tā detestabilis ministri sceleris, varia multorum nihilominus fuit opinio, sed mihi pro certo compertum nō est. Quicunque tamen sunt, sciant, quòd pro meritis digna quandoque præmia reportabūt, nisi misericors Dominus, condignè satisfaciens, clementer indulgeat. Ita ergo 20 ut præmisimus, nostri sunt sine gloria reuersi. Latata est ergo *Damascus* in profectio- ne ipsorum: quia incubuit timor eorum super eos: nostris autem ē diuerso, *uersa est in luctum cithara; & facti sumus canticum hostium nostrorum totā die*. Reuersi itaque in Regnum prædicti Reges, iterum conuocato procerum cœtu, aggredi conātur (sed incassum) factū aliquod, in quo memoriā suā posteris possint reddere cōmendabilem. Erant nonnulli, qui suggererent circa *Ascalonam*, quā adhuc detinebat populus infidelis, quæ quasi in Regni medio sita erat, & ad quam sine difficultate poterant vniuersa deferri necessaria, ponendam obsidionem: facileque esse dicebant, & in promptu, ut cultui restitueretur Christiano: sed post multa huiusmodi verba, sicut & prædictus conceptus passus est aborsum; & dum adhuc ordiretur, succisus. Ira- 30 tus enim Dominus, omnes eorum conatus videbatur euacuare. Videns igitur domineus *Conradus* Imperator, quòd ei gratiam suam subtraxerat Dominus, & in Regni negociis ei procedere negabatur, parato nauigio, sumptaque licentiā in regnum proprium est reuersus. Quòd perueniens, infra paucos annos apud *Bauenberg* mortuus est, ubi & magnificè in ecclesia maiori sepultus est: vir pius & misericors, corpore conspicuus, generositate insignis, rei militaris ad perfectum habens experientiam, vitā & moribus per omnia commendabilis, cuius memoria in benedictione est. Cui dominus *Fredericus* Sueuorum dux illustris, qui eiudem peregrinationis comes adhæserat indiuisus, ex fratre primogenito nepos (cuius supra fecimus mentionem) inclytæ indolis adolescens, in imperio successit, qui hodie Ro- 40 manum strenuè & feliciter administrat imperium. Dominus verò *Rex Francorum*, peracto apud nos vnius anni curriculo, circa transitum vernalem, Pascha Hierosolymis celebrato, cum vxore & principibus suis ad propria reuersus est. Quòd perueniens, iniuriarum memor, quas in via, & in toto peregrinationis tractu, vxor ei irrogauerat, in præsentia Pontificum regni sui, solenniter celebrato diuortio, ab vxore, titulo consanguinitatis obiecto, diuertit. Quam protinus sine temporis intervallo, *Henricus* Normanniæ dux, & Andegauensium Comes, antequam in Aquitaniam suam, quæ ei paterna erat hereditas, se reciperet, duxit vxorem. Qui statim eā ductā, domino *Stephano* Anglorum regi, sine liberis sexus melioris defuncto, successit in regno. Dominus verò rex Francorum, Hispaniarum Imperatoris filiam, 50 *Mariam* nomine, virginem D e o placitam, moribus & sanctā conuersatione commendabilem, secundis votis felicior, sibi matrimonio copulauit. Ab eadē die cœpit Orientalium Latinorum manifestè deterior fieri conditio: nam nostrorum Principum & Regum maximorum, qui Christiani populi videbantur bases esse solidiores, viderunt hostes nostri, & subannauerunt labores sine fructu, sine effectu conatus, vires attritas, contrafactam gloriam: & quorum sola nomina hostibus nostris prius erant formidini, nunc præsentiam sine damno desexerant. vnde in tantam

tantam elati sunt præsumptionem & audaciam, ut iam de cætero nec eorum vires haberent suspectas, nec nostris instare solito acerbius vererentur. Inde fuit, quod statim post utriusque Regis discessum, *Noradinus*, Sanguini filius, cuius superius fecimus mentionem, conuocatâ infinitâ Turcorum ex omni Oriente manu, circa partes Antiochenas cœpit solito proteruius desæuire: vidensq; Latinorû terrâ Principi auxilio destitutâ, apposuit etiam castrum, cui nomen *Nepa*, obsidere. Quod postquam domino *Raimundo* Principi Antiocheno plenius innotuit, sicut homo animosus & impetuosis, nec alterius consilio in huiusmodi regebatur, non expectato suorum equitum, quos euocari præceperat comitatu, cum paucis imprudens ad partes illas accelerat; & adhuc in obsidione perseverantem, circa prædictum municipium inuenit *Noradinum*. Qui audiens Principem aduenire, timens ne maiores secum traheret copias, expectare & eum eo congredi veritus, ab obsidione discessit, in loco tuto se conferens, & expectans, & frequentibus nunciis doctior fieri cupiens, qualia secum Princeps traxerat auxilia, & utrum maiora accederent adminicula. Princeps verò præsentis successu elatus; & de se, more solito, plus æquo præsumens, cœpit se habere incautiùs: & dum haberet finitima præsidia, in quibus se indecennem cum suis poterat conseruasse, & suos reduxisse incolumes, maluit se capis credere patribus: indignû iudicâs, ut illius timore videretur cessasse vel ad tempus. & hostium maluit patere insidiis. Eâ igitur nocte, videns *Noradinus* nullas Principi vires accreuisse maiores, sperans cum suis eas quas secum adduxerat, facillè superaturum, Principis comitatum vallat, per gyrum agminibus dispositis; & in modum urbis obsidet. Mane autem facto, videns Princeps hostium multitudinem, & de viribus suis, licet serò diffidens, dubitare cœpit; tamen acies instruit, militiam ordinat, tanquam cominus cum hostibus congressurus. Inito itaq; prælio, qui cum eo erant, viribus impares, hostium non ferentes multitudinem, Principe cum paucis relicto, in fugâ versi sunt. Princeps verò tâquam magnanimus, & in armis singulariter strenuus, viriliter decertans, in media hostium strage quam exercuerat, cædendo fatigatus & exhaustus spiritu, gladiis cõfossus interiit: cuius caput cum brachio dextro à corpore separantes, reliquum corpus mutilum, inter alios vitâ priuatos, reliquerunt. Cecidit ibi inter alios vir magnus & potens, suæ perpetuò lugendus regioni, dominus *Raimundus de Mares*, cui Comes Edessanus filiam suam vxorem dederat. Ceciderunt & alii nobiles nonnulli, quorum nomina non tenemus. Fuit autem dominus *Raimundus* vir magnanimus, rei militaris experientissimus, hostibus supra modum formidabilis, parum tamen felix, cuius multa quæ in Principatu strenuè & magnificè gessit opera, speciales exigunt tractatus: sed nos ad prosequenda communia festinâtes, in singulis huiusmodi negotiorum articulis immorari, & his stilum committere non valemus. Occisus est autem anno ab incarnatione Domini millesimo centesimo quadragesimo octauo, Principatus eius anno tertidecimo, An. D. 1148. mense Iunio, vigesimâ septimâ die mensis, die festo sanctorum Apostolorum Petri & Pauli, inter urbem Apamiam & oppidum Rugiam, in eo loco qui dicitur *Fons muratus*. Cuius corpus quibusdâ notis & cicatricibus cognitum, inter cæterorum defunctorum corpora repertum, Antiochiam delatum est, & in vestibulo ecclesiæ Apostolorum principis, inter eius prædecessores, solemnibus exequiis sepultum.

Noradinus verò in augmentum gloriæ & in signum victoriæ, & quod maximus Gentilitatis persecutor crederetur occidisse, caput cum manu dextera, quæ ad hos vsus de corpore prædicti viri separari fecerat, ad maximum Sarracenorum principem & monarcham, *Calipham* videlicet *Baldacensem*, & alios Turcorum satrapas, per Orientem constitutos direxit. Destituta itaque tanti rectoris solatio Antiochena regio, in lamenta se dedit, fletus non cohibens, & crebris suspiriis dolorē indicâs, querulis quoq; & lachrymosis vocibus fortis viri egregia gesta rememorans. Nec solum finitimos mors illius audita cõtristauit populos; sed & longè lateq; rumor hic dispersus, tam maiorum quàm minorum in amaritudinem deduxit animas, & acerbis interius mœrore confecit. Interea idem fidei & nominis, more patris, maximus persecutor Christiani *Noradinus*, videns Principem regionis, & maximam robustorum eius partem cecidisse in prælio, totamque prouinciâ suâ subiacere arbitrio, immissis statim expeditionibus suis, totam cœpit hostiliter circuire regionem: ita ut iuxta Antiochiam pertransiens, & cuncta præstans, incen-

dio, ad monasterium *sancti Symeonis*, quod inter Antiochiam & mare in montibus
 sublimibus situm est, ascenderet, propriâ in ea vñs potestate, & cuncta libero tra-
 ctans imperio: & inde ad mare, quod nunquam priùs viderat, descenderet, & in eo,
 in signum quòd victor vsque ad mare peruenerat, coram suis laureretur. Inde re-
 diens castrum *Harenc*, ab Antiochia vix miliaribus distans decem, præteriens occu-
 pat, & occupatum armis & militibus & alimentis muniens, instruit diligenter: ita vt
 multorum dierum posset obsidionem sustinere. Timuit ergo populus vniuersus, &
 humiliata est in conspectu eius terra, eò quòd tradiderat Dominus in manus eius,
 robur militiæ & principē regionis: & non erat auxiliator, nec qui contra imminen-
 tia pericula protectionis afferre posset remedium. Relicta enim erat in Reipublica
 & principatus administratione sola Principis vxor *Constantia*, cum filiis duobus, &
 filiabus totidem, adhuc impuberibus; nec erat qui Principis fungeretur officio, &
 plebis erigeret deiectionem. Eâ tamen tempestate, dominus *Americus* eiusdem
 ciuitatis Patriarcha, vir solers & locupletissimus, strenuè satis afflictæ se regioni præ-
 buit patronum; & ad conducendas militum copias, stipendia, contra morem
 suum non parcè ministravit, temporis satisfaciens necessitati. Porro Hierosolymo-
 rum Rex audiens illarum partium pericula, & morte domini Principis cognitâ,
 mente plurimùm consternatus, conuocatâ subito militiâ, vt oppressis opem ferat
 fratribus, celer ad partes conuolat Antiochenas, & de se diffidentibus & animo de-
 jectis propriâ præsentia præbuit consolationē. Collectis itaque militaribus tam suo-
 rum, quos secum traxerat, quàm de tota regione auxiliis, ad resistendum inuitat; &
 vt resumptis cordibus respirare discant, castrum *Harenc*, quod superius de nouo ca-
 ptum diximus, obsidet. Sed post dies aliquot non proficiens, quia instructum erat
 diligentius, infecto negotio, Antiochiam est reuersus. *Soldanus* etiam *Icomiensis*,
 auditâ Principis morte, in multitudine graui in Syriam descendit, & captis multis
 vrbibus & castellis pluribus, *Turbessel* obsidet, licet Comes cum vxore & liberis in-
 tus esset. Rex verò *Hensfredum* Constabularium, cum sexaginta militibus ad tuen-
 dum *Hafart*, interea dirigit, ne à Turcis occupetur. Tandemque Comes datis Sol-
 dano captiuis omnibus quos de sua regione victos habebat, & duodecim equi-
 tum armis, pace factâ, abeunte Soldano, ab obsidione liberatus, eodem die *Hafart*
 venit; & inde Antiochiam, domino Regi gratias pro humanitate quâ in eum exer-
 cuerat, acturus properauit: Inde etiam viso Rege, sumptaque ab eo licentiâ, cum
 modico quem deduxerat comitatu, ad propria reuersus est. Rex autem apud An-
 tiochiam destitutæ regionis curam agens, ad hoc moram faciens, compositis pro
 loco & tempore negotiis, tranquillitate aliquatinus restitutâ, reuocâtibz cum cu-
 ris domesticis, in Regnum suum est reuersus. Interea Comes *Edeffanus Iscebi-*
mus iunior, vir supinus, à patria degener honestate, sordibus effluens, libidine disso-
 lutus, spretis melioribus perniciose sequens, putans sibi optimè successisse, quòd
 Princeps Antiochenus, quem odio insatiabili persequabatur, occubuerat: nō mul-
 tum attendens, quàm verè dicatur, *Tua res agitatur, paries cum proximus ardet*: dum An-
 tiochiâ, vt dicitur, à domino Patriarcha euocatus, de nocte proficisceretur, separa-
 tus à comitatu, cum adolescente, qui eius equum trahebat, gratiâ, vt dicitur, aluum
 purgandi, & vt secretioribus naturæ satisfaceret debitis, ignorantibus tam iis qui
 præbiant quàm qui sequebantur, irruentibus in eum prædonibus, qui in insidiis la-
 tebant, captus est; ac vinculis mâcipatus, *Halapiam* perductus est. Vbi immundarum
 viarum suarum fructus colligens, squalore carceris & cathenarum pondere fatiga-
 tus, anxietate spiritus & corporis iugi molestiâ consumptus, sine miserabili vitam fi-
 niuit. Redditâ terris die, qui in eius erant comitatu, eorum quæ circa ipsum accide-
 rant penitus ignari, dominum suum quem non reperiunt, anxie quærentes, vbi vi-
 dent se inquirendo non proficere, reuersi nunciant quid eis acciderat: & iterum re-
 plota est stupore & extasi vniuersa terra. Et quamuis vicinorum sinistris non noue-
 rant condolare casibus, nūc familiaribus oppressi periculis eodem discunt experi-
 mento, quomodo doloribus sit compatiendum alienis. Tandem post dies aliquot
 quorundam relatione, quibus id pro certo compertum erat, cognouerunt, quòd a-
 pud *Halapiam* detinebatur in cōpedibus. Vxor verò eius, mulier pudica, sobria, &
 timens D E V M, quales D E V amat, cum filio impubere & duabus filiabus reman-
 serat: quæ quantum potuit, consilio procerum, qui superstites erant, populum regere
 nitebatur:

nitebatur; & regionis præsidia aduersus hostes, armis viris & alimentis commut-
nire, vires transcendens femineas, satagebat. Sic igitur peccatis nostris exigentibus,
vtraque regio, melioribus destituta consiliis, vix in se subsistens, famineo re-
gebatur imperio.

Dum verò hæc ita circa partes aguntur Antiochenas, non
multo post temporis interuallo visitante Regnum diuinâ clementiâ, erigentes se
de puluere & de abiectioe nimia, in qua propter sinistros casus, qui frequentes ac-
ciderant, iacere videbantur; redeuntes ad eor tam dominus Rex, quam ceteri Hiero-
solymitanæ regionis Principes, vt Ascalonitas hostes immanissimos artius cohi-
beant, & magis eorum periculosos refrenent impetus, *Gaza* urbem antiquissimam,
10 ab Ascalona decem distantem in parte Australi miliaribus, dirutam & habitatori-
bus carentem, reformare proponunt, vt sicut à Septentrione & ab Oriente fundatis
ingyrum municipiis eam quasi obsederant, ita eidem ab Austro simul non decisset
stimulus; & ex ea quoque parte continuis impugnaretur congressionibus, & fre-
quentibus lacesseretur insidiis. Die igitur statuta, conuenit vniuersus populus, qua-
si vir vnus, ad prædictum locum; & opus vnanimiter aggressi, urbem certatim re-
ædificare cõtendunt. Fuerat autem eadem *Gaza*, ciuitas antiquissima, vna de quin-
que urbibus Philistiim, ædificiis præclara, cuius antiquæ nobilitatis in ecclesiis &
amplis domibus, licet dirutis, in marmore & magnis lapidibus, in multitudine ci-
sternarum, puteorum quoque aquarum viuentium, multa & grandia exabant ar-
20 gumenta. Fuerat autem sita in colle aliquantulum edito, magnum satis & diffusum
infra muros continens ambitum. Videntes autem ~~esse~~ *uri*, quòd non satis expediret,
nec fortasse præsentis temporis vires sufficerent, vt tota reformaretur, partem præ-
dicti collis occupant; & iactis ad congruam altitudinem fundamentis, opus muro
insigne & turribus ædificant, & in breui, opitulante Domino, cõsummant feliciter.
Consummatum etiam & partibus suis absolutum, de communi consilio fratribus
Militiæ Templi custodiendum, & perpetuò cum vniuersa adiacente regione pos-
sidendum committunt. Qui tanquam viri fortes, & in armis strenui, & commis-
sum vsque in præsentem diem fideliter prudenterque seruauerunt; & urbem præ-
dictam frequentibus, cum occultis tum manifestis impugnationibus viriliter affli-
30 xerunt: ita, vt qui prius excurrentes & per vniuersam regionem hostiliter defæui-
entes, nostris erant formidini, nunc pro summa felicitate reputent, si clausis intrâ-
mœnia viuere liceat, & quiete perfrui, pace precibus vel prætio ad tempus impetra-
tâ. Nec solum vrbe prædictâ, ad cuius læsionem constructum erat illud præsidium,
recalcitrante, vtile fuit; sed etiam eâ deuictâ, quasi regni limes ab Austro contra *Æ-*
gyptios, pro multo fuit regioni tutamine. Circa veris autem initium, domino Re-
ge, dominoque Patriarchâ, completo ex parte municipio interiore, relictis ibi Mi-
litia Templi fratribus, quorum diligentia deputatum erat, Hierosolymam reuer-
sis, accidit subsidium *Ægyptiorum*, quòd ter vel quater in anno ad reparandas vi-
res Ascalonitarum solenniter solebat accedere, in multitudine graui ante prædi-
40 ctum oppidum adeste; & oppidanis interius hostium metu congregatis, assultus
hostiles multâ instantiâ dedisse. Sed videntes, qui militiæ præerant, quòd non pro-
ficerent, cum dies aliquot in obsidione operam consumpsissent, Ascalonam profe-
cti sunt. Ab eaitaque die, tanquam attritis viribus & nocedi contractâ licentiâ, cœ-
perunt prius a vexatione adiacentis quiescere regionis. Sed & *Ægyptiorum* ex-
ercitus, qui ita frequens, vt prædiximus, ciuitati iam afflictæ solatium ministrabat,
iam non nisi marino accedere consuevit itinere, prædicti municipii interpositas ti-
mens insidias, & militiâ habens suspectam. Inter hæc dum satis prospero cur-
su Regni Orientalis negotia procederent, & quasi quadam trāquillitate gauderet;
cò minus, quòd Comitatus nobis deperierat, & in hostium nostrorum cesserat po-
50 testatem *Edeffanus*, regio quoque Antiochena frequentibus hostium insidiis fati-
gabatur: videns inimicus homo, qui solet superseminare zizania, & nostræ inuides
prosperitati, intestinis nos tentans concutere seditionibus, quietem nostram per-
turbare aggressus est: cuius periculi hæc fuit causa, & origo. Domina *Miliscendis* re-
gina, inclytæ recordationis & piæ in Domino memoria, defuncto marito, vt præ-
diximus, relictâ cum duobus liberis adhuc infra annos cõstitutis, Regni tanquam
iure hereditario sibi debiti curam & administrationem sortita est, filiorum legiti-
mam agens tutelam. Hæc cõsilio Principum regionis, strenuè & fideliter, vires &

animum transcendens foemineum, usque ad illum diem administraverat: filio primogenito, domino *Baldvino*, cuius in presenti gesta conscribimus, etiam postquam in Regni sublimatus est solium, eius multum fauente & merito subiacente imperiis. Inter ceteros autem quorum opera consilioque utebatur, familiarem admodum habebat quendam nobilem virum, eius consobrinum, *Manassum* videlicet: cui, statim post eius introitum in regnum, curam militiae tradiderat omnem, & ordinaverat Constabularium. Hic autem de dominæ Reginae gratia præsumens, nimium arrogans, ut dicitur, & Regni Maioribus insolenter se præferens, nullique debitam exhibens reuerentiam, inuidiam in se nobilium regionis concitauerat maximam: & nisi dominæ Reginae eos cohiberet auctoritas, parati erant, conceptum odium usque in opus pertrahere. Duxerat autem & domini *Baliani* senioris viduam, nobilem matronam *Hugonis*, *Baldvini* & *Baliani* Ramatensium fratrum, matrem: unde sibi cumu-
lauerat diuitias, & multiplicauerat possessiones. Eorum autem qui prædictum *Manassien* odio prosequerentur, primus erat & affectu & opere, Rex ipse: asserens, quod ei matris suæ subtraheret gratiam & munificentiam impediret. Habebat autem super eodem facto plurimos incensores, odiorum fomitem ministrantes, quibus prædicti viri inuisa erat potestas, & molesta nimis dominatio. Hi dominum Regem impellebant, ut etiam matrem à Regni amoueret potestate, dicentes, eum iam ad ultam peruenisse ætatem, indignum esse ut foemineo regeretur arbitrio, & regni proprii curam aliquam sibi committeret moderandam. Horum igitur & similium Rex fretus consilio, proposuerat, in die festo Paschæ Hierosolymis sollemniter coronari: cuius gloriæ, cum à domino Patriarcha, & à viris prudentibus, qui pacem Regni diligebant, instantè rogaretur, ut matrem participem faceret, distulit prædictorum consilio, ne matrem haberet consortem, illà die quâ proposuerat: & sequenti die subito, matre non vocatâ, in publicum processit laureatus. Transcursâ igitur illà solemnitate, conuocato procerum cœtu, præsentè etiam *Guillelmo* Sueffionensi Comite, & *Galtero* Castellano sancti Aldemari, matrem conuenit, & ut Regnum secum diuidat instantè exigit, & auitz sibi postulat hereditatis portionem assignari. Tandem post multas hinc inde habitos deliberationis tractatus, diuisâ hereditate, domino Regi optione datâ, assumpsit sibi in partem Tyrensem & Acconensem, cum pertinentiis suis, vrbes maritimas: relictis dominæ Reginae Hierosolymam & Neapoli, cum suis iterum pertinentiis. Sicque diuisi sunt ab inuicem, sperante populo quod pro bono pacis tolerandum esset, quod sic ordinatum fuerat: quod uterque contentus esse deberet suâ, quæ eum contigerat, portione. Per eisdem itaque dies dominus Rex nobilem quendam & magnificum virum dominum *Henfredum* de Terono, cui magnæ & amplæ possessiones erant in Phœnice, in moribus qui Tyrensi adiacent metropoli, ordinauit Constabularium suum, & ei militiæ suæ curâ commisit. Sed neque sic etiam quiouit dominâ Reginam persequendum stimulus: sed & caussis leuib. vires resumens ignis, qui latuerat in fauilla, incendium maius, & priore multo periculosius, cœpit ministrare. Nam Rex eisdem impellentibus quorum consilio prius acquieuerat, matrem iterum cœpit molestare: & eam quam ex vtriusque beneplacito Regni obtinuerat portionem, exclusâ omnino matre, sibi vendicare proposuit. Quod intelligens Regina, commendatâ Neapoli quibusdam fidelibus suis, qui eius curam haberent, Hierosolymam se recepit. Rex verò interea congregatâ quantâ potuit militiâ, prædictum *Manassen* in castello quodam eius, cui nomen *Mirabel*, obsidet: eumque ad deditionem compellens, Regnum & omnem cismarinam regionem abiurare coëgit: inde occupatâ Neapoli, matrem persequens Hierosolymam proficiscitur. Recesserant autem à domina Regina, iuramentorum & fidelitatis immemores, quidam ex iis qui infra sortem eius habebant possessiones, & ei fide mediâ erant obligati. Pauci verò ei adherentes, fidei seruauerant integritatem: *Amalricus* videlicet Comes Ioppenfis, filius eius, valde adolescens; *Philippus* quoque Neapolitanus, & *Rohardus* senior, & pauci alii quorum nomina non tenemus. Audiens itaque Regina, filium cum exercitu aduenire, in arcem cum familiaribus suis & fidelibus se recepit, de præsidii munitione confidens. Dominus verò Patriarcha *Fulcherus*, bonæ memoriæ, videns tempora periculosa, & dies tentationis imminere, volens partes suas interponere, & de iis qui ad pacem sunt rogare, assumptis sibi de clero, viris religiosis & Deo timetibus, domino Regi obuiam

obuiam exiit, monens ut à prauo desisteret proposito, & in finibus paſtorū conſiſtēs, matrem quiete perſui patiatur: apud quem poſtquam videt ſe non proficere, cōſilium eius deſectans, in urbem regreſſus eſt. Rex autem vrgens propoſitum, ante urbem caſtra locat. Tādem verò ciuibus indignationem declinantibus Regiā, & portas aperientibus, intromiſſus eſt cū ſuis expeditionibus: vbi ſtatim arcem, in quam mater ſe contulerat, aptatis ad eam expugnandā machinis, obſidione vallat; & more inſtans hoſtili, balisſis, arcubus, & iaculatoriis machinis continuas inferēs moleſtias, obſeſſis requiem negat. Illi verò, omnino inſtanti omnino reſcūtantes, vim vi repellere nituntur, & quibus modis exteriores obſeſſos impugnare ſatagunt, eiſdē iniurias propulſare & in hoſtes æquā lance damna refundere, obſeſſi non verētur. Tandem cū per dies aliquot, periculoſe nimis hinc inde decertatum eſſet, cū in arcem expugnando Rex non multum proficeret, nec tamen à propoſito vellet deſiſtere, intercurrentibus quibuſdam pacis & gratiæ reſormatoribus, urbe Neapolitanā cum ſuis finibus contentā dominā Reginā, Regni caput domino Regi reſignat Hieroſolymam, interpoſitis ex parte domini Regis, & præſtitis corporaliter iuramentis, quod ſuper ea poſſeſſione per eum perpetuo non deberet moleſtari: ſicque eis in mutuam redeuntibus gratiam, quaſi ſtella matutina in medio refulgens nebula Regno & Eccleſiæ reſtituta eſt tranquillitas. At verò nunciatū eſt regi Hieroſolymorum, & famā certiore compertum, quod Comes Edellanus ſorte tam

20 miſerabili captus erat, & regio tota abſque deſenſoris cura, hoſtium latē patebat inſidiis; quod omnis illa prouincia, ſicut & Antiochenorum partes, ſcēmineo relictæ moderamini, ſuam expoſcebant ſollicitudinem: aſſumptis ſibi *Henſredo* Conſtabulario, & *Guidone* Berytenſi (nam de iis qui in portione dominæ Reginæ erant, licet ſingillatim euocaſſet, neminem habere potuit) ad partes peruenit Tripolitanas: vbi & Comitem cū ſuis militibus aſſumens, *Antiochiam* celer peruenit. Dicebatur enim publicē, & verē ſic erat, quod potentiffimus Turcorum princeps *Soldanus Iconienſis*, cum in numero equitatu ad partes illas deſcenderat, & ferē omnem ſuis finibus cōterminam occupauerat regionem. Non valentes enim locorum habitatores reſiſtere, & exercituum illius ſuſtinere potentiam, vrbes & municipia vniuerſa illi tradiderant, impetrantes ab eo ſaluum & liberum exitum cum vxoribus & liberis; & ſine periculo conductum uſq; *Turbeſſel*: is enim locus cæteris munitior, plures habens habitatores, vbi & dominus Comes iugem & manentem habebat habitatiōnē, adhuc in tranquillo videbatur eſſe. Dumq; ſic exceptis paucis præſidiis, vniuerſam occupafſet regionem, maioribus eum reuocantibus curis, domum redire compulſus eſt: nihilominus tamē, prouincialium aut labor eſt imminutus, aut remiſſior facta ſollicitudo. Nā *Noradinus* moleſtiſſimus gētis noſtræ perſecutor, & Turcorum princeps potentiffimus, penē continuis incurſionibus vniuerſam exenus moleſtabat regionem, ut extra præſidia nemo penitus auderet comparere. Sic igitur inter

30 duas molas, miſer ille populus inceſſanter conterebatur; & à duobus maximis principibus ſupra vires angebatur, quorum alterius tantum vix poſſet potentiam tolerare. Interea dominus Imperator *Conſtantiopolitani*, audiens illarum partium deſolationem, vnum de principibus ſuis, cum immenſis ſumptibus, & militia ſuorū nō modica, ad prædictas partes direxerat, offerens Comitiffæ liberisq; eius annuos certæ quantitatis redditus, qui eis ad honeſtum ſufficere poſſent victum in perpetuum, in recompensationem traditæ ſibi regionis, ſi præſidia quæ adhuc penes ſe retinebat, eius Imperio vellet concedere. Spondebat enim confidenter, in immenſitate diuitiarum ſuarum ſpem habens, quod & illa à Turcorū incurſionibus conſeruariet illibata, & alia quæ amiſerant, facilē ſuo reſtitueret Imperio, ſi ei prouincia reſignaretur. Adueniente igitur Rege Antiochiam, cauſſā cognitā aduentus Imperialiū nunciorum, ipſis etiam iniunctam ſibi legationem aperientibus, facta eſt inter Principes regionis illius diſſenſio: aliis dicentibus, rem nondum in eum neceſſitatis articulum deſcendiſſe, ut id fieri oporteat; aliis e contra aſſerentibus, neceſſarium id eſſe fieri, priuſquam terra penitus in hoſtium manus tradatur. Inter has igitur deliberationis ambiguitates, cognoscens dominus Rex, quod prædicta regio, in eo ſtatu, in quo erat, diu perſeuerare nō poſſet; ipſum enim ampliorem ibi moram facere, Regni propria cura non patiebatur; nec eius tot tantæque erant vires, ut

40 duas quindecim dierum itinere à ſe diſtantes prouincias adminiſtrare poſſet com-

modè vidensq; Antiochenam quæ media erat prouinciã, Principis solatio iam per plures annos destitutã, in eam descendit sententiam, vt præmissis conditionibus, Græcis oppida quæ supererant traderentur. Et licet non multum præsumeret, quòd Græcorum viribus in eo statu conseruari posset prouincia, maluit tamen, vt eis possidentibus iste casus accideret, quàm ei periclitantis populi & terræ deficientis imputaretur ruina. Pactis igitur hinc inde iuxta prædictas condiciones, adhibito consensu dominæ Comitissæ & liberorum eius, ad placitam consonantiam redactis, præfigitur dies, quo dominus Rex, cum omni militia sua in partes illas descendat, Imperatoris homines in possessionem inducat, & eis vniuersa resignet oppida. Die igitur statuta Rex ex condito assumens sibi Comitem Tripolitanum, & tam suos quam Antiochenarum partium magnates, in terram Comitissæ Edeßani, Græcos secum deducens, vsque *Turbessel* peruenit: vbi assumptâ sibi dominâ Comitissâ cum liberis suis & aliis omnibus, tam Latinis quàm Armenis, sexus promiscui, exire volentibus, Græcis regionem assignat. Erant autem oppida quæ à nostris adhuc possidebatur, *Turbessel*, *Hamtab*, *Ranendel*, *Ranculat*, *Bile*, *Samosatum*, & fortasse alia quedam. Quibus omnibus Græcorum potestati resignatis, ipse cum vniuerso egredi volentium populo, cum iumentis & sarcinis eorum, quæ erant multæ nimis (nam vnusquisq; cum omni domo & familia, & supellectile vniuersa exire proposuerat) ad iter accingitur; & cum omni huiusmodi imbellis populi multitudine, & impedimentorum quantitate numerosa egredi maturat, educere volens eos sine periculo.

xvii. Audiens itaque *Noradinus*, quòd Rex ad educendum populum ingressus fuerat, & quòd de conseruanda regione omnino desperantes, Græcis viris effeminatis & mollibus, oppida resignauerant, de nostra formidine factus animosior, congregatâ ex vniuersis adiacentibus regionibus militiâ, ad easdem partes festinus descendit, volens Regi & populo de viribus suis diffidenti, & sarcinis multiplicibus impedito occurrere: ad lucrum sibi putans cedere, si tales sibi obuiam habere posset. Factumque est, quòd vix ad urbem *Tulupam*, quæ à *Turbessel* vix quinque aut sex distabat miliaribus, illam impotentem multitudinem adduxerat, cum ecce *Noradinus* vniuersam regionem suis repleuerat legionibus. Erat autem castrû illis vicinû, *Hamtab* nomine, per quod iter eis erat futurum: illuc nostri properare volentes, videntes imminere periculum, acies instruunt, ordinant agmina, tanquam mox cum hostibus commissuri. Illi verò instructis cateruis, nostrorum aduentum, tanquam de victoria securi, auidè nimis expectabant. Accidit tamen contra spem eorum, quòd noster exercitus ad prædictum oppidum, præuiâ Domini misericordiâ, peruenit indemnis: vbi nocte totâ fessis tam iumentis, quàm hominibus, ad requiem concessa, conuocato procerum cœtu, & de futuro in crastinum itinere deliberantes, fuerunt nonnulli de magnatibus, qui prædictum præsidium exposcerent sibi dari, arbitantes opitulante Domino contra Turcorum incursiones viribus propriis locum posse cōseruare: quorum vnus de regno erat *Henfredus de Torono*, vir magnificus Regius Constabularius: alter erat vir nobilis & potens, de principatu Antiocheno, *Robertus* videlicet *de Surda valle*. Sed videns dominus Rex neutrius vires aut potentiam ad prædictum opus sufficere, spreto vtriusque verbo tãquam inutiles, pactis insistit persequens; & tradito Græcis municipio, populum præcipit ad iter accingi. Videre eratibi viros nobiles, & inclyras cum ingenuis virginibus & paruis pueris matronas, natale solun, auita domicilia, cognatam regionem, singultibus & lacrymosis deferere sospitiis, & transmigrationem ad populum alterum cum fletibus & lamentis inire. Non erat pectus ita ferreum, cuius interiora non mouerent fletus & lachrymæ, & querulæ voces populi transmigrantis. Luce igitur terris redditâ, compositis sarcinis, rursus iter arripiunt: & ecce ex vtroque latere hostium acies iunctis agminibus, incedebant, in comitatum nostrorum parati ex omni parte irruere. Nostri ergo hostium videntes agmina, & grauem multitudinem, de quingentis equitibus, quos habebant, instaurant acies, & incedendi ordinem assignant instauratis. Dominum itaque Regem præire iubent, vt agmina præcedat, & turbis pedestribus gradiendi modum assignet: Comitem Tripolitanum, & *Henfredum* regium Constabularium posteriores iubent tueri partes; & vt cum maioribus & fortioribus militum copis hostium sustineant impetus, & eorum a plebe arceant violentiam: Antiochenos vero magnates a dextris & a sinistris collocant, vt positæ in medio multitudini,

titudini, vndiq; per gyrum non deesset robur fortium, & armata militia. Sic igitur,
 & eodem ordine totâ die nostris gradientibus vsque ad Solis occasum intolerabi-
 les nostris non defuerunt molestiæ, frequentes impetus, pugna iugis, congressiones
 continuæ. Tanta autem erat immissarum in exercitu numerositas sagittarum, vt o-
 mnes sarcinæ, ericii more, sagittis viderentur consistæ: præterea puluis, calor quoq;
 qualem solet Augustus ministrare, sitis quoq; aspera, plebem supra vires fatigabat
 tandē Sole iâ ad occasum declinante, Turci secū non habētes victualiū quidpiam,
 amissis de exercitu suo nonnullis nobilibus, dato ad reditum signo, nostros insequi
 desinunt, eorū stupentes incōparabilem instantiam & perseverantiā. Dumq; *Her-*
 10 *fredus* Constabularius, arcu abeuntes persequitur, aliquantulum à comitatu remo-
 rior, accessit ad eum miles quidam de hostium numero, qui repositis armis, & ius-
 tis alternatim ad latus manibus, signum exhibet reuerentiæ. Is porro cuiusdam po-
 tentissimi Turcorum principis, qui eidem Constabulario fraterno fœdere iunctus
 erat, & in eo tenacissimus, domesticus erat & familiaris, ab eodem missus, vt eū ver-
 bis eius saluaret, & de statu hostilis exercitus eum redderet doctiorem. Refert au-
 tem *Noradinum* cum suis in proposito habere eā nocte ad propria maturare reditū:
 defecerat enim in castris eius omnis penitus alimonia, vnde eos diutius non pote-
 rant insectari. Sic igitur illo redeunte ad propria, Constabularius in castra se recipit:
 & verbo quod audierat, domino Regi cōmunicato, instante iam nocte, in loco qui
 20 dicitur *Ioha*, castrametatus est populus vniuersus. Insequentibus diebus, populo si-
 ne molestia per syluam quæ dicitur *Marris*, & vsq; ad loca nostræ ditioni subdita tra-
 ducto, dominus Rex in Antiochiam se recepit. Videns igitur *Noradinus* terram Co-
 mitis, Latinorum auxilio destitutam, de Græcorum mollitie, quibus commissa e-
 rat, præsumens, frequentibus irruptionibus, & quas Græci non satis supportare no-
 uerant, eam cœpit aggrauare. Tandemq; immissis exercitibus copiosis, obsidione
 vallans oppida, Græcis violenter exclusis, infra annum vniuersam occupauit regio-
 nem. Sic igitur prouincia opulentissima, riuus, syluis, & pascuis lætissima, vbere gle-
 bā diues, & omnibus redūdans cōmoditatibus, in qua quingenti equites sufficien-
 tia habebant beneficia, peccatis nostris exigentibus, in hostium manus deuenit, &
 30 à nostra iurisdictione vsq; in præsentem diem facta est aliena. Decefferunt itaq; ec-
 clesiæ Antiochenæ in partibus illis tres Archiepiscopi, Edeffanus, Hieropolitanus,
 & Coricensis: quorum ecclesias etiam nunc infidelitas detinet, & Gentilis super-
 stitio, licet inuitas. Interea dominus Rex Hierosolymorum *Baldwinus*, pro vrbe
 Antiochena, & eius adiacente diocesi plurimum sollicitus, ne principis destituta so-
 latio, sicut & terra Comitis, de qua prædiximus, in manus hostium, sorte descendat
 miserabili, & populo Christiano simul cū iactura intolerabili, amplius accedat con-
 fusio: vidensq; sibi liberum non esse, reuocante eum Regni curâ, moram ibi habere
 longiorem, dominā Principissam sæpè ac sæpius commonet, vt vnum de nobilibus
 sibi, cui nubat, eligat viris, cuius consilio & operâ Principatus regatur. Erant autem
 40 eo tempore inclyti & nobiles viri in eadem regione, domini Regis castra sequētes,
 dominus videlicet *Iuo de Neella*, Comes Sueffionensis, vir magnificus, prudēs & dif-
 cretus, cuius in regno Fræcorū plurima erat autoritas; *Gastherus* quoq; de *Falcumber-*
ga, Castellanus sancti Aldemari, qui postea fuit Tiberiadenensis dominus, ipse quoq;
 vir prudens, vrbānitatis eximie, prouidus in consiliis, & in armis strenuus; domi-
 nus quoque *Radulphus de Merlo*, vir summè nobilis, & armorum vsum habēs, & pru-
 dentiā multâ conspicuus; quorum quilibet ad procurandam regionem, meritò vi-
 debatur sufficiens. Illa autem vincula timens coniugalia, solutamq; ac liberam vitā
 præponens, non multum attendebat, quid populo expediret, circa id plurimum so-
 licita, vt carnis curam perficeret in desideriis. Rex autem eius intelligens propo-
 50 situm, apud Tripolim principibus vtriusq; tam Regni quàm Principatus, curiā indi-
 cis generalem. Ad quā tam dominum Antiochenum Patriarchā cum suffraganeis
 suis, quàm dominam Principissam cum suis proceribus inuitat: interfuit autem &
 mater eius, domina Regina *Milifendis*, & Regni Principes eam secuti. Vbi cū de
 publicis negotiis diligens habitus esset tractatus, ventum est ad negotium Princi-
 pissæ: sed neq; tunc vel Rex, vel Comes, eius consanguinei; vel Regina vel Comitiss-
 sa Tripolitana, ambæ eius materteræ, in hoc eam potuerunt inducere, v. sibi & re-
 gioni in hac parte vellet providere. Dicebatur autem & Patriarchæ nixi cōsilio, qui

- XIX. ~~in~~quam vir argutus, & versipellis, ut liberiùs interim totâ terrâ dominaretur, cuius
 rei cupidus erat nimis, in hoc eam dicebatur errore fouere. Cum ergo nihil in eo
 proficerent, soluta curiâ, ad propria quisque reuersus est. Erat autem illis die-
 bus, inter dominum Comitem & eius vxorem, dominæ Milisendis Reginæ sororē,
 ex zelo maritali orta similtas: cuius sedandę gratiâ, & ut Principissam neptem suam
 videret, domina Milisendis aduenerat. In qua resarcienda gratia, cum ipsa iterum
 non multum profecisset, sororem, rediens, deducere secum decreuerat, & in hoc
 procinctu ambæ erant urbem Tripolitānam iam egressæ. Comes autem proficiscē-
 ti Principissæ comitem se ad tempus dederat, à qua sumptâ licentiâ, post modicum
 reuersus est interuallum: qui dum portam ciuitatis ingrederetur, nihilque omnino
 casus timeret sinistri, in introitu portæ, inter murum & antemurale, *Arsifurum* gla-
 diis confossus, miserabiliter interiit. Cecidit autem & cum eo inclytus & nobilis
 vir, cuius superius fecimus mentionem; dominus *Radulphus de Merlo*, cum quodam
 milite suo: quorum vterque domino Comiti in ea profectiōe casu se dederat con-
 sortem. Rex autem in ciuitate securus aleam ludebat, recreationi dans operam, ho-
 rum omnium ignarus. Commota est ergo vniuersa ciuitas, nece Comitis auditâ; &
 ad arma populus conuolans, quemcunque alienum à lingua nostra, vel habitu re-
 perit, putans sicarios qui hoc malum commiserāt inuenire, gladio percutit, & mor-
 tem omnibus irrogat indifferenter. Interea Rex repētinis excitus clamoribus, mor-
 te Comitis intellectâ, tristis admodum, & mente plurimum consternatus, lacrymas
 & suspiria non valens cohibere, matrem & materterā, mox præcipit reuocari. Qui-
 bus reuersis, post multa lamenta & fletus vberes, corpore cum debita exequiarum
 magnificentia sepulturæ tradito, præcipiente domino Rege, cuncti proceres illa-
 rum partium, dominæ Comitissæ & liberis eius fidelitatem exhibuerunt. Erat au-
 tem domino Comiti, filius ei æquiuiocus, nomine *Raimundus*, vix annorum duode-
 cim; & filia nomine *Milisendis*, fratre natu posterior. His ergo sic compositis, Rex
 cum matre & principibus suis in Regnum reuersus est. Non multo verò post
 interiecto temporis interuallo, quidam nobiles Turcorum sarrapæ, viri potentes,
 & apud suos egregii nominis, quibus cognomen est *Hiaroquin*; quorum sancta ciui-
 tas, antequam a Christianis liberaretur, dicitur fuisse hereditas: hortante matre, &
 eorum improperante ignauiam, quod tamdiu ab hereditate auita se paterentur esse
 extorres, collectâ infinitâ Turcorum multitudine *Hierosolymam* venire, & eam qua-
 si iure hereditario sibi debitam vindicare proponunt. Assumptis ergo sibi ingenti-
 bus militarium virorum copiis, matrem longæuam continuis exhortationibus id
 monentem, secuti, iter arripiunt propositum, si Dominus ita permiserit, profectu-
 ri. Peruenientes igitur *Damascum*, ibi ad reparandos exercitus, & vires recreandas
 moram facientes aliquam, volentibus Damascenis eorum insipiens reuocare con-
 silium, non acquieuerunt; sed resumptis viaticis, & compositis iterum sarcinis, qua-
 si de proposito non diffidentes, versus Hierosolymā proficiscuntur. Tandem trans-
 ito *Iordane* cum vniuersis cohortibus suis montana conscendentes, in quibus sita est
 prædicta ciuitas, in montem *Oliueti*, qui mons conterminus prædictæ supereminet
 vrbi, se contulerunt: ita ut inde loca omnia venerabilia, & maximè Templum Do-
 mini, quod in summa & præcipua habent reuerentia, & vniuersam urbem eis daretur
 liberis prospectibus intueri. Quod videntes qui in vrbe erant residui: nam ma-
 xima totius regionis militiæ pars apud *Neapolim* cōuenerat, timentes, quia vrbs abs-
 que mœnibus erat, ne illuc aduenientium hostium se conferret multitudo: inuoca-
 to de cœlis auxilio, arma corripunt, & certatim egressi, in hostes properare, & cum
 eis committere votis ardentibus accelerant. Est autem via, quæ ab Hierosolymis
 descendit in *Hiericho*, & inde ad *Iordanem*, inæqualis plurimum, locis saxosis & præ-
 cipitiis periculosa frequentibus; ita ut, nihil etiam timentibus, & liberum habenti-
 bus transitum, molestum semper soleat ascendentibus vel descendentibus præsta-
 re accessum. In hanc ergo ingressi, dum nostrorum acies acrius instantes inordina-
 tē fugiunt, præcipitiis & locis angustis nullam ad fugiendum habilitatem concedē-
 tibus, multi sine gladio pereunt præcipitati. Qui verò loca planiora secuti, fugatē
 tabant insistere, nostrorum gladios incurrentes, saucii lataliter in mortem nihilo-
 minus dabantur præcipientes. Equi verò eorum itineris longitudine, & laboris diffi-
 cultate fatigati, viarum non ferentes asperitatem, selloribus suis, omnino deficientes, ne-

tes, negabant obsequium: unde facti pedites, armis onusti, & vsum laboris non habentes, nostrorum subsequen-
tium gladiis tanquam pecudes deputantur. Fit ergo tanta tam equorum quam hominum strages, his prædictis casibus, quod præ multitudine peremptorum, ad insequendum qui præibant impediretur transitus. At vero nostri tanto auidius insectantes, spretis spoliis, & manubias declinantes, cædi acrius instat, pro summo lucro reputantes, hostiū sanguine cruentari. Qui verò apud Neapolim conuenerant, scientes prædictos hostes ad nos ingressos, vnanimiter egredientes, ad Iordanis fluentia hostibus occurrentes certatim conuolant, ut vada occupent, & impediant transire volentes: ubi eos qui insectantes effugerant, incautos reperiunt, & cõfodiunt ex latere irruentes. Facta est ergo illà die manus Domini super eos, ita ut, sicut scriptum est: *residuum locustæ comederet bruchus.* Nam qui equorum velocitate, aut aliquā indutria insectantes videbantur declinasse, occurrentiū ex latere gladiis cædebantur. Si qui verò agmina præeuntes, Iordanem ingressi fuerant, vadorum ignari, vndis rapiebantur tumentibus, flumine suffocati. Sic igitur qui in multis milibus ascenderant, in spiritu vehemen-ⁱ, in equitatu suo spem habentes, ad modicum redacti nui nerum, confusione induti & reuerentiā, ad propria sunt reuersi. Dicuntur illà die ex eis cæsa esse ad quinque milia. Factum est autem hoc anno ab incarnatione Domini *millesimo centesimo quinquagesimo secundo*, nono Kalen. ^{A. D.} Decembris: Regni verò domini *Baldvini* regis quarti, anno nono. Nostri ergo hostium onusti spoliis, & vberes de trophæo manubias agentes, sollemnes Domino laudis hostias immolaturi, Hierosolymā reuersi sunt. Collata igitur nostris diuinitus prædictā victoriā, erecti in spem bonam, Domino corda eorum dirigente, apponunt vnanimiter, cõmunicato tam maiorum quam minorū consilio, hostes eorum qui in vicino constituti erant, quique nostris sapius grauia inferebant pericula, *Ascalonitas* videlicet, aliquo modo lædere. Idque visum est pro tempore expediens, ut pomeria ciuitatis adiacentia, unde ciuibus multa erat commoditas, in manu forti extirpare nitere ntur, & in parte saltem hostes proteruos damnificare. Iuxta quod propositum, collectæ vnanimiter in manu valida ante urbem prædictam vniuersæ Regni copię, arbitrati sufficiens esse, si effectui possent mancipare propositum. Sed presentibus nostris ante urbem, affuit mirabiliter diuina clemencia, quæ eos ad maiora cœpit ex insperato accendere. Nam postquā ante urbem nostrę constititerunt acies, tantus ciues pauor inuasit, quod infra urbē omnes se receperunt certatim: nec inuentus est vel vnus, qui extra mœnia nostris se daret obuiam. Unde sumptā occasione ex eo quod ita deterriti videbantur, dirigente eos diuinā gratiā, adiiciunt urbē obsidione vallare. Missisq; nunciis per vniuersos Regni fines, præcipiunt euocari eos qui domini remanserant, ut omnes vnanimiter die præfixā adesse non differant, propositum quale *Deus* eis inspirauerit, aperientes. Qui ergo vocati fuerāt, gratulabundi & sine mora conuenientes, ad eos qui se præcesserant, adiuncti sunt, castra cum aliis circa urbem locantes. Et ut firmum esset quod aggrediebantur, & de perseverantia in proposito nulli dubitare liceret, iuramentis exhibitis corporaliter se inuicem obligant, quod ante urbem captam, ab obsidione non desistant. Conuocatis igitur vniuersi Regni viribus, & populo vnanimiter conueniente, dominus Rex, dominusque Patriarcha, cum aliis tam secularibus, quam ecclesiasticis regni Principibus, signum Dominicæ Crucis viuificū & venerabile, secum habentes, ante urbem prædictam felicibus auspiciis octauo Kalendas Februarii castrametati sunt. Interfuerunt autem de ecclesiarum prælatis, dominus Hierosolymorum Patriarcha *Fulcherus*, dominus *Petrus* Tyrensis Archiepiscopus, dominus *Baldvinus* Cæsariensis Archiepiscopus, dominus *Robertus* Nazarenus Archiepiscopus, dominus *Fredericus* Acconensis Episcopus, dominus *Gerardus* Bethleemita Episcopus. Abbates etiam nonnulli: *Bernhardus* etiam de *Tremel* magister Militiæ Templi, & *Raimundus* magister Domus Hospitalis. De Principibus autem laicis: *Hugo de Ibelin*, *Philippus* Neapolitanus, *Henfredus de Torozo*, *Symon* Tiberiadensis, *Gerardus* Sidoniensis, *Guido* Berithensis, *Mauritius* de monte Regali, *Rainaldus de Castellione*, *Gauderus de Sancto Aldemaro*, qui duo apud dominum Regem stipendia merebant. Ordinatis itaque compositisque per gyrum tentoriis, & principibus certis congruisque mansionibus dispositis, cœpto fideliter insunt operi, tanto labori debitam deuotē & prudenter impendētes sollicitudinem.

Ios. 1. 4.

A. D.

11. 2.

XXI.

XXII.

Est autem *Ascalona* vna de quinque Philistiim urbibus, in littore maris sita, formam habens semicirculi, cuius chorda siue diameter, secus littus maris iacet; circūferentia verò, siue arcus, super terram ad Orientem respiciens. Iacet autem tota ciuitas quasi in fouea, tota decliuus ad mare, aggeribus vndique cincta manufactis, supra quos mœnia sunt, cum turribus frequentibus, opere solido, duritiem lapidis vincente cœmento nexorum; muris debita spissitudine latis, & congruâ proportionē sublimibus: verum etiam & antemuralibus, eadem soliditate fabrefactis, cincta est per gyrum, & communita diligentius. Fontes autem neque infra murorum ambitum, neque sibi vicinos habent aliquos, sed puteis tum extrâ, tum inferius, aquas sapidas & ad potum habiles ministrantibus abundat: Cisternas quoque aquarum pluuiarum receptiuas, ad maiorem cautelam, ciues interiorius construxerant nonnullas. Erant autem & in murorum ambitu portæ quatuor, turribus excelsis & solidis, diligentissimè communitæ: quarum prima quæ ad Orientem respicit, dicitur *Porta maior*, cognomento *Hierosolymitana*, eo quod Urbem Sanctam respiciat, habens circa se duas turres altissimas, quæ quasi robur & præsidium subiectæ videntur præesse ciuitati: hæc ante se tres aut quatuor in antemuralibus portas habet minores, quibus ad eam per quosdam amfractus peruenitur. Secunda est quæ ad Occidentem respicit, & dicitur *Porta maris*, eo quod per eam ad mare ciuibus pateat egressus. Tertia ad Austrum, *Gazam* urbem, de qua superius fecimus mentionem, respicit, vnde & ab ea cognomen ducit. Quarta ad Septentrionem respiciens, ab vrbe finitima, in eodem sita littore, *Ioppensis* dicitur. Hæc autem ciuitas, situ maris nullam præbente aptitudinem, portum, vel aliquam tutam nauibus non habet vel habuit stationem; sed littus tantum arenosum, & circa id mare, ventis intumescens, fretosum valde, & accedentibus, nisi multa fuerit in mari tranquillitas, nimis suspectum. Solum autem exteriori vrbis adiacens harenâ est oblitum, agriculturæ nesciens, vinetis tamen & fructiferis arboribus accommodum; exceptis valliculis in parte Septentrionali paucis, quæ iniecto fecundatæ lætamine, & aquis irrigatæ putealibus, herbarum & fructuum aliquam ciuibus præstant commoditatem. Erat autem in ea ciuitate populus multus, quorum ei qui minimus erat, & vt vulgò dicebatur, etiam recens nato, de thesauris *Ægypti Calyphe* dabantur stipendia. Multam enim & maximam, tam prædictus dominus, quam eius principes, pro eadem vrbe gerebant sollicitudinem: arbitantes, quod si illa deficeret, in nostrorum veniens ditionem, nihil restaret aliud, quàm vt libero & sine difficultate accessu nostri principes in *Ægyptum* descenderent, regnum violenter occupaturi. Vtebantur ergo eam pro muro, & profusâ liberalitate quater in anno, tam per mare quàm per terras ciuibus ministrabant subsidia: vt eam superstitè, & nostris circa eam studium consumentibus & operam, ipsi optatâ interim tranquillitate fruerentur. Multis ergo propterea vrbi necessaria ministrabant expensis, arma, victum, & recentem militiam, certis temporibus dirigentes, vt nostris circa eos occupatis, minor eos de nostrorum suspectis viribus premeret sollicitudo.

XXIII.

Hæc igitur urbem, per annos quinquaginta & amplius, postquam Dominus Terræ Pomissionis partes reliquas populo Christiano tradiderat, adhuc resistentem, & nostris conatibus æmulam, tandem obsidere conati sunt, rem aggressi arduam, & penè impossibilem. Nam, præter id quod muris & antemuralibus, turribus & aggere, armis & victualibus erat supra omnem opinionem instructa, populum habebat vsum & experientiam armorum habentem, in tanta quantitate, vt à prima obsidionis die, vsque ad nouissimum, numerus obsidentium à multitudine obsessorum in duplo vinceretur. Dominus igitur Rex, dominus quoque Patriarcha, dominus etiam *Petrus*, prædecessor noster, Tyrensis Archiepiscopus, alii quoque Regni magnates, tam principes quàm ecclesiarum prælati, vnaque cum eis ciues urbium singularum, segregatim tabernacula figentes, urbem per terras obfederant: dominum verò *Girardum* Sydoniensem, vnum de magnis Regni proceribus, quindecim nauium rostratarum & ad cursum expeditarum classi præfecerant, vt per mare volentibus accedere, aditum impediret; volentibus egredi nihilominus inhiheret egressum. Porro nostri penè diebus omnibus, nunc equites, nunc pedites, in urbem frequentes dabant assultus: illi verò occurrentes animosius, resistebant viriliter, pro vxoribus & liberis, & quod præcipuum est, pro libertate contententes. Quibus congressionibus nunchi, nunc illi, sicut in huiusmodi solet accidere, sic-

re, fidebant superiores; nostri tamen frequentius meliorem calculum reportabant. Dicebatur autem & in castris tanta esse, cum rerum venalium omnimoda commoditate, securitas, ut ita se haberet populus in tentoriis & tabernaculis quibuscumque, sicut domum muratis urbibus se consueverat habere. Urbani autem, curam precipue locum de nocte custodiētes, deputatis alternatim vigilibus, & ipsi maiores vicissim nihilominus custodientes vigilias, mœnia perlustrantes, noctes ex parte plurima trahebant infomnes. Erant autem & in circuitu murorum, & turrium in propugnaculis locata vitreae lampades opercula habentes vitrea, ignē qui oleo fovebatur infuso conservantes, ex quibus mœnia circuire volētibz, lumen tanquā de die ministrabatur. Nostri quoque qui in castris erant, pro tempore turmatim deputabantur vigilie, & iugis non deerat custodia, timentibus ne urbani nocturnas irruptiones in castra facerent; aut Egyptii in eorum subsidium properantes, subitis & improvisis incursionibus læderent exercitum: quamvis & circa *Gazam* in locis pluribus non deerant exploratores, qui hostium aduentum citissime possent prænunciare.

Sic igitur duobus mensibus eodem tenore continuatā obsidione, accidit ut morte solito circa Pascha adesset transitus, & Peregrinorum adveniret frequentia. Communicato ergo cōsilio diriguntur de exercitu, qui auctoritate Regiā tantis naus quam Peregrinis redire volentibus, interdicanz reditum, & omnes ad obsidionem & laborem Deo tam acceptum promissis inuitent stipendiis, & naves tā maiores quam minores illuc deducant. Factumque est ut subito & intra paucos dies, secundo actū statu naues omnes, quotquot illo transitu aduenerant, ante urbem adessent; Peregrinorum quoque tam equitum quam peditum ingentes copiaz nostris expeditionibus se adiungerent, & diebus singulis exercitus augetetur. Erat ergo in castris lætitia, & spes fruendi victoriā: apud hostes autem moror inualeſcebat & anxietas; & de viribus diffidentes rariū egrediebantur ad conflictus, licet sæpius laceſſiti. Frequentibus etiam nunciis Calypham Egyptium sollicitat, quatenus maturē procuraret subsidium, alioquin in proximo se defecturos significant. Ille verō impiger per principes suos, operi huiusmodi præpositos, classem instruit, militiam comparat, armis, victualibus & machinis naues excelsas onerat, præfectos ordinat, expensas tribuit, moras arguit, & imperat celeritatem. At nostri interea emptis multo precio nauibz, sumptisque ex eis malis, vocatis artificibus, castrum ligneum ingentis erigunt celsitudinis; intusque & de foris cratibus & coriis contra incendia & fortiores casus diligenter cōmuniunt, ut iis quibus ex eo urbem impugnare mandabatur, tutum posset conferre præsidium. Ex reliqua autem lignorum naualium materia, machinas instruunt iaculatorias, quas congruis ad infringenda mœnia locat stationibus. Scrophas quoque ex eadem contexunt materiā, quibus impunē ad complanandos aggeres accedebatur. His ergo ritē compositis, consideratā quoque eā muri parte, cui castellum nostrum posset applicari facilius, complanato ex multa parte prædicta instrumenta prius aggere, magnis clamoribus castrum muro applicant, unde totam eminus erat urbem conspiciere, & cum iis qui in vicinis erant turribz, cominus experiri. Laborabant porro ciues & instabant proteruius, cum ex muris tum ex aggere, arcubz & balistis; sed incassum operam consumentes, eos qui intus latebant, quorum studio promouebatur machina, lædere non poterant. Fiebat ergo ciuium concursus ad eam muri partem, quæ castello erat opposita: & qui inter eos erant animosiores, ibi præcipiebantur vires experiri, continuum habentes & iuge certamen cum iis, qui de castello eos impugnabāt. Sed & in aliis eiusdem muri partibus, per loca varia non deerat conflictus & pugna pertinax, ita ut vix absque strage dies præteriret vlla, exceptis faucibus, quorum utrinque turba erat plurima. Audiuimus & quorundam in illa obsidione, tam nostrorum quam hostium virtutem egregiam, facta memorabilia. Sed nos generalia prosequentes, huiusmodi specialibus non multam damus operam. Cum igitur per quinque menses continuos nostri principes in obsidione perseuerassent, hostiumque vires attritæ viderentur aliquatenus, nostros autem spes solito amplior obtinendi ciuitatem foueret, ecce subito Egyptiorum classis flatibus acta prosperis, comparuit. Quam videntes *Ascalonites*, voces cum manibus tendunt ad sidera, & magnis innotant clamoribus, recedendum nostris esse, aut in proximo pereundum. *Girardus* verō Sydoniensis, qui nostræ classi præerat, videns hostium exercitum ad urbem accedere, cum

paucis quas habebat galeis, tentans occurrere & impedire accessum, multitudinem veritus, terga vertit, fugâ vitæ consulens & salutem. At verò classis hostium ad urbem accessit intrepida, ciuibus optatam deferens consolationem. Erant porro in eadem classe, Galeæ, ut dicitur, septuaginta & aliæ naues viris, armis & victualibus usque ad summum oneratæ, miræ & ingentis magnitudinis, quas omnes in subsidium vrbi prædictæ princeps miserat Ægyptius. Hi denuò tanquam reparatis viribus, & de subsidio præsumentes, nostris redituâ cœperunt hostes inferre cotamina, solito præteruius & frequentius conflictus appetentes: ciues tamen cauti, quibus nostrorum nota erant negotia, rudes verò, & qui recenter venerat, gloriæ cupidi, ut vires ostentarent & audaciam, dum incautè negotiantur, occumbunt frequentius, quousque & ipsi nostrorum experti constantiam, didicerunt parcius irruere, & modestius irruentium impetus sustinere. Dumq; hæc circa Ascalonâ in castris geruntur, domina *Constantia*, domini Raimundi Antiocheni Principis vidua, licet multos inclytos & nobiles viros, eius matrimonium appetentes, more foramineo repulisset, *Raimaldum de Castellione*, quendam stipendiarium militem, sibi occultè in maritum elegit: noluit autem verbum publicari, quoadusq; domini Regis (cuius erat consobrina, & sub cuius protectione Principatus videbatur consistere) interueniret auctoritas & consensus. Festinauit igitur prædictus *Raimaldus* ad exercitum, & verbum domino Regi communicans, sumptâ eius coniuentiâ, Antiochiam rediens, prædictam duxit in uxorem Principissam, nō sine multorum admiratione, quod tam præclara, potens & illustris femina, & tam excellentis vxor viri militi quasi gregario, nubere dignaretur. Interea *Noradinus*, vir prudēs & circumspēctus, audiens quia mortuus erat *Ainardus* socer eius, Damascenorum Princeps militiæ, & Regis procurator negotiorum, qui suis conatibus plurimum semper restitit: videntiq; dominum Regem Hierosolymorum, omnemq; regni eiusedē militiam, circa Ascalonam iam dudum occupatos; arbitransque quod non facile obsidionem desererent, ut Damascenis contra se auxilium postulantis ministrarent, sumptâ ex tempore occasione, ad partes cum ingenti militia accessit Damascenas, quali regnum violenter occupaturus. Vbi fauentibus & vltro manus dantibus Damascenis, Regem eorum hominē dissolutum & inutilem, regno priuat; & vagum & profugum super terrâ, fugere compulit in Orientem. In quo facto, nostra nihilominus deterior facta est condicio: nam pro viro impotente, & qui pro sua debilitate nostris erat obnoxius, eatus, ut tanquam subiectus, annua tributa perfolueret, durior nobis oppositus est aduersarius. Nam, sicut regnum in seipsum diuisum, iuxta verbum Saluatoris, desolatur; sic vna plurima, sibi robur ex mutuo solent assumere, & in hostes consurgere fortiora. Captâ itaque Damasco, & subactâ regione vniuersâ, volens Ascalonicis opem, qualem poterat de remoto conferre, urbem *Pancadersem*, in nouissimis regni finibus sitam, de nostrorum præsumens occupationibus, obsidet: ut in obsessorum auxilium reuocati, obsidionem circa Ascalonam desererent, & infecto negotio redire compellerentur. Sed præuiâ Domini misericordiâ, à spe tanta decidens, neutrum obtinuit: nam ipse circa obsessam ciuitatem non profecit; & nostri opitulante Domino ad deditionem compulerunt. Per idem quoque tempus mortuo domino *Bernardo*, bonæ memoriæ Sydoniensi Episcopo, substitutus est ei *Anatolicus*, piæ in Domino recordationis, Abbas Canonicorum regulariū, ordinis Præmonstratensis, in eo loco qui dicitur *sancti Abacuc*, siue *sancti Ioseph*, qui cognominatus est ab Arimathia; vir simplex ac timens DEVM, & egregiæ conuersationis: qui in Ecclesia Liddensis, per manum domini *Petri* felicitis memoriæ, Tyrensis Archiepiscopi, munus consecrationis dicitur recepisse: quoniam ab vrbe obsessa, nulli longius abscedere dabatur licentia. Interea qui in expeditione erant, cœptum cum multa diligentia instantes operi, non cessant assiduè urbem obsessam impugnare, & circa eam portam, quæ *Maïor* dicitur, congressiones innouare ciuibus valde periculosas; tormentis nihilominus iaculatoriis turres ac mœnia debilitare; & infra urbem, non sine strage multa, funditus dissoluere, immisis magnis molaribus, domicilia. Qui verò in castello ad eius custodiam deputati erant, tantas ciuibus, non solum iis qui in turribus & in muris resistebant, verum iis etiam, qui per urbem necessitatibus tracti, discurrere cogebantur, arcubus & sagittis inferebāt molestias, ut earum respectu, quicquid alibi ciuibus inferebatur, leue iudicaretur, & quamuis

quamuis durum esset, tolerabile. Vnde communicato inter se consilio, eorum maximè expetentes opem, quibus maior in eiusmodi videbatur experientia, proponunt, ut quocunque periculo, quocunque ciuium discrimine, interiectis inter murum & castellum lignis aridis, aptam ignibus materiem & fomitem præstare valentibus, procurato occultè incendio, concremetur: alioquin nec spes salutis, nec resistendi fiducia, sic oppressis & usque ad summum afflictis, videbatur. Surgentes igitur eorum exhortationibus quidam viri fortes, viribus & animo præstantiores, ciuium suæ præferentes salutem, obiectat se periculis, ligna ad eam partem muri, quæ castello erat vicinior, comportantes, & in locum qui medius videbatur inter murum & machinam proiicientes exterius. Compositâ porro lignorum strue maximâ, & quæ videbatur ad incendium castelli sufficere, picem desuper infundunt, oleum quoque & liquamen, & cætera huiusmodi incendiis irritamenta, quæ solent ignibus præstare fomitem. Igne igitur immisso, affuit nobis manifestè diuina clemetia: statim inualecente incendio, suscitatus est ventus ab Oriente vehemens, qui totas incendii vires, in murum ciuitatis flatu vehementi contorsit. Ventus igitur, vehementiâ suâ, flammam in murum, incendiumque impellens, totâ nocte illa peruigil & flatus continuans, murum usque infauillam decoxit: ita ut mane factò, circa dici crepusculum, ab vna turri, usque ad cõterminam, totus corruerit funditus, ita quod ruinæ sonitus vniuersum cõmouit exercitum: decidēs autem tanto pòdere castello illisus est, ut cui non nocuerant incēdia, muri casus de principalibus membris quædam confringeret, & eos qui in eius solis & proiectis excubias procurabant, paulò minus ad terram deiiceret. Excitus igitur ad hunc ruinæ sonitum vniuersus exercitus, arma corripiunt; ad partes illas conuolant quasi patefacto diuinitus aditu, protinus intraturi. At magister Militiæ Templi, Bernardus de Tremelai, cum fratribus suis, alios ante multò præuenientes, aditum occupauerant, neminem nisi de suis intrare permittentes: eos autem hac intentione dicebantur arcere, quatenus primi ingredienti- res, spolia maiora & manubias obtinerent vberiores: *Nam in violentis effractis urbibus, id hæcenus apud nos pro lege obtinuit consuetudo, ut quod quisque ingrediens sibi rapit, id sibi et hereditibus suis perpetuo iure possideat.* Poterant autem omnibus indifferenter ingredienti- bus, & mancipari ciuitas, & victoribus spolia sufficere. Sed *de viuis aradice et peruersa intentione opus prodians, rarum est ut bono fine claudatur:* quia

Non habet euentus sordida præda bonos.

Dum ergo cupiditate rapti, ad prædæ participiū renuunt habere consortes, in mortis periculo, meritò reperti sunt soli. Ingressos igitur ex eis circiter quadraginta, cæteris subsequi non valentibus, ciues prius de vita solliciti, & extrema omnia sustinere sine contradictione parati, videntes eos paucos, resumptis viribus & recepto animo, eos gladiis excipiunt, & interceptos obtruncant. Iunctis igitur iterum agminibus, quasi viribus renatis, & armis quæ quasi victi deposuerant, resumptis, ad eam partem vnanimiter conuolant, quâ murus deciderat. Trabes itaque immensæ magnitudinis & ligna ingentia, quorum illis ex nauibus multa erat copia, contexentes, hiatus replent, obturant aditum, & locum certatim faciunt impermeabilem. Communitis etiâ turribus, quæ ex utroque latere vicinæ fuerant incendio, quas incendiis importunitatem ferre non valentes, dereliquerant, bella renouant, ad congressus iterum accinguntur; nostros vltro prouocant ad prælia, tanquam nihil omnino aduersitatis perpeffi. Qui autem in castello erant, scientes se bases habere minus solidas, & quod ab inferiore parte læsa erat in spondis solidioribus machina, minus proteruè instabant, non multum de eius soliditate præsumentes. Illi autem interemptorum corpora in nostram confusionem, super murum in propugnaculis funibus suspendentes, nostris insultabant, lætitiâ quam mente conceperant, verbis & nutibus exprimentes. Sed huius gaudii extrema lætus occupat: & quæ sequuntur manifestè indicant, quàm verè dicatur, *ante ruinam exaltabitur cor.* Nostri verò è conuerso, mente consternati & animo, mœrore confecti, & cordis amaritudine, de victoria diffidunt, pusillanimes effecti. Interea dominus Rex, casus acerbitate perterritus, Principes conuocat, & coram positâ viuificâ Cruce (nam in eius tabernaculo conuenerant) præsentibus domino Patriarchâ, domino quoque Tyrensi Archiepiscopo, & aliis Ecclesiarum Prælati, quid in tanta rerum varietate sit opus, quærit sollicitus. Illis verò sub DEI timore constitutis, & cum multa anxietate

deliberantibus, facta est votorum dissonantia, & deliberantium quasi bipertitum desiderium. Alii namque, de obtinenda vrbe diffidentes, longo se tempore operam ibi inutiliter consumpsisse afferebāt, militiam ex parte cecidisse, Principes saucios, aut peremptos, expensas deficere, ciuitatem inexpugnabilem esse, ciues eius bonis omnibus abundare, eorum vires reparari sæpius, nostras verò deficere, prætendentes, redditum persuadebant. Alii verò quibus mens erat sanior, perseverandū esse adhuc in proposito, & de Domini misericordia sperandum, qui non solet relinquare sperantes in se piā longanimitate, hortabantur: proponentes *parum esse, negotia quilibet bonum habere principium, nisi & simili fine claudantur*. Dicunt etiam multum temporis & expensarum plurimum impendisse; sed spe fructus vberioris, quem Dominus, etsi differre, non tamen auferre videbatur: cecidisse suos aiunt; sed tamen spes erat, **2. 16. m.** vt meliorem inuenirent resurrectionem: fidelibus esse promissum, *Tristitia vestra* **2. 17. 2.** *vertetur in gaudium: & Quodcumque petieritis, fiet vobis*, allerebant. Hæc & similia allegantes, redditum dissuadebant; & vt in proposito tanquam viri fortes perseverarent, monere nitebantur. Priorem sententiam penè omnes Laici Principes fovebant: Rex quoque rædico casuum aduersorum in eam procliuior videbatur. In opposita sententia dominus Patriarcha, dominus quoq; Tyrensis erant cum clero, cōfortem habentes dominum *Raimundum* magistrum hospitalis, cum fratribus suis. Sic igitur eis ab inuicem dissentientibus, & varia pro vtraque parte allegantibus, affuit præfens diuina clementia, quæ domini Patriarchæ sententiam, quæ maioribus iuuabatur meritis, & ampliore nitebatur honestate, omnibus fecit cōplacere. Proponunt igitur vnanimiter, recurrendum esse ad Dominum, & implorato de cœlis auxilio, in eo quod cœperant perseverandum, quoad vsque visitet eos *Oriens ex al-* **2. 18. m.** *as, & labores eorum clementer respiciat*. Redeuntes itaque in idipsum, vnanimiter arma corripunt, perstrepunt tubis; lituis & voce præconiā ad pugnam populum excitant vniuersum. Illi verò peremptorum fratrum vlcisci affectantes iniurias, *folio* ardentiùs ante urbem conueniunt, & hostes ad prælia audissimè prouocant. Intueri erat, nostras acies, tanquam nihil damni perulissent, aut recentibus vrentur viribus, exterminato furore, in hostes irruere, & impetus inferre solito vehementiores; ita vt mirarentur hostium cunei; & in nostris virium augmentum **3. 1. m.** insuperabile, & instandi stuperent perseverantiam: cumque & ipsi pari tentarent resistere conatu, frustra nitentes, non poterant nostrorum tolerare instantiam aut gladios declinare. Certatum est ergo illā die, viribus longè disparibus: sed tamen tam equitum quam peditum copiar, de hostibus vbique triumphantes, palmam vndique reportabant. Facta est itaque strages hostium maxima, & recompensata est mensurā supereffluente, quam nostri nudius tertius passi erant, iniuria. Non erat in ciuitate familia, quam luctus domesticus, & familiaris non premeret anxietas. Induta est ergò confusione ciuitas, & comparatione præsentis periculi leuia videntur præterita. A prima enim obsidionis die, vsque in præsentem, nunquam paria damna receperant, nec similis illis acciderat iactura. Consumpto enim militiæ robore, & vrbs moderatoribus interemptis, defecerat consilium, virtus elanguerat, & omnis spes euauerat resistendi. Factumq; est quòd de publico cōsilio missi sunt quidam de primoribus populi, pacis interpretes, & inducias à domino Rege postulant ad tempus, vt datis nostrorum, receptisq; suorum defunctorum corporibus, liceat vtrisque, pro more suo, debitas funeribus exhibere exequias, & supremum honorem impendere. Placuit itaq; nostris postulata conditio: receptaq; suorum corpora, cum exequiarum solennibus, commendant sepulturæ. Ascalonitis verò, postquam præsentem suorum stragem conspexerunt, & manum magnam, quam exercuerat in eos Dominus, renouatus est dolor, anxius spiritus, & præ doloris immanitate, eorum interiùs liquefactæ sunt animæ. Et vt nihil eis ad cumulum de- **5. 1. m.** esset malorum, accidit eadem die, vt quadraginta fortibus ex eis, trabem ingentis magnitudinis, ad locum vbi necessaria videbatur, deferentibus, lapis ingens de nostra emissus iaculatoria machina, casu super trabem decideret, & quotquot oneri suberant deportando, omnes simul cū ea trabe contereret. His ergò pressi molestiarū ponderibus, & in amaritudine positi, eos qui residui erant ex Patribus, plebs cōuocat cum lachrymis & gemitu in vnum collecta, ita vt nec matres decissent, paruulos tenētes ad vbera, nec senes valetudinarii, quibus vix supremus in præcordiis hærebat

hærebat spiritus. Vbi per disertos & prudentes viros de communi omniū consilio habitus est ad populum vniuersum huiusmodi sermo: *Viri Ascalonita, qui habitatis intra portas istas, nostis, & nemo vobis melius, quàm periculosam & difficilem cum populo isto ferro, & in proposito nimium pertinaci, iam per annos quinquaginta luctam habuimus: experientis quoque compertum habetis, quotiens in acie patres nostros fuderint; & quotiens locum parentum filii contra eos bella reparauerint recidua, iniurias propulsare, & locum hunc, unde originem traximus, cum vxoribus & liberis, & quod maius est, libertatem conseruare cupientes. Quinquagesimus quartus hodie agitur annus, ex quo populus iste nobis tam molestus, ab extremis Occidentis partibus ad nos ascendens, à Tarso Cilicia vsque in Ægyptum vniuersam regionem manu forti violenter occupauit: sola hæc ciuitas decessorum nostrorum meritis & virtute, in medio tantorum vsque in præsentem diem indeficiens subsistit aduersariorum: quæ tamen hæcenus passa est, respectu imminentium, minima aut nulla iudicari possunt. Et nunc quidem resistendi animus nobis in nullo remissior est; sed attritus exercitus, consumpta copia, laboris pondus intolerabile, hostium peruigil & nimium pertinax multitudo, continua tam animorum quàm corporum molestia vires negant, & protrahendi negotium inuident facultatem. Vnde Patribus videtur, si & vobis ita visum fuerit, instanti temporis, & præsentibus miseriis expedire, ut missis nunciis pro vniuerso populo ad potentem istum Regem, qui nos obsidet, tentemus exitum liberum cum vxoribus & liberis, seruis & ancillis, & omnimoda supellectile, conditionibus interpositis impetrare; & ei, quod gementes dicimus, urbem resignare, ut tantis malis finem imponamus.*

Visus autem sermo hic in oculis omnium bonus, & cum magnis & consonis clamoribus, sicut in huiusmodi fieri solet, esse approbatus, electi sunt de omni populo viri prudentes & discreti, reuerendæ senectutis argumenta portantes, qui præordinatas ad dominum Regem & Principes eius deferant condiciones: quibus extra portam egressis, sumptis prius induciis, & accedendi licentiâ, dominum Regem adeunt. Factaque eis vniuersorum Principum (sicut expetierant) copiâ, verbum proponunt, placitas exponentes ex ordine condiciones. Quibus iussis ad tempus egredi, Rex cum Principibus habito consilio, quid singulis videatur diligenter exigit: illi autem præ gaudio erumpentes in lachrymas, oculos cum manibus tollentes ad sidera, vberes Creatori referunt gratias, quod indignis tantam dignatus est conferre sui muneris largitatem. Reuocatis igitur nunciis, datum est illis de communi responsum: *Placere condiciones interpositas, si tamen infra triduum subsequens, vniuersam expedirent ciuitatem.* Quod illi approbantes, ut robur pactis magis accedat, iuramenta sibi exigunt præstari: quibus per manum domini Regis & electorum Principum corporaliter, & cum solemnitate præstitis, quod bona fide, sine dolo malo factorum tenor prædictorum conseruetur: datis prius obsidibus eis, quos nominatim Rex expetierat, ad propria læti sunt reuersi, secum deducentes quosdam de nostris milites, qui vexilla Regia super eminentiores ciuitatis turres in signum victoriæ collocarent. Postquam autem exercitus noster cum summo desiderio id expectans, vexilla regia in turribus sublimioribus conspexit, factus est exultantis populi clamor ingens cum lachrymis, vsque ad sidera voce consona laudantium, & dicentium: *Benedictus DEVS patrum nostrorum, qui non deserit sperantes in se: & benedictum nomen maiestatis eius, quod est sanctum: quia vidimus mirabilia hodie.* Factum est autem, ut cum per totum triduum continuum ex compacto haberent inducias, nostrorum formidantes præsentiam, infra biduum compositis sarcinis, cum vxoribus & liberis, seruis & ancillis, & supellectile omnimoda accincti ad iter, egressi sunt. Quibus dominus Rex duces itineris concedens, vsque Laris, ciuitatem antiquam, sitam in solitudine, iuxta pactorum tenorem, dimisit in pace. Dominus autem Rex, dominus quoque Patriarcha, cum cæteris Regni Principibus, & Ecclesiarum prælatis, vna cum vniuerso clero & populo, præuiο ligno Domini-
ex Crucis, cum hymnis & canticis spiritualibus urbem ingressi, in præcipuo eorum & eximii decoris oratorio, quod postmodum in honorē Apostoli Pauli consecratum est, Crucem Dominicam intulerunt. Vbi celebratis sollempniter diuinis, post gratiarum actiones, in hospitia sibi deputata se recipientes, lætum & seculis memorabilem egerunt diem. Intra paucos autem dies, dominus Patriarcha ordinans Ecclesiam, certum numerum Canonicorum ibi, & eis certa stipendia (quæ præbendæ vocant) instituit: Episcopum quoque quendam *Abalonem*, Ecclesiæ Domini Sepulchri Canonicum regularem, reclamante multum, & id fieri interdicente, Gerab-

de Bethleemita Episcopo, ordinavit. Postmodum verò per appellationem causa ad Romani Pontificis audientiam delatâ, obtinuit prædictus Bethleemita Episcopus, eo excluso quem dominus Patriarcha ibi consecrauerat, Ascalonitanam Ecclesiâ, cum possessionibus suis, sibi & Ecclesiæ Bethleemiticæ iure perpetuo possidendâ. Rex autem, tam in urbe, quàm in suburbanis, matris consilio, benemeritis, & quibusdam etiam precii interuentu, possessionibus & agris in funiculo distribuitis, ciuitatem fratri suo adolescenti, domino Amalrico Iopponsi Comiti liberaliter concessit. Capta est ergo prædicta ciuitas, anno ab incarnatione Domini millesimo centesimo quinquagesimo quarto: regni verò domini Baldvini Regis quarti, anno decimo, mense Augusto, die mensis duodecimâ. Accidit autem miseris Ascalonitis proficiscentibus, & descendentibus in Ægyptum, casus miserabilis. Nam discedentibus ab eis Regis hominibus, qui dati erant euntibus duces itineris, & ut nemo eos molestaret, ad tutelam, Nocquimus quidam, Turcus genere, armis strenuus, sed peruersus moribus & infidelis, qui apud eos laborum particeps, stipendia merens, diu militauerat: fingens se protectionis eorum & descensionis in Ægyptum consortem, ubi videt eos ducibus destitutos, spretâ fide, humanitate contemptâ, irruit super eos; & oblatiis spoliis discedens, errabundos dimisit in solitudine.

EXPLICIT LIBER SEPTIMVS DECIMVS.

CAPITVLA LIBRI OCTAVIDECIMI.

- I. Rainaldus de Castellione, princeps Antiochenus, Patriarcham Antiochenum ignominiosè tractat: ille in regnum confugit. Oritur famēs valida super terram.
- II. Defuncto Anastasio, substituitur ei Adrianus. Imperator Fredericus Roma coronatur. Inter Papam & regem Sicilia Wilhelmum graues oriuntur inimicitie.
- III. Inter dominum Patriarcham & fratres Hospitalis questiones suscitantur de decimis, & quibusdam iniuriis, quæ ab Ecclesiis eis inferebantur.
- IV. Describitur, unde habuit ortum & initium domus Hospitalis.
- V. Quomodo Ægyptius Calypha ad petitionem Amalphitanorum, locum eis designari præcipit, ubi Ecclesiam adificent.
- VI. Patriarcha cum plurima parte Episcoporum Orientalium, Romam proficiscitur, ad Adrianum Papam.
- VII. Imperator Constantinopolitanus, cōsentiēte Papâ, Apuliam inuadit. Dominus Patriarcha cum suis ad Curiam peruenit.
- VIII. Adrianus Papa Beneuentū properat: Patriarcha illuc festinat, proponit actiones: sed corruptâ muneribus Curia, iustitiâ opprimat. Reuertitur infecto negotio Patriarcha.
- IX. In Ægypto tumultus excitatur ciuilibus: fugit Soldanus ab eis, & occiditur à nostris: capitur eius filius Nosceradinus.
- X. Princeps Rainaldus insulam Cyprum occupat, & eius habitatores spoliât violenter.
- XI. Rex contra pacta & pacis fœdus, quod cum eis pepigerat, Turcos & Arabos in syl-
- ua capis Pameadense.
- XII. Hensfredus Constabularius urbem Pameadensem pro parte dimidia; Hospitalis concedit: capitur à Noradino subsidium quod inferebatur, & ciuitas obsidetur.
- XIII. Rex illuc properans, obsidionem subiit: sed incautè rediēs noster exercitus, hostium insidias in itinere patitur periculosas.
- XIV. Rex apud castrum Saphet fugiens de pralio se recipit: prostermitur exercitus: & de principibus plurimi capiuntur.
- XV. Noradinus iterum Pameadem obsidet, sed rege rursum occurrente non proficit.
- XVI. Comes Flandrensis Theodericus applicat. Mittuntur nuncii Constantinopolim, qui domino Regi uxorem petant.
- XVII. Rex cum vniuersis regni viribus & Comite Flandrensi Antiochiam properat. Noradinus desperatam incurrit ageritudinem.
- XVIII. Obsidetur Casarea: & post modicum violenter effringitur.
- XIX. Noradini frater ad nos transiit. Hierosolymitanus Patriarcha Fulcherus moritur. Spelunca trans Iordanem nostris restituitur. Rex in partibus Antiochenis castrum Harenc obsidet: & obsessum occupat.
- XX. Hierosolymis Amalricus Prior Ecclesiæ Dominici Sepulchri in Patriarcham eligitur, de eius electione inter Episcopos oritur contentio.
- XXI. Noradinus in regione Suita, speluncam obsidet nostram: Rex occurrēs obsidionem soluit; pugnat cum nostris Noradinus, & vincitur.
- XXII. Redeunt nuncii, qui Constantinopolim

velim pro regio matrimonio missi fuerant; & Regi uxorem ducens, propter Imperatoris.

XXIII. Imperator Constantinopolitanus Antiochiam venit: princeps Raynaldus de eo quod in Cyprios commiserat satisfaciens, ei reconciliatur.

XXIV. Rex ad partes illas properans, ab eodem Imperatore honeste suscipitur, & infinita reportat munera.

XXV. Imperator Antiochiam ingreditur, in ciues multam liberalitatem exercens: unde postmodum ad propria reuertitur.

XXVI. Hadriano defuncto, in ecclesia Romana schisma oritur periculosum.

XXVII. Noradinus, Iconiensis Soldani fines ingressus, partem eius violenter occupat. Rex Darnasce norum fines depopulatur.

XXVIII. Princeps Antiochenus Rainaldus ab hostibus capitur, & apud Halapiam vinculis mancipatur.

XXIX. Ioannes quidam Romana ecclesie presbyter Cardinalis, in Syriam descendit.

EXPLICIT CAPITULA LIBRI OCTAVIDECIMI.

INCIPIT LIBER OCTAVVS DECIMVS.

UTEREA Rainaldus de Castellione, qui domini Raimundi, Principis Antiocheni viduam duxerat, de quo facto superius diximus, videns quia domino Patriarchæ factum non multum placuerat ab initio, & adhuc in eodem perseverabat, suspectas eius omnes habebat vias. Ille autem tanquam vir & ditissimus & potens, & supremæ auctoritatis, liberè satis, tam de eius persona, quam de eius actibus, tum in secreto, tum in publico sæpius loquebatur. Erant autem nonnulli, sicut in talibus frequenter solet contingere, qui huiusmodi verba, odiorum fomitem quærentes, reportabant: unde motus in indignationem & iram inexorabilè Princeps, domino Patriarchæ violentas iniecit manus; & ausu Diabolico captum, in castellum quod ciuitati Antiochenæ supereminet, ignominiosè deduci fecit: quodque satis videtur abominabile, sacerdotem longævum, Petri Apostolorum principis successorem, virum ægrotativum, & penè perpetuò infirmantem, nudo capite, & melle delibuto, per diem æstivum in sole teruentissimo compulit sedere, nemine contra solis importunitatem præbente remedium, vel gratiâ pietatis muscas abigente. Hoc audiens dominus Rex Hierosolymorum, in stuporem raptus, viri dementis admirans insaniâ, & præ admiratione in seipso deficient, missis venerabilibus nunciis, domino Frederico Acconense episcopo, domino Radulpho eius cancellario, per eos literas dirigit, & auctoritate Regiæ prædictum dementem corripit, & à perpetrata redire monet insania. Ille autem visis nunciis, & regiis perlectis apicibus, postquam eum multis affecerat cõtumeliis, remisit liberum, bona etiam quæ ab eo & suis violenter rapuerat plenè restitutis. Tandem verò dominus Patriarcha Antiochenam deserens diocesim, in regnum se contulit Hierosolymorum. Vbi à domino Rege & eius matre diceretissima, domino quoque Patriarcha, & Regni vniuersis episcopis benignè habitus, per aliquot man-

Facta est autem anno sequenti fames valida super vniuersam terram: & iratus nobis Dominus, omne firmamentum panis contriuit, ita vt tritici modius aureis quatuor venderetur. Quod nisi fuisset frumenti copia, quæ in vrbe Ascalonitana, eâ devictâ, inuenta est, fame regionem oppugnante, popu-

- lus penè deperisset vniuersus. Sequentibus tamen annis; ex quo regio Ascalonæ adiacens, quæ annis quinquaginta metu hostilitatis inculta ~~tauerat~~, postquam agricolarum curam sensit, & populus regionis, metu hostium propulsato, liberè terram exercere potuit, tantà vniuersum Regnum repleuit vbertate, vt omne quod effluerat tempus, habità comparatione ad præsens, ieiunum & sterile meritò quis posset appellare. Diu enim culturæ nescia, vomeris vsum non sustinens, integris in se subsistens viribus, postquam rusticam sensit adesse solitudinem, credita semina, cum scœnore mûltiplici, & fructu sexagesimo reportauit. Dum hæc in partibus geruntur Orientalibus, Romæ defuncto domino *Anastasio* Papa quarto, substitutus est ei dominus *Hadrianus* tertius: hic Anglicus natione, de castello sancti Albani, apud Auinionem ciuitatem Prouinciæ, in Arelatenſi diocesi, Abbas fuit Canonorum regularium in ecclesia sancti Rufi; vnde ad ecclesiam Romanam a domino bonæ memoriæ *Eugenio* vocatus, in episcopum Albanensem ordinatus est, *Nicolaus* nomine. Hic defuncto domino *Anastasio*, qui prædicto domino *Eugenio* successerat, de Noruegia, Occidentali & vltima prouincia, ad quam missus fuerat ab eodem legatus, electioni interfuit, & à clero & populo vnanimiter electus est, & *Hadrianus* appellatus. Contigit autem eodem anno, quòd dominus *Fredericus* Theutonicorum Rex, nondum tamen Imperator, in Italiam cum infinita suorum manu descenderat, & *Dertonâ*, vnâ ex vrbibus Lombardiæ, quam diu obsederat, subactâ, Romam venire, & ibi coronari disposuerat. His autem diebus, inter dominum Papam *Adrianum* (de quo prædiximus) & Regem Siciliæ dominum *Wilelmum*, domini Rogerii bonæ memoriæ filium, graues ex causis quibusdam ortæ erant inimicitia: ita quòd vsque ad odium manifestum, & guerram noxiam prodierat res, ita vt sententiam excommunicationis dominus Papa in eum iacularetur. Dominus tamen *Fredericus*, de quo prædiximus, propositum vrgens, accelerato itinere, infra paucos dies de Lombardia Romam venerat, ita vt subitus eius aduentus domino Papæ, & vniuersæ ecclesiæ Romanæ suspectus esset admodum. Tandem per internuncios pacis ordinatores, interpositis conditionibus solitis, in ecclesia beati Petri solemniter & ex more, sexto Kal. Iulias coronatus est, & *Augustus* appellatus: inde subsecuto triduo, ambo sub ciuitate Tiburtina, in loco qui dicitur ad pontem *Lucanum*, festo die sanctorum Apostolorum Petri & Pauli, hic Imperiali schemate decoratus, ille summi Pontificatus singularia habens insignia, iunctis agminibus, exultantibus clero & populo processerunt laureati. Vnde post diei festi consummationem, in bona pace diuisi ab inuicem, dominus Imperator ad partes properauit Anconitanas, quòd eū Imperii cura trahebat, domino Papâ circa partes Romanas, in montanis vrbibus moram faciente. Interea Rex Siciliæ *Beneuentanam* urbem, ecclesiæ Romanæ familiare domicilium, principibus suis mandat obsideri, & vrgentissimis angustiis eius præcipit arctari habitatores. Quod verbū dominus Papa molestè ferens supra modum, vicem ei aquâ lance volens refundere, principes proprios contra eum nititur armare: nec in ea parte fraudatus est à desiderio suo. Nam potentissimum regni sui Comitem, eiusdem Regis amicæ filium *Robertum* videlicet de *Bassanilla*, cum multis aliis viris nobilibus, quibus auxilium consiliumq; Romanæ ecclesiæ perpetuò non defuturum pollicebatur, contra eum insurgere persuasit. Exules quoque, quos tam ipse quàm pater eius de Regno eiiciens, bonis fecerat extorres paternis, viros incipros, & potentes, dominum videlicet *Robertum* de *Surrento*, principem Capuanum, Comitem quoque *Andream* de *Rapacarina*, & alios multos, exhortationibus suis prouocauerat, vt in Regnū redirent, & ad iure hereditario sibi debitas accederent possessiones, Romanam ecclesiam in perpetuum eis non defuturam, in verbo Pontificali spondens eis firmissimè. Vtrunque nihilominus, Imperatorem Romanorum videlicet, & Constantinopolitanum, alterum ore ad os, & manifestè, qui adhuc erat in Italia; alterum verò per literas, sed occultè, ad occupandum Siculi regnum sollicitat. Sic igitur dum in Italia turbantur tam ecclesiæ, quàm regni Siculi negotia, non fuit quoque tractus Orientalis nostræ absque turba. Nam per idem tempus, vrbe Ascalonitanâ diuino fauore Christianis restitutâ, cum Regni satis prosperè procederent negocia, latis frugibus, cœpit inimicus homo superfeminare zizania, & a Domino praestitæ inuidere tranquillitati. *Raimundus* enim magister domus Hospitalis, vnâ cum fratribus suis, eodem spiritu

ritu repletis, licet aliàs vir religiosus & timens DE VM crederetur, tam Domino Patriarchæ, quàm cæteris ecclesiarum prælatis, multas tã super parrochiali iure, quàm super iure Decimationum, cœperunt inferre molestias: nam à suis episcopis excomunicatos, vel nominatim interdictos, & ob scelera sua separatos ab ecclesia, ad diuinorum celebrationem, passim & sine delectu recipiebant; ægrotis eisdem & viaticum & supremam vnctionem, mortuis verò sepulturam non negabant. Ob enormia verò commissa, si quando silētium ecclesiis vniuersis, vel alicuius ciuitatis, vel cuiuslibet municipii imponebatur, hi primùm & campanarum pulsatione, & vociferatione solito maiore interdictos populos ad diuina vocabāt, vt oblationes & cæteras obuentiones matricibus ecclesiis debitas, ipsi haberent, & aliis lugentibus, soli ipsi lætarentur. Obliti illius verbi egregii prædicatoris: *Gaudete cum gaudentibus; & flete cum flentibus.* Sacerdotes suos, nec admittentes iuxta sanctorum antiquam sanctionem decretorum, locorum episcopis præsentabant, vt cum eorum conscientia in suis diocesibus diuina celebrarēt; nec abiicientes, siue iustè siue iniustè, hoc nomen faciebant episcopis. De prædiis autem suis, & vniuersis redditibus, quocunque iure ad eos deuolutis, omnino decimas dare negabant. Hæc omnium querela aduersus eos Pontificum; hæc iactura omnibus cathedralibus ecclesiis, vbique ab eis irrogabatur: specialiter autem domino Patriarchæ, & sanctæ Hierosolymorum ecclesiæ, hanc Christianis omnibus odibilem inferebant iniuriam: nam ante sanctæ Resurrectionis ecclesiæ ianuas, in ipsius contemptum, & contumeliam ecclesiæ, ædificia cœperunt erigere multò sumptuosiora & sublimiora plurimū, quàm illa habet ecclesia, quæ Domini Saluatoris in Cruce depēdentis precioso dedicata est sanguine, & ei post Crucis patibulum in seipsa gratissimam præstitit sepulturam. Insuper quotiescunque de more dominus Patriarcha, vt ad populum loqueretur, ad locum in quo mundi Saluator pro salute nostra pependit, & totius orbis celebrata est apud eum copiosa redemptio, ascendeat, ipsi vt eius actibus & dispensationi sibi creditæ aliquod præstarent impedimentum, pulsatis campanis tot tantis, & studiose, & tam diū, vt nec domini Patriarchæ sermo sufficeret ad clamandū, nec populus cum licet multum laborantem audire merebatur; cumque super huiusmodi temeritate sæpius cōquereretur dominus Patriarcha ad ciues, & eorum, præsentibus argumentis, deprehenderetur malitia, cōuenti à pluribus, incorrigibiles inuenti sunt, comminantes etiam se aliquando grauiora molituros. Quod & factum est: nam etiam vsque ad eam temeritatem, ausu diabolico & spiritu furoris concepto, perueniunt, vt armis correptis, tãquam in domū alicuius gregarii irrumperent in prædictam DE O amabilem ecclesiam, & sagittas tanquā in speluncam latronum iacularētur multas: quas postmodum collectas, & redactas in manipulum, ante locum Caluarix, vbi crucifixus est Dominus, fune dependentes, & nos ipsi vidimus, & alii viderunt infiniti. Huius autem tanti mali primitiuam originem Romana ecclesia, licet fortasse nesciens, nec multo pōderans libramine, quid ab ea peteretur, diligenter considerantibus videtur intulisse: nam locum prædictum, à domini Patriarchæ Hierosolymitani iurisdictione, cui diū & meritò subiacerat, emancipauit indebitè: vt nec ad DE VM, timorē; nec ad homines, nisi quos timent, habeant reuerentiā. Nec tamen omnes vno iudicio & sublatā discretionis differentiā, in hanc DE O odibilem, & viciorum matrem omnium, inuoluimus superbiam, credētes vix posse contingere, vt in tanto corpore omnes eodem gradientur itinere, & sit nulla differentia meritorum. Vt autem, ex quam modico iactu seminis, tantum locus memoratus cœperit incrementū, quamque indebitè contra DE I ecclesias recalcitrauerit, & vsque hodie recalcitrare non desinat, sumpto aliquantulum altius exordio, præsentī duximus mandandum historiæ, veritatis regulam omnino, auctore Domino, non prætermittentes. Regno Hierosolymorum cum vniuersa Syria & Ægypto, cum adiacentibus prouinciis, peccatis nostris exigentibus, in manus hostium nominis & fidei Christianæ, secundum quod antiquæ tradunt historiæ, deuolutis: quod tempore domini *Eractii* Romanorum Imperatoris, inualescentibus contra eum Arabiæ populis, certum est accidisse: non defuerunt de Occidentalibus multi, qui loca sancta, licet in hostium potestate redacta, aut deuotionis, aut commerciorum, aut vtriusque gratiā, visitarent aliquoties. Inter eos autem qui negotiationis obrētū, de Occidentilibus per illa secula, loca prædicta adire tētauerunt,

fuertunt viri de Italia, qui ab vrbe quam incolunt dicuntur *Amalfitani*. Est autem *Amalfia* ciuitas inter mare & montes eminentissimos constituta, ab Oriente habens urbem nobilissimam *Salernum*, vix septem miliaribus marino ab ea distantem itinere; ab Occidente verò *Surrentum*, & *Neapolim* Vergilianam; ab Austro verò *Siciliam*, ducentis miliaribus, plus minusve modico, remotam, Tyrrheno mari interiacente. Huius regionis habitatores, vt prædiximus, primi merces peregrinas, & quas Oriēs prius non nouerat, ad supra nominatas partes lucri faciendi gratiā inferre tentauerunt: vnde & optimas condiciones apud illarum partium præfides, pro rebus necessariis quas inferebant, & sine difficultate accessum, & populi nihilominus gratiam merebantur. Possidebat illis diebus *princeps Ægyptius* vniuersas maritimas regiones, 10 à Gabulo ciuitate, sita in littore maris iuxta Laodiciam Syriæ, vsque in Alexandria, quæ est nouissima ciuitas Ægypti. Et per præfides singulis ciuitatibus deputatos, imperium suum latè reddebat formidabile. Prædicti verò Amalfitani tam Regis quam principum suorum plenam habentes gratiam, loca vniuersa, quasi negotiatores & tractatores vtilium, tanquam merces circumferendo, confidenter poterāt circumire: vnde & traditionum paternarum non immemores & fidei Christianæ, loca sancta, quoties opportunitas dabatur, visitabant: nō habentes autem in eadem vrbe familiare domicilium, vbi moram possent facere aliquantulam, sicut in vrbibus habebant maritimis: congregatis de suo populo, quotquot ad opus conceptum poterant conuocare, Calypham Ægyptium adeunt, & obtentā familiarium eius gra- 20 tiā, petitionem suam scripto porrigunt, & votis consonè recipiunt impetratum.

V. Scribitur ergo Hierosolymorum præfidi, vt viris Amalfitanis, amicis, & vtilium introductoribus, locus Hierosolymis iuxta eorum desiderium, in ea parte quam Christiani habitant, ad construendum ibi domicilium, quale voluerint, designetur amplissimus. Erat autem ciuitas, sicut & hodie est, in quatuor partes penè diuisa æqualiter, ex quibus sola quarta, in qua *Sepulchrum Dominicum* situm est, fidelibus concessa erat ad habitandum; reliquas autē cum *Templo Domini*, soli infideles habebant domesticas. Designatur ergo eis de mandato Principis, qui sufficiens videbatur ad construenda necessaria locus, sumptaq; à negotiatoribus quasi per symbolum pecuniā, ante ianuam Ecclesiæ *Dominica Resurrectionis*, quantum vix lapidis iactus est, 30 monasterium erigunt, in honore sanctæ & gloriøse Dei genitricis, perpetuæque virginis Mariæ, simul cum & iis officinis, quæ ad vsus monachorum & suæ gentis hospitum susceptionem, poterant aliquam præstare commoditatem. Quo factō de partibus suis, tam monachos quàm Abbatem transferentes, locum regulariter instituunt, & Domino conuersatione sanctā reddunt placabilem. Et quoniam viri Latini erant, & qui locum fundauerant, & qui in religione conseruabant, idcirco ab ea die vsque in præsens, locus ille *monasterium de Latina* dicitur. Accedebant etiā per illa nihilo minus tempora, vt loca deoscularentur venerabilia, sanctæ viduæ & continentes, quæ timoris oblitæ fœminæ, & periculorum quæ multiplicia occurrebant, non habentes formidinem: quibus aduenientibus, cum nō esset intra septa 40 monasterii, vbi colligerentur honestè, congruā satis prouisione procuratum est ab eisdem sanctis viris, qui locum fundauerunt, vt aduenientibus deuotis fœminis, non deesset seorsum oratorium, domus familiaris & locus in diuersorio. Tandemque diuinā fauente clementiā, ordinatum est ibi monasteriolū in honore piæ peccatricis, Mariæ videlicet Magdalenæ; & sorores sub certo numero, ad obsequium aduentantium mulierum constitutæ. Confluebant etiam per illa periculosa tempora nonnulli ex aliis gentibus, tam nobiles quàm secundæ classis homines, quibus quoniam ad Sanctam ciuitatem nō nisi per terras hostium erat accessus, de suis viaticulis cum ad urbem peruenissent, omnino non fiebat residuum: sed miseros & in- 50 opes ante ciuitatis portam, tam diu cum summo labore, fame, siti, & nuditate expectare oportebat, quousque datq; aureo numismate urbem eis licebat introire. Ingressis autem, & locis Sanctis ex ordine peragratīs, non erat eis vel ad vnum diem refectiois spes vlla, nisi quantum eis de prædicto monasterio fraternè ministrabatur: nam omnes alii ciuitatis habitatores Sarraceni erāt & infideles, excepto domino Patriarchā, & clero & popello misero Surianorum; qui diebus singulis tot angariis, parangariis, & sordidorum munerum præstationibus vexabantur, vt vix sibi, in suprema paupertate cōstitutis, in continuo timore mortis, liceret respirare. Nostri ergo

ergo miseris, & ad supremum afflictis & egentibus, cum non esset qui rectum præberet, procuratum est à beatissimis viris, qui monasterium Latinorum incolebant, ut misericorditer victui & regumēto derrahentes, ad opus talium, intra ambitū sibi designatum, Xenodochium erigerent, ubi tales sanos vel egrotantes colligerent, ne de nocte per vias reperti iugularentur; & in eodem loco congregatis, de reliquiis fragmentorum utriusque monasterii, tam virorum quam mulierum, ad quotidianam sustentationem qualemqualem, aliquid ministraretur. Erexerunt etiā in eodē loco altare in honore beati *Ioannis Eleymon*. Hic vir Deo placens, & per omnia commendabilis, natione fuit Cyprius: tandem suffragātibz meritis, factus est *Alexandrinus Patriarcha*, vir in operibus pietatis singulariter excellens, cuius pia studia & liberales eleemosynas in perpetuum enarrabit omnis ecclesia sanctorum. Vnde & à sanctis Patribz vocatus est *Eleymon*, quod interpretatur, *misericors*. Huic autem loco venerabili, quod ita caritatiuē se porrigebat ad homines, neque reditus erant, neque possessiones; sed prædicti *Amalfitani* annis singulis, tam qui domi erāt, quam qui negotiationes sequebantur, collectā inter se quasi per symbolum pecuniā, per eos qui Hierosolymam proficiscebantur, Abbati qui pro tempore ibierat, offerebant, ut inde fratribz & sororibus ad victum & regumen provideretur, & de residuo fieret aduenientibus Christicolis in xenodochio aliqua misericordia. Ita ergo per multorum annorum curricula, quousque placuit summo rerum Opifici, ciuitatem illam, quam proprio cruore mundauerat, à superstitionibus gentilium purgare, sub iis conditionibus mansit locus ille. Adueniente namque Christiano populo, & Principibus à Deo protectis, quibus Regnum illud Saluator tradi voluit, in monasterio foeminarum inuenta est Abbatis fungens officio, quædam Deo deuota & sancta mulier, *Agnes* nomine, nobilis secundum carnem, natione Romanā: quæ etiam postquam ciuitas restituta est fidei Christianæ, per aliquot vixit annos. Et in xenodochio similiter repperus est quidam *Geraldus*, vir probatæ conuersationis, qui pauperibus in eodem loco tempore hostilitatis, de mandato Abbatis & monachorū, multo tēpore deuotē seruierat: cui postea successit *Raimundus* iste, de quo nobis sermo est in præfenti. Sic ergo de tam modico incrementum habentes, prædictæ domus fratres, prius à iurisdictione se subtraxerunt Abbatis: deinde multiplicatis in immensum diuitiis, per ecclesiam Romanam a manu & potestate domini Patriarchæ sunt emancipati: quā perniciosā libertate impetratā, nullam prorsus ecclesiarum Prælati deinceps exhibentes reuerentiā, decimas sibi ex quibuscunque prædiis ad se quocunque iure deuolutis, penitus negant. Hoc exemplo multa de iis locis, quæ dicuntur *venerabilia*, tam monasteria quam xenodochia, quibus Ecclesia de mera liberalitate & solitæ pietatis officio prima præstiterunt iundamina, & ad optata perduxerunt incrementa, tandem ex adipe recalcitrantes, ab uberibus piæ matris, quibus ab initio quasi modò geniti infantes lacte pasci, & solido pro tempore cibo saginati, diuisi sunt, ita ut meritò de eis conqueri possit Ecclesia: *Filios enutriui & occidisti; ipsi autem spreuerunt me*. Parcat eis Dominus, & ad eorum redire concedat, ut matri suæ quam dereliquerunt, dicant seruire in timore: & illi etiam amplius indulgeat, quæ cum haberet centum oves, unicam vidit pauperis, & inuidit: cui à Domino dicitur: *Occidisti, & possedisti*. Væ illi, quicumque sit ille: quia iuxta iudicium Prophetæ, *vir sanguinum est*. Postquam ergo sæpe ac sæpius, tam dominus Patriarcha, quam reliqui ecclesiarum prælati apud eodē fratres sua iura reposcendo non proficiebant, ut præmisimus, ad Romani Pontificis hinc inde processum est auditorium. Assumens ergo sibi dominus Patriarcha, licet longæuus esset, & ferè centenarius, de ecclesiarum Prælati dominum *Petrum Tyrensem* Archiepiscopum, & de suffraganeis eius dominum *Fredericum Accornensem* episcopum, dominum *Amalricum* Sydoniensem episcopum, dominum quoque *Baldunum* Casariensem archiepiscopum, dominum *Constantinum* Liddensem episcopum, dominum *Renerum* Sebastenum episcopum, dominum *Hervertum* Tiberiadensem episcopum, vernalis temporis gratiā respirante, cum prium mare flatibus exagitatū hybernis, spirante Fauonio, cœpit se reddere placabilius, iter aggressi, auctore Domino, *Hydruntum* Apuliæ urbem maritimam prospero cursu attigerunt. Interea dum Pontifices Orientis vna cum domino Patriarcha fines attingissent Apuliæ, ut præmisimus, *Constantinopolitanus Imperator*

verbum domini Papæ securus, inmissis de Principibus suis, cum infinitâ pecunia, consentientibus illarum partium proceribus, regionem violenter inuasit, ita ut postquam dominus Patriarcha cum suis ab Hydrunto usque *Brundisium* peruenisset, domini Imperatoris familia, urbem prædictâ, tradentibus eam ciuibus, iam recepisset in suam, solo præsidio ciuitatis in quo pauci erant, in fidelitate domini Regis perseverante. Comes quoque *Robertus*, de quo superius fecimus mentionem, cum iis qui partes suas, tam Regis odio, quam eius gratiâ sequebantur, *Tarentum*, *Barum*, egregias metropoles, & omnem maritimam regionem usque ad Regni terminos violenter occupauerat. Prædicti verò magni & inclyti viri, *Robertus* Princeps Capuanus, & Comes *Andreas*, vniuersam Campaniam, quæ vulgari appellatione dicitur *Terra Laboris*, usque *Salernum*, & usque *Neapolim*, & usque ad sanctum Germanum, sibi vendicauerant: eratque tota regio in tanto motu, ut nusquâ quies, nusquam securitas esset, transire volentibus. Romanorum etiam Imperator, dominus *Fredericus*, circa partes Aconitanas cum exercitibus suis moram faciens, tantam in legionibus, quas in Italiam introduxerat, cladem patiebatur, ut deficientibus Maioribus & nobilioribus Imperii principibus, vix decimus superesset: unde eos qui supererant, ad propria redire volentes, cohibere non valens, ipse quoque ad reditum, licet inuitus accingebatur. Multa enim supererant negotia, & maxime contra eundem Siculum Regem, quæ eius exigebant præsentiam. Dominus porro Patriarcha cum sui consortibus itineris anxie deliberabat, quâ viâ ad dominum Papâ in tanto tumultu posset accedere: vndique enim prælia, vndique seditiones, omnem videbantur aditum præclusisse. *Ansguetinus* quoque quidam Regis Siciliæ Cancellarius urbem obsederat *Beneuentanam*, nunciis domini Patriarchæ, qui ad hoc missi fuerant, ut ei à prædicto Cancellario ducatum implorarent, omnino negans per partes illas transitum, quæ tamen via multò cæteris erat compendiosior. Tandemque habito quorundam prudentum consilio, viam maritimam secutus, cum omni comitatu suo *Anconam* peruenit: missis inde ex latere suo quibusdam episcopis, qui dominum Imperatorem Romanorum, iam ut prædiximus, ad propria redeuntem, verbis illius salutarerent, & pro negotiis eius ad dominum Papam literas obtinerent Imperiales. Quod & factum est, licet ipse urbem *Senogallias* & *Pisaurum* iam pettranisset, pro redeundo sollicitus. At verò dominus Patriarcha cum suo comitatu Romam versus iter dirigens, dominum Papam à ciuitate *Narni* ingressum, quasi fugientem persequabatur. Tandem Romam veniens, ibique per dies aliquot factâ morâ, cum ei nunciatum esset, dominum Papam apud urbem *Forontinam* gressum fixisse, illuc incunctanter properat, ut de negotio pro quo venerat, experiri tentaret. Dicebant quidam, dominum Papam, ut eum tædio afficeret, & grauaret sumptibus, eum studiosè declinare. nam muneribus infinitis corruptus, in partem Hospitalariorum dicebatur se dedisse procliuem, qui iam ad eum multò antè præuenerant. Alii dicebant, urbis Beneuentanæ gratiâ, quæ obsidione claudabatur, ut diximus, eum tam maturato aduenisse itinere. Illud tamen erat evidens, fauorem suum & familiarium suorum, Hospitalariis nimis familiariter indulxisse: dominum verò Patriarcham cum suis, quasi adulterinos filios, fastu quodam & indignatione à se repellere, quasi indignos. Postquam igitur ad prædictam urbem peruenit, obtulit se de more Apostolicis conspectibus: ubi & malè receptus, & peius habitus, inuitis ex plurimâ parte Cardinalibus, certum de domini Papæ mentis conceptu, & habitudine reportauit argumentum. Ille tamen quorundam prudentum amicorum suorum fretus consilio, totum hoc dissimulans, sicut homo seuerus erat, dominum Papam frequentabat, diebus festis assiduus erat in consistorio, episcoporum suorum cœtu venerabiliter circumseptus: cui etiam aduocatorum turba, quotiens opus erat, iugis assistebat, officium adimplere parata. Datâ igitur vtrisque partibus audientiâ, cum iam per dies multos vtrinque inutiliter esset decertatum, videns dominus Patriarcha, & per quosdam familiares amicos suos intelligens, quòd non proficeret, sumptâ licentiâ, conditionem referens deteriorem, confusione indutus, & reuerentiâ, aggressus est ad propria redire. De tanta autem Cardinalium turba, vix reperti sunt duo vel tres, dominus videlicet *Ostauinus*, dominus *Ioannes* de sancto Martino, qui eiusdem domini Patriarchæ, dum esset Tyrensis Archiepiscopus, Archidiaconus fuerat, qui *CHRISTVM* sequentes, eius ministrum

ministrum in causâ sua piè vellent vouere. Alii omnes abeuntes post munera, secuti sunt vias Balaham, filii Bosor. Dominus verò Papa vrgentibus eū curis domesticis, transcurâ Campaniâ *Beneuentum* peruenit. Interea Rex Sicilia, dominus *Wilelmus*, audiens, & crebris edoctus legationibus, quòd in partibus Apuliæ, Comes *Robertus de Bassauilla*, vnâ cum Græcis regionem occupassent violenter; in Campania verò princeps Capuanus, & Comes *Andreas* latè sua diffunderent imperia, dominus quoque Papa in Beneuentum se receperat, vnde omnibus prædictis vires & animos ministrabat, cōgregatis ex vniuersâ Sicilia & Calabria militaribus copiis, cum ingentibus expeditionibus in Apuliam peruenit. Vbi statim circa Bründusium, fugiente Comite *Roberto*, primo Marte Græcorum fudit copias; & attrito penitus eorum exercitu, duces eorum captos, vinculis mancipauit. Gazas quoque, quas intulerant, valde multiplices, suis intulit tam potenter quàm feliciter vestitiis: Inde receptâ vniuersâ regione, quæ ab eo defecerat, & populis gratiâ restitutâ, Beneuentum obsidet: vbi tantis tam dominū Papam cum suis Cardinalibus, quàm ciues vniuersos affecit molestiis, vt & victus deficeret, & de salute redderet valde sollicitos: vbi nunciis intercurrentibus, quibusdam occultis conditionibus, reformata est pax inter eos, exclusis omnibus illis à fœdere, qui domini Papæ suasionibus, tantis se laboribus immerserunt & periculis. Videntes ergo prædicti nobiles viri, quòd contra spem accidisset eis, & quòd dominus Papa, non obtentâ eis do-

20 mini Regis gratiâ, pacem sibi & Romanæ ecclesiæ, illis exclusis fecerat, solliciti pro se, anxie cœperunt disquirere, quonam pacto possent, sani & incolumes, extra Regnum se facere. Comes itaque *Robertus* & *Andreas*, cum quibusdam aliis nobilibus viris in Lombardiam properantes, ad dominum Imperatorem se cōtulerunt. Princeps verò *Capuanus*, cæteris infelicior, dum *Garilianum* nauigio transire parat, à suis vectoribus, cum suos iam præmisisset, & ipse cum paucis in ripa citeriore iamiam transiturus expectaret, captus est; & Regis fidelibus traditus, in Siciliam deductus est, vbi continuo carcere & cæcitate violenter inductâ, miserabiliter vitam finiuit.

Per idem tempus regno Hierosolymorum satis prosperè per DE I misericordiam se habente, contigit regiones ei adiacentes ex viroque latere, quasi inopinatò

30 miserabiliter concuti. Nam Ægyptiorum quidam potentissimus, *Soldanatus* agens officium, dominum regionis, *Calypham* videlicet, quem Ægyptii pro summo numine colere solent & venerari, accedens ad eum familiariter, tanquam negotiorum eius domesticus procurator, in secretiore palatii cubiculo fraudulenter occidit: hoc autem eâ intentione dicitur fecisse, vt filium suum *Nosferedinum* in Calypham erigeret, & in regni administratione, filio præsidente, sine cura & sollicitudine perseueraret. Arbitratus est autem per dies aliquot rem posse occultari, quousque recepto palatio maiore, & thesauris occupatis ex integro, cœtuque amicorum & familiarium conuocato, volentibus ei hoc quod egerat ad mortem imputare, resistere posset. Sed res longè aliter accidit. Nam modico interiecto tempore, scelus com-

40 missum innotuit, & omnis populus à maximo vsq; ad minimum, tanquã vir vnus, conueniens, domum illius, in quam se perpetrato homicidio contulerat, vndique vallantes, ad pœnas vnâ voce virum sanguinum exigunt, qui domino regionis ausu nefario mortem intulerat. Dumque instant proteruius, videns aliam salutis non superesse viam, thesauros aperiens, aurum, gemmas, & quæcunque habebat desiderabilia per fenestras vociferanti proiicit populo: vt dum in colligendo esset sollicitior, ipse quocunque modo ad iter se præpararet. Quid plura? Egressus cū honesto filiorum ac nepotum comitatu, inuitis eis qui eum obsederant, iter arripit versus solitudinem, Damascum vt dicebatur profecturus: illi autem nihilo segnius eum infectâtes, impedire laborabât. At verò filius eius primogenitus, & alii de familia viri

50 prudentes, & in armis strenui, eos à se longius arcentes, sustinebant impetus, & ad suos propius accedere non permittebant. Interdum etiam & vasa aurea siue argentea, vestesque preciosas, & holoserica æstimationis non modicæ, post se relinquebant ex industria, vt eis properantibus moras innecterent, & pro diuidendis, quæ colligebant, materiam inferrent contentionis. Tandem videntes Ægyptii se non posse proficere, infecto negotio, domum sunt reuersi: ille verò profectus, dum factorum se putat subductum esse insidiis, dum securo graditur itinere, nihil superesse difficultatis arbitrans, dum Scyllam fugit, decidit in Charybdim. Nostri enim audi-

K K K K

to eius transitu, casu præstruentes insidias, in eis more nocere volentiū, absque strepitu latebant: Ille ex improviso in prædictas irruens insidias, primis congressionibus est confossus letaliter, ibique statim gladio vitam finiuit. Erat autem nobili viro nomen *Habeis*, filius verò eius *Noseradinus*, & omnis omnino familia, & vniuersæ illæ diuitiæ, quas secum ex *Ægypto* detulerant, in manus hostiū tradita sunt. Sic ergo opimis onusti spoliis, & qualia orbis noster prius nō audierat, subfarcinati, prædam more solito diuidentes, ad propria sunt reuerſi. Accidit autem, quòd inter cæteros qui eidem negotio interfuerant, fratres Militiæ Templi plures habuerunt milites; & potiores reportauerunt pro numero militum, manubiarum & prædæ portiones. Cecidit enim eis in sortem præter cætera in funiculo distributionis, prædicti nobilis viri filius *Noseradinus*, vir audacissimus, rei militaris singularem apud *Ægyptios* habens experientiam: cuius etiam nomen populis illius regionis esset formidabile, aspectus verò terrorem incutiens, sine consolatione. Hunc porro, cū diebus multis prædicti fratres habuissent in vinculis, & audissimè petens in CHRISTO regenerari, literas iam didicisset Romanas, primæ fidei Christianæ rudimenta edoctus, pro sexaginta millibus aureorum *Ægyptiis* eum ad mortem postulantibus vendiderūt. Traditum autem vincitū manibus & pedibus catenis ferreis, in cauea ferrea camelis imponentes, in *Ægyptum* deduxerunt, vbi inhumanis desideriis suis satisfaciētes, eum mordicitus decerpentes, in frustra minutissima conciderunt.

Anno sequente idem *Rainaldus de Castellione*, princeps Antiochenus, consilio peruersorum, quorum maximè studio regebatur, piaculare iterum committēs flagitium, *Cyprum* insulam nobis vicinam, populis refertam fidelibus, Regno nostro vtilem, & amicā temper, immisſis hostilibus legionibus, violenter occupauit. Causa autem huius tam abominandæ inuasionis videbatur hæc esse: In partibus Ciliciæ circa Tarsum, erat quidam nobilis & potētissimus Armenus, nomine *Toros*, qui domini Imperatoris gratiam, eius efficiēte inconstantia, frequētius demerebatur, & incurrebat offensam. Confusus enim de eo quòd ab Imperio remotus erat plurimū, & quòd in montibus arduis habebat domicilia, per plana Ciliciæ prædam agebat & manubias, nō veritus terram domini sui, modis quibus poterat damnificare, & Imperii fidelibus cuiuscunque cōditionis graues & indebitas inferre molestias. Audiens hoc Imperator, scripsit prædicto *Rainaldo*, quatenus cōuocatā militiā, prædictum *Toros* à suis arceret finibus, & Cilicum sibi subiectorum possessiones ab eius incurſionibus redderet securas: quòd si ad opus complendum pecunia esset necessaria, ipse de thesauris suis tempore opportuno mitteret sufficientem. Factum est ergo, quòd congregatis militaribus copiis, vt Imperialibus deseruiret mandatis, in Ciliciam ingressus, prædictum *Toros* expulit, & exercitum eius vsque ad supremam internecionem deleuit. Expectans ergo honestam *Rainaldus* pro tanto facto retributionem, videbatur ei differri plurimū: vnde moræ impatiens, ad prædictum maleficium conuolauit. Erant autem insulam à quibuscūq; de nostris diligenter præmoniti: vnde & de tota insula vires contraxerāt, qualesquales: sed ingrediens prædictus Princeps *Rainaldus*, eorum statim fudit exercitum; & vniuersas eorum catenas contriuit copias, vt deinceps nec vnus inueniretur, qui contra eum manum auderet erigere. Habens igitur liberos per totam insulam discursus, vrbes cōtriuit, deiecit oppida, monasteria tā virorum quàm fœminarū impudēter cōfregit, expositis ludibrio sanctimonialibus & virginibus tenellis: nam auri & argenti, & vestiū preciosarum non erat numerus, neque finis: sed amittendi hæc populo, comparatione læsæ pudicitie, quasi stercore reputabātur. Sic ergo per dies aliquot per totā debacchantes regionem, dum non esset qui resisteret, ætati non parcunt, vel sexui, conditionum quoque nullam habentes differentiam. Tandem comportatis vndecunq; spoliis & manubiarum infinitate omnimodarum, ad mare se recipiunt, & inde præparatis nauigiis, in partes descenderunt Antiochenas, proſtigatis intra modicum tempus, quas malè acquisierant diuitiis: iuxta id quod prouerbialiter dici solet: *Non habet euentus sordida præda bonos.* Per idem tempus conuenerat præter solitum multitudo inaudita Arabum & Turcomannorum, qui nihilo minus in rentoriis habitant, & de fructu animalium vitam solent, sicut Arabes, propagare, in sylua quæ *Pancadenſi* adiacet ciuitati, & ab ea hodie cognomen ducit vulgare: nam antiquitus, tam quæ ad Septentrionem, quàm quæ ad Austrum procedunt, quæque

quæque ipsum Libanum protegit, omnis sylua *Saltus Libani* dicebatur. unde & de Salomone legitur, quod in ea sumptuosi operis & mirabilis ædificii domum construxit, quæ dicta est *domus Saltus Libani*. Nunc autem ab vrbe (vt prædiximus) proximâ, sylua cognominatur vniuersa. In hanc prænominati populi, impetratâ tamen prius domini Regis gratiâ, & pace solemniter concessâ, animalia introduxerant, equosque; maximè, ad numerû infinitum, pascuorû sequentes cōmoditatem. Accesserunt porro ad dominum Regem viri impii, filii Belial, Domini timorem præ oculis non habentes; suggesseruntque ei, & in malitia sua facilius inuoluerunt, persuadentes vt prodigus fidei, & immemor fœderis, quod cum eis pepigerat, subitò in
10 prædictos viros, qui pabulandi gratiâ tam greges in syluam, quam armenta induxerant, irruptionem faceret: & tam eos, quam eorum pecualia, suis daret ad prædam: quod & factum est. Rex enim ære grauatus alieno, & multis obligatus debitis, cum non haberet unde creditoribus satisfacere posset, procliuus, ad hoc vt quocunq; modo se expediret, patulam prauis incentoribus aurē præbuit, & eorum acquieuit suggestionibus: Nam post consilium abiens impiorum, conuocatâ militiâ, repente irruit super eos, incautosque & nihil tale verentes reperiens, hostiliter circa eos versatus, suis exposuit in direptionem: qui enim ex eis aut equorum vñ
20 velocitate, fugâ saluti consulere potuerunt; aut sylvarum latebris hostem declinare, ipsâ necessitate docente, satagerûnt, vitæ reseruati sunt: reliquis omnibus aut occisis gladio, aut duræ seruituti mancipatis. Facta est igitur manubiarum & prædæ tanta & tam inaudita multitudo, vt par ei in nostris regionibus non dicatur fuisse. Cuius de popularibus & de plebeis, equorum in sortem ceciderat numerus maximus: nec tamen nostris ad aliquem gloriæ vel laudis propagandæ titulû adscribi potest, cum pacis violatores & effractores fœderis, homines incautos, de Regis gratia præsumētes, dum non esset qui eis resisteret, malè pro arbitrio tractauerunt. Sed iustus retributor Dominus, Deus ultionum, non diu passus est nos tam turpibus emolumentis lætari: sed significans, quod *etiam infidelibus, fidei tenor obseruandus sit illibatus*, in nostram confusionem, & commissi criminis pœnam adducens cum eo ultionem, pro omnibus peccatis nostris reddidit duplicia, & multiplicato fœnore, intulit confu-
30 sionem, sicuti in sequentibus dicitur. Nihilò minus etiam per eosdem dies, *Hemfredus* de Torono, regius Constabularius, cum sæpè dictam urbem Paneadem, quæ eius erat hereditaria possessio, sumptibus & curâ continuâ fatigatus, iam solus commodè regere & conseruare non posset, de consensu domini Regis, cum fratribus hospitalis ex æquo diuidit, ita vt totius ciuitatis & suburbanorum omnium fratres prædicti habentes dimidium, impensas tam viles quam necessarias ex dimidio ministrarent, ciuitatis pro parte altera debitam gerentes sollicitudinem. Erat autem ciuitas in confinio hostium posita, eisque valde contermina, ita vt nulli, nisi in manu forti, aut clandestino nimis itinere accedenti, accessus vel discessus inde posset esse nisi cum periculo. Factum est autem, postquam prædicti fratres ciuitatem
40 inde suâ pro parte susceperunt,* vt congregatis alimentorum, armorum virorum copiis, locû certâ die diligentius cōmunire curarēt: collectoq; maximo ad proposituū sufficiente camelorum, & omnimodorum animalium ad sarcinas deputandorum comitatu, simul & militiâ, quæ omnem illam expeditionem violenter in urbem introducerent, ad locum accedebant, urbem ad multa sequentia tempora necessariis communituri. Dumque proficiscendo cum omnibus impedimentis suis vrbi appropinquarent, ecce hostes, eorum aduentu præcognito, eis occurrentes, instantes gladiis, cæsis ex eis quàm pluribus, agmen dissoluunt, cæteris autem fugâ vitæ & saluti consulentibus, sarcinas occupant: qui effugere nequeunt, hostium instantiâ præuenti, aut gladiis intereunt, aut vinculis mancipantur. Sicque quæ
50 pro instruenda ciuitate congesta fuerant, in eius læsionem hostibus sunt concessa. Sæpè autem nominati fratres, similitum casuum formidantes dispendia, à pactis resiliētes prius placitis, urbem cum suis tam oneribus quam emolumentis, domino Constabulario resignauerunt. Nec morâ, sumptâ ex tempore opportunitate, *Neradinus*, ex prædicto successu factus elatior, apposuit eandem urbem, casu prædicto consternatam, obsidere: conuocataque militiâ, & machinis comportatis, ex improviso ante urbem cōsistens, locatis agminibus per gyrum, eam vallat obsidione. Erat autem in parte ciuitatis præsidium, munitum admodum armis, viris, & pro

temporis articulo, victualibus: in quo poterat esse ciuibus secundum captâ vrbe refugium. Tamen præsumentes de ciuitatis munimine, & quod similia sapius fuerant in ea perpeffi, urbem rueri, atque pro ea viriliter stare decreuerunt: potuissentque votis consonè, eam conseruasse intemeratam, nisi de se præsumentes, coepissent incautiùs negotiari. At verò *Noradinus* machinis & tormentis instans iaculatoriis, sagittariorum quoque continuâ & indeficiente vtens operâ, obsessis requiem negat, & fatigatos multipliciter diu noctuque sine intermissione compellit ad defectum. Interemptis enim pluribus, faucibus quoque leraliter nonnullis, pauci erant, qui defensionis officium exequerentur; quod nisi ipse Constabularius cum filio paternæ probitatis æmulatore præcipuo, quorum vterque tanquam pro hereditate propria familiariùs & certatim stare parati, alios suo exemplo ad resistendum animarent, laboris immensitate superati; & impugnantium viribus impares proculdubio defecissent: sed reuocabat eos (vt prædiximus) dominorum præsentia; & eorum virtus indeficiens, ad animandum alios efficax, vires reparabat labentes, & ad dimicandum reddebat fortiores. Dumque die quadam hostes solito instarent, acriùs, accidit, vt qui in vrbe erant, apertâ portâ, vt cum hostibus committerent, egrederentur: dumque incircumspectè se congressionibus offerunt, hostium in se irritant multitudinem: quos dum in se irrunt, ferre non valentes, in urbem se tentant recipere. Factumque est, vt cum præ ingredientium tumultu porta claudi non posset, hostes promiscuè cum ciuibus ingressi sint, cum tanto numero, vt obtentâ violententer ciuitate, non sine periculo, & multorum strage nostros in præsidium ingredi cogerent violententer. Nunciatur interea domino Regi, quod prædicta ciuitas tantas à *Noradino* patiebatur angustias, & quòd ad supremum penè sit inclinata defectum: vnde collectis, quas pro tempore habere potuit militaribus tam equitum quam peditum copiis, ad partes illas cum suis legionibus impiger conuolat: propòsitum habens, aut obsidione urbem prædictam absolueret, aut Martios euentus, & Belli fortunam cum *Noradino* experiri. Audiens igitur præfatus Princeps, quòd eâ intentione dominus Rex adueniret, nolens se dubiis bellorum submittere casibus, solutâ obsidione: priùs tamen vrbe, quam violententer expugnauerat, igni succensâ & suffosâ, ad propria reuersus est: suam tamen, quam semel collegerat, non passus ab inuicem discedere militiam, sed eam secum detinens, & ampliore conuocans, in nemoribus finitimis (quasi mentem habens prælagam) latebat in insidiis, rei exitum præstolaturus. Rex verò ad urbem accedens, & optatum obsessis præstitit solatium; & tam diu præsentem se exhibuit, quoadusque lapsa erigerentur, consolidarentur fracta, & ciuitas in pristinum, reparatis mœnibus, reformaretur statum. Conuocatis enim ex urbibus finitimis, & de Regno vniuerso cœmentariis, & quicumque architecturæ aliquam habere videbantur experientiam, instantiâ diligenti turres ac mœnia reparant, renouant antemuralia; & intra murorum ambitum ciuibus instaurant ex integro domicilia, & publicis ædificiis statum restituant pristinum; quæ omnia *Noradinus* eo tempore, quo eam obrinuerat, funditus deiecerat studiosè, vt prædiximus. His ita peractis, arbitratus Rex cum suis Principibus, moram suam in vrbe prædicta, ciuibus nō multum deinceps esse necessariam: quippe restitutis iam in integrum vniuersis; municipio quoque, armis, victu, hominibus quoque diligenter satis pro tempore communito: dimissis peditum manipulis, ipse cum solis equitum turmis Tyberiadem redire proposuit. Egressus ergo ex eadem vrbe, & in Austrum iter dirigens, secus lacum, cui nomen *Meleha*, castrametatus est, vbi nocte illâ longè aliter, quam disciplina militaris exigeret, & imprudenter se habens, non obseruatâ castrorum lege, requieuit exercitus. Solet enim usu inter homines euenire, vt in prosperis & pro voto successibus circumspectè minus se consueverint habere. Nam miseri regulariter solet adesse solertia rebus. Vnde fortasse dictum est: *Cadent à latere duo mille, sinistro videlicet; & decem millia à dextris tuis*: plures enim, acti prosperis, & successibus elati, solent in præceptis rueret: è diuerso verò dispendiis & aduersis casibus defatigati, propriis edocti periculis, didicerunt se in dubiis habere circumspectiùs; & semper timere fortunam, quam sapius experti sunt in suis negotiis amaram. Rex igitur mente recolens, quòd tantum Principem ab impugnatione urbis obsessâ dimouerat, ratusque eum cum suis expeditionibus longius abiisse, nec facillè in suam aut suorum iniuriam iterum tot nationes in

vnum

Psalm. 90, 7.

vnum conuenire posse arbitratus, imprudentius aliquantulum, & pro singulorum arbitrio indulgentius cœpit se, vt prædiximus, habere. Nunciatur porro hostibus in insidiis cōmorantibus, quod dimissis pedestribus alis domini Regis exercitus, circa lacum *Meleba* securè nimis, & imprudentius se haberet; quodq; de Principibus eius nonnulli, *Philippus* videlicet Neapolitanus, & quidam alii cum suis comitatibus discessissent: videntes rem pro votis accidere, castra mouent subito; & eorum prudentissimo Principe rem (prout expedire nouerat) accelerante, ad partes illas contendunt, & ad Iordanē, qui medius erat inter eos, vsq; perueniunt: quo transito, in eo loco qui vulgari appellatione *vadum Iacob* appellatur, cis Iordanē, quā regius exercitus crastinā transiturus erat die, se locant in insidiis. At verò luce terris reddita, iterum ad proficiscendum noster exercitus, nocturnarum insidiarum nescius, & eorum quæ ab hostibus interim præstructa fuerant ignarus, versus eas partes quas Turci clam occupauerant, iter arripiunt: dumque securi, & nihil prorsus sinistri formidantes proficiscuntur, ecce subito ex insidiis prodeunt, qui ad hoc specialiter conuenerant, vt incautos aggredierentur; securisque, & nihil tale verentibus, strictis se offerunt gladiis, more hostium vulnera & mortem ministraturi. Nostri porro, licet serò, expergefacti, dimissis diuersis confabulationibus, videntes rem agi serio, equos armaq; corripunt: sed antequam ad resistendum præparari & cōuenire possent, ex ordine, dissoluta sunt (hostibus importunè instantibus, & gladiis cominus strenuè decertantibus) agmina, ita vt nusquā de nostris nisi paucissimi cohærent. Rex autem cum paucis qui ei adhæserant, videns acies dissolutas, confusum exercitum hostibus vndique patere ad prædā; hostes vndique inualeſcere, nostros verò iam non deficere, sed ab initio potius defecisse: vt saluti consuleret, prudenter subiit in montem qui vicinus erat: vnde cum summis periculis hostes nunc à dextris, nunc à sinistris, equi cui infidebat beneficio, declinans, in castrum cui *Sephet* nomen, quod in eodem monte situm erat, vix & cum multa difficultate se recepit. Capta est illā die de Principibus nostris maxima multitudo, cæsi verò pauci: nā omnes indifferenter, tam qui rei militaris dicebantur habere prudentiam, & vsum præcipuum, quàm gregarii, hostibus tanquam vilia mancipia, ignominiosæ seruitutis iugum, & perpetuæ infamiæ notam non abhorrentes, vt miseræ vitæ consulerent, sine contradictione se tradebant. Captus est inter cæteros ibi vir nobilis & inclytus, dominus *Hugo de Ibelim*: *Oddo* quoque de *sancto Amando*, regius Marscalcus, *Ioannes Gotmannus*, *Rohardus* Ioppēsis, & *Balianus* frater eius: *Bertrandus de Blanquesfort*, magister Militiæ Templi, vir religiosus, & timens DEVM: & alii multi, quorū nomina non tenemus. Refudit nobis Dominus iuxta meritū viarum nostrarum fructū; & qui innocentes & de nostra præsumētes fide, spretis humanitatis legibus, oppresseramus indebitè, æquā lance pensam reportauimus cōfusionem. *Dati sunt enim inclyti nostri, gentibus in opprobrium; & hostium expositi ludibrio, peccatis nostris exigētibus, traditi sunt in commotionē capitis, in populis: zelus Domini exercituum fecit hæc.* Bene tamen & misericorditer, non oblitus misereri, nec continēs in ira sua misericordias suas, nobiscū fecit: prouidens, vt Regem saluum faceret, qui si illa die defecisset, Regnum omne proculdubio in supremum, quod DEVS auertit, descendisset periculum. *In milite enim, quantumvis eximio, vnius fors est; in rege verò, vniuersorum periculum:* quod satis attendit diligenter qui pro Rege sollicitus erat, *Dauid* fidelis, dicens: *Domine saluum fac Regem.* Rumor interim de Rege varius longè lateq; regionem pro ea sollicitā afficiebat, dicentibus aliis, quia gladiis confossus interierat: aliis, quod inter concaptiuos vinctus, hostibus id ignorantibus, abductus erat; aliis, quod Diuinā eū protegente clementiā illæsum, bellicis tumultibus se subduxerat. Anxiè ergo nimis, & quali mater vnicum habēs filium, piam pro eo gerit plebs vniuersa sollicitudinem: & dum ignorat quid circa eum geratur, quicquid deterius accidere potest, id eum passum affectuosissimè compatiens suspicatur. Ipse verò, regione ab hostibus aliquantulū expeditā, cum paucis admodum, qui cū eo in prædictum oppidum se cōtulerant, adiunctis sibi nonnullis qui casu de hesternis euaserant periculis, ad Acconensem properans urbē, cum plausu populi & exultatione nō modica, quasi rediuuius exceptus est. Factum est hoc anno regni domini Balduini quartodecimo, mense Iunio, tertiodécimo Kal. Iulii. *Ngradinus* verò, sicut erat vir strenuus, & successus suos continuare impiger, transcurſus vniuersis regionibus, & prædis hinc inde

XIV.

Psal. 43, 18.
Esa. 10, 7.

Psal. 19, 10.

XV.

K K K K 3

comportatis, factus locupletior; conuocatis iterum militaribus copiis, & lege edictali ex Damasco & omnibus finibus eius, accitis amplioribus, adiecit iterum, ut *Pamacedem* obsideret: nihil minus suspicans, quam quod per Regem vel eius Principes, quorum vires attriuerat, obsessis ministraretur subsidium. Locatâ igitur secundum propositum, circa sæpeditam urbem obsidione, more iterum hostili, machinis frequentibus, & ordine congruo dispositis, turres concutit, mœnia debilitat, & crebrâ sagittariorum operâ, & telorum instar grandinis immissione, eos qui intus se receperant, vices prohibet exercere resistentis. Ciues autem loci illius, memores, quomodo in proximè præteritâ obsidione, ciuitatem tueri cupientes, in proposito defecerant, præuenire cupientes, in præsidium spontè se receperant vniuersi. Præfecerat autem eidem loco, & curam supremam tradiderat Constabularius, abiens, & aliis tractus negotiis, cuidam consanguineo suo, *Guidoni* videlicet de *Scandalione*, rei militaris experientissimo; sed modicæ fidei, & *DEVM* prorsus ignoranti. Is cum mandantis intuitu, tum prætextu propriæ existimationis, ne quos in rebus bellicis egregiè gestis titulos obfuscaret, verbo simul & exemplo alios ad resistendum animabat; nec defuturum in proximo subsidium, & perennem gloriam benè merentibus, certius promittens: vnde erat, quod omnes quasi pro re propria dimicantes, stupendas se & admirabiles, pro indeficientibus vigiliis & continuis laboribus, hostibus darent. Qui nihilo minùs, omninò resistentibus omninò aduersari parati, sine intermissione molestias inferunt; & maiores habentes numeros, qui alternatim sibi succedere præcipiebantur, eos qui vnde vires repararent, penitus non habebant, ad defectum, anxietatibus quotidianis compellebant. Nunciatur interea domino Regi, sed & Principes qui residui erant in Regno non latebat, quantis anxietatibus, qui in ciuitate obsessi erant, premerentur. Vnde missis legationibus tam ad Principem Antiochenum, quam ad Tripolitanum Comitem, ut morâ postpositâ ad subueniendum maturarent: Rex verò, quod residuum erat in Regno militiæ, missis conuocat præconibus: & accidit Diuinitate propitiâ, ut intra paucos dies, & expectato citius, vterque prædictorum Illustrium, cum honesto comitatu, Regiis se castris, sub *Castello nouo*, in loco qui dicitur *Nigra guarda*, vnde ciuitatem obsessam erat comminus intueri, se intulerint. Audiens ergo Noradinus, quod Principes prædicti cum domino Rege conuenerant & in procinctu erant, ut ad urbem accederet: sicuti vir prouidus erat, & in negotiis suis circumspectissimus, licet oppidum iam ex partibus pluribus effregisset, & iam obsessis nulla spes esset resistendi, tamen bellorum declinans insidias, & casus præliorum ancipites, obsidione solutâ, in vltiores sui Regni partes se cõtulit. Cùm hæc igitur in Regno ita variè multipliciterq; geruntur, & captiuatis nostris ex maxima parte principibus, Regnum in desolatione iaceret, accidit diuinâ nos respiciente clementiâ, Comitem Flandrensiem, dominum *Theodoricum*, inclvum & magnificum virum, cuius introitus in Regno sæpe fuerat utilis & necessarius, cum vxore *Sibylla*, quæ domini Regis ex patre soror erat, in portu Berytentium applicuisse, cuius aduentum, tantâ mentis exultatione vniuersus suscepit populus, ut iam quasi prælagire videretur, Regni pressuras importabiles, eius & suorum introitu, ex parte plurima releuandas fore: nec fraudati sunt à desiderio suo, qui pro Regni tranquillitate erant piè solliciti. Nam statim post eius ingressum, adfuit magni consilii Angelus, qui nostrorum vias dirigens ad Regni compendia, & Christiani gloriam nominis, eos misericorditer præcessit, sicut consequenter dicitur. Interea tamen videntes Regni Principes, tam ecclesiastici quàm seculares, quod Rex virilem iam nactus ætatem, sine coniuge hæctenus fuerat, & pro liberis solliciti, prout oportebat, ut ei filius tanquam heres legitimus in Regnum succederet, consuluerunt in medium, ut Regi liberos non habenti, in honesto matrimonio provideatur. Tandem post multas deliberationum partes, multiplici concurrente ratione, visum est omnibus expedientius esse, cum domino Constantinopolitano Imperatore, super huiusmodi negotio verbum tentare: tum quia nobilium virginum & proximâ consanguinitate iunctarum, in palatio suo non deerat ei copia; tum quia Princeps potentissimus, & inter mortales locupletior, de suis copiis, nostrâ quâ Regnum maximè laborabat, poterat releuare inopiam, & tenuitatem mutatâ conditione reddere superabundantem. Missi sunt ergo de communi cõsensu, ad explendum, auctore Domino, quod conceperant,

ceperant, dominus *Attardus* Nazareus Episcopus, dominus quoque *Henfredus de Torono*, regius Constabularius: qui dispositis pro tempore rebus, mare ingressi, nauigio illuc iter arripuerunt. Interea ne tanti Principis, totq; nobilium fortiumq; qui cum eo venerant, deses & sine fructu iaceret aduentus, adiiciunt de commun consilio, diuinâ eis aspirâte gratiâ, cum omnibus militaribus copiis ad partes se trâsferre Antiochenas: significatoq; eo ipso, tã domino Principi, quã domino Comiti Tripolitano, suggeritur vtriq; familiarius, vt certâ die præparatam habeat vterq; eorum militiam, vt subitus in terras hostium, die conductâ, eorum possit esse introitus. Factum est autem, præuio cœlesti fauore, quod in Tripolitanis partibus, in eo loco, qui vulgò appellatur *La Boquea*, licet ex partibus diuersis, conuenerunt vnanimus. Inde hostium fines ordinatis agminibus violenter sunt ingressi. Sed tamē primâ fronte, non multo lætati sunt successu: nã hostium oppidum, cui vulgaris appellatio est *Castrum Rugium*, multâ expugnantes instantiâ, penitus non profecerunt. Sed debile principium melior fortuna secuta est: suggerente enim domino *Rainaldo* Antiochenorum Principe, & ad id obtinendum plurimum pro viribus elaborante, vniuersi Principes qui conuenerant, cum suis expeditionibus ad partes Antiochenas auspiciis se dirigunt felicioribus. Quò cum peruenissent, eis in ciuitate prædictâ, dum deliberant quid pro tempore sit expedientius, morâ facientibus: ecce gratissimi rumoris nuncius Regem adit & Principes, certo certius asserēs, quod *Noradinus* hostium nostrorum potentissimus, qui iuxta castrum *Nepam* cum multâ militia castra locauerat, aut mortuus erat, aut in incurabilē & desperatam deciderat ægitudine. In argumentum autem suæ assertionis allegabat, quod pridie castra eius ad eò turbata viderat, vt seruos eius & maximē familiares, resq; domesticas passim & sine delectu diripere volētibus, data esse ad prædam assereret: & cum ciuitatu & fletu maximo, & cum intimi doloris euidentibus argumentis, soluta agmina, & confusum exercitum, ad partes diuersas secessisse. Erat autem vero consentaneū, quod prædictus nuncius attulerat: nam in ægitudine inciderat desperatissimam, ita vt extra ordinem solutis agminibus, rapinæ in exercitu impunē fierēt, & nullius cohiberetur violentiâ: sicut apud eos, defuncto domino, solet accidere. Ipse autem in lectica, quasi membris officia negantibus, corpore impotēs, per manus fidelium suorum vq; *Halapiam* delatus est. Comperto igitur nostri rerum statu, videntesq; omnia ad propositum cooperari, cōmuni voto, & approbato cōsilio, nuncios ad potentissimum Armenicorum Principem dominum *Toros* dirigunt, rogantes intimē, & modis quibus possunt id persuadere laborantes, vt omni excusatione postpositâ, cum militaribus auxiliis, Antiochiâ cum eis adesse procuret, & tam fructuosi laboris tantis Principibus se dignetur adhibere consortem. Ille verò susceptâ legatione gauisus, sicut vir impiger erat, & strenuus, conuocatis suorum ingentibus copiis, maturato itinere, Antiochiam peruenit: quo recepto, nostri gaudentes plurimum, eductis expeditionibus urbē egressi, versūs Cæsaram castra dirigunt. Est autem *Cæsara* ciuitas, super Orontem fluuium, qui Antiochiam præterlabitur, sita hanc vulgari appellatione quidam *Cæsaream* appellant, & putant eam esse, quæ est Cappadociæ metropolis eximia: cui beatus & egregius doctor præfuit *Basilius*: sed à vero, qui hoc credunt, exorbitant. Nam prædicta metropolis ab Antiochia distat plusquam itinere dierum quindecim, vel circa id. Hæc autem est in Syria Celes, quæ alia prouincia est, à Cappadociana diocesi multis mediis prouinciis disuncta: nec *Cæsarea* dicitur, sed potius *Cæsara*; vna de suffraganeis urbibus Antiocheni Patriarchatus. Est autem ciuitas satis commodē sita, cuius pars inferior in plano iacet, superior verò in sui fastigio præsidium habet munitissimum longum satis, sed angustum admodum: cui ex altera parte ciuitas, ex altera fluuius, præter naturalem munitionem, robur præstant, & accessum reddunt imperuium. Ad quam nostri ordinatis iuxta rei militaris disciplinam agminibus, accedentes, urbem primo aduentu, locatis ordine congruo singulorum Principum agminibus, obsidione claudunt. Obse. sã igitur ciuitate, & ciuibz hostium metu infra urbem collectis, Rex & qui de foris castra locauerant, locatis machinis & iaculatoriis instrumentis, urbem non cessant molestiis quibus possunt, operâ continuâ & cōtinuis laboribus fatigare. Certant Principes quisque pro sua portione, quæ ab initio sorte obtigerat, suos inuitando, & pollicendo præmia, urbem vehementius impugnare: dumque

KKKK 4

certatim priores urbem effringere cupiunt; dum quisque sibi palmam de prima irruptione vendicare querit, tantam ciuibus inferunt molestiam, ut ex parte qualibet, mortem sibi arbitrentur imminere. Erant enim ciues loci illius rerum militarium expertes, negotiationi dantes operam; præterea & præsentis casus ignari, nihil minus unquam, quam obsidionem formidabant, præsumentes & de domini sui, quem sospitem arbitrabantur, potentia, & de loci munitione. Erant ergo ad huiusmodi portanda onera, propter prædicta impares; & assultus continuos simul & Martios congressus ferre non valentes. Factum est igitur, ut post dies aliquot deficientibus omnino ciuibus, ad impugnantium iugem instantiam effractis mœnibus irruerint nostri in urbem mediam; & captâ violenter ciuitate, oppidanis in præsidium se recipientibus, tradita sunt eis quæcunque in inferioris ciuitatis parte erant residua, & omnia indifferenter sunt ad prædam concessa: vsi ergo pro arbitrio & ciuium domiciliis, & quæ in eis reperta sunt per dies aliquot. Cum satis in expedito videretur esse, ut & præsidium nihilominus cum omnibus qui euadendi gratiâ in illud se receperant, si debita adhiberetur instantia, facilius occuparetur, orta est inter Principes nostros, friuola satis, sed tamen multum noxia contentio. Dominus enim Rex, volens patriæ saluti consulere, videns quia dominus Comes Flandrensi cum militibus, tum pecuniâ sufficienter instructus, locum poterat contra hostium vires & insidias indemnem conseruare, ei ciuitatem ab initio destinauerat: eaque intentione & præsidium instantius decreuerat impugnare, ut utrumque receptum domino Comiti traderet conseruandum, & iure perpetuo hereditarioque nihilominus possidendum assignaret. Hoc autem cum ceteris Principibus valde videretur idoneum, & ad hoc gratuito vnanimiter conuenirent assensu, Princeps Rainaldus ambages intexuit, dicens: *urbem illam cum suis pertinentiis ab initio hereditatis Antiocheni Principis portionem esse; ideoque oportere, ut quicumque eam possideat, Antiocheno Principi fidelitatem exhibeat.* Comes autem supradictus pro eadem possessione, domino Regi fidelitatem deuotè paratus erat exhibere: Principi autem Antiocheno, siue domino Rainaldo, qui in præsentem administrabat principatum, siue adolescenti Beamundo, qui in proximo sperabatur Princeps futurus, omnino se exhibiturum negabat: asserens, *se nunquam nisi regibus fidelitatem exhibuisse.* Ortâ ergo peccatis nostris exigentibus, super huiusmodi quæstione, inter Principes cōtrouersia, neglecto negotio, quod utile plurimum, & ad obtinendum facile imminebat, suffarcinati spoliis, & prædâ usque ad satietatem onusti, Antiochiam cum suis legionibus reuersi sunt. Eodem tempore Noradini frater, *Mirmiram*, audito fratris defectu, credensque cum in fata concessisse, Halapiam peruenit, eamque tradentibus ciuibus, sine difficultate obtinuit: dumque circa præsidium vehementius instaret ut ei traderet, cognito, quia frater eius adhuc viueret, solutis agminibus ab vrbe discessit. Per idem tempus dominus Fulcherus Hierosolymitanus Patriarcha, Latinorum octauus, religiosus ac timens DEVM, Patriarchatus eius anno duodecimo, duodecimo Kal. Decembris, viam vniuersæ carnis ingressus est. Eodem nihilominus tempore, studio & industriâ dominæ Milisendis reginæ, & operâ eorum qui in Regno residuebant, & maximè Balduini de Insula, cui dominus Rex abiens curam Regni commiserat, sollicitudine & vigilantia receptum est à nostris præsidium trans Iordanem, in finibus Galaad situm, spelunca videlicet munitissima, quam à nostris incautè se habentibus, paucis antè annis hostes fraudulenter surripuerant. Super quo missus ad dominum Regem nuncius vniuersas lætificauit cohortes, & audito successu, reddiderat hilariores. Interea Principes nostri qui Antiochiæ demorabatur, etsi prius apud Cæsaram aliquantulum dissoni, ut præmisimus, inuenti fuerant, habentes tandem, Domino largiente, vnanimitatem spiritus, in vinculo pacis iterum adiiciunt erigere se ad opus insigne aliquod & memoriâ dignum perpetuâ. Placuit enim omnibus, & de communi processum est conuentia, ut castrum vrbi Antiochiæ vicinum, vix ab ea distans miliaribus duodecim, prædictæ vrbi damnosum valde, & cuius larga in suburbanis, quæ vulgò *casalia* appellant, potestas & iurisdictio erat, obsideant. Factumque est, ut in die Natiuitatis Dominicæ, vniuersus circa prædictum municipium vnanimiter se locaret exercitus. Noradinus autem eâ quæ eum occupauerat adhuc detinebatur ægritudine, ita ut ex omni Orientali tractu conuocati prudentiores Physici, adhibitis remediis quæ illius infirmitas minus exaudire videbatur,

videbatur, de vita eius desperarent penitus. Hoc autem nostris, fauorabili cœlestis numinis dispensatione, ad propositum maximè cooperari videbatur. Nam vix esse poterat, ut sospite prædicto Principe, & in eolumitatis prærogatiuâ gaudente, nôster exercitus in regionibus ei subditis ita liberas ageret ferias. Rex verò, & qui cum eo erant in prædicto exercitu, occasionem temporis ad suum trahentes compendium, tantò feruentius propositū vrgere, & cœpto simul instant operi, quantò prædictum magnificum virum certò certius norunt non posse suis superesse negotiis. Municipio igitur prædicto in gyrum obsidione vallato, machinas erigunt, & capiunt instrumenta, quibus solent in præsidiiis obsessi amplius molestari. Erat autē

10 prædictum castrum in colle non multum sublimi situm, ita ut videretur agger, cui superpositum erat, comportaticius & manufactus. Vnde maximam dabant, qui in exercitu erant prudentiores, operam, ut scrophas materia competenti intexerent, in quibus liberè delitescerent, qui ad suffodiendum aggerem introducerentur. Videbatur enim eis, nec erat à vero dissimile, quòd aggere per occultos suffosso cuniculos, ædificiorum quæ superposita erant, partem nonnullam corruere oportere: crates quoque vimineas, scalas etiam mediæ quantitatis, & omnia quæ in huiusmodi solent vsum præstare, maturato accelerant studio. Quibus cū omni diligētia præparatis, manipulorum quoque pedestrium, turmarum primiceriis, equitumque magistratibus voce præconiâ & secretioribus suggestionibus indicunt, omnes ut prom-

20 ptâ operâ & vigilantiori studio, ad molestandum obsessos operam darent. Sic igitur certis partibus, singulis principibus designatis, quisque cum domesticis & familiaribus tanquam sibi soli vniuersum incumberet negotium, instabat vehementius: & dum quisque optimos ostentare curat se habere satellites, tantâ opus continuis multibus & cottidianis congressionibus prosequuntur instantiâ, ut multorum opus dierum infra duos menses vigili sollicitudine complerent. Accidit sanè quadam die, quòd machina iaculatoria, quæ in præsidium diebus penè ac noctibus molares immittebat, casu in castrum primicerium, & cui omnis commissâ erat cura, decidit, subitoque oppressum, in fragmenta contriuit: quo defuncto, tanquam pastore percussio, dispersæ sunt oves, & tanquam arena sine calce, sibi inuicem non

30 coherentes, destiterunt ab illa quam prius habuerant resistendi pertinacia. Nostrum autem eo cognito, tantò cœperunt instare vehementius, quantò interiores eis videbantur ad resistendum esse remissiores: nec morâ, paucis interiectis diebus missâ ad dominum Regem legatione, sub conditione ut liberum & tranquillum haberent exitum, & cum rebus suis ad propria reditum, municipium domino Regi restituant, datis eis ducibus, qui eos sine molestia usque ad locum quæ ipsi expetierant, securos perducerent. Sic ergo expugnato castro, & domino Principi, cuius iurisdictionis fuerat, resignato, felici clausulâ consummatis negotiis, Antiochiam sunt reuerfi: ubi valedicentes ab inuicem, dominus Rex, cū magnifico Flandrensi Comite, in regnū est reuersus, domino Comite Tripolitano usque Tripolim eos officiosissime prosequente.

40 Per idem tēpus cū Hierosolymitana, mortuo domino *Fulchero* bonæ memoriæ, vacaret Ecclesia, contigit Ecclesiarū prælatos Hierosolymam conuenire, ut de substituendo tantæ sedis Antistite, secundum statuta Canonū tractaretur. Factum est autem, ut dicitur, quòd contra iuris regulas, tam per interuentum dominæ Milisendis sorore, quàm domina Flandrensi Comitissâ Sibylla, domini Regis itidem sorore, electus est dominus *Amalricus*, Ecclesiæ Dominici Sepulchri Prior, natione Francus, de episcopatu Nouiomēsi, de oppido Neella, vir commodè litteratus, sed simplex nimium, & penè inutilis: promotus est autem, cōtradictibus domino *Hernesto* Casariensi Archiepiscopo, & domino *Radulpho* Bethleemita Episcopo, & appellationum voces exhibentibus. Tandem ille sede potitus, domino *Frederico* Acconensi Episcopo negotium committit, qui ad Romanam accedens Ecclesiam, apud dominum Hadrianum, qui tunc præerat, absentibus aduersariis, multâ ut dicitur interueniente munificentia, eidem gratiam Romanæ sedis obtinuit: & pallium, plenitudinem videlicet pontificalis officii, secum detulit rediens. Conualuit interim medicorum diligentissimâ *Noradimus* curâ, &

50 domino Rege in Regnum reuerso, ipse quoque sospitem plenam adeptus, in partem se contulit Damascenas: ubi ne otium tereret, & à consueta diceretur destituisse vigilantia, æstate sequenti præsidium quoddam nostrum, in regione, quæ dicitur

xx.

xxi.

sancta, situm, congregato exercitu, & ingentibus conuocatis auxiliis repente obfi-
det. Erat autem præsidium spelunca, in latere cuiusdam montis arduo & admodum
denexo sita: ad quam non erat vel à superioribus, vel ab inferioribus partibus ac-
cessus; sed ex solo latere, calle nimis angusto, & propter præcipitium imminens pe-
riculoso, ad eam veniebat. Habebat autem interiùs mansiones & diuerforia, quib-
us suis habitatoribus necessarias poterat præbere commoditates: sed nec etiam a-
quæ viuz & indeficientis eis vena deerat, vt quantum loci patiebatur angustia, lo-
cus satis aptus & regioni plurimùm vilis haberetur. Quod postquam domino Re-
gi fidâ relatione compertum est, assumpto sibi domino Comite Flandrensi, &
conuocatis Regni viribus, illuc cum omni celeritate contendit: iam enim qui intus
erant, obsidionis onera ferre non valentes, conditiones interposuerant, quales ne-
cessitas extorquere solet: videlicet, quòd nisi intra decem dies eis subsidium mini-
straretur, municipium pro certo deinceps resignarent. Porro id ipsum domino Re-
gi notum erat: vnde & quantum poterat maturans subsidium, iuxta Tiberiadem se-
cus pontem, vnde de lacu Genezar Iordanis fluenta se diuidunt, cum exercitu suo
castra locat. Audito igitur *Noradinus* nostrorum aduentu, consilio tractus *Syracuni*
principis militiæ suæ, viri strenui & de se plurimùm præsumptis, solutâ obsidione,
cum suis expeditionibus nostris obuiam se facit. Rex verò audiens, quòd *Noradinus*
occurrere proposuerat, in castra conuocatis summo diluculo Principibus, adorato
suppliciter viuificæ Crucis ligno, quòd dominus *Petrus* prædecessor noster, Tyren-
tis Archiepiscopus, piæ in Domino recordationis gestabat, de communi consensu,
concurrente omnium fauore gratissimo, bellum indicitur. Motis igitur expeditio-
nibus, & arrepto itinere, exultantes animo, tanquam de victoria securi, ad locum
properant, vbi hostium dicebatur esse exercitus: tandemq; pro votis eos habentes
in proximo, armati ad vnguem, & instructis ordine militari cuneis, quos *acies* vocât,
irruunt in hostes vnanimiter, & gladiis instant atrocius, rem pro capite gerentes.
Hostes verò nihilominus nostrorum impetus constantissimè & imperterritè susti-
nentes, gladiis vices referunt; & resistendo viriliter, illatas iniurias à se repellere cõ-
tendunt animosius. Tandem verò post varios euentus, nostris est diuinitus conces-
sa victoria, & hostibus non sine multa suorum strage in fugam conuersis, Rex cum
suis victor campum obtinuit. Factum est autem hoc Idibus Iuliis, anno regni eius
decimoquinto, in loco cui nomen *Puthaha*. Inde progressus, sicuti necessarium vi-
debat, ad præsidium quod obsessum fuerat, cum vniuerso contendit exercitu: v-
bi lapia reparans, & locum armis, victu, & viris prudentibus diligenter cõmunens,
feliciter impleto proposito, soluto exercitu, & ad propria dimisso, reuersus est.

XXII.

Porro de nunciis, vnde superius fecimus mentionem, qui gratiâ coniugii domi-
ni Regis Constantinopolim ierant, mortuus est dominus *Attardus* Nazarenus Ar-
chiepiscopus, corpusq; eius ad propriam, studio & vigilantia suorum fidelium, de-
larum est Ecclesiam. Cui successit dominus *Letardus*, eiusdem Ecclesiæ Prior, vir
mansuetus admodum, affabilis & benignus, qui hodie etiam eidem præest Eccle-
siæ, vicesimum tertium habens in pontificatu annum. Qui autem de prædictis nun-
ciis superfuerunt, dominus videlicet *Henfredus* constabularius, *Ioscelinus* quoq; *Pisellus*,
& *Wilelmus de Barris*, inclyti & nobiles viri, & in secularibus exercitati admodum,
pro iniuncto sibi verbo, apud dominum Imperatorem debitâ instantes diligentia,
tandem post innumeras dilationes, & verborum ænigmata, qualia Græci quælibet
cauillantes, perplexis ambagibus respondere solent, pro votis impetrant: & condi-
tionibus interpositis, tam de dote quàm de donatione propter nuptias, destinatur
Regi vxor virginum illustrissima, quæ in sacris Imperii penetralibus nutriebatur.
Erat autem eiusdem domini Imperatoris neptis, domini *Isaacii* fratris eius, natu se-
prioris filia, *Theodora* nomine, annum agēs tertiumdecimum, formæ venustate sin-
gulariter conspicua, vultus elegantia, & totius corporis habitudine intuentibus fa-
uorabilis. Dotis autem quantitas erat in centum millibus Hyperperorum, iusti pò-
deris, exceptis decem aliis eiusdem monetæ millibus, quos dominus Imperator ad
opus nuptialium expensarum liberaliter concessit; & excepto mûdo virginali, in
quo tam in auro, quàm in gemmis, vestibus & margaritis, tapetis & holosericis, va-
riis quoque preciosis, quadraginta milia iustâ æstimatione poterant computari. Rex
autem proprio scripto apud dominum Imperatorem se obligans, quòd quicquid
eius

eius nuncii cum eo præcisè firmarent, ratum esset habiturus, per legatos spondet fir-
 missimè, quatinus post eius obitum urbem Acconensem cum omnibus eius perti-
 nentiis, totâ vitâ suâ nomine donationis propter nuptias cum omni tranquillitate,
 sine cōtradictione esset habitura. Peractis itaque, & ad consonantiâ redactis vtrin-
 que pactis, designatis eidem illustri puellæ de maioribus Imperii principibus para-
 nymphis, qui eius iter vsque ad dominum Regem comitarentur, cum regis legatis
 iter arripit, in Syriam, ad maritum profectura. Accidit autem, vt Septembre proxi-
 mo, cum omni comitatu suo sospes & incolumis apud Tyrum applicans, infra pau-
 cos dies Hierosolymis (vt regni obtinuerat cōsuetudo) consecrata, & regio insignita
 10 diademate, peractis solēniter nuptiis, viro tradita est. Et quoniam per idem tempus
 Hierosolymitanus electus, consecrationis suæ munus nōdum obtinuerat, nec missi
 ab eo propriæ causæ patroni, à sede Apostolica fuerant reuersi: asciscitur de manda-
 to regio Antiochenus Patriarcha *Aimericus*, qui & Reginæ vnctionis gratiam Re-
 gis conferret, & coniugii vsitata solemnia celebraret. Hic demum vxore tradu-
 ctâ, omnem illam leuitatem, quâ vsque ad illum diem iusto ampliùs dicebatur la-
 borasse, ita penitus deposuit, vt cum Apostolo videretur posse dicere: *Cum essem par-
 uulus, sapiebam vt paruulus, loquebar vt paruulus: ex quo autem factus sum vir, euacuaui qua-
 sunt paruuli.* Nam & vxorem postmodum commendabili dilexisse dicitur affectu, &
 20 thori fidem vsq; ad extremum ei creditur conseruasse illibatam: postpositis itaque
 leuib; actibus quasi mutatus ab illo, seria cœpit amplecti, & attentius tractare salu-
 bria. Eodem anno, dominus Imperator Constantinopolitanus, conuocatis pro
 Imperiali magnificentia ex omnibus Imperii finibus, militaribus copiis; & ingenti
 exercitu ex omnibus tribubus & populis & linguis & nationibus cōgregato, trans-
 30 ito Helleſponto, in Syriam descendere proposuit: transcursisque mediis cum omni
 celeritate prouinciis, ex improviso, ita vt vix cuiquam credibile videretur, cum ex-
 ercitibus suis in Ciliciâ n, circa Decembris initium, subitus aduenit. Huius autem
 tam maturati itineris causâ erat præcipua, quod quidam Armenorum potentissi-
 mus Princeps, *Toros* nomine (de quo superiùs fecimus mentionem) vniuersam Ci-
 liciam, quæ montibus, in quibus ille habebat castra munitissima, subiacebat, ab vr-
 40 be murata vsque ad extremum suburbium violenter occupauit, *Tarsum* videlicet
 primæ, & *Anauarzan* secundæ Ciliciæ metropoles; & alias ciuitates, *Mamistram*, *Ada-
 nam*, *Sisium*, eiectione inde Imperialium negotiorum procuratoribus, in suam redege-
 rat potestatem. Vt autem eum incautum posset opprimere, & iter accelerauerat, &
 occultauerat intentionem. Mouerat eum etiam nihilominus & Cypriorum causa
 lugubris, & fauore digna, in quos tãquam in hostes fidei & detestabiles parricidas,
 Princeps Antiochenus, vt præmissimus, tam inhumanè suam exercuerat tyranni-
 dem. Tam subitus autè, vt prædiximus, fuit Imperialium exercituum aduentus, vt
 prædictus *Toros*, qui Tarsi tunc morabatur, vix liberas ferias habuerit, vt ad mon-
 50 tes vicinos, gratiâ salutis, se conferret, cum ecce legiones, & primi de exercitu, cam-
 pis iam infuderant se patentibus. Quo audito, Princeps Antiochenus *Raimaldus* sti-
 mulis conscientie agitatus, cō quod non multo ante eius aduentum tempore, in
 Cyprios innocentes & immeritos tantâ desæuisset insaniâ, & tam eis, eorumque v-
 xoribus & liberis, Deo & hominibus abominabilem intulisset iniuriâ: timens e-
 ius aduentum, ne fortè prædictorum vociferantium querulis vocibus excitus ad
 vlciscendas eorum iniurias descendisset, cœpit anxius deliberare, nunc secum,
 nunc si quos habebat magis familiares adhibitis, quid eum facere oporteret: &
 quo satisfactionis genere Imperiali se posset de tanta offensa reconciliare amplitu-
 dini. Tantaque cum (vt dicitur) de domini Imperatoris aduentu formido corripue-
 rat, vt nec domini Regis, quem tamen in proximo venturum sperabat, vellet ex-
 60 pectare præsentiam: cum tamen certo certius nosse poterat, eius interuentione &
 studio, & maximè nouæ affinitatis gratiâ, in causâ prædictâ, longè meliores se in-
 uenturum condiciones. Vfus ergo domesticorum consilio, assumptis ex eis pro
 arbitrio nonnullis, domino quoque *Girardo* venerabili Laodicensium Episcopo, si-
 bi factò itineris consorte, in Ciliciam, vbi dominus Imperator erat cum suis expe-
 ditionibus, obrentâ tamen priùs quorundam familiarium domini Imperatoris gra-
 tiâ, qui verbi huius interpretes discurrebant, ad urbem *Mamistram* peruenit: vbi
 post multos circuitus, cū summa ignominia & populi nostri confusione, Imperiali

reconciliatus est excellentiæ. Nudis enim, ut dicitur, pedibus, indutus laneis manicis usque ad cubitum decurtatis, fune circa collum religato, gladium habens in manu nudum, quem mucrone tenens, cuius capulum domino Imperatori porrigeret, coram vniuersis legionibus, domino Imperatori præsentatus est: ibique ante pedes eius ad terram prostratus, tradito domino Imperatori gladio, tam diu iacuit, quousque cunctis verteretur in nauseam, & Latinitatis gloriam verteret in opprobrium,

- xxiv. & in delinquendo & satisfaciendo vehementissimus. Dominus quoque Hierosolymorum Rex, audito domini Imperatoris aduentu, assumpto sibi fratre, & de Regni Principibus electissimo comitatu, relicto domino Comite Flandriæ, qui in proximè futuro transitu ad propria decreuerat redire, versus Antiochiam festinus contendit: quò perueniens, nuncios ad dominum Imperatorem, dominum videlicet *Gaufridum* Abbatem Templi Domini, Græcæ linguæ habentem commercium, & nobilem virum dominum *Ioscelinum Pessel* dirigit, debitæ salutationis affatum per eos officiosissimè dependens, & de eius sciscitans beneplacito, utrum eum ad se vellet accedere, & domini Regis sibi habere præsentiam. Quibus datum est in responsis, ut Regem moneant & inuitent, ut ad eum venire non pigritetur. Insuper & de Imperiali latere mittitur illustris *Apocrisarius*, qui & literis & viuâ voce, tâquam Imperii dilectissimum filium, Regem sollicitet, ut ad eum accedere non recuset. Statuta ergo die, assumpto sibi egregiorum equitum selecto comitatu, illuc perueniens, honestissimè susceptus est: nam statim in occursum ei ab eo diriguntur duo nepotes eius, fratres vterini, Ioannes videlicet Protoseuasto, & Alexius Protostrator, qui inter illustres sacri palatii primum obtinebant locum, cum maximo nobilium comitatu. Deinde ipsis eum ducentibus usque ad ostium tentorii, ubi dominus Imperator cum suis Illustribus residebat, cum multa gloria introductus, humanissimè ab eo salutatus, & ad osculum pacis erectus, secus eum in sede honesta, humiliore tamen, locatus est. Vbi & eius confortibus tam debitæ salutationis affatu, quàm pacis osculo ab eo humanissimè honoratis, de incolumitate tâ domini Regis quàm suorum, qui cum eo aduenerant, diligenter quærit; & vultum exhibens solito lætiorem, verbo & toto corporis gestu significat, eorum se aduentum gratissimè suscepisse, & oblatâ tanti Principis & suorum delectari præsentia. Crebris itaque colloctionibus tam secretis quàm in cœtû procerum, & gratâ circa dominum Imperatorem conuersatione per dies decem, quibus apud eum iugem se exhibuit, sicuti vir gratosus erat, tantum domini Imperatoris & Principum suorum fauorem meruit, & tanto caritatis vinculo eorum cordibus conglutinator est, ut & viuente vnice de cætero tanquam filium dilexerint, & defuncti, apud eos eius memoria usque hodie non desinat esse in benedictione. Et ne apud dominum Imperatorem mora eius esset infructuosa, sicuti vir argumentosus erat, & oculum in secularibus habens perspicacem: videns quòd dominus Imperator extra urbem castra locari præceperat, ut contra prædictum *Toros*, quem odio persequeretur insatiabili, dirigeret exercitus, impetratâ prius licentiâ, cœpit tractare diligentius, quomodo prædictum Principem domino Imperatori reconciliare posset. Vocatoque eo, & præseunte constituto, resignatis præfidiis quæ dominus Imperator reposcebat, in gratiam eum restituit plenior: ita ut fidelitatem ligiam, per eiusdem domini Regis interuentionem, antequam ad propria reuerteretur, manualiter eidem exhiberet. Tâdem à domino Imperatore, prout magnificentia decebat Imperatoriam, cum suis principibus donis vberioribus, & imensa munerum liberalitate cumulatus, prosequente eum vniuersorum gratiâ, Antiochiam reuersus est. Audiuius à quibusdâ, omni exceptione maioribus & fide dignis, quòd exceptis illis, quæ eius confortibus prodigâ liberalitate contulerat, quæ infinita credebantur, soli domino Regi viginti duo milia Hyperperorum, & tria milia marcarum argenti examinatissimi, exceptis vestibus & holosericis, & vasis preciosis, dicebatur largitus. Antiochiam verò veniens, fratrem suum dominum *Amalricum* Ioppensem & Ascalonitanum Comitem, cum domino *Hugone de Ibelino*, qui nuperrimè de hostium vinculis redemptus, postliminio reuersus fuerat, ibidem reperit. Qui & ipsi dominum Imperatorem adire cupientes, illucque postmodum profecti, ab eodem domino Imperatore benignè suscepti, tractati honestius, de more Imperiali, donis vberioribus honorati, gaudentes ad dominum Regem remissi sunt.
- xxv. Peractâ igitur in Cilicia Dominicæ Pathe solemnitate,

mnitate, transcurfis diebus celebribus, versus Antiochiam exercitus dirigit, & legionibus vsque ad urbem applicatis, pro foribus eius astitit in infinita multitudine formidabilis: vbi dominus Patriarcha cum vniuerso clero & populo, cum textibus Euangeliorum, & omnimodo Ecclesiarum ornatu, obuius adfuit. Rex quoq; cum Principe eiusdem loci, & Ascalonitano Comite, cum vniuersa tam Regni quàm Antiocheni principatus proceribus ei obuiam exiens, cum summa gloria, Imperiali diademate laureatum, & Augustalibus decoratum insignibus, cum tubarum stridore, & tympanorum strepitu, cum hymnis & canticis in urbem introducunt, & vsq; ad cathedralem Ecclesiam, ad basilicam videlicet Apostolorum Principis, deinde ad palatium cum eadem patrum & plebis prosecutione deducit. Vbi cum per aliquot dies balneis, & cæteris corporalibus deliciis operam dedisset, effusa in populum ciuitatis, more solito rogâ liberalissimâ, proposuit venandi gratiâ vrbe exire; & ad loca venatui apta, gratiâ tollendi exire fastidii, dominum Regem secum trahens, eiusdem operis consortem. Accidit autem, vt prædicto studio insistentes, die solenni Ascensionis Dominicæ, dum saltus more circumeunt venatorio, Rex equi cui infederat raptus impetu, per loca humilibus fructibus & sentibus obsita, casu raptus in præceps, & ad terram cum equo prouolutus, brachium fregit: quod vt domino Imperatori innotuit, ei multâ humanitate compatiens, chirurgicorû implens officium, flexo ante eum genu, tanquam vnus de popularibus operam ministrabat diligentem: ita vt cum indignatione stupeant, & mirarentur eius principes & cõsanguinei, quòd maiestatis oblitus Imperatoriæ, & Augustalem negligens dignitatem, Regi se exhiberet ita deuotum & familiarem, quòd etiam eorum cuilibet videretur indignum. Redeunt ergo inde ob casum qui acciderat Antiochiam, per dies singulos visitationis gratiâ dominum Regem adibat, & cataplasmatibus innotatis cum vnguentis necessariis fasciâ iterum diligenter inuoluebat: tantâ circa eum curâ sollicitus, quâ maiorem vix posset ægrotanti adhibere filio. Domino igitur Rege plenam conualescentiam assecuto, præcipit Imperator, & voce præconiâ notum fieri mandat primiceriis legionum, vt certâ die versus *Halapiam* acies dirigant, & machinas cum bellicis instrumentis ante se faciant deportari: ipse verò cum domino Rege, & vtriusque Principibus, cum tubis & tympanis, & præliorum incitoribus lituis, vrbe postmodum egressus, in eo loco qui vulgò appellatur *Vadum Balene*, substitit, & exercitus vniuersus. Inde missis nunciis ad *Noradinum*, qui fortè Halapiæ tunc erat, obtinet per legatos, quendam *Bertrandum* comitis sancti Egidii naturalem filium, cum quibusdam aliis concaptiuis sibi dari. Ipse verò postmodum non multo interiecto temporis intervallo, reuocantibus eum curis domesticis, ad propria reuersus est. Rex etiam post domini Imperatoris discessum, cum suis quos secum eduxerat, in Regnum se recepit. Per idem tempus domino *Hadriano* Papà apud Anagninam urbem Campaniæ morbo squinantia defuncto, corporeque eius Romam translato, & in basilica beati Petri Apostolorum principis honorificè sepulto: dum de substituendo pastore inter Cardinales haberetur tractatus, sicut in talibus solet frequenter contingere, diuisa sunt eligentium desideria: ita vt pars eligeret dominum *Rolandum* eiusdem Ecclesiæ presbyterum Cardinalem, tituli beati Marci, qui idem erat sedis Apostolicæ cancellarius, cui manus imponentes, & ordinantes Episcopum, *Alexandrum* appellauerunt. Alii verò dominum *Octavianum*, virum secundum carnem nobilem, eiusdem Ecclesiæ presbyterum Cardinalem tituli sanctæ Cecilie trans Tyberim: cui etiam nihilominus manus imponentes, Episcopum constituerunt, vocantes eum *Victorem*. Cuius schismatis occasione, vniuersa Latinorum Ecclesia, peccatis nostris exigentibus, paulò minus habuit diuidi, & irreuocabiliter ab inuicem separari, maioribus Orbis Principibus certatim partibus gratiam suam & fauorem ministrantibus. Tandem anno nonodecimo, redeunte ad vnitatem Ecclesiæ, domino *Frederico* Romanorû Imperatore, qui parti oppositæ auxilium suggerebat, & consilium; & domino *Alexandro* Papæ plenâ caritate reconciliato, reddita est pax Ecclesiæ, & depulsis errorum tenebris, resplenduit tranquillitas, quasi stella matutina in medio nebula. Interea *Noradinus* latus admodum de Imperatoris discessu, cuius aduentus magnum, præsentia maiorem ei terrorem incusserat, securus iam de cætero de tanti Principis suspecta nimis potentia, videns etiam dominum Regem ad propria reuersum, occasionem se arbitratus reperisse,

XXVI.

XXVII.

L L L L

qualem à multis retro tēporibus desiderauerat : conuocatā ex vniuersis finibus suis
 militiā in terram *Soldani Iconiensis*, quam sibi habebat conterminam, expeditiones
 dirigit, & urbem *Mares*, simul & oppida *Cressum* & *Behetselein*, in suam fatagit redige-
 re potestatem. Soldanus autem, ab illis remotus partibus, non faciliē suis poterat
 ministrare subsidium: vnde & eā fiduciā contra fortiorem se, hoc præsumpserat
 aggredi *Noradinus*. Cognito autem dominus Rex, quod circa partes illas cum o-
 mnibus viribus suis detineretur occupatus, volens illius occupationes ad suum tra-
 here compendium, sciens Damascenorum fines absque militarium virorum ro-
 bore, hostium faciliē patere insidiis, congregato exercitu, regionem Damasceno-
 rum ingreditur, & cuncta pro arbitrio incendiis tradens, & praeda, ab *Offro*, pri-
 mae Arabiae famosa metropoli vsque Damascum, nemine contradicente, liberē
 contraducebat exercitum. Erat autem Damasci quidam nobilis *Negemedinus* no-
 mine, cui ob plurimam rerum secularium quam habere dicebatur experientiam,
 negotiorum suorum curam commiserat, & urbem cum suis pertinentiis pro eius
 arbitrio eidem tradiderat gubernandam. Hic videns dominum suum in regione
 remota magnis occupatum negotiis, seq; virorum militarium copias non habere,
 quibus Regiis viribus posset resistere, tanquam vir prouidus, & instantia pericula
 a se quærens propellere, oblatis quatuor millibus aureorum, pacem trium mē-
 sium postulat, & multiplicatis sibi datā pecuniā intercessoribus, impetrat postula-
 tam, datis insuper sex gregariis militibus, quos in vinculis detinebat. Sic ergo Re-
 gem cum suo exercitu à patria sua prudenter amouit. Interea domina *Milifendis* Re-
 gina, mulier prouida, & supra sexum discreta foemineum, quæ Regnum tam viuēte
 marito, quàm regnante filio, congruo moderamine annis triginta, & ampliùs, vires
 transcendens foemineas rexerat, egritudinem incidit incurabilem, de qua vsque ad
 obitum salutem non recepit, licet vtraq; fororum eius tam domina Tripolitana Co-
 mitissa, quàm domina Abbatissa sancti Lazari de Bethania, omnem circa eam im-
 penderent diligētiam; & accitis medicorum vndecunq; peritissimis, remedia qua-
 lia videbantur necessaria, non cessarent ministrare: ipsa verò aliquantisper læsa me-
 moriā, corpore quasi consumpto, lecto decumbens, multo tempore, paucissimis
 ad eam referato accessu, iacebat quasi dissoluta. Rex autem interim effluxo tem-
 pore, quod *Negemedino* Damascenorum procuratori constituerat, temporeque fœ-
 deris quod initum fuerat decurso, *Noradino* adhuc circa partes prædictas, non-
 dum completis negotiis occupato, hostium fines violenter ingreditur, & pro arbi-
 trio regionem discurrens, prædas trahit liberē, incendia procurat, manubias agit si-
 ne contradicatore: & depopulatā regione, effractis suburbanis, captiuatis loco-
 rum incolis, iterum sospes ad propria reuersus est. Non multo autem interiecto
 tempore, accidit quod princeps Antiochenus *Rainaldus*, cognito per exploratores,
 quod in partibus illis, quæ & aliquando fuerant Comitum Edessani, inter *Maresiam*
 & *Tulupam* absque militaribus viris, terra armentis & gregibus referta, locorum
 incolis armorum vsum nescientibus, faciliē posset patere ad prædam: credulus, au-
 rem præbet dictis eorum facilem, & collectā ingenti militiā, infaustis auibus iter
 aggreditur. Perueniensque ad loca prædicta, dictorum plenam inuenit fidem: nam
 procukdubio armentorum & gregum stupendam reperit multitudinem: sed popu-
 lus cuius hæc erant, populus fidelis erat. Tota enim illa regio non nisi in præditiis
 Turcos habet, paucos admodum, qui & præsidia tuentur, & rusticorum præstatio-
 nes colligunt, dominis maioribus, quorum procuratores sunt, conseruandas. Sub-
 urbana autem soli Christiani, Suriani & Armeni inhabitant, & agriculturæ operam
 dant, & rura colunt. Collectā igitur ex diuersis partibus prædā, & manubiis nemi-
 ne prohibente comportatis, onusti spoliis, & multimodā suppellectile locupletati,
 sospites & cum omni tranquillitate reuertebantur: cum ecce *Megedin* præfectus
 Halapiensis, *Noradino* familiaris, & fidei synceritate coniunctissimus, assumptā
 sibi vniuersæ regionis expeditiore militiā, eius præcognito reditu, maturat ei exi-
 re obuiam, ut sarcinis & prædā oneratos, aliquibus locorum angustiis, aut impedi-
 tos opprimeret, aut saltem impedimenta relinquere compelleret violenter. Factūq;
 est, ut iuxta prudentis viri conceptum, properantes illi obuiam, ducibus itineris qui
 de exercitu Principis aduenerant, ad locum perueniunt destinatum, proximum sa-
 tis regioni, vbi Princeps cum vniuersa præda castra locauerat. Qui cognito hostiū
 aduentu,

aduentu, cum suis deliberat, quid eum in præfenti necessitate oporteat facere: relictoque saniore consilio, videlicet, ut prædâ dimissâ, expeditiores sine multa difficultate redirent ad propria: elegerunt, ut prædâ & spolia non deferentes, cura hostibus, nisi per eos staret, strenuè decertarent. Manè itaque factò, & die iam aliquântulum adultâ, concurrentibus agminibus pugna committitur, instantibus hostibus arcubus & gladiis, studio valde pertinaci. Nostri autem, etsi primâ facie animû resistendi visi sunt habuisse, nouissimè tamen mente consternati, terga dederunt, fugâ dimissis spoliis eligentes. Princeps autem, peccatis suis exigentibus, omnes quas commiserat impietates, corporaliter luiturus, captus est, & compedibus religatus, Halapiam cum aliis cõcaptiuis spectaculum factus populis infidelibus, cû summa ignominia deductus est. Factum est autè hoc, anno regni domini *Balduni* decimo octauo, mense Nouembre, nono Kal. Decembris, inter Creslum & Mares, in loco qui dicitur *Commi*. Per eodẽ dies, quidam *Ioannes*, vir admodum literatus, Romanæ Ecclesiæ presbyter Cardinalis, tituli sanctorum Ioannis & Pauli, missus à domino *Alexandro* Papa ad partes Orientales legatus, apud *Biblum*, cum quibusdam Ianuensibus applicuit. Volens igitur impetratâ licentiâ, tanquam Legatus in Regnum introire, prætentauit domini Regis & aliorum Regni Principum, tam ecclesiasticorum quàm secularium mentes, quidnam de eius ingressu sentirent. Diuisus enim erat, ut prædiximus, occasione schismatis oborti, penè orbis vniuersus: aliis domino Papæ *Alexandro*, aliis parti oppositæ fauentibus. Vnde post multam deliberationem, mandatum est ei ex parte, ut subsisteret, nec in Regnum præsumeret ingredi, quousq; habitâ cû prælatis Ecclesiarum & Regni Principibus pleniore deliberatione, ei de cõmuni consilio mandaretur, quid eum facere oporteret. Interim ergo conuocatis apud *Nazareth*, tam domino Patriarchâ, quam reliquis ecclesiarum prælatis, de Principibus quoque nonnullis cum domino Rege assistentibus, cœperunt deliberare, quid in tanta ambiguitate factò esset expedientius. Omnes enim Orientis Pontifices, de vtroque patriarchatu, in neutram partium manifestè declinauerant, in occulto tamen, aliis huic, aliis illi suum fauorem præstântibus. Factum est autem, sicut in talibus solet contingere, quòd dissentientes ab inuicem, & votis eorum in plura distractis, alii diceret, quòd dominus *Alexander* & eius Legatus susciperetur, utpote causam fouens potiore: quorum Princeps erat dominus *Petrus*, piæ in Domino recordationis, prædecessor noster, Tyrësis Archiepiscopus: Alii è conuerso domini *Victoris* causam præferentes, & eum semper Regno amicum & tutorem fuisse asserentes, Legatum nullo modo recipiendum esse censebant. Rex autem mediam quandam viam sequens, cum suis Principibus & de ecclesiarum prælatis quibusdam, timens ne Episcopi inter se diuiderentur & scinderetur Ecclesia, persuadebat neutram partium recipiendam esse: Legato verò, tanquam peregrinus, orationis gratiâ, absque insignibus Legationis, ad loca Sancta vellet accedere, dandam esse licentiam, & concedendam libertatem moram in Regno faciendi, vsque ad primum transitum, ex tunc redeundum ei esse. Allegabat etiam, & dictorum suorum causam subiungebat & rationem, dicens: *Schisma recens est, necdum orbi innotuit, vter eorum causam foueat potiore: periculosum autem esse, in re dubia partem sibi ex sententia deligere, & de re incerta diffinitiuam præcipere sententiam. Præterea, nec Legato opus esse in Regno, qui Ecclesias & monasteria grauet impensis, extorsionibus attenuet.* Hæc erat domini Regis sententia: quæ licet vtilior videretur, tamen præualuit eorum sententia, qui legatum esse recipiendum asseriebant. Vocatus igitur in Regnum venit, multis quibus aduentus eius placuerat, postmodum onerosus. Per illud tempus natus est domino *Amalrico* Ioppensium Comiti, ex *Agnete* filia Comitissæ Edeffani, filius, quem patris rogatu, Rex de Sacro fonte suscipiens, suum ei nomen imposuit: cumque ab eo iocosè quæreretur, *Quid nam nepoti, & filio de Sacro fonte suscepto donaret?* respondit, sicuti homo iocundi & vrbani sermonis erat, *Regnum Hierosolymorum.* Quod verbum quibusdam prudentibus, qui hoc audierant, altius descendit in pectus, notantes: quòd licet iuuenis esset admodum, & vxor eius adolescentula, præfagire videbatur, quòd absque liberis foret ex hac luce subtrahendus: quod & factum est. Capto igitur Principe, & Antiochenâ prouinciâ rectoris solatio destitutâ, populus iterum regionis, timore & anxietate corripitur, & diebus singulis regionis desolationem, nisi Dominus eos custodiat, animis suspen-

XXIX.

XXX.

sis expectat: tandemque visum est ad solitum recurrere auxilium, & ab eo contra mala imminencia petere solatium, unde sine repulsa sæpius obtinuerant postulat-
tum. Missa igitur legatione, & adiunctis precibus lachrymosis, dominum Hieroso-
lymorum Regem suppliciter inuitant, ut ad subueniendum genti desperatæ, popu-
lo pereunti, honorem & gloriam ab hominibus, & à Domino præmia relaturus æ-
terna, venire non moretur. Rex autem miserabili regionis illius casu cognito, præ-
decessorum suorum vestigiis inhærens, eorum anxietatibus compatiens, laborem
deuotus amplectitur; & assumptâ secum honestâ militiâ ad partes accelerat Antio-
chenas: ubi cum omni gaudio & animorû exultatione, eius à patribus & plebe su-
sceptus est aduentus. Residens ergo in eadem ciuitate quantum temporis & loci
deposcebat necessitas, negotiis Principatus tanquam suis propriis exactissimam ad-
hibet diligentiam: & regionis procuratione domino Patriarchæ ad tempus, vsque
dum redeat commissâ, honestisque sumpibus dominæ Principissæ constitutis, re-
rum domesticarum sollicitudine reuocatus, reuersus est ad propria. Porro domino
Rege in Regnum reuerso, ecce adsunt domini Imperatoris Constantinopolitani,
viri spectabiles, & in sacro Palatio præclari, Legati Imperiales, literas cû aurea bul-
la, simul & verba secretiora ad dominum Regem deferentes. Horum autem pri-
mus erat, vir illustris *Gundostephanus* eiusdem domini Imperatoris consanguineus:
secundus erat maximus Palatinorum interpretum, *Triffillus*, homo vaser, & pro ne-
gotiis Imperialibus valde sollicitus: qui, ut prædiximus, sacrosapices detulerunt,
quorû tenor erat, ut in summa dicatur, talis: *Noueris, nobis dilectissime & Imperio nostro*
acceptissime, quod salix & inclyta in Domino recordationis Hirene, sacri Imperii nostri con-
sors, diem vite clausit extremum, electis spiritibus socianda, unica nobis filia communis Im-
perii herede relicta. Nos autem de Imperii successionem solliciti, & melioris sexus sobolem non ha-
bentes, de secundis votis cum illustribus sacri palatii diligentem sæpius habuimus tractatum.
Tandem de vniuersorum principum fauore & consensu placuit, ut de sanguine tuo, quem unico
diligit nostrum Imperium, nobis in consortium iungamus Imperii: & utram consobrinarû tua-
rum seu illustris viri Comitis Tripolitani sororem, seu magnifici viri principis Antiocheni ger-
manam iuniorem nobis elegeris, nos pro tua optione, sinceritati tue omnem fidem habentes, eam
nobis in thori sociam & Imperii participem, auctore Domino assumemus. Cognitâ ergo
Rex, domini Imperatoris, tum ex eius literis, tum ex nunciorum viuâ voce, inten-
tione, spondet obsequium, operam promittit, & gratias multiplices Imperatoriæ
soluit maiestati, tum quia de sanguine eius in tantam eminentiam sibi associare
proposuit; tum quia eius fidem commendans, in eius ponit arbitrio, utram ipse de-
legerit, eam in thori participem & Imperii consortem assumpturum. Rex er-
go habitâ deliberatione cum suis familiaribus, quid sibi & Imperiali celsitudini, in
præsenti facto magis conueniat, cõuocatis Imperialibus nunciis persuadet, & præci-
pit, quatenus *Milisendam* bonæ indolis adolescentulam, domini Comitis Tripoli-
tani sororem, domino suo suscipiant in uxorem. Illi verò cum summa reuerentia
domini Regis amplectentes verbum, præstiterunt assensum: contestantes tamen,
quod hoc ipsum domino Imperatori per nuncios & literas significari oporteret. Præ-
parantur interea virgini tanto culmini destinatæ, à matre & amita, fratre & amicis
omnibus, immensorum sumptuum ornamenta, & modum nescientia, supra viros
Regias: murenulæ, in aures, spinteres, & periscelidæ, annuli, torques & coronæ ex
auro purissimo: vasa quoque argentea, immensi ponderis & magnitudinis; inaudi-
tæ ad vsum coquinæ, escarum & potuum, & lauacrorum obsequium præparan-
tur, exceptis frænis, sellis, & ut breuiter dicatur, omnimodâ supellectile: quæ omnia
tam infinitis præparabantur impensis, & tanto studio procurabantur, ut ipsa etiam
opera suum prædicarent excessum, & regium luxum facillè superarent. Interea dum
Græci singula ad vnguem perscrutantur & rimantur interiùs de moribus puellæ, &
de occultarum corporis partium dispositione, dum nuncios frequentes ad Impe-
ratorem dirigunt, & eorum præstolantur recursum, annus effluxit: quod valde mo-
lestè ferentes tam dominus Rex & Comes, quàm reliqui eiusdè virginis cognati &
amici, Imperiales nuncios publicè conueniunt, alterutrum duum proponentes. Ut
aut præcisè à verbo diù tractati desistant matrimonii, & expensas resarciant: aut de-
sinant morarum perplexitates intexere, & consummato negotio iuxta conuentio-
nes initas finem imponât. Comes autem multiplicibus grauabatur impendiis: nâ &
duode-

et decem galeas fieri iusserat, & eas instruxerat usque ad plenum, quibus sororem
 usque ad maritum prosequi decreuerat, & tam de Principatu quam de Regno om-
 nes maiores apud Tripolim conuenerant, expectantes Dominæ in proximo fu-
 rorum exitum: quibus Comes ex toto, aut ex parte plurima, providebat necessaria.
 Græci autem more suo amphibologicè respondentes, rem adhuc protrahere nite-
 bantur: verum dominus Rex eorum sophisticis occurrens moliminibus, specialem
 super eo negotio, ad dominum Imperatorem, dominum *Ottone de Risbergis*, dirigit
 nuncium, obnixè postulans, ut ei per eundem voluntatem suam præcisè declareretur:
 qui sperato citius ad dominum Regem rediens, & viua voce & literis edocet domi-
 no Imperatori quæ tractata erant, de prædicto matrimonio, omnia displicere: quod
 intelligens Rex, à verbo destitit, pro multa ducens ignominia, quod id quod eius
 interuentu credebatur esse tractatum, & partibus suis absolutum, in irritum deue-
 nisset, & præculdubio in suam videbatur redundare iniuriam. Porro domini Impe-
 ratoris nuncii, Comitis Tripolitani indignationem formidantes, inuentâ casu na-
 uiculâ, in Cyprum se fecerunt deportare. Soluta itaque cœtu optimatum, qui apud
 Tripolim conuenerant, dominus Rex in partes secessit Antiochenas, quarum cu-
 ram, ut prædiximus, à populo regionis diligenter expetitus, sibi assumpserat: ad quas
 cum peruenisset, eosdem Imperatoris nuncios reperit, quos à Tripoli credebat ab-
 iisse. Hi cum domina Principissa pro filiarum eius nouissima, *Maria* nomine, quoti-
 dianum & familiarem habebant tractatum. Insuper & domini Imperatoris auro si-
 gnatas in præsentem habebant literas, quibus ratum se habiturum, quod per eorum
 manum de præsentem matrimonio, cum domina Principissa vel amicis eius firmaretur,
 promittebat. Præsens ergo factus Rex, communicato ei verbo, etsi in priore fa-
 cto læsus videretur, catenus ut meritò in præsentem operam, & studium domino Im-
 peratori posset subtrahere, tamen gratiâ cōsanguineæ, quæ pupilla erat, & patris de-
 tituta solatio, partes interponit suas, & post multas dilationes, effectui satagit inani-
 cipari. Completo itaque negotio, galæis in faucibus Orontis fluminis, in loco qui
 dicitur *portus sancti Symonis*, præparatis, traditâ puellâ, prosequentibus eam de ma-
 gnatibus regionis, qui ad hoc videbantur idonei, & usque ad maritum viâ consor-
 tibus, iter arripiunt. Interea dum Rex in partibus illis moram faceret, ut eius
 præsentia regioni esset utilis, castrum quod super pontem fluminis *Orontis* (qui vul-
 go dicitur *Pons ferri*) aliquando fuerat, ab urbe Antiochena quasi sex aut septem di-
 stans miliaribus, reedificauit, vtiliter satis, ad cohibendum hostium discursus & la-
 trocinantium introitus occultos. Occupato ergo eo circa partium illarum nego-
 tia, pia mater eius longo macerata languore, & continuis exhausta cruciatibus, ter-
 tio Idus Septembris viam vniuersæ carnis ingressa est: quod postquam ad eius per-
 uenit notitiam, veris contestans argumentis quantâ eam synceritate dilexisset, in
 lamenta se dedit, & per dies multos nullam prorsus recepit consolationem. Sepul-
 ta est autem in clytæ recordationis domina *Milysendis*, Angelorum choris inferen-
 da, in valle Iosaphat, descendentibus ad sepulchrum beatæ & intemeratæ *Dei* ge-
 nitricis & virginis Mariæ ad dexteram, in crypta lapidea, ianuis ferreis præsepta, al-
 tare habens vicinum, ubi tam pro remedio animæ eius, quam pro spiritibus omnium
 fidelium defunctorum, acceptabiles creatori quotidie offeruntur hostiæ. Inter
 ea Comes Tripolitanus dolore cordis tactus intrinsecus, & ægrè ferens, quod ab Impe-
 ratore sic erat delusus, videns se occasione Imperatoris enormes fecisse impensas,
 sororem suam, tanquam gregarii alicuius filiam, ab eo sine causâ cognitione repu-
 diatam esse, anxius apud se gemit, & ex corde ducit suspiria, cogitans si quâ viâ pos-
 set Imperatori reddere vices, & pro illata iniuria eadem mēsurā reddere rationem.
 Hæc ei cogitanti, ex diuerso occurrebat, quod Princeps inter mortales erat poten-
 tissimus, nec eius vires sufficere poterant, ut eum vel in aliquo lædere posset: tamen
 ne illatam iniuriam aut non sentire videretur, aut negligentius dissimulare, galeas
 quas ad alium usum præparauerat, dolore compulsus, armati præcipit: & vocatis
 piratis, & nefandorum scelerum artificibus eas tradit, præcipiens, ut prædicti Impe-
 ratoris terras obambulantes, omnino nec ætati parcerent, nec sexui, & conditio-
 nem etiam nullam haberent differentiam: sed passim & sine delectu tam monaste-
 ria, quam ecclesias, omnia traderet incendis, & rapinas vbique, siue homicidia li-
 bere perpetrarent, pro iusta causâ arma & vires illaturi. Illi autem dicto parentes,

XXXIV.

mare ingressi, regiones Imperatoris, tam quæ in insulis erant quam quæ in terra mari contermina perlustrantes, verbum Comitis interpretantes largius, ubique rapinas, ubique incendia, ubique homicidia procurant; Ecclesias violant; effringunt monasteria, locorum venerabilium omnino nullam habentes differentiam. Sed & Peregrinis Loca Sancta adcurrentibus, vel inde reuersis, viaticula sua diripientes, nudos & inopes, aut mori, aut in mendicitate vitam protrahere compellebant: negotiatoribus nihilominus victum eo commercii genere sibi, vxoribus & liberis propagantibus, bona quæ congesserant diripientes, vacuos domum redire, forte cum lucro deperditâ cogebant. Dum hæc Comes Tripolitanus, zelo propriæ ductus iniuriæ procurat, Rex apud Antiochiam ante ingruentem hyemem, prout cōsueuerat, pharmaco uti volens, per manum Barac, medici Tripolitani Comitis, pillulas accipit, & quas in instanti sumeret, & quas postmodum modico interiecto tempore esset accepturus: *Nostri enim Orientales Principes, maxime id efficientibus mulieribus, spretâ nostrorum Latinorum physicâ & medendi modo, solis Iudeis, Samaritanis, Syris & Sarracenis fidem habentes, eorum cura se subiiciunt imprudenter, & eis se commendant, physicarum rationum prorsus ignaris.* Dicebantur autem prædictæ pillulæ veneno infectæ, nec erat à vero multum dissimile: nam residuum quod Regi secundò sumere mandatum fuerat, postea experimento apud Tripolim in pane infuso, cuidam datum caniculæ, mortem sibi infra paucos dies propinauerunt. Ab ea igitur die, quâ prædictam Rex bibit medicinam, cum dysenteria febriculam incurrit, quæ postea in hecticam versa est, nec ab ea, vsque in diem obitus, remedium sensit, aut conualescentiam. Sentiens igitur apud se doloris instantiam & ægritudinis augmentum, ab Antiochia discedens vsque Tripolim peruenit. Vbi mensibus aliquot decubuit, de die in diem expectans remedium. Vbi autem ægritudinem cognoscens inualescere, & salutis nullam superesse fiduciam, *Berythum* deportatus, ecclesiarum prælatos, simul & Regni Principes ad se cum omni celeritate præcipit euocari: quibus in præsentia sua constitutis, fidem suam piè ac religiosè articulatim aperiens, in spiritu contrito, & humiliato, præsentibus Pontificibus peccata cōfiteus, carnis solutus ergastulo, animam cœlis intulit, cum electis Principibus, auctore Domino, coronam immarcescibilem percepturus. Obiit autem anno ab incarnatione Domini *millesimo centesimo sexagesimo secundo*; Regni eius anno vigesimo, quarto Idus Februarii; ætatis verò tricessimotertio: liberis non extantibus, fratre Regni herede instituto. Inde Hierosolymam cum summa reuerentia & regalibus exequiis, cum vniuersorum gemitu & lachrymis deportatus, occurrente ei clero & vniuerso populo ciuitatis, in Ecclesia Dominici Sepulchri ante Caluariæ locum, vbi pro salute nostra crucifixus est Dominus, honorificè inter suos prædecessores sepulturæ traditus est. Tantam autem mœstitiâ & tot doloris intimi argumenta in nostro vel in alio regno, pro defectu alicuius Principis extitisse, nulla tradit historia; nulla præsentium hominum tenet memoria: nam exceptis ciuibus, in quorum vrbes funus introducebatur regium, quorum luctus & dolor sine exemplo videbatur, descendebat de montibus fidelium multitudo, cum eiulatu prosequens præcedentes exequias. Sicquæ à Berythensi vrbe Hierosolymam diebus quasi octo continuis, non defuit lamentum iuge, & luctus horis penè singulis renouatus. Dicuntur nihilominus & hostes de eius morte doluisse: ita ut quibusdam suggerentibus *Noradino*, quod fines nostros ingrediens interim dum exequiis operam daremus, terram depopularetur, dicatur respondisse: *Compatiendum est, & humanè indulgendum iusto eorum dolori: eo quod principem amiserint, qualem reliquus hodie non habet orbis.* Nos autem de operibus eius hunc librum consummantes, oramus, ut cum piis & electis, eius anima sanctâ requie perfrueatur. Amen.

EXPLICIT LIBER OCTAVVSDECIMVS.

CAPITVLVS

CAPITVLA LIBRI NONIDECIMI.

I. Domino Balduino fratri *Amalricus* succedit in Regno.

II. Describitur qualis moribus fuerit: & de vita & conuersatione eius.

III. De corporis habitudine: & de quadam questione, quam cuidam suo familiari solvendam obtulit.

IV. Quod antequam coronaretur, coactus est ab uxore sua, quam contra sacros duxerat canones, discedere.

V. Rex in *Ægyptum* descendit: cum *Dargan Soldano* pugna committitur. *Sauar Syracorum* introducit in *Ægyptum*: *Dargan* ad Regem, pacem postulans, legatos dirigit.

VI. *Petrus Archiepiscopus Tyrensis* defungitur: succedit ei dominus *Fredericus Acconensis* episcopus.

VII. *Dargan Soldanus* in *Ægypto*, dolo suorum occiditur. *Sauar Soldanus* efficitur. Regem inuitat: Rex in *Ægyptum* descendit: *Siracorus* violenter expellitur.

VIII. *Noradinus* circa partes *Tripolitanas* vincitur, & fugā vix nostrorum manus effugit.

IX. *Noradinus* in partibus *Antiochenis* castrum *Harec* obsidet: Princeps *Antiochenus*, Comes *Tripolitanus*, *Calamannus* *Cilicie* procurator, capiuntur.

X. Comes *Flandrensis* *Theodericus* in *Syriam* descendit. *Noradinus* *Paneadem* obsidet, & occupat obsessam.

XI. Rex ab *Ægypto* rediens, *Antiochiam* proficiscitur. Princeps datā pro se pecuniā restituitur libertati. *Spelunca Sydoniensis* hostibus traditur. Item trans *Iordanem* aliam *Speluncam* hostes accipiunt.

XII. Describitur compositoris huius historie in patriam reditus: & de eius processu aperiantur nonnulla. *Siracorus* in *Ægyptum* descendit, multam secum trahens militiam.

XIII. Rex *Siracorum* subsequens, similiter descendit in *Ægyptum*, *Ægyptiis* auxilium ministraturus.

XIV. Describitur *Cahere*; & quis eius loci primus fundator fuerit, aperitur.

XV. Accedenti *Siracoro*, Rex occurrit obuiam: ille Regem praeueniendo, transit flumen.

XVI. *Sauar Soldanus*, ut Regem detineat, pactis innouatis, elaborat.

XVII. Mittitur ad *Calypham* qui sedus innouent: & describitur regiae domus magnificentia.

XVIII. Complentur pacta; & in eorum confirmationem *Calypha* dexteram dat *Hugoni Casariensi*.

XIX. Dicitur quare princeps *Ægyptius* dicatur *Mulene*.

XX. Subiungitur quare idem ipse dicatur *Calypha*: & quo modo sit aduersarius *Baldacensi* *Calyphae*.

XXI. Rex super *Nilum* pontem adificat. *Siracorus* in *Insulam* descendit: Rex eum insequitur.

XXII. Describitur insula, & quot & quibus estis mare ingreditur *Nilus*. Nostris eic-
tis hostibus insulam occupant: fugit *Siracorus* in solitudinem.

XXIII. Describitur *Ægypti* Regio, & qualis sit aperitur.

XXIV. Inter Regem & *Siracorum* pugna committitur in solitudine, maximo utriusque partis periculo.

XXV. *Siracorus* infra *Alexandriam* se recipit. Rex illuc properans, urbem obsidet.

XXVI. Describitur *Alexandria* situs.

XXVII. Rex obsidionem continuans, ciues *Alexandrinus* molestat grauissimè.

XXVIII. *Siracorus* hac audiens, cum *Hugone Casariensi* de pace loquitur.

XXIX. *Hugo* cum Rege & Principibus, faderis complet tenorem.

XXX. Resignatur Regi ciuitas, & pax indicitur *Alexandrinis*.

XXXI. Rex victoriā potitus, receptis suis vniuersis, ad propria reuertitur.

EXPLICIUNT CAPITVLA LIBRI NONIDECIMI.

LLLL *

INCIPIT LIBER NONVS DECIMVS.

CAP. I.

A. D.

1163.

DOMINO igitur *Balduno* tertio, Latinorum Hierosolymis Rege quarto, abique liberis (vt dictum est) defuncto, successit ei in eadem ciuitate sancta, Latinorum Rex quintus, dominus *Amalricus*, frater eius vnicus, Comes Ioppensis & Ascalonitanus, anno ab incarnatione Domini, *millesimo centesimo sexagesimo tertio*: à liberatione verò eiusdem *Deo* amabilis ciuitatis, *sexagesimo secundo*: præsidente sanctæ Romanæ ecclesiæ domino *Alexandro*, pontificatus eius anno tertio; sanctæ verò Resurrectionis ecclesiæ, domino *Amalrico*, Latinorum Patriarcha nono, pōtificatus eius anno quarto; sanctæ autem Antiochenæ Ecclesiæ, domino *Americo*, Latinorum in eadem ciuitate Patriarcha tertio, anno pontificatus eius vigesimo; sanctæ verò Tyrēsi ecclesiæ, domino *Petro*, Latinorum in eadem ciuitate post urbem captam, Archiepiscopo tertio, pontificatus eius anno tertidecimo. Post fratris tamen obitum dissonantibus inter se Regni principibus, & de Regis substitutione aliter & aliter affectis, paulò minus se interposuit ingens, cum periculo ex schismate ortum scandalum. Sed optatò affuit Diuina clementia, quæ rebus periclitantibus competentia nouit aptare remedia: subito enim, fauente sibi potissimum clero & populo, paucisque de magnatibus, euacuatis aliter affectorum moliminibus, in ecclesia Dominici Sepulchri, à suprà dicto domino *Amalrico* Patriarcha, præsentibus & cooperantibus Archiepiscopis, Episcopis, & vniuersis ecclesiarum prælatis, Regiæ vnctionis gratiam, & diadematis insigne adeptus, & in Regni solium hereditario sibi iure debitum, duodecimo Kal. Martii sublimatus est, die octauâ post fratris obitum. Hic statim, ex quo miles factus, arma cœpit gestare militaria, factus est Comes Ioppensis, cui postea frater eius inclytæ recordationis dominus *Baldunus*, eximiam Philistinorum metropolim Ascalonam, diebus suis expugnatam, & Christiano post longa tempora nomini restitutam, Regiâ liberalitate concessit: sicut superius, dum de regno eiusdem domini *Balduni* differeremus, diligentius comprehensum est. Viginti septem annorum erat dominus *Amalricus*, cum regnare cœpisset. Regnavit autem annis vndecim, mensibus quinque. Fuit igitur vir experientiâ præditus seculari, prudens admodum, & in agendis circumspectus: linguæ aliquântulum impeditioris, nō adeò tamen, vt ei multum pro vitio posset imputari; sed ita, vt illam sponte fluentis eloquii non haberet elegantiam. Consiliis longè melior, quàm verborum affluentia, vel ornatu. In iure cōsuetudinario, quo regebatur Regnum, subtilis plurimum, & nulli secundus: imò qui Regni principes & mentis acumine & discretionis præiret sinceritate vniuersos. In periculis & summis necessitatibus, quas frequenter incurrit, dum pro Regno ampliando viriliter & sine intermissione decertat, fortis & prouidus; & animum regiâ quadam constantia conseruans imperterritum. Modicè literatus erat, & fratre multò minus: sed ingenii viuacitate, & tenacis memoriæ beneficio, interrogatione frequenti, legendi studio, cum aliquid ocii Regni occupationes indulgebant, iuxta id quod Regibus solet contingere, satis commodè erat instructus; in quæstionibus argutior, in earum solutionibus plurimum recrebatur. Historiarum, præ cæteris lectionibus, erat audius auditor, memor perpetuò, pròptus & fidelissimus recitator. Totus erat in seriis; in mimicis vel alea nunquam. Accipitrum & herodiorum volatu & prædâ, libentiùs delectabatur. Patiens erat laboris; sicut erat corpulentior & pinguis nimium, algoris calorisque inclementia non multum angebatur. Decimas, in ea parte vir Euangelicus, cum omni integritate, & sine molestia ecclesiæ dari præcipiebat. Missam omni die (nisi ægritudo aut ingruens præpediret necessitas) audiebat deuotus. Maledictorum conuictorumque in eum & publicè sæpius, & clam ferebantur, etiam à vilibus & contemptibilibus personis, patientissimus exceptor, & dissimulator erat egregius, vt nec quæ audierat, ea audisse videretur. In cibo potuque sobrius, in vtroque ebrietatē abominabatur. Procuratoribus etiam suis tantam dicebatur habere fidem, vt ex quo eos negotiis præfecerat suis, nec rationem ab eis exigeret, nec de eorum infidelitate suggeren-

suggerentibus aurem præberet: quod tamen quidam ducebant pro vitio; quidam virtuti ascribentes, argumentum sincerae fidei asseriebant esse. His animi dotibus, & bonis potioribus, detrahebant quædam in eo notabilia, quæ prius dictis nubem quandam inducere videbatur. Taciturnus enim erat ultra decens, & eximie urbanitatis expers. Affabilitatis gratiam, quæ maximè principibus subiectorum corda conciliat, penitus non habebat. Rarò unquàm quempiam alloquebatur, nisi compulsus necessitate, aut sermone prius laceffitus: tantoque in eo notabilior occurrebat iste defectus, quātò in fratre fuerat sermonis iucundi & amplectendæ affabilitatis gratia cumulatior. Lubrico etiam carnis, ut dicitur, impatienter laborans (quod ei clementer indulgeat Dominus) aliena attentare matrimonia dicebatur. Libertatis quoque ecclesiarum vehemens impugnator, earum patrimonia crebris & indebitis exactionibus, diebus suis, usque ad supremam exinanitionem attriuit: ita quod esse alieno grauari compelleret loca venerabilia, supra suarum obuentionum vires. Pecuniæ cupidus supra quam Regiâ deceret honestatem. Interuentu munerum auferebat sæpe, differerebat sæpius, aliter quam censure rigor, & iuris modestia pateretur. Auaritiæ tamen suæ excusationem prætendens, mihi etiã familiariter colloquēti, causas nitebatur assignare, dicens: *Principē quemlibet, & maximè Regē, semper hāc debere penes se providentiam habere, ne egeat, propter duo: tum quia tuta est opulentia subiectorum, ubi non eget Imperator; tum quidem ut præ manibus habeat, unde necessitatibus regni sui, si forte inopinatae occurrant,* consulat: & in eo casu, Regem prouidum, oportere esse abunde munificum, & sumptibus omnino non parcere, ut non sibi, sed Regni usibus, quicquid id est, videatur possidere. Horum alterum in eo fuisse, nec inuidi eius possunt negare. Nam in regni necessitatibus nec expensis parcebat, nec proprii corporis fatigatione reuocabatur. Sed non erat tuta omnino subiectorum opulentia: ad quorum exhaurienda patrimonia sumptu qualibet leui occasione, frequentius recurrebat. Corporis autem quadam fauorabili staturâ quasi proportionaliter erat modificatus, ut mediocribus maior, & longissimis minor esset. Facie venustâ, & quæ ignotis etiam reuerendi Principis meritò prætenderet dignitatem. Oculis fulgentibus, mediæ quantitatis: naso instar fratris aequilo decenter: capillo flauo, refugioque pusillum. Barbâ, genas mentumque, gratâ quadam plenitudine vestitus. Risum tamen habebat incompositum, & quo totus in ridendo concutiebatur. Prudentibus & discretis viris, & remotorum locorum peritiam habentibus, & externarum consuetudinum tenentibus experientiam, libentissimè confabulabatur. Memini me semel, ab eo familiariter euocatum, dum in castello Tyrensi, febriculâ lentâ, non multum periculosè laboraret; horis quietis & lucido interuallo, sicut in interpolatis febribus solet contingere, secretius cum eo multa contulisse; & ad quasdam eius quæstiones, quantum pro tempore occurrebat, adhibuisse solutiones: multum enim nostrâ collatione recreabatur. Inter quas vnâ nobis obtulit quæstionem, unde me multum mouit interius: tum quia inusitatum erat illud quari, quia nec quæstione dignum videbatur, quod fides vniuersalis edocebat, & firmissimè tradiderat credendum; tum quia animo grauiter vulnus imprimebat, si Princeps Orthodoxus, & Orthodoxorum filius, in re tam certa pateretur scrupulum, & in conscientia dubitaret. Quæsiuit sanè, *Si præter doctrinam Saluatoris & Sanctorum qui CHRISTVM secuti sunt, de qua non dubitabat, posset ratio inueniri, quâ posset probari argumentis euidentibus & necessariis, resurrectionem futuram?* Ad quod nouitate permotus verbi, respondi: *Sufficere Domini & Redemptoris nostri doctrinam, quâ manifestissimè multis locis in Euangelio, carnis resurrectionem futuram edocet: venturum se iudicem, iudicare viuos & mortuos & seculum per ignem promittit: daturum se electis regnum, præparatum à constitutione mundi; in impiis autem ignem æternum, qui paratus est diabolo & angelis eius, pollicetur. Sanctorum quoque Apostolorum, & Patrum etiam veteris Testamenti sufficere piâ assertionem.* Ad quod ille: *Hac omnia firmissimè teneo: sed rationem quero, quâ alicui hæc neganti, & doctrinam CHRISTI non recipienti, futuram resurrectionem & aliam vitam post istam mortem, probari possit.* Cui ego: *Assumite ergo vobis huius hominis sic affecti personam, & tentemus aliquid circa hoc inuenire.* Placet, inquit. Tum ego: *DEVM iustum confiteris esse?* Tum ille: *Nihil verius: confiteor.* Tum ego: *Iusti autem est, pro bonis bona, pro malis mala retribuere?* Tum ille: *Verum est.* Ego: *In presenti vita autem non fit istud. Nā & boni quidā, in presenti seculo, non nisi molestias patiuntur, & aduersa; mali vero quidā, felicitate gaudent continuâ, sicut rerum quotidianarum*

- exemplanos edocent. Tum ille: Certum est. Ego verò processi: Ergo in alia vita fiet; quia non potest DEVS non esse iustus retributor. ergo alia vita erit & huius carnis resurrectio: in qua meruit quis bonum vel malum, in ea debet recipere præmium & remunerari. Tum ille: Placet supra modum; & omnem detergisti de corde meo dubitationem.* His & similibus plurimum recreabatur collationibus. Sed ad propositum redeamus. Pinguis erat supra modum, ita ut more fœmineo mamillas haberet, cingulotenus prominentes: Cæteras autem corporis partes, manu traxerat natura latior benigniore, ut non solum mediam prætenderent venustatem, verum quadam gauderent formæ prærogatiua. In sumenda quoque corporis refectioe sobriūm, viniq̃ abstinentissimum, nec inimici negare possunt. Denique dum adhuc frater eius in rebus ageret 10 humanis, & Regnum feliciter administraret, uxorem duxit *Agnetem*, Ioscelini iunioris Comitis Edessani filiam, ex qua viuente fratre, prolem suscepit geminam, filium videlicet *Balduinum*, quē patruus de sacro fonte suscepit, & filiam natu priorem, nomine *Sybillam*, Comitissæ Flandrensis, sororis vtriusque, æquiuocam. Hanc tamen uxorem, defuncto iam fratre, dum Regnum ad se iure hereditario deuolutum vëdicaret, coactus est abiurare. Nā & in initio dū eam duxisset, inuito domino Patriarchâ *Fulchero* bonæ memoriæ, & contradicente, sibi eam matrimonio copulauit; eò quod quarto consanguinitatis gradu se dicebantur contingere, sicut postea in facie ecclesiæ per communes consanguineos solemniter est probatum. Præsentibus enim domino *Amalrico*, bonæ memoriæ Patriarchâ, domino quoque *Ioanne*, 20 sanctorum Ioannis & Pauli presbytero Cardinale, & Apostolicæ sedis legato, iuxta iuris ecclesiastici solemnitatem, consanguineis vtriusque corporaliter iuramenta præstantibus, & asseuerantibus sic esse ut dicebatur, interueniente diuortio, solutum est matrimonium. Hoc addito tamen, ut qui ex ambobus nati erant, legitimi haberentur, & in bona paterna successionis plenum ius obtinerent. Quæsiuimus sanè nos postea diligenter, tanquam circa talia curiosi, quoto consanguinitatis gradu se contingerent: quia nondum de scholis redieramus, sed trans mare adhuc, circa liberalium artium detinebamur studia, quando Hierosolymis hæc facta sunt. Et tandem inuenimus per dominam *Stephaniam*, Abbatissam ecclesiæ Mariæ maioris quæ Hierosolymis ante Sepulchrū Domini sita est, quæ domini *Ioscelini* 30 senioris, Comitis Edessani filia fuit, ex sorore domini Rogerii, filii Richardi Angiocheni Principis, religiosam, & nobilem carne & moribus fœminam, iam natu grædūam, sed memoriter hæc tenentem, quod eorum generatio sic erat. Dominus *Balduinus de Burgo*, secundus Hierosolymorum Rex, vir per omnia magnificus (de cuius vita & moribus, & tam dextris quàm sinistris euentibus, latius differuimus, dum de regno eius tractaremus) & dominus *Ioscelinus* senior, duarum sororum filii fuerant. De domino Balduino nata fuit *Milifendis* regina: Ex Milifende verò nati sunt dominus *Balduinus* tertius, & dominus *Amalricus* reges. Item ex domino Ioscelino seniore, *Ioscelinus* iunior, ex quo prædicta *Agnes* Comitissa, domini Amalrici de facto, non de iure, vxor; & tertius *Ioscelinus*, nunc Regius Senescalcus, & domini 40 Regis Balduini, qui hodie regnat, auuncul⁹, nati sunt. Porro domino Amalrico Rege absq; coniugio adhuc perseuerante, illa statim nobili & magnifico viro domino *Hugoni de Ibelm*, senioris Baliani filio, *Balduini* Ramatenfis (qui nunc prædictam urbem, post fratrem sine liberis defunctum, possidet) & *Baliani* iunioris, qui viduam domini Amalrici regis hodie habet uxorem, fratri, copulâ coniuncta est maritali. Eoq̃ defuncto, domino Amalrico adhuc superstitē, apud dominum *Rainaldum Sydoniensem*, domini Gerardi filium, eadem affectione se contulit: cum quo minus licitum, quàm cum domino Amalrico prius, dicitur habere contubernium. Nam prædictus pater eius dominus Gerardus, tanquam vtriusque consanguineus (sicut & pro certo erat) consanguinitatem inter prædictas personas esse, sicut à maioribus 50 suis audierat, proprio iure iurādo firmavit: vnde & secutum fuit diuortium, ut prælibatum est.
- v. Confirmato igitur domino *Amalrico* in regni solio, primo eius Regni anno, negantibus Ægyptiis annuam tributi pensionem persolvere, quam cum fratre suo pepigerant; cōgregatis militaribus copiis, & exercitu copioso, Kal. Septembris manu forti descendit in Ægyptum: vbi cū innumera multitudo occurrens ei regni illius procurator, qui linguā eorum *Soldanus* dicitur, *Dargan* nomine, circa Ægyptum in solitudine cum eo congregari non est veritus: veruntamen nostrorum

nostrorum impetus non valens sustinere, plurimis suorum interfectis captis nonnullis, in fugam compulsus, in urbem proximam, quæ linguâ eorum *Belbeis* dicitur, cum residuo coactus est se recipere. Timentes autem *Ægyptii*, ne dominus Rex eo confecto, ad ulteriora Regni cum exercitu suo vellet contendere, nullum aliud arbitrati se habere contra impetus nostrorum remedium, ruptis aggeribus, qui fluvium restagnantem vsque ad certa tempora cohibere solent, *Nilum*, qui iam consueverat incrementa, exuberantem inducunt; ut saltem vel his repagulis nostrorum cohiberent incursum, & se fluminis beneficio restagnantis tuerentur. Dominus vero Rex, habito ex hostibus triumpho, rebus feliciter compositis, inde victor in regnum suum cum gloria reuersus est. Porro *Dargan* iste, quem totius *Ægypti* procuratorem diximus, & Soldanum, quendam alium potentem admodum, *Sauar* nomine, paucis ante diebus ab eadē administratione partim dolo, partim viribus expulerat; qui cum amicis & familiaribus, & copiis quas secum potuit deportare, fugā elapsus, ad Arabes contribules suos, auxilium ab eis postulaturus, se contulit. Expectans igitur rei exitum, & euentum bellorum operiens, latebat apud suos, ut diximus, tempore opportuno aliquid contra æmulum moliturus. Audiens ergo, quod dominus Rex in Regnum suum redierat, & quod suus aduersarius, in sua administratione solito insolentior, & quasi gloriosior, eo quod tantum Principem in prælio sustinuerat, quodque regno non multum læso abierat, in eodem principatu potens & fortis perseveraret; ad *Noradinum* potentissimum principem, Damascenorum Regem, properat, implorans ab eo auxilium, quo fretus in *Ægyptum* rediens, excluso æmulo regnum resumere posset. Cui *Noradinus*, muneribus & promissis illectus, sperans quod si semel exercitus eius *Ægypti* fines posset introire, regnum sibi posset comparare violenter, facilem præbuit assensum: tradensque ei principem militiæ suæ, virum industrium, & in armis strenuum, liberalē supra vires patrimonii sui, gloriæ cupidum, & in re militari admodum exercitatum, militibus carum efficiente munificentia & acceptum, *Siraconum* nomine, cum ingenti militia direxit in *Ægyptum*. Erat autem homo iam senior, pusillus staturæ, pinguis multum & corpulentior, ex humili locupletior factus, & suffragantibus meritis, ex seruili conditione Princeps constitutus; in altero oculorum habens albuginem; laboris patientissimus, sed & sitis & famem æquanimiter tolerans, supra id quod ætas illa soleat sustinere. Verum intercurrentibus nunciis, & famâ publicâ Soldanus *Dargan* edoctus, hostem quem prius expulerat, cum infinitis Turcorum millibus aduentare, diffidens rebus propriis, ad emendicata recurrit suffragia. Legatos enim cum verbis pacificis, ad dominum Regem dirigit, orans & petens contra ingruentes hostes auxilium: tributum autem non solum, quale cum domino Balduino Rege fuerat constitutum, verum multò maius, & pro domini Regis arbitrio præstandum, pollicens subiectionem perpetuam, fœdusque perenne, firmare datis paratus obsidibus. Per idem tempus dominus *Petrus*, venerabilis Tyrensis Archiepiscopus piz in Domino recordationis, anno prædicti domini Regis secundo, mense Martio, primâ die mensis, viam vniuersæ carnis ingressus est. Cui intra paucos dies, eodem mense substitutus est, domino Rege plurimum ad id aspirante, eiusdem ecclesiæ suffraganeus, dominus videlicet *Fredericus*, Acconensis Episcopus; vir secundum carnem nobilis, corpore procerus admodum, natione Lotharingus, modicè literatus, sed militaris ultra modum. Dum hæc cum domino Rege prædicti Legati tractarent, peneque eorum desideriis esset satisfactum, antequam ad propria redirent, prænominati *Sauar* & *Siraconus*, in *Ægyptum* cum suis auxiliis iam descendebant: & cum Soldano *Dargan* hostiliter congressi, primo conflictu inferiores, & grauiter prostrati: antequam secundo eadem lege conuenirent, sæpeditus *Dargan*, a quodam ex suis clam sagittâ percussus, suis lugendus interijt. Quo mortuo, *Sauar* tanquam victor, voti compos, *Cabere* ingressus, quoscunque de amicis, consanguineis, & familiaribus illius reperire potuit, gladio confossis, iterum suâ potitus est dignitate. Nam summo eorum Principi pro minimo est, vter de contententibus aut succumbar, aut obtineat, dummodo non desit, qui sua & regni negotia procuret, & se illius mancipet seruituti. *Siraconus* vero ciuitatem inuadens finitimam, *Belbeis* nomine, eam sibi quasi propriam cœpit constanter vendicare, significans opere, & fortasse sermone idipsum contestans, quod reliquas eiusdem

V r.

VII.

regni partes suæ ditioni, si ita daretur, inuito Soldano & Calyphâ, vellent mancipare. Timens ergo *Sauar*, ne hospitem talem introducendo, suam & domini sui conditionem fecisset deteriore; néue talem suscepisset, qui *tanquam mus in pera, & serpens in gremio*, malè remuneraret hospites suos: cum omni festinantia legatos & verbum pacis dirigit ad dominum Regem in Syriam, qui iuxta conuentiones inter dominum Regem & *Dargan* Soldanum, prius initas, non solum verbo, sed & opere statim adimplerent, & si opus esset, supererogarent ampliora. Pactis igitur hinc inde firmatis, Rex cum vniuerso suorum exercitu, anno regni eius secundo, iter arripens, descendit denuò in Ægyptum. Vbi occurrens ei *Sauar* cum Ægyptiis, sæpeditum *Siracorum* in ciuitate Belbeis, quasi in proprium præsidium se receptantem, 10 obsederunt, diutinaque obsidione & alimentorum inopiâ fatigatum, ad ditionem compulerunt, interpositis conditionibus, quod cum suis omnibus liberum & sine molestia haberet exitum, & reditum ad propria: quod ei concessum est: quo obtento, ciuitatem deserens, per solitudinem reuersus est Damascum. *Noradinus* interea circa partes Tripolitanas, in eo loco qui vulgò appellatur *La Bochea*, moram faciens, dum prosperis elatus, aliquatulum se gerit incautiùs, damnum incurrit penè irreparabile. Aduenerant illâ tempestate quidam nobiles, de partibus Aquitanicis, *Gaufridus* videlicet, qui cognominatus est *Martel*, domini Comitis Engolismensis frater, & *Hugo de Linziaco* senior, qui cognominatus est *Brunus*, orationis gratiâ. Hi completis de more orationibus, ad partes se contulerunt Antioche- 20 nas. Cognito ergo quod *Noradinus* circa partes Tripolitanas, in loco supradicto, cum suo exercitu moram faceret, nimisque securè & sine sollicitudine, ocio resolutus quiesceret, conuocatis militaribus auxiliis, super eius exercitum irruentes subito, multis captis, pluribus gladio peremptis, exercitum eius penè usque ad supremam exinanitionem deleuerunt. Ille verò relicto gladio, & omissis impedimentis vniuersis, nudus altero pede, iumento insidens, confusus nimium & de vita desperans, vix fugâ elapsus, nostrorum manus euasit. Nostri verò spoliis & multiplicibus locupletati diuitiis, victores, ad propria redierunt. Fuerunt autem huius expeditionis duces, *Gilbertus de Laci*, vir nobilis, & in armis exercitatus, præceptor fratrum Militiæ Templi in partibus illis: & duo magni prædicti viri, & *Robertus Man-* 30 *sel*, qui Galensibus in eadem expeditione præerat, & alii pauci. *Noradinus* autem casu consternatus sinistro, irâ succensus, indutus confusione & reuerentiâ, infamiam abolere cupiens, ad vlciscendam suam suorumque iniuriam, proximios & amicos sollicitat, vniuersos penè Orientis Principes nunc prece nunc precio supplex inuitat, vires reparat, militaria suffragia colligit vndecunque. Collectis igitur immensis copiis, & innumeris millibus conglobatis, oppidum quoddam nostrum in finibus obsidet Antiochenis, *Ilarenc* nomine; & ordinatis per gyrum, ut mos est, machinis oppidanos cæpit acriter, nulla; datâ requie incessanter vrgere. Quod factum postquam Principibus nostris innotuit, dominus *Boamundus* tertius, Raymundi filius, Antiochenus Princeps; dominus quoque *Raimundus* iunior, Comes Tripoli- 40 tanus, Raimundi Comitis filius; *Calamannus* etiam præses Ciliciæ, domini Imperatoris consanguineus, & Imperialium in illa prouincia procurator negotiorum; *Toros* quoque Armeniorum Princeps potentissimus, sociatis sibi quæ vndecunque potuerunt peditum equitumque suffragiis, ordinatis agminibus, & in aciem dispositis, obuiam ire festinant, & obsidionem soluere inuitis hostibus aggrediuntur. Sane *Noradinus*, & qui cum eo erant Parthorum principes, communicato consilio, tutius opinantes, obsidione sponte solutâ discedere, quàm cum hostibus penè iam instantibus incautè congredi, compositis sarcinis, recedere moliebantur: Nostri verò nihilominus eis instantes, dato successu & prosperis abutentes, dum eis non sufficit, quod oppidanos obsidione tantorum principum expedierant, dum incau- 50 tiùs insequuntur, dissolutisque agminibus, & contra militarem disciplinam passim discurrentibus euagantur, recurrentibus subito, animumque & vires resumentibus Turcis, quibusdam locorum palustrium angustiis comprehensi, primo franguntur impetu; quibusque prius fuerant formidini, ludibrio satis miserabiliter exponuntur. Prostrati enim & fracti, turpiter hostium gladiis, victimarum more, cadunt. Non est qui vigoris meminerit præteriti, qui paternæ memor virtutis, aut propriæ, propulsare studeat iniuriam, aut pro merenda libertate & honore patrio gloriosus

gloriosus decertare. præcipites ergo, & suæ dignitatis immemores, armis depositis, vitam indignâ supplicatione merentur, quàm pro patria viriliter decertando, excellentius fuerat impendisse, & exempli ad posteros fauorabilis. Porro *Toros* Armenius videns hostium prauale cuneos, nostrorum verò è conuerso acies corruisse, fugâ saluti consulens, bellicis se exemit tumultibus. Displicuerat sanè ab initio sibi, quòd hostes ab obsidione discedentes, fuerant insecuti; & dissuadere adorsus fuerat: sed præualuit inutilior aliorum sentètia. Dominus autem *Boamundus* princeps Antiochenus, dominus quoque *Raimundus* Comes Tripolitanus, *Calamannus* etiam Ciliciæ procurator, *Hugo* quoque de *Limziaco*, de quo superius fecimus mentionem; *Ioscelinus* etiam tertius, Comitis Edeffani secundi Ioscelini filius, & multi alii nobiles, vt vitæ cum probro & ignominia consulerent, hostibus se tradentes, vinctulis tanquam vilia mancipia, miserabiliter alligantur; & Halapiam traducti, spectaculum facti sunt populis infidelibus, & carceribus mancipati. Successibus tandem & prosperâ nimium fortunâ, *Noradinus*, & qui cum eo erant, erecti castrum quod prius obsederant, confidentius reperunt, & obsidione iterum vallâtes, infra paucos dies expugnant, & potenter occupant violenter expugnatum. Factum est hoc anno ab incarnatione Domini *millesimo centesimo sexagesimo quinto*; Regno verò domini *Amalrici* anno secundo, quarto Idus Augusti, dum ipse adhuc in Ægypto detineretur propriis negotiis occupatus. Rebus interea nostris tantâ rerum mutatione, tamque sinistris euentibus, vsque ad supremam exinanitionem penè afflictis, cum neque saltem spei residuum superesset, iam animo cōsternati, per singulos dies deteriora formidarent vniuersi, ecce Comes Flandrensis *Theodoricus*, domini Regis sororius, cum vxore religiosa & *DEVM* timente scēmina, & aliquanta militū manu applicuit: cuius tantâ lætitiâ suscepit aduentum omnis populus, vt quasi post immoderatum solis ardorem, auram gratissimam & præsens remediū videretur suscepisse: sperabant enim, quòd eius fratri auxilio, domini Regis & Christiani exercitus possent aduentum præstolari. Sed hoc quale quale serenum, orta subito nubes caliginosa, mutilauit miserabiliter, & conuertit in tenebras. *Noradinus* enim rebus secundis, & casu prosperiore factus sublimior, vidēs Regnum solitis carere solatiis, & maioribus Regni principibus, quos ipse captiuos tenebat, destitutum: ad hoc & dominum Regem & militiæ robur abesse vniuersum, sumptâ ex tempore occasione opportunâ, apposuit vt *Paneas* obsideret ciuitatem. Est autem *Paneas* vrbs antiquissima, ad radicem Libani famosissimi promontorii sita, antiquissimis temporibus & Israëliti populi diebus, *Dan* dicta; terminus à Septētrionali plaga possessionis eorum, sicut & *Bersabee* à austro. Vnde quotiens lōgitudō Terræ Promissionis describitur, ducitur à *Dan* vsque ad *Bersabee*. Diebus autem *Philippi*, senioris Herodis filii, qui erat Tetrarcha Itureæ, & Traconitidis regionis, sicut in *Luca* legitur, qui eā ampliauit in honorem Tiberii Cæsaris, & in perpetuam sui nominis memoriam, *Cæsarea Philippi* dicta est. Dicitur autem & *Paneas*: sed nostri Latini corrumpentes nomen, sicut penè omnium aliarum urbium, *Belinas* vocant. Est autem ab Oriente agro Damasceno contermina: iuxta quam fluentorum suorum Iordanis habet originem. Hæc est illa ciuitas de qua in Euangelio legitur: *Quòd venit IESVS in partes Cæsarea Philippi, & interrogauit discipulos suos. Vbi & Petrus* Apostolorum princeps, ob egregiæ confessionis meritum, regni clauēs cœlestis Domino tradente, suscepit. Hanc obsidēs, & immunitam reperiens, absente domino *Henfredo* regio Constabulario, & cum domino Rege moram in Ægypto faciente, cuius erat hereditaria possessio, episcopo quoque eiusdem loci absente, populo quoque imminuto, machinis & tormentis bellicis in gyrum collocatis, suffosso muro, turribus assiduo lapidum iactu ex parte maxima debilitatis, intra paucos dies expugnat: eos qui intus erant ad deditionem compellens, pactis interuenientibus, quòd cum rebus suis omnibus egredientes, liberum haberent & pacificum exitum: ciuitatem recepit, anno ab incarnatione Domini *millesimo centesimo sexagesimo septimo*. Regni verò domini Regis *Amalrici* anno secundo, x v. Kal. Nouembris. Commiserat autem eandem ciuitatem, in Ægyptum proficiscens dominus Constabularius, cuidam militi fidei suo, qui dicebatur *Galterus de Quaisneto*, quem in custodia loci quidam dicunt negligentem fuisse. Addunt etiam, & in deditione cum quodam sacerdote *Rogero* nomine, qui Canonicus erat illius ecclesiæ, sumptâ pecuniâ, malitiosè versatum: vnde

MMMM

A. D.
1165.

X.

Luc. 3, 1.

Marth 16,
13, 19.A. D.
1167.

- & in reditu domini Regis ex Ægypto, timuerunt admodum, verentes ne impureretur eis ad mortem. Nos autem horum nihil pro certo compertum habemus, nisi
- x. hoc, quod ciuitas illa hostibus tradita est. His interea sic gestis in Syria, dominus Rex, *Siracono* de Ægypti finibus excluso, *Sauar* verò Soldano in administratione sua confirmato, ad propria cum gloria victoriosus remeauit: Vbi, etsi ita prius audierat, compertis quæ in Regno acciderant tristibus, & calamitatibus ex integro cognitis, vocatus ab Antiochenis vt rebus eorum penè desperatis subueniret, vocantibus eis fraternâ miseratione compatiens, assumpto secum Comite Flandrense, maturatis itineribus Antiochiam properat, eorum afflictioni optata solatia præstiturus. Adueniens ergo, præsensque factus, negotia domini Principis tantâ diligentia, tantâque sollicitudine, quantâ vix propria tractare consueuerat, fideliter, prudenterque administrans; nobiles & plebeios multâ mansuetudine prouidoque moderamine regens; dispositisque per vrbes singulas prudentibus viris, qui res ad dominicalia Principis pertinentes, bonâ fide, sanoque oâsilio procurarent; ad propria reuersus, non desinens tamen, sed cum eiusdem fidelibus & amicis satagens, de eiusdem redemptione tractare. Effectum est autem per eius industriam, quod in eadem ætate, multo tamèn interueniente precio, vix per annum integrum apud hostes detentus, libertati simul & honori pristino restitutus est: qui Antiochiam reuersus, non quieuit deses, sed viuacitate quâ potuit, vt obsides quos dederat soluto pro eis precio, recipere non moraretur, ad Imperatorem Constantinopolitanum festinat, qui paucis ante diebus sororem eius iuniorem *Mariam* vxorem duxerat. Vnde ab eo honorificè susceptus, benignè tractatus, munificentissimè donis Imperialibus cumulatus, intra paucos dies Antiochiam est reuersus. Videtur autem mirum, quod *Noradinus* tam prudens, tamque prouidus Princeps; & qui captiuos nostros tam inuitus à suis dimittebat carceribus, & in hoc maximè gloriabatur, quod multos ex nostris, & præsertim nobilibus, suis haberet vinculis mancipatos, cur Antiochenum Principem tam citò permisit libertati restitui. Super quo duæ nobis occurrunt solutiones: vel quia domini Imperatoris preces timebat, ne fortè gratis ab eo dominus Imperator vellet eum habere, cui aliquid tale negare verecundaretur: vel quia cum esset iuuenis, nihilque bonæ spei de se promitteret, verabatur ne si diutius eum teneret, Antiocheni fortiores surrogando, sibi consulerent, & ei durior obiceretur aduersarius. tutius enim videbatur viro discreto, & circumspècto plurimùm, quod hic, de quo nō multum bene sperabatur, Antiochenæ præesset prouinciæ, quam vice eius aliquis prudentior robustiorque eandem administraret regionem, cum quo periculosius esset negotia partiri. Hæc nobis videtur viri vigilantissimi mens fuisse. Eadem tempestate, *Syraconus*, vnde sæpius fecimus mentionem, vir in nostram argumentosus perniciem, municipium quoddam nostrum, in territorio Sydonienti situm, speluncam videlicet inexpugnabilem, quæ vulgò dicitur *Cauca de Tyrum*, corruptis (vt dicitur) precio custodibus, subitis & improuisis occupat machinationibus. Argumentum est, quod per consensum illorum quibus custodienda tradita fuerat, in manus hostium deuenisset, quia statim tradito municipio, qui intus erant, omnes ad hostium fines declinauerunt, excepto eorum domino, qui casu fortuito comprehensus, suspendio apud Sydonem, vitam infelicem finiuit. Eodem anno dominus *Wilelmus* inclytæ recordationis, Siciliæ Rex, domini *Rogeri* Regis filius, extremum clausit diem, morte præuentus. Per idem quoque tempus, eiusdem generis præsidium, spelunca iterum inexpugnabilis, vltra Iordanem in finibus Arabiæ situm, fratrum militiæ Templi diligentia deputatum, eidem *Siracono* traditur: ad quam eripiendam dominus Rex properans cum multa militia, dum supra Iordanem castrametatus esset, recepit nuncium, quod præsidium in manus iam deuenerat inimicorum: quo audito, dominus Rex confusus & irâ succensus, de fratribus Templi, qui hostibus castrum tradiderant, patibulo fecit suspendi circa duodecim. Sicque rebus nostris eo anno, qui erat regni domini *Amalrici* tertius, peccatis nostris exigentibus, plurimùm accessit detrimenti: ita vt Regnum vniuersum in arcto nimis esset constitutum. Dum hæc circa nos aguntur, rumor frequens personuit, & famâ celebri diuulgabatur, quod sæpèdictus *Siraconus* cum magnifico apparatu, conuocatis infinitis militibus, ab Orientali & Septentrionali tractu, in Ægyptum denuò parabat descensum: nec erat
- x. i. erat

erat vana opinio. Adierat enim illum maximum Saracenorum Principē, qui quati
singularis monarcha, cunctis excellentior, omnibus præesse intelligitur, *Calypham*
videlicet de *Baldac*: Ad quē perueniens, exhibita solita reuerentiā, cœpit exponere
diligenter, innumerabiles Ægypti diuitias, bonorū omnium, & singularium com-
moditarum copias admirabiles; Principis illius inestimabiles thesauros, census, ve-
tigalia, de terrestribus & maritimis vrbibus, annuas obuentiones quantitatis infi-
nitæ; ad hæc populum deliciis deditū, rei militaris expertem, longā quiete dissolu-
tum: adiiciens & inculcans & ad memoriam frequenter reuocans, quomodo tam
hic, qui modò regno illi præerat, quā eius progenitores, cōtra eū suosq; prædeces-
sores sedē sibi erexerant amulam, singulari eorum excellentiæ imprudenter se pa-
rificantes; quod etiam legem aliam, contradictoriasq; traditiones docere præ-
sumpserant. His & aliis *Calyphæ* animæ reuerberans, quæ intendebat persuasit.
Scripsit ergo vniuersis erroris sui Principibus, districtè præcipiens, vt vires confe-
rant, impendant auxilium, eumque sequantur. Audiens hæc dominus *Amalricus*,
volens illius molimina præuenire, curiam apud *Neapolim* conuocat generalem: vbi
præsentibus domino Patriarchā, Archiepiscopis, Episcopis, & aliis ecclesiarum
prælatiis, Principibus & populo, necessitates Regni docet ex ordine, omnium sup-
pliciter implorans auxilium. Decretum est ergo, & communi voto susceptum, vt
omnes generaliter, nemine excepto, ad Regni subsidium, vniuersarum rerum mo-
bilium decimas darent: quod & factum est. Rumor interim erat non remissior,
quod procul dubio *Siraconus*, sumptis necessariis ad dies multos alimoniis, vtri-
busque aquam deferens, per solitudinem, quā populus *Israël* ad Terram venerat
Promissionis, iter arripuerat. Rex autem collectis, quos habere poterat, militibus,
obuiam exiens, vsque ad *Cadesbarne*, quæ est in solitudine, cum omni celeritate pro-
perat, vt euntem impediret: eoque non inuento, celerius reuertitur. Conuo-
catis ergo ex vrbibus singulis per vocem præconiam, tam equitum quā peditum
viribus vniuersis, & apud *Ascalonam* vnanimiter congregatis, tertio Kal. Februa-
rii, cœptum agredientes iter, assumptis sibi ad dies constitutos necessariis alimen-
tis, vastitatem solitudinis, quæ interiecta est media inter *Gazam*, vltimam regni no-
stri ciuitatem, & Ægyptiacam diocesim, recensitis suorum numero, & nouissimis
expectatis, apud *Laris*, antiquissimum eiusdem solitudinis oppidum, maturatis trā-
sunt itineribus: tandem apud eam quæ hodie dicitur *Belbeis* ciuitatem, vnde fre-
quentem fecimus mentionem, quæ olim dicta est *Pelusium*, cuius frequens memo-
ria est in prophetis, vniuersus applicat exercitus. Cognito ergo domini Regis ad-
uentu, *Sauar* Soldanus, de subito nostrorum stupefactus occurso, timens ne aduer-
sus eum strueretur omnis apparatus, & de fide nostrorum dubitans, formidine
nimia corripitur: nam licet aliās vir prudens & industrius, prouidusque pluri-
mum haberetur, in ea tamen parte tam supinus, tamque crassā laborans ignoran-
tiā repertus est, vt viæ causam nostrorū edoctus, vix crederet; peneque serō, lentus-
que miserit exploratores per solitudinem, qui ei certa de hostium exercitu nuncia-
rent. Redeuntes autem qui missi fuerant, Turcorum expeditiones, ad eum locum
qui dicitur *Attasi*, peruenisse denunciant. Tunc verò Soldanus fidei nostræ admi-
rans, & laudibus attollens sinceritatem, diligenter considerans, quantam pro ami-
cis sollicitudinem Christianus impendisset exercitus, vniuersas regni & *Calyphæ*,
Regis obsequiis exponit diuitias, vniuersorumque mandatū eius sedulū ab
illa die se præbuit executorem: eiusq; dominus Rex, ad omnia necessariis vtebatur
ministeriis. Transcuntes igitur *Pelusium* & *Cahere*, vbi regni solium & totius Æ-
gypti culmen magnificis decoratum ædificiis monstratur, ad laeuam habentes no-
bilem & egregiam metropolim, quæ vulgò *Babylonia* dicitur, linguā verò Arabicā
50 *Macer* appellatur, supra ripam fluminis castra locauerant. Huius ciuitatis nomen
non potuimus reperire antiquius: nam *Babylon*, siue *Babylonia*, ciuitas fuit antiquissi-
ma in Oriente. Iuxta enim veteres & vetustissimas etiam historias, nulla vnquam
in Ægypto huius nominis audita est ciuitas. Vnde verisimile est, post tempora *Pha-
raonum*, qui primi in Ægypto regnauerunt, & *Ptolemaeorum* qui posteriores; sed et-
iam post Romanorum tempora, qui regnum Ægypti in prouinciam redegerunt,
hanc urbem conditam, sicut de *Cahere* constat, quod *Iohar* princeps militiæ *Mehe-
zedinalla*, qui tunc in Africa regnabat postquam domino suo Ægyptiacam omnem

XIII.

XIV.

dioccesim acquisiuit, fundasse dinoscitur: quod qualiter acciderit, insequentibus dicemus. Aliqui tamen confidenter asserunt, quod ista sit illa antiqua & nobilis & famosissima *Memphis*, cuius in veteribus historiis & in prophetis multa est memoria, quę totius regni illius, & multarum finitimarum prouinciarum caput & moderatrix dicitur fuisse. Vsq; hodie tamen, vltra Nilum, qui hanc, de qua loquimur, urbem præterfluit, quasi ad decem miliaria apparet vrbs annosa, infinita, vetustæ nobilitatis, & eximia magnitudinis argumenta præferens: quam etiam incolæ regionis *Memphim* veterem fuisse, pro certo asseuerant. Probabile est ergo, aut necessitate compulsum, aut maioribus commoditatibus tractum, Mempheos populum, citra flumen domicilia transfuisse, nomenque vel tunc, vel postea, mutasse pristinum. Cæterum fixum tenemus, quod Iohar, (vt supra diximus) qui exercitibus magni principis *Mehezedinalla*, ad expugnandam *Ægyptum* ab Africa missus fuerat, iuxta hanc eandem ciuitatem, subacta vniuersa regione, & populis tributariis constitutis, *Cabere* cõstruxit, quasi dominio suo præcipuum futurum & familiare domicilium, anno à regno *Mehemet* trecentesimo quinquagesimo octauo: quem *Mehezedinalla* tertio postea anno, relicta *Caraa*, vbi regni sui sedes per aliquot annos fuerat, secutus, iuxta Principis sui dispositionem, prædictum locum Regni solium constituit, & domesticâ in habitatione reddidit gloriosum, anno à regno *Mehemet* trecentesimo sexagesimo primo, regni verò sui vigesimo: sicut alibi in historia, quam de

xv. Principibus Orientalibus contexuimus, diligentius est digestum. Locatis igitur

nostris super ripam fluminis, vix à prædicta vrbe stadiis duobus, communicato consilio, libratisc; multâ deliberatione partibus, potissimum ducunt *Siracono* suisq; antequam fluuium transeant, occurrere: eumque regni finibus arcere, quàm flumine transmissum eis conferere, quos postea ipsa remeandi difficultas redderet acerbiores. Solutis igitur castris, ad locum vbi hostes esse dicebantur, festinant. Is autem ab eo, vbi nostri prius castrametati fuerant, quasi miliaribus decem dicebatur distare. Postquam verò ad prædictum conueniunt locum, ipse iam tanquam dux vigilantissimus, cum vniuerso penè exercitu flumen transierat, paucis relictis, quos nostri capientes, vinculis alligant. Interrogati tamen de transitu eius, de militum numero, de multis necessariis nostros instruxerunt: quiddam sanè quod nostris erat incognitum, eorum paruit relatione: videlicet, quod in solitudine, postquam *Syriam Sobal* transierant, oborto subito ventorum turbine immanissimo, tãtus ex harena puluis in modum nubiũ & densæ caliginis per aëra dispersus est, vt oculos, vel ora, vt sibi colloquerentur, qui in exercitu erant, aperire omninò non auderent, de equis descendentes, ad terram prostrati, manibus quantò altius arenæ imprimere poterant adhaerentes solo, ne vi turbine raperentur in sublime, iterum ad terrâ recasuri. Solent enim in illa solitudine instar maris, arenarum quasi quidam fluctus attolli deponique, in modum procellarum: ita vt non minus quàm per aquas nauigantibus, periculosum sit, per illa & importuna loca transire. Amisissis ergo camelis, & alimentorum parte maximâ, vix de vita sperantes, extinctis pluribus, multis etiam per vastitatem latè patentium arenarum dispersis, redditâ demum aëris clementiâ, incertis itineribus, magis deuiantes quàm de via certi, post dies aliquot, vt prædictum est, peruenerunt in *Ægyptum*. Porro videns exercitus noster, quod ille cū suis flumen transierat, recursâ per quam venerant viâ, iuxta eandem urbem, quàm prius dimiserant, super fluminis ripam castra iterum locauerunt. Videns igitur Soldanus,

xvi. quod hostem infra regni præcordia suscepserat, quem nullatenus aut sustinere, aut a Regni finibus nisi per dominum Regem poterat expellere sollicitus erat, quo pacto dominum Regem posset in *Ægypto* detinere: verebatur enim, ne laboris immensitate fatigatus, redire ad propria disponderet: nec aliâ ratione, quod dominus Rex in terra moram faceret, posse fieri penitus illi videbatur, nisi maior ei tributorum summa statueretur, & sufficientes sibi & suis Principibus designaretur impense. Placuit ergo sibi, & id ipsum nostris visum est expedire, vetera innouare pacta, pacisque perpetuæ fœdera inuiolabili stabilitate inter dominum Regem & Calypham firmare; annua quoque, tributum ampliata possessione, domino Regi certa stipendia de ærario Calyphæ constituere. Videbatur enim res non faciliè finem habitura, sed laboris exigere diuturnitatem, & temporis plurimum postulare. Conuenionum autem & facti huius mediatores, prætentatis hinc inde partium desideriiis, &

his, & volumine protogant, decernunt domino Regi quadringenta aureorum millia: ducenta millia statim soluentes, reliqua ducenta millia, placitis temporibus sine difficultate soluturos se spondentes, eâ conditione, eoque tenere: *Quod dominus Rex bonâ fide, sine fraude & malo ingenio, propriâ manu firmaret, quod regno Ægypti non egredereetur, nisi prius Siraceno, omni eius exercitu penitus extincto, aut de omnibus Ægypti finibus expulso.* Placuit autem partibus cōditio. Dominus Rex his qui à Calypha missi fuerant, super placitis conuentionibus dexteram dedit. Missus est autem dominus *Hugo Casariensis*, miræ prudentiæ iuuenis, & supra id quod solet ætas illa ministrare, circumspectus, & cum eo quidam alii, in cuius manu Calypha, iuxta consonantiam placitam pacta firmaret: non enim sufficiens videbatur, si in eo Soldanus se solus obligaret. Et quoniam singularem, & seculis nostris incognitam habet illa **XVII** principis domus consuetudinem, libet diligenter annotare, quæ fidâ relatione eorum qui ad illum tantum Principem sunt ingressi, de statu & magnificentia, & immensitate diuitiarum, & gloriæ multiplicitate, cōperimus: non enim erit minimum profecisse, tunc intellexisse diligentius. Prædictus ergo *Hugo Casariensis*, & cum eo *Gaufridus* Fulcherii frater militiæ Templi, in principio obeundæ legationis, ducente Soldano, *Cabore* ingressi, ad palatium, quod lingua eorum *Cascere* dicitur, ascendentes cum apparitorum numerositate maxima, qui cum gladiis & strepitu præcedebat, per angiportus, & loca luminibus egentia ducti, ad singulos introitus armatorum Ætiopum cohortes crebre salutationis officium certatim Soldano exhibentes, reppererunt. Transeuntes autem primam & secundam custodiam ad quædâ diffusa & magis spaciofa loca, Soli peruia, & diuio exposita, intromissi, deambulatoria inueniunt, columnis subnixa marmoreis, auratis laquearibus, & prominētibus celata operibus, pauimento strata vario, ita ut omni suo ambitu, regiam prætenderent dignitatem: quibus tanta inerat materiæ & operis elegantia, ut transeuntium etiam inuitos detinerent oculos, & quadam videndi aueritate, inuitante operum eximiam nouitate, intuentium aspectus non sinerent satiari. Erant ibi piscinæ marmoreæ, aquis redundantes limpidioribus: erant auium multimodarum, quas noster non nouit orbis, varii garritus, formæ incognitæ & coloris peregrini, figurarum quantum ad nos prodigiosarum, cuique gustus iuxta speciem suam, & edulium cuique varietati eorum consentaneum. Inde ad vteriora, præuiis eunuchorum principibus admitti, iterum ædificia tamè prioribus elegantiora inueniunt, quanto quam prius viderant vulgaribus & vilitatis præstantiora videbantur. Hic quadrupedum suspenda varietas, qualem pictorum solet manus lasciuia depingere; qualem solent poetica licentia mentiri, aut somniantis animus visionibus imaginari nocturnis: qualem Orientis, & Austri solent diocesæ ministrare: Occidens autem videre nunquam, audire verò rarius consuevit. Videbatur procul dubio, quod ex iis locis, *Soldanus* noster Polyistoris sui deduxerit historiam. Et iam per multos anfractus, **XVIII** & varia diuerticula, quæ etiam negotiosos poterant sui contemplatione detinere, ventum est ad ipsam regiam, ubi maiores armatorum cunei, satellitum quoque stupens numerosior, habitu & frequentia domini gloriam incomparabilem fatebantur: ipsa quoque locorum facies domini opulentiam, & supereminentes diuitias prætendebant. Ingressis porro eis & in interiorem partem palatii admissis, *Soldanus* de more consuetam domino exhibens reuerentiam, semel & secundo humi prostratus, quasi nemini debitum cultum, & quoddam adorationis genus cepit simplex impendere: tertio iterum prostratus ad terram, gladium quem de collo gerebat suspensum, deposuit. Et ecce subito contractis mirâ velocitate velariis, margaritarum varietate auroque contextis, quæ media dependebant, & obumbrant solium, euolatâ facie, throno sedes aureo, habitu plusquam regio, paucis circa eum de domesticis & familiaribus eunuchis, apparuit *Calypha*. Tunc accedens cum omni reuerentia *Soldanus*, sedentis pedibus osculum humiliter imprimens, aduentus legatorum causam, & tenorem pactorum, regni etiam urgentissimam necessitatem, habet inmanissimos in mediis astare visceribus: quid etiam ab eo exigatur, quid dūc a domino Rege impendatur, sub verborum compedio aperit. Ad hæc ille benignè & placidâ tranquillâ vultus hilaritate respondit: se iuxta iuitas & vtrinque admissas conuentiones, dilecto suo domino Regi, largâ interpretatione cuncta adimplere paratum esse. Petentibus nostris, ut hæc propriâ manu firmaret, sicut de-

minus Rex fecerat: primâ facie visi sunt, qui ei familiaritatem adhibebant, circulares & orbicularii, penes quos consiliorum regionum erat auctoritas, rem nimis, tanquam in seculis inauditam, abhorrere: tandem verò, post multam deliberationem, & Solidani diligentem instigiam, manum porrigit, inuitus nimium, sed velatam: cui praedictus Hugo de Caesarea, multum admirantibus & stupentibus Aegyptiis, quod tam libere summo Principi loqueretur, dixit: *Domine, fides angulos non habet: sed in fide nostra, per quam se solent obligare Principes, omnia debent esse nuda: & aperta cum syncretate, & colligari, & solui conuenit vniuersa, quae fidei interpositione, pactis quibuscumque inferuntur. Propterea aut nudam dubis, aut fictum aliquid, & minus puritatis habens, ex parte tua cogemur opinari.* Tunc demum inuitus plurimum, & quasi maiestati detrahens, subridens tamen, quod multum ægrè tulerunt Aegyptii, dexteram suam in manum domini Hugonis nudam præbuit, eundem Hugonem, pactorum formam determinantem, eisdem penae syllabis sequens, tenorem conuentorū *bonâ fide, sine fraude & malo ingenio se obseruaturum* contestans. Erat autem, sicut dominus Hugo nobis retulit, iuuenis primâ pubescens lanugine, fuscus, procerus corpore, facie venustâ, liberalis plurimum, inuictas habens uxores: nomen eius *Elhadach, filius Elfoi*. Quibus dimissis, regis liberalitatis insigne, munera legatis dirigit, quæ tantum Principem suâ quantitate & specie commendarent, ut à facie tanti Principis iucundum haberent egressum, & ad suos remitteret latiores.

LIX. Et quoniam de magnificentia eius, secundum quod audiuius ab his, qui viderunt, & oculatâ fide inipexerunt, dictum est de nomine quoque dignitatis, & ortu & processu eius, quantum nobis nosse datum est, tum ex lectione veterum historiarum, tum ex multorum veridica relatione, in medium proferamus: non enim erit absque historiarum compendio, in hac parte lectorem reddidisse doctiorem. Princeps igitur Aegyptius, apud suos duobus appellatur nominibus: dicitur enim *Calypha*, quod interpretatur *successor* vel *heres*: eo quod summi eorum prophetæ vicem & successionem, iure teneat hereditario. Dicitur & *Mahene*, quod interpretatur *Dominus noster*. Posterioris nominis ratio inde videtur traxisse initium, ex quo Ioseph noster, tempore Pharaonis omnem Aegypti regionem, vendentibus Aegyptiis præ angustia famis possessiones suas, emit: subiecitque eas Pharaoni, & cunctos populos eos à nouissimis terminis Aegypti, ad extremos fines eius, dicens agrorum cultoribus: *Quintam partem Regi dabitis, quatuor reliquas partemitto vobis in sementem, & in cibos familias vestris & liberis.* Emit ergo prius possessiones deinde personas: unde est, quod archiore vinculo tenentur Aegyptii domino suo, & amplius sunt ei obligati, quam aliarum habitantes regionum magistratibus suis. Quippe qui & eos & eorum possessiones precio interueniente comparauit: unde & serui nexu, & extremâ conditione ei tenentur annexi. Ita ergo per optimi procuratoris sui egregiam sollicitudinem temporibus Pharaonum, deinde Ptolemæorum, & postea temporibus Romanorum, qui eam more aliorum regnum reddegorunt in prouinciâ, consuetudo hæc obtinuit, ut serui sint Aegyptii, & eorum reverentiâ consueuerint appellare. Nihilominus autem & veteris consuetudinis potius est, quod idem Princeps ocio vacans perpetuò, & deliciis deditus, tumuluum ignarus, & sollicitudinis expers, procuratorem habet, qui vniuersa administrat & omnia negotia, tanquam alter Ioseph, & potestatem gladii, & omnem vice domini implet. Hic *Soldanus* dicitur, & in hac administratione erat *Sauar*, unde nobis

LX. verbum est tam frequens. Prioris autem nominis hæc est ratio: *Mehemeth* propheta eorum, imò subuersor, qui primus Orientales populos ad huiusmodi iram & superstitionem, successorem habuit statim post se quendam de cooperatibus suis, *Bobere* nomine. Post quem successit in regno *Homar* filius Chata: post hunc *Phomon*: post quem *Hali* filius Bithaleb. Hi omnes dicti sunt *Calypha*, sicut & deinceps omnes qui eis successerunt: eo, quod eorum magistro præcipuo successerunt, & erant heredes. Iste tamen ab eo quiritus, *Hali* videlicet, cum esset ceteris qui eum præcesserant, magis in armis strenuus, & in re militari supra homines illius temporis exercitatus, & ipsius Mehemet patruelis, indignari cepit plurimum, quod illi diceretur successor: & non magis Propheta eximius, & multo maior illo haberetur. Nec satis visum est ei ita de se, vel se, vel alios opinari, nisi & ipsam publicè prædicaret: non solum etiam illud blasphemæ plenum dicere, & per vulgus

disseminare; quod Angelus legislator Gabriel, ad se missus fuerat diuinitus; sed et
 per deceptum eam Mehemet contulisset: unde fuit grauiter à Domino correptus.
 Hæc etiam absque quibusdam eorum, & ab eorum traditionibus multum dissentire
 videbantur, inuenit tamen populum qui sibi crederet: sicque in gente illa, exortum
 est schisma, quod postea non defecit vique in præsentem diem: aliis dicentibus *Me-*
hemet maiorem esse, & omnium eximium Prophetarum, & hi linguâ eorum dicun-
 tur *Summi*: aliis dicentibus, *Hali* solum esse Prophetam Domini, & isti dicuntur *Sy-*
ci. Occisus est autem prædictus Hali, & obtinuit pars aduersa principum, & fuit po-
 nes sequaces Mehemet monarchia in Oriente; & alios contrariæ opinionis viros
 opprimebant, tanquam potestatem habentes. Anno igitur ducentesimo octoga-
 simo sexto, à regno sæpèdicti seductoris, surrexit vir quidam nobilis, nomine *Abd-*
el, filius *Mehemet*, filii *Iaphar*, filii *Mehemet*, filii *Hali*, filii *Hussen*, filii *Hali* maioris, de
 quo præmisimus. Hic egressus de *Selema* ciuitate, quæ est in Oriente, transiit in
 Africam, & occupatis vniuersarum illarum partium regnis, vocauit se *Mehedi*, quod
 interpretatur *Complanius*: quasi qui vniuersa ad quietem dirigit, & sine offendicu-
 lo vias, populo effecit planiores. Edificauitque ciuitatem de nomine suo maxi-
 mam, *Mehedinam*, quam regnorum suorum voluit esse caput, & supereminentem
 metropolim. Hic classe ordinatâ, cepit *Siciliam*, & quasdam Italia partes depopula-
 uis est. Hic primus omnium post *Hali* attuum suum, ausus est dicere, & se nomi-
 nare *Calyphum*; nō quod Mehemeth se diceret successorem, quem execrabatur; sed
 maximi & eximii prophete *Hali*, de cuius stirpe descenderat, vt præmisimus. Au-
 sus est etiam nihilominus in Mehemeth & sequaces eius, maledicta publicè iacu-
 lari, & alium ritum, aliumq; modum orandi tradidisse. Huius abnepos *Ebushem*,
 cognomento *Elmehedinalla*, subiugatâ sibi Ægypto, per *Iohar* principem militiæ suæ,
 constructoque *Cahere*, quod interpretatur *Vincens*; eò quod domini eorum præci-
 pui & summi principis omnia vincentis, futurum erat domicilium: egressus de *Ca-*
hira, quæ est in diocesi Africana, in qua prædecessores eius quatuor habitauerant,
 descendit in Ægyptum, & prædictum locum constituit regni solum. Ab illa igitur
 die, vsque in præsens, non defuit *Calyphæ Orientali*, qui tot annis fuerat mon-
 archa, æmulus in Ægypto regnans, cum eo de paritate cōtendens, imò etiam se præ-
 forens. Hæc si quis plenius scire voluerit, illam legat historiâ, quam de Orientalibus
 principibus & eorum actibus, à temporibus prædicti seductoris Mehemet, videli-
 cet per annos quingentos septuaginta septem, vsque in præsentem diem, qui est an-
 nus ab incarnatione Domini millesimus centesimus octuagesimus secundus, cum multa
 scriptis diligentia, instante & rogante domino *Amalrico* inclitæ memoriæ, &
 exemplaria Arabica ministrante. Pactis igitur, vt prædiximus, renouatis, & v-
 trinque ad consonantiam redactis, ad opus conceptum vnanimiter se accingunt,
 per aridam hostem insequi, & de regno expellere vniuerso. Nox interim irruens, causam
 porrexit quietis: manè factò, rerum inueniunt aliquam mutationem. Nam *Sir-*
acus illa nocte veniens, supra ripam fluminis eiusdem oppositam, è regione nostri
 exercitus castra posuerat. Comportatis igitur nauibus & trabibus palmaceis, quæ
 illa regio consuevit habere, dominus Rex ponere præcipit ordinari: iungebantur
 naues binæ, defixisq; anchoris, reddebantur stabiles; de superq; trabibus ordinatis
 terra supponebatur; demum turribus ligneis, machinis supererectis, armabatur. Sic
 que per dies aliquot, vsq; amnis medium, productum est opus: nam reliquæ exequi
 & ad vltiorem ripam procedere, hostium formido verabatur. Hic iam per mensem
 amplius omnis belli euentus, suspensus tenebatur, nostris nō valentibus annem
 transire hostibus nō audentibus, ne nostri à tergo irruerent, vltius euagati. Dum
 hæc circa *Cahere* aguntur, misit *Siracus* partem de suis qui insulam, quæ vicina erat
 omnibus referta copiis, si possent occuparent, & nostros aliquando illic descen-
 dere præuenirent, quod & factum est. Sed postquam domino Regi innotuit, hostes
 in insulâ descendisse, misit illuc dominum *Mahomet de Planci*, & *Chemel* Soldani filium
 cum parte militiæ: qui ad insulâ tandem peruenientes, Turcos in ea reperiunt, in lo-
 ci illius habitatores immanissimè sequentes: quibus tandè facti obuiâ, cōmissio inot
 prælio, viriliter hinc inde pugnatū est. Sed tandè nostri, iuuante Domino, super-
 iores facti, cōpulerunt eos in flumē proximū se dare præcipientes: ubi qui gladios eua-
 derunt, submersi sunt in aquis vehemetibus. Perierunt ergo ex eis illa die, variis casibus

equites quingenti. Quod postquam *Siraceno* nunciatum est, cepit de proposito amplius diffidere, animo plurimum consternatus. His in se habentibus, quidam de nostri regni principibus, *Henfredus* videlicet *de Torona*, Regius Constabularius, item *Philippus de Neapoli*, qui cum domino Rege ex causis familiaribus, moram domi facientes, egressi non fuerant, cum multa velocitate exercitum secuti, castris nostris se applicant: quorum aduentum cum multa hilaritate & plausu nostræ suscepunt cohortes. Erant enim viri fortes, & in armis strenui, in re quoque militari à primis annis plurimum exercitati. Inito ergo consilio, deliberant quid facto sit opus: tandemq; communi voto decernunt, classē vniuersam intempesta noctis silentio, etiam hostibus in insulam, quæ inferius erat, vix octo miliaribus ab eo loco, in quo castra erant, remota, deducere: exercitumque omnem, circa primam noctis vigiliā, flue transfretare: eo videlicet intuitu, vt hostibus ignorantibus, flumine transito, de nocte super incautos irruerent, damna quanta possent irrogaturi. Mandatur ergo executioni consilium, & classis, nescientibus aduersariis, ad portum destinatum locum descendit. Exercitus verò cum summo silentio sequens, & nauibus subito reuersus, insulam occupat: & dum alteram fluminis partem, eodem modo, iuxta conditum exsuperare nituntur, exorto repente ventorum turbine, opus implere prohiberi sunt: vnde & in ea parte, quæ vteriores ripam respicit, castrametari coacti sunt. Reliquerunt tamen de nostris, qui pontem ceptum perficiant, & perfectum tueantur: eisq; præficiunt dominum *Hagorem de Ibelim*, virum magnificum & potentem, qui vt prædiximus, relictam domini Regis uxorem duxerat. Insula hæc, vnde nobis sermo est, apud eos *Mabelesh* dicitur, bonis omnibus copiosior, & glebæ vberi latissima, ex diuisione fluentorum *Nili* fit: ibi enim diuiditur fluuius, partes, quas ab inuicem separat, vsque ad mare iterum non recepturus; sed tamen iterum non conueniens, quatuor hostiis mari se immiscet. Prima pars quæ nostram Syriam respicit, inter duas antiquissimas vrbes maritimas mare ingreditur, inter *Tasum* & *Pharamiam*: sed alterius ædificiis vicinior, locum præterfluendo alluit: ab altera aliquid tantulum, quasi miliaribus tribus aut quatuor, distat: Secunda apud *Damiatum*, urbem antiquam & nobilem, fretis adiungitur: Tertia apud *Scaronem*; Quarta apud *Resbith* (qui locus Alexandriæ conterminus est, vix ab ea distans miliaribus quatuor aut circa id) marinis fluctibus excipiuntur. Quærentibus sanè nobis & inuestigantibus diligenter, nulla alia amnis huius occurrunt hostia: vnde miramur plurimum, antiquos Nilum *septemfluum* dixisse, quasi septē hostiis mare ingreditur. Nec aliud nobis pro solutione occurrit, nisi aut serie seculorum antiquissimā locorum faciem alteratam, fluuiumque, sicut aliis etiam amnibus solet crebrius accidere, alueum mutasse: aut pristina ætatis viros, rei veritatem non esse affecutos: aut fortasse exuberante flumine, & solitis incrementis facto redundantiores, vias præter istas quatuor, tumoris sui tempore, aquarum decursus reperit, per quas postmodum infra alueum receptus, pelagus definit introire: quas si quæ sunt, quia iuges non habent aquas, sed more torrentium, certis tantum temporibus defluunt, inter ostia nō computauimus. Occupatā igitur insulā, minor pars fluminis restabat: iam namq; in clarescente die, hostes somno soluti, nostros vidētes abiisse, classē abductā, ad arma conuolant, subitum nostrorum timentes incursum. Inde cum celeritate secuti, ferus fluuium agmina trahentes, nostros conspiciunt insulam occupasse, eamq; quæ transeunda restabat fluminis portionem, classē immissā quasi propriam vendicare. Castra igitur locant ex aduerso, longè tamen à crepidine aluei aliquantulum, vnde non habebant prorsus liberum ad aquas accessum: vnde etiam equos ad aquas trahentes, inferius descendebant. Sequenti igitur die, propositum fuerat modis omnibus fortunam tentare, & aperire ferro viam: cum ecce nocte illā, nobis ignotis, hostes descendunt: manè autem factō, videntes eos abiisse, flumine celerius transmissō, hostes insequi nostri festinant. Hic sanè, accelerandi gratiā, quod expeditius equites proficiscerentur, relictis pedestribus auxiliis, dominus Rex cum solis equitibus ad iter accingitur. Dimisit tamen dominum *Hagorem de Ibelim*, & *Chemel* Soldani filium, cum multa tum nostrorum tum Egyptiorum militia, qui *Cabre* pontemq; quem nostri perfecerant, à subitis hostium incursums tuerentur. Hic traditæ sunt nostris turres, & vniuersæ nobilis illius vrbs munitiones, domusq; *Cathypur* nostris hactenus incognita, eis peruia facta est, ita vt & ipse dominus & omnis

XXII.

XXX

et familia, salutis spem omnem in nostris tantum haberent. Tunc reuelata sunt nostris illa Sancta Sanctorum à seculis abscondita; & stupēda prius, & paucis familiaria patuerunt arcana. Misit etiam dominus Rex, *Gerardum de Pugi*, & alterum *Soldani* filium, *Mahadam* nomine, in vltiorem fluminis ripam, iterum, cum vtriusque gentis expeditione: qui si fortē hostes amnem transire tentarent, ipsi eorum conatibus reniteretur. Depositis igitur, vt prædiximus, ex maxima parte impedimētis, dominus Rex hostem insequitur, cōtra decursus aquarum: ipsa enim regionis forma, certum dabat insequentibus de hostium itinere argumentum. Omnis enim *Ægypti* tractus, a prioribus auspiciis suis, quibus *Æthiopum* regioni continuari dicitur, inter duas solitudines iacet arenosas, perpetuā sterilitate damnatas: nec aliquando sentit aut præstat fructuarios prouentus, cuiuscunque generis, nisi quātum de beneficio exuberantis *Nili*, certis temporibus fœcundatur. Fluius autem non nisi quantum latorum adiacentium opportunitas permittit, suā reddit irrigatione frugibus aptam regionem: nam vbi circa se planiorem reperit superficiem, liberius effusus, latius etiam terram cultui præbet habiliorem, & factus diffusior diffusiorē glebæ porrigit vbertatem. A *Cahere* ergo inferius, versūs mare, planiora penitus inueniens loca, excursus habet liberos: vnde & fœcunditatem liberius latiusq; procurat, & regno maximum dans incrementum, fines eius dilatat. Nam ab eo oppido quod dicitur *Facus*, quod *Syriam* respicit, vsq; *Alexandriam*, quæ nouissima illius regni ciuitas, arentem contingit *Lybiam*, centum & ampliùs miliaribus culti fœcundique commoditas diffunditur. A *Cahere* verò suprā, vsquequò perueniatur *Chus*, *Ægyptiæ* diocesis vltimam ciuitatem, quæ regno *Æthiopix* dicitur esse contermina, rātas patitur collium arenosorum obiectu angustias, vt rarò septem aut octo miliaribus, frequentius quatuor aut quinque, aut altrinsecus, aut ex vna tantum parte effusus, ad suæ exundationis modum, regni fines laterales vel cōtrahat, vel producat: nam quæ loca non irrigat fluuius, Solis ardoribus & perpetuè, vt diximus, sterilitati deputantur. Superior igitur regio linguā eorum *Seith* appellatur. Cuius nominis nullam aliam adhuc potuimus inuenire rationem, nisi quòd priscis temporibus in superioribus *Ægypti* partibus legitur fuisse ciuitas vna antiquissima *Sais* nomine, cuius mentionem *Plato* noster in *Timeo*, sub persona *Critiæ* discipuli sui, *Solonem* præcipuè auctoritatis virum introducentis facit: cuius verba ad maiorem ciuitentiam ponenda iudicauimus, ne quid deesse auctoritati videatur. *Est*, inquit, *regio Ægypti*, *Delta* nomine, cuius è vertice *Nili* scinduntur fluentia, iuxta quam *Sais* nomine, ciuitas magna fuit, quam regit mos vetus, qui, *lex Satyra* nuncupatur. Ex hac urbe *Amasis* fuit Imperator, &c. Est tamen quædam alia regio ad eandē pertinens *Ægyptum*, à *Cahere* distans itinere diei vnus, per terram inhabitabilem, quæ eiusdē fluminis benefici per quosdā meatus visitata, opimum & fertile nimis habet solum, agrorū & vinearum multā gaudens opulentiā. Hanc *Ægypti* linguā suā *Phium* vocant; hanc vt veterum tenet traditio, prudētissimus procurator *Ægypti*, & optimus vtiliū prouisor *Ioseph*, cum prius solum inutile, aratri prorsus ignarum, & culturæ & curæ expers omnino à mundi iacuiisset initio, sicut eiusdem solitudinis partes aliæ, considerato loci situs quia circumadiacētibus locis finitimis humilior videbatur, & quòd solutis quibusdā aggeribus, qui medii erant inter habitabilem tractum & eandē solitudinis partem, facile posset fluminis recipere beneficium: positis aggeribus, & mediā quæ interiacebat superficie complanatā, Nilum restagnantem, paratis aquæ ductibus introduxit, & à seculis solo incognitam familiarem fecit fœcunditatem. Nos autē antiquum eius vocabulum non tenentes, opinamur, priscis temporibus *Thebaidā* dictam, vnde sanctorū *Thebæorum* Legio (quæ sub *Diocletiano* & *Maximiano* Augustis apud *Agauno* martyrio coronata est) fuisse dicitur, cuius primicerius magnus martyr *Mauritius* legitur fuisse. Et aliud argumentum accedit, quòd optimum opium quod vsquam inuenitur, quod medici *Thebaicum* vocant, ibi nascitur. Nam terrā *Gessen*, quæ fratribus *Ioseph* data fuisse legitur, in ea parte *Ægypti* est, quæ *Syriam* respicit, sicut ex lectione libri *Geneseos* esse deprehenditur, quod diligens facile lector inueniet: Hæc autem, oppositam *Ægypti* partem & vltiorem fluminis ripam habet viciniorem quæ *Libyam* respicit. Est autem regio non modica; imò trēcentas sexaginta sex tam vrbes, quàm suburbana, finibus suis dicitur coercere. Hæc igitur (vt diximus) lege loci, quia regnum erat ita angustum, nec ad dexteram,

XXIV.

nec ad læuam poterant declinare: & etiam crebris exploratorum internunciis edoctus dominus Rex & Soldanus de itinere hostium, per triduum continuum secuti, quartâ demum die, sabbato videlicet, quæ illam Dominicam præcedit, qua in Ecclesia DE I cantatur *Letare Hierusalem*, nunciatur hostes esse in proximo. Communicato itaque ad debitum compendium consilio (nam ferias liberiores, instans non patiebatur necessitas) prudenti consilio & animositate providâ opus esse dicunt; omniumque desideriis bellum decernitur, gladiis conferendum acclamatur. Verum impar nimis erat accinctorum ad prælium distributio. *Siraconus* enim habebat Turcorum duodecim millia, ex quibus novem millia loriceis galeisque tegebantur, reliqua tria millia arcubus tantum & sagittis utebantur: præterea Arabum aut decem aut undecim millia lanceis pro more utentium. Nostri verò equites vix erant CCC. LXXIV. absque Ægyptiis vilibus & effœminatis, qui potius impedimento & oneri essent quàm utilitati. Erant præterea nobis equites levis armaturæ, quos *Turcopulos* vocant, sed nescimus ad quem numerum: multorum quoque relatione audiuimus, quod illâ die in tanto conflictu ex maiore parte, prorsus fuerunt inutiles. Compertum ergo habentes tam nostri de hostium vicinitate, quàm ipsi de nostrorum aduentu, prout res exigere videbatur, acies ordinant, cuncos disponunt, arma exerunt: qui rei militaris exercitatione pristinâ erant prudentiores, alios hortantur, rudes instruunt, sermonibus exhortatoriis inflammant animos, promittunt victoriam, victoriæ fructum laudem immortalem. Erat autem locus in quo committendum erat, in confinio cultæ terræ & solitudinis, locus inæqualis, arenarum collibus vallibusque mediis interpollatus, ita ut neque aduenientes de remoto videre, nec abeuntes longius liceret intueri. Nomen loco *Beben*, quod interpretatur, *portæ*: eo quod inter colles oppositos transitus arceatur. Nam *Lamonia*, unde quidam huius diei prælium solent denominare, ab eo loco decem miliaribus erat remota. At verò hostes sollicitudine non pigri, nihilominus instructis aciebus à dextris & à sinistris colles occupauerant, ad quas tum propter clium, tum propter arenarum mollitiem nostris durum erat cum impetu accedere: eamque cui *Siraconus* præerat, mediam posuerant cohortem, cæteris utrinque collocatis. Et iam ventum erat ad hoc, ut cominus rem agi oporteret: egressique nostri qui in acie Regis erant, vnanimitè cohortem cui *Siraconus* præerat, viriliter prosternunt; prostratos, gladiis obruncant; ipsum etiam in fugam versum insequuntur. Porro *Hugo Casariensis* in eam aciem cui præerat *Salibadinus*, Syraconi nepos, impetum faciens, à suis destitutus deficit, deficiens capitur; multi etiam cum eo capti, plures interfecti. Ibi cecidit vir nobilis, & in armis strenuus, *Eustachius Cholet* de regione Ponti. Hoc successu elatæ cohortes aliæ, convenientes ad inuicem, & undique vallantes, aciem illam quæ impedimentis & sarcinis conservandis deputata erat, aggrediuntur, statimque dissolutam prosternunt: ibi occubuisse dicitur vir nobilis, Siculus natione, probus & honestus iuuenis *Hugo de Creona*. Dissipatâ igitur acie, mortuis pluribus, qui gladios euadere potuerunt, fugâ salutem consulunt. Hostes verò impedimenta & sarcinas liberè occupant, & secum trahunt occupata. Interim dissolutis hinc inde agminibus, & per dictas vallículas dispersis, variis euentibus pugna committitur, testibus his solis qui conferebant: nam aliis non dabatur id videre: erat autem anceps prælium, & nunc ii, nunc illi fiebant superiores, ignari quid alibi ageretur. Vtrique alibi reputant se victores, alibi victos. Venerabilis quoque frater noster, dominus *Radulphus* Bethleemita Episcopus, domini regis Cancellarius, cui postmodum nos in eodem officio successimus, graviter vulneratus, vniuersa impedimenta sua in eodem tumultu amisit. Anceps diu prælium, certum de victoribus iudicium differebat: donec inclinata iam dies, dispersos ad signa hortabatur redire: tunc demum noctis irruentis metu, iam incipiunt, qui liberi erant, ad suos festinare; Regemque studiosè quarendo, ex variis partibus prodeuntes, iterum se colligunt. Dominus autem Rex, in eo loco in quo pugnaverat, victor, feliciter rem gesserat: alii autem sorte variâ in diuersis partibus Martem experti sunt, hic prosperâ, ibi aduersâ vti fortunâ; unde neutram partem certa coronauit victoria. Rediens verò cum paucis admodum, collem quandâ occupans, aliquantulum sublimem, erecto vexillo, ut ad eum recolligerentur qui dispersi erant, socios operiebatur. Quibus pro parte reuocatis, hostes ante se in collibus geminis, qui impedimentorum dissoluerant aciem, & partim occiderant, partim

tim occupauerant, conspiciunt dissolutos. Nec aliunde nostris patebat ad redeundum via, nisi intermedium collum prædictorū pertransirent. Habentes igitur redeundi propositum, in aciem ordinati per hostes medios, quos à dextra la uaq; contuebantur, iter agunt, gradu lento: contra quos cū tanta constantia proficiscentes, nil ausi sunt aduersitatis hostes moliri, sed iuncto agmine, viris fortioribus & armatis optimè per gyrum locatis, ad quādam fluminis portionem peruenerunt, & eam vado pertransierunt incolumes nostri. Eā igitur nocte totā abeuntes nostri, per viā vnde prius venerant, redeunt. Peruenientibus autem Lamoniā, occurrit eis *Gerardus de Pugi*, qui cum quinquaginta equitibus & Turcopolis centum, & *Mahadan* filio Soldani, oppositam fluminis partem tenuerat, vt hostes si fortè fluuium transire vellent, impediret. Venit autem oporâte: nam plurimū eis dominus Rex timebat, ne seorsum inuentos, siue vltra siue citra fluuium hostes aggredierentur. Sed & pro pedestribus turbis, quas post se dimiserat, vt prædiximus, nihilominus erat sollicitus, timens ne hostibus subito & incautè occurrerent. Vnde apud prædictum oppidum per triduum, eos sustinens operiebatur, quibus præerat nobilis homo & prudens *Ioscelinus de Samosato*. Quarta vix die receptis paulatim nostris, & peditum manu iterum sibi sociatā, continuatis itineribus, *Cabere* peruenientes, ante Babylonem secus pontem castra metantur. Recensito igitur militum numero, centum ex eis deesse reperiunt; de hostibus verò mille quingentos asserunt cecidisse. At
20 verò *Siraconus*, suis nihilominus qui supererant, in corpus vnum reuocatis, per solitudinem, nostris ignorantibus, *Alexandriam* tendit, cui prorinus Alexandrini ciuitatem tradunt. Rex autem vt primum rumorem comperit, vocatis ad se principibus, Soldano quoque & filiis eius, & nobilibus Ægyptiorum, quid facto opus sit, studiosius quærit. Vbi post multas disceptationes, sicut in rebus dubiis solet contingere, quoniam Alexandria ex se alimentorum non habet copiam, nec frugum quippiam, nisi quantum sibi de superioribus Ægypti partibus nauigio ministratur, placuit classem in flumine ad custodiam locari, vt inde Alexandrinis commerciorum omnino nihil possit inferri. Quo facto, ipse cum vniuerso exercitu ad partes illas descendens, inter locum qui dicitur *Toroge* & *Demenehut*, castra componit; qui
30 locus ab Alexandria octo distat miliaribus: inde loca finitima & etiam remota per solitudinem, missis excursoribus, penetrans, & discutiens, ne fortè aliquis aut opem ferat oblectis, aut inde veniens aliquos exteriores ad eorum adminiculum sollicitet. Nihilominus & classis, quoslibet transire volentes, aut transitum pressus inhihet; aut cognitum non nisi diligenter quæsitum, descendere permittit. Euolutò igitur vnus mensis spacio, cū ciuitas illa nihil omnino alimentorum medio tempore aliunde suscepisset, cœpit conqueri populus quòd defecerat panis in cistariis, & quòd victum non haberent: quod intelligens *Siraconus*, timens ne cum aliis ipse cum suis inediā tabefieri compelleretur, relicto nepote *Salahadino*, quasi cum mille equitibus in ciuitate, ipse nocturnis itineribus per solitudinem, prope
40 tamen nostram expeditionem, euadit in superiores Ægypti partes, vnde paulo antè descenderat: quod postquam Regi innotuit, impigrè subsequitur, quousque *Babylonem* peruenit. Hic iam cū in procinctu vniuersus esset exercitus, compositisque sarcinis sequi decreuisset, repente nobilis & potens Ægyptius *Benecarselle*, Regem adiit; Alexandriam summā inopiā laborare docet: conianguineos in eadem se vrbe asserit habere potentissimos, & ciuitatis moderatores, qui faciliè possint populum fame afflictum, in quam partem velint trahere, & ciuitatem cum omnibus Turcis qui in ea relicti erant, in manu domini Regis dare. Motus itaque Rex ad hoc verbum: quærit à principibus, quid eis videatur: tandemque consonantibus omnium desideriis, approbante etiam Soldano, Alexandriam redeunt, eamq; gemi-
50 no circundant exercitu. *Alexandria* totius Ægyptiæ diocesis, in ea parte quæ *Li-* xxvi.
byam respicit, & in Occidentem protenditur, omnium ciuitatum est nouissima, in confinio culti soli & arentis solitudinis sita, ita vt extra ciuitatis mœnia versus Solis occasum, vasta prorinus heremus adiaceat, culturæ & curæ omnino non sentiens beneficium. Hanc, vt antiquæ tradunt historiæ, *Alexander* Macedo, Philippi filius, cuius etiam nomen appellatione suā prætendit, condidisse dicitur. Contra est autem, vt ait *Iulius Solinus*, duodecimā centesimā Olympiade, Lucio Papyrio L. filio, & Caio Petilio, Gai F. Coss. quam metatus *Dinocrates* architectus, secundum

post conditorem inter memorabilia locum obtinet. Sita est autem nō longè ab hostio Nili, quod *Heracleo:icon* quidam, alii *Canopicon* appellāt. Hodie verò locus à quo denominatur hostium illi conterminum ciuitati, deletis antiquis nominibus, *Ref-sib* appellatur; distat autem à fluminis alueo quinque aut sex miliaribus: sed tamen quibusdam meatibus, tempore soliti incrementi, fluuii pars urbem influit; quam aquarum influxionē cisternis amplissimis, ad hoc specialiter deputatis, ad vsus proprios toto anno diligenter seruant: sed & ad pomeria, quæ sunt extra urbem procuranda, occultis traconibus portionem ex ea dirigunt necessariam. Sita est autem, quantum ad celebranda commercia, commodissimè. Portus habet duos, linguâ quadam interiacente, valde angustâ, disunctos. In capite autem illius interstitii turris est miræ altitudinis, quæ *Pharos* appellatur, quam Iulius Cæsar ad vsus necessarios dicitur erexisse, & illuc deduxisse coloniam. De superioribus autem Ægypti partibus per fluentia Nili, omnimodorum alimentorum copiam, & rerum penè omnium suscipit vbertatem. Verùm & de regionibus transmarinis, si qua sunt quæ Ægyptus non habet, nauigio omnis opulentia ministratur: vnde ampliùs qualibet vrbe maritimâ omnibus commoditatibus dicitur abundare. Ad hæc ex vtraque India, Saba, Arabia, ex vtraque etiam nihilominus Æthiopia, sed & de Perside, & aliis circumadiacentibus prouinciis, quicquid aromatum, margaritarum, Orientalium gazarum, & peregrinarum mercium, quibus noster indiget orbis, per Mare Rubrū, vnde gentibus illis ad nos iter est, in superiores partes Ægypti, ad eam urbem quæ *Aidab*, dicitur, super ripam eiusdem maris sitam infertur, id totum ad flumen, & inde Alexandriam descendit. Sic ergo Orientalium & Occidentalium illuc fit concursus populorum: estque eadem ciuitas forum publicum vtrique orbi. Clara sanè, & antiquis titulis & modernis; sed & beati *Marci*, principis Apostolorum spiritualis filii, diuinitus ad eandem Ecclesiam missi, illustrata prædicatione, & verbo; & sanctorum patrum *Athanasii* & *Cyrilli* prælatione, & tumulis decorata, secundum inter Patriarchas locum obtinens; Ægypti, Libyæ, Pentapolis, & multarum prouinciarum reuerenda metropolis. Deducitur illuc classis vniuersa; portasque & omnem

xxvii. aditum obsidentes, nemini accedendi licentiam permittunt. Interea qui in Syria remanserant, audientes quia dominus Rex Alexandriam obsederat, & quòd nauigatione continuè infra paucos dies illuc possent peruenire, certatim iter arripiunt, & correptis armis, nauibus victui imponunt necessaria, & seipsos inuitantes lætè nimium proficiscuntur. Inter quos & dominus *Fredericus* Tyrensis Archiepiscopus, prædecessor noster, zelo motus aliorum, & speciali erga dominum Regem tractus affectu, cum honesto satis comitatu, nauigio descendit in Ægyptum: sed aquis Niliacis causam præstantibus, dysenteria cœpit periculosissimè laborare: vnde antequam domino Regi traderetur [Alexandria], coactus est, inualecente ægritudine, domum redire. Hic demum sumptis nauium malis immensæ quantitatis, vocati artifices, lignorum cæsores, castellum erigunt miræ altitudinis, vnde tota erat despicere ciuitatem: machinæ quoque, quas vulgo *Petrarias* vocant, vnde immissi molares graues & magni, muros cædebant, congruis stationibus locatæ, intolerabilem ciuibus, horis pene omnibus interebant terrorem. Erant circa eandem ciuitatem, ad instar sylvarum & frondosi nemoris, gratâ amœnitæ, & plenâ fertilitate arboribus confita fructiferis, & herbis referta salutaribus pomeria, quæ & sui contemplatione transeuntes, meritò inuitarent ad ingressum, & ingressos hortarentur ad requiem. In hæc ingressus noster ex magna parte exercitus, prius occasione colligendæ erigendis machinis materiæ, deinde solo nocendi affectu, & damni inferendi cōsideratione, aromaticas & multis vsibus aptas, tanto studio ad terram prosternunt arbores, quanto vix labore ab initio fuerant procuratæ. Fitque subito ut solo complanato, prioris status prorsus nulla remanerent vestigia: idque fuit, in quo se maximè læsa ciuitas, & eius damnificatos habitatores, post adepta pacis fœdera conquerebantur. Instabant ergo nostri, & artes quibus obsessis possent officere, sat-agentes inuenire, omnem attentabant nocendi aditum; & argumentis quibus poterant, in eorum lesionem se instruebant. Assultus quoque assidui requiē negabant fatigatis. Erant sanè ciues negotiationibus assueti, rerum militarium expertes, quique vsum præliandi non haberent: vnde molestius insuetum laborem poterant portare. Turci autem qui illic remanserant, tum quia pauci erant, tum quia ciuibus variis & in-

& inconstantis animi non cum multa fiducia se cōmittebant, rari ad cōflictus, & in congressionibus remissiores, non multū alios animabant. Quid plura? Quotidiani cōflictus, cædes suorum continuæ, vigiliæ perennes, nocturni timores, alimētorum super omnia defectus, populū attriuerant, deiecerant animos, ut iam urbem deferere, & libertatis immemores, quibuscumque populis mancipari magis eligerent, quàm in domesticis laribus cum paruulis & vxoribus famis acerbitate cōsumi. Serpebat ergo murmur in populis, iam iam ad plures sermo manifestus diffundebatur; *urbe pellendos esse hospites pestilentes, qui tantam ciuibus intulerant afflictionem: querendum quocumque pacto esse, quomodo ciuitas, depulsis ingruentibus molestiis, obsidione solutâ, pristinis commoditatibus, & solita restitueretur libertati.* Sensit hoc Saladinus, & occultis citatisque nunciis, statum urbis miserum, populi à se deficientis propositum, alimētorū supremam inopiam, patruo suo ex ordine pandit; utque rebus desperatis præsens remedium satagat inuenire, & pereuntibus consulere, modis omnibus, implorat. Interim populum simul cum Patribus alloquitur; monet *pro vxoribus & liberis usque ad mortem decertandum; hortatur ut legis & paternarum traditionum sint amulatores; pro foribus salutem adesse: Siraconum quoque patrum suum, pro eorum liberatione, & pro amouendis hostibus Egyptum circuire, in proximo cum infinitis copiis adfuturum.* At dominus Rex cognito quod inter ciues esset dissensio, ciuitatem vrgeri monet incessanter: quantoque eos ampliùs nouit afflictos, tantò acriùs instare præcipit. Soldanus quoque succinctus, ad omnia impiger, sedulus, plenâ sollicitudine circuit principes vniuersos; manu profusâ, impensas porrigit ad construēdas machinas, & sumptus ad omnem belli vsum liberales; artificibus competentia salaria largitur; pauperibus & egenis, præsertim sauciis, ut sui curam haberent, munera donat; bellicosos quoque, & quos in prælio nouit strenuos, aliquid distribuit. Dum hæc apud Alexandriâ aguntur, superiores Egypti Siraconus peragrat regiones: perueniēsque usque *Chus*, tentat expugnare ciuitatem: vidensque quod non proficeret, & prolixiora huiusmodi exposcerent tempora, ipsum autem ad alia nepotis necessitas vrgeret negocia, sumptū ab urbibus illis pecuniâ, maturat reditum, & ad inferiora reuocat exercitum quem trahebat. Cumque regrediens Babylonem peruenisset, videns quod Rex *Cahere* & ponti *Hugonem de Ibelim* dimisisset tutorem, & longè secus quàm arbitratus esset, omnia se haberent, *Hugonem Casariensem*, quem captiuum tenebat, familiari compellat alloquio; utque vir eloquens & vrbane facundus, sermone composito cœpit eum conuenire: *Magnus princeps es, nobilis, apud tuos clarissimus, nec est de vestris principibus quispiam, si libera mihi daretur optio, cui magis hoc meum communicare secretum cupiam, & verbi huius participem constituere. Obtulit sponte fortuna, & euentus donauit bellicus, quod aliis multis conatibus esset querendum, ut tua experientia mihi ad opus præsens fieret copia. Fateor sanè, quod gloriæ cupidus, sicut mortalibus solet contingere, & regni tractus opulentia, de indigenarū quoque imbecillitate confusus, spem aliquando concepi, ut in manus meas regnum hoc aliquando traderetur. Ideo cum sumptibus & laboribus infinitis, infructuosus tamen, ut video, cum equitatu copioso nobilium, qui omnes eadem trahebantur, per tot pericula descendi in Egyptum, aliter ratus de rerum euentu quàm occurrit. Aduersa enim, ut video, fortunâ ingressus sum, utinam prosperâ vel redire liceat. Homo nobilis es, ut dixi, Regi carus, sermone potens & opere; esto inter nos pacis mediator; prosperum fiat in manu tua verbum: dic domino Regi: Ocium terimus, & effluunt tempora sine fructu, domi multa restant: ipsius etiam regno suo plurimū esset necessaria Regis præsentia; nunc aliis consumit operam: nam postquam nos repulerit, miscriis ciuibus, & vix vix à dignis, huius regni relinquit opulentiam. Recipiat suos, quos in vinculis habeo; ipse quoque obsidione solutâ & quos in vinculis habet, & quos in ciuitate cohibet Alexandrina, restituat: & ego susceptâ prius ab eo securitate, quod in itinere, per suos nihil nobis difficultatis occurrat, paratus sum exire.* Audito hoc verbo dominus Hugo sicut erat vir prouidus & discretus, multo apud se libramine verba oblata compensans, licet vtilem nostris pacis formam & tenorem fœderis non dubitaret: tamen ne videretur plus libertatis propriæ rapi desiderio, quàm vtilitati publicæ hoc verborum tractatu prouidere honestius iudicat per alium primostentari aditus. Hanc suam intentionem ipse nobis postmodū familiariter exposuit. Missus est verbi baiulus, qui similiter captiuus tenebatur, quidam Regis familiaris, *Arnulfus de Turuassel*, qui cum domino Hugone, de quo prædiximus, in eodem prælio captus fuerat; qui suscepto verbo, ad Regem properat; legationis causam diligenter aperit: conuocato cœtu, in principum consi-

NNNN

itorio, praesente Soldano & filiis eius, conceptum verbum & compositionis formam proponit. Placet omnibus pacis tenor, & sufficere videtur ad gloriam, & ad plenam pactorum inter Regem & Calypham initorum fidem: ut ciuitas per deditionem in domini Regis transeat potestatem; & tam hi de hostibus, qui obsidione clauderantur, quam qui *Siracorum* secuti, per *Aegypti* fines erant dispersi, solutis quoque captiuis, quos de nostris traherent in vinculis, suis etiam nihilominus receptis, de vniuersis *Aegypti* finibus compellantur exire. *Sauar* Soldanus cum vniuersis *Aegyptiorum* Sattapis pactum approbat, foederis consonantiam libens amplectitur: dummodo hostis suspectissimus & Regni aemulus excludatur, sibi plenius dicit esse satisfactum. Tandem dominus *Hugo*, suam exhibens praesentiam, verbis hinc inde tractatis nouissimam manum, & placitum finem appositum. Indicitur ergo voce praconia cohortibus singulis, & omnibus generaliter praeliandi finis, & per legem edictalem ne Alexandrinis inferatur molestia interdicitur. Egrediuntur igitur concessa pace, letantes, qui diuturnam fuerant obsidione macerati; angustias quas pertulerant fastidientes, deambulationes tedium releuandi gratiam, amant & appetunt liberiores. Inuentam etiam alimentorum copiam, & commerciorum libertate permissam, inedia tabefactorum corporum ruinam restaurare satagunt, & refocillare animas iam labetes. Iuuat agmina videre pacata, quae paulo ante horruerant & oderant; & eorum colloquiis perfrui, quos ante modicum timuerant, periculorum suorum ministros & mortis procuratores. Nostri quoque, non segnius urbem ingrediuntur optatam; & 20

xxx.

liberis discursibus, vias, portus, moenia lustrantes, diligenter videndo colligunt, unde ad propria reuersi, suis aliquando texere possint historias, & audientium animos gratis confabulationibus recreare. Huic splendidae ciuitati turris imminet mirae altitudinis, *Pharos* dicta: ad quam facibus accensis, & igne copioso, more sideris micantem, ignari locorum, nocturnas nauigationes dirigunt. Nam *Alexandria* caeco mari, & periculoso nimis accessu, & vadis fallacibus aditur: quo antequam ingrediantur nauigantes, ignibus, qui continuo fomite & sumptibus publicis super eum nutriuntur, edocti, imminetia vitant naufragia, & ad cursus se erigunt salutare. Super hac victoriae signum, domini Regis vexillum erigitur; & quod prius paucis innotuerat, fit omnibus signo contuito manifestum. Quo viso, qui cautiùs se habentes ad prima tracti foederis verba, nostris se committere pertimuerant, iam de pace facti certiores, non timent se nostris adiungere, & de fidei nostrae praesumere sinceritate: vnum praeter omnibus admirantes, quod tantam ciuium multitudinem, tantamque aduenarum numerositatem, qui omnes ad tutelam ciuitatis fideliter operam ministrabant, tam modicus exercitus intra urbis moenia facile coercuerat, & ad ignominiosam iuxta libitum compulerant deditionem: vix enim de nostris equites erant quingenti, perditum quatuor aut quinque millia; obsessorum autem qui arma poterant educere, supra quinquaginta millia. Egressus igitur *Salahadinus* ad dominum Regem, quousque iter ad redeundum arripuit, in castris mansit, dato sibi custode, qui eum tractaret honeste, & temerarium ab eo propulset iniurias. At vero Soldanus cum tubarum clangore, & tympanis & choris, & omni genere musicorum instrumentorum, stipatus agminibus, praecurrente innumerata apparitorum manu, vociferantibus armatorum turmis, per portas ciuitatis, cum triumpho tanquam victor ingressus, terrore ciues concutit; hos damnat, illos absoluit; & delicta discutens potenter, omnibus distribuit praemia meritorum. Tandem in certa pecuniae quantitate ciuibus condemnatis, procuratores tributorum ordinat, vectigalium & ciuilium functionum instituit exactores. Exactam itaque infinitam pecuniam, fidelibus suis curam iniungens ciuitatis, in castra gloriosus se recepit. At vero nostri ad reditum adspirantes, qui nauigio venerant, sumptis ad iter necessariis, naues conscendunt, & se flatibus committentes, ad propria cum gaudio reuertuntur. Rex quoque incensis machinis, & 50

xxx.

& compositis sarcinis, versus Babylonem iter dirigit. Adiunctis ergo sibi quos ibi dimiserat, Soldano in sua administratione confirmato, exclusis hostibus, suis qui capti fuerant receptis, duodecimo Kal. Septembris Ascalonam ingressus est, anno regni eius quarto: ab incarnatione Domini vero millesimo centesimo sexagesimo septimo.

An. D.
1167.

EXPLICIT LIBER NONVS DECIMVS.

CAPITVLA

CAPITVLA LIBRI VIGESIMI.

I. Dominus Hernelius Casariensis Archiepiscopus, & Odo de sancto Amando, regius pincerna, à Constantinopoli redeunt, uxorem futuram Regi secum ducentes. Rex in Ecclesia
20 Tyrensi coronatur, & uxorem ducit.

II. Andronicus quidam Imperatoris consanguineus, Theodorum, Balduini Regis viduam, secum per terras hostium abducit.

III. Petræensis Ecclesia & Ebronensis, Episcopis datis ordinantur. Stephanus Regis Sicilia Cancellarius, & Panormitana Ecclesia electus, in Syriam descendunt. Comes Neuernensis Wilelmus apud nos defungitur.

IV. Imperatoris legati ad Regem accedunt,
20 pacta quadam à domino Rege postulantes. Missitur Tyrensis Archidiaconus, & pacta proposita cum Imperatore complet.

V. Rex in Ægyptum cum suis descendit: & contra fœderis formam, quam cum Ægyptiis peregrinat, eis bellum infert.

VI. Obsidetur ciuitas Belbeis: & expugnatur obsessa. Soldanus Regem infinita à promissa decipit pecuniâ.

VII. Rex ante Cabere castra locat, exspectans
30 promissam à Soldano pecuniâ.

VIII. Classis nostra per Nilum immissa, nostro se adiungere exercitui conatur: sed re infectâ, domum reuertitur.

IX. Rex obsessâ Cabere urbe, pecuniâ à Soldano promissam exspectat. Soldanus verò à pactis resiliere sentat, & Turcorum implorat auxilium.

X. Milo de Planci sinistro consilio Regis monachum subuertit. Siraconus ab Ægyptiis
40 catus accedit: Rex ei occurrit in solitudine: sed eo nō inuenio, infecto negotio redit ad propria.

XI. Siraconus Ægyptum occupat; Soldanum interficit; & ipse paulo post visâ defungitur.

XII. Salahadinus eius ex fratre nepos, defuncto succedit, & regnum obtinet Ægypti.

XIII. Bernardus Monasterii montis Thabor Abbas, Liddensi Ecclesiæ præficitur. Fredericus Tyrensis Archiepiscopus ab Occidentali-
50 bus principibus petiurus auxilium, ad partes dirigitur occiduas.

XIV. Imperator pactis volens satisfacere, classem in Syriam dirigit, & quosdam de suis principibus.

XV. Rex in Ægyptum descendit cum suis expeditionibus: Græcis quoque, tam nauigio quam per terram cum sequentibus.

XVI. Rex Damiatam obsidet: & in eius expugnatione tam Latinorum quam Græcorum inutiliter defudat exercitus.

XVII. Oritur in castris fames, & nostra classis penè tota incenditur, tandem soluitur obsidio, operâ consumptâ inutiliter.

XVIII. Renocatis expeditionibus, Rex ad propria reuertitur. Græcorum classis in redi-
do penè tota deperit, sinistris acta flatibus.

XIX. Terramotus maximus penè vniuersum concutit Orientem, & urbes deiocis antiquissimas.

XX. Salahadinus nostros fines ingreditur, & castrum cui est nomen Darom obsidet.

XXI. Rex cum modica militum manu illi occurrit: plures ex nostris tam in urbe Gaza, quam in itinere, ab hostibus obtruncantur.

XXII. Salahadinus ad propria reuertitur. Rex quoque reparato castro, quod ex parte dirutum fuerat, rediit Ascalonam.

XXIII. Eodē quoque anno gloriosus CHRISTI martyr, Thomas Cantuariensis Archiepiscopus, in propria occiditur Ecclesiâ.

XXIV. Rex assumptis secū aliquot de principibus suis, Constantinopolim proficiscitur. Imperator cum multiplici honore præuenire satagit.

XXV. Introductus ante Imperatorem, honeste tractatur; & frequentia cum eo de rebus necessariis miscet colloquia.

XXVI. Complacis negociis, & muneribus cumulati, tam Rex quam eius Principes, ad propria reuertuntur.

XXVII. Rex apud Sephorim exercitus conuocat. Fredericus Tyrensis Archiepiscopus ab ultramontanis partibus redit. Dominus Wilelmus Acconensis Episcopus in Romania occiditur.

XXVIII. Milo Armenius, frater domini Thores, Noradino coniunctus, partes vexat Antiochenas: Rex illuc properat, ut eius compeecat malitiam.

XXIX. Salahadinus trans Iordanem castrum, cui nomen Mons Regalis est, obsidet: sed nihil proficiens, ad propria reuertitur.

XXX. Salahadinus terram trans Iordanem vniuersam depopulat. Rex in loco cui nomen Carmelus, exercitum detinet. Comes Raimundus Tripolitanus de carcere reuertitur.

XXXI. Describitur Assisiorum secta, & missio Legatorum ad dominum Regem.

XXXII. Occiditur à fratribus Militia templi *Affassinorum* Legatus; & ingens in regno excitatur tumultus. Radulphus Bethleemita Episcopus vitā decedit.

XXXIII. Moritur Noradinus Rex *Pancadem* obsidet: & facta treugā recedit; collecta agitudine Hierosolymam proficiscitur, ubi & infra paucos dies vitā decedit.

EXPLICIUNT CAPITVLA LIBRI VICESIMI.

INCIPIT LIBER VIGESIMVS.

CAP. I.



Interea dominus *Hernesius*, bonæ memoriæ, Cæsariensis Archiepiscopus: Odo quoque de sancto *Amando*, tunc regius pincerna, procuratā tam prudenter quā fideliter, domini Regis legatione, pro qua missi fuerant, apud dominum *Mannuelem* Imperatorem Constantinopolitanum, impetrato quod petierant post actum biennium, nauigio redeuntes, domini Imperatoris Protoseuasto filiam, domino Regi vxorem futuram ducentes, apud Tyrum applicant. Quo cognito, dominus Rex cum celeritate Tyrum peruenit, conuocatisque Ecclesiarum prælatis, & Regni principibus, eandem *Mannuam*, regis vnctionis & consecrationis munus adeptam, ipse quoque habitu regio insignis, & auito diademate laureatus, per manum domini Patriarchæ *Amalrici*, bonæ memoriæ, in Ecclesia Tyrensi, cum debitā magnificentiā quarto Kal. Septembris vxorem duxit. Hic *Iohannes* Protoseuasto, cuius filiam (vt diximus) Rex duxit, eiusdem domini Imperatoris ex fratre natu priore, ortus est nepos. Misit autem dominus Imperator cum prædicta nepe sua, viros illustres & magnificos, Imperialis eminentiæ familiares, dominum *Palcologum*, & *Mannuelem* Seualton, consanguineum suum, cum multis aliis, qui magnificè eam domino Regi traderent, & de iniunctis solennitatibus nihil sinerent præteriri. Tyrensi autem Ecclesiæ præerat, in qua hæc facta sunt, dominus *Fredericus*, qui ex *Acconense* Ecclesia ad illam fuerat translatus. Hic, triduo postquam Rex in eadem ciuitate coronatus fuerat, & nuptias celebrauerat, præsentē, & rogantē domino Rege, & aliis multis honestis viris, Archidiaconatum eiusdem Ecclesiæ, vnde dominus *Wilelmus* ad *Acconensem* Ecclesiam fuerat vocatus, nobis liberaliter contulit. Per idem tempus *Andronicus* quidam nobilis Græcus, & potēsis, domini Imperatoris Constantinopolitani consanguineus, de partibus Ciliciæ adueniens, cum multa militia, dum dominus Rex in *Egypto* adhuc detineretur, vsque ad eius aduentum apud nos moram fecit nobis consolatoriam; sed more serpentis in gremio, & muris in pera malè remouerauit hospites suos, verum esse docens, quod a Marone dictum fuerat, *Timere Damascos & donaferentes*. Cui dominus Rex statim post reditum suum urbem dedit *Berythensem*: ad quam gratiā videndi ciuitatis, dum dominam *Theodoram*, domini Balduini regis viduam, quæ urbem *Acconensem* nomine donationis propter nuptias possidebat, nepotis sui filiam, apud quem diu fuerat hospitatus, inuitasset, fraudulenter, vt dicitur, abduxit, & in terram hostium, *Damascum* prius, deinde in *Persidem*, fauente *Noradino*, transiuit. Eodem anno nihil penè memoriā dignum in regno accidit, nisi quod circa quadragesimale tempus duæ Ecclesiæ in Regno, susceptis Episcopis, ordinatæ sunt: quarum altera ab ingressu Latinorum in Terram Promissionis, Latinum non habuerat Pontificem: videlicet *Petracensis*, quæ ultra Iordanem in finibus Moab sita est, secundæ Arabiæ metropolis: altera verò, *Ebronensis* videlicet, vt dicitur, nunquam; sed tempore Græcorum prioratus fuerat, sicut & *Bethleemita* fuisse dinoscitur Ecclesia. Sed *Bethleemica* ob natiuitatis Dominicæ reuerentiam prius meruit, statim post sanctæ & D E o amabilis ciuitatis liberationem, tempore domini Balduini Regis primi, cathedrali gaudere prærogatiuā. *Ebronensis* quoque intuitu seruorum D E I, quorum memoria in benedictione est, Abraham videlicet, Isaac, & Jacob, eadem tūc dignitate primum meruit insigniri. Præficitur ergo *Petracensi* Ecclesiæ, & secundæ Arabiæ metropolitanus efficitur dominus *Guericus*, Canonicus regularis in templo Domini; *Ebronensi* verò, dominus *Rainaldus*, domini *Eulcherii* piæ recordationis Patriarchæ nepos.

Astato

Æstate igitur sequente, vir nobiliss dominus *Stephanus*, domini Regis Siciliæ Cæcelarius, & Panormitanæ electus Ecclesiæ, adolescens bonæ indolis, & egregius forma, domini *Roaldi* Comitiss de Percio frater, agitantibus eum & aduersus eum conspiratis regionis illius principibus inuito Rege puero, & matre eius reniti nõ valente, regno expulsus, cum paucis vix eorum euasit insidias, & ad nos nauigio peruenit: qui non multum postea, validâ correptus ægritudine, mortuus est, & Hierosolymis in Templi Domini capitulo honorificè sepultus est. Per idem quoq; tempus, dominus *Wilelmus* Neuernesis Comes, magnus Princeps, nobilis & potens, de regno Francorum, cum honesta militia Hierosolymam venit, propositum habens, in seruitio Christianitatis contra hostes fidei nostræ, suis expensis militare: sed eius pia & honesta studia, mors immatura, felicibus eius inuidens actibus, miserabiliter præuenit: nam subito & diuturno languore correptus, post longas corporis molestias, in primo gratissimæ iuuentutis flore, cum multis omnium suspiriis & gemitu vitam finiuit. Eadem ætate, Comes *Alexander de Grauna*, & quidam *Michael Hydrontinus*, domini Imperatoris Constantinopolitani familiares & legati, ad dominum Regem missi, Tyrum peruenientes, dominum Regem, adhibitis quos Rex de suis verbis participes voluit fieri, secretius cõueniunt, viæ causas exponunt, & super his omnibus scripta porrigunt Imperialia. Summa autem legationis hæc erat: *Senserat dominus Imperator, quod Aegypti regnum, potens admodum hætenus, & opulentum valde, in manus peruenerat debiliū & effeminatorum; & quod finitimis populis innotitiam venerat, tam domini, quàm principum suorum impotentia, infirmitas & insufficietia. Vnde, quia non videbatur quod posset deū in statu se continuare presenti, quin ad gentes alienas, eius dominium & moderamen oporteret transire, concepit apud se, quod auxilio domini Regis facile posset illud in suam iurisdictionem recipere.* Vnde super hoc prædictos miserat Legatos. Sunt nonnulli qui dicunt, quod super eodem facto prius fuerat a domino Rege per nuncios & frequentes epistolas sollicitatus, quod verisimilius est, vt militaribus copiis, classe quoque & impensis etiam iuuaret, certas partes tum Regni tum manubiarum sub interpositis conditionibus recepturus. Hac ergo gratiâ, memorati Legati Regem adeuntes, firmatis conuentionibus ad placitam vtrinque consonantiam, adiunctus sum ego comes de Regio mandato, vt Regis & Regni vniuersi consilium, cum eorum literis ad dominum Imperatorem, properans deferrem; & pactis mediis, quale à me exigetur, sub certa tamen forma, robur imponerem. Assumptis igitur præfatis domini Imperatoris apocrisariis, qui apud Tripolim, vt eis Rex literis suis signauerat, nostrum præstolabantur aduentum, ad urbem Regiam profecti sumus. Detinebatur porro eo temporis articulo Imperator in *Serua*, quæ regio montosa & nemoribus obsita, difficiles habens aditus, inter Dalmatiam & Hungariam & Illyricum media iacet, rebellantibus Seruiis, & confidentibus de introitu ad se angustiis, & de imperiis eorum regione. Habent vetustæ traditiones, hunc omnem populum, ex deportatis & deputatis exilio, qui in partibus illis ad secanda marmora, & effodienda metalla damnati fuerant, originem habuisse, & inde etiam nomen traxisse seruitutis. Est autem populus incultus, absq; disciplina, montium & sylvarum habitator, agriculturæ ignarus; gregibus & armentis copiosi, lacte, caseo, butyro, carnibus, melle, & cerâ vberius abundantes. Hi magistratus habent, quos *Suppanos* vocant; & domino Imperatori aliquando seruiunt; aliquando de montibus & syluis egredientes, omnem circa se regionem, sunt audaces & bellicosi viri, depopulantur. Ob hæc ergo intolerabilia vicinis eorū maleficia, ingressus erat ad eos in virtute multa & innumera manu domini Imperator. Quibus subactis, & præcipuo eorum Principe mancipato, redeunt domino Imperatori, post multiplices viarum labores, in prouincia *Pelagonia*, in ciuitate quæ vulgò dicitur *Butella*, occurrimus, iuxta illam antiquam & domini felicissimi & inuictissimi & prudentis Augusti patriam, domini Iustiniani ciuitatem, videlicet *Iustinianam primam*, quæ vulgò hodie dicitur *Acreda*: vbi à domino Imperatore honorificè suscepti, benignè & Imperiali clementiâ tractati, legationis & viæ causam, formamq; pactorum diligenter exposuimus: quæ omnia latâ mente suscipiēs, & grateranter amplectēs, quod præordinatum fuerat, approbavit. Præbitis ergo corporaliter hinc inde iuramentis, eius auctoritate interpositâ, confirmata sunt quæ prius per nuncios fuerant ordinata. Receptis ergo Imperialibus literis, pactorum

formam ex integro continentibus, & consummatâ feliciter legatione, munificentissime de more solito dimissi, Kal. Octobr. iter ad reditum arripuimus. Inter-
 ea statim post exitum nostrum, antequam reueteremur ad propria, antequam de
 auxilio domini Imperatoris per nostram legationem certus fieret Rex, fama publi-
 ca personuit, ut dicitur, quod *Sauar* Soldanus Ægyptius, frequenter ad *Noradinum*
 dirigebat legationes, & eius occultè implorabat subsidium, dicens: *Quod à pactis que*
cum Rege pepigerat, uellet recedere; & quod inuitus cum inimico populo, aliquo pacis fœdere
iungeretur: quod si de eius auxilio certus foret, pacta frangeret, ob ea penitus recedens. Vnde
 Rex, ut dicitur, iustâ indignatione motus, conuocato Regno uniuerso, collectis e-
 quitum peditumque copiis, in Ægyptum festinat descendere. Sunt qui dicant, 10
 prædicta omnia ficta fuisse, & quod *Sauar* Soldano innocenti, & nihil tale merenti,
 pacta & conuentionum tenorem bonâ fide seruanti, contra fas & pium, illatum
 sit bellum; sed ut factum tam notabile aliquam haberet excusationem, hic color vi-
 detur quæsitus: vnde & Dominum, iustum secretorum & conscientiarum arbi-
 trum, omnem nostris conatibus subtraxisse fauorem, asserunt, & prædictis molimi-
 nibus, iusticiâ vacuis, prosperos negasse successus. Causam porro & incentiuum
 huius mali, ut aiunt, ministrabat *Gerbertus*, cognomento *Assallus*, magister domus
 Hospitalis, quæ est Hierosolymis, vir magnanimus, & quadam liberalitate donan-
 di profusus; tamen instabilis, & mente vagus. Hic omnes eiusdem domus thesau-
 ros exponens, insuper & infinitæ quantitatis pecuniâ mutuam sumens, omnia 20
 militibus erogauit, quoscumque inuenire potuit sibi alliciens: vnde prædictam do-
 mum tantâ aris alieni mole grauauit, quod non erat spes solum iri. Ipse etiam
 postmodum desperans, officium suum deserens, & administrationi renunciâns, in
 centum millibus aureorum dimisit domum obligatam. Eâ tamen consideratione
 tot & tantas misisse dicitur expensas, quod captâ & subiugatâ Ægypto, *Belbeis*, quæ
 olim dicta est *Pelusium*, cum uniuerso territorio suo, iuri eiusdem domus, ex pacto
 prius cum Rege inito, cederet in perpetuum. Fratres autem Militiæ Templi, ei-
 dem se subducentes facti, aut quia eis contra conscientiam suam videbatur; aut
 quia Magister, æmulæ domus, huius rei auctor, & Princeps videbatur, vires peni-
 tus ministrare, aut regem sequi negauerunt. Durum enim videbatur eis, amico re- 30
 gno, & de nostra fide præsumenti, contra tenorem pactorum, & contra iuris relig-
 ionem, immeritis & fidem seruantibus bellum indicare. Accinctus igitur, &
 præliari instructus apparatu, Regni viribus conuocatis, anno regni eius quinto,
 mense Octobri, descendit in Ægyptum: & transcurâ heremo, quæ media iacet,
 quasi itinere dierum decem, *Pelusium* applicat, quam mox obsidione cingens, infra
 triduum violenter expugnat, expugnatamque ferro aperit, & suos immittit incun-
 ctanter. Accidit autem hoc, tertio Nonas Nouembris. Captâ igitur ciuitate, ci-
 uibus eius ex parte maxima gladio peremptis, non parciunt ætati, aut sexui: & qui
 mortem quocumque casu inueniebantur declinasse, iacturam libertatis, *que hunc-*
stis viris omni genere mortis suspectior est, incurrentes, miseræ seruituti subiugaban- 40
 tur. Capti sunt inter ceteros eiusdem conditionis *Mahazam*, filius Soldani, &
 quidam eius nepos, qui vrbi præerant, exercitus illic congregati curam habentes.
 Effractâ igitur ciuitate, irruentibus passim & sine delectu cuneis, penitiores do-
 miciliorum penetrant aditus, referant penetralia, & eos qui mortem delitescen-
 do effugisse videbantur, compeditos educentes, ignominiosè ad necem protra-
 hunt: quos ætatis integræ, & armorum potentes reperiunt, gladiis transuerberant:
 vix senibus parciunt & pueris, & secundæ sorti non plenius indulgetur. Facta
 sunt desiderabilia eorum, hostium præda: & quæque speciosa in sortem, dum sibi
 diuidunt spolia. His igitur rumoribus *Sauar* mente consternatus, quid faciat igno-
 rat; deliberat prout temporis & rerum in arcto positarum patiebatur angustia, 20
 Regem muneribus tentet expugnare, & indignationem eius datâ emolliat pecu-
 niâ, an finitimos superstitionis suæ principes, ad sui auxilium precibus, precioque
 sollicitet. Tandem placet, utrunque maturatâ prouisione tentare. Missa ergo lega-
 tione ad *Noradinum*, implorat subsidium, & impetrat imploratum: vocato enim
Siracono, etiam sapius fecimus mentionem, partem exercitus, & nobilium suorum
 partem non modicam cum satrapis qui partem sollicitudinis portarent, tradit: sum-
 ptisq; alimentis ad iter necessariis, & camelis, ad deuehenda onera sufficientibus,
 eos in

100 eos in *Egyptum* dirigit. Rex interim egressa *Pelusio*, cum vniuersis agminibus versus *Cahere* cohortes dirigit, sed lento nimis gradu, vix vnius iter diei decem diebus conficiens: tandemque ante urbem castrametatus, machinas parat, crates erigit, & cetera ad tales usus profutura disponit. Videntur quæ foris struuntur promittere impetus proximè futuros, & obsessis incutere formidinē, & quandā mortis imaginem intentare. Qui autem facti illius arcana norunt, huius moræ causam fuisse afferunt, quòd Soldanus interea aduenientis exercitus terrore concussus, prolixiores deliberandi haberet inducias, & pro amouēdo exercitu pecuniam pacifceretur: tota enim illuc properabat Regis intentio, vt à Soldano pecuniam emungeret: malebat enim precio redemptus abire, quàm vrbes illas, sicut de *Pelusio* contigerat, popularibus ad rapinam exponere, sicut manifestius infra dicitur. Soldanus verò interea per suos & Regis familiares omnem prætentat aditum, omnem explorat subintrandi viam: tandem Regis animum pecuniarum cupidum, promissionibus eneruat, infinitam spondet pecuniam, quam vix vniuersum regnum, corrasis vndique copiis persolvere posset. Promittit enim, vt aiunt, aureorum vigesies centena millia, vt redditis sibi filio ac nepote, amotisque expeditionibus, rediret ad propria. Hoc autem, vt postea patuit, non eo moliebatur intuitu, vt promissorum summam spes esset aliquando solutum iri: sed ne subito incursum accedens ad *Cahere*, imparatu immunitumque reperies, repentinis irruptionibus expugnet; quod 100 proculdubio, vt constanter asserunt qui interfuerunt, si citatis itineribus capta *Pelusio*, deiectis adhuc & stupidis a recenti clade, & insperata tantæ urbis calamitate, *Egyptiorum* animis, illuc noster peruenisset exercitus, accidisset. Verisimile enim videtur, quòd viri molles & effeminati, deliciis à multo retro tempore delecti, rerum militarium expertes, adhuc fumante vicinæ urbis incendio, & innuero suorum interitu consternati, sibi timentes quod aliis videbant accidisse, nec inde animos vel vires habuisse resistendi. Dum hæc circa *Cahere* aguntur, ecce 100 nostra quàm Rex de nostris sinibus exiens maturare præcepit classis, per mare ventis vsa prosperis, applicuisse dicitur, per illius fluminis ostium, quod vulgò dicitur *Carabes*, ingressa. Ciuitatem antiquissimam supra illam fluminis ripam, *Tapnim* nomine, sitam, violenter occupant: quæ statim nostris in direptionem data est, & prædam. Dum ergo nostri per fluminis alueum ad Regem festinare contendunt, *Egyptii* nauibus suis, alueum fluminis obsidentes, transitum negabant. Misit ergo Rex *Henfredus de Torono* Constabularium suum, vt illuc cum lecta veniens militia, alteram saltem fluminis ripam, vt eis ex illa liber fieret transitus, violenter occuparet: quod satis expeditè factum esset, nisi quod interim rumor de aduentu *Siraceni* consilium mutari compulit. Mandatum est ergo eis, vt ad mare descēdentes, reditum maturarent ad propria: quod & factum est: vnam tamen Galeam imprudenter amiserunt. At Soldanus & sui interea moliri non cessant, quomodo 100 Regem a se repellant: dolisque peragunt, quod virtuti sentiunt deesse; & fraudis commercio redimunt, virium defectus. Promissâ igitur pecuniâ, inducias pro solutione postulant: allegant quantitatem multam nimis esse, nec in vno loco posse totam reperiri; tempus auctius indulgendum, vt pactis pareatur: datis tamen in continenti centum millibus, filium recipit & nepotem Soldanus: pro summa reliqua duos nepotulos suos adhuc impuberes, obsides exhibet. Rex verò obsidione solutâ, quasi per miliare recedens, circa *hortum Balsami* castra componit: vbi per dies octo, crebris sed inutilibus Soldani legationibus vsus, tandem ad eum locum qui cognominatur *Syriacus*, transfert exercitus. Soldanus interim frequentibus nunciis vniuersum regnum sollicitat, quicquid armorum vbique est congerit, vndecunque auxilia conuocat, alimenta inducit, infirma urbis circuit & consolidat, omnem resistendi viam percurrit; ad pugnam pro ceruicibus, pro libertate, pro vxoribus & liberis, sermonibus suasiis inuitat; casum proximæ ciuitatis lamentabilem, ante oculos ponit; captiuitatis acerbiter, dominorum iugum importabile, seruitutis extremam omnium conditionem exponit. Erat in eodem domini Regis exercitu, vir quidam secundum carnem nobilis, sed moribus degener, neque DEVM timens, neque ad hominem habens reuerentiam, *Milo* videlicet de *Planci*, homo inuerecundus, clamosus, detractor, seditiosus. Hic immoderatam domini Regis cognoscens auaritiam, volēs potius ei morem gerere, quam

salutaribus eum monere consiliis, consilium dederat ab initio, & obstinate sedulo-
 que persuadebat, ut ad hoc potissimum daret operam, ut Regno in prædicta quan-
 titate multato, cum Calypho & Soldano tentaret componere, quam Cahere & Ba-
 byloniam violenter effringere: non quia, ut dicitur, posse fieri desperaret, sed ut e-
 lulis militibus, & cæteris qui ad prædam manus & animos intenderant, vniuersum
 tanti laboris emolumentum, in Regis fiscum videretur introducere. Expugnatis
 enim violenter urbibus, longè vberiores solent exercitus de spoliis reportare fru-
 ctus, quàm ubi Regibus & Principibus sub quodam fœderis nexu, certis conditio-
 nibus, ipsis tantùm dominis vtilibus, mæcipantur. Ibi enim, utpote in tanto tumultu
 & depopulatione confusa, quod cuique quocunque casu occurrit, iure belli occu- 10
 panti conceditur, & victoris auget perculium: ibi verò solis Regibus tractantur vti-
 lia; & quæ sic accedunt, fisci iuribus vendicantur. Et licet Regibus & sublimioribus
 potestatibus accedens incrementum, in subditorum videatur redundare diuitias,
 & omnium opulentiam cumulare, tamen *avidius queruntur, quæ familiares distant lares,*
& domesticis inferuntur rationibus. His itaque altercationibus diffidebant: pars maxi-
 ma, diripi cuncta, & ferro decerni petebat; Rex autem cum suis partem amplecte-
 batur oppositam: prævaluit tamen sententia posterior, & regis satisfactum est vo-
 luntati. Locatis igitur nostris in vico prænominate, qui à Cahere quinque aut sex
 distat miliaribus, penè continuus & pro cuiusque* erat interpretum & nunciorum
 discursus. Dum igitur quasi succedentes sibi ad Regem dirigit legationes, & quàm 20
 sedulus sit in colligenda pecunia significat, orat etiam ne moram causeretur, sed pa-
 tienter expectet; monet etiã & consulit, ne propius accedendo, Calypham vel po-
 pulum de contracto pacis fœdere, plenius confidentem, deterreat. subito futurum,
 ut censu tradito, felicibus auspiciis redire valeat. Dumque huiusmodi, quasi delu-
 foriis præstigiis, nostros deludit apparatus, & recta persuadentium consilia, & salu-
 brioris monitus potiora suggerentium euacuat: ecce rumor insonuit, quòd *Siraco-*
nus adueniens, innumeram Turcorum secum trahebat multitudinem: quo com-
 perto, solutis caltris, compositisque sarcinis, Rex *Pelusium* redit. Vbi sumptis ad iter
 victualibus, relictis qui ciuitatem tuerentur, tam equitum quàm peditum copiis,
 octauo Kal. Ianuarias, *Siracone* in solitudinem obuiam exit: cumque iam aliquan- 30
 tulum esset in heremo processum, significatur Regi per exploratores locorum gna-
 ros, & quibus erat fides habenda, quòd cum suis legionibus *Siraconus* iam transierat.
 Hic iam opus erat nouo consilio. Nam duplicatis hostium viribus, non erat tutum,
 diuturniorem moram facere. Mora enim enorme secum trahebat periculum: nam
 neque cum eis sanè tutum videbatur conferere; nec Soldanus de cætero pactorum
 finibus stare volebat; nec nos eum ad legem placidorum obseruandam compelle-
 re poteramus. Ad hoc enim de industria, & studiosè dilatoriis ambagibus videba-
 tur rem protraxisse, ut sic Turcis superuenientibus exire compelleremur. Redeunt
 igitur nostri *Pelusium*, ibique receptâ parte exercitus, quæ ad urbis illius tuitionem
 relicta fuerat, alterâ post Kal. Ianuarias die, ordinatis agminibus, redeundi in Sy- 40
 riam iter arripiunt. Porro *Siraconus* videns temporum opportunitatem votis
 suis consonare, & Rege abscedente iam non esse quippiam, quod eius desideriis
 præstet impedimentum, quod prius mente conceperat, mandat effectui. Castra igitur
 locat ante *Cahere*: & quasi pacificus esset eius introitus, patienter per aliquot dies
 sustinet, tanquam vir prudentissimus, nihil spirans asperum, nihil prætendens ama-
 rum, versutia, quâ plurimum callebat, celans propositum. Egrediebatur ad eum *Sa-*
uar Soldanus in castra quotidie, cum multa gloria & maximo comitatu; & impen-
 so cotidianæ visitationis officio, & deuotæ salutationis affatu, datis etiam muneribus,
 reuertebatur. Iamque prosperi ingressus & regressus assiduitas, securitatem vi-
 debatur polliceri; & quòd heri & nudiustertius cum reuerentia fuerat susceptus, 50
 consuetudinem inducebat fidentiorem. Securus igitur & nimis de Turcorum fi-
 de præsumptem, sceleris minister præuenit; occultè suis præcipit, quòd dum die
 sequenti, summo mane, quasi deambulaturus ad aquas egreditur, eâ horâ quâ Sol-
 danus visitationis consuetudinem fecerat, venientem confoderent. *Sauar* verò, dici
 parte solitâ, ut consuetæ visitationis & debitæ salutationis dependat alloquium, e-
 greditur ad castra: cui occurrentes mortis eius ministri, executioni mancipant,
 quod fuerat imperatum. Deiectum enim ad terrâ, capite minuunt, gladiis obrun-
 cant.

cane. Quod videntes eius filii, citatis equis in *Cahere* se recipiunt, ante *Calypham* conseruati, & genibus prouoluti pro vita supplicat. Quibus ille dicitur respondisse, eâ conditione de vita sperandum, si nihil occultè cum Turcis molirentur: qui pactorum formam statim violantes, clam per internuncios corperunt cum *Siracano* de pace tractare: quod audiens *Calypha*, vtrunque iussit gladio interire. Sic ergo *Rege* absente, *Sauar* de medio sublato, *Siracanus* votis satisfacit suis: regnum occupat: & ingressus ad *Calypham*, reuerentiam impendit debitam. Ipse quoque versa vice plurimum honoratus, dignitate & officio Soldanatus insignitur: & gladii recipiens potestatem, Ægyptum sibi vendicat vniuersam. *O caca hominum cupiditas, & omni crimine maior! O nefanda cupide mentis & insatiabilis animi rabies! Ecce, à quâ quiete & tranquillo penitus statu, in quam turbulentum & anxietatibus plenum nos deiecit immoderatus habendi ardor? Ægypti copia, opulentiarum immensitas, nostris vsibus famulabatur: ex ea parte nostrum Regnum tuta habebat latera; non erat quem ab Austro formidaremus. Mare volentibus adire, vias præstabat pacatior: nostri quoque negotiationis & commerciorum gratia, sine formidine, bonis conditionibus in Ægypti fines poterant introire. Ipsi quoque versa vice, peregrinos inferentes diuitias, commercia nostris incognita secum trahentes, utilitatis simul & honori nobis erant, dum ad nos ingrediuntur. Præterea census annui immensa præstatio, tam si se regio, quàm domesticis singulorum peculius vires præstabat, inferebat incrementum. At nunc ex cœuerso, cuncta calculum sunt sortita deteriores; mas atque est color optimus, & verus est in luctu cithara nostra. Quocunque me vertam, suspectas inuenio partes. Mare pacatos negat aditus, omnis vicina per circuitum regio hostibus parat, & in nostram se accingunt perniciem regna contamina. Hæc omnia hominis vnius inuexit cupiditas, & auaritia vitiorum radix nostra, obnubilauit data diuinitus serena.* Sed ad historiam redeamus. Mortuo Soldano & filiis eius, quibus contra pietatis formam, necis indebitæ causas præbui-mus, *Siracano* voti compos obtinuit principatum: verum hoc successu non diu est lætatus. nam vix anno potitus imperio, rebus humanis exemptus est: cui successit *Solehadinus* fratris eius, *Negemedini* filius, vir acris ingenii, armis strenuus, & supra modum liberalis. Hic primis auspiciis sui principatus ad *Calypham* dominum suum, v. *Salutam* illi exhiberet reuerentiam, ingressus, clauâ quam gestabat in manibus, dicitur eum ad terrâ prostratû occidisse, omnemq; eius gladio transuerberasse progeniem, vt ad nullum superiorē habens respectum ipse sibi & *Calypha* & *Soldanus* esset. timebat enim, ne ad se ingredientē aliquando, quia iam Turci populo inuisi habebantur, iugulari præciperet. Præuenit ergo eum, & sibi more domini nihil tale verenti mortem intulit, quam eidem ille, vt dicitur, parabat intentare. Mortuo igitur *Calypha*, regiam gazam & thesauros & cuncta illius domus desiderabilia, pro libero diripiens arbitrio, cuncta liberaliter nimis, militibus erogauit, ita vt intra paucos dies euacuatis vestiariis, ipse mutuam sumens pecuniam, graui pondere se obligaret æris alieni. Non defuerunt tamen, vt dicitur, qui de filiis *Calyphæ* occultè quosdam eriperent, eâ intentione, vt redditâ Ægyptiis aliquando regni administratione, non deesset qui prædecessoribus suis, nominis, dignitatis & sanguinis hæres existeret. Domino Rege in Regnum reuerso, nil memoriâ dignum primâ illius anni parte gestum est, nisi quod defuncto *Raynero*, bonæ memoriæ *Liddensi* episcopo, *Bernardus* Abbas ecclesiæ montis *Thabor*, in eadem ecclesia inthronizatus est. Veretamen sequente, quod erat sexti anni domini *Amalrici* initium, videntes Regni prudentiores, quod in subiugata Turcis Ægypto, plurimum nobis decesserat, & multo deterior facta erat nostra conditio: nam violentissimus hostis noster, *Noradinus* per mare poterat, classe numerosâ ex Ægypto proficicente, regnum nostrum artare non modicum, & quamlibet ex maritimis vr-bibus viroque vallare exercitus: & quod formidabilius erat, Peregrinis ad nos transi-tum impedire aut negare penitus: consulunt opus esse, vt de prælatis & clericis vniuersales, prudentes & eloquentiâ præditi, ad Occidentis Principes dirigerentur, qui doceant & diligenter insinuent Regni pressuras importabiles: & populi Christiani afflictionem, & casus asperos fratribus imminentes. Electi sunt ergo de compendioso consilio in opus ministerii huius dominus *Patriarcha*, dominus *Ernestus* *Cæsariensis* archiepiscopus, dominus *Wilelmus* *Acconensis* episcopus: sumptisque tam domini Regis, quam vniuersorum episcoporum literis, ad dominum *Fredericum* Romanorum Imperatorem, ad dominum *Ludovicum* Francorum regem,

ad dominum *Henricum* regem Anglorum, ad dominum *Wilhelmum* Sicilie regem; ad Comites quoque, nobiles & inclytos *Philippum* Flandrensem, *Henricum* Trecentem, *Theobaldum* Carnotensem, & ad reliquos Occidentalium partium Principes, nauem conscendunt. Sed subito sequenti nocte oborta tempestate maximâ, naue quassatâ, fractis remigiis, malis depositis, plurimum turbati, post triduum, vix euadentes naufragium, reuersi sunt. Successit eis in eadem legatione dominus *Fredricus* Tyrensis Archiepiscopus, multâ precum domini Regis & Principum deuictus instantiâ, ducens secum dominum *Ioannem* Pancadensem episcopum, eiusdem ecclesie suffraganeum: qui melioribus auspiciis nauem ingressi, feliciter ad optatum portum nauigauerunt: parum tamen in negotio quod eis iniunctum fuerat, profi-

XIV.

cientes. Nam prædictus episcopus, postquâ in Franciam peruenit, statim apud Parisios vltimum clausit diem: dominus verò Archiepiscopus completo biennio, omnino vacuus reuersus est. Transcursâ illa ætate, absque factis memorabilibus, circa prima autumnii sequentis initia, fidei memor, & pacta memoriter tenens, quæ cum domino Rege per nostram mediationem, & per interpositum studium dominus Imperator firmauerat, classẽ dirigit promissam, in eo facto plurimum commendabilis: nam Imperiali magnificentiâ placidorum legem plenius interpretatus, promissum vberiore cumulauit solutione. Erant sanè in præfato exercitu, naues longæ, rostratæ, geminis remorum instructæ ordinibus, bellicis vsibus habiliores, quæ vulgò *galæ* dicuntur, centum quinquaginta. Item his maiores ad deportandos equos deputatæ, ostia habentes in puppibus, ad inducendos educendosque eos patentia, pontibus etiam quibus ad ingressum & exitum, tam hominum quam equorum procurabatur commoditas, communitæ, sexaginta. Item harum maximæ, quæ *dromones* dicuntur, alimentis varii generis armisque multiplicibus, machinis quoque & tormentis bellicis vsque ad summum refertæ, decem aut duodecim. Misit autem cum classe de suis Principibus *Megalducas* consanguineum suum, quem vniuersis præfecit, & quendam alium *Mauresum* nomine, sibi valdè familiarem, de cuius experientia (sicut postea plenius patuit) plurimum confidebat: nam eundem postmodum vniuerso suo præfecit Imperio. Comitem quoque *Alexandrum de Conuersana*, nobilem de Apulia virum: quem ob insignem fidem, & multam erga se deuotionem, dominus Imperator carum habebat & acceptum. His curam sui committens exercitus, in nostrum dirigit Orientem: qui prosperâ vsi nauigatione, circa finem Septembris portum ingrediuntur Tyrensem: inde Accon profecti, inter fluuium & portum placidâ statione componunt. Anno igitur ab incarnatione Domini *millesimo centesimo sexagesimo nono*, à liberatione verò vrbis sexagesimo octauo, regni verò domini *Amalrici* anno sexto, Idibus Octobris: compositis Regni negociis, relictâ etiam militiâ, quæ in Regis absentia ab insidiis & incursionibus Noradini, quem circa partes Damascanas commorantem reliquerat, Regnum tueretur: congregatus est vniuersus exercitus tam Latinorum quàm Græcorum apud *Ascalonam*, classe iam à portu Acconensi per dies aliquot egressâ, &

XV.
An. D.
1199.

iter contra fines *Ægyptios* agente*. Septimo igitur decimo Kal. Septembris, ab vrbe prædictâ egredientes, per mansiones competentes, vbi aquarum non deesset commoditas, & ne peditum phalanges supra vires grauarentur, itineribus moderatis, *Pharamiam* urbem antiquissimam, nonâ demum die perueniunt. Mediã autem hanc viam, maritimam oram sequi volentibus, fortuitus quidam casus nuper reddiderat productiorem. Euietis namque verbere assucto, & penè continuo assultu quibusdam arenarum aggeribus, qui medii inter planiora quædam loca & fretum vicinum interponebantur, mare violenter fractis obicibus, viam sibi euicerat, & liberum sibi introitum ad illam vltiorem vendicauerat planiciem: quo licentiâ influens liberiore, stagnum effecerat ore quidem angusto, sed intus campos obtinens patentiores. Vbi ab illa die marinis influxionibus tanta solet piscium includi multitudo, vt non solum finitimis, verum etiam remotis vrbibus vberiores & inauditas piscium præstet commoditates. Occupatis igitur salo restagnante locis mari vicinioribus, volentibus secus æquorea transire littora, & in *Ægyptum* descendere, obiectum est dispendium, quodd stagnum circumire, & miliaribus decem, vel eo amplius digredi, antequam ad littus iterum redeatur, quadam necessitate compellat. Hæc autem gratiâ miraculi, & de nouo factæ irruptionis interferuimus: & quodd pars

pars solitudinis prius obnoxia solis ardoribus, nunc subiecta fluctibus, & natantiū facta familiaris, nauigiis patens, piscatorum implet retia, & præter solitum facta fecundior, fructus reddit prius incognitos. *Pharamia* verò, vnde supra fecimus mentionem, ciuitas deserta, olim multo frequentata habitatore, iuxta primum Nili ostium, quo marinis excipitur fluctibus, sita est, quod vulgò *Carabes* dicitur, heremo iuncta, inter fluuium, mare, & solitudinem posita: distat tamen ab ostio fluminis miliaribus tribus: Ad quam nostri peruenientes, classem nostram reperiunt aduenisse. Vbi aptatis nauibus cum remigeneccessario, vniuersus in vltiorē ripam deportatur exercitus. Relinquentes igitur à læua *Tapnim*, eximiam olim metropolim, nunc autem paruiissimi ad instar redactam oppidi, inter loca palustria & maris litus viam carpentes mediam, quasi miliaribus viginti, duobus diebus *Damiatam* perueniunt. Est autem *Damiatam* inter *Aegypti* metropoles antiqua & nobilis plurimum, secus ripam Nili sita citeriorem, vbi secundo ostio prædictus fluuius mare ingreditur, inter fluminis alueum & mare, situ valde commodo posita: à mari tamen, quasi miliario distans: ad quam sexto Kal. Nouembris noster perueniens exercitus, inter urbem & mare castrametati sunt, classem expectantes, quæ maris inclementiâ & ventorum aduersis flatibus detinebatur: quæ post triduū, pacatâ mari vndâ, & vêtis vîa secundis alueum amnis ingressa, inter ciuitatem & mare, secus ripam, placitâ se statione locauit. Porro in vltiore fluminis ripa erat turris singulariter erecta, armatis sufficienter ad sui præsidium munita. Ab hac, vsque ad ciuitatem cathena protendebatur ferrea, quæ nostris maximum dabat impedimentum, ita vt ad superiora nullus omninò pateret transitus. Ad eos verò de superioribus, à *Babylonia* & *Cahere*, liberè & absque impedimento, poterant naues qualibet introire. Classe igitur compositâ, nostri quoque pomeria quæ inter castra & urbem media iacebant, transeuntes, vrbi viciniora figunt tentoria, vnde liber ad mœnia erat discursus. Vbi dum per triduum assultus differunt, experimento discunt, quàm verum sit, *Nocuit differre paratis*. Aduenientes enim de superioribus *Aegypti* partibus, *Turcorum* infinitæ multitudines, & armatis naues onustæ, nostris videntibus, nec impedire valentibus, urbem prius penè vacuum, replebant. Et quam primo accessu vix primos impetus sustinere posse iudicauerant, nunc non nisi machinis & tormentis bellicis expugnandam asserunt. Eliguntur ergo artifices, & pro votis subiecta materia, sumptu numerosiore & labore maximo erigitur castellum miræ altitudinis, septem habens solia, vnde ciuitas tota videri poterat. Construuntur & aliæ varii generis machinæ quædam, quibus magnis molaribus cædantur mœnia: quædam, quibus quasi caueis occultis, fossores muros vrbs suffodiât, & subterraneis meatibus suffossos cōpellant ad ruinâ. Fabrefactis interim machinis, & per itinera cōplanata secus murum collocatis, qui in castello erant, urbanos sagittis, saxis pugillaribus & armis qualia, furor & loci angustia ministrabat, vrgebant cum instantia: qui verò sub iaculatoriis tormentis, missis molaribus, certatim mœnia, & iuncta mœnibus domicilia deiicere adoriuntur. Hoc videntes oppidani, vt arte artem deludât, & nostris moliminibus eadem subtilitate obuiant, è regione nostri castellum educūt in sublime; armatos imponunt, qui nostris renitâtur à pari, & eis æquipollenti conatu respondeant: Tormenta nihilominus tormentis obiiiciunt; & ad nostra confringenda argumentis quibus possunt, totâ sollicitudine se suspendunt. Fiunt ad sui tuitionem solertes, & ingenium à necessitate virescunt. Quique prius arbitrabantur se ad hoc non sufficere, necessitatis pressi articulo, vias inueniunt prius incognitas, & ad propriæ salutis tutelam fiunt ex obtusis subtiliores. Ibi erat experimento cognoscere, quàm verū sit illud prouerbialiter dictum: *Miserisq; venit solertia rebus*. Nostri verò cum instare acrius debuissent, timidè gelideq; cœperunt cuncta ministrare: erāt qui fraudi, erant & qui incuriæ & negligentia imputarēt. Ibi profecto paruit statim, nostros aut minus experientia habuisse, aut à solita defecisse prudentia, aut exercitus moderatores malitiosè versatos: cum castellū quod erectū fuerat, per loca cliuosa & penè inuia muris applicari iusserut. Nā cum essent in eadem parte ciuitatis mœnia in multis locis humilia & infirma nimis & loca multa assultibus & expugnationi facilius peruia, castellū crexerūt in ea parte ciuitatis, quæ firmior & magis munita habebatur, & vbi cum tunc difficultate mœnibus est applicatū, quanta alibi nusquā occurrisset: nec ibi ciuibz quicquā inferebat molestia, aut

eorum ædificiis, sed soli basilicæ sanctæ DE I genitricis, quæ iuxta muros sita est. Illud sanè nihil habet ambigui, qui de malitia * more processerit, quòd primo nostrorum aduentu dilata est vrbis impugnation: nam vacuum reperientes eam, dum non nisi domesticos haberet suos, viros imbelles, effœminatos, præliorū ignaros, si pro debito animosius institissent, primis congressionibus eam occupassent violenter. Concessæ namque feriæ, tantum virium obsessis intulerunt, tantaque medio tempore virorum fortium & egregiè armatorum accessit numerositas, ut non solum intra mœnia, sed etiam in campestribus nostrorum imperus possent sustinere.

XVII.

Accessit præterea miserabile quiddam, quòd omnis illa quæ in classe venerat Græcorum multitudo, tantâ cœpit alimentorum inopiâ laborare, ut omnino panis 10 eis omnibus deficeret, nec ciborum quippiam apud eos inueniretur. Cædebat ad vsus varios sylua palmarum, castris contermina: deiectisque ad terram certatim arboribus, in summo earum, vnde rami habent originem, Græci fame laborantes, quærebant multo studio quandam teneritudinem, vnde ramis humor vidualis ministratur, esui quodammodoabilem: vnde suam, licet misere, consolabantur esuriem. *Querendi victus artem, fames auxerat; & ventris appetitus ruginis, solertiam induxerat ampliore.* Hoc sanè per dies aliquot edulio vitam misere protrahentes, famem laborabant depellere. Quibusdam tamen, qui non penitus erant alimonia destituti, auellana, passæ, & siccæ castanæ contra famis importunitatem solatia ministrabant. Nostris autem panis, & varii generis alimentorum non deerat suffi- 20 cientia: sed cogitantes de crastino, sacculis parcebant, timentes ne si ipsi cibos non habentibus, incaute diuiderent, aliquando & ipsis deficeret: iterum & de mora incerti, tempus prolixius habebant suspectum. Præterea tanta imbrium abundantia, tanta pluuiarum intemperies per idē tempus incubuit, ut neque tuguriis pauperiores, nec papilionibus diuites arte qualibet arcere possēt stillicidia, imò nimborum redundantia. Vallo igitur cingentes tētoria, ut illuc pluuiarum deflueret imperus, vix in tuto se poterāt collocare. Accidit quoque per eosdē dies grande nimis infortunium. Nam cum galeas, & ceteras diuersi generis naues, à mari eductas, in fluminis alueum introduxissent, & iuxta ciuitatem tutâ, ut videbatur, statione ordinassent: videntes oppidani quòd ventus à superioribus descenderet, & quasi Nili flu- 30 enta sequeretur aliquantulum vehementior, quod conceperant, in opus trahere nituntur. Accipientes enim mediæ quantitatis cymbam, lignis aridis, pice & liquamine, & omnibus his quæ solent ignibus incētium ministrare, eam vsque ad summum eius replentes, ignem subiiciunt: & accensam, in classem nostram, flumine eam gratis deferente, dirigunt: nec deerat austri flatus, qui suppositis ignibus ministrabat irritamentū, sumptâ occasione ex subiecta materia. Descendens igitur incensa nauicula in classem, reperiensque eam quasi contiguam, transire non valens, hæsit inter rates: præbitoque quod gestabat incendio, sex ex rostratis nauibus, quas *galeas* vocant, vsque in fauillas exussit: vniuersamque classem ignis inualescens penitus occupasset, nisi domini Regis sollicitudo, qui comperto incendio, nudis ad- 40 huc pedibus, equum velociter conscendens, nautas ad resistendum ignibus, manu multisque clamoribus excitasset. Diuidentes itaque eas abinuicem, latè vagantis incendii furorem, declinauerunt. Si quæ verò vicini odore incendii conflagrare cœperant, ignis fomitem, vel in fauilla, vel alio modo secum trahentes, beneficio fluminis, & vicinarum aspergine aquarum, remedium consequebantur. Fiebant præterea, sed diebus interpolatis, in urbem assultus, in quibus, secundum hoc quod bellorum dubius solet esse euentus, nunc nostri, nunc hostes deteriore calculum reportabant: frequentius tamen nostri pugnandi occasionem ministrabant. Nam hostes rarò, nisi lacessiti, ad congressum prouocabant: nonnunquam tamen per ad- 50 ulterinam portam, quæ Græcorum respiciebat castra, in eos irruptiones subitas faciebant oppidani, nescimus quâ fiduciâ adducti: aut quòd nostris eos audierant naturaliter inualidiores, aut quia famæ periclitantes, ad sustinendos impetus minus reputabant idoneos. Eorum tamen magistratus *Megaducas*, & alii viriliter & satis strenuè, quoties opus erat, in acie decertabant. Vnde eorum exemplo inferiores animati, plerunque etiam præter solitum, & instabant acrius, & animosius resistebant. Augebantur per rō ciuibz, tam per terras quàm nauigio, turbæ militares: ut iam de cætero nostris, magis essent formidini qui infra mœnia tenebatur, quàm molestiæ

in celestia aliquid pati, qui dicebantur obsessi. Murmur ergo iam serpebat in populo, & erat omnium penè vna sententia, nostros operam inutiliter consumere: iratâ diuinitate se hoc opus cœpisse: tutius esse redire ad propria, quàm in Ægypto fame tabescere, vel hostiû gladiis deputari. Medianibus ergo nostris, & de satrapis Turcorum nonnullis, & maximè quodam eorum Principe, fideliter operam dante, *Ieuuelino* videlicet, consonantibus in idipsum Græcis, occultis quibusdam conditionibus fœdus initur; mox voce præconiâ pax indicitur. Egrediuntur ergo tam XVIII.
de ciuibus, quàm de his qui in eorum subsidium venerant, ad nostrorum castra, pro libero arbitrio: nostris quoque volentibus urbem introire, liber introitus & egres-
sus sine difficultate patebat. Hic tandem mutuorum data est facultas commercio-
rum, & quod cuique libitum erat emere vel permutare, facta est licentia. Sic ergò
quasi pet triduum nostri communi cum hostibus vsi rerum venalium foro, ad iter
se accingunt. Depositis igitur machinis, & igne succensis, qui terrestri venerant iti-
nere, dominum Regem secuti, eadem quâ venerant viâ in Syriam reuertentes ma-
turatis gressibus, duodecimo Kal. Ianuarias *Ascalonam* peruenerunt. Dominus ve-
rò Rex, gratiâ vicinæ festiuitatis, *Accon* properans, in vigilia Natiuitatis Dominicæ,
eandem attingit ciuitatem. Qui autem nauigio venerant, omine sinistro & infaustis
auius naues conscendunt: nam statim in primo obeundi itineris initio, exortâ
subitò validissimâ tempestate, fretorum experti insuperabilem malitiam, cōfractis
20 nauibus, & collisis ad littora, omnes penè passi sunt naufragium. Sic itaque de tanta
classe, quæ ad nos descenderat, tam de maioribus, quàm de minoribus, paucæ na-
ues reseruatae sunt incolumes, quæ ad redeundum ex seipsis præstarent habilita-
tem. Infecto igitur negotio, omni tamen diligentia, quâ compleri debebat, à nun-
ciis domini Imperatoris impensa, & debitâ sollicitudine procurandis negotiis ex-
hibitâ, domum redeunt, deiecti animo, fati aduersitate consternati: timentes, ne si-
bi, præter meritum, Imperialis excellentia sinistrum imputaret euentum: & quòd
casus attulerat ineuitabilis, irâ succensus eorum dominus, indebitè eorum ascribe-
ret aut malitiæ, aut neglectui. Meminimus tamē, post reditum nostrum, tam à do-
mino Rege, quàm à quibusdam Regni Principibus, sollicitè & diligenter quæsisse,
30 quænam causa fuerit, quòd tantus exercitus, tantorum Principum studio procura-
tus, ita in proposito defecerit. Nam nos eo anno, familiaribus tracti negotiis, & do-
mini Archiepiscopi nostri declinantes indignationem immeritam, ad ecclesiam
nos contuleramus Romanam: reuersi autē, prædictæ quæstionis solutionem quæ-
rentes, variis multorum relationibus de rei veritate cupiebamus edoceri: nam longè
à spe nostra dicebatur accidisse: qua sollicitudine nostra nos trahēte, hæc omnia
scripto mandare iam conceperamus. Inuenimus Græcos etiâ in prædicto negotio,
non sine lata culpa fuisse. Nam cùm pecuniam ad alendum tātum exercitum suffi-
cientem, se misurū firmissimè promississet dominus Imperator, in ea parte inuen-
tus est sermo eius, minus soliditatis habuisse. Ex quo enim in Ægyptum descende-
40 rant eius *Archontes*, vbi etiam aliis indigentibus, de imperiali magnificentia subue-
nire debuissent, cœperunt ipsi primitus indigere, & mutuam quærere pecuniam,
vnde suis legionibus tam ad victum quàm ad stipendia prouiderent; & nemo illis
dabat. Æstate verò sequente, anno videlicet domini *Amalrici* septimo, men- XIX.
se Iunio, tantus, tamque vehemens circa partes Orientales terræmotus factus est,
quantus qualisque memoriâ sæculi præsentis hominum, nunquam legitur accidisse.
Hic vniuersi Orientalis tractus vrbes antiquissimas & munitissimas, funditus
diruens, habitatores earum ruinâ inuoluens, ædificiorum casu contriuit, vt ad exi-
guam redigeret paucitatem. Non erat vsque ad extremum terræ locus quem fami-
liaris iactura, dolor domesticus non angeret: vbique luctus, vbique funebria tra-
50 ctabātur. Inter quas & prouinciarū nostrarum, Syriæ & Phœnicis vrbes quàm ma-
ximas, & serie seculorum antiquitate nobiles, solotenus deiecit. In Cœlesyria, mul-
tarum prouinciarum metropolim, olimque multorum moderatricem regnorum,
Antiochiam, cum populo in ea commorante, strauit funditus: mœnia, & in eorum
circuitu turres validissimas, incomparabilis soliditatis opera, ecclesias, & quælibet
ædificia tanto subuertit impetu, quòd vsq; hodie multis laboribus & sumptibus im-
mensis, continuâ sollicitudine, & indefesso studio vix possunt saltem ad statum me-
diocrem reparari. Ceciderunt in eadem prouincia vrbes egregiæ de maritimis

OOOO

quidem, *Gabulum* & *Laodicia*; de mediterraneis verò, licet ab hostibus detinerentur, *Nerea*, quæ alio nomine dicitur *Halapia*, *Casara*, *Hamium*, *Enissa*, & aliæ multæ: municipiorum autem non erat numerus. In Phœnicia autem, *Tripolis*, ciuitas nobilis & populosa, tertio Kal. Iulii, tanto terræmotus impetu, circa primam diei horam, subito concussa est, ut vix vii de omnibus, qui infra eius ambitum reperi sunt, salutis via pateret. Facta est tota ciuitas quasi agger lapidum, & oppressorum ciuium tumulus, & sepulchrum publicum. Sed & *Tyri*, quæ est eiusdem prouinciæ metropolis famosissima, terræmotus violentè, absque tamen ciuium periculo, turres quasdam robustissimas, deiecit. Inueniebantur, tam apud nos, quàm apud hostes oppida semirutæ, & insidiis & hostium viribus latè patentia. Sed dum quisque districti Iudicis iram sibi meruit, alium molestare pertimescit. Sufficit cuique dolor suus, & dum quemlibet cura fatigat domestica, alii differt inferre molestias. Facta est, sed breuis, pax, hominum studio procurata; & foedus compositum, diuinorum iudiciorum timore conscriptum: & dum indignationem peccatis suis debitam expectat quisque desuper, ab iis quæ solent hostiliter inferri, manum reuocat, & impetus moderatur. Nec ad horam, ut plerunque solet, fuit ista iræ DEI reuelatio; sed tribus aut quatuor mensibus, vel etiam eò amplius, ter aut quater vel plerunque sæpius, vel in die vel in nocte, sentiebatur morus ille tam formidabilis. Omnis morus iam suspectus erat, & nusquam tuta inueniebatur quies. Sed & dormientis animus plerunque, quod vigilans timuerat, perhorrescens, in subitum saltum, ruptâ quiete, corpus agitari compellebat. Superiores tamen nostræ prouinciæ, *Palestinæ* videlicet, horum omnium, Domino protegente, fuerunt expertes malorum.

xx.

Eodem anno, mense Decembri, anno videlicet domini *Amalrici* septimo, frequēs fama circumuolat, & crebris nunciis diuulgabatur, quòd *Salahadinus* conuocatis ex vniuersa *Ægypto*, & finibus *Damascenorum* militaribus copiis, ampliatoq; ex plebeis & secundæ classis hominibus militum numero, Regnum nostrum depopulaturus, ad partes *Palæstinas* moliebatur accedere. Quo audito, dominus Rex sub omni celeritate in fines ascendit *Ascalonitanas*. Vbi fidâ suorum relatione, pro certo cognouit, quòd prædictus magnus & potentissimus Princeps cum exercitu copioso valde, & solito ampliore, castrum, cui nomen *Darum*, per biduum obfederat: tantamque illo biduo, obsessis nullâ datâ requie, intulerat molestiam, tantis, tamque frequentibus sagittarum immissionibus, eos qui in præsidio erant, lassauerat, ut omnibus, penè faucibus, pauci pro loci defensione arma possent corripere. Muro etiâ suffosso, & effracto violētius, partem municipii iam occupauerat, oppidanis in arcē, quæ munitior videbatur, de necessitate se recipientibus: eius quoque turris in partem inferiorem, effracto & incenso ostio, violētè irruperant, militibus, qui intus erant, eius partes superiores, adhuc tuentibus: ita domino Regi nunciabatur; & verè sic erat. Erat autem eidem præsidio dux, & custos datus, vir nobilis & in armis strenuus, religiosus ac timens DEVM, dominus *Ansellus de Pass*: cuius si fortè præsentiam illâ die prædictum castrum nō habuisset, procul omni dubio in manus hostium deuenisset. Quo comperto, Rex, tactus dolore cordis intrinsecus, & succensus irâ, quantum angustia temporis & hostium vicinitas patiebatur, conuocatis vndeunque tam equitum quàm peditum suffragiis, vrbe *Ascalonâ* egressus, octauâ decimâ die mensis prædicti, *Gazam* contendit. Affuit ibi cū eo dominus Patriarcha, cum venerabili & precioso viuificæ Crucis ligno. Adfuerunt & viri venerabiles, dominus *Radulphus* Bethleemita episcopus, & Regni Cancellarius: item dominus *Bernardus* Liddensis episcopus, & de Regni Principibus pauci admodum. Recensitoque suorum numero, vix inueniunt equites ducentos quinquaginta, de peditibus verò ad duo millia. Illam ergo noctē in prædicto loco præ sollicitudinis & curarum pondere, insomnem trahentes, assumptis sibi fratribus Templi, qui illuc pro tuitione loci conuenerant, circa ortum Solis vrbe vnanimiter egrediuntur, iter suum ad prædictum castrum dirigentes. Est autem, ut credimus, prædictum castrum in *Idumæa*, (ipsa est *Edom*) situm, trans torrentem illum qui dicitur *Ægypti*, qui etiam terminus est *Palæstinæ* & prædictæ regionis. Hoc ipsum idem dominus *Amalricus* paucis ante annis, in loco aliquatulum eminente fundauerat, occasione veterum ædificiorum, quorum ibi aliqua adhuc supererant vestigia. Traditur autem à senioribus illarum partium incolis, quòd prædictis temporibus ibi fuerat monasterium

rium, Græcorū vnde & adhuc nomen tenet, *Darum*: quod interpretatur *domus Græcorum*. Fūdaerat autem, vt prædiximus, dominus Rex illic castrum modicæ quantitatis, vix tantum spaciū intra se continens, quantū est iactus lapidis, formæ quadræ, quatuor turres habens angulares, quarum vna grossior & munitior erat aliis: sed tamen absque vallo erat, & sine antemurali. Distat autem à mari quasi stadiis quinque, à Gaza verò milliariis quatuor. Conuenerant autem aliqui ex locis finitimis agrorum cultores, & negotiationibus quidam operam dantes; ædificauerant ibi suburbium & ecclesiam non longè à præsidio, facti illius loci habitatores. Erat enim locus commodus, & vbi tenuiores homines facilius proficerent quàm in vrbibus. Condiderat autem Rex eā intentione prædictum municipium, vt & fines suos dilaret, & suburbanorum adiacentiū, quæ nostri *casalia* dicunt, & annuos redditus, & de transeuntibus statutas consuetudines plenius & facilius sibi posset habere. Egressus ergo *Gaza* noster exercitus, & in edito quodam loco, qui in ipso itinere erat, constitutus, castra videt hostium: & præ nimia multitudine territi, coeperunt se solito arctius comprimere, ita vt præ turbæ densitate vix possent incedere. Illi statim in nostros irruentes, tentabant, si vnquam eos possent ab inuicem separare: sed nostri, propitiā diuinitate, solidius inter se conglobati, & hostium sustinebant impetus, & iter maturatis gressibus conficiebant. Tandem ventum est ad locum destinatum, ibique defixis tentoriis, stetit vniuersus exercitus: dominoq;
20 Patriarchā in arce locato, reliqui omnes extra & iuxta suburbium castrametati sunt. Erat autem hora diei, quasi sexta. Habitis ergo illā die singularibus conflictibus, & per turmas nonnullis, nostri & audacter institerunt, & restiterunt viriliter. Nocte autem accedente, *Salahadinus*, ordinatis agminibus versus *Gazam* suos dirigit exercitus; nocteque illā secus torrentem quieuerunt: facto mane, ante Gazam constituti, vbi coeperūt approximare. Fuit autem *Gaza* vrbs antiquissima, Philistiim metropolis egregia, cuius in historiis tam ecclesiasticis quàm secularibus, multa fit mētio: cuius etiam hodie, vetustæ nobilitatis, in nobilibus ædificiis, multa extant argumenta. Iacuit autem multis temporibus deserta, ita vt nec vno incoleretur habitatore, quousq; dominus Balduinus, illustris memoriæ Hierosolymorū Rex quar-
30 tus, ante captam Ascalonam, collectis Regni viribus & publicis sumptibus, castrum in quadam parte ciuitatis munitum satis, ædificauit, constructumque statim fratribus Militiæ Templi donauit, iure perpetuo possidendum. Castrum ergo totum collem, supra quem ciuitas fundata fuerat, vt prædiximus, non potuit occupare: sed conuenientes quidam ad loci illius habitationem, vt tutius ibi morarentur, reliquam partem collis, portis & muro, sed humili & infirmo, tentauerant munire. Audito ergo hostium aduentu, loci illius habitatores, cum vxoribus & paruulis, decreuerant in præsidium introire: erant enim homines inermes, agrorum cultores, talibus inassueti: reliquam verò ciuitatis partem, tanquam immunitam hostibus exponere. Sed *Milo de Planci*, quidam de Regni magnatibus, sed vir nequā, volens quā-
40 si populum animare, introire penitus prohibebat, & ad tuendam vrbs partem inualidiorem hortabatur. Erant porrò ibi iuuenes expediti & ad arma prompti, sexaginta quinque, de partibus Hierosolymitanis, de vico qui dicitur *Macomeria*. Hi ad exercitum properantes, casu nocte illā in eandem urbem deuenerant: qui dum de mandato prædicti *Milonis*, secus portam exterioris ciuitatis, pro libertate & patria strenuè decertant, & hostibus viam ferro aperire volentibus fortiter resistunt, hostes ex alia parte in ciuitatem irruentes, inter præsidium & dictam portam, adhuc introitum hostibus negantes, reperiunt: irruentesque à tergo, incautos vallant vndique, & iam resistere non valentes, gladiis obtruncant. Sed tamen multis ex eis peremptis, vulneratisque pluribus, cruentam de eis victoriam retulerunt. Volentes autem loci habitatores iterum in præsidium introire, receptis iam hostibus infra mœnia, & eos passim & sine delectu neci tradentibus, non est permissum; nec vlla alia salutis occurrebat via. Irruentes igitur Turci vbi ciuitatem occupauerunt, nec ætati parant, nec sexui; & vagientes laxis allidentes, iram vix poterant satiare. Qui autem in præsidio erant, hostes à turribus & muris lapidum iactu, & crebrâ telorum immissione longius arcentes, castrum propitio Domino seruauerunt incolūme. Sic ergo occupatā ciuitate, ciuibz interemptis, quasi palmam tenentes, versus *Darum* reuertuntur: dumque proficiscuntur, inueniunt de peditibus nostris

quasi quinquaginta, qui ad exercitum nostrum incautè properabant. Hos satis viriliter se tuentes, & resistentes fortiter, gladiis enecant & interficiunt vniuersos.

XXII.

Compositis igitur agminibus, & in aciem prout rei militaris exigit disciplina, digestis, quadraginta duas instruunt cohortes, quarum viginti duas littus iubent sequi marinum, vt inter *Daram* & mare proficiscantur: reliquas autem iter mediterraneum tenere præcipiunt, quousque castro præterito, omnes in vnum corpus iterum se recipiant. Videntes ergo nostri, hostes instructis redire ordinibus, ad conflictum se præparant: & licet pauci sint, confidunt tamen de Domini clementia; inuocatoque de supernis auxilio, accinguntur ad prælium, Domino ministrante vires & animorum constantiam, nihil putantes certiùs, quàm eos ad hoc redire, vt eù nostris congrediatur: at illi longè aliud habentes propositù, nec ad dextram nec ad læuā declinantes, in Ægyptum redire festinabant. Quod postquā domino Regi per certos constitit nuncios, quòd iter arripuerant non redituri, relictis qui castrum semirutum reædificēt, reædificatum muniant ampliùs, & munitum fideliter custodiant, *Ascalonam* cum suis, Domino ducente, iterum reuersus est. Dicebatur ab iis qui frequentius in Regno expeditiones viderant, quòd nulla ætate tantam Turcorum multitudinē collectam audierant: reputabaturque hostium numerus, in quibus nonnisi equites erant, ad millia quadraginta.

XXIII.

Per idem tempus, quarto Kal. Ianuarias, in Anglia apud *Cantuariam*, nobilem & eximiam eiusdem provincie metropolim, celebrata est passio beatissimi & gloriosissimi martyris *Thoma*, eiusdem ciuitatis Archiepiscopi. Hic fuit natione Londoniensis, & sub bonæ memoriæ *Theobaldo* Cantuariensis ciuitatis antistite, meruit in Archidiaconum eiusdem ecclesie promoueri. Vnde ab *Henrico* secundo, eiusdem provincie Rege, in partem Regie sollicitudinis vocatus, factus est eius Cæcellarius, & vniuersi regni fidelis & prudens, & maximus procurator. Tandem suffragantibus meritis, & post prædicti beati patris obitum, ad Cantuariensem, ordinante Domino, vocatus ecclesiam, dū pro ecclesie suæ iustitia viriliter & constantissimè contra tyrannicas decertat impietates, eundem Regem persecutorem fugiens, exilium compulsus est subire, quod in Francia, septennio continuò, mirabili & prædicanda tulit patientia. A quo dum pacem promissam expectat, rediens, impiorum gladiis, intra eandem ecclesiam, cui auctore Domino præsidebat, contumeliis affectus, pro persecutoribus orans, capite cæsus, proprio sanguine laureatus, felici commercio, martyrio coronatus est: per quē pius & misericors Dominus, in sæpèdicta ecclesia, & vniuersa provincia, tot & tanta diebus penè singulis operari dignatur miracula, vt Apostolorum videantur innouata tempora.

XXIV.

Sequenti anno, qui erat regni domini *Amalrici* septimus, videns sæpèdictus Rex, quantis molestiis Regnum cottidie fatigabatur, & quòd hostium incessanter augebatur numerus, virtus suscipiebat incrementum, in immensum quoque facultates eorum multiplicabatur & diuitiæ: Regni nostri autem prouidi principes & discreti iam penitus defecerant, & in eorum loco soboles succrescebat perniciofa, quæ locum tatorum virorū inutiliter occupabat, & bona paterna in vsum dilapidabat detestabiles: vnde Regnum in tantam deuenerat debilitatem, quantum cognoscere poterant, etiam qui sensus habebant minus exercitatos: Conuocat vniuersos Regni Principes, ibique eis præsentibus, Regni necessitates aperit, expectit ab eis consiliū: *quomodo his malis, ne Regnum depereat, possit obuiari.* At illi ex præsentente, deliberatione habitâ, quasi ex sententia vnanimiter responderunt: *Regnum peccatis nostris exigentibus, in hunc deuenisse articulum, quòd neque ad impugnandum aduersarios, neque ad sustinendos eorum impetus sufficiebat. Opus esse dicunt, vt implorato Occidentaliū Principum auxilio, tentet his malis resistere: aliam autem salutis viam asserunt se omnino inuenire non posse.* Visum est demum, & id de communi consilio placuit, vt electas honestas personas ad sollicitandos, & de Regni anxietatibus edocendos, dominū Papam, & illustres dominos Romanorum Imperatorem, Francorum, Anglorum, Siciliae & Hispaniarū Reges, & inclytos Duces & Comites dirigant, qui ab eis contra imminencia pericula auxilium implorent. Decretum est etiam, vt domino quoque Imperatori Constantinopolitano, quia nobis vicinior, & cæteris longè opulentior, facilius optata nobis posset ministrare suffragia, Regni status anceps & periculosus significetur. Addunt etiam, vt talis ad eum persona dirigatur, quæ prudentiâ, facundiâ, & auctoritate tanti principis animum ad nostra sciat & possit inclinare desideria.

desideria. Dumque super hoc, quis ad tantam legationem implendam idoneus esset, deliberaretur, Rex habito cum paucis & familiaribus consilio, propositum pandit, & coram omnibus mentis reuelat conceptum, dicens: *Istud per neminem posse fieri, nisi per eum*: adiecit etiam, *Separatum esse pro Regni necessitatibus subleuandis, & labores & qualibet subire pericula*. Hi cum stupidi & admiratione pleni Maiores Regni dicerent: *Durum est nimis, ut absque Regis presentia, regnum quasi desolatum inueniatur*: respondit: *Regat dominus Regnum suum, cuius minister ego sum: apud me fixum est ut vadam: non est quibus hoc proposito me possit reuocare*. Assumpto ergo domino *Wilelmo* Acconenſe episcopo, & de Regni Magnatibus, *Guarmundo* Tyberiadense, & *Ioanne de Arsur*, *Gerardo de Pugi* Mariscalco, *Roardo* Hierosolymitano Castellano, *Reinuardo de Neophins* (nam *Philippum Neapolitanum*, qui iam Militiæ Templi deposuerat Magistratum, per terras præmiserat) & cum maximo comitatu, qualis Regiam decebat maiestatem, sexto Idus Martii iter aggreditur in galeis decem. Vnde propitio Domino prospera vsus nauigatione, fauces Abydenas, & ostia Bosphori, quod vulgari appellatione *Brachium sancti Georgii* dicitur, feliciter ingressus est. Audiens ergo dominus Imperator, vir magnificentissimus, prouidus & discretus, & per omnia commendabilis, quod tantus Princeps, & tam famosi & Deo amabilis Regni moderator, Imperium suum præter solitum ingrederetur, primum vehementer admirans, quænam tanti laboris & insueti itineris causa posset esse: deinde gloriæ suæ considerans incrementum, honoris amplitudinem, gratiæ cœlestis donum incomparabile, quod sibi gratis videretur oblatum diuinitus, quod nulli prædecessorum suorum legitur accidisse, videlicet quod Rex Hierosolymorum, locorum venerabilium Dominicæ passionis & resurrectionis defensor, & aduocatus ad se veniat, plurimum exilaratur, & aduenientem eum multiplici disponit honore præuenire. Accersitoque *Ioanne* Protoſeuasto nepote suo, & inter sacri Palatii Principes eminentissimo, cuius filiam idem dominus Rex uxorem habebat, ei dirigit in occursum, ut iuxta pristinam & inuiolabilem Imperii disciplinam, & incomparabilem magnificentiam, in urbibus & locis ad quæ perueniret, eum faceret haberi honestissime; & instrueret tanquam filium, ut de introitu eius in urbem Regiam domini Imperatoris nuncios expectaret. Tunc idem magnificus Princeps cum honesto comitatu domino Regi occurrens, vsque *Caliopolim* peruenit, quæ est ciuitas in littore Bosphori sita, à faucibus non multum distans Abydenis. Inde quoniam ventus ad urbem Regiam volentibus properare, non multum erat idoneus, descendens de galeis vsque *Heraclæam*, quæ in eodem maris est sita littore, cum suo familiari comitatu eques peruenit. ubi & classem suam, quæ receptâ aurâ secundiore, prosperis vsa flatibus, eius iter præuenerat, in portu reperit. Vnde iterum classem cōscendens, vento proſequentē fauorabili, *Constantinopolim* vsque peruenit. Est autem in ipsa vrbe super littus maris, ad Orientem prospiciens, Imperiale palatium, quod *Constantinianum* appellatur: introitum habens ad mare, miro & magnifico tabulatu; gradus habens marmoreos, vsque in idipsum mare; leones habens & columnas, fastu erectas Regio, ex eadem materia. Hinc soli Augusto solet introitus patere ad superiora palatii: sed domino Regi honoris intuitu præcipui, præter communes regulas aliquid indultum est, ut eâ parte ingredi permitteretur. Ibi verò occurrentibus ei magni Sacri palatii Principibus, cum maximo Curialium numero, in summa honorificentia receptus est: vnde per angiportus & miræ varietatis diuersoria, multis tam suorum quam palatinorum stipatus ordinibus, vsque ad supereminentem Regiam, ubi dominus Imperator cum suis illustribus residebat, deductus est. Dependebant ante consistorium velaria preciosæ materiæ, & operis non inferioris, imò quibus illud *Nasonis* meritò posset aptari, *Materiam superabat opus*. Extra quas maiores Principes domino Regi occurrentes, introduxerunt eum intra prædicta velaria. Hoc autem dicitur factum esse, conseruandæ Imperialis gloriæ causâ, & pro reconcilianda sibi domini Regis gratia: nam in cœtuprocerum suorum, solis astantibus inclitis dicitur ei familiariter assurrexisse: quod si præſente generali curiâ factum fuisset, nimis visus esset dominus Imperator suæ derogasse maiestati. Ingresso ergo domino Rege, contractis subito velariis, his qui extra vela fuerat relictis, apparuit dominus Imperator throno sedens aureo, Imperiali vestitus schemate: & iuxta eum dominus Rex throno sedens honesto, humiliore tamen. Hic nostris Principibus & pacis

osculum & debitæ salutationis cum multa humanitate dependens affatum, de salute domini Regis, & Principum suorum quærens diligentius, verbo & vultu significat, cum multa mentis hilaritate eorum aduentum suscepisse. Præceperat autem dominus Imperator domesticis suis & sacri palatii sui procuratoribus, quædam miræ excellentiæ diuersoria infra palatii ambitum, domino Regi suisque familiaribus aptari: suis autem Principibus singulis singula, honesta multum in vrbe, non tamen longè à se, hospitia præparari. Sumptâ igitur licentiâ à facie domini Imperatoris, dominum Regem secuti, recesserunt ad tempus: statutaq; horâ, quâ ad eum redèant, dominus Rex principes suos iubet ad propria descendere hospitia. Singulis ergo diebus, horis ad hoc specialiter deputatis, tum cum domino Imperatore, tum secum de negotiis, pro quibus venerant, sollicitos habentes tractatus, omnimodam dabant operam, quomodo consummatâ tanti laboris & itineris causâ, cum fine optato redire possent ad propria. Habitis ergo frequenter cum domino Imperatore tum seorsum, tum in cœtu illustrium suorum familiaribus colloquiis, viâ causâ aperit, Regni necessitates edocet, immortalitatem famæ, quam dominus Imperator in subiugando sibi Ægypti regno comparare posset, diligentius exponit; facilitatem quoque obtinendi propositi, euidentibus astruit argumētis. Quibus persuasus, autem benignam dominus Imperator eius assertionibus accommodat, & desideriis plenum & optatum pollicetur effectum. Interim munerū immensitate, iuxta Imperialem magnificentiam tam dominum Regem, quàm eius Principes honorat multipliciter; frequentibus visitationibus de eorū statu & incolumitate sollicitum se ostēdit. Interiores etiam palatii partes, penetralia non nisi domesticis suis peruia, lares quoq; secretioribus vñbus dedicatos, basilicas vulgaribus inaccessas, thesauros & vniuersorum desiderabilium repositiones auitas, eis tanquam familiaribus suis præcipit referari. Sanctorum etiam reliquias, dispensationis quoque Domini nostri IESV CHRISTI preciosissima argumēta, Crucem videlicet, & clauos, lanceam, spongiam, arundinem, coronam spineam, syndonem, sandalia, exponi iubet: non est archanum, non est mysticum à temporibus beatorum Augustorum Constantini, Theodosii, Iustiniani, in abdytis sacri cubiculi repositum, quod eis non reueletur familiariter. Interdum etiam feriis intermissis, dominum Regem cum suis ad recreationes, & ludorum nouitates quæ vtriusque non dedeant honestatem, aliquoties inuitat: vbi & musicorum genera instrumentorum varia, & cantus admirandæ suauitatis, consonantiis distinctos artificialibus; choreas quoq; virginum, & histrionum gesticationes admiratione dignas, seruata tamen morum disciplina, præcipit exhiberi. Sed & spectacula quoque publica, quæ nos *ludos theatrales*, vel *Circenses* consueuimus appellare, vrbani, domini Regis gratiâ, cum multis sumptibus, & solitâ magnificentiâ præcipit exhiberi. Factâ autem per dies aliquot in palatio Constantiniano morâ, causâ inducendæ varietatis, quæ maxime solet releuare fastidium, ad palatium nouum, quod *Blachernas* dicitur, se & dominum Regem transtulit: vbi etiam plenis humanitatis legibus infra palatium suum honestis conclauibus deputatis, in ipsis penetralibus patrum suorum, eū per dies aliquot benigne habuit. Sed & suis nihilominus, non longè ab eodem palatio, honesta simul & commoda fecit hospitia præparari. Vbi etiam, sicut & prius, impenas non solum necessarias, & voluptuarias supereffluentes, *vestiaria*, & hi quibus id officii deputatum erat, magnificè & superabundanter non cessabant ministrare. Sed & urbem totam, tum interiùs, tum exteriùs, simul & ecclesias & monasteria, quorū penè infinitus est numerus, columnas etiam trophæorum argumenta, arcus quoque triumphales, ducentibus eum magnis proceribus & locorum gnaris, dominus Rex peragrauit, & singulorum rationem & causam inquirens à viris antiquissimis, & prudentibus, plenius edoctus est. Descendit etiam per eosdem dies idem dominus Rex per Bosphorum, vsque ad ostia *maris Pontici*, vnde est introitus & initium huius influxionis, quæ *Bosphorus* dicitur, in *mare Mediterraneum*. Circuibat itaque loca incognita, tanquam vir curiosus, & causas rerum scire desiderans: quibus ad plenum cognitis, in urbem rediens, iterum ad familiares domini Imperatoris recurrit affatus, negociis quæ viâ causam præbuerant, finem cupiens optatum imponere. Habitis ergo feriis competentibus, tractatis necessariis, completo feliciter & pro votis negotio, pactis hinc inde ad placitam vtrinque consonantiam redactis, & scripto

XXVI.

& scripto traditis vtriusq; bulla signato, sumptâ licentiâ, & vniuersorum gratiâ prosequente, ad iter se accingit. Ibi tunc primùm in dominum Regem & suos Imperialis quasi prodiga, sed planè commēdabilis, claruit munificentia: nam immensa domino Regi conferens auri pondera, holoseriicorumq; multitudinem, simul & peregrinarum eximia dona diuitiarum, suos etiam vsque ad puerorum nouissimum donis ingentibus cumulauit. Sic & *Protoseuasto* in omnes, tanquam vir inclytus, suam effudit liberalitatem. Sed & reliqui Principes eodē zelo accensi, certatim se mutuo munificentia vincere cupientes, munera domino Regi offerunt: quibus & materię dignitas, & operis elegantia, & fauor non deerat in vtroque. Compositâ ergo classe, negotio feliciter consummato, descendens in *Bosphorum*, qui Europæ Asiæq; terminus esse dignoscitur, ducentis ab vrbe miliaribus per illud fretum nauigans, inter *Seston* & *Abydon* vrbes famosissimas, Leandri Heroque domicilia, mare ingreditur mediterraneum: inde secundis actus flatibus, decimo septimo Kal. Iulii, ad urbem applicat *Sydonensem*. Ingressus itaque in Regnum, audiens quod *Noradinus* in finibus Paneadensibus cum exercitu copioso resideret, timēs ne in Regnum irruptiones inde moliretur, sollicitudinem contra hoc, quantam expedire videbatur, obiiiciens, in Galilæam descendit: & conuocatis Regni Principibus, iuxta fontem illum celeberrimum, qui inter *Nazareth* & *Sephorim* est, castrametatus est: vt quasi in centro Regni cōstitutus, commodiùs inde ad quaslibet Regni partes, si vocaret necessitas, se transferret. Illuc enim tam ipse, quàm sui prædecessores conuocare exercitus eodem intuitu consueuerant. Eisdē diebus dominus *Fredericus* Tyrensis Archiepiscopus, prædecessor noster, missus ad hoc, vt à Principibus Occidentibus, nobis consilium & auxilium imploraret, cōpleto biennio, spe frustratus, nihil obtinens eorum quæ nostro nomine petierat, vacuus rediit. Comitem tamē *Stephanum*, virum quidem carne nobilem, moribus verò non ita, domini *Theobaldi* senioris Blesensium, Carnotensium, Trecentium Comitis filium, præmiserat, quem dominus Rex per eundem Archiepiscopum ad hoc, vt ei filiâ suam vxorem daret, euocauerat: qui in regnum perueniēs, & super eodem verbo à domino Rege benignè commonitus, oblatas & priùs placitas renuit conuentiones; & turpiter & imunde in Regno conuersatus per menses aliquot, per terras redire disposuit. Cumque Antiochiam peruenisset, & inde in Ciliciam, vt per terram Soldani Iconiensis, impetrato priùs eius ducatu, Constantinopolim properaret, contigit quod iuxta Mamistram urbem Ciliciæ in insidiis, quas ei prætenderat *Milo* Armeniorum Princeps potentissimus, frater *Toros*, casu incidit. Et irruentibus in eum qui latebant in insidiis, vniuersa quæ secum asportabat preciosa & desiderabilia multum, prædæ datus, amisit; vixq; à prædonibus, equum vilem quo deferretur, multâ obtinuit precum instantiâ. Inde cum paucis multo labore Cōstantinopolim, vniuersorum Orientalium cū odio prosequente, ignominiosus peruenit. Eodem anno comes quoq; *Stephanus* æquiuocus eius, sed motum honestate longè dissimilis, vir modestus, & planè commendabilis, filius comitis *Wilelmi* de Sauna, & dux Burgundiæ *Henricus* iunior, superioris Stephani ex sorore nepos, in Regnū orationis gratiâ & deuotionis intuitu ingressi, & moram modicam facientes, per Imperatorē Constantinopolitanū ad propria reuersi sunt, ab eo suscepti honorificè, & cum multis muneribus dimissi. Sequēti anno, qui erat regni domini *Amalrici* octauus, dominus *Wilelmus* bonæ memoriæ, Acconēsis Episcopus, ab vrbe Constantinopolitana, à domino Rege in Italiâ directus, per agratis eius partibus, & omni viâ ad obtinendum, quod petebat, prudenter fideliterq; prætentatâ, dum in redeundo ad propria remenso itinere ad dominum Imperatorem ex condicōto rediturus, apud Adrianopolim secundæ Thraciæ claram metropolim peruenisset, casu sinistro mortem immeritus subiit inauditam. Nam dum horâ meridianâ, longo fatigatus itinere, post sumptum cibum membra sopori concessisset, quidam *Robertus* de comitatu eius, quem ipse ad sacerdotium prouexerat, & inter familiares receperat, in eodē in quo dominus Episcopus conclauis iacens, iam de longa ægritudine, quâ plurimùm laborauerat, conualescens, furiâ inuectus, dominum Episcopum dormientem, arrepto gladio pluribus inflictis vulneribus, letaliter confodit. Quem cum sui qui exterius erant clamantē audirent, & præ mortis angustia gemitus edentem & suspiria intelligerent, volentes irruere, vt laboranti ferrent opē domino, ostio ab intus firmiter obierato ingredi

non potuerunt. Tandem effracto violenter ostio, dominum semianimem & adhuc circa præcordia modicum spiritus habentem, repperunt. Volentes igitur prædictum maleficum vinculis mancipare, & homicidarum lege ad pœnas rapere debitas, voce & manu prohibuit, orans & petens, vt pro remedio animæ suæ ei plenior fieret indulgentia; nec ad mortē ei præsens factum imputaretur, postulans enixius, vltimum Domino tradidit spiritum, tertio Kal. Iulii. Huius autē tanti maleficii causam hætenus non potuimus certam deprehendere. Quidam enim dicunt, prædictum *Robertum*, tanti sceleris perpetratorem, longā ægritudine laborasse, & in conualescentia positum, phrēnesis raptum violentiā, in tam piaculare flagitium descēdisse nescienter. Alii dicunt, odio cuiusdam cubicularii eius, qui de domini Episcopi nimis præsumens gratia, tam eum quā reliquos malè dicebatur tractare, tam immane scelus perpetrasse. Eodem anno quidam *Ioscius* eiusdem Ecclesiæ Canonicus, & subdiaconus, nono Kal. Decembris, in eadē Ecclesia substitutus est. Per idem tempus defuncto magnifico & nobili viro, de quo frequenter fecimus mentionem, Armeniorum Principe maximo domino *Toros*, quidam frater eius *Melier* nomine, vir nequissimus, vt fratris hereditatem sibi posset vendicare, accessit ad *Noradinum*, petens ab eo, & cum omni instantia postulans, vt militares ei concederet copias, quibus fratris hereditatem violenter sibi posset occupare: eius autem fratre defuncto, quidam *Thomas*, communis ex vtriusque sorore nepos, vocantibus eum regionis principibus, omnem auunculi principatum tranquillè possidebat. Erat autem vir Latinus, sed minus habens industriæ, nec multum prudens eis qui se vocauerant liberalem & conformem se exhibere. Interpositis itaq; conditionibus, quales *Noradino* videbantur posse placere, obtinuit, vt partem militiæ suæ nō modicam ei concederet: cuius fretus auxilio, *præter morem patrum suorum in paternam, & avitam hereditatem primus infideles introduxit*. Ingressus itaque violenter in terram patris, nepotem expulit, & sibi regionem vendicauit vniuersam: statimque potestatem consecutus, quicquid fratres Militiæ Templi in partibus habebant Cilicię, licet eorum frater aliquando fuisset, primis auspiciis sui principatus funditus abstulit, tanto fœdere deinceps *Noradino* & Turcis coniunctus, quanto vix inter se solent fratres conuenire. Factus ergo tanquam infidelis, lege Domini neglectā, Christianis quāta poterat, inferebat dispendia, captosq; casu siue in prælio, siue in expugnatis municipiis, vinculis mancipatos, in terras hostium inferebat venales. Princeps ergo Antiochenus, & de regione illius maiores, videntes quolibet hostium proteruius prædictum nequam hominem in Christianos desæuire, arma contra eum corripunt: licet *exemplum sit periculosum, fideles contra eos qui eadem professione censentur, arma corripere*, instarque belli ciuilis videatur habere: mala tamen confratribus illata, non audent dissimulare; sed bellum inferunt, & hostem publicum denunciant. Interea dominus Rex audiens, quod in partibus illis exortum erat scandalum, partes suas in his quæ ad pacem sunt, interponere cupiens, cum familiari comitatu ad partes descendit Antiochenas: inde domesticos nuncios ad prædictum immanissimum & a Deo destitutum *Melier* dirigit, petens ab eo, & obnixè postulans quatinus cum eo in loco sibi beneplacito, die competente ad colloquium descenderet. Quod verbū cum ille quasi gratanter videretur accepisse, corde tamen longè erat ab eo. Cumq; ter vel quater dominus Rex idipsum per nuncios tentasset efficere, in fine tamen malitiosi hominis deceptus versutiis, in ea parte non profecit. Tandem collectis de vniuersa prouincia militaribus copiis, in terram eius omnis illarum partium Christianus descendit exercitus: vbi in campestribus Cilicię (nam conscendere in montes durum erat, & difficile) regionē obambulant, fruges incendunt, municipia contendunt expugnare: ecce nuncius verbi sinistri baiulus ad dominum Regem accedit, significans, quod & verum erat, quod *Noradinus* secundæ Arabiæ metropolim *Petram*, quæ alio nomine *Crac* appellatur, obsederat. Quo audito, dominus Rex anxius plurimum, cum suo familiari comitatu, sumptā a domino Principe licentiā, cū omni celeritate reuertitur: sed antequam in Regnum se reciperet, Principes regionis prudenter & strenuè Regni robur collegerant vniuersum; domino quoque *Radulpho* Episcopo Bethleemita Crucem Dominicam deportante, domino *Henfrido* constabulario exercitus curam committunt. Dumque impigrè, & sine dilatione ad locum properant destinatum, ecce nuncius proficilentibus occurrit, dicens (sicut & verum

& verum erat) *Noradinum* saluâ vrbe, obsidione solutâ, ad propria reuersum. Adueniens ergo Rex in Regnum, præter spem, votis tamen consonam, inuenit tranquillitatem.

Anno sequenti, *Salahadinus* cum ingentibus copiis, & infinito equitatu circa initium autumnii, in regiones nostras introitum parat, ex omni *Ægypto* copias educens innumerabiles; transcurſaque ſolitudine, ad eum locum peruenerat, qui dicitur *Cannetum Turcorum*. Rex autem eius aduentum præſentiens, exercitus ſuos collegerat: & aſſumpto ſibi domino Patriarchâ, cum viuifico & venerabili *Dominicæ Crucis* ligno, circa *Berſabee* caſtra locauerat, vt de vicino aduenientibus hoſtibus commodius poſſet occurrere. Diſtabat autem locus, vbi ille cum ſuis
 10 expeditionibus dicebatur eſſe, à caſtris regiis vix miliaribus ſedecim: nondum tamen apud dominum Regem pro cōſtanti habebatur, quod ad illum perueniſſet locum. Verum tamen erat, quod aquarum cōmoditatem ſecutus, ibi caſtrametatus erat. Habitâ igitur deliberatione cum principibus ſuis, quaſi de induſtriæ eius occurſum declinarent, diuerſas ſtudioſè ingrediuntur vias. Expeditiones igitur, & omnē populum verſus *Aſcalonam* dirigunt, eius occurſum verbo quærentes, quem in proximo poſitum declinauerant ſtudioſè. Deinde *Darum* venientes, indeque ad locum ſupra nominatum reducentes exercitum, inutiliter impenſas & operam conſumpſerunt. Ille enim *Idumææ* campeſtria ſecutus, in *Syriam Sobal* cum ſuis cohortibus aſcendens, caſtrum quod vniuerſæ regionis caput eſt, & ſingulare præſidium, obſidet: & quantum loci patitur opportunitas, ſtudiis impugnat ardentibus. Erat autem municipium in colle ſitum edito, turribus, muris, & antemuralibus egregiè munitum: eratque ei ſuburbium extra præſidium ſitum in decliuo colliſ, in loco tamen adeò ſublimi & arduo, ita vt neque aſſultus, neque arcuum vel machinarum formidaret iſtus; erantque loci illius habitatores fideles vniuerſi: quo amplior eis fides haberi poterat. Præterea armis & victu, & viris, pro capto loci ſufficiētib, diligenter ſatis erat inſtructum. Vbi cum per dies aliquot inutiliter conſumpſiſſet operam, videns quod non proficerent, indiſto ſuis reditu, viam ſolitudinis ingreſſus, in *Ægyptum* reuerſus eſt. Sequēti anno, qui erat regni domini *Amalrici* decimus, videns idem *Salahadinus* quod anno præcedente contra noſtros non
 30 multum profecerat, volens præteritos redimere defectus congregatâ ex vniuerſis *Ægypti* finibus infinitâ militiâ, & ingentibus copiis, in Regnū iterum introire diſponit. Et ingreſſus ſolitudinem, vt magis occultus accedat, tantoque maiorem nocēdi inueniat habilitatem, eâdem regionem, in quam anno proximè præterito aſcenderat cum ſuis exercitibus, menſe Iulio ingreſſus eſt. Rex autem eius aduentu præcognito, vniuerſæ Regni militiæ robur ſecum trahens, illi vſque in ſolitudinem occurrit: vbi cum ei nunciatum eſſet, quod in *Syriâ Sobal* ſicut anno prædicto declinaſſet, timens eum illuc ſequi, ne fortè Regem audiens poſt ſe venientem, ex oppoſita parte Regnum depopulaturus ingrederetur, aſcendit in montem, & locum ſibi diligens ad ſtationem congruum, ſeceſſit in *Carmelum*. Eſt autem hic *Carmelus* nō
 40 ille mons, qui in maritimis ſitus eſt, *Helia* familiaris; ſed viculus quidam, vbi olim ſtulti *Nabal* domicilium legitur fuiſſe. Hunc ergo locum ſibi prudenter delegit, propter aquarum commoditatem: erat enim ibi vetus & ingentis magnitudinis piſcina, quæ ad vſum vniuerſi exercitus aquarum miniſtrabat copias. Sed & vicinus erat ei regioni quæ eſt trans Iordanem, locus prædictus, ita vt ſola *Vallis Illuſtris*, in qua *Mare* iacet *Mortuum*, media vtramque diſterminet regionem. Facilius ergo & crebrius erat noſtris, de factis hoſtium audire noua, & eorum ſtatum cognoscere. Interea *Salahadinus*, dum Rex propter prædictam cauſam ad prædictas partes dubitat accedere, quicquid extra præſidia reperit, tradens incendiis, arbuſta ſuccidens & vineas, ſuburbana confringens, in regionem totam pro arbitrio deſæuit.
 50 Tandem pro votis tyrannide potitus, in *Ægyptum* circa finem Septembris reuerſus eſt. Per idem tempus dominus *Raimundus* iunior, Raimundi ſenioris filius, Comes Tripolitanus, octauo anno captiuitatis ſuæ, quibus in mendicitate & ferro apud hoſtes detentus fuerat, datis pro ſe aureorum milibus octoginta, priſtinæ ſe reſtituit libertati, ad autum rediens Comitatum: quem dominus Rex benignè ſuſcepit redeuntem; & terrâ ſuam, quam medio conſeruauerat tempore, ſine difficultate reſtituit. Inſuper etiam, vt ad perſoluendum redemptionis ſuæ precium eſſet idoneus, Regiâ liberalitate in eū plurima contulit. Sed & Principes ſuos & Eccleſia-

XXIX.

XXX.

- xxx. rum prælatos, exemplo sui itidem facere, cum effectu persuasit. Accidit eisdem diebus apud nos res periculosa nimis, & detestabilis, Regno & Ecclesiæ, vsq; in presens tēpus, & fortasse in perpetuum lugenda. Quod ut plenius innotescat, sumendū est aliū narrationis exordium. In prouincia Tyrensi, quæ *Phœnicis* dicitur, circa Episcopatum *Antaradensem*, est quidam populus, castella decem habens cum suburbanis suis: estque numerus eorum, ut sæpius audiui, quasi ad sexaginta millia, vel amplior. Hi nō hereditariā successionē, sed meritorum prærogatiuā Magistrum solent sibi præficere, & eligere Præceptorem, quem spretis aliis dignitatum nominibus, *Senem* vocant: cui tantæ subiectionis & obedientiæ vinculo solent obligari, ut nihil sit tam durum, tam difficile, tamque periculosum, quod ad Magistrī imperium, animis ardentibus non aggrediantur implere. Nam inter cætera, si quos habent Principes odiosos, aut genti suæ suspectos, datā vni de suis, vel pluribus, sicā, non considerato rei exitu, vtrum euadere possit, illuc contendit, cui mandatum est: & tam diu pro complendo anxius imperio, circuit & laborat, quousque casu iniunctum peragat officium, Præceptoris mandato satisfaciens. Hos tam nostri, quā Sarraceni (nescimus vnde deducto nomine) *Assisinos* vocant. Hi etiam annis quadringentis Sarracenorum legem, & eorum traditiones tanto zelo coluerunt, ut respectu eorum omnes alii quasi præuaricatores iudicarentur, ipsi autem legem viderentur implere. Contigit autem diebus nostris, quod Magistrum sibi præfecerunt virum facundissimum, subtilem, & acris valde ingenii. Hic præter morem maiorum suorum, cœpit habere penes se Euāgeliorum libros, & codicem Apostolicum: quibus continuato incumbens studio, miraculorum CHRISTI & præceptorum seriem, sed & Apostoli doctrinam, multo labore, aliquantisper affecutus erat. Inde conferens CHRISTI & suorum suauem & honestam doctrinam, cum iis quæ miser & seductor *Mahemet* complicibus suis, & deceptis ab eo tradiderat, cœpit sordere quicquid cum lacte biberat, & prædicti seductoris immunditias abominare. Eodem quoque modo populum suum erudiens, ab obseruantia illius superstitionis cessare fecit, oratoria quibus antea vsi fuerant deiiciens, eorum ieiunia soluens, vinum & suillas carnes suis indulgens. Tandem ad interiora legis DEI volens procedere, virum prudentem, in consiliis prouidum, eloquentem, & Magistrī sui doctrinam redolentem, nomine *Boaldelle*, ad dominum Regem dirigit, verba secreta deferentem: quorum præcipuus & maximus erat articulus, quod si fratres Militiæ Tēpli, qui castella regioni eorum habebant contermina, duo millia aureorum, quæ singulis annis de hominibus eorum quasi pro tributo solebant assumere, eis vellent remittere, & fraternam deinceps obseruare caritatem, ipsi ad fidem CHRISTI & baptisina conuolarent. Rex autem, eorum legationem læto animo & grante suscipiens, petitioni eorum sicut vir discretissimus erat, plenius annuens, aureorum duo millia, quorum ipsi annuam præstationem relaxari postulabant, de suis propriis redditibus, prædictis fratribus refundere, ut dicitur, paratus erat: nunciūque quem apud se pro verborum consummatione diu detinuerat, ad propriū Magistrum, dato sibi duce itineris, & proprii custode corporis, ut oblatum verbum penitus absolueretur, remisit. Qui dum cum itineris consorte, & dato duce Tripolim pertransisset, fines suos ingressurus in proximo, subito de fratribus supradictis, ex improviso strictis gladiis irruentes, hominem de Regio ducatu, & nostræ gentis fidei synceritate præsumptum, incautum, & nihil verentem tale, læsæ maiestatis crimen incurrentes, occiderunt. Quod audiens Rex, præ facti atrocitate, irā & quasi infantiā succensus vehementer, conuocatis Regni Principibus, in iniuriam suam quicquid acciderat, asserens redundare, instrui quærit, quid eum oporteat facere. Tandemque de communi Principum consilio, consulitur, verbum quod acciderat non esse negligendum: nam in eo & auctoritas Regia videbatur deperire; & Christiani nominis fides & constantia immeritam cōtrahere infamiam; & Orientalis Ecclesia, DEO placitum, & iam paratum incrementum amittere. Mittuntur ergo de communi consilio nobiles quidam, *Seiher de Mamedune*, & *Godescalcus de Turholt*, ad hoc specialiter selecti, qui à Magistro prædictorū fratrum, *Odome de sancto Amando*, exigant, ut tanti excessus & tam piacularis flagitii, Regi & Regno vniuerso satisfactionem exhibeant. Dicebatur autem quidam frater eorum, *Galterus* videlicet de *Maisnilio*, vir nequam & monoculus, cuius spiritus in naribus eius, omnino penes

penes se nihil discretionis habens, de conscientia tamē fratrum, hoc fecisse. Vnde; ut dicitur, ei præter debitum parcēdo, domino Regi per nuncios significauit, fratri qui hoc cōmiserat, se pœnitentiā iniunxisse, & ita cū iniuncta pœnitentia, ad dominum Papam se eū directurum: Inhibere autem ex parte domini Papæ, ne in prædictū fratrem manus quis aūderet iniicere violētās. Adiecit etiā & alia à spiritu superbiæ, quo ipse plurimum abundabat, dictata, quę præsentī narrationi nō multum necessariū est interficere. Rex autem pro eodem negotio apud Sydonem constitutus, eundē Magistrum cū multis ex fratribus eius, & eodē malefactore reperit: habitoq; consilio, cū iis qui eius viā illuc comitabantur, prædictū maiestatis reum, de domo eorū violenter educi fecit, & Tyrum in vinculis traductum, carceri fecit mancipari. Tandem huius verbi occasione paulo minus vniuersum Regnū habuit ruinam irreparabilem sustinere. Rex tamen & apud *Assisnorum Magistrum*, cuius tam sinistro casu legatus deperierat, de sua allegans innocentia, immunis apparuit; & cum prædictis fratribus, temperato satis vsus moderamine, vsque ad obitus diem rem dimisit indiscussam. Dicitur tamen, quod si de suprema illa conualuisset ægritudine, cum Regibus & Principibus orbis terrarum, quæstionem illam proposuerat per honestissimos nuncios diligentius pertractare. Vere autem proximē subsecuto, venerabilis frater dominus *Radulphus* foelicis memorię Bethleemita Episcopus, & Regius Cancellarius, vir liberalis & benignus admodum, diem fatalem ingressus est, in capitulo Ecclesiæ suæ honorificē sepultus. post cuius obitum, dum in eadem Ecclesia de pastore substituēdo tractatū haberetur, votis dissonis deciderunt in quæstiones difficiles, quæ domini *Balduini*, successoris domini Amalrici, & filii eius, vix terminatæ sunt anno secundo; quę prædictā Ecclesiā ad multa traxerunt dispendia.

Eodem quoq; tempore, vix vnus mensis elapso spacio, *Noradinus* maximus nominis & fidei Christianæ persecutor, princeps tamen iustus, vafer & prouidus, & secundum gentis suæ traditiones religiosus, regni eius anno vicesimo nono, mense Maio defunctus est. Huius defectum Rex audiens, cōfestim sine dilatione vniuersas conuocans Regni vires, urbem obsidet *Pancadensem*. Quod audiēs prædicti vxor Principis, vires transcendens fœmineas, missā legatione ad dominum Regem, ut ab obsidione discedat, eiq; pacē concedat temporalem, certā pecuniæ in multa quantitate summam promittit: quam Rex, ut ampliorem extorqueret, primā fronte visus est respuisse, obsidionem nihilominus continuans. Cumq; ibi per dies quasi quindecim, vigili operā & studio diligenti obsessos impugnasset, & tam machinis quàm modis aliis, multiplices eis molestias intulisset, videns eos ad resistendum, singulis diebus animosiores, & plenius cognoscens quod non proficeret, & prædictæ nobilis matronæ Legati pro pace impetranda instarent vehementius, susceptā pactā pecuniā, & viginti captiuis equitibus de nostro populo libertati restitutis, animo maiora concipiens, solutā oblidione reuersus est, apud familiares conquerens, quod nō satis sanus esset, nec in bonā corporis habitudine. Inde dimissis expeditionibus, cū familiari comitatu *Tyberiadem* peruenit, vbi dysenteriā cœpit periculosissimē laborare. Inde morbum metuens, per *Nazareth* & *Neapolim*, eques tamen, nec ita prorsus inualidus, *Hierosolymam* ingressus est. Vbi ingrauescente valetudine, febre etiā cœpit vehemētissimē laborare, cessante physicorū artificio, dysenteriā. Cumq; per dies aliquot eā febre supra vires affligeretur, præcepit ad se accersiri medicos Græcos, Syros, & illarum nationum homines, petens instantissimē ab eis, ut aliquā decoctiunculā aluum eius solueret: quod cum ab eis impetrare nō posset, fecit ad se cōsequenter vocari Latinos, à quibus id ipsum exigens, adiiciens etiā, ut sibi omnis rei imparetur euentus: dederunt ergo ei decoctiunculam vnā, quā sumptā, sine difficultate assellauit aliquoties, ita ut sibi videretur quod ei esset melius: antequam tamē corpus medicinæ violentiā exhaustum, sumpto cibo posset reficere, febre solitā recurrente, in fata concessit. Mortuus est autem anno ab incarnatione Domini *millesimo centesimo septuagesimo tertio*, quinto Idus Iulii; regni verò duodecimo, mense *An. D. quinto*; ætatis verò trigésimo octauo. Sepultus est autem inter prædecessores suos, *1173.* secus fratrem, in eadem linea, ante locum Caluariæ; vir prudens & discretus, & ad regni gubernacula protus idoneus: cuius precibus & instantiā, gesta tam prædecessorum suorum, quàm sua, scripto mandare proposuimus præsentī.

EXPLICIT LIBER VIGESIMVS.



CAPITVLA LIBRI VIGESIMIPRIMI.

I. De primis auspiciis Balduini quarti, Hierosolymorum regis secti: de moribus, etate & forma corporis.

II. Quo tempore inunctus & coronatus fuerit.

III. Anno regni eius primo, classis Siculorum regis, Alexandriam veniens, damnum incurrit enorme. Comes Tripolitanus regni procuracionem, & regis tutelam, tanquam agnatorum proximus, poscit.

IV. Milo de Plancia apud Accon occiditur. Tyrensis Archiepiscopus Fredericus moritur.

V. Describitur Comes Tripolitanus; quis moribus, & ex quibus maioribus fuerit; quomodo regni procuracionem suscepit. Huius historiae Conscripitor, Cancellarius Regis efficitur.

VI. Salahadinus, vocantibus eum Damascenis, Damascum obtinet, & reliquas regionis partes. Dirigitur contra eum Tripolitanus Comes, qui eius obsistat moliminibus.

VII. Assignantur cause, quare contingat, quod super populum nostrum solito amplius hostes inualecant.

VIII. Mussula dominus in nepotis subsidium properat. Salahadinus proficit; regionem occupat uniuersam. Comes cum eo paciscitur. Obliques recipit.

IX. Mainardus Berythenensis Episcopus moritur. Huius conscripitor historia, ad Tyronensem Metropolim promouetur.

X. Rex Damascenorum regionem ingreditur: & eam depopulatur. Hernefius Casariensis Archiepiscopus defungitur.

XI. Rex iterum fines hostium Damascenorum ingressus, vallem cui cognomentum est Bachar, depredatur. Rainaldus de Castellione, & Ioscelinus Regis patruus, à vinculis hostium soluantur.

XII. Dominus Imperator Constantinopolitanus, apud Iconium ignominiose conficitur.

XIII. Guilelmus iunior, Marchio de Monte ferrato, in Syriam veniens, Regis sororem uxorem duxit.

XIV. Comes Flandrensiū, diu expectatus, regnum ingreditur.

XV. Qui cum Comite venerant, seducunt eum, monētes ne regni Principibus acquiescat.

XVI. Imperatoris Constantinopolitani ad sunt Legati petentes instanter pacta, quæ cum

domino eorum Rex inierat, impleri; & contra Ægyptum expeditiones preparari.

XVII. Comes factum impedit, ab honesto alienus proposito.

XVIII. Imperatoris Legati ad propria redeunt. Comes versus partes Antiochenas contendit. Balianus domini Regis Amalrici viduam uxorem ducit.

XIX. Comes Flandrensis, una cum principe Antiocheno & Tripolitano Comite, castrum Harenc obsidet, & sine fructu laborat.

XX. Salahadinus cum multitudine infinita ab Ægypto veniens, regnum ingreditur; ante Ascalonam se locat. Rex cum uniuersis regni viribus illi obuiam occurrit: ante prædictam urbem conflictus cum hostibus habetur maximus. 20

XXI. Hostes regionem longè lateq; depopulantur, urbes & suburbana succendunt.

XXII. Rex Ascalonam egressus, hostibus occurrit: ordinantur utrinque acies: prociñctus fit ad dimicandum.

XXIII. Committitur pugna; vincitur Salahadinus, & in fugam cum supremo periculo & ignominia vertitur.

XXIV. Pluuiarum intemperies & frigus insolitum eos qui ex acie fugerant, fatigant super præ vires: occiduntur ex eis innumeri, capiuntur quamplures. Rex Hierosolymam victor reuertitur.

XXV. Qui in partibus Antiochenis castrum Harenc obsederant, infecto negotio reuersi sunt ad propria.

XXVI. Roma generalis synodus indicitur. Rex super fluentem Iordanem, insausis auius castrum edificat; edificatum Templariis tradit. 40

XXVII. Rex in terras hostium ingressus, damna patitur enormia. Henfredus regius Costabularius occasionem mortis ibi colligens, defungitur.

XXVIII. Salahadinus regionem ingreditur Sydoniensem: Rex convocatis regni viribus, hostibus occurrit.

XXIX. Committitur pugna: nostri vincuntur; capiuntur ex eis quamplures.

XXX. Salahadinus castrum quod de nouo edificatum fuerat, obsidet; obsessum occupat; diruit occupatum. Henricus Comes Trecentis, Petrus Regis Francorum Ludouici frater, in Syriam veniunt.

EXPLICIUNT CAPITVLA LIBRI VIGESIMIPRIMI.

INCIPIT



INCIPIT LIBER VICESIMVS PRIMVS.

EXTVS Hierosolymis Latinorum Rex fuit, dominus *Balduinus* CAP. I.

quartus, domini *Amalrici*, illustris memoria Regis, de quo prædiximus, filius, ex *Agnete* Comitissa, Ioscelini iunioris Edeßani Comitis filia, cuius sæpe in superioribus fecimus mentionem. Hanc, ut prædictum est, dum ad regnum autum & iure hereditario debitum vocaretur, compellente domino *Almarico*, bonæ memoria, tunc Hierosolymorum Patriarchâ, domini *Fulcherii*

10 prædecessoris sui vestigiis inhærendo, coërtione Ecclesiasticâ coactus est dimittere. Dicebantur enim, sicuti verè sic erat, proximâ consanguinitatis lineâ se contingere: sicuti diligentius comprehensum est à nobis, dum de regno domini *Amalrici* in ordine tractaremus. Hunc, puerum adhuc, annorum circiter nouè, dum nos Archidiaconatum administrarem Tyrësem, pater multum pro eius eruditione sollicitus, multis precibus, & sub obtentu gratiæ suæ, nobis erudiendum tradidit, & liberalibus studiis imbuendum. Dumq; apud nos esset, & ei vigilem curam, & quantam regio puero conuenit, tum in morum disciplina, tum literarum studio sollicitudinem impenderemus, accidit, quòd colludentibus pueris nobilium qui secum erant: & se inuicem, ut mos est pueris lasciuientibus, vnguibus per manus & brachia vellicantibus, alii sensum doloris clamoribus significabant; ipse autem quasi doloris expers patienter nimis, quamuis ei coætanei eius non parcerent, supportabat. Hoc autem cum semel & sæpius accidisset, mihiq; nunciatum esset, credidi prius, de virtute patientiæ, & non ex insensibilitatis vitio procedere: vocansq; eum, percunctari cœpi, quidnam esset: tandemq; comperi brachium eius dexterum manumq; eandem, pro parte dimidia, obstupuisse, ita ut penitus vellicationes, aut etiam morsus non sentiret. Dubitare cœpi, reputans mecum illud Sapientis verbum: *Certum est à salute plurimum abstinere membrum quod obstupuit; & agrum se non sentientem, periculosius laborare.* Nūciatum est hoc patri; consultisq; medicis, crebris fomentis, vñctionibus, pharmacis etiam, ut ei subueniretur, diligenter, sed frustra, procuratum est. Erat enim, ut processu temporis, ipso rerum experimento postea plenius cognouimus, amplioris & penitus incurabilis doloris initium, quod præmittebatur: quodq; siccis oculis dicere non possumus, cum ad pubertatis annos cœpit exurgere, morbo elephantioso visus est periculosissimè laborare: quo per dies singulos ingrauescente nimium, extremitatibus maximè læsis, & facie, fidelium suorum corda, quoties eum intuebantur, compassionis affectu molestabat. Proficiebat tamen in studio literarum; singulisq; diebus magis & magis, bonæ spei & amplectendæ indolis succrescebat. Erat autem iuxta illius conditionem ætatis, formâ venustâ, & præter morem maiorum suorum, equis admittendis regendisq; aptissimus; memoriæ tenacis, & confabulationum amator; parcus tamen; sed & beneficiorum pariter & iniuriarum valde recolens: patri per omnia, nō solum facie, verum toto corpore, incessu quoque & verborum modificatione similis: ingenii velocis, sed verbi impeditioris: historiarum more patris audius auditor, & salubribus monitis valde obtemperans.

Hic defuncto patre, vix erat annorum tredecim, habens sororem *Sibyllam* nomine, natu se priorem, ex eadem matre, quæ in claustro sancti Lazari in Bethania, apud dominam *Iuetam*, eiusdem loci Abbatissam, patris eius materteram, nutriebatur. Defuncto igitur patre, conuenientibus in vnum vniuersis Regni Principibus, tam Ecclesiasticis quàm secularibus, consonante omnium desiderio, in Ecclesia Dominici Sepulchri solemniter & ex more, à domino *Amalrico*, bonæ memoria, Hierosolymorum Patriarcha, cum ministratibus Archiepiscopis, Episcopis & aliis Ecclesiarum Prælatibus, Idibus Iulii, quartâ die post patris obitum, inunctus est & coronatus: præsidente sanctæ Romanæ Ecclesiæ domino *Alexandro*, Papâ tertio; sanctæ verò Antiochenæ Ecclesiæ, domino *Aimerico*, Hierosolymitanæ domino *Amalrico*, Tyrensi verò domino *Frederico*: Imperante apud Constantinopolim, inclytæ recordationis & piæ memoriæ domino *Manuele*: apud Romanos domino *Frederico*, apud Francos domino *Ludonico*, in Anglia domino *Henrico Gaufredi* Comitibus

PPPP

Andegauicū filio; in Sicilia verò domino *Wilelmo* secundo, domini item *Wilelmi* senioris filio: Antiochiæ autem præerat dominus *Boamreddus*, *Raimundi* principis filius; Tripoli verò, dominus *Raimundus* iunior, senioris *Raimundi* Comitis filius.

III.

Huius domini *Baldvini*, anno primo, circa Augusti initium, ducentarū nauium classis à domino *Wilelmo* Siculorum rege, ad impugnandam *Alexandriam* missa, honestas tam peditum quàm equitum copias deferens, descendit in Ægyptum. Vbi dum eius procuratores & primicerii incautiū se habent, amissis ex utroque ordine quampluribus, tam captiuatis quàm peremptis gladio, per moram quinq; aut sex dierum, quam circa urbem fecerant, cōfusi recesserunt. In Regno verò nostro, procurate *Milone de Planci* Regni negocia, obortæ sunt graues inimicitie, inter eum & quosdā Regni Principes: inuidebant enim, & anxie mouebātur, quòd ipsis ignorantibus, nec vocatis, ipse solus, nimium de se præsumens, spretis aliis, Regi semper assisteret; & ceteris à Regia familiaritate seclusis, eis inconsultis, Regni negotia procuraret. Interea *Comes Tripolitanus*, ad dominum Regem accedens, apud Principes, qui tunc fortè aderant, Regni procuracionem petit, allegans domini Regis adhuc infra pubertatis annos degentis, tutelam legitimam, iure agnationis sibi deberi. Et hanc multiplici ratione sibi dicebat competere, *quod quia consanguineorum suorum omnium erat proximus; tum quia ditissimus & potentissimus erat omnium Regis fidelium: tertiam quoque, annectebat rationem validissimam, quòd dum ipse captus fuisset, ex ipso carcere, fidelibus suis, sub obtentu fidelitatis, præcepit, quatenus domino Regi Amalrico patri huius, uniuersam terram suam, arces & castella traderent; & eius mandatis & omnimode ditioni supponerent uniuersa:* Hoc adiiciens etiam, in calce verborum, quòd si eum humanitus in carcere vitam finire contingeret, prædictum dominum Regem, quia consanguineorum suorum omnium esset proximus, ex asse constituerat heredem. Pro iis omnibus, hanc sibi rependi vicissitudinem magis honoris gratiā, quàm spe futuræ alicuius utilitatis, postulabat. Dilata est ad has domini Comitis allegationes responsio, eo prætextu, quòd paucos haberet dominus Rex de Regni maioribus secum, quorum consilio in præsentī vteretur: Promittit tamen, quòd tempore opportuno eos citiū & generaliū conuocaret; habitoq; eorum consilio, congruum, auxiliante Domino, super his omnibus daret responsum. His ita gestis, Comes ad sua se contulit: fauebat autem Comiti populus penè omnis; de Baronibus verò *Henfredus de Torono*, Regius Constabularius, *Baldvinnus* Ramatenfis, *Balianus* frater eius, *Rainaldus* Sydoniensis; Episcopi verò omnes.

IV.

Prædictus verò *Milo de Planci*, vnde prædiximus, nobilis homo erat de Campania vltromontana, de terra *Henrici* Comitis Trecentis; fueratque domino *Amalrico* Regi nimium familiaris, & consanguineus, ita vt regni sui eum Senescalcum constitueret: tandem mortuo *Henfredo* iuniore, senioris *Henfredi* filio, *Stephaniam* eius viduam, *Philippi Neapolitani* filiam, vxorem ei dedit. Erat autem ex parte vxoris dominus *Syria Sobal*, illius videlicet regionis quæ est trans Iordanem, quæ vulgò dicitur *Montis regalis*. Susceperat tamen ex priore marito sobolem geminam prædicta vidua, filium videlicet & filiam. Hic, vt prædiximus, confusus de nimia familiaritate, quam apud dominum Regem huius patrem habuerat, Regni Principes, etiā se maiores, despectui habebat. Erat autem homo incircumspectus, superbus quoque & arrogans, verborum inutilium prodigus, & de se plus æquo præsumens. Hic vt videretur aliorum quodammodo lenire inuidiam, arte quadā, sed nimium manifestā, ad colorem quæsitum, alium quendam *Roardum* nomine, arcis Hierosolymitanæ custodem, gregarium hominem & minus sufficientem, subornauerat, tanquam is præflet; Milo verò obsequeretur eius mandatis. Erat autem versā vice: vnus, nomen magis splendidum quàm solidum gestabat; ille autem sub hoc colore, de Regni negotiis pro sua voluntate tractabat. Dum ergo incautē se gerit, dum imprudentiū loquitur, & omnia Regni negotia, inuitis aliis, ad suam reuocat sollicitudinem, omnia disponit, omnia pro arbitrio dispensat, conflato aduersus eum odio pertinaci, subornati sunt quidam, qui vitæ eius insidias molirentur: quod cum ei nunciatum esset, quasi friuolum pro nihilo duxit. Dumque more solito incautē se habens, in Acconensi ciuitate moram faceret, circa primum noctis crepusculum, in via publica gladiis confossus, turpiter & ignominiosè tractatus, interiit. Porro de eius nece variæ sententiæ ferebantur in populo; dicentibus aliis, quia pro sua fidelitate, quam domino Regi deuotus exhibebat, hoc ei acciderat; aliis è contra, quòd

quodd sibi Regnum occultè parabat, missis nunciis ad amicos & notos suos in Franciam, ut ad eum properarent, quorum suffragiis Regnum sibi videbatur posse obtinere. Nobis autem neutrum horum pro certo compertum est. Notorium tamen erat, *Balianum* Ioppensem *Roardi* prædicti fratrem, ad partes transmontanas missum, cum Regiis epistolis & muneribus, cuius indies præstolabatur aduentum. Per idè tempus eodem mense, dominus *Fredericus* Tyrensis Archiepiscopus, prædecessor noster, vir secundum carnem nobilis admodum, cuius supra fecimus mentionem, dum apud Neapolim ægritudine aliquandiu esset grauissimâ detentus, tertio Kal. Nouembr. viam vniuersæ carnis ingressus est. Cuius funus cum decentibus exequiis & debita honorificentia Hierosolymâ delatum est, & in capitulo Templi Domini, vnde prius Canonicus fuerat regularis, sepultum est. Eodem quoque tempore, conuocatis Regni Principibus & Ecclesiarum Prælatiis, dum Rex esset Hierosolymis, *Comes Tripolitanus* iterum rediit, auditurus super petitionibus suis de obtinenda Regni procuratione, quas porrexerat prius, responsum. Iteratoque verbo, dum eisdem insisteret, habitâ Rex per continuum biduum deliberatione, nouissimè de communi omnium conuientia, in capitulo Domini Sepulchri tradita est ei vniuersa Regni, post dominum Regem, populo acclamante, procuratio & potestas. Et quoniam de Comite nobis sermo, rerum serie sic exigente se obtulit, dignum est ut de eo quæ pro certo comperimus, posteris memoriæ mandemus: non quodd panegyricos propositum sit scribere, sed ut quantum compendiosæ historiæ sermo patitur succinctus, quis qualisque fuerit edoceamus. Hic de quo nobis sermo est, *Raimundus* Comes, à domino seniore *Raimundo*, sementiuam traxit carnis originem: qui in exercitu Domini, cuius operâ & studio & laboribus, Regnum Orientale CHRISTI seruitio restitutum est, tantus Princeps fuit, quemadmodum superius diligenter edocuimus, dum de primis Principibus, qui in prima expeditione venerant, tractaremus. Prædictus igitur dominus Comes senior *Raimundus*, bonæ memoriæ, filium habuit *Bertrannum* nomine, qui post mortem patris, & *Guilelmi Iordani* necem, qui prædicti Comitis nepos erat, Tripolitanum obtinuit Comitatum. Hic filium habuit *Pontium* nomine, qui eundem Comitatum post mortem patris hereditario iure possedit, qui *Ceciliam* Philippi Regis Francorum filiam, *Tancredi* viduam, duxit uxorem: ex qua suscepit filium *Raimundum* nomine, qui eidem in Comitatu successit. Hic *Hodiernam* domini *Balduni* Hierosolymorum Regis secundi filiam, duxit uxorem, ex quibus iste *Raimundus*, de quo nobis in præsentem est sermo, natus est: qui patri in porta vrbis Tripolitane, ab Assisinis repentinis inuasionibus occiso, in eodem Comitatu successit. Erat ergo prædictus Comes domini *Amalrici*, & domini *Balduni* Regum, ex parte matris, consobrinus: erant enim duarum sororum filii: Ex parte patris erat vno gradu inferior: eius namque auia, mater patris, videlicet, *Cecilia*, de qua prædiximus, soror fuit domini Regis *Fulconis*, patris dominorum *Balduni* & *Amalrici* Regum, ex eadem matre, non ex eodem patre. Nam vtriusque mater, soror domini *Amalrici de Muntfort*, *Fulconi* seniori Andegauensium Comiti in uxorem tradita fuit: quæ postmodum *Fulcone* iuniore iam edito, maritum deserens, ad Francorum Regem, dominum *Philippum*, se conferens, hanc *Ceciliam* cum quibusdam aliis filiis edidit. Rex autem nihilominus Reginam uxorem suam legitimam, vnde iam *Ludouicum* & *Constantiam* susceperat, contra legem Ecclesiasticam amore prædictæ Comitissæ infatuatus, expulerat. Ita ergo ex utroque parente, vinculis consanguinitatis sibi inuicem erant connexi, dominus Comes, & prædicti Reges duo. Erat autem prædictus Comes vir carne tenuis, submacilentus, staturâ modestè procerus, facie aquilus, capillo plano mediocriter fusco, acutis luminibus, erectus humeris, mente compositus, prouidus multum, & in actibus suis strenuus, cibo & potu quasi supra hominem sobrius, alienis munificus, suis verò non ita affabilis admodum; & quod in hostium vinculis summo labore collegerat, literatus modicè, sed magis tamè naturali mentis viuacitate, scripturarum intelligentiam, more domini *Amalrici* Regis, nitebatur apprehendere. Frequens in quæstionibus, si præsentem haberet quem ad earum solutionem arbitraretur sufficere. Is eodem anno quo Regni procurationem suscepit, dominam *Eschiuam*, domini *Galterii* principis Galilee viduam, locupletem valde, filiis foecundam ex priore marito, duxit uxorem: sed postquam

VI.

ad eum peruenit, causâ occultâ parere desuit: quam cum filiis ita tenerè dicitur diligere, tanquam ei vniuersos illos peperisset. Verùm decursâ breuiter hac digressione, ad historiarum seriem redeamus. Per idem tempus, quia præcedente ætate dominus *Radulphus* bonæ memoriæ, *Bethleemita* Episcopus, regni Cancellarius, ex hac luce migrauerat, ut esset qui regiarum epistolarum curam haberet, de consilio principum suorum, nos ad prædictum vocauit officium, & *Cancellarij* nobis tradidit dignitatem. Eodem anno *Salahadinus Negemendi* filius, *Syraconi* ex fratre nepos, qui patruo suo *Syracono* in *Ægypti* regno successerat, vocantibus occultè eum *Damascenis* optimatibus, legitimo eorum domino *Mehele Salah*, filio videlicet *Noradini* adhuc impubere, apud *Halapiam* commorante, commissâ *Ægypti* curâ cuidam fratri suo *Seisfedin* nomine, ut regnum *Damascenorum* occuparet, per vastitatem solitudinis in *Syriam* festinans, *Damascum* peruenit. Vnde non post multos dies, ciuitate, tradentibus ciuibus, receptâ, versus *Cœlesyriam* properat, sperans quòd omnes illius vrbes in suam, sine bello, ditionem reciperet: nec spe frustratus est. Nam intra modicum tempus, tradentibus locorum incolis, & vltro referantibus aditus, contra fidelitatem domini sui, cuius seruus fuerat, omnes illius prouinciæ vrbes recepit; *Heliopolim* Græcè videlicet, quæ hodie *Malbec* dicitur, Arabicè dictam *Baalbeth-Emissam*, quæ vulgò *Camela* dicitur; *Hamam*; *Casar*, quæ vulgò dicitur *Cæsarea magna*. Præsumebat autem præterea *Halapiam*, & ipsum puerum, per quorundam proditorum operam sibi tradi: sed illud casu quodam impeditum est. Nam dum hæc in partibus illis aguntur, dominus Rex, communicato cōsilio, quid in tam subito euentu, & in tanta rerum permutacione opus esset facto, dum diu cū Principibus suis deliberat, placuit demum vniuersis, quòd dominus Comes cum exercitu tam de Regno quàm de suo Comitatu, ad partes *Cœlesyriæ* quantocius properet. Additur etiam in mandatis, quatinus omni conamine profectibus *Salahadini* contrarium se obiciat: & meritò. Suspectum enim nobis erat omne eius incrementum, & quicquid ei accedebat, nobis totum decedere videbatur. Erat enim vir consilio prouidus, armis strenuus, supra modum liberalis; in quo prudentioribus nostris maximè erat suspectus. Nam nullo alio hodie visco subiectorum, & etiam quorumlibet aliorum hominum corda magis solent Principibus conciliari, nihil, alienos animos magis obligat, quàm munificentia, maximè principalis. Suspectus ergo nimirum nobis erat, ne geminatis possessionibus, duplicato cum viribus imperio, actior in nos insurgeret, & fatigaret vehementius. Quod tamen euacuatis nostris moliminibus, & frustra cohibere volentibus, lachrymosis hodie inspicimus oculis; quòd tantus terrâ marique in nos insurgit; quòd, nisi nos misericorditer visitauerit *Oriens* ex alto, nulla sit spes resistendi. Tutius sanè videbatur puero, adhuc infra annos constituto, ministrare subsidium; non ut gratiâ eius, aliquid humanitatis videretur ei præstandum; sed ut suspectiori emulo nutriretur aduersarius, quo remorante eius proposita, in nos fierent eius impetus infirmiores.

VII.

Iob. 21, 14.

Libet paulisper ab historiarum textu, non euagandi inutiliter gratiâ, sed ut inferatur aliquid non absque fructu, discedere. Soler quæri, & verè meritò quærendum videtur, quid cause sit, quòd patres nostri in numero pauciore maiores hostium copias in conflictu saepe sustinuerunt fortius; & frequentius, propriâ Diuinitate, in manu modica maiores eorum cuneos & innumeram plerunque multitudinem contriuerunt: ita etiam, quòd ipsum nomen *Christianum*, gentibus *DEVM* ignorantibus, esset formidini, & in operibus patrum nostrorum glorificaretur Dominus. Nostri autem temporis homines, versâ vice, à paucioribus sapius denicti; & cum pluribus nonnunquam aduersus pauciores frustra aliquid tentasse, & succubuisse aliquoties reperiuntur. Considerantibus ergo nobis, & statum nostrum diligenter discutientibus, prima occurrit causa, in *DEVM* auctorem respiciēs; quòd pro patribus nostris, qui fuerunt viri religiosi, & timentes *DEVM*, nati sunt filii perditissimi, filii scelerati, fidei *Christianæ* præuaticatores, passim & sine delectu per omnia currentes illicita: tales aut talibus peiores, qui dixerunt Domino *DEO* suo, *Recede à nobis: scientiam viarum tuarum nolumus*: quibus meritò, peccatis eorū exigentibus, gratiam subtrahat Dominus, tanquā ad iracundiā prouocatus. Tales sunt præsentis seculi, & maximè *Orientalis* tractus homines: quorū mores, imò vitiortum monstra, si quis diligentiori stilo prosequi tentet, materiæ immēsitare succumbat, & potius *Satyræ* mouere videatur, quàm historiā texere. Secunda nobis causa ex latere occurrat; quòd tempore præterito, cū illi viri venerabiles, zelo ducti diuino, ardore fidei interiūs

interius succensî, primum ad Orientales partes descenderunt, erant bellicis assueti disciplinis, præliis exercitati, vsum habentes armorû familiarem. Populus verò Orientalis è contrario, longâ pace dissolutus, rei militaris expers, inexercitatus legibus præliorum, vacatione gaudebat. Vnde nō erat admiratione dignum, si pauci plures sustinerent leuius, aut eis deuictis in bellicis euentibus meliorem calculum, & cum palmâ victoriam reportarent. In talibus enim (vt melius me norunt, qui sensus circa talia habent plenius exercitatōs) *experientia vsu comparata longæuo & continuo, aduersus indoctas vires & carentes industriâ, solet sæpius obtinere.* Tertia quoque cāsa non inferior, nec minus efficax, iterum nobis se ingerit; quod priscis temporibus singulæ penè ciuitates dominos habebant diuersos, vt more Aristotelis nostri loquamur; non subalternatim positos qui raro, paribus; frequentius, contrariis studiis agebantur. Contra quos diuersa sapientes, vel sæpius aduersa; sibi que suspectos inuicem, minore periculo decertabatur: quippe qui nec ad communes iniurias propulsandas facile possent aut vellent conuenire; nec in nostram leuiter perniciem armarentur, qui suos nimirum non minus quàm nostros formidini haberent. At nunc omnia regna nobis cōtermina, in vnius potestatem, Domino ira sustinente, redacta sunt: nam proximè præteritis temporibus, vir immanissimus, & nomen Christianum abhorrens, quasi pestem aliquam, *Sanguinus*, huius qui nuper obiit *Noradimi* pater, post alia quæ violenter occupauit regna, nostrâ memoriâ nobilem & egregiam Medorum metropolim *Rages*, alio nomine *Edeßam* dictam, fidelibus qui in ea erant, neci datis, cum omnibus finibus suis occupauit violenter. Item *Noradinus* eius filius, expulso Damascenorum rege, magis fraude suorum quàm viribus propriis, regnum illius sibi vendicauit, atque ad paternam adiecit hereditatem. Nouissimè idem *Noradinus* per ministerium & industriam *Siraconi*, regnum Ægypti antiquissimum, & opulentum nimis, sibi mancipauit: sicut superius, dum de regno domini *Amalrici* tractaremus, latius differuimus. Sic ergo vt diximus omnia vicina nobis regna, vnius parent imperio, vnius nutibus seruiunt vel inuiti, ad vnius vocem, quasi vir vnus, in nostram armantur læsionem: non est qui dispari rapiatur studio; non est qui domini mandata impune prætereat. Hæc sanè omnia *Salahadinus*, de quo sæpius mentionem fecimus, vir genere quidem humilis, extremæ conditionis homo, secundâ nimis arridente fortunâ, possidet: ex Ægypto & finibus adiacentibus auri primi & purissimi, quod *obryzum* dicitur, inæstimabilem habens copiam; ex aliis prouinciis equitum, pugnatorum, & aurum sitientium turmas habens innumeras; quas auri habentibus copiam, facile est satis congregare. Sed nunc ad historiam redeamus. Placuit igitur, vt præmisimus, omnibus, qui aderant, quod huic viro tam magnifico, & ita per successus continuos ad supremum culmen acceleranti, modis omnibus resisteretur: ne cū amplius posset, in nos durior insurgeret aduersarius. Assumptis igitur Regni Principibus, congregateisque vndique militaribus auxiliis, ad partes Tripolitanas dominus Comes festinans contendit: ibique circa fines Archenses castrametatus, in ea regionis parte quæ dicitur *Galisa*, confedit. Dum hæc apud nos geruntur, audiens filii *Noradimi* patruus, princeps maximus, & inter Orientales gentis Parthorum potentissimus, nomine *Cotobedi*, quod fratre mortuo, *Salahadinus* spretis humanitatis legibus, immemor factus suæ conditionis & beneficiorum sibi à patre pueri collatorum ingratus, ita contra dominum suum adhuc impuberem insurrexisset, congregatâ equitum numerosâ manu, quorum maxima dicitur esse illi copia, Euphrate transmissa, contra proditores suos, nepoti opem laturus aduenit. Erat autem hic maximus princeps, dominus illius antiquissimæ & famosissimæ ciuitatis *Niniue*, quæ olim *Ionæ* Prophetæ exhortationis verbo, in cinere & cilicio dicitur egisse pœnitentiam: nunc autem mutato nomine, loco etiam non multum longè ab illa antiquiore remota, ex residuis ædificiorum & populi restituta, *Musula* dicitur: retentâ adhuc metropoleos dignitate, in omni Assyria. Hic postquam aduenit, in campestribus circa *Halapiam* castra locauit. *Salahadinus* interea nihilo segnius *Bostro* primæ Atabizæ metropoli maximâ, *Heliopoli* quoque, quæ hodie vulgò dicitur *Malbec*, spontaneâ ciuium traditione sine bello receptis, urbem *Emissenam*, quæ dicitur *Camela*, obsederat: & absque cunctatione aliqua tradita est ei à ciuibz eiusdem vrbis pars inferior: nam in colle quodam aliquantulum edito erat ciuitatis præsidium, satis

munitum, in quod fideles prædicti pueri se contulerant, quod tamen & annis & alimentis prius satis & attentius communierant. Susceperat etiam nihilominus eisdem prouinciæ vrbes illi conterminas, tradentibus locorum incolis, *Hamam, Casam, &* regionem vniuersam, vsque ad ipsam *Halapiam*. Hi ergo qui in arce erant ciuitatis *Emissenæ*, missis nunciis ad Comitem Tripolitanum, & nostros qui erant in castris, vt prædiximus, expectantes vt ab alterutra parte, in tanto tumultu optatis conditionibus euocarentur, rogant, vt ad eos venire non pigritentur, pollicentes non esse absque emolumento & condigno fructu, si sibi contra huiusmodi pestilentem hominem subsidia ministrarent. Porro domini Comitis obsides in eodem municipio seruabantur, quos pro sua redemptione & certa pecunia vsque ad sexaginta milia aureorum, *Noradino* patri pueri dum à carcere solutus egrederetur, obligauerat. Erant etiam ibidem & domini *Rainaldi* Sydoniensis, pro fratre suo *Eustachio*, obsides nonnulli. Sperantes ergo, quod aliquo pacto eos pro spe subsidii, quod postulabant, à principe arcis, in qua erant, possent recipere, illuc celerrimè cum omni militia contendunt: vbi cum nihil ponderis in eorum verbis reperissent: erat enim spes eis, per supradictum principem suum posse obsidionem solui: post multas tamen deliberationis varietates, in castra vnde prius exierant, reuertuntur. *Salahadinus* interea videns, quod nostri quasi indignati recesserant, factus inde erectior, & de eorum absentia præsumens plurimum, *Halapia* vicinior approximans, exercitum prædicti Principis cepit ad pugnam lacessere, crebrisque irritare incursionibus: quo sæpius instigante, commissum est cominus & grauiter inter eos. Tandem deficientibus Niniuitis, proditione suorum, vt dicitur, pecuniâ corruptorum, victoriam obtinuit *Salahadinus*. Inde *Emissam* rediens, sicut prius ciuitatem, ita demum & ciuitatis præsidium recepit. Inde ad Comitem legationem dirigens, dominum Comitem orat, ne suis successibus se opponat, sed permittat se cum filio *Noradini*, & aliis qui in auxilium eius venerant, experiri: ne autem & hoc ipsum sine condigna retributione contemnat, obsides suos & domini *Rainaldi* gratis offert restituendos. Placuit hoc verbum domino Comiti, receptisque obsidibus, prout pactis fuerat insertum, cæteris quoque nobilibus qui in eadem expeditione erant, non sine decenti munificentiâ dimissis, solutis castris, ad propria remearunt. Dicebatur horum omnium verborum dominus *Hensfredus de Torono*, regius Constabularius, mediator fuisse, qui prædicto *Salahadino* nimis familiaritatis affectu deuinctus arguebatur. Factum est igitur contra propositum nostrum, vt cui penitus fuerat obuiandum, ne contra nos factus potentior, solito vehementius insolereset, eidem fauor noster accederet; & de nobis auderet sperare, qui in nostrum continuè ampliabat detrimentum. Egressi itaque à nobis circa Kal. Ianuarias, Kal. iterum Maii domum reuerſi sunt.

IX. Iisdem diebus dominus *Mainardus*, bonæ memoriæ, Berythenſis Episcopus, dum in vrbe Tyrenſi languore correptus aliquantulum ægrotasset, morte præuentus est septimo Kal. Maii, cuius anima requiescat in pace. Eodem mense, cum Tyrenſis ecclesia septem vacasset mensibus contituis, consonante cleri & populi voto, Regis quoque, vt moris est, conueniente assensu, Dei patientia potius, quam meritis nostris, ad regimen illius Ecclesiæ vocati sumus, & infra decem dies in Ecclesia Dominici Sepulchri, per manus domini *Amalrici* Hierosolymitani Patriarchæ, munus consecrationis, sexto Idus Iunii, auctore Domino, suscepimus, licet indigni. Per idem tempus *Salahadino* circa partes illas arctius occupato, nunciatum est domino Regi, Damascenorum fines, absque militia, & sine rectore, patere satis aperte ad prædam, & ad alia incommoda sustinenda, quæ hostibus iure belli possunt inferri. Quo comperto, congregatis militaribus copiis, *Jordanem* transiens, per syluam quæ Paneadensi adiacet ciuitati, & ab ea nomen ducit, *Libanum* famosissimum promontorium habens ad læuam, agrum Damascenum attingit. Erat autem tempore messis. Discurrentes ergo nostri, & totam regionem obambulantes liberè, fruges siue in arcis comportatas, siue solo hærentes, siue per agros manipulatim congestas, incendiis tradunt. Homines autem, præcognito eorum aduentu, ad loca munitiora cum vxoribus & paruulis se contulerant. Sicque pro arbitrio nostri regionem habentes, peruenerunt vsque *Dariam*. Is locus suburbanus est, *Damasco* conterminus, vix ab ea distans miliaribus quatuor: inde etiam *Bedegene*, qui locus ad radicem *Libani* situs, perspicuas emanat aquas, vnde domus voluptatis dicitur, perueniunt:

ueniunt: & inuitis, & multum renitentibus incolis, occupant locum violenter: spoliis inde ditati, prædam & manubias secum trahentes, cernētibus nec contradicere valentibus Damascenis, sani & incolumes post dies aliquot domum reuersi sunt. Per idem tempus dominus *Herneſius* bonæ memoriæ, Cæsariensis Archiepiscopus defunctus est: inque loco eius, dominus *Eracleus* Hierosolymitanus Archidiaconus electus & consecratus est.

Anno secundo regni domini *Balduni* quarti, *Salahadino* adhuc circa partes Halapię negotiis occupato, mense Augusto, primâ die mensis, conuocatis Regni Magnatibus & collectâ militiâ, iterum dominus Rex hostium fines ingreditur, pertransiensque agrum Sydoniensem, & montana, quæ media sunt inter nostros & hostium terminos conscendens, peruenit ad locum bonis temporalibus commodum penè omnibus, glebâ vberem, fontibus irriguum, cui nomen *Messaara*: inde in vallem quæ dicitur *Bacar*, descendens, terram reperit, ut legitur, lacte & melle manantem. Hanc regionem existimant quidam dictam fuisse olim *Ituream*, cuius in Euangelio *Luce*, *Philippus* Herodis senioris filius, tetrarcha dicitur, simul & Traconitidis regionis; antiquius autem, videlicet tempore Regum Israël, *ſaltum Libani* nuncupatam, eò quòd ad radices Libani porrecta distenditur vallis opimo solo, aquis salubribus, populorum numerositate, suburbanorum frequentia, & aëris gratâ temperie commendabilis. In huius partibus submissioribus ciuitas ostenditur vsque hodie validis mœnibus circumſepta, multa prætendens nobilitatis pristinis in ædificiis argumenta, cui nomen est modernum *Amegarra*. Hanc quidam antiquitatis perſcrutatores, arbitrantur esse *Palmuream*, nobilē quondam in Phœnice coloniam: cuius memoriam facit *Vlpianus* Tyrius in *Digeſto* nouo, titulo 10. de *Censibus*. Huc peruenientes nostri, cœperunt omnē regionem liberē, nemine contradicente, perlustrare, incendiisquæ vastare vniuerſa: incolæ autem regionis ad montes confugerant, ad quos non erat facile iter nostris peruium: greges verò & armenta pro maxima parte in paludibus, quæ erant in vallis medio, vbi pascua erant vberissima, aduentu nostrorū præcognito, collocauerant. Interea Comes Tripolitanus, ex condicō per agrum Biblieniē, iuxta castrum quod *Manethera* dicitur, subito in fines Heliopolitanos ingressus, in eadem valle, cum suis, cūcta incēdiis cremare nunciatur. Quod audientes nostri, obuiam illis properātes, illi quoque nihilo minus occurrere nobis optātes, cōuenerunt quasi in vallis medio: quod audiens *Semſedolus* Salahadini frater, qui Damasci residebat procurator, congregatâ militiâ, locorum etiam incolis conuenientibus, resistere tentat, acies instruit, nostris obuiam ire parat. Nostri quoque ordinatis agminibus, animo prouiore occurrant: decertatur vtrinque viriliter: sed diuinitate propitiâ multis interfectis, captis innumeris, hostis in fugam versus est. *Semſedolus* cum paucis euadens, ad montis ardua se contulit. Nostri verò hostilibus onusti spoliis, cum armentis & præda maxima redeunt: paucis tamē, imprudenter, qui paludes præliandi gratiâ fuerant ingressi, dum vias ignorant, & nostrorum ita subitū non opinantur regressum, amissis. Reuersus ergo dominus Rex, & sui, cum omni sospitate, trahentes boum armenta, ouiumque greges & supellectilem omnimodam, victoriæ argumenta & felicitatis insignia, Tyrum auctore Domino peruenerunt: Comes quoque Tripolitanus, eodem quo venerat itinere, secum etiam prædam referens innumeram, ad propria feliciter cum suis omnibus se contulit. Eodem anno dominus *Rainaldus de Castellione*, qui domino Raimundo Principi Antiocheno, in eodem Principatu successerat, uxorem eius, *Constantiam* nomine, ducēs, post multos annos captiuitatis suæ, quam apud Halapiam duram nimis passus fuerat, interuenientibus amicis suis, & multæ quantitatis pro eo numeratâ pecuniâ, libertati restitutus; simulque cum eo *Ioscelinus*, Ioscelini Comitissæ, vxoris *Rainaldi Sydoniensis*, sororis suæ, matris videlicet Regis, ereptus à vinculis, in pristinam libertatem se recepit. Eodem anno, mense Maio, secundâ mensis die, per nostrum ministerium, in ecclesia Tyrensi, munus consecrationis susceperunt, dominus *Odo* Sydoniensis electus, qui eiusdem ecclesiæ Tyrensis fuerat præcentor, & dominus *Rainaldus*, Berythenſis electus.

Eodem quoque tempore dominus *Manuel* Imperator Constantinopolitanus, illustribus memoriæ & amplectendæ in CHRISTO recordationis, cuius beneficia & liberalitatem eximiam vniuersus penè sentit mundus, dum contra immanissimam

Turcorum gentem, & impium eorum ducem, *Iconii Soldanum*, pro ampliandō Christiano nomine, pietatis commendabili motu decertat, peccatis nostris ex-
gentibus, suorum stragem infinitam, & copiarum Imperialium, quas secum supra
hominum etiam opinionem trahebat, enormia circa Iconium passus est dispendia:
vbi etiam de consanguineis eius, viri illustres, & inclytā recordatione digni, in acie
occubuerunt: inter quos & *Ioannes Protoseuasto*, eiusdem domini Imperatoris ex fra-
tre nepos, vir egregiæ liberalitatis & memorandæ magnificentiæ, cuius filiam *Ma-*
riam dominus *Amalricus*, vxorem duxerat, dum strenuè resistit hostibus, multis
confossus vulneribus interiit. Ipse tamen ex plurima parte receptis exercitibus, sed
sinistro casu, mente supra modum consternatus, in suos fines corpore incolumis se
recepit. Dicitur autem suorum ducum qui præbant agmina, magis imprudentiâ,
quàm hostium viribus id accidisse. Nam cum patentes amplæque viæ, ad produ-
cendas acies, & sarcinarum moles commodius trahendas, & impedimentorum o-
mne genus subuehendum, quod & numerum excedere dicebatur & mensuram,
non deessent, incautè nimis in periculosas locorum angustias præcipites se dede-
runt, vbi nec hostibus, qui loca eadē iam occupauerāt, dabatur resistere; nec refe-
rendi vices copia ministrabatur. Ab ea die, huius tam sinistri casu prædictus domi-
nus Imperator, adeò menti perhennem dicitur impressisse memoriam, vt de cæte-
ro nec solitā mentis hilaritate, quā singulariter præminebat, lætiores se suis, id ad-
modum postulantibus, exhiberet; nec corporis sospitate quā plurimum pollebat,
vsque in supremum vitæ diem frueretur: ita sanè continuâ facti refectatione vre-
batur, vt nec animo quies, nec menti consueta tranquillitas indulgeretur. Ter-
tib regni eiusdem domini *Balduini* anno, circa Octobris initium, dominus *Wilel-*
mus Marchio, qui cognominatus est *Longaspata*, filius Marchionis *Wilelmi* senioris
de Monteferrato, vocatus à domino Rege, & vniuersis Regni Principibus, tam se-
cularibus quàm ecclesiasticis, apud Sydonem applicuit: cui infra quadraginta dies,
postquam aduenit, quoniam anno præcedente, dum ad hoc specialiter citaretur, id
permanum domini Regis, & omnium Principum iuramentis corporaliter præsti-
tis firmatum fuerat, dominus Rex sororem suam, natu se priorem, vxorem dedit: &
cum ea Ioppen & Ascalonem vrbes maritimas cum pertinentiis suis, & vniuerso
Comitatu, sicut prius pactis insertum fuerat, eidem contulit: inuitis tamen & pa-
lam contradicentibus quibusdam, quorum consilio vocatus fuerat, non satis atten-
dentibus, quoniam *uarii & inconstantis hominis est, aduersus sua facta venire*. Erat au-
tem prædictus Marchio, adolescens decenter procerus, formâ commendabilis, cri-
ne flauus; animosus viriliter; iracundus, ira vt modum excederet; liberalis pluri-
mum; profusus mente, & qui nihil vnquam vellet occultare propositi; talem se fo-
ris exhibens, qualem intus gerebat animum; multum in cibo, in potu quoque ma-
ximè superfluus, non vsque tamen ad animi læsionem: armorum vsum & expe-
rientiam ab ipsa incunte ætate plenius dicebatur habere: nobilis secundum se-
culi dignitatem, ita vt in eo, aut nullum, aut rarissimum diceretur habere parem.
Pater quippe eius domini *Philippi* Francorum Regis auunculus erat, matris eius
videlicet frater: Mater verò eius, domini *Conradi*, illustris Romanorum Impera-
toris soror fuerat, domini *Frederici*, qui nunc post dominum inclytæ recordatio-
nis *Conradum* patrum suum, strenuè Romanum administrat Imperium, amita: &
ita vtriusque illorum illustrium Regum, pari gradu consanguineus erat præfatus
Marchio. Ductâ demum vxore, cum vix tribus mensibus cum ea fuisset corpore
incolumis, decidit in ægitudinem difficilem nimis: quâ quasi mensibus duobus
sine intermissione laborans, sequenti Iunio, domino quoque Rege apud eandem
Ascalonam grauiter ægrotante, in fata concessit, vxore prægnante relicta: cuius
corpus Hierosolymam deuectum, in vestibulo ecclesiæ domus Hospitalis, intranti-
bus ad læuam, magnificè satis, per nostrum ministerium, tumulatum est. Circa
id temporis *Henfredus de Torono*, regius Constabularius, dominam *Philippam*, domini
Raimundi Antiochiæ Principis filiam, domini *Boamundi* tertii, qui nunc eundem re-
git Principatum, & dominæ *Mariæ* Imperatricis Constantinopoleos sororem, v-
xorem duxit, quam *Andronicus* domini Imperatoris consanguineus, prius vxorem
habuerat: hacque dimissâ, dominam *Theodoram*, domini Regis *Balduini* viduam,
neprem suam impudenter nimis sed & impudicè non minus, clam abduxit. Hic de

quo

quo prædiximus, dominus *Henfredus* statim ex quo illam in domum traduxit suam, coepit desperabiliter infirmari: illa quoque nihilo minus, languore nimio correpta, infra paucos dies vitam finivit.

- Quarto anno regni eiusdem domini *Balduini* XIV.
quarti, mense secundo, circa Kal. Augustales, diu expectatus *Philippus Comes Flan-*
drensum, apud *Acconensem* applicuit ciuitatem: cuius aduentu dominus Rex, qui
ab *Ascalona Hierosolymam*, in lectica adhuc ægrotans se fecerat deferri, exhilara-
tus plurimum, mittens de principibus suis & ecclesiarum prælatis, multiplici fecit
cum honore præuenire. Cui etiam postquam *Hierosolymam* peruenit, ubi adhuc
Rex grauitur infirmabatur, communicato consilio vniuersorum, domini videlicet
10 Patriarchæ, Archiepiscoporum, Episcoporum, Abbatum, & Priorum, Magistro-
rum quoque Hospitalis & Templi, & omnium Principum laicorum, obtulit ei po-
testatem, & liberam & generalem adinistrationem super Regnum vniuersum, ut
& in pace & in guerra, intus & foris, super maiores & minores plenam haberet iurisdictionem, &
ut super thesauros & redditus Regni liberè exerceret arbitrium suum. Qui habito cum suis
consilio, respondit: Quod ipse nō venerat ad hoc, ut potestatem aliquam acciperet, sed ut ser-
uitio se manciparet diuino, cuius gratiā venerat: nec erat eius propositi, quod alicui administra-
tioni se obligaret, quin liberè posset, cum eum sua reuocarent negotia, ad propria redire. Sed domi-
nus Rex in regno suo procuratorem ordinaret quem vellet, & ipse, tanquam domino suo *Fran-*
corum Regi, ob regni utilitatem ei vellet obedire. Videntes ergo quod ita penitus, quod
20 obtuleramus, renueret, iterum per Principes suos dominus Rex eū fecit deuotissi-
mè rogari, ut saltem expeditionis in proximo future, quā multo prius tempore cum
domino Imperatore Constantinopolitano ordinauerat, & vniuersi exercitus Chri-
stiani dux vellet esse; & prælia Domini contra *Ægyptios* procuraret. Ad quod ver-
bum, sicut & ad prius respondit. Cōstituit ergo dominus Rex, sicut & prius ante in-
troitum Comitis fecerat, Regni & exercituum procuratorē dominum *Raimaldum*,
quondam *Antiochiæ* Principem, virū approbatæ fidei & moribilibus constantiæ: qui
si dominus Rex in propria persona venire non posset, administraret Regni nego-
tia, cum consilio tamen domini Comitis per omnia regeretur. Cumque hoc ipsum
domino Comiti nunciatum esset, respondit: Quod non videbatur ei talis procurator ne-
30 cessarius; sed talem ordinaret, cuius & belli gloria, si *DEVS* ita prouideret; & dedecus, si Domi-
nus ita pateretur, esset proprium; & cui regnum *Ægypti* cederet, si dominus illud in nostram tra-
deret ditionem. Ad hoc respondimus, qui missi à Rege fueramus: Quod talem non
posset dominus Rex constituere procuratorem, nisi eundem Regem crearet: quod neque domini
Regis, neque nostrierat propositi. His ita se habentibus, tandem aperuit euidentius men-
tis arcanum; & quò tota eius properabat intentio, non habuit occultum, dicens:
Mirum esse quòd de matrimonio consanguinea suæ nullus eum conueniret. Audientes hoc
verbum, admirati sumus hominis malitiam, & sinistrum mentis conceptum, quòd
qui tam honestè à domino Rege susceptus fuerat, contra leges consanguinitatis,
hospitalitatis inmemor, in supplantationem domini Regis hæc moliri attentaret.
40 Libet paulisper digredi, ut plenius auditorum sensibus ingeratur, quidnam
sit, in quo prædictum Comitem, malitiosè versatum, tum ex multorum relationi-
bus, tum etiam ex eius confessione cognouimus. Quidam potens homo, cum
domino Comite peregrinationis illius comes venerat, *Aduocatus* videlicet de *Be-*
tuna, qui duos secum traxerat filios iam adultos. Hic, ut dicitur, suffragio vsus Co-
mitis *Wilelmi de Mandamilla*, qui cum eodem Comite, eadem viâ venerat, domi-
num Comitem circumueniens, persuadere coepit, quòd maximis sibi compen-
diis uti posset dominus Comes, in factò Regni: dicens se amplissimum habere pa-
trimonium, in eius Comitatu, quod vniuersum domino Comiti hereditario iure
possidendum daret, si elaboraret sæpèdictus Comes, ut duæ filia domini Regis
50 *Amalrici*, apud duos filios suos nuptui locarentur. Erant autem domini *Amalrici*
profectò duæ filia, vna quæ vxor fuerat Marchionis; altera infra annos nobiles
constituta, cum domina Regina matre eius apud *Neapolim* degens. His ergo ver-
bis assensum præbens Comes, proum se dabat, ut verbum hoc effectui mandaretur.
Sed nunc redeamus ad propositum. Intellecto ergo quorsum spiritus Comitis
anelaret, respondimus: Quòd domino Regi id prius oporteret nunciari; quodq; illi videretur
de communi consilio respondendum, dicere crastinā renuntiarem. Facto mane, prius
tamen habito consilio, redeuntes ad Comitem, respondimus: quòd apud nos consue-

tudo erat, usu approbata longæuo, quod viduam, & maximè pregnantem, infra annum luctus non sit honestum, ad vota migrare secunda: & vix præterierant tres menses à morte mariti. Vnde non esset nobis imputandum ad malum, si contra disciplinam temporum & regionis nostræ, de matrimonio prædictæ dominæ nullum habuerimus tractatum. Tamen vniuersis nobis gratum esse & acceptum, si cum eius, ex quo præsens erat, consilio, de verbo prædicto tractaretur: nam pro certo dominus Rex, & in hoc, & in omnibus aliis negotiis, eius semper proposuerat specialiter regi consilio, & eius quantum cum suo honore posset, deservire voluntati. Præiret ipse in verbo, & nominaret aliquam personam, ad hoc idoneam: & nos de communi voluntate, in facto præsentis, parati eramus procedere. Quod verbum moleste ferens, dixit: Se id omnino non facturum, nisi prius vniuersi Principes iurarent, quod sine contradictione, eius starent verbo: nam hoc esset personam alicuius nobilis de honestare, si eo nominato, repulsam pateretur. Nos autem respondimus: Quod illud omnino contra domini Regis, & nostræ esset honestatem, si eius sororem personæ ignotæ, & cuius etiam nomen ignoraretur, traderemus. Tandem cognita Regis & Principum omnium voluntate, licet plurimum indignans, & iratus, ab hoc verbo destitit.

XVI.

Erant per idem tempus Hierosolymis, domini Imperatoris nuncii, viri inclyti & eminentes, dominus *Andronicus*, qui cognominatur *Angelus*, domini Imperatoris ex sorore nepos; *Ioannes* vir magnificus, Megaltriarcha; vir nobilis *Alexander*, Comes Cuperlanensis de Apulia; *Georgius Sinaites*, Imperialis aulae familiaris. Hi ex præcepto Imperiali ad dominum Regem venerant, arbitantes tempus esse sicut & sperabatur, vt in aduentu domini Comitis Flandrensis, pacta, quæ aliquando inter dominum Imperatorem, & dominum Regem *Amalricum* inita fuerant; postmodum inter eundem dominum Imperatorem, & dominum *Balduinum* qui in præsentis regnat, non dissimilibus conditionibus fuerant innouata, auctore domino, contraheretur ad effectum. Et ob hoc curia generalis apud eandem sacratissimam Urbem indicta fuerat, conuenientibus in vinum vniuersis Regni Magnatibus. Erat omnibus spes vna, eaque quasi fouebat vniuersos, quod auxilio & consilio prædicti Comitis & suorum Regnum Deo amabile, optatum susciperet incrementum, & de conterendis CHRISTI hostibus, diligens haberetur tractatus: cum subito, vt præmissimus, in sinistrum latus mutatus est Comes, & promissorum immemor, ad alia se conuertit negotia, omne spei nostræ firmamentum euacuans. Instant tamen Imperiales Apocrisarii, vt pactis staretur, allegantes, moram solere secum periculum trahere: per eos non stare, quo minus in concepto negotio procederetur: verum se paratos asserunt, omnes pactis insertas conditiones, fideliter & largâ interpretatione velle adimplere. Nos autem audientes legatorum verba, deliberatione habitâ, visum est expedire, vt domino Comiti verbum ex ordine panderetur: quo accito, & præsentis, propositus fuit ei pactorum inter nos & dominum Imperatorem in scriptis fideliter tenor, eius aureâ bullâ munitus. Quo diligenter lecto, & intellecto plenius, quæsitum est ab eo, Quid sibi videretur? Qui respondit: Se hominem peregrinum esse, locorum ignarum, & maximè regionis Egypti, quæ longè ab omnibus aliis regionibus, alterius dicitur esse conditionis; quæ certis temporibus aquis irrigetur, & occupetur vniuersa. Nos autem melius nosse & locorum faciem, & abeundi opportunitatem: tamen se audisse ex eis qui frequenter in Egyptum descenderant, tempus ad eius impugnationem non conuenire. Adiecitque, quod hyems in proximo erat; Egyptus verò aquis Nili restagnantis operiebatur. Iterum infinitam Turcorum multitudinem illuc confluisse audierat. Timebat præterea, & maximè, ne iter agentibus, aut etiam peruenientibus, alimenta deficerent, & inedia molestiâ conficeretur exercitus. Ad hoc nos, videntes quod caluas quæreret occasiones, ne sub hoc prætextu viam declinaret, obtulimus ei sexcentos camelos, ad victualia, arma & cætera impedimentorum genera per terras deportanda: & naues quotquot haberet necessarias ad alimēta, siue bellicis vsibus necessarias, machinarum moles per mare deuehendas. Quibus omnibus spretis, subintulit: Quod omnino in Egyptum non descenderet nobiscum; ne fortè ipse, & qui eum sequerentur, fame perire compellerentur: adiecit etiam, quod ipse consueuerat, per opulentas regiones suos trahere exercitus; nec possent sui huiusmodi tolerare inopias: sed eligeremus alias partes, ubi commodius & facilius ad Christiani nominis incrementum, & exercitus ducere, & hostes CHRISTI contere possēmus: & ad hoc ipse cum suis libenter se accingeret.

XVII.

Porro nobis nec tutum erat, nec honestum a pactis discedere. Nam domini Imperatoris nuncii, præclari & nobiles viri, cum infinita pecunia præsentis erant, paratos se asserentes, vt præmissimus, con-

mus, conventiones inter nos & dominum Imperatorem initas fideliter adimplere, habentes in portu Acconensi septuaginta galeas, exceptis aliis nauibus, ad iter & opus conditum sufficientes: item *iuramentis nostris obuiare, inhonestum nimis & periculosum videbatur.* Quod si etiam cum assensu Imperialium nunciorum res in aliud tempus differri potuisset, præsens domini Imperatoris auxilium deferere, non reputabamus tutum, timentes indignationem eius, quæ nobis poterat esse nimis periculosa. Igitur iuxta conditum nostrum, secundum quod prius conuenerat, consentientibus partibus utrisque, iter nostrum firmauimus, ad opus nos accingentes, quod ante multo cum domino Imperatore constitueramus. Quo audito, Comes Flandrensis iterum contra nos vehementius cepit inflamari, dicens: quod in eius contumeliam totum hoc fuerat fabricatum. Et factum est post multa, ut eius quocunque modo satisfaceremus voluntati, quod de communi tam nostrorum quam Græcorum consilio, iterum expeditio dilata est, usque per totum Aprilem sequentem. His ita gestis, dominus Comes, cum Hierosolymis quasi per quindecim dies fuisset, completis orationibus, & sumptâ palmâ, quod est apud nos consummata peregrinationis signum, quasi omnino recessurus, *Neapolim* abiit. Vnde post dies aliquot, ad nos misit Hierosolymam *Aducatum de Betuna*, cum quibusdam aliis de suis hominibus: qui nobis ex parte domini Comitis nunciarunt, quod Comes paratus erat, & hæc erat eius deliberationis summa, quocunque nobis videretur optimum, siue in *Ægyptum*, siue ad alias partes nos sequi. Quo comperto, etsi nobis videretur ridiculū toties mutare sententias, & nimis instabilitati videretur merito imputandum, nulli certò hæere proposito: tamen Græcos, licet inuiti conuenimus, videntes Comitis intentionem. Non enim erat eius propositi dicta cōpensare operibus: sed ad id summâ ope nitebatur, quod nos in culpam traheret, & scribere ultramontanis Principibus posset, per nos stetisse, quo minus in negotio esset processum. Culpam ergo suâ in nos retorquere volens, prædictos ad nos miserat: nullo modo sperans, quod Græci ad nostram iterum redirent voluntatem. Conuenimus ergo Græcos, XVIII sentantes, si vellent iterum pactis stare prioribus: & si Comes nobiscum veniret, vtrum vellent in *Ægyptum* descendere? Qui respondentes: *Quamuis tempus esset arduum nimis, ut exercitus possent præparare suos, tamen si Comes propriâ manu vult iurare, quod veniat nobiscum: & si contigerit eum, vel hic, vel in via infirmari, quod suos mittat; & quod in totâ expeditione bonâ fide, sine fraude, & malo ingenio, pro Christianitatis incremento laboret: & quod non sit in consilio vel auxilio, quod pacta inter dominum Regem & dominum Imperatorem tractata & conscripta, ex aliqua parte infringantur; & id ipsum homines suos iurare fecerit, licet nobis nimis durum, & contra virilē constantiam videatur, toties mutare consilia, tamē ut Regni huius DEO amabilis, & domini Imperatoris amplietur gloria, veniem⁹.* Hic, cum suum iuramentū, *Aducatus* & qui cū eo missi fuerāt, super dictis cōditionibus offerret: nec omnia tamē prædicta cū suo iuramento vellent cōprehendere, nec Comitis promitteret iuramentum, nolimus amplius verbis inutilibus insistere: solum est colloquiū nostrum; sumptaq; licenciâ, Imperiales legati, negotiū sæpè dictū, vique in tempus opportunum differētes, ad propria redierunt. Post hoc cœperunt nuncii Comitis quærere, ex quo prædicta non posset esse in præsentī expeditio, *Quid cū auxilio Regni dominus Comes posset facere, ne omnino videretur ociosus?* Placuit tandem iis quibus verbum erat hoc propositū, quod in terram Tripolitanam aut Antiochenā proficisceretur: ibi enim videbatur quod ad honorem suum, & Christianitatis incrementum, aliquid posset operari. Erant nonnulli, qui domino Principi Antiocheno, qui præsens erat, & domino Comiti Tripolitano imputabant, quod Comes ita erat aduersus profectioni in *Ægyptū*; nitebatur enim, ut dicitur, ad suas cum partes trahere, sperantes eius auxilio aliquid adoriri, ad incrementum suarum regionū respiciens: sed spe suâ frustrati sunt: quia nec apud nos, nec apud eos quipiam memoriâ dignum ei datum est diuinitus consummasse. Dignum quippe erat, ut cui Dominus suam subtraxerat gratiam, in nullo prosperaretur. Quia *superbis resistit DEVS, humilibus autem dat gratiam.* Promisit tamen dominus Rex, se cooperatorem & adiutorem futurū: tradiditque ei illuc eunti, centum equites de suis, & pedum duo millia. Et in hoc statu erant res nostræ, circa Kal. Octobris. Assumptis ergo suis, & domino Comite Tripolitano, Magistroque domus Hospitalis & multis ex fratribus Militiæ Templi, ad partes contendit Tripolitanas. Per idem tempus do-

minus *Balianus de Ibelim*, frater domini *Baldvini de Ramis*, viduam domini Regis *Amalrici*, Reginam *Mariam*, filiam *Ioannis* Protoseuasti, vnde superius fecimus mentionem, domino Rege id permittente, vxorem duxit: cum qua etiam Neapolitanam urbem, quam ille possidebat nomine donationis propter nuptias, in vita vxoris habendam suscepit. Perueniens igitur ad partes destinatas Comes, compositis ad iter necessariis, ordinatisque agminibus, cum Tripolitano Comite & suis, terras hostium ingreditur, circa *Emiffenam* & *Hammam*, morem facientes aliquam, non sine hostiū damno. *Salahadinus* enim completis pro voto in illa regione negotiis, facta cum filio *Noradimi* pro suo arbitrio pace, in Ægyptum descenderat: timens ne ille de quo prædiximus, apparatus, & diu promissa expeditio, illuc, sicut dispositum multo ante fuerat, properaret. Traxerat ergo secum, quosunque & vndecunque eos corrogare poterat, maximas militum copias: illuc robur cōgerens, vbi videbantur maiora emergere posse negotia. Inuenientes igitur Comes & sui, regionem viribus vacuam, liberius poterant euagari: municipia tamen, & ciuitatum præsidia, alimentis, armis & custodibus satis erant & sufficienter munita. Cognito verò dominus Princeps, quòd hostium fines ingressi essent, sicut ex conditio inter eos conuenerat, ipse verò aliā viā properans adiungit se illis. Conuenientes itaque corpore, conuenerunt & mente: idque temporibus præsentibus magis opinantes expedire, placuit vt castrum *Harenc* obsiderent. Est autem prædictus locus, in territorio Chalcidensi, quæ ciuitas hodie vulgò appellatur *Artasfa*, nobilis aliquando, nunc ad instar paruissimi redacta oppidi. Distat autem vterque locus ab Antiochia quasi miliaribus duodecim. Ad quem locum vbi peruentum est, locatis in gyrum castris, locum ex omni vallant parte, vt nec obsessis exitus; nec ad eos, subsidium ministrare volentibus, liber pateret introitus. Proinde machinas, & quæ ad vñs huiusmodi solent esse necessaria, construunt: & quandam quasi perpetuitatem obsidionis & propositi constantiam promittentes, casas componunt vimineas, & propter ingruentem hyemem vallis castra muniunt, ne torrentium impetu damna rerum sustineant in aliquo. Porro ab Antiochia & suburbanis confinibus ruris incolæ, & illius professionis homines, certatim student necessariam ministrare alimoniam. Erat sæpedictum castrum filii *Noradimi*, idque solum in partibus illis *Salahadinus* ei dimiserat. Vallato igitur vndique municipio, temporibus certis, & per vices, more solito, oppidanis dabant assultus, & machinis ac tormentis mœnia quatientes, obsessis negabant requiem. Interea dum hæc in partibus Antiochenis geruntur, *Salahadinus* audiens, quòd Comes, & totius exercitus Christiani robur, quod ipse non sine timore vehementi in Ægypto præstolatus fuerat, ad partes se contulerat Antiochenas: arbitratus non imprudenter, quòd Regnum viribus vacuum impunè posset inuadere; & duorum alterum facilius obtinere, aut obsidionem ab obfesso dimouere municipio; aut hostibus illic perseverantibus, de his qui in Regno remanserant, obtinere triumphum. Collectis igitur vndique militaribus copiis, in multitudine graui, & armis & omnibus penè quæ in bello solent vñs sui esse, solito instructiore, egressus de Ægypto, per vastitatem interiectæ solitudinis, maturato itinere peruenit ad urbem antiquissimam, desertam tamen, *Laris* nomine: vbi deposita impedimentorum parte, & sarcinarum onere subleuato, assumptis sibi qui expeditiores, & pugnandi peritiores videbantur, relictis post se oppidis nostris *Darum* & *Gazam* urbem famosissimā, subito ante *Ascalonam*, præmissis quibusdam excursoribus, irruit. Dominus verò Rex, aliquot diebus ante, de aduentu eius præmonitus, id quod residuum erat in Regno militiæ, celeriter conuocans, cum suis eandem urbem, paucis ante diebus ingressus fuerat. Aberat (vt præmisi-mus) Comes Tripolitanus cum centum ex nostris militibus, de multo numero electis; Magister quoque Hospitalis cum fratribus suis, & pars maxima Militiæ Templi: reliqua verò pars fratrum in *Gazam* se receperat, timentes ne eam, quia prima de urbibus nostris ei occurreret, *Salahadinus* obsideret: Item *Hensfredus* Regius Constabularius, ægritudine maximā (vt diximus) laborabat. Paucos igitur secum habens dominus Rex, vt comperit, quòd per campestria nobis contermina liberè & hostiliter vagarentur & discurrerent hostes, inuocato diuino auxilio, relictis qui ciuitatem tuerentur, urbem cum suis egreditur, tanquam cum eis pugnaturus. *Salahadinus* verò prope ciuitatem gentem suam in vnum collegerat. Egressus autem Christianus

- Arianus exercitus, inspectâ partis aduersæ multitudine infinitâ, qui sensus habebant magis exercitatos in talibus, tutius esse dicebant *in se subsistere, quam dubiis belli euentibus inconsultè se committere*. Ita ergo usque ad vespërâ, habitis tamè interdum singularibus conflictibus, quamvis proximæ essent vtrinq̃ue acies, eorum impetus sustinuerunt nostri. Aduesperascente autem die, periculosum credentes, in tam modica manu, castris se committere illa nocte, præsertim cum tanta esset hostium immensitas, in ciuitatem Ascalonam iterum prudenter se receperunt. Quod factum, in tantam Salahadinum cum suis erexit præsumptionem, vt iam non in se solidè subsisteret, sed ambularet in mirabilibus super se; & iam quasi victor, commilitonibus suis Regni subiugati portiones certas designaret. Cœperunt ergo de cætero, quasi pro votis obtinentes omnia, incautiùs discurrere, habere se imprudentiùs, passim per turmas inordinatis agminibus vagari. Noctè ergo illâ opinati sumus, quòd ante urbem castra locarent sua, in ea regione, vbi pridie fuerant; aut vrbi viciniùs se conferentes, ipsam obsidione clauderent. Verùm ipsi neque sibi neque equis requiem indulgentes, cateruatim vniuersam perlustrantes regionem, prout cuique impetus erat, ad diuersa rapiebantur. Erat autem inter eorū satrapas quidam, *Iuclinus* nomine, vir bello strenuus, ad quælibet tentanda pronus; vir apostata, qui relictâ mediatoris DEI & hominum fide, ad Gentilem impietatem deuia secutus, se contulerat, natione Armenius. Hic, cum acie cui præerat, usque *Ramam* urbem in campestribus sitam peruenit; inueniensque eam vacuum, succendit: diffidentes enim illius loci ciues, eò quòd non esset munita commodè, partim cum domino *Balduino* Rege in expeditionem apud Ascalonam profecti fuerant; pars cum infirmiore manu, cum mulieribus & paruulis in Ioppen se contulerant; pars in castrum in montibus, situ munitum satis, cui nomen *Mirabel*, ascenderant. Incensâ igitur vrbe, prædictus *Iuclinus Liddam*, finitimam urbem, cum omni suo comitatu properat, locum partitis agminibus, subito vallat in circuitu: deinde sagittarum immissâ grandine, & omni armorum genere, inclusos aggreditur, & incessanter fatigat. Contulerat sanè se populus omnis super ecclesiam beati martyris Georgii. Porro tantus nostros inuaserat timor, vt iam non esset spei residuum, nisi in fuga: nec solum his qui
- 30 in campestribus habitabant, vbi tam liber hostium erat discursus, verùm etiam & montium incolis tantus incubuerat horror, vt Ciuitatem sanctam prope desererent eius ciues; & de vrbis tuitione diffidentes, in arcem quæ dicitur *Dauid*, reliquâ parte ciuitatis neglectâ, se certatim conferrent. Processerant quippe excursores usque ad locum qui dicitur *Calcalia*, & obtexerant penè vniuersam superficiem terræ eorum præambuli; & iam etiam dimissis campestribus, ad montana conscendere disponebant. Hæc erat facies regionis desolatæ, & oppressæ amaritudine, in die qua obtexit eam caligine Dominus in furore suo, ad iracundiam prouocatus: tamen *non continuit in ira sua misericordias suas, nec oblitus est misereri; sed conuersus, consolatus est nos, & apposuit vt complacitior sit adhuc, & secundum multitudinem dolorum nostrorum, in corde nostro consolationes eius letificauerunt animas nostras.* Nam dum hæc ita
- 40 in partibus illis geruntur, dominus Rex audiens quòd fines eius longè lateque, hostium multitudo diffusa penitus occupauerat, ex *Ascalona* cum suis egreditur, ac hostibus obuiam ire parat: *satis ducens, cum hostibus etiam dubio euentu praliandi fortunam tentare, quàm prædam, incendia, suorum stragem sustinere.* Egrediens igitur per maritimam oram, littus quoque secutus, vt subito & occultus posset inimicis occurrere, peruenit ad eum locum, vbi Salahadinus è regione erat in campestribus. Quòd perueniens, acies omnemque apparatus bellicum, tam equitum quàm peditum aduersus eum dirigit: vbi adiunguntur ei fratres Militiæ Templi, qui in *Gaza* remanserant. Inde instructis ordinibus militum, hostibus obuiam ire parant: dumque
- 50 proficiscuntur vnanimes iniurias suas ultum iri, incendiis quæ ex omni parte intuebantur, & strage suorum auditâ, in virilem audaciam diuinitus accensi, quasi vir vnus facti, properant: cum ecce ex aduerso non multum distantia hostium agmina contuentur. Erat autem hora diei quasi octaua. *Salahadinus* interea audiens nostros spe pugnandi aduentare, timens quem priùs videbatur oprasse congressum, missis qui suos passim dispersos conuocarent; clangore quoque buccinarū, & tympanorum strepitu, verbis quoque, sicut in talibus fieri solet, manipulos suos ad conflictum animabat, & dictis vires addere nitebatur. Erat ibi cum domino Rege, *Odo*

xxi.

Psal. 76. 79.
Eccl. 93. 19.

xxi.

QQQQ

de sancto Amando, magister Militiæ Templi, cum octoginta ex suis; Princeps Rainaldus, Balduinus de Ramis, & Balianus frater eius; Rainaldus Sydoniensis, Comes Ioscelinus, regis auunculus & Senescalcus. Omnes verò quotquot erant promiscuæ conditionis, vix trecenti septuaginta quinque inuenti sunt. Hi omnes inuocato de supernis auxilio, præuio viuificæ Crucis ligno mirabili, quod dominus Albertus Bethleemita episcopus gestabat in manibus, instructis ordinibus, ad dimicandum viriliter se accingebat. At verò interea ad hostium cuneos, qui longius prædas secuti, & procurantes incendia discesserant, certatim ex diuersis partibus addebantur, fiebatq; maior numerus: ita quòd nisi Dominus, qui non derelinquit sperantes in se, nostros interiore quadam inspiratione clementius erigeret, omninò non solum de victoria, sed & de salute & de libertate desperare cogerentur. Ordinât & ipsi nihilominus acies suas, & iuxta militarem disciplinam agmina digerunt, disponentes qui primi aggrediantur, & qui eis sint subsidio. Interea accedentibus hincinde gradatim bellatorum ordinibus, commissum est prælium, prius casu dubio, sed viribus longè imparibus; postmodum nostris animosius insistentibus, infusâ cœlitus gratiâ, quæ eos solito redderet fortiores, contractis eorum legionibus, post multam stragem hostes in fugam vertunt. Quis autem esset hostium numerus, inuestiganti mihi & querenti diligentius, veridicâ multorû relatione innotuit, quòd viginti sex millia equitum expeditorum: exceptis iis qui summariis infidebant, & camelis; intra fines nostros immiserat; ex quibus erant octo millia egregiorum, quos ipsi linguâ suâ *Tosf* 10
sin vocant: reliqua verò decem & octo millia erant gregariorum, quos ipsi appellant *Carnagolam*. De egregiis autem erant mille, qui omnes induti croceis super loricas examentis, *Salahadino* concolores, eidem familiaribus ad tutelam proprii corporis assistebant. Solent enim Turcorum satrapæ, & maiores Principes, quos ipsi linguâ Arabicâ vocant *Emyr*, adolescentes, siue ex ancillis natos, siue emptos, siue capta in præliis mancipia studiosè alere, disciplinâ militari instruere diligenter; adultis autem, prout cuiusque exigit meritum, dare stipendia, & largas etiam possessiones conferre: In dubiis autem bellorum euentibus, proprii conseruandi corporis solent his curam committere, & de obtinenda victoria spem habere nò modicam: hos linguâ suâ vocant *Mameluc*. Hi assistentes domino suo perseveranter, vnanimitè ab eo nitebantur propulsare iniurias, & vsque ad mortem non destituere. Hi sanè in conflictu perseverantes, quoadusq; fugeret dominus eorum, vnanimitè perstiterunt: vnde contigit, quòd cæteris fugâ elapsis, hi penè omnes occumberent. Còuersis itaq; hostibus in fugâ, insecuti sunt nostri, vsq; dum inclinatâ iam die nox irrueret: ab eo loco, qui dicitur *Mons Gifardi*, vsque ad paludem illam, quæ vulgò dicitur *Gannetum Esturnellorum*. Toto autem illo fugæ tempore & spacio, nò desuit hostium strages fieri continua, per duodecim vel amplius milliaria: nec de omni numero superfuissent aliqui, nisi nox importunè irruens, persequentium gladiis eripuisset. Vt autem expeditius possent fugiendo salutem consulere, abiectis armis & vestibus, sarcinis expositis, relictis infirmioribus, qui fortiores erant, & equorum velocium sessorum, fugiendo pro viribus, beneficio noctis imminētis, neci subtrahiti sunt: alii autem omnes aut capti, aut gladiis interempti, grauioribus exitus sunt consecuti. De nostris autem in primo conflictu quatuor aut quinque occubuerunt equites; pedites autem ad certum, quem nos ignoramus numerum. Peruenientes autem, qui fugâ fuerant elapsi, vsque ad prædictam paludem, si quid residuum erat oneris, loricas videlicet & caligas ferreas, in caretum aquæ, & in ipsam aquam proiecerunt interius, ut & ipsi expeditius incederent, & arma in aquis proiecta, nostris nullo tempore possent esse aut vsui, aut victoriæ signo. Quorum tamen vtrunque nostri postea sunt plenius assecuti: nam inhærentes eorum vestigiis, & nocte instante, & sequenti die, & prædictum arundinetum diligentius perscrutantes, paludē quæ ipsam contris & vncis percunctâtes, quicquid illi occultauerant, celerius repererunt. Audiuimus à quibusdam fide dignis, quòd ceterum inde viderant vnâ die loricas extrahi, exceptis galeis & ocreis ferreis, & minoris ponderis rebus, vtilibus tamen & preciosis. Collatum autem nobis est hoc tam insigne & seculis memorabile beneficium, diuinitus, anno domini *Balduini* quarti, tertio, mense *Novembre*, septimo Kal. *Decembris*, die festo sanctorum martyrum *Petri Alexandrini* & *Katerinæ* virginis. Reuersus autem dominus Rex *Ascalonam*, expectauit quousque suos reciperet,

tiperet, qui diuersis itineribus insecuti fuerant fugientes, quos infra dies quatuor recollectit. Videre erat redeuntes, manubiis onustos, mancipia trahentes, camelorum ~~armenia~~, equos, tentoria referentes, exultantes secundum Prophetæ dictum: *Quasi* ~~maiores capti à prædâ, quando diuidunt spolia.~~ Accessit & aliud, in quo manifestè in- XXI
notuit præsentem esse diuinam nobis clementiam: nam sequenti die, & per decem dies continuos, tanta vis imbrium, tanta algoris præter solitum violentia incubuit, ut verè credi posset, etiam ipsa contra eos coniurasse elementa: Equos nimirum omnes amiserant, quibus per illud triduum, quo in finibus nostris moram fecerant, nec cibum, nec potum, nec ullam indulserant requiem: item indumenta, & vestium genera quælibet (ut præmisimus) omnino ab se reiecerant. Accedebat ad miseriarum cumulum, quod nec victum penitus habentes, frigore, inedia, viarum XXII
tædio, & laboris insueti pondere tabescebant. Reperiebantur ex eis passim aliquando plures, aliquando pauciores, in quos quamuis etiam impotens & debilis, impunè poterat pro suo arbitrio deservire: ignari enim locorum ex eis plerique, putantes, domum redire, nostris se vicis aut viatoribus, aut eos quærentibus offerebant. Arabes interea, infidum genus hominum, videntes quidem casum qui Turcis acciderat, ad illos properant, quos superius cum sarcinis apud *Laris* ciuitatem diximus relictos, quos nunciata suorum strage territos, in fugam vertunt: eos quoque nihilo minus, qui quocunque casu nostrorum manus euaserant, durius insequuntur; & qui XXIII
a nobis elapsi videbantur, illis dabantur ad prædâ: ita ut impleretur videretur illud Propheticum: *Residuum locustæ, comedit bruchus.* Id enim moris huic generationi XXIV
nequâ esse dicitur, ut sub quocunque ducè ingrediantur ad prælia, anceps soleant declinare certamen: & quandiu bellorum dubius est euentus, de remoto conspiciere: demumque adherere victoribus; victos verò tanquam hostes insequi, & de eorum locupletari spoliis. Igitur per dies multos de syluis, de montibus, de ipsa etiam solitudine educebantur captiui: aliquando etiam sponte nostris occurrebant, satius arbitantes carceri & vinculis mancipari, quam frigore & inedia tabescere & cruciari. Interea dominus Rex prædâ, & manubiis, lege belli distributis, votiuas gratiarum actiones pro collatis sibi à Domino beneficiis soluturus, *Hierosolyman* XXV
properauit. *Salahadinus* autem, qui cum tanta superbia, & tam multiplici equitatu ascenderat, diuinâ percussus manu, vix cum centum equitibus reuersus est: ipse quoque camelo inuectus dicitur. Intueri libet & considerare interius, diuini huius muneris largitatem; & quomodo in nobis exhibita nobis liberalitate, hanc vniuersam sibi voluit pius consolator gloriam vindicare. Nā si præsentī operi diuinitus procurato, Comes Flandriæ, Princeps Antiochenus, Comes Tripolitanus, & illa militum multitudo quæ aberat, interfuisset, more imprudentum, & qui solet in prosperis ir- XXVI
rumpere fastus, etsi non verbo, saltem cogitatione non vererentur dicere: *Manus nostra excelsa, & non Dominus fecit hæc omnia.* At nunc iuxta verbum suum, quod scriptum est, *Ego gloriam meam alteri non dabo:* reseruata sibi penitus auctoritate & gloria, XXVII
non in multitudine, sed paucorum usus ministerio; & Gedeonis innouans clementer miracula, innumeram strauit multitudinem: significans, quod *ipse sit, & non alius, cuius beneficio vnus persequitur mille, & duo fugant decem millia.* Ei ergo ascribatur, XXVIII
quo est omne datum optimum, & omne donum perfectum: quia non est in hoc præsentī articulo, quod operibus suis imputare possit homo. Diuinæ enim gratiæ munus est, & non meritis exhibitum: *Tuum est opus, Domine, extendisti enim manum tuam, & deuorauit eos terra: in multitudine gloria tua deposuisti omnes aduersarios meos.* Cum hæc apud nos peraguntur, Comes, & qui cum eo erant, in obsidione supradicti castrī perseuerabant, sed inutiliter: nam in dissolutionem dati, aleis & cæteris noxiis voluptatibus maiorem dabant operam, quam disciplina militaris aut obsidionis lex ex- XXIX
peteret; continuis itineribus Antiochiam properabant, vbi balneis, commestrationibus, & ebrietatibus & cæteris lubricis voluptatibus dediti, desidlis obsidionem deserebant. Sed neque ii qui ibi iuges & assidui videbantur, negligentia torpentes aliquid utilitatis operabantur, terebant ocia, & *palustres* trahebant dies. Ipse etiam Comes singulis diebus minabatur, quod cum redire oporteret, quodque inuitus ibi detinebatur: quod verbum non solum eos qui in obsidione erant exterius, ab honesto reuocabat proposito; sed etiam obsessos reddebat ad resistendum promptiores: sperantes enim in vicino soluendam obsidionem, proponebant hoc modico tem-

pore melius esse cuncta tolerare, etsi dura videretur quæ possent inferri, quam municipium fidei suæ creditum, inuisis prodere gentibus, & prodicionis notam incurrere perpetuam. Erat autem prædictum castrum in edito loco situm, in colle constitutum, qui ex maxima parte videbatur congestus, ex vno solo latere impugnabilibus aditum præbens: in reliquis autem etsi assultus dare volentibus minimè peruius, tamen undique machinis liberè poterat flagellari. Post varios igitur euentus & frequētes assultus, quibus si ex animo res gesta esset, & propitia adesset diuinitas, posse capi videretur, decidit res in negligētiā, ut prædiximus; & peccatis nostris exigentibus, ita omnis nostrorum emarcuit virtus, & euacuata est omnis prudentia, ut cum iam qui inclusi tenebantur, in supremam desperationem incidissent, nostri coeperint de reditu ad propria tractare. Admirari non sufficimus (esse enim videtur amplius opinione hominum) quod tantis Principibus tantam induxit Dominus mentis caliginem; & ita in indignatione sua eos cæcitate percussit, quod nemine compellente, castrum iam penè expugnatum, solā stimulante inuidiā, & negligentiā reuocante, hostibus dimitterent. Videns ergo dominus Princeps, quod ita Comes Flandriæ fixerat propositum, quodque in hoc verbo irreuocabiler erat obstinatus, sumptā ab obsessis, in incerta nobis quantitate, pecuniā, obsidionem soluit. Comes autē Flandriæ Hierosolymam rediens, completis sibi solemnibus sanctæ Paschæ diebus, ad reditum se parat; aptatisq; galeis & nauibus ad onera deuchenda necessariis, per dominum Imperatorem Constantinopolitanum, ad propria rediturus, à Laodicea Syriæ, nauigationis suæ iter arripuit, in nullo relinquens post se in benedictione memoriam. Eodem tempore dominus Fredericus Romanorum Imperator, post vicissimum annum schismatis, cum domino Alexandro Papa, apud Venetias pacificatus est. Per idem quoque tempus cum sanctæ vrbis Hierusalem, propter nimiam vetustatem, muri iam ex parte corruissent, factā collatione inter Principes, tam seculares quam ecclesiasticos, collecta est certæ quantitatē pecunia annuatim persoluenda, quousque auctore Domino, opus consummaretur: ut impleretur illud, *Benigne fac in bona voluntate, sic ut edificentur muri Hierusalem.* Anno ab incarnatione Domini *MCLXXVIII.* qui erat Regni domini *Baldvini* quarti, annus quintus, mense Octobri, cum anno præcedente indicta esset per vniuersum Latinorum orbem, Romæ Synodus generalis, ad eandem Synodum vocati, profecti sunt de nostro Oriente, ego *Willelmus* Tyrensis Archiepiscopus, *Heraclius* Cæsariensis Archiepiscopus, *Albertus* Bethleemita episcopus, *Radulphus* Sebastenus episcopus, *Ioscius* Aconensis episcopus, *Romanus* Tripolitanus episcopus, *Petrus* Prior ecclesiæ Domini Sepulchri, *Rainaldus* Abbas ecclesiæ montis Sion. Prædictus verò *Ioscius* non solum ad Synodum properabat nobiscum, verum ad dominum *Henricum* Burgundix Ducem legatione fungebatur, ut eum ad nos euocaret. Conueneramus enim vnanimiter, ut domini Regis sororem, quam prius Marchio habuerat, eisdem conditionibus eidem in matrimonio concederemus: quod verbum cum idem Dux per manum prædicti domini Episcopi, prius grater susceperat; & etiam, ut dicitur, iuramento propriæ manus, se venturum firmasset, causis quibusdam adhuc nobis incognitis, venire renuit, iuramenti quod præbuerat immemor, & fidei quā so obligauerat prodigus inuentus. Eodem mense quo nos iter ad Synodum arripuimus, dominus Rex cum omnibus Regni viribus, castrum quoddam super ripas Iordanis, in eo loco qui vulgò *Vadum Iacob* appellatur, aggressus est ædificare. Habent traditiones veterum, cum esse locum vbi Iacob de Mesopotamia rediens, missis nunciis ad fratrem, factisque duabus turmis, dixit: *In baculo meo transiui Iordanem istum, & nunc cum duabus turmis regredior.* Est autē in pago *Cades Nepthalim*, inter *Nepthalim* & *Dan*, quæ alio nomine appellatur *Paneas*, alio etiam *Cæsarea Philippi* dicitur: quarum vtræque Phœnicis constat esse portionem, & Tyrensis metropolis vrbes suffraganeas. Distat autem à *Paneade* miliaribus decem. Porro collis erat ibi modocriter eminens, super quem fundamenta iacentes profunditate congrua, murum miræ spissitudinis, in quadrum ædificantes opere solidissimo, ad conuenientem altitudinem, infra sex menses erexerunt. Contigit autem, dum in ædificando ibi moram facerent, egressi sunt latrunculi de partibus Damascenis, qui vniuersas ita obsederant vias, quod non nisi cum periculo ire ad exercitum, aut inde redire, aut vias carpere quaslibet viatores possent. Erant autem prædicti latrunculi de loco

loco in montibus* Acconibus sita, cui *Bacades* nomen, qui vulgò *Bucael* dicitur. Hic locus in finibus *Zabulon* situs est, amœnus admodum: & licet in summis montium, tamen aquis irriguus est, & arborum fructiferarum frequentia confusus, habitatores habens insolentes, armis strenuos, & numerositate superbos, adeò, ut vicinorum agros & suburbana finitima sibi facerent tributaria: maleficis, & debita supplicia fugientibus, aggressoribus quoque & viarum effractoribus tutum apud se præbentes refugium, ob prædæ & vi raptarum rerum, quod eis dabatur, participium. Erant ergo omnibus per circuitum propter intolerabilem eorum arrogantiam, tam nostris quam etiam Sarracenis inuisi & odibiles facti, ita ut sæpius fuerit attentatum eos funditus extirpare: sed successum res non habuit: unde & singulis diebus fiebant proteruiore. Quorum intolerabilem superbiam, furta commissa, perpetrata homicidia, dominus Rex non ferens, locum prædictum subito & violenter occupans, quos comprehendere potuit, neci dedit: sed fugerunt ex parte maxima, præcognito domini Regis aduentu; & ad partes Damascenas, cum vxoribus & parvulis se contulerunt. Inde frequentes in prouincias nostras, occultè tamen, irruptiones, veteris consuetudinis non immemores, facere consueuerant. Nunc autem adiunctis sibi eiusdem factionis consortibus, fines nostros ingressi erant, ut præmissimus. Quod audientes nostri, indignati, quòd huiusmodi homines vias publicas ita fecerant periculosas, locis competentibus eis ponentes insidias, operam dabant sollicitam, quomodo eos possent præuenire. Accidit autem nocte quadam, quòd ipsi factâ prædâ de montibus *Zabulon* descendentes, volentes se ad partes unde exierant conferre, in nostros, qui eis insidias parauerant, incidentes, viarum suarum fructum collegerunt: captis etenim ex eis nouem, septuaginta & plures interfecti sunt. Accidit autem hoc, mense Martio, duodecimo Kal. Aprilis. Per idem tempus Romæ celebrata est Synodus in *Basilica Constantiniana*, qui dicitur *Lateranum*, trecentorum episcoporum: Pontificatus domini *Alexandri* anno vigesimo, mense Martio, Indictionis duodecimæ, quinta die mensis. Cui si quis statuta & episcoporum nomina, numerum & titulos scire desiderat, relegat scriptum quod nos ad preces sanctorum Patrum, qui eidem Synodo interfuerunt, confecimus diligenter: quod in Archiuo sanctæ Tyrensis ecclesiæ, inter cæteros, quos eidem contulimus ecclesiæ libros, cui iam sex annos præfuius, iussimus collocari. CON. XVII.

fructu igitur castro & ex partibus suis absoluto, nunciatum est domino Regi, quòd in eam syluam quæ *Pancaden*si adiacet ciuitati, hostes incautè pascua sequentes, greges immiserant & armenta, non habentes secum illas militum copias, quibus freti nostris irruentibus possent resistere. Arbitrantur ergo nostri quòd immunitos eos, sicut nunciatum fuerat, & præliaribus auxiliis destitutos, facile possent opprimere, illuc occultè tendunt: & ut latenter & ex improviso, celatoque eorum aduentu possent irruere, de nocte iter aggrediuntur, & de nocte accelerant. Mane igitur facto ad locum destinatum perueniunt: ubi aliis ad alia præliandi gratia properantibus loca, aliis lentè nimis, & de remoto subsequenter, ea acies in qua Rex erat, imprudenter nimis quibusdam septis lapideis se immergit, ubi ex hostibus latebant nonnulli: audito enim nostrorum aduentu, latere disposuerant, ut declinato nostrorum impetu, propriæ saluti eo modo possent consulere. Videntes nostros super eos irruisse incautiùs, licet inuiti & de vita desperantes, facti sunt, ipsâ necessitate urgente, fortiores: & subito exilientes, videntes nostros inter angustias, instant animosius: & quibus satis fuerat priùs, latendo posse declinare aduersarium, interfectis equis, sagittis eminus missis, nostros comprimunt violenter. Videns itaque dominus Constabularius hostem ex improviso emeruisse, eis cum multo impetu se ingerit mediù: dum de more viriliter dimicat, dominumq; Regem in arto positum, ne in eum periculosius irruatur, fideliter protegit, & ab iniuriis vendicat potenter, crebris & violentis ictibus lacessitus, & leralibus confossus vulneribus, tandem suis cum eripientibus, vix in equo reuocatus est. Ceciderunt porro in ea congressione viri memorabiles, & pia recordatione digni: Iuuenis quidam elegantis formæ, & honestis pollens moribus, nobilis & diues, *Abraham de Nazareth*, & *Godescalcus de Turo*lte, qui etiam bonam sui reliquit existimationem; & alii pauci inferioris manus. His ita se habentibus, de casu tam periculoso dominus Rex suorum ereptus operâ, ad castra unde exierat, reuersus est: ubi suos qui ad varia inordinatè dispersi

fuerant recepit. Dominus verò *Henfridus* regius Constabularius, ingrauescentibus doloribus, ad *Castellum nouum* quod ipse adhuc ædificabat, delatus est. Factum est autem hoc, quarto Idus Aprilis. Decubans ergo ibi & per dies quasi decē, cum dolore vitam protrahens, supremo iudicio memoriter & prudenter ordinato, vir per omnia commendabilis, decimo Kal. Maii, patriæ perpetuò lugendus, viuendi fecit finem; & in ecclesia beatæ DEI genitricis & semper Virginis, apud nobile, & famosum castrum eius, *Toronum* videlicet, debitā magnificentia sepultus est. Quo defuncto, statim intra eundem mensem, *Salahadinus* prædictum castrum, quod de nouo fuerat constructum, sexto Kal. Iun. obsidet; crebrisque insultibus, & denso sagittarum nimbo fatigare cœpit violenter inclusos: cum ecce vnus de interioribus, cui nomen erat, ut dicitur, *Ruynorius de Marum*, vnum de ditioribus, Admiratis sagittarum faucium intereunt: pro cuius obitu omnes ita consternati sunt, ut infecto negotio, solutâ obsidione discederent. **XXVIII.** Sequenti mense, cum iam prædictus *Salahadinus*, bis, iam vel eo amplius in pago Sydoniensi violenter esset ingressus, & liberè satis, nemini cohibente, quædam incendia, hominum quoque stragem exercuisset, adiecit iteratò, introire: locatisque castris inter urbem *Pancadensem*, & fluuium *Dan*, excursus præmiserat frequenter qui prædas agerent, incendia procurarent. Ipse autem, quasi pro subsidio, castra nō deferens, eorum reditum & aggressionū euentum expectabat. Nunciatum est interea domino Regi, quod ita per fines nostros *Salahadinus* desuisset: qui assumpto sibi Dominicæ Crucis ligno, cōuocatisq; suis, quoscunque colligere vnde cunque potuit, ad urbem properat Tyberiadensem: inde per oppidum *Sephet*, per urbem antiquissimam *Nasfon*, ad prædictum *Toronum* cum suis peruenit. Vbi, frequentibus nunciis intercurrentibus, p̄o certo comperit *Salahadinum* cum exercitu suo adhuc in eodem perseverare loco: suos autem leuioris armaturæ milites, qui præmissi fuerant, agros Sydoniensium hostiliter depopulari, cædes, incendia, prædas exercere. Habitâ itaque deliberatione, placuit omnibus, hostibus obuiam ire. Iude ergo, iuxta condictum contra *Pancadem* exercitum dirigentes, perueniunt ad vicum qui dicitur *Mesaphar*: vnde quia in summis montibus situm est, prospicere erat totam subiectam regionē vsque ad radices Libani; castra quoque hostium dabatur eminus intueri. Patebant quoque nihilominus prospectibus singulorum, inimicorum discursus & incendia. Descendentes igitur nostri per mōris decliuum cum festinatione, turmas peditum secum trahere non poterant: fessi enim erant oppidò viæ longinquitate, nec poterant equites passibus adæquare. Vnde cum paucis peditibus, qui agiliores inuēti sunt, in planiciem quæ statim montibus subiecta est, deuenerunt in eum locum, qui vulgò *Mezzium* appellatur. Per aliquot igitur horas, ut plenius deliberaretur quid factū opus esset, ibi subliterunt. Interea *Salahadinus* de subito Regis aduētū aliquantulum perterritus, timens suis excursoribus, quos quasi à se & suis videbat exclusos; timens item ne in castra irruerent, impedimēta, sarcinas & omnem suppellectilē inter murum & antemurale vicinæ urbis cōportari præcipit, ut ad quēlibet belli euentum expedior inueniatur. Succinctus ergo, & dubius plurimum, rei exitū præstolabatur. Verum excursus qui prædatū ierant, audito nostrorū aduentu, perterriti, postpositis aliis optimum ducunt, si suorum agminibus possint aggregari. Transmisso ergo fluuio, quod per medium diuidit Sydoniensium agros, & prædictam planiciem, in qua diximus nostros esse, occurrūt nostris: vbi inito cominus prælio, nostri statim, propitio Domino, fiunt superiores; multisque interfectis & ad terram deiectis, pluribus in fugam versis hostes, ad castra suorum se conferre nituntur. **XXIX.** Dum hæc ita se haberent, *Odo* magister Militiæ Templi, & cum eo Comes Tripolitanus, deinde alii sequentes, collem quendam sibi obuium ascenderunt, flumen habentes ad læuam; a dextris verò erat eis planicies maxima, & castra hostium. Audiens ergo *Salahadinus* suos grauari, expositos periculo, neci quoque datos, parat eis subsidium ministrare: in quo proposito dum fixus maneret, ecce suos qui euaserant, fugientes, videt: Quibus occurrens, cognito rei statu, animos verbis addit, in aciem reuocat; nostris quoq; insequentibus & nimium securis, subito se immergit. At verò pedites nostri de spoliis eorum qui interfecti fuerant, ditati, putantes nihil superesse ad consummatam victoriam, secus ripam fluminis castrametati, quieti consederāt: equites verò hostes super se, quos deuictos putabant, reparatis viribus videntes irruere,

struere, non habentes ferias vel ocium, ut iuxta militarem disciplinam, acies instruerentur, ordinarentur agmina, ordine confuso decertantes, resistunt ad tempus, & hostium perseveranter sustinent impetus. Tandem viribus impares, nec se cum disperi essent inordinati, mutuo iuvantes, in fugam versi succumbunt turpiter. Cumque satis commodè hostes insequentes, per alia loca possent declinare, & in tutum se locare, peccatis nostris exigentibus, deteriore deliberationis partem secuti, in angustias scabris rupibus obsitas, & penitus exitum negatibus se immergunt: ubi nec ad anteriora procedere, nec nisi cum mortis periculo, per hostium manus redire datur: qui fluvium transierunt vitæ & saluti consulentes, ex maxima parte, in municipium proximum cui nomen *Belfort*, se contulerunt: alii flumen transeuntes & ulteriorem ripam secuti, versus Sidonem euntes, confusi prælii æstus periculosum declinaverunt. Quibus cum dominus *Raimaldus* Sidoniensis cum suis, qui ad exercitum festinabat, occurreret, intellecto quod acciderat infortunio, eis etiam monitionibus, Sidonem reuersus est. Quod factum, in illa die, multiplex damnum creditur intulisse. Verisimile est enim, quod si in castrum suum continuo itinere se recepisset, cooperantibus oppidanis, & rusticis locorum peritis, multos eripuisset hostibus, qui nocte illa in cauernis, in rupibus latentes, sequenti mane discurrentibus & cuncta perfractantibus inimicis, inuenti, capti, vinculis mancipati sunt. Dominus autem Rex, quorundam fidelium suorum fretus auxilio, euasit incolumis. Comes quoque Tripolitani, cum paucis *Tyrum* peruenit. Capti sunt ibi de nostris, *Odo de sancto Amando* Militiæ Templi Magister, homo nequam, superbus & arrogans, spiritum furoris habens in naribus, nec Deum timens, nec ad hominem habens reuerentiam. Hic, iuxta multorum assertionem, damni prædicti & perennis probri occasionem dicitur dedisse: qui eodem anno quo captus est, in vinculis & squalore carceris, nulli lugendus, dicitur obiisse. *Baldwinus* quoque de *Ramis*, nobilis vir & potens; *Hugo* quoque de *Tyberiadē*, domini Comitis Tripolitani priuignus, adolescens bonæ indolis, & acceptus plurimum; & alii multi, quorum nomina non nouimus, nec numerum, capti sunt. Rebus igitur nostris sic se habentibus, & in imo collocatis, ecce dominus *Henricus* Comes Trecentis, vir magnificus, senioris *Theobaldi* Comitis filius (quem nos à Synodo redeuntes, apud Brundisium Apuliæ ciuitatem dimiseramus) apud Acconensem ciuitatem, cum multo nobilium comitatu applicuit. Venerant, ut præmisimus, nobiles multi in eodem transitu, dominus videlicet *Petrus de Corteniacō*, domini *Ludouici* Francorum regis frater; dominus quoque *Philippus*, domini Comitis *Roberti*, eiusdem domini Regis fratris filius, Beluacensis electus: quorum aduentu, nostri, anterioribus casibus plurimum consternati, aliquatenus tamen in spe erecti sunt, sperantes quod tot tantorumque nobilium patrocinio propulsare futuras, præteritasque vlcisci possent iniurias: verum aduersa nobis diuinitate, nec priores depulerunt, sed etiam in maiores descenderunt molestias. Nam hostis noster immanissimus *Saladinus*, dextris euentibus & prosperâ fortunâ, in tantam est elatus superbiam, ut subito antequam nostris ad modicum respirare liceret, castrum nostrum, quod nuper Aprili proximè præterito fuerat consummatum, obsideret. Traditum sanè fuerat sæpe dictum castrum fratribus Militiæ Templi, qui omnem illam regionem de concessione Regum sibi vendicabant, statim postquam fuerat consummatum, eorumque diligentia commissum. Quod ubi domino Regi fuit nuntiatum, conuocans Regni robur omne, & militiam vniuersam, accito quoque domino *Henrico* Comite, & aliis nobilibus viris, qui aduenerant, apud Tyberiadē properat: ubi collectis vniuersis Regni Principibus, opem ferre obsessis, hostes ab obsidione amouere proponit: dumque expectat, & in diem apparatus differtur, nunciatur castrum prædictum, sicut verè erat, ab hostibus violenter captum, funditusque usque ad solum dirutum, occisis omnibus aut captiuatis, qui in eo ad tuitionem relictii fuerant. Sicque accessit damnis prioribus, maior confusio: ut verè dici posset, *Recessit ab eis Dominus DEVS eorum. Verè iudicia DEI, abyssus multa; verè terribilis est DEVS in consiliis super filios hominum.* Nam qui tantam fidelibus suis, anno proximè præterito contulerat sui muneris immensitatem, tantâ eisdem nunc indui reuerentiâ passus est, & confusione. An quis nouit sensum Domini? aut quis consiliarius eius fuit? Quid est Domine DEVS? Quia hic præsens multitudo, & nobilium numerus erat, subtraxisti gratiam, ne sibi ascribant, quod meritis non datur, sed gratiâ: aut quia de collato gratis priore beneficio, non

~~~~~



*satis uberes tibi benefactori suo gratiarum persoluerant actiones: aut quia flagellas, Domine, filium quem recipis: imple facies nostras ignominia, ut queramus nomen tuum sanctum, quod est benedictum in secula. Scimus, Domine, & confitemur, quia tu non mutaris. Tu enim dixisti: Ego Deus, & non mutor: quicquid tamen id est, scimus quia iustus es Domine, & rectum iudicium tuum. Per idem tempus renouatum est verbum, quod anno proximè præterito de duce Burgundie motum fuerat, cum domino Comite Hérico, eius auuntulo: sperabatur in proximè futuro transitu venturus esse: sed sicut postea euidenter patuit, causis quibusdam occultis adhuc, venire recusavit.*

EXPLICIT LIBER VIGESIMVS PRIMVS.



## CAPITVLA LIBRI VIGESIMISECVNDI.

*I. Rex sororem suam, quæ Marchionis uxor fuerat, cuidam adolescenti, Guidoni videlicet de Liziniaco uxorem tradit. Cum Salahadinus, paribus conditionibus, præter solitum, treuga firmatur.*

*II. Salahadinus partes Tripolitanas hostiliter inuadit; & segetes & terra bona depopulatur.*

*III. Classis Ægyptiorum ad insulam Aradum accedit. Comes Tripolitanus cum Salahadino fœdus init.*

*IV. Tyrensis Archiepiscopus à Constantinopoli regreditur: dominus Ludouicus Rex Francorum vitâ decessit.*

*V. Rex sororem suam iuniorem, Henfredo tertio uxorem tradit. Constantinopolitanus Imperator, vitâ defungitur.*

*VI. Princeps Antiochenus occasione pelliis, quam uxori viuenti superduxerat, anathemati subiicitur. In Alexium Imperatorem conspiratur.*

*VII. Hierosolymitanus Patriarcha Antiochiam dirigitur, ut rei periclitanti tentet asferre remedium. Alexander Papa vitâ decedit.*

*VIII. Noradini filius moritur, domino Massula consanguineo suo hereditate relicta.*

*IX. Inter regem & Tripolitani Comitem simulas oritur periculosa, & usque ad odium manifestum procedit.*

*X. Constantinopoli tumultus oritur; & prævalente viro nequam Andronico, Latinorum populus exturbatur.*

*XI. Causse tumultus & dissensionis assignantur.*

*XII. Urbem & palatia, interfectis nobilibus, Andronicus occupat, & violenta dominatione populum opprimit.*

*XIII. Populus Latinorum, qui in galeis se receperat, insulas & loca maritima hostiliter depopulatur.*

*XIV. Salahadinus fœdus quod cum domino rege inierat, rescindit: Rex illi ultra Iordanem occurrit. Turci vicum Buriam effringunt,*

*habitoribus eius in captiuitatem redactis.*

*XV. Idem castrum nostrum in nostraregione Suicide, speluncam videlicet munitissimam, occupat violenter.*

*XVI. Idem fines nostros violenter ingreditur; apud castrum Forbelet pugna committitur, ancipiti victoria.*

*XVII. Idem classe vocatâ ex Ægypto, urbem obsidet Berithensium.*

*XVIII. Rex ad eius liberationem properas, usque Tyrum peruenit. Salahadinus obsidionem soluit.*

*XIX. Salahadinus Euphratem transit, Mesopotamiam ingressus.*

*XX. Rex fines Damascenorum hostiliter depopulatur.*

*XXI. Idem præsidium quod proximè Salahadinus occupauerat, obsidet; obsessum occupat, & Christianitati restituit.*

*XXII. Rex iterum fines Damascenorum cum suis expeditionibus ingreditur.*

*XXIII. Censui in regno colligitur, quo contra futuros casus regnum se tuatur.*

*XXIV. Salahadinus Halapiam obsidet; & obsessam quibusdam conditionibus interpositis obtinet. Princeps Antiochenus cum Rupino Armenorum Duce Tarsum commutat.*

*XXV. Rex apud Nazareth agritudine correptus valida, Guidonem de Liziniaco, Comitem Ioppensem, regni procuratorem constituit.*

*XXVI. Salahadinus cum ingentibus copiis fines nostros ingressus, circa partes Scythopolitanas consedit: nostri occurrunt ei.*

*XXVII. Fames in exercitu oritur valida; tandem sine commissio prælio, tam nostri quam hostes ab inuicem discedunt.*

*XXVIII. Salahadinus urbem Petracensem trans Iordanem obsidet; & obsessam impugnat hostiliter.*

*XXIX. Rex Comiti Iopensi administrationem aufert; Balduinum nepotem suum regio diademate coronat.*

*XXX. Rex congregatis copiis ultra Iordanem festinat, ut obsessis subueniat. Salahadinus obsidionem soluit.*

EXPLICIT CAPITVLA LIBRI VIGESIMISECVNDI.

INCIPIT

## INCIPIT LIBER VICESIMVSSECVNDVS.



Eodem quoque tempore dominus *Boamundus* Antiochenorum CAP. 2.  
 Princeps, & dominus *Raimundus*, cum militia in Regnum in-  
 gredientes, dominum Regem terruerunt, timentem, ne res ho-  
 uas moliri attentarent: videlicet ne Rege, regno priuato, sibi re-  
 gnum vellent vendicare. Premebatur enim solito acrius Rex  
 ægritudine suâ, & singulis diebus lepræ signum magis & magis  
 euidēs prominebat. Sotor autem domini Regis, quæ Marchio-  
 nis vxor fuerat, adhuc in sua viduitate perseuerabat, Ducem, vt præmissus, expē-  
 ctans. Cognoscens ergo Rex illorum nobilium, & licet vterque esset eius cōsangu-  
 neus, suspectum habens aduentum, sorori maturat nuptias: & quamuis nobiliores  
 & prudentiores, ditiores etiam in Regno, tum de aduenis tum de indigenis potuis-  
 sent reperiri, penes quos multo commodiūs, quantum ad Regni vtilitatem, illa pos-  
 set locari: non satis attendens, quod *malè cuncta ministrat impetus*, tamen causis qui-  
 busdam interuenientibus, cuidam adolescenti satis nobili, *Guidoni* videlicet de *Li-*  
*simaca*, filio *Hugonis Bruni*, de Episcopatu Pictauiensi, ex insperato traditur, infra Pa-  
 schalia, præter morem, sollemnia. Prædicti verò nobiles viri, videntes quod eo-  
 rum aduentus, domino Regi & suis suspectus habebatur, orationibus de more cō-  
 pletis, domum reuersi sunt. Medio tamen tempore, dum ambo apud Tyberia-  
 dem, per aliquot dies moram facerent, ignarus de eorum præsentia, in ipsam vr-  
 bem impetum fecit *Salahadinus*: nihil tamen damni ciuibus irrogans, iterum in fi-  
 nes Pancadenſes se recepit: dumque ibi moram cum suis exercitibus haberet, ex-  
 spectans, vt postea patuit, naualem exercitum, quem totâ hyeme præcedente, quin-  
 quaginta galearum parari fecerat, dominus Rex suspectam eius habens moram,  
 nuncios mittit, qui de *tregua* haberent cum eo tractatum. Quod verbum ille, vt di-  
 citur, grateranter admisit; non quia de viribus suis diffideret, aut nostros, quos toties  
 eo anno confuderat, aliquatenus haberet formidini: sed quia ariditate nimia &  
 propter pluuiarum inopiam, omne alimentorum genus, tam equis, quàm homini-  
 bus, in regione Damascena, per continuum defecerat quinquennium. Factæ sunt  
 igitur, tam per mare quàm per terras, tam aduenis quàm indigenis & hinc inde iu-  
 ramenti interpositis roboratæ, humilibus satis quantum ad nos conditionibus, in-  
 duciæ: quodq; nunquam antea dicitur contigisse, paribus legibus fœdus inirum est,  
 nihil præcipui nostris sibi in ea pactione referuantibus. Eodem anno, ætate  
 quæ proximè secuta est, idem *Salahadinus*, locatâ Damascenâ & Bostrenſi in tuto  
 prouinciâ, equitum copias omnes, versus partes dirigit Tripolitanas; ibique locatis  
 castris turmas dispergit per vniuersam regionem militares. Comes autem cum suis  
 in urbem *Archis* se contulerat, operiens si ei daretur opportunitas cum hostibus abs-  
 que graui periculo committendi. Porro fratres *Militie Templi*, cum essent in eadem  
 regione, in suis municipiis clausi tenebantur, expectantes omni penè horâ vallari  
 obſidione; nec se congressionibus temerè committere audebant. Identidem & fra-  
 tres *Hospitalis*, timentes, in castrum suum, cui nomen erat *Crach*, se contulerant; arbi-  
 trantes satis esse, si in tanto tumultu præfatum oppidum ab iniuriis hostium possent  
 vindicare. Erant ergo media hostium agmina inter prædictorum Fratrum & do-  
 mini Comitum expeditiones, ita vt mutuum sibi non possent ministrare auxilium,  
 nec etiam dirigere internuncios, qui de singulorum statu alterutros valerent in-  
 struere. At verò *Salahadinus* per campeſtria, & maximè per loca culta passim obam-  
 bulans, & nemine se opponente, liberè cuncta perlustrans, fruges partim in areis iâ  
 congestas, partim per agros manipulatim collectas, partim adhuc solo hærentes,  
 suppositis ignibus incendit, prædas abigit, depopulatur vniuersa. Dum hæc in  
 partibus illis geruntur, ecce circa Kal. Iunias, naualis exercitus eius in partibus  
 subito apparuit Berythenſibus: cuius exercitus primicerii, postquam pro certo cō-  
 ſtitit quod *Salahadinus* cum domino Rege fœdus inierat, reuerentiam habentes  
 ad leges pacis quas indixerat, timuerunt Berythenſium finibus & infra totius regni  
 terminos, iura fœderis violare. Audientes quoque, quod eorum dominus in par-

tibus Tripolitanis cum suis expeditionibus moram faceret, illuc properant, & insulam *Aradum* (quæ vrbi Antaradensi opposita est, vix tribus miliaribus ab ea distans) galeis in portu commodè locatis, occupant. Hanc insulam dicitur primus habitasse, & in ea urbem munitissimam sui nominis ædificasse *Aradius* Chanaan filius, nepos Noë, vnde *Arados* dicta est. Huic ab Oriente vicina est ciuitas iterum olim valde nobilis, quæ ex eo, quod prædictæ ciuitati è regione opposita est (vt superius diximus) *Antarados*, hodie verò corruptâ nuncupatione *Tortosa* dicitur: vbi Apostolus Petrus Phœnicen circumiens, in honore Dei genitricis dicitur Basilicam fundasse modicam, quæ multo populorum vsque hodie frequentatur accessu; & vbi diuinitus, per eiusdem semper Virginis intercessionem, multa dicitur indigentibus fidelibus præstari beneficia. Hæ vrbes ambæ Tyrensi metropoli suffraganeæ, cum alia illis contermina, quæ *Marackee*, prouinciæ Phœnicis dicitur portio, intelliguntur. Applicati ad prædictam insulam, regionem vniuersam terrore concutiunt, ibique mandatum domini sui operientes, domum supra portum Antaradensem incendunt, damna ciuibus maiora, sed incassum inferre molientes. Interea *Salabadinus* regionem pro suo arbitrio depopulatus, classi mandat vt redeat: ipse quoque reuocatis agminibus, in suos se recepit fines. Paucis tamen postmodum euolutis diebus, inito fœdere cum domino Comite, interius in regionem se contulit Damascenorum.

IV.

Per idem tempus cum per menses septem continuos, cum illustri memorie domino *Manuele* Constantinopoleos Imperatore magnifico, moram nobis & Ecclesie nostræ perutilem fecissemus, quartâ post Pascha feriâ, licentiam redeundi ad propria per multam obtinuimus instantiam. Qui commendatis nostræ deuotioni, legatis suis, viris nobilibus & magnificis, in galeis quatuor, quas nobis more Imperiali liberaliter nimis concesserat, transcursum *Tenedo*, *Mutylene*, *Chio*, *Samo*, *Delo*, *Clarus*, *Rhodo*, *Cypro* insulis; à læua autem relictis *Phrygiâ*, *Asiâ* minore, *Lyciâ*, *Lycœoniâ*, *Pamphyliâ*, *Isauriâ*, *Ciliciâ* prouinciis, fauces *Orontis* fluminis, & *Seleuciæ* portum, qui hodie dicitur *sancti Symeonis*, quarto Idus Maias attigimus, propitiâ Diuinitate, saluis rebus, & corpore incolumes. Non videtur tamen prætereundum, sed erit præsentis historiae articulus non modicus; quod dum in Vrbe regia moram (vt prædiximus) tum ingruentis hyemis necessitate, tum felicissimi domini Imperatoris mandato faceremus, contigit eum paternâ prouisione, & mente quodammodo præfagâ dematuro ex hac luce exitu, geminam sobolem suam, filium videlicet & filiam, matrimonii legibus alterum vxori, alteram viro copulare. Filio sanè adhuc impuberi, vix annorum tredecim, *Alexio* nomine, aui paterni nomen referenti, illustri Francorum Regis domini *Ludouici* filiam, vix annorum octo, *Agnethem* nomine, solenniter contulit, Imperialibus insignibus vtrique collatis, in palatio domini Constantini senioris, in ea parte palatii quæ dicitur *Trullus*: vbi & sancta & vniuersalis Synodus sexta, temporibus *Constantini*, filii *Constantini*, filii *Heraclii*, dicitur fuisse congregata. Filiam verò nuptui collocauit apud adolescentem nomine *Reinerium*, *Willelmi* senioris Marchionis de Monte ferrato filium, domini item *Willelmi* fratrem, cui nos Regis nostri sororem contuleramus. Hunc, quasi annorum decem & septem, per suos apocrisarios dominus Imperator fecerat euocari, qui ante nostrum aduentum in Vrbe regiam diebus circiter quindecim descenderat: factaq; morâ tam in vrbe quàm in expeditione cum domino Imperatore, redeunte quoq; domino Imperatore circa Epiphaniarum dies in urbem, mense Februario in palatio nouo, quod *Blacherinas* dicitur conuocatâ curiâ suâ, cum Imperiali magnificentia, per manum *Theodosii* eiusdem vrbis Patriarchæ, eidem filiam suam nomine *Mariam*, vxorem dedit, & de nomine patris sui *Ioannem* appellatum, Cæsarem cõstituit. Hanc filiam, *Hirene* vxor eius prior, Imperatrix piæ memoriæ, quæ ei de regno Theutonico in vxorem data fuerat, peperit: nam ex *Maria*, quam secundo duxit, solum *Alexium*, qui hodie imperat, suscepit. Verùm si ludos Circenses, quos ciues illius vrbis *Hippodromos* vocant, & variorum gloriam spectaculorum populo per illos dies cum solennitate exhibitam; si Imperialem circa vestes, & proprii corporis indumenta in lapidibus preciosis & margaritarum pondere & numero excellentiam; si palatii suppellectilem auream, argenteam, numero & pondere infinitam; si velorum ad ornatum dependentium precium; si famulorum & curialium numerositatem scripto comprehendere tentemus; si apparatus, nuptiarum magnificentiam; si effusam in omnes,

tam

tam suos quàm exteros immensæ liberalitatis munificentiam, per singula velimus prosequi, immensitate materiæ sermo succumberet, etiamsi specialis ad hoc deputaretur tractatus. Sed nunc ad historiam redeamus. Completis ergo apud *Antiochiam*, iniunctis nobis ab Imperiali excellētia, cū domino Principe, & cum domino Patriarcha mandatis, domino Rege apud *Berythum* inuento, eo quæ terrestri itinere *Tyrum* properante, nos propitiâ Diuinitate, continuâ nauigatione, pridie nonas Iulii, post annum & menses decem, ex quo ad Synodum profecti eramus, ad Tyrensem reuersi sumus Ecclesiam. Anno septimo regni domini *Baldwini* quarti, decimotertio Kal. Octobris piissimus & Christianissimus Frâcorum Rex, vir virtutum  
10 & immortalis memoriæ dominus *LVDOVICVS*, onere carnis deposito, cœlis intulit animam, cum electis Principibus præmia possessorus æterna: filio vno superstite & herede, *Philippo* nomine, ex *Ala* Regina, filia *Theobaldi* senioris, sorore domini *Henrici* Comitis Trecentium, *Theobaldi* Comitis Carnotensium, *Stephani* Comitis Sainforensium, domini *Wilelmi* Remensis Archiepiscopi: Mortuus est anno regni eius quinquagesimo, vitæ verò sexagesimo. Sequenti mense, pridie nonas Octobris, anno Pontificatus sui vicesimo secundo, dominus *Amalricus* bonæ memoriæ Hierosolymorum Patriarcha, vir simplex nimium, & penè inutilis, viam vniuersæ carnis ingressus est. In cuius loco, dominus *Heractus* Cæsariensis Archiepiscopus, intra dies decem substitutus est. Eodem mense, dominus Rex sororem suam, vix an-  
20 norum octo, cuidam adolescenti *Henfredo* nomine, despondit. Hic tertius *Henfredus*, iunioris *Henfredi* filius fuit, ex *Stephania* Philippi Neapolitani filia: qui secundus *Henfredus*, senioris *Henfredi* de Torono Regis Constabularii, cuius supra sæpius fecimus mentionem, fuit filius: cuius auus maternus, videlicet *Philippus*, dominus fuit *Arabie* secundæ, quæ est *Petræensis*, qui locus hodie vulgò *Crach*, & *Syrie Sobal*, qui locus hodie *Montis Regalis*: quarum vtrique est trans Iordanem. Hic postea conuersus, factus est Magister Militiæ Templi. Tractante ergo & plurimum elaborante Principe *Rainaldo*, matris eiusdem pueri iam puberis, tertio marito, celebrata sunt Hierosolymis prædicti adolescentis, & sororis domini Regis sponsalia. Commutauit præterea patrimonium suum, quod in finibus Tyri per mortem  
30 aui paterni hereditario iure ad se fuerat deuolutum, *Toronum* videlicet, & *Castellum nouum*, & *Pancadem*, cum pertinentiis suis, cum domino Rege certis conditionibus: quarum tenor in Archiuis regiis, nobis dictantibus, per officium nostrum, continetur introductus. Eodem mense, tertiâ mensis die, vir eminentissimus & immortalis memoriæ, omnium principum terræ munificentissimus, dominus *Manuel* Constantinopolitanus Imperator, onere carnis deposito, animam cœlo reddidit: cuius memoria in benedictione, cuius eleemosynas & beneficia largissima enarrabit omnis Ecclesia sanctorum. Defunctus autem dicitur anno Imperii sui  
40 quadragesimo, vitæ verò (quantū adhuc nosse datur) quadragesimo primo. Per idem quoque tempus dominus *Boamundus* Antiochiæ Princeps, relicta dominâ *Theodora* vxore suâ, domini Imperatoris nepte, quandam *Sibyllam*, maleficiis vrentem, vt dicitur, Ecclesiasticâ seueritate contemptâ, in vxorem ducere præsumpsit. Per idem tempus, cū dominus *Ioscelinus* Regis auunculus & Senescalcus, à domino Rege missus pro quibusdam regni negociis, in vrbe Constantinopolitana, & dominus *Baldwinus de Ramis* pro redemptione sua, à domino Imperatore auxilium postulaturus, similiter in eadem ciuitate morant facerent, mortuo iam domino Manuele, piæ recordationis Imperatore, Kal. Martii detecti sunt quidam nobiles, viri magni & illustres, res nouas molientes, contra dominum *Alexium* Imperatorem, filium domini *Manuelis*, conspirasse: quos comprehensos, tanquam maiestatis reos, vinculis mancipari, tradi carceribus, licet eius quidam ex eis essent consan-  
50 guinei, præcepit Imperator, matris adhuc tutelæ, iuxta patris arbitrium, suppositus. Inter quos erant, quasi totius factionis opifices, *Manuel* senioris *Andronici* (vnde superius fecimus mentionem) filius; *Alexius* quoque Protostrator, *Theodora Calasine* neptis domini Imperatoris, filius; item frater *Logotheræ*, qui Canacliui utebatur officio; & alii quidam magnates eximii, circiter duodecim. Sed & eiusdem domini Imperatoris soror, dominâ *Maria*, factionis eiusdem conscia, cum marito Marchionis filio (cuius superius etiam fecimus mentionem) ad Ecclesiâ sanctæ *Sophiæ* nocte confugiens, in pendulo sortis dubiæ, septis Ecclesiæ conseruabatur: vbi

v.

vi.

cum marito contra Imperatorem fratrem, eadem Ecclesiâ armis & militibus communî, cum fautoribus suis, & eiusdem propositi cōplicibus, tentabat aliquid moliri, fauente sibi eiusdem ciuitatis Patriarchâ. Sed tandem conualescentibus Imperatoris partibus, Latinorum maximè fretis auxilio, illa contrafactis viribus de vita desperans, supplex per intercessores veniam postulat; & fratri, indultâ gratiâ, reconciliata est. Eodem tempore, occasione pellicis, quam abiectâ vxore legitimâ, *Boamundus* Princeps Antiochenus superduxerat, turbatus est Orientalium Latinorum status, & maximè Antiochenarum partium principatus. Nam commonitus semel & secundò idem Princeps, vt à tam manifesto adulterii cōmissio recederet, & vxorem ad se reuocaret legitimam: *more peccatoris, qui cum in profundum venerit vitiorum, contemnere solet*; obturatis auribus, vocem noluit sapienter incantantium exaudire, sed obstinatè in peccato perseverans, sententiam in se excommunicationis, meritò latam, suscepit. Cui tamen non multum deferens, sed delictum ingeminâs, tam dominum Patriarcham, quàm eiusdem regionis Episcopos, & alios Ecclesiarum Prælatos, hostiliter persequi cœpit, manus in eis iniiciens violentas; & venerabilium locorum, tam Ecclesiarum quàm monasteriorum, septa violans; res sacras diripiēs, & eorum, nefario spiritu, & ausu temerario, perturbans possessiones; ipsum etiam dominum Patriarcham cū clero, qui ad eum confugerat, in quodam Ecclesiæ municipio, firmo tamen, armis quoque & militiâ simul & victualibus sufficienter cōmunito, dicitur obsidere; & frequentibus, more hostili, eos impugnare congressionibus. Vnde quidam de magnatibus regionis illius, eius non ferentes insaniam, cognoscentes se plus debere Deo quàm hominibus, ab eo mente & corpore recesserunt, eius maleficia detestantes: inter quos vir nobilis & potens *Rainaldus* cognomento *Manfuerus*, in præsidium suum inexpugnabile & munitissimum (adiunctis sibi quibus cordi erat causa honestior, & timor DEI ante oculos) se recepit, in eo præbens præsulibus à propriis eiectis sedibus, & aliis indifferenter, ob eandem causam profugis, tutum refugium. Ob quod factum tota regio in tantum descendit tamque periculosum discrimen, vt viris prudentibus, & sensus habentibus exercitatos, procul omni dubio videatur, vt nisi nobis maturè diuina subuenerit clementia, hostibus, ad nostram ruinam, & Christiani nominis perennem iniuriam, patere debeat introitus, & in eorum potestatem vniuersa redire prouincia: de quorum manibus, opitulante Domino, fidelium principum sollicitudine, & Christianæ plebis multis laboribus & sumptibus, est erepta. Verus est enim Veritatis sermo, & omni acceptione dignus: *Quia omne regnum in se diuisum desolabitur, & domus supra domum cadet.* Dominus autem Hierosolymorum Rex vnâ cum domino Patriarcha, & aliis Ecclesiarum Prælati, simul & laicis principibus, debitam gerentes sollicitudinem, conuenientes apud se, & quid in tam periculoso rerum statu agendum sit, summâ diligentia deliberantes, licet prædicti imprudentis & dissoluti Principis merita videantur exigere, vim inferre dubitant, ne fortè, hostium viribus & rogatis auxiliis, volens resistere, Turcis exponat regionem, vnde eos postmodum, etiam volens & enitens plurimum, non possit amouere. Item apud hominem insanum, & ad mala præcipitem, maleficiis præoccupatum, precibus & salutaribus monitis locum non esse intelligentes: nam hoc esset *surdo a fino narrare fabulam, & verba ventis dare*: mittere viros prudentes & exhortationis habentes gratiam, non præsumunt. Sustinet ergo malum hoc, ne deteritis incurrant, ab eo expectantes subsidium, qui solet conuertere in profundo maris positos; & *dare niuem sicut lanam, mittens cristallum sicut bucellam panis*: vt ille diuinâ visitatione commonitus, & ad cor rediens, ad frugem vitæ melioris se erigat, & optimi moderatoris virtute induatur ex alto. Tandem videntes nostri malum illud ingrauescere, & nullum in proximo sperantes remedium: iam enim non solum persona Principis anathematis vinculo tenebatur astricta, verum vniuersa regio, propter rapinas, incendia, quæ in bonis venerabilium fiebant locorum, interdicto erat supposita; ita vt præter baptisma paruulorum, nullum de sacramentis Ecclesiasticis populo ministraretur: cœperunt nostri timere amplius, videntes rem in eum casum descendisse, in quo non sine vniuersorum periculo diutius stare posset. Ordinant itaque de communi consilio, vt dominus Patriarcha, dominus quoque *Rainaldus de Castellione*, qui aliquando Princeps Antiochenus fuerat, huius domini *Boamundi* iunioris vitricus: magister quoque Militiæ Templi, trater *Arnaldus*

Matth. 12,  
25.

Psalm. 147,  
5, 6.

*Waldus de Toroge*, Magister quoque domus Hospitalis, frater *Rogerus de Molins*, ad partes illas properent, tentantes, si præuiâ Dei gratiâ, aut ad tempus, aut in perpetuum, tantis malis aliquod possint inuenire & aptare remediû. Timebamus enim, ne fortè à domino Papa & transmarinis Principibus, nobis ad negligentiam, vel potius ad malitiam imputaretur, si vicinis nostris tam miserâ sorte laborantibus, nullum daremus compassionis signum, nullum studeremus adhibere remedium. Dominus igitur Patriarcha assumptis ex Ecclesiarum prælatis domino *Monacho Cæsariensi* electo, domino *Alberto Bethleemita* Episcopo, domino *Rainaldo* Abbate Montis Sion, domino *Petro* Ecclesiæ Dominici Sepulchri priore, prudentibus

10 viris & discretis, subsequenter eum aliis eiusdem itineris consortibus, ad partes illas descendit; assumptoque sibi Comite Tripolitano, eidem Principi familiari admodum & accepto, ut eorum verbum facilius effectui posset mancipari, apud *Ladiam* conueniunt: tandemque tam dominum Principem, quam dominum Patriarcham seorsim conuenientes, diem virique constituunt apud Antiochiam; ubi prætentato hinc inde verbo, pacem constituunt temporalem: ita videlicet, ut refusus tam domino Patriarchæ quam Episcopis & locis venerabilibus quæcunq; amiserant, cesset interdictum, & populis Ecclesiasticorum sacramentorum restituantur munera. Ipse autem in propria persona, ab Episcopis latam patienter ferat sententiam; aut si penitus quærat absolui, pellicem abiiciat, vxore legitimâ reuocatâ. His

20 ergo peractis, putantes se regionis incendium aliquantulum mitigasse, ad propria reuersi sunt. Princeps verò nihilominus in eisdem sordibus obstinatus irreuocabiliter perseuerat. Adiecit præterea, & quod regioni periculosius est, eo solo quod eis factum eius dicebatur displicere, fidelium suorum optimos, inclytos & nobiles viros, extra ciuitatem, & omnem terram suam expellere: videlicet Constabularium suum, Camerarium quoque, & *Guiscardum de Insula*, *Bertrandum* quoque filium Comitum *Gisleberti*, & *Garinum Gainart*: qui ad dominum *Rupinum* Armeniorum Principem magnificum de necessario declinâtes, honestissimè ab eo sunt suscepti, ita ut singulis statim daret munera ingentia, & victum singulis sufficietem assignaret. Eodem anno, mense Augusto, vicesimâ septimâ die mensis, pontificatus eius anno vicesi-

30 mo tertio, dominus *Alexander* Papa tertius, viam vniuersæ carnis ingressus est, & in Ecclesia Lateranensi sepultus: cui substitutus est dominus *Lucius* Papa tertius, qui & *Hubaldus*, Hostiensis Episcopus, natione Tuscus, Patriâ Lucensis, vir grandæuus admodum & modicè literatus. Eodem quoque tempore, venerabilis in CHRISTO frater noster, piæ in Domino recordationis, dominus *Raimundus* Ecclesiæ Berythensis Episcopus, Idibus Septembris ex hac luce subtractus est, lucis perpetuæ, præuiâ Domini gratiâ, præmiis perenniter potiturus. Cui postmodum in eadem Ecclesia substitutus est vir honestus & literatus magister *Odo*, Ecclesiæ nostræ Archidiaconus, cui nos, in ieiuniis Decembris, & sacerdotii gradum, & pontificalem, auctore Domino, contulimus dignitatem. Per idem tempus mortuus est *Melech Salab*,

40 *Noradini* filius, adolescens adhuc, cui de omni hereditate paterna, sola manserat *Halapia*, cum paucis admodum municipiis. Hic moriens, testamento nouissimo dicitur Halapiam & omnem hereditatem suam, ex asse, in quendam patrum sui filium *Hezedin* nomine, filium *Thebeth*, Mussulæ dominum contulisse. Quo defuncto, Principes eius, nuncios ad prædictum dominum *Mussulæ*, illustrem & magnificum Turcorum satrapam, dirigunt, monentes, ut non differat cum omni celeritate ad eos venire: qui susceptâ legatione festinus adueniens, auita bona & sibi iure hereditario debita suscepit, timens ne *Salahadinus*, qui prædictum patruelem suum, ex parte plurimâ exheredauerat, ab Ægypto rediens, hanc etiam urbem inuitis ciuibus violenter occuparet: præsertim cum quidam de maioribus, occultum ei

50 præstarent fauorem. *Salahadinus* verò, compositâ vsque ad completum biennium nobiscum pace temporali, in Ægyptum descenderat, ut sua ibidem studiosius procuraret negotia. Anxius enim plurimum sollicitabatur, eò quod audierat classẽ Regis Siculi, cum ingenti apparatu & infinitis copiis in mare descendisse, & ad partes Ægyptias properandi habere propositum. Superfluum autem super eo articulo conceperat formidinem: nam prædicta classis in Occidentem iter arripuit, ad Baleares Insulas, Hispaniæ conterminas citeriori, quarum altera vulgari appellatione *Maiorica*, altera verò *Minorica* dicitur, contendens: ubi infauistâ nauigatione-

R R R R



ne, & sinistris acta flatibus, tota pene deperiit circa *Sacnam Albenguenam*; & viginti millia vrbes maritimas, freto intumescente, littoribus allisa. Interea dum Regnum pace, vt prædiximus, gauderet temporali, natio quædam Syriorum, in Phœnice prouincia circa iuga Libani, iuxta urbem Bibliensem habitans, plurimam circa sui statum passa est mutationem. Nam cum per annos penè quingentos cuiusdam *Maronis* heresiarchæ errorem fuissent secuti, ita vt ab eo dicerentur *Maronita*, & ab Ecclesia fidelium sequestrati, seorsum sacramenta conficerent sua, diuinâ inspiratione ad cor redeuntes, languore deposito, ad Patriarcham Antiochenum *Americum*, qui tertius Latinorum nunc eidem præest Ecclesiæ, accesserunt: & abiurato errore, quo diu periculose nimis detenti fuerant, ad vnitatem Ecclesiæ Catholice reuersi sunt, fidem Orthodoxam suscipientes, parati Romanæ Ecclesiæ traditiones, cum omni veneratione amplecti & obseruare. Erat autem huius populi turba non modica, sed quasi quadraginta millium dicebatur excedere quantitatem, qui per Bibliensem, Botriensem & Tripolitanum Episcopatus, iuga Libani & montis deuexa, vt prædiximus, inhabitabant: erantque viri fortes, & in armis strenui, nostris, in maioribus negotiis quæ cum hostibus habebant frequentissime, valde vtilis: vnde & de eorum conuersione ad fidei sinceritatem, maxima nostris accessit lætitia. *Maronis* autem error & sequacium eius, est & fuit, sicut ex sexta Synodo legitur, quæ contra eos collecta esse dinoscitur, & in quadamnationis sententiam pertulerunt: quod in Domino nostro IESU CHRISTO vna tantum sit, & fuerit ab initio, & voluntas & operatio. Cui articulo ab Orthodoxorum Ecclesia reprobato, multa alia perniciofa nimis, postquam à cœtu fidelium segregati sunt, adiecerunt: super quibus omnibus ducti pœnitentia, ad Ecclesiam, vt prædiximus, redierunt Catholicam, vna cum Patriarcha suo & Episcopis nonnullis, qui eos sicut prius in impietate præcesserant, ita ad veritatem redeuntibus, 10

11. pium ducatum præstiterunt. Porro dum ita Regnum, vt prædiximus, pace ad tempus inter dominum Regem & *Salahadinum* inita, quadam tranquillitate frueretur, non defuerunt filii Belial & impietatis alumni, qui spiritum habentes inquietum, turbas in Regno mouerent, & mala intestina molirentur. Cum etiam Comes Tripolitanus, quasi per continuum biennium circa partes Tripolitanas multiplicitate negotiorum impeditus, moram agens, in Regnum non potuisset ascendere, accidit, quod inuitantæ sollicitudine, quam pro vrbe gerebat Tyberiaden-  
se, quæ vxoris erat hereditas, redire disposuit: cumque omnem ad iter prosequendum fecisset apparatus, & iam vsque *Biblium* peruenisset, prædicti viri nequam Regem nimis simplicem, malignâ suggestionem circumuenerunt, persuadentes, prædictum Comitem sinistrâ intentione in Regnum velle introire, vt de eius supplantatione tractaret occultè: vnde factum est, quod eorum verbis seductoriis, Rex autem nimis credulam præbens, missâ legatione, Regni aditum ei inconsultè nimis interdixit. Quo facto, Comes, cui præter meritum tanta irrogata erat iniuria, confusus & iustâ succensus indignatione, desistens à proposito, licet inuitus, sumptibus innumeris factis inutiliter, Tripolim reuersus est. Erat autem prædictorum ea intentio seductorum, vt absente Comite, qui vir industrius erat, & ad omnia circumspectus, ipsi regia negotia pro libero tractarent arbitrio, & Regis infirmitatem ad suum traherent compendium. Inter quos Regis mater, mulier planè Deo odibilis, & in extorquendo importuna; & eiusdem frater, Regius Senescalcus, cum paucis eorum sequacibus, viris impiis, Regem ad hoc proteruius impellebant. Quod factum postquam Regni Principibus innotuit, eorum qui sensus magis habebant exercitatos, maximè corda molestaui: timebant enim, ne tanti Principis patrocínio Regnum destitutum, in præceps rueret, & iuxta Domini verbum, *in seipsum diuisum desolaretur*: maximeque cum Rex inualecente singulis diebus ægritudine, red-  
debatur impotentior, & ad procuranda Regni negotia minus minusque fieret idoneus: imò vix in seipso potens subsistere, totus dissolueretur. Videntes ergo regni Maiores periculum, quod ex prædicto facto certum erat imminere, ad reuocandum Comitem, & eius mitigandam indignationem, omnimodam impendunt operam: & tandem post multos circuitus & diuersa consilia, Rege inuito, sed tamen permittente, prædictum illustrem virum, iniurias sibi illatas prudenter dissimulantem, in Regnum introduxerunt, pace inter eum & dominum Regem plenius reformatâ. 10

Dum

*Matth. 12,  
v. 25.*

Dum hæc itaque in nostro sic geruntur Oriente, aquæ *Constantinopolim* grandis  
circa Imperium facta est permutatio, & casus accidit vniuersæ Latinitati lugubris,  
& inauditam irrogans, cum enormi damno, contumeliam. Dolor enim, quem pri-  
dem fallax & perfida Græcia conceperat, edidit & peperit iniquitatem. Defuncto  
enim domino *Manuele*, inclitæ recordationis Imperatore felicissimo, successit ei,  
tum ex testamento patris, tum ex iure hereditario, impubes filius, *Alexius* nomine,  
vix annorum tredecim. Quo sub matris tutela constituto, dum per *Alexium* Pro-  
10 toseuasto, domini Imperatoris senioris nepotem ex fratre se priore natu, Imperialia  
procurarētur negotia, visum est tam Maioribus quàm populo ciuitatis illius, oportu-  
nitatem inuenisse, vt quod aduersus nostros malignè conceperant, possent effe-  
ctui mancipare. Regnante enim Deo amabili prædicto Imperatore, merito fidei &  
strenuitatis suæ, tantam Latinus populus apud eum repererat gratiam, vt neglectis  
Græculis suis tanquam viris mollibus & effœminatis, ipse tanquam vir magnani-  
mus & strenuitate incomparabilis, solis Latinis grandia committeret negotia, de  
eorum fide meritò præsumens, & viribus. Et quoniam apud eum optimè habe-  
bantur, & erga eos profusâ liberalitate abundabat, ex omni orbe, ad eum, quasi ad  
benefactorem præcipuum, tam nobiles quàm ignobiles concurrebant certatim.  
Quorum exigentibus obsequiis, magis & magis in nostrorum accendebatur amo-  
rem, & omnes ampliùs in statum promouebat meliorem. Vnde Græcorum nobi-  
20 les, & maximè eius consanguinei, sed & reliquus populus odium insatiabile aduer-  
sus nostros conceperant: accedente etiam ad indignationis cumulum, & odiorum  
fomitè & incentiuum ministrante, sacramentorum inter nos & eos differentiâ.  
Arrogantes enim supra modum, & à Romana Ecclesia per insolentiam separati,  
hæreticum omnem eum reputant, qui eorum friuolas nō sequitur traditiones: cum  
ipsi magis hæreticorum sibi nomen adaptent, dum contra Romanam Ecclesiam, &  
Apostolorum Petri & Pauli fidem, aduersus quam porta inferi non possunt præualere, no-  
uas, & pestilentes opiniones aut gignunt, aut sequuntur. Denique, his & huiusmo-  
di, à multo retro tempore, similitatem hanc apud se conceperant, opportunitatem  
quærentes, vt saltem post Imperatoris obitum, inuisum Latinorum populum, tam  
30 in vrbe, quàm in Imperii finibus cōmorantem, delerent penitus, odium inexorabi-  
le satiantes. Prædicto igitur Imperatore rebus humanis exempto, dum, vt præ-  
diximus, *Alexius* Protoseuasto Imperium procuraret, visum est non satis cōmō-  
dam adhuc ad complendam malitiā suam reperisse opportunitatem: nam & ipse,  
Imperatoris exemplo, nostrorum consilio utebatur & auxilio; eosque sibi quan-  
tum poterat, reddebat familiariore: in vno tamen tam nostris quàm omnibus ge-  
neraliter, se penitus exhibebat odiosum. Quod, licet Græcorum more mollis esset  
supra modum, & carnis curam toto studio in immundis perficere satageret deside-  
riis, avarus tamen erat, & thesauris parcebat Imperialibus, rāquam si eos proprio su-  
dore comportasset. Dicebatur etiam, quod cum Imperatrice, licet viuente adhuc  
40 marito, sed in extremis laborantē, vitam sanctimoniam esset professā, stupri habe-  
re consuetudinem. Arrogans præterea, & neminē præ se ducens hominem, aliis in-  
consultis Principibus, cūcta pro suo disponebat arbitrio, ita vt de cæteris, æquè no-  
bilibus & viris magnificis, nihil videretur curare. Vnde factum est, quod per stu-  
dium & operam Principum palatii, qui ei plurimū ob ea quæ præmissimus inui-  
debant, euocatus est ex Ponto, cui præerat *Andronicus* senior, domini Imperatoris  
prædefuncti patruelis, vt ad complendam eorum malitiā cōoperator accederet,  
& *Alexium* Protoseuasto depelleret ab administratione quam gestabat. Erat autem  
prædictus *Andronicus*, domini Imperatoris defuncti patruelis, vir perfidus & ne-  
quam, cōspirationum seminator, & erga Imperium semper infidelis: vnde ob mul-  
50 tiplicia eius scelera, tempore domini Imperatoris vincula passus fuerat, & carceres;  
& exigentibus meritis, ignominiosè tractatus, vagus & profugus super terram, Ori-  
entem circumierat vniuersum; in ipsoq; suo exilio multa turpia cōmiserat, & anim-  
aduersione digna: nouissimè tamen, vix tribus ante Imperatoris obitum mensibus,  
reconciliatus in gratiam redierat. Et ne, more solito, circa urbem turbas posset exci-  
tare, & conspirationes moliri vt regno præesset, missus est in Pontum sub honoris  
prætextu præsidialis. Hunc igitur, Imperatoris & ipsius etiam Protoseuasto consan-  
guinei, & ii maximè in quibus maiorem videbatur habere fiduciam, clandestinis e-

- uocauerunt legationibus, monentes, ut aduersus eum armaretur, qui eius filios & alios illustres quosdam, ignominiose coniecerat in vincula. Porro hic, ut prædiximus, illustres quosdam in conspiratione deprehensos, carceri mancipauerat: unde ampliorem in se concitauerat inuidiam. Vocatus ergo prædictus *Andronicus*, innumeras Barbararum nationum secum trahens copias, ad urbem accessit, & secus Hellespontum è conspectu ciuitatis castrametatus, vniuersam occupauit Bithyniam: contra quem missi quidam potentes, ut eius resisterent moliminibus, proditorum more ad eum se contulerunt: inter quos primi erant & præcipui, *Andronicus* Angeli, princeps militiæ quæ contra eum directâ fuerat, & *Alexius* Megaducas qui classierat præfectus, vterque Imperatoris consanguineus. Nec solum ii, qui ita manifestè ad eum transfugerant, partem nostrorum reddiderant debiliorem, verum omnes alii, tam illustres, quam ciuium multitudo, iam non occultè, sed in propatulo suum *Andronico* præstabant fauorem; & eius in urbem desiderabant aduictum, modis quibus poterant, ut maturè transfretaret procurantes. Factum est itaq; quod inualecente eorum conspiratione, captus est Protoscuasto, & priuatus oculis, & argumentis virilibus decurtatus: unde nostri plurimum mente consternati, timentes ne ciuium super eos repentina fieret irruptio, præmoniti à quibusdam qui coniurationis habebant conscientiam; qui validiores erant, alii in galeis quadraginta quatuor, quas in portu repererant, Græcorum effugerunt molimina; alii in nauibus, quarum in portu maxima erat copia, omnem domum imponentes, mortis euaserunt discrimen. Qui autem seniores erant, vel infirmi reperti sunt, & ad fugam minus idonei, ii in domibus suis relictî, impietatis quam alii effugerant rabiem perpeffi sunt. Nam parato clam nauigio sæpèdictus *Andronicus*, vniuersas, quas secum trahebat, in urbem introduxit copias; quæ vix ingressæ, vna cum ciuibus in eam urbis partem, quæ nostri incolebant irruentes, residuum populi, qui aliis abeuntibus aut noluerat, aut non poterant exire, desæuientibus gladiis peremerunt: & licet pauci essent, qui ad arma possent sufficere, restiterunt tamen diu, & cruentâ de se hostibus reliquerunt victoriâ. Immemores igitur & fœderis & obsequiorum quæ plurima Imperio nostri contulerant, peremptis iis qui resistere posse videbantur, igne eorum domiciliis subiiciunt, & vniuersam eorum regionem subito cõuertunt in fauillâ: mulieribus & parvulis, senibus & valitudinariis incendio cõsumptis. Nec sufficiebat eorum impietati, in loca desæuire prophana; verum Ecclesias & loca, quælibet venerabilia succendentes, qui ad ea salutis causâ confugerant, cum ipsis pariter sacris ædibus concremabant. Nec erat differentia plebeiorum & cleri, nisi quod atrocius in eos desæuiebant, qui religionis & honestatis habitum prætendebat. Monachis enim & sacerdotibus primas irrogabant iniurias, & exquisitis perimebant cruciatibus. Inter quos virum venerabilem *Ioannem* nomine, sanctæ Romanæ Ecclesiæ subdiaconum, quæ pro negotiis Ecclesiæ, dominus Papa illuc direxerat, cõprehendentes, in contumeliâ Ecclesiæ decolauerunt, caput eius ad caudâ canis immunda religantes. Sed nec mortuis, quibus omnis parcere consueuerat impietas, inter tam detestabiles & peiores parricidis facrilegos, tuta erat quies, quos de monumentis extractos per vicos & plateas, quasi illatas sentirent iniurias, distrahebant. Accedentes præterea ad Xenodochium, quod dicebatur *sancti Ioannis*, quotquot in eo repererunt languidos, gladio peremerunt. Qui autem, ex officio pietatis, oppressorum meritis tenebatur afflictionem releuare, eorum videlicet sacerdotes & monachi, hi dato precio, grassatores & sicarios, ad stragem inuitabât, disquirêtes secessus & domorum penetralia, ne qui in eis delitescerent, ut mortis discrimen declinare possent; inuentosq; & violenter extractos tradebant carnificibus: quibus etiam, ne gratis operam impenderent, precium sanguinis pro miserorum interfectione porrigebant. Qui autem clementius cum eis videbantur operari, hi eos qui ad se confugerant, & quibus spem dederant salutis, Turcis & aliis infidelibus populis, in perpetuam vendeabant seruitutem: ex quibus promiscui sexus, ætatis, & conditionis, plus quam quatuor millia, barbaris nationibus, precio interueniente, distracta esse dicuntur. Sic ergo impius Græcorum populus, & genimina viperarum, more *serpentis in gremio*, & *muris in pera*, nihil tale meritos, nihilque tale verentes, malè remunerauerunt hospites suos: quibus tamen filias suas, neptes quoque & sorores, vxores dederant, & ex diutino conuictu sibi reddiderant familiares.
- XIII. Verum non omnino, tantum & a sæculis inauditum facinus impune cõmissile dicuntur.

dicuntur. Nam qui, ut præmisimus, in galeis exierant, & qui postmodum eos aliis nauibus sunt subsecuti, habentes secum multitudinem maximam, & classem non modicam, circa urbem, satis in vicino se collegerant, rei expectantes exitum. Qui postquam plenius cognouerunt, quod ii qui in ciuitate tumultum excitauerant, eorum succenderant regiones; uxores quoque & liberos & omnem familiam partim gladio, partim consumpserant incendio, iustam indignatione commoti, exarserunt in iram. Et cupientes vehemēti feruore, ultum iri suorum sanguinem, circuiერunt utrumque *Hellepontii* litus, ab hostio *Maris Pontici*, quod ab urbe *Constantinopolitana* distat triginta miliaribus, usque ad ostium maris *Mediterranei*, quod ab eadem distat miliaribus 10 ducentis, urbes & quælibet municipia in utroque sita littore, comprehendentes violenter, & eorum habitatores ferro perimentes vniuersos: sed & monasteria, quæ tam in utroque eiusdem maris littore, quam in insulis modicis, quæ per illud mare dispersæ sunt, sita erant, peruadentes, pseudomonachos & sacrilegos eorum sacerdotes, in ultionem fraterni sanguinis, gladio peremerunt, ipsa monasteria cum iis qui ad ea confugerant, succedentes. Ex quibus locis, infinitas auri, argenti, gemmarum & holiericorum dicuntur extraxisse copias: unde damnum rerum amissarum, & dispendia bonorum suorum multiplici scenore sibi poterant recompensare. Nam præter Monasteriorum diuitias innumeras, & thesauros infinitos, quos à multis retro congefferant temporibus, ciues *Constantinopolitani*, ingentia ibidem depo-

20 fuerant auri & cæterarum gazarum pondera: quæ omnia secum deferentes, & maris illius deferentes angustias, inter *Seston* & *Abydon*, urbes antiquissimas & maritimas, mare ingressi sunt mediterraneum; littora *Thessaliæ*, & mari adiacentium provinciarum urbes & oppida perlustrantes diligentius, & cuncta incendio & rapinæ tradentes, stragem innumeram operati sunt. Sed & galeas alias à prioribus circa *Chrysopolim*, urbem *Macedoniæ*, dicuntur reperisse decem, aliasque in locis aliis quamplures: unde sibi classem maximam & Græcis omnino formidabilem, in eorum perniciem dicuntur ordinasse. Alii verò, qui stragem & rapinam abominabantur operari, cum vxoribus & liberis, & residuo substantiæ suæ, naues ingressi, quarum illis multus occurrebat numerus, à prædicto declinantes exercitu, ad nos in

30 *Syriam* descenderunt. *Andronicus* interea urbem pro votis obtinens, & nullum habens contradictorem, Imperatorem cum futura vxore, regis *Francorum* filia, in die festo *Pentecostes*, solenniter fecit coronari, omnem ei exhibens reuerentiam; sororem quoque & sororis maritum, simul & matrem Imperatoris, intra septa palatii, adhuc tractans humanius; ipse tamen tam in urbe, quam extra, quælibet Imperii negotia, pro suo liberè disponens arbitrio: timetur tamē, ne hanc fraude palliatam, personis exhibeat humanitatem, quousque Imperio paulatim occupato & subiectis omnibus, liberius ostendat, qualem circa eos gerat voluntatem. Factum est autem hoc, anno ab incarnatione Domini *millesimo centesimo octuagesimo secundo*, in mense *Aprili*. Interea dum hæc in Græcia sic geruntur, navis quædam mille quin-

40 gentos peregrinos deferens, apud *Damiatam*, in finibus *Ægypti*, flatibus acta sinistris, confRACTA est: passis tamen naufragium, spes erat salutis, eò quod *Salahadinus* nobiscum, tam per terras quam per mare treugam diceretur habere, & pacem temporalem. Sed longè aliter accidit eis, quam vel pacis tenor, vel pactorum series exigeret. *Salahadinus* enim prædæ victus cupidine, & tantam Christianorum turbam, occasione fœderis, nolens de regno suo exire liberam, omnes cōiecit in vincula, & eorum sibi bona confiscari præcepit: missaq; legatione ad dominum Regem, contra formam pactorum, & quæ penè impossibilitatem continebant, ab eo cœpit reposcere: adiiciens, *Quod nisi pro omnibus illis ei pro vobis satisfaceret, ipse navim prædictam sibi vellet in compensationem detinere, & præterea renunciare paci, de qua inter eos conuenerat.*

50 Quod cum non obtinuisset eius nuncius, quoniam caluas occasiones magis innectabat, ut navem sub aliquo quæsito colore detinere posset, quam iustas causas allegaret; soluto fœdere, cogitare cœpit, quomodo suo more, vetus exercens odium, Regnum posset aggrauare. Conuocatis igitur expeditionibus, & vniuersis tam perditum quam equitum copiis, simul & eorum multitudine, qui à *Damasco* & adiacentibus ei finibus, annis præteritis, famis acerbiterat declinantes, in *Ægyptum* descenderant, proposuit redire *Damascum*, ut inde quasi de vicino nos amplius molestaret. Adiecit etiam, ut in veniendo, regionem nostram quæ est trans *Jordanem*,

pro posse damnificaret; aut fruges succendendo, quæ iam albæ erant ad messem; aut vnum vel plura de præfidiis nostris, quæ in ea erant prouincia, violenter expugnando. Id autem, eo maximè dicebatur proposuisse intuitu, vt sibi satisfaceret, de Principe *Rainaldo*, qui ei præerat regioni, eò quòd Arabes quosdam infra tempus fœderis contra legem pactorum cepisse diceretur, & repetitos reddere negauerat. Cognito ergo per exploratores eius aduentu, & proposito, Rex habità Hierosolymis curiâ generali, & super petitionibus *Salahadini* diligenti tractatu, de quorundam consilio, cum totis Regni viribus, in prædictam regionem, vallem pertransiens Syluestrem, in qua est *Mare Mortuum*, peruenit; vt venienti *Salahadino* occurreret, & se opponeret prouinciam vastare volenti. Porro *Salahadinus* transcurrà cum suis expeditionibus solitudine, quod iter, cum multa difficultate, vix diebus viginti confecerat, iamque terram habitabilem in finibus nostris, iuxta præsidium, quod dicitur *Mons Regalis*, quasi ad decem miliaria castrametatus: expectans vt de statu regionis, & vbinam esset Rex cum suis expeditionibus, certificaretur. Rex verò iuxta urbem veterem, cui nomen *Petra Deserti*, in secunda sitam Arabia, castra locauerat, ab exercitu *Salahadini* triginta sex vix distans miliaribus; eratque ibi vniuersum cum eo Regni robur: sed & Comes Tripolitanus ibi inuitus detinebatur, contra cuius cōsiliū Rex illuc profectus erat, & reliquas Regni partes inobseruatas, & absque militia dereliquerat: fauore enim prædicti *Rainaldi* Principis, magis quàm consideratione maioris compendii, quidam ad hoc Regem impulerant, non multum attendentes, quid interim Regno viribus destituto posset accidere: quod quàm imprudenter factum fuerit, rei exitus subsequens statim declarauit. Nam qui circa *Damascum*, *Bostrū*, *Baulbec*, & *Emissam* erant Principes, videntes Regni robur abesse, & militiâ destitutam regionem vniuersam, cōuocatis clam & sine tumultu eopiis, *Iordanem* secus mare Galileæ, quod est Tyberiadis, transeuntes, fines nostros latenter ingressi sunt; & percurrentes ex parte Galileam, peruenerunt ad locum qui est sub monte Thabor, cui nomen *Buria*, iuxta *Naim* urbē antiquissimam. Homines autem illarum partium de treuga præsumentes, quàm nondum nouerant defecisse, securi nimis, minus sibi prouidebant: vnde factum est, quod clam & de nocte super eos irruentes, locum ex omni parte vallauerunt, ita vt neque ad montem, qui loco imminebat, fuga non pateret obseffis. Luce igitur redditâ, videntes loci habitatores infinitam circa se hostium multitudinem, in turrim quæ suburbio præerat, certatim se contulerunt: quam vndiq; circumdantes, & cum summa instantia suffodientes, intra quatuor horarum spacium suffossam, solo deiecerunt: ante ruinâ tamē, cum iam rimam duceret, & casum minaretur, eos qui in eâ confugerant, in ditionē susceperūt. Colligentes igitur pro libero, & sine contradictore arbitrio, tū illius, tum adiacentium locorum prædā vniuersam, exceptis his qui in conflictu ceciderunt, penē quingentas animas secum detulerunt in vinculis. Nā quia locus erat frugifer, & messis tempus aderat, multi ex locis finitimis metendi gratiâ illuc se contulerant, quos omnes (vt prædiximus) secum sine contradictore deducentes, iterū *Iordanem* transito, sani & incolumes reuersi sunt ad propria. Accidit præterea per eodem dies, dum adhuc Rex, & exercitus in *Syria Sobal* detineretur Christianus, casus periculosus admodū, & nostris perpetuò lugendus. Erat enim nobis in regione *Suite*, trans *Iordanem*, à Tyberiade sedecim distans miliaribus, præsidium munitissimum, & (vt dicitur) inexpugnabile, ex quo nostris multa dicebatur prouenire utilitas: nam cum prædicta regio hostium magis esset contermina finibus, quàm nostris, & ipsi eam facilius pro suo possent tractare arbitrio, & eius habitatoribus confidentius imperare, huius tamen præsidii beneficio multis annis obtentū fuerat, & obtinebatur nihilominus in præsentī, quòd nostris & illis ex æquo diuidebatur potestas, & vectigalium par & tributorum fiebat distributio. Erat autem spelunca in latere cuiusdam montis sita, cui subiectum erat immane præcipitium; à parte verò superiori nullus omnino accessus; ex altero verò latere, tantum arcta nimis semita, & per quam homini libero, & ab omni onere expedito, vix absque periculo iter præberetur. Erat autem commissum fidei & diligentiae nobilis viri & ditissimi *Fulconis* Tyberiadensis. Ad hunc locum accedentes prædicti hostium Principes, qui *Buriam*, vt præmisimus, effregerant, & nostrum captiuauerant populum, repente ante præsidium astiterunt, & infra quinque dies obtinuerunt expugnatum. Super quo facto,

facto, non eadem omnium erat opinio: quibusdam asserentibus, quod qui erant in præsidio, pecuniâ redempti, locum hostibus tradiderunt: aliis vero, quod ex latere speluncam effregerunt, quia lapis cretaceus erat, & facile soluebatur, & violenter ingressi stationem primam quæ inferior erat, occupauerunt, dicentibus: vnde postmodum eos qui erant in medio & in supremo cœnaculo (nam ibi tres dicebantur esse mansiones) ad deditionem compulerunt. Compertum est autem postmodum, quod culpâ magistratuum, qui cæteris præerant, municipium ad hostes peruenerit: nam aliis resistere volentibus, ipsi auctoritate quâ præminebant, inhibebant defensionem; & postmodum resignato municipio ad hostes se contulerunt. Dicebantur autem esse qui loco præerant, Syri, qui apud nos effœminati & molles habentur. Vnde maior culpa in prædictum *Fulconem* refunditur, qui tales loco præfecerat tam necessario. Exiit ergo sermo iste, & longè lateq; diffusus est per Regnum; peruenitque vsque ad nostros qui erant trans Iordanem, præpedire volentes transitum *Salahadini*, ex Ægypto ascendentis in Syriam, & properantis Damascum; quo comperto, consternati sunt animo vniuersi, & maxime Tripolitanus Comes ad cuius curam prædictum municipium respiciebat. Vnde factum est, vt qui Regnū negligenter reliquerant, ibi negligentius se habentes, nihil Deo placitum, nihil Regno vtile operari possent: Nam cum vsque ad fines regionis nostræ, aduenienti *Salahadino* debuissent occurrere, & Regni præpedire introitum, imprudenter nimis vsque

ad locum cui *Gerba* nomen, eū permiserunt accedere, vbi aquarū, quibus maxime sitiens, eius indigebat exercitus, omnē reperit abundantiam; & inde missā expeditionem parte circa præsidium nostrū, cui nomen *Mons Regalis*, vineta succiderunt, & alia quædā oppidanis intulerunt damna. Quod si ad eū locum nostri peruenissent, eum proculdubio oportuisset in Ægyptum redire: trahebat enim secum infinitā imbellis populi multitudinē, quibus & aqua iā defecerat in vtribus, & panis in cistarcis, quos omnes in solitudine oportuisset inediā deperire: nā procedere non poterat, & cū nostris erat periculosum cōmittere. Audientes ergo, quod ad prædictum iā peruenisset locum, iterum decreuerunt nostri ad aquas *Rafel Rafit*, illi occurrere: quod si factum fuisset, per vltiorem solitudinē oportuisset eum iter cœptū agere, quod

nonnisi cum multa tam hominum quàm iumentorum potuisset consummasse iactura. Quod propositū cum non fuisset effectui mancipatum, accessit ad prædictas sine difficultate aquas; & inde sine cōtradictore fines suos cum omni incolumitate ingressus, Damascum peruenit. Quod nostri cognoscentes, iterū eadem viā quā prius transierant, reuersi sunt ad propria: timentes verò, ne à Damasco, in quam se cum omni suo comitatu receperat, Regno aliquid insidiarum, & damni moliretur, cōgregatus est vniuersus Regni populus ad fontem *Sephoritanum*, inter Sephorim & Nazareth: vbi habentes secum Dominicæ Crucis lignum, præsentē Rege & Patriarchā, & aliis tam ecclesiasticis quàm secularibus regni Principibus, de die in diē hostium expectabant incursum. Salahadinus interea congregatā ex vniuersis finibus

40 suis, super ea, quam ex Ægypto proficiscens secum transtulerat, militiā, propositum habens, vt fines nostros ingrederetur, ad eum locū accessit, qui dicitur ligua eorum *Rafeline*, quod interpretatur *Caput aque*. Is autē locus à nostris finibus & ab vrbe Tyberiadeni modicum distare dicitur. Vbi cum per dies aliquot morā fecisset, subito fines nostros ingressus est, in loco qui dicitur *Canam*, inter duo flumina, qui à Tyberide vix distat quatuor miliaribus, castrametatus. Quod vbi nostris per exploratores cognitum est, ad urbem prædictam sub omni celeritate exercitum dirigunt, vt militares copias, quæ ad eius loci & finitimorum municipiorum tuitionem, *Saphes* videlicet & *Belueir*, deputatæ erant, secum assumerent, hostem protinus insecuturi. Porro Comes Tripolitanus, vir prudens & in armis strenuus, & in re militari plurimam habēs experientiam, duplici tertianā ibidem periculosissimè laborabat: vnde nostris, qui de eius consilio & prouidentia plurimum præsumebant, multa accreuit molestia, eò quod tanti Principis solatio, in tanto necessitatis articulo, fraudarentur. Conuocatis tamen ex locis finitimis auxiliariis copiis, erectis vexillis hostem insecuti sunt. *Salahadinus* verò nostrorum audiens aduentum, transito Iordane, cum suis expeditionibus in partes Scytopolitanas se contulit. Est autem Scytopolis tertiæ Palestinæ metropolis, inter montes Gelboe & Iordanē, in campestribus & agro sita irriguo, quæ alio nomine dicta est *Bersan*, cuius prærogatiuā Nazarena hodie,



quæ in eadem diocesi sita est, gaudet ecclesia: nam vrbs præscripta raro hodie incolitur habitatore, ad instar modici redacta oppidi. Ad quem locum peruenientes hostium cunei, præsidium modicum quod ibi est in paludibus situm, cœperunt fortiter impugnare: sed resistentibus viriliter oppidanis, videntes quod non proficerent, versus castrum nouum, cui nomen est hodie *Belueir*, inter prædictam urbem & Tyberiadem in montibus situm, vt nostris occurrerent, acies direxerunt. Nostri verò Iordanis fluuenta secuti, vbi ad prædictum peruenerunt locum, deferentes vallem, ascenderunt in montes: multâ tamen immensi caloris, qui supra modum proficiscentibus incubuerat, incommoditate fatigati: vbi noctem illam, vicinis hostibus suspectam, continuatis excubiis transegerunt: mane facto, descendentes in planiciem, quæ inter prædictum oppidum & vicum, cui nomen *Forbelet*, hostes viderunt circumpositos, in tanta multitudine, quantam videre non consueuerat. Dicebatur enim a senioribus Regni Principibus, quod à primo Latinorum in Syriam introitu, nunquam tantas vidissent hostium copias. Eratque numerus expeditorum ad pugnam, quasi ad viginti millia: nostri autem equites vix reputabantur septingenti. Erat autem Salahadino & Principibus eius, vna & communis intentio, nostros ex omni parte vallare, vt nec vnus euadere posset: nam de iam dicta multitudine præsumētes, & nostram contemnentes paucitatem, quod eis nostri possent resistere, nullatenus arbitrabantur. Verum ei, cui non est difficile in paucis maiorem superare multitudinem, aliter visum est. Nam præuiâ misericordis DEI clementia, licet eorum respectu, nostri nulli viderentur, tamen ordinatis iuxta militarem disciplinam agminibus, & in hostium cuneos, solitâ irruentes animositate, & hostium impetus multâ sustinentes constantiâ, in eo conflictu superiores inuenti sunt: licet multi de nostris, quos nominatim tangere superfedemus, ignominiosissimè, & cum perpetuo probro, bellicis sudoribus se subtraxerunt. Optimè se habuerunt illâ die, strenuè & viriliter decertantes, *Baldwinus Ramatensis*, & *Balianus* frater eius. Sed & *Hugo* iunior, domini Comitis Tripolitani priuignus, cum acie Tyberiadensium, memoriam eâ die meruit in benedictione celebrandâ: qui licet esset adolefcentior, tamen supra illius ætatis vires, cum acie supradictâ, cui præerat, tres hostium cuneos violenter effregit, & conuertit in fugam, ad suos, per DEI gratiam, rediens illæsus. Ceciderunt in eo conflictu de nostris, ex equestri ordine pauci, sed sanctorum adepti consortium; de popularibus verò, plures: hostium autem maior facta est strages: sed & de Principibus eorum ceciderunt aliquot, quorum cæde consternata pars aduersa, campum deseruere certaminis. Sed nec illud prætereundū est cū silentio, quod tanta per eos dies præter solitum fuit caloris inclementia, quod ex vtroque exercitu non pauciores caumatis ceciderunt importunitate, quam gladio. De numero autem interemptorum hostium, nihil certū colligere potuimus: nam vt suorum casum nostris occultarent, eos qui in acie ceciderant, secū deportabant: quos sequenti nocte in castris occultè sepelierunt, ne eorum manifestatus interitus, nostros redderet fortiores. Dicimus tamen, vtroque supradicto casu, de eis quasi ad mille cecidisse. Quo facto, videns *Salahadinus*, quod præter spem ei acciderat, & quod duriores, quam esset arbitratus, inuenisset aduersarios, confusus, transito iterum Iordane, reuersus est ad propria, in eodem loco, vnde egressus fuerat, denuò castrametatus. Nostri verò, reuocatis agminibus, ad fontem *Seforitani*, vnde prius egressi fuerant, reuersi sunt. Quo itinere quidam Dominici Sepulchri Canonicus, *Baldwinus* nomine, ecclesiæ eiusdem thesaurarius, & viuificæ Crucis baiulus, caloris immensitatem non ferens, delatus in lectica, sub monte *Thabor*, iuxta torrentem *Gyson*, expirauit. Sed & alter quidam eiusdem ecclesiæ frater & Canonicus, *Gaufridus* videlicet de Nouo vico, qui prædicto Balduino in eo itinere deputatus erat ad solatium, dum alienis rapitur studiis, in prædicto conflictu sagittâ confossus interiit, 50

Matth. 26,  
52.  
XVII.

*Dignum est enim, vt qui gladium accipit, iuxta verbum Domini, gladio debeat perire.*

Domino igitur Rege cum suis expeditionibus ad locum supradictum reuerso, *Salahadinus* ægrè ferens nimium, quod ira eius & suorum euacuatus esset conatus, iterum conuocat copias; iterum omnia percurrit argumentorum genera, anxie cum suis deliberans, quomodo iterū nostris recidiua posset inferre grauamina. Videns autē quod nullâ viâ cōmodius nostros posset opprimere, quàm si ex pluribus partibus nostros attentaret molestare, fratri quem suorum procuratorem negotiorum re-

- rum reliquerat in Ægypto mādāt, & distriētē præcipit, quatenus sub celeritate classem ab Alexandria & vniuersa Ægypto dirigat in Syriam, significās ei propositum, quod in votis haberet, classem receptā, *Berythensium* urbem, tam per mare quā per terras obsidione vallare: & ne Regni populus ad eius liberationē cum Rege posset accelerare, eidē præcipit, vt collectis equitum viribus, quæ in Ægypto erāt residuæ, ipse etiam ab Austro ingrediens, omnē circa *Gazam*, & *Ascalonam* & *Darum*, quæ sunt Regni nostri oppida nouissima, Ægyptiacam respicientes dioecesim, regionem depopulaturus ingreditur. Hæc autem eo tractabat studio, vt dum Regni pars illis qui ab Ægypto irrumperent, tentarent occurrere, debilitatis cæteris, & factis paucioribus, ipse urbem obsessam acrius & liberius impugnaret. Factumque est iuxta mentis illius conceptum, & mandati formam. Nam infra paucos dies, & classis nauium rostratarum triginta iuxta condictum affuit: & frater quas in vniuersa Ægypto contrahere potuit, circa *Darum* introduxit copias. Ipse autē vt adueniente classe paratior inueniretur, in eam regionem quæ vulgari appellatione dicitur *vallis Bacar*. expeditiones dirigit, constitutis exploratoribus super montes illos qui medii sunt inter regionem prædictam, & agrum *Berythensium*, in mare prominentes, qui de aduentu galearū ipsum redderent instructiorē. Ipse autem, hoc interuallo, ex locis adiacentibus pedestria conuocabat auxilia, & quæ ad futuram obsidionē arbitrabatur necessaria sollicitus procurabat. Nec morā, circa Augustales Kal. sæpēdicta classis in litore appulit *Berythensium*: quod vt prædicto *Salahadino*, per deputatos ad hoc specialiter, nunciatum est exploratores, illicō sine mora superatis mediis montibus (de quibus præmisimus) vniuersas expeditiones suas demisit in campestria; & urbē sæpe nominatam, prout diu antē destinauerat, vndique vallat obsidione. Nostri autem qui ad *Sephorum* in castris erant, varius de *Salahadini* proposito rumor ferebatur, dicentibus aliis, quod urbē *Berythensium* sicut pro certo patuit, obsidere decreuisset; aliis verō asseuerantibus, quod circa obtinendā *Halapiam*, tota eius anhelabat intentio: nonnullis etiam astruentibus, quod domino *Mussula*, magnifico & potenti Turcorū satrapæ, qui eius quædā oppida circa Eufratē obsidere dicebatur, tentabat occurrere. Verū dum hic sermo tam dubius in castris verteretur, affuit nuncius, verbi ambiguitatem dirimens, qui urbem *Berythensium* procul omni dubio afferebat obsessam. Adfuit nihilominus & à parte Australi nuncius, qui eiusdem *Salahadini* fratrem, cum ingētibz copiis, fines nostros circa *Darum* inuasisse, & triginta sex leuis armaturæ milites, quos *Turcopulos* appellant, interfecisse, & quædam succendisse subu. bana nunciaret pro certo. Quo comperto, Rex habitū cum Principibus deliberatione, eligit morbo periculosiori occurrere, & urbem obsessam ab ingruente molestia liberare: nam ei suæ sufficere non videbantur copię, vt vtrunque hostem a suis finibus eodem momento posset arcere. Conuocatis igitur ex-xviii. legionibus, & translato vniuerso exercitu, Rex vsque Tyrum peruenit. Classē quoque nihilominus quam tum in Acconensī, tum in Tyrensi portu repperit parari præcipiens, subitō & præter spem omnīū, intra dies septem, armatam optimē, & viris fortibus instructam Galearum triginta trium ordinauit. Interim tamen, dum hæc apud nos studiosē nimis & votis ardentibus præparantur, *Salahadinus*, urbem, vt prædiximus, obsidens, quantas poterat molestias, vtroque circa id desudante exercitu, ciuibz inferebat: nā ordinatis circa urbem legionibus, & sibi vicissim succedentibus agminibus, tantas per triduum continuum obsessis intulit angustias, vt nequā requie, nec ad refectiōem corporis necessariam ferias indulgeret aliquas. Machinas tamen seu iaculatorias, seu alterius generis, quibus solent ab hostibus expugnari præsidia, nullas secum detulerat, aut quia absque eorū adminiculo urbem subito, & sine difficultate se arbitrabatur posse effringere, & obtinere violenter; aut quia nostrorum celerem expectans aduentum, tantam operam inutiliter cōsumere recuabat: quod tamen absque machinis poterat, diligenti studio & tota percur-rebat sollicitudine. Nam, vt prædiximus, infinitam multitudinem sibi per vices alternatim succedentem, seriatim circa urbem collocauerat, quæ tantam in eos, qui in muris erant & turribz, & ad tuitionem urbis desudabant; sagittarum imminuebant multitudinem, quod instar grandinis & urbem replerent & moenia. Nec solā eo modo obsessos, ab urbis tuitione nitebantur arcere, verū & tolliores, qui ad hoc specialiter vt murum suffoderent, vocati fuerant, violenter laborabant

intromittere, ut antemuralia murosque effringendo & aditus patefacerent, quibus armatorum copiarum, inuitis ciuibus ingrederetur: & ut ipsi liberius huic studio operam possent impendere, alii, ut praeuimus, arcubus instabant & balistis, & infinita telorum immisione; & tanta instabant proteruita, quod vix sine mortis periculo, qui intus erant, digitum audebant exerere. Ciues tamen, licet pauci essent admodum, praefecti tamen urbis & episcopi maxime, quorum multa in eo facto merito commendatur virtus & constantia, monitis & exhortationibus acquiescentes, his omnibus argumentis, argumenta obiciebant contraria, & nullam resistendi artem relinquebant intentatam. Nam & contra exteriores sagittarios, tela & sagittas, arte non dispari vel studio retorquebant, unde hostibus dispendia longe multipliciora inferebant, & causas mortis illis irrogabant frequentius, qui cum maiore proteruita videbantur instare. Et his qui murum nitebantur suffodere, arte occurrebant eadem, ita ut ipso opere defudantibus plerumque aut mortem inferrent, aut fodiendi auferrent instrumenta. Nec solum qui per terras aduenerant, has tantas ciuibus obsessis inferebant molestias: verum & qui nauigio accesserant, non minus proteruita, non minus hostiliter obsessis instabant. Ipse autem *Salahadinus* non longe ab urbe in colle constitutus, & propria praesentia, & exhortationis verbo suos ad instantiam animabat: eaque tenus profecit, quod quidam de Principibus eius *Chœlinus* nomine, scalas moenibus applicandas decerneret, & violenter ingrediendum esse denunciaret. Turpe etenim ei videbatur & ignominiosum, quod tanta, tantorum virorum multitudini, populus tam modicus posset vel auderet resistere. In quo proposito dum perseveraret attentius; & alios ad id ipsum tum verbo tum exemplo animaret, subito sagitta iuxta oculum in facie percussus, & se & alios reuocauit ab opere incepto: eumque per triduum penè continuum, ita urbem impugnasset, videntes quod non proficerent, qui per mare aduenerant, de mandato *Salahadini* in Galeas se recipientes, circa noctis initium tertiae clam & de nocte reuersi sunt. *Salahadinus* quoque reuocatis agminibus, ab urbe discedens aliquantulum, per campestria quae urbi praedictae adiacent, turmas coepit diuidere, turres quae erant in adiacentibus suburbanis funditus deiici praecipiens: sed nec pomeriis & vinetis, quae in circuitu urbis erant plurima, parcentes, in securi & ascia cuncta deiecerunt. Ut autem in obsidione liberius tutiusque perseverare posset, viarum quasdam difficultates, & angustias quae inter urbem praedictam & *Sidonem* positae, per quas nostro exercitui ad urbis liberationem accedere volenti, de necessitate futurus erat transitus, non solum à suis pedestribus turbis occupari fecerat, verum ubi erant maiores angustiae, siccis lapidibus absque commento, usque in ipsum mare fecerat deduci maceriam; ut utroque impedimento nostrae retardatae legiones, eò minus haberet ad eum possent accedere, ipseque interim non desineret urbem molestare. Cumque firmum fixumque prius diceretur habere propositum, ab urbis obsidione, nisi eam violenter effractam, non discedere: mutata voluntate, ut praediximus, reditum accelerauit ad propria. Cuius rei causa fuisse dicitur, quod quendam literarum baiulum, quae in urbem ad solidandos animos obsessorum, à quibusdam dirigebantur fidelibus, casu ceperant, qui obseruabant transitus: quem ante *Salahadinum* deductum, grauissimis quaestionibus subiecerunt. Vbi tum ex eius confessione violenter extorta, tum ex literarum tenore cognoscentes, quod nostrorum uterque paratus erat exercitus, & infra triduum procul omni dubio affuturus, mutato proposito, soluerunt, ut praedictum est, obsidionem. Classis tamen nostra usque ad locum peruenit destinatum: sed urbem reperiens liberam, in portus unde prius exierat, non multo interiecto tempore, reuersa est. Rex autem & vniuersus exercitus eius, cognito quod hostes ab urbe discessissent obsessa, cum apud *Tyrum* per dies aliquot moram fecisset, reuocatis expeditionibus, *Sephorim* reuersus est. *Salahadinus* interea, sicut erat vir vigilantissimus, & toto mentis ardore ad dilatandam nominis sui gloriam, & regni incrementum anhelabat, nostrorum vires quasi pro nihilo ducens, & ad maiora suspirans, ad partes transire disposuit Orientales. Id tamen, nondum pro certo liquet utrum proprio ductus spiritu, & solita praecipua magnanimitate, sit aggressus; an à Principibus illius regionis euocatus, rem adeo difficilem, & quae supra vires videbatur, attentauerit. Quaecumque ergo fiducia, ingentes equitum collegit copias, & compositis pro locorum & temporum opportunitate farcinis,

facinis, & quæ ad tantum iter conficiendum sufficere posse videbatur, necessariis, versus Eufraten properat. Apud nos autem sermo diuulgabatur frequens, quod versus *Halapiam* contenderet, ut eam sibi vindicare niteretur. Ea enim sola, cum paucis oppidis adiacentibus sibi, de tota *Noradini* hereditate supererat, quæ nondum in eius peruenerat ditionem. Mortuo enim *Noradini* filio, frater *Cotebedini* domini *Mussulæ*, fratre permittente, ad quem iure hereditario defuncto prædicto adolescente deuoluta fuerat, possidebat. Credebatur ergo, sicuti & erat verisimile, quod ut eam urbem obtineret, ad partes illas festinasset. Sed sicut rei patefecit exitus, longè sublimiora mente conceperat. Relictâ enim post se vrbe prædictâ, & Eufrate transmissa, Mesopotamiæ vrbes splendidissimas, *Edeffam*, *Carram*, & alias quamplures cum oppidis suffraganeis, & vniuersam pene regionem, quæ sub potestate prædicti principis, domini videlicet *Mussulæ*, prius iacuerat, tam viribus, quam munerum interuentione, intra paucos dies sibi vindicauit. Corruptis enim multâ liberalitate regionum magnatibus, qui Domino sæpèdicto fidelitate tenebantur astricti, receptisque eorum municipiis, in suum obsequium omnes conuerterat, ita ut sæpèdictus magnus & nobilis princeps suorum penitus destitutus auxilio, ei occurrere, aut resistere non posse diceretur, sed etiam publicè dicebatur, quod corruptis eius domesticis & familiaribus, potum ei mortiferum, vnde vix postmodum euasit, propinasset: vnde liberius vsque *Mussulam*, cum suis expeditionibus iam peruenisse (famâ referente) credebatur. Varius tamen super eo facto apud nos disseminabatur sermo, dicentibus aliis, quod prosperè incederet, & omnia illi suppetere ad votum: aliis è diuerso asserentibus, quod per maiores illarum regionum Principes, contra illius insolentiam conuenientes, eius malè tractatus esset exercitus.

Rex igitur & Regni nostri Principes, videntes regionem hostium, viribus destitutam militaribus, arbitrati, sicut & meritò videri poterat, quod nocendi hostibus optata pateret occasio; eoque ampliùs indignati, quod tantam eius, qui abierat, notabant superbiam, quod contemptis Regni viribus, ut regna sibi vendicaret extera, proficiscens, cum Rege nec treugam nec fœdus inierat: communicato consilio, collectis Regni viribus, assumpto sibi viuificæ Crucis ligno precioso, domino quoque Patriarchâ eos prosequente, hostium fines ingressi sunt, regionem pro viribus depopulaturi. Pertranscunt ergo *Traconitidem* regionem, quæ *Bostrensis* diocæcos pars est non modica, Syriam minorem, cuius caput est *Damascus*, ingressi, & ad Orientalem eius plagam contendentes, locum celebrem & famosum *Zora* nomine, multis refertum habitatoribus, qui à Damascena non multum distat vrbe, violenter effregerunt: & inde regionem perlustrantes ex parte plurima, loca suburbana quæ vulgò *Casalia* dicuntur, suppositis ignibus & aliis, quibus poterant, nocendi artibus deiecerunt. Regionis autem habitatores, præcognito nostrorum aduentu, cum gregibus & armentis, cum liberis & vxoribus ad loca se contulerant munitiora. Vnde factum est, ut prædæ & manubiarum aut nihil, aut modicum secum nostri reportauerint: fruges tamen & cætera vitæ necessaria, quæ illi abeuntes secum transferre non poterant, nostri vel incendio, vel aliis quibus id modis fieri poterat, consumpserunt. Redeuntes verò depopulando vniuersâ quæ occurrebant, iuxta nobilem illius regionis metropolim, *Bostrum* nomine, quæ vulgari appellatione dicitur *Bofferet*, habuerunt transitû. Vbi cum de effringendo eiusdem ciuitatis suburbio, inter nostros tractatus haberetur, videntes quod id subito fieri non posset, sed moram exigere diuturniorem, quam tamen non dabat aquarum inopia, ad redeundum se præparant, sibi & equis & iumentis omnibus sitis formidantes importunitatem. Est enim regio prædicta, arens prorsus & inaquosa; fontes, riuos & flumina non habens penitus: hybernis enim mensibus lacunis solent aquas colligere pluuias, & eas totâ conseruare diligentia, ad vtiùs necessarios per annum integrum, calore solis, & assiduitate limi cui superiacent, factas insipidas. Has etiam aduentu nostrorum præcognito, effractis lacubus, aut emisierant, aut immissis corruerant immunditiis, ne pertransiens exercitus morâ ibi posset necesse: Sed neq; depopulationem quantam vellent exercere, temporis patiebatur pars illa: iam enim fruges, & cætera illa quæ incendium solet consumere, congesierant in horrea, quæ in specubus subterraneis regio illa habere consuevit; quas etiâ terra coopertas & arte occultatas multâ, difficile erat inuenire: sed etsi quid reperiebatur

XX.

in areis, id exutum stramine, & mundatum à palea, non faciliè admittebat incendium, graui solitudine ignem non admittente. Vixque aliud areis damnum poterant inferre, quàm vt fruges dispergerent; & ad opus equorum, abeuntes secum deferrent. Multi tamen artem nocendi quærentes, aliunde stramina, aliunde paleas frugibus immiscebant iam purgatis, vt faciliùs admittere possent incendia. Refiduum autem militiæ, quam in eadem regione *Salahadinus* abiens dereliquerat, quoniam de viribus non præsumebant eatenus vt cum nostris auderent congregari, vel eis de proximo ministrare impedimentum, gregatim de remoto sequebantur, vt circa abeuntis exercitus posteriora, aliquid possent latenter moliri. Sed neque sic nostris impedimentum ministrare potuerunt, aut lædere totum vel partem exercitus. 10

XXI. Transcursa igitur regione, & eà quantum eis nocere dabatur damnificatâ, redeuntes, in ea eiusdem prouinciæ parte, cui *Suite* nomen est, substituerunt. Hæc autem est regio, in qua præsidium situm est, quod a nostris paulo antè, vt prædiximus, hostes dum in Syria Sobal moram facerent, fraudulenter eripuerant. Est autem regio commodatibus vini, frumenti & olei, simul & salubritate commendabilis, & amœnitate præcipuâ: de qua fuisse traditur *Baldad* ille, *Iob* amicus, qui ab ea cognominatus est *Suites*. Ad hanc ergo peruenientes, honestum iudicant, & ita fieri oportere decernunt, vt prædictum municipium obsideant; & quam nobis intulerant, in eiusdem captione fraudulenta, hostes iniuriam, locum recipiendo, si eis concedatur diuinitus, resarciant. Iuxta ergo condictum, ante locum castra locant 20

supra nominatum, omnem adhibentes operam & studium, vt ii, qui intus erant, ad deditionem compellerentur. Et quoniam locus erat munitissimus, & situs eius huiusmodi, quod ei nullatenus, nisi à parte superiori, noceri posset, ibique non aliàs quàm si rupes vsque ad ipsam habitationem incideretur: decernunt à parte superiori castrorum lapidum, eisque quotquot haberent ministros necessarios, simul & operum custodes, vt tutè & sine irruentium periculo laborare possent, collocare. Erat enim spelunca in altissimo montis latere posita, non habens nisi cum multa difficultate accessum, in quo vix pediti iter esse poterat expedito: nam inferiùs, vsque in profundum subiectæ vallis, ingens est & horribile præcipitium: ex latere autem, ad eam accedebatur itinere vnus pedis vix habente latitudinem. Erant autem in 30

eadem spelunca mansiones tres, sibi inuicem superpositæ, in quibus mutuus per quasdam scalas ligneas, & per quædam angusta foramina interiùs ascensus erat & descensus. Sic ergo eà solâ quâ eis noceri poterat via, aggressi sunt speluncam desuper, vt præmisimus, incidere, tentantes si ad primam & superiorem speluncæ habitationem, incidendo sic possent penetrare. Erat igitur in eo omnis nostrorum intentio, & totus in eo labor impendebatur. Ordinatis enim ad id operis exequendum artificibus, quotquot erant necessarii, & cooperatoribus ministris, qui lapides incisos & lapidum fragmenta, per præceptum in vallem subiectam deuoluerent, vt sine intermissione opus procederet, vicarias tam interdum quàm de nocte constituebant successiones: vt defatigatis prioribus, noui recentesque venirent, qui operis 40

possent & scirent portare pondus. Proficiebat ergo labor impèdio, tum ex frequentia & feruore eorum qui prædicto instabant operi, tum ex quadam habilitate quam ex se præbebat saxi, quod incidebatur, materia. Erat enim lapis cretaceus, & ad frangendum facilis; nisi quòd venas durissimi filicis interpolatim habebat immixtas, quæ sapiùs & ferrea læderent instrumenta; & iis qui in opere feruebant, aliquoties ministrarent impedimentum. Porro quicquid fragmentorum, vt locus expediretur, in vallem subiectam, vt prædiximus, deuoluebatur, totum id qui in spelunca erant obfessi, contemplantur de proximo: vnde eis timor incutiebatur amplior, tanquam qui singulis expectabant horis, vt incisione perfectâ ad eos violenter introiretur. Nostrer autem bipertitus erat exercitus: nam pars eius, vt prædiximus, in 50

monte supremo, in quo erat spelunca, castra locauerat, vt eos qui erant in opere solliciti, ab hostium protegerent insidiis; pars verò inferiùs residebat in plano, quibus id specialiter erat propositi, vt obfessis introitum negarent & exitum. Hi etiam nonnunquam per illam artam, vnde præmisimus, semitam, ad inferiorem eiusdem speluncæ stationem accedentes, eos qui intus erant, licet non proficerent, assultibus molestante nitebantur. Erant autem intus viri fortes & bellicosi, tam vicualium quam armorum habentes copiam, quasi ad septuaginta: quos tamquam virtute probatos,

batos, de quorum fide & constantia præsumebat plurimum *Salahadinus*, abiens intrus dimiserat, eorum diligentiam commendans municipium. Et iam eousque ventus erat, quod qui in spelunca erant, præ frequenti & penè continua malleorū percussione, intrus quiescere non poterant: videbatur enim, ad omnem ictuum ingentiationem, spelunca tremiscere & vniuersa concuti: ita ut iam non timerent, quod hostri ad eos irrumperent violenter, sed quod tota spelunca, repetitione malleorū fatigata, subito corruens, vniuersos opprimeret. Denique quod eis subsidium ministraretur, omnino sperare non licebat: nam prius nouerant, ad partes remotissimas, & vnde facile redire non poterat, demigrasse *Salahadinum*, & militares secum duxisse copias. Vnde factum est, quod postquam obsidionem tribus vel modico amplius septimanis perpassi fuerant, missa legatione ad dominum Regem, per interuentum domini Comitis Tripolitani obtinent, ut resignato præsidio, cum armis, quæ ipsi intulerant, & propria suppellectile, liber eis usque *Bostrom* indulgeretur transitus. Sic ergo illis abeuntibus, recepto præsidio, confusionem, quam ex eodem prius videbantur induisse, auctore Domino, & per eius superabundantem gratiam, diluimus. Porro tam Domino Regi, quam aliis Principibus curæ fuit non modicæ, statim, sicut expediens videbatur, ut locum resignatum & armis communirent, & victualibus; & viris fidelibus, de quorum fide non dubitaretur & industria, committerent. Quo cum omni diligentia completo, noster ad propria reuersus est exercitus. Factum est autem hoc, anno ab incarnatione Domini *millesimo centesimo octogesimo secundo*, \* die mensis Octobris. Modico autem, post hoc, interiecto tempore interuallo, id est, Decembre proximè subsecuto, videntes nostri quod *Salahadinus* non redierat, & adhuc maioribus negotiis impeditus, circa partes *Mussulæ* detineretur occupatus: nolentes opportunitatem amittere, quam idem de sua absentia ministrabat, iterum conuenientes, communicato Regni consilio, apud *Cæsaream* urbem maritimam condicunt vnanimiter, & communi decernunt voluntate, ut collectis Regni viribus, & præparatis ad dies quindecim, tam ad usus hominum quam iumentorum necessariis, fines hostium iterum ingrediantur, porrectam occasionem non neglecturi. Facta ergo expeditione occultâ, in qua solos equites secum habuerunt, ab hostiū finibus *Bostro* adiacentibus, sicut ab initio conditum fuerat, prædam in gregibus & armentis, nec non & mancipiis quampluribus, secum traxerunt, cum omni incolumitate redeuntes ad propria. Cui negotio, quoniam à partibus *Tyberiadensibus* & profectum habuerunt, & ad easdem partes regressum, dominus Comes Tripolitanus præfuit. Quintâ decimâ verò demum die, Rex cum vniuersis Regni Principibus, equitumque ac peditum copiis, quas Regnum pro tempore ministrare potuit, assumptâ secum *Cruce Dominicâ*, iuxta *Tyberiadem*, secus mare *Galileæ*, in loco cui nomen *Castellerum*, adfuit; & exinde, per locum, cui nomen *Vadum Iacob*, fluium pertransiens, hostium regionem ingressus est. Vnde progrediens exercitus, *Libanum* à sinistris deferens, & loca planiora secutus, prius locum cui nomen *Bettegene*, cum adiacentibus viculis, partim incendio, partim ruinâ deiecerunt funditus, vniuersa eius bona, modis variis tradentes exterminio. Consequenter verò cotinuato itinere, ad locum peruenerunt, cui nomen *Daria*, quæ ab vrbe *Damascena* vix quatuor aut quinque distat miliaribus, quam etiam cum adiacentibus viculis eodem modo depopulati sunt. Regionis autem incolæ, partim ad iuga *Libani* se contulerant, partim confugerant *Damascum*. Vnde in tota regione, vix vnum de hostibus valuerunt comprehendere: de nostris tamen quosdam qui pabulatum egressi, incautè se habebant, amisimus. Egressi enim ab vrbe *Damascena* equites nonnulli, de equorum velocitate fidentes, exercitum eminus aliquando præibant, aliquando subsequiebantur, expectantes, si nocendi tempus aut locum inuenirent: qui in nostros, de quibus prædiximus, irruentes, more hostili in eos versati sunt, vniuersos obtruncantes. Ciues autem *Damasceni* ab vrbe egressi, iunctis agminibus circa pomeria, quæ vrbi adiacent plurima, conglobati, nostrorum cohortes eminus contemplabantur, procedere non audentes. Factumque est ita, quod neque nostri in eos, neque ipsi in nostras expeditiones attentauerunt irruere: sed abeuntibus nostris, ipsi in urbem se receperunt. Nostri verò regione, ut prædictum est, decursa, & damno illato, ut prædiximus, sine difficultate & impedimento, reuersi sunt ad propria, domino Rege *Tyrum*, ut ibi Domi-

SSSS



nicæ Natiuitatis nobiscum solennia celebraret properante. Interca de *Salahadino*, rumor incertus ferebatur, dicentibus aliis, quod in Mesopotamia circa partes *Mussule* multum proficeret, & sibi regionem subiugaret vniuersam. Aliis autem dicentibus, quod vniuersi Orientalis tractus Principes conuenerunt, ut eum ab illis regionibus expellerent violentem; & eas partes, quas ipse dolis & interuentu pecunie sibi vendicauerat, ab eo reuocarēt. Nobis autē valdē suspectus erat eius profectus; & ne maius susciperet incrementum, eramus plurimum solliciti, timētes ne multiplicatis viribus ad nos rediret fortior. Vnde factum est, quod subsequente Februario, conuenerunt Regni Principes vniuersi, apud *Hierosolymam*, de rerum statu, qui præsens erat, consilium habituri. Multum enim, ut prædictum est, de eius reditu timebatur: Vnde & anxie magis ad omnia resistendi argumenta, se nitebantur attollere. Factum est igitur post multas deliberationum partes, quod de vniuersorum placuit consilio, ut census de vniuersis Regni finibus colligeretur, vnde necessitatis tempore, equitum peditumque copias habere possemus; ut rediens prædictus hostis, nos ad resistendum paratos inueniret. Rex enim & alii Principes, in tantam descenderant egestatem, quod ad complenda debita munia, omnino erant insufficientes. Collecta est ergo de publico pecunia, cuius descriptionis quis fuerit modus, ex rescripti, quod super eo negotio factum est, serie, plenius innotescet, quod sic habet. *Hæc est forma colligendi census, qui de communi omnium Principum, tam ecclesiasticorum, quam secularium, & de assensu vniuersa plebis Regni Hierosolymorum, pro communi utilitate eiusdem Regni, contra imminentes necessitates, colligi debet. Decretum est publicè, quod in qualibet ciuitate Regni, quatuor eligantur viri prudentes & fide digni qui & ipsi iuramento corporaliter præstito, quod in præsentis negotio bonâ fide debent versari, primum pro se debent dare, deinde alios ad id ipsum compellere, de singulis centum Byzantiis, quos habent, vel eorum valens, siue in rebus penes se constitutis, siue in debitis quæ sibi debentur, Byzantium unum: de redditibus verò, de singulis centum Byzantiis, Byzantios duos. Debent autem circa alios compellendos ita se habere, quod unumquemque, de ciuibus, seu habitatoribus ciuitatum, vel locorum quibus præsumt, iuxta id quod eis videbitur bonâ fide, quod eorum substantia valeat, unicuique secundum possibilitatem suam iniungere secretè, quid ad prædictam collationem soluat. Quod si ille cui iniunctum est quantum debeat dare, dixerit, se grauatum esse, & supra vires ei iniunctum esse, afferet iuxta propriam conscientiam quantum ei videbitur, quod sua mobilia valeant, & præstito iuramento, quod amplius non debeat dare, iuxta dictam conditionem recedet quietus. Illi autem quatuor tenebuntur ex debito iuramenti secretum tenere, quicquid à ciuibus eis oblatum fuerit, siue magnum, siue paruum, & diuitias siue paupertatem eorum tenebuntur ex iuramento non detegere. Hoc autem debent obseruare in his omnibus, qui habent valens centum Byzantium, cuiuscunque lingue, cuiuscunque nationis, cuiuscunque fidei, non habitâ differentia sexus; & siue sint viri, siue sint femina, omnes huic legi subiacebunt. Si verò prædicti quatuor selecti, qui ad hoc deputati sunt, cognouerint pro certo, quod alicuius substantia non valeat centum Byzantios, accipiant super eum Foagium, id est, pro foco, Byzantium unum: quod si non poterint integrum, accipient dimidium: & si dimidium non poterint, accipient Rabuinum, secundum quod bona fide videbitur eis faciendum. Huic autem conditioni subiacebunt omnes illi cuiuscunque nationis, lingue, & fidei, & sexus sint, quorum mobilia non valent centum Byzantios. Decretum est etiam, quod singula Ecclesia, & singula monasteria, & Barones omnes, quotquot sunt, & vauassores etiam, de singulis centum Byzantiis quos habent in redditibus, sicut & alii, de Regno quicunque redditus habent, debent dare duos Byzantios: Solidarii verò de singulis centum Byzantiis, Byzantium unum. Quicunque verò casalia habent, tenentur iurare, quod de singulis focis quos habent in villis & casalibus suis præter supradicta, bonâ fide dabunt unum Byzantium: ita quod si casale focos habuit centum, centum inde Byzantios persolvere, rusticos compellat. Erit autem postmodum domini casalis, inter rusticos eiusdem loci, prædictos Byzantios congruis portionibus diuidere, ita ut iuxta possibilitatem suam ad solutionem prædictam, unusquisque compellatur: ne dittores leuius transeant, vel grauentur pauperiores. Idem autem erit, & si plures vel pauciores habeat casale focos. Hanc autem pecuniam sic collectam de singulis urbibus, quæ sunt à Caypha, citra versus Hierosolymam, illi qui, (ut prædiximus) præerunt singulis urbibus & castellis, deferent Hierosolymam: & eam iradent sub certo numero & pondere, his qui Hierosolymis ad hoc opus præsumt & ipsi consignatam & seorsum, sicuti de singulis ciuitatibus vel locis aliis recipient, in saccis singulis sigillatam, præsentem domino Patriarchâ, vel eius nuntio, præsentem quoque Priore Domini Sepulchri, præsentem quoque Castellano urbis eiusdem debent*

debent collocare in arcam, quæ erit in thesauro sanctæ Crucis, quæ habebit tres seras, & clauēs totidem, quarum primam habebit dominus Patriarcha, secundam Prior Sepulchri, & tertiam Castellanus, & quatuor prædicti ciues, qui ad colligendam pecuniam sunt deputati. A Caypha verò usque Berythum, qui urbibus præerunt, collectam pecuniam similiter deferent ad Acconensem ciuitatem, & ibi tradetur sicuti de singulis ciuitatibus & castellis deferetur, sub certo numero & pondere illis quatuor qui in eadem ciuitate colligenda præsumt pecunia, & reponetur in singulis saccis inscriptis, & sigillatis in arcam, quæ habebit seras tres, & totidem clauēs: quarum primam habebit dominus Tyrensis Archiepiscopus, secundam Ioscelinus regius Senescalcus, tertiam verò prædicti quatuor ciues, qui ad hoc opus urbi præsumt. Acconenfi. Recipient autem prædictam monetam isti, præsentibus dictis dominis qui clauēs habebunt. Hæc autem sic collecta pecunia, expendi non debet in minutis Regni negociis, sed in defensione terræ tantummodo: & quamdiu hæc pecunia supererit, cessare debebunt tam ab ecclesiis, quam à ciuitatibus exactiones, quæ vulgò Talix appellantur: fietque semel; & non reputabitur pro consuetudine in posterum.

Interea vir impiger, & per omnia strenuum Principem agens, *Salahadinus*, in **xxiv**. Mesopotamia Syriæ regiones occupat, & præcipui nominis sibi violenter vendicat ciuitates: inter quas egregiam metropolim *Amidam*, quæ & populi numerositate, & murorum validissimo ambitu, simulque loci situ, videbatur inexpugnabilis, obfideret, obsessam expugnat, & expugnatam tradit ex pacto cuidam Turcorum Principi, *Noradino* nomine, filio *Carassalem*: cuius obsequiis & auxilio fretus, liberam in partibus illis moram egerat, & subegerat regionem. Vere demum proximè subsecuto, reuocatis expeditionibus & vniuersâ regione apud fideles suos in tuto collocatâ, remenso Eufrate in Cœlesyriam reuertitur, circa *Halapiam* disponens exercitum, & urbem modis omnibus satagens molestare. Qui autem eidem urbi præerat, videns quòd frater eius, qui se multò erat fortior & potèntior, videlicet *Mussule* dominus, eundem *Salahadinum* non potuerat à suis finibus arcuisse, sed eo inuito omnes trans Eufratem subegerat prouincias, timens ne simile sibi aliquid contingeret, missâ clam legatione, absque *Halapiensium* conscientia, cum *Salahadino* paciscitur, ut reddita sibi *Semar*, & quibusdam aliis oppidis, quorum nomina non tenemus, ipse *Halapiam* eidem resignaret. Quam legationem *Salahadinus* cum omni iucunditate suscipiens, quia nihil auidius ab initio sui principatus affectauerat, quam ut *Halapiam*, quasi totius Regni robur, sibi modo quocunque vendicaret, grato concurrens assensu, conditionem amplectitur: & tradita ciuitate prænominatâ, cum adiacentibus pertinentiis, recepit *Halapiam*, in Nonis Iuniis. Hic primum nostros geminatus corripuit timor: nam quod maximè verebantur, acciderat. Visum enim erat ab initio nostris, quòd si sæpè nominatam urbem suo posset adiungere Principatui, omnis nostrorum regio vndique videretur, & quasi per circuitum eius potentia & viribus quasi obsidione vallata: vnde rumore comperto, nostri in varia se attollunt argumenta, elaborantes circa urbium & oppidorum, maximè quæ in confinibus hostium posita erant, munitionem: præcipuè autem, circa *Berythensium* urbem, quæ huiusmodi operâ plurimum videbatur indigere. Sed & Princeps Antiochenus de tanti hostis vicinitate sollicitus, videns sibi duriores oppositum aduersarium, cum modico comitatu, ne terram suam militaribus copiis relinqueret destitutam, assumpto secum Comite Tripolitano Regem adiit, qui per eos dies in urbe Acconenfi moram faciebat. Vbi in præsentia Regni Principum, contra prædictum *Salahadinum* auxilium postulans, iuxta votum meruit exaudiri. Designati sunt enim ei in optatum subsidium, de Regni militia promiscuæ conditionis, quasi equites trecenti: qui eum ad partes Antiochenas secuti, dum in eius parati erant militare obsequio, infra modicum tempus, sumptâ ab eodem licentiâ, reuersi sunt. Ipse verò cum prædicto *Salahadino* pace temporali compositâ, visus est aliquam tranquillitatem assecutus. Utque minus sollicitudinis haberet, magisque circa fines Antiochenas inuigilare posset, & curam impendere propensio-riorem, *Tarsum* primæ Ciliciæ metropolim, quam à Græcis receperat, *Rupino* Armeniorum Satrapæ potentissimo, qui eiusdem regionis vrbes reliquas possidebat, multarum pecuniarum tradidit interuentu; consultè id faciens: nam cum esset ab eo remota nimis, & prædicti *Rupini* terra in medio constituta, non nisi cum difficultate, & infinitis sumptibus eius curam Princeps gerere poterat, quod prædicto nobili viro erat facile. *Salahadinus* autem, in ea regione rebus pro voto compositis, *Dama-*

scum cum suis legionibus se transtulit. Vnde etiam priore multo vehementior nostros formido corripuit: eoque periculosior, quo de eius proposito per exploratores nullatenus certificari poterant. Aliis enim videbatur, quod aduocato nauali exercitu, *Berythensium* urbem, sicut anno proximè præterito fecerat, moliretur obsidere: alii verò nitebantur asserere, quod in montanis, qui Tyrensi prominent ciuitati, præsidia duo, *Toronum & Castellum nouum* eius esset propositum expugnare: aliis verò videbatur, quod regionem trans Iordanem, videlicet *Syriam Sobal*, cordi haberet depopulari, & oppida quæ in ea regione sunt, euertere. Nonnulli etiam erant qui persuadere nitebantur, quod diuturnis longisque expeditionibus fatigatus, pace ad tempus impetratâ, propositum haberet in Ægyptum descendere, ut fatigatos exercitus repararet, & sumptus iterum ad futuras expeditiones colligeret necessarios. Inter hæc igitur tam ambigua, Rex & Regni Principes vniuersi, cum multa formidine tenebantur suspensi. Vnde collectis Regni viribus apud fontem *Seforitanum*, ubi conuenire de prisca consuetudine solent exercitus residentes, rei euentum præstolabantur. Vocatisque tam Principe Antiocheno, quam Tripolitano Comite, vires & subsidia corrogabant, vndeunque de die in diem expectantes, ut in aliquas Regni partes subitus irrueret, & legiones induceret solito multipliciores.

xxv. Dum igitur noster, apud fontem *Seforitanum*, ita suspensus detineretur exercitus, contigit Regem apud *Nazareth* febre repentinâ grauissimè laborare; morbo quoque elephantioso, quo ab initio Regni sui, & à primis adolescentiæ auspiciis molestari cœperat, præter solitum ingrauescente, lumen amiserat, & corporis extremitatibus læsis & computrescentibus omninò, pedes manusque ei suum denegebant officium: Regiam tamen dignitatē, & administrationē nihilominus (licet à nonnullis ei suggereretur, ut cederet; & de bonis regiis sibi tranquillam seorsum eligenti vitam, honestè prouideret) hætenus detrectauerat deponere. Licet enim corpore debilis esset & impotens, forti tamen pollebat animo, & ad dissimulandam ægritudinem & supportandam Regiam sollicitudinem supra vires enitebatur. Febre igitur, ut præmisimus, est correptus; & de vita desperans, conuocatis ad se suis Principibus, præsentē matre & domino Patriarchâ, *Guidonem de Liziniaco* sororis suæ maritum, Comitem Ioppensem & Ascalonitanum, de quo in superioribus sæpissimam fecimus mentionem, Regni constituit Procuratorem, saluâ sibi Regiâ dignitate, retentaque sibi solâ *Hierosolymâ* cum reditu decem millium aureorum, annuatim soluendorum: reliquarum Regni partium generalem, & liberam ei contulit administrationem, præcipiens fidelibus suis & generaliter Principibus omnibus, ut eius *vassalli fierent, & ei manualiter exhiberent fidelitatem*: quod & factum est. Iurasse tamen prius de mandato domini Regis perhibetur, *quod eo viuentē non aspiraret ad coronam; & quod de vniuersis ciuitatibus & castellis quæ Rex in præsentiarum possidebat, nihil transferret in alium, vel à fisco alienaret*. Creditur autem id studiosè, & de multa industria eidem iniunctum fuisse, & ad id firmiter obseruandum iurisiurandi religione in præsentia vniuersorum Principum obligatum fuisse: eò quod singulis eorum, ferè de maioribus Regni membris, portiones promiserat non modicas, ut ad id obtinendum quod petebat, eorum suffragiis iuuaretur & studio: quibus, ut promissa cõpleret, simili vinculo, dicebatur astrictus. Nos verò id asserendo dicere nō conuenit, quia pro recto compertum non habemus: ita tamē famâ frequente diuulgabatur in populo. Erant tamen nonnulli, quibus hæc mutatio non multum placuit, quorum alii familiaribus studiis, & ex causis occultis ad id ut displiceret procliues se dabant: alii publicam agentes causam, & de Regni statu anxie solliciti, publicè contestabantur, prædictum Comitem, tantæ administrationis imparem oneri, ad procuranda Regni negotia non posse sufficere: alii verò, quibus de eius promotione spes suberat, ut suas meliores possent facere cōditiones, utiliter factum asserabant. Eratque murmur, & vox dissona plurimum in populo, iuxta id quod prouerbialiter dici solet: *Quot homines, tot sententia*. Verumtamen hac diu desideratâ & iniunctâ sibi pro votis administratione, quâ in primis satis inconsideratè visus est gloriari, non diu lætatus est, sicut in sequentibus dicetur. Inconsideratè autem onus huiusmodi præfatum sibi assumplisse Comitem, cā diximus ratione, quod non satis diligenter vires suas cum eo quod iniungebatur munere compensauit. Impar enim & viribus & prudētiâ, pondus importabile humeris imposuit, parabolâ

rabolâ non satis edoctus Euangelicâ, quâ suggeritur ei *qui turrim vult edificare, ut sc. Luc. 14. 28.* *dens prius computet sumptus, & discutiat diligenter utrum pares cum assumpto proposito vires habeat, ne deficiens audiat: Iste homo cepit edificare, & non potuit consummare.* His **xxvi.** ergo apud nos se ita habentibus, exercitu quoque nostro apud *Sephorim* in unum, ex parte plurima, congregato, sæpeditus *Salahadinus*, post multam deliberationem, accitis sibi viribus de regione quæ trans Euphratem est, conuocatis quas vndecunque potuit asciscere equitum copiis, in multitudine graui, & ad vnguem armata, nouissimum fines nostros ingressus est. Subito enim transcursâ *Auranitide* regione, secus mare Tyberiadis, in campestribus Iordanis, eo loco cui nomen est *Cauan*,  
10 cum suis legionibus apparuit, in partes varias distributo exercitu: vnde profectus, secus Iordanis fluentia versus *Scythopolim* properat. *Scythopolis* autem (ut sæpe dictum est) eaq̃ est quæ hodie dicitur *Bethsan*, olim vniuersæ metropolis Galilææ; cuius nobilitatis argumenta, ex ædificiorum ruina pristinorum, & multo marmore, quod in effractis ædificiis inuenitur, est colligere: nunc verò ad nihilum redacta, raro incolitur habitatore, solum oppidulo, quod in paludibus situm est, paucorum habitationi reseruato. Hi verò, licet armis & victualibus pro suo numero, & loci capacitate satis abundarent, de præsidii tamen munitione diffidentes, antequam hostilis omnino accederet exercitus, castrum deseruerant, relictis impedimentis omnibus, Tyberiadem se transferentes. Vnde factum est, quòd hostes ad prædictum  
20 accedentes locum, & vacuum reperientes, eum pro arbitrio tractauerunt: quicquid armorum, quicquid victus, quicquid vtilium deniq; intus erat, secum deferentes. Vnde profecti, diuisoque procedentes exercitu, pars quædam circa fontem, cui nomen *Tubania*, qui ad radices montis Gelboë oritur, secus urbem antiquitus nobilem, quæ dicta est *Iezrahel*, nunc autem vulgari appellatione dicitur *paruum Gerinum*, castra locauerunt, commoditatem aquarum secuti. Nostri autem qui apud fontem *Sephoritanum*, (de quo sæpissimam in his tractatibus nostris fecimus mentionem) adhuc detinebantur in castris, expectantes suspensi, ex quam parte hostiles in nostram regionem vellent irrumpere legiones: cognitoque quòd campestris *Bethsaniam* tenerent, & multiformiter partitis legionibus iam occupassent illas partes, corre-  
30 ptis armis vnanimiter, viuificæ Crucis lignum, regiaque vexilla secuti, transcursis montibus, in quibus sita est *Nazareth*, Domini ciuitas, descenderunt in campum magnum, cui nomen vetus *Esdrelon*. Vnde ordinatis aciebus, & iuxta militarem disciplinam modo competenti dispositis, versus fontem *Tubania*, vbi sæpè dictus *Salahadinus*, cum ingenti egregiorum & selectorum militum manu secus aquas se locauerat, cuneos dirigunt: quasi propositum habentes, hostibus expulsis, aquarum sibi vendicare commoditatem. Quòd peruenientes, rati sunt, quòd non sine difficultate, & periculosis congressionibus aquas possent obtinere: subito *Salahadinus* castra soluens, ex insperato fontem deserit, inferiusque versus *Bethsan*, fontis eiusdem fluentia sequens, vix vnus miliarii spacio à nostris semotus, castrametatus est. Porro antequam  
40 nostri ad eum peruenissent locum, hostes turmatim se diuidentes à maioribus copiis, regionem adiacentem circuire, & more hostili tractare iam inceperant: ex quibus quidam vicum supra nominatum, videlicet *paruum Gerinum*, confregerant, cuncta quæ in eo repererant: tradentes exterminio: de loci tamen habitatoribus paucos, aut nullos reperire potuerunt: nam hostium aduentu præcognito, ad loca munitiora se contulerant. Quidam autem eum locum, qui vulgari appellatione dicitur *Forbelet*, adeuntes, vicum effregerunt, cuncta quæ illis se dabant obuiam, tractantes hostiliter: alij verò vias secuti publicas, quibus ad nostrum, ex partibus diuersis, tam equites quàm pedites properabant exercitum, transeuntibus multiplicia inferebant pericula: ita vt non sine discrimine, & mortis dispendio, ad nostrum  
50 alicunde perueniretur exercitum. Nonnulli verò ex eisdem, in montem *Thabor*, (quod prius fuerat inauditum) ascenderunt; & monasterium Græcorum, quod dicitur *sancti Helie*, pro libero tractantes arbitrio, ipsum etiam maius cœnobiū effringere tentauerunt: sed receperant se infra septa monasterii, quæ muro & turtibus erant vallata, tam monachi, quàm eorum vniuersa familia; & de viculis nonnulli finitimis, qui eos qui in montem ascenderant hostes, ab vniuerso monasterii ambitu viriliter abegerunt. Ascenderunt etiam, nihilo minus ex eodem comitatu, in eum montem, super quæ *Nazarena* sita est ciuitas: ita vt de prominentibus collibus vniuers-

fam infra se positam respicerent ciuitatem : qui tantæ fuerūt formidini mulieribus & paruulis, senibus, aut debilibus qui in vrbe erant relictī, vt dum certatim in maiorem ecclesiam inueniendæ gratiā salutis se conferre niterentur, multi à turba præfocati interīssē dicerentur. Armipotentium enim magna pars ciūium, aut castra secuti erant & expéditionem publicam; aut ad vrbes maritimas, maximè *Prothomai-*  
**XXVII.** *dam*, cum suis se transtulerant famulis. Sic igitur qui à maiore hostium se diuiserant exercitu, longè lateque per vniuersam regionem dispersi, volentibus ad nostras accedere legiones dura & grauissima inferebant pericula : quo terrore, iā nemo vel commerciorū gratiā, vel auxiliariū more ad castra nostrorū audebat accedere : vnde subito fames exorta est in exercitu. Nā vt expeditiūs hostibus occurrerent, absque oneribus & impedimentis, nostræ illuc se transtulerāt acies, sperantes quòd infra biduum, aut triduum saltem res esset finem habitura. Indigebant autem maximè pedites, & præsertim qui ab ora maritima instantissimè vocati fuerant, *Pisani, Ianuenses, Veneti, Longobardi*, qui relictis nauibus & transfretandi apparatu (instabat enim transitus, Octobre iam penè mediente) simul cum Peregrinis quos referendos susceperant, nostris se adiunxerant castris. Hi autē omnes, vix ad arma ferenda sufficientes, quia castrorum locus à mari quasi viginti distabat miliaribus, nihil omninò victualium intulerāt. Mittuntur igitur legati ad vrbes finitimas, qui earum præfectos, pro mittendis cibariis sub omni celeritate sollicitent : qui debitā diligentia, Regiæ parentes iussioni, certatim & sine dilatione, quantā possunt, illuc dirigunt victualia. Quorum pars maxima ad castra perueniens, opulentiā intulit pro loco & tempore sufficientem : pars verò quædā incautiūs delata, ad manus hostium peruenit, multam inferēs commoditatem : nam & ipsi nihilominus inopiā premebantur. Præmissi fuerant sanè de nostris equites nonnulli, quibus id erat muneris specialiter iniunctum, vt iis qui cum alimentis ad exercitum accedebant, tutū procurarent accessum : qui quos reppererunt sibi obuiam, cum incolumitate perduxerunt ad castra ; quibus autem hi tales non fuerunt præsidio, manus hostium incurrentes, aut gladio interempti sunt, aut hostibus perpetuò seruite compulsi. Hic sanè si nostra peccata, nobis *DEVM* passā fuissent esse propitium, videbatur robur hostium faciliè in ruinam verti potuisse, & intolerabilem superbiam descēdere in lubricum. Nunquam enim legitur tantam ex vniuerso Orientali tractu cernēisse, tam equitum quam peditum multitudinem : nec ab aliquibus traditur senioribus, adeò armatam in vnum coisse manum, ex priuati Regni viribus. Erant enim eis equites ad mille trecentos ; peditum verò armatorum egregiè, quindecim milliū summam dicebatur numerus excedere. Præterea magni & admirabiles præerant exercitui duces, illustres genere, & armorum experiētiā præclari, dominus *Raimundus Comes Tripolitanus* ; dominus *Henricus Dux Louania*, nobilis de Imperio Theutonicorum Princeps ; *Radulfus de Maleine*, inclytus de Aquitania vir : exceptis regni Principibus, qui erant, *Guido Comes Ioppenfis* ; *Rainaldus de Castellione*, dominus terræ ultra Iordanem, qui aliquando fuit Princeps Antiochenus ; *Baldunus de Ramis*, *Balianus Neapolitanus* frater eius, *Rainaldus Sydoniensis*, *Galtberus Cæsariensis*, *Ioscelinus* regius Senescalcus. Ex his omnibus videbatur satis probabile, hostes nostros, inconsideratè nimis transisse Iordanem, & nostris finibus insedisē : sed peccatis nostris id merentibus, effusa est contentio super Principes, ita vt in publicis negotiis, quæ tantam videbantur exigere diligentiam, non solum negligenter, verum etiam malitiosè dicerentur versati. Nam qui negotia præsentia videbantur maximè promouere potuisse, hi (vt dicitur) Comitibus Ioppenfis odio, cui Regni curam nudiustertius Rex commiserat, \* indignè ferentes, quòd homini incognito, indideret & penitus inutiles negotiorum summam in tantis periculis, & tantæ necessitatis articulo cōmisisset. Vnde factum est, quòd per octo dies continuos, castra hostium circa se posita, & vix à nostris distātia spacio vnius miliarii, patiēter nimis, imò probrosè, quod nusquā alibi in Regno accidisse legitur, passi sunt moram facere, & in regionem pro libero arbitrio deire vniuersam. Mittebātur qui aderant viri simplices, & malitiæ Principum nostrorum expertes, quid nam esset quod tantā opportunitate oblata nō fieret cum hostibus congressio, neq; de conflictu quicquam ordinaretur. Prætendebant tamen occasione, vbi de his in publico tractabatur, quòd *Salahadinus* hostilium princeps legionum, in loco relideret, scopulis obsito, ita quòd ad eum,

2/al. 106,

\*

adeum, non sine periculo graui, nostræ possent acies accedere: præterea & cohortes haberet validas, quasi in circuitu dispositas, quæ in nostros propositum haberet undique irruere, si cum *Salahadino* nostræ tentarent acies, congregari. Dicebatur à quibusdam, quia verè sic erat, & iustè à Principibus sic allegabatur: alii verò asserabant, quia color quæsitus erat, & fraudulenter fabricabatur belli fuga, ne Comiti adscriberetur si quid prosperum in eo facto accideret, & sub eius ducatu rem bene gessisse viderentur. Hæc tam multipliciter à pluribus dicta, ita conscripsimus, nihil assertiuè ponentes, tanquam qui rei veritatem non sumus plenius assecuti. Certum est tamen, quòd septem aut octo diebus cõtinuis, circa Iordanem in finibus nostris

10 hostes morâ egerunt liberam, nostris quotidie impunè damna irrogantes multiplicia. Octauâ tandem die, siue nonâ potius, reuocatis expeditionibus suis, ad propria reuersus est indemnis. Nostri verò ad fontem iterum se contulerunt *Sephoritanum*, non penitus, quin adhuc rediret, securi. Accidit autem per eosdem dies, quibus ad fontem *Tubaniâ* noster exercitus detinebatur, quiddam memoriâ dignum. Nâ cum hætenus tam fons suprâ nominatus quàm qui ex eo riuus profluit, pisces aut nullo, aut rarissimos habere crederetur, illis diebus tantam dicitur copiam ministrasse, quæ vniuerso exercitui sufficere posset. Accidit porrò non multum ab eorû **XX VIII.** opinione secus: nam vix euoluto vnus mensis spacio, renouatis viribus, bella parat recidiua, reuocat cohortes, congregat legiones, comportat machinas, & eorum

20 omnium quæ vrbes obsidentibus vsum solent præstare necessarium, curam gerit diligentem. Quibus ritè dispositis, transcurtis *Basan* & *Galaat*; *Ammonitarum* quoque & *Moab*, quæ sunt vltra Iordanem regionibus, urbem cui nomen pristinum *Petra deserti*, modernum verò *Crach*, obsidere disponit. Quo per exploratores præcognito, *Rainaldus de Castellione*, qui regionis illius tanquam hereditatis vxoriæ curam gerebat, trahens secum militiam, quæ ad castris tuitionem sufficere posse videbatur, ad partes illas citus pertransiit. Erat autem ei ibidem & aliud negotium. Nam *Henfredus* tertius, iunioris *Henfredi* filius, senioris *Henfredi* qui cognominatus est *de Torono*, Regii Constabularii ex filio nepos, prædicti *Rainaldi* priuignus, domini Regis sororem iuniorem, quam quadriennio penè antè desponsauerat, ducturus erat

30 illis diebus in vxorem. Vix ergo ad locum peruenerat suprâ nominatum, vixque nuptiarum compleuerant solennia, cum ecce eadem die, vt dicitur, *Salahadinus* cum innumerabili affuit multitudine, machinas & tormenta iaculatoria, quibus obfessa solent flagellari præsidia, secum deferens; & castris circumpositis locum obsidione vallauit. Fuit autem prædicta ciuitas in monte sita sublimi admodum, & vallibus ambitu profundis; iacuitque multis temporibus fracta, redacta penitus in solitudinem. Tandem verò regnante domino *Fulcone* Latinorum Orientalium rege tertio, *Paganus* quidam qui cognominatus est *Pincerna*, regionis vltra Iordanem dominus, in eodem monte, in quo ciuitas sita fuerat, præsidium fundauit, in ea montis parte, quâ idem mons minus cliuosus est, & quæ plano exteriori

40 adiacenti magis est contermina. Qui verò successerunt ei, *Mauritius* videlicet nepos eius, & *Philippus Neapolitanus*, locum prædictum vallo & turribus reddiderunt insigniorem. Extra prædictum autem præsidium, vbi olim ciuitas ædificata fuerat, suburbium nunc erat, in quo eius loci habitatores quasi satis tuta sibi posuerant domicilia. Nam ab Oriente erat eis oppidum, quasi pro munitione summa, ex reliquis verò partibus totus mons, vt prædictum est, imis vallibus cingebatur: ita, vt si vel modico muro esset præcinctus, nullius hostilitatis formidaret accessus: duobus enim tantum locis, ad montis fastigium ascendendi patet opportunitas, qui à paucis faciliè contra hostium ingentes copias possunt defendi: reliquæ verò partes omnino dicuntur imperuix. Videns ergo Princeps *Rainaldus*, quòd

50 hostes aduenerant, proposuit, improuidè satis, sicut iis videtur qui circa huiusmodi sensum habent exercitatum, locum exteriorem, & suburbium præsidio adiacēs, tueri: inhibuitque habitatoribus loci, res suas in præsidium transferre volentibus, & suæ providere salutis, ne sua deferrent domicilia, nec aliquid de suis friuolis præsumerent asportare. Sed dum tam equites quàm peditum manipuli circa hoc essent solliciti, & ad impediendum hostium ascensus desudarent, vicit hostium multitudo, & illis in fugam versis, qui eis iter impedire moliebantur, motem obtinuerunt, ferro iter aperientes vniuersum: ita vix paulò minus cum nostris in præsidium



se recipere certantibus, hostes violētum habuerint ingressum: ita ut nisi vnus equi-  
 ris, cui nomen *Iuennus* erat, restitisset admiranda probitas, qui iam de hostibus acce-  
 serant, per pontem, & portam ponti conterminam, liberum suis, & sine difficultate  
 vendicassent introitum. Sic ergo miseri ciues, imprudenti rectoris consilio, rerum  
 suarum passi sunt dispendium, hostibus eorum lares obrinentibus, cum vtenilibus  
 omnimodis, & suppellectile vniuersa. Qui autem in præsidium se receperant, timē-  
 tes hostium impetum, imprudenter nimis & inconsideratē penitus, pontem, qui su-  
 per vallum erat vnicus, quo iis qui obsessi erant, introitus patebat & exitus, deiece-  
 runt. Erant autem intus, promiscuæ conditionis & sexus, turba plurima & inutilis,  
 quæ obsessis potius oneri erant quàm vtilitati, histrionum videlicet, tibicinum & 10  
 psaltriarum, quæ ex omni regione ad diem nuptiarum conuenerant: quibus præter  
 spem accidit: nam dum ludicra quærerent & lasciuia nuptialem, Martios inuene-  
 runt congressus, & longè suis studiis dissimiles præliorum occupationes. Contule-  
 rant se præterea in locum prædictum ex locis suburbanis, Suriani cum vxoribus &  
 paruulis, locumq; repleuerant. Ita ut discurrere volentibus, præ turbis non pateret  
 via libera; essentq; viris expeditioribus, & defensionis studio dātibus operam, oneri  
 & impedimento. Viſualibus tamen dicebatur locus abundare; sed armorum non  
 erat tanta copia, quātam loci tuitio videbatur exigere. Rex verò interea videns,  
 quod in supradicto negotio apud fontem *Tubaniacum* Comes Ioppensis, cui ut præ-  
 misimus, Regni commiserat administrationem, minus strenuē minusq; prudenter 20  
 se gesserat; quodq; eius imprudentiā, & omnimodā insufficientiā Regni status pe-  
 nē lapsus fuerat, saniore vsus consilio, reuocat ad se suam quam illi commiserat ad-  
 ministrationem. Dicuntur & aliæ subesse causæ. Nam ut prædiximus, ubi curam  
 regni ei commiserat, urbem Hierosolymam cum decem millibus aureorum perfol-  
 uendorum annuatim, pro expensis familiaribus, sibi retinuerat: postmodum, facti  
 pœnitens, pro Hierosolyma Tyrum eisdem conditionibus, eod quod munitissima  
 totius regni esset ciuitas, & suis commoditatibus aptior videretur, sibi voluit per-  
 mutari. Quam eius petitionem, quoniam Comes agrè visus est suscepisse, Rex præ-  
 dictam dicitur mutasse sententiā. Factumq; est meritò, ut qui in modico erga eum  
 qui sibi vniuersa contulerat, noluit esse liberalis, ab vniuersa summa rerum decide- 30  
 ret. Nec solum Regni cura & administrationis honor ei subtractus est, verum etiam  
 successionis spes est eidem penitus amputata. Nā de communi principum consilio,  
 maximè domini *Boamundi* Principis Antiochenorum, domini quoque *Raimundi*  
*Tripolitani* Comitis, *Rainaldi Sidoniensis*, *Balduini Ramatenſis*, *Baliani* fratris eius, præ-  
 sente ipso & contradicere non audente; suggerente hoc, & ad id penitus hortante  
 matre, *Balduinus*, adhuc puerulus, vix annorum quinque, prosequente eum vniuer-  
 sę plebis suffragio, cleri quoque qui præsens erat assensu, in Ecclesia Dominicę  
 Resurrectionis, Regiā decoratus est vñctione, & solenniter coronatus: statimq; si-  
 ne dilatione exhibitę sunt eidem puero, vniuersorum Baronum cum solita iura-  
 mentorum forma, manualiter fidelitates, honorq; & gloria Regię debita maiesta- 40  
 ti, cum omni plenitudine sunt depensa: solus tamen *Ioppensis Comes*, ut ei suum exhi-  
 beret hominum, à nemine est inuitatus: quod factum prudentioribus, sicut erat  
 proculdubio, conceptę simultatis, imò manifesti odii, euident visum est argumen-  
 tum: sicut ex post facto liquebit manifestius. Verum super hoc tantę mutationis ar-  
 ticulo varia erat, & multiplex virorum prudentium opinio, dicentibus aliis, quod  
 in hac pueri promotione nihil compendii Regno, nihil vtilitatis rebus accessisset  
 publicis: nam vterque Regum, alter morbo, alter ætate præpediente, prorsus erat  
 inutilis: magisq; videretur expediens, si de communi consilio procerum, alicui vi-  
 ribus strenuo, cōsilio pollenti, regionum cura negotiorum, & Reipublicę commit-  
 teretur administratio: aliis autem videbatur, quod de puero factum erat, etsi non 50  
 poterat vsquequaque vtile iudicari, in eo tamen publicę videbatur consultum esse  
 vtilitati, quod prædicto Comiti ad regni successionem anhelanti, viro, ut dicebant,  
 insufficienti, succedendi spes erat præcisa: in quo futurorum materia scandalorum,  
 & periculosa seditionis quæ post Regis obitum timebatur, fomes, finem accepisse  
 sperabatur. Omnibus tamen mens vna erat & desiderium, ut gerendis publicis, ma-  
 ximeq; educendis & reducendis exercitibus, contra hostium solito vehementiore  
 instantiam, præficeretur procurator: idq; soli Comiti Tripolitano cōuenire, eumq;  
 solum

solum ad prædicta posse sufficere penè omnium vna erat sententia. Factum est autem hoc anno ab incarnatione Domini *millesimo centesimo octogesimo tertio*, indictio-  
 nis primæ, mense Nouembre vicesimâ die mensis. At verò *Salahadinus* inter-  
 rim, dum hæc Hierosolymis sic aguntur, obsessam urbem curâ nihilominus pro-  
 pensiore & totis viribus fatigabat, iis qui intus erant obsessi, requiem importunâ de-  
 negans instantiâ. Octo enim erectis machinis, sex ab interiori parte, ubi antiqua  
 fuerat ciuitas, duabus verò ab exteriori, in eo loco, qui vulgari appellatione dicitur  
*Obelet*, castrum tantâ importunitate non minus nocte quàm interdiu, immixtis mi-  
 ræ magnitudinis molaribus flagellabat, quòd vel manum exerere, vel respicere per-  
 10 cancellos, aut aliquo defensionis vti genere, nemo illorum qui intus erant, præsum-  
 merent attentare: eoq; ventum erat, quòd eis præ nimio terrore confusis, nec audē-  
 tibus comparere, hostes ad prædam, quam miseri ciues in vallum, quod præsidio  
 conterminum suberat, introduxerant, immixti funibus\* impunè occiderent, & di-  
 20 uisa membratim animalia sibi extraherent ad cibum indemnes, omnino aduersi-  
 tatis nihil ab oppidanis perpeffi. Sed & qui in exercitu hostium erant, coquorum  
 vel pistorum habentes officium, quique rerum venalium procurabant forum, hi in  
 domibus ciuium omni commoditate refertis officinas locauerant suas, liberè suis  
 professionibus vtentes. Repererant sanè in eis frumenti, ordeï, vini & olei pro votis  
 abundantiam, quibus, inuitis eorum dominis, violenter utebantur. Porro qui in  
 30 præsidio erant, & ipsi machinam aliquando tentauerunt erigere: sed tanto artificio  
 saxa dirigeabant contorta, qui machinis præerant exterioribus, quòd præ assiduis i-  
 ctibus & mortis formidine, quam singuli lapidum immixtorum intentare videban-  
 tur, nostri à proposito deficientes, satius iudicabant, patienter quicquid infereba-  
 tur portare, quàm ad illius defensionis genus cum mortis se attollere periculo. Nec  
 solum qui egrediebantur de abditis, accedentes ad propugnacula, vt vel tela vel la-  
 pides in hostes iacularentur, vel vt obsidentes inspicerent legiones, tanto erant ex-  
 positi periculo, terroreque quatiebantur ad desperationem compellente: verùm &  
 qui erant in conclauibus intimis, & qui ad loca secretiora se contulerant, acceden-  
 tium fragore molarum & sonitu perterriti, videbantur quasi audire tonitrua, ex-  
 30 pectantes quasi fulminum ictus, & suspensi semper, ne contracta super eos ruerent  
 ædificia. Sollicitus erat Rex interea, & totâ procurabat diligentiam quomodo subue-  
 niretur obsessis: quomodo eis desideratum maturaretur subsidium. Assumpto igitur  
 secum viuificæ Crucis ligno salutari, & Regni viribus ex omni parte congrega-  
 tis, ad partes illas properat, opem laturus obsessis: perueniensque ad *Mare salis*, quod  
 alio nomine dicitur lacus *Asphaltes*, secus locum cui nomen *Segor*, qui hodie vul-  
 gari appellatione dicitur *Palmer*, post multas deliberationes, vniuerso exercitui du-  
 cem ac præceptorem, Comitem instituit Tripolitanum. *Salahadinus* verò, cognito  
 per exploratores, quòd Christianus in proximo esset exercitus, & quòd Tripolita-  
 nus Comes præfectus esset legionibus, depositis machinis, & indicto suis reditu,  
 40 obsidionem, quâ per mensem continuum, locum afflixerat prædictum, soluit ad  
 propria reuersus. Rex tamen nihilominus cum omni exercitu ad locum perueni-  
 ens destinatum, optatam ciuibz intulit consolationem; indictoque reditu, & re-  
 uocatis agminibus, sospes Hierosolymam reuersus est.

EXPLICIT LIBER VICESIMVS SECVNDVS.



INCIPIUNT CAPITVLA LIBRI  
 VICESIMITERTII.

I. Inter Regem & Comitem Ioppensem nutrita diu simultas, erumpit in lites execra-  
 biles: Reconciliationis nulla apparet spes. Tri-  
 politanus regni administrationem & tutelam  
 regiam obtinet.

\*\*\*\*\*

## INCIPIT LIBER VICESIMVSTERTIVS.

## PRÆFATIO.



Roposueramus sinistrorum tadio casuum, qui frequentius solito, imò qui penè continuè Regno accedunt, à modò calamis o-  
cium indicere, & sepulta mandare silentio quæ posteris publi-  
canda susceperamus. Nemo enim est, qui non inuitus lā-  
guorem patriæ, & suorum defectus in lucē proferat: 10  
cū quasi inter homines conueniāt, & tanquam na-  
turale reputetur, vnumquemq; totis niti viribus patriam laudibus at-  
tollere, & titulis non inuidere suorum. Verū præconiorū nobis omnis sub-  
ducitur materia, & solū apta fletibus & lachrymas extorquens nobis se offert  
lugentis patriæ calamitas, & miseria multiformis. Qui enim hætenus in superio-  
ribus libris, virorum fortium qui in nostro Oriente, maximeq; Hierosolymis,  
per annos octoginta & amplius principatū tenuerunt, egregia facta, quali quali  
stilo descripsimus, deficiamus in nobis ipsis detestatione præsentium, obstupecentes 20  
materiam, quæ se oculis & auribus ingerit, quæ nec Codri carmine, nec cuiusli-  
bet Mæuii digna est relatu. Nihil enim in nostrorum Principum actibus occur-  
rit, quod memoriæ thesauris, vir prudens credat esse mandandum; nihil quod aut  
lectori recreationem conferat, aut scriptori proficiat ad honorem. Perit enim a-  
Ier. 18, 18. pud nos, iuxta quod Propheta conqueritur, A prudente consilium, sermo à  
Ose. 4, 9. sacerdote, visio à Propheta: factusque est apud nos, sicut populus, ita & sa-  
Esa. 1, 5, 6. cerdos: ita ut nobis aptari possit illud propheticum, Omne caput languidū,  
& omne cor mœrens: à planta pedis vsq; ad verticem, non est in nobis, 30  
sanitas. Iam enim ad ea tempora, quibus nec nostra vitia, nec eorum reme-  
dia pati possumus, peruentū est: unde nostris id merentibus peccatis, facti sunt  
hostes in capite, & qui de inimicis triumphantes, palmam frequentius solebamus  
referre cum gloria, nunc in omni pene conflictu, diuinā destituti gratiā, deterio-  
rem calculum reportamus. Ideoque silendum erat, consultiusq; videbatur nostris  
defectibus, noctem inducere, quā solem inferre pudendis. Sed quibus cordi est,  
ut in eo quod semel cœpimus, nos continuemus proposito, quiq; orant instantius,  
ut regni Hierosolymorū status omnis tam prosper quā aduersus posteritati, no- 40  
strā significetur operā, stimulos addunt, proponētes Historiographorum dissertif-  
simos, Tit. Liuiū videlicet, Romanorū non solū prospera, sed etiā aduersa man-  
dasse literis: Iosephum quoq; non solū quæ à ludæis egregiè gesta sunt, verū  
& quæ eis sunt ignominiosè illata, longis tractatibus publicasse. Abundāt & aliis  
exemplis, qui ad hoc nos nituntur impellere, eoq; facilius persuadent, quod planè  
liquet rerum gestarum scriptoribus, vtrāq; sortem pari esse ratione propositā, ut  
sicut gestorum fœliciter narratione posteros ad quandam animositatē  
erigunt; sic infortuniorū subiectorum exemplo, eosdē reddant in simi- 50  
libus cautiores. Annalium enim conscriptores non qualia optant ipsi, sed qualia  
ministrant tēpora, mandari solent literis, ex officio. Rerū autem & bellorum ma-  
ximè, varius solet esse euentus, & non uniformis: in quo non prosperitas cōtinua,  
nec casus oppositus sine lucidis intervallis. Vincimur ergo; & quæ subsequētia mi-  
nistrabunt tempora, sicut cœpimus, (utinam fausta fœliciaq;,) auctore Domino,  
vitā comite, scripto mandare curabimus diligenter, à secundo proposito reuocati.

Interca

**I**Nterea inter *Regem & Comitem* Ioppensem odiorum fomes, magis magisque per dies singulos ex causis occultis augebatur, eoque usque contractus rancor proruperat, quod Rex iam manifestè causas videbatur colligere velle, quibus sororem suam ab eo soluto matrimonio separaret: unde iuxta hoc propositum, Patriarcham publicè conuenit, diem sibi præfigi postulans, quasi matrimonium accusaturus, quâ in eius præsentia solenniter celebraretur diuortium. Comes verò super iis omnibus instructus, ab expeditione rediens, à reliquo exercitu segregatus, compendioso itinere *Ascalonam* profectus est, uxorem præmonens, quæ tunc *Hierosolymis* morabatur: quod ante Regis introitum, maturius ab eadem vrbe discedens, *Ascalonam* proficiscatur: verebatur enim, ne si Rex eius copiam habere posset, eam ad virum non permitteret redire ulterius. Mittitur ergo à Rege nuncius qui Comitem euocet, & vocationis causam aperiat: ille verò renitens, ab lentæ causas allegat, præ tendens ægritudinem. Cumque sæpius euocatus venire differret, adiecit Rex in propria persona illuc ire, & Comitem viuâ voce solenniter in ius vocare. Quò perueniens, cum quorundam ex principibus suis comitatu, ciuitatis portas ferratas reperit, quas manu tangens, & tertio eas sibi aperiri præcipiens, cum neminem inueniret qui eius obediret verbo, cum debita indignatione reuersus est, spectante id vniuersæ ciuitatis populo, qui in turribus & muris, audito Regis aduentu se locauerant, rei exitum præstolantes. Rex verò inde *Ioppen* recto tendens itinere, antequam ad urbem perueniret, quamplures ex loci eius ciuibus obuios habuit, ex vtraque classe maiores: quibus urbem aperientibus, Rex sine difficultate ingressus est: ibique ordinato procuratore, qui loci curam gereret, *Accon* pertuenit. Indicitur ergo apud eandem urbem Curia generalis, ad quam cum die statuta Regni principes conuissent, cœpit Patriarcha, vtrunque Magistrum, Templi videlicet & Hospitalis, in eo verbo habens consortes, dominum Regem conuenire, & etiam flexo genu, pro Comite intercedere, vt rancore deposito, cum in suam gratiam restitueret: cumque statim exauditi non fuissent, recesserunt cum indignatione simul, non solum à Curia, verum etiam à ciuitate. Fuerat autem in præsentia Principum qui conuenerant, verbum propositum de mittendis nunciis ad Reges & reliquos Principes 30 vltimontanos, qui eos ad Christianitatis & Regni auxilium inuitarent. De quo cum prior habendus esset tractatus, Patriarcha, vt prædiximus, incidens, verbum præferens Principale, in sermonem priorem descenderat: itaque cum motu intemperato, vt præmisimus, ab vrbe discesserat *Acconensi*. Comes verò *Ioppensis* cognito, quod ad eius pacem Rex animum suum nollet inclinare, adiecit peiora prioribus; & assumens eam quam secum habebat militiam, versus castrum, cui nomen *Darum*, suos direxit; & in castra quorundam Arabum, qui in partibus illis gratia pascuorum, tentoria locauerant sua, à Rege habentes securitatem, & sub eius fiducia commorantes securi, repentinus irruit, & imparatos reperiens, prædam inde & manubias agens, reuersus est *Ascalonam*: quo cognito, Rex, iterum reuocatis principibus, Tripolitano Comiti Regni curam & generalem administrationem commisit, in eius prudentia simul & magnanimitate spem habens. In quo facto, populi vniuersi & Principum, ex parte plurima videbatur satisfecisse desideriis: vnica enim & singularis videbatur omnibus salutis via, si prædicto Comiti regionum cura committeretur negotiorum.

HÆC EST ORDINATIO SVB APOSTOLICA SEDE  
ANTIOCHIE, CATHOLICORVM, METROPOLITA-  
NORVM, ARCHIEPISCOPORVM, EPISCOPORVM.

CATHOLICVS Irinopolis: quæ est Baldac. Catholicus Ami: qui est Perfidis.

|                                                                              |                                                                            |                                                                                    |    |
|------------------------------------------------------------------------------|----------------------------------------------------------------------------|------------------------------------------------------------------------------------|----|
| <i>Sedes prima</i> , Tyrus. <i>Sub hac sede sunt episcopatus XIII.</i>       | Varnalis.                                                                  | Titopolis.                                                                         |    |
| Porfirion.                                                                   | Neocæsarea.                                                                | Lamos.                                                                             | 10 |
| Archis.                                                                      | Perri.                                                                     | Antiochia parua.                                                                   |    |
| Protopolais.                                                                 | Orimon.                                                                    | Hefelia.                                                                           |    |
| Sydon.                                                                       | Delichi.                                                                   | Ristria.                                                                           |    |
| Sarepta.                                                                     | Europi.                                                                    | Selenunta.                                                                         |    |
| Biblum.                                                                      | <i>Sedes sexta</i> , Bostrum. <i>Sub hac sede sunt episcopatus XIX.</i>    | Yocopi.                                                                            |    |
| Botrion.                                                                     |                                                                            | Philadelphia parua.                                                                |    |
| Orthofia.                                                                    | Gerasson.                                                                  | Irinopolis.                                                                        |    |
| Archados.                                                                    | Philadelphia.                                                              | Germanicopolis.                                                                    |    |
| Antarados.                                                                   | Adraon.                                                                    | Mobsea.                                                                            |    |
| Paneas.                                                                      | Midanon.                                                                   | Demetiopolis.                                                                      | 20 |
| Aracelis.                                                                    | Midanon.                                                                   | Abidi.                                                                             |    |
| Tripolis.                                                                    | Austanidon.                                                                | Zmonopolis.                                                                        |    |
| <i>Sedes secunda</i> , Tarsus. <i>Sub hac sede sunt episcopatus V.</i>       | Delmundon.                                                                 | Adraffon.                                                                          |    |
| Sebasti.                                                                     | Zozoyma.                                                                   | Mynu.                                                                              |    |
| Mallos.                                                                      | Herri.                                                                     | Neapolis.                                                                          |    |
| Thina.                                                                       | Iceni.                                                                     | <i>Sedes nona</i> , Damascus. <i>Sub hac sede sunt episcopatus X.</i>              |    |
| Coridos.                                                                     | Eucuni.                                                                    | Albi.                                                                              |    |
| Pademdes.                                                                    | Constantia.                                                                | Palmipon.                                                                          |    |
| <i>Sedes tertia</i> , Edessa. <i>Sub hac sede sunt episcopatus X.</i>        | Paramboli.                                                                 | Laodicia.                                                                          | 30 |
| Virchi.                                                                      | Dionysia.                                                                  | Suria.                                                                             |    |
| Constantia.                                                                  | Conaachon.                                                                 | Konokora.                                                                          |    |
| Garron.                                                                      | Maximopolis.                                                               | Yabruda.                                                                           |    |
| Marcopolis.                                                                  | Philipolis.                                                                | Danabi.                                                                            |    |
| Varnon.                                                                      | Chrystopolis.                                                              | Karacena.                                                                          |    |
| Gedaron.                                                                     | Neilon.                                                                    | Hurdani.                                                                           |    |
| Ymeria.                                                                      | Lorea.                                                                     | Surraquini.                                                                        |    |
| Querquensia.                                                                 | <i>Sedes septima</i> , Anauarza. <i>Sub hac sede sunt episcopatus IX.</i>  | <i>Sedes decima</i> , Amida. <i>Sub hac sede sunt episcopatus VII.</i>             |    |
| Capfaron.                                                                    | Epiphania.                                                                 | Ynilon.                                                                            | 40 |
| Callinicos.                                                                  | Alexandros.                                                                | Valentini.                                                                         |    |
| <i>Sedes quarta</i> , Apamia. <i>Sub hac sede sunt episcopatus VII.</i>      | Irinopolis.                                                                | Arfomafata.                                                                        |    |
| Epiphania.                                                                   | Cambrisopolis.                                                             | Sophin.                                                                            |    |
| Seleucouila.                                                                 | Flauias.                                                                   | Kicaris.                                                                           |    |
| Larissa.                                                                     | Rossas.                                                                    | Ripha.                                                                             |    |
| Valanea.                                                                     | Castrauali.                                                                | Zemus.                                                                             |    |
| Maria.                                                                       | Eguas.                                                                     | <i>Sedes undecima</i> , Sergiopolis.                                               |    |
| Raphania.                                                                    | Sisia.                                                                     | <i>Sub hac sede sunt episcopatus IV.</i>                                           |    |
| Arethufa.                                                                    | <i>Sedes octaua</i> , Seleucia. <i>Sub hac sede sunt episcopatus XXIV.</i> | Bizonamas.                                                                         | 50 |
| <i>Sedes quinta</i> , Hierapolis. <i>Sub hac sede sunt episcopatus VIII.</i> | Claudiopolis.                                                              | Marcopolis.                                                                        |    |
| Zeuma.                                                                       | Diocæsarea.                                                                | Venechalis.                                                                        |    |
| Surron.                                                                      | Oropi.                                                                     | Ermenia.                                                                           |    |
|                                                                              | Dalisanidos.                                                               | <i>Sedes duodecima</i> , Theodosiopolis. <i>Sub hac sede sunt episcopatus VII.</i> |    |
|                                                                              | Seuila.                                                                    | Ortros.                                                                            |    |
|                                                                              | Kelenderis.                                                                |                                                                                    |    |
|                                                                              | Anemori.                                                                   |                                                                                    |    |

Mazinimi.

|                                        |                               |                     |
|----------------------------------------|-------------------------------|---------------------|
| Mazinimi.                              | Oragison.                     | <i>Verea.</i>       |
| Maurocastron.                          | <i>METROPOLITANI per</i>      | <i>Kalquis.</i>     |
| Agia Maria.                            | <i>se subsistentes, VIII.</i> | <i>Gabula.</i>      |
| Axirri.                                | <i>Deritus.</i>               | <i>Seleucia.</i>    |
| Carofa.                                | <i>Heliopolis.</i>            | <i>Piperia.</i>     |
| Politimos.                             | <i>Laodicia.</i>              | <i>Anasarphon.</i>  |
| <i>Sedes tertiadecima, Emissa.</i>     | <i>Samofata.</i>              | <i>Paltos.</i>      |
| <i>Sub hac sede sunt episcopus IV.</i> | <i>Kyros.</i>                 | <i>Germanicia.</i>  |
|                                        | <i>Pompeiopolis.</i>          | <i>Salamias.</i>    |
| 10 Arqui.                              | <i>Mopsuestia.</i>            | <i>Varcoffos.</i>   |
| Oriffon.                               | <i>Adana.</i>                 | <i>Foffos.</i>      |
| Herygē.                                | <i>ARCHIEPISCOPI XII.</i>     | <i>Anauagathon.</i> |

Iuxta traditiones veterum, & etiam quædam scripta quæ auctoritatem habent non modicam apud Palestinos, & maximè Græcos, *Hierosolimitana Ecclesia*, usque ad tempora *Iustiniani* sanctæ recordationis Augusti, Episcopum habuit nulla, vel modicâ dignitatis prærogatiuâ gaudentem. Tempore verò prædicti DEO dilecti Principis, congregata est *Synodus* generalis apud Constantinopolim, tempore domini *Vigili* Papæ, *Eutichii* Constantinopolitani, *Apollinarii* Alexandrini, *Domini* Antiocheni, *Eustochii* Hierosolimitani, Patriarcharum, super tribus capitulis: videlicet scriptis *Theodoret*, Cyri; item scriptis *Theodori*, Mopsuestiæ Episcoporum: & epistola *Hibere* ad Marim Persam. In qua Synodo, post alias Ecclesiæ DEI necessarias institutiones, quas pro tempore promulgandas decreuit, sanctorum Patrum, qui ad eam conuenerant, auctoritas prædictam DEO amabilem honorare Ecclesiam, & eius Episcopo locum inter Patriarchas dare, communi sanxit voluntate, reuerentiam exhibens sanctæ Resurrectioni. Et quoniam prædicta DEI cultrix ciuitas, quasi in limite Alexandrini & Antiocheni patriarchatuum erat; nec haberent vnde illi vrbes ordinarent suffraganeas, nisi vtrique aliquid detraherent: visum est expedire, ab vtroque aliquid decerpere, vt eidem, iuxta formam aliorum Patriarchatuum, ordinarent subiectos. Subtraxerunt ergo *Antiocheno*, Cæsariensem, & Scythopolitanum, metropolitanos: *Alexandrino* verò, Rabbensem & Beterensem, item metropolitanos. Et quoniam iterum eundem Patriarcham oportebat habere præter supradictos metropolitanos, familiares suffraganeos, quos Græci *Cyncellos* vocant, subtraxerunt prædictis metropolitanis quosdam Episcopos, & quosdam de nouo creauerunt, usque ad viginti quinque: quorum vrbium numerum & nomina subiunximus, computatis prius Metropolitanis, & eorum suffraganeis. Est autem ordo, talis:

|                                                                        |                                                                        |                                     |
|------------------------------------------------------------------------|------------------------------------------------------------------------|-------------------------------------|
| <i>Sedes prima, Cæsarea maritima. Sub hac sede sunt episcopus XIX.</i> | <i>Constantiniaquis.</i>                                               | <i>Eulitis.</i>                     |
|                                                                        | <i>Sedes secunda, Scythopolis.</i>                                     | <i>Zora.</i>                        |
|                                                                        | <i>Sub hac sunt episcopus IX.</i>                                      | <i>Virosum.</i>                     |
| 40 Dora.                                                               | <i>Capitoliados.</i>                                                   | <i>Pentacomia.</i>                  |
| Antipatrida.                                                           | <i>Miru.</i>                                                           | <i>Mamapson.</i>                    |
| Iampnias.                                                              | <i>Gadaru.</i>                                                         | <i>Mitroconeras.</i>                |
| Nicopolis.                                                             | <i>Pelos.</i>                                                          | <i>Saltum Hieraticum.</i>           |
| Onus.                                                                  | <i>Vilissippus.</i>                                                    | <i>Sedes quarta, Bitira Arabia.</i> |
| Soscuris.                                                              | <i>Tetracomias.</i>                                                    | <i>Sub hac sunt episcopus XXXV.</i> |
| Raphias.                                                               | <i>Oluna.</i>                                                          | <i>Adraffon.</i>                    |
| Regium Apatos.                                                         | <i>Galanis.</i>                                                        | <i>Dias.</i>                        |
| Regium Hierico.                                                        | <i>Komanas.</i>                                                        | <i>Medauon.</i>                     |
| Regium Liuas.                                                          | <i>Sedes tertia, Ratba Moabbitis. Sub hac sede sunt episcopus XII.</i> | <i>Hieraflon.</i>                   |
| 50 Regium Gadaron.                                                     | <i>Augustopolis.</i>                                                   | <i>Nein.</i>                        |
| Azotus Paralias.                                                       | <i>Arindila.</i>                                                       | <i>Filadelfia.</i>                  |
| Afotusippum.                                                           | <i>Kara.</i>                                                           | <i>Ierapolis.</i>                   |
| Estomafon.                                                             | <i>Serapolis.</i>                                                      | <i>Effmos.</i>                      |
| Estilion.                                                              | <i>Mempsidos.</i>                                                      | <i>Neapolis.</i>                    |
| Tricomias.                                                             |                                                                        | <i>Themistus.</i>                   |
| Toxtus.                                                                |                                                                        | <i>Philipopolus.</i>                |
| Saltum.                                                                |                                                                        | TTTT                                |



|                    |                            |                     |
|--------------------|----------------------------|---------------------|
| Dionysia.          | Comis Pecius.              | Sebastia.           |
| Constantinu.       | Comis Ariathon.            | Iericyntus.         |
| Pentacomias.       | Comis Neotis.              | Tyberiadis.         |
| Tricomias.         | Clima Anatolis quæ i finē. | Diocæsarea.         |
| Canastados.        | Comis Ariotas.             | Legionum.           |
| Saltum Votaniæ.    | Comis Trachonos.           | Capitolina.         |
| Exacomias.         | Comis Nefdamos.            | Matronensis.        |
| Enacomias.         |                            | Gedera.             |
| Comogonias         | SVFFRAGANEARVM prima,      | Nazareth.           |
| Comogeros.         | Lidda.                     | Thabor.             |
| Comosthonis.       | Ioppe.                     | Caracha, vel Petra. |
| Comis.             | Aſcalon.                   | Adroga.             |
| Mahadaron.         | Gaza.                      | Afra.               |
| Comocoreatas.      | Meimas.                    | Aelis.              |
| Comis Capron.      | Diocletianopolis.          | Faram.              |
| Comis Inſuaus.     | Beitt Gerbeia.             | Elinopolis.         |
| Comis Pirroareton. | Neapolis.                  | Mons Sina.          |

IACOBI

# IACOBI DE VITRIACO

## ACCONENSIS EPISCOPI HISTORIA HIEROSOLIMITANA.

10  
INCIPIT PROLOGVS, MAGISTRI IACOBI ACCONENSIS  
EPISCOPI IN HISTORIA HIEROSOLIMITANA AB EODEM  
abbreviata.

20 **P**OSTQVAM diuinæ propitiationis cōmiseratio, exercitus  
CHRISTI longanimitatem, & patientiam clementer re-  
spiciēs, & eiusdem diuturnos miserata labores, portas Egy-  
ptiorum confregit, & Damiatam famosam Egypti ciui-  
tatem subdidit nomini Christiano, super flumina Babylo-  
nis longo tempore sedimus, & fleuimus dum recor-  
daremur Syon: non valentes pauci contra multos ad vltiora procedere, non  
audentes relinquere ciuitatem. Multi autem ex nostris hiis diebus otio marcen-  
tes, & languentes tadio, experimento didicerunt quā verè dictum sit à Salo-  
mone, Desideria occidunt pigrum; noluerunt enim manus eius quic-  
quam operari: Et Propheta Ieremias, Viderunt eam hostes & deriserunt  
Sabbata eius. Ego verò considerans quā grauis sit iactura temporis amissi, se-  
cundū cōsiliū Sapientis, dicentis: Seruo maluiolo tortura & compedes: Eccl. 33, 28.  
30 mitte eū in operatione ne vacet: multas enim malitias docuit ociositas.  
Animum meum tanquam seruū maluiolum ad vana & inutilia prouum, cuius  
cogitationes, frequenter dissipatæ sunt, torquentes cor meum, meditatione  
diuinarum scripturarum studui cohercere, & quasi compedibus assidue lectionis,  
ne mente vagaretur, astringere. Cū igitur causa recreationis, & auditate au-  
diendi aliqua noua & incognita mihi, varios libros ex armariis Latinorū, Græ-  
corum & Arabum reuoluerem, Regum Orientaliū historia, praelia & gesta casu  
in manus meas deuenerunt: quorum auctores curiosi, cum maximo labore, predi-  
etorum hominum laudes inanes inaniter attollēdo praelia & triumphos, diuitias,  
potestatem & gloriam præteritam scripto diligenter commendantes, memoria-  
le posteris reliquerunt. Cæpi igitur non modicum animari, dolere & contristari,  
40 & nostrorum negligentiam & inertiam arguendo accusare: eò quòd filii huius  
seculi prudentiores in generatione sua filiis lucis: cū tanto studio & di-  
ligentia reproborum hominum pereuntia gesta describere procurauerunt. Ex no-  
stris autem, diebus istis nouissimis pauci vel nulli inuenti sunt qui Regis æterni  
praelia, & triumphos gloriosos, & mirabilia gesta describere & scripto mandare  
50 studuissent, ad laudem & gloriam illius, qui solus laudabilis est & gloriosus in se-  
cula. Cū tamen, sicut dicitur in Tobia: Sacramentum Regis abscondere  
bonum est; opera autem DEI reuelare & cōfiteri honorificum est. An-  
tiqui autem & Sancti Patres de talento sibi commisso timorem Domini semper  
antè oculos habentes, cum omni diligentia & circumspectione, mirabilia IESV  
CHRISTI opera, tam ea quæ in propria persona ipse operari dignatus est, quā  
TTTT 2

ea quæ Sanctorum suorum operatus est ministerio, ad eius laudem, & tam præsentium quàm futurorum informationem, scribere studuerunt. Sancti siquidem Euangelistæ, propria CHRISTI opera; Lucas, Actus Apostolorum; & alii viri Religiosi, actus & gesta tam martyrum quàm confessorum; Ieronimus, vitas patrum Orientalium; Gregorius, vitas patrum Occidentalium; Eusebius Alexandrinus, Ecclesiasticam historiam; alii viri prudentes, historiam tripartitam, & alia quæ in Ecclesia DEI à principio acciderunt, variis voluminibus conscripserunt. Modernorum autem ignauia, fragmenta de mensa Domini cum Apostolis negantes colligere, ferè penitus obmutescit: cum tamen in diebus nostris mira, & omni laude & memoriâ digna operatus sit Dominus, siue in Hispania, contra Mauros; seu in Prouincia, contra hæreticos; in Græcia, contra schismaticos; in Syria contra\*. Sed in Ægypto, contra Agarenos; in remotis partibus Orientis, contra Persas, Assyrios, Chaldeos & Turcos. Tanta igitur & tam admiranda Regis nostri praelia, & gloriosos de inimicis triumphos, sub silentio abscondere non debeo, ne fortè ingratitudinis arguar. Malo igitur, & cum muliere paupercula, duo vel tria minuta in gazophilacio Domini ponere; annuntiare laudem eius balbutiendo, quàm ab eius præconiis obmutescendo cessare. Cum enim in constructione tabernaculi quidam aurum, alii argentum, alii autem as, alii verò iacinthum, purpuram, coccum bis tinctum, bissum, recortam, pilos caprarum & pelles arietum obtulerunt, unusquisque secundum propriam facultatem: confido in eo, qui magis pensat affectum quàm effectum; & magis attendit ex quanto fiat, quàm quantum fiat: & si non quantum volo, sed quantum valeo in eius offero sacrificium, insufficientiæ meæ veniam sit daturus. Pro tribus igitur materiis præsens opus tribus conclusi libellis. In primo libro, historiam Ierosolimitanam compendiosè perstringendo, de hiis quæ in partibus Orientis Dominus miserabiliter operatus est disserui: describens inhabitantium genera ciuitates, & alia loca, de quibus frequentius in Diuinis Scripturis mentionem fieri reperio; sicut mihi visum fuit expedire ad maiorem intelligentiam Sacra Scripturæ: diuersas etiam Terræ proprietates & varias, ad maiorem prædicandi copiam adiungendo. In secundo libro, modernorum Orientalium historiam sub compendio pertransiens de hiis quæ Dominus in partibus Occidentis diebus istis nouissimis operatus est, & præcipuè de diuersis tam regularium quàm secularium ordinibus pertractaui: de ordine & religione Cruce signatorum & utilitate peregrinationis plenius in fine differens. In tertio libro, ab Occidente in Orientem regrediens, de hiis quæ post generale Concilium Lateranense, Dominus in populo suo & in exercitu Christianorum vsque ad captionem Damiatæ operari dignatus est, sicut propriis oculis vidi, tractare cœpi. Concedat mihi Dominus quod in recuperatione Terræ Sanctæ & Sarracenorum conuersione vel destructione, & in reparatione Orientalis Ecclesiæ, libellum valeam consummare. Quatum autem præsens tractatus exemplo profit sub CHRISTI vexillo militantibus; quantum valeat ad fidei confirmationem, & morum informationem; ad confutationem infidelium, & confusionem impiorum hominum, & ad laudem & imitationem bonorum, diligens lector manifestè poterit perpendere.

EXPLICIT PROLOGVS.

INCIPIUNT

# INCIPIVNT CAPITVLA. SEQVENTIS LIBRI.

- I. *Cur Dominus Terram Sanctam variis flagellis, & subalternis casibus exposuit.*
- II. *De variis generibus hominū bonorum & malorum qui Terram Sanctam inhabitauerunt.*
- 20 III. *Qualiter à Duce Arabum Homar, discipulo Machometi, occupata est Terra Sacta.*
- IV. *De Machometo.*
- V. *De origine & vita Machometi.*
- VI. *De pessima doctrina & vita Machometi.*
- VII. *De morte Machometi & de successoribus eius.*
- VIII. *De Calypha Aegypto.*
- IX. *De Calypha Occidentali Myramum-*
- 30 *mellino.*
- X. *De Gentibus qui legem Machometi suscipere noluerunt.*
- XI. *De Turcomannis.*
- XII. *De Beduinis.*
- XIII. *De his qui legem habent occultam.*
- XIV. *De Assisinis.*
- XV. *Ad quantam miseriam deuenerit Orientalis Ecclesia.*
- XVI. *De visitatione Terra Sancta per Petrum Eremitam, & per Occidentales populos.*
- XVII. *De peregrinatione Cruce signatorum, & de his qua sustinuerunt in via.*
- XVIII. *De obsidione & captione Antiochie.*
- XIX. *De pugna Christianorum contra Corobagath, & eorum victoria.*
- XX. *De obsidione & captione ciuitatis sancte Hierusalem.*
- XXI. *Qualiter quibusdam recedentibus, alii, qui remanserunt, Christianorum fines viriliter ampliauerunt.*
- 40 XXII. *De his ciuitatibus quas sub Duce Godofredo nostri ceperunt.*
- XXIII. *De primo Rege Hierosolymitanorum Latino, Baldouino, & qualiter obtinuit oppidum Arsür.*
- XXIV. *De Casarea maritima.*
- XXV. *De obsidione & captione ciuitatis Accon.*
- 50 XXVI. *De obsidione & captione ciuitatis Berythi.*
- XXVII. *De obsidione & captione ciuitatis Sidonis.*
- XXVIII. *De adificatione Montis regalis.*
- XXIX. *De munitione dicta Scadalion, & morte Regis Baldouini, & eius successore Baldouino secundo.*
- XXX. *De quatuor principatibus quos nostri sibi subiecerunt.*
- XXXI. *De ciuitate Edeffa.*
- XXXII. *De principatu Antiocheno, [ & de ciuitate Antiochia. ]*
- XXXIII. *De principatu seu comitatu Tripolitano, [ & de ciuitate Tripoli ]*
- XXXIV. *De principatu seu regno Hierosolymitano.*
- XXXV. *De ciuitate dicta Dan.*
- XXXVI. *De ciuitate Bersabee.*
- XXXVII. *De terminis & spatio terra acquisita, & de ciuitatibus maritimis.*
- XXXVIII. *De ciuitate Pharamia.*
- XXXIX. *De ciuitate Laris & Pelusio.*
- XL. *De munitionibus Darum, Gaza & Ascalonia.*
- XLI. *De Azoto, Geth & Hybelin, & Gibelino & Albaspecula & Acharon.*
- XLII. *De aliis munitionibus maritimis usque Tyrum.*
- XLIII. *De Tyro & qualiter obsessus fuit & capta.*
- XLIV. *De ciuitatibus maritimis à Tyro usque ad Laodiciam Syria.*
- XLV. *De ciuitatibus mediterraneis, quas nostri obsederunt, sed non ceperunt: quasdam tamen sibi fecerunt tributarias.*
- XLVI. *De obsidione Halapia & Damasci.*
- XLVII. *De obsidione Casarea magna, & Bostrensis ciuitatis: & situ Turce, & Tracnitidis regionis.*
- XLVIII. *De obsidione Cayri, Alexandria & Damiatæ.*
- XLIX. *De quibusdam munitionibus quas nostri in confinio terre Sarracorum fundauerunt.*
- L. *Qualiter terra à nostris acquisita, Regi & Baronibus est distributa.*
- LI. *De renouatione, & ampliatione Orientalis Ecclesie.*
- LII. *De variis religionibus, & diuersitate regularium personarum: & de carantena, & monte Carmeli, & de mari mortuo.*
- LIII. *De solitudine Iordanis: & de stagno Genesareth, quod est mare Galilea; & de Iordane.*
- LIV. *De monte Thabor, & de his qui regulariter in ciuitatibus vixerunt.*
- LV. *De ciuitate sancta Iherusalem & de Patriarcha & suffraganeis eius.*
- LVI. *De ciuitatibus Sebastia, Tyberiade, Bethsan, & Petra deserti.*

TTTT ;

LVI. De ciuitatibus Nazareth, Ebron & Lidda.

LVIII. De Abbatibus & Prioribus sub Patriarchatu Hierosolymitano constitutis.

LIX. De ciuitatibus Nazareth & Bethleem.

LX. Iterum de ciuitate Hierusalem, & de locis sanctis quæ in ea continentur.

LXI. De Dominico sepulchro & loco Calmarie & monte Syon.

LXII. De Templo Domini, & Templo Salomonis, & monte Olineti.

LXIII. De valle Iosaphat: & quibusdam aliis venerabilibus locis.

LXIV. De religione Fratrum Hospitalis sancti Iohannis.

LXV. De religione Fratrum militiae Templi.

LXVI. De Religione Fratrum Hospitalis sanctæ Mariæ Theoniconum, in Hierusalem.

LXVII. De hiis qui de Italia & Alamania & Francia, & aliis partibus Occidentis in Terra sancta commorantur.

LXVIII. De felicitate & prosperitate Terra sanctæ, cui Diabolus inuidit.

LXIX. De corruptione Terra sanctæ per habitantes irreligiosos.

LXX. De corruptione prelatorum.

LXXI. De Regularibus irregulariter uiuentibus.

LXXII. De hiis qui Pullani nominantur.

LXXIII. De Iannensibus, Pisanis & Venetis.

LXXIV. De Surianis.

LXXV. De Iacobinis.

LXXVI. De Nestorinis.

LXXVII. De Maronitis.

LXXVIII. De Armenis.

LXXIX. De Georgianis.

LXXX. De Christianis qui inter Occidentales Sarracenos morantur: quos Moxarabes appellant.

LXXXI. De Iudeis & diuersis generibus Iudeorum.

LXXXII. De peruersis hominibus ad Terram sanctam confugientibus.

LXXXIII. Descriptio Terræ Orientalis ex hiis quæ in ea mirabiliter fiunt vel continentur: & primo de Terramotu & tonitruis, pluuiis & niuib.

LXXXIV. De fontibus & fluuiis, & variis aquarum naturis.

LXXXV. De diuersis arboribus Orientis.

LXXXVI. De variis & mirabilibus animalibus.

LXXXVII. De Serpentibus.

LXXXVIII. De anibus: & piscibus Orientis.

LXXXIX. De lapidibus preciosis.

XC. De mirabilibus hominibus: & de scriptura Dindymi ad Alexandrum.

XCI. Comparatio mirabilium Orientalis regionis, ad ea quæ fiunt in aliis locis.

XCII. De flagellis DEI, & angustis populi, & amissione Terra sanctæ.

XCIII. Catalogus Regum Iherusalem: & de preliis eorum.

XCIV. Qualiter Salahadinus contra nostros pugnavit & bis eos superauit.

XCV. Qualiter Salahadinus ciuitates & munitiones nostras obtinuit.

XCVI. Descriptio Syria: & partium eius enumeratio.

XCVII. De commotione Occidentaliū populorum, & qualiter signati sunt ad succurrendum Terra sanctæ.

XCVIII. De obsidione & recuperatione ciuitatis Accon: & de hiis quæ acciderunt in exercitu.

XCIX. De morte Imperatoris Frederici: & de aduentu Regis Francia & Regis Angliæ: & de captione Accon.

C. De hiis quæ acciderunt nostris post captionem Accon, & post recessum Regis Francia, usque ad aduentum Regis Iohannis Iherosolimitani, qui fuerat dominus Brenensis.

EXPLICIUNT CAPITVLA.

INCIPIT

# INCIPIT HISTORIA

## IHEROSOLIMITANA

### ABBREVIATA.

CAP. I.

**T**ERRA Sancta promissionis, DEO amabilis, & sanctis Angelis venerabilis, & vniuerso mundo admirabilis, à DEO electa, & præelecta, vt eam præsentia suâ visibiliter illustraret, & in ea liberationis nostræ sacramenta ministrando, genus humanum redimeret, quantò maiori zelo dilecta est à Domino; tantò frequentius, peccatis habitantium in ea exigentibus, flagellata est, & variis casibus exposita ab eo, qui *sanctum dare canibus, & ante porcos prohibet proicere margaritas*: Dū aliis decedentibus, & aliis succedentibus, diuersis tradita est possessoribus. Omnes ferè inter sanctum & prophanum non habentes distantiam, pro nihilo habuerunt terram desiderabilem, terram lacte & melle manantem; Domini nostri IESU CHRISTI, & sanctorum Patriarcharum & Prophetarum & Apostolorum patriam, variis sordium immunditiis maculantes, ita quod in ea videatur impletum, quod dicit Dominus per Prophetam: *Qui tangit vos, tangit pupillam oculi mei*. Pupilla enim inter omnia corporis membra, tenerrima affectione diligitur: ita quod sordes intrinsecus in oculum decedentes, statim pro posse nostro ab eadem remouere festinamus. Sic Redemptor noster à Terra Sancta, cui super omnes alias amoris sui contulit prerogatiuam, sordis & inquinamenta peccatorum remouendo, peccatores in ea commorantes affligit, flagellat & eiicit. Pœnitentibus & reuerentibus ad cor, eam clementer restituit, dum *abyssus abyssum inuocat*: scilicet abyssus misericordiarum abyssum misericordiarum. Vigigitur aliquantulum altius inchoantes manifestis exemplis prædicta comprobemus; *Melchisedech* DEI altissimi sacerdos, rex fuit Salem, sicut legitur in Genesi, quæ postea, sicut multi opinantur, dicta est *Hierusalem*. Post verò Iebusæi vsq; ad tempora *David*, reges eandem ciuitatem possederunt. Completis autem, & vsq; ad summum iniquitatibus eorum cumulatis, tradidit Dominus in manus filiorum Israël ciuitatem Sanctam, & locum quem sibi specialiter dedicauit, vt in eo sibi deseruirent & offerrent diuersa sacrificia, vnius summi, & ineffabilis sacrificii præfiguratiua. Postea verò peccatis habitantium tanquam arena maris multiplicatis, temporibus regis *Sedechiæ* & *Hieremiæ* Prophetæ in manus *Babyloniorum* per annos septuaginta deuenit. Peccatis enim Iudæorum exigentibus, eò quod *fecit labruscas vineæ reproba, quæ facere debuit vvas, destructa est maceria eius, & vindemiauerunt eam omnes qui prætergrediuntur viam*. In diebus autem *Melchisedech*, *Abraham* de mandato & voluntate Domini exiens de terra & cognatione sua, & de domo patris sui, venit in Terram promissionis; & multis diebus habitauit in ea, offerens Domino filium suum in monte visionis, scilicet in monte *Moria*, in qua sita est *Hierusalem* ciuitas sancta, quæ vocata est *Bethel* & *Luza*. Vnde à quibusdam dicitur, quod locus ille in quo *Iacob* dormiens lapide capiti supposito vidit scalam vsque ad cælum erectam, & Dominum innixum scalæ, & Angelos ascendentes & descendentes, vnde & euigilans ait: *Non est hic aliud nisi domus DEI, & porta cæli*: eò quod locus ille *Luza* & *Bethel* in Genesi nuncupatur, sit ille locus in quo postea templum Domini constructum est à *Salomone*. *Abraham* igitur Terram sanctam promissionis vsque ad obitum inhabitans, in eadem idoneam elegit sibi sepulturam in loco sancto, qui dicitur *Hebron*, & *Cariath-arbe*, eò quod ibi sepulti sunt in spelunca duplici quatuor Patriarchæ: *Adam* scilicet cū *Eua* vxore sua, & *Abraham* & *Isaac*, & *Iacob*. Licet enim defunctus fuisset in *Ægypto*, voluit tamē, & præcepit filiis suis vt corpus suum in Terra sancta cū patribus suis sepelirent. In qua tamen terra multis diebus, Domino sustinente, pessimæ & abominabiles, & DEO odibiles habitauerunt nationes: scilicet septem gentes, quas *Donatus* a facie filiorum Israël eiecit de terra, quæ suos deuorat habitatores. Et quoniam commisti sunt inter gentes filii Israël, & didicerunt opera eorum, & fornicati sunt in adinuentioñibus suis, & here-

TTTT 4.



ditatem Domini cōtaminauerunt: tradidit eos Dominus in manibus inimicorum  
 suorum, & dominati sunt eorum qui oderunt eos. Vnde decem Tribus, quæ vitulos  
 aureos in Dan & in Bethel adorabant, ad tantā indignationem prouocauerunt Do-  
 minum, quod vsque in hodiernum diem exilio perpetuo cōdemnatæ Terra San-  
 cta ministerio regis Assyriorum procul valde eiectæ sunt; & tanquam lutum prætea-  
 rum deleuit eos Dominus, qui durā ceruice & incircumciso corde legi DEI sub-  
 iecti esse renuerunt. Posthæc verò tanquam mare quod mortuos expellit, & cada-  
 uera retinere non potest, residuum populi, scilicet, Tribus Iuda & Benjamin, Terra  
 Sancta, vt prædictum est, vsque in Babylonem euomuit. Quantas autem tribula-  
 tiones & persecutionum molestias, postquam reuersi sunt à Babylonia, & multipli-  
 cata sunt mala super terram, ab *Antiocho illustri*, qui muros sanctæ ciuitatis destruxit,  
 & abominationem desolationis, Idolum videlicet abominabile, in templo Domini po-  
 suit, & ab eius successoribus perpeffi sunt, nullus ambigit, qui gesta Regum Antio-  
 chorum, & historias & prælia Machabæorum agnouit. Sed & *Pompæus*, cum ingres-  
 sus esset Hierusalem cum exercitu Romanorum, multipliciter eos oppressit, adeo  
 quod in vestibulo Templi Domini, loca sancta & venerabilia irreuerenter pertra-  
 ctans, equos proprios collocauit. Postquam verò ad *Herodem* alienigenam, & filios  
 eius, & postea in manus Romanorum, regnum Iudæorum cum Terra Sancta deue-  
 nit; impletum est in ipsis Iudæis, quod longè antè Psalmista prophetauerat de ipsis  
 dicens: *DEVS, viderunt gentes in hereditatem tuam, polluerunt Templum sanctum tuum.*  
 Et iterum: *Tradentur in manus gladii, partes vulpium erunt.* Vulpem enim appellat Do-  
 minus *Herodem* in Euangelio, dicens: *Dicite vulpi illi.* Filii etiam huius sæculi, qui  
 prudentes sunt in generatione sua & dolosi, & in peccatis suis fœtidi, non immeri-  
 tò vulpes appellatur. Postquam verò Dominum nostrum Iudæi crucifixerunt, cum  
 quadraginta duobus annis expectasset eos Dominus ad castigationem; ipsi autem  
 excæcati in peccatis noluerunt benedictionem, & elongata est ab eis; venerunt  
 Romani, locum eorum tollentes sub *Tito & Vespasiano*; succendentes ciuitatem, &  
 vsque ad fundamenta destruentes, vt lapis super lapidem non remaneret, parte Iu-  
 dæorum fame peremptâ, parte gladio trucidatâ, parte pretio distractâ & in omnem  
 ventum dispersâ: sicut ex libris *Iosephi*, & aliis historiis manifestè declaratur; & Pro-  
 pheta longè antè prædixerat: *Exterminauit eam aper de silua, & singularis serus depastus  
 est eam:* singularem ferum, crudelem ducem, seu crudelem gentem Romanorum,  
 eos esse depasturos præuidit. Sed & Christianorum temporibus refrigercente mul-  
 torum caritate, & maximè Græcorum & Surianorum, qui in Terra Sancta tempo-  
 re *Heraclii* Imperatoris Romani habitabant, cum iam sanguis CHRISTI, qui prius,  
 quando recenter effusus fuerat, in cordibus fidelium feruebat, per vniuersum  
 ferè mundū cœpisset tepescere: *Cosroes* tyrānus rex Persarum Terram Sanctam cū  
 exercitu infidelium ingressus, ciuitatē vastauit, ecclesias euertit, vniuersum popu-  
 lum variis calamitatibus oppressit: aliis gladio peremptis; aliis secum in Persidem  
 captiuis deductis, ciuitati autem sanctæ non parcens, effractis muris violenter irru-  
 pit, loca sancta & atria, in quibus steterunt pedes Domini, ingressus est canis im-  
 mundus, prophanans Domini sanctuarium, & ecclesiam sanctam subuertens, Do-  
 minicum lignum, in quo vera mundi hostia pependit, secum ausus est in Persidem  
 deportare. Dominus autem cum iratus fuisset, misericordiæ recordatus *fulguram  
 pluuiam fecit:* impio tyranno ab *Heraclio* Augusto interempto, & sanctâ Cruce Do-  
 minicâ ciuitati DEO amabili à prædicto Imperatore cum triumpho & gloria ma-  
 gna, deuotissimè, cum hymnis & laudibus diuinis restitutâ. Cum autem Im-  
 perator Ecclesias ordinari, quas nequissimus *Cosroes* deiecerat, & propriis  
 sumptibus reparari præcepisset; statim post eius recessum, princeps Arabum, no-  
 mine *Homar*, collectâ secum infinitâ multitudine tam potenter, quam violenter  
 Terram sanctam hostiliter ingressus, modico tempore non solum contra Chri-  
 stianos qui in regno Hierosolymitano morabantur, præualuit; sed etiam vniuer-  
 sas ciuitates à *Laodicia* Syriæ, vsque in *Ægyptum*, *Damascum* etiam cum mul-  
 tis vrbibus aliis, cum multa sanguinis effusione, bestia sauiens occupauit. Hic  
 autem impiissimus *Homar*, discipulus erat perfidi & sceleratissimi *Machometi*,  
 & regni eius successor tertius. *Machometus* enim statim post tempora bea-  
 ti *Gregorii*, parum ante tempora prædicti *Heraclii*, abominabilem doctrinam  
 suam

- suam primò in Arabia, vnde oriundus exitit, & postea bestiali populo in partibus vicinis, hominibus rudibus & incultis, partim prædicauerat, partim per timorem & violentiam in errorem suum contradicentes impulerat. Cuius successores tanto furore & feruore diabolico succensi sunt, vt in pestiferam magistrum sui doctrinam non solum verbis & exhortationibus populos insipientes inducerent, sed vi & metu, & gladiis tam Arabes, quàm alios Orientales populos miserabiliter impingerent. Seductor autem ille, qui dictus est *Machometus*, quasi alter Antichristus, & primogenitus Satanæ filius, tanquam Satan in Angelum lucis transfiguratus, irâ DEI magnâ & indignatione maximâ sustinente, & inimico generis humani cooperante; plures populos peruerit, & in errorem suum traxit, quam aliquis alius hæreticus ante tempora ipsius legatur subuertisse; vel aliquis sanctus prædicatione vel miraculis ad Dominum conuertisse reperiatur. Doctrina enim eius pestifera, serpens vt cancer, non solum Arabes & Syros, Medos & Persas, Ægyptios & Æthiopes, & alios Orientales populos latè iter infecit, sed etiam Africam & plures Occidentales regiones corrumpens vsque in Hispaniam peruenit. Nec puto quòd ab infantia primitiuæ ecclesiæ vsque ad senectam & senium eiusdem, videlicet vsque ad tempora Filii perditionis, maior fuerit, vel futura sit abominatio desolationis; vel maius flagellum ecclesiam sanctam DEI oppresserit, quàm execrabilis erroris venenum pestiferum, quod serpens antiquus per os Pseudoprophetæ & successorum eius in tanta populorum multitudine, iam ferè per sexcentos annos euomuit. *Iustus Ierem. 12.*
- es Domine, si disputem tecum; veruntamen iusta loquar ad te. Cur bestia tam crudeli tam laxas habenas concessisti? Quare tanquam potens crapulatus à vino, & tanquam vir fortis qui saluare non potest, tanto tempore siluisti, conculcante impio & vastante vineam tuam, & tot animarum millia, pro quibus sanguinem fudisti, tibi auferente? Cur fortis armatus inimicus noster tanto tempore in pace custodiuit atrium suum, & fortior non superuenit, qui vasa eius potenter auferret, eripiens inopem de manu fortiorum eius, egenum & pauperem à diripientibus eum? O altitudo diuitiarum sapientiæ & scientiæ DEI, quàm incomprehensibilia sunt iudicia eius, & inuestigabiles viæ eius! Quis enim cognouit sensum Domini, aut quis consiliarius eius fuit? Quis est homo qui respondeat DEO, vel disputet cū ipso? Nunquid dicit figmentum ei qui se fecit, quid me fecisti? An non habet potestatem figulus luti ex eadem massa facere aliud quidem vas in honorem, aliud in contumeliam? Iudicia Domini abyssus multa.* Scimus enim, quòd licet antiquus aduersarius noster nihil possit nisi quantum DEVS permiserit, peccata tamen nostra adeo fecerunt ipsum contra nos potentem, vt DEVS iusto, licet occulto, iudicio vsque ad tempora nostra per filium perditionis, perfidum Machometum eundem inimicum permiserit insanire. *Fuit autem Machometus Ismaelita, ex Agar ancilla Abrahæ, ex progenie Ismaëlis, hominis ferocis, cuius manus contra omnes, & manus omnium contra ipsum. Gen. 16.*
- Licet enim *Saraceni*, à Sara, tanquam ex libera, mendaciter & inaniter se nominent Saracenos; veriùs tamen *Agareni*, ab Agar, quæ concubina fuit Abrahæ, debent dici. Cùm autem adhuc puer esset, & defuncto patre suo *Abdimeneph*, & matre suâ, relictus esset pauper & orphanus, susceptus est à quodam homine Gentili & Idololatra, qui nutriuit eum in illo loco Arabiæ, qui dicitur lingua eorum *Salingua*. Postquam autem factus est ætatis adultæ, & ad annos iuueniles peruenit, cùm iâ proprii corporis exercitio, more pauperum, victum sibi laboriosè posset acquirere, factus est mercenarius cuiusdā mulieris viduæ, cuius asinū custodiens à quibusdam viatoribus, quos super asinum ad partes Asiæ deferebat, mercedem recipiebat ad opus dominæ suæ: quæ etiā camelos suos postmodum eius custodiæ commisit; & ad ciuitates vicinas & oppida circumstantia factus negotiator, merces deportabat. Cumque pro seruitio suo & huiusmodi negotiatione prædictæ viduæ gratiā & familiaritatem fuisset adeptus, sese inuicē libidinosè concupiscētes, primò occulto & fornicario concubitu pariter coierunt; postea verò mulier illa cū eo publicè matrimonium contraxit, & copiosam pecuniam tradidit illi. Ipse verò, qui semper vitam miseram & inopem vsque ad dies illos duxerat, subito & quasi casu fortuito & inopinato ditatus, coepit in oculis suis extolli, & apud se inaniter gloriari, cogitans intra se & modis omnibus procurans, qualiter super gentes illas, quæ regem non habebant, & tribus suas posset dominari, & apud homines illos magnus haberi. Primò igitur congregauit homines pauperes & inopes, & obligatos ære alieno, viros prophanos, latrones, prædones, homicidas, &

raptores, ut eorum auxilio multâ pecuniâ per violentiam & rapinam congregatâ, nomen sibi faceret, & ab omnibus timeretur. Cum autem ex huiusmodi peruersis & desperatis hominibus, filiis Belial, non modicam multitudinem congregasset, posuit eos iuxta vias publicas in insidiis & locis abditis, ut negotiatores causâ mercimonii de Asia venientes, sine misericordia spoliarent. Quadam die misit triginta de latrunculis suis ut mercatores quosdam per partes illas transeuntes spoliarent. Quidam autem vir potens de partibus illis, cuius camelum Machometus abstulerat, cum trecentis hominibus occurrens sociis Machometi, fugatis ipsis, mercatores illos de manibus prædonum liberavit. Aliâ vice misit sexaginta de militibus suis ut sibi prædam adducerent, qui omnes à quibusdam in insidiis positis ita sunt 10 occisi, ut nec vnus ad dominum suum reuerteretur. Misit teritiâ vice multos ex sociis ad locum quendam, ut multitudinem asinorum, qui per locum illum transire debebant, mercibus variis onerati, raperent; sed antequam ad locum illum pervenissent, mercatores cum asinis die præcedente transierant. Hæc autem Prophetam mendax, prævidere non potuit; nec in prædictis casibus sibi vel sociis suis potuit præcauere. Mentiuntur ergo miseri Saraceni, qui eum summum Prophetam Domini fuisse perniciosè protestantur. Aliquando etiam cum fugisset de prælio quodam, multis dentibus contractis vix evasit. In multis enim præliis deuietus, & cum exercitu suo fugatus, nec sibi, nec suis aliquod potuit præstare subsidium. Misit frequenter socios suos, ut homines sibi contradicentes nocte in domibus suis iugularent. 20 Vicinos etiam suos, quibus inuidebat, clam & proditoriè trucidari faciebat, & maxime Iudæos quos plurimum odio habebat. Plerumque autem impii & facinorosi eius complices, villas & casalia subito ingredienti, ex improviso homines parvulos etiam & mulieres passim occidebant, & partem prædæ domino suo, qui defensionem & autoritatem eis præstabat, afferebant. Frequenter autem hi, quos ad exercenda latrocinia mittebat, ab his quos spoliare volebāt, sunt occisi. A quodam autem prælio dentibus suis à dextera parte excussis, labro superiori conciso & genis contractis, vultu lacerato & deturpato vix evasit. Quidam autem ex sociis suis eleuans manum suam super eum ad tutelam, amputato digito vno vix eum valuit liberare. Ecce quàm decepti sunt, & crassis tenebris inuoluti miseri Saraceni, qui 30 mendaciter affirmant ipsum super omnes Prophetas spiritum Prophetiæ habuisse; & decem angelos sibi fauentes, & eum custodientes omni tempore secum habere. Dicunt etiam, quod antequam DEVS à principio cælum & terram creasset, nomen Machometi quasi in conspectu DEI consistebat; & nisi ipse Machometus futurus fuisset, nec cælum, nec terra, nec infernus, nec paradysus fuisset. Ipse verò cum ei frequenter malè accidisset, & à præliorū cōsiliu victus & fugatus cum magna reuerteretur confusione, ad sui exculationem dicebat: quod missus erat à Domino, non ut miracula faceret, sicut & alii Prophetæ ante ipsum; sed ut leges datas Iudæis per Moysen, & Christianis per CHRISTVM exponeret mundo & declararet; & eos qui mandata legis malè intelligebant, corrigeret & instrueret: ita quod si 40 quis mandata eius suscipere recusaret, vel gladio interficeretur, vel pro incredulitatis suæ pretio tributum soluere cogeretur. Si qui autem credere legi suæ renuerēt, vel cōtrarium prædicarent, contra eos prælia semper inferrent; & ipsis trucidatis, si possent, vxores eorū & liberi perpetuè seruituti subderentur. *Inimicus etiam fidei suæ nec fidem, nec promissionem obseruare, sed eos omnibus modis decipere concedebat.* Cum igitur ipse de se fateatur quod gratiam faciendi miracula non haberet, miracula illa quæ de illo Saraceni gloriantes prædicant, constat esse falsa, & ipsos deceptos oculis penitus excæcatis veritatem ignorare. Dicunt enim quod lupus quidam in via quâ ambulabat aliquando ei obuiam venit, contra quem cum tres digitos Machometus exisset, lupus exterritus confestim fugiendo recessit. Affirmant etiam homines a- 50 nimales & bruti, quod bos quidam quandoquæcum eo loquutus fuisset; & quod arbor ficus ad eius vocationem & imperium ad terram inclinata, ad eum humiliter accessit. Dicunt etiam quod Lunâ ad ipsum descendentem, in sinu suo recepit; & ipsam Lunam in partes ab eo diuisam, iterum coniunxit. Asserunt etiam quod cum venenum in carne agnina aliquando sibi fuisset oblatum, agnus loquutus sit ei dicens: *In me habeo venenum, caue ne me sumas in cibum.* Socius autem eius, qui cum eo in mensa sedebat, ex eo comedit, & vitam veneno amisit. Ab illo tamen die post annos decem

Gen. 1.

decem & octo, *Machometus* veneno sibi occultè dato interiit, nec tamen mortem suam Pseudopropheta præsciuit. Ipse autem diuino percussus iudicio, morbo caduco laborans aliquando in terram cadendo spumabat. Prædicta autem vxor eius præ verecundia & morbi abominatione volebat eum dimittere. Ipse autem dicebat vxori suæ, quòd Angelus Domini Gabriel ei loquebatur, ipsum de lege, quam dabat hominibus, instruens, & DEI madata ad ipsum deferens: ipse verò præsentiam Numinis corporaliter sustinere nō poterat; spiritus autem eius quasi in ecstasim raptus Angeli vocem audiebat, & præcepta firmiter retinebat. Mulier autē simpliciter credidit, & sic in matrimonio cū ipso remansit. Erat luxuriosus & libidinis ardore succensus super omnes homines Orientalis regionis; ex quo tamen in immensum gloriabatur, iactans se solum supra quadraginta homines ex diuino munere virtutem generatiuam habere, & coeundi supereminentem potestatem à DEO accepisse. Vnde quindecim duxit vxores, exceptis ancillis & concubinis, quas omnes zelotypiæ spiritu impulsus ita recluserat, quòd nunquam poterant exire; nec ulli homini aliis erat eas videre, vel ad eas aliquo modo intrare. Vnde vsque hodie Saracenorum, & ferè omnium Orientalium mos est, quòd vxores suas ita recludant, vt vix solis radium videre queant: ab earum etiam colloquiis confanguineos, quantumcumque proximos, prorsus priuantes. Virgines etiam earum ita coram hominibus, vultus abscondunt, & collum & manus quibusdam linteaminibus velant, quòd plerunque aliquis vxorem duxit, nec faciem eius, antequam eam traduceret, agnouit. Quandoque autem cōtra aliquam earum iratus iurauit, quòd ad eam per mensem non intraret, sed libidinis suæ turpitudine deuictus spreto iuramento ante terminum eidem commiscebatur. Cuidam autem ex vxoribus suis in dotem seu donationem propter nuptias loricam ex fragmentis cornuum factam concessit, & duas molas cum duobus ceruicalibus rotundis ex palmarum foliis contextis. Propter has autem ab alienorum vxoribus nullatenus homo impudicus abstinebat, sed passim, quascunq; sibi placētes habere poterat, adulterio pollebat: ita quòd cū propter hoc infamaretur, & à multis accusaretur, & maxime à sociis erroris sui & coadiutoribus maleficii reprehenderetur, eò quòd propter turpitudinem vitæ, eius prædicatio à multis iam non reciperetur: ipse, ad sui excusationem & populi indignationem sedandam legem promulgauit, quæ vsque ad præsentem diem à Saracenis firmiter obseruatur, de adulteriis videlicet puniendis: vnde mulier adultera apud eos occiditur. Sibi soli tamen dixit esse à Domino, angelo Gabriele nuntiante, in priuilegio specialiter cōcessum, quòd ad aliorū vxores posset accedere, & prophetas & filios virtutis ad cultum DEI generare. Ipse autem seruum quendam habebat, qui propter vxoris suæ pulchritudinem domini sui luxuriam valdè suspectam habebat. Vnde vxori suæ districtè præcipiebat, ne aliquo modo à domino suo videretur, vel cum eo loqueretur. Illa tamen nihilominus quadam die loquuta est cum Machometo: seruus autem ille indignatus, & iracundiā concitatus eam repudiavit, & à se statim eiecit. Dominus autem eiectam eius vocauit, & cum vxoribus suis eiectam recepit. Timens autem, ne de adulterii crimine blasphemaretur, finxit quòd charta de cœlo missa fuisset illi à DEO, in qua à Domino mandaretur, vt genti suæ legem promulgaret, quatenus si quis vxorem repudiauerit, si alius eam recipere voluerit, vxor illius sit, qui eam suscepit. Istud vsque hodie inter Saracenos habetur pro lege. Si autem adultera non possit à marito conuinci, & propter criminis suspicionem, vel propter fœditatem aliquam, siue ob aliam causam eam repudiatam dimiserit, si postea poenitentia ductus ipsam velit ad thorum reuocare, non aliter licet mulieri ad virum suum accedere, nisi prius tantā verecundiā confundatur, quòd in oculis mariti sui ab alio viro extraneo cognoscatur; & sic per huiusmodi pollutionem ipsam miserabiles homines existimant purgari, & dignam quòd ad maritum suum reuertatur. Porcus autem ille & canis immundus in tantum libidinis feruorem exarsit, quòd ipse aliis concessit modum turpitudinis, quo in propriis vxoribus abutebatur. Ait enim in libro suo quem vocat *Alchoranum*: Si vxores vel ancillas habetis, ipsas pro modo vestro ad voluntatem vestram parate. pro quo execrabili verbo statim viuus deberet concremari. Per hoc enim latenter vitium Sodomiticum hostis naturæ in populo suo introduxit: vnde ipsi ex maxima parte

psal. 31.

VI.

non solum in utroque sexu, sed etiam in brutis turpitudinem abusuè operantes, facti sunt, sicut equus & mulus quibus non est intellectus. Asserunt enim ad perniciosam sui excusationem, quod re propria ad omnem voluntatem & voluptatem suam quilibet licitè possit uti. Hæc autem de pessima & abominabili eius vita parua de magnis, pauca de multis, dicta sufficiant. Nunc autem de execrabili eius lege, vel potius errore, aliqua subiungamus. Quadam die dum de ciuitate *Mecha* veniens, camelum quendam inuenisset in via, rapuit & duxit in ciuitatem *Mecham*, in qua hodie sepultus ab impiis & deceptis populis adoratur. In prædicta autem ciuitate cum de seipso testimonium proferret, asserens se esse Prophetam, & à D. E. O ad salutem populi transmissum, illi noluerunt eum recipere, nec eius falsis & vanis acquiescere sermonibus: sed tanquam falsarium, & viarum prædatorem & latronem, a ciuitate sua proiecerunt. Fugit igitur cum suis sociis confusus & expulsus ad ciuitatem quandam desertam, ubi erant homines ex parte Iudæi, & ex parte Gêtilis, idololatæ, rudes & indocti, qui nunquam vel rarò veritatis audierant prædicationem. Videns autem pauperes illos & incultos homines faciles ad seducendum, constituit in ciuitate templum quoddam in quo figmenta sua & vana documenta vanis & idiotis prædicaret. Et quoniam magnus laqueus diaboli, & profunda fouea perditionis futurus erat homo ille, cum rudis esset & illiteratus, prouidit ei mille artifex, Christianæ religionis inimicus, socios & coadiutores erroris sui, qui eidem tanquam impietatis instrumenta assisterent, & ipsum fallaciter instrueret, & in nequitia fouerent. Quidam enim monachus, homo apostata & hæreticus, vir Belial, nomine *Sofius*, cum de execrabili hæresi Romæ fuisset publicè conuictus & condemnatus, & excommunicationis vinculo innodatus, extra omnem ecclesiã D. E. I. esset eiectus, & à fidelium consortio fuisset penitus expulsus, fugit ad partes Arabiæ, cupiens se de molestia sibi facta contra Christianos vindicare. Cum autem inuenisset Machometum, qui iam aliquam habebat in populo suo præminentiam, nec tamen à multis adhuc Propheta putabatur, cœpit eum cum quodam Iudæo, qui similiter ipsi Machometo adhæserat, exhortari & amonere, quatenus sicut Moyses, & CHRISTVS legem dederunt populo suo, & propter hoc ab vniuersis reputati sunt magni, ita & ipse, ut magni nominis & summus Propheta haberetur, consiliis & documentis ipsius Monachi & Iudæi, legē daret illi populo, cuius maior pars idola colebat, & facile ad eius doctrinam flecti possent. Machometus autem, eorum peruersis acquiescens suggestionibus, ut maioris auctoritatis lex eius esse videretur, ex veteri & nouo Testamento ad augmentum erroris sui, prædictis hæretico, & Iudæo decentibus, quædam adiunxit, adinventionibus propriis, quæ suggerente diabolo de corde suo finxit. Vnde secundum ritum Iudæorum circunciduntur Saraceni, carnes autem porcinas non comedunt: cuius rationem cum vellet Machometus assignare, dicit quod ex fimo cameli porcus post diluuium fuerit procreatus: vnde tanquam ex immundiciis natus, non debet à populo mundo manducari. Similiter pisces non habentes squammas, secundum consuetudinem Iudæorū, non manducant. In hoc autem cum Christianis conueniunt, quod credunt vnum solū D. E. M. omnipotentem, omnium creatorem. Trinitatem autem non recipiunt: sed abominantur fidem nostram, & derident nos tanquam tres Deos adoremus, ineffabilem Filii generationem non recipientes à Patre, sed carnaliter tantum, & per partum decisionem, omnem indifferenter intelligentes generationem: Caro enim & sanguis & non Pater noster qui est in cælis reuelauit eis. Animalis enim homo ea quæ D. E. I. sunt non percipit. Asseruit etiam Pseudopropheta vera quædam falsis interserens, quod Moyses fuit magnus Propheta; sed CHRISTVS maior & summus fuit prophetarum ante tempora sua, natus ex Maria, virgine ante partum, & in partu & post partum, omnium foeminarum sanctissima: conceptus de virtute D. E. I., absque femine carnalis hominis. Postea verò venenum infidelitatis adnectēs, asserit ipsum fuisse purum hominem; sicut alii Prophetæ non dii, sed homines puri fuerunt. Nesciens autem humilitatis virtutem, & sanctæ Crucis mysterium ignorans, asserit cum Manichæis, quod CHRISTVS, nec verè fuit crucifixus, nec verè passus, nec in veritate mortuus vel sepultus, nec tertiâ die resurrexit; sed alius quidam homo, similis ei, pro eo fuit crucifixus: CHRISTVS autem sicut à D. E. O venit, ita ad D. E. M. viuus abique vlla mortis passione rediit; & in cælos, ad D. E. M., qui miserat eum,

Matth. 10.

1. Corinth. 2.

etiam, ascendit. Vnde est quoddam *Templum Domini*, quod dicitur Salomonis, in quo Dominus à beata virgine fuit oblatus, & quædam alia loca in quibus CHRISTVS, cum Maria & Ioseph transiens in Ægyptum, dicitur quiescisse, in magna reuerentia habeant. Ecclesias etiam beatæ Mariæ virginis in multis locis honorent. Rubum etiam quem vidit Moyses ardere, & non comburi, & alia loca in quibus in monte & circa montem Synai Dominus Moyse apparuit, magno venerentur obsequio. Crucem tamen Domini, & locum Sepulturæ eius derident; dicentes, quoddam tantus Propheta, tam ignominiosam mortem cum posset euadere, nunquam vellet sustinere. Persequuntur autem Saraceni Iudæos, & cum odio maximo eis impropere, quoddam sanctissimum Prophetam CHRISTVM recipere noluerunt, & multas ei persecutiones intulerunt. Maxime quia Machometus in Alcorano suo de Iudæis valde conqueritur, eò quoddam essent duræ cervicis & mandatis eius acquiescere recusarent. De Christianis autem dicit, quoddam magis pii sunt, eò quoddam legem eius audirent & flerent. Ipse autem tam Christianos, quàm Iudæos, frequenter *homines legis* appellat; & ita confusus est in tractatu suo, & sibi ipsi contrarius, quoddam aliquando affirmat, quoddam quilibet homo in lege sua possit saluari: aliquando verò asserit, quoddam omnes præter Saracenos damnabuntur: ipsi autem Saraceni omnes, quantumcunque pessime egerint, ad preces eius, quem DEVS in omnibus exaudiet, saluabuntur. Ex quo verbo timorem peccandi populo seducto abstulit, & ad omnes turpitudines & impietates, suos incitans, securos in iniquitatibus suis reddidit. Et quoniam in Evangelio IESVS CHRISTI ipsum CHRISTVM à beato Ioanne baptizatum audierunt Saraceni, ipsum beatum Ioannem in magna reuerentia habentes, loco baptismi post omnes immundicias, quas turpiter operantur, & maxime quando ad oratorium debent accedere, corpus suum aquâ simplici abluendo, ab immundiciis suis hoc modo se æstimant purificari. Vnde passim & frequenter hac fallaciâ seducti obscenis & abusiuis voluptatibus inquinantur, & postea, ut dictum est, quis abluuntur. Quandoque etiam à sacerdotibus Christianis filios suos faciunt baptizari, nullam aliam spem in baptismo ponentes, nisi quoddam propter hoc filios suos diutius vivere, vel ab infirmitatibus corporis facilius putant liberari. Recipiunt autem *Pentateuchum* Moysi, & omnes libros Prophetarum & Apostolorum, quos à DEO fuisse loquutos, & homines fuisse sanctos non negant. *Psalterium* etiam, & totius veteris Testamenti translationem secundum septuaginta Interpretes recipiunt. Sed more Iudæorum vel ad litteram tantum intelligunt Scripturas, vel perversè aliqua quandoque exponunt. *Evangelia* autem Domini nostri IESVS CHRISTI legunt & non intelligunt: veratamen esse confitentur quæcunque locutus est CHRISTVS. Eodem modo Apostolos, qui conuersati sunt cum CHRISTO, quos Machometus libro suo vocat *viros albis indutos*, & eorum libros recipiunt. Omnes autem qui cum CHRISTO, dum esset in terris, non fuerunt, tanquam falsarios & Evangelicæ veritatis ignaros, non admittunt: sed tam eos quàm eorum libros despiciunt. Vnde beatum Apostolum Paulum cum libris suis, & omnes alios qui post Paulum varios libros scripserunt ipsi abominantur, doctrinam eorum blasphemantes. Quando autem ex libris Evangeliorum CHRISTI, vel sanctorum Apostolorum, vel etiam ex veteri Testamento aliqua legi suæ repugnare videntur, cum aliter non possunt euadere, dicunt libros nostros à falsariis esse corruptos, quibusdam subtractis, & aliis pro voluntate apposis. hoc est ultimum & miserabile eorum refugium. Ita enim quilibet idiota respondente, nec ipsi ex libris suis, nec Iudæi ex veteri Testamento, nec aliqui ex scriptis antiquorum, per locum *ab auctoritate*, possent aliquid probare. Quàm absurda autem & friuola sit huiusmodi responsio, patet ex hoc, quoddam Sancti qui post CHRISTI tempora sequuti sunt, eadem miracula, quæ CHRISTVS fecit, & etiam aliqua maiora CHRISTI virtute fecerunt. Quicquid autem in libris suis scripserunt, ex nouo & veteri Testamento habuerunt, id ipsum sentientes, & concorditer scribes de thesauro suo noua & vetera prouulerunt. Notum est autem quoddam sancta Evangelia, & libri Apostolorum & alia legis Christianorum volumina, in diuersis mundi partibus, & variis idiomatibus,



& diuersis etiam scriptoribus, & variis temporibus scripta sunt concorditer, & absque vlla sententiarum contrarietate; & ab omni hominum genere vsque ad tempora nostra successiue sunt recepta: ex quorum vniformitate manifestum est quod nullo modo potuerunt esse falsata. Quomodo enim tot falsarii, & ita se remoti tam idiomatibus, quam locis, in vnum penitus possent conuenire? Quidam autem prudentiores ex ipsis, & naturaliter ingeniosi, & tam in libris naturalibus gentilium Philosophorum, qui penitus legi Machometi contradicunt, quam in libris nostris exercitati, Euangelia CHRISTI legentes, & legis nostrae puritatem cum erroribus impii seductoris conferentes, ad gratiam baptismi IESV CHRISTI frequenter confugerunt: & longe plures conuolarent, nisi carnalibus illecebris, & peruersae vitae consuetudinibus irretiti, CHRISTI paupertatem & vitam Christianorum nimis arduam reputantes, CHRISTI suauissimum iugum, asperum & quasi intolerabile reputarent. Hæc autem precipua fuit causa quod peruersas huius seductoris traditiones, & insanias falsas, plures, quam alicuius alterius hæresiarchæ, sequuti sunt homines. Lex enim Evangelica auaritiam & desideria terrena detestatur, carnales voluptates, & fœdas concupiscentias tanquam inimicas animæ prohibet & execratur. Vnde fluxus carnalis voluptatis restringere, & motus illicitos cohibere, & curam carnis in desideriis non perficere, & corpus præcipit spiritui subiugare; terrenis lucris non inhiare, mundana & transitoria omnia contemnere; inimicos diligere, nulli malum pro malo reddere, pro persecutoribus orare; & multa iuber talia, quæ licet homini sint impossibilia, DEO tamen, qui virtutem subiuuat, sunt facilia. Vnde Diuinâ gratiâ præueniente & cooperante, non solum facile, sed cum gaudio & spirituali delectatione à CHRISTI fidelibus adimplentur. Carnales autem & imprudentes Saraceni, lucra temporalia, & terrena desideria, & præsentis vitæ delicias, futuram beatitudinem nullatenus credunt impedire. Vnde more pecudum post carnis concupiscentias abeuntes, in luto voluptatis obscenæ infixi, mortui, & sepulti, nullis vitiis resistere norunt, sed carnis passionibus miserabiliter subiecti & suppeditati, plerumque non prouocati ab appetitu, credunt esse meritorium fœdos appetitus prouocare. Ex quo factum est quod in partibus Orientis, & maximè in calidis regionibus bruti & luxuriosi homines, quibus austeritas Christianæ religionis intolerabilis & importabilis videbatur, *ardam viam* quæ ducit ad vitam, & *angustam portam* deferentes, latam & spatiosam viam, quæ ducit ad mortem facile sunt ingressi, & multiplicati sunt super numerum carnalibus illecebris irretiti. Cum autem contra alias hæreses sancti viri zelo iustitiæ, & diuino amoris feruore succensi, prædicando, disputando, & ex diuinis scripturis ratiocinando sese viriliter opponerent, & de faucibus Leuiathan plures in hæresim lapsos extraherent: homo ille perditissimus ad cumulum nequitiae suæ, cum de veritate vel etiam probabilitate sectæ suæ diffideret, præcepit genti seductæ, *ne contra legem suam prædicatores admitterent: sed si quis contradicere vellet, statim gladio feriretur*: quicunque etiam ipsum Machometum negaret, protinus occideretur. Dicebat enim frequenter auditoribus suis: *Videte, ne decipiāmini. nemo Propheta fuit, cui gens & plebs eius non imposuisset mendacium. Nolite ergo credere, quæ homines dicturi sunt de me. Timeo enim ne gens mea, postquam mortuus fuero, de me mendacia dicat, & mihi falsa apponat. nolite detrahentibus credere, sed tantum ea de me credatis, quæ in libro legis, quem ego vobis daturus sum, inuenietis. Si quis autem contradixerit & blasphemauerit, occidatur.* Et quoniam ille homo libidinosus plures habuit tam uxores quam concubinas, concessit, & meritorium prædicauit cuilibet plurimas habere uxores, & tot concubinas quot posset procurare, & in necessariis providere. Saraceni autem tres vel quatuor simul, & non ampliùs, hodie ducunt uxores, quæ liberæ sunt. Concubinas & ancillas quas emunt, quotcunque volunt, possunt habere. Magis autem religiosus iudicatur inter eos qui plures potest impregnare. Filiis autem concubinarum æquè, & filiis vxorum, pro voluntate sua relinquunt possessiones & hereditates, vt sit filius ancillæ

cillæ heres cum filiis liberæ. Et plerunque postpositis filiis vxorum, filius concubinarum, quos magis diligunt, regnorum suorum viri nobiles heredes constituunt. Ex quo frequenter accidit quòd potentes Saraceni Christianarum mulierum filii, nostris amici facti sunt, & Christianis in terra sua commorantibus beneuoli & propitii fuerunt. Machometus enim in multis propitius fuit mulieribus, & propter libidinem suam valde eis compatiabatur: vnde legem promulgauit, vt *postquam ancilla de Saraceno conciperet, libera confestim efficeretur*; & postquam natus esset fœtus, cuiuscunque legis esset mater, libera permitteretur abire. Ita tamen quòd partus ventrem non sequeretur, sed cum patre remaneret, & legem suam inuiolabiliter obseruaret. Vt autem non solum Gentiles & Idololatrias, sed etiam Christianos simplices ad sectam suam detestabilem facilius traheret, quasi in laudem domini nostri IESV CHRISTI quædam miracula de infantia Saluatoris, quæ in libris inueniuntur apocryphis, libro legis suæ, quæ *Alcoranus* dicitur, inseruit, dicens: *Quòd CHRISTVS cum puer esset, de luto terræ volucres procreauit*. Et quædam alia miracula, quæ nec in Euangelis continentur, nec ab Ecclesia recipiuntur, de CHRISTO prædicauit. Vera autem miracula, quæ CHRISTVS indubitater fecit, quemadmodum in Euangelio legimus, penitus tacuit, nullam inde faciens mentionem. Vt autem peruersæ sectæ suæ falsitatem, & irrationabilia instituta, ne deprehenderentur, quibusdam quasi honestis & religiosis mandatis posset inuoluere, & aliquo religionis colore suum excusaret errorem, eleemosynas & orationes multum commendauit: sed super omnia *pro defensione legis suæ usque ad sanguinis effusionem & mortem fortiter pugnare, meritorium esse dogmatizauit*. Dicebat enim, quòd mors metuenda nō esset, cum DEVS vltimum diem & finem cuiuslibet præuiderit, quem nullus potest præterire; vel aliquo modo terminū, quē DEVS infallibiliter præuidit, potest homo præuenire vel anticipare. Quoniam autem Christiani versus Orientem solent orare, Iudei autem ad Occidentem, ipse nolens aliorum imitator reputari, vt singulariter & super alios eius auctoritas præmineret, nouum modum orandi inuenit; scilicet versus Meridiem. Ipsi autem Saraceni nec decimas reddunt, nec aliqua sacrificia faciunt, nec etiam aliquas in matrimoniis suis benedictiones adhibentes, more canum copulantur. Faciunt autem qualibet nocte legem Machometi ab aliquo in eminente loco astate proclamari. Qui cum legem Machometi sanctam & iustam esse, & ipsum summum Prophetam à DEO missum fuisse in auribus omnium proclamauit; alii omnes respondentes, affirmant ita esse: & hoc sibi sufficere credunt ad salutem. Attendens autem quòd Iudei secundum legem suam vnum diem Sabbati qualibet septimanā quiescendo feriant; similiter Christiani diem vnum, scilicet Dominicum, in honore Resurrectionis Dominicæ, singulis hebdomadis solemnizant, vt gens eius à prædictis nationibus distincta, alias imitati recusaret; sextam feriam, diē scilicet *Veneris*, ipse solemniter in qualibet septimana præcepit obseruare. Ieiunia autem semel in anno per mensem integrum fieri instituit, quem nos *quadragesimam* *Paganorum* appellamus. Ieiunant autem per totam diem nihil prorsus manducantes vel bibentes: nocte autem quotiescunque volunt comedentes & bibentes, à nullis deliciis carnalibus abstinere. Per totam noctem more pecudum ventres diuersis ferculis vsque ad crapulam & vomitum adimplentes, in noctibus cum fœnore recuperant, quod amiserunt in die. Vinum tamen in diebus ieiuniorum nō est eis licitum bibere. Aliis autem diebus à vino plerunque maior pars Saracenorum consuevit abstinere, & maximè qui inter eos magis religiosi esse videntur, & hi qui Peregrini fuerint Machometi; corpus eius in Mecha ciuitate visitantes. Machometus enim vinum valde vituperans, eò quòd sibi à vino gastrimargus homo temperare nesciret; bibentis excessum, ad excusationem sui, in vinum retorquebat. Hæc est autem certior, & magis euidens ratio quare à vino præcipiantur abstinere. Ipsi enim gulosi & nullo fræno sobrietatis astricti, ferè quotiescunque vinum bibunt, amisso rationis vsu adeo inebriantur, quòd more porcorum, nunc in luto sese volutantes proiiciunt; nunc per vicos & plateas ciuitatis titubando incedunt, & inter se rixantes sese mutuo interficiunt. Et quoniam vsus Veneris & luxuriam meritorium reputant, frequentius in tempore ieiunii concubinis & vxoribus commiscantur, vel causa libidinis explendæ, vel vt plures filios ad legis suæ defensionem valeant generare. Sicut autem in Diuinis Scripturis spiritualiter duæ distinguuntur ciuitates, coniunctæ

quidem corpore, sed diuisa mente; vna DEI, altera Diaboli, vna *Hierusalem*, altera *Babylon* nuncupata: ita Machometus ad litteram duas ex vna parte ciuitates DEI sanctas, & omni acceptione dignas, scilicet *Mecham* & *Hierusalem* asseruit; ex alia autem parte duas ciuitates Diaboli, *Antiochiam* videlicet & *Romam*, vrbes pessimas & execrabiles prædicauit. Vnde Saraceni non solum ciuitatem Mecham, in qua corpus Machometi sepultum est, causâ peregrinationis & orationis adeunt; sed etiam cum magna veneratione ad ciuitatem Hierusalem, etiam quando à Christianis possidebatur, à partibus remotis veniebant in Templo Domini, quod ipsi rupem seu templum Salomonis appellant, orationes & oblationes votiuas reddituri. Et quoniam carnalis populus spiritualium ignarus, non nisi carnalibus faciliè mouetur, prædicauit etiam ille magister erroris, quod omnes sibi credentes post resurrectionem corporum pulcherrimas in Paradiso voluptatis, haberent virgines, & speciosas mulieres cum magnis oculis, ex quibus quorcumque vellent filios generarent: cum tamen dicat Dominus in Euangelio: *Post resurrectionem neque nubent, neque nubentur, sed erunt sicut Angeli DEI*. Et iterum: *hæc est vita æterna, ut cognoscant te verum DEUM, & quem misisti IESVM CHRISTVM*. Econtra verò Antichristus ille dogmatizauit dicens: *hæc est vita æterna in Paradiso post mortem, ut manducetis & bibatis quæcunque fercula volueritis: quæcunque enim petieritis; statim de cælo mittentur vobis. Omnibus autem affluetis voluptatibus, semper gaudebitis, nullus offendet vos, & nihil vobis nocebit*. Addidit etiam seductor ille; quod tria flumina lactis scilicet, & mel-  
lis, & vini optimi aromatici habebunt in paradiso, quibus in iocunditate sua, quotiescunque placebit, poterunt uti: & quod Angelos DEI pulchros & magnos sint visuri: ita quod ab vno oculo Angeli vsque ad alium sit spatium itineris vnius diei. Multa quoque alia ita friuola & vana dixit homo ille illiteratus, qui nihil ex aliquibus litteris didicerat; sed asinos & camelos, ut prædictum est, custodierat, quod multi ex Saracenis, qui liberales artes nouerunt, & libros Philosophorum legerunt, magistri sui doctrinam derident: vitam tamen imitantur desiderio voluptatum carnalium, & timore aliorum Saracenorum, legem Machometi superficialiter venerantes.

VII.

Cum autem annis quadraginta miserabilem vitam Machometus protraxisset, & morte sibi imminente, veneno se oppressum sensisset, dixit cognatis & amicis suis: *Quando me mortuum videritis, corpus meum nolite sepelire: Scio enim corpus meum post triduum in cælum esse deferendum*. Cum igitur indignam vitam dignâ morte terminasset, discipuli eius & focii non solum per triduum, sed per dies duodecim corpus seruauerunt, expectantes vtrum in cælum deferretur. Videntes autem magistri sui dicta prorsus irrita esse, & effectu caruisse; cum iam intolerabilis esset fœtor cadaueris; ipsum corpus aquâ non lauantes, sub terra absconderunt. Qui autem inter eos prudentiores fuerunt, deprehensâ seductoris falsitate, omnia quæcunque dixerat falsa & irrita æstimantes, ab eius lege discesserunt. Cum autem ad exemplum eorum omnes ferè alii vellent discedere, cognati Machometi & focii, qui prius in honore & reuerentia apud populum habebantur, & occasione legis multa lucrabantur, mœsti & confusi cum multis blanditiis & promissionibus cœperunt omnibus modis simplices attrahere; & ad sectam prædictam animos eorum inclinare. Quendam autem ex discipulis Machometi loco eius elegerunt, quem vocauerunt *Caliphum*, quasi successorem siue heredem, eò quod dignitatis & principatus Machometi successor existeret. Hic verò dignitatē & potestatem adeptus, cœpit partim blanditiis, partim comminatione & metu, populos ad se reuocare, & multitudinem hominum congregare. Quidam autē socer Machometi, *Achuli* nomine, contra prædictum Caliphum inuidiâ concitatus, & indignatione commotus, concupiscentiâ lucri, & ambitione secularis dignitatis tractus: modis quibus potuit per se, & per suos eidē se opponens, & multipliciter expugnans, non cessauit donec ipsum à principatu remouit.

VIII.

Post hunc verò quidam patruelis Machometi, nomine *Haly*, cum obtinuisset principatū, vehemēter commoueri cœpit & indignari, quod successor Machometi vocaretur, cum se digniorē ipso Machometo reputaret, & Prophetam eximiū, cui Dominus familiaris, quàm Machometo, loquutus fuisset, se velle ab omnibus æstimari. Hic igitur & complices eius, legi Machometi maximè detrahebant, & in ipsum multa maledicta proferebant, alios ritus & alias institutiones, & aliū orandi modū, quàm tradidisset Machometus, prædicantes,

dicantes. Illi autem qui legem Machometi tenere voluerunt, in partibus Orientis *Calypham Baldacensem* statuerunt: qui in tanto honore & reuerentia à suis habetur, quod nisi mandato & auctoritate illius nullus quantumcunque potens aut nobilis appelletur *Soldanus*; & omnes eius subditi tam Reges, quàm alii, pedes eius ad terram prostrati reuerenter osculantur. Successores autem *Haly*, de quo suprà fecimus mentionem, contra singularem Orientis Calypham sedem suam erexerunt in terra *Ægypti*, innumeris diuitiis & deliciis affluentes. Vnde inter *Ægyptios* & alios Orientales populos magna semper ex tunc fuit dissensio, & odium implacabile, & in lege discordia & contradictio, Saracenorum populis in duas partes diuisis: quadam  
 10 parte *Haly* & eius successoribus adhærente, maiori tamen parte consentiente Machometo. Postquam autem *Salahadinus* temporalem administrationem *Ægypti* sub domino suo Calypha *Ægyptio* adeptus est, timens sibi, eò quòd Calyphæ non immeritò, multis eum accusantibus, erat suspectus; ut ipse *Salahadinus* ad nullum superiorem haberet respectum; sed ipse sibi & *Soldanus* esset & Calypha, accessit ad dominum suum Calypham *Ægyptium*, tanquam ei debitam & solitam vellet exhibere reuerentiam, & clauâ ferratâ, quam gestabat in manibus, ex improviso ipsum ad terram prostratum deiecit, & per prodicionem occidit. Omnes autem eius filios & cognatos & speciales amicos vel interficere iussit, vel carceri in perpetuum mancipari. Extunc *Soldanus Baldacensis* solus monarchiam & dignitatem tam super *Ægyptios*, quàm super omnes alios Orientales obtinuit, *Salahadino* compellente *Ægyptios* ut ei concorditer obedirent, & nullum Calypham alium instituere præsumerent, nec ritus alios, quàm alii Orientales obseruarent.

Princeps autem Occidentalium Saracenorum omnium, qui Machometi legem obseruant potentissimus, qui caput & imperii sui dignitatem, & regni sui soliũ in ciuitate *Marosh*, quæ quondâ *Carthaga* dicebatur, collocauit; & non solum *Æthiopix* & *Africæ*, sed etiã *Hispaniæ* ex magna parte dominatur, orientali Calyphæ cum vniuerso populo suo, subiectus esse recusauit: Sed se ipsum Regem & Calypham reputans, *Miramummelin*, id est, Regem credentium, se & eius omnes successores præcepit appellari. Linguâ enim eorum *Mira*, idem est quod *Rex*; *Mummelin*  
 30 autem *credentium* interpretatur. Vnde inter Orientales & Occidentales Saracenos magnum est schisma, & dissensiones quamplurimum viles Christianis, eò quòd isti illis in præliis & expeditionibus contra nos renuunt præstare subsidium, regno ipsorum in seipso diuiso & ex magna parte dissoluto. Copiosa tamen Gentium & Idololatrarum multitudo, & hi maximè qui Septentrionalem inhabitant reigonem, circa paludes *Mæotidas*, & in partibus *Bulgariæ* & *Commanix*, vsq; ad fines *Hungariæ*; & qui in confinio regni *Daciæ*, & in aliis partibus adiacentibus cõmorantur, Machomet legem recipere renuerunt. Et quia ab aliis Saracenis Orientalibus & Occidentalibus valdè remori sunt, per metum seu violentiam non potuerunt compelli. Vnde vsque hodie quidam eorum errorem vetustum retinètes,  
 40 Idola colunt, venerantur, & adorant: Alii autem more pecudum nec legē, nec scripta, nec litteras vllas habentes, arbores, & arbuta, & pecudes, & generaliter quidquid mane casu aliquo primum eis occurrit, illud pro Deo reputantes, per totum diem colunt & adorant. Quidam autem ex eis se verum & summum *DEVM* ignorare cõfidentes, putantes tamen *DEVM* ignotum aliquo placare sacrificio, & obsequio venerari; carnes vel panem, seu aliam huiusmodi oblationem in altum proiiciunt, in honore illius, qui *DEVS* est, & habitat in excelsis, clamantes & dicentes: *Eius sit hac oblatio, qui super omnes est, & summa diuinitatis inter alios obtinet principatum.*

Ab his autem Septentrionalibus Saracenis, qui *Comani* nuncupantur, principium & originem, hi qui *Turcomani* dicuntur, & in terra *Turcorum* inhabitant, traxisse creduntur. Vnde nomine composito à *Turcis*, & *Comanis* appellatur *Turcomani*. De *Turcis* siquidē ex antiquis Orientalium historiis certum habemus, quòd ex Septentrionali regione exeuntes, *Perfarum* fines ingressi, non solum regionem illam, sed vniuersas ferè Orientales prouincias armatâ manu occupauerunt violentè. Ex tunc autem gens illa, prius rudis & inculta, nec habens certam mansionem, sed passim cum vxoribus & filiis, & pecoribus vagans, & pascuarum commoditatem sectas, regem sibi præfecit, ciuitates & oppida possidere incipiens, agriculturæ dans operâ, quæ prius de peculio tantum viuebat, & iura sibi ciuilia constituens. Hi

autem, qui in sua ruditate permanentes, priorem viuēdi modū deferere noluerunt, appellati sunt *Turcomani*. In multis autem, qui *Beduini* dicuntur, imitantur Saracenos. Differunt tamen natione, & quibusdam aliis consuetudinibus viuendi.

- XII. *Beduini* autem ex Arabum genere principaliter duxerunt originē, ex quorum stirpe dicunt descendisse Machometum. Hi autem dogmatizantes quod diē mortis à Deo sibi constitutum nec præuenire possunt, nec præterire, nunquam ad pugnam armati procedunt; sed solummodo camisiati; peplis more foeminarum capita inuoluentes; lanceis & ensibus tantummodo vrentes; arcubus autē & sagittis more aliorum Saracenorum pugnare dedignantur. Et licet leuiter & de facili conuertantur in fugam, alios tamen Saracenos timidos & ignauos reputant, qui spicula & sagittas à longē iaculantur. Sunt autem non solum Christianorum, sed etiam Saracenorum proditores; mendaces & inconstantes & amici fortunæ, & duplici viâ gradientes, his quos cernunt præualere, libenter adhærentes. Portant autem in capitibus pileos rubeos cum peplis, in tentoriis de pellibus animalium habitantes: ouinis etiam pellibus & caprinis plerunque vestiuntur. Nullam autē habentes certam mansionem, in campestribus & pascuis turmatim per tribus incedentes, vagi habitant, & pascuorum vbertatem sectantes, diuersas regiones circumeunt, lacte viuentes, & animalium copiam secum trahentes. Ipsi autem penitus ociosi, tam equorum quam pecorum vxoribus suis procuracionem relinquunt. Ex Orientalibus autem nonnulli, qui legē Machometi custodiunt, excepto quod more Christianorum ad ortum Solis adorāt, eò quod patres eorū, qui Christiani fuerunt, hunc modū orandi eis reliquerunt; ab hiis Saracenis hæretici & prophani reputantur. Ex quibus nonnulli ipsum Solem Deum summum reputāt, eò quod inter omnes creaturas visibiles, præcellentem habeat pulchritudinem.

- XIII. Sunt insuper quidam alii miserabiles in montanis homines, circa iuga Libani in partibus Tripolitanis commorantes, qui licet ex parte magna Machometi legē obseruent: dicunt tamē se legē quādam aliā occultam habere, quā non licet alicui reuelare, nisi filiis eorū cū iam adultæ sunt ætatis, vt secreta pueriliter non reuelent: vel mortis articulo imminente cū patres in extremis laborātes spem euadendi nō habent. Vxores autem & filiae in lege maritorū & parentum suorū, ignorantes legē illam, dicunt se credere. Quod si fortē filius leuitate aliquā legem illā, quam vocant occultā, matri suæ reuelaret, vxor à marito, & filius à patre absque vlla retractatione necarentur. Hi autē præter morem aliorum Paganorū, vinum bibunt, & carnes porcinas edunt, & ab omnibus aliis tanquā hæretici legis reprobantur. Hi autē pessima & abominabilia & sexui foemineo contraria in occulto turpiter operantes, sicut illis narrantibus qui ab eis recesserunt cognitū est, timent ne vxores eorū eos reliquerent, vel contemptui haberēt, si execrabiles ritus eorū & immunditias sectæ peruersissimæ cognoscerent.

- XIV. In provincia autē Phœnicis, circa fines ciuitatis Anteradēsis, quæ hodie vulgariter appellatur *Tortosa*, quidā populus scopulis & montibus vndique circūclusus inhabitat, habēs castella decē fortissima, & propter viarū angustias & rupes inaccessibiles, inexpugnabilia, cum suburbanis & vallibus omnium fructuum & frugū fertilitate fecundissimis, & amœnitate iucundis. Horum autem hominū, qui *Assāsi* nuncupantur, quadraginta millium numerū excedere dicitur multitudo. Præficiunt autē sibi Capitaneū non successionē hæreditariā, sed meritorū prærogatiuā, quem ipsi *Vetrem* seu *Senem* appellant, non tā prouectæ ætatis ratione, quā prudētiæ & dignitatis præminentia. Primus autē & summus infaustæ religionis eorū Abbas, & locus, vnde

- \* de principiū habuerunt, & à quo \* Syriam venerūt, in partibus est Oriētalibus vādē remotis versus ciuitatem Baldacensem, & partes Persidis provinciae. Hi autē vngulā non findentes, neque sacrum à prophano discernentes, *omnem indifferenter obedientiam superiori suo exhibitam, sibi credunt esse vitam aeternam meritoriam*. Vnde tanto subiectionis & obedientię vinculo magistro suo, quem *Senem* nominant, astringuntur, quod nil ita periculosum est aut difficile, quod ad mandatum domini sui hilari animo, & ardenti voluntate amplecti & perficere vereantur. *Senex* autem dominus eorum, pueros de populo illo in locis secretis & delectabilibus facit nutriri, & diuersis idiomatum generibus diligenter imburos & instructos ad varias provincias mittit cū cultellis, & potētes homines tā ex Christianis, quā ex Saracenis, vel quia ex aliqua causa habet eos odio, vel ad preces amicorum suorū, seu etiam propter

immensæ

immensæ pecuniæ pretium sibi datum, mandat occidi; promittens propter huius mandati executionem longè maiores delicias habituros sine fine in paradiso post mortem, quàm sint illæ in quibus fuerunt nutriti. Quòd si propter huiusmodi obedientiam eos mori contigerit, martyres à suis iudicantur, & inter sanctos ab illo populo deputati in summa habentur reuerentia. Parentes autè eorum à magistro, qui *Senex* dicitur, multis muneribus ditati, si serui fuerant, de cætero liberi dimittuntur. Vnde miseri & seducti adolescentes de conuentu prædictorum fratrum ad varias partes mundi transmissi, cum tâto gaudio & desiderio legationem mortiferâ suscipiunt, cum tanta diligentia & sollicitudine perficiunt, sese variis modis transfigurâtes, & aliarum nationum ritus & habitum sibi assumentes, aliquando in specie mercatorum, quandoq; in specie Clericorum seu Monachorum, & infinitis aliis modis sese occultantes, quòd vix aliquis in vniuerso mundo adeo cautus est, qui sibi possit ab eorum insidiis præcauere. Contra inferiores personas aliquid machinari dedignantur: Potètes autem, quibus ipsi aduersantur, vel pretio magno se redimunt, vel armati incedentes cum caterua satellitum, cum suspitione & metu mortis, semper incedunt. Hi autem super omnes alios Saracenos legem Machometi & eius instituta diligenter & artissimè seruauerunt vsq; ad tempora cuiusdam magistri sui, qui naturali præditus ingenio diuersarum scripturarum exercitatus studio, Christianorum legem, & CHRISTI Euangelia cœpit cum omni diligentia legere & perscrutari, admirans miraculorū virtutem, & doctrinæ sanctitatem. Ex quorum cōparatione friuolâ & irrationabilem cœpit abominari Machometi doctrinā; & tandem cognitâ veritate, subditos suos à ritibus maledictæ legis studuit paulatim reuocare. Vnde exhortatus est eos, & mādauit, quòd vinum cum modestia biberent, & carnes porcinas manducarent. Tandem verò post multas admonitiones, & varias doctoris sui prædicationes, in hoc omnes concorditer consenserunt, quòd relictâ Machometi perfidiâ, percepti baptismi gratiâ efficerentur Christiani: Ita tamen quòd eiusdem essent conditionis & libertatis, vt alii Christianorum legi subiecti. Erant enim tunc temporis fratribus Militiæ Tēpli tributarii, duo millia byzantiorū eisdē annuatim persoluentes pro securitate cuiusdā terræ suæ, quæ in confinio terræ prædictorū fratrum sita erat, qui multas eis molestias occasione vicinîtatis inferre consueuerant. Præfatus autè Assassinorū magister vnū de familiaribus suis, virum eloquentē, prudentem, & strenuū, de quo plurimū confidebat, misit ad Regē Hierosolymitanū. Rex autè intellectâ causâ legationis, pro tanti populi visitatione, & tot animarum à laqueis diaboli liberatione Deo gratias agens, nuntium Senis cum summo gaudio & honore magno recepit; & ipsum ad propria reuertentem, vt Domino suo bonam Regis & Christianorum voluntatem, & magnum desiderium nuntiaret, vsq; ad fines terræ suæ deduci præcepit. Qui dum fines suos iam ferè ingressurus Tripolim pertrāsisset, quidam ex nostris, vir Belial & iniquus, DEI timorem ante oculos suos non proponens, hominem de Regio ducatu, & fidei Christianorum sinceritate cōfidentem, improuisum & nil tale sibi metuentem, in detrimentum Christiani nominis, & maximè Ecclesiæ Orientalis, occidit. Vnde populus ille, qui tanquā planta nouella nondum plenè radicans erat in fide, cum ira magna, & indignatione fidem nostrā respuens, & nostrorum consortiū suspectum habens à tam sancto & honesto proposito resiliuit; & vsque ad tempus præsens Christianos & DEI Ecclesiam persequi & infestare non prætermisit. In vno igitur corporali homicidio prædictus ille proditor animas innumeras interfecit. His igitur & aliis innumeris monstruosis hominibus miserabilis regio Oriētalīs corrupta est; & aliæ quamplures, eius pernicioso infectæ sunt exemplo, & coinquinatæ contagio. Nec inuentus est aliquis vir Catholicus, qui se *murum pro domo Domini* tantæ pestis valeret opponere, eò quòd *xxv. 13.*

50 Saraceni contra legem suam prædicatores non admittunt: & maximè quia ante maledicti Machometi tempora tanta perfidorum hæreticorum multitudo aduersus paucos fideles præualens Orientalem vastauit Ecclesiam, quòd pauci vel nulli inuenti sunt in partibus illis prælati, qui ad bestias Ephesi pugnarent, vel caperent *1. Cor. 15.* vulpeculas vineam Domini Sabaoth demolientes, & eius tunicam inconsutilem *Caus. 2.* laniantes. Quantò autem hæc pestis recentior, tantò fuit feruentior. Vnde, sicut *1. Tim. 19.* superius tetigimus, *Homar* Princeps Arabiæ potentissimus, & in errore Machometi feruentissimus, & tertius eius successor, tempore Heraclii Imperatoris Sanctam &



Deo amabilem ciuitatem cum vniuerso regno Hierosolymitano adeo oppresserat, & tyrannidi suæ subiugauerat, quod populum Christianorum in ciuitate commorantem non solum sibi tributarium fecit, sed variis oppressum calamitatibus extremis conditionibus sibi seruire coëgit. Peccatis igitur exigentibus Christiani in ciuitate Sancta, & in partibus adiacentibus commorantes, per quadringentos nonaginta annos iugum durissimum infidelium & crudelium perpassi sunt dominorum.

XV. Cum autem Oriētales Ecclesia ab origine sua, instar illius reginæ quæ à dextris regis in vestitu deaurato, circumdatā varietate, astitisse perhibetur, prærogatiuā religionis floruerit, & suæ lucis primitiuos radios ad partes Occidentales transmiserit; & a tempore perfidi Machometi vsque ad tempora nostra, consenescentis mundi die vergente ad vesp̄eram, eclipsim passa tetendit ad occasum; immo ferè peruenit ad defectum. Et quæ crebris pressurarum tusionibus concussa, sæuientis inimici vibrantem hastam, cedere nesciens, ad pugnam edocta, cōstanter sustinuit fallacibus Pseudoprophetæ persuasionibus, & carnalis voluptatis illecebrofis fluxibus emollita, & miserabiliter irretita, quinimò grauit̄ sauciata succubuit; & amplexata est stercora, quæ nutrita fuit in croceis. Et propter hoc à Domino derelicta est tanquam vmbraculum in vinea, & tanquam tugurium in cucumerario. Quæ tamen in quibusdam membris suis, quasi pauci racemi finitā vindemiā, & paucæ oleæ post concussionem oliuæ, quasi Iob in terra Hus, & Loth in regione Sodomorum, quasi lilium inter spinas, inter malleum & incudem adhuc perseverans cogitur proclamare: *O vos omnes qui transitis per viam, attendite & videte si est dolor sicut dolor meus. Filios enutriui & exaltaui, ipsi autem spreuerunt me.* Quomodo obscuratum est aurum, mutatus est color optimus. Nolite me vocare *Noemi*, id est, pulchram, sed vocate me *Mara*, id est, amarā: quia me amaritudinibus repleuit Omnipotens. His & consimilibus vocibus vidua pauperula, tempestate diuulsā, dum clamare non cessaret; & coram piissimo Domino genua flectere, & ad ostium misericordiæ eius sine intermissione pulsare non desisteret; eius afflictionem & humiliationem Dominus respiciens, cuidam pauperi & religioso homini, de regno Franciæ, in Ambianensi Episcopatu vitam eremiticam agenti, qui & *Petrus Eremita* dicebatur, inspirauit, quatenus Sepulchrum Dominicum, & loca religiosa & reuerenda visitaturus, cum multo labore & periculo Hierosolymam adiret. Cum igitur ad portam ciuitatis peruenisset, dato nummo aureo pro ingressu, ianitoribus qui à peregrinis recipiebant tributum, videns loca Sancta ab impiis irreuerenter tractari, virum etiam venerabilem *Symeonem*, ciuitatis Patriarcham, vna cum subditis suis tanquam vile mancipium cum omni abiectione innumeris oppressionibus affligi, sicut erat vir sanctus & valdè compatiens, & super afflictos pia gestans viscera, cœpit dolere, & vehementer contristari & variis modis secum anxius cogitare, si quo modo posset afflictis subuenire. Cum autem quadam nocte in Ecclesia Dominicæ Resurrectionis in orationibus Domino supplicans pernoctaret, longo vigiliarum labore fatigatus supra pauimentum Ecclesiæ somno humanitus irrutente cœpit paululum dormire. Dominus autem *Iesus Christus* apparuit ei in somnis, iniungens ei legationem ad Dominum Papam, & ad alios Principes Occidentales, pro liberatione Terræ Sanctæ. Ipse verò diuinā reuelatione confortatus, & zelo charitatis succensus, cum litteris prædicti Patriarchæ Symeonis & aliorum fidelium Hierosolymis commorantium, primò dominum *Papam Urbanum* petiit: à quo benignè receptus, Italiam transcurrens, & alpes transiens, tam Principes Occidentales, quàm inferiorem populum sollicitius admonēdo, & variis exhortationibus, sicut erat vir prudens & potens, in opere & sermone, modico tempore multorum animos ad suscipiendum Peregrinationis Hierosolymitanæ laborem inclinauit, Domino cooperante, & legati sui sermonibus copiosam gratiam largiente. Non multo autem tempore post, venerabilis Pater Apostolicæ sedis antistes *Urbanus* prædictum Petrum in Galliam subsequutus, conuocato generali concilio apud *Clarammontem*, Aluerniæ ciuitatem, calamitates & oppressiones fidelium in Terra Sancta commorantium, & tam Dominicum Sepulchrum, quàm alia loca sancta ab immundis canibus conculcata & prophanata diligenter exposuit; omnibus, quos Spiritus Sanctus ad ultionem iniuriarū Crucifixi, & ad Terræ Sanctæ liberationem inspiraret, in remissionem omnium peccatorum, tam sanctam & Deo placitam peregrinationem iniungens,

- iniungens. Semen autem diuini verbi in terram bonam & fertilem cecidit per gratiā Domini, qui verbum dedit euangelizanti seruo suo, virtute multā. Nā in eodem sermone multi, qui præsentes fuerant, signo salutiferæ Crucis suis humeris affixo, sese voto peregrinationis Domino obligauerunt: quorum primus fuit vir venerabilis & sanctæ conuersationis *Episcopus Podiensis*, cum multis aliis tam nobilibus, quàm inferioribus viris. Prælati autem Ecclesiarum, & alii viri prudentes & litterati, secundum quod in mandatis acceperant, tam in vtroque Regno, quàm in Imperio talentum sibi creditum cum omni prouidentia & sollicitudine multiplicantes, innumeram tam nobilium, quàm aliorum multitudinem signauerunt. Inter quos
- 10 præcipui & præminentiores extiterunt *Dux Normannorum · Comites Tolosanum, & sancti Aegyptii, & Flandrensium, Blesensium, & Carnotensium: Hugo*, frater Regis Francorum: *Godefridus*, dominus de Buillon, Dux Lotharingæ, cum fratre suo *Baldwino*: de regno etiam Siciliae *Boamundus* cum *Tancredo* cognato ipsius. Anno igitur ab incarnatione Domini *millesimo nonagesimo sexto*, *Petrus Eremita*, copiosam vtriusque sexus secum trahens multitudinem, Theutonicorum regnum transiens, per partes Hungariæ Constantinopolim peruenit. Multa autem in via illa à gente Bulgarorum passus incommoda de exercitu suo ferè decem millia amisit in prælio. Currus etiam & plaustra vsque ad duo millia, cum paruulis & mulieribus & diuitiis mulieris, & varia suppellectilia, à prædictis barbaris & impiis hominibus detenta sunt, &
- 20 violenter ablata. Eodem siquidem anno Principes, Comites, & Barones, cum innumerabili populo, ex omnibus tribubus, & linguis, & nationibus, non simul, sed successiue & seorsum, propter hospitiorum & victualium commoditatem, vsque Constantinopolitanam urbem subsequuti sunt *Petrus*. Traditis autem sibi ab *Alexio* Græcorum Imperatore ducibus itineris, qui plenam locorum habebant peritiā & experientiam, transmissio Helleponto, qui hodie *brachium sancti Georgii* dicitur, cum vniuersis legionibus *Nicanam* peruenierunt ad urbem, quam nostri cum multis machinis & bellicis instrumentis multipliciter & viriliter cum summo labore expugnantes, ciues ad deditionem coegerunt; & eam in manu Imperatoris Constantinopolitani relinquentes, variis transcurfis regionibus, & prolixi itineris diuturno labore plurimum fatigati, mense Septembri ante ciuitatem *Antiochenam*, quæ tunc erat Saracenorum subiecta dominio, castra locauerunt. Cum
- 30 autem per menses ferè nouem in obsidione ciuitatis continuè laborassent, & variis tribulationibus oppressi, videlicet fame, frigore, & hyemalibus imbribus, & multimodis ægritudinibus, & diuersis mortis generibus, a Turcis in ciuitate commorantibus sibi illatis, parū profecissent, nec vllis bellicis instrumentis contra munitionem ciuitatis praevalerent; respexit Dominus afflictionem populi sui, per quendam fidelem Christianum, in ciuitate sub infidelium dominio commorantē, qui de nocte per scalam dominum *Boamundum* Principem Tarentinum clam cum militibus suis in ciuitatem recepit: Illi verò portas nostris aperientes, interfecto eius
- 40 Duce, nomine *Axiano*, cum aliis ferè vndecim millibus, quibusdam autem vinculis mancipatis & compedibus alligatis, ciuitatem nobilem, multarum prouinciarum à diebus antiquis metropolim, & moderatricem, dante Domino, possederunt, Anno gratiæ *millesimo nonagesimo octauo*, die tertiā mensis Iunii. Sed quoniam pauca admodum in ciuitate victualia reppererunt, diuturnā famis inediā laborantes, ex magna parte cum suis equis consumpti sunt. Princeps enim Persarum potentissimus, cum innumerabili Turcorum exercitu, quendam militiæ suæ Principem *Corbaguth* nominatum, quem nostri vulgariter *Corbaram* appellant, in auxilium miserat, qui nostros intra ciuitatis ambitum ex omni parte concluderat, multitudine pugnatorum adeo premens obfessos, quòd absque mortis periculo nullus
- 50 exire valebat. Tandem autem inediā perurgente, & fame intolerabili compellente, de necessitate facientes virtutem, pauci contra multos ad prælium coacti sunt exire: *Lancca* Domini sancta, quā latus eius in cruce fuerat perforatum, quæ paulo ante per reuocationem sub terra reperta fuerat, eos pro vexillo præcedente. Nostri autem ab vrbe egressi, non in humana virtute, nec in pugnatorum multitudine, sed tantum Domino confidentibus, ros de supernis infusus consolatione mirabili ipsorum animos exhilarans, equos debiles & macilentos & iam ferè deficientes subito robore suscepto, miraculose confortauit. Ex quo factum est quod nostrorum

Lur. 8.  
Psal. 67.

XVII.

A. Dn.  
1096.

XVIII.

A. Dn.  
1198.

XIX.

Ioh. 19.

Ierem. 32.

XX.

A. Dn.  
1099.

Leuit. 3.

Luc. 9.

exercitus innumeram infidelium multitudinem audacter aggrediens, & brachio forti & extento viriliter pugnans, diuino protectus adiutorio, gloriose de hostibus triumphauit; aliis gladio trucidatis, aliis terga vertentibus, & equorum velocium præsidio fugâ elapsis. Nostri verò, qui suprema paulò ante laborauerant inopiâ, ad hostium castra reuersi, tantam auri & argenti, equorum & victualium inuenerunt copiam, ut omnes cumulati diuitiis & victualibus supra modum abundantes, cum hymnis & laudibus ciuitatem ingressi, Domino pro tanta victoria gratias referrent. Post hæc verò dominium ciuitatis Boamundo concedentes, ordinatis Ecclesiis, & clero in ciuitate relicto, stipendiis vnde sustentari possent assignatis, in Ecclesia Cathedrali Apostolorum principis Patriarcha constituto, ad voti completionem 10 vnanimiter aspirantes, feruenti animo & intenso desiderio, versus partes Hierosolymitanas iter valde laboriosum, & periculosum per angusta viarum, & angustias hostium aggressi sunt. Postquam verò DEO deuotus exercitus, nec labore victus, nec morte vincendus, per medium circumstantium regionum, Hierosolymorum montana conscendens, ante Sanctam ciuitatem peruenit, tentoria figens, & castra secundum militarem disciplinam collocans, ex omni parte ipsam urbem obsidione vallauit. Erectis autem petrariis & aliis bellicis instrumentis, & scalis muro applicatis, multum laborantes, parum in principio profecerunt. Quibusdam enim ex nostris sagittarum imbre grauiter fauciatis; aliis verò molarium immisione peremptis, machinis etiam ligneis ex magna parte igne succensis, ab his, qui in ciuitate 20 fortiter resistebant, maxima frequenter DEI martyres perpassi sunt detrimenta. Tandem verò fiduciam in Domino resumentes, de supernis auxilium inuocantes, quadam sextâ feriâ, quæ specialiter dies est Crucifixi, ardore animi succensi, & crucis signo muniti, prompto animo pro illo mori parati, qui pro ipsis eodem die mortuus est, strenui DEI pugiles scalas muris immittentes, per sagittas & spicula, per lapides desuper venientes & ingentia faxes, per gladios, lanceas, & ignes supra muros ascendendo, omnes ferè Saracenos, quos in ciuitate repererunt, iusto DEI iudicio trucidantes, tanto tempore ab impiis occupatam, diuino freti auxilio, recuperauerunt ciuitatem, CHRISTI & Christianorum hereditatem à perfidis liberantes, Anno incarnationis Verbi millesimo nonagesimo nono. Suriani verò, & alii fideles ab into- 30 lerabili iugo seruitutis liberati, ad cælos manus tendentes, & præ ingenti gaudio lachrymantes, Petro Eremita, qui ad eorum preces pridem legationem pro liberatione ciuitatis susceperat, DEO & sancto viro gratias agentes, occurrerunt, & tam ipsum, quam vniuersum exercitum cum cereis & crucibus, cum hymnis & canticis spiritualibus, ad Dominicum Sepulchrum deducentes; postquam omnipotenti DEO, qui prosperum iter eorum fecerat, multiplices gratiarum actiones nostri principes cum vniuerso populo reddiderunt, & alia loca sancta deuotissimè cum orationibus & oblationibus visitaerunt: instituentes Patriarcham Latinum, & tam clerum, quam Ecclesias ordinantes, Godefridum dominum de Buillon, militem strenuum, & virum DEO & hominibus acceptum, dominum ciuitatis vnanimiter elegerunt. Qui 40 licet ciuitatis administrationem ad multarum precum instantiam suscepisset, præ reuerentia tamen Domini, & cordis humilitate, noluit Rex appellari; nec coronam aureâ deportare, vbi Dominus noster spinis coronatus fuit pro nostra redemptione, & totius mundi salute. Post liberationem ciuitatis Sanctæ multi ex nostris voti sui affectu finem, & desiderio suo completo ad propria cum gaudio sunt reuersi. Alii verò magnanimi & magnifici viri, prudenter attendentes quòd ciuitatem nō possent retinere, nisi fines suos valerent ampliare, & hostes vicinos à se longius propulsare, ut hostiæ suæ finem consummationis apponerent; & secundum præceptum Dominicum, non solum caput, sed & caudam in sacrificio suo offerrent; præelegerunt in summo periculo potius remanere, quam ciuitatem relinquere. Et quam- 50 uis numero paucissimi essent respectu circumstantium nationum; & vndique infidelium multitudine vallarentur, habentes Arabes, Moabitas, & Ammonitas ab Oriente: Idumæos & Egyptios & Philistæos à Meridie: Ciuitates autem maritimas Ptolomæidem siue Accon, & Tyrum & Tripolim & omnes alias vsque Antiochiam ab Occidente: Tyberiadem vero & Casaream Philippi & regionem Decapolos & Damascus à Septentrione; maluerunt tamen animas suas pro CHRISTO morti exponere, quam missâ manu ad aratrum, retrò respicere, & negotium imperfectum relinquere. Et quoniâ hæc

- H**æc sancta animalia cum ambularent non reuertebantur, sed posteriorum obliti, in anteriora se extendebant, nil putantes actum, cum aliquid superesset agendum; Dominus erat cum eis consolando eos & confortando, & tantum timoris & formidinis aculeum infidelibus circumquaque immittendo, quod unus ex eis persequeretur mille, & duo decem millia. Vnde non in fortitudine sua neque in multitudine, sed in sola Dei protectione spem habentes, & salutiferæ Crucis vexillum secum semper in prælio deferentes, inimicis partim fugatis, partim trucidatis, partim carceri mancipatis, vrbes munitissimas & castra inexpugnabilia CHRISTO subiecerunt, Terram sanctam de manibus impiorum tam feliciter quam fortiter eruentes. XXIIII
- 10** primis autem auspiciis expeditionis suæ ciuitatem *Ioppen* in littore maris sitam obsidione vallantes & fortiter expugnantes, ceperunt. Vt hi qui de partibus transmarinis ad subsidium Christiani exercitus nauigarent, nauibus suis collocandis sub prædicta ciuitate portum habere valerent. *Ramulam* etiam, quæ à quibusdam *Ramatha* dicitur, in campestribus sitam, ciuitatem quondam nobilem, populosam, & muro valido circumdatam, & turribus excelsis munitam: *Caypham* etiam, quæ alio nomine dicitur *Porphyría*, in littore maris sub prima parte *Carineli* montis sitam, ab *Accon* quasi miliaribus quatuor distantem: Et præterea *Tiberiadem* ciuitatem in *Galilæa* supra *stagnum Genesareth* sitam; quod ab eadem ciuitate, *mare Tiberiadis* dicitur, & etiam *mare Galilæe* plerumque nominatur, anno primo post captionem XXIII
- 20** Hierusalem nostri sub Duce strenuo Godefrido subiugauerunt. Ipso vero in fine eiusdem anni viam vniuersæ carnis ingresso, frater eius *Baldwinus*, miles in armis strenuus, ab annis adolescentiæ suæ præliis exercitatus, de communi omnium assensu electus est in dominum, & in Regem inunctus. Ipse autem vir militaris, & in agendis negotiis suis prouidus & sollicitus, cum summo studio fines suos & regni angustias cupiens dilatare, auxilio fretus *Ianuensium*, quorû classis in portu *Ioppen* si circa veris initium applicuerat, oppidum maritimum *Assur* expugnauit: quod alio nomine *Antipatrida* dicitur, ab Herodis genitore *Antipatro* sic dictum, inter *Ioppen* & *Cæsaream* situm, in loco siluis condensis amœno, & pascuis herbosis fecundissimo. XXIV
- 30** Post hæc verò prædictis *Ianuensibus* opem ferentibus, *Cæsareâ* *Palestinam* terrâ & mari obsidione vallatam, sibi subiugauit. Hæc autem *Cæsareâ*, antequam *Herodes*, qui pueros interfecit, in honore *Cæsaris* eam ampliasset *Turris Stratonis* nomen habebat; quæ supra maris littora sita portum commodum non habet: Hortorum autem & pascuorum & aquarum fluentium plurimam habet vbertatem. Ipsa verò metropolis est *Palestinæ* secundæ. In hac autem beatus Apostolus *Paulus* longo tempore detentus in carcere, ut pergeret *Romam*, suam persequutus est appellationem. XXV
- 40** *Caprâ* *Cæsareâ* addidit dictus rex collecto vniuerso exercitu a minore vsque ad maiorem, *Acconensem* obsidere ciuitatem: eò quod *Peregrinis* suscipiendis esset aptissima, & portum habens idoneum tutam nauibus præberet stationem. *Ianuensibus* autem cum septuaginta galeis eam ex parte maris obsidentibus, nostris verò ex parte terræ ipsam continuè & instanter impugnantibus, post viginti dies, cum iam impetum nostrorum, & crebras congressiones ciues ultra sustinere non possent, interpositis conditionibus, quod eis cum rebus suis exire liceret, regi resignauerunt ciuitatem. Est autem prædicta ciuitas binomia: vocatur enim *Ptolomaida* & *Accon*: eò quod duo fratres, unus dictus *Ptolomæus*, alius *Accon*, ipsam fundasse, & à nominibus suis nomina ciuitati dicantur imposuisse. Est autem inter mare & montes, *Belo* flumine præterfluente satis commodè fundata, hortis & vineis, & casalibus circumstantibus & arabili terrâ sufficienter abundans, in prouincia *Phœnicis*, sub *Tyro* Metropoli constituta. XXVI
- 50** Postea verò terrâ & mari *Berythensi* ciuitate obsidione cinctâ, adiuncto sibi viro nobili *Bertranno* Comite *Tripolitano*; post menses duos obsidionis, turribus ligneis moenibus applicatis, & scalis muro coniunctis, nostri violentè urbem ingressi, multos ex ciuibus occiderunt; aliis vinculis mancipatis, & captiuitate detentis. Est autem *Berythum* ciuitas maritima, inter *Sidonem* & *Biblum*, in *Phœnicis* regione, sub *Tyro* metropoli sita, arboribus fructiferis & siluis, & vineis fertilis, & amœna: in qua quondam de latere crucifixi lignei, in contumeliam CHRISTI lancea & clauis à *Iudæis* perforati, sanguis copiosus effluxit. Quo viso miraculo omnes qui in ciuitate erant *Iudæi* baptismi gratiam susceperunt.

- XXVII.** Eodem autem anno, quo capta est vrbs Berytus, dominus Rex non otio torpēs, nec CHRISTI gratiam in vacuum recipiens, ciuitatem Sidonem suo subegit dominio, in manu forti & brachiō extento ciues resistere non valentes, urbem sibi reddere compellens. Est autem *Sidon* in prouincia Phœnice, inter Tyrum eiusdem Metropolitim, & Berythum, supra maris litus sita, arboribus fructiferis & vineis, siluis & agris pascualibus & frugiferis multam ciuibus præstans commoditatem. Cuius fines Dominus IESVS præsentia suâ dignatus est visitare, sicut in Euangelio legitur: *Egressus IESVS secessit in partes Tyri & Sidonis.* Et in secundo Regum Salomon ad Hyram, sic ait: *Scis enim quod non est in populo meo, qui nouerit ligna cadere, sicut Sidonii.*
- XXVIII.** Cum autem Rex fines regni sui ex parte Occidentali prædicto modo dilataffet, cupiens ad Orientem trans Iordanem regnum Christianorum ampliare, in tertia Arabia, quæ *Syria Sobal* nuncupatur, in colle sublimi castrum fundauit munitissimum, cui nomen imposuit *Mons Regalis*: eò quod à Rege fuisset fundatum. Habet autem fecunditatem frumenti, vini & olei; aëris salubritate & amœnitate præcipuâ maximè commendabile; vniuersam regionem adiacentem vsq; ad fines Moabitum & aquas contradictionis propriæ subiiciens ditioni. Eodem autem anno prædictus Rex *Baldouinus*, cuius memoria in benedictione erit vsque in perpetuum, postquam inter Ptolomaidem & Tyrum quoddam fundauit præsidium, quod vulgariter appellatur *Scandalion*, fontibus irriguum, & à Tyro quinque miliaribus remotum, viam vniuersæ carnis ingressus, sub Caluaria, in loco, qui *Golgotha* dicitur, honorificè, prout regis competit magnificentiæ, est sepultus. Cui successit vir nobilis & strenuus, in officio militari exercitatus, religiosus & timēs DEVM, *Baldouinus de Burgo*, de regno Franciæ, prædicti Regis consanguineus. Longum & super ingenii mei paruitatem esset singulariter enumerare quàm potenter & magnificè, quàm eleganter & strenuè prædictus vir, & alii CHRISTI milites, tanquam alteri Machabæi, in regno ampliando & finibus Christianorum dilatandis, in hostibus impugnandis, & in ciuitatibus & aliis munitionibus expugnandis, manus suas Domino consecrantes, se gesserunt. Quorum prælia & triumphos vsque in finē sæculi enarrabit omnis Ecclesia sanctorum. Et vt generaliter & breuiter de multis pauca tangamus; *quatuor principatus* egregios, à perfida gente Paganorum longo tempore detentos, opitulante Domino, CHRISTI Ecclesiæ subiecerunt. Quorum primus est *Edeffanus* comitatus, in regione Medorum, à silua quadam quæ dicitur *Marrish* habens initium; protenditur autem trans fluuium Eufraten versus partes Orientales, multas in se continens ciuitates, & plurima castra & munitiones. Est autem *Edeffa* ciuitas nobilis, Medorum metropolis, cuius priscum nomen, sicut in *Tobia* legitur, fuit *Rages*, nunc autem vulgariter *Roase* nuncupatur. Ad hanc *Tobias* à ciuitate Niniue, quæ hodie *Mussula* dicitur, vulgariter autem *Mosse*, filium suum misit ad Gabelum. Hanc beatus *Thadæus* Apostolus ad CHRISTI fidem verbo diuinæ prædicationis & virtute miraculorum conuertit, in qua beati *Thadæi* Apostoli corpus sanctum dicitur esse sepultum. In hac autem ciuitate, vt veteres tradunt historię, sicut etiam in Ecclesiastica reperitur historia, *Rex Abgarus* CHRISTI tempore regnauit. Qui audiens & admirans mira CHRISTI opera, & inaudita miracula quæ Dominus IESVS in Iudæa faciebat, epistolam suam misit ei. Cui Dominus noster scribere, & litteris eius dignatus est respondere. Hanc siquidem antiquam & egregiam urbem Dominus Baldouinus, frater Ducis Godefridi, antequam ad regnum Hierosolymitanum vocaretur, possedit: & tam ipse, quàm eius post eum successores totum comitatum Edeffanum expulsis Saracenis suæ ditioni subiecerunt. Est autem prouincia illa siluis & pascuis & fluuiis opulentissima. Specialiter autem regio illa dicitur *Mesopotamia*, eò quod inter duo flumina sit medio loco constituta: *Mesos* enim Græcè, medium Latinè: *Poramos* autem fluuius à Græcis appellatur. In hac autem est *Carram* ciuitas, in qua Abraham egressus à Chaldæa, antequam in terram promissionis veniret, habitauit. Habebat autem prædictus Comitatus tres Archiepiscopos: Edeffanum videlicet, Geropolitanum & Coriciensem sub Antiocheno Patriarcha constitutos.
- XXIX.** Secundus autem principatus est Antiochenus, cuius Metropolis est *Antiochia*. Habet autem initium versus Occidentem à Tharso ciuitate Ciliciæ, de qua beatus Paulus Apostolus extitit oriundus: Finem vero à parte Orientali in riuo qui est inter Valeniam sub castro Margath, & Maracleam vrbes

- vrbes maritimas. Huius autem ciuitatis antiquum nomen fuit *Reblata*, sicut in 1111. 4. Reg. 25. Regum libro legitur, quod Rex Hierusalem Sedechias ductus fuit ad Regem Babylonis Nabuchodonosor in Reblatha, & filiis suis coram eo interfectis exoculatus est à prædicto Rege Babylonis. Inde verò ab Antiocho Rege, qui eam mirificè ampliavit, & omnium prouinciarum, quas tractus Orientalis continet, principem & moderatricem instituit, Antiochiæ nomen accepit. Postquam verò beati Petri Apostolorum principis, qui in ea primò cathedralem dignitatem suscepit, ad Dominum conuersa est prædicatione & miraculis, à viro nobili, & in vrbe potentissimo Theophilo, qui postea eiusdem ciuitatis septimus ordinatus est antistes, appellata est *Theophilis*, vt quæ priùs à prophano rege nomen habuit, à viro sancto & religioso nouum nomen sortiretur. Est autem hic Theophilus, ad quem beatus Evangelista Lucas, qui de eadem ciuitate originem traxit, Actus scribit Apostolorum. In hac autem nomen sanctum, quod os Domini nominauit, primò impositum est Christicolis: vt qui priùs Galilæi & discipuli vocabantur, à CHRISTO *Christiani* de cætero dicerentur. Act. 12.
- Obtinet autem in Ecclesia DEI tertium dignitatis gradum post sedem Apostolicam. Habet autem sub se viginti prouincias eiusdem ciuitatis Patriarcha, quarum quatuordecim Metropolitanos habent cum sibi suffraganeis Episcopis. Sex verò reliquæ sub duobus primatibus, quos *Catholicos* vocant, continentur; quorum alter Hirinipolitanus est, id est, Baldacensis, quæ quondam dicta est
- 20 Babyloniam; alter Annensis, qui Persidis primas appellatur. Est autem sita in prouincia, quæ *Cælesyria* nominatur, inter mōtes & flumina situm habens commodissimū, agros fertiles & glebæ maximam vbertatem, & tam fluminū quàm fontium amœnitatem singularem, & ex vicino lacu copiosam piscium abundantiam. Distat autem à mari decem vel duodecim miliaribus, habens portum in faucibus *O. omis* fluminis, qui *portus sancti Symeonis* appellatur. Habet autem à Septentrionali parte montem quendam, qui vulgariter *Montana nigra* dicitur, in quo sunt multi Eremitæ ex omni gente & natione, & plura monasteria tam Græcorum, quàm Latincū monachorum. Et quoniam fontibus & riuis totus est irriguus, *Mons Nero*, id est, aquosus nuncupatur. *Neros* enim Græcè, aqua Latine. Simples autem & laici, *Noi-*
- 30 *re*, id est, nigra exponunt in vulgari sermone. Tertius principatus ex quatuor prædictis est comitatus *Tripolitanus*, initium habens à prædicto riuo, qui est sub castro *Margath*, finem verò ad riuum, qui fluit inter Biblium & Berythum vrbes maritimas. Est autem *Tripolis* ciuitas nobilis, & opulenta supra maris littus in prouincia Syriæ Phœnicis, idoneam habens positionem, & situm commodissimum, fontibus & riuis irrigua, agris frugiferis & fructiferis arboribus, & pascuis virentibus vberima, & montis Libani vicinitate, & eidem monti collibus adiacentibus multas habens commoditates. Ad pedes autem Libani montis in partibus illis oritur fons amœnissimus aquas habens limpidissimas, quæ per quosdam subterraneos meatus fluunt impetu de Libano, omnes hortos regionis copiosè irrigantes. Hunc dicunt
- 40 esse fontem hortarum, de quo in Canticis facit Salomon mentionem. In medio etiam mari iuxta ciuitatem fontes aquæ dulcissimæ inter maris vndas salas & amarissimas abundanter ebulliunt. In partibus etiam illis sunt vineæ, quæ bis in anno vindemiantur. Hanc autem urbem egregiam *Raimundus* Comes Tolosanus, vir per omnia commēdabilis, miles strenuus, & Deo deuotus, post captionem Hierusalem longâ obsidione vallauit; iuxta quam quoddam castrum, vt commodius expugnaret ciuitatem, construxit; quod *Castrum Peregrinum*, seu *Peregrinorum* vsque hodie nominatur, eò quod à Peregrinis sit constructum. Post eius verò mortem filius eius *Bertrannus* obsidionem continuans post septem annos obsidionis prædictam urbem ciuibz tradentibus possedit, & à Rege Hierosolymitano, qui in captione ciuitatis præsens fuerat, *homo ligius* eius effectus, ciuitatem recepit. Quartus principatus est *regnum Hierosolymitanum*, habens principium à prædicto riuo, qui inter Biblium & Berithum fluit; finem verò in solitudine, quæ vltra castrum, quod dicitur *Darium*, respicit Egyptum. *Regnum* autem *Hierosolymorum* cum summo labore & multa sanguinis effusione CHRISTO acquisierunt, & recuperauerunt in integrum, *manum suam mittentes ad fortia*, viri triumphatores & amici DEI, à Dan vsque Bersee CHRISTI fidei eliminātes inimicos, & à Terra Sancta propulsantes. Prov. 1. 18. 2. Reg. 17. Est autem *Dan*, terminus Terræ Promissionis à parte Septentrionis, ciuitas antiquissima, XXXV.

XXXX



- ad pedem montis Libani sita, qui mons inter ipsam & Damascum medius interlacet; cuius nomē antiquum fuit *Lefem*. Postquā vero capta est a filiis Dan, eam *Lefem Dan*, vocauerunt, frequentius tamen Dan simpliciter nominatur. Postea vero Philippus Tetrarcha, senioris Herodis filius, eam ampliauit, & in honore Tiberii Cæsaris, *Cæsaream Philippi* ipsam appellauit. Dicitur præterea *Pancas*, vulgari vero idioma-  
te, *Belinas* nuncupatur. Silua autem quæ adiacet ciuitati similiter *Pancas* appellatur: olim tamen tam ipsa, quàm omnis alia silua, quæ monti Libani adiacet, *salus Libani*
- XXXVI.** dicebatur. *Bersabee* autem terminus est Terræ Sanctæ à parte Australi. Est autē ciuitas *Bersabee* in illa parte Iudææ, quæ cessit in partem tribus Symeon, ad radicem montium, in initio campestrium, inter mōtes & Ascalonam sita, decem miliaribus distans ab Ascalona. Interpretatur autem *puteus fœderis*, siue fœdus putei, cō quod
- Gen. 21.* Abraham in signum fœderis, quod habuit cū Rege Abimelech, in eodem loco puteum fodit. Dicitur præterea *puteus septimus*: & vulgariter hodie *Gibelin* appellatur.
- XXXVII.** Opus admodum difficile, & quod vires meas excedit, est profecui & enumerare quantum armis profecerint, & Christianorum fines ampliauerint, Domino opitulante, gloriosi CHRISTI milites, quorum memoria est in benedictione. Omnes enim ciuitates & munitiones à ciuitate *Belbais*, quæ alio nomine dicitur *Pelusium*, & est in solitudine, in confinio Ægypti, vsq; ad Edessam & Carram, & fines comitatus Edessani, trans fluuium Eufraten, in regione Mesopotamiæ, Christianorum ditioni subiecerunt CHRISTI milites, & veri nominis Christiani, induti virtute ex alto, longo tempore, & sub diuersis regibus contra Saracenos pugnantes. Multis autem ex ipsis felici martyrio coronatis regnum Hierosolymitanum & Christianorū fines proprii sanguinis effusione in immensum ampliauerunt. Cū autem ex parte terræ, ciuitates non paucas, oppida, & munitiones multas suo subiugauerint dominio, nullas ex parte maris reliquerunt ciuitates, seu munitiones maritimas à ciuitate, dicta *Pharamia*, quæ est sita in confinio Ægypti, & regni Hierosolymorum, vsque ad Laodiciam Syriæ, quas Christianorum ditioni non subiecissent. Est autem *Pharamia* vrbs antiquissima in littore maris non longè ab ostio Nili in introitu Ægypti sita, quam primus Rex Hierosolymorum Latinus *Baldouinus* violenter effractam, potenter occupauit, manubias multas & prædam copiosam sibi & suis commilitonibus diripiens.
- XXXIX.** Post *Pharamiam* sequitur alia ciuitas antiqua, propè mare in solitudine sita, quæ *Laris* nominatur: deinde ciuitas *Belbeis*, quæ in Prophetis appellatur *Pelusium*, quinque stadiis distans à littore maris. Has prædictas ciuitates ultra fines regni Hierosolymitani, ex parte Ægypti, scilicet ultra vltimam eiusdem regni munitionem, quæ dicitur *Darum*, nostri suo subiecerunt imperio. Est autem *Darum* præsidium quoddam seu oppidum in confinio Idumææ & Palæstinæ situm, quinque stadiis distans à mari. Hanc autem munitionem Rex Hierosolymorum *Almaricus* in aliquantum, eminenti loco fundauit, formā rotundā, quatuor turres angulares habentem, vbi quondam fuerat monasterium Græcorum, vnde adhuc priscum nomen retinet, id est *Darum*, quod interpretatur *domus Græcorum*. Post hanc sequitur *Gaza* ciuitas antiquissima, à prædicta munitione quatuor stadiis distans, vna quondam ex quinque ciuitatibus Philistinorum: quam dirutam, & habitatoribus vacuum, quartus Hierosolymorum Rex *Baldouinus* reedificauit in parte collis aliquantum eminentis, suprā quem prædicta ciuitas situm habuerat; & præsidium fundauit; & partibus suis competenter absolutum & consummatum Fratribus Militiæ Templi, qui ipsum custodirent, & ab inimicis nostris defenderent, perpetuò possidendum donauit. Distat autem decem miliaribus ab *Ascalona*, quæ similiter vna fuit ex quinque vrbibus Philistiim in littore maris sita, formam habēs quasi arcus siue semicirculi, cuius corda iacet secus ripam marinam; circumferentia verò super terram, respiciens ad Orientem. Hanc autem ciuitatem prædictus Rex ex omnibus regni Hierosolymitani ciuitatibus vltimam adhuc à Saracenis detentam, cū multo labore, & magna difficultate longo tempore obsessam vix tandem potuit subiugare. Erat enim muris & antemuralibus, turribus plurimis, & aggere valido, armis & victualibus, & pugnatorū multitudine sufficientibus munita. Tādem verò
- XLI.** saluis personis & rebus, Ascalonitas ad deditionem coëgit. Inter Ascalonam autem & Ioppen, est *Azotum* decem miliaribus ab Ascalona: quondam vna ex quinque ciuitatibus Philistæorū, distans nō longè à mari: nunc verò ad modici casalis redacta est par-

est paruitatem. Quarta autem ciuitas Philistiim nomine *Geth*, non longè à Lidda, & Ramula, in colle aliquantum edito fuit sita. Ex lapidibus autem eius quæ dudum vastata fuerat, tertius Rex Hierosolymorum *Fulco* in eodem colle præsidium, cui nomen *Ibelim*, ædificauit, tradens illud cuidam viro nobili *Balliano*; cuius omnes successores ab eodem loco, vsque hodie nominati sunt de Ibelin. Hoc autem oppidum, cum quibusdam aliis, scilicet *Bersabee* siue *Gibelin*, & *Alba specula*, quæ vulgariter dicitur *Blanchegarde*, & octo miliaribus distat ab Ascalona, contra superbiam Ascalonitarum, ad eorum insolentias, & violentas irruptiones in regnum nostrum reprimendas, nostri antequam capere possent Ascalonam, fundauerunt. Quinta Philistinorum ciuitas dicta est *Acharen*, propè mare non longè ab Azoto sita.

Post prædictas autem quinque vrbes Philistiim, per quas arcem Domini in primo Regum libro circumduxisse leguntur Philistiæ, propter plagam prominentiũ extalium, sequuntur maritimæ ciuitates, & aliæ munitiones: *Toppe* scilicet, *Assur*, *Cæsarea Palestina*. Est autem alia Cæsarea, quæ dicitur Philippi siue Dan. Post has *Petra incisa*, siue *Districtum*, inter Doram & Capharnaum. Est autem alia ciuitas, quæ similiter dicta est *Capharnaum*, iuxta mare Galileæ; in qua Dominus docuit & miracula multa fecit. Deinde *Cayphas* siue *Porphyræ*: post hanc *Accon* seu *Ptolomaida*. De his omnibus sufficienter diximus superius. Post has verò sequitur *Tyrus*, egregia & famosissima ciuitas in corde maris sita, ex omni parte ferè marinis fluctibus circumdata, portum idoneum & securam infra mœnia præbens nauibus stationem. Est autem metropolis & caput vniuersæ Phœnicis prouinciæ, muro & antemurali & turribus eminentibus circūsepta, piscium fertilitate commodissima, fontibus & riuus aque dulcis irrigua, vineis & hortis, arboribus fructiferis & agris frugiferis fertilis & amœna. In cuius territorio in loco aliquantulum edito est fons siue puteus, supra quem fessus ex itinere dicitur quiescisse Dominus, cum transiret per fines Sidonis & Tyri: habet autem aquas limpidissimas intrinsecus ita copiose scaturientes, quòd omnia pomaria & hortos olerum & vniuersam irrigat regionem. Hunc Salomon in Canticis, *puteum aquarum viuentium* appellat. Est autem extra ciuitatem, iuxta muros eiusdem, lapis quidam tam ab indigenis quàm peregrinis in honore magno & reuerentia habitus, eò quòd super illum dicitur sedisse Dominus, & docuisse turbas confluentes, nec tamen gentiliũ voluit ingredi ciuitatem. Hanc autem ciuitatem antiquissimam post diluuium dicitur fundasse *Tyras* filius Iapheth, qui fuit Noë filius, & à nomine suo Tyrum appellauit. Hebraicè autem dicitur *Sor*, & nos vulgariter eam *Sur* appellamus. Quanta autem fuerit eius dignitas & præminetia & gloria, manifestum est ex Scripturis Ezechielis, qui ad Tyrum loquens inter alia dicit: *Tu dixisti, perfecti decoris ego sum, & in corde maris sita*. Et iterum: *Quis cogitauit hoc super Tyrum quondam coronatam: cuius negotiatores, principes; insitatores eius, terra incliti*: & cætera multa quæ de eius diuitiis & excellentia & negotiationibus narrat Propheta. Huius vrbis Rex fuit *Agenor*, cuius filius *Phœnix* toti regioni nomen imposuit. Ex hac etiam *Dido* traxit originem, quæ in Africa condidit *Carthaginem*, quam hodie *Marroch* appellant. Huius etiam Rex fuit *Hiram*, qui ad ædificium Templi Domini Cedros de Libano ministravit Salomoni, cuius seruus *Abdimus* omnes parabolas & ænigmatum obscuritates, quas Salomon Hiram Regi Tyriorum soluendas mittebat, mirâ ingenii subtilitate soluebat; quæ si non solueret, Hiram multam pecuniam daret Salomoni. E contrario autem Hiram huius consilio Salomoni quædam problemata sub certa pœna pecuniæ soluenda mittebat: hunc quidam æstimant esse *Marchol*: qui Salomoni æquipollenter respondebat. Huius etiam prædictæ vrbis Rex fuit *Apollonius*, cuius gesta latè patent in vulgatis historiis. In hac etiam sepultum est corpus Origenis, teste beato Hieronymo, qui in epistola quam mittit Pammachio & Oecano sic ait: *Centum & quinquaginta anni propè sunt hodie, ex quo Origenes Tyri mortuus est*. Ex hac etiam fuisse dicitur illa mulier Chananæa, quæ Domino IESU CHRISTO pro filia Dæmonio malè vexata supplicauit, iuxta Dauid vaticinium: *Filia Tyri in muneribus vultum tuum deprecabuntur*. Ex hac etiam *Vlpianus* legis peritus exitit oriundus. Tyrii autem, vt dicitur, primi figuras litterarum inuenerunt. Vnde Lucanus:

*Phœnices primi, fama si creditur ausi*

*Mansuram rudibus vocem signare figuris.*

XXXX 2

Tyri etiam primi dicuntur ex murice tinxisse purpuram. Vnde preciosior purpura hodie *Tyria* appellatur. Hanc autem egregiam & munitissimam ciuitatem primus Hierosolymorum Rex *Baldouinus*, cum per menses quatuor obsedisset, Tyriis viriliter resistentibus videns quod non proficeret, multisque expensis inutiliter in expugnatione grauarietur, soluta obsidione recessit, tempore magis idoneo cum maiori apparatu reuerti proponens. Vnde ut posset Tyrenses magis coarctare, & amplius molestare, inter Acconensem ciuitatem & Tyrum, castrum quoddam edificauit in littore maris, quod quondam Alexander Macedo, quando Tyrum obsedit edificauerat, ipsum *Alexandrium* nuncupans: nostri autem hodie *Scandalium* ipsum appellant. Est autem locus ille fontibus irriguus, quinque miliaribus distans ab vrbe Tyrensi. Sed & vir nobilis *Hugo de sancto Aldemaro*, Tyberiadensium dominus, inter ciuitatem suam, & Tyrum in montibus excelsis Vrbi Tyrensi praeeminentibus ad decem miliaria castrum munitissimum dictum *Toronum* edificauit, ut inde Tyrenses quasi e vicino amplius coarctare posset & molestare, & eorum subsequenti impetus declinare: est autem inter mare & Libani montem quasi in medio constitutum, arboribus & vineis & agriculturæ commodissimum. Post hæc verò cum secundus Hierosolymitanus Rex *Baldouinus de Burgo* peccatis exigentibus in captiuitate Saracenorum detineretur, dominus Patriarcha Hierosolymitanus cum Archiepiscopis & Episcopis & aliis regni Baronibus, cum Comite Tripolitano, ciuitatem obsidione vallauit, cum duce etiam Venetorum, qui multitudine pugnatorum comitatus cum galeis quadraginta & multis tam maioribus quam minoribus nauibus ex parte maris urbem obsedit. Qui cum immenso labore & multa sanguinis effusione, cum variis machinis, & bellicis instrumentis longo tempore ciuitatem impugnassent, quinto obsidionis mense ciues fame intolerabili deficientes ad deditiōem compulerunt, qui saluis personis, & rebus, nostris resignauerunt ciuitatem. Anno igitur ab incarnatione Domini M. C. XXIV. capta est a Christianis ciuitas Tyrensis, & nomini Christiano restituta. Post hanc autem est ciuitas *Sarepta* propè mare, in cuius introitu loquutus est Helias Propheta ad viduam mulierem ligna colligentem, cuius farinula, eò quod panem inde fecit viro Deo, suscepit incrementum: In eodem loco iuxta portam ciuitatis, modicam cappellam fecerunt Christiani. Post hanc autem sequuntur aliae ciuitates maritimae, primò *Sydon*, postea *Berith*, deinde *Biblum*, quæ vulgariter hodie *Gibelesh* appellatur, in Phœnicie provincia supra littus maris constituta: quondam *Euea* dicta, eò quod Eueus, ut dicitur, sextus filiorum Chanaan, ipsam fundauerit. De hac in Ezechiele dicitur: *Senes Biblii, & prudentes eius, o Tyre, praeauerunt nauas ad ministerium varia suppellectilis tue*. Et iterum in libro 1. Regum 5. sic inuenitur: *Porro Biblii praeauerunt ligna & lapides ad edificandum domum Domini*. Hanc Comes Tripolitanus *Bertrannus*, Ianuensibus cum galeis septuaginta sibi praestantibus auxilium, sibi subiugauit, & Ianuensibus concessit. Post hanc supra mare sita est ciuitas, quæ dicitur *Botrum*, vulgariter autem *Betiron* nuncupatur. Deinde castrum quod *Nephtin* appellatur: postea ciuitas *Tripolis* nuncupata. Deinde ciuitas *Archis* dicta, quæ per miliare vnum à mari distat. Deinde *Arrados* ciuitas in insula iuxta littus maris sita, quam Arradius filius Chanaan edificauit: in qua beatus Petrus Apostolus matrem beati Clementis mendicantem inuenit, & ad fidem conuersam, filio restituit, sicut in *Itinerario Clementis* legimus: in quo etiam fit mentio de duabus columnis vitreis mirabili artificio in praedicta insula cunctis admirantibus in altum erectis. Inde *Anteradensis* ciuitas, sic dicta quasi ante Arradum sita: vulgari autem appellatione hodie dicitur *Tortosa*: in qua beatus Petrus Phœnicem circueiens, cum à partibus Hierosolymitanis transfret in Antiochiam, in honore beatæ virginis Mariæ modicam fundauit ecclesiolam, in qua etiam diuina celebrauit mysteria: quæ usque hodie in magno habetur honore, & multorum populorum accessu frequentatur, eò quod beata virgo in illo loco sibi ab infantia primitiue Ecclesiæ consecrato, multa operatur miracula, & infirmis illuc venientibus grata confert subsidia sanitatum. Dicitur autem à multis, quod inter omnes beatæ Mariæ Ecclesias ista fuerit prima: non solum autem à Christianis, sed etiam à Saracenis in magna habetur reuerentia, qui filios suos plerumque ad praefatam Ecclesiam adducunt baptizandos, ut diutius viuant, vel ut corporalem recuperent sanitatem. Praedictam verò ciuitatem Anteradensem, post captiōem ciuitatis Sanctæ, quidam viri nobiles per partes illas causa peregrinationis transeuntes & Hierosolymam pergentes,

Comites

A. Dn.

1124.

XLIV.

3. Reg. 17.

Ezech. 27.

1. Reg. 5.

Comites videlicet *Pictauiensium* & *Blesensium*, cum quibusdam aliis viris illustribus, ab hostibus expeditam Comiti Tripolitano tradiderunt. Post hæc sequuntur aliae maritimae ciuitates; videlicet *Maraclea*, *Valania*, cum castro *Margath*; *Gabulum*, quod vulgari- ter dicitur *Gibel*, & inter omnes vltima ex parte Antiochiæ, ciuitas situm habens egregium, & bonorum temporalium magnam habens vbertatem, *Laodicia Syria* nuncupata, vulgari- ter autem *Liche* nominatur. Vir siquidem illustris & strenuus in armis dominus *Tancredus*, cum Antiocheni principatus administrationem suscepisset, eodem die quo nobilem occupauit ciuitatem dictam *Apamitam*, ditioni suæ subegit prædictam ciuitatem, vno die duabus egregiis vrbibus Antiochenum magnificè ampli- ans principatum. Est autem alia *Laodicia* in Asia minori, quæ à beato Ioanne inter septem Asiae ciuitates in Apocalypsi numeratur. Has omnes maritimas ciuitates nostri viriliter occupantes, nec vnam solam munitionem propè mare Saracenis reliquerunt: vnde ex parte maris, hostium penitus eneruata est fortitudo. Quasdam tamè mediterraneas ciuitates, quas maximè vltra iuga Libani nostri subiugare nequiu- erunt, fines earum & suburbana frequenter vastâdo, & multas ciuibus insidias machinâdo, vt à molestatione cessarent, sibi tributo seruire coegerunt. *Emissena* verò ciuitas, quæ hodie *Camela* seu *Chamele* nuncupatur; & quædam aliae ciuitates Cœlesyriæ, scilicet *Heliopolis*, quæ alio nomine dicitur *Maubech*, & *Aman*, cū quibusdam aliis, propter vicinitatem à nostris cōmodius poterant molestari, vnde pacem & securitatē multā pecuniā redimebant. Sed & tam Calipha, quàm Soldanus Ægyptius, nostrorum impetus & violentas in regno suo irruptiones sustinere non præualens, multa Regi Hierosolymitano annuatim tributa soluebat, maximè quādo sibi à Soldano Damasceno Ægyptii metuebant. E contrario autē, Rex Damasci datā multā quantitate pecuniæ à nostris, qui medii inter Damascenos & Ægyptios erāt, treugas & securitatem obtinebat. Ciuitatem siquidem Halapiae secundus Hierosolymorū Rex Latinus, *Baldouinus* scilicet *de Burgo*, collectis ex toto regno viribus obsedit; sed multitudine Saracenorū à partibus Orientis ad succursum ciuitatis properātē, Rex longè viribus inferior solutā obsidione recessit. Quartus autem Hierosolymorum Rex *Baldouinus*, *Fulconis* Regis filius, cum Romanorum Imperatore *Conrado*, & Rege Francorum *LEODVICO*, qui sancto Clareuallense Abbate Bernardo prædicante signum Crucis receperat, cū Hierosolymitano Patriarcha & Portuensi Episcopo Apostolicæ sedis Legato, cum multis Archiepiscopis & Episcopis, Ducibus, Comitibus & aliis Baronibus, tã de Regno quàm de Imperio, Damascenam obsedit ciuitatem. Est autem *Damascus* ciuitas antiquissima, ferè inter omnes Orientales vrbes quātitate & populorum multitudine habens præminentiam; à quodā Abrahæ seruo, qui eam fundasse dicitur, sic nominata. Est autē minoris Syriæ, quæ *Phœnicis Libanica* appellatur, Metropolis: sicut legitur in Prophetâ: *Caput Syriæ Damascus*. Est autem in campestribus, in agro sterili & arido sita, nisi quantum aquarum irrigatur beneficio; quæ de montibus descendentes, per quosdam meatus deducuntur; & vniuersam irrigantes planiciem reddunt fertilem & arboribus fructiferis abundantem. Iuxta prædictam ciuitatem in loco, qui hodie dicitur *Melgissaphar*, apparuit Dominus Saulo cū appropinquaret Damascus, dicens ei: *Saule Saule, quid me persequeris?* Prædicti igitur Principes cum innumerabili exercitu ciuitatem è vicino ex vna parte obsidentes, pomeria ciuitatis violenter effregerunt, fluuium iuxta muros ciuitatis defluentem ad vsus suos forti manu occupantes. Damasceni autem de suis viribus diffidentes cū iam diu ex parte pomeriorum nostris resistere non valerent, quosdam ex his qui de Syriæ partibus peregrinis principibus ducatum & consilium præbuerant, cupiditate cæcos more suo corruperunt, qui persuaserunt ad aliam ciuitatis partem trāsferri exercitum. Vnde relicto priori loco, & à Saracenis occupato, & contra nostros munito, deficientibus victualibus & aquarum penuriā laborante exercitu, attendentes Principes nostri manifestam illorum, quorum se fidei commiserant, malitiam, indignantes, & Orientalium fidem seu magis perfidiam detestantes, & suspectam habentes, induti confusione & reuerentiā, multum laborantes & parum proficientes, ad propria redierunt. Ioannes autem Constantinopolitanus Imperator, cum infinita multitudine militū, curruum, & equorum, vna cum Principe Antiocheno & Comite Edeffano, Cæsareā ciuitatē, ab Antiochia non multum distātem, quæ hodie *Cæsarea*

*magna* nuncupatur, obsedit; sed indignatus eò quòd prædictus Princeps & Comes in expeditione desides & remissi ipsum iuuare, & sibi obedire negligebant, acceptà ab obsessis pecunià obsidione solutà recessit. Sed & Rex Hierosolymitanus *Baldouinus quartus* cum labore multo & periculo maximo *Bostrensem* ciuitatem occupaturus adiit; sed inueniens eam suprà id quam crediderat munitam & inexpugnabilem, reuersus est, multa in redeundo à Saracenis passus incommoda, & pluribus ex suis interfectis. Est autem *Bostrum* ciuitas antiquissima primæ Arabiæ Metropolis, quæ hodie vulgari appellatione *Bussereeth* dicitur, continens sub se *Traconitidem* regionem. De qua in Euangelio beatus Lucas sic ait: *Philippo autem Ituræ & Traconitidis regionis Tetrarcha*. Quoniam autem fontibus & riuis regio illa penitus caret, illius terræ habitatores aquas pluuias per *tracones*, id est meatus subterraneos colligunt in lacunis. Vnde propter hoc regio illa *Traconis* appellatur. Populus etiam illius regionis in speluncis habitans, & in traconibus habens domicilia, conmoratur in cauernis. Post regionem autem *Decapoleos*, cuius fines seu extremitates sunt inter mare Galilææ & Sydonem, quæ etiam post ciuitatem Tyberiadensem versus Damascum protenditur, est *Ituræa* regio, scilicet post territorium Sydonense & montana, media inter nos & Saracenos, in valle quæ dicitur *Bachar*: & quia ad radices Libani protenditur, *saltus Libani* nuncupatur. *Ituræa* autem regio prædictæ

XLVIII. regioni *Traconitidi* vicina est & cõtermina. Rex autem *Amalricus* prædicti *Baldouini* germanus, ciuitatem *Ægypti* nominatam *Cayrum* obsidione cinctam, faciliè, ut dicitur, expugnasset, & etiam totam *Ægyptum* nomini Christiano & Christianorù ditioni subegisset, nisi consilio pessimo cuiusdam malitiosi hominis *Milonis de Planca*, acceptà ab hostibus pecunià, obsidione solutà recessisset. Ipse enim prius *Alexandriam* egregiam *Ægypti* ciuitatem, quam *Siracunus* & nepos eius *Salahadinus* *Soldano* *Ægyptio* abstulerant, obsederat; & eos ad deditionem compellens ex pacto eam *Soldano* *Ægyptio*, receptà ab eo promissà pecunià, resignauit. Postea verò idem Rex *Constantinopolitano* Imperatore innumerā *Græcorum* multitudinem sibi in auxiliū mittente cum ingenti tam galearum, quam aliarū nauium classe, *Damiatim* ciuitatem *Ægypti* munitissimā obsedit: sed fame & frigore, & immoderatā pluuiarum inundatione repulsus, cū magno exercitus sui detrimento, ab obsidione recessit.

XLIX. sit. Cū igitur ciuitates memoratas pluresq; alias, maximè mediterraneas nostri subiugare non possent, in extremitatibus terræ suæ, ut fines suos defenderent, castra munitissima & inexpugnabilia inter ipsos & hostes extruxerunt; scilicet *Montem regalem*, & *Petram deserti*, cuius nomen modernum est *Crac*, vltra Iordanem; *Sapheth* & *Beluoir*, cum multis aliis munitionibus, citra Iordanē. Est autem *Sapheth* castrum munitissimum inter *Accon* & mare *Galilææ*, non longè à montibus *Gelboë* situm. *Beluoir* verò, non longè à monte *Thabor* iuxta ciuitatem quondam egregiam & populosam *Iezrael*, inter *Citopolim* & *Tyberiadem*, situm est in loco sublimi.

L. Ad maioris autem securitatis cautelam, inter diuersos Principes & Barones diuisum est regnum Hierosolymitanum, qui terram sub Rege defenderent & custodirent: ipso rege partem sibi digniorem & meliorem retinente, scilicet ciuitatem Hierusalem, Neapolim, Accon, & Tyrum, cum quibusdam oppidis & casalibus: *Homines Ligii regni fidelitate & Sacramento cum certo militum numero seruitio regio obligati fuerunt*, Comes *Tripolitanus*, dominus *Berythi*, dominus *Sydonis*, dominus *Caypha* seu *Porphyriæ*, dominus *Casarea*, Princeps *Galilææ*, qui & dominus *Tyberiadis*; Comes *Ioppes* & *Ascalonis*: dominus *Montis regalis*, & totius terræ trans Iordanem: dominus *Affur*, & dominus *Ibelim*, cum quibusdam aliis. Sed hii inter alios, maiores erant, præminentiam & dignitatem obtinentes.

LI. Extunc cœpit Orientalis Ecclesia reuirescendo florere, & cultus religionis in partibus Orientis ampliari, & vinea Domini novos botros germinare. Ita quòd in ea videretur impletum, quod scriptum est in Canticis Canticorum: *Hyems transit, imber abiit & recessit, flores apparuerunt in terra nostra: tempus putationis aduenit*. A diuersis enim mundi partibus, ex omni tribu & lingua, & omni natione quæ sub cælo est; odore sanctorum & venerabilium locorum tracti deuoti *Deo Peregrini*, & homines religiosi, ad Terram Sanctam confluebant. Reparabantur Ecclesiæ veteres, nouæ fabricabantur: Monasteria regularium, largitione Principum, & eleemotynis fidelium in locis idoneis construebantur: ecclesiarum ministri & alia ad seruitium

illud desiderabile, in quo Dominus noster post baptismum quadraginta diebus so-  
litarius ieiunauit, quod *Quarantena* appellatur, ut vitam ducerent eremiticam, præ-  
elicientes, in modicis cellulis Domino deuotissime militabant. Alii ad exemplum  
& imitationem sancti viri & solitarii Eliæ Prophetæ, in monte *Carmelo*, & maxime  
in parte illa quæ supereminet ciuitati Porphyriæ, quæ hodie *Cayphas* appellatur, iux-

vbi beatus *Ioannes Baptista* fugiēs hominū turmas, vt liberiūs *Deo* vacaret, ab annis *Matth. 3.*  
puerilibus delituit; mortui mundo, vt viuerent *Deo*, quietis sibi sepulchrum ele- *Marc. 1.*  
gerunt. In hac autem eremi solitudine non nisi *locustas* cum melle beatus Ioannes *Luc. 3.*  
edebat. Est autem in partibus *Syriæ* plerisque consuetudo, adueniente locustarum *Marc. 1.*

30 locustæ quas in solitudine illa Iordanica beatus Ioannes manducasse perhibetur.

40 dibus autem supra mare illud ambulavit: ibi etiam quosdam ad se discipulos euo- Marth. 14.  
cans, ait: *Venite post me, faciam vos fieri pisces hominum.*: (solitariam sibi elegerunt ha- Marth. 4.

XXXX 4



totus egrediens per centum ferè miliaria regionem adjacentem irrigans, per *vallem illustrem*, quæ vallis *Salinarum* dicitur, in mare mortuum se infundit, & postea nunquam apparens absorbetur in abyssu. Est autem secus locum, qui dicitur *Segor*, qui hodie vulgari appellatione *Paumier* nominatur. Dicitur etiam prædictum mare, *lacus Alphates*, siue *Alphatidis*, & *mare Salis*, eò quòd sit ita salsum & amarum quòd ex eo nec homo, nec bestia bibere potest. & plerunque etiam *mare Diaboli*, eò quòd nihil viuum in eo generatur, nec aliquid vitam habens in eo submergi valet. Habet autem iuxta se montem salis excelsum; arbores etiam iuxta ripas eius, poma ferunt pulchrum exterius corticem habentia; interioribus autem non nisi cinis, & quasi fauilla fortida reperitur. Dominus enim ignem & sulphur pluit super Sodomam & Gomorram, & alias tres ciuitates. Homines illi pessimi erant, & hostes naturæ, ignominiosam, & abominabilem turpitudinem inter se abutiue operantes. In loco autem illo, qui *Pentapolis* dicebatur, est prædictus lacus, cuius fundus inueniri non potest. Dominus enim ciuitates illas usque in abyssum post prædictum incendium submersit. Fluius autem *Jordanis*, de quo paulò ante fecimus mentionem, à monte *Libani* usque ad locum illum, multas ex se præbet commoditates vniuersæ regioni. Reddit enim hortos irriguos, & terram fructiferam, habens aquas dulces ad bibendum, & pisces sanos ad edendum, & ripas idoneas ad arundines, seu cannas procreandas, ex quibus tecta domorum tegunt, & parietes contextunt. Campi autem adiacentes ex calamellorum condensa multitudine stillantes dulcedinem, zuccaræ procreant abundantiam. Peregrini enim, & etiam indigenæ, corpora sua & vestimenta in aquis *Jordanis* cum magna deuotione soliti sunt ablueri: eò quòd Redemptor noster à beato Ioanne in flumine illo baptizatus contactu mundissimæ carnis fluuium sanctificauit, vim regeneratiuam conferens vniuersis aquis. Tota etiam Trinitas illum fluuium felicem & dignissimum dedicauit: Supra quem Pater est auditus, Spiritus sanctus in columbæ specie visus, Filius in humana natura baptizatus. Multi autem vtriusque sexus homines & mulieres baptismo poenitentiarum à beato Ioanne in prædictis aquis baptizati, CHRISTI gratiæ & baptismati sese habiles & idoneos, & aquarum submersioni assuefactos reddiderunt. In signum autem futuræ purificationis Naaman Syrus in hoc flumine à lepra mundatus, quasi carnem pueri recepit. Iosue autem cum multitudine filiorum Israël aquis superioribus in altum ascendentibus, inferioribus autem in mare descendentibus, sicco vestigio pertransiuit: ex quo duodecim lapides, iuxta numerum duodecim tribuum, filii Israël extraxerunt. De quibus ad litteram dixit beatus baptista Ioannes: *Potens est Dominus de lapidibus istis suscitare filios Abrahamæ*. Helias autem & Helisæus, aquis *Jordanicis* Helix pallio percussis, & in duas partes diuisis, per siccum transierunt. Multi igitur ex viris religiosi propter fluminis sanctitatem & aquarum oportunitatem, vicinas fluuii construxerunt habitationes. In monte *Thabor*, qui sublimis est & arduus valde, in quo Dominus coram Petro & Iacobo & Ioanne, præsentibus Moysè & Elia, transfiguratus gloriam futuræ resurrectionis ostendit, propter loci reuerentiam & honorem, monasterium construxerunt. Est autem prædictus mons in regione *Galileæ*, non longè à Nazareth, habens ad radicem eius torrentem *Cisom* montes autem *Gelboë* ex vna parte, ex altero verò mare *Galileæ*. De montibus autem *Gelboë* quidam fabulantur, quòd nec ros nec pluuia ad litteram super eos descendat: sed hoc falsum esse à vicinis habitatoribus frequenter est comprobatum. De ordinibus etiam *Cisterciensium* & *Præmonstratensium* in locis idoneis monasteria construxerunt. Multi autem ex his qui desiderio sanctæ Terræ de terra sua & de cognatione sua & de domibus patrum suorum exierunt, licet turba & tumultus hominum plerunque religioni sint impedimentum, maluerunt tamen inter turbas populorum corporaliter habitare, quam à sanctarum ciuitatum Hierusalem, Bethle-  
hem & Nazareth, quæ tanquam cellæ aromaticæ Saluatoris redolent conuersationem, habitatione priuari. In Nazareth enim de Spiritu sancto ex Maria Virgine conceptus fuit Dominus; in Bethlehem natus; in Hierusalem pro salute nostra crucifixus, mortuus & sepultus. Est autem Hierusalem ciuitas ciuitatum, sancta sanctarum, domina gentium, princeps prouinciarum, speciali prærogatiua ciuitas Regis magni dicta; & quasi in centro mundi, in medio terræ sita; ut ad eam confluerent omnes gentes; possessio Patriarcharum, alumna Prophetarum, doctrix Apostolo-

Apostolorum, salutis nostræ cunabula; Domini patria, mater fidei, sicut Roma mater est fidelium; à DEO præelecta & sanctificata, in qua steterunt pedes eius; ab Angelis honorata, & ab omni natione, quæ sub cælo est frequētata. Est autem in monte eminenti constituta, ex vtraque parte montuosa, in illa parte Syriæ, quæ dicitur Iudæa & Palæstina; lacte & melle fluens; frumento, vino & oleo, & omnibus bonis temporalibus abundans. Fluminibus autem prorsus caret; fontes autem nō habet, excepto vno, qui *Siloë* nominatur, qui sub monte Syon per medium vallis Iosaphat fluens, quandoque copiosas ministrat aquas: plerumque verò modicę vel nullę penitus aquę repertiuntur in ipso. Sunt autem tam in vrbe, quàm extra urbem ciuitates sternę multę ex aquis pluuiialibus, tam hominibus, quàm animalibus ad potum sufficientes, & ad alias varias necessitates. Habet autem plura & diuersa nomina ex variis euentibus, & secundum diuersas linguas & nationes. Primò enim vocata est *Iebus*, postea *Salem*, ex quibus duobus vocabulis nomen tertium habet *Hierusalem*. Dicitur etiam *Solyma*, & *Hierosolyma*; *Luxa* & *Bethel*. Ad vltimum dicta est *Helys*, ab Helio quæstore Romano, qui eam in loco, in quo modo est, post destructionem à Tito & Vespasiano factā, reedificauit. Primus eius episcopus fuit Apostolus *Iacobus*, qui petticā fullonis in Hierusalem percussus, martyrio transiit ad Dominum. Post hunc, vsque ad tempora Iustiniani Imperatoris, non nisi simplices habuit Episcopos, nullā maioris dignitatis prærogatiuā præminentes. Temporibus autem prædicti, DEO dilecti & religiosi Imperatoris, in synodo generali, apud urbem Constantinopolitanam, ob reuerentiam Ciuitatis sanctę, in ea constituerunt *Patriarcham*, quosdā suffraganeos Antiocheno & Alexandrino subtrahentes, eò quòd in confinio & limite horum duorum Patriarchatuum erat constituta. Obtinet autem quartum locum post Apostolicam sedem in Ecclesia DEI. Habet autem sub se quatuor *Metropolitanos*: quorum primus est *Tyrensis*, continens sub se quatuor suffraganeos episcopos, scilicet, *Acconensem*, *Sydonensem*, *Berithensem* & *Paneadensem*. Est autem *Paneas* ciuitas illa, quæ nunc vulgariter *Belinas* nuncupatur, ad radicē Libani montis sita, Damascenę ciuitati satis est vicina; & est terminus Terrę Promissionis. Secundus Metropolitanus seu Archiepiscopus est *Cæsariensis*, vnum solum subiectum habens suffraganeum, Episcopum videlicet *Sebastensem*. *Sebastia* alio nomine olim dicebatur *Samarita*, in qua sepulti fuerunt viri sancti Ioannes Baptista, Helisæus, & Abdias Propheta. Ciuitas autem quæ dicitur *Cayphas* siue *Porphyria*, non habet Episcopum: subest autem immediatè Archiepiscopo Cæsariensi. Tertius metropolitanus est *Nazarenus*, vnum solum habens suffraganeum Tyberiadensem Episcopum. Est autem *Tiberias* ciuitas supra mare Galileę sita in regione Galileę, frumenti & vini & pisciū vbertate redundans. Fuit autem quondam sedes Archiepiscopalis in vrbe *Cisopoli*, quæ hodie dicitur *Bethsam*, inter montes Gelboë & Iordanis fluuium in campetribus sita. Est autem fertilis valdè, riuis & fontibus irrigua, quæ quondam terrę Palæstinę & vniuersę Galileę Metropolis extitit: sed propter dignitatem loci, & reuerentiam Dominicę Conceptionis translatus est Archiepiscopatus ad ciuitatem *Nazarenam*. Quartus autem metropolitanus est *Petræensis*, vnum solum habens suffraganeum episcopum Græcum in monte Synai, ecclesię beatę virginis Katharinę, & monachis eiusdē monasterii præfectum. Est autē *Petra* ciuitas munitissima, quæ vulgari nomine hodie dicitur *Crac*, & *Petra deserti*, vltra Iordanē in finibus Moab, in mōte sublimi sita, secundę Arabiæ metropolis. Est autem, vt dicitur, locus ille de quo dicit Esaias Propheta: *Emitte agnum, Domine, dominatorem terrę*, &c. Est autem iuxta urbem antiquissimam, quæ dicitur *Rabash*: antequam ciuitatem procurante Dauid occisus fuit *Vrias*. Habet præterea Hierosolymitanus Patriarcha quosdam Episcopos suffraganeos sibi nullo mediante subiectos, scilicet *Bethleemitanum*, & *Ebronensem* & *Liddensem*. Fuit autem ecclesia *Bethleemistica* Prioratus Canoniorum regularium vsque ad tempora Baldouini primi Regis Latinorum in Hierusalem. Rex verò propter loci dignitatem & Dominicę Natiuitatis præcellentiam, eam cathedrali dignitate sublimauit, constituens in ea Episcopum de mandato & voluntate bonę memorię *Paschalis* Papæ, qui etiam *Ascalonem* ciuitatem eidem immediatè subiecit. Similiter *Ebronensis* ecclesia, quæ prius fuerat Prioratus, propter loci dignitatem, in quo sepulti sunt Adam & Eua, & tres Patriarchę, Abraham,

Isaac, & Jacob, cum Sara & Rebecca, in spelunca duplici, & propter reuerentiam seruorum DEI, ad episcopalem sublimata est dignitatem. Ebron autem antiquis nominibus Arbe & Cariatharbe appellatur. *Lidda* autem ciuitas, quondam *Diospolis* appellabatur, nunc ad *sanctum Georgium* nuncupatur. **L V I I I.** Habet insuper prædictus Patriarcha Abbates & Priores, sibi subiectos, *insignia Pontificalia*, baculos scilicet & mitras, annulos, & sandalia ex priuilegio dignitatis habentes, domino Patriarchæ in ministerio reuerenter assistentes. Patriarchalis siquidem ecclesia, quæ est *Dominici Sepulchri*, sub monte Caluariz, canonicos habet regulares secundum habitum & regulam beati Augustini viuentes. Habent autem Priorem, ad quem cum prædictis canonicis pertinet eligere Patriarcham, qui est eis loco Abbatis. In ecclesiis autem *Templi Domini & montis Sion*, & *montis Oliueti*, sunt Abbates & Canonici secundum regulam prædictam beati Augustini Domino ministrantes. In ecclesiis verò seu monasteriis *de Latina & vallis Iosaphat*, sunt Abbates cum monachis nigris, secundum regulam beati Benedicti Domino seruietes. In *Bethania* verò, quæ est castellum Mariæ & Marthæ, & Lazari fratris earum, & distat ab Hierusalem quindecim stadiis, vltra montem Oliueti, in decliui eiusdem montis, est Abbatia *sancti Lazari*, quæ dicitur *de Bethania*, in qua est Abbatissa nigra, & moniales, *sancti Benedicti* regulam & instituta profitentes. Est autem alia Bethania trans Iordanem, vbi erat Ioannes baptizans. Eiusdem autem ordinis & professionis est Abbatia *sanctæ Annæ* genitricis matris Domini, iuxta portam quæ dicitur *Iosaphat*, iuxta probaticam piscinam sita, in quo loco beata Virgo Maria nata fuisse perhibetur: in qua est Abbatissa cum monialibus nigris. Abbatia insuper *sanctæ Mariæ*, monialium in Hierusalem cum Abbatissa & monialibus nigris, sub sancti Benedicti regula DEI seruientibus, tanquam cella aromatica sanctis & castis & Deo deuotis personis erat referta, quæ religionis distractionem, vitæ honestatem, & caritatis feruorem nullâ compellente aduersitate vel paupertate reliquerunt. In monte *Thabor* est Abbatia nigrorum monachorum, sub metropolitano Nazareno. *Ioppensis* autem ciuitas non habet Episcopum, sed immediatè subest Priori & Canonicis Dominici Sepulchri. Similiter ciuitas *Neapolis*, quæ in Euangelio dicitur *Sychar*, vbi est puteus Iacob, iuxta quem Dominus loquutus est Samaritanæ mulieri, Episcopo caret; pertinet autem immediatè ad Abbatem Dominici Templi. Multæ etiam aliæ sunt ciuitates in terra promissionis, quæ licet ante tempora Latinorum proprios haberent Episcopos Surianorum & Græcorum; Latini tamen propter multitudinem & paupertatem eorum, ne dignitas Episcopalis vilipederetur, plures ecclesias Cathedralis & ciuitates vni cathedrali subiecerunt. Nunc autem de his locis, quæ inter alia loca venerabilia maiorem habent sanctitatis præminentiam; breuiter subiungamus. **L I X.** *Nazareth* ciuitas est modica ferè in introitu Galilææ ex parte Occidentali iuxta montes sita. Inter ipsam autem & Sephor est fons irriguus & perspicuus, aquas ex se copiosas emittens, qui fons *Sephoritanus* appellatur: in quo loco fortè Reges Hierusalem frequenter propter aquarum & herbarum commoditatem solent exercitus suos cōgregare. In hac autem ciuitate à quibusdam beata Virgo nata fuisse perhibetur. Hoc autem nō est dubium, quod in ea postquam desponsata fuit Ioseph, virgo sancta morabatur, ad quam missus est Angelus, salutis nostræ nuncians primordia. Hæc autem sancta & DEI amabilis ciuitas, (in qua Verbum caro factum est; & flos omnia vincens aromata, in vtero virginali germinauit; vnde & merito flos interpretatur) in hoc super omnes speciali gaudet priuilegio, quod salutis nostræ Dominus in ea principium procurauit; & in ipsa præterea nutrir, & parentibus subiici dignatus est, cui pater omnia quæ sunt in cælo & in terra subiecit. *Bethlehem* verò, quæ *domus panis* interpretatur, in qua natus est verus panis qui de cælo descendit, in decliui montis Hierosolymitani sita est, non longè distans à ciuitate Sancta, per miliaria scilicet quatuor. In hac verò Dauid ciuitate, est sancta & venerabilis ecclesia Cathedralis in honore beatæ Virginis consecrata. Præsepium etiam, in quo iacere & reclinari dignatus est ille cuius calum sedes est, terra autem scabellum pedum eius, factus fœnum secundum carnem, quo pia animalia vescerentur; in quo loco pastores, reuelatione Angelicâ admoniti, puerum pannis inuolutum cum Maria matre eius inuenerunt, & tres Magi stellâ duce ad prædictam ciuitatem venientes natum regem humiliter adorantes, mystica ei munera obtulerunt. In hac impius

- impius hostis Herodes CHRISTVM quærens occidere, multos innocentes parvulos crudeliter interfecit. In ea etiam sepulchrum est Rachelis vxoris Iacob, quæ *Genes. 35.* dum peperisset Benjamin, in eodem loco vitam finiuit. Ex hac traxit originem illa mulier Noëmi, quæ Ruth Moabitidem adduxit de Petra deserti, quam duxit Boos *Ruth. 1. 6.* vxorem, ex quorum progenie ad montem filiæ Syon venit agnus terræ dominator. *4. Isaia 16.* De cisterna autem Bethleemica Dauid aquas concupiuit, aquas sapientiæ salutaris potare desiderans de cisterna beatæ Virginis. Hanc autem sanctam & DEO dilectam ciuitatem beatus Latinus interpres *Hieronymus*, vt ibi Domino seruiret, præelegit, in qua etiam corporis eius gleba pretiosa tradita est sepulturæ, Beata etiam
- 10 *Paula & Eustochium* filia eius, cum multis aliis virginibus in monasterio sanctimonialium DEI seruitio, & diuinæ contemplationi deuotissimè vacantes, regna mundi, & omnem eius ornatum, propter amorem Domini nostri IESV CHRISTI, & loci sancti deuotionem, contempserunt. Ciuitas autem sancta *Hierusalem*, in qua *LK.* redemptionis nostræ mysteria Dominus corporaliter exhibuit, quantò omnibus aliis locis & ciuitatibus priuilegio præminet sanctitatis, & excellentiâ dignitatis, tanto quasi odore agri pleni, cui benedixit Dominus, plures religiosas personas ad se traxit: qui locorum venerabilium multitudinem variis & competentibus temporibus cum feruore spiritus visitantes, nunc ex his, nunc ex illis materiam deuotionis
- assumētes, & ardore desiderii animas suas vrgentes, ipsas præ tædio dormire non
- 20 sinebant. Est autem sæpè nominata & nominanda ciuitas secundum omnes eius partes in monte sublimi sita, muro valido vndique circumdata, nec nimia paruitate angusta, nec magnitudine cuiquam fastidiosa, a muro vsque ad murum habens distantiam, quantum arcus quater proiicit sagittam. Habet autem à parte Occidentali munitionem ex lapidibus quadris, cemento & plumbo fusili quasi indissolubiliter compaginis constructam, quæ ex vno eius latere pro muro est ciuitati, & *turris Dauid* appellatur. Montem autem Syon habet à Meridie, in quo Dauid in arce Syon eiectis Iebusæis habitauit, & eam *ciuitatem Dauid* appellauit. Montem autem Oliueti habet ab Oriente. Mons siquidem Caluariæ, in quo crucifixus est Dominus, in parte illa quæ *Golgotha* nūcupatur, & locus Dominici Sepulchri, qui loco illi proximus est sub monte Caluariæ, vsque ad tempora Helii Hadriani Imperatoris extra ciuitatis ambitum erant. Dominus enim passus est, & sepultus est extra portam ciuitatis. Prædictus autem Helius Adrianus, ciuitatem à Tito & Vespasiano destructam reparauit, vicos & plateas decenter pauimento decorauit, ductus aquarum construens, quibus pluuiali tempore ciuitas à sordibus purgaretur. Adeo autem *LXI.* ampliauit ciuitatē, quòd locum *Dominici Sepulchri* infra murorum ambitum includit, in quo loco postea Christiani ob reuerentiam Dominici Sepulchri artificioso opere, decenti schemate, formā rotundā, vno tantum foramine superius apertam Dominicæ resurrectionis ecclesiā gloriosam construxerūt, quæ inter sancta & venerabilia loca non immeritò obtinet principatū. In quo loco corpus Domini pretiosum cum aromatibus honorificè sepultū, vsque in diē tertium requieuit: die autē *Mar. 16.* tertiā resurrexit, in quo loco sancti Angeli mulieribus apparuerūt: Milites autem sepulchrū custodientes, velut mortui effecti sunt: in quo etiā loco in nocte Dominicæ resurrectionis ignis sacer descendit de supernis. Cum autē per mundū vniuersum à fidelibus dicatur: *Surrexit Dominus de sepulchro, qui pro nobis pendit in ligno*: soli Canonici ecclesiæ resurrectionis Dominicæ speciali gaudet prærogatiuā dicentes, & ad oculū demonstrationē facientes: *Surrexit Dominus de hoc sepulchro*. Similiter in Euangelio Paschali, cū dicitur, *Surrexit, nō est hic*; diaconus qui legit Euangelium digito demonstrat Dominicam sepulturam. Is autem qui dicitur *Caluariæ* locus, Hebraicè autē *Golgotha*, Ecclesiæ Dominici Sepulchri vicinus, inter loca sancta magnā
- 50 obtinet dignitatē, & maximā ob memoriā Dominicę passionis habet cōpunctionis virtutē: in quo Dominus passus est pro salute nostra; vestimētis exutus; in cruce leuatus; clauis affixus; felle & aceto potatus; à Iudæis irrisus; inter iniquos deputatus; morte ignominiosā cōdemnatus; pro trāsgressoribus orauit; matrē suā discipulo cōmēdauit; latroni salutē promisit; cū clamore & lacrymis spiritū emisit; ex latere perforato sanguinē & aquā, quibus mundū ablueret, produxit; in quo loco vestimenta eius diuiserūt, & super tunicā eius sortē miserunt; terra mota est, & petræ scissæ sunt; sanguis eius in terrā cecidit; sol obscurat⁹ radios suos subtraxit. His omnib⁹, dū locus

*Matth. 27.**Marc. 15.**Luc. 23.**Ioan. 19.*

- facer à deuotis Peregrinis frequentatur, cor contritum & humiliatum compungitur, & quasi torculari passionis lachrymæ compassionis exprimuntur. Vrbs autem fortitudinis nostræ Syon, *mons coagulatus, mons pinguis, mons in quo beneplacitum fuit DEO habitare in eo; quasi fons stillans dulcedinem; & flos redolens suauitatis odorem*, pias mentes afficit & confortat, & reficit, & sanctitatis suæ præminentiâ, consolatur & pascit: in quo Dominus Pascha cum discipulis celebravit, pedes Apostolorum linteo præcinctus lauit, exemplum humilitatis ostendit, vestimenta resumens cum discipulis manducauit & bibit; nouum Testamentum instituit; panem in corpus suum & vinum in sanguinem proprium conuersum, discipulis ad manducandum & bibendum tradidit; diuinis sermonibus discipulos informauit: in quo loco beatus Ioannes supra sanctum pectus eius recubuit; & beata Virgo cum Ioanne sibi ad custodiam deputato, post mortem filii sui quandiu vixit, habitauit: & Dominus discipulis suis in domo clauso ostio commemorantibus, apparuit. Apostoli etiam post Ascensionem Domini vsque ad diem Pentecostes in eodem loco cum ieiuniis & orationibus promissum Spiritum Sanctum expectantes permanserunt. In die verò Pentecostes, in specie ignis, in ille loco Spiritum Sanctum cum scientia linguarum omnium, ad robur receperunt. Facto autem super illum locum de celo sonus repentino, multitudo Iudeorum confluit, quibus beatus Petrus prophetiam Iohelis exponens, multos ad Dominum conuertit. His omnibus insignis locus ille præmi-
- LXIII.** nens, inter alia loca sancta, maximam obtinet priuilegii dignitatem. *Templum* 20
- autem *Domini* sanctum, quod in monte Moria, in area Ornam Iebusai à Salomone constructum est, inter loca sancta & venerabilia nullatenus est prætereundum: quod licet à Babyloniis primò sit destructum, & postea à Romanis, à fidelibus tamen & religiosi viris opere rotundo, & decenter & magnificè in eodem loco miro & subtili artificio, iterum est reparatum. In hoc loco supra rupem quæ adhuc in eodem templo consistit, dicitur stetit & apparuisse Dauid exterminator angelus, qui propter peccatum denumerationis Israëliti populi, quæ Dauid præcipiente facta est, multa millia de populo interemit. Vnde Saraceni Templum Dominicum vsque hodie *rupem* appellant: quod in tanta veneratione habent, vt nullus eorum ipsum audeat aliquibus sordibus, sicut in aliis locis sanctis faciunt, maculare; sed à remotis & longinquis regionibus, à temporibus Salomonis vsque ad tempora præsentia, veniunt adorare. Quoties autem Ciuitatem sanctam possident, imaginem Machometi ponentes in templo nullum Christianum permittunt intrare. In prædicta autem rupe creditur à quibusdā arcam Domini vsque hodie fuisse reclusam. eò quòd Iosias, Rex Israel imminet præuidens ciuitatis destructionem, ipsam in sanctuario Templi includi præceperit, & abscondi. In secundo tamen libro Machabæorum reperitur, quòd imminente captiuitate, exiuit Ieremias Propheta in montem, in quo Moyses ascendit, & vidit DEI hereditatem; & in spelunca quam inuenit, tabernaculum & arcam, & altare incensi intulit, & ostium speluncæ obstruens ait, quòd ignotus erit locus donec congreget Dominus congregationem populi sui. & propitius DEVS tunc ostendat hæc, & apparebit maiestas Domini. In hoc autem
- sancto & venerabili loco, cum *Salomon* opere consummato, Domino sacrificia offerret, nebula impleuit domum, & apparuit gloria Domini, & ignis descendit de celo, & deuorauit holocausta & victimas, & maiestas Domini impleuit domum, nec poterant sacerdotes ingredi domum Domini; sed omnes filii Israël videbāt descendentem ignem, & gloriam Domini super domum. Cum autem flexis genibus & manibus ad caelum expansis orasset Salomon Dominum, vt quicumque Templum beneficia petitorus ingrederetur, preces eius à Domino reciperentur, apparuit ei Dominus dicens: *Exaudiui orationem tuam & deprecationem tuam quā deprecatus es coram me: sanctificauit domum hanc, quam edificasti mihi: oculi quoque mei erunt aperti, & aures meæ erectæ ad orationem eius, qui in loco isto orauerit. Elegi enim & sanctificauit locum istum tibi.* In hoc loco, sicut in II. Machabæorum legitur, *Heliodoro* à Rege Antiocho missò, vt locum sanctum violaret, & pecuniam depositam per violentiam auferret, apparuit equus terribilem habens sessorem, optimis operimentis ornatus: qui autem sedebat videbatur habere arma aurea: equus autem Heliodoro cum impetu priores calces allisit. Alii autem apparuerunt duo Iuvenes virtute decori, operati gloria, speciosi quæ amictu, qui circumsteterunt eum, & ex vtraque parte flagellabant

- gellabant sine intermissione, multis plagis verberantes. In hoc *beata Virgo*, donec a Ioseph desponsata fuisset, cum aliis virginibus dicitur ministrasse: Templi cortinas, & vestimenta sacerdotalia præparando, literas sacras addiscens, ieiuniis, vigiliis, & orationibus & diuinarum scripturarum studio prudenter & humiliter vacans: annis etiam puerilibus à parentibus, vt sisterent eam coram Domino, ad Templum adducta, omnes gradus quibus ascendebatur ad Templum, per se absque vlla difficultate dicitur ascendisse, quod in oculis omnium mirabile visum est, & à sæculo de paruo infantulo inauditum. In hoc loco dum sanctus *Zacharias* incensum offerret Domino, apparuit ei Angelus nuntians eius orationem à Deo exauditam: omnes enim sacerdotes, pro Messia venturo & populi liberatione in hora incensi Domino supplicabant: addidit etiam quòd Elizabeth vxor eius sterilis filium ei fuisset paritura. In hoc loco Dominus noster IESVS CHRISTVS cum turture & columba à parentibus est oblatu, à Simeone susceptus; à sancta Anna vidua omnibus, qui expectabant redemptionem Hierusalem, annuntiatus: & cum iam duodecimum ætatis annum attigisset, vt diuinæ Scripturæ studio vacandi daret exemplum, in medio Doctorem ad disputationem sedens, opponebat & responderebat, ita vt omnes super responsis & prudentia eius mirarentur. Cùm autem ascendisset orare in Templum, eiecit ab eo vendentes, & ementes, & mensas numulariorum, & cathedras vendentium columbas euertit, obiiciens eis scriptum esse: *domus mea domus orationis vocabitur*. Aliquando etiam suprà pinnaculum Templi ascendit, vbi diabolus, vt se deorsum mitteret, tentando suggestit. Imminente eius passione totà die erat in Templo docens, & in vespere in Bethaniam secedens, summò mane reuertebatur. Huius Templi velum in morte eius scissum est à summo vsque deorsum, vt pateret introitus ad sancta sanctorum. Ab huius Templi pinnaculo beatus *Iacobus* Apostolus prædicans præcipitatus, perticâ fullonis percussus, coronatus est martyrio. Est præterea Hierosolymis templum aliud immensæ quantitatis & amplitudinis, à quo frâtes militiæ Templi, *Templarii* nominantur, quod *Templum Salomonis* nuncupatur, forsitan ad distinctionem alterius, quod specialiter Templum Domini appellatur. Mons autem *Oliueti*, mons pin-
- guis, mons Oliuarum, mons trium Luminum, mons Sanctus & omni acceptione dignus, quasi passibus mille distat ab Hierosolymis: in cuius decliuio est *Bethphage*, quæ interpretatur domus buccæ, viculus sacerdotum: & *Bethania* castellum Marthæ & Marthæ & Lazari, in quo Maria Domini pedes vnxit, & capillis suis terxit, & ministrante Marthâ, ad pedes Domini sedens, verbû ex ore eius auidè suscipiebat. In quo CHRISTVS Lazarum suscitauit: in quo etiam frequenter dignatus est hospitari, prædicare, & miracula facere. In hoc sancto & dignissimo monte Dominus sedebat contra Templum, quando discipuli eius signa aduentus eius ad iudicium, & consummationis sæculi ab eo quæsierunt. In hoc autem montē frequenter cū discipulis exibat ad orationem, & maximè imminente passione. In hoc monte à pueris Hebræorum, cum ramis palmarum sibi obuiâ occurrētibus, honorificè est susceptus; & ab illo loco cum hymnis & laudibus vsque in Hierusalem super asinum deductus. Ex hoc monte videntibus discipulis suis, ad cœlos gloriosè ascendit.
- Sunt alia loca sancta & venerabilia tam in ciuitate, quàm extra: scilicet *valle Iosaphat*, quæ est inter montem Syon, & montem Oliueti, in quo loco dicitur esse trans torrētem Cedron, viculus paruos, qui dicitur *Getsemani*; & iuxta illum hortus, in quo à Iudæis captus est Dominus. In hac valle beata Virgo sepulta fuit. In hoc autem loco Dominus ad iudicium creditur esse venturus. *Probatica piscina*, in cuius aqua ab Angelo commota sanabantur infirmi; & *natatoria Siloë*, in quo cæcus natus curatus est à cæcitare. *Ecclesia beati protomartyris Stephani*, in quo loco ipse à Iudæis fuit lapidatus. Castellum *Emaus*, quod distat ab Hierusalem stadiis sexaginta, habens iuxta se *Modin*, ciuitatem Machabæorum, & ciuitatem *Gabaon*, in quo Dominus panem frangens, & gratias agens duobus discipulis in fractione panis apparuit. Sunt alia loca quâ plurima, quæ Dominus corporali præsentia suâ visitare & sanctificare dignatus est. Quæcunque enim loca Dominus pedibus suis calcauit, sancta & consecrata, & pro pretiosis reliquiis à fidelibus habentur. Vnde non immeritò Terra illa promissionis lacte & melle fluens, & omnium aromatum superans fragrantiam, non solum religiosos clericos, sed etiam laicos, tam milites quàm alterius con-

YYYY



LXIV.

ditionis, ut in ea relictis parentibus & propriis patrimoniis regulariter viverent, incitavit, attraxit, & illexit: quorum quidam Hospitalarii siue *fratres Hospitalis sancti Iohannis*: Alii *fratres militiae Templi*: alii *fratres Hospitalis sancte Marie Theutonicorum* in Hierusalem nuncupantur. *Hospitale sancti Iohannis* à tempore Surianorum & Græcorum, cum adhuc sub Saracenorum dominio Civitas sancta captiva teneretur, initium habuit, in hunc modum. Licet temporibus illis totam terram Promissionis Saraceni peccatis exigentibus occupassent, multi tamen Christiani de gente *Surianorum* patriam suam deserere noluerunt, sed extremis conditionibus afflicti, & iugo duræ servitutis oppressi inter Saracenos habitabant. Princeps autem Ægyptius, qui uniuersas regiones à Laodicia Syriæ usque ad extremam Ægypti ciuitatem Alexandriam possidebat, quartam ciuitatis Hierosolymitanæ portionem ex parte Domini Sepulchri Surianis & Patriarchæ eorum sub annuo tributo ad habitandum concesserat: alias autem tres portiones inhabitabant Saraceni. Vnde ex Occidentilibus regionibus plerumque ad Terram promissionis veniebant Christiani quidam, causa negotiationis tracti; alii causa deuotionis & peregrinationis cum magno periculo, dato Saracenis tributo, loca Sancta visitabant: inter quos quidam de Longobardis, & maxime *Almaphitani*, de ciuitate scilicet Almaphia, quæ non nisi septem miliaribus distat ab egregia ciuitate Salerno, quia merces peregrinas afferebant, & principem Ægyptum tributis & muneribus sibi beneuolū & placarum reddiderant, apud ipsam optimas inuenerunt condiciones. Vnde ab ipso Principe facile obtinuerunt, ut in honore beatæ Mariæ prope ecclesiam Sepulchri Domini, quantum vix iactus est vnus lapidis, ecclesiam Latinorum construerent: eò quod Suriani Græcorum consuetudines & instituta in diuinis officiis penitus obseruabant: vnde usque in hodiernum diē prædicta ecclesia, dicitur ecclesia *sanctæ Mariæ de Latina*. Latinum enim Abbatem & Monachos more Latinorum diuina celebrantes in ea instituerunt. Tempore autem procedente extra septa monasterii, in quo mulieres peregrinas recipere eiusdem loci monachi inhonestū reputabant; aliud ordinauerunt monasterium in honore beatæ *Mariæ Magdalene*, & sorores mulieres religiosas, quæ peregrinis mulieribus Latinis in prædicto loco ministrarent, & eas in hospitio reciperent. Post hæc verò cōfluente Peregrinorum multitudine, cum prædicta monasteria ad recipiendos omnes pauperes afflicti & infirmos non sufficerent, iuxta ecclesiam suam prædictus Abbas & monachi ad opus infirmorum & egenorum, *Hospitale* & capellam in honore sancti *Iohannis Eleemonis* in eodem loco construxerunt. Hic vir sanctus, Deo placens, & per omnia cōmendabilis, Cyprius fuit natione, & meritis sanctitatis exigentibus ad Patriarchatum Alexandrinum fuit vocatus. Et quoniam in elemosynis & in aliis operibus pietatis singulariter præcellebat, *Eleemon*, id est, misericors est appellatus. Et quoniam à principio prædictum Xenodochium seu hospitale sancti Iohannis redditus vel alias possessiones non habebat, de fragmentis & reliquiis mensarum vtriusque monasterii, & de quibusdam elemosynis fidelium Abbas de Latina, ad quem illud Hospitale spectabat, pauperibus & infirmis faciebat prouideri. Postquam autem diuinæ placuit pietati, ut ciuitatem redemptionis nostræ per Ducem *Godefridum* & alios CHRISTI fideles ab impiorum dominio liberaret, & eam cultui restitueret Christiano, vir quidam sanctæ vitæ, & probatæ religionis nomine *Gerardus*, qui longo tempore de mandato Abbatis in prædicto hospitali pauperibus deuotè ministrauerat, adiunctis sibi quibusdam honestis & religiosis viris habitum regularem suscepit, & vestibus suis albam crucē exterius affigēs in pectore, regulę salutarī & honestis institutionibus factā sollemniter professione, seipsum obligauit. Cui etiam mulier quædam *Agnes* nomine, Romana natione, nobilis carne, sed nobilior sanctitate, quæ in monasterio mulierum vicem gesserat Abbatissæ, in ministerio pauperum adiuncta eandē regulam, & humilitatis habitū votiue suscepit. Prædicti igitur fratres humiliter & deuotè Domino seruiētes, & infirmis pauperibus de paupertate sua diligenter ministrantes in agro, qui dicitur *Acheldemach*, mortuos suos sepeliebāt. Hic est ager illi figuli, qui emptus est à Iudæis in sepulturam peregrinorum ex triginta argenteis, quos Iudas in Templo proiecit. Abbati autem sanctæ Mariæ de Latina, qui prædicti Hospitalis principium extriterat, & tam ipsos quam infirmos eorum de propria mensa diu sustentauerat, obedientiam, & reuerentiā quam diu pauperes fuerunt, non negauerūt: primum paupertatis suæ patronum

Matth. 27.

- patronum & coadiutorem eorum & loci apud Dominum protectorem beatum Ioannem Eleëmona deuotissimè venerantes, & ipsum dominum & aduocatam suum confitentes; domino etiam Patriarchæ Hierosolymitano deuotè obediētes de bonis suis decimas secundum sacros Canones, & vtriusque Testamenti præcepta absque contradictione reddebant. Orationi autem vacantes, vigiliis & ieiuniis se ipsos affligentes, operibus misericordiæ affluentes, parci sibi & austeri; pauperibus autem & infirmis, quos *Dominos suos* appellabant, largi & misericordes existebant. Panis de pura simila largiebantur infirmis, residuum verò cum furfure, ad vsus proprios referuabāt. Si quis autē inter ipsos in aliquo delinquebat, nullo modo relinquebatur impunitū, ne facilitas veniæ præberet incentiuum delinquendi. Secundum enim quod culpæ reatus exigebat, quidam signo Crucis à vestimentis auulso tanquam membra putrida prorsus eiiciebantur; alios vinculis & carceri mancipabant; alios ad pedes fratrum in terra cibum parcissimum vsque ad condignam satisfactionem, sumere decernebant. Et quoniam *DEVS* erat cum eis, ab omnibus amabantur. Vnde factum est, quòd in omnem terram Christianorum exiuit sonus *Psal. 18.* eorum, & in fines orbis terræ forma sanctitatis eorum. Et quoniam ex omni natione, tribu & lingua post Terræ sanctæ liberationem *CHRISTI* fideles Sepulchrum Domini visitaturi Hierosolymis confluēbant, largitione Principum & eleemosynis fidelium modico tempore adeò ditati sunt, quòd ab vniuersis Occidentalibus
- 20 prouinciis redditus copiosos colligentes, casalia sibi & oppida tanquam *terra Principes* comparantes ditioni suæ subiecerunt. His ita gestis procedente tempore *LXV.* re cum omnibus mundi partibus diuites & pauperes, iuuenes & virgines, senes cum iunioribus loca Sancta visitaturi Hierosolymam pergerent, latrunculi quidam, & raptores, & viarum publicarum prædatores incautis Peregrinis insidiantes, multos ex ipsis spoliabant, quosdam autem trucidabant. Quidam autem *DEO* amabiles & deuoti milites charitate feruentes, mundo renunciantes, & *CHRISTI* se seruitio mancipantes, in manu Patriarchæ Hierosolymitani, professione & voto solemnī sese astrinxerunt, vt à prædictis latronibus & viris sanguinem defenderent Peregrinos, & stratas publicas custodirent, more Canonico regu-
- 30 gularium in obedientia & castitate, & sine proprio, militaturi summo Regi. Quorum præcipui extiterunt viri venerabiles & amici *DEI*, *Hugo de Paganis*, & *Gaufridus de sancto Aldemaro*. In hoc autem tam sancto proposito nonnisi nouem fuerunt à principio. Talibus autem vtentes vestibus, quales eis in eleemosyna largiebantur fideles, nouem annis in habitu sæculari seruierunt. Rex autem & eius milites prædictis viris nobilibus, qui omnia pro *CHRISTO* reliquerant, patientes, vnà cum domino Patriarcha de rebus propriis eos sustentabant, quædam beneficia & possessiones eisdem postea pro remedio animarum suarum conferentes. Et quoniam nondum propriam habebant Ecclesiam, neque certum domicilium, dominus Rex in quadam parte palatii sui iuxta Templum Domini, eisdem ad tempus
- 40 habitaculum concessit. Abbas autem & Canonici Templi Domini plateam, quam habebant iuxta Regis palatium, ad opus officinarum eis tradiderunt. Et quoniam iuxta Templum Domini mansionem habuerunt, *fratres Militie Templi* postea, vt dicitur, sunt appellati. Cum autem annis nouem in hac professione & sancta paupertate, communem vitam ducentes, concorditer & quasi vnius moris in domo per-
- 50 mansissent, anno gratiæ *millesimo centesimo vigesimo octauo*, de mandato domini Papæ *Honorii*, & domini Stephani Hierosolymitani Patriarchæ, instituta est eis regula, & albus habitus absque aliqua Cruce assignatus. Hoc autem factum est in Concilio generali apud *Trecas* ciuitatem Campaniæ celebrato, sub domino Albanensē episcopo Apostolicæ Sedis Legato, præsentibus Remensi & Senonensi Archiepiscopis, & Cisterciensis ordinis Abbatibus, cum multis aliis ecclesiarum Prælati-
- Post hæc verò tempore domini Eugenii Papæ Cruces rubeas vestimentis suis exterius affixerunt, vestes albas in signum innocentiae deferentes; per Cruces autem rubeas martyrium designantes, eò quòd sanguinem proprium secundum instituta regulæ, pro defensione Terræ sanctæ effundere sunt professi; & *CHRISTI* Crucis inimicos viriliter expugnando, à Christianorum finibus propellere; & ad nutum & mandatum eius, qui præest militiæ, non impetuosè neque inordinate, sed prudenter & cum omni cautela ad prælia procedendo, primi in progrediendo, in

regrediendo postremi: Nec est eis licitum terga fugiendo dare, vel sine mandato reuerti. Et quoniam strenui & fortes **CHRISTI** milites, tanquā alteri Machabæi, de viribus suis non præsumentes, sed in virtute Diuina spem omnem ponentes, & in  
*Psal. 115. 5.* cruce **IESV CHRISTI** summam habentes fiduciam, *pretiosæ in conspectu Domini mor-*  
*Dom. 32.* ti corpora sua pro **CHRISTO** exponebant, Dominus cum ipsis & pro ipsis pugna-  
bat. Vnde adeo formidabiles facti sunt fidei **CHRISTI** aduersariis, quod vnus per-  
sequebatur mille, & duo decem millia: non quot essent, sed magis vbi essent, dum  
ad arma clamaretur, interrogantes: Leones in bello, agni mansueti in domo: in ex-  
peditione; milites asperi; in ecclesia, velut eremitæ & monachi: inimicis **CHRIS-**  
*Luc. 20.* **TI** duri & feroces; Christianis autem, benigni & mites: vexillum bipartitum ex i o  
albo & nigro, quod nominant *Bauceant*, præuium habentes: eo quod **CHRISTIA-**  
micis candidi sunt, & benigni; nigri autem & terribiles inimicis. Et quoniam reli-  
gionis vigor absque districtione disciplinæ nō potest obseruari, viri religiosi & pru-  
dentes à principio sibi præcauentes, & in posterum prouidētes, transgressiones seu  
negligentias delinquentium fratrum nullo modo dissimulare, vel impunitas præ-  
terire voluerunt; sed quantitatem criminum & peccatorum circūstantias circum-  
specto examine diligenter ponderantes, à confortio suo quosdā irreuocabiliter ei-  
cientes, Crucem rubeam auferebant, ne morbidæ capræ contagio, grex ouium ma-  
cularetur: alios autem vsque ad condignam satisfactionem ad terram absque map-  
pa cibum tenuem sumere, vt coram omnibus eis rubor, & aliis timor incuteretur, 20  
iniungentes; quibus etiam ad cumulum maioris confusionis & expiationis canes,  
si fortē secum manducarent, non liceret amouere: alios etiam vt à gehennali carce-  
re valerent liberari, carceribus & vinculis ad tempus, vel in perpetuum, secundum  
quod expedire videbatur, coërcabant. Multis insuper aliis modis secundum regu-  
læ salutaris instituta, ad obseruantiam regularis disciplinæ & professionis honestæ,  
rebelles & contumaces compellebant. Domino etiam Patriarchæ Hierosolymita-  
no, à quo professionis principium, & vitæ corporalis subsidium habuerunt, debi-  
tam obedientiam & reuerentiam humiliter exhibebant: decimas, & alia quæ sunt  
*Luc. 20.* **DEI**, **DEO**; & quæ sunt Cæsaris, Cæsari reddentes. Nulli molesti erāt, sed ab omni-  
*Matth. 22.* bus propter humilitatem & religionem amabantur. Ex quo factum est, quod no- 30  
men honestatis eorum, & fama sanctitatis, quasi cella aromatica redolens suauita-  
tem odoris, diffusa est per mundum vniuersum; & impleta est domus sanctæ eccle-  
siæ ex odore vnguenti; & memoria eorum in ore omnium fidelium quasi mellis  
dulcedinem sapiebat. Virtutes autem & prælia eorum, & gloriosos de inimicis  
**CHRISTI** triumphos, enarrabit omnis ecclesia sanctorum. Milites autem ex v-  
niuerso mundo non solum mediocres, sed & Duces & Principes eorum exemplo  
mundi vincula distrumpentes, & omnibus pro **CHRISTO** renunciantes, ad eos  
confluebant: professionis & religionis eorum cupientes esse participes; pompo-  
sam mundi vanitatem, & carnales delicias à se penitus relegantes, & tanquam  
stercora reputantes, **CHRISTI** militiam & religionis humilitatem diuinitus in- 40  
spirati deuotissimè amplexabantur. Vnde modico tempore adeo multiplicati sunt,  
quod in conuentu eorum plusquam trecentos equites, exceptis *seruientibus*, quorum  
non erat numerus, omnes albis chlamydis indutos haberent. Amplis autem  
possessionibus tam citra mare quàm vltra dilatati sunt in immensum; villas, ciui-  
tates, & oppida exemplo Fratrum Hospitalis sancti Ioannis possidentes, ex quibus  
certam pecuniæ summam pro defensione Terræ sanctæ summo eorum *Magistro*,  
cuius sedes principalis erat in Hierusalem, mittunt annuatim. Pari modo summo  
& principali magistro Hospitalis sancti Ioannis, procuratores domorum, quos  
*Præceptores* nominant, certam pecuniæ summam singulis annis transmittunt. Præ-  
dicti enim Hospitalis fratres, ad imitationem fratrum Militiæ Templi, armis mate- 50  
rialibus vtentes, milites cum seruientibus in suo collegio receperunt, vt adimplere-  
tur quod dictum est per Isaiam Prophetam de promotione & statu futuræ eccle-  
siæ: *Ponam te in superbiam sæculorum.* Et iterum: *Lupus & agnus pascuntur simul; Leo*  
*ut bos comedet paleas; habitabit Lupus cum agno, & pardus cum hædo accubabit: Vitulus &*  
*Leo, & ouis simul morabuntur.* Et quoniam *funiculus triplex difficile rumpitur*, pla-  
cuit diuinæ prouidentiae prædictis duabus domibus addere tertiam, sanctæ Ter-  
ræ admodum necessariam, quasi ex prædictis duabus compositam. Professionem  
enim

*Isaia 60.**Isaia 65.***LXVI.***Ecl. 4.*

- anim & regulam & institutiones fratrum Militiæ Templi, tam in bello, quàm in pace, prorsus obseruant; infirmos, peregrinos, & alios nihilominus, sicut fratres Hospitalis sancti Ioannis in hospitali suo, quod dicitur *sanctæ Mariæ Teutonicorum in Hierusalem*, recipiunt, eisdem cum omni deuotione & pietate necessaria sufficiēter ministrantes; domino Patriarchæ & aliis ecclesiarum prælati humiliter obedientes. Decimas autem integras ex omnibus bonis quæ possident, secundum quod exigit ordo iuris, & diuina institutio, reddentes, ecclesiarum Prælatos non molestant. Hi autem quasi à modico & tenui fonte principium habentes in magnum fluuium excreuerūt, beatā virginē Mariā eorum aduocatā, cui cum omni deuotione & humilitate seruiunt, eos tam in bonis spiritualibus quàm temporalibus subsidiis promouente, & incrementum largiente. Cū enim ciuitas sancta post prædictam eius liberationem habitaretur à Christianis, & multi ex Teutonicis & Alemannis causā peregrinationis pergentes Hierusalem linguam ciuitatis ignorarent, inspirauit diuina clementia cuidam honesto & religioso viro Teutonico, qui in ciuitate cū vxore sua morabatur, quatenus quoddam Xenodochium de bonis suis construeret, in quo pauperibus & infirmis Teutonicis hospitalitatem exhiberet. Cōfluentibus autem ad ipsum ratione commercii linguæ & noti sibi idiomatis, de gente illa multis pauperibus & peregrinis, de consensu & voluntate domini Patriarchæ, quoddam oratorium composuit iuxta prædictum hospitale in honore beatæ DEI genetricis Mariæ. Longo autem tempore in magna paupertate tam de bonis suis, quam de his quæ colligebat, ex fidelium elemosynis pauperes infirmos procurabat. Quidam autem & maximè de gente Teutonicorum prædicti viri charitatem & meritum attendentes, omnibus renunciantes, se & sua DEO & prædicto Hospitali tradiderunt, ministerio pauperum, deposito seculari habitu, voto se adstringentes. Procedente autem tempore cū non solum de inferioribus, sed de equestri ordine, & de nobilibus Alemaniæ viris DEO deuotis prædicto Hospitali sese voto obligassent, paupertatem voluntariam, & abiecti in domo DEI esse magis, quàm habitare in tabernaculis *Psalm. 83. peccatorum eligentes*; visum est eis DEO gratum esse & acceptum, & magis meritorii, non solum pauperibus infirmis seruire, sed insuper animas suas pro CHRISTO
- 30 ponere, & ab inimicis fidei Christianæ Terram sanctam defendendo, CHRISTO tam spiritualiter quàm corporaliter militare. Vnde, sicut prædictum est, regulam & instituta fratrum militiæ Tēpli ita susceperunt, quod opera pietatis & DEO amabilem hospitalitatem non reliquerunt: sicut animalia sancta habentes faciem hominis pariter & leonis; & vtrumque seruitium ita religiosè & diligenter adimplentes, quod DEI & hominum gratiam promeruerunt & fauorem: ad differentiam aliorum Cruces nigras albis chlamydibus assuentes. Et quoniam vsq; ad tempora præsentia in humilitate paupertatis & feruore religionis permāserūt, *auertat Dominus ab eis superbas, auaras, litigiosas, & sollicitudine anxias & religioni inimicas diuitias*. Quid enim prodest homini, si vniuersum mundum lucretur, animæ autem suæ detrimentum
- 40 patiatur? Multis præterea viris regularibus, & religiosis, anachoretis, monachis, canonicis, sanctimonialibus, & inclusis, virginibus DEO dicatis, viduis castis & sanctis, Terra sancta velut paradisus voluptatis florebat, & tanquam ex rosīs, liliis & violis, odorem suauitatis spirabat. Benedixerat enim Dominus coronæ anni benignitatis suæ, vnde adeo pinguescebant speciosa deserti, quod vbi serpentes prius & dracones habitauerant, oriebatur viror calami & iunci: Licet ad punctum in modico dereliquerit eam Dominus, in miserationibus magnis eius filios congregauit. Ex variis autem generibus hominum, & diuersis linguis & nationibus vniuersam terram reddidit populosam, ita quod illud propheticum, in ea videretur impletum: *Filii tui de longè venient, & filia tua de latere surgent*. Videbat autem & affluebat, mirabatur & dilatabatur cor eius, quando conuersa fuisset ad eam multitudo maris, & maximè *Ianuenſes, Venetici, & Pisani*: Fortitudo autem gentium, venisset ei, præcipuè de partibus Franciæ & Alemanniæ, homines bellicosi. Hi in mari fortiores; illi potentiores in terra: hi marinis præliis aptiores, vsu & exercitio in aquis promptiores ad pugnandum; illi in terra probiores, & ad bella doctissimi, & in equestri exercitu gladio & lancea magis strenui ad præliandum: hi in galeis meliores; illi in equis præcellentes. Homines siquidem *Italici* grauiiores & maturi, prudentes & compositi, in cibo parci, in potu sobrii, in verbis orati & prolixi, in

consiliis circumspecti, in re sua publica procuranda diligentes & studiosi, tenaces & sibi in posterum prouidentes, alii subiici renuentes, ante omnia libertatem sibi defendentes, sub vno quem eligunt capitaneo communitati suæ iura & instituta diſtantes, & firmiter obseruantes, Terræ sanctæ valdè sunt necessarii, non solum in præliando, sed in nauali exercitio, in mercimoniis & peregrinis & victualibus deſportandis. Et quoniam in potu & cibo modesti sunt, diutius in Orientali regione viuunt, quàm alix Occidentales nationes. *Alernanni* autem, *Francigenæ*, *Britones*, *Anglici* & alii transmontani, minus compositi & magis impetuosius, minus circumspecti in agendis, in cibis & potibus magis superflui, in expensis magis profusi, in verbis minus cauti, in consiliis festini, & minus prouidi, in ecclesia deuoti, in elemosynis & aliis operibus misericordiæ feruētiores, in præliis autem animosiores, & ad defensionē Terræ sanctæ, [ & maximè Britones, ] quamplurimum sunt viles, & valdè formidabiles Saracenis: qui tamen propter quorundam eorū leuitatem & intemperantiam, *filii Hernandii* à Pollanis appellantur. *Pollani* autē dicuntur qui post prædictam Terræ sanctæ liberationē ex ea oriundi extiterunt: vel quia recentes & noui, quasi pulli respectu Surianorū reputati sunt; vel quia principaliter de gēte Apuliæ matres secundum carnē habuerunt. Cum enim in Occidentaliū principum exercitu paucas mulieres respectu virorū adduxissent nostri, qui in Terra sancta remanserunt, de regno Apuliæ, eò quod propius esset aliis regionibus, vocātes mulieres, cū eis matrimonia contraxerunt. Sunt præterea in prædicta Terra sancta plures alix nationes varios ritus habentes, in cultu diuino & modo religionis a se inuicem valdè diſidentes: *Suriani* videl. & *Græci*, *Iacobitæ*, *Maronitæ*, & *Nestoriani*, *Armeni* & *Georgiani*: negotiationibus & agriculturæ, & aliis cōmoditatibus non modicū necessarij Terræ sanctæ, seminātes agros & plantantes vineas, & facientes fructū natiuitatis. Cum igitur cœlis deſuper rotantibus Dominus daret benignitatem, & Terra sancta daret fructū suū, & sicut lætantiū omnium habitatio esset in ea, & esset canticū populo Domini, sicut vox sanctificatæ solēnitatis, & lætabātur coram Domino, sicut qui lætantur in messe, sicut exultant victores captā prædā quando diuidūt spolia, ex omni parte mūdi concurrebāt. Cortina cortinam trahebat, & qui audiebāt, dicebant: *Venite ascendamus ad montem Domini, & ad domum DEI Iacob. Visita-* 30  
*uit enim Dominus terram suā, & inebriauit eā, multiplicatis locupletare eā.* Nō solum autē de Saba, sed de vniuerso mūdo veniebant, aurū & thus in Hierusalē deferentes, & laudem Domino annunciantes: & erat Sepulchrū eius gloriosum, adeò quod ad litterā completum videretur illud *Isaia*: *Erit preparatus mons domus Domini in vertice montium, & fluent ad eum omnes gentes, & ibunt populi multi.* Et dicent illud, quod legimus in *Tobia* de Hierusalem, *Luce splendida fulgebis, & omnes fines terræ adorabunt te: nationes ex longinquo ad te venient, & munera deferentes adorabunt Dominum in te.* Illud autē quod tempore Iudaorum, peccatis eorū exigentibus, Dominus non compleuit, tunc demum videbatur completum: scilicet quod dicitur in *Deuteronomio*: *Omnis locus quem calcauerit pes vester, vester erit: à deserto & Libano & flumine magno Euftrate, vsque ad* 40  
*mare Occidentale, erunt termini vestri.* Cum igitur prædicta Domini vinea vsque ad extremū terræ spiraret suauitatē odoris; serpens antiquus, draco venenosus, humano generi inimicus, odorē bonum diu sustinere nō valens, videns & inuidens tantā in partibus Orientis, dexteræ Excelsi mutationē, ecclesiā sanctā scilicet dilatari, cultū diuinū ampliari, infideles cōfundi, Christianos exaltari, innouari signa, immutari mirabilia, ignē de supernis sancto sabbatho Pasche in ecclesia Dominicæ resurrectionis deſcendere, populū deuotiſsimē accurrere, De i gloria prædicare & eius magnalia attollere, inādeles erubescere, fideles autē in Domino gaudere: tātō lumine obtenebratus, & quasi letali vulnere malitiæ suæ interiūs sauciatus, cœpit mille modis cogitare, & variis machinationib⁹ procurare, qualiter venenū suū posset latēter 50  
infundere, vineā Domini demoliri, & in agro Domini dormiētibus pastorib⁹ zizania superſeminare. Cum igitur à principio in locis aridis & in aquosis, in primis scil. Peregrinis adhuc pauperibus, & multis laboribus cōfectis & attenuatis requiē nō inuenisset, inuenit demū domum vacantē, scopis mundatā; homines otio vacātes, & iam securē habitantes à fructu sistanti, vini & olei sui, multiplicatos, & bonis tēporalibus suprā modum reſertos: & assumens septē spiritus nequiores sc. cum septem videl. peccatis criminalibus, propter magnitudinē nequioribus, quam prius, introiuit;

Psal. 106.

LXVIIII.

Psal. 84.

Isaia 9.

Isaia 2.

Psal. 64.

Isa. 60.

Isa. 11.

Esa. 2.

Tob. 13.

Deut. 11.

Matth. 13.

LXIX.

Matth. 12.

Psal. 4.

inuoluit; & facta sunt posteriora, peiora prioribus, dum vulneribus iteratis à facie insipientiæ putruerunt, & corruptæ sunt cicatrices eorum. Impinguati enim, incrassati, dilatati recalcitrauerunt: & ex adipe diuitiarum & deliciarum prodiit iniquitas insipientium hominum. Saturauit eos Dominus & mœchari sunt, & in domibus meretricum luxuriabantur: tanquam aqua effusi sunt, & post concupiscentias suas abierunt: non sunt transfusi de vase in vas; requieuerunt in facibus suis, tanquam iumenta in stercorebus putrescentes: equi emillarii facti sunt; unusquisque ad uxorem proximi sui hinciebat: supercecidit ignis & nō viderunt Solem; oculos suos statuerunt declinare in terram; superbi, elati, inflati, contumeliosi, seditiosi, inuicem mordentes, inter fratres discordiam seminantes, malitiosi, fortilegi, & sacrilegi, iracundi, & iniqui, desidiā & ignauia torpentes, auaritiā insatiabiles, crapulā & ebrietate prægrauati, luxuriā & immunditiā fœtidi, fures, raptores, homicidæ, viri sanguinum, & proditores, parentibus & maioribus suis non obedientes, insipientes & incompoliti, sine affectione, absque fœdere, sine misericordia; & vt prophetico vtar eloquio, *maledictum, & mendacium, homicidium, & furtum, & adulterium inuolauerunt, & sanguis sanguinem tetigit*: ideo dilatauit infernus animam suam, absque vilo termino, & singulis criminibus & vitiis singula præparauit hospitia, & infinita multiplicauit tormenta. Adeo autem omnis cogitatio hominum impiorum intenta erat ad malum omni tempore, & corruperat viam suam super terram; adeo virtus omnis & religionis honestas emarcuerant, & multorum refrigerante charitate, filius hominis fidem in terra non inueniebat, quod vix aliquis reperiebatur, qui inter sanctum & profanum haberet distantiam, vel à vili pretiosum separaret. Omnes in præcipitium & confusionem ferebantur; à planta pedis vsque ad verticem non inueniebatur sanitas; & erat sicut populus, sic sacerdos.

Vt enim à sanctuario Domini incipiamus: Postquam *omnis penè mundus in electis, & oblationibus, & variis muneribus, Ecclesiarum Prælati, & personis regularibus factus est tributarius*, pastores semetiplos pascentes, lanam & lac ex ouibus quærentes, de animabus autem non curantes; quinimò proditoris exempla in subiectos transmittentes; vaccæ pingues in monte Samariæ, facti sunt de CHRISTI paupertate diuites, de eius humilitate superbi, de illius ignominia gloriosi, de Crucifixi patrimonio impinguati, dilatati, incrassati: cum tamen dixerit Dominus Petro, *Pasce oves meas*: nunquam *Tonde oves meas*, ipsum dixisse reperimus. Dum enim quæ sua sunt quærentes, non quæ IESU CHRISTI, facti sunt cæci duces cæcorum, cænes muti non valentes latrare: domum Domini pompaticè ingredientibus; clauē scientiæ habentes, ipsi tamen nec intrabant, nec alios intrare sinebant: leprâ autē Gyæxi miserabiliter respersi, cathedras vendentium columbas, & nummulariorum men-  
 sas, quas Dominus euertit, ipsi passim in Ecclesiis erigebāt; dicentes, cum Iude proditore: *Quid vultis mihi dare, & ego vobis tradam illum?* Omnes autem diligebant, & sequebantur retributiones, auferentes clauē Simoni Petro, & eas.

Mago tradentes: diffuentes autem luxu multiplici, & otio turpi marcentes, non solum de micis, quæ cadebant de mensa Domini, sed de panibus integris, & de cibis delicatis pascebant catellos suos, quos de turpibus cōcubinis ipsi turpiores procreauerant. Regulares autem postquam veneno diuitiarū infecti, amplis possessionibus supra modum excreuerunt, contemptis superioribus suis, disrumpentes vincula corū, & prouidentes ab eis iugū ipsorum, nō solum ecclesiis & ecclesiasticis viris molesti facti sunt; sed & ipsi inuicē inuidentes, & inuicem detrahentes, nō sine graui scādalo totius Christianitatis, vsq; ad apertas cōtumelias, & odia manifesta, & ferè vsq; ad cōtactus, & violentias & pugnas non solum verborū, sed verberū plerumque procedebāt. Postquā enim *turrim Babel* ædificare cœperunt, confusis & diuisis  
 linguis à se inuicē discedentes, non solum inter se discordabant; sed & partes sibi facientes, inter alios discordias procurabāt. Multi tamen ex ipsis melius affecti, viri iusti & timorati, quantum eis in hac tempestate licebat, salutarem regulā & sanctas ordinis institutiones obseruantes, tanquam granum inter paleas, & lilium inter spinas, puncti & compuncti, & vehementi cordis dolore intrinsecus grauiter sauciati, non abierunt in consilio impiorum, & in via peccatorum non steterunt; nec sederunt in cathedra pestilentie. Adeo tamen iniquorum & deterius affectorum præualuit impietas & superabundauit iniquitas, quod frequenter à Prælati interdictos, vel anathematis



vinculo nominatim & specialiter innodatos, ipsi ad diuina recipere non timebant. Et qui cum gaudentibus gaudere, & cum flentibus flere debuerunt, aliis lugentibus solilatabantur. Et propter hoc Ecclesiasticæ disciplinæ rigore distractionis enervato, sæculares & pestilentes homines Prælatorum suorum sententias, & spiritalis gladii iustitiam terribilem vilipendentes, contemnebant. Abbates enim, Priores, & Monachi eorum mercenarii & miserabiles Capellani, timore Domini proiecto, falcem suam in messem alienam mittere non formidabant, clandestinis matrimoniis personas illegitimas vel fugitiuas copulantes; infirmos causa cupiditatis, non causa pietatis visitantes, & eisdem contradicentibus propriis Pastoribus sacramenta ministrantes; ligantes & soluentes, contra DEVM, & sanctorum statuta canonum, animas quarum cura ad ipsos non pertinebat: cum tamen dicat Apostolus: *Tu quis es, qui iudicas seruum alienum?* Mortuos autem, Prælati eorum contradicentibus, passim ad sepulturam admittebant, ius parochiale sibi illicite usurpantes, *Monachorum enim officium est plangere, & orare, non sacramentum laicis ministrare.* Non solum autem Monachi, sed & ipsæ moniales superioribus suis inobedientes, excusso disciplinæ iugo de claustro exiliebant, tanquam lapides sanctuarii in capite omnium platearum dispersi, publica balnea cum personis sæcularibus irreligiose frequentantes. Nec hæc supradicta memorauimus, ut præcedentium crimina subsequenter & his qui præsentis sunt temporis imputemus; sed ut ipsi manus suas lauantes in sanguine peccatorum, discant bonos imitari, malos autem detestari & reprobare. Discant humiliari cum CHRISTO, & eius amplecti paupertatem, puritatem & caritatem, ut non solum habitu exteriori mundo renunciâtes, *in patientia sua possideant animas suas.* Inter laicos autem & personas sæculares quanto maiores & potiores extiterunt, tantò perniciosius vias suas corruerunt. Generatio enim praua atque peruersa, filii scelerati & degeneres, homines corrupti, & legis diuinæ præuaricatores, ex supradictis peregrinis, viris religiosis DEO acceptis, & hominibus gratiofis, tanquam fæx ex vino, & amurca ex oleo, quasi lolium ex frumento, & rubigo ex argento procedentes, paternis possessionibus, sed non moribus successerunt; bonis temporalibus abutentes, quæ parentes eorum ad honorem DEI contra impios strenuè dimicantes, proprii sanguinis effusione sunt adepti. Filii autem eorum, qui *Pullani* nominantur, in deliciis enutriti, molles & effœminati, balneis plusquam præliis assueti, immunditiæ & luxuriæ dediti, more mulierum mollibus induti, circumornati & compositi ut similitudo Templi, quàm desides & ignauos, quàm pusillanimes & timidos, contra CHRISTI inimicos se exhibuerint, nemo dubitat, qui quantum à Saracenis paruipendatur, non ignorat. Vnde cum coram prædictis eorum patribus, licet admodum paucis, Saracenorum multitudo tanquam à facie tonitruui trepidaret, istorum inertiam, nisi Francos & Occidentales populos secum haberent, plusquam sexum fœmineum non formidarent. Ipsi autem cum Saracenis fœdus ineuntes, & inimicorum CHRISTI pace gaudentes; à se autem inuicem pro facili causa dissidentes, lites & iurgia, & bella ciuilia inter se concitantes, & plerumque ab inimicis fidei nostræ contra Christianos auxilium postulantes, vires & expensas, quas ad honorem DEI in paganos cōuertere debuissent, ipsi inaniter in Christianitatis detrimentum inter se consumere, non erubescunt: verbis autem compositis ita mentis propositum palliare didicerunt, foliis pulcherrimis sine fructu velut steriles salices cooperti & ornati; quod qui eos per experientiam plenius nō nouerunt, vix eorum in corde & corde loquentium dissimulationes possunt perpendere, & fallacias euitare. Vxores autem suas homines suspiciosi, & zelotypiæ spiritu concitati, sub arcta custodia recludentes, ita studiose & sollicitè custodiunt, quod fratribus earum & cognatis quantumcunque propinquis vix ad ipsas pater introitus: Ecclesias autem & processiones, & diuini verbi salutiferas prædicationes, & alia ad salutem animarum pertinentia, ipsis adeo interdicunt, quod vix semel in anno licet eis Ecclesias visitare: quidam tamen ter in hebdomada exire ad balnea cum diligenti custodia suis concedunt vxoribus. Hi autem qui inter ipsos ditiores & potentiores sunt, ut Christiani appareant, & aliquam habeant excusationem, iuxta lectos vxorum suarum erigi faciunt altaria, per quosdam miseros capellanos, & imperitos Presbyterunculos sibi missas celebrari procurantes. Quanto autem Pullanorum vxores arctius recluduntur, tantò studiosius mille artibus, & infinitis

- infinitis machinationibus foramina reperire satagunt, & nituntur. Sortilegiis enim & maleficiis & abominationibus innumeris à Surianis & Saracenis mulieribus supra modum & incredibiliter sunt instructæ. His autem qui de remotis partibus & longinquis regionibus causâ deuotionis, & ad eorum subsidiû adueniunt Peregrinis, cum laboribus maximis, & intolerabilibus expensis, se & sua Domino offerentes, non solum ingrati, sed multifariè molesti existunt. Mallent enim otio semper torpere, & desideriis carnalibus satisfacere, quàm ruptis & deficientibus treugis conflictum cum Saracenis habere. Postquam autem in hospitiorum immoderato pretio, & mercimoniis & concambio, & aliis multimodis negotiationibus circumuenientes & depauperantes Peregrinos, in immensum ditati sunt, tunc demum **CHRISTI** pugiles, & pro **CHRISTO** exulantes contemptui & derisui habêtes, multis iniuriis & contumeliis affligunt, *filios Hernandi*, tanquam fatuos, & idiotas, eos appellantes, & quod \* vindicaturi sua forent, eisdem quibus compati debuerant, frequenter improperant. Tanta & longè deterior est hominum reproborum peruersa malitia, & malitiosa peruersitas, qui lætantur cum malefecerint, & exultant in rebus pessimis, quibus procella tenebrarum reſeruata est in æternum. Ducunt enim in bonis dies suos, sed in puncto ad inferni nouissima descendunt. Quemadmodû enim impiorum malitiam detestamur, secundum quod dicit Propheta: *Vidi prauaricantes & tabescebam*. Et iterum: *Perfecto odio oderam illos, inimici facti sunt mihi*: ita bonos, si qui sunt inter eos, in Domino commendamus. Si aliquis igitur propter hæc prædicta mihi irascitur, de se ipso quod huiuscemodi sit, videbitur confiteri. Illi autem qui de Ianuensium, Pisanoꝝ, & Venetorum præclaris ciuitatibus, & de aliis Italiz partibus in Syria commorantur, quorum Patres, & prædecessores de **CHRISTO** inimicis glorioſè triumphantes immortale nomen, & æternam coronam sibi acquisierunt, valdè formidabiles existerent Saracenis, si cessante inuidiâ & insatiabili auidiâ, pugnas & immortales discordias inter se non haberent. Quoniam autem frequentius & libentius contra se inuicem, quàm contra perfidam Paganorum gentem præliantur, negotiationibus verò & mercimoniis plusquàm **CHRISTI** præliis implicantur, lætificant & securos reddunt inimicos nostros, qui parentes eorum viros pugnaces & strenuos, quondam maximè formidabant. Sunt alii homines à diebus antiquis sub diuersis dominis in terra commorantes, sub Romanis, Græcis, Latinis & Barbaris, Saracenis & Christianis, vicibus subalternis longo tempore iugum passi seruitutis; ubiq; serui, semper tributarii, ad vsus agriculturæ, & ad alias inferiores necessitates, dominis suis reſeruati; prorsus imbelles, & præliis velut mulieres inutiles, exceptis quibusdam qui inertes & ad fugam expediti, arcibus & sagittis tantum vtuntur. Hi *Suriani* nuncupantur, vel à ciuitate dicta Sur, quæ inter Syriæ ciuitates magnam à præcis temporibus obtinet præminentiam; vel à Syria, Y conuersa in V, Suriani dicuntur, qui in scripturis antiquis *Syri* nominantur. Sunt autem homines magna ex parte infideles, duplices, & more Græcorum velut vulpes dolosi, mendaces & inconstantes, amici fortunæ, proditores, & qui ad munera faciliè inclinantur, aliud in ore, aliud in corde habentes, furtum & rapinam quasi pro nihilo reputantes: secreta Christianorum, pro modico pretio facti exploratores, nuntiant Saracenis, inter quos nutriti sunt, quorum etiam linguâ libentius vtuntur, quàm aliâ, & quorum mores peruersos ex parte magna imitantur. Commixti sunt enim inter eos, & didicerunt opera eorum, vxores suas more Saracenorum recludentes, & tam ipsas quàm filias suas lintheaminibus vndique ne videri possint inuoluentes; barbas autem sicut Saraceni, Græci, & sicut omnes ferè Orientales non radunt, sed cum magna diligentia eas nutriendes, in ipsis quam plurimum gloriantur, virilitatis signum, vultus honorem, hominis auctoritatem & gloriam, ipsam barbam reputantes. Sicut autem apud Latinos Eunuchi, qui barba penitus carent, indecentes & quasi effæminati censentur, ita ipsi pro summo habent opprobrium non solum si barbæ radantur, sed etiam si vnus ab eis pilus extrahatur. Vnde nuntii *Dauid*, quibus *Nabab* Rex Ammonitarum in contemptû *Dauid*, dimidias barbas rasit, aliam partem radere noluerunt, sed abconderunt se in Hierico donec barbarum recuperassent honorem. Vnde cum *Gozes Edeſſanus Baldouinus* more Orientalium barbam nutriuisset, eò quòd filiam ducis nobilis Armeni natione, sed Græci fide, nomine *Gabrielis*, in vxorem duxisset, ut a locero suo diuite, ipse pauper

posset extorquere pecuniam, dixit ei quòd necessitate coactus barbam suam pro magna summa pecuniæ quibusdam creditoribus suis obligasset: at ille dolens & admirans valde, & opprobrium sempiternum filix suæ, & generis sui cupiens euitare, triginta milia bitantium hac conditione dedit illi, quòd de cætero nullâ paupertate compellente, nullo casu cõtingente, barbam suam præsumeret obligare. Vtuntur autem Suriani in sermone vulgari, linguâ Saracenicâ: litterâ etiam & scripturâ Saracenicâ vtuntur in contractibus & negotiationibus, & in omnibus aliis, exceptis Diuinis Scripturis, & aliis spiritualibus, in quibus literâ Græcâ vtuntur: vnde in diuinis officiis laici eorum, qui non nisi linguam Saracenicam nouerunt, eos non intelligunt: cùm tamen Græci, qui eadem linguâ in vulgari & in scripturis vtuntur, sacerdotes suos in Ecclesiis, & in litterali sermone, qui idem est cum vulgari, intelligant. Consuetudines autem & institutiones Græcorum in diuinis officiis, & in aliis spiritualibus Suriani penitus obseruant, & eis tanquam superioribus suis obediunt. Latinorum autem Prælati, in quorum diocesis commorantur, non corde, sed ore tantum, & superficialiter se dicunt obedire, timore scilicet secularium dominorum: habent enim proprios Episcopos Græcos; nec Latinorum excommunicationes, vel alias quascunque sententias in aliquo formidarent, nisi ab eorum communione, in contractibus & in aliis necessitatibus laici nostri se subtraherent: dicunt enim inter se quòd Latini omnes excommunicati sunt, vnde non possunt aliquos aliquâ sententiâ innodare. In Niceno enim Concilio, quod vnum est ex quatuor principalibus Conciliis quæ ab Ecclesia tanquam quatuor Euangelia, sine retractatione recipiuntur, in quo trecenti decem & octo fuerunt Episcopi, inter alia multa dictum fuit, & determinatum, *Spiritum Sanctum à Patre procedere*; & in fine omnes qui prædicto concilio aliquid adderent vel subtraherent, anathematis sententiâ constrinxerunt. Licet autem expressum fuerit, quòd à Patre Spiritus Sanctus procederet, non tamen ipsum à Filio procedere negauerunt. Multa enim à principio expressa non fuerunt, quæ postea propter remouendos errores à sanctis subsequentibus determinata & declarata fuerunt. Vnde vbi Græci habent in Symbolo, *Et in Spiritum Sanctum Dominum & viuificantem, qui ex Patre procedit*: Latini dicunt expressius, *Qui ex Patre Filioq; procedit*. Similiter vbi Græci dicunt, *Spiritus Sanctus à Patre non factus, nec creatus, nec genitus, sed procedens*. Latini addiderunt, *Spiritus Sanctus à Patre & Filio*: non tamen aliud, hoc est contrarium addiderunt. Sic enim prædicta sententia intelligitur, & est data contra illos qui contrarium addidissent. Quemadmodum Paulus in Epistola ad Galatas ait: *Si quis vobis euangelizauerit præter id quod accepistis, anathema sit*. Certum est autem quòd multa alia quam euangelizauit Paulus, euangelizata sunt à sanctis, sed non contraria. Sic enim huiusmodi prohibitiones intelliguntur. Vnde tam Græci, quàm Suriani occasione symboli, quod in Nicæna Synodo composuerunt sancti Patres, miserabiliter decepti, negant à Filio procedere Spiritum Sanctum, cùm tamen Dominus IESVS insufflans in discipulos & dicens: *Accipite Spiritum Sanctum*, manifestè ostenderit ipsum spirare Spiritum Sanctum; & quòd ab ipso sicut à Patre procedit, tanquam nexus & amor amborum. Vnde in Euangelio ipse dicit: *Ego noui virtutem de me exiisse*: virtute enim Spiritus Sancti ab eo exeunte seu procedente, sanauit mulierem, quæ vestimenti eius fimbriam tetigerat. Cùm ipse enim ad Patrem dixerit, *Omnia mea tua sunt, & omnia tua mea sunt*; patet quòd sicut Spiritus Sanctus est Patris, ita est & Filii, quemadmodum dicit beatus Paulus Apostolus: *Misit DEVS Spiritum Filii sui in corda nostra, in quo clamamus Abba, pater*. Et beatus Ioannes in Epistola Canonica de CHRISTO: *vnctio eius docet vos de omnibus*. Et iterum: *vnctio quam accepistis ab eo, maneat in vobis*. Ex quibus apertè patet, quòd Spiritus Sanctus siue vnctio, quod idem est, sicut est Spiritus Patris, ita est Spiritus Filii; & sicut Pater mittit eum, ita Filius mittit ipsum: Ipso testante qui ait, *Cum assumptus fuero à vobis, mittam eum ad vos*. Et ita Spiritus Sanctus communis est duarum personarum ab utraq; procedens. *Fluuus igneus & rapidus*, ait Daniel, *egrediebatur à facie eius*. Propter hæc sicut omnes Latini Spiritum Sanctum à Filio procedere confitentur, ita qui sapientiores sunt inter Græcos eandem sententiam non negant, licet formam verborum non recipiant, eò quòd nusquam apud se, talem verborum formam, scilicet, *Procedit à Filio*, reperiant. Cùm igitur tam Græci quàm Suriani, vt prædictum est, omnes Latinos excommunicatos reputent, altaria supra quæ

- quæ Latini celebrauerunt diuina, priusquam in ipsis celebrent, abluere consueuerunt. Sacramentis etiam nostris nullam exhibent reuerentiam, nec assurgere volunt, quâdo corpus Domini ad visitâdos infirmos, nostri deferunt sacerdotes. Cùm autem sancta Romana Ecclesia, & omnes Occidentales ad imitationem Domini, ex azymo pane sacramentum conficiant: Dominus enim postquam secundum ritum Iudæorum cum azymis agnum manducauit Paschalē, panem, quo utebatur in cœna, in corpus suū conuertit: ipsi contra mysterium ex fermentato pane cōficiunt sacramenta. Expurgato enim fermento veteri malitiæ & nequitie in azymis sinceritatis & veritatis mysticè instruimur epulari. Sed & in multis aliis sanctæ & summę
- 10 *Romane Ecclesiæ*, à qua propriâ autoritate recesserunt, ipsi schismatici contradicunt, contra DEI dispositionem: qui Romanam cſuitatem totius mundi Metropolim & capitaneam, sicut in temporalibus omnibus præerat, ita in spiritualibus vniuersis fidelibus voluit præfuisse. *Cephas* enim, qui simpliciter caput interpretatur, id est *Petrus*, totius mundi caput à Domino est constitutus, dicente Domino absque aliquorum exceptione: *Quodcunque ligaueris super terram, erit ligatum & in calis.* Et iterum; *Pasce oues meas*: non dixit tantum Latinos vel Occidentales, sed simpliciter oues meas, vt esset vnum ouile & vnus pastor. Patet ergo cùm super hanc Petram pro qua Dominus rogauit, vt non deficeret fides eius, post CHRISTVM ædificata sit & fundata CHRISTI Ecclesia, quod omnes qui ab Ecclesia Romana recedunt,
- 20 quia absque fundamento ædificant, in vanum laborantes, & ab eo qui à Domino *Cephas* vocatus est separati, acephali & monstruosi homines, meritò sunt reputandi. *Quartas autem nuptias* Suriani sicut & Græci non admittunt. Sacerdotes autem eorum & diaconi licet in prædictis ordinibus matrimonia non contrahant, vtuntur tamen vxoribus cum quibus ante sacros ordines contraxerunt. Subdiaconatum verò sacrum ordinem non reputant. Paruuli eorum statim post baptismum à simplicibus sacerdotibus in frontibus *chrismate* consignantur, quod non est concessum vel licitum apud Latinos, nisi Episcopis & supra, qui locum in Ecclesia DEI obtinent Apostolorum: per impositionem enim manuum Apostolorum Spiritus Sanctus ad robur & confirmationem conferebatur: cuius impositionis manuum locum obtinet prædictum sacramentum. Diem autem *Sabbathi* ad eò sollemnem reputant, quod non licet alicui eorum in Sabbatho ieiunare, excepto tantummodo Sabbatho sancto Paschæ. Sollemniter autem sicut in die Dominica, in Sabbatho diuina celebrant, & carnes in ea manducantes, more Iudæorum splendide epulantur. Hæc autem sollemnis obseruatio à Latinis reprobata est; ne Iudaizare videantur. Sunt præterea in Terra Sancta & in aliis partibus Orientalibus, aliæ Barbaræ nationes, à Græcis & Latinis in multis dissidentes, quorum alios *Iacobitas* appellant, à quodam magistro suo dicto Iacobo, cuiusdam Alexandrini Patriarchæ discipulo. Hi à multis iam temporibus à Constantinopolitano Patriarcha Dioscoro excommunicati, & ab Ecclesia Græcorum sequestrati, maiorem partem Asiæ & totius tractus Orientalis inhabitabāt: quidam inter Saracenos, alii autem proprias absque infidelium consortio occuparunt regiones: scilicet Nubiam, quæ contermina est Ægypto, & magnam Æthiopiæ partem, & omnes regiones vsq; in Indiam, plusquam quadraginta regna, vt asserunt, continentes. Omnes autem sunt Christiani, à beato Matthæo Apostolo & aliis Apostolicis viris ad CHRISTI fidem conuersi. Sed postea inimico superfeminante zizania, lamentabili & miserabili errore longo tempore obtenebrati, paruulos suos in vtroque sexu more Saracenorum ex magna parte *circumcidentes*, non prudenter attendunt, quod Baptismi gratia superueniens, carnis euacuauit circumcisionem, quemadmodum fructu adueniēte flores decidunt & marcescunt. Vnde & beatus Paulus ad Galatas sic
- 50 ait: *Si circumcidamini, CHRISTVS nihil vobis proderit.* Et iterum: *Testificor omni homini circumcidenti se, quoniam debitor est vniuersæ legis faciendæ. Euacuati estis à CHRISTO, qui in lege iustificamini; à gratia excidistis.* Alius autem error ipsorum est non minor prædicto, quod *confessiones* peccatorum suorum non sacerdotibus, sed soli DEO latenter faciunt, ponentes thus iuxta se in igne tanquam cum fumo peccata sua ascendant coram Domino. Errant miseri non intelligentes Scripturas; & pereunt ex defectu doctrinæ, vulnera sua medicis spiritualibus abscondentes, quorum est inter leprā & lepram discernere, & peccatorū circūstantias pensando pœnitentias in-

**Math. 12.** iungere, & secundum clauces sibi traditas ligare & soluere, & pro confitentibus sibi  
**Luc. 17.** specialiter orare. Vnde Dominus in Euangelio ait leprosis: *Ostendite vos sacerdotibus.*  
**Math. 3.** Et de beato Ioanne Baptista legimus, quod baptizabantur ab eo confitentes peccata sua. Erubescencia autem & pudoris anxietas, & confitentis humilitas, maxima pars est poenitentiae. Proniores autem ad peccandum efficiuntur, qui turpitudines suas hominibus non aestimant reuelandas. Cum tamen scriptum sit: *Qui abscondit peccata sua, non dirigitur: qui autem deliquerit & confessus fuerit, misericordiam consequetur.*  
**Donat.** Tertius error est praedictorum Iacobitarum seu Iacobinorum, & ignorantia crassa, & quasi tenebrae palpabiles, quod plures eorum ante baptismum paruulos suos cum ferro calido adurentes & signantes, in frontibus imprimunt *causerium*. Alii autem **10**  
in modum Crucis in ambabus genis, seu temporibus in modum Crucis infantes suos consignant; peruersè putantes eos per ignem materiale expiari, eò quod in Euangelio beati Matthaei scriptum sit, quod beatus Ioannes Baptista de CHRISTO dixerit: *Ipse vos baptizabit in Spiritu Sancto & igne*: cum tamen omnibus fidelibus liqueat, quod in igne spirituali, id est, Spiritu Sancto fiat peccatorum remissio, & non in igne visibili. Vnde Dominus frequenter in Prophetis arguit filios Israel, eisdem terribiliter comminando, eò quod more Gentilium filios traiciebant per ignem.  
**Don. 12.** Ait enim Dominus in Deuteronomio per Moysen Prophetam: *Caue ne imitari velis abominationem illarum gentium; nec inueniatur in te qui lustrat filium suum aut filiam, ducens per ignem.* Et constat omnibus Christianis quod Dominus noster vel eius Apostoli, **20**  
seu aliqui Patres sancti huiusmodi consuetudinem in Ecclesia non reliquerunt, neque tales adustiones fieri mandauerunt. Horum verò qui inter Saracenos commorantur, tam Iacobinorum, quam Surianorum in brachiis Cruces ex ferro calido impressas, aspeximus: Ipsi autem ad Paganorum distinctionem, & ob sanctae Crucis reuerentiam Crucis characterem sibi imprimi asserebant. Cum autem à Græcis & Surianis diligenter inquireremus ob quam causam Iacobitas detestarentur, & eos à suo eiecissent consortio; hanc esse causam præcipuam asserebant; quod in damnatam & pessimam hæresin incidissent, *unam naturam* tantum, quemadmodum vnam personam in CHRISTO esse asserentes. Huiusmodi enim hæretici in concilio Chalcedonensi excommunicati sunt & condemnati. Quorum quidam peruersè **30**  
asserunt CHRISTVM post humanam assumptionem, non ex duabus naturis existere, sed solum in eo diuinam naturam permanere. Hunc errorem introduxit Eutyches Constantinopolitanus Abbas. Alii autem ex duabus naturis, vnam in CHRISTO asserunt naturam. Quidam Alexandrini Episcopi, Theodosius scilicet & Galanus, huius erroris authores extiterunt. Constat autem quod secundum naturam humanitatis, Dominus IESVS CHRISTVS esuriuit & sitiuit, & alias necessitates sustinuit, mortem etiam in cruce pertulit: Secundum naturam diuinitatis mortuos suscitauit, & alias virtutes operatus est; secundum quam ipse de se dixit: *Antequam Abraham fieret, ego sum.* Et iterum: *Ego principium qui & loquor vobis.* Et rursum: *Ego & Pater vnum sumus.* Secundum humanam naturam idem ait: *Pater maior me est.* Et **40**  
**Joan. 8.** iterum de calice transferendo: *Non sicut ego volo, sed sicut tu vis.* Cum autem diligentissime à praedictis Iacobinis inquisissem utrum vnam tantum in CHRISTO naturam esse affirmarent, ipsi nescio si timore, vel aliâ ratione ducti negauerunt. Cum autem quærerem quare vno tantum digito se signarent, respondebant quod vnitatem digiti, vnam diuinam essentiam, tribus autem partibus Trinitatem designabant: In nomine Trinitatis & vnitatis signaculo Crucis sese muniens. Græci tamen & Suriani eis obiiciebant quod propter vnitatem naturæ quam in CHRISTO credebant, vno tantum digito se signarent. Quidam autem eorum vtuntur litterâ Chal-  
**Joan. 10.** **Joan. 1.** **Math. 21.** **50**  
dæâ, alii Arabicâ quæ Saracenicâ dicitur. Laici autem eorum secundum diuersas nationes & prouincias, diuersis vtuntur idiomatibus in sermone vulgari. Linguam autem Clericorum suorum, quâ in diuinis Scripturis vtuntur, non intelligunt. Licet enim litterâ vtantur Saracenicâ, vulgare tamen Saracenicum non repræsentat,  
**LXXVI.** sed quoddam proprium idioma, quod non nisi à litteratis intelligitur. Sunt aliarum nationes non solum in Terra Sancta, vel inter Saracenos, sed seorsum per se in maiori parte Indiæ habitantes. Hos autem Nestorinos seu Nestorianos appellant, a quodam hæresiarcha Nestorio, qui peruersâ doctrinâ suâ ex magna parte Orientalem regionem letaliter infecit, & maximè illos qui in terra potentissimi Principis, quem  
presbyterum

*presbyterum Ioannem* vulgus appellat, commorantur. Hi omnes Nestoriani sunt cum Rege suo, qui cum Iacobinis longè plures esse dicuntur, quàm Latini vel Græci. Vt enim de his qui seorsum habitant, quorum infinitus est numerus, taceamus; inter Saracenos non pauciores, vt dicitur, sunt Christiani infidelibus coniuncti, & eorum dominationi subiecti, quàm sint ipsi Saraceni; qui licet Machometi legem pestiferam recipere noluisent, ab hæreticis tamen miserabiliter sunt corrupti. Prædictus autem perditionis filius *Nestorius*, Constantinopolitanus Episcopus, & omnes illius sequaces beatam Virginem *Mariam* negant esse matrem DEI. Concedunt tamen quòd mater est CHRISTI hominis, aliam allèrentes personam diuinitatis in

- 10 CHRISTO, & aliam humanitatis: & secundum duas naturas, duas in CHRISTO distinguentes personas: nec vnum CHRISTVM in verbo DEI & carne credunt; sed separatim atque seiunctim alterum Filium DEI, alterum filium hominis affirmant. Hæc autem detestabilis hæresis in Ephesina synodo, in qua fuerunt Patres trecenti, reprobata est & condemnata. Sicut enim anima rationalis & caro, vnus est homo; ita DEVS & homo vnus est CHRISTVS. Licet enim alià sit natura animæ, alià carnis; non est tamen alius homo secundum animam, alius secundum carnem. Et quamuis alià sit natura ferri, alià ignis: vna tamen res est ferrum ignitum. Secundum prædictam hæresin huiusmodi loquutiones non sunt concedendæ: *CHRISTVS est DEVS & homo: Filius DEI mortuus est, & sepultus*: quia secundum quod est filius DEI, impassibilis extitit, & immortalis. Cum tamen dicat Isaias: *Parvulus natus est nobis; Isaias 9. & vocabitur nomen eius DEVS fortis*. Et ita puer parvulus fuit DEVS; quod est contra peruersam istorum doctrinam. Similiter de filio DEI Hieremias: *Post hæc in terris visus est, & cum hominibus conuersatus est*: cum tamen secundum quod est DEVS sit inuisibilis. Et beatus Paulus: *Misit DEVS filium suum natum ex muliere, factum sub lege*. Ex quo manifestum est quòd Filius DEI fuit Filius Virginis, & ita Maria fuit mater DEI. *Homo enim natus est in ea, & ipse fundavit eam Altissimus*. Igitur homo qui natus est ex Maria Virgine, creauit eam, & ita homo ille fuit DEVS. Similiter concedemus, quòd puer ille sydera creauit, & ab æterno fuit Patri consubstantialis & æqualis. *Verbum enim caro factum est, & habitauit in nobis*. Cum enim ipse de se dicat: *Ego principium, qui & loquor vobis*: non est dubium alicui sani capitis, quin illa eadem persona, quæ est principium & creatrix omnium, loqueretur hominibus: & ita patet absque vlla ambiguitate, quòd eadem est persona diuinitatis & humanitatis, quod tamen negant miseri Nestoriani. Chaldaea autem littera vtuntur in diuinis scripturis; & ex fermentato diuina more Græcorum conficiunt.

- Quidam autem homines circa iuga Libani in Phœnice prouincia, non longè ab vrbe Bibliensi inhabitantes, numero nō pauci, arcubus & sagittis in præliis edocti & expediti, *Maronita* nominantur, à quodam magistro suo Marone hæretico, qui *vnam voluntatem*, & vnā tantum operationē in CHRISTO allerebat: cuius erroris author extitit quidam Antiochenus Episcopus *Macarius*. Hic autem cum suis cōplicibus in sexta Constantinopolitana synodo, ad quam centum quinquaginta Patres conuenerunt, condemnatus est, & tāquam hæresiarcha, vinculo anathematis innodatus ab Ecclesia fidelium est eiectus. Sicut enim in homine puro alia est voluntas rationis, alia sensualitatis; ita in CHRISTO alia fuit voluntas humanitatis, secundum quam voluit manducare, & bibere, & calicem passionis à se transferri; alia diuinitatis, quæ eadem fuit cum voluntate Patris. Has autem duas voluntates manifestè aperuit, cum dixit: *Non sicut ego volo, sed sicut tu vis*. Quis autem ignorat quòd manducare & bibere, & aliæ huiusmodi necessitates, quæ fuerunt in CHRISTO homine, operationes sint humanitatis, & ad immutabilem diuinitatem non pertinent? Mortuos autem suscitare, & animam post mortem resumere, ad humanitatem non pertinet, sed tantum ad diuinitatis potentiam. Ex quibus manifestum est aliam esse operationem humanitatis, aliam diuinitatis. Similiter & de duplici cuiuslibet hominis voluntate beatus Apostolus Paulus in Epistola ad Romanos manifestè nos instruit, ita dicens: *Non enim quod volo, bonum ago; sed quod odi malum, illud facio*. Ecce quanta pugna est inter voluntatem rationis & voluntatem sensualitatis. Et iterum ait: *Velle mihi adiacet; perficere autem bonum non inuenio*: spiritus enim promptus est, secundum voluntatem rationis; caro autem infirma, secundum sensualem voluntatem: secundum quam alius cinxit Petrum, &

ZZZZ



Rom. 7.

duxit quò non voluit, qui tamen sponte reuersus Romam, voluit crucifigi voluntate rationis. Has autem duas voluntates exprimit Paulus Apostolus per duas leges in homine repugnantes, sic dicens: *Videò autem aliam legem in membris meis repugnantem legi mentis meae, & captiuantem me in lege peccati, quae est in membris meis.* Prædictus igitur Maro diabolicâ illusione imprudenter obcæcatus, multos habuit erroris sui sequaces, quos Maronitas appellant, qui per annos ferè quingentos ab Ecclesia sancta & consortio fidelium sequestrati, seorsum sacramenta sua conficiebant. Qui tamen postea reuertentes ad cor in præsentia venerabilis Patris Aimerici Antiocheni Patriarchæ fidem catholicam profitentes, & errorem prædictum abiurantes, sanctæ Romanæ Ecclesiæ sequuti sunt traditiones. Vnde cum omnes 10 alii Orientales Prælati, exceptis duntaxat Latinis, *annulis & mitris pontificalibus* non vtantur, nec *baculos pastoriales* gestent in manibus, nec vñum habeant *campanarum*, sed percussis baculo vel malleo tabulis populum ad Ecclesiam soliti sunt congregare; hi prædicti Maronitæ, in signum obedientiæ, consuetudines & ritus obseruant Latinorum. Vnde & eorum Patriarcha interfuit generali concilio Lateranensi, sub venerabili Papa Innocentio tertio in vrbe Romana sollempniter celebrato. V-

LXXVIII. tuntur autem Chaldaî litterâ, & vulgari idiomate Saraceno. Populus autem *Armenorum*, qui in Armenia prouincia propè Antiochiam inter Christianos & Saracenos seorsum inhabitat, ab omni Christianorum natione, ritus habens singulares & proprias obseruationes, seiunctus est, & diuisus. Habent autem prædicti 20 Armeni proprium primatem, quem *Catholicon* appellant, cui cum summo honore & reuerentia omnes à minimo vsque ad maximum tâquam alteri Papæ obediunt. Inter hos autem & Græcos inexorabiles sunt discordiæ, & dissensiones implacabiles; & inuicem alii aliorum ritus & instituta detestantur. Habent autem proprium idioma, & proprias litteras, & in vulgari sermone diuinas scripturas pronunciant, ita quòd sacerdotes, & clerici eorum à laicis in Ecclesiis intelliguntur, sicut dictum est de Græcis. *Natiuitatem autem Domini* secundum carnem, non celebrant, sed in diebus Natalis Domini ipsi ieiunant. Finito autem ieiunio, in die apparitionis Domini, simul cum sollempnitate apparitionis festum celebrant Baptismi Dominici, & eodem die festû spiritualis Dominicæ natiuitatis asserunt se celebra- 30 re: cum tamen Dominus propriè non possit dici regeneratus seu renatus, eò quòd in aquis baptismi purgatus non fuerit, qui peccatum originale non habuit; qui etiam actuale peccatum non fecit, nec inuentus est dolus in ore eius. *Quadragesimam* verò, quæ est ante Dominicam resurrectionem, ita arctissimè ieiunando obseruat, quòd non solum à carnibus & caseo, & ouis, & lacte abstinent; sed etiam pisces non manducant, oleo non vtuntur, vinum non potant: si tamen ieiunium dici debeat: nam fructus & legumina quoties placet eis in die, manducât. Vt autem manifestius æmulis suis, Græcis scilicet & Surianis, contradicere videantur, in quibusdam sextis feriis carnes edunt. *Aquam autem cum vino* in Sacramento sanguinis CHRISTI non ponunt: in quo ritu peruerso non modicum errare conuincuntur. Nam Do- 40 minus noster IESVS CHRISTVS secundum morem non solum Iudæorum, sed omnium Orientalium, qui nunquam puro vino vtuntur, in cœna posuit mensam, miscuit vinum, ex vino lymphato Sacramenta conficiens. Vino enim non temperato in partibus illis nemo commodè valet vti. Vnde beatus Cyprianus de hac vini cum aqua commixtione, sic ait: *Si quis de antecessoribus nostris vel ignoranter, vel simpliciter non obseruauit & tenuit, quod nos Dominus facere exemplo & magisterio docuit, potest simplicitati eiusdem indulgentiâ Domini venia concedi. Nobis non potest ignosci: qui nunc à Domino admoniti & instructi sumus, ut calicem Domini cum vino mixtum, secundum quod Dominus obtulit, offeramus.* Ex hoc igitur manifestum est quòd Dominus calicem vini mixti in cœna obtulit. Vnde prædicti Armeni in al- 50 tis Sacramento nec Dominum imitantur, nec obseruant mysterium. Aqua enim, quæ labilis & fluxibilis est, populum mortalem & fluxibilem designat. Vnde aqua vino commiscetur, vt tam CHRISTO, quàm sanguini redemptionis nostræ populus sociandus esse designetur. Nam si vinum tantum quis offerat, sanguis CHRISTI incipit esse sine nobis: Si verò aqua sit sola, plebs incipit esse sine CHRISTO: nec significatur prædicta coniunctio, cum *Sacramentum debeat esse sacræ rei signum.* Non igitur debet in calice Domini, aut vinû solum aut aqua sola offerri, quia vtrunque

Ioh. 19.

- utrunque ex latere eius in passione sua legimus profluxisse. Licet autem Armeni <sup>106.19.</sup> summo Pontifici, & sanctæ Romanæ Ecclesiæ obedientiam promiserint, quando scilicet Rex eorum ab Imperatore Romano *Henrico*, terram suam recepit, & coronâ regiam ab Archiepiscopo Maguntino suscepit; ritus tamē veteres, & consuetas observationes mutare noluerunt. Est præterea in regione Orientali quidam alius **LXXIX.** Christianorum populus bellicosus valdē, & in præliis strenuus, fortis robore, & potens innumerâ pugnatorum multitudine; Saracenis valdē formidabilis: Persis & Medis & Assyriis, in quorum confinio commoratur, & ab infidelibus populis vndique clauditur, frequenter valdē damnosus in expeditionibus exitit. Hi homines
- 10 *Georgiani* nuncupantur, eò quòd sanctum Georgium, quem in præliis suis contra gentem incredulam aduocatum habent & patronum, & tãquam signiferum, cum summa reuerentia colunt & adorant, & præ aliis sanctis specialiter honorant. Utuntur autem Græco idiomate in scripturis diuinis, & Græcorum consuetudines in sacramentis obseruant. Clerici eorum rotundas habent *coronas*, laici verò quadratas. Quotiescunque Dominicum Sepulchrum visitaturi peregrè adueniunt, absq; tributo aliquo cum erectis vexillis ciuitatem sanctâ ingrediuntur. Saraceni enim nullo modo molestare præsumunt, ne fortè cum ad propria reuerfi essent, aliis Saracenis sibi vicinis, vicem rependerent. Nobiles autem mulieres eorum more Amazonum tanquã milites armis vtuntur in præliis. Hi valde indignati sunt comminantes
- 20 Principi Damasceno *Corradino*, eò quòd absq; eorum voluntate muros Hierusalem euertere præsumpsisset, cum populus Latinorum ciuitatem Damiatæ obsidebat. Crines autem & barbas nutrientes vnius ferè cubiti longitudine, pileis in capitibus vtuntur. Illi verò Christiani qui in Africa & Hispania inter Occidentales Saracenos commorantur, *Mosarabes* nuncupati, Latinam habent litteram, & Latino sermone in scripturis vtuntur, & sanctæ Romanæ Ecclesiæ, sicut alii Latini, cum omni humilitate & deuotione obediunt, ab articulis fidei vel sacramentis in nullo deuiantes. Constituunt autem sacramentum altaris de pane Azymo quemadmodum alii Latini. Sanctam autem Eucharistiæ formam quidam eorum in septem partes diuidunt; alii verò in nouem, cum tamen Romana Ecclesia, & alii eidenus abiectioni, ipsam
- 30 Eucharistiam in tres tantum portiones partiantur. Huiusmodi autem partitio cum non sit de substantia sacramenti, nō variat, vel impedit virtutē sacramenti. Sunt **LXXXI.** aliæ miserabiles in partibus Orientis nationes, Deo odibiles, & hominibus cōtempnibiles & abiectioni, quorum quidam dicuntur *Essæi*, de genere Iudæorum descendētes: quorum quidam vitam post mortem & dogmatizant, & recuperare sperant. Matrimonia autem non contrahunt, vt caueant foeminarum intemperantiam, quas nunquam vni viro fidem credunt seruare. Alii matrimonia contrahunt, & cū prægnantibus non concumbunt, vt ostendant quia nō causâ voluptatis, sed causâ procreandæ prolis, vxoribus commiscuntur. Animarum autem post mortem, vel supplicia denegant, vel honores. Sed quia his sectis sinistrè incedunt, laborem suum
- 40 infatuati perdunt. Ex his *Assassini* præmemorati dicuntur habuisse principium. Vnde adhuc in parte scripturam retinent Iudæorum, ex Hebræo & Chaldæo litteras habentes permixtas. Alii sunt *Sadducæi*, qui resurrectionem mortuorum non credunt, libros tamen Moyfi recipiunt, sed eos non intelligunt. Vnde Dominus in Euangelio redarguit eos dicens: *Erratis nescientes Scripturas, neque virtutem DEI.* <sup>Matth. 22.</sup> Cumque introduxisset hanc auctoritatem ex libris Moyfi: *Ego sum DEVS Abraham, & DEVS Isaac, & DEVS Iacob*, conuincens eos concludit in hunc modum: *Non est DEVS mortuorum, sed viuorum.* Alii sunt *Samaritanæ*, litteram habentes Hebræam, sicut Iudæi: Moyfi pentateuchum tantum recipiunt, Prophetas autem & alias Iudæorum scripturas non admittunt. Cū autem Salmanazar Rex Assyriorum decem tribus Israël captiuasset, prædictos Samaritanos loco Iudæorum, vt terras excolerent, in Samariam transmisit. Cū autem ad prædicationem Apostolorum recepisset Samaria verbum DEI, quidam eorum in errore antiquo remanserunt; quibus Dominus ideo vuluam sterilem, & vbera arentia tradidit; in tantum terram maledictam & reprobam æternis incendiis deputatam ariditate & sterilitate condemnauit, quòd vix trecenti eorū vt dicitur in vniuerso mundo superstites reperiuntur. Alii autem ex *Iudæis* libros Moyfi & Prophetas, & totum Vetus Testamentum ad litteram tantum recipiunt. Contra quos ait Apostolus Paulus: *Littera occidit, spiritus* <sup>2. Cor. 3.</sup>

- Iob. 6.* *spiritus autem viuificat.* Et Dominus in Euangelio: *Spiritus est qui viuificat, caro nō prodest quicquam*; id est, intelligentia carnalis. Ex quo patet quòd Diuina Scriptura nihil prodest Iudæis, immò nocet eis, sicut dicit Propheta Dauid: *Fiat mensa eorum in laqueum, & in retributionem & in scandalum: Obscurentur oculi eorum ne videant.* Mensam eorum diuinam scripturam appellans. Maxima autem pars eorum seorsum habitat, in illis partibus Orientis in quibus infra Caspios mōtes Rex Macedonum Alexander eos fertur inclusisse, qui temporibus Antichristi educendi sunt, & ad Terram sanctam reducendi. Inter eosdem montes Caspios & mare, idem Alexander inclusit Gog & Magog, cuius innumerabilis est multitudo quasi arena maris, eò quòd carnibus humanis, & crudis immundorum animalium carnibus vescuntur, eorum abominationes detestatus. Alii autem *Iudei*, de quibus patres eorum clamauerunt: *Sanguis eius super nos & super filios nostros*, per vniuersum ferè mundum, & in omnem ventum dispersi, vbique sunt serui, vbique tributarii: *fortitudo eorum*, vt ait Isaias Propheta, *conuersa est in fauillam.* Imbelles enim & imbecilles facti sunt quasi mulieres. Vnde singulis lurationibus, vt dicitur, fluxum sanguinis patiuntur. Percussit enim eos Dēvs in posteriora & opprobrium sempiternū dedit illis. Postquam enim fratrem suum verum Abel occiderunt, facti sunt vagi & profugi super terram, sicut maledictus Cain, habentes caput tremulum, id est, cor pauidum; die ac nocte timentes, & vitæ suæ non credentes. A Saracenis autem, inter quos habitant, magis habentur odio & contemptui, quàm à Christianis. Cū enim Christianorum Principum detestabilis auaritia eos propter lucra temporalia sustineat, & Christiana mancipia ipsis habere permittat, & immoderato vsurarum fœnore ab ipsis Christianos spoliari concedat, ipsi apud Saracenos propriis manibus abiectissima & vilia operantes, mancipia & serui sunt paganorū, & extremis conditionibus inter eos cōmorari permittuntur: nec tamen ab ipsis Saracenis, sicut nec à Christianis trucidantur, truncum siluestrem igni deputatū hyemali, & vineam reprobā ad tempus Domino reseruante, eò quòd fructum pretiosum in fine mundi, quādo reliquæ Israël saluabuntur, debeat germinare & facere vuas, quæ modo in amaritudine conuersa non facit nisi labruscas. Quemadmodū de ipsis ait Propheta Dauid: *Dominus ostendit mihi super inimicos meos, ne occidas illos, nequando obliuiscantur populi mei.* 30  
 Ipsi enim mortis CHRISTI nobis memoriā renouant, & ex Scripturis eorum testimoniū sumimus de his quæ pro nobis operatus est Dominus, quemadmodū dicit Daniel: *Occidetur CHRISTVS, & non erit populus eius, qui eum est negaturus.* Et Dauid: *Filii alieni inueterati sunt, & claudicauerunt à semitis suis.* Nec est aliquis ex Prophetis qui contra ipsos testimoniū non perhibeat pro nobis. Ad eò tamen excæcatum est cor populi huius, palantis & impingentis in meridie, sicut in tenebris; & aures eius aggrauatæ, & clausi oculi eius, quòd non intelligit, neq; aduertit populus insipiens & duræ ceruicis, quàm grauiter in morte CHRISTI Dominum contra se exasperauerunt. Cum enim ante CHRISTI passionem idola colendo, & alia abominabilia operando Dominū multipliciter offendissent, aliquando tradidit eos Dominus in manus inimicorū suorū, vt seruirent eis, quandoq; decē annis, quandoq; viginti, quandoq; autem quadraginta, sicut in libro Iudicum reperitur. Aliquando etiā annis septuaginta in captiuitate Babylonica detenti sunt, & postea à Domino liberati. Postquam autem Dominum IESVM occiderunt, licet postea idola coluisse nō legantur, iam plusquàm annis mille in captiuitate detenti, misericordiam à Domino nondum sunt consequuti. Sed quemadmodum CHRISTVS ad DEVM orauit: *Tu autem Domine miserere mei, & resuscita me, & retribuam eis*: ita à DEO patre obtinuit; & sicut eis longè ante Moyse prædixerat ex persona Domini dicens: *Mecum est ultio & ego retribuam eis in tempore, ut labatur pes eorum.* Et iterum: *Occurrent vobis mala in extremo tempore, quando feceritis malum in conspectu Domini, ut irriteris eum per opera manuum vestrarum.* 40  
 Hanc autem ultimam eorum captiuitatem prædixit Daniel Propheta his verbis: *Ciuitatem & sanctuarium dissipabit populus cum duce vëturo, & finis eius vastitas, & post finem belli, statuta desolatio, & deficiet hostia & sacrificium, & in templo erit desolationis abominatio, & vsq; ad consummationē & finē perseverabit desolatio.* Hi verò qui ab initio recuperationis & liberationis Terræ Sæctæ statum eius plenius agnouerunt, & varias alternasq; illius mutationes, decreta & promotiones diligentius inspexerunt, in veritate affirmant, quòd nullum genus hominum, nullaq; alia pestis efficacior fuit

fuit ad nocendum, quàm flagitiosi, & pestiferi homines, scelerati & impii, sacrilegi, fures & raptores, homicidæ, parricidæ, periuri, adulteri, & proditores; cursarii, seu piratæ; rutarii, ebriosi, ioculatores, deciorum lusores, mimi, & histriones; apostatæ monachi; & moniales, meretrices publicæ; & quæ relictis maritis suis lenonibus adhæserant; vel qui fugientes vxores proprias, alias superducebant. Huiusmodi monstruosi homines in partibus Occidentis mare mediterraneum transeuntes, & ad Terram sanctam confugientes quia cælum nō animum permutabant, innumeris flagitiis & sceleribus ipsam commaculantes, tantò audaciùs consueta mala perpetrabant, quantò à notis & propinquis suis magis remoti, sine verecundia peccabant, non Dominum timentes nec hominem reuerentes. Facilitas autem euadendi, & impunitas delinquendi, impietatis eorum habenas relaxabant, eò quòd post facinora perpetrata vel ad Saracenos vicinos CHRISTVM abnegantes fugiebant; vel in galeis, & nauibus seipsum recipientes, ad insulas maritimas transmeabant; vel ad regularium domos quas passim & vbique reperiebant curren- *perniciosa privilegiorum libertate impios defendente*, impune euadebant. Quidam autem, viri sanguinum & filii mortis, in patria sua deprehensi in iniquitatibus & maleficiis suis, mutilationibus membrorum, vel suspendio adiudicati, prece vel pretio plerumque obtinebant, vt in Terram Promissionis sine spereuertendi perpetuo condemnati exilio, remanerēt. Hi autem non pœnitentiâ compuncti, sed violentiâ coacti Terræ sanctæ incolæ facti, peregrinis hospitia immoderato pretio locantes, modis quibus poterant decipientes incautos, & extraneos homines, & ab eis pecunias negotiationibus indebitis emungentes, miseram vitam de spoliis hospitem suorum sustentabant: siccariis & latronibus, alearum lusoribus, & meretricibus publicis, spe lucri maioris apud se receptacula præparantes: diuitibus autem & potentibus, vt eorum fautores essent, & eos in prædictis iniquitatibus sustinerent, annum censum reddebant, ad cumulū impietatis & damnationis vtrorumque. Hi enim qui prostibulorum & deciorum principatum & dominum pretio magno acquirebant, à meretricibus & lusoribus maiorem extorquebant pecuniam. Qui autem contra Dominicum præceptum pretium prostibuli accipiunt, omnium peccato- *Dent. 23.*

rum & abominationum quæ in ipsis fiunt, semetipsos participes constituunt; *conscientias enim & facientes par pœna constringit.* Nonnulli autem ex his quos animi vanitas, & inconstantia leuitas impellebant, non tam causâ deuotionis loca Sancta visitaturi peregrè procedebāt, quàm causâ curiositatis & nouitatis ad partes sibi incognitas, transmigra- bant: vt mira & inexpertis stupenda, quæ de partibus Orientis audierant, non sine magno labore probarent. Multa enim in partibus illis mirabiliter operatus est Dominus, quæ sicut iusti & benè affecti & prudentes homines ad laudem DEI conuertunt & gloriam; quemadmodum *beatus Brandanus* longo tempore per maria nauigauit, vt videret mirabilia DEI in profundo: ita leues & curiosi homines ad vanitatem retorquent, quæ Dominus in argumentum potentia suæ, & materiam laudis dignatus est operari. Ex quibus pauca de multis præsentis operi dignum duximus adnectenda, diligentibus & studiosis lectoribus forsitan profutura.

*Terra motus* periculosi, horribiles & terribiles valdè nō solū in regno Hierusalē, *LXXXIII.* sed in partibus adiacētibus frequenter fiūt; & maximè in partibus maritimis ex violentia ventorū, qui de spiramine & impulsione vndarū in locis cauernosis & speluncis terrarum concepti, dum liberam exhalationem aër inclusus & concitatus non habet, terram cum magno impetu & tremore concutunt: quæ si resistere non valeat, rumpitur, & fit hiatus immensus; & quandoque ob hanc causam ciuitates absorptæ sunt in abyssum. Quando verò terra non rumpitur, tam vehementi impetu a spiritu procellarum concitatur, & impellitur, quòd ciuitates cum muris & turribus & aliis ædificiis subito corruentes, homines improuisos suffocant & opprimunt. Vnde qui sapientes sunt in partibus illis, ignorantes quâ horâ prædicta tempestas superuentura sit, cum omni diligentia vigilantes, animas suas præparare non negligunt, *nec viuere presumunt in statu illo, in quo mori non auderent.* Et huiusmodi pestifera concussione Tyrensis ciuitas postquam in manus Latinorum deuenit, cum habitatoribus suis ferè penitus est deleta. Cum autem in partibus Occidentalibus *coruscationes & tonitrua* habeant fieri in æstate; in Terra Sancta fiunt in hyeme. In æstate enim nunquam vel rarò pluit in ea. In hyeme verò licet non adeo fre-

quenter imbribus irrigetur, tribus tamen aut quatuor continuis diebus ac noctibus, postquam fieri incipiunt pluuiarum vehementes inundationes, quasi particulari quodam diluuiio terram totam inebriant, & submergunt. *Niues* autem nisi circa montes altitudine nimia præminentes, cuiusmodi est Libanus, in terra rarissime reperiuntur. In toto autem æstiuo tempore, & maxime in diebus canicularibus feruentissimis, & in mense Augusti nix frigidissima à monte Libano per duas vel plures dietas defertur, vt vino commixta, tanquam glaciem ipsum frigidum reddat. Cõseruantur autẽ prædictæ niues sub palea, ne feruore solis seu calore aëris, dissoluantur. **LXXXIV.** *Fontes* autem limpidissimi dulcis aquæ, tam in mari quàm in terra inueniuntur: quorum vnus, vt dicitur, in partibus Samariæ alternis coloribus quater in 10 anno variatur: viridem scilicet & sanguineum, puluerulèrum seu turbidum & limpidum colorem mirâ & gratâ vicissitudine inspicientiũ oculis prætendendo. Fons autẽ *Siloë* non singulis & continuis, sed diebus interpolatis ter vel quater in hebdomada dulces aquas ex visceribus suis emittit. At verò iuxta montes Libani, inter duas ciuitates, Archas scilicet & Râphaneam, fluuius quidam cursu velox & aquis plurimum abundans, defluit, quẽ *Sabbaticum* appellât, eò quòd sex diebus in hebdomada nullas ex se penitus exhibēs aquas, die septimo profert copiosas, ex sicco, subito exuberans & inundans effectus. In Tyrensi autem & Acconensi territorio ex arenulis maris, ex sabulo videlicet & glarea marina, subtili artificio *vitrum* efficitur perissimum. *Mare* autem *Rubrum*, quod siccis pedibus filii Israël transierunt, in con- 20 finio est Ægypti & Arabiæ, cuius aquæ ex terra adiacente, quæ quasi sanguinei coloris est, rubræ esse videntur: quæ tamen eiisdẽ sunt coloris, cuius sunt alterius maris aquæ. Est autem quidam fluuius in *Perside*, qui semper de nocte congelatur, adeo quòd homines & animalia per glaciem valeant pertransire; de die autem semper in aquas resoluitur. Quidã autem fluuii in partibus Orientis *aureas arenas* habere dicuntur. *Fons* præterea limpidissimus & amœnus, qui in Paradiso terrestri in remotis Orientis partibus oritur, tantam ex se copiam producit aquarum, vt in quatuor flumina diuidantur, quæ tamen statim sub terra absconduntur, & per viscera terræ defluentia, quibusdã subterraneis meatibus in aliis remotis regionibus iterum oriuntur. Nam *Phison*, qui & *Ganges*, ex quodam monte Indiæ saliens, iterum incipit su- 30 per terram cursum suum ostendere, apertè defluendo. *Gyon*, qui & *Nilus*, non longè à monte Atlante de terra exiens, à terra protinus absorbetur, sub qua latenter fluendo Mare Rubrum pertransiens, in ipso littore Rubri Maris incipit iterum apparere, & Æthiopiam circuiens, in terram Ægypti se infundit. *Tygris* autem & *Euphrates* quasi ex eodem fonte in quodã monte maioris Armeniæ egredientes, statim à se inuicem separantur, & Mediterraneo Mari absorbentur. Cũ autem prædictus fons Paradisi vniuersæ terræ superficiem in quatuor fluminibus irrigare dicatur, ex variis tamen terræ qualitatibus quidam fontes frigidus habent aquas, alii calidas & fetidas ex terra sulphurea. In *Epiro* autem est fons mirabilis in quo faces accensæ extinguuntur, & extinctæ iterum accenduntur. In *Æthiopia* apud Garamantes fons 40 quidam est tam frigidus de die vt non bibatur, tam calidus de nocte vt non tangatur. Est fons quidam in partibus Orientis, ex cuius aquis *ignis Græcus* efficitur quibusdã aliis admixtis, qui postquam vehementer fuerit accensus, vix aut nunquã potest extingui nisi aceto & hominũ vrinâ, & sabulo. Prædicti autem fontis aquas magno pretio comparant Saraceni. Sunt aquæ quædam quæ vulneribus medentur; aliæ quæ sanant ægrotudines oculorum, aliæ quæ bibentes canoros reddunt. Sunt quidam fontes qui memoriam conferunt; alii qui obliuionem faciunt. Sunt alii qui luxuriã auferunt, alii qui libidinem accendunt. Sunt alii qui steriles fecundant; alii verò fecundas steriles reddunt. Sunt flumina ex quibus bibentes oues nigrescunt; ex aliis autem velut nix albæ fiunt. Sunt stagna in quibus nulla res natare 50 potest, sed omnia merguntur; sunt alia in quibus omnia fluitant, nec mergi possunt. Sunt lacus in quibus ter in die aquæ amaræ sunt, & ter in die dulces fiunt. Sunt quidam fontes calidi, qui oculis medentur, fures autem arguunt. Nam qui sacramento furtum negat, si periturus efficitur, aquis prædictis excæcatur; si autem non fuerit reus, claris videt quàm prius. Hoc autem magis miraculo ascribendum est, quàm naturæ. Est præterea fons quidam quietus & tràquillus, si autem iuxta ipsum insonent tibiæ, quasi exultabundus ad sonitum eleuatur, & tanquam miretur vocis dulcedinem

dulcedinem extra ripas intumescit. Præter communes siquidem arbores quæ LXXXV. in Italia & Alemannia & Francia, & in aliis Europæ partibus habentur, sunt ibi speciales arbores tam fructiferæ, quàm steriles. Sunt ibi palmæ corticibus asperæ, graciles in imo, dilatantur in summo, fructus quos *dactylos* appellant ex se procreantes; in summitate autem tantam habent teneritudinem & saporis suauitatem, quod quasi nuces albæ & recentes, prædictarum arborum partes superiores manducantur. Sunt in eadem terra arbores mirabiles, quas propter earum præcellentiam nominant *arbores Paradisi*, poma oblonga suauissima, & quasi vnctuosæ, dulcissimum saporem habentia ferentes: in vno autem globo plusquam centum sese contingentia & compressa inuoluuntur. Folia autem arboris memoratæ vnus cubiti habent longitudinē, dimidii cubiti dimensione dilatantur. Sunt ibi aliæ arbores poma pulcherrima & citrina ex se producentes, in quibus quasi morsus hominis cum dentibus manifestè apparet; & idcirco *poma Adam* ab omnibus appellantur. Sunt præterea aliæ arbores fructus acidos, pontici videlicet saporis, ex se procreantes, quos appellant *limones*. Quorum succo in æstate cum carnibus & piscibus libentissimè vtuntur, eò quod sit frigidus & exsiccans palatum, & prouocans appetitum. Sunt ibi præter ficus communes, quædam singulares ficuum species, fructus in ipsis truncis absque ramis & foliis facientes; non inter folia vel ramos superiores, sicut fit in aliis arboribus, sed ipsi trunco adhærentes: has autem, *ficus Pharaonis* appellant. Sunt insuper cedri Libani pulchræ & sublimes valdè, sed steriles. Quædam autem quæ dicuntur cedri maritimæ paruæ sunt, sed admodum fructuosæ, facientes ex se fructus pulcherrimos secundum humani corporis quantitatem, quos *citrones*, seu poma citrina appellant, triplicem in se substantiâ & saporem habentia. In prima parte calida, in media temperata, in vltima verò quæ later intrinsecus, frigida existunt. Hunc autem dicunt esse fructum, de quo Dominus dicit in Leuitico: *Sumetis vobis die primo fructus arboris pulcherrimæ.* In paruis autem arboribus quædam crescunt alia poma citrina, minoris quantitatis frigida, & aciti seu pontici saporis, quæ poma *Orenge*s ab indigenis nuncupantur. *Cucumeres* autem, *melones*, & *cucurbitæ*, licet capitibus asinorum sint maiores, herbis potius quàm fructibus assignantur. Sunt ibi præterea arbuta quædam quæ seminantur, ex quibus colligunt bombacem, quæ Francigenæ *cotonem* seu *coton* appellant; & est quasi mediū inter lanam & linum, ex quo subtilia vestimenta contexuntur. *Sericum* autem non colligunt ex aliquo semine terræ, neque ex arbutis, vel arboribus; sed ex quorundam vermium stercorebus siue ex sputo procreantur. Quædam autem species spinarum, quas *spareas* nominant, priusquam decrescant in rhamnum, optimæ sunt ad edendum. De quibus dicit Dauid Propheta: *Priusquàm intelligerent spinæ vestre rhamnum.* Quæadmodum prædictæ spinæ molles sunt in principio, & delectabiles ad manducandum; postea verò duræ fiunt & quibusdam aculeis pungunt; ita peccatorum suauitas in aculeum remordentis conscientiæ, & pænæ æternæ conuertitur. Sunt insuper in Terra *canamella*, de quibus zucchara ex compressione eliquatur. Olim in vniuerso mundi vinea *balsami* non nisi in Terra sancta, in loco qui dicitur Hierico inueniebatur: procedente autem tempore ab Ægyptiis translata est in capum ciuitatis Ægyptiæ, quæ *Babylonia* nuncupatur, & à Christianis sub dominio Saracenorum detentis excolitur. Dicunt autem Ægyptii & experimēto probauerunt, quod si à Saracenis excolatur, illo anno sterilis permanet, quasi fructum facere dedignetur. Sunt autem in prædicto capō sex fontes, in quorum vno dicunt quod beata Virgo CHRISTVM paruulum balneauit. Vnde certum est & probatum quod liquor balsami, quæ *opobalsamum* Physici appellant, translata prædicta vinea seu frutice in alium locum nunquam potest procreari. Sunt insuper in partibus Orientis & maximè in India pretiosæ quædam & speciosæ & aromaticæ arbores, quarum fructus sunt *gariophylli*, *nuces muschatæ*, *castia fistula*, *cardamomum*, *piper* album, nigrum quod est rotundum, & *piper* oblongum. Dicunt tamen quidam quod omne *piper* nascitur album; sed quoniā inter arbores piperis multitudo serpentium inhabitat, oportet quod comburantur serpentes, & ita ex combustionem *piper* nigrescit. Quando etiā sine adustione colligitur, mittunt illud in clibanum, ne in aliis partibus possit seminari, & fructificare, & vt diutius valeat conferuari. Sunt & aliæ arbores quarum radices sunt *Zingiber*, *Galanga*, & *Zedoaria*, quæ vulgariter *Citronart* appellatur. Dicunt tamen quidam quod sunt radices Orientalium herbarum. *Mandr. gora* autem radix est cuiusdam herbæ, quæ formam habere videtur



humanam. Est autem quædā mandragora masculina, quædam fœminina. Aliæ autem sunt arbores, quarum rami sunt *liquiritia*, *castia lignea*, *lignum aloës*. nemo tamen huius arboris potuit deprehendere originem: rami autem eius in flumine Babylo-nico reperiuntur: impulsione enim ventorū, aut temporis vetustate de montibus cadentes in fluuium, cū retibus capiuntur. Dicunt autem quidam quòd de Paradi-so terrestri per fluuium, huiusmodi lignum aloës deferatur. Aliarum autem Orien-talium arborum cortex est *cinnamomum*. *Macis* autem flos est nucis muscatæ, vel, vt dicunt alii, cortex illius. *Cyminum* autem, semen est non arboris sed herbæ.

*Gummi* autem ex arboribus seu arbuſtis defluentia, sunt *opobalsamum*, *myrrha*, *tragacanthum*, *masſix*, *thus*, *terebinthina*. *Ambra* verò non pertinet ad arbores vel her- 10  
bas, sed est sperma ceti, & est aromaticum valdè & confortatiuum. Similiter *muscus* suauissimi odoris, licet inter species aromaticas nominetur, est tamē vt dicunt ster-cus, seu struma inguinis cuiusdam Orientalis animalis, quod *Mugiliet* dicitur: vn-dè in latrinis & inter stercorea, odorem amissum recuperat. Aliam quandam her-bam, quam *dictamum* appellant, feræ sagittis vulneratæ diligenter quærunt, & in-uentam manducant, quæ tantæ virtutis est, vt sagittas de corporibus earum eiiciat. *Quercus Mambre* sub qua habitauit Abraham, vsque ad tempora Constantini Impe-ratoris permansit. In partibus enim illis arbores tempore longissimo perdurāt. Vn-de *cedrum* & *ebenum* imputribiles æſtimant. *Iuniperus* autem adeò conſcruat ignem, quòd prunæ cineribus eius opertæ vsque ad annum non extinguuntur. In India 20  
autem quædam sunt Insulæ in quibus arbores omni tempore vireſcunt: Habent autem in vno anno duas hyemes & duas æſtates. In eiſdem etiam partibus *Montes aurei* sunt, quos dracones & gryphes custodiunt. In *Sardinia* autem est herba quæ-dam ſimilis apiaſtro, quæ comedentibus riçtus contrahit, & quasi ridentes interit. Sunt præterea in partibus Indiæ *canna* fluuiales quasi pinus, habentes altitudi-nem ſexaginta pedum, ex quibus naues & domus conſtruuntur. Quædam etiam arbores sunt apud *Seres*, folia tanquam lanā ex ſe procreantes, ex quibus veſtes ſub-tilis contextuntur. Aliæ autem fructus odoriferos ferentes, cum ſole oriuntur, & cum ſole occidentes, ſub terra abſconduntur. Aliæ etiam centum pedibus in altum extolluntur, ſimiles lauris, & oliuis, quasi opobalsamum & thus ex ſe procreantes. 30  
Aliæ etiam ferentes nûces hominum capitibus maiores, in quibus ſerpentes multi ſunt, & ſimiarum maxima multitudo. *Vites* etiam in partibus illis tantæ magnitu-dinis botros ſeu racemos producant, quòd plures homines in veçte vnum poſſent ſuſtinere. De arboribus autem quas in extremis Indiæ partibus magnus *Alexan-der* inuenit, quæ ipſum in Babylonia veneno moriturum prædixerunt, licet diuino  
Num. 22. imperio aſina Balaam loquuta fuerit, credimus tamen quòd in ipſis dæmones ſint loquuti: mirabile tamen videtur quòd cogitationibus Alexandri reſpondebant, & futura tanto tempore priuſquam contigiffent, præſcire potuerunt. Illas autem præ-cioſiſſimas medicinales, & aromaticas arbores, quas Dominus in extremis & ex-celſis & temperatiſſimis Orientis partibus ab initio plantauit in horto voluptatis, 40  
præſenti opuſculo tanquam ignotas inferere non valemus. Magnum enim chaos poſitum eſt inter exilium noſtrum, & prædictum voluptatis paradifum. Magnus e-nim tractus terrarum interiaccens, innumerique ſerpentes locum nobis inacceſſi-bilem reddiderunt: præſertim cū vsque ad cœlum muro igneo clauſus eſſe dica-tur; & Angelus Domini non ſolū hominibus, ſed etiam malignis ſpiritibus inhi-beat. De præſatis autem arboribus paradifi, duas ex ſcripturis diuinis aliquatenus  
Genef. 2. cognofcimus, quarum vna dicitur *arbor ſcientiæ boni & mali*, de cuius fructu vetitò in detrimentum poſteritatis ſuæ, primi parentes comederunt: Altera lignum vitæ nuncupatur, de cuius fructu qui manducaret in eodem ſtatu ſemper immortalis  
LXXXVI. permaneret. In Terra promiſſionis, & in aliis partibus Orientis quædam ſunt 50  
animalia, quæ in aliis partibus mundi non habentur. Sunt ibi *Leones* in pectore & pedibus anterioribus, & in cauda virtutem magnam habentes, quorum fœtus vs-que ad tertium diem, in quo ad rugitum parentum quasi de morte excitantur, ali-quo ſenſu non vtuntur. Dormit autem leo apertis oculis; & caudā ſuā delet veſti-gia pedum ſuorum, ne à venatoribus percipiantur: Hominibus, niſi prouocatus ad iram, non nocet, parcit ſupplicibus, inuadentes ipſum inuadit, magiſtrum ſuum metuit quando catulus ante ipſum verberatur. Est ibi ſæuiſſimum quoddam ani-mal, quod

mal, quod *Lanxani* nuncupatur; à cuius crudelitate nulla bestia potest esse tuta: nam ut dicunt, ipsum Leonem terret. Sunt & *Leopards*, sic dicti quasi Leonibus similes in capite & in dispositionibus membrorum, licet nō sint tam magni, nec tam robusti: adeo etiam mansueti sunt ab hominibus, quod eis sicut canibus vruntur ad venandū: non enim currendo, prædam capiunt, sed saltus faciendo; & si in tertio saltu prædā non capiunt, eam prorsus dimittunt sibi indignādo. Sunt ibi *Papiones* quos canes siluestres appellant, Lupis acriores, continuis clamoribus de nocte ululantes. *Leena* primo partu quinq; foetus emittit; deinde per singulos partus numerū minuens postquam ad vnum peruenit sterilis efficitur. Sunt etiam *Vncie*, sæuissima animalia qui non sunt canibus altiora, longiora tamen habentia corpora: canibus valde inimica. Prædam non comedunt, nisi in altum eam portent; quando inveniunt arborem, ad supremum ramum deferunt, & pēdendo eam comedunt. Ex nigris & albis maculis respersum corpus habent. Quando sunt in calore coitus & aliquem vulnerauerint, mures ad ipsum vulneratum cōueniunt, & mingunt super eum si possunt, & statim moritur. Vnde audiui ab illo qui vidit, quod quidam vulneratus fecit in archa portari se ad mare; & mures veniebant ad mare ut venirent ad eum, sed non potuerunt peruenire. Fel venenum mortiferum est. Sunt ibi pulcherrima animalia quæ *Pantheræ* nominantur, ex albo & nigro minutis orbiculis superpictæ; quarum odore cætera animalia mirabiliter affecta eas sequuntur. Postquam enim diuersis variationibus pasta & satiata fuerint, tribus diebus & noctibus continuè dormiunt in speluncis suis: euigilantes autem & rugitum proferentes tātæ suauitatis odorem de gutture suo emittunt, qui cuncta pretiosa aromata vincit, quod omnes bestias, exceptis serpentibus, qui bono odore necantur, dulcedine spiraminis ad se trahunt. Hæ autem non nisi semel pariunt: nam foetus earum postquam partui propinqui sunt, non expectantes debiti temporis horam, matricem vnguibus lacerantes ipsam semini retinendo prorsus reddunt inutilem. Sunt ibi præterea *Elephantes* robusti membris, & corpore magni velut montes; sunt bellicosi & audaces, & maximè quando eis sanguis ostenditur ad prælium ampliùs animantur; cum quibus Persæ & Indi pugnare solent, turres ligneas cum hominibus armatis super eorum dorsa ponentes. Habent autem rostra maxima prominentia quasi ampla intestina, quæ appellant *proboscides*, cum quibus homines capiunt, deuorant & transglutiunt. Magnus autem Alexander pugnaturus aduersus Indos æreas statuas prunis ardentibus adimpleri præcepit: putantes autem elephantes statuas illas esse homines, protendētes labra comburebātur: & statim tam homines quàm hominum ærea simulacra fugere cœperunt, neminem audentes contingere. Aliā vice grunnitu & stridore porcorum cum sonitu buccinarum multos superauit elephantes, eò quod talibus stridoribus assueti non erant. Incedunt autem gregatim sese inuicem diligentes, & concorditer ambulantes: motibus quibus possunt sibi applaudunt, alter alterum quasi salutando, & se inuicē eo adiuuantes. Frigidæ naturæ sunt; vnde & *ebur*, quod de ossibus eorum fit, frigidum est, & candidum. Nā si ebur panno supponatur igne superposito, pannus non comburitur, sed naturali eboris frigiditate, ut dicunt, extinguitur ignis. Tantum semel gignunt, foetus suos in utero gestant annis duobus: viuunt autem annis trecentis: mures timent & fugiunt: dracones autem maximè formidant, nam ab ipsis implicati & innodati prosternuntur & necantur: vnde in insulis postquam pepererint, foetus suos reponunt propter dracones. Pariunt autem in aquis, nam si foetus in terra caderet surgere non valeret: habent enim ossa solida sine iuncturis: vnde crura & tibias flectere nequeunt. Quando autem quiescere volunt, arboribus inclinantur & incumbunt. Venatores autem arbores secant, & quibusdam obicibus, ne penitus corruant, fulciantes, in insidiis latent, donec reuertens elephas cum arbore cui innititur cadat, & resurgere non valeat. Ad barritum autem & gemitum illius plerunque concurrunt alii elephantes: cumque se incuruare & socium suum erigere nequeunt, gemunt pariter & barriunt; & quasi compatiētes, cum lugente lugent. Paruuli autem elephantes prout valent sese supponentes, ipsum aliquando subleuantes erigunt, & ita de manu venatorum liberatur. Per fumum autem, qui fit ex inguine & pilis elephantis, quælibet animalia venenata fugantur. Sunt ibi *unicornes*, quos Græci *Rhinoceros* appellant, habentes in media fronte cornu robustissimum, longitudine

quatuor pedum. Hoc cornu quodcunque animal ventilant: perforant etiam ipsum elephantem & in ventre percutiendo deiiciunt & occidunt. Quando autem à venatoribus capiuntur, ex sola indignatione animal superbum moritur. Nulla tamen venantium fortitudine capi possunt; sed virgo pulchra & ornata ante eorum oculos proponitur, quæ aperit eis sinum suum, & statim omni deposita feritate in puellæ gremio suscipiuntur, & ibidem quiescentes soporati capiuntur. *Monoceros* autem alia est bestia, quasi monstrum quoddam atrocissimum mugitu horrido, caput habens quasi cerui, corpus velut equi, caudam ad modum porci, pedes autem elephantinos: vno cornu acutissimo in medio frontis armatur: captum potest perimi, sed nequaquam domari. Sunt ibi *lynxes* quæ ita perspicaces habent oculos, quod 10 solida corpora subtilitate visus penetrare dicuntur. Qui autem huius animalis naturam plenius cognouerunt, eius urinam in lapidis pretiosi naturam, qui *Lyncurium* appellatur, conuerti dicunt. Vnde inuidia quadam naturali, liquorem emissum arenis, in quantum possunt, abscondunt, ne in usus humanos, talis urinae egestio conuertatur. Sunt ibi *tygres*, quibus Hyrcanorum regio maximè abundat, fuluis colorum maculis in superficie nitentes; veloces supra modum, vt volare videantur, quando cursu agitantur. Sunt autem ferocissimæ & incomparabili rabie sæuientes, præcipuè quando raptis catulis insequuntur venatores, qui vix euadere possent, nisi clipeos vitreos in ipso itinere proiicerent, in quibus quasi in speculis tigres figuram suam intuentes, & foetus suos repperisse putantes sistunt, amplexantes & deo- 20 sculantes ipsum vitrum & tandem pedibus confringentes, nihil reperiunt, & interim venatores fugiendo euadunt. *Castor* autem animal est talis naturæ, vt dicitur, quod cum ipsum venatores sequuntur, seipsum dentibus suis castrando, genitalia proiicit: sunt enim medicaminibus apta; & propter hæc se à venatoribus æstimat infestari, & eis proiectis liberari. Et quoniam non potest diu subsistere, nisi caudam in aquis teneat, ædificat domum suam super aquas, faciens in ea mansiones diuersas, vt cum aquis crescentibus in superioribus ascendat, & cum decrescentibus ad inferiorem mansionem descendat. Sunt ibi præterea *ursi* maximi, quorum virtus maxima in brachiis est & in lumbis: caput autem habent inualidum & debile. Et quia vrsa ante foetus perfectionem immaturam prolem parere festinat, carnem 30 quam ex se producit lambit, & foetum formando, producit in membra. Sunt *equæ* in Cappadocia quæ à vento concipiunt, sed foetus earum non nisi triennio viuere possunt. Sunt autem *equi* qui nullum sessorem præter proprios dominos admittere volunt; quibus mortuis dolent supra modum, & lachrymantur & māducare renuentes fame & inedia moriuntur. *Camelus* animal est horriferum, deforme valde, adeo quod equis, & quibusdam animalibus timorem incutiat: habet autem strumam in dorso, collum longum, & crura prolixa, horribiliter stridet, hordeum citò transglutians reseruat vt rursus ruminando tota nocte māducet. Est autem animal pigrum, & lento gradu incedens. Quidam tamen sunt cameli, quos *cursarios* appellant, seu *dromedarios*, qui plures dietas in vno die perficiunt, & velociter currunt. Est ibi præ- 40 terea quiddam animal monstruosum, *Manticora*, habens hominis faciem, corpus leonis, caudam scorpionis; triplicem in dentibus ordinem habens; colore rubea, oculis glauca; habens sibilum quasi serpentis, ita sonorum, quod modulos imitatur fistularum; carnes humanas ad edendum audissimè affectans: ita velox cursu, sicut auis volatu. Est ibi alia bestia *Cencrocota*, quæ velocitate præcedit bestias vniuersas, habens corpus asini, clunes cerui, pectus & crura leonis, vastum oris hiatus, vsque ad aures: loco autem dentium, os habet solidum; vocem autem hominis imitatur. Est ibi alia bestia quæ dicitur *Eale*, cuius corpus equi, maxilla apri, cauda elephantis, nigro colore horrens, in aqua & in terra æqualiter potēs; habens cornua maxima, quorum vno pugnans, aliud post terga reflectit, quo obtuso, reli- 50 quum ad pugnam dirigit. *Hyæna* bestia est sæuissima & dolosa valde, carnibus humanis vescitur, ex sepulchris mortuorum effodiendo extrahit cadauera; pabula pastorum insequitur, vt auditu assiduo voces humanas imitari possit, quibus vocibus homines nocte accitos deuorat & perimit. Vomitus quoque humanos & singultus simulans, canes concurrentes dilaniat, qui postquam eius umbrā attigerint, latratum prorsus amittunt. Dicitur autem quod quodcunque animal lustrauerit, mouere se non possit. In oculis eius lapis pretiosus reperitur, qui *Hyæna* vocatur. *Ono-*  
centaurus

*Centaurus* autem animal est, ut dicitur monstruosum, naturâ biforme, habens caput velut asini, corpus autem quasi hominis. *Parandri* verò species multiformis dicitur esse: est enim boum magnitudine, ramosis cornibus, ceruino capite, vrsino colore, & pilis villosis & condensis. Hunc affirmant habitum & colorem metu variare, ita quod cum in aliquo delitescit loco siue saxo albo, siue fructibus virentibus, ad eorum similitudinem permutatur. *Crocodilus* animal est quadrupes, quod in terra nascitur; in fluminibus tamen sicut in terra inhabitat, nec minorem habet potentiam in aqua, quam in terris. Per diem autem humi frequentius acquiescit, nocte verò in aquis; habet autem oua velut anserum, quæ in terra profert. In fluuio autem Nili  
10 plusquam alibi inueniuntur crocodili. Reponunt autem oua sua ubi fluuius exuberans non possit attingere: In flumine autem Cæsareæ Palæstinæ similiter habitant. Deuorant autem tam homines quam animalia: plerunque ad viginti cubitos longitudinis excrescunt; linguis carent, maxillas superiores mouent, morsus habent horribiles & tenaces, vnguium immanitate armati sunt, maximâ pellis firmitate quasi clipeo muniuntur. Horum carnem Saraceni manducant. *Hippopotamus* similiter in terra nascitur; in aquis sicut in terra similiter potens est, & inhabitat: est autem plerunque maior elephantibus, habēs rostrum resupinum, vngulas bifidas, caudam tortuosam, dentes prurigineos, dorso & hinnitu similis equo. Noctibus autem segetes depascit, ad quas pergit quasi retrogradiens, ut fallente vestigio reuertenti nullæ insidiæ præparètur. In partibus autem Indiæ præcipuè reperiuntur. Est  
20 autem in Babylonia quædam alia bestia, quam *Chimæram* appellant, alta in anteriori parte, submissa autem in posteriori. Hanc autem in magnis solemnitatibus pallio operientes pretioso, domino suo ut ipsi honorificè & magnificè seruiât, præsentant Saraceni. Sunt præterea quidam *fului tauri* in partibus Orientis, condensis & asperis setis, horridi, grandi capite, oris rictu ab aure vsque ad aurem patente: omnia spicula duro & impenetrabili tergo repellunt, cornua autem ad pugnam vicissim deponunt, vel producunt. Ibi etiam *boves* sunt tricornes, pedes equinos habentes. *Myrmicoleon* autem, seu *formicoleon*, quod idem est, modicum est animal, aliis animalibus est velut formica; formicæ autem est quasi leo. Absconditur enim in pul-  
30 uere, insidiando formicæ frumentum portanti, quam ex improviso perimit, & frumentum consumit. *Leontophonos* Græcè dicitur quoddam animal paruum, quod capiunt venatores & exurunt, cuius cineres super carnes conspergunt, ex quibus carnibus leones comedentes ilicò moriuntur: unde leones huiusmodi bestiam naturali quodam odio persequuntur, quam captam vnguibus statim dilaniant; ex ea verò gustare non audent. Sunt ibi *porci* magnæ & miræ magnitudinis, habentes dentes cubiti vnus. Quædam etiam aliæ bestiæ nigræ & horribiles, capitibus similes equis, elephantibus fortiores, tria cornua in frontibus habentes. *Mures* etiam vulpibus maiores, morsu animantia perimentes, homines autem licet mordeant, parum tamen eos morsibus molestant. Aliæ etiam *bestiæ* ariete maiores, facie hircinâ, collo velut aselli crinito, vngulis bifidis & caudâ vitulinâ. Sunt insuper aliæ quæ-  
40 dâ bestiæ similes Hippopotamis, pectore velut crocodilus, setas quasi porci in dorsis habentes, dentibus ad bellum fortissimis, tardæ in incessu sicut testudo, quæ non lanceis, vel sagittis penetrari possunt; sed malleis ferreis ab his qui cōtra iptas præliantur, conteruntur. Sunt aliæ bestiæ pedes bifidos velut porcus habentes, cū vngulistrum pedū magnitudine, caput porcinū, caudam verò habentes leoninâ. Quædam autem feræ in eisdem partibus ossa quasi ferrata, acuta valdè velut gladius habent in capite, cum quibus milites armatos cum clipeis transfodientes interficiunt. Sunt præterea *Cynocephali*, ceruicem equinam cum immensis corporibus habentes, flammis, quas ex ore aspirant, homines perimentes. In prædictis autem  
50 partibus Orientis maxima, & varia procreatur serpentium multitudo. Sunt autem *serpentes* naturâ frigidi, unde parum vel nihil nocent, nisi postquam incoluerint: Noctē autem minus lædunt, quam diē, eò quod nocturno rore frigescunt: Hiemali autem frigore in nodos torquentur, æstate autem resoluuntur. Qui autem veneno inficitur, primitus obrigescit; postquam verò calefactum fuerit venenum, hominem ariditate interficit. Dicunt autem quod nocere non possit, nisi hominis sanguinem contigerit. Hominem autem nudum fugit ut dicitur, nec ipsum audet molestare: caput autem abscondens totum corpus obicit ferienti; nam si caput

eius euaserit, nihilominus uiuit amisso corpore. Ingressurus autē aquas venena deponit; postquam autem ab aquis exierit, eadem resumat: quod si fortē casu quolibet amissa non inuenit, terrā frequenter caput allidens, moritur præ dolore. Viuit autem serpens longo tempore: nam postquam senuerit, ieiunando carnes proprias consumit, donec cute præ macie laxatā per foramen petræ transsit, ubi pellem veterem deponendo iuuentutem recuperans, renouatur. Odorem autem bonum fugit, quo plerunque necatus moritur. De medullis autem hominum quandoque serpens procreatur. Inter omnes serpentes & supra omnia terræ animantia maximus est *Draco*, qui abstractus à spelunca sua, quandoque super aërem fertur, ipsum concitando, & vehementer impellendo. Est autem cristatus, ore paruo & strictis arteriarum fistulis, quibus spiritum attrahit, & linguam exerit, dentibus autem non nocet: caudā autem si quem ligauerit, occidit: à quo nec elephas tutus est corporis sui magnitudine. Auram autem spirando inficiens flatu pestifero mortem ingerit: pedibus autem carens pectore & ventre serpit. De cerebro autem eius lapis pretiosus *dracontias* exciditur. Sicut Leo rex est animalium, ita *basiliscus* rex dicitur esse serpentium. Vnde idem est basiliscus Græcè, quod *regulus* Latinè. Timent eum & fugiunt omnes serpentes, eò quod solo afflatu necat illos; homines autem visu venenato interficit: ab eius etiam aspectu nulla auis illæsa pertransit. Est autem longitudine semipedalis, albis maculis lineatus: terram per quam transsit polluit & exurit, extinguit herbas, arbores inficit, & corrumpit. Quidquid morfu eius occiditur, nec fera, nec alite depascitur. *Ædes* autem in quibus aliqua corporis eius particula reseruatur, nec serpētes ingrediuntur, nec aues cœdāt, nec intexunt aranea. A mustellis tamen basiliscus vincitur, quas homines cauernis eius inferunt, quibus visis fugit serpens, illæ persequuntur & occidunt. In partibus autem Hierico circa solitudines Iordanis, quidam serpens inuenitur qui *Tyr* nominatur, ex cuius carnibus cum quibusdam, quæ illis admiscuntur, fit confectio quædam quasi electuarium, quæ dicitur *tyriaca*, omne venenum in corpore humano superans & extinguens. Cum autem contra omne aliud venenum valeat, contra prædicti tyri venenum nihil prodest. *Salamandra* Græcè dicitur, *stellio* Latinè: nominatur etiam, ut dicunt, *chamaleon*. Est autem quadrupes habens faciem quasi lacertæ, caudam prolixam & tortuosam, ungues subtili aduncitate hamatos, corpus asperum, cutem qualis est in crocodilis. Profert autem ex cute quasi quandam lanam, de qua zonæ contextæ comburi non possunt igni. Prædictum enim animal viuit in igne, & non solum non vritur, sed plerunque incendium extinguit. Est autem pigrum in cessu, victorem suum interfectum perimit: nam si vel ales modicum ex eo comederit illicò moritur. Inter omnia venenata animalia maximam habet nocendi virtutem: cætera enim singulos perimunt, hæc plurimos pariter interimit: Nam si arbori irreperit, poma omnia adeo inficit veneno, quod quicumque ex eo comederint moriuntur: si autem in puteum ceciderit, vis veneni eius omnes potantes interimit. *Vipera* serpens est sic dicta, eò quod vi pariat, cuius natura ea esse traditur, ut pater in cōceptione moriatur, mater verò in partu necetur. Voluptate enim libidinis quasi in insaniam versa, caput maris ore receptum, præscindit: cuius cum ad partum venter intumuerit, catuli non expectantes maturam naturæ solutionem, corrosis eius lateribus, cum matris interitu vi erumpunt. *Aspis* quorundam verborum virtute incantatur, ne veneno noceat. Ipsa verò quando percipit incantantes, vnam aurem terræ affigit, alteram caudā obturat, ut non audiat vocem venefici incantantis sapienter. *Saura* serpens est, qui quando senescit, oculi eius cæcantur; ipse verò ingreditur foramen parietis respicientis ad ortum Solis, ut oriente Solis radio contra Solem intendat, & sic lumen recuperat. *Hypnaxis* verò, genus est aspidis, somno quos mordet interimēs: veneno enim somnū immittit, & quos mordet, dormiendo perimit. *Scytalis*, tantā præfulget tergi varietate, ut notarum genera videntes retardet: est autem tanti feruoris, ut hyeme pellem deponat. Huius morfu si quis tangitur, velut ardore igneo consumitur. *Amphisbæna*, serpens est duo habens capita, vnum in loco suo, altsrum in cauda: utroque autem capite currit. *Seps* exiguus serpens est, qui simul carnem & ossa veneno consumit. Serpentes dicti *Taranta*, modicæ sunt quantitatis: illi autem, quos pungunt, vehementer angustiantur, & nisi theiaca eis iubueniatur, quandoque anxietate moriuntur. *Cerastes* serpens est habens in capite

in capite cornua: abscondit totū corpus in puluere, cornua: sola volucris ostendens; postquam autem super eam aues insederint, eas interimit. *Hæmorrhøis* serpens est morfu sanguinem eliciens; & dissolutis venarum meatibus, totum cruorem extrahens, mortem ingerit. Contra tria genera serpentum, qui filios Israël in deserto perimebant, erectus est serpens æneus in palo. Hi fuisse dicuntur *dipsades*, *situla*, & *Scorpiones*. *Dipsas* adeò subtilis est, quòd quasi inuisibiliter percutiens, cū calcatur, non videtur: inducens autem tumorem & inflationem homines perimit. *Situla* quos inficit, sibi perimit. *Scorpio* blandum, & quasi virginum dicitur habere vultum; sed aculeum habet in cauda venenosa. Sunt in India serpentes tam vasti, ut ceruos deuorare dicantur, & ipsum Oceanum transnatare. Sunt alii serpentes piper album comedentes, lapides pretiosos in capitibus habentes: singulis autem annis inter se præliantes, sese mutuò ex magna parte interficiunt. Habent autem quidam serpentes cornua velut arietes, quibus homines ventilando percutiunt. Sunt præterea in partibus Orientis aues mirabiles, quæ nusquam alibi reperiuntur. Est ibi *Phoenix* avis singularis & pulcherrima, magna corpore, plumis autem, vnguibus, & oculis decora. Dicitur autem quòd in capite cristam habet velut pauo: collum eius aureo colore refulget: roseas habet pennas, in posterioribus purpureas: caudam habet cerulei coloris. Viuit autem multis annis: dum autem se viderit senuisse, petit locum præminentem valde & amœnum, in cuius medio fons est magnus, vbertate profluus, & serenitate præclarus, in cuius margine arbor est nobilis & sublimis valde: in huius vertice de variis aromaticis speciebus nidum seu sepulchrum sibi construit: ex calore autem Solis, plausu alarum seipsam accendens, de cineribus suis innouata resurgit. *Psittacus* avis est Indiæ, colore viridi, torque aureo; grandi linguâ, vnde articulata profert verba, ita ut si eam non videas hominem loqui putes: homines autem salutat, dicens: *Aue*, vel *χαίρει*. Primo & secundo anno, citius discit, & tenacius verba retinet; paulò senior, indocilis est & citò obliuiscitur. Nobiliores quinos habent in pedibus digitos, cæteri autem tantum ternos. *Ibis* avis est Niliaca, semetipsum purgat rostro, aquam in posteriora fundens: ore autem parit pullos, serpentum populatur oua, gratissimam nidis suis ex his escam deportans. *Pellicanus* dicitur quasi pellem canam habens. Hæc avis fertur occidere pullos suos; eosque per triduum lugēs, seipsam rostro proprio vulnerat, & sic pullos occisos proprii sanguinis aspersione viuificat. *Diomedæa*, Latine dicuntur aues quas Græci *Herodios* appellant: Si Græcus ad eas accesserit, ipsis ut dicunt bladiuntur; alias autem nationes, moribus impugnant. Sunt autem magnitudine cygnorum, colore niueo, duris & ingentibus rostris; quando autem lachrymosis vocibus dolent, vel sui mutationem; vel Regis interitū prænunciando significant. *Gryphes* aues sunt ferocissimæ ultra omnem rabiem sæuientes: sunt autem corpore magnæ, & adeò fortes, quòd armatos homines præliando superant & occidunt. *Onocrotalus*, avis est, quæ multas simul in ventre recondit escas, postea vero extrahit & manducat. *Sirenes*, licet in parte superiori virginibus assimulantur, partes tamen inferiores avis speciem prætendunt: vnde inter aues marinas eas deputant, licet sint monstruosæ. In partibus autem Indiæ sunt *vespertilioes* columbis maiores, habentes quasi hominum dentes: homines autem in faciem percutiunt, nares & aures & alia membra eis amputantes. In eisdem autem partibus sunt aliæ volucres magnæ velut vultures, rubei coloris, pedibus & rostris nigris. Homines autem non nocent, sed tantummodò pisces quos de fluminibus extrahunt, deuorant. In Ægypto autem ex ouis gallinarum in clibano calefactis absque matrum cubatu, pulli procreantur: vnde quot oua habent; tot pullos eodem die prædicto artificio, si placet, habere possunt. Sunt præterea *columbae*, quæ nunciorum fungentes officio, litteras dominorum sub alis deportant, tempore modico, multa terrarum spatia transeuntes. Sunt autem valde viles, maximè quando per terras inimicorum alii nuncii transire non audent. De his autem auibus, quas *Alexander* vidit in Perside, quæ si in faciem ægrotantium inspicerent, conualescebant, si autem respicere nolissent, absque dubio moriebantur: & de his similiter quos sanctus *Brandanus* vidit in quadâ excelsa & pulcherrima arbore, quarum vna respondit ei quòd essent spiritus pœnitentiam suam in corporibus volucrum ibidē facientes, vtrum verum sit aut possibile, prudenti Lectori iudicandum relinquimus. In flumi-

A A A A A



ne Gange sunt *anguille* longitudine triginta pedum, in quo etiam quidam *vermes* sunt, qui instar cancri bina habent brachia longitudine sex cubitorum, quibus elephantes corripunt, & vndis immergunt. Indicum etiam mare gignit *testudines*, de quarum testis capacia hospitia sibi faciunt homines. Sunt autem *cancro* in mari Occidentali qui homines apprehendunt & submergunt; habent autem terga dura velut Crocodili. Sunt ibi pisces ex quorum pellibus homines ampla & pulchra sibi faciunt indumenta. In fundo autem Oceani quidam sunt pisces cum animalibus terrestribus similitudinem habentes: quorum quidam pedibus ambulantes, fructus arborum in imo maris nascentium, manducant. *Echinus* piscis est semipedalis tantæ virtutis, ut nauim adhærendo, retineat: ruant venti, sæuiant procellæ, tollantur fluctus, nauis tamen quasi radicata immobilis stat, nec procedere potest, pisciculus non tam eam detinente, quàm ei adhærente. *Muræna* foemini sexus tantum esse dicuntur, & à serpente concipi: vnde à piscatoribus tanquam à serpente sibilo euocantur: Fustibus & malleis cum difficultate interimuntur; capite percusso vix interiri possunt, caudâ statim necantur. In quibusdam *conchis marinis* lapides preciosi inueniuntur: dicunt enim quod nocturno tempore littus adeunt, & rore cœlesti margarita concipiunt: decrecente Lunâ vacuantur, crescente iterum implentur. *Ostreæ* autem species sunt concharum seu cochlearum, quarum carnibus cancri miro ingenio viuunt: quia enim testas earum aperire non valent, explorant in insidiis, quando claustra aperiunt, & latenter iniicientes lapillum, impeditâ conclusionem, carnes earum corrodunt. *Delphini* pisces sunt, qui tempestate imminente in superficie vndarum apparentes ludunt. *Cete* autem omnium piscium maximum est: habet autem strictos oris meatus, vnde non nisi paruos pisciculos deglutit, quos odorifero oris anhelitu euocans & ad se trahens in ventrem suum mittit. Cum autem tempestas oritur in mari, attollit se super fluctus. Quidam autem ceti ita magni sunt, quod insulæ vel montes videtur: quibus urgente tempestate nauæ naues religantes dum credunt se super solidam terram manere, ignes accendunt, quos bellua sentiens, tam naues quam nautas secum trahit in profundum. Sunt præterea in partibus Orientis lapides pretiosi, admirabilis virtutis & incredibilis, inexpertis. *Adamas* in vltima India reperitur, lucidi coloris & ferruginei: quantitatem nuclei nucis auellanæ non excedit; duritiâ suâ omnibus metallis resistit, hircino tamen sanguine recenti & calido rumpitur; igne non calefcit, ferrum occultâ quadam naturâ ad se trahit. Acus ferrea postquam adamantem contigerit ad stellam Septentrionalem, quæ velut axis firmamenti, aliis vergentibus non mouetur, semper conuertitur. vnde valdè necessarius est nauigantibus in mari. Iuxta magnetem positus non sinit cum rapere ferrum: Quod si magnes ferrum traxerit, accedente adamante ferrum rapit, auferendo prædam magneti. Dicitur autem quod fugat venena, artibus maleficis resistit, noctis phantasmata & somnia vana repellit: Insanis autem multum prodest contactus adamantis. *Magnes* similiter lapis est Indicus, ferruginei coloris, adeo apprehendens ferrum ut catenam faciat annulorum: In magicis præstigiis vtuntur eo magi: Valet contra Hydropisim & contra ignis adustiones. Est ibi *Smaragdus* coloris viridissimi: cuius corpus cum planum & extensum fuerit, velut speculum imaginem reddit: oculos autem intuentium recreat & confortat: Valet contra emittitæam, & contra caducum morbum: Prodest etiam ad motus libidinis compescendos: Eius virore intenditur si vino ablutus fuerit, & oleo oliuarum perunctus. Est ibi *Carbunculus*, qui & *anthrax* Græcè dicitur, & vulgariter *Ruby*, eò quod rubei sit coloris, lucens in luce & tenebris plusquam ignitus carbo, flammæ ad oculos vibrans & effundens velut ignem. Est ibi *Sapphyrus*, sereno cœlo colore similis, nunquam tamen quantumcumque purus sit imaginem speculi in se ostendit: Dicitur autem vegetare & confortare membra gestantium ipsum, & tumores sedare: Sudorem restringit, ardorem refrigerat interiorem, vlcera sanat, ex oculis sordes, & ex fronte tollit dolores, morbis linguæ medetur. Hac gemmâ in maleficiis suis vtuntur necromantici. Est ibi *Topazius* aurei coloris, & imaginem intuentium transuersam representans. Est autem frigidæ naturæ, & valet contra luxuriam: vndas bullientes compescit: prodest autem hæmorrhoidibus. Est ibi *Jaspis* viridis & translucens coloris. Inueniuntur tamen aliorum colorum, qui

qui non adeo sunt pretiosi. Valet contra phantasina, & febres & hydropisim: mulieribus etiam parturientibus fertur prodesse. Est ibi *Amethysus* purpurei coloris, & violacei. Valet autem multum vinum potantibus, nam contrarius est ebrietati. Est ibi *Achates*, habens albas venas nigro permixtas. Valet autem contra venena, & contra sitim, & visum fouere dicitur: Quod autem dicitur conferre gratiam & facundiam, magis ascribendum est superstitioni, quam fidei. *Abeusus*, lapis est Arcadiæ ferrei coloris, qui semel accensus nunquam potest extinguui. *Pyrites*, lapis est Persicus, fului coloris; tenentis manum si vehementer prematur, vrit adeo ut teneri non possit. *Gagathes*, lapis est niger, lucidus, planus & levis; ardet in aqua, oleo  
10 autem extinguitur; calefactus confricatione paleas ad se trahit: prodest hydropicis; ablutus aqua, dentes labefactos consolidat; fumus eius mulieribus menstrua reddit, qui etiam multum prodest caducis. Valet etiam prædictus lapis contra infirmitatem ventris & præcordiorum. Aqua autem in quatribus diebus immergitur, valet parientibus, si bibatur, ut citius liberentur. Valet autem contra magorum præstigias: Fugat insuper serpentes, unde aquila contra serpentes ipsum ponit in nido suo. Dicit tamen *Sergius*, quod aquila tanti caloris est quod oua sua cubans decoqueret, nisi gagatem lapidem frigidissimum nido adhiberet. Est ibi præterea *Ethites*, qui facillime igne vicino accenditur. Hunc similiter aquila collocat in nido suo; sunt tamen bini, masculus & femina: Profunt autem non solum aquilæ ad  
20 pariendum oua, sed prægnantibus alligati, partus celeritatem efficiunt. *Hyacinthus* lapis est granatus, flore purpureo: non potest scindi, nisi fragmentis adamantinis. In ore positus frigidior extrahitur, confortat hominem, tristitiam & vanas suspiciones tollit. *Lyncurius* ex vrina lyncis procreatur, habens colorem quasi electri; trahit autem ad se paleas, si fuerit confricatus: Ictericis valet, & contra dolores stomachi & contra ventris perturbationem. *Alectorius*, lapis est crystallo vel aquæ limpidæ similis: In iecore verò galli gallinacei reperitur si castratus fuerit, postquam tribus annis vixerit: nunquam autem excedit fabæ quantitatem: postquam autem prædictus lapis in ipso fuerit, nunquam postea bibit. Hunc lapidem si quis in ore suo posuerit sitim penitus extinguit. Valet autem frigidis, qui coire non pos-  
30 sunt. *Chelidonius* lapis est modicus, qui in hirundine reperitur: est autem niger, & quandoque rufus: valet autem contra insaniam, & contra lunaticam passionem, & contra febres, & contra noxios humores: aqua ablutus infirmis oculis prodest. *Chrysolitus* auro micat, & velut ignis scintillat, medium habens colorem inter caruleum & viridem. Reperitur autem in Æthiopia, & multum valet contra noctium fantasmata. Ibidem etiam reperitur *Chrysopsius*, qui de nocte lucet; de die verò obscurus est. *Beryllus* in India reperitur conspicuus, oleo vel aquis marinis assimilatur colore. Aqua ablutionis eius valet infirmis oculis: prodest etiam contra eruptiones & suspiria, & contra hepatis dolores. *Sardius* autem, & *Onychinus* lapides  
40 sunt pretiosi, quos in rationali ante pectus sacerdotis Dominus cum aliis decem margaritis ferri præcepit. Sardius ruber terræ similis est. Onychinus autem vnguis hominis habet similitudinem. Reperitur autem in flumine Paradisi, qui *Phison* nuncupatur. Habet autem ruborem candori permixtum. Sunt insuper aliæ gemmarum species in partibus Orientis. Ad commendationem autem diuinæ potentiae, ut consiteantur Domino opera eius, hæc prædicta de lapidibus pretiosis sufficiant.

Sunt præterea in partibus Orientis quidam homines, ab aliis mundi nationibus valde dissimiles. Sunt ibi *Amazones*, egregiæ in armis & præliis mulieres, iuxta montes Caspios, in Insula vndique fluuio clausa commorantes. Sunt autem plusquam ducenta millia prædictarum mulierum, absque virorum consortio seorsum in prædicta Insula habitantium. Omnes autem tenentes gladium & ad bella doctissimæ: quando victrices cum Regina sua reuertuntur à præliis, à viris suis, qui extra  
50 insulam per se commorantur, adorantur. Semel autem in anno transeuntes ad maritos suos, postquam reuersæ fuerint, si masculum conceperint, ipsum per sex annos nutriunt, & postea patri suo transmittunt: Si verò feminam pepererint, ipsam secum reseruantes custodiunt. Sicut autem in quibusdam volucribus femina fortiores sunt, quam masculi, ita prædictæ Amazones fortiores sunt viris suis: quibus ad bella procedentibus, mariti earum domi remanentes quiescunt. Et quoniam ex frequenti usu libidinis multi spiritus consumuntur; quanto rariùs coeunt, tanto

præfatæ viragines fortiores sunt & magis idoneæ ad pugnandum. Sunt alii homines quos *Oxydraces*, seu *Gymnosophistas* appellant, id est, nudos sapientes. In nuditate enim & paupertate & humilitate ambulant, contemptâ fallaci & transitoria mundi huius vanitate, in tuguriis & speluncis habitantes, non habentes casalia vel ciuitates. Nulli autem nocent, nec armis contra aliquos se defendunt. Filii autem eorum & vxores seorsum inhabitant cum animalibus quæ ad vitam sobriam sustentandam enutriunt. Hos homines cum Alexander Macedo reperisset, valdè miratus ait illis: *Perite à me quod vultis, & dabo vobis.* Qui respondentes dixerunt: *Da nobis immortalitatem, quam super omnia desideramus: alias enim diuitias non curamus.* Quibus Alexander: *Mortalis cum sim, immortalitatem vobis quomodo dare possem?* Cui illi: *Si mortalem te agnoscis, quare tot mala faciendo discurras?* Sunt alii homines valdè mirabiles vltra Gangem fluuium habitantes, quos *Brachmanos* appellant, quorum religionem & mores & ritus ex epistola subsequenti, quam prædicto Alexandro rescribendo miserunt, plenius diligens lector agnoscere potest. Scripsit enim Rex eorum Dindimus Alexandro, in hunc modum: *DINDIMVS Brachmanorum didascalus, ALEXANDRO Regi, gaudium. Cognouimus per tuas litteras quia desideras scire, quid sit perfectâ sapientia. Veruntamen ex hoc cognoscimus te multum esse sapientem, & valdè laudamus quia desideras scire perfectam sapientiam, quod melius est omni regno: quia Imperator qui nescit sapientiam, non dominatur subiectis suis, sed dominantur illi subiecti, Tamen impossibile nobis videtur, ut vos possitis tenere vitam & mores nostros, quia nostra doctrina multum est separata à vestra. Nam neque deos colimus sicut vos colitis; neque vitam quam vos tenetis, nos tenemus. Veluissim denique à te petere veniam pro hac causa, unde nos rogasti super omnia, quia nihil prodest si scripsero de vita & consuetudine nostra. Tempus enim non habes ad legendum, eo quod occupatus es in causis bellorum. Sed ne dicas quia pro inuidia hoc faciam, quantumcumque possum de hac re scribere, unde nos rogando mandasti, scribam. Nos enim Brachmani simplicem & puram vitam ducimus, nulla peccata facimus; & nolumus quidquam habere, nisi quantum ratio nostra nature exigit. Omnia patimur & sustinemus. Illud dicimus esse necessarium, quod non est superfluum. Apud nos illicitum est arare campum cum vomere, & terram seminare, & boves ad carrum iungere; & retia in mare mittere ad capiendos pisces; aut aliquas venationes facere, siue de quadrupedibus terræ, siue de auibus cæli: abundanter enim annonam habemus: nullam aliam annonam querimus ad manducandum, nisi quam terra producit, siue hominis labore. De talibus cibis implemus mensas nostras, qui nobis non nocent; & de ipsis cibis non multum implemus ventrem nostrum, quia illicita est apud nos extensio ventris. Proinde sumus sine aliqua egritudine; & dum vivimus & quandiu vivimus, semper sanitatem habemus; nullam medicinam nobis facimus, nullum adiutorium querimus pro salute nostrorum corporum. Vno termino mortis vita nostra finitur, quia non vivit vnus plus altero, sed secundum ordinem natiuitatis, unicuique terminus mortis succedit. Nullus autem de nobis ad focum sedet pro frigore: Nullum frigus aliquando corpora nostra sentiunt; sed stamus nudo corpore semper contra ventum. Desideria corporis nostri non facimus: omnia per patientiam supportamus. Tu autem, Imperator, omnia ista vincis: & si istos inimicos, quos intra corpus habes, viceris, iam fortior inimicis haberi poteris. Propter hanc causam pugnas cum inimicis quos foris habes, ut istos inimicos nutrias quos intus portas. Nos autem Brachmani omnes inimicos quos in corpore nostro habuimus, occisos habemus: & ideo inimicos, quos foris habemus non timemus, nec adiutorium ab aliquo contra illos querimus, neque de mari, neque de terra; sed securi semper & sine aliquo timore vivimus. Corpora nostra cooperta habemus de frondibus arborum & fructus earum manducamus; lac comedimus, & aquam de fluuiis bibimus. Laudes DEO semper canimus, & desideramus vitam futuri sæculi: & non desideramus ullam causam audire, quæ ad utilitatem non pertinet: & non loquimur multum, sed cum locuti fuerimus, non dicimus nisi veritatem, & statim tacemus. Diuitias non amamus: est enim insatiabilis earum cupiditas, quæ solet ad paupertatem adducere homines cum non possint acquirendi finem facere. In eo nos nulla invidia est: nullus inter nos fortior vel potentior est altero. Paupertatem habemus, & per eam diuites sumus, quia omnes illam communem habemus. Litens non facimus, nec apprehendimus arma. Pacem habemus per consuetudinem, non per virtutem. Iudicia non habemus, quia non facimus unde ad iudicium ire debeamus. Vna lex est contraria nostre nature, quia misericordiam nullam facimus, eo quod nec*

nos ta-

nos talem causam facimus, ut ad misericordiam ire debeamus. Culpas alicui non dimittimus,  
 ut per eas DEVS remittat peccata nostra nobis. Nec damus diuitias nostras pro peccatis no-  
 stris, sicut vos facitis. Nullum laborem facimus qui ad avaritiam pertineat: membra nostra li-  
 bidini non tradimus, adulteria nulla committimus, nec aliquod vitium facimus, unde ad pœ-  
 nitentiam ire debeamus: sicut vos, qui de malo quod facitis, quando pœnitentiam inde agitis, sic  
 loquimini contra vos de ipso malo quod facitis, velut contra inimicos soletis loqui. De factis ni-  
 hil querimus, quia omnes rectum facimus. Subitam mortem non patimur, quia per sordida fa-  
 cta ipsum aëra non corrumpimus. Nullum vestimentum in varios colores tinguimus. Fœmi-  
 na nostra non ornantur ut placeat: etiam ipsum ornamentum pro pondere computatur: quia no-  
 10 luit pulchræ esse pro ornamentis, sed tantum in ea natura quæ natæ sunt. Nam quis potest na-  
 tura opus mutare? Quod si aliquis mutare voluerit, quasi non sit recte factum, crimino-  
 sum est. Balnea non facimus, neque aquam calidam ut corpora nostra lauentur: Sol enim  
 nobis calorem dat, & de rore infundimur. Nullam cogitationem super alium habemus. Non  
 dominamur super homines qui sunt nostri similes: alioquin crudelitas est premere hominem  
 ad seruitium, quem nobis ipsa natura fratrem dedit & qui est creatura ab uno patre cælesti,  
 sicut & nos sumus. Petras non resolvimus in calcem ut faciamus domos ad habitandum; ne-  
 que vascula nisi de terra facimus. In fossis aut speluncis montium habitamus, ubi nullus sonus  
 ventorum auditur, & ubi nullam pluuiam timemus. In terra dormimus absq; solitudine:  
 nos enim tales domos habemus, in quibus dum vivimus habitamus; & dum morimur, ha-  
 20 bemus illas pro sepulturis. Ad negotiandum per mare non navigamus, ubi & multa pericula psal. 106.  
 sustinent, qui illuc navigant, & multa miracula cognoscunt. Nos artem non discimus ut  
 bene loquamur: per simplicitatem omnia dicimus, quæ nunquam nos permittit mentiri.  
 Scholas Philosophorum non frequentamus, in quorum doctrina discordia est, & nihil cer-  
 tum atque stabile, sed semper mendacia; sed illas scholas frequentamus in quibus disci-  
 mus vitam; & quæ demonstrant nobis hoc quod in scripturis ostenditur; & non docent nos  
 aliquem ledere; sed secundum veram iustitiam alios iuvare nos docent, & non discimus  
 in eis aliquam causam, quæ nobis aliquam tristitiam facit. Ludos nullos amamus: si autem  
 volumus scire aliqua quæ ad ludum pertinent, legimus facta prædecessorum nostrorum, &  
 nostra: & cum debemus exinde ridere, plangimus. Tamen videmus aliqua in quibus ad-  
 30 miramur & delectamur: hoc est, cælum optime resplendere ex stellis, solem rubicundum in  
 cursu suo, & radios eius illuminare totum mundum. Videmus mare semper purpureum ef-  
 se; & quando illic tempestas surrexerit, non dissipat vicinam terram, sicut in vestris parti-  
 bus facit, sed complectitur eam sicut sororem suam. Ibi videmus cotidie diuersa genera pi-  
 scium, & saltum dare & ludere Delphinos. Nec non & delectamur videre florentes campos,  
 de quibus naribus nostris suavisissimus odor ascendit, & de optimis locis silvarum & fon-  
 tium, ubi audimus cantilenas avium. Hanc consuetudinem semper habemus. Nostra ete-  
 nim natura hanc consuetudinem habet, Imperator, quam si tenere volueris, credimus quo-  
 niam durum tibi esse videbitur; & si nolueris eam tenere, nostra culpa non est, quia de  
 quibus nos rogasti & mandasti, per has litteras scriptum tibi dirigimus. Sed tamen, si pla-  
 40 cet, dicemus aliquantulum de nostra doctrina, propter quam nostra vita tibi dura esse videtur.  
 Vos Pactoli atque Hermi fluvios, splendido auro currentes, absque colore & pauperes reddidistis.  
 Vos Nilum fluvium bibendo à suo cursu minuistis: Vos monstrastis ut horribilem Oceanum na-  
 vigaret homo. Vos, tartareum custodem, canem Cerberum sopiri posse pretio confirmastis.  
 Vos omnia manducantes, vultum semper ieiunum portatis. Vos in sacrificio filios vestros in-  
 terficitis. Vos facitis adulterare matres vestras. Vos mittitis discordias inter reges: qui sunt  
 humiles, per vos etiam superbi facti sunt. Vos suadetis hominibus nequaquam sufficere  
 eis spatia terrarum, sed cæli querere habitacula preparatis, atque provocatis. Vos etiam per  
 vestros deos multa mala committitis, sicut illi fecerunt. nam testimonium potestis accipere  
 à Ioue Deo vestro, & à Proserpina dea vestra, quam colitis: quia ille multas fœminas adul-  
 50 teravit, & illa multos viros secum concumbere fecit. Vos homines non dimittitis in sua liber-  
 tate vivere, sed seruos illos habetis: vos non iudicatis recta iudicia: vos facitis iudicibus mu-  
 tare legem. Vos multa dicitis quæ debent fieri, & non fiunt: vos non tenetis alium sapientem,  
 nisi illum qui habet facundiam loquendi. Omnem sensum vestrum in lingua habetis, &  
 & tota sapientia vestra in ore vestro consistit. Et quamvis potestatem habeatis in lin-  
 gua vestra multa loquendi, multo tamen meliores sumus illi, qui sciunt tacere. Vos argentum &  
 aurum colitis, & desideratis habere maximas domos, & multos seruos; & tamen tantum man-  
 ducatis & bibitis, quantum alius homo manducat & bibit. Omnia tenetis, & dominamini super

illas diuitias quas habetis; sed sola sapientia Brachmanorum vincit vos in omnibus; quia sicut  
 nos consideramus, illa mater vos genuit, quæ & lapides. Vos autem ornatis sepulchra vestra, & in  
 vasis gemmarum cineres corporum vestrorum reponitis. Quid enim peius esse potest, quàm ossa  
 quæ terra recipere debet? vos ea incenditis, & delectabilem vobis miseri sepulchram construitis;  
 & non dimittitis ut in sinu suo recipiat terra quos genuit. Discant homines quale meritum ve-  
 stris amantibus post mortem redditis. Nos in honorem decurum pecudes non occidimus; neque  
 templum facimus, ubi statuam auream vel argenteam ponamus cuiuscunque Dei, sicut vos faci-  
 tis; neque altaria de auro & argento vel gemmis facimus. Vos autem talera legem habetis, ut de  
 omnibus bonis vestris honoretis Deos vestros, ut vos exaudire debeant. Vos non intelligitis quia  
 DEVS non pro pretio, neque pro sanguine tollit, neque pro sanguine hirci aut arietis, exaudit  
 aliquem hominem, nisi per bona opera, quæ DEVS diligit: quia in verbo tantummodo homo si-  
 milis est DEO; quia DEVS Verbum est, & Verbum istud mundum creauit, & per hoc Ver-  
 bum viuunt omnia. Nos autem hoc Verbum colimus, hoc adoramus, hoc amamus. Nam DEVS  
 spiritus & mens est; ideo non amat aliud, nisi mundam mentem. Quapropter nimium vos esse  
 insipientes dicimus, pro eo quod tenetis ut natura vestra coelestis sit, & quod DEI habeat  
 communitatem; vos autem sordidatis illa de adulterio, & fornicatione, & seruitu-  
 te idolorum. Vos istas causas amatis, istas semper facitis, quas cum facitis quousque viuitis,  
 mundi non estis, & post mortem exinde tormenta sustinebitis. Vos denique speratis DEVM  
 habere propitium pro carne & sanguine quem ei offertis. Vos non seruitis vni DEO qui solus re-  
 gnat in cælo, sed multis diis seruitis. Vos tot Deos colitis, quot membra habetis in corpore. Nam  
 hominem dicitis esse mundum paruum: & sicut corpus hominis multa membra habet, ita dicitis  
 diuersos deos in cælo consistere, & unicuique partes nostri corporis attribuitis; & proprias singu-  
 lis victimas occiditis, & nomina illis exquisita donatis: affirmantes Mineruam, pro eo quod  
 fuit inuentrix multorum operum, natam de capite Iouis, & tenere sapientiam: proinde dicitis  
 eam tenere summitatem capitis. Iunonem, pro eo quod fuit iracunda, dicitis esse deam cordis.  
 Martem, pro eo quod fuit præses bellorum, dicitis esse Deum pectoris. Mercurium, pro eo quod  
 multum loquebatur, dicitis esse Deum lingue. Herculem, pro eo quod duodecim mirabiles vir-  
 tutes fecit, dicitis esse Deum brachiorum. Bacchum, quia fuit inuentor ebrietatis, dicitis Deum  
 gutturis, & sic stare supra guttur hominis, quomodo si stetisset supra cellam vino plenam. Cupi-  
 dinem, pro eo quod fuit fornicator, dicitis tenere faculam ardentem in manu, cum qua accendat  
 libidinem: proinde dicitis illum esse Deum iccoris, ubi habitat maxima pars ignis corporis. Cere-  
 rem, pro eo quod fuit frumenti inuentrix, dicitis deam esse ventris. Venerem, pro eo quod fuit mater  
 luxuriæ, dicitis deam esse membrorum genitalium. Totum enim corpus hominis diuiditis inter  
 deos. Nullam partem corporis vestre potestati relinquitis: & non tenetis quia corpora nostra vnus  
 DEVS, qui in cælo est, creauit. Exinde tamē nullam gratiam vobis reddunt ipsi dii vestri, sicut  
 liberis hominibus, sed ut colonis & subiectis imponunt vobis tributū; atq; aliis alia tributa à vo-  
 bis offeruntur. Marti, denique offertis aprum: Baccho, offertis hircum: Iunoni, offertis pau-  
 nem: Ioui, mactatis taurum: Apollini, occiditis cygnum: Veneri, immolatis columbam: Mi-  
 neruæ, noctuam occiditis: Cereri, far sacrificatis: Mercurio, mella soluitis: Altaria Hercu-  
 lis, coronatis ex frondibus arboris populi: Templum Cupidinis, ros ornatis. & si necessitas vo-  
 bis euenerit, non volunt commune sacrificium, nec communia templi; sed vnusquisque Deus pro-  
 prium sibi præmium datumq; assequitur. Vnusquisque autem Deus de his quos colitis siue aut, siue  
 frumenta, siue quadrupedē siue qualemcunque aliam causam consecratā habet. In illis est illorum  
 potestas, non in corpore vestro. Et vos quomodo dicitis illos habere potestatem in vestro corpore, qui  
 non habent potestatem nisi in animalibus quæ offeruntur illis? Certē digna tormēta sustinebitis post  
 mortē propter vestros errores. Reuera enim non rogatis deos adiutores, sed carnifices, quia membra  
 vestra per diuersa tormēta diuident. Necesse est enim tot tormēta sustinere corpora vestra, quot  
 deos dicitis habere potestatem in corporibus vestris. Vnus Deus vos facit fornicari, alius bibere,  
 alter litigare. Omnes vobis imperant, & vos omnibus seruitis; omnes colitis, & miserum corpus  
 vestrum debet deficere propter tot seruitia, quæ facitis multis diis. Et rectū est vos talibus diis ser-  
 uire propter tanta mala quæ facitis: & quia non vultis cessare à malis, ideo seruitis talibus diis.  
 Sine causa enim seruitis talibus diis, qui vobis imperant omnia mala facere. Si verò exaudierint  
 vos ipsi dii vestri, quando eos rogatis, damna faciunt in conscientia vestra: Si verò vos non exau-  
 dierint, erunt contrarii desideriis vestris, quia vos non alia de causa rogatis eos, nisi de malo: Er-  
 go siue exaudierint, siue non exaudierint, vobis semper nocent. Hæ sunt deæ vestre quæ dicuntur  
 turia, quæ peccata hominum post mortem, per furorem vindicant. Hæc sunt illa tormēta, quæ  
 vobis doctores vestri dixerunt, quæ vos velut mortuos iam in isto sæculo cruciant. Etenim si  
 bene

benè volueritis considerare, non peiorem causam potest aliquis sustinere, quam vos modo sustinetis. Et quanta simulacra dicunt doctores vestri esse apud inferos, vos estis. Pœna sunt plurima in inferno; & vos modo pœnas patimini, quando vigilatis propter committenda adulteria & fornicationes & furtiva. Dicunt autem: tantum malum esse in inferno, quod semper sitiant, & nunquam satientur: & vos tantam cupiditatem habetis acquirendi divitias, ut nullo tempore satiemini. Dicunt Cerberum esse in inferno, qui habet tria capita: & venter vester, si conspiciatis, sic est quomodo cerberus, propter multam comestionem & bibitionem. Similiter dicunt quod sit in inferno serpens qui vocatur Hydra; & vos propter multa vitia, quæ per saturitatem ventris habetis, Hydra dici potestis. Et omnia alia quæ doctores vestri dicunt esse in inferno, si considerare vultis,

10 propter mala vestra vos estis. Heu vos miseri qui talem fidem tenetis, unde post mortem tormenta sustinere debetis. Et rursum in secunda epistola inter alia sic ait: Nos non sumus habitatores istius mundi, quasi semper hic esse debeamus; sed sumus peregrini in isto mundo, qui morimur & pergimus ad domos patrum nostrorum: non gravant nos peccata nostra, nec manemus in tabernaculis peccatorum: nullum furtum facimus, & pro nostra conscientia quam habemus, in publicum non eximus. DEVS autem qui omnia creavit in mundo, varias operatus est causas, quia non poterat constare mundus nisi per diuersitatem multarum rerum: & dedit arbitrium homini ad discernendum de omnibus quæ in mundo sunt. Quicumque ergo dimiserit peiora & secutus fuerit meliora, hic non est DEVS, sed amicus DEI. Nos enim, quia sanctè & continentèr vivimus, idèo dicitis quia aut Deos nos facimus, aut contra Deos inuidiam habemus. Ista si scitis

20 quam de nobis habetis, ad vos pertinet. Nam cum tantum inflati sitis de prosperitate quam habetis, ponitis super vos gloriosum ornamentum. Mittitis aurum in digitis vestris, sicut famina faciunt. Vnde sciatis quia de hac causa unde speratis vos esse maiores, ad veram humilitatem nihil vobis prodest. De auro autem non fiunt beata anima, neque corpora humana exinde satiantur, sed magis de hac causa vitiantur. Nos autem, qui veram humilitatem cognoscimus, & scimus ipsam naturam auri, quando sitimus imus ad fluuium ut bibamus aquam; ipsum autem aurum cum pedibus calcamus. Aurum enim non tollit famem neque sitim: si sitierit homo & habuerit aquam, tollitur sitis eius. Similiter est si esurierit & comedat, cessabit fames eius. Si ergo de eadem natura aurum esset, cum acceperit illud homo, sine dubio cessaret cupiditas illius. Sed idèo malum est aurum, quia cum incipit homo illud habere, plus augetur cupiditas illius. Quicumque est malus homo, honoratur, & colitur à vobis; quia omnis homo cum tali homine habet dilectionem, qualis ipse est. Vos enim dicitis ut non curet DEVS mortalia: edificatis vobis templa, statuitis altaria, & delectamini quando occiduntur ibi pecora, & nomen vestrum nominatur. Hoc factum est patri tuo, hoc aui tuo, cunctisq; parentibus, hoc etiam & tibi promittitur. Vos autem nobis qui recta videmus vultis adducere tenebras cecitatis vestrae; & non dimittitis nos ut plangamus de miseriis vestris. Non tantum beneficium præstat homo homini per doto, quantum si plangit eum. Ex his patet quam religiose, & secundum legem naturæ vixissent isti Brachmani, qui nec legem Moisaicam, nec legem Euangelii audierant, si se peccatores humiliter agnouissent, secundum quod dicit Apostolus. Si dixerimus quia peccatum non habemus, nosmetipsos seducimus, & veritas non est in nobis. 1. Ioan. 10.

40 Aquam enim veræ humilitatis de fonte Paradisi emanantem, in libris Gentilium non reperimus. Sunt præterea homines in partibus supradictis, qui amore alterius vitæ in ignem mittere se non formidant. Sunt alii qui parentes proprios nimio confectos senio mactare & carnes eorum ad epulandum præparare, immensam reputant pietatem & magnam religionem. Hos autem qui hæc facere renuunt, tanquam impios & irreligiosos detestantur. Sunt ibi quidam homines magni velut gigantes, ut elephantes facillimè transiliant: sunt alii adeo parui, ut cubitum longitudinis vix excedant. Sunt matres quæ semel parientes canos partus proferunt, qui tamen diu viuentes in senectute nigrescunt: Sunt alia quæ quinquennes pariunt, sed partus non nisi octo annis vivere possunt. Sunt alii qui pisces crudos manducantes ipsum etiam salum mare bibunt. Sunt alii qui manus habent auersas, & in pedibus octo digitos. Alii plantas pedum habent transpositas. Alii canina capita habentes, & ungues ad uncas pellibus pecudum induti, pro voce canum larratus proferunt. Alii ita paruum os habent quod gracili calamo non nisi sorbilia comedunt. Alii carnibus humanis vescuntur, hominum autem vestigia tam diu olfactu percipiunt, quousque aquam aliquam homines, quos insequuntur, transierint. Sunt ibi monoculi qui Arimaspi, & Cyclopes appellantur. Sunt alii qui vnum tantum pedem habentes, velocissimè currunt. Habent autem tantam pedis latitudinem, quod eius planta contra solis feruorem



vmbram spatiosam sibi faciunt, & quasi in domo sub planta pedis requiescunt. Sunt alii absque capitibus oculos in humeris habentes, pro naso autem & ore duo habent foramina in pectore, setis autem horridi sunt ad modum bestiarum. Sunt alii qui solo odore cuiusdam pomi viuunt: quos si longius ire contigerit, ipsum pomum secum deferunt, aliter enim morerentur, si prauum sentirent odorem. Sunt alii homines siluestres, sex manus per singulos habentes. Sunt ibi praeterea mulieres speciosae valde, in flumine calido habitantes, habentes horridas vestes, armis argenteis, eo quod ferrum non habent, videntes. In quibusdam vero siluis Indiae habitant mulieres barbas usque ad mamillas habentes, pellibus animalium indutae, nec viuunt nisi de venatione. Sunt ibi praeterea viri & mulieres nudi incedentes, corpus pilosum sicut bestiae habentes, aequae in flumine ut in terra habitantes. Quando autem extraneos homines superuenire inspiciunt, submersi in flumine non apparent. Sunt homines agrestes magni valde & pilosi sicut porci, & velut ferae mugientes. Sunt ibi quaedam mulieres in flumine speciosae valde; excepto quod dentes habent caninos, albae autem sunt veluti nix. In quibusdam montibus Indiae habitant *Pygmaei* duorum cubitorum homines, quibus bellum est contra grues, qui tertio anno pariunt, octauo senescunt. Haec praedicta quae partim ex historiis Orientalium, & mappa mundi, partim ex scriptis beati Augustini & Isidori, ex libris etiam Plinii & Solini, praeter historiae seriem, praesenti operi adiunximus: si forte alicui incredibilia videantur, nos neminem compellimus ad credendum: unusquisque in suo sensu ab-  
Rom. 14. undet. Ea tamen credere quae contra fidem non sunt vel bonos mores, nullum periculum aestimamus. Scimus enim quod omnia Dei opera mirabilia sunt, licet per usum & consuetudinem hi qui frequenter ea intuentur, nullam admiratione moueantur. *Cyclopes* enim qui omnes monoculi sunt, non minus forsitan hos qui duos habent oculos admirantur, quam nos, ipsos vel alios qui tres oculos haberent, admiraremur. Sicut autem *Pygmaeos* pro nanis habemus, ita ipsi nos gigantes reputarent, si ex nostris aliquem inter ipsos aspicerent. In terra autem *gigantum* qui maior est inter nos, nanus reputaretur ab ipsis. Nos autem nigros *Aethiopes* turpes reputamus: inter ipsos autem qui nigrior est, pulchrior ab ipsis iudicatur. Multa autem in regionibus nostris non admiramur, quae populus Orientalis si audiret, vel non crederet, vel mira reputaret. In quibusdam partibus *Flandriae* aues ex arboribus procreantur, rostris arboribus infixis dependentes: Postquam autem tempus maturitatis aduenerit, ex ramis statim decidunt, & sicut aliae volucres volare incipiunt. Carnes autem earum in quadragesima manducant, nec aliquam admiratione ducuntur, qui talia videre frequenter consueuerunt. In insula *Thanatos*, in partibus scilicet Hyberniae, nunquam serpentes inueniri possunt, cuius terra ad quaecunque regiones deferatur serpentes necat. In insula *Sardinia*, nec serpens, nec lupus procreatur. In insula *Thyle* nunquam arbores folia deponunt, in qua sex mensibus aestiuus semper est dies, sex autem mensibus hyemalibus nocte continua obscurantur. In insula autem Siciliae *Aetna* continuis & sulphureis aestuat incendiis. In Ionio autem mari est *Charybdis* & *Scylla*. In Hybernia locus quidam habetur, qui *purgatorium sancti Patricii* nuncupatur. Si quis illuc ingressus fuerit, nisi vere poenitens & contritus fuerit, statim a daemonibus raptus & necatus, nunquam postea reuertitur: qui autem vere contritus & confessus ingreditur, per ignem & aquam & per mille genera tormentorum a daemonibus correptus, ibidem purgatur: qui autem amplius deliquit, acerbius in eodem loco punitur: qui autem a praedicto loco purgatus regreditur, nunquam deinceps ridere potest, vel ludere, vel aliqua quae in mundo sunt diligere; sed semper lugens & gemens posteriorum oblitus, in anteriora se extendit. In *minori Britannia* fons quidam esse refertur, cuius aquae supra propinquum lapidem proiectae pluias & tonitrua prouocare dicuntur. In *maiori Britannia* quidam fuerunt homines *caudati*. In *Francia* quidam *cornuti*. Aliquos etiam vidimus velut canes latratus emittentes. In Longobardia cum buffonibus in fronte nascuntur pueri: si quis autem absque buffone nascatur, mater eius tanquam adultera, & quae ab alienigena conceperit, a marito suo reputatur. In quibusdam regionibus, & maxime in extremis *Burgundiae* partibus, circa Alpes, quaedam sunt mulieres *guttur magnum* usque ad ventrem protensum, tanquam amphoram seu cucurbitam, amplum habentes. Quidam autem tantas in dorsis habent strumas, quod quicquid in

quid in augmentum corporum cedere debet, gibbus absorbet, & propter hoc parui sunt velut Nani. Hæc prædicta hi homines apud quos frequenter talia contingunt, non admirantur. Ex mutis & surdis, muti & surdi infantes procreantur: ex leprosis autem plerumque leprosi nascuntur: non tamen ex cæcis, cæci; vel ex monoculis, monoculi; vel ex mutilatis, nascuntur mutilati. Septimo vel nono mense puer editus non moritur; octauo mense natus, nequaquam viuere potest. In partibus Occidentis quidam *siluestres* homines in siluis capti sunt, qui postquam inter homines veniebant manducare renuentes, moriebantur, vel euadebant. Quidam etiam *Hermaphroditi* seu gemini sexus in partibus Franciæ à multis visi fuerunt. *Comani* 10 carnes crudas comedunt, & sanguinem equinum bibunt. Non solum autem in hominibus, sed in brutis animalibus, & in rebus inanimatis quædam mirabilia fiunt, quæ tamen ex usu & frequentia homines non admirantur. *Vulpecula* ut volucres capiat, in via resupina protenditur; & se mortuam & quasi sine anhelitu simulat. *Formica* granum frumenti, ne germinet in terra, per medium secatur. *Cervus*, ut renouetur, flatu serpentem de cauerna extrahit, quo deuorato fontem vrgente veneno sitiens, postquam aquas biberit, recuperat iuuentutem. Cerui autem aquas natando transeuntes, cornua ponderosa clunibus suis inuicem sustentare dicuntur; postquam autem primus fessus fuerit, loco eius vltimus succedit. *Aranea* de visceribus suis ut muscas capiat, subtilia retia facit. *Lupus* si prius hominem videat, 20 quàm ab homine videatur, homo raucescit: dicitur autem quod postquam ouem rapuerit, insequentibus pastoribus ouem dentibus non lædit, sed super dorsum suum suauiter eam iacere permittit, ne fortè ouis sentiens læsionem, dum seipsam moueret, fugam lupi retardaret. *Simia* si duos foetus parturit, vnum odio habens, alterum diligit: illum quem amat inter brachia portat; alter quem odio habet, dorso eius vel collo adhæret. *Canes* soli, nomina sua cognoscunt, dominos suos tenerimè diligunt, & pro eis morti se exponunt: corpora mortuorum dominorum nulla fame compellente, relinquunt: quamuis autem libenter dormirent, hospitia domini sui nocte vigilantes custodiunt. *Musio* seu murilegus, tam acutè cernit, ut fulgore luminis superet tenebras noctis. *Mustela* serpentes, & mures persequi- 30 tur: ingenio autem callida, in domibus ubi foetus nutrit, transferendo frequenter locum mutat, ne reperiantur. *Hericius* talis est prudentiæ, dum abscindit uas de vite, vel poma de arbore, super ea sese volutans, aculeis adhærentia, secum defert: qui etiam dum aliquid persenserit, statim in globum collectus, ad arma se conuertit. *Agnus* talis est naturæ, quod matrem suam statim natus inter omnes alias oues, balatu cognoscit: Lupum autem abhorrens, licet nunquam prius ipsum viderit, statim fugit, qui tamen viso equo, vel alio animali, nec fugit, nec timet. *Aquila*, pullos suos vnguibus suspensos radiis solis obicit: quos autem immobilem tenere viderit aciem, tanquam genere dignos, conseruat & pascit; si quos flectere viderit obtutum, tanquam degeneres abiicit: Quando autem senec- 40 tæ grauiatur, sublime volans omnes nubes transcendit: ex calore autem solis propinqui oculorum eius caligo consumitur, & pennæ eius graues alleuiantur; statimque cum impetu descendens, aquis immergitur, & ita iuuentus eius renouatur: Rostrum autem aduncum petræ allidens sublato veteri nouum recuperat, ut cibum capere valeat. *Turtur* quandiu maritus eius viuit, nunquam ab eo recedit; quo mortuo, nunquam alii copulatur, sed solitaria incedens siccis arborum ramis insidet, gemens & tristis. *Coruus* pullos non pascit, nisi plumis nigrescentibus proprii coloris similitudinem agnoscat. *Grues* volant ordine litterato: quæ autem præest agmini, voce castigar alias ut ordinem non deserant: quæ raucescente, alia succedit eidem officio deputata. Nocte verò inter se excubias diuidunt; vnguibus 50 autem lapillos suspensos tenent, quibus somnolentas arguant si lapides decidant: In senectute autem nigrescunt. *Ciconiæ* dum maria transeunt, cornices duces earum exercitum præcedunt: maxima autem illis est cura foetus & affectio, ad eò ut dum nidos propensius fouent, assiduo accubitu, plumas exuant: serpentibus autem inimicantur. *Struthio* ferrum comedit, oua autem sua fouere negligens in puluere relinquit: ibi autem fotu pulueris animantur. *Ardea* dum altius volat, tempestatem significat: ad eò enim imbres & præcellas formidat, quod omnes nubes volando transcendit. *Monedula*, si aurum vel monetam inuenit, furatur &

abscondit. *Pauo* cū inſpicitur & laudatur, caudam in circulum extendendo fle-  
ctit, & pulchritudinem oftendit: hinc autem pedum deformitatem cū proſpici-  
t, caudam deponit. *Pauo* vocem habet terribilem, inceſſum ſimplicem, caput ſer-  
pentinum, pectus ſapphyrium, pēnas aliquantum ruſſas, caudam longam & ocula-  
tam. *Accipitres* dum viderint pullos tentare poſſe volatus, eſcas eis non deferunt,  
ſed pennis eos verberant, & à nidis præcipitant, atque teneros ad prædam compel-  
lunt, ne adulti pigri fiant. *Accipiter* ſilueſtris, domeſticas rapit aues, & ſtatim de-  
torat; domeſticus ſilueſtres rapit, & domino ſuo reſeruat. *Palumbes* genus eſt co-  
lubarum, quæ amiſſo corporali conſorte, ſolitaria incedit; nec quicquam viride  
ad requieſcendum petit, neque carnalem copulam vtrà requirit. *Columba*, pullos 10  
alienos nutrit, vñbram accipitris in aquis proſpiciat, in alto nidificat, vbi malæ be-  
ſtiæ attingere non poſſint: gemitum habet pro cantu: morticinio non viuit, ſed pu-  
ro grano; felle caret, gregatim incedit, nulli roſtro nocet. *Vpupa*, auis eſt ſpurciſſi-  
ma, criſtis erectis galeata, ſemper in ſepulchris vel ſtercoribus commoratur; cuius  
ſanguine quiſquis ſe inunxerit, dormitum pergens, dæmones quaſi ſuffocantes ſe  
videbit. *Hirundines* lapſura culmina nunquam perunt, à diris auibus tanquam ſa-  
cræ nunquam infeſtantur. *Hirundo* reſidens non comedit, ſed eſcas in aëre vo-  
lando rapit: Cognoscit autem tempus aduentus ſui. *Gallus* horas noctis diſcernit:  
priùs ſe alis verberat quàm cantus emittat: in maiori nocte, maiores & validiores  
cantus format. *Perdix* auis eſt immunda & dolofa; alteri oua diripiens, fouet ea: ſed 10  
pulli dum propriæ matris vocem audiunt, hanc quæ fouit relinquunt, & ad eā quæ  
genuit confugiunt. Si quis ad nidos ſuos acceſſerit, obuiam ei occurrunt, pedum  
vel alarum debilitatem ſimulantes, & quaſi ſtatim capi poſſint greſſus fingunt tar-  
diores: poſtquam autem longiùs à nidis homines paulatim traxerint, ſtatim auo-  
lant. Pulli autem cū ſe deprehendi metuunt, glebularum pedibus attollentes, ſub eis  
latentes absconduntur. *Bubo* absconditur de die, quærit eſcam de nocte: aues ve-  
reretur, nam eam omnes aues perſequuntur, & dilaniant, quando eam reperire & ca-  
pere poſſunt. *Vultur* exercitus ſequitur, vt mortuorum cadaueribus ſatietur: liben-  
ter autem pedibus graditur, vnde à quibuſdam *gradipes* appellatur. *Coturnices* æſta-  
te depulſæ, maria tranſmeant, morbum caducum ſicut homines patiuntur. *Cygnus* 30  
plumas habet candidas, ſed carnes nigras: dicitur autem quòd citharædis canenti-  
bus æduolat, & cantum ſuum ad modum citharæ aptat. In rebus etiam inani-  
matis multa ſiunt quæ homines ex vſu mira eſſe non aduertunt. *Argentum viuum*  
tantæ virtutis eſt, quòd ſi, ſuprà ipſum ſaxum magnum ponatur, oneri reſiſtit. *Aqua*  
frigida calci frigidæ infuſa, ipſam caleſcere facit. *Solis radius*, album nigreſcere fa-  
cit veluti cutem hominis; nigrum autem in album conuertit, veluti pannum li-  
neum: Item ceram diſſoluit, & liqueſcere facit; lutum autem indurat & conſtringit.  
*Cryſtallus* licet frigidus ſit, aquā frigidā conſperſus ad ſolis radios, ignem ex ſe pro-  
ducit. *Aër* motus frigefcit, *terra* autem & aqua motu caleſcit. *Ignis* diuiſus in partes  
plurimas non minuitur; flatu hominis extinguitur, flatu iterum accenditur. *Flatus* 40  
hominis frigida calefacit; è contrario autem flatu hominis quæ calida ſunt frigida  
ſiunt. *Terra* cū ſummè ponderoſa ſit in ſe, ſine baſe vel fundamento ſubſiſtit.

XCII.

Pſal. 110.

Gen. 1.

ſap. 11, 25.

Quis enumerare ſufficiat mira & magna opera Domini, exquiſita in omnes vo-  
luntates eius, quæ in materiam laudis tuæ, & in vſum neceſſitatis noſtræ creauit?  
*Vidit DEVS omnia quæ fecerat, & erant valde bona: & nil odit eorum quæ fecit.* Solum pec-  
catum, quod nihil eſt, odit, perſequitur, & deſtruit. Vnde cū ſex diebus ſolo ver-  
bo cuncta creauit, annis pluſquam triginta ad deſtruendum peccatum in mundo  
laborauit. Hoc ſolum eſt, quod ei diſplicet; quod oculos maiestatis eius offendit;  
quod ipſum mitem & ſuauem, nobis aſperum reddit. Hoc eſt quod de angelo dia-  
bolum fecit, de amico inimicū, de libero ſeruum, de incorrupto mortalem & cor- 50  
ruptum, de beato miſerum, de ciue exulem & ciectum, de filio DEI fecit filium dia-  
boli: hoc eſt quod nunquam impunitum relinquit. Vnde peccatis prædictorum  
impiorum hominum exigentibus, & criminibus prophatorum, qui Terram San-  
ctam ſceleribus multimodis ſordidabant ipſum prouocantibus, conuerſus eſt no-  
bis in crudelem qui naturā benignus eſt & ſuauiſ. Vnde *facti ſumus in deriſum vicinis*  
*noſtris, & inimici noſtri ſubſannauerūt nos. Cithara noſtra verſa eſt in luctum, & fortitudo no-*  
*ſtra reducta eſt in ſauillam. Facta eſt quaſi vidua domina gentium, princeps provinciarum facta*  
*eſt ſub*

Thren. 3.

Iob 30.

Lament. 1, 1.

est sub tributo. Adeo enim concludit Dominus in gladio populum suum, & hereditatem suam spreuit; adeo facti sunt inimici nostri in capite & nos in caudam, quod non solum Terram Promissionis, sed omnes ferè regiones, ciuitates & munitiones ab introitu terræ Ægypti vsque Mesopotamiam, itinere plusquam viginti dierum, inimici nostri nobis violenter abstulerunt; & de ciuitatibus quidem maritimis tantum duas nobis relinquentes, *Tyrum* scilicet & *Tripolim*, & insuper *Antiochiam* cum paucis munitionibus, scilicet castrum quod *Cursatum* dicitur, iuxta *Antiochiam*, *Craccum*, & *Margath*, & *Castrum Album*, *Archis*, & *turrem Enteradi*, & castrum *Nephtin* in comitatu Tripolitano, omnes mediterraneas ciuitates & munitio-  
 10 nes, proprio dominio impii subiecerunt. Huius autem aduersitatis & amaræ tribulationis calamitas, à comitatu Edeffano infaustum sumpsit exordium. Mortuo enim viro strenuo & in agendis prouido *Ioscelino* Comite Edeffano, filius eius iunior *Ioscelinus* à paterna probitate & honestate degenerans, sordibus effluens & libidine dissolutus, *Edeffam* ciuitatem valde negligenter munitam relinquens amisit, *Sanguino* Mussulæ Domino, quæ caput est & Metropolis prouinciæ Assur, ciuitatem obsidente, quam effractis mœnibus violenter occupauit. Post hæc verò prædicto *Ioscelino* diuinæ ultionis iudicio capto à Saracenis, & in carcere Halapiæ fame & inedia miserabiliter consumpto & mortuo, vxor eius residuam terram quam tenebat, Imperatori Constantinopolitano sub annuo censu resignauit: qui copio-  
 20 sam Græcorum transmittens multitudinem ipsam terram contra Saracenos se defensurum promisit. *Noradinus* autem prædicti *Sanguini* filius de recessu Latinorum licet admodum paucorum gaudens, Græcorum autem imbellem multitudinem, quos molles & effœminatos agnoscebat paruipendens, eodem anno Græculis partim interfectis, partim verò captiuatis, totam terram suo subegit imperio. Addidit insuper idem *Noradinus* castrum, quod dicitur *Harenc*, & ad Antiochenum principatum pertinebat, per decem millaria ab Antiochia distans, obsidere. Et quoniam tunc temporis *Raimundus* Princeps Antiochenus interfectus erat in prælio; filius autem eius *Boamundus*, qui ei in principatu successerat, in captiuitate Saracenorum tenebatur, ipsum castrum facile paucis resistentibus expugnauit. *Pancadem* etiam ciuitatem nostris violenter auferens, suæ subegit ditioni, rege Hierosolymorū *Alma-  
 30 rico* tunc absente, & circa partes Ægypti commorante. Ex tunc cœpit nostrorū deterior fieri conditio: residuam tamen terram nostri defenderunt, quousque regna Ægypti & Damasci, sub diuersis & auersis dominis permanferunt. Postquā verò peccatis exigentibus, prædicta duo regna viribus duplicatis sub vno domino coniuncta sunt, regnum Hierusalem, quod in medio eorum constitutum est, perturbari cœpit & grauius infestari. *Siracunus* siquidem vnus ex prædicti *Noradini* satrapis regnum Ægyptium, quod violenter occupauerat, nepoti suo ex fratre *Salahadino* in morte reliquit. Hic siquidem *Salahadinus* ingenio altutus, in armis & præliis exercitatus, in  
 40 agendis prouidus, & festinus, liberalis valde & munificus, non solum suis, sed etiā quibusdam ex nostris, quos sibi muneribus & promissis alliciebat, quanta mala nostris intulit, & quasi flagellum Domini populum Christianorum triturauerit, totus penè mundus agnouit. Postquam enim, sicut superius diximus, dominum suum *Calipham* Ægyptium improuisum occidit, filio domini sui *Noradini* iam defuncti, qui puer tunc temporis in Halapia morabatur, regnum abstulit Damascenum, præcipuis regni tyrannis partim muneribus & promissis, partim metu & violentiā ad prodicionem inclinatis. Addidit præterea prædicto domino suo, cuius ipse & pater eius serui fuerant, opulentissimas auferre ciuitates: *Haman* videlicet, & *Maubec*; *Emissenam* ciuitatem, quam vulgariter *Chamele* appellant, & insuper *Cæsaream* magnam. Mortuo autem prædicto *Noradini* filio cum in potestatem patruus eius  
 50 domini *Mussulæ* iure hereditario Halapia deuenisset, non solum *Halapiam*, verum etiam Comitatum Edeffanum & totam terram vsque Eufraten & insuper Mesopotamiæ nobiles ciuitates, *Edeffam*, *Carram*, & vniuersam penè regionem prædicto *Mussulæ* domino *Salahadinus* abstulit violenter, in detrimentum & damnum populi Christiani. Eius enim promotio & exaltatio, nostrorum erat formido, periculum & deiectio, præsertim cum Saraceni, qui à principio quando primū Latini terram ingressi sunt, rudes in præliis erant, & quasi inermes cum armibus tantum ad bella procedebant, vsu & exercitio & frequenti cōgressione cum

nostris rei militaris plenius adepti essent disciplinam; & more Latinorum lorice & galeis, lanceis, ensibus & clypeis vterentur. Ad cumulum autem malorum regnum Hierusalem in manus alieni hominis deuenerat, qui non erat de semine illorum, per quos salus facta est in Israël. Ob hanc causam magnæ erant discordiæ & dissensiones inter regni nostri Barones. Primus siquidem Latinorum qui regni Hierosolymitani dominium obtinuit, fuit *Deo* amabilis Dux *Godefridus de Bouillon*, per quem *Deus* operatus est salutem & liberationem Terræ Sanctæ. Hic regnum vno tantum anno strenuè gubernauit: Principem autem militiæ Soldani Ægyptiorum cum infidelium innumera multitudo in prælio superauit. Quo viam vniuersæ carnis ingresso, frater eius *Baldouinus* Comes Edessanus, eidem in regno successit. 10 Hic primus Rex Latinorum Hierosolymitanus fuit: nam frater eius, ubi Dominus spinis coronatus fuerat, regio diademate coronari recusauit. Hic siquidem *Baldouinus* principem militiæ Ægyptii Caliphæ, qui secum vndecim milia equitum & triginta milia peditum adduxerat, cum ducentis sexaginta equitibus, & nongentis peditibus superauit; ipsumque Principem cum quinque milibus ex suis interfecit, reliquis partim captis, partim fugâ elapsis. In alio etiam bello maximam Ascalonitarum & Ægyptiorum multitudinem cum paucis admodum superauit. In tertio autem prælio habens secum equites quingentos, peditum verò duo milia, viginti duo milia Ægyptiorum in prælio subiugauit, cæsis quatuor milibus ex eis cum præside Ascalonitarum, reliquis autem in fugam conuersis. Regnauit autem annis 20 decem & octo, & mortuus est: cui successit secundus Latinorum Rex Hierosolymitanorum *Baldouinus de Burgo* consanguineus eius, qui secundo regni sui anno cū septingentis equitibus congressus est cum Gazi Principe Turcorum potentissimo. Hic denique Gazi innumeram Turcorum multitudinem secum habens, cōfectus est in prælio, cæsis ex suis quatuor milibus; multis autem vinculo mancipatis, cum reliquis fugæ præsidio vix euasit. In secundo autem prælio regem Damascenum superauit, habens secum mille ceterum equites, peditum verò duo milia: hostes autem equitum quindecim millia habuisse dicuntur, ex quibus duobus milibus interemptis, multis captis, pluribus autem vulneratis, alii cum principe suo terga dederunt: de nostris autem viginti quatuor ceciderunt. In tertio autem bello Rex Ascalonitas, 30 cum Ægyptiis, qui ad eorum venerant subsidium, in bello prostrauit. In quarto autem conflictu *Doldequinus* Damasci Regem contriuit in bello; duobus milibus ex hostibus interemptis; de nostris autem equitibus viginti quatuor; de peditibus verò octoginta ceciderunt. Regnauit autem tredecim annis, & mortuus est: cui successit in regno gener eius *Fulco* Comes Andegauensium, Cenomanensium & Turonensium, cui prædictus Rex filiam suam primogenitam *Milisendam* dederat uxorem. Hic cum infinita Turcorum multitudo, quæ de sinu Persico ebullerat, circa partes Antiochenas congregiens, tribus milibus interemptis, multis autem captiuitate detentis, cæteris fugâ mortem euadentibus, gloriosum triumphum de hostibus reportauit. Regnauit autem vndecim annis. Dum autem in territorio Acconensi leporem agitando cum equo suo præceps corrueret, improviso & lamentabili casu in fata concessit, relinquens duos filios, *Baldouinum* primogenitum, qui illi in regno successit, & *Amalricum*. Hic autem *Baldouinus* nono regni sui anno, quosdam nobiles Turcorum satrapas cum vniuerso exercitu suo citra partes Hierichontinas in prælio superauit, interfectis ex eis quinque milibus, reliquis verò cū ignominia & confusione fugientibus. Quinto decimo autem regni sui anno, cum Principe Damasci *Noradino* congregiens, fugiente *Noradino* cum parte exercitus sui, reliquis autem interemptis, Rex victor campum obtinuit. Regnauit viginti quatuor annis, & mortuus est sine liberis; cui successit in regno frater eius *Amalricus*. 40 Hic primo regni sui anno in partibus Ægypti cum *Dargam* Principe militiæ Ægyptiorum congregiens, factâ magnâ strage hostium, diuinitus victoriam obtinuit. In secundo autem prælio habens secum trecentos septuaginta milites, pugnam iniit cum Principe Soldani Damasci *Siracuno*, circa solitudines Ægypti. Hic autem *Siracunus* habebat in comitatu suo duodecim milia Turcorum; Arabum autem vndecim milia. Eo die, nocte appropinquante à se inuicem discesserunt, centum ex nostris interemptis; de hostibus autem, mille asserunt cecidisse. Regnauit autem annis duodecim; & eo viam vniuersæ carnis ingresso, regno præfectus est filius eius

lius eius *Baldouinus*. Hic diuino iudicio leprâ percussus, regnum nihilominus strenuè rexit. Anno siquidem regni eius tertio, cum trecentis septuaginta quinque equitibus circa partes *Ascalonæ* occurrens *Salahadino*, ipsum cum viginti sex millibus equitum in prælio superauit: ipso *Salahadino* cū parte exercitus fugiente, aliis partim trucidatis, partim vinculis mancipatis: de nostris autem quatuor aut quinque tantum occubuisse dicuntur. In alio autē prælio circa *Tyberiadem* cum septingentis equitibus occurrens *Salahadino*, qui viginti milia equitū secum habere dicebatur, factus superior, mille ex hostibus interemit: de nostris autem paucissimi ceciderunt. Cum autem Rex propter prædictam eius ægritudinem uxorem ducere  
10 nolisset, duas sorores quas habebat, *Sibyllam* primogenitam, & *Isabellam* iuniorem, duobus viris nobilibus genere, uxores dedit: *Sibyllam* dedit *Willermo de Longaspatha*, Marchioni Montisferrati: *Isabellam* autem tradidit *Enfrido de Torono*. Mortuo autem prædicto *Willermo*, & relicto quodam paruulo filio, cui nomen *Baldouinus*, Rex prædictam sororem suam tradidit cuidam adolescenti de *Pictauiensi* comitatu, *Guidoni* scilicet de *Lesinio*: cui etiam, eò quod infirmitate nimium grauabatur, totius regni administrationem cōmisit: deinde verò regis indignationem incurrens, procurationem & administrationem amisit. Rex enim conuocatis regni Maioribus, nepotem suum paruulum *Baldouinum* in regem inungi fecit: & tam ipsum quam regni negotia prouidentiae & tutelae comitis *Tripolitani* cō-  
20 misit. Non multo tēpore post *Baldouino* rege leproso viam vniuersae carnis ingresso, iuniore etiā rege *Baldouino* defuncto, præfatus *Guido* procurāte uxore suā *Sibyllā*, ad quam regnum iure hereditario pertinebat, sublimatus est in regem, nō requisito assensu Comitis *Tripolitani*, qui totius regni procurator tunc erat. Vnde valde indignatus præsertim cum ipse ad regnum aspiraret, absque regis consensu, cum quo rancorem & inimicitias contraxerat, cum *Salahadino* treugas iniit: & vt maiorem in regno & contra ipsum regem defensionem haberet, & nocendi materiam, cum domina *Tyberiadis* & totius *Galileæ* matrimonium contraxit. Vnde facta est in regno periculosa valde & perniciofa dissensio quibusdam Comiti fauentibus, aliis autem regi adhærentibus. Attendens igitur *Salahadinus* tanquam vir  
30 astutus & in rei militaris exercitio, & experientia sufficienter instructus, quod regnum in se diuisum fuisset desolatum, & in immenso foramine discordiae facile patret ingressus, & maxime sumptā occasione eò quod princeps Montis regalis & totius terrae trans *Jordanem*, treugas, quas cum *Saracenis* vicinis habebamus, maximam eorum prædam auferens, contigerat, ex omnibus subiectis regionibus multitudinem pugnatorum congregauit, ex *Ægypto*, *Arabia* & *Damasco*, *Halapia*, & *Mesopotamia*, tam equites, quam pedites, contra nos conuocando. Dicitur autem quinquaginta milia equitum, exceptis peditibus, in comitatu suo secum traxisse. Præmisit autem ante faciem suam decem milia electorum equitum, qui per terram comitis *Tripolitani*, qui treugas cum *Saracenis* habebat, per partes scilicet *Tyberiadi* & *Nazareth*, vique ad suburbia *Accon* transierunt, vt more suo nostros prouocarent: si fortè incautè vel inordinatè prosequētibus nostris possent eos perimere vel captiuos retinere: nec effectu caruit astuta impiorum machinatio. Magister enim *Militiae Templi* cum fratribus suis plusquam septuaginta incautè egrediens, cū Magistro *Hospitalis*, qui cum fratribus suis decem de castello suo *Beluor* reuertebatur, interclusi sunt ab eis iuxta *casale Roberti*. Licet autem non nisi centum viginti milites in comitatu suo haberent, decem millibus *Saracenorum* viriliter resistentes, multis ex eis interfectis, ipsi tandem ferè omnes interfecti sunt, vel retenti. Magistro autem *Templi* cum paucis fugā elapso, magistro verò *Hospitalis* trucidato, primo die *Maii* cruentam de nostris reportauerunt victoriam. Ex quo facto animo-  
40 siores effecti *Saraceni*, mense *Iulio* sequenti, omnibus viribus suis in vnum congregatis vltimam regni nostri ex parte *Damasci* ciuitatem, *Tyberiadem* videlicet obsederunt. Iam enim Comes *Tripolitanus*, cuius erat ciuitas a *Saracenis* ruptis treugis recesserat, eò quod imponeretur sibi, quod contra regem & regnum mala plurima machinans *Saracenis* confederatus fuisset. Munierat igitur prædictam urbem contra *Saracenos*, uxore suā in præsidio relicta. Dominus autem *Guido* Rex *Hierosolymitanus*, & *Raimondus* Comes *Tripolis* cum omnibus ferè totius regni viris nobilibus, cum equitibus & peditibus quotquot habere potuerunt, sinistris omi-

BBBBB



nibus, diuini fauoris auxilio destituti, Salahadino & suis occurrentes, tentoria sua circa fontem Sephoritanum locauerunt. De multitudine siquidem sua plusquam de diuino adiutorio confidebant: à primo enim introitu Latinorum in Terram Sanctam, nostri tot milites in vno prælio congregare nequiuērunt. Erant enim mille ducenti milites loricati: peditum autem cum armis, arcubus & balistis circiter viginti milia, infausta expeditioni interfuisse dicuntur. Die autem sequenti dum nostrorum exercitus versus obsessam ciuitatem progredieretur, copiosa equitum leuiter armatorum multitudo de exercitu Salahadini à dextris & à sinistris nostros proteruè nimis infestans, sagittis & spiculis tam equos quam equites sine intermissione vulnerans in loco arido & in aquoso exercitum nostrum castra loca- 10 re, & tentoria figere coëgit. Quod prudenter attendens Salahadinus, sequenti die priusquam ad aquas exercitus nostri peruenire potuissent, iuxta *Thoronum* Ethin ordinatis secundum militarem disciplinam aciebus nostris tam equitibus, quam equis siti arentibus, dimicaturus hostiliter occurrit. Erant autem dies feruentes valdè. Mense enim Iulio quarto nonas eiusdem, in festo translationis sancti Mar-

An. Dn.

1187.

tinii, anno Incarnationis Domini *millesimo centesimo octogesimo septimo*, tradidit Dominus populum Christianorum, infinitis eorum peccatis exigentibus, in manus impiorum, adeo quod nostri subito terga dantes inimicis ferè omnes à maximo vsque ad minimum trucidati sunt, vel captiuitate detenti. In tantum enim formidine & pusillanimitate humiliavit eos Dominus, quod vnus ex hostibus ver- 20 sa vice, centum persequeretur ex nostris; & quidam arma sua turpiter proicientes, in manus inimicorum se ipsos gratis tradebant. Facta autem magna strage caesorum *Guido de Lisiniaco* Rex Hierosolymorum, & Magister Militiæ Templi cum multis aliis tam maioris quam minoris ordinis in captiuitate detenti abierunt absque fortitudine, ante faciem subsequens. Vt autem certis indiciis & euidentibus signis Dominum sibi terribiliter offensum agnoscerent, & diuinæ protectionis clipeum ab ipsis recessisse non dubitarent, lignum salutiferæ Crucis, quod die illo tenebroso secum in prælio detulerunt, lamentabili infortunio amiserunt. Salahadinus autem existimans Templariorum & Hospitaliorum ordines prorsus in partibus Orientalibus delere, quotquot ex ipsis capere potuit, decapita- 30 ri præcepit.

xev.

Qui autem de Christianis casu aliquo euadere potuerunt, qui etiam in ciuitatibus & munitionibus remanserunt, longo tempore post prædictum infortunium, velut mulieres, meticulosi facti sunt, & emarcuit cor eorum, ita quod plures ex ipsis paucos ex Saracenis expectare non audebant. Vnde statim post prædictam victoriam Salahadino ante *Accon* venienti, saluis personis suis resignauerunt ciuitatem. Inde verò *Berithum* transiens absque contradictione eandem à ciuibus desperatis recepit. *Biblum* etiam absque vlla difficultate obtinuit. Ab *Accon* autem vsque ad *Ascalonam* de ciuitatibus maritimis nulla ei ausa fuit resistere. *Ascalonitæ* verò eò quod inexpugnabilem credebant esse suam ciuitatem, cursum eius paulisper retardantes, ei responderunt, quod ciuitatem suam non re- 40 linquerent, donec certi essent vtrum Hierosolymitani ciuitatem suam non retinerent vel resignarent. Postquam autem ante *Hierusalem* sua fixit tentoria, hac conditione tradiderunt ei ciuitatem, quod liberi cum his, quæ secum deportare possent, egredierentur, & vsque in terram securitatis ab ipso deducerentur. Sic igitur de manibus inimicorum euadentes postquam Tripolim deuenērunt, in manus deteriores prophanas & sacrilegas inciderunt. Quicquid enim secum detulerunt, comes Tripolitanus *Boamundus*, cum satellitibus suis filiis Belial, qui prædictis exulibus fratribus suis compati debuerunt, prorsus abstulerunt, crudeliores Saracenis se ipsos Christianis exhibentes. Ex quo illud miserabile & à sæculis inauditum referunt ibi accidisse; dum quædam matrona paruulum suum secum super humeros 50 deferens ab impiis hostibus spoliaretur: nulli enim sexui vel conditioni parcebant, nec etiam pudenda perscrutari erubescabant: attendens mulier illa quod ea quæ sibi Saraceni pro se & filio suo nutriendo reliquerant, hi ad quos confugerat, rapiebant, supra modum perturbata, & spiritu tristitiæ & desperationis absorpta proprium filium in mare proiecit. Prædictus autem Salahadinus *Ascalonam* reuertens hac conditione ciuitatem recepit, quod Regem & Magistrum Templi, quos captiuos tenebat, restitueret libertati. Inde verò non segnis neque piger vsque Tripolim pertransiens,

pertransiens, videns ciuium multitudinem cum his, qui ad ciuitatem confugerant ad resistendum paratam, credens quòd de manu eius ciuitas non posset euadere, si tempore oportuno postquam alias occupasset munitiones reuerteretur, versus *Antiochiam* cursum direxit, praesertim quia tunc temporis circa munitiones maritimas non veller multum laborare; eò quòd Piratarum Princeps in mari potentissimus, quem *Margarit* nominabant, de regno Siciliae cum octoginta galeis ad nostrorum subsidium aduenerat, missus à strenuo & illustri Rege Siciliae Wilermo. Hic enim postquam lamentabilem casum Regni Hierosolymitani audierat ab his qui ad partes illas in nauibus confugerant, confestim eadē aetate non solum praedictas galeas, 10 sed milites quingentos, & *Turcopulos* trecentos, & victualia absq; aestimatione transmiserat ad subsidium residuae terrae, vir venerabilis & Deo deuotus. Salahadinus autem suam fortunam impetu spiritus sui non segniter vrgens infra trium mensium spatium totum obtinuit Antiochenum principatum; excepto castro inexpugnabili domini Antiocheni Patriarchae quod *Cursatum* appellant; & ciuitate Antiochena; à qua datā sibi multā pecuniā à domino Patriarcha recessit, spem certam & fiduciam habens, quòd aliis circumquaque occupatis munitionibus sola ciuitas diu repugnare non posset. Ipse enim pliusquam viginti quinque ciuitates & oppida, in praedicto principatu suae subiecerat ditioni. Reuertens igitur in regnum Hierosolymitanum ciuitatem *Tyrensem*, quae sola ex omnibus regni ciuitatibus remanserat, 20 terrā & mari cum vniuersali exercitu obsidione vallauit. Erat autem in tempestate illa in ciuitate Tyrensi vir nobilis & armis strenuus *Conradus* Marchio Montisferrati: Nam eodem, ut dicitur, die quo nostri in praedicto bello corruerunt, ipse de Constantinopoli veniens, illuc nauigio deuenit. Hic autem ciuibus promisit quòd defenderet ciuitatem, si eam post eius liberationem sibi concederent possidendam. Ciues autem libenti & grato animo eius annuerunt petitioni: Nam & ipsi, quasi desperati nullo modo posse resistere fortitudini Salahadini credebant, qui vniuersam iam occupauerat vndique regionem. Ipse autem ex parte terrae Salahadino viriliter resistens, ex parte maris galeas eius igne succendit. Vnde 30 Salahadinus turbatus valdē & iratus, solutā obsidione statim recessit. Ipse enim absque expensis magnis & damno, & sine aliqua sanguinis effusione credebat eos angustiare, & ad deditionem compellere. Et reuerā facillē hoc fecisset, nisi Deus aliter prouidisset: Nam castra munitissima *Saphet*, *Belvoir*, *Turonum* & *Belfort* quae in montanis sita erant, ipse ad deditionem compulit, licet aliquo tempore, quandiu victualia habuerunt, restitissent. Quomodo enim pauci & perterriti & impotentes homines tam potenti Principi resisterent? qui non solum terram Aegypti, sed vniuersam ferē Syriam propriae subiecerat ditioni, quae à Tigri fluuio habens initium vsque in Aegyptum protenditur, & à Cilicia vsque ad Mare Rubrum.

Prima siquidem pars eius, quae inter Tygrim & Euphratem in media interiacet, *Mesopotamia* Syriae nuncupatur: Secunda eius pars *Calsyria* specialiter dicitur, in 40 qua sita est Antiochia, cum vrbibus sibi suffraganeis, vsque ad riuum Valeniae, sub castro Margath. Tertia autem pars Syriae, *Syria maritima*, & *Syria Phoenicis* nominatur, in qua sita est Tripolis, & Tyrus & Accon, habens initium à praedicto riuo, finem verò ad Lapidem incisum, qui dicitur *Districum*, hodie verò *Castrum Peregrinum* nominatur. Quartapars eius dicitur *Syria Libanica*, in qua situs est Libanus. Dicitur praeterea *Syria Damascena*: nam Metropolis eius est Damascus. Quandoque tamen simpliciter Syria appellatur, nomine totius parti attributo: ut ibi, *Ca-* *Isaia 7.* *put Syria Damascus.* Tres etiam *Palaestinae*, maioris Syriae partes sunt. Prima, cuius Metropolis est Hierosolyma; & haec pars specialiter *Iudaea* appellatur. Secunda, cuius Metropolis est Caesarea maritima; & continet totam terram Philistinorum. 50 Tertia, cuius Metropolis est Scythopolis, quae hodie dicitur Bethsam. Sunt insuper Syriae partes, vtraque *Arabia*. Prima, cuius Metropolis est Bostrom: Secunda, cuius Metropolis est Petra deserti. Sed & *Syria Sobal* eiusdem Syriae maioris est pars, cuius Metropolis est Sobal. Nouissima autem pars Syriae est *Idumaea*, respiciens ad Aegyptum. Tantum igitur & tam potentem aduersarium tot regna sub se habentem, tantorum capitum belluam, pro peccatis nostris tanquam diuinæ ultionis flagellū, contra nos Dominus suscitauit. Interea rumores sinistrae, & casus lamentabiles xcvii. vniuersas Occidentis regiones concusserant; omnibus qui audierant animo con-

sternatis, & quasi graui vulnere doloris immensi sauciatis. Præ omnibus autem venerabilis pater *Vrbanus*, qui sanctæ Romanæ Ecclesiæ tempestate illâ præerat; summus Antistes, attendens & inconsolabiliter dolens quòd temporibus suis Orientalis Ecclesia tam miserabilem desolationem & tam irreparabilem incurrisset ruinam, audiens Sancta prophanari, & à canibus immundis conculcari, pretiosum salutiferæ Crucis lignum ab impiis & indignis hominibus detineri & contrectari, Terram sanctam tanto Christianorum sanguine liberatam rursus ab infidelibus & prophanis hominibus occupari, perturbatione doloris & mœoris anxietate febrem incurrens, non multò post partim febre, partim tædio & langore vitam finiuit. Cui successit in pontificali dignitate vir honestus & omni acceptione dignus *Gregorius*, 10 qui peccatis nostris exigentibus post septem hebdomadas in fata concessit. Post quem ad apicem summæ & Apostolicæ dignitatis sublimatus est *Clemens tertius*. Hic modis omnibus cum fratribus suis Cardinalibus laborauit ad Christianorum succursum, qui pauci remanserant tanquam oues inter lupos, & ad Terræ Sanctæ liberationem inuitans, admonens & obsecrans Occidentales Principes, & omnes CHRISTI fideles; & in plenam omnium peccatorum remissionem iniungens, quatenus CHRISTI Ecclesiæ & ciuitati redemptionis nostræ, induti virtute ex alto, succurrere non differrent. Ex quo factum est quòd Imperator Romanorū *Fredericus*, & Rex Franciæ *Philippus*, & Anglicorum Rex *Ricardus*, & omnes ferè Principes, Duces, Comites, & Nobiles eisdem subiecti, vnà cū Archiepiscopis, Episcopis, Abbatibus & aliis Ecclesiasticis personis, cum inferiori populo, cuius non erat numerus, viuificæ Crucis signo humeris suis affixo, ad Terræ Sanctæ succurrendum, voto sese sollempniter astrinxerunt, verbo & exemplo inuicem exhortantes, & alios incitantes: adeò quòd dedecus & ignominiosum videretur, si tanquam desides & ignaui, aliis proficiscentibus, ipsi domi remansissent. 20

Sequenti autem æstate post amissionem Terræ Sanctæ, cū Rex *Guido* ciuitatē Tyrensem non posset recuperare, eò quòd prædictus Marchio, qui eā liberauerat, sibi propriam ex pacto vendicauerat; nec de toto regno suo saltē vnum Casale remanserat, vbi caput reclinaret; indutus reuerentiā & confusione, præsertim cū Terra Sancta sub ipsius amissa esset regimine, quasi de vita sua nō curaret, cum paucis valde quos colligere potuit, Acconensem obsedit ciuitatem, in torono aliquantum eminenti, quod est iuxta ciuitatem, tentoria sua collocando. Erat autem frater eius cum eo *Gaufridus de Lusinio*, vir animosus & in armis strenuus, qui gratiā fratris sui omnes alios præcesserat peregrinos. Postquam autem res innotuit *Salahadino*, dicitur gratias retulisse Deo suo, eò quòd Christianorum reliquias cum rege suo in manu sua conclusisset: & reuerā non solum *Salahadino* cum innumera sui multitudine exercitus; sed his qui in ciuitate erant, tam pauci homines diu resistere non valerent. Cumque dicerent *Salahadino* Principes eius quatenus prædam à Domino sibi oblatam capere festinaret, fertur respondisse, quòd cū isti non possent euadere, fratrem suum, quem venturum in proximo expectabat, vt gaudii eius & victoriæ socium vellet expectare. 40

Ipsæ tamen non multis diebus post per experientiam didicit, quoniam semper nocuit differre paratis. Nam vir nobilis, & in Dei seruitio probatissimus *Jacobus de Auesnis* secum Flandrenses, Brabantinos & Frisones adducens, & opportuno tempore adueniens, sua ante *Accon* fixit tentoria. Multitudo insuper nobilium & aliorum de Campania & Burgundia, nec non qui de Italia aduenierunt, non longo tempore post, ante prædictam applicuerunt ciuitatem. Vt autem subitas & improuisas Saracenorum euitare possent irruptiones, castra sua fossato vndique munierunt. Quantas autem tribulationes & angustias, quot pericula & detrimenta, antequam venirent Reges Franciæ & Angliæ, perpeSSI sint, longum esset enarrare. Nam eorum machinas frequenter Saraceni combusserunt: multos autem sagittis & spiculis lætaliter vulnerantes, frequenter occiderunt: multò autem plures inedia, labore, & aëris corruptione vitam in sabulo ante ciuitatem finierunt. Videntes itaque nostri quòd facile ciuitatem expugnare non possent, præsertim cū hi qui in ciuitate erant acriter resisterent, *Salahadinus* autem cum exercitu suo nostros exterius ex parte fossati multipliciter infestaret; quadam die contra hostes pugnaturi exierunt. Saraceni autem licet longè plures essent, nostros expectare non audentes, castris suis relictis fugerunt. Nostri verò cū iam ad castra Saracenorum absque

absque contradictione aliqua peruenissent, iusto, licet occulto, Dei iudicio commoti & perterriti, nullo insequente fugere coeperunt. Quod videntes Saraceni fiducia resumens & audaciam, reuersi ad nostros posteriores cadere, & sagittis tam equos quam equites vulnerare sine intermissione coeperunt. Paucos autem de nobilioribus, qui turpe & ignominiosum reputabant terga dare, multitudine sua concludentes Saraceni occiderunt. Inter quos Magister militie Templi, & *Andreas Comes Brenensis* cum aliis compluribus die illo ceciderunt. Hi autem qui in ciuitate erant exeuntes, & nostris in reditu occurrentes, multos interemerunt. Tanta autem erat gentis nostre confusio & perturbatio, tantus timor fugientes inuaserat, quod vix de omnibus his qui exierant aliquis ut dicitur euadere posset, nisi vir strenuus & in armis exercitatus predictus *Ganfridus de Liffino*, qui ad castra conseruanda remanserat, cum his, quos secum habebat, nostris succurrere festinaret. Dicunt autem casu mirabili tantam nostris die illo accidisse confusionem: Dum enim equus quidam domini sui manus fugiendo euasisset, quibusdam insequentibus & clamantibus, crediderunt alii nostros a facie inimicorum fugere; & ita omnibus ferè fugientibus, ad tentoria sua cum maximo dedecore, & Christianitatis detrimento, redierunt. Cum autem per annum & dimidium nostri qui precesserant, Imperatorem & Reges, & alios subsequuturos Principes expectarent, tanta fames & victualium penuria orta est in exercitu, quod carnes equorum & cadauera mortuorum animalium compulsi sunt manducare. Modius enim frumenti qui tempore pacis pro dimidio bifantio habebatur, sexaginta bifantiis vendebatur. Ex quo factum est quod pedites de exercitu tantam penuriam amplius sustinere renuentes, contra mandatum maiorum usque ad triginta milia contra Saracenos exissent, ut a castris eorum victualia deportarent: hostes autem astuti fugam fraude simulantibus incautos homines non solum victualibus, sed auro & argento & variis suppellectilibus onerari permiserunt. Cum ita suffartinati & immensis ponderibus pragrauari reuerterentur exultantes, *cithara eorum subito conuersa est in luctum*; &, *ex- Job 30. tremagaudii luctus occupauit*. Saracenis enim cum impetu & clamore valido subse- *Pron. 14.* quentibus, non est inuentus vel vnus qui resisteret inimicis: non solum autem aurum & argentum, sed etiam arma proicientes, omnes ferè vel in via prostrati sunt, vel in mari fugiendo submersi. De his autem qui euadere potuerunt, multi prè timore in insaniam versi sunt. Sic igitur eorum murmur & inobedientiam Dominus puniri permisit: His autem diebus *Sibylla* predicti Guidonis Regis vxor in exercitu viam vniuersæ carnis ingressa est. Vnde regnum ad sororem eius *Isabelem*, vxorem viri nobilis *Herfrandi de Torono* iure hereditario deuolutum est. Quod attendens *Montis-Ferrati Marchio*, qui iam Tyrum ut dictum est occupauerat, regnandi ambitione & regni cupiditate permotus, predictam Elisabeth viro suo auferens, cum ea de facto matrimonium contraxit. Licet autem Peregrinis tantum scelus valde displiceret, predicto viro nobili Herfrando conquerenti satisfacere dissimularunt, eò quod non nisi per manus Marchionis, à Tyro victualia venalia haberent: Ipse etiam muneribus quosdam ex maioribus corripit, ut sibi fauorem præstarent. Dum hæc in exercitu ab his qui præcesserant variè agerentur, Imperator Romanorum *Fredericus*, cum virtute magna & innumera pugnatorum multitudine per terram profecturus, iter arripuit. Egressus autem de vltimis finibus Alemannie, transiensque Hungariam, Macedoniam & Græciam, per terras Saracenorum in manu potenti & brachio extento, subiugatis sibi Iconio, Philomenâ, & aliis pluribus ciuitatibus usque ad Armeniam peruenit: vbi dum æstu maximo balneandi gratiâ in fluuium, quem *Ferream* appellant incolæ, descendisset, casu flebili submersus & suffocatus in aquis, peccatis exigentibus interiit, in totius Christianitatis detrimentum. Adeo enim aduentum eius Salahadinus metuebat, quod muros Laodiceæ & Gabeli, Tortosæ, & Biblii, Berithi, & Sidonis, eò quod per partes illas Imperatorem transiturum putabat, dirui præcepit, solis munitionibus, oppidis videlicet & turribus, reſeruatis. Sed & *Rex Franciæ Philippus* & *Ricardus Rex Angliæ*, postquam Brundisii posteriores exercitus sui expectantes hyemauerunt, vere subsequenti cum nauibus & galeis, cum equis multis & bellicis instrumentis & copia victualium portui Accon applicantes, nostrorum exercitum immenso gaudio repleuerunt. Rex siquidem Franciæ prior cum suis applicuit. Nam *Ricardus* Anglorum

Rex insulam Cypri, Græcis in ea commorantibus deuictis, in aduentu suo sibi subiugauit. Obsidentes igitur ciuitatem & ex omni parte vallantes per totam illam æstatem continuè impugnaverunt, his qui intus erant cum virtute magna resistentibus. Petrarias enim Petrariis opposcentes & machinas nostras confringentes, igne etiam Græco castella lignea, quæ nostri cum expensis magnis fabricarant, succedentes, multas nostris molestias inferebant. Cùm autem quadam die nouos & recentes pugnatores cum armis & victualibus in naui maxima, quæ *dromum* nominant, Salahadinus in ciuitatem mitteret, Rex Anglorum cum galeis ei iuxta portum occurrens nauem cum militibus submersit in profundum, cum magna Christianorum exultatione & maxima Saracenorum confusione. Nam præter alia quibus 10 nauis onerata fuerat, dicunt quod in ea fuissent quidam serpentes, quos in exercitum nostrum mittere proposuerant, & per hoc multum nostros damnificare credebant. Rex autem Franciæ *Philippus* diebus ac noctibus sine intermissione muros ciuitatis, turres & mœnia immensis molaribus concutiens, interiùs autem machinas hostium, domos, & ædificia confringens & subuertens, requiem negabat obsessis. Sed & Rex Anglorum ex alia parte frequentes & periculosos insultus inclusis acriter inferebat. Cùm igitur ex continuis & violentis molarum tunctionibus & attritionibus murus ciuitatis rumperetur, attendentes inclusi, quod diu resistere iam non possent, hac conditione resignauerunt ciuitatem, ut saluis personis & liberis exirent, & ob hoc Crucem sanctam, quam in prælio perdiderant Christiani, 20 se reddere promiserunt. Sed cùm eam inuenire non possent, iratus & indignatus Rex Anglorum omnes illos qui in partem eius cesserant, præcepit trucidari. Rex autem Francorum captiuos suos pro redemptione nostrorum, quos Saraceni captiuos tenebant, in vinculis reseruauit, temperantiùs & mitiùs agens. Rex autem Anglicorum magis damnificauit & debilitauit inimicos, multis milibus interemptis, qui plurimum in posterum nocere possent Christianis. Videns itaque Salahadinus captam esse ciuitatem, & magnam partem suorum interemptam, cõsternatus animo, nec habens spem ut alias ciuitates contra nos retinere valeret, muros maritimarum ciuitatum, scilicet Porphyriæ, Cæsareæ, Ioppen, & Ascalonis, Gazæ & Darum destruxit. Rex autem Ricardus reedificans Ioppen muniuit: quâ postea à Salahadino; 30 obsessâ, Rex cum galea per mare festinans, exercitu suo per terram cum difficultate magna subsequente, succurrens obsessis exercitum Saracenorum remouit. Saracenis autem valde confusis & perterritis, & a facie nostrorum cum principe suo fugientibus, non solum regnum Hierosolymitanum, sed partem magnam terræ Saracenorum nostri faciliè potuissent acquirere, nisi humani generis inimicus tãtis Christiani populi successibus inuidens superseminaret zizaniam. Immisit enim inter reges æmulationes & discordiam, & facta est *contentio inter Principes, & errare fecit eos in inuio, & non in via*. Venantes enim propriam gloriam, & quæ sua sunt, non quæ IESV CHRISTI quærentes, inuicem detrahendo & inuidendo, lætificauerunt inimicos suos; magnam autem Christianorum populo confusionem induxerunt. Adeo autè 40 ab initio rancor, inuidia & discordia inter Reges inualuerunt, quod plerumque quâdo Rex Francorum contra ciuitatem assultus ex vna parte faceret, Rex Angliæ ne ciuitatem impugnarent, suis inhibebat. Quotquot autem de Principibus & Baronibus Franciæ muneribus vel promissionibus sibi allicere poterat, latenter attrahebat, & in partem suam inclinabat. Vnde Rex Fraciæ perturbatus valde & commotus, & maximè quia ægritudine quadam laborabat, relicto Duce *Burgundia* cum parte exercitus loco sui, statim post captionem Acconensis ciuitatis, recessit. In hoc tamen minus sapienter egit, quod suum præproperè nimis reditum propalauit. Nam Salahadinus, ut dicunt, totam terram nostram nobis libenter reddidisset, si Reges saltem tantummodo simularent quod terram eius vnanimiter vellent inuadere, & 50 inter se pacem & concordiam habere. Rex igitur Angliæ cum exercitu suo, & Dux Burgundiæ cum Francorum exercitu residuo, *Hierusalem* obsessuri, ab Accon versus Ioppen procedentes, plurima in itinere pertulerunt incommoda. Salahadino enim cum militibus & Turcopulis innumeris posteriores prosequente, à dextris etiâ & à sinistris nubem telorum emittentibus Saracenis, nostri cum maxima difficultate utque Assur oppidum, quod inter Cæsaream & Ioppen situm est, peruenerunt, multis tam ex equitibus quam ex equis grauiter vulneratis; ipso etiâ Rege Ricardo in via

Matth. 13.

Psal. 106.

Phil. 2.

c.

in via illa telo quodam fauciato. Nostri autem iuxta prædictum castrum Saracenos ut eis vicem rependerent, acriter inuadentes, & ipsis terga dantibus insistentes, multos ex eis occiderunt; sed non sine graui damno Christiani exercitus. Nā in die illa cecidit miles nobilis, & in armis strenuus *Iacobus de Auenis*; multiq̃ue cum illo felici martyrio coronati ceciderunt, qui seorsum nostris ignorantibus cum multitudine Saracenorum pugnabant. Salahadinus autem cum his, qui fugæ præsidio euadere potuerunt, in Hierusalem se recepit. Nostri autem in quodam loco qui dicitur *Bethenuble*, inter Ioppen & Hierusalē castra locauerunt, ut inde proficiscerentur Hierusalem obsessuri. In eodem autem loco nunciatum est Regi Ricardo, quòd de partibus Ægypti cum mulis & equis & camelis innumeris, victualibus & aliis bonis oneratis, ad exercitum Salahadini maxima veniret *carauana*. Ipse autē illi festinanter occurrens, & iter de nocte latenter arripens, maximam prædam secū ad exercitum adduxit. In magno tamen periculo reliquerat exercitum, nam maiorem militum partem secum trahens, paucos valdè respectu eorum, qui cum Salahadino erant, reliquit. Habito autem post hæc consilio, quòd tempore hyemali non obsiderent Hierusalem, præsertim cum nullā inter Accon & Hierusalem munitionē haberent, nisi Ioppen; nec sine graui & manifesto periculo victualia ad exercitum deportare valerent, cum multis lachrymis & immensa tristitia maioris partis exercitus, propositū mutauerunt. Nam à multis dicebatur, & ab his maximè qui statum Saracenorum plenius agnouerant, quòd exercitum nostrum nunquam expectasset Salahadinus: nec poterat inuenire qui in ciuitate ipso recedēte includi vellent, vel auderent remanere, Acconensium exemplo perterriti, quibus non potuit succurrere Salahadinus; quin etiam ipsos captos partim trucidari, partim captiuari permiserat, cum ipsos potuisset redemisse. Rex igitur Anglorum cum exercitu suo pergens, *Ascalonam*, muros eius per totam illam hyemem cum labore magno & expensis reparare non cessauit: oppidum etiam *Darum* reedificans munivit; Gazam verò reparatā tradidit Templariis ad quos ante pertinebat, ut ipsam custodirēt. *Dux* verò *Burgundia* cum his qui de regno Franciæ secum remanserant, eò quòd non benè cum Anglicis conueniebant, secedens Tyrum ibidem cum Marchione hyemauit. Verè autem subsequente cum iterum vsque Bethenuble ambo exercitus ut Hierusalem obsiderent, peruenissent; Rex *Ricardus* quasi in virum alterum mutatus, dixit quòd modis omnibus vellet repatriare: hanc occasionem prætendens, quòd frater eius *Ioannes* ad regnum aspirans, partem terræ eius iam occupasset. Ex alia verò parte regem Franciæ, qui ab ipso iratus recesserat, non immeritò suspectum habebat, metuens ne ducatum Normanniæ Rex Philippus in eius absentia violentè inuaderet. His igitur auditis rumoribus Saraceni exultantes, & quasi de graui somno excitati, corda resumpserunt. Nostri autem confusione & dolore induti, recuperationis Ciuitatis sanctæ spem penitus amiserunt, gementes pariter & lugentes, eò quòd sacrificii sui caudā sublatā, labores suos inchoatos & non perfectos, quasi ad nihilari viderent. Si autem recessum suum aliquanto tempore Rex Anglorum abscondendo distulisset, optimas condiciones & treugas bonas & honorabiles apud Saracenos inuenire possemus. Ipse autem in detrimentum totius Christianitatis, sicut homo impetuosus erat, ad recessum aspirans & festinans, quasunque treugas Salahadinus offerre voluisset, absque contradictione & difficultate recepit. Ex quo factum est quòd Ascalonam & Darum & Gazam nostri diruere compulsi sunt, secundum treugarum conditionem & tenorem. Darum siquidem & Ascalona, Gaza & tota terra vsque Ioppen in partem cessit Saracenorum. Ipsi autem Ioppen & aliam maritimam vsque Accon, nobis ex pacto reliquerūt, scientes pro certo, quòd munitionibus destructis terram planam diu contra ipsos retinere, recedente exercitu non possemus. Interim autem Marchione Montis Ferrati *Conrado*, à quibusdam baptizatis Saracenis, quos in domo sua diu nutriuērat, interfecto, Comes *Campanie* *Henricus* ad suggestionem Regis Angliæ, cum vxore illius *Isabella* matrimonium contrahens, in terram remansit. Rex autem Anglicorum, dum recederet, in Alemannia captus, & ab Imperatore detentus, donec maximā pecuniæ summā redemptus, vix tandem euadens in Angliam peruenit. Comes verò *Henricus* licet cum Regina contraxisset, Accon & Tyri dominium adeptus, coronari tamen & Rex fieri recusauit: nā & ipse sicut alii ad reditum aspirabat. Ex quo factum



est, quòd cùm aliquot annis in terra remansisset, & omnibus preparatis repatriare vellet, de fenestra domus suæ decidens supra fossati ciuitatis Acconensis pavimentum, ceruicibus contractis expirauit. *Haimericus* autem Rex Cypri, frater Guidonis de Lisinio iam defuncti, cum Reginâ Elizabeth matrimonio copulatus, post prædictû Comitem terræ dominium & administrationem suscepit. Post recessum autem Regis Angliæ & aliorum Peregrinorum, in quanto periculo Christianorum paucitas & residuum Terræ sanctæ remanserunt, citò nobis Saraceni ostendissent, nisi mortuo Salahadino inter ipsos facta diuisione multiplices exortæ fuissent discordiæ & inimiciæ valdè necessariæ Christianis. Nā filiis Salahadini patruus eorum, scilicet frater illius, omnia regna, excepto Halapiæ regno, auferēs, aliorum Saracenorum animos propter hoc contra se prouocauit. Nostri autem contra ipsum aliquid attentare non poterant vel audebant: pro magno enim reputabant, licet multas ab impiis frequēter receperent iniurias, iuxta ipsos quocūq; modo viuere, & terræ suæ residuum conseruare. *Biblit* tamen ciuitatem & munionem, quibusdam Saracenis, eam nostris ignorante Soldano resignantibus, datâ pecunia recuperauerunt illi ad quos iure hereditario pertinebat. Sed & *Berythi* ciuitas cum oppido, fugientibus Saracenis qui eam custodiebant, Christianorum restituta est potestati. Imperator enim Romanorum *Henricus* missâ multitudine Alemanorū ad Terræ sanctæ subsidium, treugas soluere præcepit. Ipsi autem in partibus Tyri munionem, quæ *Toronum* dicitur, obsidentes, cùm obsessi saluis personis castrum resignare voluissent, nocte vnâ munionem recipere distulerunt Alemani, nā & oppidum & personas non posse euadere de manibus suis æstimabant. Sequenti autem die innumerâ Saracenorum multitudine ad castrum succursum concurrēte, confusi recesserunt. Cumque appropinquassent *Berythi*, exterriti Saraceni qui in ciuitate morabantur, eis urbem & munionē reliquerunt. Audientes autem quòd dominus eorum Imperator *Henricus* obisset, absque alia vtilitate confestim ad propria redierūt. Sed & quidā ex nostris ipsorum fiduciâ prouocati, *Joppen* contra Saracenos munierunt; quibus in breui tempore & absque magna difficultate Saraceni munionem auferentes, ipsam solotenus diruerunt, illos quos intus reppererunt captiuos ducentes. Ex tunc treugis reformatis, quas libenter Saraceni concedebant, eò quòd ferè totum regnum Hierosolymitanum possidebant, & inter se maximas habebant discordias & graues inimicitias, nō addiderunt nostri, licet nimium afflicti, facillè treugas rumpere, vel aliquam penitus munionem obsidere, vel diruptā reparare. Vnde nō multo tempore post cùm quidam nobiles, de Campania præcipuè & de aliis Franciæ partibus, transfretassent, nostris treugas soluere recusantibus, ipsi *Antiochiam* pergentes sub Principe Antiocheno militaturi, qui tunc guerrā cum quibusdam habebat, à Saracenis inter Tripolim & Antiochiam capti sunt & detenti, & in carcere Halapiæ mancipati. Duabus tamen vicibus, postquam prædicti Alemanni recesserunt, nostri treugas cum Saracenis ruperūt. Vnâ vice aduenientibus quibusdam nobilibus de regno Franciæ, *Simone* scilicet de *Monte forti* viro nobili & religioso, & in armis strenuissimo, & fratre eius *Guidone* cum quibusdam aliis, & cum Comitissa Flādiæ quæ virum suum fuerat subsequuta: ipse autem iam coronatus erat Constantinopolitanus Imperator: Aliâ vice, quando mortuo Rege *Haimerico* & eius vxore, *Comes Brenensis Ioannes* ad regnum Hierosolymitanum vocatus, transfretauit, heredem regni filiam Marchionis *Conradi* & Reginæ *Isabellis* ducēs in vxorem. Parum tamen aut nihil profecerunt: Nam neque munionem aliquam obsederunt, nec dirutam reparauerunt; sed tantum in terra Sarracenorum equitantes, quibusdam casualibus succensis, prædam quandoque abduxerunt. Statim autē postquam prædictus *Ioannes* coronatus fuit in Regem & inunctus, Saraceni montem *Thabor* in dedecus & detrimentum Christianorum, & maximè vt ciuitatem *Accon* amplius coarctarent, contra nos munierunt. Nostri verò treugas iterum cum Saracenis firmantes, cum multis oppressiōibus & miseriis gementes & dolentēs, de supernis auxilium inuocabant, à Deo & sancta Romana Ecclesia consolationem & subsidium de die in diem expectantes,

EXPLICIT HISTORIA IHEROSOLYMITANA.

IACOBI DE VITRIACO librum secundum, petat qui vult, ex editione  
Duacensi: neque enim huc facit.

IACOBI



# IACOBI DE VITRIACO

## HISTORIÆ ORIENTALIS

### LIBER TERTIVS:

#### QVI POTISSIMVM DE CAPTA A CRUCE

SIGNATIS DAMIATA AGIT.

10



OMINVS Papa *Innocentius* bonæ memoriæ, volens scire mores Turcarum & vires Saracenorum, contra quos Christiani exercitus præparabant: mandauit Patriarchæ Hierosolymitano, vt inquisitâ diligentius veritate, tam detētores nominatim, quam terras eorum, sanctæ Romanæ Ecclesię scriptis suis fideliter exponere procuraret. Quod quidam in diebus istis per quasdam naues redeuntēs de partibus Terræ Sanctæ, domino Papæ detētores & fines eorum exposuerunt certissimè in hunc modum. Duo fuerunt fratres, *Saladinus* & *Saffadinus*. Mortuo Saladino, qui vndecim habuit filios, regnauit

20 *Saffadinus* dictus, qui occidit omnes nepotes suos, præter vnum, qui vocatur *Naradinus*, qui tenet terram illam videlicet *Halapiam*, cum omnibus confinibus suis, ciuitatibus, villis, castris & aliis munitionibus, quæ sunt plures ducentis. *Saffadinus* habuit filios quindecim, de quibus heredaui septem; videlicet *Malealim*, qui primus est & maior natu omnibus, & tenet Alexandriam, Babyloniam & Kayron, Damiam & totam terram Ægypti in meridie & septentrione. Mortuo autem patre suo *Saffadino*, de generali constitutione patris & fratrum fuit, quod ipse esset dominus omnium & totius terræ. Secundus est filius nomine *Coradinus*, qui habet Damascus & sanctam Hierusalem, & totam terram quæ fuit Christianorum: quæ sunt inter ciuitates, munitiones & castra, plures trecentis, præter villas: qui modo in

30 mense Ianuario fecit treugas, vsque ad magnum *Passagium*, cum Patriarcha, & aliis magistris de Hospitali & Templo. Tertius filius est nomine *Melchiphais*, id est, *grandis*; qui tenet terram quæ dicitur *Gemella*, cum tota illa prouincia, in qua sunt CCC inter ciuitates, castra, villas & munitiones. Quartus filius est nomine *Melchisenaphat*, id est, *magnum dominus*, qui tenet terram Asiæ cum omni potentatu suo, in quo sunt plures sexcentis inter ciuitates, munitiones & castra. Quintus filius est nomine *Melchisaphat*, qui tenet regnum terræ de *Sarco*, vbi interfectus fuit Abel à Cayn fratre suo: in quo regno sunt octingentæ inter ciuitates & munitiones & castra plana. Sextus filius est nomine *Machomet*, qui tenet regnum de *Baudas*, vbi est Papa Saracenorum, qui vocatur *Kabatus*, siue *Caliphas*; qui colitur, adoratur,

40 & tenetur in lege eorum tanquam Romanus Episcopus apud nos, qui non potest videri nisi bis in mense, quando hic cum suis vadit ad *Machomet* Deum Saracenorum. Et inclinato capite & factâ oratione in lege eorum antequam exeant de templo, splendide comedunt & bibunt, & sic reuertitur Caliphas coronatus ad palatium suum. Iste Deus Machomet visitatur quotidie & adoratur, sicut visitatur & adoratur dominus Papa. In ista ciuitate de Baudas iste Machomet est Deus, & Caliphas est Papa, quæ ciuitas est caput totius gentis & legis Saracenorum, vt Roma est in populo Christiano. Septimus filius est nomine *Saluphat*: qui non habet specialem terram, sed hic est cum patre suo *Saffadino*. Iste portat vexillum coram eo, quando equitat in expeditione. Cui vnusquisque fratrum singulis annis pro certo redditu dignitatis suæ trāsmittit mille Saracenos & duos dextrarios bene præparatos. *Saffadinus* pater quando equitat & visitat filios suos prædictos, incedit velato capite vno famito rubeo, cui omnes filii inclinato capite ad terrā, exeunt ei obuiam per septem miliaria, & osculantur pedes ipsius, & tunc ipse super equum recipit eos ad osculum & ad manum, & cum vnoquoque moratur per triduum semel in anno; & sic à primo vnumquemque vsque ad septimum filium visitat memoratos; & quilibet omni anno pro certo tributo soluit ei viginti mille Saracenos in fisco patris, & pater dat omni anno vnicuique filiorum tantū auri, vnde possit fieri vnus anulus, in

50

quo sculpitur imago ipsius. Isti volunt libenter reddere Terram Sanctam in manus domini Papæ ad opus Christianorum, ita ut certi sint & securi de tota alia quam continent à populo Christiano, singulis annis sub certo tributo Patriarchæ Hierosolymitano persoluendo, & dabunt cautelam Romanæ Ecclesiæ. Deinde non amplius impedient Terram Sanctam, in qua Dominus noster suis pedibus ambulauit. Prædictus *Saffadinus* de more prædecessorū suorū faciem suā non ostēdit omnibus, nisi decies in anno, quia semper est velatus cum nuncios recipit Christianorū, Veneticorum, & aliorum Regum vel Principum totius orbis. Primo die recipit ipsos in prima scala de Cayron, ubi semper est status eius. Tunc recipit litteras, & non audit nuncios. In secundo die audiuntur in secunda scala, astantibus centum Turcis, seruis suis, 10 benè armatis. Tertio die per *Turquigentem*, id est, Interpretem, dat responsum nunciis secundum modum causæ; & post triduum possunt ad ipsum accessum habere. *Saffadinus* quindecim vxores habet in lege sua, quæ omnes sunt in vno palatio simul, & cum singulis dormit. Si verò aliqua illarum concipit & ex eo filiū habet, ipse vadit & dormit cum ea aliis videntibus. Illā, quæ nō habet ex eo filium, ad se, quando vult, per nuncios suos in vesp̄eris horis facit vocari, & detinet eam per noctē & diem, & sic de singulis facit: & statim quando aliqua istarum quindecim moritur, introducit aliam inter alias de consuetudine legis suæ. Quinquagenarius est *Saffadinus*, potens in armis & gente, eloquens valde in lingua sua. Muniuit ipse totā terram suam, & filiorum suorum, & exercitus congregat infinitos: sed in omnibus vult 20 cum suis in prædictū modum obedire Apostolicæ Sedi. Octo filii *Saffadini* de cōstitutione sic viuunt. Duo ex ipsis custodiunt Sepulchrum Domini cū quinque Latinis: Quibus duobus fratribus quicquid datur vel offertur Sepulchro, peruenit, & ipsi diuidunt inter se æqualiter: & valet illud frequenter viginti mille *Saracenos*. Quatuor habent redditus de calice, qui omni anno in mense Augusto irrigat totam terrā Ægypti: Et plus valent isti redditus, quā quadraginta mille *Saraceni*. Duo alii fratres minores, quotidie sunt ante Deum suum Machomet pro Castitate, & totum quod datur ad pedes, habent ipsi: & isti redditus valēt plus quā triginta mille *Saraceni*. *Hierusalem*, gloriosa metropolis Indæ, in medio mundi sita est. Cui ab Oriente, adiacet Arabia; à Meridie, Ægyptus; à Septētrione, mare Cyprium; ab Oc- 30 cidente, mare magnum. Ab Hierusalem vsque *Acchon*, sunt tres diatæ, & ab *Acchon* vsque ad *Damascum* sunt quatuor diatæ. *Damascus* est optima ciuitas in Idumæa, duplici muro, & turribus pluribus decorata, viridariis & pomeriis exornata, ex omni latere habens irriguum intra & extra pro voluntate inhabitantium, & sunt in ea plures Christianorum ecclesiæ. A *Damasco* ad quatuor milliaria, est quidam locus in montibus situs, in quo est Ecclesiā Beatæ Virginis Mariæ in rupe ædificata, in qua sunt duodecim moniales & octo monachi. Hic locus *Sardinia* appellatur. In hac ecclesiā tabula est lapidea ad mēsuram vnus vlna longa, & lata ad modum dimidiæ vlnæ: In hac tabula est depicta imago Virginis Mariæ. Hæc imago super lignum fuit incarnata, effundēs oleum odoriferum super odorem Libani; quo 40 liniti diuersis languoribus curati sunt: & oleum nunquam minuitur quantumcumque inde accipitur. Oleum hoc à religioso quodam Christiano seruetur, augmentatur pro quacunque infirmitate vel re ipse voluerit: si cum deuotione & fide sincera sumptum fuerit, pro honore Virginis perpetuæ cum Missarum solennitatibus, impetratur indubitanter. Ad hunc locum in Assumptione & natiuitate Beatæ Virginis Mariæ omnes *Sarraceni* illius prouinciæ causa orandi confluunt, & suas cerimonias & oblationes offerunt cū magna deuotione. Hæc tabula Constantinopoli facta fuit, & depicta, & à quodā Patriarcha Hierosolymitano in Hierusalē translata. Hanc tabulam petiit quædam Abbatisa prædicti loci, & impetrauit, & secum detulit. Et nota quod in terminis *Damasci* & *Antiochiæ* est quoddam genus 50 *Sarracenorum*, quod vulgari nomine *Herefim* appellant, & alio nomine *Veteres Montani* vocantur. Hoc genus hominum sine lege viuunt, carnibus porcinis vescitur contra legem *Saracenorū*; & qualibet muliere vitur indifferēter, scilicet suā sorore siue aliā. In montibus habitat & in firmissimis locis recipitur. Terra ipsius non est multum fertilis: De peculio non habet. Nō nisi vnum solū dominum habet, qui ab omnibus *Saracenis* & etiā Christianis propinquis & remotis multum timetur, quia miro modo facit illos occidere. Habet dictus Dominus plura palatia altis muris clausa,

- clausa, ita quòd nō nisi per paruū ostium hominibus diligentissimè pateat introitus. In his palatiis filios rusticorum suorum facit nutriri à primis cunabulis, & diuersis linguis instrui à magistris sibi deputatis. A primæua ætate eis hoc prædicatur, & docetur, vt Domino illius terræ obediant: quod si fecerint, gaudia Paradisi conferantur eis. Et nota quòd ex quo in Palatiis includuntur, præter doctores & magistros suos, neminem vident, quousque à Principe ad aliquem interficiendum euocantur. Tunc in præsentia Principis constituti interrogantur, si velint ei obedire, vt conferat eis Paradisum. Illi qui sunt instructi dat vnicuique cultellum vnum acutum, & eos emittit ad interficiendum quemcunque velit. Nota quòd Damascum
- 10 habitauit Edom. Vnde Propheta: *Quis est iste qui venit de Edom tinctis vestibus de Bosra? &c.* Hic Abel interfectus est à Cain fratre suo. Prope Idumæam est quædam terra quæ *Phœnicia* appellatur, id est, Baruth. In Phœnicia est *Tyrus*, *Acchon*, *Sarepta*, *Berithus*, *Biblum* & *Agaby*, mons *Libani*. In *Berytho* fuit quædam imago Domini, quæ nō multum post passionē eius ad ignominiam ipsius Domini nostri I E S V C H R I S T I à quibusdam Iudæis ridiculosè est crucifixa; ex cuius latere statim exiuit sanguis & aqua. Vnde & multi Iudæorum in vero crucifixe crediderunt. Quicunque sanguine illo linebatur, quacunque grauabatur infirmitate, sanus fiebat. In *Sydone* nata est Dido. *Tyrus* nobilissima est Phœnicis metropolis, quæ celat originem \*tumultum. Hæc C H R I S T V M maritima perambulantem noluit recipere.
- 20 Hæc, vt Diuina testatur \*propagina, multos martyres D E O reddidit. Apud *Sareptam* Helias filium viduæ suscitauit. *Libanus* mons est Phœnicis, ad cuius radices *Farfar* & *Albana* fluuii oriuntur. Montis *Libani* & planities *Archados* transfluit *Albana*, copulans se mari magno, in illis partibus in quibus beatus Eustatius vxore priuatus & filiis recessit desolatus. *Farfar* per Syriam tendit in Antiochiam labens secus muros ciuitatis, decem milliariis ab eo mari mediterraneo se commendat. In Antiochia sedit Beatus Petrus Apostolus septem annis insulâ decoratus. Ad radices *Libani* oriuntur duo fontes *Ior* & *Dan*, ex quibus sub montibus *Gelboë* *Iordanis* conficitur. In quo C H R I S T V S à Iohanne Baptista tribus miliaribus à Hiericho baptizari voluit: & vox Patris super eum intonuit, dicens: *Hic est filius meus dilectus.* *Matth. 3.*
- 30 Etenim hic *Iordanis* diuidit Idumæam, & Galilæam, & terram Hierusalem. Ab *Acchon* vsque *Nazareth* sunt septem miliaria, & septem vsque ad montem *Thabor*, & quatuor vsque ad montem *Carmeli*; qui & *Caiphas* dicitur, & septem vsque ad castellum filii *DEI*, quod prius & nunc *districtum* vocabatur. A districto vsque ad *Cæsaream* sunt septem miliaria. A *Cæsarea* vsque *Ioppen* est vnâ diæta. A *Ioppe* vsque *Ascalonam* sunt septem miliaria. Est autem alia ciuitas iuxta mare sita nomine *Gaza*, vbi *Sampson* confregit portas, & secum detulit. Istæ tres ciuitates supra mare sunt: nulli inhabitant eas, neque Christiani, neque Pagani, nisi *Cæsaream*, vbi modò Christiani de nouo ædificauerunt optimum castrum. Item, à Hierusalem vsque ad montem *Synai* sunt duodecim diætæ per desertum. Est autem desertum terra sabulosa & inculta, nil germinans, præter arbuta humillima; & terra illa est distemperata, quia in hyeme est nimis frigida, & in æstate nimis calida. Transitus eius difficilis est & incognitus, & vix ab aliquo scitur nisi ab Idumæis, qui sæpius illum locum frequentant. Nota quòd desertum illud nutrit leones, struthiones, porcos, boues siluestres & lepores: aqua inuenitur ibi rarissima, nisi in quartum vel quintum diem. Item, mare tangit desertum in vno latere, & ex alio mare rubrum. Item in deserto sunt septuaginta duæ palme, vbi *Moyles* percussio silice eduxit aquas. *Syna* mons in Arabia, & terminat *Ægyptum*. *Ægyptus* terra plana est & calidissima, rarò habens pluuiam; sed irrigatur a *Gyon*, qui & *Nilus* dicitur, septem habens brachia per *Ægyptum* decurrentia. Est iste fluuius maior *Rhenò*; in Paradiso oritur, & abundat piscibus non multum valentibus. Hic fluuius feras nutrit indomitas sub aqua latitantes. Attamen sæpe egrediuntur ad solem, & mordent & deuorant omnia animalia, quæ incauta sunt iuxta mare. Alit enim *Crocodilos* infinitos. Hoc genus animalis ad modum lacertæ formatum est, habens quatuor pedes, crura curta & grossa, & caput quasi crocæ, magnos habet dentes: ad solem egreditur quandoque, & si qua animalia vel homines inuenerit, mactat si potest, & comedit in memento. Incipit autem *Nilus* excrefcere in medio Iunio vsque ad festum Exaltationis sanctæ Crucis, & exinde decrefcit vsque ad Epiphaniam Domini. Et no-

ta, quòd quando diu in crescendo est, vbicunque post recessum aquæ terra appareret, rusticus semen proicit, & in Martio metit. Terrâ ista non producit alium bladium, nisi hordeum & triticum pulcherrimum. In hac terra, vbi maior pars Nili recipitur infra mare, ibi inter ripas Nili & littus maris est sita Damiatâ ciuitas. Hæc est pulcherrima & firmissima valde, & infinitis turribus exterius & interius decorata, habens versus fluuium duplicem murum, versus siccum triplicem murum. Nota quòd ante Damiatam in medio Nilo erecta est turris fortissima. In qua erant septuaginta cameræ factæ ad arcum vultum; & in vnaquaque earum erant tres archeræ. A cuius turris pede maximæ cathenæ protenduntur ad muros ciuitatis, ne pateat aditus nauigio intrantibus vel egredientibus Ægyptum, nisi de licentia Soldani. Hac enim viâ exeunt naues oneratæ ab India venientes Syriam, Armeniam, Antiochiâ, Græciam & Cyprû: ab hoc transitu Rex Babylonîæ recipit infinitos redditus. Hæc ciuitas quasi caput & clauis est totius Ægypti, præcellit enim in munitione Babyloniam, Alexandriâ, Thanasiû, & cunctas ciuitates Ægypti. Ab hac ciuitate sunt octo diætæ vsque ad montem *Syna*, vbi requiescit corpus beatæ *Catharinæ* Virginis. In magna veneratione tenent Sarraceni locum illum, & monachos eiusdem loci. Item à Damiatâ sunt septem miliaria vsque Thanasium, & aliud brachium Nili intrat mare ante Thanasium. Item à Damiatâ ad tres diætâs est maxima ciuitas super Nilum, quæ *noua Babylonîa* dicitur. Et notandum est quòd ad tertiam partem miliarii ab hac ciuitate, fuit quondam egregia ciuitas & munitissima, quæ *Cayer* vocatur, in qua adhuc sedes est regalis & palatia principum: Hæc & noua Babylonîa ad mandatum Soldani vno muro clausæ sunt, & sunt factæ vna eademque ciuitas. In hoc loco Sarraceni habitant, Iudæi, Christiani; & quælibet natio suam legem colit. Circa hanc ciuitatem sunt optima pomeria, & viridaria multa. Est etiam ab hac ciuitate ad vnum miliarium *hortus Balsami*: habens in quantitate ferè dimidium mansum. Et est lignum Balsami, vt lignum vitis triennium, folium paruum sicuti trifolium: tempore maturitatis circa finem Maii scinditur cortex ligni Balsami, secundum quod in vasis vitreis colligitur; & per sex menses in stercore columbino reconditur & decoquitur, & desiccatur; postea liquor à fece separatur. Qui hortus habet fontem vnde irrigatur, quia ab aqua alia non potest irrigari. Et nota quòd nusquam terrarum nisi in hoc loco Balsamus crescit. Vsque ad hunc fontem Beata Virgo MARIA cum Salvatore nostro, Herode persequente fugit; & ibi per aliquot tempus lauit, lauans in hunc fontem pannos pueri: & vsque in hodiernum diem, fons iste à Sarracenis in maxima veneratione habetur. In Epiphania Domini maxima multitudo Sarracenorum de omni confinio illic confluit, & se lauat in prædicta aqua fontis. Item apud *Cayer* est arbor palmæ antiquissima & alta, quæ solum Beatæ Mariæ Virgine inclinavit, quando cum Salvatore illic transiuit; & ab ea dactylos collegit, & iterum erigebatur: quam Sarraceni inuidentes, tunc temporis succiderunt: quæ proximâ nocte sequenti consolidata est & erecta, & vsque ad hodiernum diem succisiones apparent. Hanc quoque arborem Sarraceni venerantur & honorant. Et nota quòd tres fuerint *Babylonîæ*: Prima fuit super fluuium *Cobar*, vbi regnavit Nabuchodonoser Rex Babylonîæ, in qua fuit turris Babel: & hæc deserta dicitur, & distat à Babylonîa per triginta diætâs. Fuit & alia in Ægypto, sita super *Nilum*, in qua regnavit Pharao, distans à noua Babylonîa per quinque miliaria: & hæc quoque destructa est. Et est *noua Babylonîa*, de qua supra dictum est. Et nota, quòd à noua Babylonîa vsque ad Alexandriam sunt tres diætæ per terram, & sex per aquam. Nilus tamen non descendit in Alexandriam secus muros ciuitatis, sed aliquantulum est remotus. *Alexandria* est egregia ciuitas, muris & ædificiis & vniuersa hominum multitudine decorata, sub Rege Babylonîæ constituta. In eius porta turris altissima est erecta, vt nauigantibus portum indicet: quia Ægyptus terra plana est, vnde de nocte ignis in ea ponitur. Aquam dulcem hæc ciuitas non habet, nisi per conductum sumptam: Nilus vno tempore anni in cisternis suis colligitur. In hac vrbe sunt plures ecclesiæ Christianorum: inter quas est ecclesia sancti Marci Euangelistæ, extra muros nouæ ciuitatis supra mare sita. Antiquitus enim hæc vrbs vsque ad mare protendebatur, sed modò non sic est. Est etiam ibi quædam Capella, in qua Marcus Euange-

Euangelista Euangelium scripsit, & martyrium sumpsit & locum sepulturae: postea Venetis ibidē est furatū corpus ei<sup>9</sup>. In hac ecclesia Patriarcha eligitur & cōsecratur. Et nota quòd per totam Ægyptum omne genus leguminum à festo sancti Martini vsque ad Martium recens colligitur: similiter fructus hortorum & herbarum. Oves & caprae bis pariunt in anno, & ad minus gemitum fructum proferunt: certū datur pro eis tributū. Item in Ægypto nutriuntur pulli in furno simul mille, vel duo milia per ignem absque gallina; & vsus iste Regis est. Et notandum quòd *Sarraceni* credunt in DEVM Saluatorem: Credunt & Beatam Mariam, virginem fuisse ante partum; & Filium eius Prophetam esse dicunt, & à DEO cum corpore & anima assumptum fuisse in cælum: Sed negant eū fuisse Filium DEI, & baptizatum, & sepultum & mortuum. *Machomet* Prophetam esse dicunt, & eorum legislatorem, quem etiam frequentare solent in peregrinationibus suis. Dicunt etiam quòd vnique Saraceno liceat septem vxores ducere simul; & vnique earū speciales expensas à contractu nuptiarum prouidere: Similiter quotquot habere poterit *schauas* vel seruas, cum eis licenter peccat: quarū seruatum, si qua cōceperit, libera erit: & vnumquemque filiorum suorum siue de libera, siue de ancilla heredem sibi elegerit, facere potest. Multi tamen Saraceni adeo religiosi sunt, qui nō nisi vnā habent vxorem.

**L**ætetur mons Syon, & exultent filie Iudæ, propter iudicia tua Domine. Confiteantur Domino quoniam magnificē fecit, scribentes & prædicantes mirabilia Domini; qui mandauit sanctificatis suis, & vocauit seruos suos in ira sua, exultantes nō in propriis viribus, non in operibus iustitiæ quæ fecerunt ipsi, sed in gloria Maiestatis eius, qui est in omnibus benedictus in secula, Amen. Terra de qua oriebatur panis, qui de cælo descēdit, in loco Natiuitatis suæ ferro succisa est in munitionibus multis, quas inhabitant perfidi. Locus Saphiri, lapides terræ, quia fuit possessio Patriarcharum, alumna Prophetarum, doctrinæ Apostolorum, mater fidei. Glebæ illius aurū in his, qui sibi charitate adhæserunt; & religionis custodes nunquam in ea defuerūt. Quæ quondā de libera post multos gemitus & longa suspiria iā exultat in spe, & de bonitate liberatoris sui confisa, gaudens gaudebit remota virga peccatorum de sorte iustorū. Sanè quæ vidimus, & audiuius, & veraciter intelleximus, scribimus omnibus orthodoxis, absque falsitatis ammissione; vt quicquid est, vsque ad virtutis fastigium assurgat in laudem DEI, & in gratiarum actiones.

**A** N N o gratiæ *Millesimo ducentesimo decimo septimo*: expirante treugâ Christianorum & Agarenorum, in primo passagio generali post Concilium Lateranēse: congregatus est exercitus Domini in *Acchon* copiosus cum tribus *regibus*, Hierusalē, Hungariæ, Cypri: qui mystica munera secum non deferentes, parum egerunt memoriā dignum. Astuit *Dux Austriae*, vulgariter *Ostliche*, & *Dux Baurie*, cū multis Comitibus & viris generosis, ac militia magna regni Theutonici. Aderāt etiam *Episcopi* Peregrini, *Archiepiscopus* Niccosiensis, Ioriensis, Hungariæ, Baiocensis, Sicensis, Monasteriensis, & Traiectensis; & cū eis vir potens & nobilis dominus *Gualternus de Auesnes*, qui reuersus in passagio vernali quadraginta milites reliquit in seruitio Terræ Sanctæ, quibus prouidit sumptus per annum. Bauari insolenter & contra legem Christianorum se habuerunt, hortos & pomeria Christianorum destruendo. Nec his contenti, Christianos occiderunt, eiicientes de domibus religiosos. *Dux Austriae* sicut princeps Catholicus, per omnia Christo laudabiliter militauit. *Patriarcha* Hierosolymitanus cum magna humilitate cleri & populi, tollens reuerenter mirificæ sanctæ Crucis lignum, sextā feriā post festum omnium Sanctorum profectus est ab *Acchon* in castra Domini, quæ præcesserunt ad *Recordaniam*. Hic autem dulce lignum post Terram Sanctam perditam reseruatum fuit ad hæc tempora. Imminente siquidem conflictu Saracenorum cum Christianis, tēpore Saladini, sicut à senioribus accepimus: Crux secta fuit, pars ad præliū delata, & ibidem perditā, pars reseruata, quæ nūc exhibetur. Cū tali vexillo ordinatis aciebus processimus per *planū Faba* ad fontē *Trebania*, multum eodem die laborantes; & præmissis exploratoribus, videntes puluerem ab aduersariis concitari, incerti fuimus, an contra nos, an fugiendo properarent. Sequenti igitur die per montes *Gelboë*, quos habuimus ad dextram, & paludē ad sinistram, profecti sumus *Bethaniam*, vbi castra fixerat aduersarius. Sed metuens tam ordinatē procedentis & tam copiosi DEI viuētis exercitus aduentum, tentoria tollens & fugiens, terram vastandam militibus CHRISTI reliquit.

CCCCC

6



Inde transeuntes Iordanem, in vigilia sancti Martini, corpora nostra lauimus pacifice in eo; & quieuius per biduum, ibidem copiam victualium & pabuli reperientes. Deinde super littus maris Galilaei tres mansiones fecimus, peragrantes loca in quibus Saluator noster mirabilia dignatus operari corporali praesentia cum hominibus conuersatus est. Aspeximus *Bethsaidam* ciuitatem Andreæ & Petri, tunc ad casale modicum redacta. Demonstrata sunt loca, ubi CHRISTVS discipulos vocauit; & ubi supra mare siccis pedibus ambulauit, turbas pauit in deserto, montem ascendit orare; & locus, ubi cum discipulis suis post resurrectionem manducauit: & tunc per Caphernaum infirmos nostros pauperes in iumentis portantes, reuersi sumus in Acchon. In secundo equitatu adiunximus pedem montis *Thabor*. Primo aquarum inopiam, postmodum per defossionem copiam inuenientes, desperabant capitanei nostri de montis ascensu, donec puero Saracenico mitti ante castrum fore comprehensibile, consilium inierunt. Prima verò Dominica Aduentus cum legeretur Euangelium, *ite in castellum quod contra vos est*, Patriarcha praecessit cum signo Crucis, Episcopis & Clero per decliuum montis orantibus & psallentibus, licet mons praeruptus sit vndique; & excelsus, & quasi impossibilis ad ascendendum extra semitam strictam: milites tamen & satellites, equites & pedites viriliter ascenderunt. *Ioannes* Rex Hierusalem cum militia Domini strauit castra Ianuam unam, & Admiralem unum primo impetu. Defensores castrum qui intrepidi extra portas ad defendendum montem nostris occurrerant, in fugam conuersi sunt & stupore. Sed Rex, ut imponitur ei, quantum meruit ascendendo, tantum demeruit descendendo. Inclusis enim hostibus infra castrum, turpiter Reges Hierusalem & Cypri, Magister Hospitalis, & alii Barones in partem montis, deliberaturi quid facerent, recesserunt. Nobilis *Dux Austriae* non interfuit huic deliberationi, quia ex altera parte montis incredulos impugnabat, & ad nos, qui in summitate montis eramus, ascendere de facili non valebat; nec Magister Templi, qui remanserat infirmus in Acchon. Cum verò Magistro Hospitalis fratre *G. de Monte acuto* consulenti, quae pars exercitus ad custodienda castra rediret, & quae pars in monte castrum obsideret, ad quod libens & paratus erat, quia de facili videbatur comprehensibile & reddibile breui tempore, cum sine ostendiculo ad insultum necessaria possent erigere: contradixerunt alii & maxime *Comes Tripolis*; dicens esse in periculo exercitum diuisum. Quam verò fide hoc consulerit Comes, & alii assenserunt, Deus nouit; & sic impedita obsidione, ipsam Dominicam Rex & Comes descendentes, & alios descendere facientes per indultum animaduenerunt incredulos. Sed quo Dei iudicio vel principum consilio exercitus Dei descenderit & inglorius recesserit, ignoramus: hoc tamen scientes quod diuinorum iudiciorum abyssum humanae mentis oculus penetrare non potest. Multi autem Templarii, & Hospitalarii, & quidam seculares in secundo montis ascensu, quando castrum vires receperunt, vulnerati sunt, & pauci mortui. Credimus autem CHRISTVM Dominum sibi soli seruasse huius triumphum, qui cum paucis discipulis ipsum ascendit, gloriam suam resurrectionis ibidem demonstrando. Porro in primo & secundo equitatu maximam multitudinem virorum captiuorum, & mulierum, & paruulorum secum adduxerunt. Episcopus autem Acchon paruulos, quos potuit obtinere prece vel pretio, baptizauit; & distribuens inter religiosas mulieres, literis applicare disposuit. In tertio equitatu, cui Patriarcha cum signo Crucis & sacri Pontifices praedicti non interfuerunt, multa damna & incommoda tum per latrunculos, tum hyemis asperitate sustinuimus; praetertim in Vigilia Natiuitatis Domini per viam, ubi multi pauperes & iumenta frigore perierunt. Ac ipsam noctem tempestatem terrestrem, ventis & pluuiis commotam, experti sumus grauissimam in finibus Tyri & Sidonis, iuxta Sareptam. Posthac exercitus Domini quadriduanus diuius est. Reges Hungariae & Cypri Tripolim profecti sunt, ubi Rex Cypri adolescens die clausit extremum. Rex Hungariae breui tempore commoratus cum magno damno Terrae Sanctae recessit: Peregrinos & galeas, dextrarios & iumenta cum armis secum traxit, multum admonitus ne sic recederet; tandem excommunicatus cum sua sequela contumax abiit. Alia pars Peregrinorum & timidorum, & eorum, qui procumbentes ad terram ore pleno de abundantia temporalium biberunt, remansit in Acchon. Rex verò Dei Hierusalem & Dux Austriae cum Hospitali S. Ioannis & Episcopis supradictis & quibusdam aliis castrum in Caesarea Palestine breui tempore viriliter & constanter firmauerunt, licet hostis aduersus frequenter nunciaretur; per hoc castrum, Deo dante, ciuitas ipsa recuperabitur. In Basilica Principis Apostolorum festum Purificationis cum sex Episcopis solenniter

Matth. 21,  
2.

Iud. 7, 5.

niter celebrauit. Templarii verò cū *Gualtero de Auesnes*, & paucis auxiliatoribus Peregrinis, & Hospitali de domo Theutonicorum, *Castrum Peregrinorum*, quod olim *Desfrictum* appellabatur, firmare cœperunt: quod situm est in diocesi Cæsariensi inter Cayphas & Cæsaream: promontorium amplum & latum, mari imminet, munitum naturaliter scopulis. Situs loci talis est ad Aquilonem, Occidentē & Austrum. Versus Orientē est turris firma, & dudū à Templariis ædificata, & possessa tā guer-ræ quàm treugarum tempore. Turris autem ibidem posita fuit olim propter latrun-culos, qui in via stricta Peregrinis ascendentibus in Hierusalem & descendentibus, ab ea insidiabantur. Hæc longè distantē à mari, quæ propter viam strictā *Desfrictum*  
10 appellatur, toto ferè tēpore, quo Cæsariense castrum firmatum est, & consummatū, Templarii ex aduerso promontorii fodientes & deportātes, laborantes per septem hebdomadas, tandem ad fundamentum primum peruenerūt, vbi murus antiquus, longus & spissus apparuit. Inuenta est pecunia in moneta modernis ignota, collata beneficio DEI filiis patris militibus suis, ad alleuiandos sumptus & labores. Deinde in anteriori parte arenam effodientes & deportantes, alius murus breuior inuentus est; & inter commurorum planitiem fontes aquæ dulcis largiter ebullierant; lapi-dum etiam & cæmenti copiam Dominus ministravit. Duæ tūres ædificantur ante frontem castrī, lapidibus quadratis & dolatis, tantæ quantitatis, vt lapis vnus vix à duobus bubalis in curru trahatur. Vtraq; turris cētenos habet pedes in lōgitudinē,  
20 septuaginta quatuor in latitudinem. Spissitudo binas includit testudines, altitudo plurimū ascendens, promontorii celsitudinē transgreditur. Inter duas turres mu-rus nouus & altus cum propugnaculis cōsummatū est; & miro artificio intrinsecus milites armati per gradus ascendere possunt & descendere. Iterum murus paulò di-stans à turribus extenditur ab vno latere maris ad aliud, puteum habens aquæ viuæ inclusum. Promontorium ab vtroque latere muro cingitur alto & nouo vsq; ad ru-pes. Et inter murū Australem & mare duo sunt putei, aquæ dulcis copiam habētes, aquam castro exhibentes. Oratoriū cum palatio & domibus plurimis castrū inclu-dit. Huius ædificii prima est vtilitas, quod conuentus Templariorū eductus de pec-catrice, & omni spūrcitiā plena ciuitate Acchon in huius castrī præsidio residebit,  
30 vsque ad reparationem murorū Hierusalem. Territoriū munitionis huius piscariis, salinis, lignis, pascuis, & herbis abundat; vineis plantatis, & plantandis, pomeriis, hortis habitatores delectat. Inter Acchon & Hierusalem nulla est munitio quā te-neant Agareni. Vnde de hoc castro nouo plurimū dānificantur Saraceni, & terrore diuino ipsos fugante loca inclyta deferere coguntur. Habet hæc structūa portum naturaliter bonum; cū artificio adiutus poterit esse melior. Sex miliaribus distat à monte Thabor. Vnde huius castrī constructio præsumitur causa fuisse mu-nitionis illius; quia in campo longo lato, qui interiacet montanis castrī huius mon-tis Thabor, nec arare, nec seminare, nec metere securè poterāt, propter metum ha-bitantium in eo. *Monasteriensis* Episcopus apud Cæsaream obdormiuit in Domino:  
40 Magister *Thomas* Theologus, Doctor bonus & opinionis claræ, apud Castrum Filii DEI diem clausit supremum, Posthæc exercitus rediit in Acchon. *Episcopi Alem-an-nie* & multi alii se properabant ad transfretandum, breui tēpore in terra Promissio-nis commorati. Exspectabatur passāgium secundum & nouū, & maximè classis ab Aquilone veniens, quæ per angustū mare Carthaginis nauigatura sperabatur. A principio predicationis Crucis CHRISTI prouincia *Colonensis* studio magno in sumptibus plurimis ferè trecentas naues præparauit: Quarū quædam remanserunt, quædam vi tempestatis perierūt; sed maior pars venit Vlisibonæ ciuitatis Hispaniæ. Ibi orta est discordia, quibusdam procedere volentibus, aliis hyemare cupientibus in obsidione castrī fortissimi, quod *Alcatia* dicitur: & sic classis diuisa est: pars apud  
50 *Gactam* & *Cornetum* hyemauit; & pars alia obsedit *Alcatiam*, duos habens capitaneos, Comitem Guilielmum de Hunfadia, & Comitem Georgium de Wite. Captum est hoc castrū per Theutonicos: & cū essent adhuc in obsidione, congregata est con-tra eos maxima multitudo Saracenorum, contra quam viriliter pugnaverūt Tem-plarii & Hospitalarii cum militia Reginæ Portugalix. Victi sunt virtute diuinā Sa-raceni. Rex eorum vnus occisus est, & cum eo plurimi trucidati & in captiuitatem ducti. Excitata fuit prouincia Colonensis ad obsequiū Saluatoris mūdi, per signa quæ apparuerūt in cœlo. Nam in prouincia Colonensi, & diocesi Monasterienti;

2. Cor. II,  
5, 6.  
A. Dn.  
1218.

in villa *Frisiæ Bendui*, mense Maio, sexta feria ante Pentecosten, cum prædicaretur Crux ibidē, triplex forma crucis apparuit in aere. Vna candida, versus Aquilonem: Alia versus Meridiem, eiusdem coloris & schematis: Tertia medio colore colorata, habens crucis patibulum & figurā hominis suspensam, eleuatis brachiis & extensis, cū infixione clauorū in manibus & pedibus & capite inclinato: hæc media fuit inter alias duas, in quibus nō erant effigies humani corporis. Alia vice & alio loco, in villa *Frisiæ Sutehuysem*, tempore prædicationis Crucis, apparuit iuxta Solem crux cærulei coloris: hanc viderunt plusquam priorem. Tertia fuit apparitio in diocesi *Traiectensi* in villa quadam, vbi Bonifacius coronatus est martyrio; vbi in die eiusdem martyris cum magna militia conuenisset ad indictum statiosē, apparuit Crux alba 10 & magna, ac si trabs ex transuerso trabis artificialiter composita fuisset. hoc signum vidimus. Mouebatur autem paulatim ab Aquilone ad Meridiem. Credimus autem duas apparitiones fuisse demonstratas, vt omnis ambiguitas primæ visionis tolleretur, sicut dicit Apostolus de Resurrectione CHRISTI: *Quod visus est Cephe, postea undecim Apostolis, deinde plus quam quingentis fratribus.* Anno igitur gratiæ *MCCCXVIII.* mense Maio, applicare cœperunt ad portum *Acchon* *cogones* de prouincia *Coloniensi* cum aliis paucis de *Bremensi* & *Treuirensi* prouinciis. Confirmatū fuit consilium in Concilio *Lateranensi* cū domino Papa *Innocentio* bonæ recordationis *Henricū Romæ* de introducēda militia Christiana in terra *Ægypti*. Mense ergo *Maii* post *Ascensionem Domini*, præparatis cogonibus armatis, galeis, 20 & aliis nauibus oneratis, de *Acchon* profecti sunt, *Ioannes Rex* de *Hierusalē*, *Patriarcha* cū *Episcopis* *Nicosiensi*, *Acchonen*, *Gymidēno*, *Duce Austrie*, tribus domibus, & copiosa multitudine Christianorum. Indicta fuit collectio nauigantium, apud *Castrium Filii DEI*, quod *Peregrinorum* dicitur: sed flante *Boreâ*, *Rege*, *Duce*, & Magistris domorū ad indictum locū venientibus, exercitus Domini prosperis velis processit, vbi peruenit ad portum *Damiatæ* tertio die, non descendens, sed biduo capitaneos expectans. Maiores congregati sunt ad calandram *Templi*, quid facerent deliberaturi. Quibusdam reditum suadentibus, tandem ad consilium *Archiepiscopi Nicosiensis*, & omnibus ei consentientibus, capitaneo capite de *Sareponte*, applicuimus ad portam *Damiatæ*, hostilem terram cepimus sine sanguinis impensa, priusquam capitanei in galeis sequerentur, qui eodem die circa horam nonam applicuerunt gratulantes, & mirantes nos figere tentoria conspicientes. Illi autem, qui modicam moram fecerunt in prædicto castro, nos vsque ad sextum diem ab exitu de *Acchon* subsequendo portum *Damiatæ* tenere non potuerunt. Multi etiam & nondum præparati post primos nauigantes, aut omninō remanserunt vi ventorum repulsi, aut per mare quatuor vel pluribus hebdomadibus iactati, vix applicuerunt. *Archiepiscopus Rhemen*, & *Episcopus Lemouicensis* graues annis remanserunt in *Acchon*. *Lemouicensis*, debita naturæ ibi soluit; *Rhemen* verò, in passagio sanctæ Crucis reuersus obiit in via. Nobis igitur, vt dictum est, applicantibus: *Frisus* quidā dextro genu in terram fixo, & sinistrā manu circumferente ancillæ speculum ferreum, vibrauit illud, & intuitus *Saracenum* vnum, dum luderet, percussit. Pauci autem de *Saracenis* nobis occurrerunt ad portū. Sed isto cadere subito cum equo, aliisq; fugientibus, sine impedimento castrametati fuimus, intus litus maris & ripā fluminis *Nili*. Hoc etiam mirabile Dominus fecit, quod in primo aduentu aqua fluminis iuncta mari dulcis hauriebatur, quæ postmodum multis vicibus falsa fuit vsque ad *casale*, quod distat à *Damiatæ* ferè per milliare. Modico autem tēpore post aduentum Christianorum facta fuit *Eclipsis* ferè generalis. Quæ licet ex causis naturalibus in plenilunio plerumque proueniat, quia tamē Saluator dicit: *Erunt signa in Sole & Luna, &c.* hanc eclipsin cōtra *Saracenos* interpretati sumus, quasi prætendentem ipsorum defectum, qui sibi *Lunam* attribuunt, incremento vel decremento *Lunæ* vim magnam ponentes. Legitur autem in *Quinto Cursio*, quod cum *Alexander Macedo*, totius malleus orbis, contra *Darium* & *Porum* de *Græcia* profectus esset in *Asiam*, & acies hominum subsisterent ordinatæ: facta est eclipsis *Lunæ*, quam *Alexander* pro *Græcis* contra *Persas* interpretatus, suos animauit, & pugnas contra *Darium* vicit eum. Turris in medio *Nili* capienda fuit ante transitum ipsius. *Frisones* autem impatientes more suo *Nilum* transeuntes, iumenta *Saracenorum* tulerunt, & cupientes in vltiori ripa castra metari stabant pugnant-

tes con-

res contra Saracenos, qui obuam ipsis de ciuitate processerunt. Retuocati sunt per obedientiam, quia non videbatur Principibus nostris expedire, quòd turris paganis repleta post tergum relinqueretur Agarenorum. Interim *Dux Austriae* & Hospitalale sancti Ioannis duas scalas præparauerunt super duos cogones. Theutonici verò & Frisones tertiam nauem propugnaculis munierunt, castellulo in summitate mali composito, absque scalæ suspensione. Caput eorum, *Dux*, & iudex eorum fuit Comes *Adolphus de Monte*, vir nobilis & potens, frater Colonienfis Archiepiscopi, qui ante turrem captam mortuus fuit apud Damiatam. Scalæ Ducis & Hospitalis directæ sunt circa festum sancti Ioannis Baptistæ die Dominicâ primâ subsequenti, Sarracenis eam defendētib; viriliter. Scala Hospitalariorum fracta cum malo cecidit, bellatores suos præcipitans: Scala Ducis simili modo confracta, eadem ferè horâ, milites strenuos & armatos corpore decidos, secundum animas leuauit ad cælum glorioso martyrio coronatos. Ægyptii lætati vehementer subsannantes leuauerunt voces, tympanizantes & buccinis perstreptentes; mœror & tristitia Christianos inuasit. Nauis autem Theutonicorum inter turrem & ciuitatē, anchoram habebat fixam, damna multa per balistarios qui intus locati fuerant, inferens Ægyptiis, præsertim illis, qui stabant in ponte inter ciuitatem & turrim portectō. Ipsa verò nauis à bellatoribus ciuitatis, & turris, & pōtis, igne Græco impetebatur vehementius. Tandem igne Græco correpta fuit, & cū timerent Christiani ne consumeretur omnino, defensores illius ignē viriliter extinxerunt; & sic tandē sagittis tam intus quàm foris, quam in castellulo in summitate mali collocato, in funibus densis repleta, cum magno Christianitatis honore ad locum suæ stationis fuit reducta. Non modicā etiā damna intulit & sustinuit nauis vna Tēplariorum, propugnaculis munita, quæ huius assultus tempore iuxta turrim hærebat. Nos verò considerantes turrim capi non posse petrariarum vel tribulorum ictibus, hoc etiam multis diebus attentatū fuerat: neq; applicatione castrī, propter fluminis profunditatem; nec fame, propter ciuitatis vicinitatē; neque suffossione, propter aquæ circumfluentis vicinatem: Domino demonstrante, & architecto prouidente, sumptibus Theutonicorum & Frisonum, eodemq; labore, duos cogones coniun-

30 ximus, trabibus & funibus fortissimè coherentes, & sociâ compaginatione vacillandi periculum prohibentes, quatuor malos & totidem antennas in eis ereximus. In summitate castellum vnum firmiter asseribus, & opere reticulato contextū collocantes, contra machinarum importunitatem; coriis vestiuiimus illud per circuitum & super tectum, propter ignem Græcum: sub castello fabricata fuit scala funibus fortissimis suspensa, & triginta cubitis ultra proram protēsa. Opere breui tempore feliciter consummato, inuitati sunt ad illud videndum Maiores de exercitu, ut si quid deesset, quod sumptibus vel humano ingenio suppleri deberet, indicarent. Et accepto responso quòd tale opus ligneum nunquam ante super aquam compositum fuisset, probandum esse considerauimus: quia crebris machinarum ictibus

40 pōs pro magna parte destructus fuit, qui de ciuitate ducebat ad turrim hostes fidei. Sextâ igitur feriâ ante festum sancti Bartholomæi, nudis pedibus cū deuotione nostræ gentis ad sanctam Crucem processiohem fecimus. Vbi implorato humiliter auxilio diuino, ut res DEI careret inuidiâ & iactantiâ, de qualibet gente, quæ tunc erat in exercitu aliquos ad huius negotii executionē inuitauimus: licet gens Theutonicorum & Frisonum ad naues implendas sufficeret & regendas. Die sancti Bartholomæi sextâ feriâ cū Nilus excreuisset, & aquarum impetus negotium plurimum impediret, cum multa difficultate & periculo hoc instrumentum contra torrentem a loco, in quo fabricatū fuerat, trahebatur ad turrim. Nauis vna minori machinæ sociâ præcessit velificando. Clerici nudis pedibus per littus ambulabant, sup-

50 plicantes. Cū ad turrim ventum est: illa duplex compositio ad latus occidentale non potuit cōuerti, sed ascendendo directè ad plagam aquilonarem applicabatur, funibus & anchoris tandem fixis, licet vis aquarum inundantium illud repellere moliretur. Machinæ sex vel plures directæ fuerunt super turres ciuitatis, & collocatæ ad illud cōcutiendum, sed vna in initio, aliis \* post paucos ictus, cōfracta quieuit: aliæ verò sine intermissione ad instar grandinis lapides emisunt. Nec minori periculo prior nauis ad pedem turris collocata substitit. Ignis Græcus cominus de turri fluminis, & eminus de ciuitate, fulminis instar veniens, patorem incutere po-

tuit. Sed per liquorem acetosum & sabulum, subuentum est ignem extinguere laborantibus. Iacuit Patriarcha ante lignum Crucis prostratus in puluere; stans celerus nudis pedibus, indurus stolis, clamauit in cœlū. Defensores turris, extensis lanceis, anteriorem partem scalæ subrerunxerunt oleo, deinde ignem Græcum apposuerunt, qui erupit in flammās: Cumque Christiani, qui in ea erant concurrerent ad ignis suffocationem, suo pondere caput scalæ depresserunt in tantū, ut pons tonatilis frōti appositus inclinaretur. Signifer Ducis Austriæ de scala corruit; Saraceni vexillum tulerunt. Babylonii se vicisse putantes vociferati sunt, aërem clamore vexando. Christiani de equis descendentes ad supplicationes se prostrauerunt, cōpiosis manibus, rigatis vultibus dolorem, quem pro illis habuerunt, qui discrimen in fluminis profundo & totius Christianitatis protestando. Ad hanc populi deuotionem & eleuationem manuum in cœlum, leuauit scalam diuina pietas; extinxerunt ignem fidelium lachrymæ: & sic nostri resumptis viribus cum defensoribus turris gladiis, sarissis, clauis & aliis instrumētis viriliter pugnauerunt cominus. Miles quidam iuuenis *Leodiensis* diocesis, primus turrem ascendit. *Friso* quidam iuenculus flagellum, quo granum excuti solet, tenens, & ad pugnādum connexione catenarum præparatum, ad dextram & sinistram fortissimè percussit; & quendam tenentem signum Soldani crocēum strauit, vexillum abstulit. Alii post alios successerunt, superatis hostibus, quos resistentes duos senserant & crudeles. O ineffabilis DEI pietas! ô inexplicabilis Christianorum hilaritas! post planctum & luctum, post fletum & gemitum, gaudium vidimus & triumphum. *Te DEVM laudamus, Benedictus Dominus DEVS Israël, &c.* & alia cantica gratiarum, altis, & præ gaudio cum lachrymis vocibus mixtis, repetitis laudibus decantauimus. Interim Saraceni, qui in inferiori parte turris se receperant, igne supposito superficiem turris combusserunt: victores nostri, calorē sustinere non valentes, regressi sunt super scalam. Pons verò qui in inferiore parte operis præparatus erat, diuulsus est, ad pedē turris aquis profundis & vndiq; circumfluentibus: angustā malleis ferreis ianuā congressi sunt victores, defendentibus eam Sarracenis, qui erant intrinsecus. Stabat vtrumque opus immobile. Asseres scalæ pro parte discussi sunt, & ambitus operis fortissimis funibus compositus, & multis locis perforatus & machinarum ictibus. Ab hora nona feriā sextā vsque ad horam decimā sequētis Sabbathi durauit hoc periculum. Opus autem reticulatum, quod scalam protegebat integrum permanfit cū castellulo, in quo stabant balistrarii & lapidum iactatores, qui tuebantur eos. Tandem inclusi in turri colloquiū petebant; & se sub pactioe vitæ dederunt Duci Austriæ: præter illos, qui præcipientes nocte per fenestras euaserunt turris angustias, quorū plures in flumine submersi sunt & interfecti. Captiui verò numerati sunt ad cētum viros. Ab illo die cū confusi essent Babylonii & territi, & ut putabatur, ad fugā parati, Principes nostri ad desidiam & inertiam deuoluti, more suo, differendi negocium causas prætendebant: nec imitati sunt Iudam Machabæum, qui videns, quod tempus iuuabat eum, hostibus non dabat requiem. Cogones se præparabant ad recessum Frisonum & Theutonū. Abiit multitudo maxima in passagio sanctæ Crucis instāti. Ad illud passagium venerunt quidam Romani, & post hoc *Albanensis Episcopus*, Apostolicæ Sedis legatus, & cum eo quidam Princeps Romanorū: deinde Magister *Robertus de Cortcon*, in ecclesia sancti Stephani in monte Cælio presbyter Cardinalis. Parisiensis, Gyrundēsis, Hungariensis *Episcopi* mortui sunt in sabulo Damiatæ; Cardinalis Robertus similiter. Venit postmodum *Burdegalsis Archiepiscopus*, qui vtilem moram fecit; Andegauensis, Mantuanus, Hunianensis, Salpensis *Episcopi*: venit & *Comes Niuerniensis*, qui imminente periculo cum Christianorum recessit scandalo. Comes de *Marcha*, & Comes de *Bar*, & filius eius; frater *Gulielmus de Carnoto* Magister militiæ Templi; *Hernicus de Vifione*. *Iterius de Tacci*, *Oliuerius* filius Regis Angliæ, & multi alii equestri ordinis & plebei apud Damiatā, rebus humanis exempti migrauerunt ad Dominum. Sapiens corde & fortis robore qui facit mirabilia, magnalia & inscrutabilia, quorum nō est numerus: qui excelsos iudicat, qui ponit humiles in sublimi; ipse magnificatus est solus in oblidione Damiatæ. Nō enim, ut in aliis expeditionibus contra Saracenos, diuersis temporibus ordinatis, per humanum consilium aut bellatorum ministerium; sed per semetipsum, quod petere nō præsumpsit homo, per suæ diuinitatis potentiam mirabiliter operatus est: non

est: non Regibus nec aliis Principibus & nationibus; sed suo nomini, dans gloriam & honorem, ut in omnibus peccatoribus completa sit promissio Prophetica: *Vos tacebitis, & Dominus pugnabit pro vobis.* Post captam siquidem turrin in profundo Nili sitam: Saphadinus inueteratus dierum malorum, dolore nimio, sicut asseritur, ratus, exheredator fratruelium suorum, & usurpator regnorum Asiae, mortuus est, & sepultus est in inferno. Postmodum in festo sancti *Demetrii*, qui frater vterinus beati Dionysii legitur, summo diluculo castra Templariorum inuaserunt hostes; & modicum damnum nobis inferentes, per expeditos equites nostros, fugati sunt ad pontem, quē procul à nobis in superiori parte fluminis construxerant: & ibidem interempti sunt ad numerū D. sicut à transfugis intelleximus. In crastino autem, ipso die sancti *Dionysii*, Sarraceni iterum cū galeis armatis improuisi venientes, ubi tētoria Romani fixerant inuadentes, modicā manu Christianorum repulsi sunt: Rege *Ioanne Hierusalem* viriliter ibidem pugnante, ad exhortationem Episcopi Bethleem, cū persequeretur ipse Episcopus illos recurrentes ad galeas; qui gladios persequētium ac fluminis voraginem euadere potuerūt. Sicut autem olim Aegyptii in aquis vehementibus maris rubri, sic in Nilo submersi sunt circiter ad M.D. numerū, sicut à Sarracenis postea didicimus. Porro quia multi de populo Christiano placuerunt Domino, necesse fuit, ut tentatio probaret illos. *Ionas* per angusta tempestatis in mare missus est, & ventre piscis conclusus, probatus rediit ad aridam: *Apostolus* triplici naufragio tribulatus euasit. Populus Domini prēmiso triduo ieiunio, quod Clerus in pane & aqua seruauit obedienter, & multis processionibus ordinatis à venerabili *Albanensi Episcopo*, P. Apostolicæ sedis Legato, tentari meruit. Nam in vigilia sancti *Andree* Apostoli mediā nocte, intumuerunt fluctus maris crescentes, & excursus terribilem facientes vsque ad castra fidelium; aliā parte fluuius nos occupauit; in campos natabant tentoria, perierunt cibaria, pisces fluuiales & marini se quasi nihil timentes cubiculis ingerebant, quos manibus cepimus, quibus tamen deliciis carere voluimus; & nisi consilio Spiritus sancti ante prouisum esset in fossato, quod in alios vsus factum fuerat, mare coniunctum flumini, homines cum iumentis, naues cum armis & victualibus detraxisset ad hostes. Nec tamen hoc periculum euaserunt quatuor *cogones* super quos præparata fuerant propugnacula ad capiendam ciuitatem; qui vno impetu cum quinta naui quæ inter eas hærebat, ad oppositam ripam vi ventorum præcipitati, ante nostros oculos sunt igne Græco combusti. Pepercit Dominus operibus Frisonum & Theutonicorum, quibus turris capta fuerat. Naues oneratae, quæ in portu maris stabant, ruptis repente funibus, perierunt. Durauit hæc tempestas per triduum continuum. Quo elapso Dominus, qui consolatus est nos in omni tribulatione nostra, imperauit ventis & mari, stare faciēs ipsum à furore suo. Inuasit præterea multos de exercitu quædam *pestis*, contra quam physici nullum ex arte sua remedium inuenire poterāt; dolor repentinus pedes inuauit & crura; & coniunctim caro corrupta gingiuas & dentes obduxit, masticandi potestatem auferens: tibiae horribilis nigredo obfuscauit; & sic longo tractu doloris afflicti, cum patientia multa migrauerunt ad Dominum plurimi; quidam vsque ad tempus vernale durātes, beneficio caloris euaserunt liberati. Post dictam tempestatem naues parabanrur ad transitum fluminis: Quæ magno periculo sursum ascendentes, inter ciuitatem & turrin captam, machinis & igne Græco iaculis plurimis sunt impediti. Vnde accidit, ut vnus cogo Templariorum raptus prope ripam ciuitatis præcipitaretur ad hostes, qui cum barbotis & vectis ferreis ipsum præpugnauerunt diutius, ignem Græcum cum lapidibus desuper de turribus præiicientes; & cū sic præualere non valerent, propter defensorum audaciam, certatim nauim ascendentes præcipientes in eam ascēderunt ad Templarios; ubi cū diutius pugnaretur, tandem naus perforata fuit (ab hostibus, siue a nostris, incertū habuimus; sed à nostris credendum est) profundum petiit, submergens Aegyptios cum Christianis, adeo ut vix summitas mali appareret super aquam. Et sic *Sampson* plures strauit moriens quā viuens: Sic & isti martyres plures secum traxerunt in aqua voraginem, quā gladiis interficere potuissent. Ciues autem Damiatæ, cunctam victoriam suam ferē septem diebus planxerunt. Exinde pontem reparantes aperturam reliquerunt angustam, ut naues nostræ sine periculo ascendere non possent. *Theutonici* verò & *Frisones* zelo iustæ indignationis accincti, cum minori naui, cuius



ministerio turris capta fuerat, quā Gallici *sanctam martyrem* appellant, pontē viriliter inuaserunt, auxilium non habentes nisi de cælo. Pauciores autem viri, quā decem de gente prædicta, contra omnem fortitudinem Babyloniorum pontem ascendentes, spectante multitudine Christianorum, ad hanc audaciam plurimum extolles, fregerunt eundem; & sic cum quatuor nauibus, super quas pons erat fundatus, reuerſi sunt cum triumpho, liberam viam & apertam sursum velificantibus relinquentes. His itaque gestis, Saraceni, periculum, quod eis imminere attendentes, ripam nobis oppositam fossatis & argilloſa materia cum propugnaculis ligneis & altis muniērunt, machinas & petrarias ibidem locantes, nobis spem auferentes ibidem transeundi. In *casale* verò, quod ferè per milliare distat à ciuitate, vbi hæc noua 10 munitio terminabatur, per transitum fluminis nauium immersiones fecerunt cum palis infixis gurgiti. Nihilominus Apostolicæ sedis Legatus desiderium bonum habens obsidendi ciuitatem, naues superius congregatas vrgebat ad transitum. Vnde *Cogones* propugnaculis & castellulis, viris etiam armatis muniti, cum galeis & aliis nauibus, CHRISTO duce, prædictas immersiones euaserunt. Hostes autem, dissimulato metu, tres ordines armatorum stationi nauium nostrarum contraposerunt, vnam per cliuum super ripam cum clypeis, quos *targias* appellant, linealiter ordinatam: Secundam post dorsum eorum similem priori: Terciam equitum longam & terribilem, iectibus lapidum & telorum plurimum vexando stationem Christianorum. Sanè nocte *sanctæ Agathæ* Virginis & martyris, cum coadunatus esset populus 20 fidelium qui sequenti die transiturus erat, pluuiæ & venti multum discriminis & difficultatis addiderunt nostris. Sed fidelis DEVS, qui non patitur suos tentari supra id quod possunt, respiciens ad castra seruatorum suorum, quod secundum inferiores causas difficile fuerat vel impossibile, conuertit in facilitatem & gaudium, suæ virtutis innouans miracula. Post mediam siquidem noctem tantum pauorem *Soldano* Babylonie & satrapis suis incussit, vt relictis castris, ignorantibus nobis & Ægyptiis, quos ad resistendum ordinauerat, in sola fuga spem posuit. Quidam apostata, qui multo tempore legem Christianorum transgressus cum Soldano militauerat; stans à ripa Gallicæ clamabat: *Quid moramini? quid statis? Soldanus abiit:* hoc dicto in nauicula Christianorum se recipi postulauit, vt in potestate ipsorum positus fidem 30 dictis faceret. Summo igitur diluculo cum inchoatum esset officium Missæ dicti festi per oratoria Christianorum: *Gaudeamus omnes in Domino*, nunciata sunt hæc Legato, Regi & aliis. Itaque fugientibus Ægyptiis, nostri certatim & alacriter absque omni impedimento hostium, & sanguinis impensa transierunt. Sed adeo limosa & profundioribus aquis difficilis fuit ad applicandum terra hostilis, vt vix equi sine ascensoribus, & sellis eiectis, possent ascendere. *Templarii* verò inter primos ascendentes equos, erectis signis cum quibusdam Hospitalis sancti Ioannis fratribus, & paucis aliis secularibus militibus, versus ciuitatem cursu propero festinantes, in partibus illis, vbi castra paganorum sederant, quos ibi inuenerunt ad centum viginti trucidantes instanter. Strenuissimus autem *Rex Hierusalem* postquam cum Magi- 40 stro & fratribus Hospitalis, cum *Comite Niuerniensi* de fuga exercitus infidelis rediit, vbi primos cursus in cassum expenderant, quosdam de maledicta familia ante portam ciuitatis adhuc renitentes, adiit intrepidè; quamuis cum modico comitatu. *Hos fugat & sternit, alios omnesq; potentes Vertere terga fuga claudit in vrbe fugans,* vsque ad introitum portarum victorioso gladio non cessante. Verum Hospitalis sancti Ioannis fratres, cum prædicto Niuerniensi Comite, non quiescunt, qui cum quibusdam ex nostris immanem multitudinem hostium in via, quæ ducit Thaneos, nudatis

*Isaia 10, 15.* mucronibus consequentes, occidentes alios, & alios submergentes. Non gloriabatur securis contra eum, qui secat in ea; neque serra contra trahentem in ea. Miraculum istud cui comparabimus, vel cui æquabimus, nisi ei, quod legimus de *Benadab* 50

*4. Reg. 6, 24.* Rege Syriæ, qui obfederat Samariam arctans eam plurimum? Cui Dominus contulit tantum terrorem, vt relictis castris fugeret. Et sicut per leprosum qui erat in introitu portæ, illic fuga Syrorum fuit nunciata Samaritanis: ita per leprosum in anima, præfati videlicet apostate, nunciata fuit Ægyptiorum fuga. Et sicut ille populus Samaritanorum, spolia in castris Syrorum collegit; sic noster exercitus tentoria & manubria fugientium diripuit, *targias* plures, & omnes galeas cum *barbotis* & aliis nauibus, quæ infra casale inueniebantur, cum aliis Hospitalis fratres victores occupa-  
pauerunt.

pauerunt. Multi bellatores relictis vxoribus & paruulis, territi propter inopinatum transitum, de Damiata fugerunt; ac sic per gyrum ac firmiter obsessa est ciuitas. Igitur diuiso exercitu nostro in duas partes, vna videlicet in sabulo ad custodiam tam fluiui, quam portus, altera ad obsidendam munitam urbem necessariò deputata; super impetuolas & inuadabiles Nili vndas pontem construere nobis necessitas imperauit: qui quanto necessarius, tanto fortior in sumpto & labore plurimo. Super robustas naues in transuerso fluminis ordinatas, fauente Domino, constructus est, periculosam diuisionem exercitus vniens & ipsum flumen reddens inimicis immeabile. Et sic per gyrum firmiter obsessa ciuitate, exercitu continuato per pontem vtramque ripam fluminis contingentem. Per desidiam autem & inertiam quorundam, quorum nomina nouit Dominus, factum est ut hostes resumptis viribus & animis, adueniente etiam *Coradino* cum *Halapinis* & magna multitudine, locum illum occuparent, à quo nostri miraculosum transitum fecerant: & sic nos obsidentes ciuitatem, ipsi periculosius obsederunt: & nisi per diuinum consilium castra, quæ erant inter mare & fluiuium, retenta fuissent; maximè per Theutonicos & Frisones, portus nobis ablatu fuisset, & negotium plurimum periclitatum vacillaret. Vt autem transitus miraculum magis claresceret, & soli Deo ascriberetur firmiter, ad riuum Sarraceni peruenerunt temeritatem, ut diluculo Sabbathi ante Dominicam, *Oculi mei semper ad Dominum*, nobis tale periculum non prouidentibus; sed diuino auxilio cum damno equitum & peditum sunt repulsi: cum multitudine graui propius accederent, & in fossatum se præcipitarent. Anno gratiæ A. Dñ. 1219.  
*millesimo ducentesimo decimo nono*: Regina ciuitatum Hierusalem, quæ videbatur inexpugnabiliter munita, destructa est à *Coradino*, filio Saphadini, & foris & intus. Muri enim cum turribus redacti sunt in acervos lapidum præter Templum Domini & turrim Dauid. De Sepulchro glorioso destruendo habuerunt Sarraceni consilium; & per litteras comminati sunt, quas ciuibus Damiatæ transmiserunt ad ipsorum solatium. Sed huic temeritati nemo manus apponere præsumpsit, propter loci reuerentiam. Sicut enim in *Alchorano* libro legis eorum scriptum habent: *IESVM CHRISTVM* Dominum nostrum credunt de Maria Virgine conceptum & natum: Quem sine peccato vixisse Prophetam, & plus quam Prophetam protestantur; cæcos illuminasse, leprosos mundasse, mortuos suscitasse, firmiter asserunt. Verbum & spiritum DEI, & nuncium ad cælos ascendisse, non discredunt. Sed passionem & mortem, diuinam etiam naturam unitam humanæ naturæ in CHRISTO ac Trinitatem personarum, negant. Vnde veriùs hæretici, quam Sarraceni nominari deberent. Sed vsus similis nominis præualuit. Vnde quando tempore Treugarum sapientes ipsorum Hierosolymam ascendebant, codices Euangeliorum sibi postulabant, & osculabantur propter munditiam legis, quam CHRISTVS docuit, & maximè propter Euangelium Lucæ: *Missus est Gabriel Angelus*, quod litterati inter eos sæpius repetunt & retractant. Lex autem eorum, quam dictante Diabolo, ministro *Sergii* monachi & apostatæ ac hæretici, *Machometus* Sarracenis dedit Arabicè scriptam, à gladio cœpit, & per gladium tenet, & in gladio terminabitur. Machometus iste illiteratus fuit, sicut ipse protestatur in *Alchorano* suo, & prænominatus hæreticus dictauit, ipse promulgauit, & per comminationes obseruari statuit. Luxuriosus & bellicosus fuit: ideoque de immunditia & vanitate legem tulit; quam carnaliter viuentes in parte voluptatis firmiter obseruant. Et sicut legem nostram veritas & munditia vniunt; ita errorem ipsorum timor mundanus & humanus ac voluptas carnalis firmissimè custodiunt. In die *Palmarum* anni præscripti, inimici nostri multà cominatione præmissa, quod seipsos vel nos omnes perderent; vnà die collectione terribili, & innumerabili exercitu equitum & peditum irruerunt super nos, vndique fossatum nostrum inuadentes, & maximè pontem Templariorum & *Ducis Austria*, quem ipse cum Theutonicis defendere studuit. Hostes cum electis militibus suis de equis suis descendentes cum Christianis atrociter pugnaverunt; ceciderunt hinc inde mortui & vulnerati: Tandem pontem ascendentes, partem eius combusserunt. Dux Austria præcepit suis, ut ponte relicto, aditum darent instantibus & introitum; sed intrare non præsumpserunt propter militiam nostram, quæ acies suas ordinauerat, subsidium munitiones defendentium. Mulieres aquam & lapides, vinum

& panes bellatoribus ministrabant intrepidè. Orationi Sacerdotes *insistebant*; vulnera fauciatorum ligabant; DEVM benedicebant. Eadem die non est datum spatiū gerendi alias palmas quam balistas & arcus cum sagittis, lanceas & gladios cum clypeis; adeo instabant & vexabant atrociter, qui venerant ad perdendum nos studio liberandi ciuitatem, ab ortu solis vsque ad horam ferè duodecimam; Tandem fugati, retraxerunt se cum damno maximo. Instabat iam *passagium vernale*. Recessurus erat *Dux Austrie*, qui per annum & dimidium CHRISTO fideliter militauerat, plenus deuotione, humilitate, obedientiâ, largitate; qui præter alios sumptus, \* innumerabiles equos in negociis bellicis & priuatis Clericis domū fecerat Theutonicorum. Ducētas marcas vel amplius ad comparandum prædium creditur cōtulisse, & castro Templariorum nouo, quinquaginta marcas auri. Cui etiam *Comes Austrie* quingentas marcas argenti donauit, ad murorum & turrium fundamentum. In *Calendis Maii* magna multitudo Peregrinorum cœpit recedere, nobis in summo periculo relictis. Sed Pater noster misericors & benignus, Dux & pugnator noster, defensor & protector sperantium in se, sibi facilè in paucis, sicut & multis *Psal. 17, 33.* vincere, CHRISTVS IESVS, non permisit incredulos simul in nos irruere; donec *1. Reg. 14, 6.* noui recentesque Peregrini cum copioso succursu superuenirent. Copia victualium, & equorum nutu diuino transmissa, collectionem fidelium lætificauit. Isti igitur, rapto fidelium agonistarum numero, in festo *Ascensionis Domini*, more suo, per terram & per aquam irruerunt perfidi. Et multoties sic attentantes, præualere non potuerunt. Particulariter etiam prope castra nostros prouocabant, damnificantes & damnificati. Vnde quadam die pedites nostri cadauer perfidi armatum, ad modum autem viui appodiantes, erexerunt, caput abscissum contortis crinibus super cadauer colligantes, & ad iactum iaculi extra *licias* Sarracenis equitantibus relictum exposuerunt. Quod videntes Sarraceni septem, primò tres, secundò quinque, tertio septem simul irruerunt in cadauer mortuum, quasi in audaciam Christianorum tot cedere volentes, & à nostris inde coadunantibus fugerunt infideles viso capite truncato, cum crine torto. *Pridie* verò *Calendas Augusti* omnem, quam adducere poterant copiam, post diurnos assultus tandem fossatum contra militiam Templi transeuntes, & *licias* nostras viriliter rumpentes, pedites nostros verterunt, in fugam, adeo vt totus exercitus Christianorum iam periclitaretur. Milites de Frācia, seculares equites, ter conati sunt ipsos repellere longius extra fossatum; sed non potuerunt. Sarraceni siquidem iuxta mœnia nostra fractis munitionibus ligneis, equitum ac peditum acies ordinauerunt. Clamor ortus est insultantium; omnis multitudo eorum properauit sequelam; timiditas aucta est Christianis. Sed spiritus qui induit *Gedeonem*, Templarios animauit. *Magister Templi* cum *Marescallo*, cæterisque fratribus, qui cum eo tunc aderant, per exitum angustum, impetu facto, viriliter in fugam conuertit incredulos. *Domus Theutonicorum* & Comites, & alii milites de diuersis nationibus, videntes militiam Templi in periculo constitutam, festinanter per exitus sibi compositos tulerunt auxiliū. Sed pedites Sarraceni, abiectis clypeis, interficiebantur, præter eos, quos fuga præcipites percussoribus abstulit. Post equites nostros egressi sunt pedites nostri, & per modicum spatium se retraxerunt hostes. Acies hinc inde substiterunt armatæ, donec crepusculum vespertinum, prælium interemit: Sarraceni priores abierunt. Occisorum corpora perfidorum strata iacebant iuxta fossatum plurima; præter eos, qui fauciati grauius vel leuiter reducti sunt ad castra. Sic saluauit Dominus sperantes in se in die illâ, per virtutem Templariorum, & domus Theutonicorum, & eorum qui ipsis cooperati, discrimini se commiserunt. De nostris pauci interempti sunt & capti. Instrumenta contra ciuitatem parata, multiplici conatu defensorum Damiatæ, ferè omnia combusta sunt. *Ianueses, Pisani, Venetiani* firmiter asserebant, se ciuitatem expugnatu- 50  
ros, per quas naues super quas scalæ pendebant. Sed ipsi non erant de genere illorum viro-  
rum, per quos salus facta est in Israël: Volebant enim sibi facere nomen cum tubis  
& calamellis & signis multis progressi. Legatus Apostolicæ sedis sumptus eis præ-  
buit copiosos de communi. Rex & alii chordas & anchoras, prout requirebant, ex-  
hibuerunt abundanter. Aggredientes itaque ciuitatem, primo die multos interfe-  
cerunt & vulnerauerunt. Et quanto postmodum sapius assultum fecerunt, tantò  
magis muri firmati sunt ligneis castellulis & licis: defensores etiam robustius & a-  
dificatiùs

dificatiùs contra se venientibus opposuerunt; & sic scalæ mutilatæ per ignem ac  
 pluries reparatæ, tandem infecto negotio reductæ sunt ad ripam. Et sic deprehen-  
 sum est & intellectum veraciter, solâ virtute diuinâ *Damiatam* in manu Christiano-  
 rum fore tradendam. Nos verò insensati & immemores beneficiorum DEI, ac mi-  
 rabiliū quæ fecit, prouocabamus oculos diuinæ maiestatis contra nos per *desidiū*  
*& desideria maiorum, & murmuraciones minorum*. Pedites equitibus improperabant  
 ignauiam; equites pericula peditum, quando contra Sarracenos egrediebantur,  
 dissimulabant. Vnde factum est, vt conuincti sunt culpis exigentibus, *in decollatione*  
*S. Ioannis Baptiste*, licet vix inuenirentur, qui in custodia castrorum remanerent, na-  
 10 ualem & terrestrem exercitum educentes, ad castra Babyloniorum tenderemus,  
 inter mare & fluuium, vbi dulcis aqua reperiri non poterat ad potandum. Ipsi ve-  
 rò sublati tentoriis fugam simulabant. Et cum processum fuisset à nostris, ad eò vt  
 appareret aduersarios diuersâ fronte nolle confugere: Capitanei nostri longum  
 inierunt consilium, vtrum procederent an redirent: discordia inter eos facta fuit.  
 Interim solutæ sunt acies præter ordinem illorum, quos in disciplina militari lega-  
 uit obedientia. *Equites Cypri* in dextro cornu, Sarracenis incursum facientibus a la-  
 tere timiditatem suam ostenderunt. *Italici* pedites primò fugerunt; post eos equi-  
 tes de diuersis nationibus, & quidam Hospitalis S. Ioannis, *Legato* Romanæ sedis, &  
 Patriarcha, qui crucem baiulabat, multum, sed frustra supplicantibus, vt subsiste-  
 20 rent. Æstus solis erat vehemens, pedites pondere armorum premebantur: calorem  
 auxit labor viæ; & qui secum vinum detulerunt, in angustia sitis illud biberunt pu-  
 rum, propter defectum aquæ. His occurrentibus qui subsistentes se defenderunt, \*  
 & post primitiuos fugientes anhelò cursu terga dederunt, extincti sunt sine vulne-  
 ribus corruentes. Rex verò, cum Templariis & domo Theutonicorum, & Hospita-  
 li S. Ioannis; & de *Hollandia*, & *Withe*, & *Cestria* & *Sansbrigia* Comitibus; *Gualtero* &  
*Bartholomæo* Francigenis; Pisanis, aliisque militibus impetus persequentium susti-  
 nuit. Rex verò igne Græco ferè combustus fuit. Hi omnes pro muro fuerunt fu-  
 gientibus, quoties facies suas ostenderunt; totiens Sarraceni fugerunt: Quando ve-  
 rò gradatim reuertebantur, ictus & tela sustinuerunt inimicorum. Capti sunt in  
 30 illa defensione Christianitatis, *Beluacensis* electus, & frater eius *Andreas de Nanto-*  
*lio*; dominus *Galterus* Camerarius Regis Franciæ, & filius eius; frater Andegauensis  
 Episcopi *Vicecomes* cum domino *Ioanne de Arcies* viro venerabili & valde strenuo;  
*Henricus de Plmo*, & alii multi, qui trucidati sunt, & in captiuitatem ducti. Templa-  
 rii triginta tres capti vel occisi sunt, cum Mareſcallo S. Ioannis & quibusdam aliis  
 fratribus eiusdem domus. Nec euasit sine damno domus Theutonicorum. Militia  
 Templi, quæ prima solet esse in congressu, vltima fuit in regressu. Vnde cum ad  
 fossatum nostrum nouissimi redirent, foris subsistit, vt anteriores intra mœnia, quā-  
 tum possibile fuit, reduceret. Persecutores ad captiuos deducendos, & spolia col-  
 ligenda tandem redierunt, sicut à Sarraceno postmodum intelleximus, quingenta  
 40 capita Christianorum Soldano præsentantes. Mœror & tristitia nostros occupa-  
 uit; sed nulla desperatio. Pro certo habemus quòd pœna peccati fuit hæc castiga-  
 tio: & minus erat in pœna, quàm exigeret culpa, ipso temperante vindictam, qui di-  
 cit animæ peccatrici: *Fornicata es cum multis amatoribus; tamen reuertere ad me, & ego su-* *Hierim. 3, 8.*  
*ſcipiam te*. Constat autem nobis, quòd in præcipua sua militia, luctuosa damna susti-  
 nuerunt increduli. Manè miserator Dominus, qui non obliuiscitur misereri, nec  
 continebat in ira sua misericordias suas; qui in tribulatione peccata dimittit; qui fa- *Psal. 76, 9.*  
 cit de tenebris lucem splendescere; luctum nostrum conuertit in gaudium, mœro- *2. Cor. 4, 6.*  
 rem in læticiam. Nam *Soldanus* vnum de captiuis nostris mittens, de pace vel treuga  
 nobiscum tractare cœpit: In quo tractatu fossatum nostrum & munitiones nostras  
 50 reparauimus alacriter. Interea nautæ Christianitatis proditores, & cū eis Peregrini  
 plurimi, magis seipſos amantes, quàm fratribus compatiētes, ante tēpus confue-  
 ti paſſagii agonistas CHRISTI in summo periculo relinquentes eleuatis velis ab ar-  
 repto portu, nobis tristitiam, Babylonis audaciam contulerunt. Qui tractatum pa-  
 cis intermittentes, in vigilia sanctorum *Cosmæ & Damiani*, & sequenti die proxi-  
 mo in Sabbato cum galeis & barbotis per flumen; cum magonellis & targiis & fu-  
 stibus pro implendo fossato, per terram, feritate Barbaricâ & impetu consue-  
 to, nos imperierunt. Sed durus bellator, triumphator in Israël, solitâ vsus gratiâ *1. Reg. 15, 29.*

Dan. 13.

Gen. 1. 9.

Isai. 15. 5.

Apoc. 19.

castra sua defendit misso per mare *Saluarico de Malleon* cum galeis armatis, & bellatoribus multis in ipso necessitatis articulo. Et nos clamantes in cœlum, nec trepidantes ad prælium, sed viriliter resistentes, illos interfectos, fauciatos & confusos, ab insultu triduano recedere coëgimus. Ipsius virtute, qui saluat sperantes in se. Interea ciuitas obsidione longâ, ferro, fame, pestilentia grauitur, & ultra quàm credi potest, vel scribi, afflicta, in sola pace, quam Soldanus ciuibus promisit, spem posuit: Adeo enim in ea fames inualuerat, ut cibi desiderabiles decissent: panis corruptus abundauit in ea. Durabilis non est annona Ægypti propter molles glebas, in quibus crescit, nisi supra circa partes Babylonice artificiosè seruetur in annos. Et sicut audiui-  
 mus, *coctanum* vnum vndecim bysantiis vendebatur in ea. Ex angustia famis diuer-  
 sa morborum genera vexabant eos, & inter cætera incommoda quæ sustinuerunt, noctibus quasi *auris* percussi, nihil videre poterant. Soldanus de die in diem vanis promissionibus, ipsos à deditione dehortatus, decipit miseros. Postremò autem portas suas obstruxerunt intrinsecus, ne aliquis ad nos veniens de suis, nunciaret quomodo dies afflictionis eos possedit. Si quis verò per posticum, vel de turre per funes euadere potuit, inflatus & famelicus ciuium suorum probabat euidenter inopiam. Illis, qui foris in circuitu, Sarracenis, nos obsederunt, copia panis & pabuli cœpit decrescere. Nilus siquidem, qui post festum S. Ioannis Baptiste vique ad exaltationem sanctæ Crucis solet excreescere, & Ægypti planiciem irrigare, hoc anno more suo non ascendit ad signum, quod ponere solent Ægyptiis, sed prout credimus  
 magnam partem terræ siccam reliquit, quæ nec arari nec seminari poterat suo tempore. Vnde *Soldanus* caritiam timens & famem, etiam amore retinendi Damiatam, talem pacem cum *Coradino* fratre suo attulit, ut sanctam Crucem, quæ olim capta fuit in victoria Salahadini cum ciuitate sancta Hierusalem, & omnibus captiuis, qui per regnum Babylonice & Damasci viui reperiri possent; sumptus etiam ad reparandum muros Hierusalem redderent; insuper regnum Hierosolymitanum restituerent totaliter, præter *Craccum* & *Montem regalem*; pro quibus retinendis tributum obtulit, quandiu treuga duraret. Sunt autem hæc duo loca in Arabia sita, septem munitiones firmissimas habentia: per quæ negociatores Sarracenorum & Peregrini ipsorum Mechem tendentes vel ab ea reuertentes transire solent. Et qui potenter tenuerit Hierusalem, & voluerit, grauitur nimis cum agris & vineis lacerare eos poterit. Hanc compositionem acceptandam, & utilem Christianitati, *Rex* & *Francigena* & Comes *Cestrie* cum Capitaneis *Thentonicorum* censuerunt pertinaciter. Nec hoc mirandum fuit: quia longè minori pace, quæ prius oblata fuerat, contenti fuissent, nisi sano consilio fuisset illis obuiatum. *Legatus* autem cum *Patriarcha* & *Episcopis*, *Templariis*, *Hospitalariis*, & omnibus *Italiæ* Capitaneis, multisque aliis prudentibus viris efficaciter huic tractatui se opposuit; rationabiliter ostendens, ante omnia Damiatam fore capiendam. Opinio diuersa peperit discordiam, quæ citò sedata fuit propter communem necessitatem. Interea *Soldanus* magnam multitudinem peditum clanculo per loca palustria misit ad ciuitatem, quorum ducenti quadraginta Christianis dormientibus fugerunt, ingressi Dominicâ nocte post festum omnium Sanctorum: tandem per clamorem vigilum, occisi sunt; & captiuos ad trecentos & plures computauimus. Nonas Nouembris, SALVATORE mundi regnante & domino *Albanensi* Episcopo Apostolicæ sedis legatione fungente, solerter & vigilanter capta est ciuitas Damiatæ absque deditione, sine defensione, sine violenta depredatione cum tumultu, ut soli filio DEI ascribatur victoria euidenter, qui populo suo in Ægypto ingressum inspirauit, & ibidem vires monstrauit. Et cum caperetur ciuitas in oculis Regis Babylonice more solito, non fuit ausus CHRISTI milites ad defensionem paratos per fossatum nostrum aggredi. Eodem tempore & fluuius excreuit vberrimis aquis fossatum implens. Ipse verò *Soldanus* confusus propria castra combustit & fugit. DEVS autem qui tertiâ die aquas sub firmamento in locum vnum congregauit, ipse agonistas suos per aquas maris ad portum Damiatæ perduxit; mense Maio, tertiâ feriâ. Eosdem transduxit per Nilum ad obsidendam ciuitatem; mense Febuario, feriâ tertiâ. Hanc urbem vitulæ consternanti, quæ modo terræmotu submersa est, possumus assignare. *Vitulam* appellamus propter eius lasciuiam. Piscibus enim, auibus & pascuis, frumento, hortis & pomeriis abundauit: negotiando, piraticâ exercendo, delitiis affluxit in culpa; perefluxit in Gehenna.

Sed

- Sed vnâ horâ venit iudicium eius. Consternantem DEVM, quia terræ raptu tertio \*  
 habitatores eius perierunt, ipsâ tamen integrâ manente. A Græcis & Latinis primò  
 obsessâ fuit, qui ab ea defecerunt. Hac vice tertiâ Rex regum & Dominus dominâ- *Apoc. 19, 6.*  
 tium seruis suis ipsam tradidit, IESV CHRISTO duce, qui viuit & regnat & imperat,  
 & vincit; qui sementis irrigua locauit Ægyptiis; & confudit operantes sericum, & *Isaia 19, 9.*  
 byssum plectentes, & texentes subtilia. Tali duce CHRISTI milites Damiatam in-  
 gressi plateas pius inuenerunt stratas cadaueribus mortuorû, pestilentia & fame de-  
 ficientium; aurum & argentum nimis; pannos sericos negotiatorum, in abundantiâ  
 supellectilem variam, in superabundantia. Ciuitas hæc præter naturalem situm  
 10 loci, qui munitur triplici muro, cincta est turribus lateritiis multis & magnis for-  
 tissimè munita; clauis & antemurale totius Ægypti; inter Rameffe & campum Tha-  
 neos sita, in terra, vt coniiicere possumus, *Gessen*, quæ pascualis est, quam petierunt fi- *Gen. 46, 34.*  
 lii Israël à Pharaone tempore famis. Damiatâ, Damiatâ inclyta in regnis, multum  
 formosa in superbia Babylonis in mari dominatrix: In ascensu persecutorum tuo-  
 rum per paucas & modicas scalas comprehensa. Nunc humiliata es sub potenti  
 manu DEI; & adultero, quem diu tenuisti, proiecto, ad priorem virum tuum reuer-  
 sa es. Et quæ prius parturiebas spurios a modò paries filios legitimos ad cultum fi-  
 lii DEI, firmiter à cultoribus CHRISTI possessa. *Acchom Episcopus* ex te primitias a-  
 nimarum DEO soluit: paruulos tuos, qui in te reperti sunt, ab ipso vitales etiam  
 20 morti proximos, baptismatis vndâ sacramentaliter mundando. Multiplices solui-  
 sti pœnas; quia præter eos, qui viui comprehensi sunt in te, mortui tui promiscui se-  
 xus à tempore obsidionis in circuitu cõputantur ad mille & ampliùs: quos sine ferro  
 & igne Dominus percussit, à modò dedignatus sustinere spurcitas in te com-  
 missas. Gaudeat igitur vniuersalis Ecclesia, dignas gratiarum actiones referendo  
 pro tali triumpho; & non solum pro Damiatâ; sed pro destructa perniciofa muni-  
 tione montis *Thabor*, & pro aditu libero in Hierusalem: vt reâdificentur muri eius  
 tempore ab altissimo prouiso. Pro *Castro* præterea *Peregrino*, quod magnis sumpti-  
 bus ædificat viriliter & inexpugnabiliter militia Templi, de qua superiùs scriptum  
 est. Latare prouincia *Coloniensis*, & laudâ & exulta; quoniam in manibus, instru-  
 30 mentis bellicis, bellatoribus & armis, victualibus & pecunia maius auxilium tuli-  
 sti, quàm residuum regni Theutonicorum. Tu autem *Colonia* ciuitas Sanctorum,  
 quæ in hortis hæreditas inter virginum lilia, rosas Martyrum, violas confessorum:  
 Flecte genua cordis tui pro deuotione filiarum tuarum, magnificas gratiarum a-  
 ctiones altis vocibus resonando. Ante captionem Damiatæ *liber* nobis apparuit  
*Arabice scriptus*. Cuius auctor se Iudæum, vel Christianum, vel Sarracenorum ne-  
 gat in illo. Quisquis autem fuerit, prædixit mala, quæ Salahadinus populo Chri-  
 stiano crudeliter intulit, in destructione Tiberiadis: in victoria, quam de Christianis  
 habuit, quando Regem Hierusalem & principes captiuos duxit, Aschalonem  
 destruxit; & quomodo conabatur Tyrum apprehendere, sed non profecit; & alia  
 40 multa, quæ peccata illius temporis meruerunt, prædixit. Prædixit destructionem  
 hortorum & palmarum ciuitatis Damiatæ, quam factam vidimus, quando librum  
 hunc per interpretes inspeximus: Addidit & Damiatam à Christianis fore capien-  
 dam. *Salahadini* nomen non ponit, sed per nigros oculos & crocea vexilla ipsum de-  
 signat. Insuper prædixit quendam Regem Christianorum *Nubianorum* Mecham  
 ciuitatem debere destruere, & ossa Machometi Pseudoprophetæ dispersa proiice-  
 re; & quædam alia quæ nondum euenerunt. Sed si completa fuerint, ad exaltationem  
 Christianitatis, & depressionem Agarenorum euenient. Scimus quosdam gentiles  
 ethnicos Spiritum sanctum habere in ore, sed non in corde, & manifestè de CHRI-  
 STO prophetasse. Vnde non miramur si per canales lapideas aqua purior pertransit.  
 50 Ad hæc fama discurrens per totum orbem, Damiatam à Christianis esse compre-  
 hensam, *Georgianorum* litteras ad castra Catholicorum transmitti persuasit. In qui-  
 bus continebatur, quòd indignata gens illa vel excitata, Rege eorum conuocante  
 Principes, decreuit & iurauit se obsessuram aliquam ciuitatem famosam Sarrace-  
 norum: allegans sibi verecundum esse, quòd fratres de transmarinis partibus & vl-  
 timis terræ finibus venientes, per mare spaciosum periculis plenum tam munitam  
 ciuitatem longâ obsidione cepissent: nisi & ipsi, quibus facilius erat, perfidos im-  
 pugnarent, & Damascum vel aliam ciuitatem vel locum alium nominatum,

DDDDD



virtute caperent armorum. Sunt autem *Georgiani* cultores CHRISTI, ritus habentes Græcorum, Perlis vicini, longo terrarum tractu à Terra Promissionis distantes, quorum dominium extenditur vsque ad Caspios montes, in quibus decem tribus inclusa desiderant aduentum Antichristi; tunc etiam erumpent magnam stragem facturæ. Georgiani bellicosi sunt homines, habentes rasuram in capite, Clerici rotundam, Laici quadratam: Mulieres eorum equestri ordinis edoctæ sunt ad prælium. Homines isti quando ordinatis aciebus aggressuri sunt inimicos, quilibet pugillarem cucurbitam repletam vino \* prout velocius ebibit, & statim viriliter aduersarios inuadunt. Computandum esse non dubitamus inter beneficia Saluatoris IESU CHRISTI, quod à sicariis maiores nostros defendit in obsidione Damiatæ. V- 10  
 sitarum siquidem habebant *Affissini*, & eorum præceptor *Petulus de montanis*, cultellos emittere contra Christianos ad interceptendam vitam ipsorum, qui negotium Christianitatis propensius procurabāt. Nam treugarum tempore, filium Tripolitani Comitum, adolescentem spectabilem in Ecclesia beatæ Virginis apud *Carchusam* ante altare procumbentem, nequiter interfecerunt. Vnde Militia non cessauit eos persequi pro tam religiosa exanitate violata, donec humiliarentur vsque ad seruitutem tributum. Tria namq; millia bysanciorum annuam Templariis persolunt. Eiusdem obsidionis tempore Armeniæ Rex *Leo* nomine defunctus est in terra sua. *Melchison* filius Saphadini multa damna Templariis intulit, cum essent in obsidione Damiatæ: Combussit enim oppidum Castri albi; & turre munitas destruxit: Sed cum rediret in terram suam, victus est à Sarracenis. Mortuus est *Soldanus Ichoni*, qui creditur baptizatus fuisse. Qui tantæ benignitatis erat in Christianos, ut treugam cum Sarracenis solui iuberet CHRISTI cultores, quos vinculatos inuenit in munitionibus, quas expugnauit; & in optione eorum posuit, utrum in patriam suam redire vellet, an acceptis ab eo solidis sub ipso militare potius eligerent. Idem Christianos in tantum familiares habuit, ut custodes sui corporis constitueret eosdem: licet pater ipsius à *Lascaro* Græco fuisset interfectus. Manutenuit etiam *Muradum* filium Salahadini exhereditatum contra filios Saphadini, quantum Caliphas permittebat de Baudas, Papa suæ gentis. Cōtrivit Dominus baculum impiorum, confregit cornu superbiorum, terribilis in consiliis super 30  
 filios hominum, portas Damiatæ potenter aperuit. Ingredientibus nobis fœtor intolerabilis, aspectus miserabilis; mortui viuos occiderunt. Vir & uxor, dominus & seruus, pater & filius se mutuis fœtoribus interemerunt. Non solum plateæ erant mortuis plene; sed in domibus & cubiculis & lectis iacebant defuncti. Exstincto viro mulier impotens surgere, subleuandi carens subsidio vel solatio, putredinem non ferens expirauit. Filius iuxta patrem, vel e conuerso; ancilla iuxta dominam, vel vice versa; languore deficiens iacebat exstincta; paruuli petierunt panem, & non erat qui frangeret eis. Infantes ad vbera matrum pendentes, inter amplexus morietium vocitabant. Delicati diuites, inter acruos tritici interierunt fame, deficientibus cibis, in quibus erant nutriti, pepones & allia, cepas & altilia, pisces & volatilia, & 40  
 fructus arborum, & olera frustra desiderantes. Multitudo vulgi contracta vel molestia diutius fatigata, deficiens aruit. Octoginta ferè sicut à captiuis referentibus didicimus, à tempore quo perfecta est obsidio, perierunt in ciuitate; exceptis eis quos sanos vel languidos inuenimus quasi mortuos, quorum trecenti spectabiliores vtriusque sexus ad redemptionem captiuorum nostrorum referuntur; alii sunt mortui post victoriâ, alii magno pretio venditi, alii baptizati CHRISTO donati sunt. Ciuitas hæc gradatim murata, primum murum habet humilem ad custodiam fossati, secundum altiore, tertium eminentiore secundo. Murus medius viginti octo turre habet principales, binas vel ternas testudines continentes, quæ omnes remanserunt integræ cum muris, præter vnâ: quæ crebris *tribuculis* Templariorum ictibus 50  
 concussa fuit aliquatulum. Adeo enim exercitus noster ad pigritiam resolutus fuit, ut milites otio dediti negligerent opus CHRISTI. Vulgus autem ad tabernas & negotiationes fraudulentas se conuertit. *Cati* duo, ad fossatum implendum magnis sumptibus compositi fuerunt: quorum vnus in custodia Regis, alter in custodia Romanorum cōbustus fuit. Cum adhuc potentes essent in armis custodes ciuitatis, fossæ duæ subterraneæ factæ fuerunt, ad suffodiendum fundamenta munitionum. Sed labor iste frustratus est post expensas plurimas. Sic Dominus dare voluit ciuitatem integram

Isaia 14, 5.

Psal. 65, 4.

Thren. 4, 4.

integram sine dānno capientium eam in virtute. In commune iurauimus omnes, vt abspōrata de ciuitate spolia redderentur inter victores diuidēda. Hoc etiam sub anathemate terribili fuit praeceptum à domino *Legato* Apostolicæ sedis. Transgressores perpetuò remanebant infames, cum *Achor*, qui furatus fuit de anathemate <sup>10f.7,18.</sup> Hiericho, computandi. Veruntamen concupiscentia oculorum plures fecit fures. Suscepimus tamen ad vtilitatem Reipublicæ magnam partem deliciarum Ægypti in aurō & argento, *perlis* & pomis ambræ, filis aureis, phylacteriis variis, pannis sericis pretiosis, sicut enumerat *Isaias*: *In die illa auferet Dominus calceamentorum ornamenta & lunulas & torques, monilia & armillas, mitras & discriminalia, periscelidas & mu-*  
<sup>10</sup> *renulas, olfactoriola & annulos, in aures & gemmas in fronte pendentes, & mutatoria, & palliola, & linteamina, acus & specula, syndones & vittas, & teristra:* quæ omnia nemo dinumerare poterat. Sed ad ponderandum multum impendimus: quæ distributa sunt per exercitum Domini cum annona quæ reperta fuit in ciuitate. *Legatus* Apostolicæ sedis, *Damiatam*, cum suis appenditiis & pertinentiis omnibus regno Hierosolymitano concessit in perpetuum. *Machomeria* *Damiatæ*, per inuocationem sanctæ Trinitatis, mutata est in Ecclesiam beatæ Virginis, in quadrum posita. Tanta ferè eius latitudo, quanta longitudo eius consideratur; columnis sustentatur marmoreis, centum quinquaginta minus vna, septem porticus habens; & in medio habens aperturam longam & latam, in qua pyramis alta sursum ascendit. Quatuor in ea  
<sup>20</sup> principalia fundata sunt altaria, titulatorium beatæ Virginis primum: Principis Apostolorum Petri secundum: Sanctæ Crucis tertium: Beati Bartholomæi, in cuius festo turris fluminis capta fuit, quartum. Inuēti sunt in *Damiata* tribuculi quatuor cum petrariis & mangonellis plurimis, balistæ cum cornu fortissimæ, magnalium balistarum & arcuum propter multitudinem nescimus numerum: Insuper omne genus armaturæ fortium repertum Christianitati conseruatur. Aurum & argentum cum *perlis* & aliis rebus inobilibus non solum inter Cleros & milites, sed etiam inter satellites, mulieres & paruulos diuidebant proportionaliter. Turres ciuitatis distributæ inter regna, quorum bellatores conuenerunt ad eius captionem. Deducta fuit primò vna turris, sicut decuit & oportuit, quæ Romanæ fuit assignata  
<sup>30</sup> Ecclesiæ, cum porta ipsius, quæ olim dicebatur *Babylonica*, appellatur *Romana*. Alia etiam turris Archiepiscopo reseruatur *Damiatæ*. Et sicut olim ciuitas *DEI* viuentis *Hierusalem* sancta, capta fuit ab hostibus nocte, sic Christiani ante diluculum *Damiatam* obtinuerunt. Instrumentum quo turris fluminis capta fuit, Theutonici cum Frisonibus in commune dederunt; de quo factus est pons nouus inter ciuitatem & castrum, quod construitur ad munimentum ripæ ciuitati cōtrapositæ. Duo castellula composita sunt ad custodiam pontis de eodem instrumento. Insuper de altis arboribus super quas scalæ pendebant, ædificatur specula super altitudinem castrum noui ad indicandum portum longè nauigantibus. Pons vetus qui median-  
<sup>40</sup> te insulâ vtramque ripam contingebat, obsidionis tempore multipliciter à Saracenis fuerat attentatus, & à Christianis viriliter defensus, facto officio ad alios reseruatur vsus. Non minori miraculo, imò maiori donauit Dominus Christianis *Thamis*, mense Nouembri in festo beati Clementis, qui habet habitaculum suum in mari. Nam missi exploratores, numero quasi mille viri, in nauiculis per paruum fluiuium, qui fluuius *Thamis* appellatur, vt de casalibus sibi tollerent victualia; & situm prædicti loci diligenter explorarent. Sarraceni, qui erant in præsidio castrum, seratis portis fugerunt. Nostri verò solum *CHRISTVM* Capitaneum ibidem habentes, templa erumpentes intrauerunt. Testati sunt nobis redeuntes se nunquam in palatio fortius castrum vidisse. Septem turres habet firmissimas testudinatas. Insuper per gyrum duplici fossato & vtroque murato cingitur, habens antemurale: Lacus sese diffundit in lacum per circuitum in tantum, vt aditus equitibus hyeme sit  
<sup>50</sup> impossibilis; æstate difficilis, adeo vt per nostrum exercitum obsidione nunquam caperetur. Lacus piscosus est valde, de cuius piscariis Soldano *Babyloniæ* soluebantur annuatim quatuor marchæ argenti. A senioribus indicatum est nobis. Auius & salinis abundat. Per circuitum casalia multa seruiebant ei. Ciuitas olim famosa, maior *Damiatâ*, ad castrum modò redacta; nunc etiam ruinosa magnitudinē ædificiorum. Hæc est *Thamis* cuius campos meminit Propheta: *Coram patribus cõ-* <sup>Esai. 77,15.</sup>  
*rum fecit mirabilia, &c.* Et *Isaias*: *Stulti principes Thameos, sapientes consilarii Pharaonis de* <sup>Isai. 19,11,</sup>

2. Reg. 25, 25. *derunt consilium insipiens.* Hæc est *Thanis*, in qua lapidatus asseritur *Hieremias*. Destru-  
*Hierem. 41.* ctæ est Hierosolyma à Babyloniis, & Godolia ab Ismahele interfecto. Reliquiæ  
 2. populi contra consilium Hieremiæ Prophetæ interfecti sunt, in Ægyptum Hiere-  
*Hierem. 43.* miam secum ducentes, qui mansit cum eis in Thanis. *Summe lapides grandes & abscon-*  
 7, 9. *de eos in crypta, quæ est sub muro lateritio in porta domus Pharaonis, &c.* Postmodum locu-  
*Hierem. 44.* tus est eis Hieremias: *Hæc dicit Dominus DEVS. Ego iuravi in nomine meo magno, quod o-*  
 26, 27. *mnnes viri Iuda, qui sunt in terra Ægypti, gladio & fame peribunt, donec penitus consumantur.*  
 Et insurrexit populus aduersus Hieremiam, & lapidauerunt lapidibus, quos abscon-  
 derat sub muro lateritio. Ægyptii honorauerunt Prophetam sepelientes eum iuxta  
 tumulum regum. Oratione enim suâ fugauerat Crocodilos. *Alexander* autem Ma- 10  
 cedo veniens ad sepulchrum Prophetæ, cognoscens loci mysteriū, transtulit ipsum  
 in Alexandriam & sepeliuit gloriōse. *Crocodilos* apud Damiatam inuenimus & in-  
 terfecimus. Est autem bestia aquatica crudelis, homines & iumenta deuorans,  
 quæ solo visu apertis oculis oua sua fouet: Exclusi pulli statim fugiunt eam tãquam  
 hostem; quos enim rapere potest statim gluuit & deuorat. Et cū cætera animalia  
 \* molam \* fouent inferiorem, illud mouet contra naturam superiorem. Distat *Tha-*  
*nis* à *Damiata* itinere vnus diei per mare, versus Terram Promissionis: vt facile sit  
 de Acchon vel de Damiata per mare, per terram, per fluuium præsidium ibidem  
 ponere vel victualia transmittere. Damna multa Christianis intulit in obsidione  
 Damiatæ, quando naues ad nos accedentes vel recedentes à nobis, vi ventorum 20  
 delatæ sunt illuc. Nam ante Thanis littus maris arcuosum & importuosum sinum  
 facit amplum & latum, in quem naues deuolutæ sine vento multum opportuno re-  
 cedere non valent. *Coradinus* reuersus in Palestinam Cæsariense castrum obsedit,  
 quod erat in custodia Regis; & breui tempore cepit illud & destruxit, defensoribus  
 illius negligenter agentibus, qui tamen ferè omnes euaserunt, quia liberum introi-  
 tum & exitum habebant per mare. Deinde accessit ad *Castrum Filii DEI* cum toto  
 exercitu suo; & desiderans obsidere illud ex omni parte, sagaciter intellexit, quod  
 comprehensibile non erat: Insuper Templarios ad omne periculum paratos inue-  
 nit, qui castrum victualibus & omni armatura fortiter munierant. Eodem tempore  
 Templarii latrones Sarracenorum ab Acchon repulerunt viriliter, quosdam occi- 30  
 dendo, alios captiuando. *Coradinus* autem auxilium postulabat à Sarracenis, qui  
 ab ortu Solis venientes obsederunt Acchon; quod efficere non poterant propter  
 inexorabilem discordiam principum terræ ipsorum, Christianis plurimum oppor-  
 tunam, quam Calyphas Papa ipsorum sepelire laborabat. Anno incarnationis  
 Domini *millesimo ducentesimo vigesimo*, *Coradinus* Princeps Damasci destruxit *Saphet*  
 castrum firmissimum, quod *Salahadinus*, flagellum Christianorum, per longam  
 obsidionem in tantum arctauit, vt defensores fame deficientes, requisitâ licentiâ  
 Magistri militiæ Templi redderent illud Tyranno. Quæ vox, quæ lingua valet re-  
 texere nobis multiplicata beneficia Saluatoris? quem bonitas inoblita, & clementia  
 naturaliter insita intrinsecus adueniens, Ecclesiæ continuata supplicatio, benigni- 40  
 tatis oculo respicere castra fidelium suauitate deuotionis induxerunt: *Ipsam lenit o-*  
*ratio, lachryma cogit.* Et cū huiusmodi non sufficit obstupescens in corde conscientia;  
 quomodo sufficere poterit scribentis manus, aut loquentis lingua? Veruntamen  
 coaceruare libet & admirari, licet modici temporis miracula, quæ descenderunt à  
 patre lunilum. Filii Israel præsentis erant circumeuntes cum arca Domini,  
 clangentes buccinis; & septimo die vociferantes, quādo ceciderūt muri Hiericho,  
 vt populus Domini liberam haberet ingressum. Nos autem dormitauimus ante  
 Damiatam pusillanimes & inertes, ad ouium vnanimis & torpentes. Nihilominus  
 ceciderunt muri Hierusalem & Montis Thabor, & Saphet, & aliarum munitiōnū  
 nobis hostiliter aduersantium. Insuper Damiatam contra voluntatem quorundam 50  
 Pseudochristianorum nobis donauit Altissimus: adhuc & castrum inexpugnabile  
 Thanis, cum victualium copia; in hostili terra de thesauro tuæ largitatis obtulit,  
*Exod. 16, 13.* qui manna de caelo cultoribus suis in deserto præbuit. Patet ergo omnibushanc  
 peregrinationem sanctam, Deo gratam esse per euidentiam miraculorum acce-  
 ptam. Erubescant & confundantur, qui stipēdia summi Regis receperunt ab Eccle-  
 sia; & negligenter militantes vel ante tempus recedentes, peregrinationem suam  
 corruerunt, rationem reddituri Iudici CHRISTO, qui nec decipi nec corrumpi  
 potest.

A. Dn.

1140.

Isa. 6, 11.

Ec.

potest. Excitentur pigri, qui votum suum non fuerunt executi. *Ruina enim hominis Prov. 20, 25: deuotare sanctos, & post votum retractare.* Quam excusationem afferent in die tribulationis & angustiae, qui labores aliorum abstulerunt: interficientes animas, quas veri praedicatores viuificauerunt? qui propriae consulentes auaritiae, signa Crucis de humeris miserorum, quos voti fecerunt transgressores, tulerunt? Reuertantur etiam ad mentem, quos accusat reatus, conuincit conscientia, pro eo quod falsas paupertates vel debilitates allegando religionem examinatorum circumuenerunt; quia solius DEI est secundum veritatem iudicium. Defraudatores eleemosynarum, quae collatae fuerunt in Terrae Sanctae succursus; quia mentiti sunt Spiritui Sancto, culpas suas texerunt, cum Anania & Saphira portionem habituri peribunt; & cum Iuda fure pessimo & Domini sui proditore punientur gehennaliter; quia proditores Christianitatis stipendia militantium sibi retinuerunt, dantes animas pro rebus transitoriis, quarum furtum suggessit cupiditas. Immemores Hierusalem matris nostrae, quae prostrata iacens erigi desiderat à redeuntibus de captiuitate Babylo-  
10 *Haia 49. & 60. Tobia 13, 23, 15.*  
 niae. Consolare ciuitas Domini, quia nationes ex longinquo ad te venient, & munera deferentes adorabunt DEVM in te. Benedicti gaudebunt qui reparauerunt te. Tu autem lætaberis in filiis tuis, & beati omnes qui diligunt te & gaudent super pacem tuam. Factum est autem vertente anno quo solent Reges ad bellum procedere: *Ioannes* Rex Hierusalem castra fidelium reliquit multas causas praetendens  
20 ad excusationem sui; & festinatum reditum promittens, anteriorum oblitus ad posteriora se conuertit: aperiente manum Domino qui portum Damiatæ repleuit vbertate vini, frumenti, & olei, adiuncta peregrinorum & equorum copia numerosa, ut ad progrediendum in negotio feliciter inchoato, nulla locum habeat excusatio. Superuenerunt in sexto passagio, *Mediolanensis & Cretensis* Archiepiscopi, *Ianuenensis & Reginensis* Episcopi, & nuntii Regis *Frederici*, deferentes litteras cum bullis aureis, & aduentum ipsius annuntiantes. Aderat Episcopus *Brietiensis*, & Italiae militia copiosa. *Legatus* autem considerans, non sine magno gratiae priuilegio, Diuino munere iussu fuerit fuisse prouisum in omnibus, quae requirebat negotii processus, angebatur dolore, quod tempus inutiliter praeteriit, & opportunitas tanta  
30 periit. Vnde conuocatis maioribus, ipse primo loco, deinde *Mediolanensis* Archiepiscopus, & alii similiter Episcopi persuadere studentes progressum contra Soldanum, qui castra sua posuerat supra Nilum, itinere vnius diei a Damiatæ: sed milites habitæ deliberatione huic exhortationi contradixerunt: hanc maximè causam praetendentes, quod Rex Hierusalem aberat pro suae voluntatis arbitrio: nec alius Princeps militans aderat, cui gens diuersarum nationum obedire vellet ad educendum populum Domini: & sic concordabant ad otium; ex quo multiplicata sunt mala in castris. Mense Iulio superuenit Comes *Mattheus de Appulia*, cum octo galeis: quarum duas cursarias, insidiantes Christianis, cepit in via maris.

FINIS LIBRI TERTII HISTORIAE  
ORIENTALIS.

DDDDD ;

INCIPIT EPISTOLA MAGNI  
IACOBI ACCONENSIS EPISCOPI, MISSA AD  
RELIGIOSOS, FAMILIARES, ET NOTOS SVOS IN LO-  
tharingia existentes, de captione Damiatæ.

*Dilectissimis in CHRISTO fidelibus fratribus, Magistro Iohanni de Ni-  
uella, & ceteris: Iacobus diuinâ permissione Acconensis Ecclesiæ mini-  
ster humilis.*

Iugum CHRISTI suaue cum gaudio & vnanimitate portare.

*Psalm. 106, 15,  
16.  
Psalm. 46, 3.*



*Psalm. 74, 10.*


*Confrigitur Domino misericordia eius, & mirabilia eius filiis hominum,  
qui portas areas contriuit, & vectes ferreos confregit: subiecitq; populos  
nobis, & gentes sub pedibus nostris: ciuitatem Paganorum gloriæ,  
& ciuitatem fiduciæ incredulorum; ciuitatem munitissimam,  
& inexpugnabilem; & à multis Regibus, & populis pluries ob-  
fessam, sed nunquam superatam, in diebus nostris sanctæ Ec-  
clesiæ & exercitui Christianorum subiecit, & cornua peccatorum  
confregit: aperiens nobis ostium magnum ad subiugandos infideles, & ad amplian-  
dum CHRISTI imperium; & vt captis & eiectis vulpeculis, vinea Domini Sabaoth,  
quasi nouella plantatio, propagetur; & faciat vvas, quæ faciebat labruscas: & vbi to-  
ties inuocatum est nomen maledictum perfidi Machometi, nomen abominabile,  
quod os dæmonis nominauit, à modo inuocetur nomen benedictum IESU CHRI-  
STI gloriosum, quod os Domini nominauit: vt cognoscant Ægyptii Dominum, &  
conuertantur ad ipsum: vt ab Occidente ad Orientem lumen veritatis reconuer-  
tatur. Non enim est DEVS noster, vt dicitur, & inimici nostri sunt iudices, videntes vir-  
tutem Domini & mirabilia eius in captione Damiatæ: quod qualiter factum sit, &  
quàm miraculosè, prædicabo. Igitur cum ex parte lictorum nostrarum & fossati  
nostri pluries impugnassent nos Saraceni, & nihil profecissent; sed multis suorum  
interemptis, confusi recessissent, ad solita sua peruersitatis arma recurrentes, ver-  
bis pacificis & dolosis nostros decipere, & circumuenire tentauerunt, & multa no-  
bis promittentes, si recedere, & obsidionem Damiatæ relinquere vellemus: quæ  
magna in superficie, iis qui minus cauti erant, videbantur. Nam primò promise-  
runt, quòd S. Crucem, & terram planam cum ciuitate Hierusalem, & Sepulchro Domi-  
nico, & omnes quos in potestate habebant Christianos redderent; & pecuniam pro  
muris Hierusalem reparandis nobis darent. Secundò castrum quoddam quod iuxta  
ciuitatem Tyri situm est, quod Turo dicitur, cum quibusdam munitionibus aliis,  
scilicet Sephet & Beafort, cum *linis*, cuius muros destruxerunt, nobis reddere pro-  
miserunt: castrum autem munitissimum, scilicet Cracum, & Montem Regalem vole-  
bant retinere; sed pro illis annum nobis censum dare promittebant: quod mul-  
tis ex Peregrinis nostris magnum & sufficiens videbatur. Hi autem qui expe-  
rimento fraudes versipellium cognoscebant, & maximè Templarii, & Hospitalarii &  
S. Mariæ Alemanorum; dominus etiam Legatus, cum Patriarcha, Archiepiscopis,  
Episcopis, cum vniuersitate cleri; & quædam pars Peregrinorum, verbis eorum se-  
ductoriis nullum præbebant assensum. eò quòd intenderent Saraceni sub occasio-  
ne simulatæ pacis exercitum CHRISTI dissipare, vt recedentibus Peregrinis, qui no-  
biscum erant, & aliqui qui hoc audierunt non venturum, terram planam recupe-  
rauerunt, & Hierusalem cum monte Thabor & aliis castris, collecta contra nos multi-  
tudo cum fortitudine sua recuperarent. Crucem verò Sanctam eos non habere  
credebamus: càm Saladinus & alii Saraceni recuperata a nostris Acconensi ciui-  
tate, eam diligentissimè quasissent, vt captiuos suos à morte liberarent, & inueni-  
re non possent. Sed facta contra nos discordia & diuisio [est] quod & ipsi Saraceni  
intendebant, & modis omnibus procurabant. Considerauit autè dominus Legatus,  
vir cæcis & prouidus, & in negotiis Domini peragendis vigil, quòd hæc dissensio &  
moram*

- moram maximam pariebat, & periculum maximum; & quod gratiâ DE I abutebantur, cum Dominus nobis ciuitatem offerret. Sed his qui in ciuitate erant, partim mortuis, partim agrotantibus, fame & inediâ tabescētibz, adeo vt in ea pauci remansissent qui ciuitatem possent defendere, *Soldanus* die noctuque tam per terram quam per aquam, nouos in ciuitatem mittebat pugnatores. Vnde dominus Legatus non sustinuit amplius expectare: paucis tantum de suis, quod conceperat, reuelauit, ne quidam ex nostris malitiosè insultantes, impedirent; & ne hostium exploratores hoc secretum eis intimarent: ante autem mediam noctem confurgens cum militibus & conuenientibus suis ad fossatum ciuitatis deuenit. Saraceni autem quendam pōtem destruxerant, quo mediante ad primum vrbis murum, & eiusdem muri portam erat accessurus: Legatus verò cum suis scalis, & asseribus iussit pontem reparari; moxque transeuntes, ipsam portam combusserunt: deinde festinanter per medios ignes transeuntes, inter duos muros sese receperunt. Et primi, murum, portâ succensâ, scalas applicantes, ascenderant; alii verò, per medios ignes per portam transierunt. Ciues autem in stuporem & pusillanimitatem conuersi, & confracti viribus, & de defensione desperantes, modico conamine restiterunt. vnde factū est, vt nullus ex nostris interemptus, paucis tantum leuiter vulneratis, de Sarracenis verò pluribus interfectis, DEVS in manus nostras miraculose tradiderit ciuitatem. Igitur nonis Nouembris, Saluatore mundi regnante domino *Petro* An Dom. 1219.
- 20 *Albanensi* Episcopo, Apostolicæ Sedis Legato, solenniter vigilante, anno gratiæ *MCCXIX.* capta est *Damietta*, absque deditioe, sine defensione seu violentia, sine deprædatione vel tumultu, vt soli Filio DE I euident adscribatur victoria: qui populo suo ingressum in Ægyptū aspirauit & ibidem vires instaurauit: gloriam suā alteri non dedit; triumphum verò sanctæ Romanæ ecclesiæ contulit. Quidam verò ex nostris qui propriam gloriam quærebant, & iam contentiosè de spoliis & partitione ciuitatis inter se agebant, suo more, gloriâ Dominus eos priuauit. Illucescente namque die, videns *Soldanus*, & exercitus eius, vexilla nostra super turres, & mœnia ciuitatis erecta, ingenti terrore concussus, cum mœrore fugiens, castrum cum ponte, quem super fluuium fecerat, combussit: certissimè sciens, quod DEVS, re-
- 30 probatis & confusis Saracenis, pro nobis miraculose pugnasset. cum enim mense Februario, in die *S. Agathe* Virginis, fluuium *Nili* (qui alio nomine dicitur *Gion*) fugientibus Saracenis transiremus; & vndique ante *Damiatam*, tam per terram, quam per vtramque insulam, cingeremus, plusquam sexaginta Saracenorum milia intra muros ciuitatis remanserunt inclusi. Post nouem verò menses, ipsis nonis videlicet mensis Nouembris, captâ ciuitate, vix tria ex eis millia inuenimus: inter quos vix centum remanserant sani qui possent defendere ciuitatem. Dominus enim pestilentia percutiens aduersarios, gladium euaginauit post eos; adeo quod cum ingrederemur ciuitatem, tot inuenerimus mortuorū cadauera super terram, quod pauci qui remanserant, viui, ob intolerabilem fetorem, tot mortuos sepelire
- 40 non poterant. Purgatâ autem ciuitate, dominus Legatus cum Patriarcha & vniuerso clero Acconensi, cum candelis & luminaribus, cum hymnis & canticis, cum laudibus & gratiarum actione, in die *Purificationis beatæ Mariæ*, processionaliter ingressus est ciuitatem. Fecerat autem dominus Legatus parari magnam basilicam, in qua ad honorem beatæ Virginis cum magna populi deuotione celebrari: in qua etiam sedem *Archiepiscopalem* instituit, multis etiam aliis intra ciuitatis ambitum constitutis ecclesiis, eiecto perfido Machometo, diuinum officium, diebus ac noctibus, ad honorem DE I & Sanctorum eius iugiter adimpleuit. Inuenimus autem in ciuitate pauca valde victualia; aurum verò & argentum, pannos sericos cum vestibus pretiosis, & aliam multam supellectilem reperimus. Sed quoniam
- 50 multi fures & latrones, & solo nomine Peregrini, in captione versati, in exercitu nostro tunc temporis erant; Saraceni autem maximam pecuniæ partem in terra absconderant, & in aquam proiecerant, vix ad vtilitatem communitatis quadringentorum millium Byzantinorum precium colligere, & inter nostros diuidere potuimus. Idcirco nimirum & scandalum, rixæ & contentiones exortæ sunt in populo insipienti & indisciplinato: de captis verò Saracenis quos in ciuitate reperimus, quadringentis melioribus & ditioribus retentis, vt captiuos nostros facta commutatione pro ipsis recuperare possemus, omnes, eo quod sumptuosum esset



nimis tot homines pascere, vendidimus Christianis, ut seruirent eis in perpetuum, exceptis paruulis: quos ego cum labore magno, & expensis feci reseruari: quibus baptisatis plus quam quingenti post baptismum ad Dominum, primitia Deo & Agno, transferant. *Hi sunt qui cum mulieribus non sunt coinquinati. Virgines enim sunt: & sequuntur Agnum quocunque ierit.* Alios autem praeter illos, quos retinuimus, quibusdam amicis meis, ut eos iuuarent, & Sacris Literis ad cultum Dei imbuerent commisi. De consensu vero Peregrinorum, dominus Legatus dominium ciuitatis cum pertinentiis, ad amplificationem Hierosolymitani regni, Regi Hierosolymitano in possessionem perpetuam contulit: domos vero ciuitatis cum quibusdam tractibus, secundum varias nationes, quae ad *Elam* fuerant, diuiserunt peregrinis. Erant autem in ambitu primi muri viginti & octo turres maiores, exceptis minoribus, quorum munimine inexpugnabilis erat ciuitas: nisi eam Dominus miraculose populo suo tradidisset Christiano, nec solum istam, sed ciuitatem *Thaneos*, cum castro adiacente, octo turres inexpugnabiles habente, quod ex nulla parte posset obsideri, non minori, ut dicitur, miraculo, nobis Deus subiecit. Ciuitas autem *Thaneos*, cum sua diocesi, sub *Damiata* metropoli continetur. Sed ne triumphum viribus nostris, vel nostrae multitudini possemus adscribere, ut humiliaremur & cum Propheta confiteremur: *non in arcu meo sperabo, & gladius meus non saluabit me: Dominus est qui humiliat, & subleuat:* multis tribulationibus ad purgationem peccatorum, & maiorem coronam electorum, antequam traderet ciuitatem, populum suum permisit affligi. Dum enim multitudine magnam, tam equitum quam peditum, die quodam nostri contra Soldanum exirent ad pugnam, tanquam nil timentes, sed in sua fortitudine confidentes: non proponentes Deum ante conspectum suum: non cum humilitate, sed cum superbia & elatione, multi, propter lucrum temporale, contra hostes perrexerunt. *Soldanus* qui primus per experientiam didicerat, quod pauci de nostris dum ponunt Deum adiutorem suum, multos ex suis absque magna difficultate superassent, non est ausus nostrum exercitum expectare: sed paulatim nostris subsequenter, cum omni suppellectili sua fugiendo cedebat. Cum autem intra fossatum, quo *Soldanus* castra sua cinxerat, exercitus noster peruenisset, paulisper tanquam fessi ex tunc nostri subsistentes pausauerunt: tumque ..... inimicis vero tum insequentibus, nostrorum quidam terga vertentes non fugati fugerunt: quod videntes quidam ex nostris militibus, corde constantes, & de fuga suorum admirantes, & nimium dolentes, ut a posteriori exercitum custodirent, ordinati, consertis aciebus secundum ordinem, & militarem disciplinam subsequerantur: ut scilicet absque magno damno reuerti posset exercitus; ubi quidam ex nostris imperum subsequenter Saracenorum, qui nostrorum equos sagittis vulnerabant, sustinere non valentes, relictis sociis, euaserunt Saracenos. Ex quo factum est, ut primo die priusquam ad castra nostra perueniremus, plus quam mille de nostris amitteremus: quibusdam gladio interfectis, quibusdam captis, equis eorum vulneratis, vel praecalore deficientibus; multis etiam ex peditibus propter aestum solis extinctis: quidam ex solo timore, iusto, sed occulto Dei iudicio, in insaniam conuersi, exspirauerunt. In primo bello plus quam ducentos milites amisimus, quibusdam interfectis, aliis vero in captiuitatem ductis. Capti sunt autem viri nobiles, *Electus Beluacensis*, & frater eius *Andreas de Nansolio*; *Iohannes de Arciato* miles strenuus; *Andreas de Espeisse*, *Gualterus* Regis Franciae Camerarius, & filius eius Vicecomes *Bellimontis*; frater *Andegauensis* Episcopi, & *Odo de Castellione*, & multi alii; quos longum esset enarrare. Multi autem die illo coronati feliciter ad Dominum migrauerunt. Ego vero die illa absque armis, cum cappa, & superpellicio cum domino Legato & Patriarcha, qui sanctam ferebat Crucem, exieram; & non placuit Deo cum suis martyribus me miserum & indignum vocare, sed adhuc ad laborem & dolorem voluit reseruare. Multis aliis tribulationibus Dominus nostram repressit superbiam. Naues enim nostras cum scalis ex parte fluminis medio ciuitatis, frequenter applicantes, repulsi sumus: Sarracenis ignem Graecum proicientibus & bellicis machinis, quae *petrarie*, vel *petrariae* dicuntur, lapides iaculando quosdam ex nostris interficientibus: ex parte vero terrae, cum labore & expensis magnis fodientes, aquis fossati impredientibus, nil profecimus. Cum autem bellica quardam

dam instrumenta, quæ *Cattos* nuncupant, versus nostros traheremus, ignem Græcum copiosè proiicientes Saraceni, multis ex nostris vulneratis illa combusserunt. Nobis etiam inuitis, & ignorantibus, quandoque sub parte terræ, quandoque sub aquis per fluuium, ciuitatem ingrediebantur, non modicum his qui erant in ciuitate, ferebant solatium. Nostri verò magnum rete ex transuerso fluminis protendentes, facti piscatores hominum, Saracenos prendebant. Iam verò omnibus attē-  
 10 tatis, quid ampliùs faceremus vix excogitare valebamus: Longè enim fortior erat ciuitas paulò antequam caperetur, quàm in obsidionis principio: Dominus autem sibi soli victoriam referuabat; præmium autem nostris laboribus non negabat.  
 20 confidimus enim in CHRISTO, qui nobis portas Ægypti miraculosè aperuit, tenebras illuminando, & in fines terræ Ecclesiam suam dilatando. Vos autem sine intermissione orate pro exercitu IESU CHRISTI, vt in terra Promissionis vinea propagetur, Ecclesiæ reparentur, infideles eiiciantur, fides restauretur: vt ædificentur muri Hierusalem, quos inimici nostri subuerterunt. Salutant vos socii nostri & amici *Ioannes de Dionanto*, *Iohannes de Cameraco*, cantor noster; *Henricus Senescallus* ecclesiæ nostræ. Dominus *Reinerus* Prior sancti Michaelis tradidit se religioni Minorum fratrum; quæ religio valdè multiplicatur per vniuersum mundum, eò quòd expresse imitatur formam primitiæ Ecclesiæ, & per omnia vitam Apostolorum. Magister verò illorum fratrum, frater *Franciscus* nominatur: qui ad-  
 20 eò amabilis est, vt ab omnibus hominibus veneretur: cùm venisset ad exercitum nostrum, zelo fidei accensus, ad exercitum hostiū nostrorum ire nō timuit; & cùm multis diebus Saracenis verbū Domini prædicasset, & cùm parum profecisset, tunc *Soldanus* Rex Ægypti ab eo in secreto petiit, vt pro se Domino supplicasset, quatenus religioni, quæ magis DEO placeret diuinitus inspiratus adhæreret. Eidem religioni tradidit se *Colinus* Anglicus, clericus noster, & alii duo de sociis, scilicet *Michaël* & dominus *Mattheus*, cui curam Ecclesiæ sanctæ commiseram: Cantorem, & Heinricium, & alios, vix retineo. Ego autem debilis, & contractus corde, in pace & tranquillitate vitam meam desidero finire. Misimus vobis  
 duos paruulos, de incendio Babylonis extractos, cum quibus-  
 dam pannis sericis, & literis aliis. Ostendite literas  
*Abbati de Villari*, & aliis amicis nostris. VALETE.



# HISTORIA HIEROSOLYMITANA

AUCTORIS INCERTI.

10



**S**OLET nonnunquam accidere, ut res quantumlibet notas, & eximie gestas, tactu temporis vel fama languidior minuat, vel obliuio posteritatis extinguat. Sic Regum quā plurimum emarcuit gloria; & ipsis conscriptum euanuit, quod ab eis magnifice factum, & suis celebratum temporibus, nouitas excepit in fauorem, fama in præconium, populus in exemplū. Hoc Grai veteres diuinitus attendentes scripti remedium obiecere prudenter, & scriptores suos quos dixere historiographos, ad conscribendas rerum historias studiosius exciuerunt. Vnde feliciter contigit ut vocis viua silentium, vox scripta suppleret, ne ipsis mortalibus eorum commorerentur virtutes. Romani verò, Græcorum æmuli, perpetuandæ virtutis obtentu, non solum stili assumpserunt officium; sed & statuas adiecerunt: & sic, tam veteres repræsentando, quàm prouocando posteros, virtutis amorem, tū per oculos, tum per aures ad interiora multipliciter demissum, imitantium mentibus firmitus impresserunt: Quis iter Iasonis, labores Herculis, Alexandri gloriam, Cæsaris victorias nosset, si scriptorum beneficia defuissent. Porro Patrum gesta sanctorum, quos frequentius commemorat & commendat Ecclesia, neminem ad imitandum accederent, si conscia veritatis antiquitas legendam nobis historiam non reliquisset. Sanè Reges antiqui, cum variis extollerentur præconiis id vel maximè in votis habebant, ut in ore præsentium celebres, ad posteritatis noticiam deuenirent. Ceterum, cum innumeri rerum gestarum scriptores extiterint, plurimi quod audierant, pauci quod vidēre scripserunt. Quod si Frigio Dareti de Pergamorum euerfione ideò potius creditur, quia quod alii retulere auditum, ille præsens conspexit: nobis & Historiam Hierosolymitanam tractantibus, non indignè fides debetur: qui, quod vidimus, testamur; & res gestas adhuc calente memoriâ, stilo duximus designandas. At si cultiorem dicendi formam deliciosus exposcit auditor, nouerit nos in castris fuisse cum scripsimus; & bellicos strepitus tranquilla meditationis otium non admisisse. Ipsa sibi veritas ad gratiam sufficit; & licet pomposo non expolita ornatu, quemcunque saltem secreti sui alliciet auditorem.

A. Dn.  
1177.



**A** N N o Verbi incarnati, millesimo centesimo septuagesimo septimo, Apostolicæ sedis apicem obtinente Urbano tertio; Imperante in Alemannia Frederico, apud Constantinopolim Isaakio; Philippo regnante in Francia, Henrico in Anglia, in Sicilia Wilhelmo, aggrauata est manus Domini super populum suum; si tamen rectè dixerimus suum, quem conuersationis immundicia, vitæ turpitudine, vitiorum fœditas fecerant alienum. Iam enim eò vsque flagitiorum consuetudo proruperat, ut omnis, (abiecto crubescentiæ velo,) palam & passim ad turpia declinarent. Cædes, rapinas, adulteria, longum esset euoluere, ac proposito nostro contrarium qui res gestas delibare decreuimus, non formare tractatum: Sed cum hostis ille antiquus corruptionis spiritum longè lateque diffudisset,

- fadisset, specialius tamen *Syriam* occupauerat, & vnde regiones ceteræ susceperant religionis exordium, inde totius immundiciæ sumebant exemplum. Hinc igitur Dominus, terram Natiuitatis suæ, locum Passionis suæ, in abissum turpitudinis decidisse conspiciens, *hereditatem suam spreuit, & virgam furoris sui Saladinum*, ad obstinata gentis exterminium, debachari permisit: maluit enim Terram Sanctam, per aliquantum tempus prophanis Gentilium ritibus ancillari, quam illos florere diutius quos ab illicitis nullius honestatis compescebat respectus. Hanc futuræ demolitionis instantiam casus præloquebantur diuersi: fames, terræ motus, frequens tam Lunæ quam Solis defectus. Sed & ventus ille validus quem de Planetarum concursu prouenturum Astronomici pronunciauerant, in huius rei significantiam commutatus migravit. Ventus verè calidus; qui quatuor mundi cardines conculsit, ac orbem totum in seditiones & prælia concitandum præmonstrauit. *Saladinus* igitur, contractis armatorum copiis, Palestinam violenter aggressus Admirallium Edeßæ *Manasradinum* cum septem millibus Turcorum qui Terram Sacram depopularentur, præmisit. Hic autè, cum in partes Tyberiadis processisset, [cæcis] sibi obuios magistrum militiæ Templi *Gerardum de Bideffordia*; & magistrum Hospitalis *Rogerum de Molendinis*, illum quidem fugatum; istum verò interfectum inopinino Marte confecit. In quo conflictu, cum nostrorum paucissimi ab immenso concluderentur exercitu, insigne quiddam & memoriâ dignum contigit: nam quidam Templarius, officio miles, natione Turonius, nomine *Iakelinus de Maillaco*, quadam virtutis in se omnium prouocabat insultus: cæteris autem commilitonibus suis, qui quingenti æstimabantur; vel captis, vel interfectis belli totius imperum solus sustinuit: & pro lege DEI sui athleta gloriosus effulsit. Hic hostium vallatus cuneis, & humano prorsus auxilio destitutus, cum tot millia hinc inde irruentia conspiceret, collegit in vires animum; & vnus contra omnes bellum animosus suscepit: virtus eius ad gratiam hostium commendanda enituit, vt ei plerique compassi, ipsum ad deditionem affectuosius hortarentur. Quorum monita dissimulans, mori pro CHRISTO non timuit; sed telis, lapidibus, lanceis, oppressus magis quam victus, vix tandem occumbens ad cælos feliciter cum palma martyrii triumphator migravit. Mors quidem mitior; & ad sensum dolor non venerat, cùm vnus viri gladius tantam circumiacentis turbæ struxisset coronam. Dulce vito sic occumbere, vbi victor ipse in medio, & in circuitu impii quos dexterâ victrice consumpsit. Et quia in equo nitido & armis albicantibus tunc casu pugnator incesserat, Gentiles qui sanctum *Georgium* in huiusmodi habitu militare nouerant, se militem nitentis armaturæ, Christianorum propugnatorem, interfecisse iactabant. Erant in loco vbi pugnabat, stipulæ, quas messor, post grana paulò ante decussâ, reliquerat inconuulsas. Turcorum autem multitudo tanta irruerat, & vix vnus contra tot acies tantu diu conflixit, vt campus in quo stabant totus resolveretur in puluerè, nec vlla prorsus messis vestigia comparerent. Fuere, vt dicebatur, nonnulli qui corpus viri iam exanimum puluere superiecto consperserunt; & ipsum puluerem suis imponentes verticibus, virtutem ex contactu hausisse credebant. Quidam verò, vt fama terebat, ardentius cæteris mouebatur; & abscissis viri genitalibus, ea tanquam in vsum cognendi referuare disposuit, vt vel mortua membra, si fieri posset, virtutis tantæ succitarent hæredem. Hac ergo suorum victoriâ *Saladinus* impendio hilaratus, animum occupandi Regni ambitione succensum, ad maiora intendit. Verum vt tantus Christiani nominis persecutor cupidæ posteritati plenius innotescat, de principiis eius aliquid, quantum breuitas captata permiserit, præmittemus. Fuit itaque de genere *Mirmuraeni*, parentum non ingenuorum proles, nec tamen obscuri sanguinis humilitate plebescens. Pater eius *Iob*, ipse verò *Ioseph* nuncupatus. nã iuxta *Malac.* *humeti* traditionem, hæc apud plerosque Gentilium viget obseruantia, vt cum caractere circumcisionis & Hebræorum nomina circumcidendis imponant: Principes verò, vt nominibus suis ammoniti legis Mahumetiæ studiosi deſcendentes exiſtât, ab ipso legis vocabulo nomina sortiuntur. *Lex* siquidè, lingua Gentili, *habet* dicitur: Vnde & *Saladin* dictus est, quod *legis corrector* interpretatur. Et sicut Principes nostri vel *Imperatores* dicuntur vel *Reges*, sic apud illos qui præminent *Soldani*, quasi soli dominantes nominantur. *Saladinus* utique sub Soldano Damascenorum *Norahaldino*, hoc primum potestatis suæ auspiciu habuit, quod de puellis Dan. ascendiſſet,

questuariis questum sibi colligebat infamem: eas enim aliter non licebat prostituere, nisi ab ipso primitus libidinis exercenda copia pretio impetrassent. Quicquid autem eiusmodi lenocinio lucrabatur, in usus histrionum prodigus refudebat, sicque largitionis obtentu, venale vulgi gratiam totis desideriis comparauit. Hic cuiusdam Suriani vaticinio in spe Regni adductus, ab illo futurum audierat; ut Damasci & Babilonis ditio-  
ne potiretur. Sic ergo ascensiones in corde suo disposuit, & iam cepit regno maiora spirare, cuius ambitus angustae possessionis limites non excedebat. Processu temporis cum iam aetas robustior officium militare deposceret, ad *Enfridum de Turone* illustrem Palestinæ Principem, paladus accessit; & Francorum ritu *militiae cingulum* ab ipso suscepit. Eo tempore Gentilis quidam *Sennarius* nomine, sub *Molano*, quæ patriam linguam domi-  
num dicunt, vniuersam procurabat Aegyptum, quæ victoriosus Ierosolymorum rex *Amalricus* ad tributum coegerat annuatim soluendum. *Molanus* siquidem ter in anno tantum se visibilem & adorandum exhibebat Aegyptiis, qui apud subditos credebatur tantus, ut eius Imperio Nilus effluere diceretur. Porro gentilitiae religionis statuta obseruanter adimplens: dies anni concubinarum numero adaequabat: sicque inter mulierculas consensescens, tractanda Regni negotia *Sennario* committebat. Hos Sal-  
hadinus cum patruo suo *Saracuno*, tunc temporis apud Aegyptios militans, proditiose peremit incautos; & sic totius Aegypti obtinuit principatum. Post multum verò non multo temporis interfluente tracto, *Norahadinus* diem clausit extremum. cuius uxorem Salahadinus matrimonio sibi copulans, cum ipsa regni regimen fugatis here-  
dibus occupauit. Hæc fortunæ ludæis potentia, has rerum vicissitudines voluit: quæ de paupere diuitem, de humili sublimem, de seruo suscitatur dominatorem. Quod si rerum præcia iudicio, non opinione metimur, quantalibet terrenæ felicitatis potentia vilis æstimanda est, quæ pessimi & indigni sæpius nanciscuntur. Leno ille, cuius regnum in prostibulis, militia in tabernis, studium in aleis & allis, subito sublimatur; sedet cum Principibus, imò maior Principibus; & solius gloriæ tenens, Aegyptiis imperat; Damascenos subdit; terram *Roassia*, cum terra *Gesyra* occupat; & intima ceterioris Indiæ penetrat; regnaturus. Regna itaque circumiacentia nunc dolis, nunc armis impugnans & expugnans, de sceptris pluribus *monarchiam* effecit, & tot Regum solus vendicat principatum. Nec his contenta tyranni cupiditas, quo plura possidet, 30  
ad plura incenditur, & hereditatē Domini totis viribus occupare conatur. Tempus autem votis accommodum nactus, iam obtinere sperat, quod nunquam optare præsumperat. Nam propter regnum dissidentibus *Tripolitano Comite*, *Raimundo* & *Guidone* Latinorum Rege octauo, perniciose seditio populum distrahebat. Hæc igitur  
opportunitas cupientem animum acrius accendit, & tam celebrè quam certum gerendi negotii pollicetur effectum. Ceterum, non sine causa prorsus, à Soldano bellum indicitur: nam Princeps Antiochiæ *Reginaldus*, fœdus induciale ruperat, quod nostri cum Gentilibus hincinde sanxerant obseruandum. Quodam enim tempore, cum plurimus & opulentus Gentilium comitatus à Damasco in Aegyptum transfiret, & præter limites terræ Christianorum ob induciarum fiduciam, itinerare non formidaret, 40  
in eos subito Princeps prædictus irruit; & ipsos cum vniuersis sarcinis, minus deceter, captiuos abduxit. Soldanus igitur tum ambitione feruens, tum iniuriam sibi factam, per-  
motus, totius imperii suo excito robore, Ierosolymorum fines, tam potenter quam violenter, inuadit. Si numerus hominum, dissimilitudo gentium, ceremoniarum diuersitas prout lex historiæ postulat, plenius describerentur, tractatus diffusior breuitatis propositum conturbaret: *Parthi, Bedeuini, & Arabes, Medi, Cordini & Aegyptii*, sicut loco, ritu & nomine diuersi; sic in excidium Terræ Sanctæ vnanimiter omnes accensi. Nostri obuiam procedentibus cum iam dies funesta instaret, camerario Regis visio tremenda contigit: quod quædam aquila Christianum transuolaret exercitum, quæ septem missilia & balistam gestans in pedibus voce terribili personabat: *Va tibi Ie-  
rusalē.* Ad huius visionis eliciendum misterium, sufficere credimus quod scriptum legitur: *Tendit Dominus arcum suum, & in eo parauit vas mortis.* Quid autem VII. missilia, nisi VII. criminalia typicè indicat, quibus infelix exercitus erat in proximo periturus? Potest tamen illius septenarii nomine, poenarum quæ Christianis imminabant vniuersitas intelligi: quod post multum fidelis nimium & dirus interpret, rerum declarauit euentus. Conflictu nondum inito, cum non longè à Tyberiade, in loco qui *Marecallia* dicitur, hinc inde acies produxissent; conclusit Dominus in gladio po-

*Psalm. 7, 13, 14.*

dio populum suum, & hæreditatem suã, peccatis hominum exigentibus, in eadem tradidit & direptionem. Quid plura? Nec tenor propositi, nec ipsa doloris immensitas ad singula trena aptare indulget. Sed ut multa paucis claudantur, tot ibi cæsi, tot vulnerati, tot in vincula coniecti, quot ad hostium miserationẽ gens nostra cõsumpta deperit. Illud viuificum salutiferæ *Crucis Lignum*, in quo Dominus ac Redemptor noster pendit; in cuius stipitem pius CHRISTI sanguis defluxit; cuius signũ adorant Angeli, venerantur homines, dæmones expauescunt; cuius præsidio nostri semper in bellicis exstitere victores, heu nũc ab hoste capitur: & ipsius Crucis baiulatores duo, episcopus *Acconensis*, & cantor Dominici Sepulchri, ille cæsus, iste

10 captus, pariter cũ ipsa, succumbunt. Hanc autẽ post *Cosdroen* Regẽ Persarum, Crux sancta, propter scelera nostra, cõmeliam pertulit; & quæ nos a veteri captiuitatis iugo absoluit, propter nos captiuã ducitur, & prophanis Gentilium manibus cõtrectatur. Videat, si est intelligens, quæ sit ira Domini, imò quanta seruorum iniquitas, cùm ad Crucis custodiã Gentiles quàm Christiani minus reputentur indigni. Nihil æquẽ lugẽdum ætas antiqua prorulit: quia nec arca Domini, nec Reges Iudæorum captiuati, nostri casum temporis æquiparare possunt, in quo gloriosæ Crucis, *Rex* ducitur cõcaptiuus. De captiuis autem, quorum multitudo non minus miranda quàm miseranda exitit, pars pro victoris arbitrio reseruatur illaesa; partem verò tam felici quàm festiuo compendio, ad cælum gladius mactator transmittit. Inter

20 cæteros Princeps Antiochiæ *Reginaldus*, Soldani conspectibus præsentatur: cui tyrannus ipse, vel furorem suum secutus, vel viri tanti excellẽtiæ deferens, manu propria caput emeritum & longæuũ abscidit. *Templarios* quoque quotquot erant, præter Magistrum Militiæ, decapitari præcipiens, ipsos penitus exterminare disposuit, quos in bello cæteris nouerat præualere. O zelus fidei! ô feruor animi! Quam plures assumptã Templariorum tonsurã, certatim ad carnifices confluunt; & sub pio nouæ professionis mendacio, lætam ferientium gladiis ceruicem dependunt. Hos inter CHRISTI milites, Templarius quidam nomine *Nicolaus*, ita cæteris subeundæ mortis amorem peruaferat, quod aliis præuenire certantibus, ipse martyrii gloriam vix primus obtinere poterat, quod tamen summo opere affectabat. Nec defuit

30 miraculosa diuinæ miserationis potentia: nã per tres noctes proximas cùm sanctorum martyrum corpora adhuc insepulta iacerent, cœlestis radius ignis desuper manifestus infulsit. *Salahadinus* itaque cùm iam belli fremitus cõquiesceret, & hinc captiuos trahi, inde cæsos passim iacere conspiceret, erectis ad cælum oculis de ademptione victoriæ grates DEO reddidit. Sic enim facere in omnibus quæ accidebant, consuevit. At inter cætera hoc sapius dixisse fertur: quod *non sua potentia, sed iniquitas nostra, hanc illi victoriam contulit*: & hoc ipsum nõ insolitus rerũ comprobabat euentus. In congressibus aliis, nostrorum exercitus, quantumlibet modicus, diuino semper vincebat præsidio: nunc autem, quia nec nos cum Domino, nec nobiscũ Dominus, gens nostra penitus ante conflictũ succubuit, cùm tamen milites plus quàm

40 mille, & pedites plus quàm viginti millia censerẽtur: adeo sanè totius Regni robur edicto Regio, ad bellum illud functum conflixerat, ut illi tantũ in castrorũ & vrbium residerent custodia, quos ætatis & sexus infirmitas armorum prorsus habebat immunes. Hoc bellũ die *translationis sancti Martini*, fato infelici commissum, sub vno astu temporis, omnem Regni gloriam transtulit & extinguit. Soldanus ergo, munitiones terræ, cæsis defensoribus, faciles ad occupandum cõfusus, Regem captiuum victor per castra Syriæ circumducit: ut in ludibriũ reseruandus, & capiendis ostendatur vrbibus, & populum incitet ad deditionem. *Accon* itaque veniens, ipsam primam & quamprimum absque insultu recipit, ciuibz ex condicto libertatẽ habentibus, se ac sua quò mens duceret transferendi. Interea nauæ cursus solitos *Accon*

50 dirigunt, qui ab orbe Christiano profecti, alii merces, alii transtrahunt Peregrinos: & heu rerum gestarum infelici, ad portum hostilem applicant captiuãdi. Casus quidem miserabilis: littus à longè conspectũ salutant, & vincula parantur egressis; naufragia euasisse lætantur, & in gladios incidunt; pacem fatigati expectant, & inueniunt persequentem. Plerique reseruantur captiui, quàm plures habentur ludibrio, pauci sinuntur reuerti, quos hostis ex indubia nudos & inopes abire permittit, ut illorum exẽplo exterreantur venturi. Inter cæteros *Marchisus* Constantinopolim veniens, extra portum *Accon*, Sole in occasum vergente velis dimissis tubsistit. Urbis

EEEE



enim silentia suspiciōne inducunt, cū alias semper in aduētū nauium ad platum  
soleat cōcitari: vexilla Soldani per urbē conspecta, maiore timēdi causā incutiūt.  
At cæteris diffidētibus, cū iā galeas Gentiliū aduētare cernerēt, Marchisus omnes  
silere imperat, & se omniū prolocutorē opponit. Missis itaq; quinā essent sciscitāti-  
bus, nauē institoria esse asserit, & se dominū nauis, rei gestæ nō inscium, ac Soldano  
deuotū, die crastina illucēte ad urbē venturū cum mercibus, constanter promittit.  
Nocte ipsa vērō fauēte, *Tyrum* secedens, ipsam defensus suscipit: cuius aduētus, &  
veteris Christianis processit ad cōmodum, & ipsi cessisset ad gloriā, si qualis cœpe-  
rat perstitisset. *Marchisus* iste *Cōradus* nomine, natione Italus, vir quidē singularis in-  
dustriæ, & ad quæuis aggrediendā strenuus: Sed quantūlibet insigne principium, si  
turpi clauditur exitu vituperium potius quā laudē meretur. Soldanus, post Accen-  
redditā, *Beritum* & *Sidonē* occupās, cū *Tyrum* eadē facilitate vēdicare speraret, tur-  
piter repulsus abiecit. Exinde Rege secū perducto, *Ascalonē* peruenit, & erectis pe-  
trariis urbē impugnat: quam captu facilē, rarus & inermis defensor efficit; licet loci  
munitio multiplex inuincibile robur præcedat. Urbē sibi reddi, insatiabilis prædo,  
votis omnibus instat, prorsus ab expugnatione diffides; rerū quidem inscius, & sta-  
tum urbis, in armis, viris, victualibus inopē & infirmum, ignorās. Paciscitur autem,  
& ciues cū rebus suis liberē discessuros; & *Regem* cum aliis xv. electioribus captiuis,  
quā citiūs absolundū. Die ipsā quā pactio præscripta in urbis traditionē proces-  
sit, Sol quasi cōpatiens beneficium luminis defectu eclyptico urbi & orbi subtrahit. 10  
Porro tyrannus peritrus & perfidus, tenorē pacti ex parte transgreditur. Rex enim  
Damaſcum tranſmiſſus, ibidē vīq; ad Maium sequētem tenetur in vinculis; nec ali-  
ter potest captiuus absolui, nisi Regno primitus abiurato. Fatis itaque succēsum vr-  
gentibus, *Ierolſolymam*, victor tā festinus quā infestus aggreditur, urbē obsidet, ma-  
chinas extruit, loca sacra sacrilegus irreuerenter inuadit. Erat crux quædā lapidea,  
quā olim milites nostri, cū hanc urbē post Antiochiā victoriosē cepissent, in titu-  
lu facti, supra murū erexerant: hanc iſtu phalaricæ, gēs ſaua, diruit; & cum ipsa par-  
tē muri non paruā prosternit. Ciues equidē quas possunt, defensiones obiciūt: sed  
quicquid tēatur a nostris, effectu caret, præfectū non inuenit: acus balistæ, petrariæ  
inutiliter tractatur: sicq; tā arma quā machinæ, irā Domini manifestē nūciant, & 30  
urbis excidiū præloquūtur. Illuc vndiq; quāplurimū ē castris vicinis confuxerat, de  
loci potius sanctitate quā de munitione cōfisi: sed in tāta hominū multitudine, bis  
septē milites vix poterant inueniri. Cæterum sacerdotes & clerici, quanquā profē-  
sioni suæ indebitū, pro tēpore tamen officiū militandi assūmunt: & pro domo Domi-  
ni strenuē dimicant: illud tenētes memoriter, quod *vim vi repellere*, omnes leges & o-  
mnia iura permittunt. Vulgus verō, tam ignauum quā pauidū, ad Patriarcham &  
ad Reginam, qui tunc urbi præerant, f. equēter occurrit; flebiliter queritur, instan-  
ter supplicat, vt cū Soldano de urbe tradenda quā citiūs pacificentur. Verū flen-  
da magis, quā commendanda pactio intercedit: nā singuli capitis sui censum de-  
pendunt. Vir quidem bizantios decem, mulier quinque, infans vnū: & quisquis ad 40  
solundū non sufficit, tenetur captiuus. Sic ergo cōrigit, vt, cū plerique, vel de re-  
bus propriis, vel aliunde vindicato subsidio, salutis suæ pensionē dedissent, reliquo-  
rum qui sine redemptore superfuerant, xlv. millia iugum perpetuæ seruitutis subi-  
rent. Illis autem qui libertatē emerant, hæc optio proposita fuit: vt vel Antiochiam  
pergerēt; vel Alexandriā transiretandi gratia, datū condu. & tu, migrarent. Dies illa,  
dies amara valde, quā populus exulabiniuicem discedit, in diuersa iturus: vī enīq;  
tā sacram deserit: vībem, quā domina urbiū in seruitutem redigitur; vībem, quā fi-  
liorū hereditas, alienigenis subditur, a malitia habitantium in ea. Gloriosa ciuitas *DEI*  
*Ierusalē*, vbi Dominus passus, vbi sepultus, vbi gloriā resurrectionis ostendit. hosti  
spurio subiicitur polluenta; nec est dolor, sicut dolor iste, cū in Sepulchrum possi- 50  
deant, qui sepultu persequuntur; Crucē teneant qui crucifixum cōtemnunt. Hanc  
autē sacratissimā ciuitatem, circiter *nonaginta & sex annos*, gens nostra tenuerat, ex  
quo ipsam cum Antiochia, victoriosa Christianorū recuperauit potentia, cū eam  
prius Gētilēs per annos xl. possedissent. Vībe reddita, præco legis Mahumetica e-  
minentē, Caluarie rupē cōfēdit: & ibi lex spuria declamata perſonuit, vbi le gem  
mortis *CHRISTVS* in cruce cōsumpsit. Nefas aliud, atrocissimi hostes aggressi: Cru-  
cem quandam quā supra pinnaculum ecclesiæ Hospitalariū posita eminebat, alli-  
gatis funibus deiecerunt; & eam turpiter consputā & caſam, per urbis sterculiniam  
imprope:

improperiū fidei nostræ traxerūt. Sanè Regina Regis Amalrici filia, *Sybilla* nomine, vna cum Patriarcha, *Erachio* cū Tēplariis, Hospitalariis & immenso coexulantiū cōtu, versus Antiochiam iter direxit. Quòd autem apud Neapolim cum Rege marito & captiuo, colloquium triste habuit; quòd nauem in quam trāsferare disposuerat, *Marchisus* violenter Tyrum abduxit, breuitatis studio super sedemus. Illud quidem silentio supprimi omninò arbitramur indignum, quòd *Saladinus* occupandæ vrbs desiderio feruidus, *Tyrum* rursus totis viribus expugnare cōtendit: nec terrestri obfidione contentus, urbē quā mari cingitur galeis obsidet; & vndique molitur insul-tum: nihil verò intentatū relinquens, patrem *Marchisi* quē in bello superiori cepe-  
10 rat, sub hac fiducia prēsentat captiuum, vt filius necessitudinis affectu permotus, pa-tris cōcambio ciuitatem contradat. Nunc ergo reddendū offert, nunc perdēdum minatur variosq; tentat accessus. Sed in omnibus fallitur: nā Marchio flecti nescius offerentē irridet, minantem contemnit. Quoties autē prouocandæ cōpassionis in-tuitu illi pater in vinculis videndus ostenditur, confestim balistam corripit, oblicos in patrem ictus designat; manum quidem aberrare volens, sed similis percussuro. Missis etiam Soldani, qui patris interitum crebrius minitantur, id se votis omnibus expetere asserit: vt & maleficus ille post tot flagitia bonos tandē inueniat exitus; & ipse patrem habere martyrem mereatur. Hanc igitur tyrannus, obtinendæ vrbs de-luū fiduciā, fortunam alio tētat aditu; & quia nihil arte proficit, quid armis valeat  
20 experitur. *Tyrus* siquidē in corde maris sita, vndique ambitur mœnibus; & modicā sui parte, quā ponto non clauditur, muro munitur multiplici: quæ suis olim famosa Regibus, Thebarum & Carthaginis peperit conditores. Hæc regnante in Iudæa Sa-lomone, proprio Rege gaudebat; & quæ Regni sui tunc caput extitit, tractu tempo-ris Regno Ierosolymorum in partem concessit. Hanc hostis cupidus, terrā marique aggreditur; & introrsus fame afflictā, variā incursione laceffit. Craftinā *Innocentum*, felto scil. gloriosi martyris *Thoma*, celebrē ciues nanciscuntur victoriā: nā illucen-te aurorā, cum nauiculis paucis & paruis egressi, obsidionem maris nauali cōgressu dissoluunt. Cæterum ad fugam potius quā ad bellum prodire videtur. Sed in pri-mo impetu, tota hostiū classis ita virtute diuinā succumbit, quòd pars in urbē cum  
30 remigibus ipsis abducitur; pars verò refuga, vltro arenis illiditur peritura. Gentiles viso nauali conflictu, urbem defensoribus vacuam esse credunt; & eam de victoria cērti, certatim impugnant. Iam mœnibus applicantur acies; & ad cōscensum festi-nant quamplurimi, cū Marchio portas pandi præcipit, quē *Hugo de Tyberiadē*, cum fratribus suis, & alio comitatu prostermit. *Salahadinus*, fata sibi aduersa conspiciens, petrariis suis & galeis, quæ superstitēs fuerant, igne ad ipsius iussione consumptis, recedit inglorius; & *Mathomum* execratur infensus. Post multum, circa principium Mai, Regē à vinculis liberat; & læsā pactione priori, nouam & durā vt prædiximus absoluendi legē imponit. Est Insula quē *Arados* dicitur, cuius ciuitas *Antharados*, vulgo *Tortosa* nominatur: hīc in occursum Regis, Regina procedit; miscetur oscula,  
40 nectuntur amplexus; suas lætitia lachrymas elicit; & casus quos incidisse dolent, euasisse lætantur. Rex siquidem per annum sequentem nunc Antiochiæ, nunc apud Tripolim commoratur; & transmarinos Christicolas, in Terræ Sanctæ subuentio-nem venturos expectat. Sanè hoc inter cætera nullatenus silendum cēsemus, quòd Rex Anglorum *Henricus* pecuniam multam apud Templarios & Hospitalarios du-dum congefferat: quā, & Tyrus defensa, & cætera negotia Regni vtiliter expedira. Hanc autem pecuniā Rex magnificus, piā & necessariā prouisione, in Terræ sub-sidium, per multos annorū circulos Ierosolymam transmiserat: cuius summa vt dici-tur, in triginta millia marcarū excreuit. *Salahadinus* igitur Tyro discedens, cū castra Palæstinæ quāplurima occupasset, in partes Antiochiæ festinus secedit; & impetu  
50 potius quā obsidione, *Gabelum*, *Laodiciam*, & quasdam alias prouincię munitiones expugnat. Terror quidem ipsi vrbi non paruus incutitur. Sed ciuiū communi con-silio Patriarcha & Princeps deditionem tyranno promittunt, si citius infra datum terminum sperati non venerunt adiutores. Mæror quidem inconsolabilis vniuer-sos turbasset Christicolas, si vrbs tam inclyta, quæ Christiani nominis inuentione lætatur; rursus Gentilibus cessisset immundis, quos longo & diro bellorum discri-mine, nostri dudum expulere victores. Cæterum noua defensionis auxilia vnde ve-nient? vel quando venient? vel quomodo venient? terrā non patet accessus; mare

ab hostibus tenetur obfessū; Christian. naues à veniendo tēperatur, dū galeas Gent. quæ sedent in insidiis, incidisse formidat. Verum, *perire non potest, quod Dominus saluare disponit.* Ecce, optati veniūt; expectati accedūt: nā egregius Rex Siculorū *Wilelmus* primos terræ subsidarios destinat, qui Comites duos, milites quingentos, galeas L. trāsmittit. Eius ergo beneficiū esse quis dubitat, quod Antiochia retēra, quod Tripolis defēsa, quod Tyrus seruata, qui harū vrbiū incolas à fame & gladio viribus suis securos cōseruat? *Margaritus* classi Regiæ regēdæ præerat, vir admodū strenuus, qui cū galeis præcurrēs, ausus piraticos reprimat; & prætēptatā veniendi fiduciā sequētes inuitat. Hic, insulas procul positas premens imperio; & tot casus æquoreos fato felici expertus, victoriis multis obtinuit, vt Rex maris, & à nōnullis, alter diceretur **10** *Neptunus.* Iā Tripolis nauigātibz in prospectū occurrit: ciues eminus vela cōspiciūt: & cū nūcii salutis adueniāt sinistra prēnūtiat *pesimius in dubiis augur, timor:* nec morā muros coronat, propugnacula cōscendunt, incerti tamē an deditiōē offerāt, an pugnā pertentēt. At cū propiūs in emineētis puppiū, vexilla Crucis, & alia Christianæ religionis insignia cōspiciantur, clamor ingēs tollitur; cōsalutantīū voce resultant æquora; turbis occurrentiū littus impletur; & ineffabile gaudiū cunctos accēdit. Inter alios *Hernicus de Dāxiaco*, sed præ aliis famā factorū insignis, maturū terræ præsidiū commodat: sicq; in breui manu multa & valida cōfluente, nostrorū maritima illa seruatur. Est castrū quod *Erathum* dicunt, vbi ciuitas olim, ciuitas *Petræ* nomine, nūc verò metropolis, Sed loci antistes nomen antiquū retinet, & *Archiepiscopus Petracensis* appellatur. Castrū illud in sinu Regni penitiore cōsistens, per Admir- **20** alios Soldani iādudū tenebatur obfessū. Locus quidē, *si sola recedat, expugnat q̄ tuta, fames,* ab omni securus insultu. Est & castrū, quod *Mōs Regalis* dicitur, quod ab vrbe iā dicta x x. leucarū interiectu distās, vltiūs versus Ægyptū secedit. Huc & Admir- alios suos, à principio rerū tyrannus trāsmiserat: vt diutinā obsidione fames vince- ret, quos loci munitio seruabat inuictos. Verum nec erigūtur machinæ, nec tenta- tur insultus: ridiculū enim esset os in cœlū ponere; & ibi expugnādi habere fiduciā vbi nō impugnādi datur accessus. Cumq; in duos annos ferē pertraheretur obsidio, nostri egere cœperūt. Sed, *victor animus, aduersis nō frangitur; & ex vite periculo, virtutis periculū exitescit.* Quicquid autē triste vel durū apud *Saguntū* Hiberos, apud *Perusium* **30** pertulisse Romanos, testis narrat antiquitas, nostrorū cōstātia sustinet, nec abhorret egestas eduliū, quod vsus & natura cōdemnat: suas insuper affectiones, pietas abdicat; suas amor abiurat delicias: nā pater progeniē paruulā, filius parētes decrepitos, nuptā maritus proscibit; & eiecti cū lachrymis, hostibus exponūtur inualidi, vt ali- mētis residuis diutiūs militēt pugnaturi. Tandē fame cōfecti & semianimes, honestæ tamē deditiōis pactū ineunt: nā & sibi recessus liberos, & domino suo *Enfrido* sc. *de Turone*, qui tenebatur captiuus, liberationē acquirūt: pari fato Magister Militiæ Tēpli *Gerardus de Ridesfordia*, quarūdā munitiōnū deditiōe absoluitur: sed & pater *Marchisi*, quodā Gentilium captiuorū concābio, liber abscedit. *Salahadinus* ita iā toto ferē Regno potitus, cū cūcta sibi ad nutū succederēt, elatione fastuosa lasciuiens, **40** legē Mathomi magnificentiūs extulit, & eā religioni Christianæ præcellere, rerum gestarū probabat euentu. Cuius superbientis gloriā cū se victor corā Christicolis insolētiūs iactitaret, fatuus quidā propter dicacitatē ipsi nō incognitus, Deo quidē inspirate tali responso deluāt: *DEVS fidelīū pater, delinquentes Christicolas corripiendos & corrigendos inducans, te ministrū, o Princeps, in hos vsus assumpsit: sic carnalis pater, irā nonnunquā accensus, baculum immundū è luto corripit, quo cū filios excedētes pulsauerit, eundē rursus in sterquilinum, unde assumptus erat, demergit.* Talia dum apud Palæstinam aguntur, *Archiepiscopus Tyri* naui conscensā, tantæ cladis nūtiū iam ad orbem Christianum detulerat: & terræ tam modicæ vulnus, terris omnibus intulit lationem. Fama rerum ad aures Principum alapsa decurrit; & vniuersis fidelibus hæreditatē **CHRISTIANA** Gentibus occupatā nuntians, quosdam ad lachrymas concitat, alios ad vindictā accendit. Primus omnīū magnanimus *Pictaviæ Comes Ricardus*, ad vlciscēdā Crucis iniuriā, cruce insignitur; & omnes præcedit facto, quos inuitat exēplo. Pater eius Rex Anglorū *Henricus*, iā vergebat in senīū: ipse tamē & patris canitiem, & regni ius sibi debitū & itineris tātī difficultates dissimulat; nec vllis occasionibus à cœpto declinat. Hæc viri cōstantiā Dominus remunerandā iudicās, quem primū aliorum omniū incentorē elegit, eū cæteris Principibus vel defunctis, vel reuersis, negotiū sui executorē reseruauit. Post aliquātū tēpus, Rex Franc. *Philippus*, & Rex Angliæ *Henricus*, apud *Gizortū* crucizāt: quos vtriūq; regni Principes, & innūeri tā ecclesiasticæ quam

- quàm secularis militiæ viri, voto pariter & effectu sequuntur. In tantum verò nouæ peregrinationis feruebat studium, vt iam non esset quæstio quis Crucē susciperet, sed quis nondum suscepisset. Plerique colum & pensa sibi mutuè transmittabant, innuentes occultius vt ad muliebres operas turpiter demigraret, quilibet huius militiæ inueniretur immunis; ad tam insigne certamen & nuptæ viros, & matres incitabant filios: quibus dolor vnicus erat propter sexus ignauia conproficisci nō posse. Hac militandi gloriā vagante licentiùs, de claustris quàm plures migrabant ad castra; & abiectis cucullis loricas induti, iā verè CHRISTI milites, non armariis, sed armis studere gaudebant. Ecclesiarum verò prælati, inuicem virtutum sobrietatem
- 1<sup>o</sup> publicè indicebant, exhortâtes attentius, vt omnis & mensarum & vestium nitore postposito, à luxu solito temperarent. Institutum etiam communi cōsilio tam Principum quàm Præsulum fuit, quòd ad sustentandos pauperes peregrinos, alii qui remanebant, rerum suarum *decimas* impenderent: sed malitiosa multorum cupiditas, hinc occasionem sumpsit, vt graues & indebitas exactiones in subditos exercerent. His diebus Rex Siculorum *Wilelmus* in fata concessit: cuius obitus vniuerso fideli populo tantò flebilior erat, quantò ipse ad subsidiū Terræ sanctæ & propior & propior existeret. Decurso tempore, Romanorum Imperator *Fridericus* sacrę peregrinationis assumit insignia; & veri formam Peregrini, tam exteriore habitu quàm interiore depromit affectu. Vir tātus, cuius imperium hinc mare Mediterraneum,
  - 2<sup>o</sup> hinc Borealis claudebat Oceanus, cuius gloria continuis creuit victoriis, cuius fidelitas non sensit offensam, omnem blandientis seculi postponit illecebrā, & humilis pro CHRISTO accingitur pugnaturus. Eius strenuitas, præsertim in annis algentibus, non minus stupenda quàm laudanda est: nam cum senior esset, & filios haberet, quibus & ætas & virtus ad militandū aptior videbatur; eos tamē tanquam insufficientes reputās, ipse Christianissimi negotiū procurandum suscepit: filiis autem instantibus, vt vel pro illo vel cum illo susceptæ militiæ munus impletet, illum qui natu maior erat, regnantem reliquit; alium verò quem Ducem *Suauorum* fecerat, secum assumpsit. Et, quia Imperialis Maiestas neminem citra defectionem inperit; sed hostibus suis bella semper indicit: destinatur ab Imperatore ad *Salahadinum* nuntius, vt vel Christianorum vniuersitati, quā læsit, satisfaciat in plenum; vel
  - 3<sup>o</sup> *diffiduciat*, se præparet ad congressum. Epistolam verò Soldani responsoriā libello nostro inferendam duximus. Nam superba tyranni fiducia, quam ad resistendum conceperat, ex ipsius tenore clarescit. Eam quidem in ipsa simplicitate verborum in qua conscripta fuerat, recitando proponimus, nihil penitus immutantes.

Illi Regi sincero amico, magno, excelso FREDERICO Regi Alemāniæ.

- In nomine DEI misericordis: per grātiā DEI vniuersi, potentis, exsuperantis, victoris, perhennis; cuius Regni non est finis. Grates ei agimus perhennes, cuius gratia est super totum mundum: deprecamur eum vt infundat orationem suam super Prophetas suos; & maximè super instructorem nostrum nuntium suum Mahumeth Prophetam, quem misit pro correctione rectæ
- 4<sup>o</sup> legis; quam faciet apparere super cunctas leges. Attamen notum facimus Regi sincero, potenti, magno amico amabili, Regi Alemanniæ, quòd quidam homo Henricus nomine, venit ad nos, dicens se nuntium vestrū esse; & detulit nobis quandam chartam, quam dixit esse vestram. Nos legi fecimus chartam; & audiuius eum vniā voce loquentem; & verbis quæ ore dixit, verbis respondimus. Sed hoc est responsum chartæ. Quòd si computatis eos qui vobiscum concordant veniendi super nos, & nominatis eos, & dicitis: Rex talis terræ, & Rex alterius terræ; & Comes talis, & Comes talis; & tales Archiepiscopi, & Marchiones & milites. At si nos vellemus enuntiare eos qui sunt in nostro seruitio; & qui sunt intendentes nostro præcepto, & præpti nostro sermoni; & qui dimicarent coram nostris manibus, non possunt hoc in scriptis redigi. Et si Christianorum computatis nomina, Saracenorum sunt plura, & plura, abundantiùs quàm
  - 5<sup>o</sup> Christianorum. Et si inter nos & eos quos nominastis Christianos mare est; inter Saracenos, qui non possunt asstimari, non est mare; inter eos & nos; nec vllum impedimentum veniendi ad nos. Et nobiscum habentur Bedewini, quos si opponeremus inimicis nostris, sufficerent; & Turkemanni, quos si effunderemus super hostes nostros, destruerent eos; & rustici nostri qui dimicarent strenuè, si iuberemus, contra gentes quæ venturae sunt super terram nostram, & dilarentur de eis, & exterminarent eas. At quomodo? Nos habemus nobiscū Soldarios bellicosos, per quos terram apertam & acquisitam, & expugnatos inimicos. Et hii & omnes Reges Paganissimi non tardabunt cum eos submonuerimus; nec morabuntur cum eos vocauerimus. Et nos, cur. congre-

gati fueritis, sicut carta vestra dicit; & ducetis, sicut nūtiū vester narrat, obuiabimus vobis per potentiam DEI. Nec sufficit nobis terra ista quæ est in maritima: sed transibimus per voluntatem DEI, & obtinebimus terras vestras vniuersas, fortitudine DEI. Nam si veneritis, cum toto posse vestro venietis; & presentes eritis cum omni gente vestra: & scimus, quod in terra vestra nullus remanebit qui se defendere possit, nec terram tueri. Et quando Dominus victoriam nobis, suā fortitudine, de vobis donauerit, nihil amplius erit quàm ut terras vestras liberè capiamus, fortitudine suā & voluntate. Adunatio enim legis Christianorum bis venit super nos in Babylone: vnā vice apud Damiatam, & altera apud Alexandriam, & erat in maritima terra Ierusalem, & in manu Christianorum, & in terra Damasci, & in terra Saracenorum: in singulis castellis, singuli erant domini sibi proficientes. Nostis qualiter Christiani, vtraque vice redierunt, & ad qualem exitum venerunt. At hæc nostra gentes, referte sunt cum regionibus suis; & Dominus adunauit nobis Regiones affluentius, & coadunauit eas longè lateq; in potestate nostra: & Babyloniam, cum pertinentiis suis; & terram Damasci, & maritimam Ierusalem, & terram Gesire, & castella sua; & terram Roasæ, cum pertinentiis suis; & regionem Indiæ, cum pertinentiis suis: & per gratiam DEI, hoc totum in manibus nostris est: & residuum Regum Saracenorum, nostro est imperio. Nam si mandaremus excellentissimis Regibus Saracenorum, non retraherent se à nobis. Et si submoneremus Calephum de Baldac, quem DEVS saluet, veniendi ad nos, de sede excelsi imperii sui assurgeret: & veniret in auxilium excellentiæ nostræ. Et nos obtinuimus, per virtutem DEI & potentiam, Ierusalem, & terram eius: & remanent in manibus Christianorum tres ciuitates Tyrus, Tripolis & Antiochia; & de his non est aliud nisi ut occupentur. Attamen, si bellum vultis, & si DEVS voluerit, ut sit per voluntatem suam, quod totam terram Christianorum acquiramus, obuiabimus per virtutem DEI, sicut scriptum est in litteris nostris. Verum si nos de bono pacis requisieritis, mādabitis procuratoribus istorum trium locorum prædictorum, ut nobis ea sine contradictione assignent: & vobis sanctā Crucem reddemus; & liberabimus omnes captiuos Christianos, qui sunt in tota terra nostra; & permittemus vobis ad Sepulchrum vniū sacerdotem; & reddemus Abbatis, quæ solebant esse in tempore Paganissimi, & bonum eis faciemus; & permittemus venire peregrinos, in tota vita nostra, & habebimus vobiscum pacem. Quod si carta quæ ad nos venit, per manum Henrici, nominatim sit carta Regis, scripsimus cartam istam pro responso: & DEVS erigas nos ad consilium suum suā voluntate. Carta hæc scripta fuit anno aduentus Prophetæ nostri Mahumeth D LXXXIIII. Gratia DEI solius. Et DEVS saluet Prophetam nostrum Mahumeth, & suam progeniem: & saluet saluationem Saluatoris Domini excelsi Regis victoriosi, adunatoris veridici verbi, comptoris vexilli veritatis, correctoris orbis & legis, Soldani Saracenorum & Paganorum, seruitoris duarum sanctarum domorum, & sancta domus Ierusalem, patris victorum, Ioseph filii Iob, suscitatoris progeniei Mirmuraeni. Hanc superbi & infidelis tyranni epistolam, cum nugis suis, magnificus Imperator contemnens, dignas Principe iras cōcipit, & ad bellatotis viribus exardescit. Eum totius Imperii sequuntur magnates; & apud Magnaniam, vbi ex edicto Imperiali conuenerant, vnā omnes & vnanimiter omnes in votum tam eximiæ Peregrinationis proclamant: A Domino factum est istud, qui spirat ubi vult; & corda omnium inclinat quò vult: nam Principes tanti non inanis gloriæ appetitu illecti, nec inducti pretio, nec precibus excitati; sed solo supernæ retributionis desiderio, per Dominum, & propter Dominum ad militiam accinguntur. Prouiderat quidē cœlestis altitudo consilii, ut & ipsi sponte vocati, obsequium DEO gratum deponderent; & Imperialis magnificentia comitatus condignos haberet. Sic ergo in centore Spiritu, vndique confluunt: & qui tot gentes, tot Principes sub vno imperante conspiceret, antiquam Romanæ potestatis gloriam nō crederet defluxisse. In hoc CHRISTI exercitu, erāt Pontifices, Duces, Comites, Marchiones, & Principes alii quā plurimi: quos si nominibus & locis distingueremus, incurreret pariter & scriptor molestiā, & lector tædiū, & tenor breuitatis ostensam. Decretū sanè prudenti fuit cōsilio, quod hoc iter nullus arriperet, cuius facultas ad viatici annui nō sufficiebat impēsas. Vehicula verò quā plura, propter itinerarios ægrotantes constructa fuerāt: ne vel sano infirmus moras neceret, vel languentiū turba obiter destituta periret. Dudum quidē in discussionem venerat, an in mari an terrā potius tāta belli moles incederet. Sed quātalibet nauū multitudo tot millibus transuehēdis min⁹ sufficere videbatur. Imperator itaq; opus propositū instāter accelerās, per Vngariam iter instituit; & qui Regum vltimus peregrinandi votū emiserat, pri-

psal. 117, 22.  
Job. 3, 8.

40

50

mus ad soluendum festinat. Rex Vngarorum, *Bela* nomine, in occursum Cæsaris lætus procedit: vir quidem multiplici naturæ dote cõditus, staturâ productior, vultu insigni, cui & si cætera non suppetent, sola imperiosi vultus elegantia Regno dignissima censeretur. Hic exercitum CHRISTI hospitaliter recipit, ouanter occurrit, benignè prosequitur; & operum exhibitione, deuotionis feruorem testatur. Indigenæ verò quamplurimi, eximio calentes exemplo, vident aciem sanctam, & commilitare gestiunt; attendunt certantium præmia, & labores non metuunt; simulquæ & volunt, & vouent, & sequuntur, vt iam liquidè constet, quod *tarda molimina Spiritus Sancti gratia non nouit*. Danubio transito, cum ad vltiores *Bulgarie* fauces deuentum esset, *Huini*, & *Alani*, *Bulgares* & *Pincennates* in populum Domini subito ex insidiis irruunt, quos ad facinus inaccessibilis locorum asperitas fidentius incitabat. Egressus ille a *Bulgaria* in *Macedoniam*, eminentibus hinc inde armatur scopulis, dumosis obstruitur sentibus, angustis & anfractuosis semitis implicatur: sed & quibusdam artificijs, natia munitio maior consurgit. Has locorum angustias præmemoratae gentes occupauerant, quas nequissimus Constantinopolis Imperator *Isaakius* ad hæc præmiserat, vt venturum exercitum vel opprimerent vel impedirent. Vtraque tamen, & hostium & viarum molestiam milites nostri potenter exsuperant: sicque transcursis *Macedonum* campis, *Philippopolim* perueniunt; quæ ciuitas cum ante *Pulpudebi* diceretur, de nomine Romani Imperatoris *Philippi* nomen insumpsit; qui primus omnium Imperatorum Christianus effectus, Imperialem gloriam Christianæ professionis titulo insigniuit. Hanc vrbem audito Latinorum aduentu, Græci deseruerant, *trepidantes ubi non erat timor*: *Psalms 2, 6.* quibus hæc vna timoris causa extitit, quos non amabant, timebant: non enim aliena rapere venerant, qui propriis abundabant; nec arma sumpserant aduersus fideles, qui gentis incredulæ persequebantur errores. Antiquum illud & inexorabile odium, quod contra *Latinos Grai* dudum conceperant, tenax successio temporum transfundit in posteros. Sed si odiorum fomes & ratio quaeritur: nõ esset viciũ, si non ratione careret. Hoc tamen pro causa constanter inducere possumus, quod cum Latini scientiâ pariter & armis floreant, illi se prorsus inscios & imbelles conspiciunt; & hinc odii sumpto fomite, alienis bonis inuidi contabescunt. Gens perfida, generatio nequam, & omnino degenerans: quæ quantò illustrior extitit, tantò vilescit insignius, cum aurum in scoriam transierit, granum in paleas, puritas in fæcem, gloria in confusionem. Multa Grai veteres & armis aggressi, & studiis afsecuti: sed omnis ille virtutum feruor restrixit in posteris, & in orbem Latinum migravit: vt qui ante fontes, nunc riuuli, vel potius aluei arentes & exhausti. Virtutum siquidem successor nullus, scelerum omnes: nam *Sinonis* figmenta, *Vlixis* fallaciam, *Atrei* atrocitatem retinent. Quod si Græci militia quaeritur; arte, non armis dimicat: si fides; amicus obest, inimicus obesse non potest. Gens ista, cum in locis supradictis nostrorum transitum impedire non posset, quod potuit fecit. Indigenæ cuncti, ad montana contendunt, venalium solatia subtrahunt; lares vacuos, omni amotâ suppellectile, venturis relinquunt. Imperator quidem episcopum *Monasteriensẽ*, cum aliis quibusdam Principibus, sub obtentu pacis Constantinopolim iam ante transmiserat: quos nequissimus & crudelis tyrannus retrusit in carcerem; nec pacem legati violare abhorruit, quam & apud Barbaros sancit antiquitas, consuetudo approbat, honestas commendat. Postmodum verò, metu potius quam irris intuitu ductus, legatos absoluit: nam vrbs Regiæ timebat excidium, si nostrorum citius non placasset offensam. Dignum sanè quod vrbs illa solotenus euerfa procumberet: nam, si famæ creditur, nouis polluebatur *Mahumetis*, quos perfidus Imperator indulserat fieri, vt fœdus quod Turcorum coniuratus inerat, obligationis confirmaret. Iam ætas decoctior in autumnum inclinata vergebat; & Libræ signum quâdam æqualitate temporum; diem noctemque librabat. Imperator Romanorum magnificus, hyemandi gratiâ *Adrianopolim* tendit: quam vacuum, & ab incolis desertam ingressus, ibidem statiuam faciens, aptum mouendi castra tempus expectat. Dux *Suuia*, filius Imperatoris, timens ne otia luxum, luxus ignauiam pareret, sub ipso torpore hyberno exercitum exercendum statuit; & castrum quoddam, quod non longè ab vrbe prædicta distabat, expugnare contendit. Illuc Græci confluxerant, vt inde si quas possent Latinis molirentur insidias, loci munitione cõfili,



sed confusi: nam celeri victoriâ domiti, victi, vincti & capti tenentur. His auditis, Bizantinus Princeps animo peiora veretur; & totius Imperii timens excidium, festinos ad Imperatorem nuntios destinat: qui pacis obsides, forum venalium, naues transuectorias transituris promittant. Imperator, licet suorum plurimi pacem quamcunque cum tyranno pacisci molestum haberent, maluit tamen fœdus inire oblatum, quàm differre propositum. Et iam instante Paschâ, mare illud strictum transuehit, quod *Brachium sancti Georgii* vsitato vocabulo nuncupatur. Hoc mare, licet spatio angustiore contractum, non humili tamen gloriâ insignitur, quod vrbē tantam præterfluit; & orbis gemini discrimen faciens, tam Asiam quàm Europam delambit. *Soldanus Iconii*, vir subdolos & sanguinem Christianum sitiens, quodam 10 fraudis prætextu, cum nostris amicitiam simulat: vt malignum animi virus occultans, eos, si possit, incautos disperdat. Nunciis sanè ad Cæsarem, cum adhuc in Græcia degeret, non semel transmissis, morantem sollicitauerat vt veniret: Græcos & Græcorum Principem de dolo accusans: se Christianis deuotum & fidelem pollicitus, qui sua & suos venturis exponeret; & tam forum venalium, quàm inoffensos transitus, omnibus exhiberet. Cæsar verò plus æquo credulus, qui tales æstimabat alios qualem se ipse nouerat, vniuersis comminando edixit, ne fines Turcorum ingressi, quicquam raperent; sed pacem quam pacti erant, studiosius obseruarent. Sic ergo contigit vt prædam maximam, quam in ipsis Regni ianuis Soldanus ex industria dimiserat, nostri prætermeantes relinquerent omnino intactam. Heu, mens 20 hominum venturi nescia! nam si famem futuram, iter asperum, tyranni prænoscent insidias, casus quidem obtulerat vnde sibi prouidisse poterant, quibus tantum & tam proximum imminebat discrimen. Cæterum, non vsq; adeò verbis infidi Principis gens nostra fidem habuit, vt ex nimix securitatis neglectu, dissoluta incederet & inermis. *Parthiam* igitur ingressuri arma omnes arripiunt, quorum numerus tria militum millia; reliquorum verò circiter octoginta millia continebat. Erant autem Antistites septem, Archipræsul vnus, Duces duo, Comites xix. tres verò Marchiones: & hæc acies tam insignis, nec primam similem visa est, nec habere sequentem. At ne molem tantam confusi ordinis turbaret seditio, in partem trinam, totus secessit exercitus; prima *Duci Suauia*, postrema *Imperatori*, media summariis & sarcinariis 30 custodiæ deputata. Proceedit acies ad delitias intuentium prudenter digesta: nam nec simul, nec sparsim; sed per turmas incedunt; & cum plures sint qui partibus imperent, vnus tamen vniuersitatem moderatur. Hoc in castris optimum, in bellis præcipuum: sicut enim *sine duce perit exercitus, ubi nullus præminet, sic plerunque inefficax est, ubi multi præsumt, qui de pari contendunt*. Fœlix Imperium! fœlix Germaniæ sinus! quæ tanto germine, tot fœcunda populis, tot CHRISTO strenuos peperit bellatores; sibi ad gloriam, hostibus ad ruinam. Nostri cum iam Turcorum fines ingressi essent, per dies aliquot nihil infestum sentiunt: quos Soldanus ex industria vsque ad interiora Regni inoffensos transire voluit, donec ciborum defectus, & occurrens viarum asperitas, aptiorem nocendi copiam commodarent. Nefarius ille 40 proditor prærupta montium, dumosa nemorum, fluminum inuia occupauerat; & fœdus quod pepigit affectuosius seruans, sagittas & saxa transituris opponit. Hoc forum venalium, hi meatus pacifici; sic fides habenda Gentilibus, qui semper in hoste virtutem & dolum æqualiter metiuntur. Porro, Marte propinquo congregi, & manum conferre summopere vitant; & eminus tela coniciunt: quibus non minor gloria fugere, quàm fugare. Vtramq; verò extremitatem agminis, nunc postremos, nunc primos acrius impetunt: vt si qua fortè locorum angustia disiungat exercitū, in partem alterutram faciant irruptionem. Noctes, & insomnes & irrequietæ ducuntur: nam terrificus clamor castra circumsonat. Missilium imber transfigit tentoria; plerique interimuntur sopiti: & hostis tam assiduus imminet, quod per sex 50 hebdomadas in armis cibum, in armis somnum rapientes, loricas non tollunt. Fames insuper tanta, & sitis tam aspera inualefcit, quod equis casu belli occisis, hoc in solatium, & pro summis ducunt deliciis, equorum carnibus vesci, & sanguinem bibere: sicq; quodam *egestatis ingenio*, vectores suos in vsus alienos assument. Erat locus quem rupes arduæ, conuentus asperi, semitæ strictiores, difficilem ad permeandum reddebant, quæ cum prior pars agminis, filio Imperatoris ductante, transisset, in postremam subitò, Turci vndique ex insidiis irruunt; & de victoria certi, lanceis & ensibus,

ensibus, bello propiore, contendunt. Rumor ad aures Ducis dirus allabitur; nec morâ, præceps quò venerat redit; difficultates quas exsuperasse gaudebat incunctanter relegit, *tra non attendit periculum*. equi quâ ire non poterant, coguntur ad cursum. Duinque huc & illuc patrem quærens, patrem vociferans, anxius & incautus discurret icti saxi eliditur galea, excutiuntur dentes: ipse tamen immobilis permanet & indeiectus: foelix illa progenies! quæ ut patrem liberet, sui prodiga, se periculis obicit. Sed in solatium inflicti vulneris, æternum insigne retinet: nam quotiens labra secedunt, victoriæ gloriam os nudum restatur. Tandem per multos & graues insultus, peruenit *Yconium*, vbi nequam ille proditor, se intra vrbs munita con-

10 cluserat: nostri autem non longè figunt tentoria, ignari prorsus quid dies crastina minetur infestum. Nocte ipsâ, cum iam *Pentecostes* solemnitas fermè fuisset exacta; imber tantus & tam vehemens irruit, ut illa procellæ violentia intra septa castrorum nihilominus desæuaret. Manè factò, consumptis nubibus, aër illuxit purior: & ecce, subito cum tubis & tympanis & clangore horifono Turcorum exercitus circumquaque diffusus imminet, quantus nec ante visus, nec credebatur videntus; quòd sicubi ter centena vel plura legantur fuisse millia, æstimari poterant, numerari non poterant. Hanc omnem multitudinem filius Soldani, *Melkinus* nomine, in arma exciuerat: volens palmæ titulum socero suo *Salahadino* præripere, tam de victoria certus, quàm de suorum numero & virtute confusus. Soldanus interim cuiusdam turris suprema conscendens, in specula residet, vnde in subiectis aruorum spatiis, acies bellaturas conspiciat: sperans adimplendum in proximo quod animus promissor futurum dictabat. *Imperator*, cum plerosque suorum ob insolitam hostium multitudinem trepidantes attendere, magnanimi Principis fiduciam exerit; & erectis ad cælum manibus, in conspectu omnium grates agit Domino, quòd ineuitabilis pugnæ iam instet necessitas, quam fuga hostium huc usque suspendit. Hac voce, ingens ardor cunctis incutitur, qui faciem Cæsaris contemplantes lætissimâ, à sene iuuenes, à fragili fortes, ab vno vniuersi, virtutis suscipiunt incentiuum. *Quis DEVS magnus, sicut DEVS noster?* Omnis illa multitudo tam *Psal. 76, 11.*

certa vincendi, ut vincula potius quàm enses stringeret, in momento succumbit; simulque & vrbs ipsa capta tenetur, & exterior hostis prosternitur: vtrinque strages, vbique cædes, vndique cætorum acerui: fugam densitas impedit; numerositas vnde gloriabantur offendit. Iam propè res agitur, certatur cominus, confringuntur arcus, sagittæ non euolant, vix locus est gladiis: sic omnia turbat turba; nostrisque procedit ad gloriam quod hostes disposuerunt ad ruinam: fugax bellum, quod hactenus inter vepres, & rupium fauces hæserat, iam spatio liberiore confertur. Christicolæ iram satiant, quæ totiens frustra exarserat: Turci experiuntur inuicti, quid possint cominus quos eminus prouocabant. Hanc insignem victoriam, fidelibus suis non indignè virtus Diuina contribuit: erat enim in castris castitas, in armis disciplina; in omnibus, & præ omnibus timor Domini; apud omnes amor

40 proximi, qui sic erant affectione fraternâ, vnanimes, sicut periculorum exstiterent confortes. *Soldanus*, vrbe captâ, cum vnicam munitionem quò se contulerat, restare cerneret, festinus ad Cæsarem dirigit, culpam omnem refundens in filium; se prorsus innocuum asserens, aurum quantum petat, pollicitus, fœderis obsides quot & quos iubeat præstiturus. Cæsar, heu nimium facilis! quod offertur suscipit; quod postulat indulget: minus quidem in hoc factò laudandus, dum *virtutem* *Psal. 5, 7.*

*sanguinum & dolosum*, penè captum absoluit, quem honestiùs erat perdere, quàm tantum Christiani nominis hostem illæsum seruare. Datis obsidibus & fœderis pactione firmatâ, nec dum maligni proditoris quiescit impietas: nam Christicolæ cum iam remotiùs ab Yconio iter agerent, nunc ex insidiis, nunc palam lace-

50 sit. Obsides quidnam hoc esset interrogati, vtile sibi consingunt mendacium; asserunt enim *Turcos syluestres*. esse, qui nullius imperio subiacent, sedibus vagantur incertis, nihil habentes proprium, aliena semper vel rapinâ vel furto inlectantur. Parciùs tamen instant, non immemores suorum occubuisse quamplurimos: nam sicut modestus æstimator asseruit, superioribus bellis *xxi. Turcorum* millia gladius occisor consumpsit. Iam victor exercitus *Armenia* fines ingreditur: lætantur omnes, quòd hostile emensi regnum, securi fidelium aruis insiderit. Sed heu! terra occurrit funestior, quæ cunctorum lætitiâ &

Psal. 63, 7.

lumen exstinguit. *Accedat homo ad cor altum; & inuestiget, si possit, consilia Domini, cuius iudicia abyssus multa.* Occurrit nonnunquam vnde stupeat, vnde turbetur; ita tamen, quod in omnibus auctorem omnium nouerit commendandum. Erat locus in sinu Armeniæ, quem hinc montes ardui, hinc *Seleſii flumen* præterfluens corripuit: quæ dum lummarii & sarcinæ transeunt, victoriosus *Imperator* subsistit. Vir quidem inclytus, cuius statura mediocriter eminens, crines rutili, barba rubens, vtrinque interfusa canicies, supercilia prominent, ignescunt oculi, gena breuior in amplum extenditur, pectus & humeri diffunduntur: sed & cætera corporis descriptio in virum consurgit. In illo vtrique quod de *Socrate* legitur, insigne quiddam ac stupendum enituit: nam constantiam animi exprimebat vultus, semper idem & immobilis permanens, nec dolore obscurior, nec irâ contractus, nec lætitiâ dissolutus. In tantum verò natium *Alemanniæ* venerabatur eloquium, vt quanquam alterius linguæ non inscius esset; aliarum tamen gentium Missis, non nisi per interpretem loqueretur. Vir tantus, cum propter præeuntes summarios diutius substitisset, tandem mora in tædium vertitur; & iter anticipare cupiens, flumen proximum transmeare disponit, vt illud à parte summariorū anteriore remensus, ad viæ redeat libertatem. O mare! ô terra! ô cælum! Ille Romani moderator Imperii, semper Augustus, per quem Romæ veteris reſloruit gloria, reuixit honos, potestas excreuit, heu! aquis deperit interceptus; & licet vndique subsidium collaterales festinet, vitæ tamen senilis igniculum mors præceps & matura exstinguit. At si libido natandi sicut plerique asserunt, mortis causam intulisse dicatur; ipsius viri grauitas in contrarium disputat; nec fidem meretur, quod tantorum salutem, natator inualidus, vndis fallacibus commisisset. Cōscientiâ teste, mors, minus quam modus mortis sollicitat; sed hoc vobis in solatium venit, quod scriptum legitur: *Iustus quacunque morte præoccupatus fuerit, in refrigerio erit.* Quo, si montes *Gelboe*, cæsis Israël fortibus, rorisque pluuiæ beneficio meruere priuari, quid huic fluuiio tam funesto imprecemur condignum, qui præcipuam totius Christianismi columnam subuertit. Fuisse qui dicerent locum ipsum fataliter ab antiquo damnatum; & silecem proximam hos apices dudum seruasse inscriptos: *hic hominum maximus peribit.* Rumor ad aures excitus, lamentabili fragore perlatus, omnes concutit. Quod si veterum annales inquirimus; quid historiæ tradant, quid fabulæ cōfingant, de luctu matrum, nuptiarum gemitu, quorumcunque planctibus, dolor iste, exemplo, carens, & nulli cognitus augeo, cunctorum lachrymas & lamenta transcendit. Erant quamplures Imperatoris domestici, erant consanguinei, erat & filius; sed inter complangentium turmas discerni nō poterant: vbi pariter vniuersi, & singuli, patrem ac Dominum amisisse lugebant. Hoc tamen omnibus in solatium accedit, & inde cuncti Diuinæ cōgratulantur prouidentiae, quod infra terminos infidelium diem non clausit exremum. Expletis exequiis, locum quam citius pestiferum deserunt; & corpus Cæsaris *Antiochiam* deferendum magnificentia Regali exornant. Ibi autem permultam excoctionem ossibus à carne seiunctis, caro quidem in Apostolicæ sedis Ecclesia conquiescit: ossa verò Tyrum per mare ducuntur, Ierosolymam transferenda. Dignum quidem & ordinante Domino mirifice procuratum, vt qui pro CHRISTO decertauit insigniùs, præcipuas Christianæ religionis Ecclesias, vtriusque miles, vtrique diuisus, incoleret; & eam, quam Domini sepultura præminentius extulit; & illam, quam Principis Apostolorum cathedra insigniuit. Cæterum *Antiochiam* peruenientes Christicolæ, post multa & longa ieiunia, cibus etacius indulgentes, repletionem subita suffocantur: sicque quos nec hostis nec fames vicerat, pax dira perimit, satietas pernitiola exstinguit. Hoc itaque tam turpi facto cum exercitus tanti pars amplior intetisset, reliqui rediére quamplurimi; pars modica, quam repatriare puduit, sub filio Imperatoris militat, cui Princeps Antiochiæ urbem totam ac munitiones vniuersas contradit. Maioris enim obtentu præsidii, urbem Duci ultro-neus iudicat committendam, vt eius fines vir strenuus contra crebros hostium tueatur insultus. Interea CHRISTI milites, quos in Terræ Sanctæ subsidium classis transuexerat, *Accon* premebat obsessam; Vt plenius texatur obsidionis series, altius ordiemur. Rex Ierosolimorum *Guido*, cum apud Damascum per annum ferè tentus fuisset in vinculis, *Salahadinus* illum sub districta pactione absoluit, vt abiurato Regno, mare quam citius exul transiret. Hanc iurifurandi fidem clerus Regni cassandam

Sap. 4, 7.

2. Sam. 1, 21.

- dam deliberatum, quia metu facta, irritari merentur; tum, ut venturae fidelium acies caput inueniant & ductorem. Dignum sanè quòd ars artem deluderet, quòd tyranni perfidia suo fraudaretur exemplo: nam promissor lubricus, parem promittentis leuitatem inuitat. Perfidus ille, pacti prioris fines & fidem transgressus, à Rege captiuo iniuriis multis extorserat, ut præstito sacramento, libertati redditus exul abiret. Dira libertas, quæ importat exilium; dura liberatio, quæ regnum abiurat. Sed ordinante Domino, dissipatum est consilium Belial: nam & retinendi Regni fiducia tyranno excutitur; & Rex à promissionis excessu, cleri iudicio excusatur. Venerant autem iniuriæ Crucis ultores eximii; venerant athletæ insignes, quos ad
- 10 consolationem tuam, Ierusalem, feruor vndique deuotus exciuit. Ecce iam orbis tibi vniuersus militat, ut adimpletum constet, quod per *Isayam* Prophetam dicitur: *Ab Aquilone adducam semen tuum, & ab Occidente congregabo te. Dicam Aquiloni, Isaiæ 43, 6. da; & Austro, noli prohibere.* Sic ergo cum plurimi *Tripolim* ad Regem confluxissent; bellator cunctis incaluit animus, ut non solum tueri retenta, sed & recuperare perdita decertarent. Porro dum apud *Tripolim* moram facerent, dies non exegere ignauos: nam crebris excursibus hostes vicinos aggressi, nunc trecentos, nunc plures manu victrice fuderunt. At inter cæteros frater Regis qui nuper appulerat, *Galfridus* nomine, singularis enituit: qui sic virtute fulgebat præcipuus, sicut dolore domestico acrius exarserat, in hostem accensus. Alios enim cum dolor vnus
- 20 ad bellum impleveret, hunc pariter & totius Christianissimi causa communis, & fraternæ iniuriæ ultio priuata mouebat. Post multum collecto exercitu Rex *Tyrum* procedit: sed ingredi volens, à *Marchiso* non admittitur; cui tamen ciuitas eo tenore commissâ fuerat, ut Regi & Regni hæredibus redderetur. Nec hac contentus iniuriâ, periurum conuicio cumulat: nã quotiens vel Regis nuntii, vel peregrini quicumque, ingredi tentant, tractantur durius; & sunt ei Christicolæ, tanquam Ethnici & Publicani. *Pisani* verò, qui partem vrbs nō modicam possidebant, in consensum perfidiæ pertrahi nequeunt; sed pro iure regio, commendabili seditione decertant. Eos *Marchio* contumeliis multis, & Marte intestino laceffit: at pro tempore cessuri consultius, ab vrbe ad exercitum cū aliis plerisque, recedunt. Exercitus extra in apri-
- 30 co confederat: Sed nec vllis, etiam propter victualium coemptionem, ingrediendi exhibetur facultas; & omnes experiuntur hostem quem sperauerant adiutorē. Hæc inter, morbus quidā familiaris & solitus *Marchiso* incutitur: at quia, consueto asperior, tunc casu irruerat, potionem pestiferam hausisse coniectat. Triste igitur in medicos, potionū artifices, exit edictū; & iniquā suspicione perimuntur innocui, quorum professio non mortis discrimen ingerit, sed morbi salutē promittit. Rex, quamquam ad urbē impugnandā suggestionem plurium incitetur, propriâ tamen iniuriam prudenter dissimulat; & cum exercitu, quo potest, & quāto potest, *Accon* obsessurus festinat. Erant milites septingenti & alii plures ex omni natione Christiana collecti: sed si totam simul aciem æstimare velimus, non prorsus ad nouem millia robur
- 40 numeratū excreuit. Exeunte Augusto die sancti Augustini, grauis illa & longa cepit obsidio: quæ & per duos annos producta, & duobus annis ab vrbe capta elapsis, animosius inchoata. Turci eminens de murorum propugnaculis, venientes conspiciunt, incerti qui veniant, vel quid veniant. Sed re cognitâ aduentum nō metuunt, causam irrident. *Pisani*, quibus via maris eò leuior quò breuior videbatur, *Accon* nauigio seriatim petentes, littus audacter occupant; maritimæ immobiliter insidēt, obsidionem maris & tam constanter quā mœstrenuē ordiuntur. Rex verò cum exercitu reliquo, montem proximum quem vulgo *Turonem* dicunt, tentoriis figendis eligit: vnde loci beneficio & maris & terræ speculetur accessus. Mōs iste, à parte vrbs Orientali confurgit editior; & in circuitu oculo spariante liberius, longè lateq;
- 50 prospectum in plana diffundit. Cæterum, Christicolæ die tertiâ postquā venerant, mox urbem impetunt; longum enim vel petrarium iactus, vel alios expectare paratus; at clypeo defensore contenti, scalas applicant ad consensum. Dies illa, tot dierum opus & operam felici clausisset compendio; si antiqui hostis inuidia & mendax nuntius, negotium penè completum non perdidissent. Nuntiato namque *Salahadini* aduentu, nostri quā citius ad castrum redeunt; sed paucos præcursores, intuitu præreptam sibi victoriam, indignantur magis quā conqueruntur: pauci quidem venerant, at innumeros adesse, terror edixerat: non enim præter

Luc. 1. 78.

solitum euenit, quod maiora semper formido metitur. *Soldanus* eo tempore castrū, quod *Bellum forte* dicunt, obsidione cingebat; at is, quæ geruntur auditis, cum exercitu plurimo *Accon* festinus accedit. Nostri ad congressum impares, sed inter fines præscriptos continent: Turci undique instant; nunc luce nunc noctis silentio bellum inferunt; crebros & in montem tentant excursus: & qui venerant obsessuri, tenentur obsessi. In hoc itaque articulo positos, visitauit *Orens ex alto*: nam ecce, quin-  
 10 quaginta naues, quas vulgo *Cogges* dicunt, cum XII. millibus armatorum tantò gratius veniunt, quantò nostris auxilium in arto maiore dependunt. Gratum venit quod per vota suscipitur; gratius quod præter spem offertur; gratissimum, quod in  
 15 vltima necessitate subuenit: plerumque tamen, ingenti desiderio fides suspenditur; & vix credimus, quod nimium affectamus. Nostri, de supercilio montis venientes vident; & tam læta sperare non audent. Quin & ipsi qui veniunt, castra quæ spectant habent suspecta. Sed propius Christianæ professionis prospectis insignibus, clamor hinc inde tollitur; læta pietas in lachrymas effluit; undique concursus, & fluctibus insiliunt obuiam processuri. Fœlix illa classis, quæ à Boreali peregrinans Oceano, & iter intentatum aggressa tot tractus maris, tot terræ ambitus, tot pericula victrix permeat; & ab Europa, per Affricæ districta transiens, Asiæ laboranti succurrit. Hæc  
 20 classem *Dani* moderantur, & *Frisones*: quos ab Aquilone progressos, rigor natius exasperat; & ad bellum aptat triplex commoditas; artus proceri, mens indomita, & fidei feruor deuotus. Hos à portu patrio in altum migrantes, aura committatur benignior; & in delitias nauigantium, tam fluctus quàm venti mitescunt: sicq; miserator Dominus, athletas suos per tot discrimina incolumes & inoffensos, perducit. Terrarum verò, quas præternauigant, incolæ, visâ classe, quamplures mouentur; & nauibus instanter conscensis, *Angli* pariter & *Flandrigena*, festini sequuntur. Nec prætereundum silentio, quod à prætereuntibus insigniter gestum: nam urbem quandam in maritima Hispaniæ, quæ *Silua* dicitur, audacter imperunt, citius expugnât; casisque Gentilibus incolis, & vrbe Christianis traditâ, ibidem etiam ordinato antistite, victores procedunt. *Accon* igitur venientes, in loco qui urbem & *Turonem* interiacet, castra metantur; & vires indomitas, in perniciem hostis, assiduo magis  
 30 quam frequenti conflictu, exercent. Eos siquidem virtus prodiga, & vitæ contemptio impetus, tot & toties subeundis obieccere periculis, quod post multum vrbe captâ, vix viri centum de XII. millibus superstites exitere. Nocte postera postquam *Frisones* & *Dani* appulerant, *Iacobus de Auennis* littus optatum contigit. Vir trinâ perfectione præditus, in consiliis *Hector*, in armis *Achilles*, in fide *Attilio Regulo* præferendus. Hic ex aduerso turris, quam *Maledictam* nominant, figit tentoria; & paulò ulterius *Templarii* tendunt: at urbis pars amplior nondum obiecta, in liberos hosti meatus patefcit. Nostri quid agant solliciti, hanc introcundi & excundi licentiam moleste sustinent; sed murorum protrahior ambitus, & exercitus rariet obsidionem continuam non admittunt. Coniectis igitur vicissim per turmas copiis, urbis aditus armati obseruant; & sic per dies aliquot consuetam meandi copiam obstruunt transi-  
 40 turis. Turci verò, tam de vrbe quàm de castris egressi, collatis hinc inde viribus, nostros impugnant, & præualent: nam facilè acies intereisa perrumpitur; & citius robur dispersum succumbit. *Hospitalarii* eâ die in custodia stabant, quos *Militia Templi* cedentes, excipit; & hostem acrius urgentem à castrorum irruptione compescit. Porro diebus singulis fidelis augetur exercitus; & nauium multitudo confluens, terrore non modico Gentilem percellit. *Salahadinus* autem, figmento quodam, metus conceptus attenuat: asserens Christicolæ, noctu naues educere; & easdem rursus, tanquam recentes adueniant, ad ostentationem virium luce reuerti. Ipse tamē, veri non inscius, robur nostrum in dies crescere acrius dolet; sed nubem animi supercilio sublimi dissimulans, frontem serenam & nihil timentem prætendit. Sanè  
 50 de Regno Francorum iam plurimi venerant: & inter alios, *Episcopus Beluacensis*, vir armis potius quàm armariis deditus, qui gloriatur in militia; & *Turpino* par esse contenderet, si Carolum inueniret. Est quedam pars Franciæ, quæ *Campania* dicitur: & cum regio tota studiis armorum floreat, hæc quodam militiæ priuilegio singulariùs excellit & præcellit. Hinc Martia pubes potenter egressa, vires, quas in tyrocinis exercitauerat, in hostem audentius exerit; & imaginariâ bellorum prolusione propolita, pugnares animos ad verum Martem intendit. Adeo quidem, tam Angli, quam

quàm Franci, conceptæ deuotionis calore ducuntur, quòd Regibus suis non expectatis, Regi Regum obsequium præstituri præcurrunt. De Germania quoque, vir quidam illustris & potens accedit, quem linguâ Theutonicâ *Landeграuum* dicunt; quod iuxta rationem nominis *terra Comes*, quasi per excellētiā dictum, sonare videtur. Hic Marchionem à Rege *Guidone* dissentientem *Accon* venire persuadet, cum prius propter diffidiū accedere detrectasset. Scimus historiæ legem interdum deponere ut nomina principum, qui negotiis gerendis assistunt, singulatim scripto mandentur: quod ipsi etiam quodā pruritu gloriæ nonnunquam affectant: è contrà solet auribus teneris hac in parte semper tractatus videri lōgior; & ituras in tædium

10 voces, delicatus auditor minus acceptat. Nos ergo in enumerandis principibus castigatiùs occupabimur. Sed cum ipsa rerum gestarum series occasionem obtulerit, de singulis, quis quid egerit insigne, dicemus. Sanè, ad aucto fideiū numero, cum iam exercitus amplior ad opus arduum aggrediendum sufficeret, placuit omnibus ut vicina Gentilium castra peruaderent, & impugnarent. Mons quidam *Turoni*, quem suprà descripsimus, obiectus eminet: hic hostis papilionēs fixerat; & ingens camporum interiecta planicies, arcem bellis accommodam latiùs explicabat. Huc acies è castris in plana descendit; & ibidem in ordines distributa per turmas digeritur, ita quidem quòd leuior armatura cum arcibus & balistis præcedit; subsequitur belli robur præcipuum, equis, armis, & variis effulgens insignibus. Ignem verò ani-

20 mi, facies & gestus indicant: fidelibus ad votum, hostibus ad terrorem. Fuit qui acie perspectâ ex nimia voluptate luxurians, dixisse præsumeret: *Quæ potentia præualebit? quæ multitudo resisteret? Dominus nec nobis nec aduersariis adiutor veniat; victoria in nostra virtute consistit.* Vox certè pessima, & omnino damnabilis, quæ in homine, non in numine belli euentum constituit, cum sine Deo nil possit homo: quod quidem experimento flebili, rerum exitus declarauit. Stabant Turci pro castrorum defensione vnanimēs; & cum nostri propiùs accessissent laxato peditum præcederium cuneo, equos in hostem audacter admittunt. Versus in fugam Gentilis, castra deserit; Christicolæ à persequendo desistunt, & spoliis inhiant; papilionum præciduntur funes; & ipsius Soldani tentoria, *Comes de Baro* animolus inuadit. Interèa de

30 vrbe ingens hostium multitudo prorumpit, qui ex ea parte qua ciuitas inobscissa erat, egressi, obliquis meatibus ad montana contendunt. Porro ex industria, sinuato procedunt anfractu: ut nostris sub incerto positis, an castra veniant an exercitum peruasuri, exercitum subiti occupent, & à tergo concludant. *Militia Templi*, quâ nulla insignior, iam cuneos hostiles, cædi deuota, perruperat: quòd si cæteri pari voto persequendis institissent hostibus dies illa fœlicem tam vrbis quàm belli victoriam reportasset: cumq; longiùs fortunam secuti & animum Templarii processissent, in eos subito irruunt oppidani; & quâquam innumeri paucos opprimant, non sine multa tamen suorū strage triumphant. Ibi Magister militiæ *Gerardus de Bidesfordia*, cuius suprà mentionem fecimus, cæsus occumbit: Fœlix, cui tantâ Dominus gloriâ

40 contulit, ut laureâ, quam tot bellis meruerat, Martyrū collegio sociandus haberet. Parte aliâ, dum *Alemanni* ad prædas hiantiùs conuolant, ecce deceptor ille antiquus quadrupedem prætermeamtem præsentat; & dum illi certatim insectantur, fugere à nonnullis creduntur. Hac exiguâ, sed exitiali occasione, totus turbatur exercitus; omnes de fuga cogitant. Quin & fama ingruens metum ingeminat: nã oppidanos ad diripiendas sarcinas exisse cōclamât. Illice, bellorum ordo cōfunditur; disperguntur cunei, nullus signorū respectus; ipsi duces ad fugâ præcipites, & vix aliqui fiduciam concipiunt resistendi Turci, Christicolas turbari vident, casum mirantur; sed causam ignorant; & inopinâ adepti victoriâ, lora reflectūt, & resumunt animos, qui de militia potiùs quàm de ritu habent, instatibus cedere, cedentibus instare: nã si fugas

50 fugient, si fugis fugabunt. In hoc tã flebili & infœlici tumultu, *Andreas de Breno* dum aliis, ne terga præbeant animosus inclamat, irrudentibus Turcis perimitur: quē adeò supra omnes Francos virtus extulerat, ut ei militiæ primatu concessio, cæteri de laude scelâ certarent. Frater eius *Comes Brenensis*, non inscius præteritū collapsum: vocatus quidem, subsistere timuit, & gloriam quam casus obtulerat, ignauia declinauit. Cæterum miles quidam, cum *Iacobum de Auennis* equo perturbatum conspiceret, mox equum cui fugiens insidebat, ei contradidit; & mortem Domini sui, morte suâ, laudandus redemit. *Rex etiam Marchiso*, cum ab hostibus opprimeretur, accessit

FFFFF



a liutor; & licet iniuriæ præcessissent, & simulas subesset, humanitatis tamen obsequium indigno præbuit, & eripuit perituum. Frater Regis *Galfridus*, videns aciem turbari, & omnes de fuga contendere, castrorum curâ, quæ defensiva suscepit, festinus deserit; & de fratris salute sollicitus, refugos detenturus procurrit. O rerum misera mutatio! Christicolæ confisi exierant, & redeunt confusi; seriatim incesserant, & sparsim redeunt; hostem victores fugauerant, & victi recurrunt. Agnoscat tandem humana præsumptio, quid homo; quid vires hominis, nisi dextra Domini faciat virtutem; & ille in suis potenter operetur victoriam, qui & fiduciam præstat pugnanti, & vincenti coronam. In tñ sanè de viribus suis nostri præsumpserant, in hoc vnum timerent, hostem inueniri non posse: quem postmodum nimis propinquum experti, suorum mille, ac quingentos perdidere. Erat miles quidam, *Ferrandus* nomine, qui nudus & exanimis relictus, cum inter peremptos delitesceret, nocte regressus ad castrum propter deformitatem vulnerum, a suis agnosci non potuit; & vix impetravit admitti. Varios rerum euentus & modos interfectionum diuersus, licetiosus poeta, vel longus prosequatur tractator: nos, breuitas lege arctiori continet; nec qualiter, sed quid acciderit dixisse indulget. *Salahadinus* Christicolarum cadauera comportari, & in fluuium prætermeantem proici iubet: ut vndarum deuoluta impulsu, vel metum inspecta incutiât, vel aquis resoluta corrumpant. Porro Principes nostri, a Marte publico aliquandiu temperandum censescentes, castris delininandis insistent; & aggerem congesto cespite, fossisq; profundioribus a mari ad mare, muniendis tentoriis circumducunt: *Marchisus* autem, & *Hospitalarum* locum obsidione vacatam audacter occupant, & iam vrbs tota terrâ marique tenetur obsessa. Rerum ordo deposcit, nec alienum a proposito credimus, locorum descriptionem quandoque perstringere: ut ciuitas tanta, tum sui magnificentia, tum vario bellorum famosa euentu, obsequio nostro clarior innotescat. Si enim decennale bellum, *Troiam* celebrem reddidit; si Christicolarum triumphus, *Antiochia* illustrius extulit, *Accon* profecto perpetua fama extollet, pro quo pariter totus orbis confligit. Hæc formam sortita triangulâ, ab occasu contractior, ab ortu spatium latius diffunditur; & parte plus tertia præterlapso æquore ab Austro & Occidente ambitur. Portus sanè minus quam oporteat opportunus, hyemantes carinas sæpius fallit & frangit: nam rupes obiecta, quæ littoris formam commodat, irruentis procellæ impetum breuitate sui ægrè propulsat. Et quia rupes illa extris abluendis videbatur accommodata, ibi apud veteres sacrificia celebrari solebant: unde propter carnes immolaticias, quas muscæ sequebatur, turris quæ modò supra posita eminet, *turris muscarum* appellatur. Est & turris, quam *Maledictam* nominant, & muro qui urbem amplectitur insidet: quæ, si vulgi opinio fidem meretur, hoc ideo nomen insumpsit: nam argentei, quibus Dominum *Iudas* proditor vendidit, ibi facti fuisse dicuntur. Supra *Turonem* verò, qui vrbi vicinus incumbit, ciuitas, *Tholomais* nomine, olim sita fuerat: unde, antiquitatis errore, *Accon* Tholomaida nonnulli appellant. Collis autem, quæ *Mahumeria* dicunt, Turoni propinquus consurgit, ubi sepulchrum *Mennonis* esse testis tradit antiquitas: sed cuius obsequio illuc delatus fuerit, non scriptum legimus, nec audiuius referentem. Porro fluuium, qui vrbi allabitur, *Bellum* nominant; & licet aluco angusto nec alto decurrat, eius tamen gloriam *Solinus* haud leuem asserit, quæ inter mirabilia mundi commendans, ipsum harenis vitreis ditari proponit. Erat enim quædam fossa harenaria, cuius harenæ vitri conficiendi præbebant materiam: quod si exterius sumptæ, omnino erant inutiles; si verò casu intromissæ, mox loci virtute occultâ, vitreâ assumebant naturam. Haud procul a fluuiio, rupes humilis vrbi vicina monstratur, ad quam tres mundi partes, Asiam, Europam & Africam conterminari perhibent: & cum tractus cæteros ille diuisim contineant, locus iste solus nulli cedens partem exceptus & liber effulget. Mons *Carmelus* a parte vrbis Australi sublimis exurgit, ubi *Heliæ Thesbites*, modici paratus domicilium habuisse dignoscitur, quod adhuc ipsius spelunca testatur: Et quanquam descriptioni ambitus ad amœna sæpius euagari consuevit, nos tamen circumiacentium locorum delicias ad præsens omittimus, dum ad alia stylus Martius tramite cepto decurrit. *Accon* igitur, cum nostri vndique obsidione cinxissent, cœpere oppidani, consumptis victualibus, inedia grauiore affligi: adeo ut urbem reddendam offerrent si saluis facultatibus, liberi linerentur abire. Hæc pactio Principibus omnino displicuit: decreuerant enim vel ultimâ necessitate coactos, ad vota subdere;

subdere; vel potius expugnandi gloriam omni studio comparare. Dumque protrahitur de vrbe reddenda tractatur, Soldanus interim quinquaginta galeas apud Alexandriam, viris, victualibus, & armis sufficienter instruxerat, quos suis in subsidium Accon transmittit. Craftina verò Natalis Domini, simul omnes accedunt: quibus eminus conspectis, rumor incertus vaticinantem populum in varia distrahit: pars enim, hostem adesse nuntiat; pars, Christicolarum venisse auxilia constanter affirmat. Verum quidam de galeis nostris quinam veniant inquisitura occurrit; & cum ea, minor cimba, quam vulgò *Galionem* nominant, qui leuitate sui nimis temerè properans, dum amicos inuenisse confidit, in hostes medios, heu! nuntium salutis  
10 latura procurrat. Vox quidem respondentium nulla, & suspecta silentia pacem inficiantur: quod nautæ miseri attendentes, in mare protinus se præcipites mittunt; & nandi beneficio, utcumque perituri, euadunt. Sic igitur maris obsidione solutæ; nostrisq; galeis quæ longè pauciores fuerant, fugæ furtivæ subsidio Tyrum digressis, iam vrbi muniendæ liber aditus & egressus per mare patefcit. Elapso tempore, cum iam Pascha instaret, *Marchifus* qui classis reparandæ causâ, Tyrum secesserat, cum apparatu ingenti reuertitur; rursumque nostri maris imperium vendicant, & tutior venturis nauibus expeditur accessus. Principum autem procurante consilio, *Rex* & *Marchifus* eo pacificantur obtentu, ut *Marchiso* Tyrum, *Beritum* & *Sidonem* possidens, Regis & regni profectibus, fideliter & viribus totis intendat. Verum semper in læuum præceps ambitio, cor cupidum & iniquum subuertit: nam regni obtinendi desiderio astuâs, fidem promissam violat; & hostem interiùs occulit, amicū foris prætendit. Sanè oppidani ereptam sibi libertatem æquoris grauiùs sustinent; & quid bello nauali possint experiri decernunt. Galeas igitur binas & binas educunt, & ordinem in processu decorum seruantes, ad alta maris remigant pugnaturi. E contra nostri classem conscendunt belligeram, flexuque obliquo in læuum tendentes, spatio remotiore secedunt, ut liber hostibus nō denegetur egressus. Et quia naualis belli mentio incidit, consequens arbitramur ut classem bellicam sermo lucinctus describat; & quali vtuntur moderni & qualem instituere antiqui. Apud veteres siquidem, in huiusmodi nauibus numerosior exigebatur ordo remorum,  
30 quibus gradatim per tabulata distincta surgentibus, vndas alii longissimo, alii breuiore vexabant impulsu. Ternos autem vel quaternos ordines sæpiùs habebant, & quinos interdum: Sed & senos, naues quedam in *Acciaco* prælio, cum aduersus *Antonium* dimicaret *Augustus* habuisse leguntur. Porro bellatrices carinas, *Liburnas* dixerunt: Est enim *Libumina* pars *Dalmatiæ*, vbi classis *Acciaci* belli præcipua facta fuerat: Vnde inoleuit vsus, ut apud antiquos naues bellicæ dicerentur *Liburnæ*. Cæterum omnis illa vetustatis magnificentia imminuta defluxit: nam classis bellica, quæ senis olim decurrebat ordinibus, nunc binos rarò excedit. Quod autem antiqui dixere *liburnam*; moderni *Galeam*, mediâ productâ nominant: quæ longa, gracilis, & parum eminens, lignum à prora præfixum habet, & vulgò *calcar* dicitur: quo  
40 rates hostium transfiguntur percussæ. *Galiones* verò, vno remorum ordine contenti, breuitate mobiles, & faciliùs flectuntur; & leuiùs discurrent; & ignibus iaculandis aptiores existunt. Cum igitur prælium nauale gesturi hinc inde processissent, nostri non acies directas, sed incuruas disponunt: ut si hostis tentet irrumpere intrinsecus, opprimamur conclusus. Cornibus itaque in speciem lunæ productis, à fronte validiores constituunt, quibus & acrior infligatur impetus, & hostium propulsetur incurfus: In superioribus verò tabulatis, clypei per gyrum disponuntur conterriti: & in vno confidunt remiges, ut spatio liberiore dimicent qui ad pugnam in supremo consistunt. Mare quidem omnino silens & placidum, tanquam bello excipiendo deuotum, mitescit, adeò ut vnda interfluens, nec intūdūtis itum, nec remigantis fallat impulsu.  
50 Congressi propiùs, tubis vtrimque insonant; clangorem terrificum miscent: missilibus primò cōtendunt. At nostri, opem Diuinam inuocant, remisq; incumbunt obnixiùs; & naues aduersas, suarū rostris elidunt. Mox bellum conferitur; implicantur remi, cominus decertatur, alternis iniectionibus rates aligant; & oleo incendiario, quod *ignem Græcum* vulgus nominat, tabulata succendunt. Ignis iste pernicioso fœtore, flammisque liuientibus, filices & ferrum consumit: & cum aquis vinci nequeat, harenâ respersus comprimitur; aceto perfusus, sedatur. Quid autem nauali conflictu asperius? quid læuius? vbitam

varium congressos fatum inuoluit: nam flammis, torquentur exusti; fluctibus, absorbentur naufragi; armis, pereunt vulnerati. Erat galea quædam, quam dum nostri temerè moderantur, latus hosti vicinum inuergit: sicque ignibus iniectis succensa Turcos vndique insilientes admittit. Remiges verò, in mare protinus exterriti dilabuntur; at pauci milites, quos arma grauiora impediunt, & nandi inscitia detinet, pugnandi *fiduciam ex desperatione* assumunt: Pugna impar committitur; sed in virtute Domini, multos pauci exsuperantes; ratemq; semiultam, caesis hostibus, triumphantes reducunt: aliam verò iam hostis, victor superioris tabulari, bellatoribus depulsis inuaserat: at ii quibus inferior statio fuerat deputata, remorum auxilio elabi contendunt. Mirum quidem, & miserandum certamen: nam remis in diuersa tendentibus, nec huc nec illuc galea depellitur: nostri tamen præualent, & hostis superius remigans, Christicolarum superuentu detrusus, succumbit. In hac nauali congressione, galeam pariter & galionem cum suis vectoribus, pars perdit aduersa; nostrique, sollemnem triumphi gloriam illasi, & lati reportant. His factis, Principes nostri ad machinas quibus ciuitas oppugnetur, operam communem impendunt. Tres itaque turres ambulatorias, de siluæ siccioris materia construunt: quarum prima *Landegraum*, secunda *Genuenses*, tertia exercitum reliquum sortitur auctorem. Certandi studio, moles istæ confurgit, quas ex trabibus & tabulatis in altum eductas, lapsus volubilis incitat, & quadam arte mechanicâ facilem ad motum inclinat. Artifices verò has machinas ne incendio pereant, centonibus & coriis crudis obuolunt; & ut petrariarum impetus materiâ molliori exceptus, non noceat, reticulatos funes à fronte prætendunt. Porro eminentiæ turrium, supra murorum fastigia & vrbs propugnacula sublimes, balistarios & sagittarios continent; at medias stationes occupant qui sudibus & contis decertant. Singulis autem castris, suæ applicantur petrariæ, ac litæatim assistunt: quibus & machinæ productæ defendantur, & mœnia deiiciantur aduersa. Oppidani verò iam penitus diffidentes, vrbs deditionem offerunt; ita tamē ut ipsis abscedendi libertas & res suas asportandi nō denegetur facultas: Verum, Sabbatho post Ascensionem Domini, ad mortas propius machinas ignis consumit hostilis; & infœlici casu triumphi spes excidit, quæ quantò certior, tantò tristior euanescebat. Soldanus interim, totius Asiæ contractis copiis, quicquid *Indum à Tygri* determinat, quicquid *Tygrin & Eufraten* interiacet; quicquid inde ad Mediterraneos porrigitur fluctus, simul in bella producit. Ex Africa verò gentes innumeræ cōfluunt: *Nadabares, Getuli, & Nimide*. Sed & populi Meridionali solis adustione deformes; quos à Græco vocabulo *Mauron* quod nigrum sonat, *Mauros* siue *Mauritanos* appellant. Sic ergo dux Mundi partes, tertiā impetunt; & aduersus duas, Europa configit, quæ sola nec tota CHRISTI nomen agnouit. Porro plerosque *Salahadinus* stipendiis excitat; & in sumptus tantos pecunia dudum ante collecta suppetit: nam communi placito Gentiles statuerant, ut morientes quicunque, rerum suarum partem tertiam Legis defensoribus erogarent. Cæterum nonnulli, quodā Peregrinationis obtentu gratis veniunt; & pro legibus suæ ceremoniis defendendis, contra Christicolas pugnaturi procedunt. Hæc igitur multitudinem vndecim collectā tyrannus effundens, nimiam elatione luxuriat; & nostros audacter impetens, omnes vel captiuos abducere, vel in ore gladii exterminare confidit. Quod si *Darium* Persarū Regem, cum septingentis millibus dimicasse legimus; in hoc præsens multitudo præiudicat, quod illa numerari potuit; istā verò nulla numeri certitudo concludit. Ingens illa planicies quæ à mari ad mare porrecta, longè lateq; distenditur, tot millibus minus sufficit: & cum sinus laxiores camporum amplitudo explicet; loci tamen angustia, acies cōsertæ causantur. Christicolæ, quibus hinc oppidani, hinc hostes instant, exercitus vtramq; incursionē strenuè sustinent; & dispositis ad fossata præsidiis, tã hos quàm illos à castrorū irruptione ne propellunt. Sabbatho Pentecostes, insultus iste primò cōmittitur: quem in dies octo protractū, strages vtrinque magna durius exarsisse testatur. Nostri, dies festos infestos sentiunt; eos tamen Spiritus, virtutis infusione corroborat: & qui olim Apostolos ad prædicandū instruxit, nunc milites suos ad pugnandū accendit. Vniuersi autem, edicto publico, castrorū limites excedere inhibentur; nec est opus extra bellum querere, cum propius inueniant prouocantē. Tanta quidem instantium multitudo irruit, quod sagittæ casu emissæ frustra non euolant; nec quisquā ictus certos dirigit,

dirigit, vbi turba densior tot vulnerandos opponit. Octauo die vnus filiorū Soldani balistæ iactu occumbit percussus; cuius obitus & cœptos insultus cohibet, & exercitum hostilem exterrit. Plurimi ergo in fines patrios redeunt, Christicolarū prorsus abhorrentes congressum: quos aduersus tantā multitudinem tam strenuè viderant decertasse. Fames interea oppidanos affligit, quibus ab Ægypto Soldanus rares frugiferas Notho flante transmittit. Erant autem viginti quinque: sed tres maiores, dum inter *turrim Muscarum* & rupem proximā tentant irrumperere, duæ quidem fixis confringuntur illis; tertia verò portu potitur illæsa. Venientes quippe, a cepto cursu nostrorum galeæ deturbauerant: quarum vna, dum nimis temerè fugientes

10 insequitur, scopulis offensa deperit & dissipatur. Tractu temporis, cum exercitus ocio longiore torpesceret, plebs rerum nouarū cupida, Principum incusat ignauitiam; & pari desiderio æstuans, sese vicissim inuitat ad pugnam: castra Gentilium proxima, indignantes mouent; spolia distrahenda, cupidos incitant; victoriæ gloria pugnares accendit. Tumultuariam verò coniurationem ineunt; & animi calore precipiti, vnanimes accinguntur ad bellum, Principum non expetito assensu. Principes quidem, quantum possunt, ausus vulgi temerarios laborant comprimere. Sed & *Patriarcha* sub anathemate inhihet, ne ducibus inconsultis hostem prouocent; & belli discrimen incurrant: nihil tamen vel illorum dissuasio, vel huius interminatio proficit: vincit enim furor consilium; rationem, impetus, imperium, multitudo.

20 Vulgus quocunq; impellitur, temeritatem virtutem putat, id optimum quod optat iudicans; & rerum exitu non expenso, corrigentem refugit, regentem contemnit. Die sancti Iacobi, die luctificā & infestā, infœlix illa gregariorum militū turba prorumpit; armati quidem prodeunt; sed minus prouidē, venturum discrimen attendunt. Iuuentus sanè insignis, iuuentus strenua & nulli cessura victori, si caput nata, si consultius ausa, si quantum spoliis tantum præliis indulgeret. Verum Dux agminis nullus, sibi quisque miles, sibi ductor; signa propria vix agnoscunt, vix sequuntur; præcurrunt plurimi, dum potius de præda quàm de prælio cogitant perituri. Gentiles visis prodeuntium turmis, metu dubium an de industria, paulisper cedunt; & sarcinis non asportatis, tentoria rebus variis opulenta relinquunt. Cæterum sub cliuo

30 montis proximi vires abscondas collocant; & missis exploratoribus, quid nostri velint, quid veniant inquisituri, subsistunt. Nepos Soldani *Tecahadinus* eo tempore versus castrū *Himberti* tentoria fixerat: vir animis, armis strenuus; scelere immanis; sæuitiā implacabilis; & nomini Christiano tã perniciosus, quàm inuisus. Huc prædicta multitudo accelerat; huc prædæ libido cunctos excitat; minus quidē circumpositas locorū explorant insidias, qui iã de spoliis diripiendis contendunt. Plerique copiā ciborū inuentā, indulgent genio; & armis depositis nimium securi discumbunt, tãquã ad epulas inuitati. Turci verò, rebus quæ geruntur non incognitis, mox vndiq; irruunt; & voce, vt voce solēt, terribili personantes, plebem dispersam & stupidam facili triūpho prosternunt. De bello nullus, cuncti de fuga cogitant: sed pedites, sed

40 armis onusti, sed siti & æstu exhausti, nullatenus effugere possunt, quos hostis eques & impiger infectatur. Passim nãq; fugati, passim fusi; nulli parcitur, nemo captiuus seruatur; suum furor nō explet affectum; ira ferrum repetit, quod tædiū percutiētis abiecit. Quò quemq; incitat, mortis occurrit necessitas; ineuitabile cunctis discrimē imminet: vbiq; hostis, vbiq; cædes; vulnerātur innumeri: & qui cæsi occumbunt 1 v. millia æstimatur. Audito fremitu, & strage cōspectā, Principes nostri dissimulat: duri certē, inhumani & impii, qui fratres suos corā trucidari conspiciunt; nec opem perituris impendunt: quibus hoc solum pro crimine, contra factā inhibitionē exisse. Porro, cæteris ex ignauia potius quàm offensa hæsitantibus, *Archidiaconus Colecestria*, laborantibus subuenit, lapsuris succurrit: vir staturā & formā spectabilis: quem

50 laurus gemina, & vtriusq; militiæ commendat perfectio: scientiā præcluam, armis insignem. Oppidani verò, visis suorum successibus, animosi prorumpunt; & vsq; ad iniectionem ædium de proximo papiliones inuadunt. Hic itaque tam flebili cæde peractā, cum robur nostrum iam ex parte multa decisum esset, arrisit fortuna blandior; & allubescens Fauonius rates attulit armatis onustas. Interdum verò Gentilium classis nostræ furtim permixta procedit; & tam lingua quam insignibus Christicolarum mentita paratus, inopinos & subitos ad urbem cursus iuducit. *Comes Treccarum Henricus*, cum manu militum validā tunc temporis appulit:

FFFFF 3

cui statim regendi exercitus cura committitur, quem prius *Iacobus de Auenis*, & *Landegrauus*, nunc simul, nunc vicissim habebant. Landegrauus autem validinarius effectus, repatriandi prætenu castra deferuit: qui cum multa clariùs, & ad omnium fauorem egisset, illustrem factorum gloriam turpi reditu deformauit. Eo tempore cum filius Imperatoris, *Dux Suauis*, patre paulò ante defuncto, apud Antiochiam degeret, Principes ei mandandum decernunt, ut ibidem moram faciens terras Gentilium vicinas impugnet. Sanum quidem & salubre consilium; nam si hostem bellorum instantia locis pluribus occupasset, conatus eius ad multa deductus, minor an singula & infirmior extitisset. Huius legationis verbum *Marchisus* minus fideliter executus, ducis animum malignâ interpretatione promouit, tan- 10 quam Principes ex inuidia, eius procurarent absentiam, ut sibi vrbis capiendâ gloriam reseruarent. Fuit autem qui assereret Marchisum à Soldano sexaginta millia Bizantium, eo suscepisse obtentu, ut Duci ab Antiochenis partibus discedere persuaderet. Dux itaque *Secon* veniens, dissensionis seminarium extitit: nam veteri & pertinaci dissidio ab Alemânis Franci dissident, cum Regnum & Imperium de primatu contendunt. Porro Marchisus peculiarem causam occultius agens, Ducis, quem sanguine contingebant, præsentiam studiosius expetiuit: ut ipso mediante, si posset, regni solum obtineret. Casus quidem ad nutum eblanditus, spem votis maiorem indusserat: nam Reginam, & sobolem quam de Rege *Guidone* susceperat, mors rapuit immatura. Verum ut hanc tractatus particulam enucleatior 20 excipiat intellectus, stirpis Regiæ successionem paulò remotiore principio euclueamus. *Fulco* siquidem, pater *Galfredi* Andigauorum Comitis, singulari virtutum merito in Regem Ierosolymorum electus, de filia prædecessoris sui Regis *Baldwini*, *Melesende*, duos filios *Baldwinum* & *Almaricum* suscepit. Quorum natu maior Regio sceptro potitus; & nomen auitum referens, neptem *Manuelis* Bizantini Principis, *Theodoram* nomine, vxorem duxit: Sed absque liberis, cum *Ascalonem* victoriosè cepisset, in fata concessit. Frater eius virtutis & Regni successor, *Babyloniam* ad tributum compulit; & bino coniugio, variam vtriusque sexus progeniem suscitauit. Prima vxor *Batrix* dicta, quam antè Regni susceptionem duxerat, filia Comitis Roasiæ fuit: sed quia vnione sanguinis ipsi coniuncta fuerat, coniuga- 30 lem copulam, ccelebrato diuortio, cleri censura dissoluit. Ex ea tamen prolem geminam iam susceperat, filiam *Sibillam* nomine, & filium nuncupatione *Baldwinum*, qui patre defuncto diademate insignitus licet iunior, & leprâ respersus, *Salahadinum* cum sexaginta millibus Turcorum, manu ratâ miraculosè cōfecit. Hic citiùs rebus humanis exemptus, filiū sororis suæ *Baldwinum* quæ fratri Marchionis *Wilhelmo* nupserat, regni successorem constituit, & diademate insigniuit. Sed & ipse adhuc paruulus & septenis morte festinâ decessit. Ceterum patre pueri pridem defuncto, *Guido*, qui de Picetia oriundus Sepulchri visitator aduenerat, matrem pueri *Sibyllam* duxit vxorem: quâ postmodum paternum vindicante solum, ipse quoque Regiæ potestatis insigne suscepit. Ex ea quidem quatuor filias genuit, quas simul cum ma- 40 tre infra breuem temporis tractum mors importuna rapiens, *Guidoni* calumniam peperit, & *Marchisus* regnandi fiduciam concitauit. Porro vxor secunda, quam Rex *Almaricus*, repudiata priore superduxerat, *Maria* nomine, consanguinea *Manuelis* Imperatoris fuit, ex qua duas progenuit filias: sed earum altera sub tenero vitæ principio diem clausit extremum: alteram verò, *Elizabeth* nuncupatam, cum nondum annos nobiles attigisset, *Enfridus* de *Torone* sponsam habuit: sed quia successionis iure iam ad eam Regni deuoluebatur hæreditas, *Marchisus* vtrumque molitur expungere, tam *Enfrido* coniugem, quam septrū *Guidoni* rapturus. Plebs interea de Principum quiete murmurat; & ignauæ obsidionis dispendia, tædiatus obsessor incusat. Dumque diutulè quid potiùs agendum esset, inter magnates tractaretur, de- 50 mum sub hoc cardine cunctorum fermè resedit sententia, ut hostem vrgentem exterius, ad Martem publicum prouocarent. Si enim hostilis succubisset exercitus, faciliùs impugnari, & expugnari ciuitas potuisset. Crastinâ *Sancti Martini*, cum iam brumalis Phœbus radios argentes spargeret, Principes nostri acies suas disciplinæ militaris ordine digerendas, è castris in plana deducunt. Quos cum cerneremus signis prodire distinctis; & hinc *Militiam Templi*, hinc *Hospitalarios*, hinc nationes diuersas suis coruscare vexillis, titillanti animo iucundiùs influebat

influebat de multitudine stupor, de virtute fiducia, de varietate voluptas. Clerus autem non modicam militaris gloriæ partem vendicat: nam & Abbates, & Præsules cohortes suas educunt; & pro fide fidenter dimicant; pro lege, læti contendunt. Sanè venerabilis *Cantuariorum Archipræsul Balduinus* inter ceteros, & præ ceteris insigniùs militat: quem, licet ad segnitiam senilis inuitet infirmitas, naturæ tamen defectum virtutum perfectione transcendit. Hic vexillum, cui gloriosus martyr *Thomas* inscriptus fuerat, præminentius prodire faciens, eidem comitatus decoros & dignos procurat: nam & milites ducenti & trecenti satellites, viri sancti stipendiis pugnaturi, sequuntur. Ipse verò, cum *Duce Suauie* & Comite *Blesensi Theobaldo*, castrorum tutelam suscipit; & vices Patriarchæ, qui tunc clinicus decubuerat, plenius executus, egressas acies benedicit, absoluit. Verùm magnanimus *Salesberiarum Antistes*, ab expeditione abesse non sustinet, sed partem belli moderatur insignem; cuius virtus in armis militem, in castris ducem, in Ecclesiasticis implet pastorem. Sole in occasum vergente, cum exercitus non longè progressus fixis tentoriis confedisset, oppidani tanquam in vacua venturi ad sarcinas distrahendas prorumpunt; quos nostri excipientes obnixiùs, & suos conseruant indemnes, & Turcos effugant irruentes. Nocte ipsà *Soldanus*, papiliones suos cum rebus, aliis imperat ad montana transferri; & ea quæ pro temporis articulo asportari nequeunt, incendio populatur. Hoc quidem victi & diffidentis animi certi indicium, quòd res proprias dissipat, quòd locum mutat, quòd ad montana secedens, certamen campestre declinat. Loca verò aditu difficilia nactus subsistit; ac velites & sagittarios suo numerosius opponit venturis, vt saltem eminus noceant qui propius congregi reformidant. Nostri ergo pugnae campestris copiâ defraudati, & hostem per abrupta montium insequi non valentes, quam illæsi tam inglorii, reuertuntur. Porro *Marchisus* regnandi gloriâ diuinitus affectatâ, cum iam aditum ad vota oblatum cernebat, Regnum sibi fidenter promittit, sed *Enfrido* coniugem supplantasset. Ad hoc ergo totis anhelat visibus; huc omnes artis officinas congerit: sed obliquo vtens principio, de statu regni quæritur, quòd Rex tractandis negotiis minus sufficit; quòd vxore sublatâ iam iniuste regnat, cum alia Regis Almarici Filia superstes existat. Hæc primò in populum; Principes officiosus ambit, hos donis prouocans, illos sibi cognatione confœderans; omnesque vel blandus allicit, vel dator obligat, vel promissor inuitat. Facile viro tam industrio, & tot argutiis instructo, id totum obtinere quod optat: quem nec *Simon* figmentis, nec *Vlixes* eloquio, nec *Mithridates* diuersitate linguarum æquaret. Sed, quia maritales amplexus passim dirimi sanctio Ecclesiastica inhibet, vir subdolos nouam commentatur calumniam quâ coniugem *Enfrido* subducatur. Eam enim à viro suo, absque viris offensa, separari posse persuadet Principibus: utpote quæ infra annos nupserat, & citra consensum. Ceterum *Enfridus* ipse, obtentu coniugis spem Regni conceperat: vir fœminæ quàm viro prior; gestu mollis, sermone fractus; & cui illud Virgilianum competit: *Dum dubitat natura, marem faceretne puellam, Natus es, ô pulcher, penè puella, puer*. Hic se regni heredem habere proponit: sed pro iure vxorio, minus prudenter postulat. nam quadam die, cum de mandato Principum coniugem suam produxisset in medium, nuptam simul & regnum, *Marchiso* procurante, amisit. O scelus, & morsu Satirico, & tragica declamatione dignissimum! nam si *Helena* raptum damnamus, in hoc, præfens factum turpius, & iniuria maior, quòd illa, marito absente furtim surrepta; ista, viro præfente, violenter abducta. Verùm, vt factum istud, iniuriæ deprecetur infamiam, puella sub manu sequëstra custodienda traditur, dum causâ diuortii, clero iudice, ventiletur. Clerum igitur, dolis & donis *Marchisus* aggreditur; omnes, quos sibi commodos credit, pertentat: largitionibus immensis effluit, vt auri fascino iudiciariam sinceritatē corrumpat. Verbum tam diri sceleris ad aures sacratissimi *Cantuariorum Metropolitæ* delatum, & innocentiam viri ad stuporem incitat, & iuris patronum in iram accendit. *Patriarcha*, vt diximus, agrotantium langore territus, vires suas ei, dum iuxta debitum rigorem exequitur, fautores Marchionis dandam sententiam appellationis obiectu elidere minitantur. Profectò fautores eius præcipui tres erant, *Renaldus Sidoniorum dominus*, *Paganus de castro Caiphe*, & *Balsamus*; quòd si Comes Tripolis qui iam ante decesserat, quartus adfuisset, consummata iniquitatis cōsiliū facile præstitissent. In eos enim tanquam in domicilium suum, turba



scelerum certatim confluerat: *Juda* proditio, *Neronis* crudelitas, *Hierodis* nequitia; & quicquid vel ætas præfens abhorret impium, vel antiquitas condemnat infandum. Porro *Balisantus*, mortuo Rege *Amalrico*, matrem puellæ vxorem duxerat, quæ Graiâ facie à cunis imbuta, virum moribus suis habebat conformem; sæuum impia, leuem mobilis, perfidum fraudulenta. Hos Marchio muneribus & promissis illexerat, vt puellam aduersus *Enfridum* querelam mouere instruerent: quod inuita nupserat, quod semper reclamauit, quod stare non debet matrimonium cum nunquam præstitisset consensum. Facile persuadetur, quod affectatur: facillimè mulier mutat consilium: nam, *varium & mutabile semper Fæmina*, cui & sexus lubricus, & mens mobilis; & sicut nouis gaudet amplexibus, sic notos leuiter respuit, citius obliuioni contradit. Puella quidem, in prauum docilis, turpem mouentium doctrinam libentius excipit; & iam se non taptam, sed Marchisum secutam, dicere non erubescit. Sanè Principes ipsi, spreto iure, ad hoc inclinatiùs tendunt, vt Regno simul & puellâ, Marchio potiatur: Videns itaque Archipræful sanctissimus, quod \* \* \* \*. Audiens autem exercitum omnino dissolutum, tabernis, scortis, & ludis talorum insistere, animam tantorum excessuum impatientem, vsque ad tædium vitæ afflixit. Et, quia *morbus communis ne delam difficile recipit*, quodam die cum huiusmodi opiniones pessimè ad aures eius frequentiùs emanaret, sciens quod *homo curâ, DEVS curationem habet*, suspiriosus in hæc verba irripit: *Domine DEVS, nunc est opus piâ corripientis & corrigentis gratiâ: quod si tua miserationis beneplacitum esset, vt à vitæ præsentis turbine sublatus, migrarem, longam satis in hoc exercitu moram exegi.* Post hunc sermonem, diebus quindecim nondum euolutis, tanquam exauditus à Domino, cœpit aliquantulum rigorem persentiscere, æstuq; febrili fatiscens, infra dies paucos in Domino feliciter obdormiuit. fidenter dicimus, quod in Domino obdormierit, cuius vita laudabilis, & labem nesciens; cuius obitus non minus miraculosus extitit, quàm vniuerso exercitui nostro lugendus. Libet paulisper digredi & vocitatem stilo succinctiore perstringere, vt nec testis desit virtutibus, nec longiore tractatu breuitas affectata turbetur. \* \* \* \*



## REGVM ET PRINCIPVM EPISTOLÆ.

EPIST. I.



*L*lustri viro *LVDOVICO DEI gratiâ Regi Francorum, deuotissimo domino suo atque diligentiſſimo, R. eadem permiſſione Princeps Antiochenus, licet indignus, salutem & dilectionem.* Oppressiones & paupertates huius terræ, excellentissime Domine, frequenter audistis, & nî *DEVS* auerrat, frequentius auditurus estis. Quâ paupertate & anxietate sustineatur, vobis linguâ nec manu dicere vel scribere possumus: quamuis benigna *DEI* clementia temporibus nostris ampliata sit. Aures quidem omnium Christianorum cotidie apertæ sunt & erectæ, per nos liberationem expectantes; & interrogantes, sicut *Iohannes* in vinculis positus redemptionem *IESV CHRISTI* per nuntios ab eo interrogabat. Sciens verò cor vestrum ad liberationem huius Terræ esse sapius intentum, cotidie ad *DEVM* pro vestra exaltatione flexis genibus orant, vt ipse sicut velle, sic posse vobis præstare dignetur, in manibus cuius corda regû sunt, vt terra hæc per vos visitetur & à manibus impiorum liberetur. Ego autem de vestris naturalibus hominibus natus & nutritus, ad iussum vestrum adimplendum paratus sum. Sunt etiam hîc duæ filiæ Principis Raimundi; quæ ad nobiles annos peruenire, facie & corpore nimis pulcherrimæ, pro quibus Excellentiam vestram humiliter imploramus, quatinus eas in terra vestra ad honorem generis earum, nuptiali

priali copulâ viro dare dignemini. quia in hac terra arduitate eiusdem terræ, & earum consanguinitate maritare non possemus. Præterea vestram exoro humiliter discretionem, quatinus de patrimonio meo, quod mihi & meis iniuste & vi, & etiam sicut omnibus procul dubio patet, abstulerunt, ut ius & ratio postulat, sic deducere dignemini. Esse vestrum quod audire desideramus, sapius nobis dilectio vestra rescribere dignetur. Nos autem per misericordiam DEI sani & incolumes sumus. *Milo de Nealphis*, miles & homo vester, vobis apertissime esse huius terræ ore narrauerit.

- 10 **L**VDOVICO potentissimo domino, DEI gratia Francorum Regi gloriosissimo, Gibertus CHRISTI pauperum seruus, & DEI pietate Hospitalis Ierusalem Magister, salutem cum omni conuentu fratrum, & seipsum in CHRISTO. ii.
- 20 Notitia nostræ infirmitatis Dominus agnouit, domine pie Rex, quod res & possessiones quas Peregrini sancto desiderio iter Hierusalem arripientes, causâ videndi sanctâ CHRISTI Resurrectionē sub vmbra manus vestræ, saluas & illæsas consistere. Iccirco Altitudine vestræ supplicamus, quatinus de quibusdam malefactoribus, qui terram cuiusdam probi viri, videlicet *Guillermi de Donperre* incendio eorum perueritate cremauerunt, ipso Hierusalem permanente. talem inde iustitiam placeat facere, quod alius qui audierit, amplius non præsumat consimile. Valete.

- A**. Gratiâ DEI Romanæ ecclesiæ summo Pontifici, Hugo ecclesiæ beatæ Mariæ Andrianopolis Abbas, licet indignus; nec nō & Petrus sancti Iohannis Constantinopoleos Hospitalis Prior, obedientiam & obedientiæ obsequium. iii.
- 30 Cū non solum sanctitatis vestræ fama, immo & cooperatrix CHRISTI gratia, vniuersos sanctę fidei cultores cogat & te iure venerari patrem, & per omnia vestris obtemperare præceptis, nos & debitæ subiectionis caritatē, & vestræ bono famæ odore excitati, in remotis regionibus inter extraneos ad ecclesiæ firmitatem, & vestræ dignitatis honorem desudamus: ne pestis præsens inficiat ecclesiā, aut in nostro tempore vacillans titubet ecclesiā; vel vestræ dignitatis inter Orientales adnichiletur reuerentia. Sciat igitur Sanctitas vestra nos apud beatum *Ægidium*, post sex mensium, à Ianuarii scilicet principio vsq; ad Iulii initium, tam regionum quàm marium continua & innumerabilia pericula, in expeditione sancti & semper Augusti domini nostri Imperatoris, & vestræ dignitatis legatione aduentasse. Sed fatigatione corporum & diuersarum incurfione aduersitatum attriti, longioris viæ iter, absque nostrarum virium defectu aggredi non valemus: vnde sanctitatem vestram obnixè flagitamus, ut laboris nostri ægritudine compatiendo, quid & qualiter sit agendum nobis insinuetis. Habemus enim quædam personæ vestræ dictu accommoda & ad vtilitatem respicientia, quæ non licet alteri nisi vestræ sanctitati intimare, & nobilissimo Regi Franciæ. Valete.
- 40

- L**VDOVICO per DEI gratiam Francorum Regi gloriosissimo, Amalricus per eandem Ierosolimorum Rex, salutem. iv.
- 50 Vestræ credimus innotuisse Serenitati, karissime, multorum ex relatione veridica, quoniā, postquam peccatis nostris exigentibus, Princeps Antiochenus à Turcis captus fuit, & omnes sui aut captiuitate aut morte perdit & pessundati sunt, ex improviso superuenit repentinus interitus. A seculo etenim inauditus terræ motus, castella, turres, municipia, omnia ferè tam in montanis quàm in planis, tam in Antiochia quàm in omnibus ei adiacētibus, tunc in planis, tunc in mōtanis, solo adæquauit, & innumerabilē, pro dolor! Christianorum vtriusque sexus multitudinem, morti improviso addixit, & extinxit, & ut verius dicam, terratenus absorbit. Ad cumulum autem miseriæ & in summam desolationis omnimodæ, viam vniuersæ carnis ingressus est, heheu! ille Rex inclitus & egregius, clipeus & fortitudo, post DEVM, ecclesiæ Orientalis, & præcipuè Regni Ierusalem vnica & irrefragabilis spes & fiducia salutaris, vester vestriq; Regni præcordialis, nosterq; dominus & frater Rex Christianissimus

*Baldwinus.* Cuius idè inconfolabilior & vehementior est transitus, dolor & defolatio, quòd DEO auctore, in ipso & per ipsum omnium vniuersitas Christiana habebat promptum adiutorium, & contra singula infestantia sufficientiam. Inde inde est nimirum, dilectissime, quòd vestra maiestati tanquam lineamenta de capite pendentia inclinantes, sustentamētum nostrū & fidei Deificæ basem æneā inexpugnabilemque ciuitatem, serenitatem vestram fore in CHRISTO cognoscimus; & humilitatē nostrā, vestram esse curā peculiarem in Domino profiteamur. Quæ ergo vel quāta fuerit veræ karitatis habūdātia & perfectio in piæ memoriæ amico vestro Rege Ierusalē prætaxato, DEI pro causā & illius inuictissimo amore, in nostra nunc omnibus appareat & ecclesiæ Orientalis desolatione. Sicut enim de prædecessorū 10 vestrorum & totius prosapiæ vestræ piissima intentione verissimè didicit sanctitas vobis innata, ex more & proposito laudabili, semper cōsuevit Regnum cui præestis in Domino, ciuitatem sanctam & regionem ei vniuersam adiacentem, & vniuersos fidei catholicæ caractere insignitos, protegere, fouere, manutenere ac corroborare. Si itaque Spiritus consilii Serenitati vestræ magnificæ inspirauit velle iterum, ad maiorem coronam vestri, visitare locum vbi steterunt pedes Domini corporaliter, modò instantèr saltem in hac Christianitatis magnæ necessitate & anxietate multimoda, venire non denegetis, nec differatis. In vestra sanctitate enim omnium vota conueniunt; & pro nutu vestro & amico imperio, nos & regnum nostrum totum 20 cōsidabimus dignè DEO. De cætero vestra commendamus paternitati præsentium latorem, magnæ honestatis virum, & venerabilem, *Manissria Archipræsulem*, ad omnia benè agenda strenuum: quatinus eum benignè recipiatis, & ei sicut ori nostro credatis. Illi enim, ne epistolarem excederemus breuitatem, secreta nostra vt vobis viuā voce edisserat, commisimus. Valete.

v. **A.** DEI gratiā sanctæ resurrectionis ecclesiæ Patriarcha, karissimo filio LVDOVICO eadem gratiā illustri Francorum regi salutem, & cunctorum hostium triumphum. Quoniam paterni regni solium conscendere vos fecit Diuina dispensatio, pro gratia vobis collata Diuinam interpellamus clemē- 30 tiam ante passionem & resurrectionem DEI & Domini nostri IESU CHRISTI, vt idem DEVS & Dominus noster vitam vestram prosperè prolonget ac foueat, & post huius vitæ terminum vitam vobis tribuat sempiternam. Quia verò sub vestra tutela pauperes CHRISTI quietè conuersari & fructificare cognoscimus, pro filiis nostris pauperibus leprosis qui extra muros Hierusalem perpetuo infirmitatis suæ detinentur & dampnati sunt carcere, de quorum cruciatu & ardore non tantum dicere possumus, quantum oculis vestris vidistis: sublimitatem vestram rogamus attentius, commēdantes vobis latorem præsentium eorundem pauperum fratrem, quem Excellentiæ vestræ pro sua necessitate transmittunt: quatinus ea audita, pro- 40 ut vobis visum fuerit, & DEVS vobis inspirauerit, eorundem necessitati, qui humani aspectus & humanæ prorsus laticiae sunt expertes, occurrere dignemini, vt pro his & pro aliis beneficiis à remuneratore bonorum omnium DEO, & in præsentī victoriā, & post peractam temporalis regni administrationē, æternæ beatitudinis accipere mereamini portionem. In præfato siquidem loco ex diuersis mundi partibus infirmorum & pauperum DEI circumfluit multitudo. Et quoniam ad sustentandam eorum miserabilem & inopem vitam, multa eis sunt necessaria, & multorum euidenter indigent auxiliis, Orientalis ecclesiā multis tribulationibus & Paganorum incurfionibus oppressa, eis ex toto in necessitatibus subuenire non potest. Vnde benefactores eorum vniuersos, omniū orationum & beneficiorum vestrorum, & eorum maximè quæ in sancta ciuitate Ierusalem fiunt, & de cætero fient, 50 participes & confortes facimus.

vi. **A.** DEI gratiā sanctæ resurrectionis ecclesiæ Patriarcha, karissimo in CHRISTO filio LVDOVICO, eadem gratiā Gallia victorioso & illustri, ab eo saluari qui dat salutem Regibus. Sincera quā vos amplectimur veræ caritatis dilectio, & debita Patriarchalis officii quæ nobis incumbit sollicitudo, nos compellit

compellit & ammonet ecclesiis nostris prouidere, & in quibus secundum DEVM possumus, totius Christianitatis profectibus & vtilitatibus inuigilare. In medio siquidem nationis prauæ & peruersæ positi, ab infidelium tyrannide singulis ferè diebus impugnamur, & assiduas inimicorum Christiani nominis insidias & pericula sustinemus. Quanto igitur maiora & viciniora nobis imminet pericula, tantò magis nos prouidos & sollicitos oportet, & ab illis consilium & auxilium quærere, qui & habundant, & conferre nouerunt, & dare consueuerunt. Habemus autem in finibus Patriarchatus nostri in ciuitate *Pancadenfi*, quæ dicitur *Belinas*, ecclesiam quandam tam reuerenda venerandæ antiquitatis  
 10 antiqu. celebrem, quàm multis & multorum miraculorum insignibus decoratam & exaltatam. Quæ scilicet Ecclesia in illo loco *Cæsarea Philippi* olim fundata fuit, in quo primum & solum CHRISTVS filius DEI viui, à Petro Apostolorum vertice per fidei rectæ confessionem manifestissimè prædicatus & declaratus est, cum præ omnibus & pro omnibus proclamauit: *Tu es CHRISTVS filius DEI viui*. In quo etiam loco huius beatæ confessionis retributionem audire ex ore Dominico sibi dicente: *Tu es Petrus, & super hanc Petram edificabo Ecclesiam meam*; & clauis Regni cœlorum, potestatemque ligandi atque soluendi recipere, ipse promeruit. Hæc igitur ecclesia quondam tam inclita & omni veneratione & obsequio digna, à Turcis Christiani nominis inimicis, nunc ferè euersa; &  
 20 peccatis nostris exigentibus tam illustis olim, tam præclara ciuitas, quæ nostræ Hierusalem propugnaculum & antemurale cunctis fidelibus esse dinoscitur, nomen inane duntaxat remanet. Est enim in spurcissimæ gentilitatis sita confinio, & barbarâ ferocitate ipsius impugnata, & assiduâ captiuitate & morte filiorum suorum, optimis quibusque destituitur, & minorata singulis ferè diebus periclitatur. Nouissimè autem temporibus nostris suscitauit DEVS spiritum serui sui I. venerabilis fratris nostri in eadem ciuitate de nouo ordinati & constituti episcopi, qui multo corporis labore, multâ rerum suarum impensâ, eandem ecclesiam ad pristinum statum reuocare cupiens, per varia pericula maris & terræ transitum faciens, ad genua caritatis vestræ tandem elapsus est, vt calamitatem & men-  
 30 ditatem tantæ & tam reuerendissimæ ecclesiæ vobis insinuet, & condonationes & relaxationes quas consilio venerabilium fratrum nostrorum Archiepiscoporum, Episcoporum, Abbatum quoque & Priorum ad tantam ecclesiam reuelandam fecimus, vobis ostendat. Ea propter regalem Maiestatem vestram assiduis precibus humiliter exoramus, quatinus venerabilem fratrem nostrum prædictæ ciuitatis Episcopum, quem honestas & probitas ipsius satis commendat, DEI gratia & nostra reuerentia benignè recipiatis & honoretis, & in suis iustis petitionibus eundem misericorditer exaudiatis. Valete.

40 **D**omino suo LVDOVICO DEI gratiâ Francorum Regi, R. Dux VII.  
*Narbonæ, Comes Tholosæ, & Marchio Prouinciæ, debitæ fidelitatis obsequium.* Pro negotio super quo Legati Imperatoris Constantinopolitani, cum nostris ad honorem Regni vestri, sicut credimus, nobiscum conuenerunt, Legatos nostros cum Legatis domini A. summi Pontificis, ad Græcorum Imperatorem transmisiimus. Porro discretionis nostræ placuit Legatos nostros ab itinere ad vestram præsentiam euocare. Vnde quia in omnibus vestri consilii prudentiam nobis ducem præfiximus, & vestram sequentes auctoritatem Legatis Græcorum nos obligauimus, precamur iterum, quoniam iam sera esset pœnitentia, excellentiam vestram Regiam, vt tales Legatos ad Imperatorem Constantinopolitanum mittatis, per quos negotium speratum ad gloriam & securitatem Regni vestri, DEO propicio ad effectum valeat perducere, & ad nos optata commoda peruenire. Interuentu namque & instantiâ discretorum & fidelium Legatorum consueuerunt magna & ardua negotia optatum  
 50 & prosperum finem sortiri.  
 Valete.

VIII. **L**VDOVICO DEI gratiâ excellentissimo Francorum Regi, R. de Balneo, de numero fidelium Domini, E. Constantinopolitani Imperatoris semper Augusti, sincera fidelitatis obsequium. Legationis negotium super quo Adrianopolitanus Abbas, & Prior Hospitalis Constantinopolitani, cum legatis domini R. sancti Aegidii Comititis, vestram visitauere præsentiam: mihi cum eis pariter tanquam Imperii fidelissimo à domino meo E. inclito & sancto Imperatore iniunctum fuit. Proinde quia ipsi apparatu meo & prouidentia, iam ad dominum meum Imperatorem marino itinere redire cœperunt, fidelitatis debito, quam vobis exhibere tanquam domino desidero, confidenter consulendo rogo, & rogando consulo, ut Legatos vestros & litteras ad dominum meum E. Imperatorem sanctum, sine cunctatione & mora, mittatis. Scio enim quia fraterno amore & germanâ caritate personam vestram, honorem regni vestri, & gloriam diligit, & indissolubili vinculo & germano consortio vobis sociari & vniri exoptat. Viuat & valeat per multa tempora sublimitas vestra, & me inter fideles regni vestri numerare dignetur.

IX. **L**VDOVICO DEI gratiâ Regi Francorum illustrissimo, à priscis iam temporibus sibi dilectissimo. A. per eandem gratiam Ierosolimorum Rex, salutem & veri amoris inditium. Quoniam à longe retro temporibus Terram sanctam Hierusalē, regniq; Hierosolimitani exaltationem, cordi vobis fuisse nouimus, piam Serenitatis vestræ deuotionem humiliter exoramus, ut quod diu gestastis in corde, adimplere curetis opere, & prædictæ Terræ subsidium prouidere, mente sollicitâ studeatis: Et negotii illius pro quo venerabilis Archiepiscopus Mamistr. Galliarum partibus destinatus est, memores sitis, quoniam in instanti plus quam linguâ queat exprimi, necesse est fieri. Præterea ex quo Mamistrensis Archiepiscopus à nobis discessit, fertur cotidie Imperatorem aduenire. Qui statim cum venerit, verentur omnes Orientales vnâ nobiscum, absque omni dubio ipsum illam habere, quoniam in tanta debilitate prostrata succumbit, quod non aliunde sibi venerit auxilium. Eandem Antiochiam Turcis aut Græcis cedere indubitanter necesse est. Mente igitur deuota, corde sollicito, cursu concito Imperatorem illum de quo magis timemus, præuenire studeatis: quia non in terram alienam, verum in eam quæ in omnibus & per omnia vobis erit exposita venietis: Et tam nos quam omnes alii iussionibus vestris obtemperabimus.

X. **L**VDOVICO Diuinâ gratiâ illustrissimo Francorum Regi, B. de Blancessort eadem gratiâ pauperis Militiæ Templi Magister dictus, cum vniuerso eiusdem Militiæ conuentu, omnimodum cum debita reuerentia famulatum in Domino. Orientalis regni perturbationem, graues euentus intextos infortuniis, scripto vobis intimare operæ precium duximus, cum prosperorum nuntiandi facultas vniuersaliter ferè nobis denegetur. Ne verò Maiestatem vestram prolixâ inproperiorum nostrorum relatione amaricare videamur, capitulatim vobis ea scribere inuiti compellimur. Ecce persecutores veritatis ac fidei, inspectâ angustiarum nostrarum multitudine, insoliti furoris audaciâ aduersum nos arman-  
tur. Ipsos namque R. Principis Antiochie exaltat captiuitas, cædesque suorum & Magnatum principatus factæ in Principis captione. Hinc ab eis terra depopulata ipsos lætificat. Hinc nutu diuino, nostrorum exigente mole peccaminum, terræ motu dissipatæ munitiones, euersa castella quamplurima, innumerique quos dirutorum murorum collisio oppressit, multiplicato eorum furore aduersum nos multò acrius solito accendit. Ecce iterum prædicta grauia, multa grauiora, ac flebiliora flebilibus nouissimè subsecuta sunt. Rex namque Balduinus, qui omni vitæ suæ tempore, murus sterit inexpugnabilis pro domo Israël, naturæ persoluens debitum, viam vniuersæ carnis ingressus est: scilicet damnum diebus nostris incomparabile. Hæc & his similia Ecclesiæ persecutores attendentes, ab extremis eorum finibus in vnum conueniunt, quasi vir vnus, aduersus Sanctuarium DEI, delere de terra memoriam nostram: Ecclesiamque fidelium, quod absit, infinitæ eorum multitudinis oppressione deprauare conantur. Super hoc DEI ac vestrum auxilium, consilium & sub-  
sidium

sidium, ingemiscientes postulamus. Regnum etenim Ierosolymitanum licet plurimum propriis viribus destitutum sit, necesse tamen est quatinus Antiochiæ principatui omnino desolato, manum consolationis extendat; viresque quas, ut ita dicam, non habet, viriliter largiatur. Sed quid egenti præstare poterit, qui egestate afflictus in seipso angustiat? Oppressionem igitur Orientalis Regni, & Ecclesiæ, ipsa conscientia vestra diligenter inspiciat, in Passionis Resurrectionisque loci subsidium inflammetur. Oramus obsecrando quod possumus: quod ipsi quærimus, Dominicæ à nobis locus impetret resurrectionis. Singula improperiorum nostrorum, attenuationis nostræ, elationis inimicorū Passionis ac Resurrectionis **CHRISTI**,  
 10 malorum vobis scribere numerositas impedit: quæ nos latorum præsentium, scilicet fratrum nostrorum relationi fideliter commendauimus, ac sub eorum testimonio reseruari dignum credidimus.

**L**VDOVICO DE I gratiâ illustrissimo Francorum Regi, B. domus Templi Magister dictus, quamuis indignus, cum eiusdem domus conuentu, seruitium cum dilectione. Nobilitati vestræ notum fieri volumus, quod dominus *Guillelmus de Donner* postquam ad Orientales partes transfretauit, ut Dominicum visitaret Sepulchrum, ceteraq; oratoria circuiret, quidam eius vicini suam terram crudeliter inuaserunt, igne eā pessimè deuastantes. Vnde Serenitatem vestram modis omnibus deprecamur, quatinus hoc, quātum ad vos pertinet, fieri non permit-  
 20 tatis; sed ultionem in eos qui hoc præsumunt, faciatis: ut ceteri vestrā iustitiam audientes, tantum scelus ulterius committere nō attemptent. Magnum siquidem detrimentum in hoc poterit Orientalis Ecclesia sustinere: quia multi sic sua perdere metuentes, transfretare dubitabunt. Maiestati vestræ grates indefinenter exsoluimus de beneficio nobis & fratribus nostris impenso.

**I**llustrissimo atque excellentissimo domino LVDOVICO, DE I gratiâ Regi Francorum benignissimo, Gilbertus eadem gratiâ sancti Hospitalis Hierusalem custos, licet indignus, cum omni fratrum conuentu, salutem, & sacrarum orationum Hierusalem æternam participationem. Inter cætera caritatis opera quibus ad Regna fit ascēsus cœlestia, *Elemosina* præcipuè summum locum obtinet, omni tam Veteris quàm Noui Testamenti pagina verum super hoc perhibente testimonium. Huius itaque deuotionis intuitu, regalis vestræ Maiestatis magnificentia Spiritu sancto diuinitus illustrata, sanctissimam domum pauperum Hospitalis Hierusalem, placentem DEO & per omnia acceptabilem, deuotè diligere, man-  
 30 tenere, vestrarumque beneficiis elemosynarum largâ manu ditare ac recreare semper consuevit. Super quo non est dubium quin propter sincerum vestræ benignitatis affectū, quem specialiter pro regno cœlorum adipiscendo erga DEVM,  
 40 & erga omnia quæ sibi pertinent, in toto regno vestro consistentia, caritatiuè exhibetis. Tot barbaræ gentes, tantæque diuersorum populorum nationes, vestræ de die in diem subiungentur ditioni. Dignum enim & iustum esse iudicamus, ut qui DEVM diligit, eiusque mandatis puro corde obtemperare nititur, in bonis & de bonis Domini gaudeat, teneat, atque victoriosè possideat. Si enim protoplastus *Adam*, quia inobediens fuit voci Dominicæ, mundum cum omnibus in eo creaturis aduersarium atque contrarium sibi habere promeruit: ita si aliquis fidelis volun-  
 50 ti Domini bene obediens aliquando inuenitur, quod rarò contingit, tam mundum quàm omnia mundana beneplacito suo debet habere subiecta, & sine omni obstaculo inuenire parata. Ut igitur diuinæ bonitatis clemētia, sine cuius nutu nihil boni fieri potest, hæc prædicta, Rex illustrissime, iuxta vestri affectum animi, concedere dignetur, DEVM semper præ oculis habere, & ea quæ DEI sunt in Regno vestro salua & secunda custodite: & præcipuè & specialiter prædictam domum sanctorum pauperum Hospitalis Hierusalem, in qua verè **CHRISTVS** in membris suis suscipitur, sicut vestris aspexistis oculis, diuersisq; modis fertur, solitæ vestræ pietatis more diligite, manutenete, & ab omni hostili manu tamquam bonus patronus protegendo defendite, ut Beatorum precibus & intercessione pauperum, quibus Regnum cœlorum à **CHRISTO** traditum est, in præsentī prosperitatem mentis &  
 GGGGG



corporis, pacem in Regno vestro & tranquillitatem, de hostibus triumphum; & post huius vitæ transitum, stolam immortalitatis cum eisdem pauperibus in regno cælorum feliciter adipisci mereamini. Amen.

XIII.

**L**VDOVICO, *DEI gratiâ Francorum Regi gloriosissimo & incomparabili viro, dilectissimo suo, A. gratiâ eiusdem Hierosolymorum Rex, Salutem & dilectionem.* Lacrimabilem & luctuosum de domino ac fratre nostro inclito Rege B. rumorem, heu heu! vobis per præsentia scripta intimamus, denuitantes vobis, quoniam in die *Scolastica* Virginis, vocatione Diuinâ migravit ad superos. Verumtamen nos Regno ipsius, quod nobis hereditario iure obueniebat, nunc potimur; & sine omni impedimento, atque in bona omnium hominum nostrorum voluntate, in folio Regni nostri cōsolidati sumus. Quia verò, illustrissime, tota Christianitas in Oriente vehementer attrita & grauius solito oppressa, nimium atque nimium laborat, tum ex infortunio *R. illustris* quondā *Principis Antiocheni*, qui ut iam vos dudū audisse arbitramur, rediens ab expeditione, captus fuit, cæsis aut capris ferè omnibus illis, qui in comitatu ipsius erant; tum & ex *terramotu*, qui in præterito Augusto, totius Principatus Antiocheni castella, turres & municipia ferè omnia funditus evertit, soloq; coëquauit. Rogamus serenitatis & celsitudinis vestre, ut pro terra illa quam Dominus suâ corporali præsentia visitare, illustrare & cōsecrare dignatus est; quam etiam ut liquidò cōstat, Regnum vestrum spurciis infidelium potenter eripuit, & cultui diuino vendicauit, sollicitus sitis. Et dum licet atque vacat, notum faciatis omnibus, quo animo, quo cordis affectu, quâ intimâ sinceritate, Dominicum Sepulchrum hucusque dilexistis. Scitote namq; quoniam ab initio, ut à præsentium latoribus certiùs audire poteritis, consilio quidem vestro, & festino auxilio, tantum opus, nec consimile fuit. Et si vobis in mētem veniret Dominicum Sepulchrum adire, non in terram alienâ, verum etiam in eam quæ tota vestra est & erit tempore quidē nostro vobis exposita, proculdubio veniretis. Nos enim ut tantum tamq; sublimem dominum, vos modis omnibus honorare, diligere & omnia quæ vestri iuris aut sunt aut fuerunt. Data ad fontem Sephoria, v. i. Idus Aprilis.

XIV.

**L**VDOVICO *DEI gratiâ gloriosissimo Francorum Regi, & domino suo*<sup>30</sup>  
*Excellenti, B. de Bl'c. eadem gratiâ pauperis Militiæ Templi minister humilis, & totius fratrum suorum Conuentus, orationum munus cum salute.* In venerandæ Celsitatis vestræ præsentia sæpenumero relatū credimus, qualiter, quādiu & quā intentione sub salutiferæ Crucis vexillo & cum domino Rege militauerimus in Ægypto. Si enim sceleratissimus ille *Noredinus*, interueniente *Syraconis* audaciâ regno Babiloniorū ut affectabat potiretur, multiplicatis viribus tātus incumberet *CHRIST*i regno ut per pyriticam clauso mari, periculosum etiā fugæ locum non concederet timidis & ignauis. Ea enim erat intentionum suarum summa, eaq; gratiâ miserat in Babilonē *Syraconem*, ut infinitam Babiloniorum multitudinem,<sup>40</sup> vel vi dominationis, vel simulatæ pacis astutiâ secum efficeret, & in abolitionem Christiani nominis, duo potentissima regna, Babilonis scil. & Damasci fœderaret inuicem. Verum respexit nos desuper Diuina clementia, deditque cultoribus suis *CHRISTVS* noster non incruentam de infidelitate victoriam. Supra memoratus etenim Turchus, quem adipiscendi regni gratiâ missum præsignauimus, *Berbesum* validissimam ciuitatem Ægypti, quam etiam obfirmauerat, & muniuerat triginta millibus bellatorum, in triumphalis tandem Ligni virtute coactus est reddere seruis Crucis, & non sine magno suorum detrimento pulsus est a patria, quam quidem triduo amplius tardante succursu, nullo erat contradicente in dominium possessurus. Nos autem post hæc omnia reuertentes, inuenimus pro peccatis nostris *Ter-*<sup>50</sup>  
*ram* sanctam satis ac desuper desolatam, *Pancademq;* ciuitatem, quā non erat in toto Regno munitior, furto sublatam & redditam Turchis per manus proditorum. *Antiochiam* quoque miseram ac miserabilem, euerisionem sui iam proximam, & stragem suorum incertarrabilem insolabilibus lacrimis deplorantem: de qua quidem iam non est dubium quin aut in Græcorum aut in Turchorum manus veniat, & in proximo, nisi ei Diuina miseratio vestraque Superexcellens immensitas succursum prouiderit festinatum. Neque enim potest Rex noster A. magnus licet,

licet DEO gratias, ac magnificus ad defensionē Antiochiæ & Tripolis, Hierusalem & Babilonis quę seruit eum filiis suis & cui potissimum metuendum est, quadripartitum agmen ingerere: quas omnes potest *Noradinus*, vno & eodem tēpore, si velit, superhabundātibus canum suorū copiis infestare. Proinde nouerit magnitudo vestra dilectum fratrem nostrum, famulum quoq; & amicum vestrū, fratrē *Henst.* canē pro exhoneratione & relaxatione sua cogente corporis infirmitate, totiens supplicasse, vt iā non possemus ei saluā pietate cōtradicare. Mittimus ergo in loco eius præsentialiorem, fratrē *Walterum*, virum prudentē & discretum, geminā quoq; ingenuitate, auorum scil. & morum, benē conspicuum, quē & nos his præsentialibus, 10° tanquam præsentialiter, vobis & mandato vestro committimus & submittimus, & quāsi manu ad manum tradimus: rogantes vt ipsum DEI amore & nostro in agendis nostris, quæ & vestra sunt, vestrā ope fulciatis, & benigno fauore vestro, tāquam famulum vestrum proprium in omnibus & per omnia sustentetis. Nam & ipse sicut diuturnā eius conuersatione cognoscetis, est etiam per se honorari dignissimus.

**L**VDOVICO DEI gratiā Francorum Regi sanctissimo, domino & amico xv.  
*suo max. frater G. Fulcherii domorum pauperis Militiæ Templi procurator indignus, salutem: Mittere rem si quis quā caret ipse potest.* Antiochenæ terræ desolationē, Ierosolymorum turbatum Regnum, graues euentus, importunos casus, Christianitatis plagas continuas, lugubres vobis intimare compellimur, cum 20° prospera nuntiandi desit facultas. Importunitatis tamē & improperii nostri singula, vobis scribere malorū numerositas impedit, dum vix aut nunquam prospera nobis eueniāt. Prætermisā igitur tanti infortunii multitudine, grauiore nostros euentus vobis reuelare satagimus, cū linguam loquentis lacrimæ desolationis impediunt. Anni autē istius, mense Iulio, cōtigit Regem nostrū A. & Magistrum nostrum, ceterosq; Terræ sanctæ proceres fines Babiloniorū intrasse, *Syraconē*, *Noradini* comestabulū qui ad partes illas declinauerat vt eas sibi vendicaret, in *Berbesio* obsedis. Ipso mēse finem dāte, & sequente iā intrante fixerunt ibi tēptoria. Quo audito *Noradinus* indignatus animo & mente cōfusus, eadem tempestate litteris & legatis suis omnes 30° partes quæ nomen ipsius audierant & tremebant contraxit, & castellū quod dicitur *Harenc*, & in finibus Antiochiæ & Alapiæ situm est, olim tumaci & superbiā obsedit. Applicatis machinis & petrarys suis, tot & tantis vulneribus obsessos inuasērunt, vt ferē cibariis & aquā carentes ampliū tolerare non valebant. Cū autem hæc itaq; agerentur, princeps *Buemandus*, qui Antiochiæ præsidebat, curam noui principatus sui viriliter agens, comite Tripolitano & domino *Torosio*, duceq; *Marmistensi*, & de fratribus nostris quam pluribus sibi accersitis, fratres & homines suos, tanquam bonus *Matathia* filius, succurrere proposuit. Tātos etenim milites & Turcopolos & pedites coadunauit, quod nunquam nostris retemporibus ab illis partibus tam pulcra coadunatio fidelīū aduersus infideles armata processerit. Factum est autē dū aduersus Crucis inimicos xii die, exeunte Augusto, armati procederēt, eos in primo cō- 40° flīctu fugauerunt: sed in multitudine gentiū cōfili & plurimū resistētes, nostros sustinuerunt & disconfecerunt, Principem & Comitem ceperunt, licet multi eorum corruissent in gladio. Quid vltra? victoriam habuerunt, sed cruentam. Præterea huc atque illuc per terram discurrentes *Harenc* ceperunt & Antiochiā obsederunt. Non est enim qui eorum immanitati resistat: de sexcentis militibus & duodecim millibus peditum, vix pauci qui nuntiarent euasēre. Eleuatum igitur cornu inimicorum nostrorum, humiliata est in laboribus virtus nostra. Supplices etenim flexis genibus cordis, caritatis vestræ pedibus prouoluti, à liberalitate vestra auxilium postulamus & expectamus. Interpellet vos ipsa conscientia vestra, moueat vos sin- 50° ceræ caritatē affectus, Redemptionis nostræ locus, Terra sancta, Vrbs fortitudinis, Ecclesia primitiua. Semel ac sæpius vobis talia mandauimus, nunc autem impen- sius ac impressius. Nobis equidem orationes, ac rogare: vobis autem operationes ac rogata perficere Diuina gratia præstitit.

**L**VDOVICO per DEI gratiam Francorum Regi excellentissimo, patri xvi.  
*in CHRISTO karissimo. A. per eandem Hierosolimorū Rex, salutem*  
*& ab eo qui omnium Regum est Rex, regi.* Quoniam ex Regia maiestate vos  
 GGGGG 2

posse scimus, & ex deuotione piæ voluntatis vos desiderare non ambigimus, omnibus necessitatem patientibus auxilii vestri interuentionem proficere, idcirco per præsentia scripta, deßendā omnibus Christianorum qui in Terra sancta Hierusalem sunt, ereatis Turcorum cornibus depressionē, sublimitati vestræ, licet eam iam forrē audieritis, exponere dignū duximus. Nobis apud Ægyptum cum *Syraceno* dimicantibus, & per virtutem Dominicæ Crucis inde eum, maximē si ibi permansisset vniuersitati Christianitatis nociturum, expellentibus, factum est vt *Comes Tripolitanus* & *Princeps Antiochenus* cum multo exercitu ad liberandum castellum prope Antiochiā situm, nomine *Haring*, quod *Noradinus* cum innumera multitudine obsederat, irent; & auxilio Diuino hostibus eorum aduentui cedentibus liberarent. Accidit 10 autem vt dum præfati Princeps & Comes, non contenti tanto DEI beneficio, superbē hostes ad loca naturaliter munitissima insequerentur, ipsos ab hostibus capi, & omnem ferē eorum exercitum partim capi, partim occidi. Additus est præterea huic dolor dolori. Nam traditorum manus, præfato Noradino, cum adhuc in Ægypto essemus, *Panudium*, quod vulgo *Belinas* dicitur, tradiderunt. Sic itaque quasi in angustia pendulo, sancta laborans Terra, vestrum & vestrorum potissimum, quod sibi efficacissimum fore speramus, nobiscum implorat auxilium. Valete. Dat. Antiochiæ secundo Id. Ianuarii.

XVII. **E**Xcellentissimo Regi Francorum, H. non nunc, sed quondam Prior de mon- 20  
te Thabor, licet indignus, S. intimaque dilectionis effectum cum salute in  
CHRISTO. Quoniam sui est vniuscuiusque est, domino suo status & feriem  
habitudinis suæ literis declarare: Idcirco mea epistola, quamuis magna inter sit  
locorum distantia, prætulit ad vestras posse venire manus: & nihil est de quo lætior esse  
queam qua vsque ad vestri præsentiam, DEO concedente, superuenerit. Confide-  
rato à minimo etiam vestræ Curia clerico. Sciatis me in Curia domini Imperatoris  
Constantinopolis præ omnibus suis familiaribus primatum tenere, ibiq; quoniam  
vestrorum minimis præsentialiter nequeo famulari, cū omnia affluentia bonorum  
plurimum egere. Et inde est, quod flexo capite vestram imploro beneuolentiam, vt 30  
Imperatori Cōstantinopolitano vestras litteras mittere dignemini, quatinus ad vos,  
vt ad meum carissimum dominum, omni occasione remotā, me venire dimittat: &  
si vnquam aliquod seruitiū quod vobis placeret fecerim, modō maximē appareat.  
G. etiam & R. de Merlo, mei videlicet propinqui, flexis genibus vestræ beniuolentiæ  
integritatem expostulant, vt quod vobis litteris meis manifestatur, facere non de-  
dignemini. Et insuper vestri nominis Excellentiam efflagito, vt huic baiulo quā  
citius poterit ad me reuersuro, non tamen pro mei merito, sed pro vestri clementia,  
manu aliquantulum largā subuenire faciat. Valete.

XVIII. **I**llustrissimo DEI gratiā LVDOVICO Regi Francorum, P. frater Iero- 40  
solimitani Hospitalis, & Prior ecclesiæ Beati Ioannis Constantinopoleos, nun-  
tiæque sanctissimi Imperatoris. E. N. & vtriusque vitæ felicitatem. Noscat  
Celsitudo vestra, domine reuerentissime, quod ex parte domini nostri Imperatoris,  
ad vos propriē missi sumus, & ex præcepto Imperiali habemus quatinus vestram ci-  
tius quam domini Papæ visitemus præsentiam. Quapropter vestram obnixē depre-  
camur benignitatem, quatinus velitis ac præcipiatis vt secundum dispositionem do-  
mini Imperatoris hoc implere valeamus absque scandalo domini Apostolici, quia  
nuncius eius nobiscum est, & ad Curiam illius nos primitus ire compellit, quod  
nullatenus donec vestram videremus Maiestatem, faceremus. Valeat diu Celsitu-  
do vestra. 50

XIX. **I**nuidissimo DEI gratiā LVDOVICO Francorumque piissimo Regi, A.  
eadem gratiā sanctæ Dominicæ Resurrectionis ecclesiæ Patriarcha, unā cum  
N. Priore & vniuerso Canoniorum inibi DEO famulantium conuentu, sa-  
lutem & debitas orationes in CHRISTO. Piæ Celsitudinis vestræ bonitas  
& mansuetudo, famā loquente, vt experti sumus, vobis veraciter innotuit, quod in  
causa seruorum DEI studiosē concurrat, & religiosis viris sinceritatis suæ solatia  
submini-

subministrat. Inprimis igitur libertati vestræ immensas gratiarum actiones persoluimus, quia sicut multorum relatione suscepimus, res Dominici Sepulchri cuius serui sumus, licet indigni, amoris respectu Diuini vbique quantum potestis, augere non desistitis. In his ergo quæ ad DEVM sunt ante sacrosancta loca Passionis & Resurrectionis Dominicæ iugiter pro vobis existentes, fraternitatis nostræ ac beneficiorum nostrorum vos confortem statuentes, dilectum fratrem & Canonicum nostrum S. latorem persentium, benignitati vestræ propensius commendamus, humiliter rogando, quatinus ei ob reuerentiā gloriosissimi Sepulchri, in quibus indiguerit, auxilium vestrum largiri dignemini, & tam eū quàm res sibi commissas suo vestra Sublimitas fauore manutenere dignetur. Insuper vestræ probitatis excellentiam obnixè deprecamur, quatinus prædicto S. canonico, Hospitale quoddā vel alium quemlibet locum sub protectione alarum vestrarum, vbi ad honorem Dominicæ Resurrectionis refugiū habere possimus, pro salute animæ vestræ, omniumque nobilium parentum vestrorum, concedere dignemini. Valeat tantus Rex fortissimus.

**E**Xcellentissimo atq; magnifico Regi Franciæ LVDOVICO, Hugo DEI gratiā sanctæ Mariæ Adrianopolis Abbas, & Prior sancti Iohannis Constantinopolis, eius fidelissimi, Salutem, & in regimine sibi commisso, placere summo Reſtori. Non lateat personā vestrā magnitudinis, pater reuerendissime, quia si importunitas tēporis non sic nos cōstringeret, nos egressi essemus ex partibus prouinciæ. Sed sciatis in rei veritate quoniam galeæ paratæ sunt apud *Narbonam*: & propter rumorem, nolumus vt veniant apud *sanctum Egidium*, quia nolumus vt omnibus pateat iter nostrū. Nunc verò noscat magnitudo vestræ maiestatis, pater reuerētissime, quia multum cōtristati sumus, quia vidimus nuntios vestros sine literis ad *Regem Siciliae*. Quia vos benescitis quoniā nos ituri & reuersuri sumus per ipsum cum pecunia, & per aliam viam ire nec reuerti possumus. Et istud est negotium Regis Siciliae, sicuti Imperatoris & vestri; & benescimus quia vos diligitis eum. Vnde rogamus personam vestrā magnitudinis, vt per nuntios vestros dirigatis ei litteras tales quod sint honorabiles vestro Regno & sibi; & sic credat Legatis vestris quasi si vos loqueretis cū ipso. Et, si placet vestræ magnitudini, mittite nobis litteras quā citius poteritis, vt nobiscum possimus deferri per præsentium latorem litterarum; & nec vnum diem morā faciat vobiscum. Valeat Celsitudo vestra sanctissima.

**L**VDOVICO per DEI gratiam Francorum Regi serenissimo, patri & amico suo karissimo, Amalr. per eandem Hierosolimorum Rex, salutem. De vestræ paternitatis clementia & regno vestro specialiter sperat sibi auxilium & consiliū Orientalis Ecclesiæ toti Christianitati lugubris miseria. Inde est nimirum quod de innata vobis benignitate plurimum confisi, cū pro omnibus Terræ sanctæ deuotis vestræ supplicamus paternitati, præcipuè pro fratribus Templi, vestram exoramus Maiestatem, quatinus solito more illos commēdatos habeatis continuè, qui cotidie moriuntur pro Domino & seruitio, & per quos possumus, si quid possumus. In illis enim tota summa, post DEVM, cōsistit omnium eorum quæ sano fiunt consilio in partibus Orientis. Vnde quicquid eis fecerit Regia vestra Maiestas, & muniflua dextera pietatis, nostræ personæ idipsum maximè æstimetis vosuos impendisse. Valet.

**L**VDOVICO DEI gratiā inclito & venerabili Regi Francorū, domino suo karissimo, Bertr̃. de Blancafort eadem gratiā Militiæ Templi Magister dictus, de regno ad regnum feliciter transferri. Quot & quanta nobis & prædecessoribus nostris de munificentia vestræ largitate collata sunt beneficia, si per singula persequi temptabimus, nec littera poterit, nec lingua sufficere. Nam cū ab ineunte ætate vestra liberalitas circa domus nostræ propagationem laboriosa deuotione studuerit, adhuc, DEO gratias, in eodem suo tenore perdurat, DEO propitio & vitā comite in posterum duratura. Et vt retroacta tempora replicemus, rarò vel numquam inuenietur sancta deuotio destitisse, quin semper aut sua nobis propensius ingereret, aut aliena benigni sui fauoris assertionem nostris vli-

bus applicaret. Pro quibus omnibus reuerentia & honorificentia fratri *G. Fulch.* à vobis exhibita, quia grates condignas referre non possumus, referendas illi soli cōmittimus, qui quod oculus non vidit, nec auris audiuit in æterna recompeniaturus est claritate. Idem namque frater, *G. Fulch.* in vniuersitatis nostræ præsentia genibus prouolutus, vestram circa se studiositatem tantis extulit præconiis, vt penè intra credulitatem, & supra admirationem fieret vniuersis. Vnde & hîc & vbique nos & nostra omnia, vestræ supponimus & exponimus voluntati. De cetero super oppressione Sanctæ Terræ, & maximè *Antiochiæ* quid loquamur? ad quos ibimus? quos imploramus? Vobis enim totiens dictum est, vt sit facilius repulsam ex tædio quàm ex pietate lacrimas promereri. *Antiochiæ* tamen res adeò contracta 10  
 \* & ad tantam redacta sunt paupertatem, vt ad eam recipiendam in suam collectis vndique copiis venire velit & accingatur Imperator. Quippe ea namque per tot infortuniorum gradus ad hanc seruitutem perducta est summam, vt immanitati Græcorum seu Turchorum ad primum concursus pateat exposita. Adhuc tamen ad vos respicit misera mater & Apostolica sedes *Antiochena*, amiritudine & mœrore confecta. Valete.

xxiii. **L**VDVICO per *DEI gratiam Francorum Regi gloriosissimo, & amico suo serenissimo, Amalricus per eandem Ierosolimorum Rex, salutem.* Quoniam vestram personam & regnum vestrum diligimus, & vobis seruire parati sumus, & specialiter de vobis & de regno vestro speramus, successus nostros vestræ notificare Maieitati dignum duximus. Sciat ergo vestra excellentia quòd intrauimus *Ægyptum* cum gente quam habere potuimus. Terram enim nostram pro posse nostro munitam pro *Noredino* reliquimus, qui omnes quos potuit euocauerat à *Baldac* & ab *Eufrate*, & ab omnibus terminis eorum. Ante ciuitatem verò *Ægypti* nobilissimam quæ dicitur *Bulbeis*, congressi fuimus, cum *Ægyptiis* turmis vtrinque dispositis, & fronte ad frontem locatis. DEVS autem, cuius non est victoria in multitudine, multitudinem inimicorum suorum conuertit in fugam, & infinitis morti datis, & de melioribus & maioribus terræ multis captis, in campo illo pernoctauimus. In crastino autem ciuitatem prænominatâ assiluius mirabiliter, & nisi per interpolationem fluminis *Paradisi*, qui ex improviso nobis superuenit, sicut singulis annis solitus est, impediremur, sicut speramus vrbs illa vel caperetur vel redderetur. Si igitur ex solito nos virtus vestra magnifica adiuuare voluerit, DEO dante, ex leui poterit *Ægyptus* sanctæ Crucis caractere insigniri. Valete. 30

xxiv. **L**VDVICO *DEI gratiâ gloriosissimo Regi Francorum, domino suo karissimo, frater Gaufr. Fulcherii Ierosolimitanæ domus Præceptor, salutē.* Sicut extincta parum fideliter incendia maiore tandem flammâ reuiuiscunt, sic disconfectus à nostris paulò ante *Noradinus* transiit ipse *Eufraten*, *Persas*q; ac *Turquemanos*, *Niniuitas* ē. & quicquid gentium ab extremis vsque finibus, suscitatur in sui pudoris ultionem. Collecta q; multitudine tam inæstimabili, *Herennium* oppidum cepit in *Antiochenis* finibus obsidere. Quod intuens bonæ indolis adolescens noster *Boam.* iam Princeps, & magnum illum genitorem suum referens, tantæ multitudini non formidat occurrere; & dum eis in paterna virtute congregitur, occulto DEI iudicio deuictus captiuatur; quodque sine lacrimis dicere non debemus, ipse & Comes *Tripolitanus*, cum Duce *Mamistra*, dominoque *Vg. de Lexiniaco*, & aliis quamplurimis, Alapiam ducti incarcerantur: reliquus autem exercitus, magnus licet ac metuendus, cæsus aut captiuatus ferè totus. Sed & de fratribus nostris ceciderunt in ore gladii L X. milites fortissimi, præter fratres clientes & *Turcopolos*; nec nisi septem tantum euasere periculū. *Antiochia* siquidē, amissis bellatoribus suis à primo 50  
 ad ultimū, tota patet. Quippe cum in omnibus finibus eius nihil prorsus est reliquū, præter solū corpus miseræ ciuitatis: de qua etiam timetur, utpote quæ armorum, virorum & victualium coartatur penuriâ: neque enim habet sufficientia per duos menses cibaria. Quodq; nondum data est in potestatem inimicorum, solus post DEVM fecit & facit Patriarcha, qui ad tempus sequestratâ Patriarchali dignitate, munit oppida, diuidit escas, largitur donatiua, non dubitat etiam de vita periclitari pro patria. Sed quid inde? sustinebit utique, sustinebit *Turchos*; sed Imperatori Constantinopolitano

tinopolitano qui venit, non poterit resistere, omni humano auxilio destitutus. Rex enim noster, quem suâ gratiâ cōseruet omnipotens, sub sanctæ Crucis vexillo, profectus in Ægyptum cum suis, & cum altera parte fratrum nostrorum à prima die Augusti tenet inclusum in Herbesio ciuitate vsurpantem sibi Regnum Babyloniz comestabulum Noradini *Syraconem*. Et nos quidem in Ierosolimis paucissimi, (tanta est Turcorum & vt verius dicam spurcorum infinitas) non sumus ab infestatione & ab impugnatione securi. Videtis ergò necessitatem nostram, videtis: quoniam si dissimulaueritis, aut tardè credideritis, vt soletis, nec antequam residuum Christianitatis consumatur, succursum præbueritis, metuendum est, ne cum voveritis non possitis. Accingantur itaque qui Dei sunt, & qui Christiano nomine censentur: veniant patris sui regnum & libertatis nostræ patriam liberare: ne patrum nostrorum sanguine viriliter comparata, periclitetur turpiter & irremediabiliter, in manus filiorum. \* Ne expectetis hinc alios nuncios, quia Rege & Magistro absentibus, non audemus dimittere probos homines in hoc arcto.

**L** VDOVICO DEI gratiâ Francorum Regi nobilissimo domino suo. B. xxv.  
*Raemundi quondam Antiochiæ Principis filius, eius homo & famulus, ab eo qui dat salutem Regibus.* Quoniam, Serenissime Regum & Domine, de vestræ magnitudinis clementia non modicam fiduciam habemus, pietatis vestræ genibus prostrati totis visceribus mentis inuoluimur, quatinus Orientalium partiū & maximè Antiochenarum frequens ac laetymabilis miseria atque deuastatio Altitudinis vestræ viscera commoueat, vt vestro auxilio atque consilio: in eius manibus spes nostrā atque refugium ex omni parte spectat ac singulariter constat, quod quidem suspiranti animo cotidie præstolamur dicentes, *Quando veniet? putas, durabo?* Terra nostra iam in arcto posita: & nos ab inimicorum Crucis CHRISTI faucibus erepti, DEO vero laudes referamus, & vos in cœlestibus ab ipso DEO coronemini. Nos enim, nisi DEI auxilio & vestro in proximo subleuemur, cum patria nostra & gente, omnes in miseriam ac funus lacrymabile iam labimur. Securis namq; ad radicem arboris posita est. Proh dolor! quantum dedecus erit omni populo & vobis, si terram istam, terram quidem tantā effusione sanguinis parentum vestrorum, tantā siti & fame adquisitam, à nefanda gente violari permittat ac destrui? Scitis equidem, Domine, vt credo ac satis audistis, quæ & qualia damna in finibus Antiochiæ in transacto anno acciderint: tum videlicet in captiuitate Principis & aliorum virorum qui cum eo erant, & in tanta populi Christiani deprædatione atque exterminatione; tum etiam in tanta munitionum igne fero destructione atque extirpatione; tum etiam tanto terræ motu tali ac inaudito, qui ferè omnes munitiones Antiocheni Principatus & omnia castra solotenus euertit. Sed de his ad præsens prætermitto. Ceterum autem quæ vobis hic præsentium lator vir quidem magnæ religionis ac bonæ vitæ, ex parte nostra dixerit, fideliter credatis.

**L** VDOVICO DEI gratiâ Regi Francorum karissimo Domino suo frater xxvi.  
*G. Fulch. eadem gratiâ militiæ Templi conseruus humilis, salutem.* Beneficia & honores paruitati meæ à vobis exhibitos, dignis laudibus attollere aut recompensationibus adæquare qui valeat? Solus DEVS, qui vobis suâ gratiâ in æterna beatitudine dignetur retribuere. Ego autem, DEO gratias, sanus & incolumis *Accom* appuli, Magistroque & fratribus primū ex vestra parte salutatis, quantam mihi honorificentiam pro DEI amore, eorumque reuerentia exhibueratis, expressi. Illi autem super hoc vobis gratias agentes; seque & sua vestræ Celsitati commendantes, orationum suarum vobis & pro vobis offerunt instantiam. Mihi autem famulo vestro non credatis elapsū, quod ab ore vestro cum à vobis recederem accepisse me gaudeo. Dixistis enim mihi, vt ex parte vestra, loca Sancta salutarem, & in visitando ea, memoriam vestri facerem in singulis. Cuius rei non immemor, hunc annulum quem vobis mitto, per sacra loca circumferens & singulis applicans, in memoriam vestri singulis imposui: Pro cuius reuerentiā, precor vt annulum custodiat & habeatis cariores. Valete. Valete iterum cum mei memoria:



XXVII.


**L**VDOVICO DE Igratiâ Regi excellentissimo Francorum. Berchtinus Militiæ Templi minister humilis salutem, & in CHRISTO regnare. Ad aures vestre Sublimitatis peruenisse non dubitamus, quo timore afflictus dominus noster Rex *Amalricus* communi consilio Christianitatis contra *Sairanem*, quem *Noradinus* cum multo exercitu ad regnum Babylonie direxerat sibi subiugandum, cum precioso sacre Crucis signo perrexerit, & qualiter redierit. Nisi enim tanta extitisset nostris promerentibus culpis terræ *Antiochene* perturbatio & desolatio, præsidio Dominicæ Crucis dominus Rex velle suum de inimicis fecisset. Sed audita incommoda Antiochiæ, ut consilio prouidit, inde secessit. Putabat enim prædictus aduersarius Babylonicum Regnum suo domino subiacere, & CHRISTVM colentibus ingressum ad Hierusalem terram marique impedire. Nā DEVS qui suos nouit ubique custodire, longè consilium ipsius iniquum aliter disposuit. Tanta autem, Serenissime Rex, sunt utriusque patriæ, Antiochicæ scilicet & Ierosolimitanæ, incommoda, quod pro nimietate sui nolumus vobis scripto significare. Denique vestre eximie dignitati hunc præsentium latorem fratrem *Galterium* honestum & in negotiis DEI sollicitum dirigimus, qui in negotiis ipsis permansit, & initium finemque vidit: ipse verò vestre sanctitati, placita super hoc referabit. Quæ enim sublimitati vestre dixerit, confidenter attendatis, tanquam nostro ex ore prolata. Et cognoscat vestra excellentia, quoniam oculi totius Christianitatis Orientis, post Dominum, in vos respiciunt, ut à tantis malis, dum tempus instat opportunum per vos eripiantur.

XXVIII.

**A**DRIANVS Episcopus seruus seruorum DEI, karissimo in CHRISTO filio, LVDOVICO illustri Francorum Regi, salutem & Apostolicam benedictionem. Satis laudabiliter & fructuose de Christiano nomine propagando in terris, & æternæ beatitudinis tibi præmio cumulando in cælis, tua videtur magnificentia cogitare, dum ad dilatandos terminos populi Christiani, ad Paganorum barbariem debellandam, & ad gentes apostatrices, & quæ Catholicæ fidei refugiant nec recipiunt veritatem, Christianorum iugo & ditioni subdendas, simul cum karissimo filio nostro, Henr. illustri Anglorum Rege, in Hispaniam properare disponis; & studeas assidue ut opus hoc felicem exitum sortiatur, exercitum & quæ sunt itineri necessaria congregare, atque ad id cōuenientiùs exsequendum, matris tuæ sacrosanctæ Romanæ Ecclesiæ consilium exiges & fauorem. Quod quidem propositum tantò magis gratum acceptumque tenemus, & ampliùs sicut commendandum est cōmendamus, quantum de sinceriori caritatis radice, talem intentionem & votum tam laudabile credimus processisse, ac de maiori ardore fidei & religionis amore propositum & desiderium tuum principium acceperunt. Verum cum excellentia tua, & consilii maturitate sit prouida & luce sapientiæ illustrata, in ordine ipsius facti plurimum videtur esse festina. Vnde & multos attonitos reddidit & suspensos: cum omne bonum quod suo tempore & competenti ordine exercetur, æterno conditori placitum habeatur modis omnibus, & acceptum: aliter autem non potest gratum eius existere voluntati. Quod utique, ut magis euidenter appareat, & ut sit quod proponimus paulò ampliùs manifestum, aliquod exempli gratiā duximus non inutiliter supponendum. Corpus siquidem CHRISTI conficere & in ara Dominica hostiam immolare, bonum immo & salutiferum esse, nemo qui rectè sapit ignorat. Ceterum si tempore suo & horis immolatum non fuerit constitutis, iam illud reseruatur ad poenā, quod expectabatur ad gloriam. Et qui extra tempus immolat constitutum, inde sibi dampnationem dolebit infligi, vnde si constituto tempore immolasset, meritum sibi gauderet & præmiū augmentari. Accedit ad hoc, quod alienam terram intrare, nec prouidum videtur esse, nec tutum, nisi à Principibus & à populo terræ prius consilium requiratur. Tu verò sicut accepimus, incōsulta Ecclesiā & Principibus terræ illius accedere illuc & festinare disponis, cum hoc nullā deberes ratione temptare nisi cognita per Principes terræ necessitate, & ab eis prius esses exinde requisitus. Vnde quia nos honorē & incrementum tuum totā mentis intentione diligimus, & nihil tale te aggredi nisi rationabili causā exigente vellemus, sublimitati tuæ præsentibus litteris suademus, ut prius necessitate terræ per Principes illius regni inspicias & cōsideres; & tam illius Ecclesiæ quam Principum & populi voluntatē diligenter inquiras, & ab eis cōsiliū, sicut decet accipias.

Quo

Quo facto, si & necessitate terræ videris imminere, & Ecclesiæ consilium fuerit, & ipsi etiā terræ Principes tuæ sublimitatis auxiliū postulauerint & consiliū dederint, iuxta postulationem & consultū eorū poteris postea in facto ipso procedere, & laudabile votū tuum, diuino comitante præsidio, adimplere. Aliter tamen timendū esset ne iter tuū infructuosum existeret, & ne ad desideratū non posset exitum peruenire. Ipsi verò Principes & populus terræ in tanto apparatu tuo, si fortè necessitas nō incumberet, grauarētur, & nos ipsi leues in hoc facto possemus multipliciter apparere. Debet enim serenitatis tuæ Celsitudo recolere & ad memoriā reuocare, qualiter alio tempore cū tam C. bonæ memoriæ quondā *Rex Romanorū*, quā tu ipse inconsulto populo terræ Ierosolimitanū iter minus cautē aggressi estis, speratum fructū, & optatum cōmodum non perceperitis: & quantum Ecclesiæ DEI & vniuerso ferē populo Christiano, detrimētum exinde prouenerit & iactura: sanctæ quoq; Romanæ Ecclesiæ quia vobis super hoc cōsiliū præstiterat & fauorem, in ipso facto fuit nō modicum derogatū; & omnes aduersus ipsam ex multa indignatione clamabāt, dicentes eā auctricem tanti periculi extitisse. Cū igitur hæc omnia nobis sollicitē cogitantibus, occurrerent formidanda, nos ammonitiōē & exhortationem Apostolicā ad populū Regni tui, secundū quod venerabilis frater noster . . . . . *Ebroicensis Episcopus* nobis ex tua parte proposuit, duximus differendā. Attendentes quoniā quod differtur ad tempus, penitus non aufertur. Sed tunc tandem exhortatorias & cōmonitorias litteras in peccatorum remissionem iuxta desiderium gloriæ tuæ, auctore Domino, transmittemus, cū de cōsilio & postulatione tam Principū quā populi terræ illius, sicut superius dictū est, volueris iter arripere; & conceptū in animo votum necessitatis tēpore, cū fortè modò aliqua necessitas nō imminet, discretē ac laudabiliter disposueris adimplere. Litteras autem in quibus Regnum tuū sub beati Petri & nostra protectione suscepimus, his qui Regnū tuum vsq; ad reditū tuum præsumerent impugnare, irā & indignationem Apostolicā proponentes, secundū petitionē regiæ dignitatis vt ad præsens duximus cōcedendas. Nos enim, te etiā reticente, & à nobis nullatenus exigente, pro illius feruore dilectionis quam erga tuā sublimitatem habemus, quicquid honoris & exaltationis tibi & regno tuo exhibere possemus, prompto animo curarem efficere & operibus adimplere. Sane discretio tua, & nostram dissuasionem quā rationabiliter credimus nos fecisse, prouidā deliberatione cōsideret; atq; alia per quæ ad illud iter tā festinanter aspiras inspiciat & attendat; & illud tādē tibi cōsiliū super negotio ipso eligas, quod magis de iudicio rationis cognoueris eligendū. De cetero ea quæ memoratus frater noster Episcopus ex nostra parte Regiæ proposuerit dignitati, velud si ab ore nostro procederent, absq; vlla hæsitatiōe suscipias; & ipsius verbis, tanquā si contingeret ea nos proferre, fidē non dubites adhibere. Ipse namq; iniunctam sibi legationem ita prudenter fuit & sollicitē exsecutus, quod omne illud à nobis studio suæ probitatis & discretionis obtinuit, quicquid per sollicitam & prouidam vigilātiā deberet quilibet alius obtinere. Dat. Lat. xiv. Kal. Mart.




# OLIVERI SCHOLASTICI

COLONIENSIS DE CAPTIONE DAMIATÆ  
AD ENGELBERTVM COLONIENSEM ARCHI-

EPISCOPVM, &c.

50 **H**onorabilibus dominis suis, Engelberto Colonienſi Archiepiſcopo, maiori Præpoſito, maiori Decano, cæteriſque Prioribus, totiſq; clero, Oliuerus peccator, ſeruus empticius crucis ſic dictus, Colonienſis Scholaſticus, per viam ſalutis ad æternæ beatitudinis confortium peruenire feliciter. Sapiens corde & fortis robore, qui facit magnalia & inſcrutabilia & mirabilia,



quorum non est numerus; qui excelsos iudicat, qui ponit humiles in sublimi: ipse magnificatus est solus in obsidione *Damiata*. Non enim, ut in aliis expeditionibus contra Sarracenos, diuersis temporibus ordinatis per humanum consilium, aut bellatorum auxilium; sed per semetipsum, quod petere non præsumpsit homo, per suæ diuinitatis potentiam mirabiliter est operatus. Non Regibus, nō aliis Principibus vel nationibus; sed nomini suo dans gloriam, ut in nobis peccatoribus completa sit promissio Prophetica: *Vos tacebitis, & Dominus pugnabit pro vobis*. Post captam siquidem turrin in profundo fluminis Nili sitam, *Saphadinus*, inueteratus dierū malorum, dolore sicut asseritur tactus nimio, exheredator fratruelum suorum, & vsurpator regnorum Asiæ, mortuus est & sepultus in inferno. Postmodū in festo Sancti Dionysii, Sarraceni cum galeis armatis improuisi venientes, principia castrorum ubi *Romani* tentoria fixerant, inuadentes, modicā manu repulsi sunt, recurrentes celeriter ad galeas, qui gladios persequentium, ac fluminis voraginem euadere non potuerunt. Sicuti autem olim *Ægyptii* in aquis vehementibus Maris Rubri; sic in Nilo submersi sunt circiter ad mille quingentorum numerum, sicut à Sarracenis postea didicimus. Sanè in festo *S. Demetrii*, qui frater vterinus B. Dionysii fuisse dicitur, summo diluculo castra *Templariorum* inuaserunt hostes: & modicum damnum nobis inferentes, per expeditos equites nostros fugati sunt ad pontem, quem procul à nobis in superiori parte fluminis construxerant: & ibidem interempti sunt ad numerum quingentorum, sicut à transfugis intelleximus. Porro quia multi de populo Christiano placuerunt Domino, necesse fuit ut tentatio probaret eos. *Ionas* pro angustia tempestatis in mare missus, & ventre piscis conclusus, probatus ædiit ad aridam. *Apostolus* triplici naufragio tribulatus, euasit: populus Domini, præmissa triduo ieiunio, quod clerus in pane & aqua seruauit obedienter, & multis processionibus ordinatis, à venerabili domino *Pelagio* Albanensi Episcopo, Apostolicæ sedis Legato, tentari meruit. Nam in vigilia Sancti Andreæ Apostoli, mediā nocte intumuerunt fluctus maris, crescentes, & excursus terribilem facientes usque ad castra fidelium; ab alia parte, fluuius inundans nos occupauit. Natabant tentoria, perierunt cibaria; pisces fluuiales & marini, se, quasi nihil timentes, cubiculis ingerebant, quos manibus nostris cepimus, quibus inde carere deliciis voluimus: & nisi consilio Spiritus Sancti ante prouisum fuisset in fossato, quod tamen in alios usus factum fuerat, mare coniunctum flumini, homines cum iumentis, naues cum armis & victualibus, detraxisset ad hostes. Nec tamen hoc periculum euaserunt, quatuor *coccones*, super quos ædificata fuerunt propugnacula ad capiendam ciuitatem: qui vno imperu cum quinta naui, quæ inter eos hærebat, ad oppositā ripam vi ventorum præcipitati, antè oculos nostros sunt igne Græco combusti: pepercit Dominus operibus *Fresorum* & *Theutonicorum*, quibus Turris capta fuerat. Naues oneratæ quæ in portu maris stabant ruptis repente funibus perierunt. Durauit hæc tempestas per triduum continuum, quo elapso Dominus qui consolatus est nos in tribulatione nostra, imperauit ventis & mari, stare faciens ipsum à feruore suo. Inuasit præterea multos de exercitu quædam *pestis*, contra quam Physici nullum ex arte sua remedium inuenire poterant. Dolor repentinus pedes inuasit & crura; & coniunctim caro corrupta gingiuas & dentes obduxit, masticandi potentiam auferens; tibias horribilis nigredo fuscavit: & sic longo tractu doloris afflicti, cum multa patientia migrauerunt ad Dominum plurimi: quidam autem usque ad tempus vernale durantes, beneficio caloris euaserunt liberati. Post dictam tempestatem naues parabantur ad transitum fluminis: quæ cum magno periculo sursum ascendentes inter ciuitatem ac turrin captam, machinis & igne Græco cum iaculis plurimum sunt impeditæ. Vnde accidit ut vna naui Templariorum vi torrentis raptâ, propè ripam ciuitatis præcipitaretur ad hostes: qui cum *barbotis*, & vncis ferreis ipsam impugnaverunt diutiùs, ignem Græcum cum lapidibus desuper de turribus proicientes. Et cum sic præualere non valerent, propter defensorum audaciam, certatim nauim ascendentes præcipientes in eam descenderunt ad Templarios: ubi cum diutiùs pugnaretur, tandem naui perforata, siue ab hostibus siue à nostris, incertum habemus, profundum petiit, submergens *Ægyptios* cum Christianis: adeò ut vix summitas mali appareret super aquam. Et sicut *Samson* plures strauit moriens quàm uiuens; sic & isti martyres plures secum traxerunt in aquæ voraginem, quàm gladiis interficere

interficere potuissent. Ciues autem *Damiata* cruentam victoriam suam, ferè septem diebus planxerunt. Exinde pontem reparantes, aperturam adeò relinquerunt angustam, vt naues nostræ sine periculo transire non possent. *Theutonici* verò & *Fresones*, zelo iustæ indignationis accincti, cum minori naui, cuius ministerio turris fuit capta, quam Gallici *sanctam matrem* appellant, Pontem similiter inuasērunt, auxilium non habentes nisi de cælo. Pauciores autem viri quàm decem de gente prædicta, contra omnem fortitudinē Babyloniorum pontem ascendentes, spectāte multitudine Christianorum, & hanc audaciā plurimi extollētes, fregerunt eundem: & sic cū quatuor nauibus super quas erat pons fundatus, reuersi sunt cum triumpho, liberam viam & apertā sursum velificatibus relinquentes. His itaq; gestis, Sarraceni periculum quod eis imminebat attendentes, ripam nobis oppositam, fossatis & argillosā materiā cum propugnaculis ligneis altis munierunt, machinas & petraras locantes ibidem; nobis spem auferentes per locum alium transeundi. *Acasali* verò quod per milliare ferè distat à ciuitate, vbi hæc noua munitio terminabatur, per transuersum fluminis, nauium immersiones fecerunt cum palis infixis gurgiti. Nilominus Apostolicæ sedis Legatus desiderium bonum habens obsidendi ciuitatem, naues superiùs congregatas vrgebat ad transitum. Vnde *coccones* propugnaculis & castellutis, viris etiam armatis muniti, cum galeis & aliis nauibus sequētibus, CHRISTO duce, præscriptas immersiones euaserūt. Hostes autem, dissimulato metu, tres ordines armatorū, stationi nauium nostrarum cōtraposuerunt: vnā, pedirū super ripam cum clipeis quos *targeas* appellant, lineariter ordinatam; secundā, post dorsum illorū, similem priorī; tertiam, equitū, longā, & terribilem: iētibus lapidum & telorū plurimū vexando stationem Christianorum. Sanè nocte solemnitate S. Agathæ virginis & martýris, cū coadunatus esset populus fidelium, qui sequenti die transiturus erat, pluiæ & venti multū discriminis & difficultatis addiderunt nostris: sed fidelis DEVS, qui non patitur suos tentari super id quod possunt, respiciens ad castra seruorū suorum, quod secundū inferiores causas difficile fuerat vel impossibile, conuertit in facilitatē & gaudiū, suæ virtutis innouans miracula. Post mediā siquidem noctem tantū pauorem Soudano Babylonis & Sattapis eius incussit, vt relictis castris, ignorantibus etiā *Ægyptiis*, quos ad resistendum ordinauerat, in sola fuga spem ponerent. Quidā apostata, qui multo tempore, Christianorū legem transgressus cū Soldano militauerat, stans in ripa Gallicæ clamabat: *Quare moramini? Quid trepidatis? Quid hesitatis? Soldanus abiit.* Et hoc dicto, se in nauicula Christianorū recipi postulauit, vt in potestate ipsorum positus, fidem dictis faceret. Summo igitur diluculo cū inchoatum esset officium Missæ diei festi per oratoria Christianorum; *Gaudemus omnes in Domino*: nunciata sunt hæc Legato, Regi, & aliis. Itaq; fugientibus *Ægyptiis*, nostri certatim & alacriter absq; omni impedimēto hostium, & sanguinis impensa, transierunt: Sed adeò limosa & profundioribus aquis difficilis fuit ad applicandum terra hostilis, vt vix equis sine scissoribus & sellis ciecti, possent ascendere. Templarii præduces in ascensū equorum, erectis signis, propero cursum ad ciuitatē festinauerunt, sternentes perfidos qui audaciter de portis egressi venientibus occurrerunt. *Non gloriabitur securis, contra eum qui quiescat in ea; neque ferra, contra eum qui trahit in ea.* Miraculum istud cui æquabimur vel cui comparabimus, nisi ei quod legitur de *Benadab* Rege Syriæ, qui obsedit Samariam, artans eam plurimū, cui Dominus tantū immisit terrorem, vt relictis castris fugeret; & sicut per leprosos qui erant in introitu portæ, illa fuga Syriorum nuntiata fuit Samaritanis: ita per leprosum in anima, præfatum videlicet Apostatā, nuntiata fuit *Ægyptiorum* fuga. Et sicut ille populus Samaritanorū spolia, in castris Syriorum relictā collegit: sic noster exercitus tentoria & manubias fugicriū diripuit, targias plurimas, & omnes galeas cū barbotis & aliis nauibus, quæ infra casale vsq; ad ciuitatē inueniebantur, cū aliis spoliis victores occupauerūt. Multi bellatores, relictis vxoribus, territi propter inopinatū transitum, fugierunt de *Damiata*: & sic per girum, & firmiter oblecta est ciuitas. Per desidiā autem, & inertiam eorū quorū nomina DEVS scit, factum est vt hostes, resumptis viribus & armis, adueniente etiam *Coradino* cū Halaprinis cum magna multitudine, locum illum occupauerunt, à quo nostri transitum miraculosum fecerant: & sic nos obsidentes ciuitatem, ipsi periculosius obsiderunt; & nisi per diuinum consilium prima castra quæ erant inter mare & fluuium

Esai. 10, 35.

retenta fuissent, maximè per *Theutonicos*, & *Frisones*, portus nobis ablatus fuisset; & negotium plurimùm periclitatum vacillasset. Vt autem miraculum transitus claresceret, ac soli CHRISTO ascriberetur, ad tantam Sarraceni peruenerunt temeritatem, vt diluculo Sabbathi ante Dominicam, *Oculi mei semper*, nobis tale periculum non præuidentibus cum multitudine graui, propiùs accederent, & vsque ad fossatum se præcipitarent: sed, diuino auxilio, cum graui damno equitum & equorum repulsi sunt.

A. Dn.  
1219.

**A**Nno gratiæ *millesimo ducentesimo decimo nono*, Regina ciuitatum *Iherosolima*, quæ videbatur inexpugnabiliter munita, destructa est à *Coradino* filio Saphadini, foris & intus: muri eius cū turribus redacti sunt in aceros lapidum, præter templū Domini, & turrim David. De *Sepulchro* verò glorioso destruendo, consiliū habuerāt Sarraceni, & per litteras comminati sunt, quas ciuibus *Damiatæ* transmiserunt, ad ipsorum solatium: sed huic temeritati nemo præsumpsit manus apponere, propter loci reuerentiam. Sicut enim in *Alcorano*, libro legis eorum, scriptum habent: *I E-S V M C H R I S T V M* Dominum nostrum, credunt de Maria Virgine natum & conceptum: quem sine peccato vixisse, Prophetam & plusquàm Prophetam profitentur; cæcos illuminasse; leprosos mundasse; mortuos suscitasse, firmiter asserunt: Verbum, & Spiritum DEI, & viuum ad cælos ascendisse non discredunt. Vnde quando, tempore Treugarum, sapientes ipsorum *Iherosolymam* ascendebant, codices Euangeliorum sibi postulabant exhiberi & osculabantur & venerabantur, propter munditiam legis quam CHRISTVS docuit, & maximè propter Euangelium Lucæ vbi legitur, *Missus est Gabriel Angelus*: quod litterati inter eos sapiùs repetunt & retractant. Lex autem eorum, quam Diabolo dictante, ministerio *Sergii* monachi & apostatæ ac hæretici, *Macometus* Sarracenus dedit Arabicè scriptam, à gladio cœpit, per gladium tenetur, in gladio terminabitur. *Macometus* iste illiteratus fuit, sicut ipse profitetur in *Alcorano* suo; & quæ prænominatus hæreticus dictauit, ipse promulgauit, & per comminationes obseruari statuit. Luxuriosus enim fuit & bellicosus: ideoque de immunditia & vanitate legem statuit, quam carnaliter viuentes in parte voluptatis, firmiter obseruāt: & sicut legem nostram veritas & munditia moniunt; ita errorem ipsorum timor mundanus & humanus, ac voluptas carnalis firmissimè custodiunt. In die *Palmarum* anni præscripti, inimici nostri, multā comminatione præmissā, quod seipsos vel nos omnes vnā die perderent; & collecto terribili & innumerabili exercitu equitum & peditum, irruerunt super nos, vndiq; fossatum nostrum inuadentes; & maximè portem Templariorum & *Ducis Austria*, quem ipse cum *Theutonicis* defendere studuit: hostes cum electis militibus suis, de equis descendentes, cum Christianis atrociter pugnaverunt. Cæciderunt hinc inde, mortui & vulnerati, multi. Tandem præualuerunt adeò quòd pontem ascendentes, partem eius combuxerunt. *Dux Austria* præcepit suis, vt ponte relicto, aditum darent instantibus & introitum: sed intrare non præsumpserunt, propter militiam nostram, quæ acies suas ordinauerat. In subsidium & munitiones defendentium, mulieres aquam & lapides, vinum & panem bellatoribus nostris intrepidè ministrabant: orationi sacerdotes insistebant, vulnera sauciatorum ligantes, ac benedicentes. Eo die non est datum nobis spatium gestandi alias palmas, quàm balistas & arcus cum sagittis, lanceas & gladios cum clipeis: Adeò instabant, & vexabant atrociter qui conuenerant ad perdendum nos, studio liberandæ Ciuitatis, ab ortu Solis vsq; ad horam ferè decimam: tandem defatigati, retraxerunt se, cum damno maximo. Instabat iam *passagium* vernale: Recessimus. Erat *Dux Austria*, qui per annum & dimidium CHRISTO fideliter militauerat, Princeps deuotione plenus, humilitate, obedientiā, largitate: qui præter alios sumptus innumerabiles, quos in negotiis bellicis, ac priuatis eleemosynis fecerat, domui *Theutonicorū* sex milia marcharum argenti, vel ampliùs, ad comparandum prædium creditur contulisse. In Kal. Maii magna multitudo Peregrinorum cœpit recedere, nobis in summo periculo relictis: sed Pater noster, benignus & misericors, Dux & propugnator noster, protector & defensor sperantium in se, cui facile est in paucis, sicut in multis vincere, IESVS CHRISTVS, non permisit incredulos simul in nos irruere, donec noui recentesq; Peregrini cum copioso succursu superuenirent: copia victualium & equorum nutu diuino transmissa, collectionem fidelium lætificauit. Instaurato igitur

igitur fidelium numero in festo Ascensionis Domini, more suo per terram & aquā irruerunt perfidi, & multoties sic attemptantes, præualere non valuerunt. Particulariter etiam propè castra nostros prouocabant, damnificantes, & damnificati. Priore vero Kal. Aug. omnem quam habere poterant adducentes copiam, post diutinos assultus, tandem fossatum contra Militiam Templi transeuntes, & *licias* violenter rumpētes, pedites nostros verterunt in fugam, adeò vt totus exercitus Christianorum iam periclitaretur. Milites de Francia, sæculares & equites, ter conati sunt ipsos repellere longius extra fossatum, sed non potuerunt. Sarraceni siquidem intra mœnia nostra, fractis munitionibus ligneis, equitum ac peditum acies ordinauerunt.

10 Clamor ortus est insultantium, omnis multitudo ipsorum præparauit se: iam timiditas auēta est Christianis: sed spiritus qui induit *Gedeonem* animauit Templarios. *Magister* enim *Templi*, cum Marescallo cæterisque fratribus suis, qui tunc aderant, per exitum angustum impetu facto, viriliter in fugam conuertit incredulos. *Domus Theutonicorum*, & Comites, aliiq; milites de diuersis nationibus videntes Templi Militiam in periculo constitutam, festinanter per exitus sibi contrā positos, tulerunt auxilium. Sic pedites Sarracenorum, abiectis clipeis, interficiebantur, præter eos quos fuga præcipites percussoribus abstulit. Post equites nostros, egressi sunt pedites: per modicum spatium se retraxerunt hostes: acies hinc inde sublitterant armatæ, donec crepusculum vespertinum prælium interemit. Sarraceni priores abierunt. Occisorum corpora perfidorum, strata iacebant iuxta fossatum plurima, præter eos qui sauciati grauius vel leniter reducti sunt ad castra. Sic saluauit Dominus in die illa sperantes in se, per virtutem Templariorum, & eorum qui ipsis cooperati discrimini se commiserant. Pauci de nostris interfecti sunt, & capti. Instrumenta contra ciuitatem præparata, combusta sunt à defensoribus eius, præter scalas. *Genueses*, *Pisani*, *Venetiani*, firmiter asserebant se ciuitatem expugnaturus per quatuor naues, super quas scalæ pendebant: sed ipsi non erant de genere virorum illorum per quos facta est salus in Israël. Volebant enim sibi facere nomen cum tubis & calamillis & signis multis progressi. *Legatus Apostolicæ* sedis, sumptus eis præbuit copiosos de communi: Rex, & alii, cordas & anchoras prout requirebant, exhibuerunt abundanter. Aggredientes itaque ciuitatem, primo die multos interfecerunt & vulnerauerunt: & quantò sæpius postmodum assultum fecerunt, tantò magis muri firmati sunt, ligneis castellulis ac liciis. Defensores etiam robustius & efficacius se venientibus opposuerunt: & sic scalæ mutilatæ per ignem ac pluries reparatæ, tandem infecto negotio, reductæ sunt ad ripam: & sic deprehensum est, & veraciter intellectum, solâ virtute Diuinâ, Damiatam in manus Christianorum fore tradendam. Nos verò insensati, & immemores beneficiorum DEI, ac mirabilium quæ fecit, prouocauimus oculos Diuinæ Maiestatis contra nos, per *desidium maiorum* & *inimicitias minorum*. Pedites equitibus improperebant ignauiam, equites pericula peditum quando contra Sarracenos egrediebantur, dissimulabant.

40 Vnde factum est, vt communibus exigentibus culpis, in *decollatione Sancti Iohannis Baptiste*, licet vix inuenirentur qui in custodia castrorum remanerent, naualem & terrestrem exercitum, equitum ac peditum educentes, ad castra Babyloniorum tēderemus, inter mare & fluuium, vbi dulcis aqua non poterat inueniri ad potandū: Ipsi verò sublati tentoriis fugam simulabant. Et cum processum fuisset à nostris ad eò, quod appareret aduersarios directâ fronte nolle configere: capitanei nostri longum inierunt consilium, vtrum procederent an redirent: discors inter eos sententia fuit: Interim solutæ sunt acies, præter ordinem illorum quos in disciplina militari ligauit obedientia. Equites Cypri in dextro cornu constituti, Sarracenis incursum facientibus à latere, timiditatem suam ostenderunt: Italici pedites primi fuerunt; post eos, equites de variis nationibus, & quidam Hospitalarii Sancti Iohannis: Legato Romanæ sedis, & Patriarcha qui Crucem baiulabat, multum sed frustra supplicantibus vt subsisterent. Aëstus Solis erat vehemens: pedites armorum pondere premebantur, calorem auxit labor viæ: & qui secum vinum detulerant in angustia sitis biberunt illud purum, propter defectum aquæ: his omnibus concurrentibus, qui subsistentes se defenderunt, & post primitiuos fugientes anthelo cursu terga dederunt, extincti sunt, sine vulneribus corruentes. Rex verò cum Templariis, & domo Theutonicorum, & Hospitalariis Sancti Iohannis, Frācigenis, de Hol-

HHHHH



landia, de Werthe, de Sarreburge, de Cestria Comitibus Galtero Bertondi, Pisanis, aliisque militibus imperum persequentium sustinuit: Rex, igne Græco ferè combustus fuit. Hii omnes pro muro fuerunt fugientibus: quoties facies suas ostendebant hostibus, illi fugerunt: quando verò gradatim reuertebantur, ictus & tela sustinuerunt inimicorum. Capti sunt in illa defensione electus *Beluacensis*, & frater eius *Cameraarius Francia*, & filius eius, frater Andegauensis Episcopi, cum *Iohanne Darcies* viro nobili & valdè strenuo, *Henricus de Vlma*; & alii multi, qui trucidati sunt, & in captiuitatem ducti: Templarii triginta tres capti vel occisi sunt, cum Marefcallo Hospitalis Sancti Iohannis, & quibusdam aliis fratribus eiusdem domus: nec euasit sine damno domus Theutonicorum. *Militia Templi*, quæ prima solet esse in congressu, 10  
ultima fuit in recessu: vnde cum ad fossatum nostrum nouissima rediret, foris substitit, vt anteriores intra mœnia quantum possibile fuit reduceret. Persecutores, ad captiuos deducendos, & spolia colligenda tandem redierunt: sicut intelleximus postmodum à Sarraceno, quingenta capita Christianorum Soldano præsentantes. Mœror nostros occupauit; sed nulla desperatio: pro certo enim habemus, quod pœna peccati fuit hæc castigatio, & minus erat in pœna, quàm exigeret culpa, ipso temperante vindictam, qui dicit animæ peccatrici: *Tu fornicata es cum amatoribus plurimis: tamen reuere ad me, & ego suscipiam te.* Constat autem nobis quòd in præcipua sua militia, luctuosa sibi damna sustinuerunt increduli. Sanè miserator Dominus, qui non obliuiscetur misereri, nec continebit in ira misericordias suas, qui in 20  
tribulatione peccata dimittit; qui dixit de tenebris lumen splendescere, luctum nostrum conuertit in gaudium, mœrorem in lætitiā. Nam *Soldanus* vnum de captiuis nostris mittens, de pace vel treuga nobiscum tractare cœpit: in quo tractatu fossatum nostrum, & munitiones alias reparauimus alacriter. Interim nautæ, Christianitatis proditores, & cum eis Peregrini plurimi, magis seipsum amantes, quàm fratribus suis compatiētes, ante tempus consueti Passagii, Agonistas CHRISTI in summo periculo reliquerunt, eleuatis velis obiecto portu, nobis mœstitiam, Babylonis audaciam contulerunt: Qui tractatū pacis intermittentes, in vigilia Sanctoꝝ Cosmæ & Damiani, & sequenti die festo, proximo etiā Sabbatho cū galeis, barbotis, per flumen; cum mangunnellis, targiis, fructicibus pro implendo fossato, per ter- 30  
ram, feritate barbaricā & impetu consueto, nos impetierunt: sed durus bellator & triumphator in Israël, solitā vsus gratiā, castra sua defendit, missō per mare *Sauero de Mallion*, cum galeis armatis, & bellatoribus plurimis in ipso necessitatis articulo: & nos clamātes in cælum, nec trepidantes ad impetū; sed viriliter resistentes, interfectos, fauciatos, & confusos ab insultu triduano recedere coëgimus, ipsius virtute qui saluat sperantes in se. Interea ciuitas obsidione longā, ferro, fame & pestilentia grauitur, & ultra quàm scribi possit afflictā, in sola pace, quam Soldanus promisit ciuibus, spēs posuit. Adeò enim in ea fames inualuit, vt cibi desiderabiles decissent. Panis corruptus abundauit in ea: durabilis enim non est annona Ægypti, propter molles glebas in quibus crescit: nisi superius circa partes Babylonis artificiosè con- 40  
seruetur in annos: & sicut audiuius, *Coitanū* vnum xī. Bisantiis vendebatur in ea. Ex angustia famis, diuersa morborū genera vexabant eos: & inter cætera incōmoda quæ sustinuerunt, noctibus, velut aorisiā percussī, apertis oculis nihil videre dicebantur. *Soldanus*, de die in diē vanis promissionibus ipsos à deditioe dehortatus, decepit miseros. Postremò portas suas obstruxerunt intrinsecus ne aliquis veniens ad nos de suis, nuntiaret quomodo dies afflictionis possiderent eos. Si qui verò per posticium, vel de muris per funes, euadere potuerūt, inflati & famelici ciuium suorum angustiam probabant euidenter. Illis etiam, qui foris in exercitu Sarracenorum nos obsiderunt, copia panis & pabuli cœpit decrescere. Nilus siquidē, qui post festum Sancti Iohannis Baptiste, vltq; ad exaltationem S. Crucis solet excrecere, & 50  
Ægypti planitiem irrigare, hoc anno, more suo nō ascendit ad signum, quod ponere consueuerunt Ægypti: sed, prout intelleximus, magnam partē siccā reliquit, quæ nec arari nec seminari poterat suo tempore. Vnde *Soldanus*, caristiā timens & famē, etiam amore retinendæ Damiatæ, talem pacem cum fratre suo *Coradino* Christianis obtulit: vt *Crucem Sanctam*, quæ olim capta fuit in victoria Saladini, cum ciuitate Sancta, & omnibus captiuis qui per regnū Babylonie, & Damasci viui reperiri possent; sumptus etiam ad reparandos muros Ierusalem redderent: Insuper regnum Ierosolymitanum totauius restituerent, prater

- præter Cracum & Montem Regalem, pro quibus retinendis, tributum obtulit, quamdiu treuga duraret.* Sunt autem hæc duo loca in Arabia sita, septem munitiones firmissimas habentia, per quæ negociatores Sarracenorum & peregrini ipsorum, *Mequam* tendentes, vel ab ea reuertentes, transire solent: & qui hæc potenter tenuerunt, Ierusalem, cum voluerit, grauiter nimis, cum agris & vineis lædere poterit. Hanc compositionem acceptandam esse Christianitati, *Rex & Francigenæ, Comes Cestria*, cum capitaneis Theutonicorum censuerunt pertinaciter. Nec hoc mirandum fuit: quia longè minori pace, quæ priùs oblata fuerat, contempti fuissent: nisi sano consilio eis esset obuiatum. *Legatus* autem cum Patriarcha, Archiepiscopis, Episcopis, Templariis &
- 10 Hospitalariis, ac omnibus Italiae Capitaneis, multisq; aliis prudentibus viris, efficaciter huic tractatui se opposuit, rationabiliter ostendens ante omnia Damiatam fore capiendam: opinio diuersa peperit discordiam, quæ citò sedata fuit propter communem necessitatem. Interea Soldanus magnam multitudinem peditum clanculo per loca palustria misit ad ciuitatem: quorum duceti quadraginta, Christianis dormientibus, fuerunt ingressi, Dominicâ nocte post festum omnium Sanctorum: tãdem præ clamore vigiliam, cæsi sunt & capti, quos ad ducentos & plures computauimus. Nonas Nouembris, Salvatore mundi regnante, & domino *Pelagio* Albanensi Episcopo, Apostolicæ sedis Legatione solerter ac viriliter fungente, capta est *Damiata*, absq; deditioe, sine defensione, sine violèta deprædatione cum tumultu:
- 20 vt soli Filio DEI ascriberetur euidenter victoria, qui populo suo ingressum in Ægyptum inspirauit, & ibidem vires ministravit. Et cum caperetur ciuitas in oculis Regis Babylonis, more solito non fuit ausus CHRISTI milites ad defensionem paratos, per fossatum nostrum aggredi. Eodem etiam tempore fluuius excreuit, vberius aquis fossatum implens: Ipse verò confusus, castra propria combussit & fugit. DEVS autem, qui tertiâ die aquas sub firmamento congregauit in locum vnum, ipse agnitas suos per aquas maris perduxit ad portum Damiatæ, mense Maio, feriâ I I I. eodem transduxit per Nilum, ad obsidendam ciuitatem, mense Febuario, feriâ I I I. Idem cepit Damiatam, inter aquas sitam, mense Nouembri, feriâ I I I. Hanc urbem vitulæ consternanti, quæ tertio terræmotu subuersa est, possumus assimilare: *Vitula*
- 30 *lam* appellamus, propter eius lasciuiam: piscibus enim, auibus, & pascuis, frumento, hortis & pomeriis abundauit; negociando, practicam exercendo, deliciis effulsit in culpa, pereffulsit in gehenna; sed vnâ horâ venit iudicium eius: *Consternantem* dicimus, quia quasi tertio terræmotu habitatores eius perierunt, ipsâ tamè integrâ manente. A Græcis & Latinis primò fuit obsessa, qui ab ea defecerunt: demum à Latinis, sub Amaurico Ierosolymitano Rege, qui non profecerunt: Hac vice tertiâ Rex Regum & Dominus dominantium seruis suis ipsam tradidit, IESVS CHRISTVS, qui viuit & regnat & imperat; qui sementis irrigua siccauit Ægyptiis; qui confudit operantes sericum, & byssum plectentes, & texentes subtilia. Tali Duce Christiani milites *Damiatam* ingressi, plateas eius inuenerunt stratas cadaueribus mortuorum,
- 40 pestilentia & fame deficientium: aurum & argentum multum nimis; pannos sericos negotiantium, in abundantia. Ciuitas hæc præter naturalem situm loci quo munitur, triplici cincta est muro, turribus lateritiis multis & magnis fortissimè firmata: clauis & antemurale totius Ægypti. Inter Ramesse, & campum Thaneos sita; in terra, vt conicere possumus, Gessen, quia pascualis est, quam petierunt filii Israël à Pharaone, tempore famis. *Damiata! Damiata!* inclita in regnis, famosa multum in superbia Babylonis, in mari dominatrix, Christianorum spoliatrix, in ascensu persecutorum tuorum per paucas & modicas scollas comprehensa: & nunc humiliata es, sub potenti manu DEI; & adultero, quem diu tenuisti, proiecto, reuerfa es ad virum tuum priorem: & quæ priùs parturiebas spurios, modò paries filios legitimos
- 50 ad cultum Filii DEI, firmiter à cultoribus CHRISTI possessa. *Acconensis* Episcopus, iam ex te primitias animarum DEO soluit, paruulos tuos, qui reperti sunt ab ipso vitales, etiam morti proximos, baptismatis vndâ sacramentaliter inundando: Multiplices soluisti pœnas: quia præter eos qui viui comprehensi sunt in te, mortui promiscui sexus, à tempore obsidionis in circuitu computantur, ad triginta millia & amplius: quos sine ferro vel igne Dominus percussit, à modò sustinere dedignatus spurcitiis in te commissas. Gaudeat igitur vniuersalis Ecclesia, dignas gratiarum actiones referendo pro tali triumpho: & non solum pro Damiatæ, sed pro destructa

HHHHH 2

perniciosa *munitione montis Thabor*, & pro aditu libero ad Ierusalem: vt redificentur muri eius, tempore ab Altissimo prouiso: pro castro præterea *Filii DEI*, quod magnis sumptibus ædificat viriliter & inexpugnabiliter *Militia Templi*, de quo superius in superioribus literis plenius scriptum est. Latere spiritualiter, prouincia *Coloniensis*, exulta, & lauda: quoniam in nauibus, instrumentis bellicis, bellatoribus, armis, pecunia, victualibus, maius auxilium tulisti, quàm residuum rotius regni Theutonici. Illustris *Imperator noster & Rex Syçilia*, ardentem expectatur à populo *DEI*, ad negotii felicem consummationem. Tu *Colonia*, ciuitas Sanctorum, vt quæ in ortis *rosarum*, martyrum; *liliorum*, virginum; *violarum*, confessorum; nunc pace temporali per Venerabilem Archiepiscopum vestrum, gaudens, habitas, pro deuotione filiarum tuarum, flecte genua cordis tui coram Altissimo, qui vitæ & mortis habet imperium. Noli alta sapere, sed time coram ipso; vias tuas argue, ne furor iræ *DEI*, qui stillauit super te, conuertatur in grandinem; sed tranquillitate temporum diu concessâ, ei cui honor est & excellentia, virtus & potentia, liberâ mente deferuias.

F I N I S.

## B V L L A I N N O C E N T I I, 10 P A P Æ I V.

In qua inferuntur nonnullæ litteræ Regis Hungariæ.

**I**NNOCENTIVS Episcopus, seruus seruorum *DEI*, vniuersis *CHRISTI* fidelibus, ad quos ista peruenerint litteræ, salutem, & Apostolicam benedictionem. Ne occasione casuum futurorum quibus corporalia subiacent vniuersa, priuilegia & litteræ quæ temporibus retroactis ab Imperatoribus, & Regibus, aliisq; Principibus nobilibus ac fidelibus Christianis; Sedi Apostolicæ sunt concessa vel missa, quorum aliqua bullis aureis, alia verò sigillis plumbeis aut cereis roborata esse noscuntur, valeant deperire: Nos, his omnibus & eorundem characteribus sigillorum diligenter inspectis, quædam ex ipsis nō corrupta, non cancellata, nec etiam vitiata, præsentī paginā facientes de verbo ad verbum, nihil addito, mutato, vel dempto, transcribi; & transcripta huiusmodi, prælatorum ecclesiasticorum, quorum nomina inferiùs continentur, sigillorum munimine roborari, auctoritate Apostolicâ, sacro Concilio decernimus approbâre, vt illa eadem fides transcriptis adhibeatur de cetero memoratis, quæ ipsis autenticis adhibetur: & ipsa transcripta ex nunc autentica censeantur. Tenor verò priuilegiorum, & horum prædictorum est talis.

*Litteræ à Regis Hungaria ad H. summum Pontificem, de sua professione ad Terram Sanctam, & assidue contraciā cū quibusdam Principibus Patris conuersis ad Christianismum, & de excusatione viliūm donorum qua misit sua Sanctitati.*

**S**anctissimo patri in *CHRISTO* H. *DEI* gratiâ sacrosanctæ Rom. Ecclesiæ summo Pontifici. A. per eādem gratiam Hungariæ, Dalmatiæ, Croaciæ, Seruiæ, Ramæ, Lodomiriæq; Rex, debitâ ac deuotâ cū filiali subiectione reuerentiā. Sanctissime pater, à vestra non credimus excidisse memoria dū adhuc vitæ venerabilis & immortalis memoriæ prædecessor vester *Innocentius*, summus Apostolicæ sedis Antistes, Diuinâ gratiâ præsentis seculi dispensator existeret, non tã p ipsius exhortationis frequētiâ, verum etiâ postmodū per vestrę paternitatis instantiâ, quæ *DEI* gratia sibi succedēre instituit, frequētius admoniti fuimus, quatenus ad redēptionē S. Terræ, nō tantūm opitulatione rerū, verum etiâ præseñtiā personali, appone-

remus

remus animum cum effectu. Nos utique, prout ex nostrorum antecessorum prærogatiua iam dudum vñ sumus, & cognouimus spiritualemente sacrosanctæ Rom. Ecclesiæ recensente nos esse filium, ad vestræ Sanctitatis exhortationem, consilium per obedientiæ victimam, nos & nostra litare cupientes: nec teneræ filiorum nostrorū infantia miseri fuimus; nec emergentem nobis infidelium, & regno nostro malignantium, contumaciam & odium, quod postmodum in effectu pullulauit, curauimus: sed his omnibus postpositis, ad Sancti Sepulchri subsidium vsq; quā festinauimus, nos, coronam, regnum nostrum, & filios vestræ Sanctitatis custodiæ illibate conferuanda commendantes. Ceterum, cum vltamarinis partibus, in susceptæ Peregrinationis seruitio moraremur, ineffabile dissensionis seminarium in regno nostro, per frequentes nuntios proculdubio cognouimus pullulasse. Nos itaque, tot & tantis pernitiis infamiæ perculsi rumoribus, nouellam adhuc in regno nostro Christianitatis plantationem non patientes euelli; cōpulsi, coacti, & inuidi à Terra Sancta secessimus: & licet per multa viarum dispendia transeuntes, cum in Hungariā peruenimus multò ampliora perfidiæ scelera quā prius audiueramus, tamper Ecclesiasticas, quā Laicales personas, cōperimus esse perpetrata: quæ vel qualia nullatenus per nostra scripta vestræ Sanctitati vellemus innotescere. Nā pro parati magnitudine facinoris, à vestræ circūspectionis intuitu nullatenus fuisse credimus occultata. Nouit etiā vestra Sanctitas, quod cum in Hungariam peruenimus modò Hungariam, sed tñ angariatā atq; dissipatam, & cunctis fisci prouētibus spoliatā repperimus, ita videlicet quod nec debita quibus in nostræ Peregrinationis itinere fuimus obligati, persolvere; nec vsq; ad quindecim annorum spatium, regnum nostrum pristino statu poterimus reformare. Igitur ne vestræ paternitatis custodia, cui nos & nostra cōmendauimus, cum ad Sanctam Terram iter suscepimus: vbi etiam ad omnem casum paupertatis atq; nuditatis, commorandi causā nos exponere volebamus, nimis imbecilles & exiles erga nos & alios regnorum Principes, exemplo simili de cætero in posterum videatur: à vestra Sāctitate modis omnibus postulamus, quatenus in auctores tanti sceleris, & eorum complices, tam personas Ecclesiasticas, quā etiam Laicales, censurā vestræ Sedis & rigorē, ita plenariē exercere dignemini quatenus in nullo Christianissimi climate, quod aufugerunt, vel aufugerint, valeant occultari. Verum etiam, prout in susceptæ Peregrinationis itinere ad Sancti Sepulchri liberationem, & pacificum cunctorū Peregrinorum transitum ac reditum, tota nostræ sedulitatis ferebatur intentio, cum perculsi malignantium ac nobis infidelium læsionibus ac iniuriis, vltra mare stare iuxta propositum nō possemus, licet inuitē, redeuntes, potiori deliberationis consilio, non minus quā si diuturnam circa *Hierusalem* moram fecissemus, Sanctæ Terræ cōmoda per felices nostri regressus transitus, procurauimus. Illustres enim *Leor rex Armenia*, vt nostræ gētis & suæ glutinata in vñum commercio, ad cōfringendum vicinos atq; iuges Turcorum insultus, robustior existeret, filiam suam nostro filio tradidit in vxorē, totumq; regnum Armeniæ cum sua Corona, iuxta plenum suorum Baronū consensum atq; iuramentum, in perpetuam iurisdictionem eidem filio nostro & suis heredibus, subiugauit. Huius etiam intentionis studio, vt securum Peregrinationis, diuino fulti consilio, pararemus trāsitum, filiam *Comnini Theodori Lascari* filio nostro duximus in vxorem. Eodem etiam animo, inter *Azen. Bulgar. Imperatore*, mediāte nostrā filiā, matrimonium celebrauimus. Vt igitur hæc omnia firma permaneant, factum inter nos & *Regem Armenia* cōtractum, tam super matrimonio filiæ suæ cum filio nostro, quā de collatione sui diadematis ac regni, auctoritatis vestræ munimine confirmetis, petimus etiam, quatenus nuptiarum cōmercia inter nos, & iam dictū *Lazarum*; inter *Azenum* etiam Bulgariæ Imperatorem, & filiam meam celebrata, in quibus maximum Terræ Sanctæ, occultum Diuinæ prouidentia cōsiliū procurauit commodum, prout cuiuslibet scripta protestantur, simili modo roboretis: & transmissas Sanctitati vestræ ab vnoquoq; Principum literas, cum apertæ coram vobis fuerint, iteratō sub vestra bulla nobis remittatis. Verum, quia filii nostri, quē in Armeniam transmittimus, immatura teneritas ad debitæ circumspectionis commoda non sufficit, vestræ paternitatis profugis genibus à vobis postulamus, quatenus memoratum puerum cum vxore & sibi assistentibus, in vestræ protectionis suscipientes gremium, vt spiritualemente in CHRISTO filium, ad tuendum & fouendum

HHHHH 3

sacratissimis domibus *Militiæ Templi*, nec non *Hospitalis*, vice nostrâ & mandato  
 \* commendetis. Nouerit etiam vestra Sanctitas contra *Zultanum Hyconia* sub hac le-  
 gationis serie, ad nos suum destinasse nuntium, ut si aliquam filiarum nostrarum  
 aut cognatam sibi traderemus in uxorem, repudiato suæ perfidiæ charactere Chri-  
 stianissimi fidem assumeret atque sacramentum. Verum, quia nullam ex nostris  
 filiabus habebamus innuptam, ad multiplicandum tamen Ecclesiæ filios, & fidem  
 in CHRISTO credentium, si vestra Sanctitas approbet; & huius rei exordium  
 consilio, exhortatione, nec non aliis priuigilis prouidentiae operibus, prosequa-  
 tur ad effectum, vnam ex nostris neptibus memorato Zultano nuptui tradi facie-  
 mus. Ad hæc igitur, & omnia quæ viuâ voce vestræ Sanctitati referendo commi- 10  
 simus penes vestram paternitatem promouenda, nuntios nostros *B. Geurien*. præpo-  
 situm, & *E. Alben*. archidiaconum, fideles ac dilectos Curiae nostræ clericos, trans-  
 mittimus: postulantes attentissimè per eosdem, quatenus quicquid pro commodo  
 nostri negotii petierint, cum cæteris per præsentem chartulam postulatis, ratum  
 habeatis, & auctoritatis vestræ munimine roboretis, apud Sanctitatem vestram ha-  
 bentes eos modis omnibus commendatos. Porro vestra non miretur Sanctitas si  
 de bonis regni nostri ad præsens, iuxta honorem vestrum & nostrum, nobis catheti-  
 zare non possumus. Ad hoc enim nos compulit & sanctæ Peregrinationis gran-  
 dis expensa, & patrata per nostros infideles damnosa plurimum discordia: parati  
 tamen de die in diem, abundantius vestræ Sanctitatis vñibus de cætero proui- 20  
 dere.

*Littera eius-  
 de Regis ad  
 I. summum  
 Pontificem de  
 vocatione  
 filii ad nouū  
 regnum; &  
 de petitione  
 I. Strigoniensis  
 archiepiscopi  
 ad inunctionem  
 ipsius  
 filii: item de  
 accusatione  
 Colocæn. Ar-  
 chiepiscopi  
 qui subtra-  
 xit septem  
 millia mar-  
 charū inter  
 aurum &  
 argentum.*

**S**anctissimo in CHRISTO patri I. DE Igratiâ sacrosanctæ Rom. Ec-  
 clesiæ summo Pontifici. A. eadem gratiâ Hungaria, Dalmatia, Croatia,  
 Rama, Seruia, Galicia, Lodomeriaque Rex, salutem & filialem deuotionem.  
 Consuevit sedes Apostolica se, iusta petentibus, exhibere facilem; & in explendis  
 honestis petentium desideriis non minus efficacem. Hinc est quòd super nego-  
 tiis nostris iustis, apud paternitatis vestræ mansuetudinem promouendis non  
 immeritò fiduciam nobis repromittimus. Nouerit igitur Sanctitas vestra, quòd  
 Galiciæ Principes & populus, nostræ ditioni subiecti, humiliter à nobis postulauit, 30  
 ut filium nostrum *Colomanum* ipsis in regem præficeremus, in vnitæte & obedi-  
 entia sacrosanctæ Romanæ Ecclesiæ perseveraturis in posterum: saluo tamen eo,  
 quòd fas illis sit aliàs à ritu proprio non recedere. Verum, ne tam expediens nobis  
 & vobis illorum propositum ex dilatione sustineat impedimentum: quod quidem  
 multis de causis accidere posse constat, si Legatum ad hoc exequendum à latere ve-  
 stro destinatum præstolamur: à Sanctitate vestra postulamus, quatenus venerabili  
 in CHRISTO patri nostro *I. Strigoniensi* Archiepiscopo detis in mādatis, ut Apostoli-  
 cā fretus auctoritate, dictum filium nostrum eis in regem inungat; & sacramentum  
 super obedientia sacrosanctæ Romanæ Ecclesiæ exhibenda ab eodem recipiat.  
 Præterea, innotescere volumus vestræ Paternitati nos ad proficiscendum *Hieroso-* 40  
*limas*, sicut & tenemur, studiose intendere, & omni diligentia festinare. Ideoque  
 regni nostri curam, cuius Principes ad dissentiendum proni sunt; & filiorum no-  
 \* strorum tutelam, quorum ætas paterno indiget, patri nostro in CHRISTO *I. Strigo-*  
*niensi* Archiepiscopo, qui & dignitate cæteris præminet, & fidei constantiā proba-  
 tus est, cum aliis quibusdam, quorum prouidentia & in recessu & post recessum no-  
 strum credimus regnum plenā tranquillitate potiri, immutabiliter possumus com-  
 mendare. Quapropter rogamus Paternitatem vestram, quatenus compatiendo  
 nostris necessitatibus, ipsum ab onere accedendi ad vos habeatis excusatum. Ve-  
 nerabiles autem viros, *Quinque Ecdiensem* & *Sturiensem* Episcopos, nec non Præpo-  
 situm *Alben*. Cancellarium nostrum, dudum voto alligatos, & signo Crucis insi- 50  
 gnitos, ut nobis itineris focii sint, utpote ex quorum societate non inodicas vi-  
 res constat nobis accedere, à vocatione vestra diligenter imploramus absolui.  
 Deprecamur insuper P. vestram ut omnes conspiratores, & infidelitatis machi-  
 natores, qui propter regni scissuram, filium nostrum, nobis viuentibus & no-  
 lentibus, in regem sibi præficere vel coronare attentauerint, tam clericos quam  
 laicos siñam excommunicationis percellatis. Meminerit etiam Sanctitas ve-  
 stra anno ante præterito super iure coronationis ad Ecclesiam *Strigoniensem* per-  
 tinentis,

pertinentis, per venerabilem R. episcopum Vesprinensem, nuntium nostrum, vos nobis literas direxisse, continentes laudabile vestrum consilium, & rationem efficacem: quod si coronatio ad plures pertineret, materiam dissensionis, & scismata facile excitaret, dum vnus vnum, alius alterum in Regem coronaret. quas, cum quibuldam aliis à Sede Apostolica nobis directis, & continentibus solam *Strigoniensem* ecclesiam in officiales domus Regiæ iurisdictionem habere, in occisione felicitis recordationis Vxor nostræ, per surrectionem amisisse. Quorum continentiam, quia credimus in Registro contineri, petimus à vestra Sanctitate nobis rescribi. Nec diffiteri possumus, nec volumus quin decima monetæ, vbicunque  
 10 cudadur in tota Hungaria, vel quicquid loco monetæ succedat, ad ius *Strigoniensis* ecclesiæ pertineat. Quod etiam in formatione pacis, anno ante præterito à parte aduersa publicè fuit recognitum: licet minus plenè fuit scriptum quàm intellectum. Præstatio quoq; Sacramentorum Regibus & Reginis Hungariæ, eorundemq; heredibus cum cæteris iuribus, sicut in confirmationibus vestris, & antecessorum vestrorum Apostolicorum virorum, continetur. Amplius, quod admirari non sufficimus, & Anoticiæ l. vestrum alienum fore nequaquam volumus: *Colocensem* scilicet Archiepiscopum, hominem pacis nostræ, in quo sperabamus; ob cuius vehementem affectionem, & promotionem super alios, ferè totius regni nostri maiorum & minorum odium incurrimus; quem etiam nupet à nobis licentiarum Peregrinationis causam, supra honorem sibi debitum, extra Regnum cum comitatu  
 20 duorum episcoporum, *Geuriensis* & *Wespriniensis*, conduci fecimus: pecuniâ, quam bonæ memoriæ Vxor nostra, ad opus & vsum filiorum, & filiarum nostrarum, congegesserat, & apud quendam ciuem nostrum deposuerat, in auro & argento in massa, vasis & vtēsilibus aureis & argenteis, ad extimationē vii. millium marcharum, nobis iniuste sublatum est Apostolicam commōitionem præmitti, quæ interpositâ & satisfactione non securâ in tempore, non indignè ferat P. vestra, si de ipsius prouentibus damnum nobis illatum refarcire studuerimus. Cæteris autem quæ verbotenus lator præsentium vobis explicauerit, non minùs quàm literis fidem indubitata adhibeat Sanctitas vestra.

30  
**N**Os autem *Nicolaus Patriarcha Constantinopolitanus, Albertus Patriarcha Antiochenus, Bertholdus Patriarcha Aquilegensis, & Philippus Bituricensis, Bonifacius Cantuariensis, Albertus Armacanus, Ioellus Remensis, Americus Lugdunensis, Girardus Burdegalensis, Gilo Senonensis, Oddo Rothomagensis, Gaufridus Turduensis, Vilelmus Bifuntinus, Ioannes Arelatensis, Ioannes Compostellanus, Petrus Tarracoenensis, Ioannes Bracharensis, Leo Mediolanensis, Vitalis Pisanus, Marinus Barenensis, & Hispanus Auxicanensis, Archiepiscopi; nec non Robertus Beluacensis, Henricus Carnocensis, Hugo Lingonensis, Guerinus Lucanus, Albertus Mutinensis, Arias Vlixbonensis, Petrus Barchinonensis, Gualterus Vingornienensis, Robertus Lincolnienensis, David Sancti Andree, & Vlriscus Tiriēstinensis, episcopi; Guilielmus etiam Cluniacensis, Bonifacius Cisterciensis, & Stephanus Clareuallensis, Abbates; frater Ioannes insuper Magister ordinis fratrum Prædicatorum, & frater Bonauentura vicarius ministri generalis fratrum Minorum: Priuilegia & literas pralibata, eorumque sigilla cum characteribus suis, inspeximus diligenter; factaq; coram  
 40 nobis collatione de ipsis ad transcripta superius annotata singulis, sigilla nostra eisdem fecimus transcriptis apponi. Nulli ergo omnino hominum liceat huius decreti paginam infringere: vel ei ausu temerario contraire. Siquis autem hoc attentare præsumserit, indignationem omnipotentis DEI, & beatorum Petri & Pauli Apostolorum eius, se noverit incursum. Datum Lugdun. tertio Idus Iulii, Pontificatus nostri anno tertio.*

In medio erat plumbū ipsius Innocentii III. cum cordulis sericeis rubei & galguli coloris: lateraliter pendebant xxx sigilla cerea prælatorum hic nominatorū cū cordulis fili albi.



B. L V D O V I C I R E G I S D E  
CAPTIONE ET LIBERATIONE SVA,  
E P I S T O L A.

**L**VDOVICVS, DEI gratiâ FRANCORVM  
REX: Dilectis & fidelibus suis, Prelatis, Baronibus, mi-  
licibus, ciuibus, burgensibus suis, & aliis vniuersis in Regno<sup>10</sup>  
*Franciae constitutis, ad quos praesentes litterae peruenerint: Sa-*  
*lutem.* Ad decus & gloriam Diuini nominis, Crucis prose-  
qui cupientes negotium, totis affectibus vniuersitati vestrae du-  
ximus intimandum: Quod post captionem *Damiatae*, quam Dominus I E S V S  
CHRISTVS, per ineffabilem suam misericordiam, quasi miraculosè præter vires  
humanas Christianæ tradiderat potestati, sicut vos credimus non latere, delibato  
communi consilio, de *Damiata* recessimus, vicesimâ die mensis, Nouembri proxi-  
mo præteriti; congregato tam nauali exercitu quàm terrestri, procedentes aduer-  
sus Sarracenorum exercitum, congregatum & castrametatum in loco, qui vulgari-  
ter *Massoria* appellatur: in ipso quidem itinere sustinuimus aliquos Sarracenorum<sup>20</sup>  
insultus, in quibus assidue detrimentum suorum non modicum receperunt: qua-  
dam die nonnullis eorum, qui de exercitu Aegyptiorum nostris occurrerant, inter-  
fectis. Intelleximus autem in ipso itinere, *Soldanum Babylonie* de nouo vitam mi-  
seram finisse: qui, sicut publicè dicebat, & miserat ad filium suum morantem in  
partibus Orientis, vt in Aegyptum veniret; & eidem à cunctis sui exercitus maio-  
ribus fidelitatis fieri fecerat iuramenta: relictâ totius suæ terræ exercitus custodiâ  
cuidam Admirato suo, nomine *Farchardino*. Hæc quidem, in accessu nostro ad lo-  
cum prædictum, inuenimus vera esse. Accedentes igitur ad locum prædictum, die  
Martis, ante festum Natiuitatis Dominicæ, in primis accessum habere nequiuimus<sup>30</sup>  
ad Sarracenos eosdem, propter quendam fluuium inter vtrumque exercitum de-  
fluentem, qui fluuius *Thaneos* dicitur, & in loco illo à magno flumine diriuatur. In-  
ter vtrumque fluuium posuimus castra nostra protendentia à maiori fluuio ad mi-  
norem: vbi aliquando conflictu habito cum Sarracenis, multi ceciderunt ex ipsis,  
nostrorum gladiis interfecti; maximâ insuper eorum multitudine submersâ, in a-  
quis validis & profundis. Sanè, quia memoratus fluuius *Thaneos* non erat vada-  
bilis, propter profunditatem aquarum & riparum altitudinem, cœpimus facere  
super eum *calciatam*, vt per eam pateret transitus exercitui Christiano, ad hoc multis  
diebus cum immensis laboribus, periculis & sumptibus insistentes. Sarraceni au-  
tem, è contra totis resistentes conatibus, machinis nostris quas erexeramus, ibidem<sup>40</sup>  
machinas opposuerunt quas plës, quibus castella nostra lignea quæ super passum  
collocari feceramus eundem, conquassata lapidibus & contracta, combuxerunt  
totaliter igne Græco. Quo facto, ferè omni spe & expectatione frustratâ per *cal-*  
*ciatam* illam taliter transcundi, tandem per quendam Sarracenum venientem ab  
Aegyptiorum exercitu, datum fuit nobis intelligi locum esse vadabilem aliquantu-  
lum inferius, quò poterat exercitus Christianus fluuium transmeare. Inde, com-  
municato consilio Baronum & aliorum maiorum de exercitu, die Lunæ antè *ci-*  
*neres*, fuit concorditer ordinatum, quòd in crastino, die videlicet *Carnipriuii*, summo  
mane conueniremus ad locum prædictum, fluuium transituri, quadam parte exer-  
citus ad castrorum custodiam ordinatâ. Die itaque crastinâ, ordinatis aciebus, ve-<sup>50</sup>  
nientes ad locum, transiuimus fluuium non tamen sine graui periculo. Nam pro-  
fundior & periculosior erat locus, quam nobis fuerat intimatum: ita quòd ibi opor-  
ruit natâre equos nostros: & propter altas & lutuosas ripas, periculosus erat exitus  
fluminis antedicti. Transacto itaque flumine, ventum est ad locum vbi erant Sar-  
racenorum machinæ, iuxta *calciatam* prædictam. Et habito cum Sarracenis ag-  
gressu, nostri qui præcedebant, multos ex ipsis trucidarunt gladiis, non parcentes  
sexui vel ætati. Inter quos Capitaneum eorundem, & quosdam alios Admiratos in-  
terfecerunt,

- terfecerunt ibidem. Deinde verò dispersis aciebus nostris, quidam nostrorum per castra hostium discurrentes, venerunt vsque ad villā quæ *Massora* dicitur, quotquot hostium occurrebāt gladiis occidentes. Sed tandem Sarraceni, cognito eorum inconsulto processu, resumptis viribus irruentes in eos, & circumuallantes vndique, opprefferunt eosdem: vbi facta est nostrorum strages non modica Baronum & militum, tam religiosorum quàm aliorum, de qua non immeritò doluimus quamplurimum & dolemus. Ibi etiam illum præcordialem & præclarum fratrem nostrum, recolendæ memoriæ, & *Atrabensem Comitem*, temporaliter amisimus: quod cum cordis amaritudine recolimus & dolore, licet de ipso gaudendum sit potius quàm
- 10 dolendum; Quoniam pro certo credimus & speramus eū, coronā martyrii, ad cælestem euolasse patriam, & ibi cum Sanctis martyribus perenniter congaudere. Itaque die illā, Sarracenis super nos irruentibus vndique, ac imbrem emittentibus sagittarum, graues insultus sustinuius eorundem vsque circiter horam nonam, deficiente nobis omnino balistarum subsidio: & tandem, multis ibidem vulneratis ex nostris & equis nostris pro maiori parte diuersis fauciatis vulneribus aut occisis, Domino auxiliante, campū retinuius, nostrorum viribus relictis: & ibi, iuxta Sarracenorū machinas, quas adquisiuius, eadem die castra nostra posuimus: vbi cum paucis moram fecimus die illo: factō ibi prius ponte de lignis, per quē possent illi ad nos qui erant ultra fluuium transire. In crastinō verò plures ē nostris de
- 20 mandato nostro fluuiū transientes, castra metati sunt iuxta nos: & tunc, destructis Sarracenorum machinis, *licias* fecimus ad pontes nauales, per quos nostri de vno exercitu ad alium transire liberē poterant & securē. Sequenti autem die Veneris, filii perditionis, congregatis ex omni parte viribus suis, Christianum exercitum omnino perdere intendentes, in fortitudine maxima, & in multitudine infinita conuenerunt ad *licias* nostras, ex omni parte exercitus tantos tamque terribiles facientes insultus, quantos, sicut à pluribus dicebatur, in eis marinis partibus nunquam viderant facere Sarracenos. Quibus tamen, Diuinā præualente potentiā, ordinatā ex omni parte exercitus nostrorum copiā restitimus, & impetus repulimus eorundem, maximā eorum multitudine nostrorum gladiis incumbente. Postmo-
- 30 dum autem elapsis aliquot diebus aduentauit apud *Massoram* Soldani filius, veniens de partibus Orientis: in cuius aduentu tympanizantes & latantes Ægyptii, receperunt eum ad Dominum: & ex hoc augmentata est eorum non modicum fortitudo. Vnde apud nos postmodum, nescimus quo Dei iudicio, omnia nostris desideriis in contrarium successerunt: inolente diuersarum ægritudinum peste, & mortalitatis etiam generalis tam in hominibus quàm in equis: ita quod vix erant in exercitu aliqui qui mortuos suos nō plangerent, aut ægrotantes ad mortem. Vnde pro magnā parte diminutus erat exercitus Christianus, & consumptus. Tantus erat defectus victualium, quod plures inediā deficiebant & fame. Non enim vassella naualia de *Damieta* ad exercitum transire poterant, impredientibus Sarrace-
- 40 norum galeis & vasis piraticis, quæ per terram in flumine collocauerant antedicto. Sicque compluribus vasis nostris prius captis ab eis in flumine; tandem duas successiue *carauanas*, victualia & alia multa bona ad exercitum deferentes, cæsa marinorum & aliorum multitudine, ceperunt, in totius exercitus detrimentum. Vnde deficiente omnino victualium, & annonæ equorum suffragio, cœperunt in exercitu deficere ferē omnes, in desolationem & terrorem non modicum incidentes. His igitur artatos incommodis, tam propter ciborum carentiam & equorum annonæ, tam propter casus superius annotatos, inueuitabilis necessitas nos induxit à loco prædicto recedere, & ad partes *Damiatæ* redire, si Dominus prouidisset: Sed, cum *via hominis non sint in eo, sed potius in illo, qui* Item. 10, 13.
- 50 *quorumq; gressus dirigit, & disponit iuxta sua placita voluntatis:* dum cilemus in itinere reuertendi, quinto scilicet die mensis Aprilis, & Saracenis totis suis viribus congregatis in vnum, cum multitudine infinita aggressi sunt exercitum Christianum; &, sicut accidit, permissione Diuinā, peccatis nostris exigentibus, in manus inimicorum incidimus: nobis, & karissimis fratribus nostris, *A. Pictauiensis*, & *K. Andegauensis* Comitibus, & cæteris qui nobiscum reuertebantur per terram, nemine penitus euadente, captis & carceribus mancipatis, non sine maxima strage nostrorum, & effusione non modica sanguinis Christiani:

maiori parte illorum qui reuertebantur per fluuium, similiter captâ, aut gladio interfectâ; vasellis naualibus, vt plurimum, incendio dissipatis, in quibus incendii flamma combuxit ægrotantum multitudinem dolorosum. Sanè post captionem nostram, per dies aliquot iam dictus *Soldanus* requiri nos fecit de treugis faciendis: petens instanter, non sine minis & austeritate verborum, quòd sublato moræ dispendio, faceremus sibi restitui Damiatam, cum omnibus rebus ibidem inuentis; & refarciremus omnia damna, & expensas quas fecerat vsque ad tempus illud à die quâ receperant Damietam Christiani. Tandem verò post multos tractatus, treugas iniuimus vsque ad decennium, sub hac forma: videlicet, Quòd idem Soldanus nos, & omnes qui capti fuerant à Sarracenis postquam venimus in Ægyptum, 10 Christianos captiuos, nec non & omnes alios de quibuscumque partibus oriundos, qui capti fuerant à tempore quo *Soldanus Kyemel*, auus eiusdem *Soldani Caym*, cum Imperatore treugas inierat, de carcere liberaret; & liberos abire permetteret vbi vellent: & quòd terras, quas Christiani in regno Ierosolymitano tenebant in aduentu nostro, cum omnibus pertinentiis in earum pace tenerent. Nos autem tenebamur ei reddere *Damiatam*, & octingenta millia *Bisantiarum* Saracen. pro liberatione captiuorum, & damnis, & expensis prædictis: de quibus iam soluimus quadringentos: & liberare omnes Sarracenos captos in Ægypto à Christianis, postquâ illuc venimus: nec non & eos qui capti fuerant in regno Ierosolimitano, à tempore treugarum olim factarum inter Imperatorem & Soldanum prædictum. Adiecto, 20 quòd omnia bona nostra mobilia, & omnium aliorum apud Damiatam remanentia, post recessum nostrum, salua forent, & sub custodia & defensione eiusdem Soldani, portanda ad terram Christianorum quandocumque oportunitas haberetur. Omnes etiam Christiani infirmi, & alii qui pro vendendis rebus suis quas ibi habebant, in Damiatam moram traherent, tuti similiter essent, recessuri per terram vel per mare, quando vellent sine impedimento vel contradictione quacumque. Et omnibus illis qui per terram vellent recedere, tenebatur idem Soldanus vsque ad terram Christianorum securum præstare conductum. Vndè cum huiusmodi treugæ inter nos & Soldanum prædictum, præstitis iuramentis hinc inde firmatæ fuissent: & iam idem Soldanus esset cum suo exercitu in itinere veniendi aduersus 30 propè Damiatam, pro complendis omnibus supradictis: accidit, Diuino iudicio, quòd quidam milites Sarraceni, non sine conniuentia vel maioris partis exercitus, irruentes in *Soldanum* prædictum surgentem in manè de mensa, post prandiū, ipsum immaniter vulnerauerunt; & de suo tentorio exeuntem, vt posset fugæ beneficio liberari, videntibus ferè omnibus Admiratis, & aliorum Sarracenorum multitudine, frustrati gladiis trucidarunt. Quo perpetrato, statim multi Sarraceni armati, in illo furoris calore, venerunt ad nostrum tentorium, ac si vellent, vt timebatur à multis, in nos & alios Christianos desauire: sed Diuinâ clementiâ, eorum furiem mitigante, super firmandis treugis præhabitis cum Soldano, & ciuitatis Damiatæ liberatione festinâ, nos requisierunt instanter. Cum quibus, præmissis tamen ab 40 eis verborum & comminationum tonitruis, tandem sicut Domino placuit, qui tanquam pater misericordiarū, & pius in tribulationibus consolator, gemitus compeditorum exaudit, firmauimus cum iuramentis treugas quas feceramus antea cum Soldano; & ab omnibus & singulis eorum recepimus iuramenta, iuxta legem eorundem super treugis nostris obseruandis: determinatis certis temporibus, infra quæ captiui liberarentur hinc inde; & Damiatæ ciuitas redderetur. In cuius redditione, & tunc cum Admiratis eisdem, & antea cum Soldano ea de causâ non sine difficultate conuenimus: quia spes nulla erat de retinenda ciuitate iam dicta, sicut certissimè per illos intelleximus qui ad nos de Damietâ venerant, veritatem nullatenus ignorantès: propter quos, de consilio Baronum Franciæ, & quamplurimum 50 aliorum, potius elegimus Christianitati fore consultius, nos & captiuos alios pro treugis huiusmodi liberari, quàm ciuitatem taliter admittere cum residuo populi Christiani existentis in illa, quàm nos & alios sub tantis periculis in carcere remanere. Die igitur statutâ receperunt Admirati prædicti ciuitatem eandem: quâ receptâ, liberauerunt nos, & fratres nostros; nec non *Comites Britanniae, & Flandriæ, & Suefion*. Et multos alios Barones, milites de regno Franciæ, Ierosolimorum, & Cypri. Et tunc spem firmam habuimus, ex quo nos liberauerunt & alios supradictos, quòd

quòd de reddendis & liberandis omnibus aliis Christianis, iuramenta sua firmiter obseruarent, secundum continentiam treugarum. His itaque peractis, a partibus Ægypti recessimus, certos nuntios dimittentes ibidem, ad recipiendum captiuos à Sarracenis, & ad custodiam rerum quas ibidem dimisimus: & quòd non habebamus nauigia quæ sufficerent ad portandum. Postmodum autem, venientes in actu de re habendis captiuis, quod multum insidet cordi nostro sollicitè cogitantes, remisimus alios solemnes nuntios & nauigia in Ægyptum, ad reducendum captiuos, & res alias quas dimiseramus ibidem: scilicet, machinas nostras, arma, tentoria, quandam quantitatem equorum, & alia multa bona. Sed Admirati prædicti nuntios nostros, cum instantia postulantes reddi sibi captiuos iuxta formam treugarum & alia supradicta, detinuerunt diutius in Babylonia, sub spe reddendi omnia quæ petebant. Tandem verò post expectationem diuturnam de captiuis omnibus quos reddere tenebantur, qui sunt, ut firmiter dicitur, numero plus quàm duodecim millia, inter antiquos & novos, non liberauerunt nuntios nostris nisi tantummodo quadringentos; de quibus pars quædam exiuit de carcere pecuniâ medianre: de cæteris tantum rebus, nihil omninò reddere vulerunt. Immo, quod est detestabilius, post treugas initas & iuratas, sicut intelleximus per nuntios nostros, & per captiuos quosdam fide dignos de illis partibus redeuntes, electos iuuenes de Christianis captiuis ducendo ad victimam, tanquam

20 oves, quantum in eis erat, compellebant apostatari à fide Catholica, appositis gladiis super eorum ceruicibus, & clamare legem sceleratissimi Machometi; quorum multi imbecilles & fragiles exorbitauerunt à fide, legem illam detestabilem profitendo. Cæteri verò, tanquam Athletæ fortissimi, in fide radicati, & in firmo proposito constantissimè persistentes, minis vel flagellis hostium superari nullatenus potuerunt: sed certantes legitimè, coronas martyrii receperunt sanguine rubritas: quorum sanguis, ut pro certo tenemus, clamabat ad Dominum pro populo Christiano, & aduocati nostri erunt coram summo Iudice in cœlesti curia, in causâ quam agimus contra fidei inimicos, vtiliores nobis in illa patria quàm si nobiscum conuersarentur in terris. Multos etiam Christianos qui apud Damiatam remanserant ægotantes, gladiis trucidarunt. Nec de liberandis captiuis Christianis: nec de rerum restitutione nostrarum, aliquam certitudinem habebamus, quamuis plenè seruauerimus conditiones & pacta quæ cum eis habuerimus, & parati fuerimus obseruare. Ad hoc cum post treugas initas & liberationem nostram, firmam haberemus fiduciam, quòd liberatis captiuis, terra transmarina quam Christiani tenebant, in statu pacifico permaneret, usque ad tempus in treugis diffinitum: voluntatem & propositum habuimus ad partes regni Franciæ reuerendi: & iam disponi feceramus de nauigio, & aliis, quæ ad nostrum passagium necessaria videbantur. Sed apertè videntes, per ea quæ superius sunt expressa, quòd Admirati prædicti apertè contra treugas veniebant,


40 & contra propria iuramenta nobis & Christianitati illudere non verentes, requisimus consilia Baronum Franciæ, Prælatorum, domorum Templi, Hospitalium Sancti Iohannis, & Sanctæ Mariæ Teutonicorum, Baronum regni Ierosolimitani: & communicatum quidem esset nobis in euntibus huiusmodi faciendum: quorum maior pars concorditer asseribat, quòd si nos recedere contingeret his diebus, prædictam terram dimitteremus omninò in admissionis articulo constitutam; & noster recessus, non esset aliud, nisi eam totaliter exponere Sarracenis: maxime cum in statu tam debili, & tam miserabili his diebus esset, proh dolor! constituta: Captiui etiam Christiani qui ab infidelibus detinentur, post recessum nostrum poterant pro perditis reputari, omni spe de liberatione ipsorum sublata. Si autem contingeret nos morari, sperabatur quòd ex mora nostra posset aliquod bonum euenire: ex quo etiam liberatio captiuorum, & castrorum & villarum regni Ierosolimitani retentio, & quædam alia toti Christianitati vtilia posset, auctore Domino, prouenire: maxime cum inter *Soldanum Italapæ*, & *Babylonios* grauis discordia sit exorta. Qui Soldanus, congregatis suis exercitibus, iam cepit *Damiscum*, & quædam castra sub dominio Babyloniæ circumstantia processurus, ut a multis asseritur, in Ægyptum ad vindicandum mortem interfecti Soldani,

50

& ad terram illam quantum poterit occupandam. His igitur consideratis attentè, prædictæ Terræ Sanctæ compatientes miseriis & pressuris, qui ad eius subsidium veneramus, ac captiuorum nostrorum captiuitatibus & doloribus condolentes, licet nobis dissuaderetur à multis morari in partibus transmarinis: malluimus tamen adhuc differre passagium, & morari per tempus aliquod in regno Syriæ, quàm negotium CHRISTI totaliter relinquere desperatum, & captiuos nostros in tantis periculis constitutos. Karissimos autem fratres nostros *A. Pictauiensem, & K. Andegauensem* Comites, ad karissimæ dominæ ac matris nostræ, nec non & totius Regni consolationem, in Franciam duximus remittendos. Cùm igitur omnes qui in nomine Christiano censentur, zelum habere debeant ad negotium memoratum: 10  
 & vos præcipuè, Clerici, qui de illorum sanguine descendistis, quos Dominus ad Terram Sanctam acquirendam, tanquam populum peculiarem elegit, quam acquisitionis titulo propriam reputare debetis, vniuersitatem vestram ad illud seruitium inuitamus, qui nobis in Cruce seruiuit, & pro redemptione vestra sanguinem proprium effundendo, extitit, ita quòd corda vestra noua in CHRISTI ES V. Gens enim illa sceleratissima, in contumeliam Creatoris, præter blasphemias quas dicebant in conspectu populi Christiani, Crucem flagellis cædebant, spuebant in eam, & deinde viliter pedibus conculcabant, in opprobrium fidei Christianæ. Eya ergo, milites CHRISTI! peculiaris Papæ DEI viui, accingimini, & estote viri potentes ad vindicandas iniurias & opprobria supradicta; actus vestros ad antecessorum vestrorum exempla reducite, qui specialiter inter cæteras nationes, fuerunt in fidei exaltatione deuoti, & sinceritatis affectu, dominis suis temporaliter obsequentes, totum orbem gestis insignibus impleuerunt. Præcessimus vos in obsequium DEI: venite & vos, assequimini nos pro DEO, tandem nobiscum, licet tardius deuenieritis, recepturi, Domino largiente, mercedem, quam *Euangelicus Paterfamilias* primis donauit vineæ suæ operariis, & extremis. Insuper, præter indulgentiam generalem Cruce signatis indultam, venientes, vel competens subsidium transmittentes in nostros subsidium, immò potius Terræ Sanctæ, dum ibi præsentibus fuerimus, apud DEVM, & homines multum sibi fauoris & honoris acquirant. Expedite autem negotium: vt illi, quibus virtus Altissimi inspirabit venire vel mittere in subsidium memoratum, præparent se venturos vel missuros in Passagio instantis mensis Maii vel Aprilis: Ipsi autem qui parati esse non poterunt ad transmittendum in illo passagio, saltem in secundo sequenti passagio sancti Iohannis transfretare procurent in subsidium memoratum. Acceleratione enim opus est, & mora dispendiosa videtur, iuxta negotii qualitatem. Vos autem, Prælati & alii CHRISTI fideles, pro nobis ac memorato negotio Terræ Sanctæ specialiter orationum instantiâ interpellare velitis Altissimum; ac in locis vobis subiectis faciatis specialiter exorari, vt quod nostra peccata præpediunt, Diuinæ suæ propitiationis annuente clementiâ, vestrarum aliorumque bonorum orationum suffragiis valeat. Actum *Acon*, Anno Domini MCC. quinquagesimo, mense Augusto.

*Math. 10.  
v. 8.*

REGIS



# REGIS FRANCORVM

## B. LVDOVICI CANONISATIO.

**B**ONIFACIVS episcopus seruus seruorum DEI: *Venerabilibus fratribus, vniuersis Archiepiscopis & Episcopis, exemptis & non exemptis per Regnum Franciæ constitutis: Salutem & Apostolicam benedictionem.* Gloria, laus & honor Patri luminum (à quo est omne datum optimum & omne donum perfectum) à cunctis fidei orthodoxæ cultoribus, quorum spes tendit ad superos: summis, & sedulis deuotionis & reuerentiæ studiis referantur. Ipse namque in misericordia copiosus, liberalis in gratiis, & in retributione munificus, de supremis cœlorum ad ima mundi oculos suæ maiestatis inflectens, & benignâ consideratione discutiens beati LVDOVICI quondam *Regis Franciæ* inclyti, sui que gloriosissimi confessoris merita grandia, opera que mirifica: quibus ipse cõstitutus in sæculo, ceu lucerna luminosa, resplenduit: ea que veluti iustus iudex & retributor laudabilis dignanter intendens condignis recompensare muneribus: eum tanquam emeritum & retributione dignissimum, post vitæ præsentis ergastulum, & laboriosa mundi certamina (quæ feruens in diuinis obsequiis potenter & patenter exercuit) æthereis sedibus collocauit, vt sedeat cum principibus & solium gloriæ teneat: felicitatis æternæ dulcoribus potiturus. Exulter igitur mater Ecclesia, ac solennia festiua concelebrat gaudiorum: quod tantum & talem filium genuit, produxit natum, educauit alumnum, iam inter regum cœlestium gloriosa agmina rutilantem. Lætetur inquam & iubilet, ac in laudes Altissimi voces promat: quod sobolis tam præcellæ, tam celebris illustrata fulgoribus, insignis decorata conspicitur. Quæ sonoris attollenda præconiis summæ que venerationis exhibitione colenda, enucleatius aperit, euidentius explicat: illos ad perennis beatitudinis gaudia, & hereditatis æternæ participationem admittendos: qui prædictam Ecclesiam, matrem fidelium, sponsam CHRISTI claris fidei & operis testimoniis profitentur, nullos que in supernæ patriæ gloriam, nisi per eius, vtpote cœlorum clauigeræ, ministerium virtuosum, ostiis reſeratis altissimis, introire. Gaudeant incolarum turbæ cœlestium, de tam sublimis tam lucidi habitatoris aduentu: quod ipsis expertus probatus que fidei Christianæ colonus, cultor que præcipuus aggregatur. Personet lætitiæ iubilum, citium gloriosa nobilitas supernorum: quod tanti talis que conciuis suscepisse dinoscitur adiectium: ac venerabilis sanctorum cœtus gaudio & exultatione refloreat, de noua dignissimi adhibitione consortis. Exurge itaque concio numerosa fidelium, exurgite fidei zelatores: & vnâ cum eadem Ecclesia laudis vberis hymnum concinite. Perfundantur imbre copioso lætitiæ vestra præcordia, & fecundo rore dulcedinis arcana pectoris repleantur, de tanta tam potentis & egregii principis exaltatione terreni: spei tutissimæ plenitudine præconceptâ, quod nobis de indigena terrenorum, compatriota cœlestium iam effecto, apud æterni Patris Filium efficax patronus accreuit: qui pro salutis nostræ profectibus, iam in eius præsentia positus: solertis exercet officium oratoris. Porro quis posset amplo famine præpotens, quis disertus quantumlibet, aut eloquii nitore coruscans, sufficienter exprimere præcella sanctitatis insignia & multiplicium excellentiam meritorum, quibus beatus LVDOVICVS prædictus in terris constitutus effulſit: cum eò plura de ipsius laudabilibus actibus referenda se offerant, quò plura calamus exprimit, pandunt labia, lingua pangit. Sed ne ipsorum actuum claritas sub nubilo lateat, tenebris obducatur: dignum duximus vt de illis aliqua sermo noster aperiat, & deducat in publicam notionem. Hic profectò clarissimus genere, sublimis potentiâ, facultatibus opulentus, præcellus virtutibus, moribus elegans, conspicuus extitit honestate: inhonestis & turpibus à se penitus relegatis. Nā

IIII



sic pudicitia adhaerit operibus, sic carnis studuit evitare contregia: quod sicut habet  
 certa credulitas plurimorum: nisi ei nexus accessisset vxorius, candore virgineo ru-  
 tilasset. Longi quippe spacio temporis, praedicti regni regimini praefuit, eiusque  
 gubernacula, plena curis, prouidâ circumspeditione direxit: nulli noxius, non iniu-  
 riosus alicui, nemini violentus. *Iustitia* limites summopere seruauit & coluit, æ-  
 quitatis tramitem non relinquens: peruersorum conatus nefarios poenæ debitæ  
 mucrone compescuit: malorum molimina conterens, prauorum illicitos ausus fre-  
 nans. *Pacis* zelator eximius, feruidus amator concordia, promotor sollicitus extitit  
 vnitatis: dissidia fugiens, vitans scandala, dissensiones abhorrens. Propter  
 quod sui felicitis regiminis tempore, sedatis vndique fluctibus, subductis no-  
 xiis, turbinibus profugatis, regni eiusdem incolis aurora dulcissimæ tranquillitatis  
 illuxit, lætaque serenitas votiua prosperitatis arrisit. Et vt de vita ipsius ali-  
 qua referamus: licet illa quod maiori expositione discutitur, examine indagatur, eò  
 referentis afferat gustui plus dulcoris, mentesque delectet obnixius auditorum.  
 Ab ineuntis ætatis primordiis DEIFILIVM tenerâ mentis affectione dilexit: nec  
 diligere desuit studia continuando salubria, dum vitæ sibi commoditas affuit tem-  
 poralis: sed quanto maiori profecit ætate, ac in tempora prolixiora profiliit, tanto  
 in eius exarsit amorem, feruore spiritus ampliore. Hic equidem cum esset *annorum*  
*duodecim*, paterno destitutus auxilio: sub claræ memoriæ *Blanche* Reginae Franciæ  
 matris suæ custodia & gubernatione remansit: quæ circa diuina obsequia feruen-  
 ter intentat, eum prudenter dirigere, ac diligenter instruere satagebat: vt ad præ-  
 fati regni regimen, quod suæ directionis expetere prouidentiam noscebarur, dignus  
 & sufficiens fieret, idoneus haberetur. Cumque per incrementa temporum, idem  
 Rex ætatis *annum quartum decimum* attigisset: praedicta Regina sibi magistrum pro-  
 prium deputauit, qui eum scientiâ litterarum imbueret ac bonis moribus informa-  
 ret. Ipseque Rex sub eiusdem magistri ferula positus, sic ei obediens & reuerens exi-  
 stebat, sicque illius recipiebat humiliter disciplinam, quod supernâ prauentus gra-  
 tiâ, profecit laudabiliter in vtrisque: circa diuina sic intentus officia, vt nequaquam  
 ipsorum auditione contentus existeret, nisi ea quæ coram se die noctuque a suis fa-  
 ciebat clericis solenniter celebrare, ab ipso cum eorum aliquo attentius diceren-  
 tur. Demum successu temporis *in anno vicesimo* constitutus, & quadam sibi ægri-  
 tudine superueniente grauatus, à Parisiensi & Meldensi Episcopis assistentibus tunc  
 eidem, viuificæ Crucis signaculum in Terræ Sanctæ subsidium sibi cum multa in-  
 stantia petiit exhiberi. Et licet hoc ei rationabili causâ moti, praefati dissuaderent  
 Episcopi: ipse tamen, vtpote feruens spiritu erga DEVM, ei que votis ardentibus fa-  
 mulari desiderans, illorum salubriter dissuasionibus non admissis, signum huius-  
 modi de manu praefati Parisiensis Episcopi cum multa læticia & exultatione rece-  
 pit, prælatis, nobilibus & militibus plurimis signum ipsum assumentibus cum eo-  
 dem. Et tandem amplo præparato nauigio, factisque apparatibus aliis qui in tali-  
 bus requiruntur, cum *tricesimum quartum annum* attigisset ætatis, in praedictum sub-  
 sidium transfretauit: consortes ei, Robertum Attrebatensem, Alphonsum Pictau-  
 ensem, & claræ memoriæ Carolum Regem Siciliae tunc Andegaviae, Comites, fratres  
 suos dum adhuc viuerent, secum ducens, multa, grauiaque pericula, quæ solent æ-  
 quorei fluctus ingerere, sustinendo. Cumque ad partes illas ingenti circumfultus  
 potentiâ peruenisset, & habito de ciuitatis Damiatæ captione triumpho, processisset  
 ulterius: generali quasi totius eiusdem exercitus, sicut Domino placuit, ægri-  
 tudine subsecutâ, & aliis aduersis vrgentibus, praefatus Rex cum toto ferè exercitu su-  
 pradicto in Soldani & Saracenorum manus ac potentiam incidit: multa opprobria  
 multasque iniurias, quæ inferentium foeda conditio adaugebat, patienter & humi-  
 liter tolerando: praefato Roberto Comite, pro fide CHRISTI, ab illis immaniter in-  
 terempto. Postmodum autem habito cum Soldano tunc viuente tractatu de iam  
 dicto Rege ac exercitu liberando, maximâ interueniente pecuniæ quantitate, ipso-  
 que Soldano occasione huiusmodi à vasallis propriis interfecto: Saraceni, qui eius  
 dominium vsurparunt, ad pecuniam anhelantes, eandem cum multa instantia  
 postulabant, vt in conuentionibus ordinatis concorditer inter partes iureiuran-  
 do firmandis penitus adderetur: quod nisi ipsi pacta seruarent, omnino Machometum  
 quem colunt (vt dicitur) denegarent: ac idem Rex in suo adiiceret iuramento, quod  
 & ipse

*ipse DEI negaret FILIVM ac extra fidem eius existeret: si conuentiones prædictæ ab eo minimè seruarentur. Quod præfatus Rex abominans: id efficere constantissimè recusauit: quin potius quadam indignatione commotus patenter asseruit, Quòd talia tam nefanda suis labiis aliquatenus non proferret; neque in tam vesanam & reprobam prorumperet negatiuam: quanquam id ei iam dicti Pictauia & Andegauia comites, aliiq; tunc plurimi circumstantes instantissimè suaderent, cum exinde sibi cæterisque Christicolis mortis periculum verisimiliter imminere conspiceret: præsertim cum hoc ageretur cum illis, qui, sicut præmittitur, Soldanum prædictum occiderant, eius sibi dominium vsurpantes: ipsique Regi apertius diceretur,*

30 *quòd nisi in actum produceret quod petebant, ipsum & suos crucifigere non differrent: ipsius Regis ad hæc intrepida firmaque responsio est secuta: quòd si Saraceni prædicti eius corpus occiderent, ipsius tamen animam non haberent. Sanè cum iam dicti Passagii tempore, post conflictus diuersos & varios, validæ famis inedia, graues penurias, diraque vulnera quæ fideles CHRISTI pertulerant, eodem Rege tunc temporis fluxum ventris & ægritudines alias patiente, Christianus reuertetur exercitus Damiatam: Rex ipse nolens illum omnino deferere, sed eius potiùs clementer intendens communicare laboribus, & participare periculis, quæ tunc ex verisimilibus poterant coniecturis timeri, illuc rediit cum eodem: contra Saracenorum rabiem truculentam insultusque nefarios, sibi efficax defensionis im-*

40 *pendendo præsidium, vt ab huiusmodi hostium scelestis insidiis seruaretur. Et tandem, cum Saracenorum ipsorum astuta nequitia & dolosa calliditas, tam grandi bellantium copia Christianum circumdedisset exercitum, validâ tunc, sicut præmittitur, infirmitate detentum; ipsumque tam grauitè inuasisset, quòd Regem & exercitum supradictos oportuit se præfatis reddere Saracenis. Ac idem Rex, nisi factò voluntatis libitum obstitisset, per nauis tunc promptæ potuisset euasisse suffragium; sibi que hoc plurimi magnique, præsentis inibi, suaderent: ipse tamen propter nimiam charitatis ardorem, quo vehementius æstuabat, volens potiùs periculis corpus exponere, vt Christianus populus seruaretur illæsus: licet Saracenorum noticiam ipsius debilitas non lateret exercitus; nec Saracenorum existeret igno-*

50 *ta potentia Christianis: euadere noluit, remanentibus cæteris vinculo captionis astrictis: apertius asserendo, quòd militiam quam secum duxerat, secum, si posset, reducere intendebat; vel capi seu mori pariter cum eadem. Cumque inter Regem & Christianos ac Saracenos prædictos, de ipsorum Regis & Christianorum, sicut superius est expressum, liberatione tractatus habitus & conuentionum subsecuta ordinatio extitisset: Saraceni, pro quadam parte precii redemptionis huiusmodi quæ soluenda restabat, securitatem habere plenariam intendentes, in electionem ipsius Regis totaliter posuerunt: vt, vel ipse liberaretur à carcere, remanentibus cæteris Christianis in vinculis donec huiusmodi solutio perfecta succederet; vel quòd idem in carcere remaneret, Christianis ipsis omnimodè liberatis. Præfatus Rex*


60 *super hoc promptum nec dilatum responsum præbuit: quòd ipse, quousque solutionis huiusmodi proueniret integritas, remanere in carcere intendebat, Christianis aliis libertati pristina restitutis: quanquam præfati Alphonsus & Carolus, ac alii viri nobiles, tunc astantes, expresse dicerent & profiterentur apertius quòd in hoc nullatenus consentirent: supplici adicientes instantiâ, quòd potiùs Rex ipse recederet, aliis minimè absolutis, Rege ipso firmissimè replicante contrarium, nec assensiente sermonibus eorundem. Et tandem Rege, & cæteris captiuis eisdem, plenæ redditis libertati, dictoque Alphonso pro eiusdem solutionis perfectione faciendâ obside dimisso: præfatus Rex de galea in qua erat egredi noluit, donec ipsius solutionis defectus extitit adimpletus, dictusque Alphonsus ad eius præsentiam rediit; ac omnes etiam Christiani, quos in propinquo carcere detinebant inclusos, quosque in Babyloniam manus inimica non traxerat, liberati à vinculis; ac illi etiam, qui tunc in Damiatâ similiter tenebantur, fuerunt in nauibus collocati. Demum præfatus Rex cum eodem liberatus exercitu ad ciuitatem rediens Acconensem; moramque inibi fermè per quinquennium contrahens, tanquam feruidus salutis humanæ amator, multorum Agarenorum mentes, duras quantumlibet, non solum salubris eloquii suadelis, sed etiam exemplo vitæ laudabilis conuertit ad Dominum: ipsos faciens, ad laudem Diuini*

nominis, & exaltationem Catholicæ fidei, honorificè baptizari: eos donis prosequendo largifluis, & gratiosis fauoribus cōfouendo: multosq; milites, & alios Christianos redimi faciens, eis de munificentia regia tam vestes quàm cætera necessaria victui, prout singulorum suadebat conditio, ministrabat. Muros quoque seu mœnia ciuitatum & castrorum quamplurimorū, quæ in illis partibus à fidelibus tenebantur, fecit reparari solenniter; eaque firmiter muniri & integrè, prout necessitas exigebat. Verùm prædictus Rex processu temporis, intellecto quòd matrem eius mors amara subtraxerat, & eidem regno graue periculum immineret, de procerum suorum consilio, ad regnum Franciæ remeauit: nunc sanctitatis insilens operibus, nunc monasteria & hospitia pauperum, nunc domos aliis diuinis obsequiis dedicandas, quæ longum esset enarrare per singula, construi faciendo, eis de bonis propriis amplis dotibus deputatis: nunc etiam infirmos & debiles in diuersis Monasteriis & Xenodochiis decumbentes personaliter visitans, ipsos verbis consolatoriis confouebat, eis manibus propriis flexo genu potus & cibaria ministrando. Cumque in *monasterio Regalis Montis, Beluacensis diocesis*, quod idem Rex opere plurimum sumptuoso construxit, ac dotibus decorauit eximiis, monachus quidam Leodegarius nomine moraretur: quem adeo lepræ morbus inuaserat, quòd abominabilis & despectus quamplurimum, manebat segregatus ab aliis, in quadam camera positus monasterii memorati: cuiusque oculi ob grauis infirmitatis pondus seu malitiam iam consumpti, nihil omnino videbant, eorum foraminibus siue locis, rubeis & horridis iam effectis; quique nasum perdiderat; eius tumefactis non modicum labiis, & profundà fissurâ destructis: ac idem Rex eum præsentē duntaxat Abbate monasterii supradicti personaliter visiteret, ipsumque sumentem cibum, vt poterat, inuenisset: præfatus Rex præmisso benignæ salutationis alloquio, flexit genua coram ipso, & scindens manibus propriis carnes eidem appositas, bolos in os eius studiosissimè immittebat: & huiusmodi non contentus obsequio, allatis eius iussione dapibus regalibus, de ipsis eidem monacho ministrabat, loci aut ægri qualitatem horribilem non cuitans: eodem Abbate vehementi stupore concussio, quòd tanti sublimitas principis talibus quantumcunque salubribus inuolui studiis, ac seruitiis poterat occupari. Præterea cum dictus Rex hospitale *Compendiense* ingressus, ad impendendum humanitatis obsequium infirmis in illo degentibus; & iam fessus non modicum ex labore, infirmum quendam iuxta se positum conspexisset *morbum qui sancti Eligii dicitur* patientem; & flexis genibus coram ipso, morsellum piri remoto cortice poneret in os eius, sanies de illius naribus defluens fœdauit turpiter manus regis: qui piè benigneque id tolerans, nec in aliquo exinde immutatus, lotis illico suis manibus, salubre quod inchoauerat obsequium diligenter est prosecutus. Hic circa seruos CHRISTI ac pauperes atque miserales & deiectas personas valde compatiens, se ipsis in eleemosynarum largitione munificum exhibebat. *Virginibus* insuper, quibus inopia effectum maritalis copulæ denegabat, ne illas in carnis lubricum labi contingeret, de dotibus congruis prouidebat illis de bonis regalibus: laudabiliter & salubriter expensum reputans, quod in eleemosynas & alios pios vsus conuerti pro tempore noscebatur. Hic prædicationibus, & aliis propositionibus *Verbi DEI* attentum accommodabat auditum: non auditor obliuiosus factus, sed factor operis studiosus. Abhorrebat *heretica* prauitatis maculâ infectos: ne fidei Christianæ cultores labe huiusmodi contagionis inficerent, de regni prædicti finibus efficacibus studiis expectando; ac aliàs, circa statum eius prouidendo sollicitè: vt ab ipso fermentis talibus prorsus exclusis, in eo fidei prædictæ synceritas rutilaret. Cum verò aliquibus partibus dicti Regni, ob sterilitatem seu malitiam temporis, victualium caristia imminebat: statim de ipsa rumoribus intellectis, certam illuc summam pecuniæ, prout ipsarum exigebat qualitas partium, per fidelem mittebat nuncium, inter pauperes diuidendam. Hic profectò humilitate sublimis, sublimitate humilis: in *apparatu & vestibus*, quas frequenter pauperibus erogabat, post primum potissimè de ultra marinis partibus reditum, summæ humilitatis insignia demonstraui. Nec enim aureis vel argenteis ornamentis, non regalibus vestibus, non variis vel griseis, sed aliis humilibus pellibus vsus fuit: secularibus pompis à se penitus abdicatis. Et ne feruorem spiritus sociæ carnis ardor extingueret,

ringueret, sed mortificatione ac repressione illum potius accendi contingeret altiusque sustolli; carnem ipsam quasi assidui *asperitate cilicii*, prout asseritur, edomans, effrenæ ipsius libitum arctæ abstinentiæ freno cohercuit, eiusque nexibus alligauit: ut non voti proprii ducta libidine, non sui desiderii directâ remigio; sed salubri moderamine spiritus tutè ad licita pergeret, prouidè ab illicitis abstineret. Districtis etenim corpus atterebat *ieiuniis*: priscorum obseruantia à Sanctis Patribus ordinatæ nouorum austeritatem adiiciens, sibi motu propria voluntatis indictam. Nam per totum quadragesimale tempus & quadraginta dies festum Natalis Domini præcedentes, & omnium festiuitatum vigilias, nec non & quatuor  
10 tempora quæ catholica indicit Ecclesia, in ieiuniis & orationibus existerat: delictiosis & curiosis cibariis vsui proprio penitus interdictis. In festiuitatum verò Virginis gloriosæ & Natalis Domini memorati vigiliis, & sextâ feriâ maioris hebdomadæ, ieiunium obseruabat: panis & aquæ duntaxat modicâ sustentatione contentus. Qualibet etiam die Veneris quadragesimæ supradictæ ac totius Aduentus, ab esu piscium abstinebat. Multis præterea *vigiliis* se occupans, ne aliqua sibi hora temporis inutiliter pertransiret, post eius reditum supradictum non in pluma vel paleis iacuit; sed super ligneum lectum portatilem, matratio simplici superiecto, stramine nullo supposito decumbebat. Hic insuper vitæ puritate prælucidus, syncerus *veritatis* amicus extitit, hostisque durissimus falsitatis. Cuncta quoque ipsius  
20 eloquia, salutis augmentum operaque salubria hortabantur; demulcebant auditorum præcordia, & in eorum ædificationem multipliciter redundabant. Cumque ad incrementa Catholicæ fidei, & liberationem celerem Terræ Sanctæ votis ardentibus anhelaret: in ipsius terræ subsidium assumpsit denuo Signum Crucis. Et deinde potenti ac valido congregato nauigio, copiosâ & strenuâ comitiuâ suffultus, cum ipso Pictaui Comite, suisque liberis, & claræ memoriæ regina Nauarræ ipsius regis filia: quæ in reditu debitum naturæ persoluit: ad partes rursum se trāstulit transmarinas, Carolo qui tunc moram in partibus Italiæ contrāhebat, regis memorati vestigia subsequente. Ac tandem ad partes *Tunicii*, felici gressu perueniens, inibi de magnatum suorum consilio castra fixit: & aduersus Saracenorum incursum  
30 exercens potentiæ suæ vires, grauissimas ob labores innumeros, quibus premebatur assidue, infirmitates incurrit. Qui diebus lapsis aliquibus, infirmitatū ipsarum violentiâ superatus, Sacramenta ecclesiastica cum summa deuotione recepit: ac instante sibi verisimiliter horâ mortis, oratione pro exercitu Christiano præmissâ, suam Domino deuotis precibus animam recommendans, ac literaliter exprimens verba sequentia: videlicet, *Pater, in manus tuas commendo spiritum meum*: feliciter migravit ad C H R I S T V M, supernis deliciis fruiturus. Verum cum vitæ huius functus curriculis veriùs viueret quàm vixisset: noluit Altissimi Filius, quem idem totâ mentis affectione dilexerat, tam deuoti Principis, tanti que propugnatoris fidei orthodoxæ, mundo supprimi sanctitatem: ut quemadmodum meritorum pluralitate præfulserat, sic miraculorum diuersitate claresceret; & qui eum plenissimâ deuotione colierat, iam secum in cœlesti palatio collocatus venerabiliter coleretur. Nam contractis, artuum extentione subuenit: curuis, terram fermè tangentibus facie, plenam restituit, eorum sursum erectis vultibus, sanitatem: strumosis, beneficium liberationis impendit. Mulierem quandam, cuius brachium aridum & omnino impotens existerat, ab infirmitate huiusmodi liberauit. Quidam quoque, cuius velut emortuum pendebat brachium, per eiusdem Sancti virtutem, gratiam curationis obtinuit: compluribus paralitico morbo percussis, & aliis qui diuersis languoribus tenebantur, plenâ redditâ sospitate: cæcisque visu, surdis auditu, claudis gressu, illius inuocato nomine restitutis. His & compluribus aliis, Sanctus ipse coruscavit miraculis gloriosus: quorum seriem præsentibus non duximus inferendam. Gaudeat itaque domus inclita Franciæ, quæ talem ac tantum Principem genuit, per cuius merita sublimiter illustratur. Lætetur deuotissimus Franciæ populus, quod tam electum tam virtuosum dominum meruit obtinere. Exultent prælatorum & cleri præcordia, quod præfatum regnum tam clari miraculorum ipsius Regis insigniis propensius decoratur. Iocundentur & procerum, magnatum, nobilium & militum pectora, quod per sanctissima opera dicti Regis, eiusdem regni status honoris multiplicis prærogatiuâ sustollitur, & quasi solis radiis elucescit. Cæ-

terum, quia quos superni Regis clementiâ corona gloriæ in cœlo magnificat, deuotè à fidelibus in hac terrestri patria conuenit venerari: nos de sanctitate vitæ ac miraculorum veritate ipsius beatissimi LVDOVICI, curiosè ac solennis inquisitionis diligentia, & districti examinis discussione præmissâ, plenariam certitudinem obtinentes: ipsum de communi fratrum nostrorum & prælatorum omnium, tunc apud Sedem Apostolicam existentium, consilio & assensu, die Dominicâ, tertio Idus Augusti, Sanctorum Catalogo duximus ascribendum. Ideoque vniuersitatem vestram monemus & hortamur attentè, vobis per Apostolica scripta mandantes: quatenus in crastino beati Bartholomæi Apostoli: cum fœlix ipsius anima tunc de carnis eruta vinculis, astra petens, cœlestem aulam adiuerit, æternis gaudiis potitura: festum ipsius Sancti deuotè ac solenniter celebretis, & faciatis per vestras ciuitates & dioceses, à CHRISTI fidelibus, veneratione congruâ celebrari: vt eius interuenientibus precibus, & hîc ab imminentibus possitis liberari periculis; & in futuro salutis perpetuæ præmium obrinere. Vt autem ad venenerabile sepulchrum ipsius feruentius & copiosius fidelium confluat multitudo, ac celebrius eiusdem solemnitas peragatur: omnibus verè poenitentibus & confessis, qui reuerenter illuc in eodem festo annuatim accesserint, eius suffragia petituri, de Omnipotentis DEI misericordia, & beatorum Petri & Pauli apostolorum eius auctoritate confisi, vnum annum & quadraginta dies: accedentibus verò annis singulis ad prædictum sepulchrum infra eiusdem festi octauas, quadraginta dies de iniunctis eis poenitentiis, misericorditer relaxamus. Datum apud *Vrbem Veterem*, tertio idus Augusti: pontificatus nostri anno tertio.

Habet



**H**Abes hîc , etiam summâ mihi dicente  
 paginâ, Rex LVDOVICE, quem sequaris;

— *quo iustior alter,*

*Nec pietate fuit, nec bello maior & armis.*

Verè, verè dico : neque tuo hîc aut generi,  
 aut nomini quidquam tribuo. Sed præ-  
 cõnem istum magno Regi, Magnus Alexan-  
 der, nullus inuideat. Tanta vis Veritatis, Vir-  
 tutisque fuit, vt & has extorqueret laudes, ho-  
 mini dissimillimo. Tu igitur, calcatam co-  
 gnomini tuo Beato Regi, viam virtutis ingre-  
 dere, Feliciter. **ITA DE VSTE, P V B L I C V M**

**REGNI SOLATIVM, NOBIS DIV COMMO-**  
**DET: DET ACTA PARENTIS VINCERE; DET**  
**ANNOS, QVOS TIBI VOTIS ADSCRIBIMVS,**  
**SVPERARE; DET REGNO IAM DIV Æ GRO**  
**ET AFFECTO MEDERI: VT, GENTIS TVÆ**  
**MAGNV M LONGVMQVE BONVM, QVID-**  
**QVID PRIORIS SECVLI LICENTIA COR-**  
**RVPIT, RESTITVAS; QVIDQVID FVROR**  
**CONCVSSIT, REPONAS: VT VITIIS DE-**  
**MERSVM IN TENEBRAS ORBEM,**


**ILLVSTRES PIETATE AT-**  
**QVE INNOCENTIA.**

**Amen. Amen.**


**Amen.**
















Culu Cameli  
 Mos caelo  
 Laiastrum  
 Portus Pelou  
 Malmistra  
 Malo  
 Adona  
 tharfū  
 Lammecū  
 Port' lōbilit  
 Curaim  
 Saleffū Ianirū  
 Lora bagge  
 Port' pūbi  
 Stadiū pūiaali  
 Port' c'qualeri  
 palopoli  
 Phābia  
 Spūrie  
 Ctionarim  
 Instila olium  
 Segum  
 Dregantū  
 Stāllimū  
 Calandū  
 Antiocep  
 Cast' lobad  
 Quadeli  
 S. Nicol  
 S. Ggoria  
 Sataba netū  
 Satalia  
 Agosū nā  
 Port' dōmū  
 Capū d'fū  
 Jūmū  
 Caco  
 Cast' rū  
 Insula  
 M

ay?  
 Cast' in mōn  
 Babilonia  
 Cast' de gise

Hui ponē fecit bendogdar ad irāfūmū  
 qñ fāmē trādat ad fūmūdā d'az


Honori Egyptus. c. ullay ē nichita i  
 teba pūella d'ebē ciuitate d'ā quā catin  
 agendris fili? Edificauit hui aliacet  
 maxima solitudo in qua olim gūfabat  
 monachop mltitudo.

Largo  
 Culu de crepti

fecit phaias  
 d'itū.  
 Camelia  
 d'itū









Y











Österreichische Nationalbibliothek



+Z172134108







